





196/C

H. vii. Hei

W.
Mansie
740

THE UNIVERSITY OF CHICAGO

CHICAGO UNIVERSITY

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

D. LAVRENTII HEISTERI

*Sereniss. Brunsvicens. & Luneburg. Ducis Consilarii Aulici & Archiatri, Medicinæ,
Chirurgiæ ac Botanices in Academia Julia Carolina, quæ Helmstadii est,
Profess. Publici, Academiae Scientiar. Cæsareæ Regiæque Londi-
nensis atque Berolinensis Collegæ,*

INSTITVTIONES CHIRVRGICAE,

I N Q V I B V S

QVIDQVID AD REM CHIRVRGICAM PERTINET,
OPTIMA ET NOVISSIMA RATIONE
PERTRACTATVR,

*atque in tabulis multis aeneis præstantissima ac maxime necessaria
instrumenta itemque artificia, sive encheirises præcipuæ
& vincturæ chirurgicæ repræsentantur.*

OPVS QVADRAGINTA FERE ANNORVM,

nunc demum, post aliquot editiones germanica lingua evulgatas, in exterorum
gratiam latine iterum multo auctius atque emendatius publicatum.

P A R S S E C V N D A.



A M S T E L A E D A M I,

Apud JANSONIO-WAESBERGIOS.

M D C C L.

Cum Privilegio Ordinum Hollandiæ & Westfrisiæ.

D. LAVERENTH HEISTER

INSTITUTIONES

CHIRURGICAE



AMSTELÆDAMI

1734

AMSTELÆDAMI

1734



AMSTELÆDAMI

AMSTELÆDAMI

1734

AMSTELÆDAMI

C O P Y E

V A N D E

P R I V I L E G I E.

DE STATEN VAN HOLLAND EN WESTVRIESLAND. Doen te weten, Alzo ons te kennen is gegeven by *Hendrik van Waasberge*, Burger en Boekverkooper te Amsterdam, dat hy Supplt. op den 17 September des Jaars 1728, zynde begunstigt geweest met Ons Octroy, op 't Boek van *Laurens Heister*, over de *Chirurgie*, zo in 't Latyn als Nederduits, welke Boeken egter door het lang ophouden van den Autheur en vertaalder, het Latynse eerst in den Jaare 1739 en 't Nederduyts in den Jaare 1741, waren in 't ligt gekomen of uytgegeeven, waar door den Supplt. circa van twee derden van de tyd van het door Ons begunstigde Octroy was gefrusteert geweest, het welk nu op den 17 September naastkomende staande te expireeren, en den Supplt. bedugt zynde, dat zig eenige baatzugtige Menschen van dien verloope tyd van 't voorgaande Octroy mogten bedienen en by manquement van vernieuwing van 't zelve Octroy de reeds elders nagedrukte hier te Lande in te brengen en te verkoopen: Soo keerde zig den Supplt. tot Ons, verzoekende vernieuwing van 't zelve Octroy, voor den tyd van vyftien volgende Jaaren, op de bovengemelde Werken van *Laurens Heister* over de *Chirurgie* in 't Latyn en Nederduyts, als mede op het *Compendium Medicinae practicae* van den zelve Autheur, en het geen den Supplt. in 't vervolg van die Autheur mogt te drukken bekomen, zo voor hem Supplt. zyne Erven of regtverkrygende, om dezelve Boeken hier vooren gemelt alleen en met seclufie van alle andre te mogen drukken doen drukken of te verkoopen, met verbod aan alle en een yder omme de voorsz: Boeken in 't geheel of ten deele elders nagedrukt zynde of in wat formaat het ook mogte zyn hier te Lande in te brengen ofte te verkoopen, op poene van drie duysent guldens door Ons tegens de contraventeurs te statueeren. SOO IS 'T, Dat wy de zaake ende het voorsz: verzoek overgemerkt hebbende, ende genegen wezende, ter bede van den Supplt. uyt Onze regte Wetenschap Souveraine Magt ende Authoriteit den zelve Supplt. geconsenteert, geaccordeert, en geoctroyeert hebben, Consenteeren, Accordeeren, en Octroyeeren hem by deze, dat hy gedurende den tyd van vyftien eerst agter een volgende Jaaren, de voorsz: Boeken van *Laurens Heister* over de *Chirurgie*, zo in 't Latyn als Nederduyts, als mede het *Compendium Medicinae practicae* in diervoegen als zulks by den Supplt. is verzogt en hier vooren uytgedrukt staat, binnen den voorsz: Onzen Lande alleen zal mogen drukken, doen drukken, uytgeeven ende verkoopen, verbiedende daaromme allen ende een ygelyken dezelve Boeken in 't geheel ofte ten deelen te drukken, naar te drukken, te doen naardrukken, te verhandelen of te verkoopen, ofte elders naargedrukt binnen den zelve Onzen Lande te brengen, uyt te geeven, ofte te verhandelen en verkoopen, op verbeurte van alle de naargedrukte, ingebragte, verhandelde ofte verkogte exemplaaren, ende een boete van drie duysent guldens, daar en boven te verbeuren, te appliceeren een derde part voor den Officier die de Calange doen zal, een derde part voor den Armen der plaatze daar het Casus voorvallen zal, en het resteerende derde part voor den Supplt. ende dit telkens zo meenigmaal als dezelve zullen werden agterhaalt; Alles in dien verstande dat wy den Supplt. met dezen Onzen Octroye alleen willende gratificeeren tot verhoedinge van zyne schaade door het nadrukken vande voorsz: Boeken daar door in geenigen deele verstaan den innehouden van dien te autoriseeren, ofte te advouceren, ende veel min dezelve onder Onze protectie ende bescherminge eenig meerder credit, aansien, ofte reputatie te

geeven, ne maar den Supplt. in cas daar inne iets onbehoorlyks zoude influeeren, alle het zelve tot zynen laste zal gehouden wezen te verantwoorden tot dien eynde wel expresselyk begeerende dat by aldien hy dezen Onzen Octroye voor dezelve Boeken zal willen stellen, daar van geene geabrevieerde ofte gecontraheerde mentie zal mogen maaken, ne maar gehouden wezen het zelve Octroy in 't geheel zonder eenige omiffie daar voor te drukken, ofte te doen drukken, ende dat hy gehouden zal zyn, een exemplaar van de voorsz: Boeken op groot papier gebonden, en wel geconditioneert te brengen in de Bibliotheecq van Onze Universiteit te Leiden, binnen den tyd van ses weeken na dat hy Supplt. dezelve Boeken zal hebben beginnen uyt te geeven, op een boete van ses hondert guldens na expiratie der voorsz: ses weeken by den Supplt. te verbeuren ten behoeve van de Nederduitse Armen van de Plaats alwaar den Supplt. woond, en voorts op poene van met erdaad versteeken te zyn, van het Effect van dezen Octroye. Dat ook den Supplt. schoon by het ingaan van dit Octroy een Exemplaar geleevert hebbende aan de voorsz: Onze Bibliotheecq, by zo verre hy geduurende den tyd van dit Octroy dezelve Boeken zoude willen herdrukken, met eenige observatien, noten, vermeerderingen, veranderingen, correctien, of anders hoe genaamt, of ook in een ander formaat, gehouden zal zyn wederom een ander exemplaar van dezelve Boeken geconditioneert als vooren, te brengen in de voorsz: Bibliotheecq binnen den zelve tyd, en op de boeten en poenaliteit als voorsz: Ende ten eynde den Supplt. dezen Onzen Consente ende Octroye moge genieten als naar behooren, Lasten wy allen ende eenen ygelyken dien het aangaan mag, dat zy den Supplt. van den inhouden van desen, doen laten ende gedogen, rustelyk, vreedelyk, ende volkomentlyk genieten ende gebruyken, cesseerende alle belet ter contrarie. Gegeeven in den Hage onder Onze grooten Zegele hier aan doen hangen op den negentienden September in 't Jaar Onses Heeren en Zaligmaker duyfent seven hondert drie en veertig.

J. H. V. WASSENAER.

Ter Ordonnantie van de Staten,

WILLEM BUYS.

Aan den Supplt. zyn nevens dit Octroy ter hand gestelt by extract authenticq haar Ed. Groot Mog. Resolutien van den 28. Juny 1715. en 30. April 1728. ten eynde, om zig daar na te reguleeren.

LAVRENTII HEISTERI INSTITVTIONVM CHIRVRGICARVM.

PARTIS SECVNDAE SECT. II.

De aurium vitiis, quae manu & scalpello curantur.

C A P V T LXV.

Quomodo praecclusus auris meatus aperiri debeat.



Venire nonnunquam solet, ut ab ipso statim die natali per tunicam aliquam praeter naturam auris meatus praeccludatur. Quae ipsa quidem tunica modo *crassior* est, modo *tenuior*: nunc statim ab ipsa nativitate, nunc serius, ex loquelaenimirum defectu, quando scilicet adolescunt, animadvertitur. Solent enim *surditas* atque *loquelaedefectus*, quasi prorsus indissolubili nexu sibi invicem conjungi. Simulatque igitur *infantem* diutius, quam naturaliter decebat, *loquendi facultate destitutum* advertimus, id nobis datum existimemus esse, ut *solertissime* & *linguam* & *aves* pervestigemus. Namque haud raro vitium aliquod intus in aure delitescit, quo naturalis audiendi potentia tollitur: quod vel *facilius* vel *difficilius* curatur, prout *magis minusve* alte inhaeret. Quoties enim in *summo* tantum per tunicam quandam *glutinata* auris est, promptius; quoties vero alte ipsa repleta est, difficilior curari vitium illud poterit. Atque id ipsum magis etiam ideo, quia dum tunicam praeter naturam incidere aut remove volumus, tympani membrana proxima saepius simul conciditur. Si *qua forte* membrana *perniciosa* *summo* modo auris foramen praeccludit, *decussatim* illam incidere atque per *immissam* *turundam* sive *linamentum*, quoad necesse videtur, *apertam* *servare* convenit. Quo quidem facto, spes est, hominem *surdum* & cetera sanum audiendi, & quod *consequens* hinc est, *loquendi* *potentiam* accipere. Si *altius* atque *juxta* ipsam tympani membranam tunica illa noxia inhaeret, *anceps* utique, ut modo jam diximus, *curatio* esse consuevit. Interim, quia sine operatione parum atque adeo nihil exspectari salutis potest, *satius* omnino videtur, frustra nonnunquam *curationem* tentare, quam *sine ope* & in desperatione certissima miseros homines relinquere. Oportet vero tunicam illam noxiam vel *secundum* *longitudinem*, vel, pro re nata, *transversim* etiam concidere;

dummodo ita manus curantis temperetur, ne ipsam simul tympani membranam, quippe minus alte in infantum auribus positam, graviter attingat aut scalpello perrumpat.

C A P V T L X V I.

Quomodo extrahi ea debeant, quae in aure praeter naturam continentur, aut in eam forte inciderunt.

I.

Solet interdum in aure vel cerumen nimis indurescere, vel aliquid in ipsam incidere, ut *pisum, faba, calculus, nucleus cerasi, animalculum*, & si quid aliud est hujusmodi. Quod ipsum, ut quam diligentissime protinus extrahatur, duplex potissimum ratio postulat. Prima est, ne cruciatibus homo afficiatur, qui haud raro satis vehementes ab istiusmodi rebus moventur; altera, ne audiendi potentia privetur. Quidnam autem ex jam jam adductis rebus illapsum in aurem sit, non ex ipsius tantum hominis relatione, sed & vel maxime ex auris inspectione, vel per demissa instrumenta aut specilla exploratione cognoscitur. Quoties forte cerumen magis, quam naturaliter debebat, induruit atque exsiccatum est, audiendique usum impedit, longe optimum esse consuevit, olivarum aut amygdalarum olei, sive lactis quoque calidi pauxillum in aurem instillare, hominique ut in partem adversam caput inclinet, praecipere. Post aliquot minuta elapsa, specillum quoddam auricularium demitti paulatimque ejici, quicquid materiae noxiae intus est, oportebit. Interdum cerumen illud durius est, quam ut uno statim actu totum emolliari atque protrahi possit. Adeoque tunc idem prorsus negotium iterare aliquoties convenit, donec nihil amplius superfit, quod aurem obstruere queat. Si calculus aut cerasi nucleus intus est, lubricari ante omnia lacte seu oleo tepido instillato meatus auris debet, mox autem vel specillo quodam, vel & volsella, (vid. Tab. I. Litt. E.) quicquid alieni intus haerescit, quam providissime extrahi. Quodsi vero pisum, faba, vel aliud quidquam hujusmodi in aurem incidisse atque nimis jam tum ab humoribus intumuisse advertitur, ita ut nec apprehendi nec educi queat, promptissimum auxilium in eo positum est, ut, nisi volsella vel specillo ejici queat, demisso scalpello exiguo tumefactum corpus illud caute dividamus, ipsasque particulas aliam post aliam protrahamus. Nonnunquam minutissima etiam animalcula sive insecta in aures incidunt, molestissimamque titillationem ac pruriginem, denique vero acutissimos dolores, motu suo concitant, dum e cerumine, in quo inhaerescunt, sese expedire nituntur. Quae sicubi oculis obvia sunt, per specillum aut volsellam protinus educantur. Sin neutiquam ipsa comparent, commodissimum atque tutissimum videtur, amygdalarum aut olivarum oleum, seu spiritum vini etiam tepidum in aurem instillare, inclinatoque in adversam partem capite, aliquamdiu illud intus relinquere; dum scilicet exspirasse animalculum istud sentiatur: ab his enim rebus animalcula sive insecta quaecunque protinus enecantur. Tunc enim rursus emitti liquor, & auris meatus per adhibita linamenta carpta vel gossypium atque specillum gnaviter expurgari poterit.

Sunt

Sunt in Medicis nonnulli, qui res amaras, decoctum nempe *absinthii* aut *colocynthis* in aurem instillari jubent; quia haec quoque infecta ejusmodi necare solent. Sed, *mea quidem sententia*, *oleorum vel spiritus vini longe aptior hic*, quam ceterorum liquorum omnium, usus videtur. Quemadmodum enim animalculorum genera quaedam amaris non necantur, sed potius ipsis etiam rebus amaris delectantur; sic nullum prorsus infectum deprehenditur, quin ab oleo atque vini spiritu intereat.

C A P V T LXVII.

De tuberculis in meatu auditorio.

HAud prorsus insolens est, in ipso aurium meatu, *tubercula sive carnes ex-crescentes* quaedam nasci, quae non insignes tantummodo molestias afferunt, sed ipsum quoque sensum auditus mirifice impediunt. Si recens adhuc malum est, *absumi saepius facile*, quicquid abundat, per *medicamenta rodentia* poterit: dummodo interior meatus auditorius *linamentis carptis vel gossypio probe fuerit repletus ac praecclusus*, ne quid forte rodentis in *membranam tympani* incidat, eamque graviter afficiat. Quam equidem ob rem satius utique haud raro videtur, *scalpellum in manus sumere aut forficem*, cujus adminiculo tumor iste *rescindatur*: praesertim si non usque adeo alte is infederit. Ubi vero aliquanto magis abditus atque ab externo foramine remotus idem fuerit, *uncinulis utique ac vossellis opus est*, ad ipsum *blande protrahendum*, & quoad fieri potest, *exscindendum*. Quo facto, lapide infernali semel atque iterum inungere abscissi tumoris *illius radices convenit*, paulatimque sic extirpare, ut denuo renasci malum haud facile queat. Si *nihil medicamenta rodentia proficiunt*, neque *nimis absconditus tumor est*, *ferramentum aliquod candens idoneum* quandoque admo- veri haud sine fructu poterit. Denique *vincituram quoque in ejusmodi tumori- bus sanandis quam aptissime adhiberi nonnunquam posse*, luculenter ex exem- plis istis apparet; quae apud HILDANUM (*cent. 3. obs. 1.*) & PURMANNUM (*Chirurg. pag. 280.*) descripta figurisque illustrata una cum instrumentis repe- riuntur.

C A P V T LXVIII.

Quomodo aduri adversus dentium dolorem auris debeat.

Observatum jam pridem a NUCKIO, SOLINGIO, DEKKERO, VALSALVA pluribusque aliis & ingenio & arte praestantissimis Medi- cis est, *dentium dolores pertinaciores atque medicamentorum vim omnem superantes curari felicius atque expeditius haud posse*, quam *ferro candenti post auriculam ad partem istam*, quae antitragus vocari solet, *diligenter applicato*. Tametsi autem proprium aliquod *ferramenti vel cauterii genus, tubulo comprehensum*, jam jam laudatos auctores curationi huic destinasse invenimus (*vid. Tab. XIX. fig. 1.*); tamen nihil admodum obstare ego video, quo minus quodcunque aliud

ferramentum sive cauterium parvum aut etiam clavus candens aequè utiliter applicari ad suppressendos dentium dolores queat. SCULTETUS certe, prouti celeberrimus SPIGELIUS memorat (a), scalpello candenti in partem modo dictam demisso feliciter admodum noxam illam sanavit. VALSALVA autem idem omnino sese praestitisse scribit, quoties scalpello vulgari nihilque candenti partem auriculae proximam conciderit (b). Sed quae tandem repentinae sanationis hujus causa? Scilicet nervum aliquem ab auris regione ad dentes procedentem in superius designata parte positum esse, Medicorum multi existimant (c): quo conciso vel adusto protinus ipsa doloris causa tollatur. Ego vero, ne quid forsan hic dissimulem, celerrimum effectum istum, si quando contingit, non tam a nervi laesione, quam potius a terrore, propter repentinum dolorem excitato provenire arbitror. Neque enim insolens prorsus est, quantumvis etiam acerbos dentium dolores continuo evanescere, simulatque Chirurgorum instrumenta dentibus evellendis destinata aeger conspexit. Denique adhuc monebo, me, quicquid alii affirmant, aliquoties usu didicisse, descriptam sanandi rationem frustra adhibitam fuisse, & aegros unctionis dolorem sine successu sustinuisse: adeoque in omnibus quaesitum effectum non praestare (d).

C A P V T LXIX.

De instrumentis acusticis, sive ad juvandam audiendi facultatem accommodatis.

Quemadmodum videndi potentia perspicillis seu vitris ocularibus, sic audiendi facultas propriis instrumentis quibusdam, *acusticis dictis*, juvari quodammodo solet. Quorum tametsi variae admodum figurae sunt, eademque buccinis plerumque haud absimiles; fere tamen optima sive commodissima ea deprehendi, quae tubo cuidam parum inflexo similia sunt, in principio angusto, in extremo tubae instar expanso (vid. Tab. XIX. fig. 2.). Deinde etiam valde commendata fuerunt ea, quae Tab. eadem fig. 3. & 4. e NUCKIO atque DEKKERO proposuimus. Priora duo fig. 2 & 3. sic adhibentur, ut pars tenuior *A* in foramen auris immittatur; ansa vero sive pars litt. *B* manu contineatur. Tertium (fig. 4.) idemque parvum & ad cochleae similitudinem contortum, atque prae ceteris commodissimum, a DEKKERO (e) laudatum, quia propter parvitatem subter capillis aut capillamentis sic recondi posset, ut, dum pars tenuior *A* in aurem inferatur, funiculi autem *BB* ad firmandum instrumentum illud, circum aures ducantur, illud conspici facile nequiret. Sed vero si curatius singula circumspicimus, usu deprehendi, duo posteriora ex commendatis instrumentis illis sic comparata esse, ut scopo illi ex sententia non ita satisfaciant; sed prius illudque simplicissimum majoris

(a) Vid. Ej. Obs. Chirurg. 34.

(b) Vid. Ej. Lib. de Aure Humana.

(c) Vid. Tab. ejus II.

(d) SCHELHAMMERUS Dissert. habuit de Odontalgia tactu sananda, ubi pressionem fortio-rem hujus loci ope digitorum dolores dentium saepe fugari posse docet.

(e) In Exercitat. suis practicis. p. 99.

majoris utilitatis deprehendi. Fama equidem ante aliquot abhinc annos ex novis publicis fuit, TRUCHETUM aliquem, Monachum & Mathematicum Gal- lum, atque Academiae Regiae Parisinae Socium, pro eo, quo erat ingenio egre- gio, Parisiis instrumentum aliquod acusticum confecisse, non ita solum minutum, ut intus in ipsa aure sub capillis omnino condi valeat; sed & vel maxime ita nobile, ut debilitatam audiendi potentiam incredibiliter promoveret. Qua- lenam vero instrumentum illud sit, & an usque adeo excellens ejusdem usus sit, nondum certo resciscere mihi licuit, quantumvis diligenter etiam cum ab amicis Medicis Germanis, qui Parisiis aliquamdiu vixerunt, tum a Parisiensibus Medicis & Chirurgis per litteras illud fuerim sciscitatus. Interea tamen operae pretium esset, ut majori industria Mechanici de ejusmodi instrumento solliciti essent: quia quamplurimis hominibus egregie servire ac prodesse posset. Ante annos aliquot aliquem tubulum argenteum inauratum spithamaeque longitudinem habentem, adversus audiendi difficultatem, aurium item dolores ac tinnitus REUS- NERUS, Medicus Silesius, commendavit in Ephem. Nat. Cur. Cent. V. Obs. VI, atque bis aut ter quotidie inseri jussit in aurem aegram tubulum istum, eoque suctionis beneficio alienum aërem istum, quem aures affligere & praedicta earum mala concitare credidit, extrahi posse voluit. Num autem ex aere alieno ista aurium vitia oriantur, magnum est dubium: ac deinde an non ex aliis etiam materiis, quam ex argento, auro obducto, confici tubulus iste possit, qualem item formam atque amplitudinem is habere, dum eum non delineavit, & quare auro obductus esse debeat, adhuc nondum satis comperire potui. Interea do- nec meliora ac commodiora, pro audiendi facultate laesa emendanda, instrumen- ta innotescant, tubum istum, qui cornu figuram fere obtinet, & fig. 2. reprae- sentatur, ex aere vel argento confectum, utilissimum hoc in vitio deprehendi, & multis cum successu suasi.

C A P V T LXX.

Quomodo foraminula fieri in aurium lobis debeant.

AUricularum lobos perforandi ratio haec est. Ante omnia locum, ubi fora- men in iis faciendum est, qui medius esse convenit, atramento notare convenit. Deinceps per adhibitam acum vulgarem chalybeam, attamen paulo crassio- rem, prehenso altera manu lobuli extremo, altera manu in ipsa parte illa designata medium lobum perforare oportet, atque sic in eo foramen aliquod facere. Tum filum aliquod sive in aurem quandam plumbeam injicere, vid. Tab. XIX. fig. 7.) eam in formam annuli inflectere, eandemque sequentibus die- bus ovorum aut hyperici oleo bis vel ter quotidie inunctam aliquoties leniter huc atque illuc trahere, donec tandem foraminis oram indurata atque glutina- tam inveniamus. Longe vero optimum hic est, paulo altiori, quam medio aut inferiori loco foramen illud facere: ne qua forte per in aures vel fila plumbea lobuli pars extrema facile dilaceretur. Ceterum ut promptius atque accuratius institui operatio illa possit, proprium instrumentum aliquod auriculare Medici re- centiores hanc in rem excogitarunt (vid. Tab. XIX. fig. 5). Hujus binis lamellis auricula

auricula sic comprehenditur, ut foramen B partem auris designatam exhibeat. Tum annulus A fursum versus, quantum ad lobulum auris firmiter comprehendendum satis est, adducitur, ipseque *auris lobus per transmissam acum aliquam ferream, auream vel argenteam*, eandemque vel vulgarem, vel quod praestat, in altero extremo cavam (vid. fig. 6. AB) ita perfoditur, ut filum plumbeum (fig. 7.) quod cavae acus parti A immisum est, ad inauris instar, intus relinquitur; & subinde hinc inde, ut antea dixi, commoveatur, donec foraminis ora fuerit glutinata. *Loco acus hujus fere adhuc commodius uti possumus acu fig. 8. quae ad extremum obtusum instar lardarii divisum est*, quod filum plumbeum aptius, (quod postquam dimidia transiit, immittendum) retinet & per foramen transmittit. Quanquam autem *ad ornatum potius mulierum, quam usum medicum adhiberi auricularum perforatio* a plerisque solet; tamen, si RIVERIUM (Observ. Medic. 100.) aliosque nonnullos audire voluerimus, tam nobilis adversus morbos aliquos perforatio illa est, quam quae vel maxime. Quodsi enim, pergit RIVERIUS, *acus triangularis & candens per lobum auris trajicitur, ipsumque foramen illud*, perinde ut in setaceo fieri solet, per insertum funiculum vel filum lineum aut sericeum huc atque illuc tractum identidem renovatur, dici vix potest, quanta noxii humoris copia huc alliciatur atque effluat quamque feliciter & oculorum, & dentium, & ipsius denique pectoris gravissimae noxae una cum tabis periculo profligantur. Ut proinde mirum non sit, si frequentius ab hodiernis quibusdam Medicis, praesertim Oculariis, adhiberi auricularum perforatio ista sensim coeperit, quam ab aliquo tempore factum est (a). Ita & cum Paracelso ad surditatem incipientem hanc operationem utilem esse censet M. A. SEVERINUS Lib. de effic. Medic. pag. 73.

De narium noxis, quae manu & scalpello curantur.

C A P V T L X X I.

De polypo narium.

I.

*Polypus
quid sit.*

Solent interdum *carnosae quaedam carunculae* sive excrementariae praeter naturam, sicut aliis in partibus, ita & in naribus nasci. Polypum Medici noxae genus illud ut plurimum vocant; licet rarius pluribus pedibus sive radicibus quam una oriantur vel instructae sint. A quibusdam Sarcoma, ab aliis etiam Hyperfarcoma appellatur (a). Solent autem *carunculae istae modo grandiores ac crassiores* existere, modo minores ac tenuiores; modo molles, &, dum trahuntur,

(a) HENNINGERUS in Diss. de Morbis Oculor. Argentorati 1720 edita p. 7. suadet, ut post lobuli auris perforationem vulnere frustulum radicis thymeleae immittatur, quo humores noxii in ophthalmia, amaurosi, aliisque oculorum morbis ab oculis egregie revellerentur & educerentur.

(b) Vid. Glandorp. de Polypo Cap. III. qui peculiarem Librum de eo scripsit.

tur, valde prolongandae; modo, sed rarius tamen, durae & quasi rigidae; modo albae, modo subrubrae. Principio plerumque parvae sunt, successu temporis crescunt & augentur: sic tamen, ut quaedam cito, aliae tarde augmentum capiant. Vidi nonnullos, qui intra tres vel quatuor dies ita aucti erant, ut e naribus propenderent. Ut plurimum sine doloribus eadem sunt; nonnunquam autem dolores cum duritie adjunctos habent, lividi fiunt, atque fere ad cancrum vergunt. Aliae intra nares haerent, aliae ad labra ex naribus propendent; aliae nares implent ac valde expandunt, imo indecore dilatant; aliae non item. Nonnullae ut unica caruncula sese exhibent, & aequales sive laeves sunt; aliae ut multae carunculae simul junctae (a). Quaedam retro per id foramen, quo spiritus a naribus ad fauces descendit, adeo increscunt, ut post usum conspici possint. Atque tum insignem ipsae non loquendi solum ac deglutendi, sed spirandi quoque difficultatem inducunt, fereque hominem strangulant (b). Quandoque & per nares & per fauces simul se expandunt. Raro utramque, multo saepius alterutram tantum nares caruncula istiusmodi infestat. Ut plurimum non nisi unica, ut jam diximus, radix eaque tenuis est; interdum crassior, magnisque venis instructa; interdum vero plures subsunt: unde etiam polypi nomen apud veteres, ut videtur, adepta est. Haud raro ex inferiori aut media nasi parte, interdum vero ex posteriori vel suprema (c), imo ex ipsis calvariae sinibus (d) vel osse ethmoide procedunt (e). Nasci autem fere semper vitium istud in & ex membrana pituitaria solet, & speciatim ex obstructa una alterave ipsius glandula: quae sensim ex humoribus noxiis augetur, donec vel nares impleat, vel extra ipsas prorsus propendeat; proindeque nihil aliud videtur esse, nisi morbida quaedam glandularum & spongiosae membranae illius expansio atque prolongatio. Diversam ab his naturam istud caruncularum genus, ut mihi saltem videtur, habet, quod sarcoma nasi Medicis appellatur. Polypus enim mollis plerumque est, atque a petiolo quasi, sive radice modo tenuiori modo crassiori, in similitudinem fere ficus suspensus; sarcoma vero, amplo firmoque aut minus mobili fundamento nixum est, & modo mollius modo durius est.

I I.

Qua ratione dignosci jam jam proposita vitia debeant, luculentissime statim ex iis patescit indiciis, quae de ipsorum natura atque indole haecenus proposuimus. Nempe mitior polypus est, quicumque albus, subrubidus atque sine doloribus mollis existit. Contra vero gravior atque perniciosior, quicumque cum doloribus atque duritie livet aut nigricat; vel pus etiam, aut humores acres ac foetidos emittit: is etenim ad cancrum jam tum spectare adsolet. *Diagnosis & causa quatenam sint.* Causae polypi

(a) Glandorp. vult l. c. omnes polypos inaequales esse; sed hoc falsum est: vidi enim prorsus plerosque aequales.

(b) Vid. CELSUS Lib. VI. cap. 8. n. 2.

(c) Fabric. ab Aquapend. vult, Oper. Chir. cap. de Polypo, omnes polypos ad os spongiosum esse annexos; sed & hoc falsum esse usus me docuit.

(d) RUYSCHIUS polypum sinus maxillaris, sive antri HIGHMORI notavit Obs. Chir. 77.

(e) GARENGEOT in Oper. Chirurg. cap. de polypo scribit polypum ut plurimum in plures ramos se dividere (le polype en se grossissant, se divise pour l'ordinaire en plusieurs branches); sed hoc profecto experientiae adversatur: dum plerumque simplex est, ut saepe vidi.

Pars II.

H h h h

polypi abditae saepius sunt atque internae; nonnunquam in externa quadam violentia posita. Dicimus autem, polypi causam abditam subesse, quoties idem ex corrupto & glutinoso sanguine, in membranae pituitariae vasculis & glandulis inspissato provenit. Expandi enim justo laxius ipsa membranula ista mollis & spongiosa a congestione humorum noxiorum quam facillimo negotio potest. Ad violentiam externam lapsus atque ictus graviores, nimis frequentem digiti in nares immisionem atque membranae pituitariae irritationem, nimis item fortes pulveres sternutatorios referimus (a). Denique causae manifestae, sed internae tamen, sunt frequentiores catarrhi, vehementior coryza, narium ulcera, vel & nimiae sanguinis ex iisdem profusiones. Sarcoma ex iisdem fere causis nascitur. In utrisque tamen caries vel spina ventosa ossium nasi quandoque subest. Cujus equidem noxae tristissima exempla egomet aliquando me videre memini.

I I I.

Prognosis. *Levius utique periculum atque promptior curatio esse solet, si mitior sive benignus polypus est; si non nimis alte in nare ortus vel positus est; si tenuiorem radicem habet: & si paulo laxius idem propendet, vel saltem facile educi & prolongari potest; denique si firmiori habitu aeger homo instructus est. Contra vero quo magis alte positus, item quo crassior polypi radix est, & quo minus produci potest, hoc difficilius quoque is perfecte curatur vel tollitur: praesertim si affectibus scorbuticis aut venereis homo simul laboraverit. Tum inde quoque nasci periculum haud exiguum potest, quia difficulter admodum supprimi sanguinis profusio, ex abscisso vel evulso polypo, profundiores easque ampliores radices habente, suborta consuevit (b). Si ad carcinoma polypus vergit, hoc est, si durus ac lividus est, & dolores movet, ceu fieri saepe solet, tutissimum utique videtur, eum non evellere, noxam tantum per adhibita medicamenta lenientia quam providissime delinire: siquidem non sine periculo eadem, sicut alia carcinomata, irritatur. Similiter si aut altius polypi radix posita, aut e spina ventosa, quemadmodum ingentem ejusmodi polypum vidi, producta est, vix ita sanari malum poterit, quin subinde ac brevi renascatur (c), & tolli penitus nequeat, nisi forte spina ventosa prius curata fuerit. Porro si ad fauces usque polypus increvit, non loquela tantum & deglutitio insigniter impediuntur; sed penitus quoque, ut Celsus jam vidit, homo interdum suffocatur, atque non nisi difficulter & cum periculo evelli potest. Denique si utramque narem polypus implet, difficillime curari is consuevit, quia plerumque aliqua adhuc simul noxa gravior subest. Par ratio sarcomatis est, praecipue si simul spina ventosa narium ossa afflixerit.*

I V.

(a) A frequenti narium fricatione polypum KERKING Obs. XIV. memorat.

(b) FABRICIUS AB AQUAPEND. Oper. Chir. Cap. de Polypo hoc periculum quidem parvi facit, sed immerito, & caute hic agendum; praesertim cum GARENGEOT exemplum referat, ubi aeger post evulsum polypum ex sanguinis profusione mortuus est. Vid. ejus. Chirurg. Cap. de Polypo.

(c) Idem FABRICIUS perhibet, se nunquam polypi reliquias repullulare vidisse. Sed revere ego & alii hoc viderunt, Conferri potest DRANII Observ. VI.

I V.

Polypi curationem sperare haud quaquam licet, nisi penitus idem removeatur. *Curatio per* Removeri autem *is duplici ratione debet*, & quidem vel per *adhibita me-* *medica-* *menta.* *dicamenta rodentia sive adurentia*, vel per idonea instrumenta: atque ita quidem, ut vel totus simul, vel alia post aliam pars eximatur. Scilicet *medicamentis rodentibus* uti possumus, quoties mollis & parva, vel etiam brevis & ampla *caruncula carnosae existit*. Sed caute tamen hic procedendum, ne aliae eaeque sanae nasi partes iis erodantur. Atque inprimis quidem ut mitia medicamenta rodentia hic laudantur *pulvis sabinae, alumen ustum, praecipitatum rubrum, vitriolum album, radix hermodactyli*, atque hujus generis alia, vel per se, vel cum melle aut unguento digestivo subacta, atque ad polypum vel turundae beneficio, vel & absque eadem, si nimirum foras propendet, adhibita, quibus aliquando leviores tolluntur. *Heliotropii sive scorpiuri pulverem* quam mitissime fereque sine doloribus polypum tollere atque facillimè exedere, POTERIUS testatur, si modo pulvis in nares cum gossypio immittatur bis in die (a) quae vero species heliotropii sive scorpioidis hic adeo utilis sit, cum plures sint, non indicat: adeoque incerti hic haeremus. RULANDUS aquam mercurialem laudat, qua mane & vesperi illinendo polypum paucis diebus se sanasse asseverat (b). Neque vero minus huc pertinent *unguentum aegyptiacum & fuscum WURTZII, oleum tartari per deliquium, essentia sabinae*, vel & quammaxime *essentia e mercurio sublimato atque vini spiritu praeparata*; utpote qua WEDELIUS polypum quendam sese curasse scribit (c). Valent hic etiam insigniter *tum aqua calcis, NUCKIO* auctore (d); praesertim si post admixtum unum alterumve *mercurii sublimati granulum aqua phagedaenica ex ipsa conficitur: tum mercurius praecipitatus*, super quo spiritus vini portio quaedam deflagravit; tum *aqua etiam sale ammoniaco saturata*; tum & denique, siquidem MUSITANUM audimus, *acidus salis ammoniaci spiritus* (e). Quodsi autem forte haecenus *proposita medicamenta rodentia nihil efficiunt*, tum alia eademque magis vehementia applicari possunt. Spectant huc *lapis causticus, sive lapis infernalis*, ut & *mercurius sublimatus atque arcanum corallinum*, & si quae forte alia sunt hujusmodi. *Misceri autem posteriora haec cum melle aut unguento quodam, basilico verbi gratia*, debent, providissimeque super polypum applicari; ne qua forte simul partes integrae erodantur vel absumantur. Oportet vero hic, si polypus in nare latet, per *insertum in nares calamum vel tubulum medicamenti rodentis* portunculam intro ad carunculam carnosam mittere, ne nares erodantur. Haud minoris virtutis in polypo benigno hic sunt *spiritus sive oleum vitrioli, aqua fortis item, ac butyrum antimonii*; siquidem vel plumula, ut jam jam posuimus, vel penicillo etiam adhibito illinantur. Quotidie autem *sub ipsam deligationis innovationem* removeri per forcem aut vossellam debet, quidquid a medicamentis rodentibus exesum deprehenditur. Peculiarem etiam polypum nasi curandi rationem per medicamenta describit etiam SAVIARD in Obs. Chirur. 26. p. 124. Cla-

(a) Observ. 63. Centur. III.

(b) Cent. VIII. Obs. 81.

(c) Dissert. de polypo narium.

(d) In Operat. Chirurgicis, cap. de polypo.

(e) Conferri hic potest GLANDORP. de Polypo Cap. XIII.

Clarissimus vir, TRIBAUTUS, Chirurgus quondam Parisiensis, hanc inprimis curandi rationem sequitur (a). Ante omnia, binis emplastris minutis polypum inter & partem sanam injectis, cavetur, ne quid forte rodentis integras etiam narium partes attingat. Deinde butyrum antimonii per adhibitum penicillum vel turundam provide ad polypum sive carunculam carnosam applicatur. Tum ac denique statim rursus aqua pura polypus expurgatur, ne scilicet justo amplius atque altius medicamentum rodens penetret. Atque ita vix elapso momento operationem universam, ut GARENGEOT asseverat, absolvit. An autem praedictum medicamentum saepius quam semel adhibendum sit, hic Auctor non refert: id quod tamen ego necessarium ut plurimum esse existimo, cum semel tantum illum tangere vix unquam sufficiet (b).

V.

Curatio
polypi per
operatio-
nem mul-
tiplex.

I. CELSI.

Ut plurimum vero satius videtur instrumentis quam medicamentis polypum extirpare: id quod vero variis modis fieri solet: ex quibus praecipuos ex multis hic referre operae pretium esse duximus. Ante vero, quam ad ipsam operationem pergamus, aeger prius praeparandus est: ac deinde tempore operationis collocare super sella lumini adversa aegrotum oportet, ministroque, ut manibus fronti applicatis caput ejusdem leniter reclinet ac simul probe firmet, imperare: atque tunc ex variis, qui ab Auctoribus commendati sunt, modis eum eligere, qui pro mali diversitate commodissimus & optimus nobis videtur. I. Igitur prae ceteris eum hic referre fas est, quem CELSUS, antiquissimus Medicus, descripsit (c). Nimirum hic docet, polypum ferramento acuto, in modum spathae factum (d), ab osse resolvendum esse: adhibita diligentia, ne infra cartilago laedatur:

(a) Ut GARENGEOT refert in Operat. Chirurg. Cap. de Polypo.

(b) Exemplum excrescentiae carnea in naso ejusque curatio ope unguenti Praevotii mercurio praecipit. rubro nupti vid. in SCULTETI Obs. 29. & explicat. Tab. XL. MEEKREN quoque caput mortuum vitrioli cum aegyptiaco unguento mistum bis terve caute quotidie adhibitum profuisse testatur Observ. Med. Chir. Cap. XI. Ab immoderato vero ejus usu ardor dolorque excitati sunt, qui vero unguento saturnino rursus mitigari possunt.

(c) Lib. de Medicina Lib. VII. Cap. X.

(d) Quid Spatha proprie sit, & quale sit illud ferramentum, in spathae modum factum, quod CELSUS hic adhibendum praecipit, nondum certe constat. Lexicographi, quotquot ego hujus rei causa consului, parum lucis praebent. Nonnulli ea intelligunt instrumentum inferius latum, quo a Pharmacopoeis electuaria commode miscentur, vel a Chirurgis emplastra linteo inducuntur; in eo tamen plerique cum RHODIO in Commentar. in SCRIBONIUM LARGUM pag. 46. in notis conveniunt, vocabulum hoc gladium eumque majorem significare; semispatham vero gladium minorem. Sed ejusmodi ferramenta profecto parum apta ad polypum ex intimis naribus extirpandum videntur; quemadmodum hoc jam Fabricius ab Aquap. loco citato agnovit; cum ignoremus, quid in loco angustissimo & obscurissimo summi nasi incidamus, praesertim si spatha sit scalpellum anceps. Quam ob causam etiam ALBUCASIS scalpellum ex una tantum parte acutum pro hoc scopo commendat. RHODIUS quidem l. c. affirmat CELSUM Lib. VII. Cap. X. formam ejus non obscure indicare; verum, meo quidem judicio, rem totam prorsus in obscuro reliquit: dum nihil aliud de spatha hac dicit, quam quod antea in medium protulimus. SCULTETUS Armament. Chirurg. Tab. II. fig. 1. & cum eo Lexicon Brunonianum, vult, illam scalpellum ancipitem esse, utrinque acutum, & in superiore parte paullo latum, qui in extremitate sua in unam cuspidem coiret, eamque etiam ita delineat. Multum hoc scalpellum cum eo convenit, quod Tabula nostra I. litt. I. exhibuimus. ANDREAS A CRUCE in Offic. Chirurg. pag. 25. spatham CELSI alia ratione delineavit, & fere in sagittae figura. Verum illos scalpellos ad polypum e naribus excindendam, quos litt. G & H in eadem Tabula,

datar; in qua difficilis curatio esset. Ubi abscissus est, eum unco ferramento esse extrahendum. Tum implicitum linamentum, vel aliquid ex penicillo respergendum esse medicamento, quo sanguis supprimatur, eoque nares leniter implendas esse. Sanguine suppresso, linamento ulcus purgandum esse. Ubi purum est, eo pinna eodem modo, quo in aure docuerit, medicamento illita, quo cicatrix induceretur, intus demittendam esse, donec ex toto sanescat. Ab hac curandi polypum ratione non adeo multum recedit, quam 2. PAULUS AEGINETA post CEL- II. ÆGRI-
SUM tradidit (a): hic enim praecipit, ut, aegro collocato in sedili adversus NETAE.
lucem, Chirurgus sinistra manu narem aperiatur & dilatet; dextra vero, spatula ad id facta, in myrtacei folii modum, acuta, orbiculatim polypum praecidat, illic acie ferramenti imposita, ubi naribus coaluit. Postea instrumento in oppositum converso, manubriolo ipsius carunculam succisam foras protrahat. Ad cicatricem obducendam utitur canaliculis plumbeis. Totum vero polypum exemptum esse, docere primo visum, ac deinde vocem & respirationem liberam per nares. 3. ALBUCASIS, celebris Medicus & Chirurgus III. AL-
Arabs, praecipit (b), polypum primo unco ferramento in nares immisso (vel hujus BUCASIS:
loco forcipe) foras extra nares trahendum, tum vero praecidendum, quantum ejus obtineri potest: idque toties esse faciendum, donec totus sit exemptus. Quodsi vero non omnis exemptus sit, PAULUS & ALBUCASIS ad reliquias
in nare relictas, quae alia ratione extrahi nequeunt, jubent, ut linum medio-
criter crassum, funiculi instar, & nodis hinc inde pluribus constrictum, ita ut inter nodum singulum spatium sit transversi digiti, aut etiam minus. Hujusmodi funiculum a naribus ad palatum esse transmittendum, postea foras per os esse extrahendum (quod volsellis fieri posset). Tum vero dextra sinistraque manu duo
fili capita, tum quod a naribus, tum quod ab ore pendet, vicissim trahenda ac retrahenda, donec polypi reliquiae absumentur: quem in finem etiam unguento aegyptiaco utitur, quo funiculum transmittendum oblinat. 4. FABRICIUS IV. F. A.
ab Aquapendente cum instrumenta, tum modum administrandi hanc antiquorum BRICII
Chirurgiam multis argumentis rejicit, suamque, quam vocat (c), quae per ad- ab A qua-
hibitam volsellam sive forcipem acutam (d) peragitur, reliquis praefert. Nam- pend.
que forcipe ista, quoad fieri potest, altissime, sed lenissime tamen in nares ad
radicem polypi usque demittitur, atque ita polypus, integer vel quantum obtineri
potest, ea abscinditur ac simul educitur. Quod equidem operationis negotium,
tan-

bula, & adhuc magis eos, quos Tab. V. fig. 4 & 5. globulo in apice instructos delineavimus, longe aptiores huic negotio esse judico: quia scalpelli ejusmodi ancipites cuspideque acuto donati, facilius partes alias in naribus angustis & obscuris, easque sanas laedunt, quam qui in altera tantum parte acuti sunt, & cumprimis qui obtusam apicem obtinent: quippe qui nihil fere aliud, quam radicem polypi laedere aut refecare possunt. Hinc spatulam CELSI aliud, quam quod Scriptores vulgo volunt, ferramenti vel scalpelli genus esse autumo, quodque propterea uberius erit inquirendum.

(a) Lib. VI. Cap. 25.

(b) Lib. II. Cap. 14.

(c) Severinus negat hunc inventorem esse hujus methodi, aliosque producit, qui jamdiu ante ipsum ea usi fuerint. Lib. de efficaci Medicina.

(d) Quae in Oper. Chirurg. FABRICI ab Aquapend. Tab. III. delineatur. Conf. caput ejus de polypo extrahendo. A SCULTETO vero forceps haec longe aliter exhibetur: in neutra vero quod & quomodo polypum commode refecet, conspici aut cognosci potest.

tanquam longe securius, praecedentibus praefert: & quando forte prima vice non integer resectus est, mox vel etiam sequentibus diebus continuatur, donec nihil amplius ex polypo superesse inveniatur. Si quando sanguis copiosus fertur, id quod tamen in hac methodo auctor rarius aut nunquam contingere asseverat, suppresserè illum convenientibus medicamentis, inter quae vinum nigrum, vel simplex vel aluminosum maxime laudat, oportere: de quibus inferius plura. Feliciter quoque hanc ipsam polypi curandi rationem, praeter ipsum FABRICIUM ab Aquapend. celebratam a SENNERTO & GLANDORPIO fuisse, ex ipsorum monumentis intelligimus: quam & quoque haud raro feliciter succedere, ipse expertus sum.

V I.

Aliae curandi rationes.

Sed praeter hos polypum curandi modos adhuc alii sunt. Nam polypum recentiore a puncturis & concisionibus seu scarificationibus crebris, scalpello phlebotomo inflictis, subinde non exarescere tantum, sed penitus quoque sanescere, ipse rerum usus Marc. Aurel. SEVERINUM, ut asseverat, docuit (a). Sunt, qui ferrum candens polypo admovendum suadent; sed prudentiores quique ab ista vehementi curandi ratione merito abstinere. Praeterquam enim quod insignes cruciatus cum eadem conjuncti sunt, minus commode ut plurimum in nares sine periculo alias partes laedendi sanas demitti ferramentum candens consuevit. Alii longe commodiorem judicant esse illam curandi rationem, qua per adhibitum scalpellum falcatum a GLANDORPIO in Libro de Polypo indicatum, atque ab ANDR. A CRUCE delineatum (b), quicquid polypi intus in naribus est, & quousque illud prius uncinulo aut vinculo injecto extrahi potest, quam exactissime abscinditur: id quod tamen saepissime commode adhiberi non poterit. MESUE polypum, qui radicem habet gracilem, & extra egreditur, post apprehensionem forfice abscindit. Eum vero, qui ad fauces descendit, tenaculis anteriora versus trahit & juxta radicem forfice ignito refecat (c). Rursus alii curatio per vincturam seu deligationem prae ceteris tuta videtur atque apta: praesertim cum ea omnis sanguinis profusio evitetur. Igitur, ceu GLANDORPIUS Cap. 15. de Polypo narium posuit, filum sericum idemque ceratum juxta ipsas polypi radices, quantum fieri potest, diligentissime circumducitur ac nodo firmatur, ipsaque caruncula carnosa prope filum sive vincturam rescinditur. Quo autem commodius fieri ea singula queant, necessarium est, per admotam volsellam (vid. Tab. XIX. fig. 9. vel 10.) quousque satis videtur, polypum e naribus prius extrahere; sed leniter tamen, ne quid forte ante vinculum injectum, quemadmodum fieri memini, disrumpatur. Filum ipsum, post excisum polypum, tantisper intus relinquitur; donec illud sponte sua per suppurationem resolvatur. Sic enim omne malum commode tolli & quam aptissime praecaveri sanguinis profusiones poterunt; quae ita graves nonnunquam, praesertim post evulsos polypos, extiterunt, ut aegrum hominem exhausterint (d). Vel etiam polypus

(a) Lib. de Efficaci Medicina p. 73.

(b) Officin. Chirurg. pag. 25.

(c) Vid. Glandorp. de Polyp. p. 39.

(d) Vid. GARENGEOT. Chirurg. Cap. de Polypo.

polypus integer facta rite ligatura relinqui potest, donec cum filo sponte cadat, quemadmodum ego subinde feci. Oportet autem in quibusdam ligaturam altero tertioque die bis terve repetere, si post priores eum non exarescere conspiciamus: quae ego ratione adhuc ultimis annis notabilem polypum in nobili muliere fere sine ullo dolore ac sine ulla sanguinis profusione intra quatrimum feliciter extirpavi.

V I I.

Quoniam vero peculiaribus artificiis id factum est, quae multorum admi-
 rationem excitarunt, ea reticere nolui, sed lubens potius cum Chirurgiae Cul-
 toribus una cum morbi constitutione hic communicabo. Nimirum femina nobilis
 quae septuagesimum aetatis annum, satis ceterum sana, jam superaverat, &
 narium haemorrhagiis saepius antea obnoxia erat, sensit tandem, post subito
 aliquando suppressam aqua frigida ejusmodi haemorrhagiam, carunculam car-
 neam in sinistra nare, quae sensim crescendo narem integram non solum im-
 plevit, verum indecore distendit, ita ut per nares vix spiritum ducere am-
 plius potuerit. Varios in vicinia adhibuit & Medicos & Chirurgos in consi-
 lium, qui varia & cumprimis etiam, cum extra nares jam propenderet,
 medicamenta rodentia diu adhibuerunt; sed frustra. Nam quantum his u-
 no die abstulerant, tantum altero die rursus accesserat, adeoque tandem con-
 siliu & auxilium meum petitura Helmstadium anno 1734. mense martio ad
 me veniebat. Cum vero malum examinarem, inveni polypum subrubicundi colo-
 ris, pruni Damasceni quasi figura & magnitudine, partim ex nare propenden-
 tem, partim & quidem maxima ex parte intus delitescentem, atque narem
 indecore distendentem. Protrahi commode ex nare non poterat, ob radicem
 trahenti vix cedentem rigidam & brevem. Cum vero specillo curatius radi-
 cem explorarem, cognovi, eam non ex suprema, sed ex media & laterali nasi
 parte prodire. Sed cum ipsa una cum agnatis praesentibus de curandi ratione,
 quam ego hic maxime convenientem existimarem, meam sententiam roga-
 rent, atque intellexeram eos in muliere tantae aetatis sectionem atque ad-
 huc magis evulsionem quammaxime metuere, quin & periculosam judicare;
 rodentibus autem medicamentis, quae frustra jam tum diu adhibita fuerant,
 rem propter crassitudinem polypi haud commode expediri posse; in mentem
 venit, an non blandissima ratione, nimirum per ligaturam, caruncula haec
 insignis ac molestissima e nare tolli queat. Cum vero non viderem, qua ratione
 digitis aut specillis filum radici adeo altae, in nare adeo repleta, injici, eaque apte
 ligari possit, de instrumento, quo filum circumduci queat, cogitare coepi, & dum
 aegram ad operationem praepararem, illud, quod Tab. XIX. fig. 12. hic
 delineari curavi, excogitavi, eoque etiam optime rem executus sum. Nimirum
 per foramen apicis curvae hujus instrumenti litt. B filum sericum duplex idque satis
 robustum transmissi. Postea dum aegra luce adversa in sedili sederet, pinnam
 nasi manu mea sinistra paululum elevavi ac distendi. Deinde arrepto hujus
 mei instrumenti manubrio A dextra manu, apicem intra pinnam & polypum
 fursum magna circumspeditione eousque in altum adagi, donec radicem, quae
 ex latere externo naris, circa medium fere ejus prodiret, me superasse sen-
 tirem. Post haec manubrio diligenter fursum reflexo effeci, ut apex, qui
 obtusus

obtusum est, ne nares intus laedat, post polypum in parte inferiori ita in conspectum prodiret, ut filum trajectum apprehendere, alterumque ejus extremum e nare extrahere valerem. Hoc extracto, manubrium rursus blande depressi, tandemque totum ferramentum e nare, relicto intus filo radici circumjecto, eduxi. Filum denique nodo eoque duplici constrinxi, atque sic radicem probe ligavi. Altero die eadem ratione progressus sum, atque sic altera vice radicem ligavi. Tercio die tertium id feci; filumque paulo fortius adstrinxi, ita postea inde polypus valde induruerat, & niger fiebat. Quarto die cum polypum nigrum & durum, ac simul fila circumjecta paulo vellicarem, atque an solutus polypus sit, explorarem, haec simul cum polypo prunum, ut dixi, quodammodo aemulantem (vid. Tab. XIX. fig. 13.) cum aegrae & adstantium admiratione sine ullo dolore aut haemorrhagia extraxi. Nasus deinde mox naturalem figuram recuperabat, & aegra rursus quam commodissime spirabat.

VIII.

Quando &
quomodo
polypus
evellendus.

Sed sicubi paulo altius in nare polypi radices insident, vel ex ipsis etiam cranii sinibus, ut quandoque fit, proveniunt, inanes ut plurimum haecenus propositae curationi rationes singulae reperiuntur. Haud quaquam enim effici per easdem poterit, ut vel radicitus tollatur, vel ne malum pristinum denuo renascatur; quia totus polypus, & praesertim radix sic saepe tolli nequit. Quoties igitur nimis abditae polypi radices sunt, necessarium omnino, ut PIGRAEUS docuit (a), ad perfectam ejus curationem est, forcipe aliqua retusa, quae corvi rostrum appellatur, vel qualis hic Tab. XIX. fig. 9. ex PALFYNO sistitur, vel potius ea, quae exhibetur fig. 10. rostro perforato AA polypum probe comprehendere, eundemque leniter tandiu circumducere sive intorquere, ac simul blande trahere, donec polypi radix frangatur, & polypus una cum radicibus erumpat (b). Si polypus retro post uvam ad fauces propendet, nisi volsella apprehendi & forcipe, ut MESUEN docuisse supra innuimus, refecari queat, vix alia ratione sperari salus poterit, quam ubi per admotam forcipem curvam, qualis vel hic Tab. XIX. fig. 11. repraesentatur, vel calculis educendis accommodatam, Tab. XXVIII. fig. 6. polypus eodem, quem jam jam posuimus, modo per fauces leniter, quantum fatis est, contorqueatur sensimque ita extrahatur. In quo ipso tamen negotio quam solertissime providere oportet, ne ipsa simul uva proxima vel velum palati prehendantur, coque graviter attingatur, laceretur aut laedatur. Interea tamen PETITUS, ut ejusmodi polypum valde crassum ac periculosissimum tantomelius evellere potuerit velum palati duobus in locis prius diffecuit (c). Quando polypus per nares & fauces simul propendet, pars anterior prius auferenda (d).

IX.

Quomodo
sanguis
obibendus.

Sicubi post extractum vel resectum polypum leniter sanguis profluit, tantisper

(a) Chirurgia Cap. de Polypo.

(b) Haec methodus omnibus aliis a DIONIS. praefertur, loco, ubi de polypo agit, itemque PALFYNO in Oper. Chirurg. Cap. de Polypo.

(c) Vid. GARENGEOT Cap. de Polypo.

(d) Conf. DEANII Observat. VII.

tisper eum fluere Chirurgus patiatur, donec vel sponte sua, vel post vinum frigidum, cum primis rubrum, simplex vel alumine impraegnatum ac naribus haustum, conquiescat. Quodsi autem gravior sanguinis profusio insequitur, spiritum vini vehementiorem seu rectificatissimum, acetum, succum granatorum acidum, liquorem stypticum, vel aquam etiam seu pulverem aliquem supprimendo sanguini in vulneribus alias accommodatum, sorbillare naribus convenit. Si nec isto modo sanguis conquiescit, vel si lubet, etiam mox in principio, ubi vehementius sanguinis profluvium adest, linamenta carpta conglomerata atque in medicamentis illis, quae ad cohibendum sanguinem modo proposuimus, tincta larga copia quam exactissime in nares, donec probe infarctae sint, insinuanda; ita tamen, ut, quod primo immittitur, glomus lineum filo quodam firmiori, e naribus propendente, instruatur, quo facilius tandem, si opus, rursus educi queat.

X.

Peculiarem adhuc modum sanguinis profluvium hic cohibendi docuit Clar. DRACENIUS Observ. VI. Scilicet hic funiculum sive filamenta duodecim vel quindecim in modum setacei juncta per narem laesam sequenti modo traducit. Nimirum forcipem quodammodo curvam ad similitudinem fere illius quam Tab. XIX. fig. II. delineavimus, eamque valde planam & in rostris perforatam, per narem ad fauces immittit, indice vero sinistrae manus, cujus apici funiculum illum ita jungit, ut facile inde separari possit, os ingreditur, eumque post uvulam, quantum potest, ita demittit, ut rostris forcipis nodum, qui in setaceo ibi esse debet, apprehendere valeat. Apprehenso filo forcipem retrahit, atque sic simul alterum setacei extremum e nare educit, dum alterum adhuc ex ore propendet. Setaceum hoc satis debet esse longum & ad spatium duarum fere palmarum transversarum a priori extremo juncta setaceo esse debent duo glomera linea satis crassa: (bourdonets) quorum prius siccum sit, posterius vero liquore quodam adstringente imbutum. Trabendum tunc est setaceum per narem, sic fiet, ut prius glomus lineum sanguinem in parte posteriore haerentem per anteriorem nasi partem expellat atque expurget, alterum vero sive posterius, quod ad pollicis spatium a priori remotum esse debet, partem posteriorem nasi claudet, ut sanguis primo in fauces amplius influere nequeat, id quod alias maximo aegrorum incommodo, dum tussim movet, contingit: ac deinde: praesertim si ab anteriori parte nasus linamentis liquore, ad sanguinem cohibendum idoneo, simul repletur: si ad locum ubi sanguis effluit, pervenit, venas laesas adstringere asseverat, & sic sanguinis fluxum sistere poterit.

X I.

PAULUS, ALBUCA SIS alique veteres Chirurghi jam in polypi curatione funiculos per nares, ut supra indicavimus, traduxerunt, sed non ad sanguinem cohibendum, verum potius ad reliquias polypi auferendas. Quem in finem in funiculo traducendo multos nodos intervallo digiti transversi fecerunt, atque funiculum trajectum, prehensis duobus ejus extremis, hinc inde quasi reciprocando, per aliquot dies aliquoties traxerunt & retraxerunt, donec reliquias sublatas esse crediderunt, eumque in finem, ut res melius succederet, funiculum subinde unguento aegyptiaco aut simili imbuerunt. Quamvis vero haec veterum modus mul-

Modus reliquias auferendi.

tis crudelis, quin imo ineptus visus adeoque rejectus sit. (a); tamen DRA-
NIUS in certo casu eum rursus tentavit, ubi polypiradix e parte nasi infima, quae
supra palatum est, ac simul posteriori juxta vomerem prodibat, quam alia ra-
tione, ut historia morbi docet, auferre non poterat. Ergo setaceum per na-
rem praedicta ratione trajecit, sed sine ejusmodi veterum nodis, atque medicamen-
tis illud primo suppurantibus, per viginti circiter dies continuatis, imbuit, do-
nec suppuratione radix consumeretur & spirandi libertas aegro rediret, denique
siccantibus medicamentis setaceum suum imbuit, & sic spatio mensis aegrum
curavit. Confer. ejus Observatio VI.

X I I.

Quid de
naribus in
polypo inci-
dendis sit
sentien-
dum.

Nonnulli Chirurghi, atque inter hos etiam GARENGEOT (b), ad ejusmodi
polypos, quorum radices abditae nimis sunt, commodius extirpandos, nares ipsas
scalpello aperiendas proponunt; quemadmodum jam olim HIPPOCRATES &
GUIDO de Cauliaco suaserunt (c), atque radices postea adusserunt; quae me-
thodus etiam a CELSO in ozaena olim fuit proposita (d). Nos autem, quam-
vis forte interdum sectio haec locum habere queat, tantum abest, ut eandem cu-
rationis viam facile aut promiscue commendemus, ut potius, propter & majores
dolores & cicatricem deformem, dissuadeamus. Atque id magis etiam ideo, qui
nec post ipsas nares incisas curari semper polypus consuevit, quin interdum rursus
redeat: ceu luculenter quidem ex isto exemplo patet, quod mihi notum & ab
HUTTERO, Chirurgo Norimbergensi, in Observationibus suis Chirurgicis Ob-
serv. 50. relatum reperimus (e). Interea tamen ubi necessarium judicatur, ut
nares incisione dilatentur, hoc forte ut cicatrix minus deformis fiat, in sulco
illo naris juxta genam commodissime fieri poterit.

X I I I.

Glutinatio
quomodo
fiat & quo
modo novus
polypus pro-
hibendus.

Quo promptius autem radice resectae vel evulsae vulnus glutinetur, polypusque
novus praecaveatur, longe optimum videtur spiritus vini communis, sed cum rosa-
modo novus rum melle permixti, vel aquae calcis quoque portiunculam naribus aliquoties in dies
singulos forbillandam committere, vel & per syringem intro in nares injicere,
imo &, quod praecipuum, cum linamentis contortis immittere, ita ut naris pro-
be repleta sit: hocque per plures dies continuare. Sed si quid forsan e polypi ra-
dicibus adhuc remansisse conjicimus, easve ipsis oculis deprehendimus, haud a-
lienum erit, illas vel forcipe aut forfice auferre, vel ad easdem exedendas
unguenti aegyptiaci pauxillum jam jam commendatis liquoribus admiscere; vel,
si tuto licet, ipso lapide infernali, quantum satis est, provide attingere. Cum-
primis vero aptissimum ad reprimendos novos polypos praesidium a linamentis carp-
tis, vel linamentis contortis, quibus naris laesa probe infarcienda, mihi, ut
jam

(a) Fabric. ab Aquapend. loco citato.

(b) Loco saepius citato.

(c) Vid. Glandorp. de Polypo. cap. 14.

(d) Lib. VII. cap. XI.

(e) Editus est hic Libellus Rostochii 1718. 8.

jam dixi, expectandum videtur. Quod si enim post excisum polypum, *linamentis illis conglomeratis, cum primis aqua calcis impraegnatis*, quam exactissime nares laesas in deligationibus singulis expleverimus, atque id ipsum negotium per aliquot dierum, vel si opus, hebdomadam spatium continuaverimus, sane haud facile denuo malum pristinum renascetur. Interim aegrotantes id inprimis etiam sibi datum existiment esse, ut sub ipsum curationis tempus non *exactam solum vitae victusque rationem servant*, sed convenientia quoque medicamenta interna pro sanguine corrigendo rite adhibeant. Inprimis autem convenientia etiam hic ea sunt, quae & sanguinem & alvum expurgant. Itaque *pilulis mercurialibus, lignorum decocto quodam, rebusque id genus aliis pro temperamentorum diversitate frequenter utendum*; insimul autem sanguis aut nimius, si peccat, subinde per venas detrahendus.

X I V.

Sicubi ναρυνώδης jam tum polypus est, proximeque ad corruptionem spectat, neque adurentibus medicamentis neque ferramentis irritare ipsum convenit; sed potius, quemadmodum supra in cancro & scirrho generatim jam posuimus, (P. I. Lib. IV. Cap. XVI. No. 6. it. Cap. XVII. No. II.) medicamentis mitissimis ac victu delinire; ne scilicet ex ipsa curatione malum ingravescat (a). Denique si *sarcoma intus in naribus est*, vix alia ratione curari illud, nisi supra commendatis adurentibus, solet: advocatis simul in auxilium medicamentis internis, causae mali adversis. Quae ubi nihil profecerint, desperatum ac prorsus insanabile censendum malum est: praesertim si a spina ventosa illud ipsum provenerit, atque haec idoneis suis remediis curari nequeat. *Observationes variorum Auctorum de Polypo* vid. in GLANDORPII Libello de Polypo, itemque duas notatu dignissimas in DRANII Obs. VI. & VII. Ita & de polypo narium ingentis magnitudinis feliciter extirpato agitur in *Commerc. Litt. Norimb. A. 1739. p. 8.*

C A P V T LXXII.

De Ozaena.

I.

Nonnunquam nares ita exulcerantur, ut cum *crustis ossiumque subinde corruptorum particulis odor foetidissimus ex eis emittatur*. Quod vitii generis *ozaenam seu narium ulcus foedum atque malignum Medici nuncupant*; quonempe facilius id ipsum ab illa distinguant narium exulceratione, quae absque insigni foetore est atque a catarrhis aut humorum corruptorum abundantia, vel ab aëris quoque inclementia provenit, facillimoque negotio per adhibitum cerussae unguentum aliudve simile sanescit. Solet autem eo semper *gravior ac foedior ozaena existere, quoties cariem in ossibus nasi simul sibi habet adjunctam*. Initio enim non nisi tunica narium interior solet esse exulcerata.

Sensim

(a). Conferri potest Hippocrat. Aphor. 38. Sect. VI.

Sensim autem vitium ad ossa ipsa narium subtiliora, imo ipsius cranii sinus atque ossa maxillaria tandem procedit, atque ita cariem pessimi moris concitat.

I I.

Causae
multi quae-
nam sint.

Provenire autem ozaena ut plurimum consuevit a diuturnioribus aut catarrho, aut aliis id genus narium affectibus pertinacioribus: praesertim si paulo acriorem scorbutoque aut luc gallica infectum sanguinem homines habuerint. Nonnunquam etiam vel a rebus acrioribus sursum in nares cum spiritu attractis membranamque narium adrodentibus, quales sunt pulveres sternutatorii acriores; vel etiam aliquando post polypum, vel etiam quandoque una cum polypo, ut ipse vidi, ozaena pronascitur. Vid. quoque GLANDORP. de Polypo.

I I. I.

Diagnos
ac prognos-
is.

Qua ratione cognosci ozaena debeat, id luculenter equidem ex iis patescit, quae de externo ejus habitu atque causis jam jam proposuimus. Ne quis autem ignoret, quid de ipsius exitu statuendum sit, sciri debet, difficulter ei malo posse succurri. Praeterquam enim, quod narium ossa, praesertim ea, quae spongiosa vocantur, mirum quantum tenera sunt atque subtilia, non satis conspici, multo minus accurate expurgari pars corrupta potest. Itaque vitium opinione citius serpit, tandemque cum nasi septo reliqua quoque nasi officula sic erodit, ut nasus externus non sine maxima deformitate haud raro penitus concidat, nativamque & loquendi & spirandi facultatem insigniter corrumpat. Solet hic tantus saepe foetor sequi ac deformitas, ut propter ozaenam graviolem divortium inter conjuges juste fieri posse, non sine ratione quidam existimaverint.

I V.

Curatio per
medica-
menta in-
terna.

Oportet igitur, quam celerrime quidem fieri illud ipsum potest, cum per externa, tum & vel maxime per interna medicamenta noxae huic succurrere. Atque ex internis quidem medicamentis quam maxime salutaria & necessaria hic ea sunt, quae sanguinem corruptum, id est, pravum corporis habitum, corrigunt, & cumprimis ea, quae morbis venereis adversa sunt. Spectant huc praeter mercurialia medicamenta inprimis lignorum decocta (a). Cibus atque potus homini aegro quam maxime lenis sit ac modicus; neque acer, neque valentissimus. Sicubi ab impura venere exortum vitium fuit, nihil omnino valentius ad curationem est, quam si aut salivatione aut quovis alio modo convenienti lues venerea diligentissime propulsetur.

V.

Curatio ex-
terna.

Extrinscus ea praecipue adhibenda medicamenta sunt, quae ad expurganda ulcera praescribi alias a Medicis consueverunt. Pertinet huc prae aliis speciatim aqua viridis HARTMANNI, siquidem ipsa identidem quotidie ex manu cava

(a) Ozaenae superveniens amaurosis salivatione curata describitur in M. N. C. Dec. III. Ann. IX. X. p. 231.

cava cum spiritu sursum in nares attrahatur; vel *penicillo illinatur*; vel etiam *per syringem injiciatur*, vel denique etiam cum linamentis convolutis *oblongis sive turundis*, quam altissime licet, immittatur. *Aquam calcis cum mercurio dulci permixtam* egomet quandoque haud infelicitur eodem, ut jam jam diximus, modo adhibui. FALLOPIUS & MAYERNUS aquam *aluminosam temperatam* haud parum hic *proficere statuunt* (a). Decoctum ex herb. fabinae & scordii factum, in cujus libra una, ubi malum vehementius est, *unguenti fusci* WURTZII *uncia circiter una soluta est*, mirifice hic prodest. Aequè vero valens hic esse ille liquor adsolet, qui *vel ex jam dicto unguento* WURTZII, *vel ex aegyptiaco*, cum admixtis rosarum melle ac spiritu vini conficitur, & facpius calide superinjicitur. Denique non nullius quoque usus hic praedicantur esse turundulae istae, quae ex *unguento fusco* WURTZII *cum adjecta vitrioli albi portiuncula* praeparantur atque in nares *subinde inseruntur*, donec ulcus purgatum, atque foetor & impurum sublata sint. Tandem vapor etiam cinnabaris carbonibus *injecti*, siquidem *caute is naribus quandoque subjiciatur*, vel ope infundibuli immittatur, haud parum ad ozaenam curandam conferre a quibusdam depraedicatur (b). Continuari autem dictum istud curationis negotium tantisper debet, dum & materiae corruptae fluxus & foedus odor penitus evanuerint.

V I.

Si jam tum caries simul incidit, curari malum ante vix poterit, quam erosa *Curatio o-* narium officula fuerint separata. Praecipuum vero salutis praesidium *ab ipsa* *zaenae, cui* *natura hic videtur esse expectandum.* Quibus enim artificiis citius extirpari of- *caries ad-* ficulorum spongiosorum caries possit aut debeat, nondum a Medicis est de- *juncta est.* tectum: siquidem nec ferramentum candens, nec euphorbium, nec aliud remedium conveniens, praeter jam jam laudata, applicari satis tuto aut commode hic valet (c). Interim illud sibi datum Chirurgus sciat esse, ut vel haecenus proposita, vel etiam alia id genus medicamenta ulcus expurgantia atque mollientia tantisper immittat, donec tandem, post aliquot nimirum hebdomades, vel menses etiam, officula corrupta elidantur. Si qua forte ossium corruptorum particulae intus solutae ac liberae haerent, extrahi protinus ipsae per adhibitam volsellam debent; ne scilicet aegro molestae nimis sint, aut partes simul integras contactu suo perdant. Sicubi vero paulo majores eadem sunt, quam ut integrae educi commode queant, quemadmodum ego vidi, concidi prius forficis ope debent, ita postea vel sponte excidunt vel facile extrahuntur. Ossibus eductis, tantisper continuari medicamentorum purgantium usus debet, dum materia corrupta omnis cum foetore penitus ejecta sentiatur.

V I I.

(a) Aqua aluminosa FALLOPII ita paratur: \mathcal{R} . Aqu. plantagin. & rosar. \mathfrak{a} $\mathfrak{f}\mathfrak{f}$. β . alumin. & mercur. sublimat. \mathfrak{a} $\mathfrak{z}\mathfrak{j}$. M.

(b) MAYERNE fumum hunc non solum hic commendat, verum etiam in faucium & palati ulceribus rebellibus, si ore hiante prudenter & moderate excipiat, valde laudat, pag. mihi 366. 371. 374.

(c) CELSUS jam hac de re conquestus est cap. de Ozaena, atque ad curationem promovendam nasum incidendum esse proposuit.

Nova cu-
randi ratio,
nempe Dra-
kiana.

DRAKIUS, Scriptor Anglus, novum aliquod & ozaenae genus & proprium ipsi curandae artificium in Anatomia sua Anglice An. 1707 edita, p. 536. proposuit. Scilicet laudatus Auctor observavit, ozaenae sedem quandoque in ipso sinu maxillari esse quaerendam. Quod ipsum equidem hinc potissimum cognoscatur, si posito in partem integram capite, materia corrupta cum odore pravo ex naribus prodeat. Siquidem iste situs quam aptissime per maxillae foramen naturale id propellit, quod forte intus in maxillari sinu delitescit. Attamen quia hac ratione ex hoc sinu non satis exacte exhauriri materia corrupta potest, neque per medicamenta commode sinus iste expurgari, mirum non est, si secundum communem ozaenas curandi rationem insanabilis noxa ista perstiterit saepiusque homines confecerit. Cui quidem calamitati ut succurri felicius a Medicis posset, non ipsam modo noxae indolem, sed novam etiam eidemque adaptatam curandi rationem DRAKIUS pervestigavit (a). Simulatque nimirum in sinu maxillari situm esse malum hoc deprehenditur, longe optimum DRAKIO videtur, priorem dentem molarem lateris aegri, quippe sinui isti proximum (b), evellere, adhibitoque ferramento, sive clavo quodam acuminato, sive cuspe (Tab. VII. fig. 2.) alveolum ad sinum usque maxillarem percurrere. Quod ipsum quam facillimo negotio fieri ut plurimum posse, idem DRAKIUS auctor est: liquidem os illud maxillare a materia corrupta si non plane exesum, valde saltem detritum & emollitum ut plurimum esse affirmat. His rite sic confectis, non sua tantum sponte per hunc factum meatum perniciosus liquor effluit, sed ipse quoque sinus afflictus per identidem injectum medicamentum aliquod conveniens mundans & balsamicum quam exactissime potest expurgari. Neque expurgari solum, sed glutinari quoque ac foveri pars aegra haud incommode potest; dummodo post peractam expurgationem & balsamica & glutinantia medicamenta aliquoties per dies singulos fuerint adhibita. Nobilissimi autem usus hic sunt elixir proprietatis, tinctura myrrhae & aloes; eademque vel sola, vel cum rosarum melle & scordii vel sabinae decocto permixta. Quoties autem ex jam jam propositis medicamentis injectum aliquid est, protinus inferi in foramen turundulam oportet, ne quicquid injectum fuit, justo citius rursus profluat. Emisso dein medicamento purgante, alia denuo turundula filo adstricta diligenter immitti in vulnus debet; ne qua forte ipsum prius coalescat, quam ulcus rite fuerit expurgatum. Praestantissimam vero esse, quam modo descripsimus, Drakianam hanc curandi rationem, non ipsa tantum res loquitur, sed optima quoque rerum salutarium magistra, experientia inventorem condocuit. Dignum denique observatu hic adhuc est, ipsum maxillae os ita graviter quandoque a materia purulenta hujus ulce-

ris

(a) Nonnulli celebri COWPERO, Anatomico & Chirurgo Anglo, tam alia, quae nova descripsit, quam cum primis inventionem hujus curandi artificii tribuunt. Sed an verum hoc sit, ego asseverare non possum: ego auctorem hic nomino, in quo hoc artificium primum inveni.

(b) In multis craniis deprehendi, quod non tam primus aut secundus dens molaris, quam posteriores magis cum hoc sinu respondeant; hinc suaderem potius in ejusmodi casu unum ex posterioribus evellere, ibique perforationem instituere, & ipsa DRAKII figura de hoc sinu, quam Vol. II. Tab. XVIII. fig. 1. exhibet, ostendit, radices dentium molarium posteriorum melius cum hoc sinu respondere, quam anteriores.

ris jam erosum adverti, ~~at~~ extracto, quem supra posuimus, dente, protinus eadem ex hoc foramine prorumpat. Quod ubi fit, tum neque clavo neque ferramento ad os perforandum opus est, quia foramen jam adest: sed potius medicamenta laudata & purgantia, & balsamica statim sunt adhibenda, donec malum glutinetur. De naribus exulceratis & de ozaena legi etiam potest C E L S U S.

C A P V T LXXIII.

Quomodo sarcire curta in naribus deceat.

QUa ratione nasus graviter vel ferro vel morfu vulneratus, ut aliqua adhuc parte haereat, sanari debeat, id satis jam tum eo loco declaravimus, ubi de faciei vulneribus fuit tractatum (vid. P. I. L. I. Cap. XIII. No. 8.). Quibus autem artificiis e nova carne ex alia corporis parte adglutinata resarciri nasus integer praecisus aut avulsus debeat, nondum satis constat. Tametsi enim vir clarissimus, TALIACOTIUS, integrum atque multis figuris instructum de admirabili arte ista libellum, titulo *Chirurgiae curtorum per insitionem*, olim conscripsit, tamen si Medicos & Chirurgos recentiores paulo exercitatiores adire volumus, singula ista, quae modo laudatus Auctor hac de re proposuit, artificia parum imo prorsus non succedere existimant: dum nova experimenta sive observationes fere deficiunt (a). Igitur adversus deformitatem nasi deperditi remedium a naso artificiali sive ligneo sive argenteo petitur: (nisi forte recens ablati nasus mox in loco naturali futura vel emplastris rursus jungatur (b)). Siquidem is colore ad nativum faciei colorem proxime accedente obducatur, aptisque simul clavis, & cochleatis & elasticis, instruatur; quo nempe commodius firmari & reliquae nasus parti adaptari is commode valeat: quemadmodum machinae ejusmodi mihi praesto sunt. De naso secundum longitudinem profunde dissecto ejusque singulari curatione per futuram cum acubus relictis vid. ROONHUYSIUS Observ. Chirurg. XXIV.

C A P V T LXXIV.

Quomodo narium foramina praeter naturam concreta deoperire conveniat.

I.

Narium foramina in quoquam concreta praeter naturam & manu Chirurgi Noxae naturae curata rursus fuisse nondum, quod ego sciam, in Scriptoribus Chirurgicis, tura describitur. nisi

(a) Dissertatiuncula quaedam hoc de argumento extat in Act. Acad. Paris. A. 1719 p. m. 36.

(b) Exemplum ablati nasi & ita restituti habet BLEGNY *Zod. Med. Gall. An. 1680. pag. 75.* aliudque GARENGEOT. in *Chirurg. Tom. III. cap. de polypo, pag. 55. de naso morfu ablati & ope futurae restituto.*

nisi in solis Th. Bartholini Actis Haffn. vol. I. p. 199. *relatum inveni*. Posse vero utique noxam ejusmodi nonnunquam incidere, eamque curari quoque rursus posse, *ipse rerum usus aliquoties me docuit*. Oblatus enim primo Helmstadii an. 1721. ejusmodi *infans pauperculus* mihi fuit, *tres quasi annos natus*, cui, propter negligentiore, ceu fieri apud homines inopes saepe solet, curam, non facies tantum universa, & cum primis nares & labra, graviter a variolis exulcerata, sed nares quoque inde concretæ ipsumque labrum superius sursum valde reflexum ac firmiter cum naribus concretum reperiiebantur, (vid. Tab. XIX. fig. 14. litt. AA.) quas uberius hoc claudebat. Narium foramen dextrum penitus erat praeclusum, sinistrum autem usque adeo arcte constrictum, ut ne minutum quidem aciculae capitellum immitti commode posset. Unde summam infans iste spirandi difficultatem, noctu praesertim in somno, contraxerat, ut parentes inde singulis fere momentis illum suffocatum iri pertimescerent.

I I.

Curatio
prima.

Complicatam vero istam geminam noxam ut curarem, hanc curandi rationem ego sum ingressus. Nempe in clara luce infantem aegrum quoad caput, manus atque pedes, firmiter continendum adstantibus commisi. Mox adhibito scalpello superius labellum a naribus separavi ac detraxi. Tum alio eodemque tenuiori sive minori scalpello & sinistrum & dextrum nasi foramen ad naturalem usque amplitudinem rursus aperui. Dehinc specillum quoddam (Tab. I. litt. K.) in utrasque nares immisi, ut statum earum, an scilicet satis apertae etiam superiori in parte sint, explorarem, harundemque alterutram usque adeo intus adhuc praeclusam reperi, ut denuo scalpellum, sed provide tamen, fuerit adhibendum, ad reliquam connexionem dividendam. Adapertis sic rursus, quantum naturaliter decet, naribus, profluvioque sanguinis aliquantisper sibi relicto, paulo crassiores atque ex linamentis confectam turundam singulae nari insinuavi. Sic enim quam commodissime prohiberi poterat, ne aut nimia sanguinis profusio incideret, aut nares denuo coalescerent. Ipsum autem labrum superius ut in pristinam posituram paulatim restituerem, linamenti carpti & contorti affatim una cum emplastro & splenio oblongo atque angusto naribus ad labrum deprimendum subjeci, superinjecta dein fascia quatuor capitibus instructa, qualem nimirum in labris leporinis applicare solemus. Quam ipsam equidem deligandi rationem per aliquot dies subsequentes servavi; sed ita tamen, ut sequenti tempore linamenta sive turundae spiritu vini vulgari imbuerentur. Itaque effeci, ut non labrum modo sanesceret, sed ipsa quoque narium foramina ampla satis atque aperta primis octo diebus persisterent.

I I I.

Curatio al-
tera.

Sed vero quando ipsius infantis mater paupercula paulo vel negligentius vel imprudentius noxam istam tractabat, dum malum jam sanatum credebat, turundam plane removebat, neque ex negligentia amplius infantem ad innovandam deligationem mihi offerebat; quare fieri aliter vix poterat, quam ut recentium istiusmodi vulnerum orae denuo confervescerent, & quidem usque adeo, ut post aliquot dies nares, vix amplius tenue specillum admitterent. Itaque, cum parentes negligentiam

gligentiam suam agnoscerent, atque a me denuo auxilium peterent, *narium foramina eodem, ut antea, modo iterum aperui*, turundisque primo per ostidium, dein tubulis plumbeis, alatis, in hunc finem a me excogitatis (vid. Tab. XIX. fig. 15 & 16.), & in nares insertis tam diu aperta servavi, donec & vulnera glutinata & nares pristinae amplitudini restitutae reperirentur.

I V.

Alterum curationis hujus specimen edidi an. 1725. in rustici cujusdam puerulo, Alia exemplum quippe qui ex naribus propter variolas quoque praecclusis graviter admodum etiam laborabat; quem eodem modo curavi. Tertiumque idem praestiti in puerulo mercatoris Halberstadio ad me delato: ubi vero loco tubulorum plumbeorum, qui facile comprimuntur & figuram ellipticam mutant, alios ex orichalco substitui. Opera vero danda, ut, sicut usu deprehendi, ejusmodi satis magnis tubulis nares diu apertae & dilatatae servantur; alias si nimis cito remonentur, mirum est, quantum nares, quamvis amplissimae antea videbantur, brevi vehementer rursus contrahantur.

Explicatio Tabulae decimae nonae.

Fig. 1. Ferramentum tubulo insertum atque ad partem auris externae, quam *antitragum* Medici vocant, in parte posteriori contra dentium dolores adurendam accommodatum. Litt. A denotat tubulum. B ejus manubrium; C ferramentum extra tubulum paullo prominens, D ferramenti manubrium.

Fig. 2. *Instrumentum acusticum* denotat, ad cornu vel tubae figuram exaratum: cujus pars altera & angustior A in aurem immittitur, atque manu circa extremum alterum BB, quod tubae instar expansum est, apprehenditur: ita si sono haec opponitur, egregie audiendi facultatem auget.

Fig. 3. *Aliud instrumentum acusticum*, quod tuba aliquoties contorta est, indicat: cujus pars quoque angustior A in aurem immittitur, ansa B manu comprehenditur, atque pars amplior C sono excipiendo exponitur.

Fig. 4. Adhuc aliud instrumentum acusticum ex *Fr. DEKKERO* mutuatum, & ex argento confectum, cujus pars turbinata A in aurem immittitur, atque deinde funiculorum BB adjumento circa aurem sic firmatur, ut sub capillis abscondi commode possit, nec manu sustentari indigeat.

Fig. 5. Ferramentum *lobo auris comprehendendo* ac firmando destinatum, quo commodius is acu perforari possit.

Fig. 6. Acus ex chalybe vel argento duriori confecta, in anteriori parte A cuspide ancipite, in posteriori vero B, tubulo instructa, ita ut non perforando solum auriculae lobo, sed filo plumbeo quoque simul commodius trajiciendo idonea sit.

Fig. 7. *Filum plumbeum flexile* lobo perforato transmittendum, donec fanescat foramen.

Fig. 8. *Alia acus* eidem usui destinata, quae in parte posteriori tubulo fissa, instar acus lardariae instructa est, pro filo plumbeo aptius comprehendendo.

Pars II.

K k k k

do

do ac transmittendo, quae etiam in labri leporini curatione commode adhiberi potest.

Fig. 9. *Volsella* retusa pro polypo narium extrahendo, e PALFYNO.

Fig. 10. Similis fere *volsella*, sed circa extrema perforata, ut polypum firmius comprehendere valeat.

Fig. 11. Alia *volsella*, eaque rostro incurvo, polypis narium in faucibus propendentibus extorquendis destinata.

Fig. 12. *Ferramentum* pro polypo, cujus radix e latere naris non nimis profunde haeret, aptius ligando. A denotat manubrium, B apicem obtusam, sed acus instar perforatam, per cujus foramen filum sericeum transmittitur, quod hujus ferramenti ope radici polyporum commode circumducitur. Curvatura C efficit, ut facilius radicem polypi comprehendere & ambire queamus.

Fig. 13. *Polypum* illum exhibet, qui ferramenti fig. 12. ope a me ablatus fuit. A radix ejus, quae externo & medio naso adhaesit; B pars extra nares propendens.

Fig. 14. Ostenditur pars faciei, in qua non solum nares erant concretæ, sed etiam labrum superius AA valde reflexum & cum naribus, quas claudibat, arcte concretum.

Fig. 15 & 16. Tubuli duo vel ex plumbo, vel ex orichalco facti, atque ala instructi, naribus apertis servandis post earum sectionem destinati, & quidem alter fig. 15. pro nare dextra, alter fig. 16. pro nare sinistra.

De labrorum vitiis, quae manu & scalpello curantur.

C A P V T L X X V.

De labris leporinis.

I.

Labrum leporinum quid sit.

SOlet in quibusdam hominibus labrum, & superius quidem praecipue, ita fissum a natura saepe esse atque curtatum, ut labri leporini formam prae se ferat (vid. Tab. XX. fig. 1. tale, quale eo anno quo hanc Chirurgiam Latinam primum edidi, vidi & curavi). Labia igitur sive labra leporina propter similitudinem cum labris leporinis Medici vitium istud nuncupant (a). Quod ipsum equidem nunc gravius est, nunc levius atque mitius; prout nimirum vel major vel minor in labris hiatus aut defectus adest; aut vel major vel minor mutilatio accidit; quae nonnunquam tanta est ac tam deformis, ut excisam vel evulsam prorsus portionem aliquam ex ipsis crederes. Quandoque, ut ipse etiam aliquoties vidi, duplex fissura in uno eodemque labro adest, quae aliquando litte-
ram

(a) In figura, quam Garengéot in Operat. Chirurg. cap. de lab. leporinis sistit, nulla labri divisio conspici potest, sed labrum integrum apparet.



ram M fere repraesentat, & tunc duplex labrum leporinum appellari solet (a). Habet ea res, praeter insignem deformitatem, illud quoque incommodum, ut infantes minus facile & quandoque prorsus lac ex uberibus sugere nequeant; neque ab adultioribus eis sermo explicari queat. Interdum noxa illa, & quidem in inferiori quoque labro, ex male tractato ipsius vulnere, ulcere aut cancro suboritur. Illa vera, haec falsa, labra leporina appellari possunt. In vero, ubi scilicet natum cum ipso homine vitium est, palatum saepe simul, vel ex parte, vel in totum fissum ad nares & uvulam usque esse solet, atque uvula haud raro, ut saepius vidi, prorsus deficit: adeoque palatum nunc levius, nunc ita graviter fissum est, ut ad fauces usque sese extendat. Hinc mirum videri neutiquam debet, si post sanatum etiam vitium externum interior tamen noxa, utpote insanabilis, remaneat (b): quae valde difficilem & ingratam, per fissum scilicet palatum & nares emissam, vocem efficit. Et vero quo minor & aequalior externa mutilatio vel hiatus est, hoc etiam facilius & pulchrior ejus curatio esse solet; quo contra major & inaequalior, hoc difficilius succurritur. Quin etiam interdum usque adeo pessime curtata ejusmodi labra & deformia reperiuntur, ut nullam omnino curationem, praesertim in infantibus junioribus, admittant, quae tamen in adultioribus subinde adhuc speranda. Ita & duplex labrum leporinum propter magnum hiatus aliasque ob causas saepe quam difficillime restitui potest. Interdum pars maxillae superioris vel dens unus vel alter in fissura prominens: quae nisi prius removeantur, curatio vix succedit.

I I.

Quando labrum leporinum recens a vulnere factum est, sutura nodosa, ut in vulneribus dictum est, sanatur. Sed si pars labri amissa, acubus, ut in vero labro leporino. Quando vero labra leporina vera curationem admittunt, res ita hic constituta est, ut ars quidem partes, natura deficientes, efficere nequeat; sed hoc tamen praestare potest, ut partes, natura hic non cohaerentes, conjungere atque glutinare queat. Igitur in ipso hoc curationis negotio inprimis opera danda est, ut quicquid in labris curtum vel fissum est, quam commodissime licet, jungatur ac glutinetur. Quod ipsum equidem, quia fieri absque sectione & ablatione orarum labri fissi neutiquam potest, atque haec res sine magna circumspeditione rite fieri nequit; operae pretium facturi nobis videmur, si breviter, sed luculenter tamen, optimum, qui nobis videtur, operationis modum descripserimus. Primo eligendum, si fieri potest, tempus, quo aër temperatus est, cum primis ver, aestas vel autumnus. Praestat tamen prae reliquis tempus vernal, utpote ut plurimum temperatissimum & curationi maxime idoneum. Deinde non suscipiatur haec curatio in homine aut infante aegrotante, sive alio adhuc morbo laborante, aut nimis debili; sed sano, ac satis robusto, vel si vitium aliquod adsit, hoc prius debitis remediis curetur. Cete-

rum

(a) Exemplum legi potest in ERNDELII Relatione de Itinere suo Anglico & Batavo, p. 123. & peculiare admodum in Mémoires de l'Académie de Chirurgie Tom. I. p. 605. & seqq. Conf. & Tab. nostra XXXIX.

(b) GERARDUS vero post externum vitium sanatum, etiam internam palati fissuram successu temporis coaluisse memorabili exemplo refert in Memoriis Acad. Chirurg. loco citato.

rum aeger leni purgante ad operationem preparetur, servata simul per aliquod tempus legitima victus ratione (a). Et si ad operationem ipsam accedere volumus, eligatur etiam locus clarus, ut videre fatis queat Medicus, quid agendum. Praesto praeterea sit sequens adparatus: nimirum *forfex* idonea (Tab. I. litt. C.), *acus* aliquot *peculiares* rectae huic operi destinatae, ut Tab. IV. fig. 21. & 22. vel Tab. XX. fig. 2. 3. 4. 5. vel ex auro duriori, vel ex argento, vel etiam, si lubet, ex orichalco (b), dummodo fatis acuminatae sint, & quidem *apice vel cylindrico, vel triangulari*, ut in fig. 2. vel *plano*, ut in fig. 3. 4. 5. quo facilius per labra trajici possint. *Ferreae minus idoneae* censentur, quia facile in vulnere aerugine corripuntur, & sic in extractione molestias, dolores aut lacerationes creant. Praeter ista *fila* aliquot *robusta sericea*, *vas aqua calida repletum* cum *spongia*, *linamenta carpta*, *balsamum vulnerarium*, *fascia longa & angusta*, & si vel *acubus acutis* in vulnere relinquendis utamur, vel *dens vel maxillae pars nimis per fissuram promineat*, ut curationem impedire queat, *forceps idonea*, pro his auferendis; ac denique *aqua Reginae Hungariae* aut aliud quid simile, pro aegro, ubi forte opus est, refocillando: atque his ita praeparatis ad operationem ipsam sequenti ratione Chirurgus idoneus accedere potest.

I I I.

Operatio
ipsa.

Scilicet ubi jam adultus homo est, collocare ipsum lumini adversum in sella quadam oportet, capite interim & manibus ministris quibusdam ad continendum commissis. Ubi vero in infante suscipienda operatio est, utpote in quibus longe frequentius ea instituitur, tum deponere istum in gremio hominis alicujus robusti in loco claro convenit, binosque ministros juxta constituere, quorum alter pedes, alter ex iis caput infantis gnaviter contineant. Manus etenim comprehendi firmiter ab illo possunt & debent, qui in gremio suo infantem sustinet; vel manus in infantibus minoribus fasciis etiam commode comprehendi possunt. Tum ubi paulo amplior hiatus est, ut labra fissa commode conjungi nequeant, requiritur ad faciliorem labri fissi conjunctionem & glutinationem, ut utraque ejus pars, & cumprimis etiam frenulum labri superioris forficis, vel etiam, si lubet, scalpelli adjumento prae omnibus a gingiva in tantum dissolvatur, quantum ad labri fissi conjunctionem opus esse videtur; sed provide tamen & sic, ne ipsa gingiva tota perrumpatur, & os maxillae forte denu-detur, unde damnum oriri posset (c). Postea ipsius hiatus sive rimae oras, quia cutem siccam ac firmam ipsae habent, forfice praedicta subjecta vel etiam ap-to scalpello Chirurgus utrinque accurate rescindat, ut ubique, & cumprimis etiam in suprema parte (quae quandoque peculiarem incisionem requirit) pro-

be

(a) Garengéot vult cap. de labr. leporinis, ut aegro prius aliquoties sanguis mittatur. Quia vero hi aegri infantes plerumque sunt eique teneriores, in quibus haec curatio instituitur, rectius ea in his omittitur; nam sat sanguinis in sectione emitti potest.

(b) Quas recentiores Galli aureis & argenteis, sed sine addita ratione praeferunt. Vid. Memor. Acad. Chirurg. loco supra citato.

(c) Singularia praeterea artificia & apparatus ex osse balaenae, a QUESNAEO pro nimium dimotis labrorum fissuris rectius jungendis adinventum vid. in Memor. Acad. Chirurg. Tom. I. loc. jam jam citato. Verum mea deligandi ratio, quam Tab. 39 exhibui, his mihi praestare videtur.

be cruentae fiant. Cavendum vero, ne, ubi hiatus jam per se valde magnus, nimium auferatur: periculum etenim est, ne, si paulo largius orae rescindantur, vel difficulter, aut prorsus non contrahi postmodum atque glutinari queant; quando vero non satis resectum est, non glutinantur. Cruentae hae hiatus orae spongia prius mundatae, diligenter ab administro quodam contineantur, atque vel binis, vel, sicut ut plurimum fieri solet, tribus etiam, pro vulneris scilicet modo ipsiusque hominis magnitudine aut aetate, acubus ita trajiciantur, ut ad calami scriptorii circiter amplitudinem utrinque a fissura distent. Namque ubi nimis angustam partem ipsae comprehendunt, vulneris orae facile, praesertim si infantes, ut fieri plerumque solet, saepe clament, disrumpuntur atque lacerantur. Seorsim autem singulae acus & aequaliter a sinistra fissurae ora ad dextram sic immittuntur, ut ad supremum vulneris angulum, qui ut jam dictum, probe cruentus esse debet, prima, & sic deinceps reliquae inferius transeant, atque ad lineae quasi mathematicae vel calami straminei latitudinem ab invicem distent (a). Sic enim quam aptissime contineri glutinandae hiatus orae possunt. Quandoque haud omnino alienum est, in fuen- dis adutorum praesertim labris, utpote aliquanto solidioribus, manubrium istud, quod acutenaculum appellavimus, & ad commodius continendas atque deprimendas acus supra commendavimus, (Gallis Portaiguille, vid. Tab. VI. fig. 2. vel 3.) hic in auxilium vocare; quamvis is, cui digiti satis sunt expediti, eo, ut quidam putant (b), hic non absolute indigeat. Semper enim sine eo, quae hic facienda sunt, commode solis manibus perfeci & adhuc perficio.

I V.

Simulatque sic trajectae acus sunt, proximum est, ut labia fissa & cruenta spon- Filum quo- modo inji- ciendum sit.gia rursus, si opus, prius mundata, quam exactissime a ministro quodam com- prehendatur. Tum filum aliquod lineum vel sericum satis robustum atque ceratum in altera acus parte firmatur (c), atque dein vel ad formam numeri 8 transversim positi, (∞) Tab. IV. fig. 21. & 22. vel, quod idem videtur, circularibus ductibus circum fibulas istas singulas, initio vel a suprema vel infima facto, involvitur (vid. Tab. XX. fig. 5.), quantum nimirum ad contrahendas rimae oras sufficit, atque in fine nodo firmatur. Dehinc acuum harum cuspides forcipis acutioris adminiculo sic decerpi solent, ut non nisi ad calami scriptorii amplitudinem super vinculum injectum promineant, ne labra facile compungant ac dolores & inflammationes moveant. Quamvis ubi acus breviores paulo sint, & apicibus linamentum vel spongiolae portiuncula immittitur ac submittitur, hoc non adeo necessarium est, imo potius minus necessariis aegrotantium incommodis, dum hoc omittitur, occurrimus; quia sic periculum non est, ne acus sive fibulas decerpendi negotium graviter ipsos angat vel affligat, Chirurgoque laboris compendium facit: imo eadem acus in aliis aegris denuo adhiberi possunt.

V.

(a) Quidam Chirurgi primo supremam, deinde infimam ac denique mediam transmittunt, Vid. ERNDELII Relatio de Itinere suo Anglico & Batavo p. 123.

(b) Ut Garengot loco citato.

(c) Firmari potest filum vel in altero extremo ope nodi; vel cum medio fili in formam an- fae complicati, & acui circumjecti.

V.

*Deligatio
quomodo
fieri debeat.*

His ita jam diligenter confectis *linamentum aliquod molle atque in rosarum mel-
le tinctum plagam inter* & *gingivam* collocandum esse vulgo praecipiunt, ut vul-
nus intus in ore glutinet: id quod quidem in adultis & ratione praeditis locum
habere potest; sed quia *in infantibus varia incommoda inde metuenda*, illud ple-
rumque omittere soleo. Nam primo sine aliqua vi id illis submitti non po-
test, qua, praesertim quia clamores *sive vagitus* eorum accedunt, facile *junc-
tae labrorum orae* divelli rursus poterunt; deinde periculum est, ne post aliquod
tempus vel horas *linamentum illud* a gingivis decidat & *in fauces* irruat, unde
vel *tussis hic perniciosissima*, vel vomitus, vel omnino *suffocatio* concitetur: igitur hoc in his potius omittendum esse censeo. Vulnus autem externum *ver-
nice aut peruviano vel quovis alio balsamo vulnerario inungitur*, *linamentisque carp-
tis & spleniolo* contegitur: superinjecto, si lubet, pro aptius continenda rima,
& tegendis extremis acuum, ne motu manuum infantum inde tam facile e-
vellantur, *emplastro glutinoso quatuor extremis sive capitibus* (in forma Tab. II.
fig. d) instructo, quarum binae in dextra, binae in sinistra mala firmantur;
itemque fascia digitorum transversum vel pollicem lata, quatuor itidem capiti-
bus praedita; vel simplici etiam ejusmodi angusto linteolo sive fascia, duo-
bus tantum capitibus praedito, cujus extrema circa occiput vel nodo vel a-
ciculis in vitta aegri firmari possunt. Sunt in Chirurgis nonnulli, qui *ad gra-
viores labiorum rimas accurate comprehendendas fasciam istam, quae uniens vulgo
dicitur*, atque in deligandis frontis vulneribus oblongis magno *cum fructu ap-
plicatur* (vid. Tab. II. fig. f.), digiti amplitudine praeditam, super emplaf-
trum injiciendam praecipiunt: sed cum hoc in malo potius detrimentum,
quam emolumentum, ob fortiorem, dum acuum extremis nititur, pressio-
nem, inde sit metuendum, rectius hic omittitur, & antea laudatae fasciae,
quae *non comprimendi, sed continendi solum scopo*, ne scilicet medicamenta aut
linamenta decidant, praeferendae. Quod ipsum etiam, nisi ego fallor, de em-
plastris glutinosis valet: praesertim in infantibus, qui solum, dum haec applican-
tur, diutius plorant, eoque ipso damnum facile in labro confuto patiuntur:
idcirco illud saepe sine damno omisi. Garengot vult, ut post operationem quo-
que aegris hisce bis vel ter sanguis e venis detrahatur. Verum ob rationes su-
pra positas hoc plerumque supervacuum ac praeter necessitatem fieri vi-
detur. Nec unquam adhuc in hoc malo illud feci, & tamen feliciter aegros meos
omnes sanavi, nec unquam aliquod malum ex neglecta sanguinis missione hic
in aegris meis vidi.

V I.

*An in in-
fantibus
etiam in-
stitui cu-
ratio illa
possit.*

Communis equidem veterum Doctorum opinio est, modo descriptam labio-
rum leporinorum curationem in infantibus tenellis, hoc est, iis, qui alterum ae-
tatis annum nondum compleverunt, minus tuto suscipi posse. Quin etiam, si
audire GARENGEOTIUM (a) voluerimus, haud ante quartum vel quintum ae-
tatis annum sine damno tentare operationem istam convenit. Sed contrarium ta-
men ipse rerum usus, magister optimus, quicquid ratio in contrarium dicitur, dudum
docuit.

(a) In Operat. Chirurg. cap. de labr. leporinis.

docuit. Neque enim exempla defunt istiusmodi infantulorum, qui, tametsi sextum vel septimum imo tertium mensem vix attigerant, feliciter tamen ab his ipsis laborum vitiis sunt liberati, si modo ceterum sani, & curatio rite institueretur (a). Imo parentes ejusmodi infantum apud nos saltem, fere nunquam ad quartum vel quintum usque annum expectare, & curationem eousque differre volunt; sed instant & urgent, ut operatio mox primo vel altero anno, imo saepe primo vel altero mense suscipiatur, & quemvis potius Agyrtam aut circumforaneum adeunt, si bonus Chirurgus eam in tenera ejusmodi aetate perficere detrectet, & per aliquot adhuc annos differre velit, ut saepius observavi, qui circumforanei eam etiam quam saepissime satis feliciter perfecerunt. Nam parentes, & praesertim matres, primo dedecori sibi ducunt, ut hac noxa signati infantes non curati in ludibrium hominum in publicum prodeant; qui tamen vix aut difficillime per quinque annos domi contineri poterunt. Deinde ne mulieribus praegnantibus, imo ipsis matribus iterum gravidis conspectu suo difformi terrorem incutiant, ut similes postea, sicuti saepe factum est, difformes foetus producant: id quod revera genuinos Chirurgos ad maturandam curationem excitare debet, & cumprimis quidem tunc, quando hiatus laborum vel exiguus, vel saltem non nimis magnus est. Hoc enim in casu curationem feliciter & aliis & mihi saepe cessisse novi, idque etiam ROONHUYSI, Chirurgi hac in parte exercitissimi, VERDUINI aliorumque multae, ut nostras jam taceam, testantur observationes (b). Ceterum in istac infantulorum curatione necessarium inprimis est, quam diligentissime ipsos ante operationem a somno detinere, imo & si lubet, anodynum quoddam prius remedium ingerere; quo facilius nimirum atque diutius post confectam operationem illi obdormiscant, neque vagiendo vel ejulando rimam contractam denuo resolvant, sed ut potius somni illius tempore glutinatio egregie promoveatur. Tum illud quoque providendum hic in opere est, ut primum potius, quam retrorsum versus caput infantis detineatur; ne infanti sanguis in fauces profluat, excitataque tussi Chirurgum & curationem impediat. Quanquam autem larga subinde sanguinis copia prorumpere ex recens incisis hac ratione labris consuevit, tamen nihil magnopere est, quod aut Chirurgus, aut spectatores extimescere debeant. Namque ista sanguinis profusio tantum abest, ut noceat, ut potius loco venae sectionis ad prohibendam inflammationem multum conferat. Imo etiam sanguinis ille cursus continuo sistitur, simulatque commendatae superius futurae ac vincula decenter labiis sunt injecta.

V I I.

Sed quo facilius tamen praecaveri largior in ipsa operatione sanguinis profusio hic posset, quo item commodius atque mitius operatio ipsa procederet, illud sibi Observatio de instrumentis, da- itemque dente, qui

(a) Vid. ROONHUYSI Observ. Chirurg. qui egregias circa hujus mali in infantibus & speciatim decem hebdomadam & curationes & cautelas descripsit; itemque ERNDELI Relatio loco quam in citato, ubi infans sex mensium feliciter ab hoc malo liberatus est. An. 1744 mense octobri rima pro infan-tem octo hebdomades natum sectione feliciter ab hoc vitio restitui, sicut historia haec in minet. Diff. nostra de labr. lepor. eodem anno edita legi potest, & postea adhuc plures; imo unum, qui non nisi aetatem sex hebdomadam habuerat.

(b) Vid. nota (a) hujus pag.

datum Chirurgorum nonnulli existimarunt esse, ut propria hunc *in usum instrumenta sive tenacula* ex ferro pararent, Vid. Tab. XX. fig. 6 & 7, quae parte A B labro curto utrinque ad fissuram ante applicanda, & ope annuli quadrati hinc inde mobilis firmanda, quam *scalpellum aut forfex* admoveatur (vid. Tab. XX. fig. 6. & 7.). Quae tametsi & aptiorem plagam ad cicatricem producendam accommodata esse & dicantur & videantur, rarius tamen atque adeo rarissime ea adhibui (a). In infantibus, praesertim ubi palatum fissum, pars ossis maxillae superioris, & in pueris paulo adultioribus hoc morbo laborantibus, haud raro dens aliquis grandior per fissuram labri indecore prominet, ita ut labrorum conjunctionem & glutinationem impediat: quae proin, ad commodius instituendam curationem, forcice robusto, vel forcipe tolli, vel extrahi ante semper debent, quam ad instaurandum labrum diffissum nos accingamus.

V I I I.

Quid in deligationibus innovandis imprimis observandum sit.

Quod attinet ad deligationem, eam ante tertium diem resolvere non convenit; nisi quid forte id urgeat, atque interea vulnus saepe sirupo violarum vel melle rosar. ope plumulae vel penicilli inungendum. Namque tum demum lustrari tuto atque a fordibus expurgari vulnus poterit: si modo debitam in ipsa resolutione adhibuerimus providentiam. Ne qua enim forte cum fasciis atque emplastris orae labri contractae denuo ab invicem abstrahantur, vino calido circa vulnus deligationem probe prius inungere oportebit; ut nimirum facilius & sua quasi sponte singula resolvantur. Tum ubi forte filum circumductum paulo laxius factum reperitur esse, ut oras non satis contineat, filum aliquod novum circum fibulas rite involvendum est, & orae arctius denuo constringendae: id quod tamen mihi nondum accidit. Ubi vero satis adhuc bene singula sese habere percipiuntur, tum in id potissimum intendi cura Medici debet, ut & remediis modo laudatis decenter iterum vulnus inungatur: reliqua eodem modo fiant, quae in prima deligatione praescripsimus. Simulatque dein post tres vel quatuor dies conferbuisse vulneris labra deprehenduntur, haud alienum est acumen mediam, si nempe tres adfuerint; vel superiorem, si non nisi binae adsunt, digitis vel per adhibitam idoneam forcipulam, sed quam providissime tamen, & post utrinque applicatos labio digitos, qui oras ejus comprimere debent, educere; idemque prorsus negotium in reliquis singulis sequentibus diebus, vel etiam post alterum quemque diem iterare. Sic enim ipsa quoque filamenta quam facillimo negotio vel sua sponte etiam recedent (b). Quibus confectis nihil amplius restat, quam ut singulis diebus melle rosarum, vel sirupo violarum, locus afflictus saepius inungatur, emplastroque dein glutinoso & fascia angusta uniente vel continente per aliquot adhuc dies comprehendatur, donec tandem penitus plaga consanuerit. Tandem ista quoque ad feliciter absolvendam curationem

(a) Alius adhuc fabricae tenacula in hunc usum laudata possideo; quia vero vix aut raro saltem iis indigemus, ea hic delineare nolui.

(b) Garengéot vult, ut fila prius resolvantur & acus solae adhuc per diem unum alterumve relinquuntur. Verum quia fila hic valde a sanguine ac balsamo conglutinata sunt, atque sic non nisi difficillime resolvuntur, in infantibus plorantibus hoc sine damno fieri nequit. Taceo nunc, quod infantes eas etiam facile evellerent, aut labia rursus dilacerarent.

tionem valde necessarium est, ut *primo tempore non nisi juscula, emulsiones, lac, gelatinas, ova sorbilia atque alios id genus cibos liquidos*, nullaue manducatione indigentes aeger assumat, atque infantibus labium saepe *in parte inferiori melle rosarum vel sirupo violarum ope plumae vel penicilli inungatur*: quae non solum faciunt, sed, dum infantes haec ob dulcedinem lambunt, hoc ipso glutinationem promovent. Adultiores vero a sermonibus aliisque motibus itemque ab aere frigido, quantum fieri potest, abstineant.

I X.

Circulatorum atque empiricorum germanorum non pauci curationem saepe *Histriones* sic instituunt, ut *non tam fibulas sive acus, quam filum potius robustum simplex vel duplex, communis alicujus acus beneficio per vulneris oras trajiciant*; iisdemque *quam curandi rationem ineant.* prorsus locis atque intervallis observatis, quibus Medici reliqui acus sive fibulas transmittunt. Fila utrinque dependentia singula gnaviter contrahunt, nodisque ea ratione constringunt, quam in *sutura nodosa superius praescripsimus* (P. I. L. I. cap. VI. No. 3.). Ordinem in stringendis nodis prudentiores eundem, ac Medici reliqui in trajiciendis atque vinciendis acubus, modo dicti circumforanei observant: quemadmodum nec in deligatione ac glutinatione quicquam immutant. Tandem tertio vel quarto die pro diversa mali differentia *vinculum medium, quinto supremum, sexto denique vel septimo infimum*; vel singula etiam eodem die quarto vel quinto, prout rima major vel minor fuit, rescindunt atque extrahunt. Quae ipsa quidem curandi ratio, quanquam parum prudens atque cauta videatur, ineptissimisque haud raro atque valde obtusis instrumentis peragatur; tamen non celeberrimo tantum W E D E L I O (a), sed mihi met quoque identidem observatum est, mirum quantum feliciter ipsam processisse, si scilicet hiatus fuerit exiguus. In majori vero labri defectu hic curandi modus non succedit, nec de eo aliquid apud alios recentiores Chirurgos deprehendi.

X.

Superest, ut observationes & cautelas adhuc nonnullas de hac noxa hic *Variae ad-* subjungam. 1. *Quando cutis in supremo angulo per duplicem illam sectionem non ri-* *huc cautela & ob-* *servatio-* *nes.* *te*, ut facile fit, tollitur, pars rimae superior etiam non coalescit, licet inferior conserveat; sed hiatus ibi manet. Igitur ad hoc evitandum non male agitur, si *mox initio sectionis scalpello vel forfice angulus ille inciditur*; ita cutis orarum postea facilius tollitur, & totus hiatus postea accuratius glutinatur. 2. Quodsi haec cautela neglecta est, & foramen in superiori parte manet, inferiori glutinata, non aliter forte aut melius curatur, quam si cicatrix duplici incisione, ut alias in hoc morbo fieri solet, tota excidatur, & postea futuris, ut supra docuimus, per acus quam solertissime jungatur. Ita ego duas curavi virgines *junio-*

(a) Vid. Ej. lib. de morbis infantum p. 12. ubi in infante nondum fere annum nato, intra octo dies labri leporini limbum perfecte consutum & coalitum futura non nisi ficca sese observasse refert, postquam ante sectionem uncinuli undique agglutinati fuerunt, ut citra ullam futuram acubus factam circumvolutio commodior & minus dolorifica contactum vulnorum promoveret.

juniores, quae a circumforaneis relicto in labri parte superiore foramine, male curatae erant. 3. Quotiescunque vero palatum simul fissum est, & labri hiatus in narem aliquam se extendat, ut in exemplo illo, quod Tab. XX. fig. 1. litt. A exhibetur, erat, cautela modo data supervacua est, & locum non habet: quia angulus in suprema parte deficit: licet recens scriptor eam promiscue observandam & necessariam esse doceat: unde vero patet, eum hanc speciem, quae tamen apud nos non valde rara est, non vidisse aut saltem eam neglexisse. 4. Quando quis duplici, ut vocant, labro leporino laborat, quatuor orae sunt resecandae, atque acubus paulo longioribus primo ora sinistra labri affecti, in parte suprema ut alias in simplici malo, postea pars media, & denique dextra quam accuratissime perforanda, deinceps altera acus transigenda ac tandem filis, ut supra dictum est, probe jungenda (a); vel quia ob maxillae figuram convexam saepe una vice acubus rite comprehendi nequeunt, alter hiatus primo, & hoc sanato alter curatur. 5. Quidam docent, inter quos etiam ROONHUYSIUS & PALFINUS, ut altero vel tertio die fila, acubus injecta, paulo relaxanda sint, & varia inde commoda promittunt. Verum cum fila haec a sanguine & balsamo plerumque tam firmiter inter se & cum vulnere vel acubus cohaereant, ut supra jam indicavi, hocque sine metu laesionis cujusdam ac doloris, praesertim quia infantes & pueri, si quis hoc agere velit, dum novam sectionem metuunt, vehementer vociferantur, neque magnum adeo commodum mihi inde expectandum videtur; hanc filorum relaxationem, nisi forte inflammatio vehementior id requirat, potius omittendam esse suadeo: nam ejectis acubus aut fibulis sponte cadunt, atque peculiarem laborem non exigunt. 6. Est mihi vittae genus in usu, utrinque in angulis, qui genas spectant, duobus vel tribus uncinulis ad similitudinem eorum, qui Tab. IV. fig. 9. exhibentur, instructum, quod capiti aegri ita applico, ut anguli cum uncinulis utrinque accurate versus labra genis nitantur. Deinde, postquam acubus filum circumdatum est, aliud illudque robustum filum uncinulo alterius lateris innecitur, super labrum futuris junctum ad uncinulum oppositi lateris ducitur; hinc rursus ad prius latus, & ab hoc rursus ad posterius per reliquos sensim uncinulos circumducitur, donec filum finiatur: quo egregie labrum recens, & forte melius, quam omnibus aliis fasciis & emplastris junctum sustentatur & firmatur, ne orae vulneris a se invicem recedere queant, licet infans etiam saepius aut vehementius ploret. 7. Sunt, qui suadent (b), ut in oris labri resecandis altera manu labrum trahatur & sustentetur, altera vero ope forficis ora resecetur; & quidem sic, ut ora sinistra manu sinistra prehendantur, & dextra resecetur; contra vero ora dextra manu dextra contineatur & sinistra, ope forficis auferatur. Verum quia hac actione necessario labri pars inferior fortius quam reliqua, trahitur, quam caute etiam agatur; hinc in sectione plus in parte labri inferiori quam in superiori resecabitur, adeoque hiatus justo major & inaequalis fit, quae aequalis esse debet. Imo ob brevitatem labri in infantibus illud saepe a digitis prebendentibus ita occultatur, ut nimis magna pars auferenda esset. Ut taceam molestam

(a) In ejusmodi malo, acu suprema transmissa, mox filo injecto orae constringi possunt, ita reliquae acus commodius transmitti, & orae inferiores aptius conjungi possunt.

(b) GARENGEOT loco citato.

lestam forficis ex dextra in sinistram mutationem sectionemque per sinistram manum, quae a plerisque in utroque latere commodius dextra perficitur, instituendum. Quare *utilius & commodius esse puto digitis in sectione labrum non attingere; sed forficem solam oris, & quidem prius sinistrae, vel dextrae, ac deinceps alteri submittere, eaque eas quam solertissime recidere.* 8. PETITUS pro hac operatione acum excogitavit eis fere similem, quas lardarias dicunt, & quibus lardum in culinis per carnes assandas traducunt, sed longe his minorem (vid. Tab. XX. fig. 8.): cui deinceps in obtuso extremo, quod cavum & fissum est, A, postquam utrasque labri cruenti oras dimidia penetravit, fibulam (fig. 9.) utrinque levi capitulo instructam eamque argenteam immittit, illamque, educto acu, in vulnere relinquit, ac ceteroquin, ut alias fieri solet, filae fibulis his circumvolvunt orasque cruentas conjungit: id quod revera ut ipse expertus sum, bene succedit. Sed quando hac methodo usus sum, fibulas argenteas elegi nullo vel solum unico capitulo instructas; ut in fig. 10. aliquam exhibui: ita non solum ut forcipe discerpatur non indigent, sed quoque facilius & securius, quando opus est, educi rursus possunt, quam si capitulo duplici instructa est. Nam capitulum ejusmodi in extractione renititur, adeoque in extractione major vis adhibenda, unde facile laceratio aliave noxa quaedam labro inducitur, & partes junctae facile divelluntur. Praeterea acus haec nimis crassa & ampla mihi videtur, ita ut nimis amplum foramen faciat; hinc eam potius adhibui, quam pro auris perforatione Tab. XIX. fig. 8. commenda- vi. 9. Si inflammatio forte vehementior, febris ingens, convulso aliave gravia mala superveniant, id quod tamen nunquam, licet saepissime hanc operationem perfecerim, hic accidisse vidi, Garengcot non sine ratione suadet, ut futurae solvantur. 10. Quod si forte maxillae magna pars, aut in adultis dentes ita deficiant, ut fibulae ibi sustentari non possent, lamina plumbea labro, si commode id fieri posset, subjicienda esset; nam casus vidi, ubi hoc fieri non potuit. An. 1742. Denique mirum est, HILDANUM inter sexcentas observationes, quas edidit, ne unicam quidem de labris leporinis dedisse. Quaenam hujus rei causa sit, utrum hoc malum nunquam viderit, an curationem ejus perficere ausus non sit, dubius haereo.

C A P V T LXXVI.

De labrorum aut oris carcinomate.

I.

DUplex potissimum canceri labrorum indoles observatur; vel clausus enim ad- ^{Cancer oris} huc est, vel apertus, ut alii canceri. Clausus dicitur, quando tumor durus ^{quid sit.} ac cum ardore dolens in labro percipitur. Apertus vero, quando vel tumor iste in ulcus degenerat, vel ulcus cancriforme & depascens foetidum in labris sine tumore praevio oritur: unde acris eademque pessimi odoris sanies profluit, quae non ipsum modo labrum, sed universam quoque haud raro faciem miserum plane in modum erodit. (vid. exemplum Tab. XX. fig. 11. litt. aaa.), & plerumque in labro inferiori sedet.

I I.

Cavissa mali quae sit. Nasci autem miserabile vitium istud inde potissimum solet, si, prout in cancro fere omni contingit, sanguis spissus in spongiosis illis atque glandulosis labrorum partibus haeret, atque tandem acrimoniam peculiarem contrahit, ut in aliis carcinomatibus. Hinc enim vel tumor aliquis, vel verruca, praesertim livida, cum doloribus provenit, sensimque in ulcus mali moris sive cancrum apertum transit; vel protinus etiam labrum finditur, & quidem saepe principio levi ad speciem fissura, quae vero sensim cum dolore ampliatur, ut in modo nominata fig. II. aliquo modo videre licet. Inprimis autem facile noxae istiusmodi incidunt, si vel a morsu quodam labri fortuito, vel ab ictu, vel punctura ejusdem, vel lapsu, vel denique ab acuto quodam dente labrum graviter afflictum est.

I I I.

Prognosis. Et medicamenta quidem in pessimis vitiis istis parum plerumque proficiunt. Si quid enim expectare salutis hic licet, illud omne fere a scalpello petendum ac sperandum videtur. Quod nisi opportune satis factum fuerit maximum utique periculum est, ne ad proximas quoque partes sensim malum serpat, gravissimisque tandem colli ac faucium tumoribus, ut ipse observavi, misere hominem strangulet (a). Ubi vero in tempore partes vitiatae exciduntur, major utique salutis spes superesse consuevit: praesertim si medicamentis simul convenientibus sanguis corruptus expurgatur atque emendatur; id quod tamen quam difficillime obtinetur: hinc fit, ut vitium pristinum frequentissime, imo fere semper redeat. Ceterum longe promptius atque felicius in juvenibus, quam in natu grandioribus malum illud perniciosissimum curatur: promptius item ac felicius, si ab externis, quam si ab internis causis, sanguine scilicet nimis acri & corrupto, idem est subortum.

I V.

Curatio cancri, qui a rima nascitur, per medicamenta.

Ad curationem quod attinet, diversimode ipsam instituere, pro diversa vitii conditione, convenit. Ubi enim 1) non nisi rima quaedam, tanquam ulcusculum dolens & ardens summam labri partem affligit, vitiumque causae externae, frigidiori verbi gratia aeri ortum debet, haud alienum est mucilagine semin. cydonior. vel melle rosar. & balsamo peruviano, vel unguento saturnino seu diapompholygos, addito praesertim mercurii pauxillo, diligenter ipsam rimam inungere, atque deinde emplastrum saturninum aut lamellam plumbeam, argento vivo prius probe frictam, quam exactissime superimponere, vel etiam supra deligare, donec penitus sanatum vitium reperiatur. Etiam si nec interna sanguinem depurantia medicamenta cum sollicita victus ratione hic negligenda sunt. Liquorem ex putrefactis pomis expressum mercurioque dulci permixtum una cum medicamentorum internorum usu valentissimum adversus hanc noxam esse, feminae cujusdam junioris graviterque isto vitio laborantis exemplum me docuit. Sic in Ephem. nat. curios. cent. VI. obs. 43. memoratum legimus, ex vitriolo coeruleo, eodemque vel cum olivarum oleo, vel sine ipso adhibito, cancrum oris sanationem aliquan-

da

(a) Idem recentissime notavit DRANIUS in obs. Chirurg. IX. X. & XI.

do recepisse. Simulatque vero neque haecenus *proposita*, neque alia his si- *Per fer-*
 milia medicamenta aliquid proficere, *sed in deterius noxam continuo vergere* *rum.*
 fenserimus, unicum sane idemque promptissimum auxilium est, *forficis aut*
scalpelli acutioris adjumento, quicquid in labro corruptum atque induratum re-
 peritur, *duabus vel tribus sectionibus quam exactissime fieri potest, excindere, &*
potius aliquid de sano simul tollere, quam noxii aliquid relinquere (a), inflic-
tanque hoc modo plagam acubus aut fibulis duabus vel tribus, ut in labro leporino,
aut si rima exigua, sutura tantum nodosa contrahere. Hanc egomet curandi
 viam ingressus haud infeliciter sum, quando cancerum illum Tab. XX. fig.
 II. propositum hac ratione curavi.

V.

2) Quodsi autem cancer oris nondum in ulcus degeneravit, sed adhuc tu- *Curatio*
 mor aliquis durus & valde molestus eas labri partes, quae cuti proximae sunt, in- *cancro, quod*
 festat; commodissima Medicis quibusdam visa medicina fuit, quae per medicamenta *a tumore*
 rodentia labris adhibetur; dummodo exeso tumore diligenter rursus plaga glu- *nascitur:*
 tinetur. Quod medicinae genus tametsi nonnunquam, praesertim si ab exter-
 nis tantum *caussis vitium subortum*, vel ubi aliqua *tumoris cystici species est*,
 haud prorsus ineptum fuit; tamen quia periculosa *ut plurimum in canceris roden-*
tium applicatio esse consuevit, satius utique & salutaris visum & mihi & aliis
praestantissimis Medicis fuit, scalpello vel forfice, quicquid forte corruptum
sentiatur, diligenter excindere. Et duplici quidem ratione, pro diversa vitii indo-
le, applicare ferramenta in his ipsis casibus oportet. Ubi enim mobilis adhuc
tumor is existit, scalpello aperiri cutis, quantum satis videtur, debet, resolu-
toque aut per scalpellum aut forficem a partibus proximis tumore, vulnus dein
balsamo vulnerario debita ratione rursus glutinari. Ubi vero fixus plane atque
immobilis tumor cancrifus cutique firmiter innexus advertitur, rescindi omnino ista
labri pars omnis debet, quae vitium illud continet; vulnere postmodum, qua par est,
diligentia futuris supra dicta ratione adstricto atque glutinato. Sed quamcunque
tandem curandi viam aliquis fuerit ingressus, sane nisi perdere operam om-
nem voluerimus, non sollicita solum vitae victusque ratio servari semper ab
aegrotis debet, sed illud etiam inprimis provideri, ut & sanguinis detractionibus,
& medicamentis internis idoneis sanguinis & copia, & acrimonia subinde minuatur,
mitigetur atque attemperetur, ne, prout fieri quam saepissime solet, denuo ma-
lum pristinum redeat: id quod frequentius in hoc, quam in mammarum car-
cinomate accidisse vidi. Conf. SCULTETUS obs. 33. & DRANIUS locis
antea indicatis; itemque GARENGEOT. cap. de cancro labrorum Tom. III.
cap. II.

De

(a) Ut DRANIUS quoque docet loc. cit. pag. 76. 83. Et hac ratione carcinomata non ex-
 ulcerata in labris saepius feliciter extirpata esse, MARESCOTTUS refert in *Relatione de lin-*
guae carcinomate extirpato, Modenae 1730.

De dentium noxiis, quae manu curantur.

C A P V T LXXVII

Qua ratione dentes sive maxillae clausae ac rigidae aperiri debeant.

I.

Os rigi-
dum a qui-
busnam
caussis
oriatur.

QUOD in nonnullis hominibus ita graviter nonnunquam os rigescit, ut neque dentes ab invicem diduci, neque cibus assumi, neque sermo satis explicari possit, hoc spasmis ut plurimum, in inferioris maxillae musculis excitatis, acceptum referendum esse videtur: atque hinc rigor sive spasmus maxillae vocatur. Ipsi autem spasmi illi non ab una semper eademque causa proveniunt. Nunc enim a nervis atque tendinibus, in uno alterove corporis membro vulneratis, vel brachio etiam aut pede amputato, ut saepius in castris vidi, excitantur: nunc autem propter ipsius maxillae sive faucium etiam musculorum inflammationem incidunt.

I I.

Curatio.

Si ab inflicto vulnere quodam noxa illa suboritur, considerandum ante omnia est, num forte res quaedam aliena intus in vulnere delitecat, quae spasmos illos moveat: quam ob causam vulnus dilatandum. Hac enim reperta ac decenter extracta, quam celerrime ut plurimum spasmi conquiescunt; nervinis antea medicamentis nihil omnino, vel parum proficientibus (a). Quod si autem nihil omnino alieni delitescere intus in vulnere animadvertitur, conjiciendum non sine ratione videtur, a nervis aut tendinibus laesis calamitatem illam proficisci: quemadmodum luculentius ex iis patet, quae de nervorum atque tendinum percussione supra disputavimus (P. I. Cap. II. No. 2. § 3.). Itaque primum ac praecipuum auxilium positum est in eo, ut protinus ea auxilia, quae citato loco hanc in rem commendavimus, decenter adhibeantur. Ubi nihil omnia medicamenta proficiunt, necessarium utique est, nervum vel tendinem istum laesum, nisi forte cum praesentissimo mortis periculo idem fiat, penitus rescindere. Sic enim opinione citius & spasmi hi, & motae ab his convulsiones evanescunt. Nonnunquam laesus iste nervus usque adeo penitus latet, ut pervestigari nulla ratione valeat, aut ob vitae periculum rescindi haud queat, adeoque nec a convulsionibus aeger homo liberari. Hic miserum, sed unicum tamen auxilium superest, brachium aut pedem, in quo laesus iste nervus latet, si modo vires aegro sunt, mature abscindere. Facilius plerumque curari homines solent, ubi post amputatum pedem vel brachium spasmi isti proveniunt. Namque tum sua sponte quasi haud raro malum quiescit; simulatque nimirum aut filamenta resectis ar-

(a) Conf. hic Lib. I. Cap. II. N. XVIII. & seq. ubi de vulnerum doloribus & spasmis agitur. pag.

arteriis injecta, aut vitrioli frustula pro cohibenda sanguinis profusione imposita recedunt. Interim haud prorsus insolens atque novum est, nec quicquam remedia omnia hoc in malo valere; ideoque hominibus, calamitate ista pressis, ut saepius vidi, miserandum plane in modum esse pereundum. Sicubi musculorum, quibus maxilla sustinetur, aut tonsillarum inflammatio impedit, quo minus diduci ab invicem dentes queant, longe optimum erit, inflammationem istam debita inflammationibus ratione curare, siquidem ipsa curata, maxillarum quoque vel oris rigor paulatim simul cessabit. Sed ne qua tamen interea fames hominem aegrum conficiat, dum cibus assumi difficulter potest, necessarium utique videtur juscula, cerevisiam calidam cum vitellis ovorum solutis, emulsiones amygdalarum item ac gelatinas e cornu cervi, atque id genus alias res succulentas, & bene nutrientes, quae vel ipsis etiam dentibus clausis sorbillari commode possunt, diligenter ipsi porrigere; quin &, pro re nata, clysteres etiam nutrientes ex similibus rebus paratos identidem injicere.

I I I.

Sunt equidem a Medicorum nonnullis propria instrumenta quaedam *dentes De cochleis diducentia*, sive cochleae oris aut maxillares varii generis atque habitus exco-^{maxillari-}gitatae, (vid. Tab. XX. fig. 12.) quas *specula oris* vulgo vocant, vel etiam ^{bus quid}*specilla oricularia*; quarum beneficio diduci os, pro cibis & medicamentis in-^{habendum}gerendis, queat. Sed vero, ut ne quid ego dissimulem, *tantum abest, ut instrumentorum ejusmodi usus, certis in casibus tanquam salutaris commendari possit, ut potius quasi perniciosus evitari a prudentibus Medicis debeat.* Neque enim fieri aliter vix potest, quam ut, propter violentam oris diductionem, musculorum inflammatio cum spasmis atque doloribus subinde augeatur: quum longe mitius tractari homo aeger possit, si sorbitiones valentiores isto modo ingerantur, quem nos jam jam (No. 2.) praescripsimus. Ut proinde velut prorsus hic ineptae atque crudeles rejici maxillares cochleae haud immerito possint. Atque idem fere censendum etiam de isto DIONISII, celebris quondam apud Gallos chirurgi, consilio videtur, quo is ejusmodi in casibus dentem aliquem protinus concutiendum vel effringendum suadet, simulatque per cochleam maxillarem non satis diduci os, ad juscula & medicamenta ingerenda, valeat (a). Ceterum si vel ad oris vitium aliquod explorandum, vel ad operationem aliquam in palato, tonsillis, uva atque dentibus instituendam paulo latius aperiri os oportet, tantum abest, ut cochleam maxillarem abjiciendam statuam, ut potius vel hanc, vel oris specillum (Tab. XX. fig. 13.) aut aliud simile vel aequivalens subinde, ubi opus, commendandum censeam.

C A-

(a) Vid. Ejus chirurgia, demonstrat. VII.

C A P V T L X X V I I I.

De dentibus impuris crustis obsessis, vel nigris expurgandis.

I.

Quomodo
expurgare
dentes sca-
bros oportet.

QUum propter luridas, flavas atque nigricantes crustas illas, quibus obducuntur dentes consueverunt, non insigniter solum hominis os deformatur, sed pessimus quoque odor inde excitatur, quin etiam dentes ipsi vacillantes redduntur; operae utique pretium facere videntur illi, qui, quam citissime atque exactissime fieri illud potest, dentes ejusmodi scabros atque impuros mundari expurgarique curant. Confecta hunc in usum propria eademque varia instrumenta sunt, scalpra dentalia haud inepte dices (vid. Tab. XX. fig. 14. 15. 16. 17.), quorum pro diverso usu ac necessitate alia in apice *A* angustiora, alia latiora, acutiora alia, alia etiam falciformia, ut fig. 17. existunt, singula autem uni eidemque manubrio (fig. 14. litt. *B*) si lubet, jungi vel immitti, aut etiam peculiaribus manubriis, ut fig. 16. & 17. ex FAUCHARDO depromptae (a) possunt. His ipsis prope gingivas applicatis, alteraque manu dentibus firmatis, dentium crustae illae resolvuntur ac sensim abraduntur; sed provide tamen, ne ipsa simul gingiva diserpatur, vel laceretur, aut dens quidam temere evellatur (b). Tum longe optimum videtur, dentes atque gingivam tinctura laccae Mynsichti, aut rosarum melle, cui aliquot spiritus salis aut vitrioli guttae admixtae sunt, per aliquot dies probe fricare. Sic enim non dentes solum albi, sed gingivae quoque firmiores redduntur. Vidi haud adeo pridem in Saxonia Odontiatrum, qui, licet variis illis instrumentis instructus erat, tamen me praesente variis personis omnes dentium crustas unico illo, quod fig. 17. delineatur, promptissime resolvit.

II.

Quomodo
praecaveri
dentium
crustae
possint.

Ne qua autem nova denuo vel crusta vel nigredo dentes infestare facile possit, necessarium utique est, bonum aliquod dentifricium in promptu semper habere; quo ipso post sextum quemque vel septimum diem fricare atque expurgare dentes, eosque splendidos facere & confirmare queat. Nimis enim crebra fricatio, vel quae per nimis acria, aut cruda, aut vehementia medicamenta instituitur, aequae ferme graviter, quam ipsa negligentia dentes affligit. Sic enim asperior iste pulvisculus, qui e pumice, lateribus, coralliis tabacique cineribus & similibus praeparatur, insigniter dentes atterit atque absumit: spiritus autem acidi, qualis praeter reliquos vitrioli ac salis spiritus est, sensim sensimque dentes exedunt atque consumunt. Tutissima atque aptissima dentifricia sunt, quae ex rebus paulo lenioribus, lapidibus puta cancrorum, matr. perlar. vel conchis praeparatis, osse sepiae, cornu item cervi atque creta cum radice iridis Florentinae ac myrrha similibusque permixtis conficiuntur. Quoties minus firma gingiva est, admisce-

ri

(a) Vid. ejus. *Chirurgien Dentiste*.

(b) Cautelae hac in actione observandae eodem in libro legi cum fructu poterunt.

ri haud incommode spiritus falis aut vitrioli guttulae quaedam poterunt. Compositio haec esse potest.

℞. Cretae praeparatae, vel ossis sepiae. praeparat.
Myrrh. rubr.
Rad. irid. flor.
C. C. praeparat. ā ʒj vel ij.
Spirit. falis gut. iij ad vj. M. F. pulvis tenuissimus.

Vel etiam talis:

℞. Conchar. praeparatar.
matr. perlar. praeparat. ā ʒij.
fang. dracon. ʒj.
terr. japonic. ʒj. M. F. pulvis subtiliss.

Quibus equidem pulveribus ut *suavis odor concilietur*, haud alienum est, *olei ex cinamomo, caryophyllis* aut ligno Rhodio facti guttulas *quasdam instillare*. Ad *dentes valde nigros nobilissimum* etiam medicamentum est, *cinis tabaci*, si raro usurpatur, vel etiam quod hac ratione paratur:

℞. Aqu. plantag. ʒj.
mell. rosat. ʒij.
spirit. falis gut. X. M.

In his *stropholi* aut *lintei subtilioris pars exigua tingatur*, *dentibusque leniter quotidie fricandis*, dum *nitidiores iidem evaserint*, adhibeatur; sed ita tamen, ut *sexta quaque vel septima luce aptum aliquod dentifricium* postea per aliquod tempus applicetur, vel interponatur. Quam equidem ob rem *pessimus iste quamplurimorum empiricorum mos videtur*, quo ad *dentium nigredinem abstergendam salis vel vitrioli spiritum quam frequentissime & larga quidem copia adhibent*. Si quid enim aliud, *spiritus profecto hi acidissimi insigniter dentes & arrodunt & destruant*. Si quis autem nihilominus eodem vel ceteris id genus spiritibus acrioribus uti hanc in rem quandoque voluerit, huic ego auctor sim, ut, quoties ejusmodi quicquam dentibus admovit, *aqua pura os statim probe semper eluat*; ne quid forte acrimoniae in dentibus remaneat. Ceterum *praestantissimum dentes integros servandi praesidium* situm in eo est, ut non *mane solum, sed interdum quoque ac vespere post assumptum cibum aqua pura singulis diebus ipsi & eluantur*, & digitis admotis expurgentur; optimo *dentifricio quodam vel solo etiam sale vulgari, quod longo usu praestantissimum deprehendi, quavis hebdomade semel simul aut bis adhibito*. Sic enim non a tenacibus solum humoribus, qui ex cibis remanent crustamque dentibus inducunt, immunes conservari dentes possunt; sed & *vel maxime a cruciatibus, doloribus & corruptione praeservari & vindicari*.

C A P V T LXXIX.

De dentibus exesis.

SI qui forte corrofi sive exesi dentes sunt, id quod cariem dentium vulgo vocare solent, tum abesse vix potest, quin subinde ex cibis particulae quaedam foraminibus istis sese insinuent: quae, dum paulatim putridae atque acres fiunt, ipsos simul dentes, eorumque membranulas & nervos magis magisque erodunt, itaque graviter hominem & affligunt, & deformant. His ipsis calamitatibus ne prorsus defuisse Chirurgi viderentur, quaesita dudum remedia sunt, quibus propulsari vel imminui saltem eadem possint. Primum itaque in hoc medicinae genere est, ut vel per adhibitam aciculam vel dentiscalpium, vel quodcunque aliud instrumentum aptum, ut Tab. XX. fig. 19. 20. vel 21. quam solertissime ab intus haerescantibus sordibus foramina expurgentur, ceraque candida vel mastiche postmodum expleantur. Quae simulatque forte elabitur, nova protinus injicienda cera est. Sic enim & a sordibus & ab ulteriori corruptione quam diutissime saepe immunes conservari dentes poterunt. Quando caries nondum nimis profunda est, saepe eam lima tollere confert. Quoties autem intus in molaribus dentibus vitium istiusmodi inest, cum primis in medio, longe optimum videtur vel concisis longis auri plumbive foliis ope ferramentorum Tab. XX. fig. 20. & 21. (a) vel plumbi etiam frustulo solido ipsique sinui accommodato, quam exactissime fieri potest, dentes exesos adimplere. Sicubi paulo altius dentium molarium foramina sive caries penetrant, neque proin commode purgari superius praescripta ratione dentes valent, iique vehementes dolores concitent, valens medicina est quae per instillatum caryophyllorum, cinamomi vel ligni guaiaci oleum aut vitrioli spiritum adhibetur. Sic enim non sordes tantum intus latentes destrui & consumi, sed cruciatus quoque protinus quandoque leniri consueverunt. Quae si forte non satis vehementia reperiuntur, ferramentum aliquod candens atque huic scopo accommodatum (Tab. III. fig. 14. & 16. vel Tab. XX. fig. 20. vel 21) demittere in exesum dentem oportet. Id ipsum enim quemadmodum & sordes & dolores quam celerrime tollit, sic nullis magnopere cruciatibus hominem afficit; dummodo provide satis atque sine proximarum partium damno adhibeatur. Dentes hunc in modum adusti ne pristinis denuo cruciatibus affligantur, supra positis rebus diligenter ipsos adimplere convenit. Quod si autem nihil omnino istaec omnia profecerint, vel dens etiam cera, auro vel plumbo impleri nequeat, unicum restat auxilium, dentem scilicet, qui neque expleri commode, neque servari sine molestiis potest, si nihil hoc impedit, extrahere: quemadmodum mox edocebimus.

(a) Uberius hoc de artificio videri potest Fauchardus⁴. cit.

C A P V T LXXX.

Quomodo manus beneficio lenire dentium dolores oporteat.

INterdum ita graves atque pertinaces dentium dolores sunt, ut nullis omnino medicamentis deliniri queant. Itaque *ab ipsa manu petere sanitatis praesidia convenit*: vel enim 1) sedantur *scarificatis gingivis*, quod PLINIUS jam olim notavit (a), & frequens usus confirmavit; 2) vel *ferramentum aliquod candens* atque huic scopo accommodatum in *exesos dentes* ea ratione demittendum, quam praecedente capite praescripsimus; vel 3) *locus post aurem positus*, antitragum Anatomici nuncupant, *ferro adurendus*, scalpellove incidendus; (Vid. supra cap. LXVIII) vel ut SCHELHAMMERUS vult, digitis vehementer comprimendus (b); vel denique 4) si omnia ea parum sunt, dens iste corruptus atque dolens eximendus.

C A P V T LXXXI.

Quomodo dentes linguam vel genas pungentes atque inaequales corrigi debeant.

Nonnunquam dentes sic crescunt, ut vel ad interiores vel exteriores partes justo magis, quam naturaliter decet, inclinent. Multo saepius dentium confractorum partes acutae inaequaliter prominent. Utrobique istud plerumque praesto esse incommodum consuevit, ut non sermo tantum & manducatio inde impediatur; sed vel lingua etiam, vel labra compungantur, lacerentur, tum inflammationibus quoque, tumoribus, ulceribus atque haud raro ipso carcinomate infestentur. Quibus equidem malis pessimis ut opportune succurratur, necessarium utique est, vel per *adhibitam limam subtiliorem*, qualis vel ista esse potest, quae indicatur Tab. XX. fig. 22. dentes ejusmodi perniciosos abradere, vel & pro *mali dispositione forcipis praeacutae beneficio decerpere*, vel etiam, sicubi ista parum sunt, penitus dentem evellere.

C A P V T LXXXII.

De dentium evulsione.

I.

Dentium evulsionem, CICERONE (c) teste, primus invenit AESCULAPIO. Cujus equidem in templo plumbeam veteres forcipem suspendisse perhibent. Raro & caute evulsio infl. tuenda.

(a) Lib. 32. cap. 7.

(b) In dissert. de odontalgia tactu sananda.

(c) De natur. deor. Lib. III. cap. 22.

hibentur; id, nisi me omnia fallunt, significantem, alienum utique ac periculofum esse, alios dentes evellere, nisi qui forcipe plumbea, id est, facili negotio, quippe jam tum mobiles ac labantes, eximi queant. Namque minus bene atque adeo *peffime salutis suae consulunt*, qui *absque magna necessitate* in dentium aliquo dolore, *ad firmos adhuc atque integros dentes evellendos paulo imprudentius festinant*. Ut enim nihil jam de eo dicam, quod saepius non sine gravi dolore, sed & quandoque cum vitae periculo (a), ex ossibus, quibus iidem quam firmissime quasi clavus in ligno inhaerent, dentes evellantur; sane *ipsis evulsis, non masticatio solum, sed sermo etiam haud parum*, si anteriores sunt, difficilis minusque perspicuus redditur. Atque id ipsum magis etiam in hominibus adultis, utpote in quibus nulla omnino spes superest, fore, ut novi dentes renascantur. Interim quamplurimi obvenire possunt casus, ubi eximi dentes oportet.

I I.

Quando
institu-
enda.

Sic enim 1) in infantibus satius plerumque est, dentes illos caducos sive lacteos vulgo dictos, prudenter eximere, quam donec sua sponte iidem excidant, expectare. Simulatque igitur dentes ejusmodi mobiles fiunt, identidem ipsos atque tamdiu quotidie digitis adhibitis movere convenit, dum vel per admotum digitum, vel annexum filum, vel, quod commodum inprimis videtur, per forcipem aliquam idoneam, praesertim illam, quam corvi rostrum Chirurgi vocant, aliamve similem facili negotio eximi valeant. Ubi enim justo diutius dentes isti caduci in ore relinquuntur, periculum est, ne juxta ipsos nati dentes novi & molestiam & insignem deformitatem afferant. Tum 2) accidere quoque interdum solet, ut infantibus dentes quidam e palato prominentes aliove incongruo loco nascantur: qui si forte infantes in uberibus sugendis vel postea in loquendo impediunt, aut aliud grave damnum inde metuendum, prudenter utique eximendi sunt. Deinde 3) dentium praesertim exesorum dolores usque adeo graves nonnunquam sunt atque intensi, ut nullis omnino aliis remediis deliniri possint, sed a manu potius auxilium postulent. Similiter 4) ubi dens aliquis minus justam figuram vel magnitudinem habuerit, quibus vel lingua atque labra graviter laeduntur, vel insignis deformitas homini conciliatur, vel laborum denique curtorum glutinatio impeditur, longe optimum est, protinus ipsum evellere. Atque idem prorsus judicium de istis etiam dentibus esto, qui 5) dentis aliquam fistulam concitarunt. Neque enim ut plurimum istiusmodi fistulae, nisi post evulsum dentem noxium, sanescunt.

I I I.

Quomodo
peragenda.

Ipsa autem dentes istiusmodi perniciosos eximendi ratio commodissima ferre haec est. Nempe si ex inferiori maxilla eximi dens aliquis debet, in sella quadam humili, vel & in ipso humo etiam aegrotus confideat; sin vero e maxilla superiori, in sella paulo altiori vel lectulo, quamvis etiam sint, qui in utroque casu aegrum in humo vel humile sella desidere jubeant. Tum Chirurgus ferra-

men-

(a) Cujusmodi quidem exemplum relatum legimus a BOHNIO in lib. de vulnerum renunciatione, aliaque ab aliis observata sunt.

mentum aliquod aptum quam solertissime applicet, idemque recta tantisper & quam providissime quidem ducat, atque vacillet, quasi clavum e ligno evellere velit, donec dens ille noxius ex alveolo suo prodeat. Ac in *inferioribus quidem dentibus eximendis sursum, in superioribus deorsum versus ducere instrumentum convenit*. Quanquam plane singularibus hic opus artificiis est (a), nisi aut frustra comprehendere, aut frangere etiam dentes voluerimus.

I V.

Ad instrumenta autem, evellendis dentibus accommodata, quod attinet, horum usque adeo insignis & copia & varietas est, ut nemo fere Chirurgus sit, quin peculiaria instrumentorum genera in promptu habeat. Quam maxime familiaria in his ea sunt, quae pelicanus, odontagra, vel forceps, rostrum corvi dicta, appellari a Chirurgis consueverunt, aliave similia a variis jam delineata. Minus communia, sed aptissima tamen sunt, quae Tab. XX. fig. 23. 24. 25. designavimus: quanquam ipsorum usus facilius, demonstrari ad oculum, quam verbis describi valeat (b). Tum fractorum quoque dentium fragmentis & radicibus eximendis, si forcipes forte non sufficiunt, peculiaria in scholis Chirurgorum destinata reperiuntur instrumenta. Cujus equidem generis illud est, quod pes caprae vulgo nuncupatur; vel ipsis etiam Chirurgicae tironibus notum instrumentum, itemque illud, quod fig. 26. exhibetur. Eundem ferme usum praestare illud instrumentum solet, quod fig. 23. litt. A. delineatum exhibemus; & cujus altera pars per litteram B. indicata, ipsis dentibus extrahendis accommodata est. Plura ejusmodi instrumenta a GARENGEOT. lib. de Instr. Chirurg. delineata ac descripta videri possunt.

V.

Ceterum illud breviter hic admonendum restat, dentes, tametsi saepius refigi debeant, haud facile tamen tum eximi debere, quando tumor vel inflammatio, praesertim gravior, gingivas aliasque partes propinquas infestat. Namque alias periculum est, ne dolor nimis vehemens aegris concitetur, & post ipsam operationem confectam adhuc graviora mala aegrotos, aut periculosa haemorrhagia (c) invadant. Denique nec gravidis ob multa pericula, inde metuenda, dentes facile evellendi.

C A-

(a) De his uberius consulatur *Fauchardus* in lib. qui inscribitur *Le Chirurgien Dentiste*.

(b) Praeter haec laudatus FAUCHARDUS plura adhuc, quae vehementer laudat, in lib. citato delineavit & descripsit.

(c) Haemorrhagias quandoque graves, imo mortiferas quandoque dentium evulsionem secutas esse, scriptores notarunt plures. Quodsi igitur haemorrhagia gravior aut diuturnior incidat, acetum forte vel spir. vini rectificatissimus ore contineri saepius debet, vel cum turunda ex linamentis alveolo intrudi, & digitis bene imprimi, donec tandem subsistat. Ita & turunda ex emplastro quodam stiptico aut glutinoso intrusa haemorrhagiam, quae jam XXIV. horas duravit, aliquando compescuit.

C A P V T LXXXIII.

De dentium artificialium insitione.

Mirificam ex anterioribus dentibus amissis & deformitatem & sermonis explicandi difficultatem nasci, & supra jam indicavimus, & quotidianus rerum usus loquitur. Quibus equidem incommodis ne qua forte medicina omnis deesset, novam dentes ex ebore, vel hippopotami dentibus, vel etiam ex ossibus bubulis efficiendi exactissimeque inter reliquos firmandi artem Chirurghi excogitarunt. Sicubi uno plures iidemque contigui dentes perierunt, tum plures etiam ex uno eodemque ossis frusto factos, firmiterque proinde sibi mutuo cohaerentes, immittere in locum vacuum dentes convenit: atque ita quidem, ut vel propter ipsam figuram suam, vel & per filum quoddam sericum sive aureum firmiter cum proximis firmis sive vicinis dentibus, adeoque & cum reliqua dentium naturalium serie cohaerescant. Ne qua autem facile corrumpi dentes istiusmodi artificiales possint, haud alienum est, ante somnum semper ipsos eximere, diligenterque expurgatos post confectum somnum mundatumque os rursus immittere. Si qua autem forte radix aut festuca superest, propter quam dentes artificiales immitti minus commode possunt, necessarium utique est, vel per adhibitam limam quicquid impedimento est, abradere, vel per admotum ferramentum ex modo cap. 82. laudatis penitus illud eximere. De his uberius rursus legi meretur FAUCHARDUS libro saepius jam laudato.

Explicato Tabulae vigesimae.

- Fig. 1.* Ostendit caput infantis, labro leporino litt. A laborantis, duos circiter annos nati, cujus totum simul palatum fissum erat, atque in latere sinistro dentes duos incisores conspiciendos exhibet.
- Fig. 2.* denotat acum seu potius *aciculam* capitulo instructam, & cuspide triangulari donatam, ad labra leporina jungenda idoneam.
- Fig. 3.* similis *acicula* est, sed cuspide plana, ex orichalco seu argento confecta.
- Fig. 4.* alia ejusmodi acus sive *fibula* cuspide plana, & sine capitulo.
- Fig. 5.* demonstrat duas ejusmodi *acículas* per labrum leporinum trajectas, quibus filum orbiculatim circumjectum est.
- Fig. 6.* & *7.* duo *tenacula* demonstrat, quibus nonnulli in operatione labri leporini utuntur, pro oris ejus accuratius & sine magna sanguinis profusione refecandis. Parte A. B.prehenduntur orae labri: quae deinde, dum annuli CC versus BB moventur, apte firmantur.
- Fig. 8.* est acus in forma acus lardariae, a PETITO, Chirurgo Parisiensi, excogitata, pro labris leporinis apte perforandis, & fibulis sive *aciculis* commode immittendis, ubi litt. A fissuram ejus denotat, in quam, postquam acus dimidia trajecta est, *fibula* quaedam immittitur, & ope hujus acus in labrum inducitur.
- Fig. 9.* *fibulam* denotat argenteam ex argento flexili paratam, utrinque capitatam, quam PETITUS hic adhibet.

Fig.

Fig. 10. aliam ejusmodi *fibulam* demonstrat, in altero tantum extremo capitulo instructam, quam ego ob rationes supra dictas praefendam esse existimo.

Fig. 11. exhibetur *facies hominis, carcinomate labri inferioris laborantis*: ubi litt. aaa labrum erofum sive cancrum apertum & exulceratum designat, dentibus cum gingivis apparentibus; litt. bbb autem tumorem carcinomatofum interiorem faciem anguli sinistri oris occupantem.

Fig. 12. ferramentum exhibet, quod *speculum oris* vulgo appellant, cochlea instructum, pro dentibus diducendis, quando Chirurgus in ore aliquid perficiendum: nam litt. AA. partes indicant, quae dentibus incisoriis interponuntur, quae deinde cochlea B ulterius, si opus est, diduci possunt.

Fig. 13. aliam speciem *speculi oris* repraesentat, in modum fere forcipis exaratum, cujus pars A linguae imponitur pro ea supprimenda & firmanda; pars BB dentibus incisoriis superioris maxillae subjicitur: habenis vero sive extremis CC diductis os apertum & lingua simul depressa detinetur.

Fig. 14. 15. 16. 17. instrumenta exhibentur dentibus impuris & crusta sive tartaro obfessis purgandis inservientia, variarum figurarum in apicibus AAA, prout modo ex interiori, modo ex exteriori parte; modo a dentibus inferioribus, modo a superioribus aliquid separandum & expurgandum: ubi manubrium B fig. 14. ita comparatum est, ut & reliqua ferramenta modo indicata ope cochleae CCC. eidem immitti queant.

Fig. 18. & 19. sunt duo ferramenta, iisdem usibus destinata, sed paulo majora, qualia FAUCHARDUS maxime idonea esse existimat, qui adhuc plura alia describit.

Fig. 20. & 21. indicant duo ferramenta, pro dentibus cavis, si opus, non solum expurgandis, sed etiam adurendis, aut quoque auro vel plumbo implendis.

Fig. 22. *Limam* pro dentibus vel pungentibus vel cariosis limandis idoneam sistit: & quidem litt. A limam, B manubrium.

Fig. 23. *Odontagra* sive ferramentum dentibus evellendis destinatum recentius quoddam genus. Pars A ad radices dentium eximendas loco pedis caprini dicti apte servire potest; pars autem B cum adjumento unci C ad integros dentes extrahendos apta est. Nam non solum protrahi potest pro dentium eximendorum magnitudine per cochleam D; sed condi etiam, si reflectitur, commoditatis ergo in capsula sive operculo E uncus hic potest.

Fig. 24. Aliud genus *odontagrae* commodum, quod ope trochleae A majoribus & minoribus dentibus facile accommodari potest, si habena sive globus B circumagitur.

Fig. 25. Aliud instrumentum pro eodem usu, idemque tribus uncis, uno recto A & duobus incurvatis B C instructum: quorum rectus pro dentibus molaribus anterioribus; curvi vero pro posterioribus tam dextri quam sinistri lateris eximendis inserviunt, & unusquisque pro dentis eximendi situ per cochleam D in corpore machinae firmari potest. Ita & praecipua pars sive vectis hujus machinae F pro rei necessitate per manubrium E interventu cochleae G vel extendi vel contrahi potest ac debet.

Fig.

Fig. 26. Uncum repraesentat pro dentibus nonnullis eorumve radicibus eximendis idoneum.

De gingivae noxis, quae manus beneficio curantur.

C A P V T LXXXIV.


Quomodo aperire gingivam in difficiliore dentitione conveniat.

Difficiliorem equidem in infantibus dentitionem non spasmos solum, convulsiones atque epilepsiam, sed ipsam quoque mortem haud raro concitare, communis experientia loquitur. Saepius enim usque adeo crassa & tenax eorum gingiva est, ut a dentibus subter ipsam latentibus atque jam jam prodituris vix vel difficulter admodum perrumpi valeat. Quando vero dentes, naturae ministerio, sensim sensimque altius ex alveolis prodeunt, graviusque proinde supra positam gingivam distendunt atque urgent, fieri aliter vix potest, quam ut dolores, aestus sive calor p. n. atque vigiliae cum continua ejulatione superiusque positis malis suboriantur. Simulatque igitur infantes ad dentitionem maturi nimio calore, clamoribus atque vigiliis, vel convulsionibus etiam atque epilepsia vexantur, dispiciendum protinus est, num quis forsan in gingiva tumor dentem aliquem imminuentem significet. Si quid enim istiusmodi subest, a medicamentis convenientibus a Medico petendis primo, deinde, his nibil efficientibus a manu, praesertim si malum desperatum esse videtur, petenda sanitatis atque vitae praesidia sunt. Nempe incidi provide per adhibitum scalpellum gingiva tumida, & transverse quidem ad usque ipsum dentem subtus urgentem debet. Sic enim sublata hoc modo gingivarum violenta distensione, superius enumeratae calamitates protinus plerumque evanescent, praesertim si postea gingivae vulneratae sirupo violarum vel melle rosarum diligenter inunguntur (a). E contrario cum haec neglecta esset in Ducis Niverensis filio octomestri, mortem inde secutam esse notavit PARAEUS Lib. XXIII. Cap. 67. SYDENHAMIUS, practicus Medicus celeberrimus Anglus, asseverat, (b) difficiliorem in infantibus dentitionem, siquidem ipsa nunquam non conjunctam inflammationem habeat, promptius haud curari, quam sanguinis in infantibus ejusmodi per venas detractio. In adultis autem, quibus vulgo sic dicti dentes sapientiae post annum vigesimum magnis saepe cum doloribus nascuntur, hos dolores, quos apte quoque vocare possumus dentitionem difficilem, quam felicissime per crebram gingivae tenacioris atque tumentis concisionem sive scarificationem, aut ipsam gingivae incisionem deliniri, VESALIUS memorat (c). Cui quidem eo magis habenda fides est, quum

(a) Curationis hujus exempla quaedam extant apud PARAEUM lib. XXIII. cap. 67. itemque DRACIUM anatom pag. 653.

(b) In opusculis suis practicis.

(c) De human. corp. fabric. Lib. I. C. XI.



quum ipsemet viginti sex annos natus hanc curandi rationem in proprio corpore suscepit.

C A P V T L X X X V.

De epulidibus seu gingivae tuberculis.

Gingivae tubercula sive carunculae Medicis Epulides vocantur. Duplex autem praecipue ipsarum genus est: nonnullae enim sine doloribus sunt; aliae graviter hominem affligunt, siquidem malignae sunt paulatimque interdum in cancerum transeunt. Tum ex magnitudine ipsoque habitu epulidum discrimen aliquod nascitur. Quaedam enim nucem aliquam grandem, aliae minutam adaequant: quaedam duriores, aliae molliores sunt: quaedam denique tenuem, aliae crassiores atque ampliores radicem habent. Neque vero malas tantum distendunt ac deformant epulides, si magnae sunt, sed masticationem quoque & sermonem insigniter impediunt, promptissimamque proin curationem exigunt. Nulla autem promptior curandi ratio locum hic invenit, quam qua carunculae istae, perinde ut alias in ejusmodi tuberculis fieri solet, penitus extirpantur. Itaque ubi tenuiorem radicem epulides habuerint, vel filum quoddam diligenter injiciendum, radixque probe liganda sive constringenda est (a), vel forfice aut scalpello refecanda. Ubi vero pars ima paulo amplior fuerit, medicamentum aliquod rodens idemque lene applicare convenit. Faciunt huc inprimis oleum tartari per deliquium, vel & solutio salis ammoniaci. A vehementioribus atque venenatis autem prorsus hic abstinendum est: siquidem ipsa gravem plerumque in ore inflammationem, exulcerationem, vel cariem, quin etiam, ubi forte deglutuntur, mortem inducere possunt. Quare si blandiora non sufficiunt, tutius a ferro sanitatis praesidia hic petuntur, dum carunculae istae volsella vel uncinulo comprehensae scalpello vel forfice rescinduntur; sed ita tamen, ne gingiva simul tota excisa caries in ossibus maxillae denudatis concitetur. Sanguinis fluxus aliquamdiu permittatur. Si vero diutius, quam par est, perduret, quo facilius cohibeatur atque sanguis ex ore expurgetur, longe optimum erit vinum, praesertim rubrum, idque adstringens, vel oxycratum cum paucis alumine mixtum, quam frequentissime homini aegro pro ore colluendo porrigere, donec is cruorem omnem exspuerit. Si sanguis conquievit, oleo myrrhae per deliq. vel essentia myrrhae cum rosarum melle permixta, pars afflicta debet inungi, atque id ipsum quotidie tamdiu fieri, donec vulnus confanuerit. Si quid forte ex tuberculo remansit, vel redire minatur, mature illud exedere per antea laudata, vel etiam per admotum vitriolum coeruleum simileve aliud medicamentum rodens oportet, vel etiam forfice vel scalpello iterum refecare. Ferrum candens in ejusmodi casibus a nonnullis hic commendatur, & felices eo peractae curationes ab iis referuntur (b); tamen non minus solum commode hic in ore applicari potest, sed insignes quoque dolores concitat. Interea tamen si aliter reprimi non posset, illud tandem

(a) Exemplum hujus curationis obvium est apud SCULTETUM observat. 94.

(a) Vid. Ruyschii Observat.

tandem quoque adhibendum esset. Singulare curationis vitii hujus exemplum una cum scalpello ad hunc usum accommodato MEEKRENIUS proposuit *observat. XXVIII.* SCULTETUS autem *carunculam istiusmodi gingivae dentium anteriorum juxta palatum adhaerescens* per adhibitam *volsellam ad polypos adaptatam feliciter extirpavit. vid. Ej. observ. 35.* Ego etiam in palato post dentes incisores talem superioribus annis in monacho vidi: quae vero ob *spinam ventosam* in ossibus palati conjunctam, & quia aeger ignem admittere noluerat, tolli constanter non potuit, sed aeger tandem viribus exhaustus moriebatur.

C A P V T LXXXVI.

De Parulidibus seu gingivae abscessibus.

Nonnunquam ex vehementioribus dentium doloribus tumores graviter dolentes cum inflammatione ipsarumque malarum tumore, modo minore modo majore, in gingivis proveniunt. Parulidas Graeci appellant. His primum eadem prorsus ratione, quam supra in tumoribus inflammatoriis reliquis proposuimus, succurritur: medicamentis scilicet digerentibus; vel, sicubi haec non proficiunt, aut malum neglectum, in abscessum aut fistulam quandoque degenerant. Igitur si recens adhuc tumor est, longe optimum videtur, ad dolores, ob quos aegri dormire nequeunt, leniendos tumoremque digerendum, primo sanguinem detrahare, ac deinceps chamaemelum, salviam, flores sambuci, aliasque id genus herbas digerentes in aqua vel lacte coquere, calidumque liquorem ore diu continendum quam saepissime aegrotanti porrigere. Extrinsecus adhiberi sacculus aliquis ex similibus herbis, vel emplastrum de meliloto, vel diachylum simplex cum camph. vel, si haec non sunt, strophium saltem calidum, pro arcendo frigore & faciliori resolutione obtinenda, poterit: non neglectis internis diaphoreticis ac resolventibus. Quodsi vero resolutio obtineri nequeat, emollientibus opus est, althaea scilicet, malva, verbasco, ficubus aliisque similibus cum lacte decoctis, creberrimeque ore retentis. Externe ad accelerandam maturitatem utilissimum erit, simul ficum dimidiam atque super prunis tostam intus ad tumorem applicare; extrinsecus autem cataplasma quoddam emolliens super malam imponere. Simulatque tumoris mollities suppurationem significat, statim tuberculum, vel subcrudum etiam, incidendum, ne, si ibi diutius pus permanferit, ipsum simul os afficiatur atque exedatur, unde pessimae saepe fistulae oriuntur. Ulcere per scalpellum aperto, diligenter exprimi per admosos digitos materia corrupta debet, subindeque vel vino calido, vel decocto ex agri-
monia & hyperico cum admixto rosarum melle colluendo purgari. Atque id ipsum tantisper fieri convenit, dum penitus ejecta materia noxia deprehenditur. Tum enim sua quasi sponte vulneris orae coibunt. Sicubi paulo altius vitium penetrarit, necessarium utique est, decoctum illud per syringam injicere, diligentissimeque rursus expresso liquore, splenium aliquod fasciae beneficio super ipsum ulceris fundum deligare, ut nimirum is primo sanescat. Quodsi autem in fistulam (cui ossis caries saepe conjuncta est) ulcus degenerat, tum post injectiones supra positas singulas olei myrrhae per deliq. vel & elixir. proprietatis per.

portiuncula instillanda sive immittenda, pro ulcere cum expurgando, tum glutinando. Hac enim curandi ratione adhibita, egomet non solum varias simplices, verum etiam fistulam ejusmodi cum ossis carie conjunctam, eandemque jam tum inveteratam, siquidem ultra annum ipsa infederat, ad sanitatem perduxit. Sed si nihil omnia medicamenta proficiunt, scalpello incidere fistulam oportet, ipsamque ante omnia cariem vel medicamentis, vel radula, vel denique ferro candenti ea ratione extirpare, quam supra descripsimus, (P. I. Lib. V. cap. VIII.). Interdum dens aliquis exesus fistulam in gingiva facit, quas dentium fistulas sive maxillares appellare solent: qui proinde eximi prius debet, quam fistulae medicina conveniens adhiberi possit. Singulares de parulidibus observationes Miscellanea Berolinensia Part. I. pag. 143. continent: utpote ex quibus patescit, medicamenta suppurantia parum atque adeo nihil profecisse; quinimo tumores, nisi protinus incisi fuerunt, ad fistulas transisse, quae sanari ante haud potuerunt, quam exesus dens fuerit extractus. Praestat igitur, quemadmodum supra jam tum admonuimus, tuberculum istiusmodi, vel subcrudum etiam, protinus incidere, quam per frustra diutius tentatum resolutionis negotium cariei periculo ipsum os exponere. Ceterum de Epulide & Parulide SCHELHAMMERUS jam An. 1692. elegantem dissertationem edidit, quae evolvi potest.

De linguae vitiis, quae manus beneficio curantur.

C A P V T LXXXVII.

Quomodo deprimi lingua, & liquor in fauces injici debeat.

POssunt equidem varia incidere palati sive oris vitia, tonsillarum nempe atque uvulae inflammationes sive exulcerationes, polypus item atque abscessus oris, officula denique vel piscium spinae intus forte in faucibus defixae, quae providam omnino atque aptam linguae depressionem postulant: siquidem accurate ipsa cognoscere atque curare volueris. Adhiberi ad hunc usum peculiare quoddam instrumenti genus solet, glossospatha, sive specillum linguae Medicis vocatum (Vid. Tab. I. litt. P.). Nobiliores autem iidemque delicatiores, quia specillum istiusmodi, utpote quorumvis aliorum hominum ori applicatum, insigniter fastidiunt, elegantius longe est atque simul commodissimum, cochlear quoddam mundum ansaque planiori instructum applicare. Utrobique vero id prospiciendum inprimis est, ut quam lenissime instrumentum admoveatur, ne qua forte partium aegrarum inflammatio cum doloribus concitetur vel adaugeatur. Sicuti bi injectionibus simul opus est, super spathae oris sive cochlearis ansam syringem in os immittere atque liquorem convenientem injicere oportet. Si quae autem oris ulcera, tonsillarum ac uvulae vitia, narium polypi atque id genus alia incommoda, sed absque inflammatione tamen & convulsionibus incidunt, quae, quo minus aperiri os valeat, impediunt, speculum oris quoddam prudenter adhibendum est. (Tab. XX. fig. 12. vel 13.).

C A P V T LXXXVIII.

*Quomodo succidere frenulum linguae conveniat,
quod nostrates solutionem linguae appellant.*

I.

*Quando
frenulum
linguae in-
cidendum.*

Solutionem linguae eam operationem Germani appellant, quando membra-
na sub lingua, quam *frenulum* Medici vocant, dividitur sive inciditur:
Fit ea plerumque in infantibus, & quidem *duplicem ob causam*: nimirum primo
in infantibus valde tenellis, quando scilicet linguae pars anterior in iis a primo
natali die nimis arcte cum parte subjecta per membranulam illam ita juncta
est, ut linguam satis movere aut ex ore exserere, adeoque & sugere ritenequeant.
Deinde etiam fit in paulo adultioribus, quando nimirum ob hanc membranam
nimis arctam aut brevem justo tempore articulate loqui non possunt: quare
propter utramque causam haec curatio valde saepius necessaria est. Interea
tamen sciendum, hanc linguae solutionem non in omnibus recens natis promiscue
infantibus, ut pleraeque adhuc hodie obstetrices ac mulieres, imo & multi alii ho-
mines temere putant, requiri; sed potius statuendum, eam vix in millesimo
quoque infante necessariam esse; imo, ut usus me & plures alios prudentio-
res Medicos docuit, hoc vitium longe rarius occurrere quam labra leporina.
Quotiescunque enim infans linguam ex ore emittere potest, frenulum bene se habet,
atque operatione hac non indiget: nam & sugere & loqui tandem, nisi aliud vi-
tium subsit, discet. Contra si infans linguam vix movere, neque super dentes
ex ore exserere possit, vel membrana haec alia ratione usum linguae impediret,
tunc utique incisione apta opus est. Quia vero non temere instituenda, ne,
ut quandoque factum est, mala perniciosissima imo & quandoque ipsa mors ea in-
ducantur (a), operae pretium erit, quomodo ea recte institui debeat, expli-
care.

II.

*Curandi
ratio.*

Scilicet infans a robusto gremio comprehendendus, & deinde ab alio caput
probe firmandum. Postea extrema lingua vel per adhibitum linteolum, ne fa-
cile e digitis rursus elabatur (vid. Tab. XXI. fig. 1.), apprehendi, vel &
per propriam furcinulam (fig. 2. & 3. itemque Tab. I. litt. O aut P.) manu si-
nistra paululum attolli debet, cui tamen manum, si res eas expediri potest,
praefero (b). Dehinc ipsum linguae frenulum, venas raninas inter & duc-
tus salivales inferiores, quantum quidem ad sugendi loquendique facultatem
sufficit, forcipe apicibus obtusis Tab. I. litt. C. vel scalpello inciditur; sed
provide tamen, ne aut ductus salivales, aut venae raninae, aut nervi linguae
simul incidantur. His etenim laesis mala gravissima suboriuntur. Sic enim

DIQ-

(a) Vid. exemplum in ROONHUYSEN. Obs. XI. & Mauricaeus Obs. 301.

(b) Cui quoque sententiae Garengot subscribit, furcinulamque rejicit in *Traité des In-
strumens* Tom. I. p. 329.

DIONISIUS in Chirurgia sua memorat (a), infantulum quendam, propter nimiam sanguinis ex incisio venis raninis profusionem brevi post operationem exspirasse. Si quae autem forte fortuna vena incidatur, quod in nimis brevi & crasso frenulo facile contingere potest, spleniolum aliquod complicatum acetoque madidum tantisper sub lingua continendum est, donec sanguis conquieverit. Quodsi forte in prima incisione non satis succisa lingua deprehenditur, post aliquot dies vel pro re nata etiam septimanas reliquam frenuli partem, quam providissime fieri potest, forfice vel scalpello adhuc refecare possumus. Denique post peractam operationem digitus melle rosarum vel sirupo violarum madidus sub lingua quam saepissime hinc inde commovendus, vulnusque eo blande inungendum est, ne solum aut divisum linguae frenulum denuo confervescat.

III.

Ceterum ex jam dictis non id solum apparet, rariora longe, quam vulgo putatur, noxae hujus exempla esse, sed curationem quoque subinde periculosam. Quam quidem ob rem pessime falluntur obstetrices illae, quae, nullum prorsus infantem ab istoc vitio immunem nasci, cum imperitissimo vulgo statuunt: adeoque infantulis recens natis omnibus digitis in os immisis, linguae frenulum istud unguis adjumento resolvere allaborant. Namque abesse vix potest, quin temeraria & rudior istiusmodi per unguis laceratio illius membranae inflammationes, convulsiones atque adeo mortem ipsam in tenerrimis infantulis saepe adducat. Itaque non obstetrices tantum & mulierculae ab imprudenti frenuli ista solutione seu potius laceratione serio dehortandae sunt, sed HILDANUS quoque in primis hic consulendus; siquidem is Cent. III. obs. 28. non ipsius tantum noxae naturam atque curationem, sed varia quoque incommoda, quae concitari per imprudentem operationem possunt atque solent, accurate admodum proposuit. Quando autem solutio frenuli hujus requiritur, tutius longe & minori cum dolore ea forfice aut scalpello, ut dictum est, quam unguibus rudioribus perfici potest; interea tamen & MAURICAEUS ab inepta hujus frenuli sectione mortem notavit. Observ. 301.

C A P V T LXXXIX.

De ranula sive tumore, itemque calculo sub lingua.

I.

Ranulam Medici vocant tumorem sive abscessum, qui sub extrema lingua juxta frenulum & venas raninas, modo in dextra, modo in sinistra, modo denique in media parte subjecta nascitur. Intus contenta materia varia est: nunc enim lympham tenax & mucilaginosam carnem distendit, nunc alia quaedam materia purulenta crassior, atque duriuscula, imo quandoque lapidea hic deprehenditur, quae tumorem facit. Tumor ipse quandoque celeriter admodum increfcit,

(a) Ubi de frenulo linguae agit.

crescit, atque non loquendi solum ac deglutiendi facultatem mirifice impedit, sed acutissimos quoque dolores interdum concitat (a). Nonnunquam etiam tubercula carnosae eademque dura hic enascuntur; quae quo majores dolores afferunt, hoc magis etiam periculosa sunt, paulatimque aliquando, ut semel iterumque vidi, in cancrum transeunt. Saepius autem infantes, quam adulti, a tumoribus sub lingua infestantur. Neque facile etiam resolvi, quicquid semel hic coit, potest: siquidem medicamenta resolventia commode applicari & firmari hic non valent. Eandem etiam propter causam ranula difficulter ad supurationem perducitur. Ut proinde plerumque vix nisi a manu sanitatis praesidia petere conveniat.

I I.

Curatio.

Et vero quia tumores isti plerumque tumoribus tunicatis haud absimiles sunt, longe optimum foret, eosdem, ceu supra (cap. XXVIII.) praescriptum est, protinus una cum ipsius tunicis extirpare. Sed variae tamen rationes sunt, quae istam curandi rationem, longe ceteroquin promptissimam, hic impediunt. Neque enim tunica solum tenuissima plerumque hic esse solet, sed miserabilis quoque infantum ejulatio ita periculosam atque ancipitem hanc operationem efficit, ut nihil omnino facilius sit, quam nervos, vasa linguae sanguifera ductusque salivales graviter laedere, indeque & dolores vehementissimos, & spasmos, vel inflammationes, vel sanguinis profusiones gravissimas concitare. Itaque longe melius infantum saluti prospicitur, sicubi, detento ac firmato prius infante ejusque capite per ministros lingua per alterutram Chirurgi manum sursum paululum adducta, tumor per immissum altera manu scalpellum secundum longitudinem transversim, sed provide tamen, ne modo memoratae partes simul percutiantur, inciditur, atque intus contenta materia noxia, sive ea sit spissa (b), sive etiam purulenta, quam diligentissime emittitur; vel, ubi crassior fuerit, per admotos digitos vel specilla exprimitur. Ne qua autem, prout fieri plerumque solet, tumor istiusmodi propter intus relictam tunicam, denuo renascatur, quod facile alias fieri solet: tutissimum utique fuerit, ipsum vulneris fundum linamentis in rosarum melle, cui spiritus vitrioli ad notabilem acorem admixtus est, tinctis identidem, per dies singulos atque tamdiu expurgare, donec tunica penitus exesa & consumpta deprehendatur. Tum enim absque omni periculo, vel oleo & saccharo, vel mero rosarum melle aut oleo myrrhae per deliquium adhibito, ad sanitatem ulcus perducere poterit. Interdum sine admotis medicamentis atque instrumentis, velut sua sponte tumor iste rumpitur: adeoque tunc si satis patet, eodem prorsus, quem jam jam proposuimus, modo instituere purgationem glutinationemque ulceris oportet; verum, si minus valet, forcice prius vulnuscum dilatandum est. Nonnunquam glandulae subter linguam posita cum doloribus atque inflammatione intumescunt. Quod ipsum simulatque incidit, lac calidum ore continendum, atque ficus dimidia tosta diligenter ad partem aegram appli-

(a) Exempla huc facientia extant apud MARCHETTUM Observat. 31. TULPIUM item Observat. Lib. I. cap. 32. nec non apud FABRICIUM AB AQUAPENDENTE, cap. De ranula linguae. Conferri quoque potest Diss. de Ranula.

(b) Anno 1746 curavi infantem novem mensium, cui ingens ranula erat sub lingua, nuci juglandis quasi magnitudine, in qua materia erat albo ovi prorsus fere similis.

applicanda, cataplasmatibus atque emplastris emollientibus subter mentum impositis, donec vel *resolutus*, vel ad *maturitatem tumor* perveniat (a). Tunc enim, si maturus deprehenditur, incidi, expurgari atque glutinari pars afflicta eo modo debet, quem in *epulidibus* seu gingivae abscessibus supra descripsimus (Cap. LXXXV.). Sicubi, prout egomet aliquoties observavi, tumor sub lingua media, sive in illa parte est, ubi ductus salivales in os transeunt, abstinendum utique a scalpello est, ne scilicet ductus isti salivales una cum nervis aut vasis sanguiferis vicinis perrumpantur, nisi forte a latere accessus detur, ut incidi tuto possit. Tutius enim hic est, donec naturae beneficio ulcus aperiat, expectare, diligenterque postmodum secundum modo propositam rationem expurgare. Quoties autem in *cancrum tumor istiusmodi* vergit, misere ut plurimum homines afflicti pereunt: neque enim facile curationem noxa istiusmodi pessima recipit. Interea tamen perpendendum, an non rescindi *cancrosum tuberculum* forte possit, & curatio aliqua procurari. Si calculus in ipsa hac regione linguae percipitur, lingua ea in parte, vitatis partibus ante indicatis, incidenda est; & calculus, nisi tunc sponte excidit, *volsella* vel *specillo ejiciendus*, vulnusque, ut dictum est, glutinandum. Exemplum vid. apud ROONHUYs. Obs. Chirurg. 29.

C A P V T X C.

De scirrho, ulcere atque cancro linguae.

I.

SI qua linguae pars cum durtie, sed sine doloribus tamen intumescit, scirrhus *Malum de eandem occupasse dicitur.* Qui simulatque dolores concitat, vel & *mate-scribitur.* riam purulentam sive faniem foetidam emittit, paulatim in *cancrum degenerat*: prouti quidem eo loco declaravimus, ubi generatim de scirrho tractavimus. Ad ipsum autem tumoris illius habitum quod attinet, interdum & cumprimis in principio exiguus idem est, pisoque vel avellanae haud absimilis; interdum paulo grandior est, sed quandoque valde insignis, fereque maximam linguae partem tenet. Nunc mobilis est, nunc prorsus immobilis consistit. Nunc tectus atque praeclusus adhuc cancer est; nunc autem apertus atque exulceratus, ideoque putridum pessimeque olentem, ceu fieri in cancris reliquis solet, humorem effundit & linguam sensim consumit. Interdum *perniciossissimae hae noxae sponte sine ulla nota caussa suboriuntur*; saepius vero si dens aliquis acutus, inaequalis vel fissus graviter linguam compungit atque affligit. Vidi inde linguam ex altera parte, vidi vero etiam eam ab apice paulatim erosam atque destructam.

I I.

In curatione igitur quoties male affectus ejusmodi dens noxam istam inducit, Curatio. eximi protinus idem debet, vel sultem apex vel inaequalitas, quae laedit ac pungit, per adhibitam limam idoneam Tab. XX. fig. 22. aliamve similem, quam *exactissime*

(c) Vid. SALMUTH. in observ.

vissime abradi. Quo enim diutius in dente vitium illud persistit, hoc gravius etiam ipsa lingua infestatur, & nunquam, nisi vitio dentis prius ablato, sanescit (a). Dente jam, prout diximus, extracto vel raso, aegram atque exulceratam linguae partem oleo myrrhae per deliquium, vel & rosarum melle, admixto pauculo balsamo peruviano sive de meccha, gnaviter inungere convenit; id quod egregium usu deprehendi. Sicubi jam ab internis causis excitatum malum est, medicamenta interna, quae alias contra scirrhum & cancerum valent, tentari possunt; attamen ut plurimum parum aut nihil proficiunt. Itaque si his aliisve idoneis remediis aliquamdiu usurpatis malum non minuitur, protinus hic adhibendum ferrum est, ne propter ipsam cunctationem malum ingravescat ac nimis periculosa operationem efficiat. Sed sciendum tamen hic est, nasci quandoque in hominum linguis tubercula quaedam pisces fere aequalia, vel & grandiora, quae prout egomet aliquoties observavi, non eandem solum magnitudinem semper servant, sed sine doloribus etiam atque incommodis per plures annos, imo usque ad ipsum vitae finem persistunt (b). Haec sine curatione relinquenda sunt; ceu supra jam de scirrhis atque canceris mitioribus nihilque procedentibus est praescriptum. Quo magis enim istiusmodi tuberculum tractatur, hoc gravius plerumque irritatur; usque adeo, ut in carcinoma sive cancerum apertum sensim idem degeneret, miserrimeque tandem aegrum hominem interimat (c). Quod si autem scirrhus in lingua multum augetur & dolores movet, quam citissime extirpare ipsum convenit. Nimirum si mobilis adhuc tumor est, aeger rite collocari, deinde comprehendere & incidi lingua per scalpellum eo usque debet, ut resolvi commode a partibus integris quicquid durum & corruptum advertitur, possit. Sicubi immobilis, sed tamen non nimis magnus tumor est, proxima linguae pars simul excidi cum eodem debet. Ubi vero grandior vel & in ipsis linguae radicibus atque ita positus tumor observatur, ut totus excindi haud quaquam possit, satius utique est prorsus ab operatione abstinere, quam frustra hominem discruciare, vel prorsus eum interficere. Cancer enim, nisi totus extirpatur, magis per admotum ferramentum ingravescit. Quo autem commodius institui operatio valeat, longe optimum erit, ministrum aliquem a tergo, qui caput contineat, aliumque ad hominis aegri lateris alterutrum constituere, qui gnaviter linguam vel digitis linamento quodam subtiliori tectis, vel & volsella quadam, qualis ea esse potest, quae Tab. XIX. fig. 9. vel 10. repraesentatur, contineat. Scirrho vel carcinomate hunc in modum extirpato, glutinari vulnus per adhibitum mel rosarum cum pauxillo balsami supra laudati, vel myrrhae oleum, vel & oleum olivarum, vel amygdalarum dulcium recens cum saccharo in formam linimenti permixtum oportet. Post confectam curationem illud imprimis injungendum aegris est, quod supra jam in canceris praecepimus, ut nimirum quam maxime sollicitam atque justam vitae victusque rationem per omnem reliquam vitam observent, atque subinde idoneis remediis

(a) Sicut etiam observavit & sentit RUYSCH. Obs. 76.

(b) Novi exemplum, ubi ejusmodi tuberculum in lingua viri cujusdam litterati jam per triginta fere annos sine mutatione adest: suasi vero, ut medicamentis non irritetur, sed in quiete relinquatur.

(c) Teste HIPPOCRATE & CELSO.

mediis a prudenti Medico praescriptis utantur. Namque alias haud exiguum periculum est, ne pristinum malum denuo redeat. Memorabile hic videri istud curationis exemplum poterit, quod ab expertissimo RUYSCHIO (a) descriptum legimus: siquidem is refert, tumorem istiusmodi linguae exulceratum scalpello excisum, applicatoque dein ferro candenti malum ipsum curatum fuisse, quod sine ustione, licet aliquoties excisum, curari non poterat. Contra MARESCOTTUS, Medicus Modenensis, exemplum describit notabile, ubi magnus tumor carcinomatosus e sinistra linguae parte fuit rejectus, in peculiari relatione de hac operatione An. 1730 Modenae edita in 4. (b).

C A P V T X C I.

De palati ulceribus.

I.

SUboriri nonnunquam ulcera quaedam in palato solent usque adeo maligna, ut non solum partes ejus molles, sed ipsa quoque ossa eaque haud raro ad nares usque exedant. Quod ipsum equidem malum qui experiuntur, his & loquendi facultas naturalis corrumpitur, & potio sive fluidum quodque in os ingestum non sine mirifica molestia confestim per nares rursus effluit. Causa istiusmodi calamitatis sita esse solet cum in scorbutico, id est, acriori sanguine, tum & vel maxime in affectibus venereis: & nisi haec mala mature tollantur, totum palatum & saepe simul nasum cum summa aegri miseria destruunt. Eorum
symptomata
& causae.

I I.

Igitur ipsa curatione prospiciendum inprimis est, ut vel sanguinis acredo praeter naturam, vel venereae luis malignitas per adhibita medicamenta idonea & cumprimis interna, quam maxime fieri potest, a prudenti Medico leniatur, vel omnino tollatur. Si nondum perforatum vel a carie exesum palatum deprehenditur, gargarizatione frequentissima, expurgatione item, inunctione atque injectione opus est; quo nempe facilius, quicquid in ulcere corrupti subest, ejiciatur. Facere autem huc prae ceteris consueverunt herba agrimoniae, hyperici, alchimillae, atque id genus aliae herbae vulnerariae, vel rad. aristolochiae in aqua prius decoctae, atque dein rosarum melle, aut pro re nata etiam, ubi scilicet difficilior expurgatio videtur, aegyptiaco, vel & unguento fusco permixtae (c). Quod unguento aegyptiaco superinnatare solet mel, nec non aluminosa FALLOPII aqua usque adeo insignem virtutem habent, ut in istis quoque palati ulceribus expurgandis proficiant, quae ossium cariem jam tum habent adjunctam. Quoties Curatio.

(a) Observat. 76.

(b) Eadem relatione pag. 5. ex HILDANO exempla cancri linguae mala, & ex HIPPOCRATIS Lib. Epidem. N. I. carcinoma faucium curatum recensentur. Ita & Celsus jam de linguae ulceribus Lib. VI. cap. 12. egit.

(c) His ulcera haec optime detergi, & os cariosum separari, affirmat MAYERNE p. 376. cap. de lue vener.

ties ita expurgatum ulcus est, haud alienum fuerit, paulo post vel rosarum melle, oleo myrrhae per deliquium, elixir. proprietatis, vel peruviano balsamo per adhibitum penicillum aut linamentum carptum exulceratam palati partem inungere.

I I I.

Curatio ubi caries est. Si jam tum caries palati ossa invasit, resolvi eadem a partibus integris per modo laudata medicamenta haud raro solet; praesertim si aut rosarum melle cum spiritu vitrioli ad acorem usque permixto, aut caryophyllorum oleo quam solertissime pars afflicta subinde inungitur, continuatis simul diligenter remediis internis. Quae ipsa ubi parum sunt, ferrum candens ad exesum os leniter applicare convenit; sed ante tamen linamentis carptis atque siccis probe idem abstergere, ipsamque linguam, ne graviter eadem attingatur, linamentis madidis contactam spatula sive oris specillo deprimere (a). Post confectam adustionem medicamentis balsamicis antea commendatis tamdiu fovendus locus afflictus, donec os nudum iterum carne contegatur & plane consanuerit. Scire autem expedit, foramina ejusmodi in palato, quae ad nares penetrant, nunquam omnino rursus claudī, sed semper aperta manere.

C A P V T XCII.

Quomodo foramina ex palato in nares hiantia curari debeant.

SI quibus forte palatum, ut modo diximus, tam graviter exesum atque ad ipsas usque nares ita perforatum est, aut palatum globulo plumbeo perforatum, ut & distincte loquendi facultas impediatur, atque potiones aliaeque liquida, quae assumere volunt, per nares rursus profundantur; horum equidem salus in eo posita est, ut, quam exactissime licet, foramen istud occludatur. Quod vero, quia per novam carnem atque ossa, ut capite praecedenti jam docuimus, obtineri nequit, fieri proprio instrumento quodam, quod obturator palati dici solet, debet: nimirum lamina quaedam aurea vel argentea, paululum convexa, & foramine paulo majore, tenui, foramini ita adaptanda tubuloque hinc atque inde perforato, vel ansa quadam sic instruenda, ut non ipsum modo foramen quam arctissime claudi, sed spongiae quoque frustulum aliquod ad supremam tubuli seu ansae partem firmari valeat [vid. Tab. XXI. fig. 4. 5.]. Spongia etenim per palati foramen istud in nares inserta firmiter laminam, ne decidat, continet, atque ita efficit, ut non distincte tantum loquendi, sed deglutienti quoque facultatem naturalem aegri homines recuperent, quasi palatum haberent integrum. Oportet autem bina saltem instrumenta hujusmodi in promptu habere, alternis semper diebus applicanda; spongiam autem quotidie ex aqua pura diligenter exprimere, ne, quos in naribus eadem attraxit, humores sensim putrescant, odoremque pessimum producant. Vidi ejusmodi quoque foramen magnum palati in militum quodam praefecto, a glande plumbea, ut dixit, inflit-

(a) Excrescentia ejusmodi dura in palato ablata vid. in ROONHUYNS. Obs. Chirurg. 21.

inflictum: quod vero eodem modo emendandum erat. PARAEUS aliam laminae speciem delineat, quae loco spongiae ope laminarum duarum elasticarum firmari potest. Vid. L. XXII. cap. IV.

De uvulae atque tonsillarum vitiis, quae manus adjumento curantur.

C A P V T X C I I I.

De uva sive uvula nimium producta.

I.

U Va equidem haud raro varias propter causas ita intumescit ac produci-
tur, ut multum, imo quandoque in ipsam fere laryngem sive asperam ar-
teriam descendat, ideoque non spirandi solum, sed deglutiendi quoque & loquen-
quendi negotium difficile admodum reddat. Si recens adhuc atque ab inflammatione
concitatum malum est, prouti quidem ex doloribus, calore item ac colore rubi-
cundo cognoscitur, gargarizationibus atque injectionibus, temperandi ac
resolvendi vim habentibus, ut aqua simplici cum paucis spiritu vini permixto,
vel decocto fungor. sambuci, hordei, florum ligustri aut malvae cum nitri,
aluminis vel salis ammoniaci portiuncula permixto; inprimis utile est. Ad-
hibere autem simul medicamenta interna eademque temperantia, cujusmodi no-
ster pulvis temperans est alique similes, oportet; quin etiam ubi gravior in-
flammatiō subest, sanguinem mox per venas vel brachii vel pedis detrahare,
alvum ducere atque clysteria applicare convenit, ne scilicet angina sive faucium
inflammatio perniciosissima superveniat. Quanquam nec scarificationes hic alie-
nae sunt: dudum enim experientia, cum in proprio, tum in aliorum corpo-
ribus instituta me docuit, non deliniri modo uvae inflammationes, sed prae-
caveri etiam utiliter per easdem quam efficacissime posse. Quoties a pituita ul-
tra justum modo diducitur, alba plerumque ipsa existit, absque omni & calore &
inflammatione. Itaque longe optimum hic est, vel spiritu vini calido, pauca
aqua temperato, vel decoctis adstringentibus, qualia ex rosis, ligustri floribus,
granatorum corticibus atque rebus id genus aliis praeparantur, cum admixta spi-
ritus vini vel spiritus salis ammoniaci portiuncula, diligenter gargarizare. Si ni-
hilominus malum remanet, alia via ad curationem seu pituitae digestionem
aggrediendum est. Nempe zingiberis vel piperis contriti cum adjecta granato-
rum corticum aequali portione uvae nimium diductae vel forma pulveris, vel & cum
melle subacta, minuti cochlearis cujusdam beneficio (Tab. I. fig. IV.) dili-
genter admoveri debet, non neglectis interim medicamentis internis iisdem-
que purgantibus atque digerentibus.

Curatio per
medica-
menta.

I I.

Curatio
per fer-
rum.

Quandoque autem hæc omnia parum sunt, sed propter pituitam afflicta uva sic tandem quandoque intumescit atque prolongatur, ut in ipsam arteriam asperam dependeat, graviterque spiritum, deglutitionem atque sermonem impediat. Quo equidem in casu, quando inanis esse medicamentorum usus adsolet, protinus id tollendum, quo longior uva est, quam naturaliter debet. Tolle autem variis modis uvæ pars supervacanea potest. Primus modus est si, lingua per specillum planum sive spathulam (Tab. I. P. vel R.) prius depressa, tantum ex uva per forficem longiorem exciditur, quantum supervacaneum esse manifestum est. In quo equidem negotio illud inprimis videndum est, ne justo vel major vel minor pars, quam naturaliter decet, remaneat. Justo major etenim si remanet, aegro molesta & parum utilis operatio est: justo minor autem si relinquitur sermo plerumque corrumpitur. Quando vero quis manu tam strenua instructus non esset, ut oris spathulam cum forfice quam exactissime simul continere valeat, nonnullis optima atque commodissima curandi ratio est, quæ fit per illud instrumenti genus, quod a rustico quodam Norwegico, (siquidem in his regionibus frequentissimum istud mali genus est), adinventum, BARTHOLINUS ut & SCULTETUS Tab. IX. accurate satis descripserunt. Nimirum cultellus aliquis proprius ad ferramentum quoddam latum idemque in anteriori parte perforatum ita firmatur, ut post emissam, quæ ferramento juncta est, lamellam elasticam, quam celerime prorumpat, uvæque partem inutilem præcidat. Tametsi clarissimus RAUJUS, ni fallor, (nam ab hoc accepi), instrumentum illud sic immutavit (vid. Tab. XXI. fig. 8.), ut lamina elastica prorsus absit, ne sine voluntate profiliat, & aliter, quam Chirurgus vult, refecet; cultellus autem C per bacillum B B fortiter depressum uvam productam atque per foramen A, quantum satis est, demissam, uno ictu refecet sive decerpit. Instrumentum ipsum per ansas D D D manu sinistra sic in ore continetur, ut lingua simul quam aptissime deprimatur, atque tunc oris specillo opus non sit.

I I I.

Sanguis
quomodo
fisti debeat.

Uvæ parte supervacua hunc in modum præcisa, sanguis fluit; verum haud alienum est, sanguinem paulisper fluere pati; dehinc autem cum ad cohibendum sanguinem, tum ad partem aegram fovendam, ex vino eodemque præsertim rubicundo, si haberi potest, vel aceto etiam aut oxycrato calido, imo etiam frigido, diligenter gargarizare. Si nihilominus fluere sanguis pergit, pulvere aluminis per admotum cochlear (Tab. I. fig. N.) cohibendus; vel & priscorum Chirurgorum more, ferramento quodam calente, sed nondum tamen candente, dum sanguis conquiescat, contingenda.

I V.

Curatio
per ligatu-
ram.

Denique ista curandi ratio, quæ fit per vincturam, commemoranda venit. Huic perficiendæ, quia manus haud sufficiunt, proprium instrumentum aliquod extat ipsi destinatum: quale quidem ex HILDANO & SCULTETO Tab. XXI. fig. 6. repræsentavimus. Nempe filum quoddam crassum A. acus longioris (fig. 7.) adjumento sic per instrumentum illud cavum ducitur, ut vincu-

vinculum aliquod intra annulum B. fiat. Per vinculum istud lineum tanta uvae pars demittitur quanta inutilis esse cognoscitur, adstrictoque filo C. gnave viter constringitur. Tum instrumento ipso remoto vinculum in uva relinquitur, firmitusque subinde per dies singulos distringitur, donec uvae pars inferior decidat. *Sed ista quidem methodus, quantumvis satis ingeniosa sit, tarda nimis est, neque homini aegro tantum, sed Chirurgo etiam molesta.* Quoties autem, prout fieri haud raro fuit, *affectus aliquis venereus uvam simul infestat, id sibi datum Chirurgus existimet*, ut non a manu solum, sed a medicamentis quoque convenientibus sanitatis praesidia petat; alias optatum finem non obtinebit.

C A P V T XCIV.

De tonsillarum ab inflammatione atque angina vexatarum scarificatione.

Tonsillarum inflammationem vehementiorem, praesertim si propter anginam incidit, in malis gravissimis maximeque periculosis numerandam esse, ipse rerum usus loquitur. Ne qua igitur gangraena cum aliis id genus malis pessimis superveniat, praeter remedia cap. praeced. §. I. commendata, & emplastrum de meliloto, &c. si haec nihil proficiant, cogitandum protinus de medicina efficacissima est, cujus beneficio inflammatio ista leniatur. Si quid autem aliud, praeter jam jam proposita adversus uvae inflammationem remedia, cap. praeced. §. I. nobile hic sanitatis praesidium est, nobilissimum profecto in iterata sanguinis per venas brachii, pedis, juguli, imo & ipsius linguae de tractione, ipsarumque tonsillarum scarificatione positum est: sic enim quam aptissime educi sanguis abundans & inspissatus potest. Quemadmodum autem veteres Chirurgi externam tonsillisque proximam colli partem scarificarunt, sanguinemque nimium per impositas cucurbitulas extraxerunt, id quod adhuc ipse utilissimum usu deprehendi: sic recentiorum nonnulli, prout egomet relatum in Anglia quondam accepi, CELSUM sequentes (a), palatum circa uvam, & tonsillas ipsas, lingua solerter depressa, per immissum in os scalpellum sive ferramentum longum atque acuminatum crebro incidunt. Quam equidem curandi viam longe promississimam atque commodissimam esse, dummodo medicamenta convenientia interna, potus aqueus multus, temperantia & clysteres refrigerantes, simul adhibeantur, Medicus aliquis expertissimus mihi retulit. Quare mirum haud est, si, prout ex GARENGEOTII Chirurgia editionis primae Tom. II. pag. 456. patet, Galli etiam id medicinae genus hodie exerceant. Quo autem commodius atque tutius fieri scarificatio ista possit, tale instrumentum solet adhiberi, quo & lingua deprimi & phlebotomus aliquis abscondi queat. Vid. Tab. XXI. fig. 9. quod paristhmiotomus, quia tonsillae Graecis paristhmia vocantur, dici potest, atque aliquando longior, quam hic exhibetur, esse debet. Loco hujus instrumenti, quod dudum in Ephem. Nat. Curiosor. Cent. IV. obs. 191. anno 1715. una

cum

(a) Lib. IV. cap. 4.

cum uvæ & tonsillarum situ & figura descripsi, PETITUS fere simile, sed curvum pro hoc usu fabricari curavit, quod GARENGEOT postea in lib. suo de Instrument. Chirurgicis delineavit: ubi vero pag 386. perhibet, ac si VALENTINUS in sua Chirurgia illud primus descripsisset, quamvis VALENTINUS in libro citato pag. 102. perspicue scribat, me illud primum delineasse & descripsisse, seque illud secundum meum delineasse, egoque illud jam A. 1707 Amstelodami habuerim. GARENGEOT etiam dicit, PETITUM sex annos, antequam liber VALENTINI prodierit, primum hoc instrumentum perfici curasse.

C A P V T XCV.

Quomodo aperiri tonsillae suppuratae debeant.

I.

Cur & quando aperiri tonsillae debeant. **N**onnunquam inflammatio tonsillarum vel negligitur, vel resolvi, quicquid in tonsillis tumentibus coit, nulla ratione potest; sed in abscessum vel scirrhum quoque degenerat. Quod ipsum simulatque advertitur, commodissimum utique fuerit, gargarizationibus interne, atque malagmatibus externe, ad emolliendum accommodatis, suppurationem istam, quoad fieri potest, accelerare; quonempe facilius & a molestiis gravissimis, & ab ipso, quod in suppuratione graviore imminet, suffocationis periculo miseri homines liberentur; deglutienti loquendique facultate restituta. Easdem propter causas alienum atque adeo periculosum quandoque foret, tamdiu expectare, donec sua sponte pus erumpat; quin potius aegra pars mature incidenda, simulatque nimirum materiae quicquam intus esse advertitur. Id quod vero saepius haud adeo facile observari potest, sed visu & tactu omnia accurate exploranda.

I I.

Quomodo
aperiri
debeant.

Quando vero abscessum in tonsillis factum esse cognoscimus, aperiri eae hunc fere in modum debent. Nempe phlebotomus aliquis longior linamento vel emplastro eo usque contegitur, ut non nisi cuspis ad digiti dimidii transversae amplitudinem promineat. Tum lingua per spathulam Tab. I. P. aut cochleare manubrio plano instructum depressa, phlebotomus in tonsillas suppuratas, qua parte commodissimum videtur, demittitur. Namque hoc facto & materia erumpit, & cruciatus, qui antea aderant insignes, mox remittunt. Quanquam commodior in hoc ipso negotio illius instrumenti sive peristhmiotomi usus est, quod superiori capite ad tonsillas scarificandas descripsi (Tab. XXI. fig. 9.). Id ipsum enim, quia phlebotomum A quasi in spathula sive theca quadam cava tectum continet, non ad linguam modo deprimendam adhiberi, sed & sine hominum aegrorum terrore in os atque tonsillam, promotum per digitos globulo B, immitti potest. Quare apud infantes praecipue aliosque homines paulo timidiores, qui scalpellum vix vel prorsus non admittunt, longe aptissimus instrumenti huius esse potest usus.

I I I.

Tonsillis suppuratis hac ratione deopertis, *vel ex herbarum vulnerariarum decoctis, Quid post cum rosarum melle permixtis, vel & ex vino cum admixta aquae vel infusi theae* ^{incisas tonsillas fieri debeat.} *rosarum mellis portiuncula*, sed calidis tamen, gargarizandum, idemque per singulos dies quam saepissime atque tamdiu faciendum, donec aegra pars penitus fuerit restituta. Interim quam maxime necessarium est, aegris praecipere, ut a rebus quibuscunque acribus ac falsis, quin & a medicamentis etiam acrioribus quam solertissime sibi caveant. Namque hic periculum est, ne quid forte ex rebus istiusmodi noxiis in novo vulnere adhaerescat, vellicet, pungat, irritet, novasque proinde molestias atque inflammationes, ut ipse vidi, cum vitae periculo concitet.

C A P V T X C V I.

De tonsillis induratis.

I.

Interdum tonsillae, vel post inflammationem vel sine hac sponte ita graviter ^{Vitium ejusdemque curatio describitur.} *indurefcunt, atque intumescunt, ut fauces ipsas fere claudant, adeoque omnem fere & deglutiendi, loquendi & spirandi facultatem impediunt: praesertim si utramque tonsillam vitium istud invaserit.* Quandoque enim non nisi alterutra hoc vitio laborat. Difficulus autem quandoque emolliri atque digeri durities ista solet, ita ut aliquando, si decoctis lignorum aut mercurio haud cedunt, extirpare potius ipsas oporteat, nisi in *deglutitionis summam difficultatem conjicere hominem aegrum voluerimus.* Extirpari autem ipsae *vel medicamentis rodentibus, vel ferro, vel vinctura etiam interdum possunt.*

I I.

Atque ad *medicamenta* quidem *rodentia* quod attinet, providendum quam solertissime est, ne quid forte istiusmodi *vehementioris sive venenati medicamenti* hic ^{Prima curandi via per rodentia.} *adhibeatur, quod, sicubi ad ventriculum forte devenerit, majorem aegris calamitatem adducat.* Inprimis igitur *huc faciunt oleum tartari per deliq.* vel solutio salis ammoniaci, *vel &*, ubi illud parum est, *aqua rodens fortior, ex aqua forti atque argenti vivi ea portione, quae resolvi super igne in eadem potest, praeparata.* His vel id genus medicamentis aliis semel aut bis quotidie pessima tonsillarum induratarum pars per penicillum inungenda, donec paulatim, quantum satis est, diminuta sit. Duplex autem in hoc ipso negotio necessaria cura est: tum ne aliae simul eademque sanae partes inungantur; tum etiam, ne paulo post adhibitum ultimum medicamentum rodens, cibi vel potus quicquam aeger assumat, vel salivam etiam deglutiatur, ne simul deglutiatur, & ob rodentem facultatem in stomacho noxam inducat. Oportet igitur ipsi praecipere, ut per dimidiam a facta inunctione horam prono capite sedeatur, salivamque una cum medicamento rodenti effluere ex ore patiat; dehinc etiam ubi cibus vel potus capiendus est, aqua egelida ipsum os diligenter prius colluat atque

que gargarizet. Atque id quidem fieri tamdiu debet, donec tantum e tonsillis erosum advertitur, quantum ad restituendam loquendi, spirandi deglutiendique facultatem sufficit. Neque enim opus est, ut tonsillae penitus exedantur, ne scilicet nimis diuturna curatio fiat; deinde, ne quam forte noxam aeger inde sentiat.

I I I.

Curatio per
scalpellum.

Altera eademque jam priscis Medicis usitata tonsillas induratas curandi ratio in eo consistit, ut aperto ore hamulo (Tab. VIII. fig. 2. vel 3.) excipiantur; admotoque scalpello apto provide excidantur. At vero quia non crudelis tantum valde videtur, & propter abditum tonsillarum situm minus commoda esse operatio ista solet, rarius hodie adhiberi eadem consuevit.

I V.

Curatio per
vincturam.

Tertia denique curandi ratio a quibusdam commendata, per vincturam aliquando instituitur, atque tunc inprimis adhibetur, quando tonsillae ex parte tenui, quasi ex petiolo quodam, pendent: quanquam & tunc sectio ope scalpelli vel forficis commodior videtur. Quo autem commodius injici vinculum queat, istud etiam a quibusdam instrumentum laudatur, quod in tollenda uva superius cap. 93. commendaviimus (vid. Tab. XXI. fig. 7.). Vinculum ipsum tamdiu quotidie innovandum est, dum tonsillae corruptae decidant. Decidere autem ipsae prout Medici quidam scribunt, post alterum tertiumve diem consueverunt, si bene ligatae fuerint. Filum tonsillis injectum extrinsecus in gena semper firmari per impositum emplastrum aliquod debet, ne forte in fauces incidat. CHESOLDENUS ligaturam in ejusmodi malo ope specilli iniecit, eaque illud sustulit: Aliam eamque ampliore tonsillam peculiari ferramento sive acu perforavit, utrinque ligavit, atque hac ratione extirpavit. Conf. Anat. ejus edit. III. p. 154. Sed resectio ex mea sententia ligaturae est praeferenda.

C A P V T X C V I I.

De tuberculis vel carunculis juxta fauces vel tonsillas, vel palatum provenientes.

DE tuberculis aut carunculis sive *excrecentiis*, ut vulgo dicunt, juxta fauces vel tonsillas pronascentibus, non est quod seorsim hic praecipiamus. Curari etenim ipsa iisdem prorsus viis possunt atque solent, quas supra in polypo, epulide, atque modo in tonsillis curandis jam proposuimus. Excrecentia in palato ablata vid. in ROONHUYNS. Obs. 21.

C A P V T XCVIII.

Quomodo glandulae salivales, parotides nimirum & maxillares, nimis tumidae ac induratae eximi debeant.

I.

Quaquam Medicorum multi multa cum de scirrhis, tum de aliis etiam glandulis induratis eximendis generatim praecipiant; tamen qua ratione eximi glandulae parotides & maxillares, tanquam praecipuae, quae miram in molem saepe intumescunt, atque arteriae carotidis paulo grandioribus ramis connexae, debeant, a nemine propemodum, quod scio, expositum reperio. Quicquid enim in peculiaribus disputationibus atque libellis de dictis glandulis ac speciatim parotidibus propositum extat, illud non tam ad ipsarum extirpationem, quam potius aliarum earundem noxarum sanationem pertinet. Quin & in Medicis atque Chirurgis multi sunt, qui earum extirpationem quasi valde perniciosam & cum praesentissimo vitae periculo conjunctam omnino prohibent.

II.

Quam equidem Medicorum horum prudentiam ac providentiam tantum abest, ut damnare vel vituperare ausim, ut potius quam maxime laudem. Tam grandes hic sunt arteriarum carotidum rami, qui in glandulas modo dictas transeunt, ut, nisi prudens Medicus vel Chirurgus, quando forte vulnerantur, praesto fuerit, quam celerrime, propter nimiam sanguinis ex illis profusionem, exhauriri homines soleant; sive jam ex improvise, sive per operationem vulnus fuerit inflictum.

III.

Quantumvis autem magna suboriri sanguinis profusio hic soleat, tanta tamen nequitiam ipsa est, ut cobiberi a prudenti Medico prorsus nequeat. Ut nihil jam de eo dicam, solertio rem Medicum non de exercenda solum, sed perscicienda etiam atque amplificanda arte salutaris sollicitum esse debere. Neque enim sufficit, in noxis levioribus certamque curationem habentibus opem aegris afferre, sed in casibus quoque dubiis atque apud Medicos paulo vel imperitiores vel timidiore pro desperatis habitis experimenta facere oportet. Atque istae quidem rationes etiam atque etiam commoverunt, ut complures ejusmodi parotidas atque maxillares praegraves & quam gravissime induratas, diuque ab aliis Medicis per adhibita & digerentia & rodentia, & alia inferius posita medicamenta tractatas, quin etiam ad cancrum jam vergentes, cum alibi, tum & vel maxime Helmstadii, per scalpellum extirpare fuerim ausus.

IV.

Operandi ratio, quam his in malis institui, haec est: Ante omnia liquor styp- Operandi
ticus optimus cum panniculis lineis contortis multis linamentisque carptis, fungo, modus.
Pars II. P p p p quem

quem *bovistam* vel etiam *crepitum lupi* sive *lycoperdum* Botanici vocant, *spleniis* aliquot *crassioribus* *sensim* *amplioribus*, & *fascia* denique *sex* *circiter* *ulnas* *Parisi*nas longa, ad manus ponitur. Tum *aeger* in *sella* quadam *commoda* sic deponitur, ut ab *adverso* lumine collustretur atque firmiter quoad *caput* ac *manus* a *minist*ris comprehendatur. Deinde *cutis* super *tumorem* posita per *adhibitum* *scal*-*pellum* *secundum* *longitudinem* inciditur, ipsaque *glandula* *scirrhusa* vel *indurata* *scal*-*pello* *circumsp*ecte ab *adjunctis* *partibus* tandemque a *connexis* *arteriis* resolvitur. Quod ipsum equidem dum fit, *sanguis* ita largiter tandem prorumpit, ut vel *librae* etiam *pondus* *adaequans* *ejusdem* *copia* prius effluat, quam deponi *scalpellum* atque in *manus* assumi *deligationis* *instrumenta* possint. Ne quā igitur *nimia* *sanguinis* *profusio* *aegrum* *conficiat*, statim aliquot *panniculi* *contorti* *glomera* *tingere* in *liquore* *styptico* atque super *incisis* *grandioribus* *istis* *arteriis* *gnaviter* *deprimere* *convenit*. Reliquum *vulneris* *cavum* *linamentis* *carptis* atque *panniculis* *siccis*, *digitis* *semper* *probe* *compressis*, quam accuratissime expletur, tandemque, *crepitus* *lupi* *frustulis* *grandioribus* *tribusque* vel *quatuor* *spleniis* *crassioribus*, per *injectam* *fasciam* *firmiter* ea fere *ratione* *deligatur*, quā in *arteriotomia* *adhibere* *solemus*. Sic enim *sensim* *sensimque* *sanguis* *con*-*quiescit*, praesertim si *aegro* in *lectum* *reposito*, *manu* *ministri* *locus* *vulnera*-*tus* *aliquamdiu* *probe* *comprimatur*. Ceterum illud hic adhuc observo, quod si *tumor* *aliquis* *valde* *grandis*, *gemino* *eodemque* *decussatim* in *cute* *facto* *vulnere* *exi*-*mi* *ipsum* *debere*, quod *simplici* *longitudinali* id *fatis* *commode* *praestari* *nequit*.

V.

Quid fieri
post opera-
tionem de-
beat.

Post confectam operationem *leniter* in *lectulo* deponi *aegrotus*, *vinctura* a *mi*-*nistro*, juxta *lectum* *constituto*, *firmiter* adhuc per *horas* aliquot, imo ad *somni* *tempus* *comprimi* oportet; quo nempe certius *sanguis* *reprimatur*. Tum *per* *tres* *quatuorve* *dies* *integros* *strenue* in *lectulo* *sine* *resoluta* *vinctura* *conquiescat*, ne qua forte *nova* *sanguinis* *profusio* *incidat*. Namque haud impune *resolviante* *dictum* *tempus* *vincturam* *posse*, non *vulneris* *tantum* *habitus*, sed *rerum* *quo*-*que* *usus* *me* *docuit*. Quum enim *aliquando* in *virgine*, operationem istam *ex*-*perta*, *adstrictaeque* *deligationis* *impatiente*, *proxima* *post* *operationem* *fac*-*tam* *luce* *fasciam* *paulisper* *laxare* *sustinerem*; usque adeo *violenter* *sanguis*, *post* *fasciam* *vix* *dum* *dimidiam* *resolutam*, prorupit, ut ipsam *perituram* *fere* *putaverim*, atque statim *rursus* *fortius* *adstringere* *vincturam* *fuerim* *coactus*.

V I.

Deligatio
quomodo
instituenda
sit.

Post *tertium* vel *quartum* *diem* *leniter* & *quam* *providissime* *fasciam* *una* *cum* *spleniis* *cruore* *tunc* *foetido* *infectis*, *vino* *calido* vel *spiritu* *vini* *prius* *emollitis*, atque *lupi* *crepitu* *minus* *firmiter* *adhaeresciente* *resolvere* oportet, *relictis* *iis* *quae* *firmiter* *adhuc* *adhaerent*. Mox *splenia* *nova* *spiritu* *vini* *calido*, vel & *alio* *quodam* *fomento* *digerente*, *cujusmodi* *fatis* *aptum* *ex* *aqua* *calcis* *spirituque* *vini* *camphorato*, *ad*-*versus* *tumorem* *praeparatur*, *madentia* *per* *impositam* *fasciam* *priori* *similem* *su*-*pra* *deligantur*. Sed paulo tamen *laxior* *priori* *esse* *altera* *haec* *vinctura* *potest*, imo *debet*; ne scilicet *aeque* *aut* *impossibilis* *aut* *difficilis* *saltem* *ac* *antea*, *cibi* *potusque* *assumptio* *aegris* *hominibus* *efficiatur*. Atque *altera* *quidem* *ac* *tertia* *deligatio* *ista* *non* *nisi* *post* *alterum* *diem*; *reliquae* *vero*, quia *tunc* *vulnus* *mul*-

multum puris fundit, quotidie innovantur. Oportet autem in deligationibus singulis bina potissimum providere: primo ne ex spleniis, lupi crepitu aut linamentis quicquam, nisi plane jam resolutum sit, avellatur sive abstrahatur; deinde, ubi linamenta priora deciderunt, ut novis subinde linamentis carptis atque in unguento digestivo tinctis vulnus adimpleatur, donec illud omne, quod ex linamentis carptis atque lupi crepitu in vulnere haerescit, sensim per suppurationem & sua sponte abscedit. Quod ipsum equidem fieri post octavum vel decimum quoque diem adsolet. His ita confectis, vulnus per unguentum digestivum diligenter expurgatur, insimulque per id, quasi balsamum vulnerarium fovetur, donec nova tandem carne impletum vulnus deprehendatur. Ipsam enim glutinationem linamenta carpta eademque sicca superimposita sicut in aliis vulneribus ultimo perficiunt. Ceterum illud inprimis in ipsa operatione prospiciendum est, ut post malam sive post angulum maxillae vulnus infligatur, ne scilicet in ipso vultu postea cicatrix sit conspicua.

V I I.

GARENGEOTIUS quidem, recentior idemque clarus inprimis apud Gallos ^{Garengeot.} Chirurgus, quemadmodum nihil fere non exposuit, quod laudem aliquam promereri in recentiorum Gallorum artificiiis salutaribus possit; sic de glandulis quoque ^{tius censetur.} induratis, scirrhis item atque canceri noxis extirpandis in peculiari capite quodam explicavit. At vero, quod non sine causa mireris, usque adeo leviter is materiam hanc pertractavit, ut parum aut nihil de sanguinis suppressione dixerit. Quin idem etiam quam confidentissime asseverat, nullis omnino, cum ad glandulas istas, tum mammas etiam induratas excisas, opus esse medicamentis sanguinem supprimentibus. Siquidem non nisi paucissimae vel ex grandioribus etiam tumoribus praecisis guttulae sanguinis prodeant; ipsumque proinde vulnus quam facilimo negotio glutinetur, dummodo futura protinus fuerit injecta. Sed ex his quidem GARENGEOTII assertionibus clarissime, nisi me omnia fallunt, patescit, 1) ipsum vel in doctrinis suis universalioribus ad has ipsas parotides & maxillares majores glandulas induratas penitus non respexisse, vel & operationem istam forte nunquam vidisse; tametsi, prout ipsemet scribit, praestantissimorum apud Parisienses Chirurgorum operationibus quam saepissime interfuerit. Id enim firmiter persuasum habeo, GARENGEOTIUM, sicubi parotidum vel maxillarium induratarum, praesertim quae valde grandes fuerunt, extirpationem vidisset, vel nomina proposuisse, vel fassum quoque fuisse, vulnera, quae per operationem istam fiunt, & adeo vehementer sanguinem fundunt, non usque adeo prompte sui vel glutinari etiam posse. Nisi enim extirpatis majoribus harum glandularum tumoribus cum sanguinem supprimentibus medicamentis quam exactissima deligatio instituitur, exauriri aegrotus propter nimiam sanguinis profusionem brevi facilique negotio potest. Tum 2) illud etiam hinc colligitur, quam maxime perniciosas interdum generales Chirurgorum doctrinas fieri posse; nisi casus simul speciales una cum praecipuis exceptionibus solerter adjiciantur. Vix enim dubium est, quin crudelissime, atque imprudentissime hominem interficeret, qui ex GARENGEOTII praescripto, in positionibus istis generalioribus posito, parotidum atque maxillarium majorum induratarum curationem susciperet.

Ita enim cum Fœnæ Chirurgus quidam ejusmodi glandulam parotidem induratum haud adeo pridem exciderit, aeger ex sanguinis profluvio brevi mortuus est (a). Tametsi negare haud sustineam, tutius omnino atque felicius in aliis corporis partibus, in quibus non adeo grandes arteriae attinguntur, secundum ipsam istam GARENGEOTII methodum expediri. Et vero, si quid ego conjecturis assequi valeo, probabile omnino videtur, parotidem atque maxillarium scirrhorum extirpationem plane inusitatam apud Parisinos atque a nemine adhucdum apud ipsos tentatam operationem existere. Batavos autem Medicos in ista vel fere simili curatione instituenda laudabiliter elaborasse, haud obscure tum ex ROONHUYSDIO (b), tum ex TILINGII ad SCULTETUM auctuario (c) patet, quod Lugduni Batavorum anno 1693. in lucem est expositum.

V I I I.

*Curatio per
medica-
menta.*

Sed quicquid tandem harum rerum sit, summa utique Chirurgis prudentia opus est, ne festinanter nimis atque citra urgentem necessitatem ad praescriptam operationem procedant. Praeterquam enim, quod ipsa cum periculo maximo fiat, magnamque fere semper cicatricem relinquat, sane haud raro tumores isti, praecipue in infantibus teneris, pueris, vel in adultis etiam, ubi nondum penitus inoleverunt, ita solent esse comparati, ut haud raro resolvi medicamentorum beneficio queant. Praestat igitur, leniorem per medicamenta curandi viam prius tentare, quam ferramenta protinus in manus sumere. Longe vero valentissimum ad instituendam resolutionem hic est, sicubi tumores ejusmodi scirrhosti laterino vel saponis oleo cum camphorae portiuncula subacto; vel & succini aut juniperi oleo calido diligenter quotidie inunguntur, emplastroque deinde diachylo cum mercurio, diaphoret. Mynsichti, saponat. Barbett. cum succini aut juniperi oleo similive alio ad digerendum accommodato, super partem induratum imposito, identidem per adhibitos sacculos medicinales bene calidos foventur.

I X.

*Medica-
menta in-
terna,
quaenam
adhibenda
sunt.*

Interim neque interna medicamenta hic negligenda sunt: ab his enim potissimum resolutionis praesidium debet expectari. Facere autem inprimis hic solent decocta resolventia ex rad. vincetox. aut scrophulariae; siquidem ipsa cum ita dictis essentiis digerentibus bis aut ter quotidie ingeruntur; vel & bene mane interdum ad sudorem provocandum in lectulo adhibentur. His interponi aliquoties per dies singulos confecti e spongia usta, nec non sale geminae, antimon. diaphoret. rebusque similem vim habentibus aliis pulveres possunt. Neque enim in experientissimis Medicis desunt, qui admirabilem digerendi vim hisce medicamentis tri-

(a) Describitur prolixius haec historia in Commerc. Litt. Norimbergensi An. 1733. pag. 61. ubi autor hujus Observationis addit: nos tragico hoc exemplo doceri, quosdam tumores illud noli me tangere prae se ferre, in iisdemque adeo curandis a cultro chirurgico tutius abstineri. Verum hoc Chirurgis non adeo peritis dictum esto; prudentes vero ac peritos terrere non debet, cum saepius hanc operationem jam feliciter perfecerim, nullusque adhuc eorum mihi mortuus sit.

(b) Observat. I.

(c) Vid. hujus auctuar. II. pag. 39 & 54.

tribuunt. Quemadmodum alii portiunculam, quantam mucro cultri capit, ex contritis lacertis identidem assumendam suadent. Aethiopem certe mineralem, ut & mercurium dulcem, siquidem cum prudentia adhibentur, mirifice ad resolvendum hic proficere, ipsa experientia me docuit. Sed alvum tamen sub istorum medicamentorum usum aliquoties per intervalla ducere convenit. Quodsi autem nihil omnia medicamenta ista proficiunt, haud alienum esse, nisi forsan ab ista curandi via aeger abhorreat, ad ipsam salivationem progredi existimo. Neque enim AGRICOLA (a) tantum una cum aliis Medicis haud incelebribus eandem, quasi ad tumores colli scirrhosos digerendos efficacissimam, proponunt; sed egomet quoque, in nonnullis saltem casibus, haud exiguam in his noxis curandis vim exferere sum expertus.

X.

Sicubi scirrhus ejusmodi inflammationem aliquam habet adjunctam, resolutio-
nis autem spes omnis evanescit, haud alienum erit dispicere, num ad suppu-
rationem perducitur tumor, & quasi abscessus aliquis tractari queat. Neque enim
exempla mihi defunt istiusmodi, ubi parotides & maxillares induratae, ut &
alii tumores in collo, sub ipsum medicamentorum solventium usum in abscessum
transierunt. At vero quoties nimis inveteratum malum est, tantum abest, ut
emollientia aut suppurantia quicquam proficiant, ut potius officiant, subin-
deque incrementum tumorem sensim & quasi sine sensu in ulcus pravi moris
vel in ipsum cancrum convertant. Atque idem fere judicium hic esto de roden-
tibus. Neque enim facile applicari eadem sine maximo dolore, ob multos
nervos hic concurrentes, vel cancri, vel largae profusionis sanguinis atque
adeo ipsius mortis periculo consueverunt: prouti quidem egomet ex nobilio-
ris personae cujusdam exemplo tristissimo didici.

Quid de
suppura-
tione, medi-
camentis-
que roden-
tibus ba-
bendum.

(a) In Chirurg. parva.



INSTITUTIONVM CHIRVRGICARVM PARTIS II. SECTIO III.

De vitiis colli, quae manus atque ferri adjumento sanantur.

C A P V T X C I X.

Quomodo animalium atque piscium ossicula, prunorum nuclei, acus item, frusta crustae panis carnis, pyri hujusdemque generis aliae res expelli e faucibus debeant.

SI quid forte fortuna ex jamjam positis rebus praeternaturalibus intus in oesophago vel faucibus haerescit, non dolores solum acutissimi, sed inflammatio quoque cum suffocationis aliarumque noxarum pessimarum periculo quam saepissime oriuntur. Itaque curandum solertissime est, ut citissime rursus idem removeatur. Removeri autem illud variis rationibus potest. Vel enim potus largior instituatur, vel panis aut carnis frusta paulo grandiora, pruna item hortensia absque nucleis, post abstractam pelliculam in globum convoluta gnaviter deglutiantur; vel, ubi nihil per ista efficitur, sed noxa potius ingravescit, ad instrumenta chirurgica erit confugiendum. Scilicet linguam ante omnia per adhibitam oris spatulam deprimere solerterque circumspicere convenit, num quid forte alieni oculis sese offerat. Ubi enim aliquid ejusmodi circa oesophagum conspicitur, id statim quam diligentissime per immisam in os vossellam commodam debet extrahi. (Vid. Tab. III. fig. 3. aliasve similes). Si quid autem paulo altius in oesophago delitescit, tum spongiae frustulum aliquod in oleo, ut lubricum magis fiat, tinctum, filoque crassiori eodemque firmissimo annexum, aegro ad deglutendum porrigi, atque ubi per adhibitam vim quandam in fauces idem immisum est, per filum extrahi rursus oportet. Sic enim quicquid alieni in oesophago infixum est, vel in ipsa spongiae deglutitione ad ventriculum descendit, vel & cum retracta spongia rursus ex oesophago in os prorumpit. Fere promptius autem expediri illud ipsum potest, si spongiae frustum illud A in oleo sive juscule tinctum ad virgulam vel bacillum ex balaenae osse confectam annectitur, (vid. Tab. XXI. fig. 10. BB.) atque ita leniter in oesophagum deprimitur indeque retrahitur. Hanc ipsam medicinam feliciter admodum egomet in rustico quodam adhibui, dum os aliquod, pollicis magnitudinem adaequans, jamque per viginti quatuor horas in faucibus haesitans, ad ventriculum dejecti, pristinaeque sanitati hominem restitui, atque

atque postea adhuc in variis aliis hominibus quibus varia in faucibus aut oesophago haeserunt, id praestiti. Alii adhuc alias pro hoc usu descripserunt & delinearunt machinas (a); sed sicubi nihil omnino ex propositis instrumentis ad manus fuerit, cereus quidam flexilis, digiti fere auricularis crassitiem & binarum vel ternarum spithamarum longitudinem habens, vel simile filum plumbeum applicari quandoque in eundem usum haud incommode poterit. Varia circa hanc rem artificia, & observationes elegantissimae legi possunt in *Mémoires de l'Académie de Chirurgie. à Paris 1743. pag. 444 & seqq.*

C A P V T C.

De excutia ventriculi.

INstrumento haecenus descripto haud prorsus absimile illud est, quod *ventriculi excutiam* recentiores Medici appellarunt. (vid. Tab. XXI. fig. II.) Confici eadem solet ex mollioribus setis in fasciculum contortis filoque ferreo seu orichalceo flexili BBB (quod lineis aut fericis filis involvi potest) annexis. Neque vero ad fauces tantum ab officulis liberandas, sed & vel maxime ad ventriculum expurgandum adhiberi eam posse, Medici haud incelebres asseverant. Has autem inprimis in hac ipsa medicina instituenda regulas iidem praescribunt. Nimirum aquae calidae, vel, ut alii volunt, spiritus vini haustulus ante semper assumendus, quam instrumentum adhibeatur; sic enim mucus atque fordes facilius in ventriculo resolvuntur. Tum excutia A in liquore quodam convenienti, tincta in oesophagum immittitur, filique ferrei BB subsidio ad ipsum usque ventriculum lente & caute intorquetur. Deinde ipsa sursum deorsumque per fauces, quasi embolus aliquis in siphone sive antlia, ducitur, modo vero prorsus extrahitur. Identidem autem potionem istam una cum ipsa excutia applicandam esse, modo dicti auctores proponunt, donec scilicet nullae amplius e ventriculo fordes proveniant. Tam enim nobile atque valens ex ipsorum sententia id medicinae genus est, ut ad summam senectutem homines perducatur: praesertim si post hebdomadas singulas, vel binas, vel post singulos etiam menses iteretur. Sed quicquid tandem sit, sane quam paucissima felicioris per eandem curationis extant exempla. Quotus enim quisque est, qui, propter doloris, suffocationis atque laesionis alius metum, ab instrumento illo non abhorreat? Sed ista quidem prolixius disputata sunt a viris celeberrimis, WEDLIO, nec non TEICHMEIERO in peculiaribus de ventriculi excutia editis quondam disputationibus: qui etiam demonstrarunt, non novum prorsus esse hoc instrumentum; sed dudum ab aliis jam descriptum, & cum primis libellus, qui Sorberiana inscribitur, hac de re evolvi potest. Nuperrime etiam in Memor. Acad. Chirurg. Paris. p. 526. de hac re actum est.

C. A.

(a) Ut Hildanus Cent. I. obs. 26. Scultetus Tab. VI. Garengot. Lib. de Instrument.

C A P V T C I.

De cervice curva sive capite obstipo.

I.

Vitii origo
quatenam
sit.

HAud prorsus insolens est, homines ita *curvam cervicem habere*, ut vel in *dextram, vel sinistram quoque partem* caput inclinent (vid. Tab. XXI. fig. 12). Hoc vitium a TULPIO (a) ad imitationem forte HORATII (b) *caput obstipum*, & postea etiam ab aliis ita appellatur. Solet autem vitium istud pessimum vel cum *ipsis infantibus nasci*, vel ab aliis etiam causis excitari. Quoties ab *ipsa nativitate vitium inest*, vix curationem illud recipere videtur; quia colli vertebrae tum vel a natura curvae sunt, vel & propter diuturnum perversum situm paulatim ita detorquentur, ut vix curationis spes sit. Proinde admirabiles omnino videri eae curationes debent, quando TULPIUS (c), MEEKRENIUS (d) & ROONHUYSIUS (e), prout ipsimet testantur, *duodecim, sedecim, octodecim, imo & viginti trium annorum juvenes, collo curvo ab ipsa inde nativitate laborantes*, in *justam atque naturalem integritatem vindicarunt*. Quoties autem demum post *nativitatem*, vel in adultis etiam, *noxa illa incidit*, tum vel a *cervicis ambustione nimiaque cutis in alterutro latere constrictione ipsa nascitur*, vel a *musculo quodam mastoideo* fig. 12. litt. AA per spasmodum graviorem contracto sensimque quasi *exsiccato & indurato*; vel ab istiusmodi musculo *praeter naturam relaxato*: tum enim abesse vix potest, quin ab alio musculo opposito, quem *antagonistam* Anatomici vocant, robustiori caput atque collum in alterum latus intorqueantur. Vel denique vitium istud, secundum ROONHUYSII sententiam, a *ligamento quodam praeter naturam*, caput deorsum versus trahente, provenit. Atque per has quidem causas si detorta atque incurvata cervix est, pro penitus insanabili ac desperato *vitium istud habere neutiquam convenit*, praesertim si recens adhuc neque nimis jam inveteratum illud deprehenditur.

II.

Curandi
ratio pri-
ma.

Curationis modus hic est: Nempe si recens adhuc atque a corruptis aut *supervacuis humoribus*, quos *defluxiones* sive *catarrhos* vulgo appellant, excitatum malum est, calor ut plurimum atque sudorem blande expellentia *medicamenta insigniter* hic proficiunt. Ubi vero ab aliis causis incurvata esse cervix intelligitur, & nominatim quidem a *musculo quodam p. n. contracto*, vel a *cute ambustione constricta*; *periculum utique faciendum est, num forsan fomentis, unguentis, oleis atque emplastris emollientibus creberrimeque applicatis emolliri ac diduci sensim, quicquid in cute atque musculo nimis adstrictum est, valeat*. Ipsum autem caput per *convenientem fasciam in partem contrariam religandum*

(a) Observ. Medic. Lib. IV. cap. 58.

(b) 2. Satyr. 5. v. 92. Stes capite obstipo, multum similis metuenti.

(c) Loco citato.

(d) Observ. Chirurg. 33.

(e) Observ. Chirurg. 22 & 23.

dum est. NUCKIUS quidem & SOLINGIUS proprium aliquod ex arcu ferreo BB atque vinculo seu collari mollissimo A confectum instrumentum (Tab. XXI. fig. 13.) hic praescribunt. Hujus vinculo seu collari AA cervix incurvata comprehenditur, firmatoque per funem annulo C aliquoties in dies singulos per horae quadrantem, vel quamdiu commode id ferre potest, aeger suspenditur, donec ad formam pristinam eandemque naturalem cervix redeat. Si parum ista remedia procedunt, sicut saepissime, teste TULPIO & ROONHUY-SIO, contingit, vel & si jamtum nimis inveteratum vitium est, pergere ad operationem convenit.

I I I.

Atque a cute quidem propter ambustionem nimium constricta si exortum vitium est, necessarium utique erit, plagam quandam transversam, vel &, pro ipsius noxae habitu, binas aut plures cuti contractae infligere; sed quam providissime tamen, ne forte vena jugularis simul incidatur. Dehinc vulnera ista linamentis carptis, ad diducendam cutem explentur; adhibitoque postea, ut alias, unguento digestivo, sic deligantur, ut caput incurvum per injectam fasciam, quantum quidem sufficit, in contrarium latus detrahatur, donec, succrescente in plagis nova carne, cutis prolongetur, caputque sic in situm naturalem restitutum sentiat.

I V.

Quodsi autem a musculo quodam mastoideo nimis adstricto, vel & ab alieno quodam ligamento cervix detorta redditur, transverse praecidi illud scalpello curvo in infima parte, id est, juxta claviculam vel sternum AA oportet, at circumspicte tamen, ne qua forte vena vel arteria subiecta grandior simul praecidatur, unde periculosissima sanguinis profusio concitari posset. Mox ad cohibendum sanguinem, linamentis carptis quam exactissime vulnus impletur; sensimque ope ungu. digestivi, vel oleo hyperici & bals. copaivae, quod ROONHUYSIUS laudat, per amplam cicatricem quandam inductam glutinatur. TULPIUS certe, MEEKRENIUS atque ROONHUYSIUS locis citatis memorant, sibi casus obtigisse, ubi post incisum ligamentum vel tendinem istiusmodi praeternaturalem caput inclinatum quam celerrime, & quasi vi quadam in naturalem posituram resilierit. Interim fascia tamen in curatione adhibenda videtur, (de qua laudati Auctores tacent) per quam caput usque ad confectam glutinationem vel & tamdiu contineatur, donec ad debitum situm cervix pervenerit. Singulares autem de hac ipsa curatione observationes qui desiderat, is TULPIUM inprimis Lib. IV. cap. 58. una cum MEEKRENIO cap. 33. (a), & ROONHUY-SIO obs. 22. & 23. consulat, mirandumque est, Chirurgos recentiores Gallos nihil prorsus de hoc morbo aut ejus curatione proponere.

C A-

(a) Edit. Latinae, nam in Edit. Belgica & Germanica est cap. 30.
Pars II.

C A P V T CII.

De bronchotomia, laryngotomia seu tracheotomia.

I.

Quando-
nam opera-
tio ista fie-
ri debeat.

SUB omnibus his nominibus intelligitur *asperae arteriae sive tracheae incisio*: *variaeque sunt rationes, propter quas aperiri ea nonnunquam debet.* Namque 1) ac praecipue illud fit, si propter graviolem in *angina faucium inflammationem* periculum est, ne spirandi facultatem omnem aeger amittat, itaque plenam tandem suffocationem sentiat (a). Tum 2) idem quoque necessarium est, quoties aut *fabula* quaedam, aut *pruni* vel *cerasi officulum*, aut *pisum*, aut *lapillus*, aut quidvis simile aliud corpus inusitatum in arteriam asperam illapsum est, quod minari suffocationem videtur, atque aliter expelli nequit. Denique 3) incidi etiam aspera arteria cum emolumento potest in istiusmodi hominibus, qui recens *submersi in aquis suffocationem jamjam passi fuerunt* (b). Non sum equidem nescius, *existere in Medicis quamplurimos, qui vulnus in arteriam asperam infligere, atque sic etiam hanc operationem instituere prohibent*; siquidem id prorsus lethiferum esse autumant; adeoque crudeles & inhumanos eos Medicos vocant, qui tale periculosum quid moluntur. Sed insigniter tamen, qui sic statuunt, falluntur. Tantum enim abest, ut minuta istiusmodi, quae per hanc operationem chirurgicam in arteria aspera fiunt, vulnera hominem interimant, ut ne paullo graviora quidem, prout supra jam indicavi (c), illud ipsum faciant. Quocirca facere aliter vix possumus, quam ut pro imperitis, timidis atque adeo crudelibus cum CASSERIO (d) illos habeamus, qui in casibus supra memoratis operationem istam valde saepe salutarem, tutam ac promptam temere negligunt, atque sic simul aegros ejusmodi sine convenienti adhibito auxilio mori sinant (e).

II.

Quomodo
extrahi ex
trachea res
illapsae de-
beant.

Quando igitur haec operatio instituenda, *locus ad aperiendum commodissimus* in trachea is plerisque videtur, qui secundum inter & tertium anulum ejus cartilagineum est positus. Tametsi paulo inferius etiam fieri absque periculo vul-

(a) Hanc unicam ob causam plerique Scriptores, & inter hos etiam GARENGEOT, hanc operationem commendant; sed revera plures sunt.

(b) Vid. DETBARDINGII Dissert. de Methodo subveniendi submersis per laryngotomiam. Ros-
tochii in 4. sine anno edita.

(c) Part. I. Lib. I. pag. 51 & 125. Ita & GARENGEOT. Varia exempla ab ejusmodi vulneribus curatorum refert, Lib. de Oper. Chir. cap. de Bronchotomia, itemque in Mem. Chir. Paris. T. I. Diss. p. 576.

(d) In Tractat. de vocis auditusque organis pag. mihi 119.

(e) Exempla varia exhibet NICOL. FONTANUS in observ. rarior. analect. p. 1. & CASSERIUS loco citato, & longe plura adhuc vetera & recentiora Mem. Chir. Paris. in Diss. modo citata. Novum etiam referunt Act. Anglic. N. 416 p. 448, & in Martyn. Epit. hor. Actor. p. 496. sicut & MOTTIUS exemplum refert laryngotomiae a Marchetto feliciter peractae in Epit. Act. Anglic. part. anatom. pag. 9.

vulnus ejusmodi queat. Operandi autem ratio, praesertim si officulum aliquod ex frugibus, ceraso praesertim, faba, pisum majus, lapillus aut simile quidvis aliud in arteriam asperam illapsum, quod suffocationis periculum infert, rursus inde extrahi debet, haec est. Nimirum ante omnia vel in lecto, vel in sella quadam, si fieri potest, resupinari hominem aegrum oportet, ejusque caput a ministro quodam, qui a tergo aegri stet, probe firmari: mox partem binos circiter digitos infra cartilaginem thyroidem sive scutiformem seu pomum Adami positam elevata prius utrinque cute anteriori colli, in medio tracheae secundum longitudinem ad sternum usque per cutem, pinguedinem & musculos scalpello aperiri, atque ita quidem, ut binos vel tres circiter digitos, aut etiam quatuor in proceris corporibus, vulneris longitudo adaequet, (vid. Tab. XXI. fig. 14. AA). Tum vulneris hujus orae per injectos hamulos vel digitos gnaviger a ministro quodam debent diduci, absterfoque per spongiam vel linteolum cruore, ut aspera arteria conspici queat, tres quatuorve spiralis hujus fistulae annuli secundum lineam concidi, atque ita, quicquid forte, ibidem in eandem illapsum deprehenditur, per immissam volsellam vel specillum, aut hamulum quam solertissime protrahi. Quo facto vulnus per adhibitam spongiam rursus expurgatur, emplastrisque glutinosis comprehensum splenio ac fascia deligatur, & postea balsamo vulnerario diligentissime rursus glutinatur ea ratione, quam supra jam tum in vulnere asperae arteriae curatione pag. 127. proposuimus: atque hac ratione frustum boleti cocti, quod inter ridendum viro jocanti & simul affatim jusculum, in quo praeter multa alia & boleti erant, comedenti in tracheam cum periculo suffocationis inciderat, hic Helmstadii feliciter extrahi (a). Sunt, qui ad elegantiores & promptiores cicatricem vulnere hic inducendam, ista glutinandi artificia sive suturas commendant, quae in labiis curtis sive leporinis per acus transmissas sanandis alias praescripsimus, sive operatio ob anginam vel aliam causam instituta sit. At meo tamen judicio non parum alienum videtur, conjunctam cum doloribus sanandi rationem adhibere, quum mitius atque aeque secure curari homo aeger possit.

I I I.

Quodsi autem in angina, post medicamenta convenientia cum iterata sanguinis per venas varias detractio frustra prorsus adhibita, incidi pro avertendo suffocationis periculo trachea debeat; tum expediri illud ipsum triplici potissimum ratione solet: quas singulas ordine hic ut describamus, instituti nostri ratio postulat. Primo nempe vel resupinari, vel in sella etiam, ut antea jam dixi, collocari, capite, quantum licet, reclinato atque a ministro manibus probe firmato, hominem aegrum oportet. Tum Chirurgus in ista parte media atque secundum istam

Quomodo
adversus
anginam
aperiri tra-
chea de-
beat.

ra-

(a) Hac ratione RAURIUS mihi retulit se fabam e gutture hominis feliciter excidisse: attamen recentiores Chirurghi hactenus nihil de hac re proposuerunt, si excipias Willisium qui in simili casu hanc incisionem quidem suavit; verum quae ob dissensum aliorum non est facta. Vid. ejus Pharm. rational. part. 2. sect. 1. cap. 3, & Verduc. in Patholog. sua Chir. Tom. II. cap. 26. qui eam factam esse refert. Laudat vero & probat meum factum in prae laud. Memor. Chirurg. Paris. Hevin. p. 586.

rationem *vulnus in jugulo ad tracheam usque instituat*, quam modo praecepimus; vel etiam, si lubet, *cutis utrinque & a Chirurgo & a ministro comprehendendi*, elevari, ac *postea secundum longitudinem incidi potest*: & postea pinguedo & musculi tracheae incumbentes (a). Deinde per *adhibitam spongiam in vino calido vel spiritu vini eodemque calefacto*, imò & *rectificato*, ut vocant, ad cohibendum sanguinem, expressam, vulnus abstergit, ministroque, ut per digitos utrinque vel per hamulos idem diducat, praecipit. Denique *scalpellum inter binos tracheae annulos, aut sic etiam, quod perinde mihi videtur, demittit, ut unicum ejus annulum simul concidat*: sic enim commodius *inferi fistula sive tubulus aliquis argenteus aut plumbeus, teres vel planus*, quales Tab. II. litt. T. V. & X. repraesentavimus, poterit (b). Sed ante tamen, quam *scalpellum immissum Chirurgus retrahat, specillum quoddam conveniens e latere scalpelli inferi simul in plagam istam debet*, quo scilicet hujus ope commodius postea tubulus immitti queat. Idem iste tubulus per injectum vinculum, per annulos vel foraminula ipsius trajectum, circa collum atque emplastrum perforatum in jugulo firmatur: cavendo ne pars asperae arteriae posterior eis tangatur, ac molestissima tussis sic concitetur. Ne qua autem ab externo frigore atque sordibus pulmones infestentur, spongiam in vino calido frequentissime tinctam rursusque expressam super tubulum imponere convenit; vel etiam, ut Garengéotius docet, *linteum rarum ac tenue* (c), & postea *emplastrum perforatum*. His rite jam confectis, *sanguis ex venis in brachio, vel pede, sub lingua item atque in collo positus detrahi*: tum *clysteres quoque, gargarizationes, injectiones faucium atque malagmata sub mento, cucurbitulis aut cantharidibus in latere colli & supra genubus interne admotis, eisque cruentis, cum similibus medicamentis aliis adversus anginam valentibus diligentissime tamdiu debent adhiberi & continuari, donec vel respiratio libera redeat, vel aegrotus prorsus expiret*: quod ipsum equidem intra proximum ab operatione quatrimum fieri plerumque consuevit. Ubi jam post tertium vel quartum diem paulo mitior factus morbus atque magis expeditus spiritus sentiuntur [cujus rei promptissimum experimentum fieri per compressum ope digiti tubulum potest], tubulus rursus eximitur; vulnus autem isto modo vincitur ac glutinatur, quem antea jam descripsimus. Ubi vero difficilis adhuc per os spirandi facultas esse deprehenditur, remanere tantisper adhuc in vulnere tubulus debet, ceteraque remedia continuari, dum vel spiritus magis expeditur, vel aegrotus extinguitur.

I V.

Altera & tertia operandi ratio. Altera eademque promptior fistulae spiralis aperiendae ratio haec est. Nempe *scalpellum aliquod anceps* (Tab. I. litt. I.) ad superius designatam mediam juguli partem admovetur, provideque per cutem simul ac pinguedinem & musculos in ipsam tracheam demittitur. Mox tubulo apto vulnus instruitur, solertissimeque, ut antea dictum est, deligatur. Sic enim non celerior tantum operatio,

(a) Nonnulli volunt, ut hi musculi prius a gutture solvantur, vel quam cautissime a se invicem separentur; verum hoc non est opus, & hi musculi tuto ac sine periculo incidi possunt.

(b) GARENGÉOT aliud adhuc fistulae genus in tracheotomia usurpandum delineat Lib. de Instrum. Tom. I. p. 356. fig. 4.

(c) Cap. de Bronchotomia.

tio, sed minor quoque cicatrix efficitur, sed fistula difficilior per vulnusculum hoc in asperam arteriam demittitur. Tertia denique operandi ratio per proprium aliquod instrumentum, hoc est, *acum sive clavum parvum* apice triangulari, tubulo comprehensam, Medicis *Troicar* dicitur, [vid. Tab. XXI. fig. 15. & 16.] sic instituitur, ut instrumentum illud in medio tracheae uno quasi ictu per jugulum ad tracheam usque defigatur, extractaque acu tubulus in vulnere relinquatur, donec aeger vel libere rursus spiret vel exspiret (a). Quae quidem operandi via reliquis in eo potissimum praestare videtur, quod celerrime peracta atque simul minimis cum doloribus fistula mox vulnus instructum sit. Cetera autem fieri hic debent, quae paulo antea jam praecepimus.

V.

Demum neque istud silentio hic praetermittendum, haecenus propositam *Operationem* *justo tempore*, dum adhuc vires & spes sunt, esse suscipiendam. Ubi enim nimis jam infirmati aegri sunt, & quasi in agone versantur, ut plerumque fieri solet, frustra ut plurimum ferrum jugulo admovetur. Ceterum longe tutissimum atque prudentissimum hic videtur, alios eosdemque peritissimos Medicos simul, ubi periculum imminet, mox in consilium hic ante advocare, quam operatio haec tentetur. Quum enim quam maxime periculosa atque adeo prorsus lethifera a plerisque, qui rem non satis intelligunt, habeatur atque proclametur; periculum sane est, ne, ubi forte minus feliciter, quam speravimus, negotium cesserit, jugulasse hac curatione hominem aegrum, qui sorte sua interemtus est, Chirurgus perhibeatur, itaque vel innocentissimus etiam in famam pessimam apud imperitum vulgum conjiciatur.

V I.

Si qui aquis submersi jam jam, sed a paucis tantum tempore, exspirarunt, his quam citissime aperiri arteria aspera debet, vel scalpello vel quacunque demum *submersis* alia via Medico aptissimum visum fuerit. Deinde per inflictum vulnus spiritum vel *succurrendum* nudo ore, vel & si praesto esset, per adhibitum tubulum aut fistulam quancunque, quia periculum summum est in mora, strenue immittere convenit. Sic enim, prout clarissimus Vir DETHARDINGIUS olim Rostochiensis, nunc Hafniensis Medicinae Professor, & Archiater Regius, quondam in peculiari Dissertatione, quam supra jam nominavimus, docet, subinde, si satis mature hoc fiat, vitam cum spiritu hominis istiusmodi suffocati redire, eumque miraculi instar quasi a morte revocari. Itaque eam his in casibus non intermittendam esse censeo, sed potius, si occasio fert, mox instituendam esse suadeo (b).

V I I.

(a) Hanc curandi rationem a Cel. Frid. DEKKERO, Medicinae quondam Professore Lugduno-Batavo, meoque olim praeceptore didici: qui etiam eam in Exercitat. suis practicis pag. 243. descripsit.

(b) DETHARDINGIUS sola apertura asperae arteriae submersos servari posse putat, dum sic liber aeris ingressus & egressus restitueretur, & nihil dicit de inflatione. Ego vero & inflationem simul valde proficuum esse existimo, & simul suadeo. Conf. BEHRENS Libellus de arte restituendi submersos in vitam, A. 1742. 4. editus, & quidem p. 51. qui & de aliis modis subveniendi submersis doctissime in eo differit.

V I I.

De vero
nomine &
Scriptori-
bus.

Denique hic adhuc moneo, hanc operationem, quia neque in *larynge*, neque in *bronchiis*, verum in *aspera arteria sive trachea* instituitur, non *laryngotomiam*, neque *bronchotomiam*, ut vulgo a plerisque Medicis & Chirurgis appellatur, sed potius & rectius *tracheotomiam* dicendam esse. Ceterum de *bronchotomia* scripsit Libellum FRID. MONAVIUS, in Montis Regii Academia, 1644. 4. itemque SCHACHERUS, Professor Lipsiensis; de *laryngotomia* vero JULIUS CASSERIUS, Libro supra jam citato, ubi operationem hanc variis iisque elegantibus imaginibus illustrat. Ita & RENATUS MORBAU *Epistola de laryngotomia*, ac TH. FIENUS in Libris suis Chirurgicis, docte de hac operatione disputarunt. Conf. Mem. Acad. Chirurg. Par. l. c.

C A P V T CIII.

De struma, scrophula & bronchocele.

I.

Struma
quid sit at-
que unde
oriatur.

Strumam vel scrophulam Medici cum GALENO (a) ut plurimum quemcumque tumorem appellant, qui in externa cervice, hujusdemque vel anteriori parte, vel etiam alterutro latere nascitur. Quanquam insignis strumarum, quoad ipsum noxae habitum, differentia existat. Quaedam enim parvae sunt, quaedam mediocres; quaedam vero insigniter atque vel ad stuporem usque crescunt. Aliae molles sunt, aliae contra duriores. Aliae mobiles, aliae minus mobiles, vel omnino immobiles aliae existunt. Quaedam benignae, aliae malignae vocantur. Atque ad causam quidem vitii hujus quod attinet, solent quaedam strumae five scrophulae ab induratis in cervice glandulis, & quidem modo in glandulis minoribus vagis, nunc in salivalibus superioribus aut inferioribus, nunc in thyroidea ab humoribus viscidis suboriri, quas nonnulli speciatim scrophulas, Galli ecrouelles, appellant (b); quaedam autem ejusdem fere cum tumoribus tunicatis naturae sunt, ideoque materiam quandam modo duriores, modo molliorem, ut pulto, caseo coagulato, sebo, lardove haud absimilem, modo omnino fluidam in tunica intus continent (c). Si qui cutem inter atque asperam arteriam, id est, in anteriori cervicis parte tumores existunt, ab aëre, vel humoribus, vel crassiori etiam materia expansi, & cum primis a causa quadam violenta, verbi gratia, partu difficili, elevando pondere graviori, &c. orti, tum proprio vocabulo bronchocele appellari Medicis vitium illud fœvit, licet rectius Tracheocele dici debeat.

(a) In Methodo medend. L. XIV. Cap. II.

(b) RIOLANUS Anthropol. L. II. cap. 15. SCULTETUS Obs. 39. WARTHON de Gland. cap. 40. alique volunt, ubi scrophulae sunt externe, ibi etiam semper interne in mesenterio tales reperiri: atque ego ipse quoque hoc saepius inveni. Interea tamen hanc sententiam falsam & non perpetuam esse docet KUCHLERUS in Dissert. de Glandulis colli induratis, Lipsiae edita.

(c) Quod & CELSUS testatur Lib. 7. cap. 13. conf. & diss. nostra de tumorib. cystic. peculiar. anno 1744 edita in 4.

beat. Memorabile hic illud imprimis videtur, quasdam nationes ab hoc malo quasi prorsus immunes existere; contra vero alias graviter ab eodem infestari. Atque referendi quidem in hunc posteriorem censum sunt *Hispani, ex Germanis Saltz-burgenses, Styrii, Suevi, Bavari, Franci, Helvetii*, atque prae reliquis fere omnibus *Tyrolenses*: his enim strumae interdum usque adeo mirifice increfcunt, ut super ipsum ventrem & umbilicum, imo quandoque ad genua etiam, sed flaccidae tamen, ut plurimum propendeant (a). Cujus equidem rei causa in aëre potissimum vel aqua certorum locorum posita videtur. Quod ipsum quomodo fiat, nondum satis ab artis salutaris auctoribus est expositum, quantumvis etiam varias atque speciosas opiniones in medium ipsi adduxerint. In quibusdam feminis post partum difficiliorem variis in colli regionibus proveniunt. Tum in eo quoque strumarum discrimen aliquod positum est, quod aliae mitiores fereque sine doloribus atque aliis incommodis sunt; aliae inflammationem cum doloribus inducunt; aliae denique ad scirrhi instar induratae, vel alias valde magnae, licet paullo molliores respirandique & deglutiendi facultatem laedunt, vel & malignae prorsus existunt, paulatimque in cancrum transeunt (b). Sed qualescunque tandem strumae sint, fane ubi jam jam inveteratae sunt, difficulter atque fere nunquam per medicamenta curationem ipsae recipiunt: quum e contrario recentiores digeri quandoque soleant, praesertim si vitium in glandulis induratis, vel abscessu quodam consistit. Promptissimum equidem curationis genus videtur, quo Gallorum atque Anglorum Reges vel per solum partis aegrae tactum strumas gravissimas sanare vulgo perhibentur. Sed de hujus medicinae natura ut prolixius hic disquiramus, instituti praesentis ratio haud permittit. Cui lubet, videat ANDR. LAURENTII Libr. de mirabili strumas sanandi vi, folis Galliae Regibus divinitus concessa, & dein JO. BROWNE Librum de glandulis & strumis, qui vero hanc virtutem Regibus Angliae vindicat, idque quam plurimis exemplis confirmat.

I I.

Ad strumae autem recentis curationem longe optimum videtur, non sollicitam modo victus & vitae rationem aegro praecipere, sed & vel maxime regionis noxiae mutationem & medicamenta interna, eademque digerentia, sudorem pro-Strumae re-
centis cura-
tio. pellentia & alvum denique ducentia, pro aegri hominis aetate atque habitu, porrigere: prouti quidem superius, cum generatim in scirrhis Part. I. Lib. IV. cap. 16. tum & vel maxime in glandulis salivalibus induratis (Cap. XCVIII.) itemque in compend. pract. cap. XII. §. 29. proposuimus (c). Sed tamen una

(a) Descripsit & delineavit ejusmodi strumas JO. MITTERMEYERUS, Medicus Tyrolensis, in dissert. de strumis & scrophulis An. 1723. Erfordiae excusa: qui etiam quasdam cavas & aëre quandoque repletas esse affirmat. pag. 16.

(b) Ejusmodi exempla habet PLATERUS, mihi quoque ipsi quaedam nota sunt.

(c) BOYLEUS tanquam specificum, rutam murariam interne valde commendat. SCULTETUS pulverem lacertarum aliquoties in aqua maceratarum, & rursus exsiccatarum, vel pulverem ex rad. zingib. turpethi, & saccharo. Alii spongas combustas, pulv. ad strumas August. Alii rad. scrophulariae, vel decoct. lign. cum rad. bardanae. LOESCHER tincturam antimonii ex sulphure ejus praeparatam, & rhabbaro acuatam, interpositis purgantibus mercurialibus. Externe eas oleo philosoph. & postea spiritu nervino probe fricari jussit, & quidem luna decrescente in Obs. Chirurg. p. 14.

una cum internorum medicamentorum usu, praesertim si malum a glandulis induratis, extrinsecus adhiberi unguentum resolvens haud incommode poterit ut.

℞. Mercur. crud. ℥j.

Terebinth. Venet. ℥ij. subacti

Axung. porcinae, quantum

ad mercurium in mortario vitreo penitus subigendum atque absorbendum sufficit. Hoc ipso unguento aliquoties per dies singulos fricare strumam sive scrophulam cont-venit; deinde vero emplastrum de ranis cum mercurio romanique vitrioli portiuncula admixta superimponere; vel & emplastrum de galbano, de sperm. ceti, de hyoscyamo, vel diasaponis, vel & diabotano, quod DIONIS valde commendat. Oportet autem semel aut bis etiam per hebdomadas singulas alvum aegro idoneo remedio ducere; ne unguentum istud, propter admixtum mercurium, salivationem facile moveat. SCULTETUS equidem obs. 39. una cum AQUAPENDENTE hoc imprimis unguentum contra vitia haec commendant:

℞. Ol. laurin. ℥j.

Alumin. roch. ℥β.

⊙ commun. ℥ij. M. F. ungu.

Pro quo ipso alii haud inepte oleum laterinum, sive philosophorum oleum, quod dicitur, adhibent, aut oleum petrae albae, vel solum, vel cum oleo saponis mixtum. Egregie praeterea ii sibi prospiciunt, qui strumis & cumprimis bronchoceleis primum nascentibus sic statim occurrunt, ut collare quoddam plumbeum, vel & lamellam plumbeam mercurio probe inunctam, fasciaeque aut vinculi peculiaris subsidio firmatam, collo tantisper injectam servant, donec repressum ac resolutum tumorem sentiant. Nisi enim penitus per istud remedium struma sive bronchocele dispellatur, saltem id efficitur, ut non adeo grandis aut deformis eadem fiat. Non desunt equidem in Medicis, qui ad reprimendas strumas nascentes valentissimum esse proponunt, si vel hominis demortui, praesertim autem per tabem extincti, manu, vel & osse quodam humano vel manu filii septimi diligentissime jugulum demulceatur. Alii alia remedia hic praescribunt, quorum vim a sympathia derivandam esse statuunt: ut lorum e corio humano collo circumductum, vel filum cruentum per murem vivum acu prius trajectum, quod cel. Jungkerus commendat. Sed vero, si dicere, quod res est, voluerimus, posita in istiusmodi rebus inanibus spes omnis utplurimum ita inanis est, quam quae vel maxime.

III.

*Veterum
strumarum
curatio.*

Si quae veteres jam tum strumae vel scrophulae sunt, sed mobiles tamen, tum adversus illas utplurimum non tam medicamenta, quam potius ferramenta proficiunt. Possunt enim ipsae quandoque penitus excindi. Contra vero si prorsus immobiles sunt, alteque in collo positae partibus arte adhaerent, nunquam facile ad sanitatem aegri homines perducuntur, nisi forte molliores sint. Namque maximum periculum hic est, ne per adhibitum scalpellum venae atque arteriae colli grandiores una cum ipsis nervis laedantur, vel omnino praescindantur; itaque vel

vel mors, vel pessima saltem mala concitentur. GARENGEOTIUS equidem una cum PETITO, viro celeberrimo, statuit, *nullas omnino glandulas induratas sive scirrhus, quantumvis etiam immobiles ipsae videantur, revera partibus integris adhaerescere, aut suas quasi radices in iisdem infixas habere*; ideoque in immobilibus etiam scirrhis aut strumis scalpellum tuto adhiberi posse. Sed quando nulla felicioris ejusmodi curationis exempla in medium is profert, fieri aliter vix potest, quam ut opinionationem istam, quasi dubiam prorsus atque incertam, prudentiores Chirurghi abjiciant. Ceterum in curandis strumis mobilibus triplex potissimum ratio solet adhiberi. Quarum prima est 1) *per vincturam*; sicubi nempe, quod tamen rarius fit, a tenui parte, quasi a petiolo vel radice, strumae dependent. Si amplis radicibus strumae nituntur, tum altera curandi ratio, 2) *per scalpellum* scilicet, *ingredienda est*. Nempe medio tumor una linea, vel, ubi grandior est, *duabus lineis decussatim positis* inciditur usque ad tunicam: deinde vulneris orae per adhibitum scalpellum a vitioso tumore separantur. Mox idem vel manu, vel hamulo, vel vinculo lineo cum acu trajecto, vel apta quoque volsella [vid. Tab. XXIII. fig. I.] prehenditur, atque ab integro corpore scalpello & digitis ista ratione resolvitur, quam in tumoribus tunicatis supra Cap. XXVIII. posuimus. Quae dum fiunt, ministri quidam adhibendi sunt, qui, diductis plagae oris, per linamenta vel spongiam saepius cruorem promanantem abstergant, donec omnino excisus sit, ne qua forte in opere suo Chirurgus impediatur. Sicubi paulo grandiora vasa sanguifera cum radicibus conciduntur, *spiritus vini rectificatissimus, vel liquor stypticus aliudve medicamentum quoddam adstringens* conveniens, vel vinculum per filum, aut si haec non sufficere videntur, *ferrum denique candens adhibendum est*, diligenterque vulnus, ut alias decet, *vinciendum*; ne qua forte nimia sanguinis profusio aegrum conficiat, vel graviter saltem infirmet; quod mihi tamen nunquam opus fuit. Ampliores denique cutis orae, quantum ad aptam aliquam cicatricem inducendam sufficit, praecidendae, emplastrisque glutinosi debito modo conjungendae sunt atque glutinandae. Cetera enim eadem fiunt, quae generatim in vulneribus sanandis, itemque Cap. XCVIII. ubi de glandulis salivalibus excidendis actum est, praescripsimus. Molliores nonnullas strumas & scrophulas saepius scalpello vel rodente medicamento aperui, materiam contentam eduxi, ulcus purgavi, & deinde praedicto modo glutinavi (a). Et vero cum nullos omnino dolores strumae concitant, mirum non est, quod a plerisque, iisdemque pauperioribus praecipue hominibus; formam negligentibus, ferrum vero atque cruciatus horrentibus, absque omni cura relinquantur. Idque magis etiam tum, si forte cum Tyrolensibus haud exiguum corporis ornamentum strumas esse autument (b). Si qui interim sunt, qui liberari ab isto malo, sed sine ferramentis tamen cupiunt, his adurentia (c) imponenda sunt: prouti quidem

(a) Exemplum ejusmodi bronchoceles fortuito casu apertae & sanatae refert BLEGNY Zod. Med. Gall. An. 1681. Februar. Obs. XI.

(b) Ut Mittermeyerus ipse Tyrolensis, supra citatus refert l. c.

(c) Quidam hic promiscue, sed temere omnia rodentia rejiciunt, quia iis haud raro egregie tolli possunt, si quis modo iis rite uti sciat, ipseque Celsus Lib. VII. cap. 13 ea tanquam optima remedia hic commendavit. Ceterum de variis colli tumoribus videri potest MOTTII Comp. Actor. Anglic. part. anatom. p. 21 seqq.

quidem supra jam tum in tuberculis quibuscunque aliis extirpandis praecepimus. Quamquam cautio hic adhibenda est maxima, ne in aliis, quam minoribus, mobilibus, majoribus colli venis non adhaerentibus, neque nimis alte penetrantibus colli tumoribus, istam curandi viam ingrediamur. Namque alias abesse vix ac ne vix quidem potest, quin *grandes simul venae atque arteriae, vel aspera arteria, vel nervi* etiam nobiliores collum pervadentes, sive transeuntes, cum praesentissimo *vitae periculo aut alio graviore malo exedantur*, vel in *carcinoma strumae convertantur*. TEICHMEIERUS scrophulas colli *suppuratione*, & postea rodentibus curavit, postquam eas resolvere non potuit, vid. ejus *Diss. de scrophulis*. Mulier bronchocele suffocata vid. in KERKRING. *Obs.* 148.

C A P V T CIV.

De setaceo.

I.

Prima setacei faciendi ratio.

Setaceum appellatur, quando ope certi ferramenti vel acus grandioris *setae equinae, vel fila aut funiculi linei per cutem*, & cum primis in cervice, *sanitatis causa* trajiciuntur. Triplicem potissimum in adhibendo setaceo modum Chirurgi observant. Nempe Chirurgus cutem in media & posteriori cervicis parte, minister autem illam, quae ad pollicis amplitudinem distat, gnaviter digitis comprehendunt. Deinde *idem chirurgus acum aliquam grandem, curvam atque amplam* (vid. *Tab. XVIII. fig. 12. vel Tab. XXII. fig. 9.*) una cum innexo vel funiculo lineo, serico aut xylino, vel linteolo angusto atque longo, vel etiam congerie quadam ex viginti quasi vel triginta filis xylinis aut lineis leviter contortis, per adductam cutem istam trajicit, (*Tab. XXI. fig. 17.*) *remotaque acu funiculum in cervice relinquit*. Tum unguento *digestivo vulnus* & funiculus *inungitur atque fisso utrinque*, ad funiculum transmittendum, emplastro contegitur. Sic enim setaceum decenter est confectum. Cujus equidem appellatio inde potissimum facta esse videtur, quia *setis equinis* *prisci Medici* hanc in rem usi fuerunt: quarum tamen loco, ad imminuendos dolores, funiculos lineos aut xylinos Chirurgi recentiores adhibent. Neque vero relinqui tantum in vulnere funiculus ille debet, *sed bis etiam quotidie*, nimirum ante & post somnum, hinc atque inde paululum duci, indeque profluens pus quasi in fonticulis abstergi. Sic enim in *ulcus idque quasi duplex plaga paulatim degenerabit*, purulentamque quotidie materiam eamque saepe copiosam emit. Atque id ipsum quidem fieri tamdiu debet, quamdiu hominis aegri noxa illud postulat. Simulatque vero linteum aut funiculus sordibus nimis infectum deprehenditur, novum ipsius extremo per futuram aliquam jungendum, vetus sive impurum ex ulcere educendum, novum vero sive purum simul leniter per plagam inducendum est.

I I.

Altera ratio.

Altera setaceum aliquod faciendi ratio a priori haud differt, nisi forte in eo, quod

quod loco acus magnae scalpelli quoddam anceps (Tab. I. litt. B. vel I.) adhibetur, factaque plaga funiculus vel fila specillo quodam convenienti applicato per eam ducitur. Reliqua eadem prorsus fiunt, quae modo posuimus: atque sic paulo amplior per scalpelli ejusmodi, quam per acum, nisi forte praegrandis sit, plaga infligitur, ideoque major etiam puris aut ichoris copia elicitur. Ad commodiorem cutis perforationem linique vel funiculi simul transmissionem longe optimum quoque est ferramentum istiusmodi, quale Tab. XXIII. fig. 5. repraesentavi; quod vero manubrio instructum esse debet, applicare. Namque ubi illud usque ad partem B per adductam cutem transadigitur, eximi protinus funiculus vel linum per foramen A. ductum potest, reductoque hoc ferramento, in vulnere, quamdiu necessarium videtur, relinqui.

I I I.

Tertia denique setaceum applicandi ratio fieri per proprium aliquod instrumentum, a BARTISCHIO, ANDREA A CRUCE, HILDANO, AQUAPENDENTE, SCULTETO, & GLANDORPIO delineatum, consuevit: dum scilicet cutis eodem comprehenditur, atque dein ferro quodam acuminato vel & candente perforatur, tandemque convenienti funiculo instruitur. Qui quidem operandi modus, quia insignes dolores magnamque suppurationem concitat, mirum haud quaquam est, si pro valentissimo, ad humores noxios & abundantes eliciendos atque ab oculis, capite aliisque partibus nobilioribus revellendos a variis priscis Medicis praestantissimis habetur.

I V.

Non prorsus equidem olim defuerunt, neque hodiernum adhuc defunt, qui setaceum ad lineam sive longitudinem cervicis factum longe valentius eo statuunt, quod transversim in collo instituitur, quemadmodum docuimus. Tametsi autem egomet aliquoties rei hujus experimentum fecerim, tamen nihilo majorem in istac operandi ratione, quam in usitata, virtutem reperi: sed longe tamen majorem operandi difficultatem sensi, quia cutis non tam facile in cervice transversim, quam secundum longitudinem complicari, neque acus aut scalpelli tam commode transmitti potest. Ne quis vero interim ignoret, quomodo perforatio ista fieri debeat, sciendum hic est, primo gnaviter caput retrorsum versus inclinari debere, ut cutis cervicis valde relaxetur, adverseque adducta in cervice cutis per adhibitam acum valde curvam (Tab. XXII. fig. 9.) perforari. Quanquam longe aptius perforatio saepe fit, si non tam digitis, quam volsella potius, quae polypo destinata & foraminibus oblongis circa extrema rostri instructa est, (Tab. XIX. fig. 10.) cutis transversa comprehenditur, decenterque eo loco perforatur, qui per volsellae foramina conspicuus est. Alius adhuc modus mihi sequens est. Cutem una cum ministro, ut in primo modo §. I. arripio, & cutem bis transversim spatio digiti vel pollicis transversim incido: postea acum amplam valde curvam, qualis Tab. XXII. fig. 9. exhibetur, funiculum trahentem, per inferiorem plagam, immitto, & deinde inter cutem & spinam dorsi per superiorem plagam transmittito, funiculumque in vulneribus factis relinquo.

V.

Quid de
setacei usu
statuen-
dum sit.

Sunt denique atque fuerunt in Medicis non pauci, qui *ineptam prorsus atque inutilem*, quae *per setaceum fit*, curationem esse statuunt, & cumprimis etiam DIONIS, GARENGEOT, & recentissimus alius adhuc Gallus, cui nomen MOPILIER (a): quum e *contrario* alii longe praestantiores Medici & Chirurghi, tanquam nobilissimam atque adversus morbos, quam *maxime pertinentes, capitis cumprimis (b)*, ut morbos *soporosos, cephalaeas, epilepsiam*, atque *oculorum*, valentissimam, cum BARTISCHIO, FIENO, FABRICIO, AB AQUAPENDENTE, SEVERINO, HILDANO, Cent. I. Obs. 41. GLANDORPIO, SCULTETO, WEDELIO, pluribusque aliis Medicis praestantissimis atque expertissimis, eandem proponant. Et sane quia per istam operationem a capite ad cervicem pertusam humores abundantes & corrupti quam efficacissime reveluntur & abducuntur, mirum videri haudquaquam debet, *si vel binis etiam fonticulis nobilius atque fortius unum setaceum a non paucis Medicis reputatur*. Quorundam enim experimento cognitum, quem aut hydrocephalum, aut catarrhi capitis perniciosi, aut *graves inprimis capitis vel oculorum noxae*, quales sunt vehemens ac *desperata quasi* ipsorum *inflammatio, gutta serena (c)*, *cataracta item*, vel suffusio incipiens, aut intensissimi *capitis dolores* cum *oblivione*, nec non *epilepsia*, vel morbi *soporosi*, vel ipsius etiam *apoplexiae* periculo male habent, eum, si setaceum adhibet, haud raro inde liberari. Etiam si *dolores atque molestiae, quas setaceum affert*, prohibent, quo minus multi aegrotantes nobile atque efficax istud medicinae genus admittant. Quibus adhuc accedit, quod revera etiam, ne quid dissimulem, saepe sine fructu excitentur.

P A R.

(a) In peculiari dissertatione, qua omnia setacea, fonticulos, vesicatoria, scarificationes & birudines rejicienda esse statuit. Verum dum experientiae adeo antiquae obloquitur, in Novis Goetlingensib. propterea castigatur A. 1745.

(b) Cephalaea pertinacissima a setaceo applicato cessans, eodemque remoto recurrens, idque aliquoties, mirabili exemplo describitur a RUYSCHIO obs. 40.

(c) Ab hac virginem esse liberatam, post sanguinis missionem, purgationem & fonticulum, per setaceum testatur. SCULTET. Obs. XXV. De setacei efficacia in ophthalmia vehementi Ephem. Nat. Cur. Cent. IX. p. 121. testantur.

PARTIS II. SECTIO IV.

De praecordiorum vitiis, quae manu aut scalpello curantur.

CAPVT CV.

Quomodo mammarum papillae elici atque extendi, vel etiam lac elici ex iisdem debeat.

IN puerperis quibusdam iisdemque junioribus ac primiparis ita minutae nonnunquam & immersae mammarum papillae sunt, ut recens natus infantulus neque ore ipsas apprehendere, neque lactis aliquid ex iisdem sugere valeat. Itaque per adhibitam artem ipsas extendere convenit. Longe igitur optimum hic est, 1) vel grandiore aut robustiore aliquem & suctioni probe jam adfuetum infantulum, vel 2) hominem quoque adultum istique arti deditum, quales mulierculae passim apud nos obviae sunt, adhibere, quae intus contentum lac una cum ipsis papillis quam diligentissime ore attrahat atque exfugat. Quodsi autem vel homines ejusmodi defecerint, vel ipsa quoque suction illa non satis profecerit, instrumentum aliquod huic scopo accommodatum decenter mamminis applicandum est. Nempe 1) vel proprium quoddam vitrum (vid. Tab. XXI. fig. 18.) sic admovetur, ut pars ejus amplior A. quasi cucurbitula papillis superimponatur, tubulus autem BB. ipsius puerperae ori, ad sugendum immittatur. Atque id ipsum negotium tantisper iterandum est, donec & papillas comprehendere & sugere infantulus queat. 2) Si nullum ad manus vitrum ejusmodi fuerit, fistulam aliquam fumo nicotianae sugendo destinatam applicare haud raro conveniet. 3) Alii cucurbitulam ex ebore sive alabaastro lapide ad pilei modum confectam (fig. 19.) super papillas injiciunt, admotoque ore gnaviter sugendam praecipiunt. Tum 4) alia quoque in promptu mihi sunt vitra lactisfuga quae dici poterant (vid. fig. 20.). Quae ubi vel in aqua calida, vel & super fornace pro aëre rarefaciendo vel expellendo probe calefacta mamminis sic injiciuntur, ut foramen A. ipsam papillam excipiat; non nimis tantum depressae papillae insigniter protendi, sed commodissime quoque lac educi sive sugi ex mamminis aegris atque ab inflammatione vexatis poterunt. Simulatque sugendi vis imminuta in vitro persentiscitur, emitti protinus ex foramine B, quod cera antea clausum erat lac haustum, atque iterum calefacto vitro, quemadmodum in scarificatione dictum est, clauso rursus cera foramine illo, tamdiu iterari negotium illud debet, donec & papillae satis grandes factae & lac ex mamminis sufficienter exhaustum animadvertantur. Denique recens natos atque edentulos quoque catulos quam aptissime hanc in rem adhiberi posse, ita manifestum ex experientia est, ut prolixè memorari haudquaquam debeat.


C A P V T CVI.

De papillis fissis atque exulceratis.

Solemnis utique apud novas puerperas quae infantulos suos lactant, calamitas est, ut a *suctione papillae in mammis* cum dolore intensissimo findantur atque exulcerentur. Quibus equidem noxis ut opportune succurratur, longe optimum erit vel *mucilaginem ex semine cydoniorum*, vel *ovorum oleum cum olei cerae portiuncula* permixtum, vel & *myrrhae oleum per deliquium*, gnaviter papillis illinere; vel denique tenuissimum ex *gummi tragacanthae sive arabico pulvere* quam saepissime adspargere. Sed tamen id simul notari sollicitè hic debet, ut paulo rarius ad papillam istam aegram infantulus adhibeatur, ne qua forte frequentiori suctione glutinatio impediatur. Tum id quoque cavendum inprimis hic est, ne *indusium lactantis mulieris ad partem aegram adhaerescat*, indeque avulsum dolores augeat, vel glutinationem quoque impediat. Oportet igitur, quoties infans mammam aegram exfluxit aqua plantaginis, in qua *pauillum saccharum saturni solutum est*, papillam abluere, postea remedia laudata adhibere, atque deinde operculum aliquod ex ebore, marmore aut cera candida confectum, quale Tab. XXI. fig. 19. repraesentavimus, super imponere.

Explicatio Tabulae vigesimae primae.

- Fig. 1. designat, quomodo linguae frenulum in infantibus per scalpellum solvatur; ex SCULTETI Tab. XXXIII.
- Fig. 2. ostendit, quomodo idem fieri per adhibitam *furcinulam* atque forficem debeat.
- Fig. 3. *Furcinulam* ad linguam in istac operatione sustinendam accommodatam, secundum debitam magnitudinem repraesentat.
- Fig. 4. & 5. exhibet *lamellas aureas aut argenteas*, exeso palato inferendas, spongia quadam mollissima juxta partem *aa* firmata.
- Fig. 6. proponit HILDANI instrumentum orichalceum, *uvae per vincturam* tollendae accommodatum. Litterae AA filum decenter instrumento innexum, B partem qua uva recipitur, C locum ubi filum trajicitur, denotant. Vera instrumenti magnitudo tribus digitis latis eam superet, quam hic proposuimus.
- Fig. 7. designat *filum quoddam aeneum sive ferreum*, atque foramine A in superiori parte instructum, pro lino scilicet per instrumentum modo delineatum transmittendo. Cujus proin magnitudo ex ipsius tubuli magnitudine debet determinari. Litt. B ansam sive manubrium ejus denotat.
- Fig. 8. repraesentatur hic *instrumentum aliquod ad uvam rescindendam proprium*. Atque littera quidem A partem, per quam uva demittitur, BB partem, qua scalpellum C ad praecidendam uvam propellitur; DDD autem ansam sinistra manu comprehendendam designant.
- Fig. 9. delineatur hic illud instrumentum, quod *paristhmiotomus* dici potest, quo



quo ad *tonsillas exulceratas aperiendas*, vel ab inflammatione vexatas scarificandas, Medici utuntur. Namque litt. A. scalpellum quoddam absconditum, B globulum ad scalpellum in ipso opere leniter emittendum, C denique anulum ad firmiter continendum instrumentum adaptatum indicat. Vera instrumenti magnitudo duobus vel tribus circiter digitis latis eam superet, quam hic delineavimus.

Fig. 10. sistit instrumentum, ossiculis, piscium item spinis atque aliis rebus similibus, ex faucibus extrahendis destinatum. Litterae AA spongiam, BBB autem bacillum sive virgam ex balaenae osse confectam, exactissimeque cum spongia jungendam indicant.

Fig. 11. *Ventriculi excutiam* designat. Litterae AA scophulas setaceas, BBB autem filum aeneum denotat, serico obductum, cujus ope demitti in ventriculum indeque reduci eadem valeant.

Fig. 12. ob oculos ponit cervicem aliquam incurvam, litteris AA musculos mastoideos designantibus: quorum interdum is concidi juxta partem imam debet, qui praeter naturam contractus deprehenditur.

Fig. 13. instrumentum repraesentat, cervicibus curvis restituendis adaptatum. Nimirum collare A ex pelle hirsuta ita confectum est, ut quam exactissime collum comprehendat. Arcus ferreus BB tum collare, tum uncum etiam atque anulum C continet, cujus beneficio suspendi ex tigno vel tecto aeger ejusmodi queat.

Fig. 14. litt. AA. indicant, ubi & quomodo in *tracheotomia* sive laryngotomia plaga excitanda.

Fig. 15. *Acus seu clavus ferreus* apice triangulari atque acuminata sistitur, ad *aperiendam asperam arteriam* accommodatus.

Fig. 16. Aliud clavi genus a DEKKERO propositum: ubi litterae AA cuspidem, BB autem tubulum, in quo cuspis continetur, quique in trachea perforata relinquitur, indicant.

Fig. 17. Eam cervicis partem designat, in qua *setaceum* transversim fieri potest.

Fig. 18. *instrumentum aliquod vitreum* proponitur, *papillis minutis cum lacte extrahendis adaptatum*. A etenim cucurbitulam papillae superimponendam, BB autem tubulum, quem ore puerpera excipere aque exfugere debet, repraesentant.

Fig. 19. *Cucurbitula eburnea* vel alabastrina & perforata, pro papillis aliquanto minutioribus extendendis, eisque, si ulceratae sunt, obtegendis & defendendis sistitur.

Fig. 20. *Cucurbitula vitrea* peculiaris repraesentatur, eisdem scopis, cum primis vero lacti evocando, inserviens.

C A P V T CVII.

De carcinomate sive cancro mammarum.

I.

*Instituti
ratio decla-
ratur.*

M Ammas & cumprimis mulierum quandoque ab inflammationibus atque ulceribus, scirrho item atque *carcinomate* sive *cancro* infestari, supra jam tum memoravimus (P. I. Lib. IV. Cap. IV.). Atque inflammationes quidem cum ulceribus quomodo sanare conveniat, eodem loco explicavimus. *Cancer* autem sive *carcinoma* (a) ex quibusnam *caussis* exoritur, quomodo item increseat, quae mala secum afferat, ex quibusnam signis innotescat, quibus denique medicamentis optime tractetur, alias declaratum extat. P. I. Lib. IV. Cap. XVII.). Superest ut, qua ratione mammarum *carcinomata*, ubi medicamenta parum sunt (b), *scalpello extirpari rite debeant*, exponamus; ne, propter cunctationem nimiam, insanabile vitium, vel ad operationem quoque chirurgicam sustinendam nimis debilis atque ineptus aeger evadat. Interea tamen quandoque idoneis medicamentis rodentibus extirpari ea quandoque etiam posse, praesertim si minora sunt, exemplis sum convictus, licet saepius non succedat.

II.

*Quomodo
cancer oc-
cultus nec-
dum mam-
mam inte-
gram ha-
bens extir-
pari de-
beat.*

Ante vero quam ad arduum opus illud Chirurgus procedat, necessarium utique videtur, ut inquirat, an jam simul vicinae sub ala glandulae induratae sint, aut an forte carcinoma cum glandulis his induratis omnino cohaereat. Quod si est, curatio plerumque haud feliciter succedit; quia cancrosa dispositio sive venenum cancrosam jam in aliis, praeter mammam, partibus haerere videtur: unde ablata etiam mamma repullulare malum brevi solet. Interea tamen non prorsus desunt exempla, ubi extirpato carcinomate una cum glandulis subalari- bus induratis aegrae restitutae sunt. Quando vero extirpationem istiusmodi carcinomatis suscipere vult Chirurgus, opus est, per convenientem vitae victusque rationem, itemque per purgantia aliaque apta remedia quam solertissime hominem aegrum ad id praeparare. Qua quidem praeparatione decenter confecta, si non nimis magnus & mobilis adhuc cancer est, sed tantum partem mammae occupat, (vid. Tab. XXII. fig. 1. AB.) deponi super sella quadam altiori atque commoda aeger debet, brachio, quod mammae affectae proximum est,

pro-

(a) Monendum hic esse existimo, *cancro* vocabulum, teste CELSO, Romanis Scriptoribus usurpatum fuisse pro eo morbo, quem Graeci *gangraenam* sive *sphacelum* appellarunt; verum quod nos hodie vulgo *cancrum* appellamus, *carcinoma* ipsis dictum fuisse: adeoque cancer proprie & recte *carcinoma* dicendus est.

(b) Parvus tamen & occultus cancer medicamentis resolutus vid. apud SCULTET. Obs. 46. & exulceratus iis optime mitigatus. *ibid.* Obs. 47. quamvis hactenus raro successerit. HARRIS se cancrosam mulieris mammam curasse scribit *pulvere ligni sancti, rad sarsaparill. & santali citrini*, parte tantum a frigore defensa in *Observ. Med. Chirurg.* Conferri hic quoque notabilis observatio de fungo mammae cancroso, quae in BERNERI *Exercitat. de efficacia & usu aëris mechanico in corpore humano*, continetur, meretur.

probe vel *extenso*, vel retrorsum etiam ac deorsum contento, *sive mantili ad sellam alligato*. Sic enim musculus pectoralis fortiter expanditur, ipsaque mammae pars corrupta exactius ab eodem resolvi potest. Tum moris multus est, ut *medio tumoris cutis lineis in crucem factis*, iisdemque satis longis, una cum pinguedine, quae carcinoma tegit, *incidatur*, separatisque per scalpellum plagarum oris, quam solertissime separetur atque eximatur. Quod quo fieri accuratius possit, vel *per transmissum acus majoris Tab. VI. fig. 5. vel 6. adjumento lineum vinculum*, vel *saltem per hamulum Tab. VIII. fig. 2 vel 3. strenue attolli* a quibusdam pars corrupta solet. Ego vero *ejusmodi carcinomata* aliquoties haud infeliciter sanavi, quae *pugnum utique magnitudine superabant*, atque a papilla ad ipsum usque humerum procedebant, ut videre est in modo citata *Tab. XXII. fig. 1. AB. tamen non nisi una linea illud incidi*, nulloque praeter scalpellum *Tab. XII. fig. 14. adhibito instrumento exactissime a partibus integris separavi*, & ut *fig. 2. Tab. XXII. ostendit*, vulnus glutinavi. *Ubi vero ipsa cutis summa simul corrupta*, aut cum carcinomate arcte juncta deprehenditur, vix alia ratione sperari salus poterit, quam ubi *eadem una cum ipso carcinomate penitus exscinditur*. Quod ipsum equidem ab expertis Chirurgis satis celeriter expediri ut plurimum potest, similesque ipse, cicatrice non adeo magna relictæ, sanavi. Ad similem rationem HELVETIUS ejusmodi operationem institui curavit, qui affirmat, eo tempore, An. scilicet 1705, in Gallia, quod mirandum, incognitum hoc adhuc fuisse *Lib. des pertes de sang. p. 140.*

I I I.

Extirpatione facta, nisi forte nimis jam infirmatus aeger sit, longe optimum videtur, *bonam sanguinis copiam*, ad aliquot nempe uncias, pro viribus aegrae, ex inflicto vulnere emittere. Sic enim facilius & inflammatio, & febris, & nova sanguinis profusio praecaventur. Neque vero *ad cohibendum sanguinem candenti ferro magnopere*, ceu veteres quidem opinati sunt, *opus hic est*. Siquidem *exacta deligatio utique hic plerumque sufficit*: nimirum si *linamenta carpta arida*, eaque bene multa, & aliquot splenia crassa sensim ampliora, & fascia satis longa simul adhibeantur; BIDLUS equidem, meus quondam quoque Praeceptor, quasi Medicus in his operationibus longe exercitissimus, vel solo gypso linamentis mixto sanguinem quam commodissime suppressi hic posse memorat (a); HELVETIUS autem solo lycoperdo (b); licet alii variis *pulveribus stypticis*, alii *vinculum arteriis grandioribus injiciant* (c). GARENGEOTIUS autem, secundum istam curandi rationem, quam cel. Parisiensium Chirurgus, PETITUS proposuit, statuit, brevi non modo sanguinem conquiescere, sed & ipsam plagam cito sanescere, imo carcinoma non redire, *si protinus atque sine omnibus & linamentis & medicamentis sanguinem sistentibus in vulnus adhibitis*, per *suturam mox vulneris orae diligenter comprehendantur*. Tametsi autem egomet quoque curationis hujus *experimentum aliquod fecerim*; ubi

exciso

(a) Exercit. anat. chirurg. pag. 157.

(b) Lib. des pertes de sang. p. 163.

(c) Vid. Acta Natur. Vratislav. an. 1717. mense Sept. pag. 70.

exciso cancro sanguinis parum ex vulnere proflueret, ipsaque aegra brevi sanata esset, verum brevi tamen etiam malum rediit, & aegra tandem post his renatum a glutinato vulnere cancrum exspiravit, id omnino mihi datum existimo ut in vulneribus ejusmodi, ubi vehemens sanguinis profluvium propter excisum mammarum cancrum incidit, ita ut metuendum sit, solis linamentis illud cohiberi non posse, oris arteriarum sanguinem fundentium nodulum ex vitriolo impono, superiniectis linamentis aridis, vel alcohol vini imbutis, vel pulverem supprimendo sanguini accommodatum, ex bolo, sanguine draconis, colophonia & mastiche confectum, una cum linamentis carptis atque lupi crepitu adhibeam (a). Sicubi paulo infirmior aeger advertitur, sanguinis parum atque adeo nihil studio ex vulnere mittendum est, sed exciso carcinomate confestim ad deligationem properandum. In deligationibus autem innovandis, quarum primam ante tertium diem non instituo, nihilque vi avello, ea semper via procedendum est, quam in generali de vulneribus tractatione praescripsimus. Ceterum ex ipso rerum usu didici, haud alienum istud consilium esse, quo magnum & crassum aliquod splenium cerevisia calida cum butyro permixta probe imbutum, ad inflammationem avertendam in prima statim deligatione ceteris rebus superimponendam HELVETIUS proposuit (b). Interea tamen etiam res feliciter cessit, si linamenta carpta & splenia omnia arida applicuerim, & tamen nulla inflammatio gravis subsecuta est.

I V.

Quando-
nam cancer
universam
mammas
tenens,
exciden-
dus.

Quodsi autem universam mammas cancer vel scirrhus occupavit, sive jam apertus, sive clausus adhuc idem sit, tota etiam mamma rescanda est (c). Discipendum vero rursus ante ipsam operationem hic est, ut jam supra monui, utrum is cum glandulis sub axilla positus, an cum musculo pectorali cohaereat; quia utroque in casu plerique Auctores operationem prorsus inanem esse scribunt, ipseque hoc etiam expertus sum. Interea ne, quod de glandulis illis supra (No. 2.) indicavi, hic repetam, BIDLOUS, prout ipsemet refert, (d) identidem ejusmodi carcinomata feliciter amputasse & sanasse, ubi simul pectoralis musculi pars quaedam corrupta fuit rescindenda. Quin idem etiam testatur, nondum plane desperatam semper rem esse, si vel ipsas etiam costas caries quaedam invaserit. Siquidem ipsemet non uno experimento cognoverit, vel radendo, vel fusco etiam WURTZII unguento adhibito cariem istam quandoque tolli & ulcus sanari. Ubi vero neque glandulis neque musculis cancer adhaeret, longe major ad feliciter instituendam curationem spes superest.

V.

(a) Ab aliquo tempore pulveribus sanguinem cohibentibus non amplius usus sum.

(b) *Traité des pertes de sang.* p. 158.

(c) Hujus equidem generis ingens illud carcinoma erat, quod egomet jam anno 1720. bono cum successu praecidi, & peculiari tunc dissertatione descripsi. Neque enim, prouti ex Tab. XXII. fig. 3. AB. manifestum est, omnem modo mammas illud occupaverat, sed tantae quoque molis erat, ut duodecim fere libras superaret.

(d) Loco citato pag. 168.

V.

Quandonam praecidi univerſa mamma per cancerum afflicta debeat, indicavimus, ſequitur, ut, *quomodo illud ipſum fieri debeat*, explicemus. Quum autem in varias operandi vias curationem iſtam Medici diduxerunt, haud abs re facturi nobis videmur, ſi ordine praecipuas propoſuerimus. Scilicet aegrotus ante omnia in ſedili quodam collocatur, quemadmodum ſupra (No. 2.) praecepimus. Deinde 1) ſecundum SCULTETI praecepta, acus quaedam grandior (Tab. XVIII. fig. 12.) filoque crasſo ſive funiculo inſtructa, per mammae partem infimam trajicitur. Fili partes extremae modo ſic conjunguntur, ut per id, velut anſam aliquam, adduci mamma corrupta poſſit. Nonnunquam, ſi unum haud ſufficere videtur, bina iſtiusmodi fila, & tranſverſim quidem, per mammam transmittuntur (vid. Tab. XXII. fig. 4. & 5.); id quod tamen ſaepe ſupervacaneum eſt, quia una anſa ſatis trahere poſſumus. Dehinc pars vitioſa omnis quam exactiſſime ita reſcinditur, ut non deorſum, quemadmodum SCULTETUS Tab. 36. indicat, ſed ſurſum verſus ſcalpellum ducatur, prout fig. 5. oſtendimus; ne qua forte ſanguis inde profluens Chirurgum in accuratiori amputatione impediatur. Oportet autem paulo grandiori ſcalpello, ſi mamma grandior, hanc in rem uti, quo ſcilicet promptius expediri ſectio iſta valeat. In minori vero etiam minus ſcalpellum ſufficit. 2) Altera curandi via, SOLINGIO inprimis atque BIDLOO uſitata, in eo a prima differt, quod pro filamentis furca quaedam magna adhibetur (fig. 6.). Haec enim per afflictae mammae, incipiendo a parte infima, ſic transmittitur, ut ſtrenue ſubter illa duci ſcalpellum queat (fig. 7.). Sicubi paulo minorem partem cancer occupavit, non furcam, ſed proprium aliquod ferramentum, gladio minuto haud abſimile, fig. 8.) ſuſtinendae mammae BIDLOUS deſtinavit: quae omnia ferramenta manubriis inſtructa eſſe debent. 3) At vero quia noſtris temporibus nimis crudeles videntur binae iſtae operandi rationes, neque facile absque intenſiſſimis cruciatibus & ſummo aegrorum horrore inſtituuntur; nihil ab arte ſalutari alienum HELVETIUS tentavit, quando iſtiusmodi volſellas ſive tenacula excogitavit, quarum altera Tab. XXIII. fig. 1. apicibus ſuis AA ſummam, altera vero (fig. 2.) & ſuperiorem & inferiorem vitioſae mammae partem, atque adeo mammam univerſam aliis ſuis A & B comprehendunt: quo ſcilicet commodius attolli, atque ſcalpelli grandioris adjumento ſub tenaculo quam exactiſſime ſubſecari valeat. 4) Quartus denique, iſque meo quidem iudicio optimus modus eſt, quando nullo prorsus praeter ſcalpellum inſtrumento adhibito, Chirurgus altera manu mammam afflictae comprehendit, eam elevat, atque ita per admotum altera manu ſcalpellum ſatis magnum, quouſque illa corrupta deprehenditur, exſcindit. Quando vitioſa mamma nimis magna, quam ut una Chirurgi manu commode elevari queat, miniſter eam ambabus manibus elevare, Chirurgus vero ope ſcalpelli majoris eam funditus, attamen caute, a ſubjectis partibus reſecare debet. Atque hac ratione ſine omni alio, praeter ſcalpellum, ferramento, ingentem illam mammam duodecim librarum, Tab. XXII. fig. 3. quam celerrime & quam feliciffime amputavi. Extirpato aliquo carcinomate, explorandum diligenter, an nihil duri aut corrupti relictum ſit; quod ſi percipiatur, mox ſcalpello adhuc aufer-


rendum, ne novo malo causam praebeat. *Exempla sectione* curatorum ejusmodi cancerorum vid. in SCULTETI obs. 44. HELVETII laudato Libro p. 145, 167. BIDLOO. SCHENCK. Obs. Med Lib. II. cap. de *Mammis*. CABROLIO Obs. 32. Paraeo, Amato Lusitano, Jouberto, Helvetio. Memor. Acad. Chir. Paris. Tom. I. p. 681, aliisque Scriptoribus quam plurimis.

Explicatio Tabulae vigesima secundae.

- Fig. 1.* AB. *mammae carcinoma tectum* sive clausum, quod non integram mammam occupat, indicat, a papilla versus humerum fere extensum.
- Fig. 2.* demonstrat, qualis post glutinationem simplex eaque recta tantum cicatrix fuerit. AB.
- Fig. 3.* litterae AB *carcinoma quoddam mammae praegrande*, idque etiam adhuc clausum, ac totam mammam occupans, duodecimque libras aequans, repraesentant: quod ipsum egomet non nisi scalpello, & manibus adhibitis olim amputavi & fanavi. CC. parva tubercula ex majori pronata indicant.
- Fig. 4.* declarat, qua ratione olim mammam cancro corruptam aa, acubus grandioribus bb. fila cc trahentibus, ad partem imam perfoderint, quando illam rescindere voluerunt.
- Fig. 5.* ostendit, litt. A., quomodo fila trajecta in modum anfae conjungenda, mamma corrupta eis elevanda, & postea scalpelli grandioris B ope rescanda sit.
- Fig. 6.* repraesentat furcam ad mammam grandiolem, carcinomate infestam, perfodiendam, & postea ressecandam, a SOLINGENIO & BIDLOO propositam.
- Fig. 7.* Scalpellum majus, mammis carcinomate corruptis rescindendis adaptatum.
- Fig. 8.* exhibet instrumentum BIDLOI, gladioli fere forma, pro corruptis a cancro mammis minoribus comprehendendis, si eas amputare velimus.
- Fig. 9.* acus indicatur magna, curva & ampla, A, pro setaceo in cervice secundum longitudinem infligendo: quae etiam in angustiori parte B manubrio ligneo potest esse instructa, ut tanto commodius cutis cervicis perforari queat.
- Fig. 10.* ostendit acus hujus cuspidem, a parte interiori sive concava inspectam, in vera sua magnitudine.

V I.

Operandi ratio nova. Novissima operandi ratio est, quam Chirurgus Batavus ante haud adeo multos annos adhibere coepit. D. TABOR autem, Medicus & Municeps meus, una cum instrumento ad istam rem accommodato (*fig. 3. Tab. XXIII.*) in peculiari dissertatione quadam explicavit. Nempe mamma vitata binis instrumenti illius arcubus, *fig. 3. AA, BB.* ceu ex *fig. 4.* manifestum est, comprehenditur, arcus hi circa extrema CC. *fig. 3.* manu sinistra clauduntur, ut basis mammae vitatae probe constringatur, ferramentoque tunc falcato



cato atque acuto EF. quod per rimam alterius arcus DD. transire debet, quam diligentissime abscinditur. Quantumvis autem notatu dignum instrumentum atque ingeniosa operandi ratio videtur, tamen simplicem istam, quam supra (No. 4.) descripsimus, operandi methodum ei praeferendam esse censeo. Interea tamen illam, tanquam rem tunc novam, silentio hic praetermittere nolui. In explicatione Tab. XXIII. uberius hujus instrumenti dabitur explicatio.

V I I.

Mamma excisa, quocunque demum modo illud factum sit, antequam deligatio instituat, *sanguinis uncias aliquot, siquidem vires sunt, emittere convenit*, ^{Quid post operationem fieri debeat.} ad praecavendam scilicet, prout supra jam monuimus, inflammationem & sanguinis profluvium. Quod enim Chirurgorum aliqui existimant, sanguinem vitiosum sive cancrum ista ratione penitus exhauriri posse, id nihil esse videtur (a). Ubi vero debilis jam tum aegra esse advertitur, satius erit, statim a confecta operatione vincturam injicere, quam minus opportuna sanguinis emissionem magis magisque ipsam infirmare. Quare noduli ex vitriolo & linamentis carptis parati praesto sint, quorum singulus singulae arteriolae imponitur, hisque glomeres ex linteis carptis alcohole vini imbutis quamplurimi superimponantur, postea fungi bovista seu lycoperdi ampla frusta, deinde & crassa splenia aliquot sensim majora; quae denique longa fascia probe firmentur (b). Tandem hic adhuc monemus, vincturam ante tertium diem non esse solvendam, nihilque nec tum quidem vi evellendum; sed, donec sponte cadat, expectandum. Ceterum quo rarius atque circumspectius deligatio postea innovatur, hoc melius quoque glutinatio procedit. Ea quae alternis diebus fit, ut plurimum optima est. Quodsi autem nimia forte materiae purulentae copia sub ipsa curationem ex vulnere profluit, frequentius deligatio innovanda. At ne a nimia purulentae materiae copia nimis aeger debilitetur, aut prorsus etiam conficiatur, unguentum digestivum remove, atque ejus loco linamenta carpta eademque vel arida, vel balsamo copaivae, vel essentia myrrhae atque succini leviter imbuta, imponere praestat (c). Vires autem amissae ut sensim sensimque aegro restituantur, non cibos tantum humidos, bene nutrientes & qui facile concoquuntur, juscula nempe, sive forbitiones, gelatinas, ova mollia, & quae sunt hujusmodi, sed medicamenta quoque confortantia & cumprimis emulsiones gratas diligenter ipsi commendare oportet. E contrario cavendum quoque sollicite hic est,

(a) HELVETIUS equidem contra plerorumque sententiam contendit, sanguinem in carcinomate non esse infectum, sed solam glandulam pati, ex humore in ipso stagnante sive coagulato, qua integre ablata, malum non redire. Sed errare mihi hic videtur, quia multi meis & aliorum aegris redierunt, omne durum & corruptum certo & quidem altera imo tertia vice ablatum fuit: quod non fieret, nisi in sanguine vitium haereret.

(b) Non sum equidem nescius, sanguinis profluvium hic prorsus non metuendum BIDLIO & GARENGETIO videri, sed illud facile cohiberi & quiescere. Contrarium tamen ego met usu didici: siquidem haud semel observavi, largiorem sanguinis copiam vel per ipsa crassissima etiam & copiosa splenia atque fascias erupisse, unde aegri valde debilitati fuerunt. Quare necessarium est summa semper cum providentia, vel & per impositum supra splenia orbem, deligationem instituere.

(c) In ejusmodi casu alumine usto, addito pauxillo mercur. praecipitat. rubri cum successu uti licet.






est, ne nimis forte celeriter vulnus arescat; quia malum pristinum alias facile, ut nonnulli Auctores notarunt, denuo recrudescit. Itaque, si tale quid incidere videtur, mel rosarum in deligatione identidem adhibere convenit, ut debita suppuratio hoc ipso fatis diu conservetur. Vulnere autem hoc tandem sanato, exactissimam semper vitae victusque rationem aeger servare, vehementiores vero animi affectus evitare debet; contra vero certis temporibus, praesertim vere & autumno, medicamentis sanguinem expurgantibus, itemque de tractionibus sanguinis uti debet. Quoties hic inter curandum febris vehemens, cum doloribus atque angoribus circa praecordia, spirandique difficultate supervenit; certa ut plurimum mors insequitur. Ne quid igitur istiusmodi facile eveniat, sanguis in tempore emittendus est, aegrotusque per adhibita medicamenta his malis contraria tractandus. Interdum etiam accidit, ut sanguis adeo pravae sit constitutionis, ut vulnus nullam glutinationem admittere velit, tunc palliative tantum, & lenibus balsamicis ex essent. succini vel myrrhae, vel in pauperibus solo spiritu vini tractandum. Non desunt equidem in feminis, quae admirabili cum animi magnitudine & constantia sat ceteroquin crudelem operationem istam sustinent; contra vero aliae adeo pusillanimes sunt & tam vehementer clamant, ut vel maxime intrepidum etiam Chirurgum terreant, inque opere suo impedian. Oportet igitur intrepidum hic Chirurgum esse, sicut CELSUS monuit, ut perinde faciat omnia, ac si nullus ex vagitibus alterius affectus, oriretur (Lib. VII. in praefatione).

Explicatio Tabulae vigesimae tertiae.

Fig. 1. demonstrat volsellam sive tenaculum Helvetianum, (Galli Tenette Helvétique vocant), mammis vitiatis refecandis sub ipsa sectione chirurgica arcubus AA comprehendis destinatum.

Fig. 2. sistit aliud huiusmodi tenaculum sive ferramentum, ab eodem HELVETIO excogitatum: cujus ope mamma corrupta in parte suprema & ima probe comprehenditur, & postea refecatur. Litt. AB denotant duas alas; CC foramina sive annulos; quibus machina digitis comprehenditur & clauditur. D Cardo cujus ope duae alae expanduntur, & pro mamma comprehendenda probe clauduntur.

Fig. 3. designat novum instrumenti genus, ad corruptas mammas rescindendas accommodatum. Litterae AA. laminam duplicem, eandemque semicircularem indicant, ex orichalco sive cupro flavo confectas, circa partes extremas inferiores C. ita conjunctam, ut interstitium sive rimam DDD. relinquant, pro scalpello falcato EF & recipiendo & transmittendo, supersit. Lamellam ex his inferiorem litt. aaa. quodammodo demonstrant. Litt. BB similem lamellam semicircularem eandemque simplicem denotant, fibula sive cochlea G. cum altera lamella duplici sic conjunctam, ut integrum quasi circulum efficiat, itaque mammam exactissime comprehendere queat. Crurum semicircularium A & B ansas utrinque litt. CC. designant. Scalpelli falcati manubrium litt. F. demonstrat: quod ipsum cruribus laminae A & B conjunctis mammamque comprehendentibus transmitti per fissuram



furam D pro rescindenda mamma corrupta sic debet, quemadmodum sequens fig. 4. ostendit.

Fig. 4. sistitur hic corpus feminae, cujus mamma sinistra carcinomate corrupta per modo descriptum instrumentum excinditur. Atque littera quidem A. mammam corruptam, B. brachium extensum; CC. laminas annulares sive semicirculares, quibus mamma comprehenditur atque a subjectis partibus sursum adducitur; D. sinistram Chirurgi manum, anfas binas lamellarum continentem; E dextram ejusdem manum scalpellique manubrium, pro rescindenda mamma sursum adducentem; F, G & H. denique viam, per quam attolli scalpellum a Chirurgo debet, indicant.

Fig. 5. ostendit peculiarem acum pro setaceo transverso excitando: in qua ad litt. A foramen exaratum, per quod funiculus vel fila ducuntur, & quando ad litt. B usque transfixa est, funiculus e foramine educitur, & in vulnere facto, reducta acu, relinquitur. Litt. C clavum denotat, qui a manubrio ligneo excipitur.

C A P V T CVIII.

De paracentesi vel pectoris perforatione.

I.

Paracentesin generatim Medici vocant pectoris vel abdominis, imo etiam scroti ^{Quando-} perforationem illam, quae pro materia purulenta, cruore, aqua, rebus- ^{nam para-} que id genus aliis praeter naturam emittendis instituitur. Solet autem para- ^{centesis in-} centesis sive perforatio pectoris variis in casibus adhiberi: & quidem 1) in empyemate, sive eo pectoris morbo, ubi scilicet e pleura vel pulmonibus post inflammationem exulceratis pus in thoracis cavitatem profluxit. Nisi enim opportune hoc emittatur, periculum est, ne & spirandi facultas impediatur, & vel suffocatio, aut pulmonibus cum septo transverso atque costis graviter inde exesis, tabes atque alia hujus generis mala desperata insequantur. Deinde 2) necessario quoque in pectore paracentesis est, ^{quoties cruoris aliquid ex thoracis vulnere} quodam intus illapsum est, quod per vulnus educi nequit, & aegro gravia incommoda & cumprimis metu suffocationis excitat, prouti quidem supra jam tum suo loco ubi de pectoris vulneribus actum est (P. I. Lib. I. Cap. X. No. 10.), declaravimus. Verum haec operatio hoc in casu male a Gallis (a) operatio empyematis vocatur, quia ad empyema constituendum pus requiritur, & rectius tunc simpliciter paracentesis pectoris vocatur. Tum 3) utiliter quoque paracentesin Medici, instituendam suadent, ^{quoties aqua,} propter pectoris hydropem intus collecta, debet emitti. Simulatque igitur morbus, a quo aeger infestatur, spiritus gravis ac difficilis, & ponderis insoliti atque fluctuationis in pectore sensus, humoris alieni quicquam intus delitescere significaverint, & malum medicamentis idoneis tolli nequit, confugiendum

(a) Ut a Garengéotio Oper. Chir. Tom. II. Cap. IV.

dum erit ad pectoris perforationem; siquidem alia ratione vix ac ne vix quidem ejici inde materia ista noxia poterit. Sed ante tamen quam ferrum pectori admoveamus, *considerandum sollicitè est*, num *etiam* vires adhuc sint: nam si parum aut nihil virium superest, periculosa ut plurimum haec operatio esse solet, atque abesse vix potest, quin vel sub ipsam operationem vel statim post eandem aeger expiret. Simili prorsus modo res sese habet, si malum nimis jam inveteratum est, & partes interne jam *exesae atque corruptae sint* (a): item si *vel a febre hectica, vel ab alvo soluta, vel a spirandi summa difficultate, vel a crebro animi deliquio, vel denique a sudore frigido aeger divexatur*. Namque mala ista singula morbum desperatum & propinquam fere semper mortem significant; adeoque sine fructu & cum dedecore Chirurgiae operatio in istiusmodi casibus instituitur: ne, qui propter noxae gravitatem servari haud potuit, Chirurgi culpa interiisse videatur. Contra vero si posita superius mala penitus absunt, si adhuc vires sunt, si denique recens adhuc morbus est, utiliter utique paracentesis haud raro adhibetur. Atque id magis etiam ideo, quia *pectus* inter costas citra ullum vitae periculum perforatur; dummodo circumspicte a Chirurgo singula hic fiant. Neque enim praeter cutem, pinguedinem, paucam carnem atque pleuram, quicquam hic percutitur aut laeditur.

I I.

Quo loco
fieri para-
centesis de-
beant.

Oportet autem bina potissimum ante operationem circumspicere: nempe 1) in quonam pectoris latere materia noxia haereat: namque ubi latus sanum perfoditur, inanis operatio esse consuevit. Deinde 2) quatenus praecipue pectoris pars perforari debeat. Quo autem facilius atque certius cognoscatur in quonam pectoris latere materia perniciose delitescat, considerandum quam diligentissime est, 1) in quonam latere inflammationem atque dolores aeger antea senserit; deinde 2) ubinam gravitas quaedam cum fluctuatione fuerit animadversa; tum 3) in quodnam latus cubare commodius aeger possit: in hoc ipso enim vitium delitescere solet: nam in latere sano decumbere nequeunt. Denique 4) tumor etiam plerumque aliqualis cum calore vehementiori latus afflictum demonstrat. Explorato jam latere affecto, tutissimum est operationem sic instituere, ut in sinistro latere inter secundam & tertiam, in dextro vero tertiam inter & quartam costam spuriam, ab infima numerando, eo loco, qui palmam circiter aut quinque, vel in majoribus hominibus sex digitos latos a spina dorsi atque ab infimo scapulae angulo abest, foramen fiat. Namque ubi sublimior pectoris pars perfoditur, fieri vix potest ut materia maligna, quippe in infimo pectore collecta, commode ibi profluat (b). Contra vero si depressius vulnus

(a) Exempla, quibus idem confirmari poterat, passim obveniunt. Sic enim egomet aliquando in istiusmodi homine, qui empyemate laboraverat, post mortem inciso, pleuram unam cum plerisque fere costis erosam deprehendi: quo vero in casu operatio haec prorsus frustranea esse solet.

(b) BOERHAVIUS quidem docet Aphor. Pract. No. 303. aperturam inter secundam & tertiam costam veram inferiorem instituendam esse; sed omnes boni Chirurgi dissentiant, locumque illum nimis altum esse docent. Forte pro costa vera, spuriam scribere voluit. Idem post me etiam monuit doct. van SWIETEN, Archiater nunc Cefareus, in Com. suis in Aph. BOERHAVII.

infigitur, periculum est ne septum transversum, quippe costis inferioribus, praesertim in dextro latere propter hepar hic valde propinquum atque adeo adnatum, laedatur. *Similiter ubi pars spinæ dorsi propior perforatur*, difficilior longe atque magis anceps operatio est. Neque enim crassi tantum musculi dorsi extensores perrumpendi hic essent; sed maximum quoque periculum subest, ne arteriae vel *venae intercostales*, utpote *sulcis costarum prope hanc* regionem nondum insertae, simul percutiantur. Ut proinde locus supra designatus prae ceteris commodus & tutus sit ad pectus perforandum.

I I I.

Ipsū istum, quem jam indicavimus, locum atramento notare convenit, ad ductamque digitis & Chirurgi & ministri, dum aeger corpus paulo reclinat, prout supra in fonticulis excitandis diximus, *cutem scalpello transversim incidere*, plagamque trium circiter digitorum transversorum facere; quo nempe commodius postea perforari caro reliqua possit. Solent autem *duplici potissimum ratione* id ipsum Chirurgi efficere. Nonnulli enim *acum* vel *clavum* aliquem acutum ac triangularem, eundemque tubulo inclusum, *Troicar* Galli vocant, (*vid. Tab. XXIV. fig. 1.*) eousque in carnem impellunt, donec idem in pectus penetrasse advertatur. Tunc enim clavum immissum (*fig. 2.*) extrahunt, collectosque in pectore humores noxios per tubulum in vulnere relictum (*fig. 3.*) emittunt: quamdiu scilicet aegri vires id permittunt. *Simulatque enim mentis deliquium imminere*, vel & *materiae corruptae* affatim e vulnere profluxisse intelligitur, demto protinus tubulo isto, fistula sive *tubulus* alius brevior, *idemque vel plumbeus*, (*Tab. II. fig. Q. 5.*) vel argenteus atque flexilis (*Tab. V. fig. 9.*) in foramen insertus, & filo aut funiculo circa pectus deligatis, & *emplastris* quam exactissime firmatur. Super fistulam sive tubulum *splenium* aliquod crassum imponitur, adhibitaque fascia illa, quam *mantile cum scapulari* Chirurgi vocant, deligatur. Nonnunquam *operatio ista sic instituitur*, ut cum carne atque pleura *cutis simul externa per admotum triangularem illum clavum (Troicar) uno statim ictu perrumpatur*. Verum enim vero quia secundum utramque operandi rationem pulmones, utpote cum pleura haud raro cohaerentes, laedi quam gravissime a clavo immisso possunt, hanc curandi viam reiiciunt, & sequentem potius Medici prudentiores sequuntur, ut, cute ac pinguedine secundum superius positam rationem ad tres fere digitos transversim incisis, *carnem reliquam una cum pleura inter binas costas supra designatas scalpello G vel H. Tab. I.* eadem ratione quam diligentissime incidant, insertaque, prout antea praescripsimus, fistula humores noxios eliciant. Solet autem in ipso vulnere istoc faciendo necessaria inprimis esse haec observatio, *ut nempe corpus aegrum primum quodammodo inclinetur*; siquidem tum ipsae costae in dorso posterius paulo latius ab invicem diducuntur, & spatium pro vulnere faciendo & pure vel sanguine emittendo ampliatur. Vulnere satis amplo facto, digitus in illud immitti, & si pulmo forte in vicinia adhaereat, eo separari, ut contenti humores vitiosi melius effluere queant. Quae quidem posterior operandi ratio quanquam majorem & Medici diligentiam & aegroti patientiam postulat, nihil tamen quicquam est, cur ipsam priori anteferre dubitemus. Praeterquam enim, quod pulmones, si qui forte secando

Quomodo
fieri opera-
tio debeat.

adhaerere deprehendimus, specillo vel digitis reprimi, a pleura solvi atque ita immunes a damno praestari hic possunt, materia sane cruenta vel purulenta longe facilius & accuratius propter paulo majorem vulneris amplitudinem hic ejicitur. Et clarissimum quidem PETITUM si audire voluerimus (a), a tubulis certe ac turundis, varia propter incommoda, penitus hic abstinemus; quin potius linamentum aliquod molle, atque caudae quasi formam habens, in vulnus satis amplum immitteremus. Sic enim non ipsum modo vulnus hocce linamento apertum apte conservatur, sed noxia quoque materia continuo & optime effluere potest. Supra linamentum istud vulnere insertum linamenti carpti & in glandis formam convoluti portio quaedam filo annexa una cum linamentis carptis aliis, emplastro item atque fascia graviter deligantur.

I V.

*Deligatio
quomodo
instituenda
sit.*

Diebus sequentibus semel, aut, pro re nata, bis etiam vel ter quotidie vulnus deligare convenit, prout anxietates aegrum saepius aut parcius urgent, emissaque, vel per tubulum apertum, vel per vulnus, quantum aegri vires permittunt, materiae vitiosae portione, bis aut ter in deligationibus singulis liquorem purgantem eundemque calidum ope siphonis injicere, diligenterque rursus emittere. Facere autem inprimis hic solet decoctum calidum ex herba quadam vulneraria, nimirum veronica, scabiosa, agrimonia aut solidagine Saracenica, cum rosarum melle atque myrrhae oleo, quin &, nisi tussis aegrum vexaverit, cum pauxillo essentiae myrrhae, vel & WURTZII balsamo pectorali permixtum. GARENGEOTIUS herbae persicariae, atque, ubi ex pleuritide vel peripneumonia malum ortum est, althaeae decoctum etiam atque etiam hic commendat (b). Quanquam etiam spiritus vini vulgaris cum antimonii sulphure permixtus haud minorem cum in expurgando tum & sanando vulnere virtutem exferat, alii aquam calcis cum mellis rosati portiuncula juncta longe nobilissimam hic esse proponunt, emissoque pure, ut antea dictum est, rursus deligatur. His aliquandiu sic observatis & confectis, circumspiciendum est, num liquor injectus ab omni materia vitiosa purus ex vulnere profluat. Tunc enim satis expurgatum esse pectus intelligitur, ideoque vulnus, extracto tubulo vel linteolo, balsamo vulnerario ea ratione glutinandum, quam in pectoris vulneribus supra posuimus. Quo autem melius humores injecti ex vulnere rursus profluant, necessarium semper est, hominem aegrum in ipsam partem illam, in qua vulnus est, diligenter inclinare, atque, ut fortiter spiritum ducat, jubere. Ceterum id quoque in curatione videndum inprimis est, ne medicamenta interna, cujusmodi infusa vel decocta cumprimis & balsama vulneraria sunt, una cum sollicita victus & vitae ratione temere negligantur (c).

V.

Ulcera pectoris versus cutem externam tendentia.

Denique sciendum omnino hic est, materiam corruptam atque ab inflamm-

(a) Vid. GARENGEOT. Chirurg. cap. de empyemate & pectoris paracentesi.

(b) Cap. de empyemate citato.

(c) Exemplum operationis empyematis vid. apud. SCULTETUM Observ. 52. SAVIARD. Obs. 115.

matione in pleura & musculis intercostalibus concitatam non semper in ipsum pectoris fundum delabi, sed potius per carnem, quae inter costas est, atque adeo ipsam cutem penetrare, itaque tumorem & abscessum in externis pectoris partibus excitare. Quod ubi forte incidit, ferrum non posteriori thoracis parti, ut antea docuimus, sed illis admoveri partibus, & quidem satis mature, debet, quae vitium illud continent, atque extrinsecus ostendunt: sive jam anteriores eadem in pectore sint, sive posteriores, ne pleuram aut costas erodat. Nonnunquam vitium istud tunc ita grave est, ut pessimum odorem materia noxia spargat, ipsasque costas insigniter exedat, sicut ipse observavi. Itaque si vitiata costae pars tolli nequit, aut plures costae, ut quoque vidi, simul vitiatae, tum prorsus impossibilis curatio hic esse consuevit (a).

C A P V T C I X.

Quomodo sterni terebratio fieri debeat.

Sicubi sub ipso sterno atque inter mediastini membranulas abscessus aliquis ex lapsu, ictu, vel fractura sterni oritur, vix alia ratione materia purulenta evocari e pectore, quam per trepanationem sive terebrationem sterni poterit (b). Igitur si adeste utique abscessus aliquis a prudentibus Medicis ac Chirurgis judicatur: quod ipsum tamen quam difficulter ut plurimum fiat, non ipsius tantum noxae indoles, sed rerum quoque usus loquuntur; sic fere instituere operationem Chirurgus debet. Scilicet ante omnia resupinare hominem aegrum convenit, positamque in infima sterni parte, ubi foraminulo quandoque abscessus se prodiit, cutem lineis in crucem factis diligenter incidere. Tum, diductis ab invicem oris, sternum per admotam terebram ita perforare, quemadmodum supra in ipsius capitis terebratione praecepimus. Facto hunc in modum foramine, sic in pectus inclinare hominem aegrum oportet, ut quam aptissime profluere materia corrupta valeat. Postea linamentis prima vice aridis, postea unguento digerente & balsamicis nutritur. Denique abscessus convenienti modo, praesertim injectionibus, capite praecedenti laudatis, expurgatus, sic fere & deligatur & tandem glutinatur, ut capite praecedenti & supra capite XLI jam jam declaravimus. Sunt qui sterni terebrationem istam non aequè periculosam existimant esse, atque illam, quae in capite instituitur: quia longe facilius in capite quam sub sterno partes nobiliores laeduntur; tamen neque illud negandum, signa illa, ex quibus materia purulenta intus esse conjicitur, dubia plerumque atque incerta esse. Interea COLUMBUM & Casp. HOFMANNUM docuisse, si in illo mediastini cavo humores praeter naturam colligantur, eos perforato sterno, sine noxa educi posse (c). DIONISIUS quoque tradit, se hanc

ope-

(a) De fistulis thoracis vid. SCULTET. Obs. 50. & DIONIS. Chirurgia.

(b) Negant quidem varii ut RUYSCH. WINSLOW, GERIKE, illud mediastini interstitium; sed facile illud demonstrare possum. Et quamvis in sanis amplum cavum quidem non adsit, tamen a materia noxia lamellas ejus separari posse, ut amplum cavum fiat, docet praeter experientiam BLASIUS Obs. Anat. p. 15.

(c) Vid. BARTHOLIN. Anat. reform. Lib. II. Cap. IV.

operationem quidem vidisse, verum aegrum postea exspirasse. Ut proinde non sine maxima providentia ad operationem istam sit procedendum. PETITUS saepius laudatus sterni trepanationem tunc quoque commendat, quando post fracturam ejus utcunque restitutam, dolores diutius, quam par est, sub eo perdurant; hoc enim signum esse ait abscessum subtus latere (a). Deinde asseverat, quandoque sternum a pure intus contento perforari, atque materiam per angustum, quod fecit, foraminulum ex parte effluere. Quoniam vero ulcus sic neque mundari, neque pus satis evacuari potest, modiolis ope illud perforandum ac postea, ut dictum, expurgandum esse docet. *Lib. de off. cap. de carie & exostosi.*

C A P V T CX.

De dorso incurvato sive gibbo.

I.

Vitium ipsum describitur.

Gibbus appellari communiter ea corporis noxa solet, quando spina dorsi, contra quam naturaliter decet, vel in posteriorem vel in lateralem partem incurvataprehenditur. Saepius autem infantes quam adulti hoc ipso vitio corripuntur; saepiusque ab externis quam internis causis malum istud exoritur. Namque ubi vel lapsum, vel ictum aliquem graviores in spinam dorsi teneri infantes sentiunt, abesse vix potest, quin tenera ipsorum eademque mollia officula graviter laedantur atque detorqueantur. Ab internis autem causis provenire calamitas ista solet, quoties aut ligamenta ista, quae dorsum sustinent, laxa nimis atque remissa fiunt, aut cariem etiam ipsae vertebrae sentiunt. Tametsi ab abdominis musculis etiam, nimium quantum constrictis, pessime intorqueri dorsum quandoque posse. GOUVEYUS auctor est, exemplo memorabili calamitatis hujus in medium adducto (b). Et sane nisi tempestiva eademque prompta noxae huic medicina adhibetur, sensim sensimque officula ista contorta indurescunt, figuramque deformem assument, ut in naturalem situm restitui saepe nunquam valeant. Ut proinde mirum videri haud quaquam debeat, quod gibbi inveterati nulla prorsus ratione curari soleant. Ubi vero satis opportune malo huic occurritur, curationem quandoque illud recipit, vel saltem mitius fit atque tolerabilius.

II.

Curatio.

Atque valentissimum quidem sanitatis praesidium a pectorali vestimento, quod thoracem vulgo appellant, pectusque firmat, laminis ferreis vel chartaceis, e charta crassa, vel balaenae ossibus, ea praesertim parte, quae gibbum comprehendit, munito, petitur. Id enim per dies atque noctes tamdiu ab infantibus aut pueris gestari debet, donec nullum gravioris noxae periculum superfit. Quin proprium etiam hanc in rem excogitatum a Chirurgis instrumentum est,

(a) Lib. ejus de morb. ossium, cap. de sterni fractura.

(b) Vid. ipsius Chirurg. pag. 166. ubi gibbum subinde a nimia musculorum abdominis contractione oriri contendit.

est, quasi crucis alicujus formam referens (*Tab. XXIV. fig. 5.*); quo ipso litt. AA, dorso imposito ad collum BB, humeros CC ac DD, atque ventrem EE firmiter alligato, spina dorsi directa sustinetur, atque ab ulteriori damno egregie defenditur. Sic enim infantes vel sensim sensimque in pristinam formam restituuntur, vel saltem a graviore noxa & deformitate vindicantur. Longe vero optimum hic est, aqua reginae Hungariae, spiritu lavendulae vel matricali, similive alio quodam spiritu roborante partem aegram quam diligentissime simul inungere, emplastroque itidem roborante, cujusmodi oxycroceum, opodeldoch, nervinum VIGONIS, atque id genus alia sunt, gnaviter contegere: non neglectis interim medicamentis internis convenientibus, iisdemque partim ad roboranda membra infirma, partim ad ejiciendos humores supervacaneos & & noxios accommodatis. Nisi enim jam tum inveteratum malum est, insigniter ut plurimum ad restituendum dorsum incurvatum proposita curandi ratio proficit.

PARTIS II. SECTIO V.

De vitiis abdominis, quae manu & scalpello curantur.

C A P V T . CXI.

Quomodo vinciri funiculus umbilicalis debeat.

I.

UMBilicalem funiculum in infantibus recens natis quam exactissime ^{Quomodo} vinciendum non sine ratione Medici prudentiores praecipunt. Si ^{ligari de-} quidem alias ^{beat funi-} periculum maximum est, ne propter gravem sanguinis ex illo ^{culus um-} per ^{bilicalis.} vasa umbilicalia profusionem tenelli homunculi isti conficiantur atque ex-
hauriantur. Oportet autem vincituram illam sic omnino instituere. Simulat-
que nimirum infans una cum secundinis in lucem est expositus, flum
quoddam robustum, ulnaeque quasi longitudinem habens, quater circiter
complicandum, factisque circa partes extremas nodis, circa funiculum um-
bilicalem, parte binos circiter digitos ab umbilico remota, binis ductibus
involvendum, geminoque nodo constringendum. Deinde novum aliquod
vinculum, digiti amplitudine a primo versus secundinas remotum, simili ra-
tione injiciendum, quo nempe facilius certiusque sanguinis profusioni, quae
alias subinde hic orta est, occurratur. Nonnullae obstetrices, facta prima li-
gatura, funiculum ad spithamae fere longitudinem sub hac ligatura refecant; hoc
extremum versus primam ligaturam intorquent, atque digiti spatio sub priori cum
funiculo reliquo umbilicali novo nodo conjungunt, & deinde, ut antea dictum
est, procedunt, ita periculum sanguinis profusionis certius praecaveri. SA-
VIARD vult ut ligatura haec, quam proxime fieri possit, prope ventrem institua-
tur;

tur; nam si paulo remotius inde fieret, saepius hernias umbilicales inde oriri. Obs. Chirurg. IX. Tum funiculus umbilicalis una cum placenta uterina infra vinculum istud alterum forficis adjumento, quae hic scalpello praestat, rescindendus, parte vulnerata linteolis diligenter involuta. Denique splenium aliquod super umbilicum imponendum, fasciaeque umbilicali adhibita exactissime deligandum. Cetera enim confici facile ab obstetricibus vel nutricibus possunt, donec funiculi umbilicalis pars reliqua sponte sua exaruerit atque deciderit. *Tametsi autem ipsa etiam funiculi umbilicalis vinctura institui plerumque ab obstetricibus solet; longe tamen optimum atque adeo necessarium videtur* Chirurgos atque Medicos juvenes diligenter in hac arte instruere. Possunt enim, imo vero solent saepius ejusmodi casus incidere, praesertim in partu non adeo praevisto, ubi nulla adhuc obstetrix adest, ubi dedecori & magno nominis detrimento Medico aut Chirurgo cederet, si funiculum umbilicalem rite vincire non possent, atque ob hanc ignorantiam nimia sanguinis profusio & miseri infantuli mors oriretur.

I I.

Hoc quidam super vacuum esse statuerunt.

Sunt inter recentiores nonnulli, qui *ligaturam funiculi umbilicalis quasi super vacuum, ideoque haud adeo necessariam esse perhibent (a)*. Se enim casus vidisse ubi ex intermissa hac ligatura nulla noxa orta vel secuta sit. Hoc aliquando casu accidere posse, non nego. Attamen multis mihi quae ipsimet quamplurima exempla nota sunt, ubi ob intermissam hanc ligaturam infantes omnem sanguinem per resecta vel lacerata vasa umbilicalia amiserunt, atque adeo inde mortui fuerunt, vel saltem ob male institutam hanc ligaturam multum sanguinis amiserunt (b). Quare merito pro infanticidis illae habentur mulieres sive scorta, quae clam pariunt, funiculum umbilicalem non ligant, & infantes sanguine exhausti deprehenduntur, praesertim si hunc funiculum dilacerant. Hoc ipso enim simul vim violentam patiuntur teneri infantuli, ut ob concurrentes inde spasmos, convulsiones aut alia vitia tanto citius ac certius mortem subire cogantur. Exempla funiculi male ligati vid. in MAURICEAU, 256 & 634. Cautelae circa ligaturam funiculi umbilicalis vid. in Hoornii Sueci libro obstetricio, & in Stuarti dissert. de secundinis pag. 59.

C A P V T C X I I .

Quomodo per institutam in abdomine paracentesin aqua emitti hydropicis in ascite debeat.

I.

Quando nam operatio ista fieri debeat.

Quomodo in pectore institui *paracentesis* debeat, alias diximus. Reliquum est, ut, qua *ratione institui eadem in ventre, ad aquam sive humorem hydropicis inde emittendam*, debeat, exponamus. Quo minus etenim

(a) Vid. SCHULTZII dissert. *An funiculi umbilicalis ligatura in nuper natis absolute necessaria sit?* Halae 1733. 4. Ubi id negatur.

(b) MAURICEAU Obs. 256.

nim ad tympanitem quoque curandam paracentesis a nobis commendetur, observationum atque experimentorum defectus prohibet. In sanandis autem hydropicis, qui ea hydropis specie quam ascitem Medici appellant, laborant, cum fructu quandoque ipsam institui, fortuito quodam experimento cognitum esse memoratur. Neque enim hydropicus tantum aliquis, ferro propter miseriae impatientiam in proprium ventrem adacto, sed alius etiam, ROUSSETO teste, a simili malo infestatus, ventre a nebulone vulnerato, postquam aqua sua quasi sponte profluxerat, felicissime praeter omnem spem atque expectationem consauerunt (a). Itaque prudentiores Medici, nec sine ratione, id sibi datum existimarunt esse, ut ancipites ejusmodi fortunae casus in artem converterent, itaque circumspicte perforato abdomine aquam noxiam intus collectam evocarent (b). Etiam si autem, ut nihil dissimulemus, plerique fere hydropici, operationem illam experti, experientia teste, emoriuntur; tamen id non tam operationi, quam potius aut cunctationi, aegrorumque infirmitati, aut visceribus graviter nimis corruptis aut exesis tribuendum est. Possent enim hydropicos, eosdemque nec celeriter nimis a noxa ista oppressos, nec viribus plane destitutos, neque ab intus collectis humoribus corruptis quoad viscera laesos, praesertim si aetate etiam non adeo grandes, feliciter admodum per institutam in abdomine paracentesin aliquando curari, frequens rerum usus docuit (c). Igitur si applicata per aliquot septimanas victus ratio & medicamenta convenientia nihil omnino ab restituendum hydropicum proficiunt, properandum utique ad hanc operationem esse existimo, ne scilicet aegri vires ad sustinendam hanc curationem necessariae sensim absumantur, neve intestina ac reliqua viscera forte ab intus haerescantibus humoribus vitiosis corrumpantur. Contra vero ubi vel a scirrho quodam, vel abscessu interno, vel tabe hydropicus simul infestatur, tum satius utique videtur penitus ab operatione abstinere: ne scilicet, qui servari prorsus nequiverunt, occisi a Medico imprudentioribus videantur. Simile fere iudicium de istiusmodi hydropicis esto, quos non paulatim, ut fieri alias solet, sed celeriter nimis malum istud invasit. In his enim vas aliquod lymphaticum grande disruptum esse, non sine ratione conjicitur. Ceterum ipsa operatio in se spectata minus periculosa est minusque molesta: siquidem non nisi minuta nec multum dolens plaga, & in partibus quidem carnosius infligitur, aegrique saepius mox rursus ambulare possunt.

I I.

Ut vero certius cognoscatur in magno amploque aliquo ventre aquas certo Quomodo
adesse, antequam perforatio instituatur, palma manus, dum aeger stat vel aquam in
sedet, ventre a-
desse scia-
tur.

(a) De partu Caesar. Sect. III. cap. 3. pag. 44. Ita etiam ascite laborans, perforato vi natum. tur.
rae umbilico, & aqua emissa integre curatus memoratur a VALERIO LA Obs. III. Lib. IV.
Conf. & Ast. Edinb. Tom. I. art. 18. & Martini Epist. ad Angl. Vol. II. part. 3. p. 54, ubi
hydrops larga ventris incisione curatus est.

(b) Curatio igitur haec solum in ea hydropis specie valet, quae ascites appellatur: mini-
me vero in ea, quae anasarca audit, quia humores noxii tunc non in abdomine, sed in tunica
adiposa haerent.

(c) Vid. CELSUS, COELIUS AURELIANUS, Cabrolus Obs. 25. Bontius de Medic. In-
dor. Lib. 28. cap. 9.

sedet, alteri abdominis ejus lateri imponitur, altera vero manu venter in opposito latere modice aliquoties repetitis ictibus percutitur; ita, dum haec fiunt, fluctuatio quaedam aquarum priori manu percipitur, quae non sentitur; ubi aquae in cavum ventris effusae desunt: quo etiam in casu paracentesis minime instituenda.

I I I.

Prima operandi ratio.

Quando vero pluribus iisdemque diversis rationibus expediri abdominis paracentesis illa suevit, haud alienum ab instituto nostro fuerit sigillatim ipsas hic exponere. Atque *prima quidem eademque novissima haec est. Aegro in latere lecti posito, clavus sive acus triangularis [Troicar. Tab. XXIV. fig. 1.] octo quasi digitos latos ab umbilico remota, vel angulum ossis ilei inter & umbilicum media parte, quam providissime fieri potest, in ventrem demittitur, extractoque clavo (fig. 2.) per fistulam (fig. 3.) in vulnere relictam, aquae tanta portio emittitur, quanta emitti pro aegrotantis viribus potest. Et sic quidem ut, si nulla animi defectio aegrum affligat, omnis aqua simul & semel emittatur. Ut vero haec animi defectio tanto melius avertatur, vel manibus ministri utrinque venter sensim & continuo comprimitur, vel fascia aut linteo lato, in medio perforato, ad formam fasciae fig. 8. Tab. V. ventri circumjecta, eodem, ut in vulneribus ventris longitudinalibus claudendis supra docuimus, modo sensim constringitur, donec omnis aqua ejecta sit, denique fascia venter constrictus conservatur. Ita enim, ut saepius observavi, aeger ut plurimum animo haud linquitur, sed commodior & robustior fere evadit, sic, ut nonnulli eorum mox, extracta aqua, prodeambulaverint. Interdum tamen, praesertim si venter non comprimitur aut constringitur, ubi aqua omnis simul & semel emittitur, prout Medicorum parens HIPPOCRATES jam tum observavit, ejusmodi aegri mente labuntur, aut prorsus etiam inter aquae profluvium vel paulo post emoriuntur. Itaque providissimum illud quorundam est Medicorum consilium, quo vel quinque, vel sex, vel plures etiam robustioribus; tres autem, vel duas, vel unicam etiam aquae libram debilioribus, id est, portionem aegri hominis viribus accommodatam, emittendam ipsi praecipiant. Qua quidem emissa, tubulus extrahitur, vulnusque, utut valde minus & mox fere collapsum, per imposita bina splenia quadrata, emplastrum item ac fasciam paulo ampliorem seu mantile complicatum gnaviter deligatur. Altera die, nisi aegri hominis infirmitas obstiterit, eadem operatio in adverso ventris latere iteratur, eadem prorsus cum providentia, quam in prima operatione commendavimus. Quod autem in adverso latere operationem instituendam suadent, ratio est, ne scilicet inflammatio, hydropicis facile funesta, partem identidem pertusam corripiat. Die tertia denuo venter eadem ratione aperitur, & quidem loco binos quasi digitos transversos sub priori vulnere, aegro prius ad alterutrum lectuli latus deposito, atque tunc vel aqua reliqua omnis, vel, pro re nata, tantum etiam evocatur, quantum hominis vires sustinent: ea semper adhibita cautela, ut minister aliquis aegroti ventrem, ut supra jam docuimus, manibus vel fascia semper paulatim comprimat. Id ipsum autem negotium, alterno semper latere perforato, tamdiu repetendum est, donec vel penitus aeger consanuerit, vel etiam exspiraverit. Et quoties quidem insignis in eodem debi-*

debilitas advertitur, abstinere tantisper ab operatione per unum alterumve diem convenit, donec vires redierint. Interim non ab operatione tantum Chirurgica, sed & vel maxime a medicamentis (a) adversus hydropem valentibus, nec non ab accurata vitae victusque ratione sanitatis praesidia petenda sunt. *Ad aegri in operatione situm* quod attinet, observandum adhuc *De situ aegri in operatione.* hic est, olim equidem in sella lectulove ipsum desedisse; recentioribus autem Chirurgis, auctore PETITO, satius visum fuisse, si ad alterutram lectuli partem extremam is deponatur. Sic enim, ferramento, *in inferiorem & lateralem ventris partem depresso*, longe commodius atque accuratius omnis effluere aqua solet, neque aegri tam facile animo linquuntur, quam ubi sedent. Itaque quanquam in recentioribus salutaris artis auctoribus haud desint, qui *semper in prima operatione aquam omnem emittendam esse statuunt*, quin etiam, ubi forte aqua renascitur, idem prorsus negotium, quoties necessitas illud exigit, post aliquod tempus iterandum proponant (b); ego tamen haud possum, quin primam operandi rationem eo in casu, ubi aeger mente labitur, altera tutiorem existimem. Circa ferramentum, quo vulnus infligitur, illud admonendum restat, PETITO istud clavi genus aptissimum judicari, qui tubulo quodam maximam partem fissio continetur (vid. Tab. XXIV. fig. 4. litt. AA.): siquidem per hunc longe commodius quam per alterum, ut opinatur, effluere aqua possit (c). Ceterum quo commodius atque promptius intorqueri in ventrem instrumentum queat, haud alienum erit, oleo cuspidem & fistulam prius inungere.

I V.

Veterum quidem curandi ratio haec fuit (d): Nimirum sub umbilico, fere *Altera & tertia curandi via.* quatuor digitis ab alterutra parte interpositis, scalpellum anceps, cujus mucro tertiam fere digiti partem latitudine implebat, magna cura adhibita, in abdomen demiserunt. Deinde fistula plumbea, aenea vel argentea, etiam in foramen istud injecta, humoris tantam copiam per intervalla emiserunt, quanta emitti pro aegrotantis viribus potuit. *Fistulae hujus longitudo binos fere vel tres pro aegrorum diversitate digitos latos aequabat* (Tab. II. fig. Q. S.); vel recurvatis in anteriorem partem alis, vel remora quadam circumcingente, ne tota intus delabi posset. Simulatque vero major humoris pars evocata videbatur, demisso linteolo vel subere fistula claudebatur atque in vulnere relinquebatur; emplastris glutinosis, spleniis crassis atque fasciis superimpositis, firmiterque, *ne quid*

(a) Hydrops enim sola paracentesi non facile curatur, sed medicamenta alia simul & postea sunt usurpanda; nam, ut CELSUS jam dixit L. III. cap. 21. *emissus humor non sanat, sed tantum medicinae locum facit.*

(b) Feliciter institutae operationis hujus exempla recentia plura obvia passim sunt in *Actis Medic. Berolin. Tom. IX. Art. V.* item in *Actis Academiae Regiae Paris. 1703* a VERNEO recensita, atque Diariis Gallorum Litterariis [*Journal des Sçavans* anno 1722. mens. Julio] & fortassis etiam alibi. Quin DIONISIUS & GARENGEOTIUS quoque adstruunt, parum aut nihil virium aegrotis per novam hanc operandi viam detrahi, dummodo venter, ut supra diximus, sub ipsum opus diligenter comprimatur; aqua vero emissa, per adhibitae fascias accurate & probe vinciatur: id quod feliciter sic succedere saepius quoque expertus sum.

(c) GUSOVIVS aliud excogitavit & delineavit in *Diss. de novo Paracenteseos instrumento.* Regiomont. 1723. in 4.

(d) Vid. AUR. CORN. CELSUS de *Medicina Lib. VII. Cap. 15.*

Pars. II.

V V V V

quid contra voluntatem efflueret, mantili cum scapulari comprehensis. Postero die vincturam resolvebant, humorisque tantam portionem iterum effundebant, quantam aegri status exigere videbatur. Atque id ipsum negotium, sed simul tamen adhibitis medicamentis internis, per insequentes dies repetebant veteres; donec aut homo exspiraret, aut nullum aquae vestigium restaret. Sed quicquid tandem harum rerum sit, sane quin recentiorum Medicorum in hoc malo curandi ratio veterum hanc antecellat, nemo facile dubitaverit. Quum enim secundum priscam medendi viam non difficulter solum retracto scalpello in abdomen fistula demittitur, sed continuo etiam in vulnere relinquitur, fieri aliter vix potest, quam ut inflammationi atque id genus aliis incommodis aegrum corpus exponatur. Atque id ipsum etiam permovisse quondam nobilem Medicum BARBETTIIUM videtur, ut acum aliquam cavam argenteam atque a latere utrinque, ut in fig. 1. & 3. perforatam, ad abdomen perfodiendum & aquam simul emittendam proposuerit (a). Hac etenim rite in abdomen demissa, humores intus contenti statim effluunt. Interim quando intestina ab immissae in abdomen ibidemque diutius relictæ acus illius cuspidem non satis tuta sunt, nihil abs re alienum fecisse illi videntur, qui de novo eodemque tutiori instrumento, nempe de acu sive clavo illo, per tubulum demisso (fig. 1.), cogitarunt.

V.

Observationes quaedam utiles. Quanquam enim hoc ferramentum valde acuminatam cuspidem habet, verendum tamen haud facile est, ne, dum in abdomen illud deprimitur, intestina forte laedantur. Prius enim quam humores effunduntur, abdominis carnem externam inter & intestina interpositus liquor est: adeoque ne ad intestina quidem penetrare in primo opere cuspis potest. Quin &, si vel maxime ad ipsa penetrat, laedere tamen eadem propter insignem lubricitatem haud facile potest; praesertim si leniter in abdomen deprimitur. Si quid autem forte tubulum, per quem humor effunditur, obstruxerit, specillum vel stylum quandam tenuem inmittere, objectasque foramini remoras repellere conveniet. Nonnunquam umbilicus etiam mirifice in hydropicis quibusdam ab aqua expansus deprehenditur, prouti quidem ex HILDANI Observ. 47. Centur. 1. atque PURMANNI chirurgia curiosa p. 330. patescit. Adeoque Chirurgorum nonnulli in ejusmodi casibus umbilicum ipsum perforandum proponunt; praesertim cum hydrops subinde sponte per umbilicum ruptum curata legatur (b); quanquam plerumque minus commode. Praeterquam enim quod difficulter admodum omnes emitti humores inde possint, nisi aeger umbilico imponatur, vulnus in umbilico factum aegrius plerumque sanescit. Ceterum temperare mihi neutiquam possum, quin mirabilem istum casum breviter hic subjiciam, quem Noribergae olim in muliere quadam hydropica me observare memini. Nempe quum sinistrum ventris latus primum perforarem, aqua liberrime, & ea, quam Medici praesentes utilem judicarunt, copia magno cum aegrae levamine effundebatur; dextrum

(a) Vide sis BARBETTII chirurg. cap. de paracentesi, SOLINGII chirurg. Tab. VII. fig. 8. 9. 10. itemque MEERKENII observat. cap. 50.

(b) In modo citata HILDANI obs. 47. cent. 1. & VALLERIOLOE Lib. IV. Obs. 3.

trum autem ventris latus cum postero die aperirem, nihil quicquam effluebat. Itaque sinistrum ex consensu praestantissimorum Medicorum praesentium latus iterum perfodiebam, ubi aqua rursus liberrime fluebat: sequenti vero nocte, licet venter probe ligatus esset fascia, tamen aegra sine causa manifesta vomitu corripiebatur, & usque adeo mirifice enervabatur, ut uberiorem aquae emissionem non amplius utilem judicarem, sed post aliquot septimanas sensim exspiraret. Quaeenam mirabilis phaenomeni hujus causa fuerit, mihi quidem non constat; quum defunctae corpus incidere atque explorare Medicis haud licuerit.

V I.

Quicquid vero tandem sit, sane nisi ad sanitatem ipsam abdominis paracentesis hydropicos perduxerit; tamen id saltem praestare plerumque consuevit, ut *miserrimorum hominum cruciatus atque praecordiorum anxietates*, quibus haud raro, ut saepius vidi, vehementer anguntur, quodammodo mitigentur (a). *Quoties igitur cunque usque adeo insigniter abdomen ab humoribus noxiis expanditur, ut maximam spirandi difficultatem aegri, ut saepe fit, sentiant, atque propter gravissimos angores decumbere ac dormire nequeant, sed continuo federe hydropici cogantur; haud alienum esse judico, perforato abdomine, vel omnem, debitis cautelis, vel saltem sufficientem aquae copiam intentidem, constricto & ligato postea probe ventre, ut alias diximus, effundere. Sic enim non angustiae solum circa pectus atque anxietates, ut usu didici, valde imminuuntur; sed quiescendi atque dormiendi etiam facultas aegris quodammodo restituitur. Exempli operationis hujus cum successu instituta adhuc alia legi possunt in VOELTERI Schola obstetricia pag. 63; PECHLINI Obs. LXII. NUCKII Adenograph. pag. 122; BRUNNER. in Ephem. Nat. Cur. Dec. 2. An. VIII. SINIBALDI Methodo parva; SAVIARDI obs. 119. DIONIS Chirurgia; HELVETII Lib. de sanguinis profluvijis, pag. 79, ut supra §. I. & III. memorata jam taceam.*

C A P V T CXIII.

De Sectione sive partu caesareo, sive qua ratione foetus ex ventre matris quandoque exscindi debeat.

I.

Sectio sive partus caesareus illa hodie appellatur operatio chirurgica qua foetus, qui per viam naturalem & ordinariam ex utero matris egredi nequit, nec ulla arte educi potest, sive mater & foetus simul adhuc vivant, sive alter eorum mortuus sit, prudenti sectione e ventre matris, vel ad utrumque vel saltem alterutrum illorum servandum & ab imminente mortis periculo liberandum, eximitur. Graece *ὕσεροτομία* vel etiam *ὕσεροτομοτομία*, (*Hysterotomia* vel *hysterotomotocia*),

a

(a) Conf. hac de re notabilis SAVIARDI Observatio CXI. pag. 481. qui hoc quoque notavit.

a quibusdam vocari solet; licet hoc vocabulum apud veteres non occurrat (a). Sunt qui perhibent, nonnullos ex praestantissimis Medicis ac Chirurgis hanc operationem tanquam nimis crudelem atque noxiam sive lethiferam non modo dissuadere, sed prorsus etiam damnare: atque inter hos potissimum referre solent PARAEUM, GUILLEMAEUM, ROLFINCIUM, HORNIUM, MAURICAEUM, SOLINGENIUM aliosque, quorum nonnullos juratos sectionis caesariae hostes appellare non dubitant. Verum quando eorum scripta accuratius pervolvi, nullum horum praestantissimorum virorum promiscue omnem sectionem caesaream damnare invenio; sed solum certas easque periculosiores illius species, ubi nimirum mater vivit, & foetus ex utero exscindendus, ut ex sequentibus uberius patebit: in quibus scilicet periculum maximum est, & ubi laudati viri simul casus funestos ex hac in vivis instituta operatione observarunt atque annotarunt. Ut autem de gravissima & periculosissima hac curatione in tironum gratiam omnia, ut decet, ordine proponam, sciendum, triplicem potissimum casum existere, ubi haec operatio quandoque necessaria est: & primo quidem in muliere gravida mortua, quando ea vel ante partus tempus & cum primis ultimis mensibus, quando nimirum foetus perfectus & vitalis est, vel inter ipsius partus labores, vel etiam naturali aut violenta morte defuncta est, foetus vero in utero adhuc vivus perferuntur (b), vel saltem adhuc vivere praesumitur. Deinde quando mater vivit & foetus mortuus est, sed per vias naturales, ob gravissimas causas (quas mox uberius indicabimus), neque a matre expelli, neque ab obstetrice aut Medico ulla ratione educi potest, atque hanc ob rem mater in summo imo certissimo vitae periculo versetur. Denique tertio, quando mater & foetus simul adhuc vivunt; verum eadem rursus condiciones adsint, ut foetus per vias consuetas neque nasci neque produci queat, atque ambo sic

(a) Primus de hac re peculiarem libellum eumque doctissimum edidit Franc. ROSSETUS; quem postea auctiorem reddidit C. BAUHINUS, novisque exemplis confirmavit. Deinde & ROONHUYSIUS, RULEAU, VATERUS, & SLEVOGTIUS Dissertationes de ea ediderunt. Exemplum, matre viva & foetu mortuo vid. in Hist. Acad. Reg. 1731. p. 41. foetu vivo & matre mortua post aliquot horas a morte feliciter exciso, in Ephem. Nat. Cur. Cent. III. p. 136 describitur, & in MOTTII Compend. Act. Lond. Part. Anat. p. 12. De felici hujus operationis successu LA MOTTE Chirurg. T. III. p. 224. item RICHARDI Diff. de utero vulnerato p. 29.

(b) Licet nonnulli negent, foetum matre defuncta adhuc vivere posse, sed simul cum vita matris etiam foetus vitam cessare existiment, ut Casp. BAUHINUS in libr. anatom. & praefat. in libr. de exsect. foetus vivi ex matre viva. Roderic. a CASTRO de morb. mulier. lib. 4. cap. 2. atque ex recentioribus cum primis MERYUS, celebris quondam Anatomicus & Chirurgus Parisiensis, in Act. Acad. Reg. Scient. An. 1708. pag. 246. & 247. edit. Amstel. tamen hoc saepius jam factum esse non solum multis exemplis in ea dissertatione probavi, quam quondam sub titulo, Foetus ex utero matris mortuae mature exscindendum esse, proposui: ubi ea praeter ceteris notatu digna, quando DOLAEUS altera die post mortem matris foetum in ventre ejus se movere observavit. Encyclop. Chir. lib. 4. cap. 5. in fine. Quibus vero, si placet, adhuc jungi possunt TH. CORNELIUS progymnasim. 5. de generatione p. 207. VESLINGIUS obs. & epist. 7. p. 48. TIMAEUS a GULDENKLEE Oper. Med. pag. mihi 1082. Ge. FRANCUS in Satyr. Med. IV. SCHELHAMMERUS in Mis. Nat. Cur. Decur. II. An. V. obs. 14. MAURICEAU obs. 315. & 593. ROONHUYSIUS de morb. mul. ALBINUS diss. de partu difficili: VIARDEL Traité des Accouchemens; VATERUS in diss. de partu caesareo, ut & de partu hominis post mortem matris. LA MOTTE lib. IV. cap. VI. & cap. XIII. BRENDELIUS in obs. anat. VIII. decad. II. SCHACHERUS in programm. Lipsiae 1731. edito, de foetu ex utero mortuae exscindendo, aliique.

sic in praesentissimo mortis periculo, nisi hac sectione liberentur, constituti sint.

I I.

In primo casu, ubi scilicet mater defuncta est & foetus adhuc vivit vel vivere *Prima ejus saltem praesumitur*, paucos vel nullos prorsus inter praestantiores Medicos aut *ocasio in matre mortua.* Chirurgos invenio, qui sectionem hanc improbent, ut foetus forte adhuc conserve-
tur; (quia huic in matre mortua tandem necessario esset moriendum); verum potius, quia summum periculum est in mora, uno quasi ore volunt, ut non solum defuncta incidatur, sed etiam ut illud justo tempore fiat; hoc est, quamprimum id fieri potest, instituatur, ut sic foetus tanto certius, (quia saepe non adeo diu matribus supervivunt) adhuc vivi extrahi ac servari queant. Hac enim ratione non solum recentioribus, verum jam antiquissimis temporibus nonnulli vivi ex alvo matris exsecti leguntur: sicuti ex prisca historia haud incognita sunt exempla LYCAE (a), AESCULAPII (b), SCIPIONIS AFRICANI, Caesaris inde dicti, ac MANLI, Carthaginis expugnatoris (c), itemque, ut nonnulli perhibent, JULII CAESARIS Imperatoris. Ex recentiori vero EDUARDI VI. Angliae Regis (d), SANCTIO, Regis Navarrae (e) aliorumque variorum a variis Autoribus descriptorum (f), quos *Caesares* sive *Caesones* inde vocarunt. Itaque dum in agone versatur ejusmodi mulier, vel jam mortua est, Chirurgus requisitus mature de rebus ad matrem incidendam necessariis sit sollicitus, & simulac gravidam mortuam esse una cum aliis cognoscit, nihil aliud hic est agendum, quam ut protinus vel in lecto, vel super mensa, ventrem matris defunctae vel in medio, ut in sectionibus anatomicis vulgo fieri solet; vel si cautius & melius adhuc procedere volumus, (ob rationes infra dicendas), in latere alterutro, vel novacula, vel alio apto quodam scalpello, quicumque forte praesto est, linea longa simplici, (non duplici, decussatim sive in formam crucis facta, ut plerique docent), sine respectu ad cursum fibrarum muscularium vel venarum, aperiamus (g) & foetum, si forte

(a) Apud VIRGILIUM Lib. X. Aeneid. ubi canit: *Inde Lycam ferit exsectum jam matre perempta.*

(b) Ex utero matris interemtae, ab APOLLINE patre, sectionis ope extracti. Vid. OVIDIUS lib. 2. Metamorph. atque Natalis Comes Mytholog. lib. 4. cap. II. alique.

(c) Vid. PLINIUS Histor. Natural. L. VII. cap. 9. SOLINUS cap. 4. SILIUS ITALIC. Lib. 13.

(d) Conf. MAURICAEI cap. de Sectione caesarea.

(e) Vid. GUILLEMEAU lib. de art. obstetric. cap. de sect. caesarea.

(f) Conf. CAROL. STEPHANUS Lib. III. de different. part. corp. human. cap. I. Horat. AUGENIUS Lib. V. Epist. 2. Jo. SCHENCKIUS Observat. Lib. IV. GUILLEMEAU lib. de art. obstetric. loc. cit. Jo. Valent. ANDREAE Selenia Augusta, pag. 361. ubi gemelli pueri vivi ex matre, ictu sclopeti interemta, exsecti sunt. Ita & apud VIARDELIUM lib. de art. obstetr. lib. 2. cap. 24. VOELTERUM lib. de art. obstetr. lib. 2. cap. 13. itemque apud MAURICAEUM obs. 26. 251. 315. 343. 374. & 593. ejusmodi exempla leguntur. PURMANNUS in Chirurg. curiosa Part. II. cap. 10. ex utero foeminae mortuae masculum vivum sectione extraxit, qui etiam sanus superstes fuit. Similis casus in Ephem. Nat. Cur. Cent. III. obs. 57. pag. 136. legi potest.

(g) Jubent hic nonnulli, inter quos CAROL. STEPHANUS & GUILLEMEAU, ut dum hoc agitur, vagina uteri interea ab obstetrice digitis, os vero bacillo ligneo aperta servantur, quo foetus aerem spirare queat. Verum quia satis evictum est foetum in utero non respirare, sed ibidem sine respiratione vivere posse, haec frustra fiunt, adeoque quia inutilia sunt, ea omittere praestat.

forte in cavo abdominis, vel ex rupto utero, vel ob aliam caussam haeret (a), educamus, quem postea, quia plerumque valde debiles, vino, aqua reginae Hungariae aliave simili naribus admota, spiritu halituque vel simplici, vel hausta prius aliqua portione vini vel spiritus vini, ori & naribus foetus inflato refo-cillare atque baptismatis fonte inundare, ligato simul, ut decet, funiculo umbilicali, oportet. Sin vero in utero delitescit, quam cautissime, ne foetus forte laedatur, & hunc aperire, foetumque, si vivus adhuc deprehenditur, protractum, & a funiculo umbilicali solutum, ut modo diximus, debita ratione roborare ac fovere convenit: atque sic operatio haec tota absoluta est. Quod si forte foetus in tuba fallopiana vel ovario, ut quandoque contingit, haereret (b), haec provide, aperto prius ventre, quoque essent aperienda, & postea, sicut modo docuimus, procedendum. Attamen illud in hoc negotio curate prospiciendum est, ne gravida animi forte deliquium passa, pro emortua habeatur, atque adhuc viva temere incidatur, quemadmodum VESALIO accidisse ferunt (c); sed ut revera mortua sit, antequam scalpellum corpori admoveatur; id quod ex motu partium corporis & praesertim cordis, pulsu arteriarum & respiratione prorsus ablati optime colligi, quam notissimum est, praesertim si & adstantes de morte nobiscum conveniunt. Quam rarissime enim & vix ex centum mille, qui a prudentibus, vel etiam a mediocri vulgo pro mortuis habiti sunt, vel semel fefellit, ut non vere mortui fuerint atque revixerint. Neque adhuc, quantum novi, ullum prostat exemplum, quod ejusmodi gravida pro mortua habita sub sectione revixerit, adeoque ille metus nos non facile a sectione deterreat. Imo si hoc etiam aliquando praeter spem & expectationem contingat, Medicus inde nimium terreri non debet, quia scelus non commisit, & sectionem malo animo non instituit; sed ob foetum servandum eam pro cadavere incidit: ad quod faciendum partim ex religione, partim ex legibus, ut mox ostendemus, obligatur. Ac deinde quia adhuc spes est, aegrae vulnera, praesertim si ventris sectio linea simplici & in latere ejus, ut antea docuimus, instituta est, quemadmodum hoc alias saepius in eis, quibus vivis & volentibus venter ad foetum extrahendum praemeditato consilio incisus est, feliciter factum, rursus sanari posse (d). Nam si nimis diu expectatur, antequam ejus-

(a) Observarunt hoc STRAUSSIVS, BAYLIUS, SAVIARD, COURTIAL, BIANCHUS, CALVUS, ANELUS lib. de fistul. lacrymal. part. II. p. 294. Diar. Erud. Gallicum (conf. compend. nostri anatom. Nota 35.), Miscell. Nat. Cur. Dec. 2. An. V. obs. 63. Hist. Acad. Reg. Sc. An. 1716. Act. Acad. Nat. Cur. vol. I. obs. 176. p. 397. PISTOR. diss. de foetu e rupto utero in abdomen prorumpente, aliique ibidem citati Auctores quamplurimi.

(b) Exempla infra indicabuntur.

(c) Vid. ADAMI vitae Medicorum.

(d) Hujus rei gratia Senatus Venetus, ut MELLIVS Lib. de arte obstetricia, cap. de partu caesareo, mihi pag. 353. refert, lege sancivit, ne gravidae mortuae, vel pro mortuis habitae decussata sectione incidantur, sed simplici; ut alias in sectione caesarea, ubi mater adhuc vivit: ut mater, si forte reviviscat, facilius conservari rursusque sanari queat. Verba ipsa Italica hic ut addantur, merentur. *Essendo che nelle donne, che muoisno grávide sia alla creatura esistente nel ventre ogni dilazione pericolosa, perciò permettono pure sue Eccellenze di Medici sudetti, aprir, e far aprir l'istesse* (mentre vi è divieto rigorosissimo, che senza licenza sotto qualunque pretesto, non si possa aprir cadaveri de morti): *da sufficiente Chirurgo col toglio solito a praticarsi nel parto cesario, onde resti nel medesimo tempo preservata la creatura, e la Madre stessa, se per anco morta non fosse, ma solo oppressa da soffocazione isterica: E perche tal operazione*

ejusmodi mulieres incidantur, *periculum in mora est*, apta occasio elabatur, foetus vita interea, ut saepius ex nimia timiditate factum est, perit, atque sectio postea frustra, amisso & neglecto foetu, instituitur (a). Sunt etiam qui hanc sectionem gravidarum inutilem pronunciant; quia matre mortua incertum est an foetus adhuc vivat; adeoque eam frustra saepe institui atque hinc illam dissuadent, ne defuncta post mortem adhuc, ut vulgus ait, *divexetur sive excrucietur*. Ut vero haud negem, vitam foetus in utero saepe sciri aut cognosci certe non posse, atque sic saepius defunctas frustra incidi; tamen melius atque prudentius esse videtur, decies imo centies frustra gravidas ejusmodi incidere, quam semel foetum vivum ex negligentia incidendi matrem perdere, aut una cum matre vivum sepelire.

I I I.

In universum vero hic moneo, omnes gravidas mulieres defunctas protinus & ^{Gravidas defunctas omnes aperire con-} quam primum fieri potest, esse incidendas, & cum primis eas, ut jam diximus, quae partui sunt propinquae, vel in ipso partu moriuntur: partim ut foetus eorum, si forte adhuc vivunt, in tempore vivi educantur, baptizentur, & conserventur, atque ex orci quasi faucibus eripiantur; partim etiam ut Medici, Chirurghi, atque obstetrices abdominis & uteri in gravidis figuram, magnitudinem, constitutionem, ac foetus in eo situm vel posituram, membranarum habitum, secundinarumque dispositionem & nexum cum utero inde cognoscere possint, quo parturientibus aliis tanto melius postea succurrere easque juvare valeant; partim etiam, quod DE VENTERUS addit (b), ut perspici inde queat, utrum obstetrix vel Chirurgus obstetricans ineptus forte fuerit causa mortis parturientis, an aliud quid; quo artem suam vel accuratius discant, vel &, si causa mortis fuerint, a Magistratu pro merito puniri queant. Adeoque merito nulla talis foemina mortua sibi relinquenda, ac diu cum ipsa cunctandum; multo minus sine sectione ventris una cum foetu forte adhuc vivo sepelienda, ut, pro dolor! hinc inde adhuc fieri solet; quia foetus quandoque diu post mortem matris, ut antea jam docuimus, in utero adhuc vivere potest. Inhumanum enim, barbarum, imo & a Christiana doctrina atque misericordia quam alienissimum adeoque impium esse credo, foetum in utero delitescentem & adhuc vivum certissimae in utero morti devovere, vel vivum prorsus, ut haud raro forte factum est, una cum matre sepelire (c). Quapropter merito inter Christianos & quoscunque sanae rationis homines a Principibus & quovis Magistratu legibus severis esse sancendum, ut omnes gravidae defunctae, non solum ante sepulturam, ut leges jubent (d), incidantur; sed potius mox post mortem, &

razione sia fatta da Medici e Chirurghi periti in tali incisione, debba il Collegio de Medici portar al Magistrato di sue Eccellenze nota distinta dei più idonei, accio dei medesimi ne sia fatta volo ed esposto a chiara intelligenza di ogni uno nelle pubbliche spezierie.

(a) Ejusmodi exempla multa legi possunt apud Autores, cum primis MAURICAEUM, COURTIAL. SAVIARD, ANELUM, MOTTIUM, in diff. nostra N. I. citata, aliosque.

(b) Lib. de arte obstetr. parte II.

(c) Conferri hanc ob causam potest VATERI diff. de partu hominis post mortem matris. ALBINUS de partu difficili; & LA MOTTE Lib. IV. Cap. XIII.

(d) Digestor. Lib. XI. tit. 8. de mortuo inferendo & sepulchro aedificando.

& quidem quam primum id fieri potest, a peritis Medicis aut Chirurgis scalpello aperiantur, & foetus ex utero ipsarum eximantur, ne cunctando in utero quoque emoriantur; aut sectionem prorsus omitendo cum matre vivi (quod quam maxime detestandum, ac horrendum est) sepeliantur, vel quod idem esset, ac ipsos juxta notissimum illud dictum, (*quem non servasti, dum potuisti, illum occidisti*): interficere. Miserti propterea jam sunt miserorum atque innocentium horum infantulorum, licet vera in Deum religione imbuti non fuerunt, antiquissimi Reges Romani: dum legem in ipsorum gratiam, quae *Lex Regia* inde etiam appellata est (a), sed profecto Christiana imo divina merito dici posset, sanciverunt, quae praecipit, *ne mulier praegnans demortua sepeliatur, antequam foetus illi excidatur*, illumque necis reum judicat, qui contra fecerit: addita ratione; quoniam *spem animantis cum matre peremisse videtur*. Ubi sine dubio voluerunt, ut hoc *justo tempore*, id est, brevi post obitum matris, quia plerumque, ut experientia docuit, diu non supervivunt, fiat. Interea licet plerique Jureconsultorum aequitatem & sanctitatem hujus legis agnoscant (b), nescio tamen quo malo fato *lex haec adeo sancta* nusquam *ferre hodie apud Christianos colatur aut observetur*, quasi nihil prorsus hac de re in Corpore Juris propositum legeretur (c). Principes quidem & Magistratus necis reas agunt & puniunt meretrices, quibus infantes vel ob neglectam funiculi umbilicalis ligaturam, vel ob aliam negligentiam moriuntur, &, meo quidem judicio, recte. Sed propterea mirum mihi videtur, cur non etiam illos puniant, quorum culpa vel negligentia miseri hi infantes, quorum matres moriuntur, in utero pereunt, qui saepe servari possent (d): cum non minus de vita innocentis infantuli in hoc agatur negotio, quam in illo. Adeoque merito una eademque, mea quidem sententia, utriusque delicti ratio esset habenda. Atque nihil sane ab officio suo alienum Principes atque Magistratus quicunque facerent, si quam solertissime providerent; ac praeciperent, *ne qua mulier praegnans ante vel in partu defuncta*, nisi protinus inciso ipsius alvo & utero, terrae mandetur. Sed latius de hoc ipso argumento in illa exposui dissertatione, quam modo jam N. I. citavi, & qua exemplis & rationibus prolixius docui, *foetum ex utero matris mortuae mature excindendum esse*. Conferri etiam potest & ea dissertatio juridica, quae de jure Embryonum Jenae A. 1716. sub praesidio Cel. Jcti WILDOGELII quondam prodiit; itemque NYMMANUS & WINKLERUS. de vita foetus in utero; GUILLEMEAU, PARAEUS, HILDANUS, SCULTETUS, PAUCUS (*Mr. Peu*), MAURICEAU, VOELTERUS,

(a) Vid. Digestor. Lib. XI. tit. 8. locum modo citatum.

(b) Vid. FELTMANNUS de non humanda muliere, quae uterum gerit, lib. de cadavere inspiciendo, mihi pag. 106.

(c) HILDANUS quidem in oper. latinor. pag. 905. & seqq. in Epist. de *hernia uterina* asseverat *legem illam regiam in patria sua*, (i. e. in Helvetia), *ut plurimum observari*: verum in aliis regionibus, quantum ego saltem cognoscere potui, hodie vix a Magistratu de ea observanda vel saltem cogitatur, sed gravidae defunctae promiscue sine sectione sepeliuntur.

(d) Pertinet huc illud exemplum quod MAURICEAU obs. 345. recenset, *ubi pater noluit, ut filiae in partu defunctae venter incideretur*, atque foetus sic sua culpa & voluntate perire voluit: id quod severe puniendum esset. Ita & hic Helmstadii frater noluit, ut in partu defunctam sororem inciderem; sed sclopeto, si aedes ejus ad sororem incidendam intrarem, me interficere pessimum voluit: atque sic foetus quoque periit.

RUS, DEVENTERUS ac MOTTIUS (la MOTTE), itemque MELLIUS in lib. de arte obstetricandi variis in locis, alique quamplurimi, qui hac de re jam egregie, licet frustra, praeceperunt.

I V.

Quando vero mater gravida adhuc viveret, & foetus mortuus esset, nulla vero *Alter casus in quo sectio caesarea instituitur matre viva & foetu mortuo.* spes reliqua ipsum per vias naturales nasci aut educi posse, sicut verbi gratia fieri solet, quando indicia adessent foetum vel in tuba Fallopiana, vel in ovario, vel in ipsius abdominis cavo haerere (a), quemadmodum hujus generis exempla à variis observata sunt (b), vel forte in hernia quadam extra ventrem; quale exemplum SENNERTUS (c) & HILDANUS descripserunt (d), vel si callus, vel schirrhus, vel tumor, vel exostosis circa os uteri vel vaginam v. gr. ex osse pubis vel coccygis adesset, qui exitum sive extractionem foetus impossibilem redderet (e); vel si nimia partium naturalium sive ob coalitum vaginae non emendandum, sive ob callum sive ob ossium pubis malam conformationem, ut in nanis praesertim mulieribus interdum contingit (f), occurreret angustia (g), ut foetus propterea ex utero ejici non posset, praegnans vero ob dolores vehementissimos, qui saepe adsunt, vel ob convulsiones, vel ob sanguinis vehemens profluvium, aliasve graves ob causas viribus exhauriretur, atque periculum mortis inde immineret, tunc sectionem hanc, licet veteres in vivis eam haud instituerint, & multi recentiores eam damnent (h), omnino necessariam esse judico, ne & mater inde una cum foetu pereat. Nam profecto tunc extractio per vias naturales, quam MAURICEAU prae sectione caesarea in quovis partu praeter naturam

(a) Indicia praecipua haec, praeter communia graviditatis, esse possunt, quando partus doloribus praesentibus vel praegressis, nulla tamen oris uteri apertura & aquarum foetus fluxus percipitur aut perceptus est, ac simul foetus in altiori vel laterali magis abdominis parte, isque magis distincte, praesertim secundum diversas ejus corporis partes, caput scilicet, brachia, pedes, &c. percipitur, quam alias vulgo fieri solet. Conf. WELSCHII nota in caput de sect. caesar. Scip. MERCURII; PISTOR diss. de foetu rupto utero in abdomen prodeunte. Diar. Erud. Paris. An. 1722. mens. Junio. SAVIARD. Obs. Chirurg. obs. 60. DIONIS dissert. de generatione.

(b) Conf. hanc ob causam compend. anatom. nostr. Notam 35. Edit. IV. pag. 83. de foetibus extra uterum.

(c) In Institut. Med. Lib. II. Part. I. cap. 9.

(d) In Oper. Latin. p. 203. Epist. de hernia uterina.

(e) Quales casus quoque ab HILDANO loco modo citato, itemque in Act. Erud. Lips. An. 1693. pag. 229. VATERO in diss. de partu caesareo, Vitebergae An. 1695. edita, (ubi vaginae canalis ex ulcere praegresso totus erat callosus, relicto solum foraminulo pisi magnitudinis:) aliisque describuntur.

(f) Exemplum vid. in SAVIARDI obs. 114. itemque apud VOELTERUM lib. de art. obstetric. mihi pag. 112. nec non recentissimum in Mémoires de l'Académie de Chirurgie Tom. I. p. 646. ubi inter os sacrum & pubis non nisi spatium duorum pollicum fuit, & hanc ob causam operatio, matre & foetu servatis, feliciter peracta legitur.

(g) Cujusmodi exemplum RULOVIVS libro de sectione caesarea, ac VATERUS dissertatione modo citata, referunt, ubi operatio caesarea feliciter successit. MAURICEAU contra simile refert exemplum obs. 26. ubi vero matrem & foetum ob intermissam hanc sectionem misere & impie perdidit; id quod & SAVIARD. fecit obs. 114. & plures alii. Sed hac de re inferius plura.

(h) Ut PARAEUS, GUILLEMAEUS, ROLFINCIUS, SOLINGEN. MAURICEAU, LA MOTTE.

naturam commendat (a), hic non succedit. Igitur in omnibus ejusmodi casibus, ubi foetus per vias ordinarias educere impossibile est, (utpote de quibus casibus hic potissimum sermo & quaestio est) durum quidem & anceps, sed unicuique tamen remedium est, ventris gravidæ incisio, si matrem a foetu hoc & morte mox imminente liberare volumus; quemadmodum apud varios Scriptores fide dignos fausta peractæ hujus sectionis exempla leguntur (b): ita ut hoc sit sensibus & experientiae obloqui, quando MAURICEAU scribit, hanc sectionem semper matri esse lethiferam (c), quamque etiam ob causam ab ipso LAMOTTE (d) reprehenditur, licet huic operationi non adeo faveat, aliisque in rebus peccet, atque in optimis quibusdam occasionibus eam rejiciat.

V.

Rejicitur à
multis cer-
tis in casibus.

Interea tamen licet fausta non pauca ejusmodi exempla prostant, & quamvis etiam ventris & uteri sectionem defuncta matre, imo & tunc in matre quoque viva admittant fere omnes, si natura viam per tumorem, dolorem & abscessum in loco quodam ventris, ut in latere quodam vel circa umbilicum, demonstret, quemadmodum plures Autores hujusmodi casus felicis plerumque eventus, notarunt (e), quia hic parum vel nihil sanguinis profunditur, & foetus tunc plerumque tantum in tuba Fallopiana, vel ovario, vel cavo ventris haerere solet; tamen eam Medici & Chirurgi quidam præstantissimi admittere nolunt, & tanquam nimis crudelem ac barbaram, imo matri semper exitialem sive mortiferam non modo dissuadent, sed prorsus damnant, quando foetus in utero haeret & nullus abscessus se manifestat: inter quos præcipui sunt, GUILLEMEAU (f), MAURICEAU (g), ROLFINGIUS (h), SOLINGENIUS (i), quia mortem matris (quæ tamen ob aliam causam sæpe incidere potest) se inde semper observasse referunt: adeoque nonnulli horum illos Medicos, qui hanc operationem foetu in utero existente, aut nullo abscessu sese manifestante, suadent vel instituunt, crudeles & temerarios appellare non verentur: quia foetus potius per

viam

(a) Lib. de art. obstetr. cap. de partu caesareo.

(b) Ut ROSSETUM, BAUHINUM, Matthiam CORNACEM, SENNERTUM, HILDANUM, CYPRIANUM, LANCKISCHUM, SAVIARDUM, ROONHUYSIUM, RULOVIIUM, aliosve infra nominatos, itemque Acta Anglicana, Gallica & Germanica, &c.

(c) Observat. de gravid. obs. 94.

(d) Lib. IV. de Art. Obstetr. Cap. XII.

(e) Vid. hac de re BARTHOLINUS de insolitis partus humani viis, ROSSETUS de partu caesareo, LANGIUS Epist. 39. Lib. 2. HILDANUS Epist. de hernia uterina in oper. pag. 905. RONSEUS Epist. 1. ANELUS suite de la fistule lacrymale pag. 294. RUYSCHIIUS in cur. poster. pag. 30. Acta Anglicana variis in locis, & ex his etiam Act. Erud. Lips. An. 1703. pag. 143. & plures alii Scriptores. Maxime vero notatu dignum est illud exemplum, quod celebris quondam Medicus Batavus Abrah. CYPRIANUS in peculiari quadam epistola, quæ historiam exhibet foetus post XXI. menses ex uteri tuba, matre salva & superstite excisi; itemque illud, quod in Annal. Acad. Juliae Semestri XII. p. 23. & seq. An. 1727. descriptum est, de quo vero inferius plura. Unicus fere MORTIUS est, qui contrarius esse videtur, dum in prolixo suo opere nihil de hac re docet aut proponit.

(f) Lib. de arte obstetricia de sectione caesarea.

(g) Lib. de eadem arte Lib. II. cap. 32.

(h) Obs. Anat. Lib. I. cap. 13. pag. 182.

(i) Operat. Chirurg. cap. de sect. caesarea.

viam naturalem sive manibus sive ferramentis esset extrahendus, quam ut inciso ventre & utero, summo matris periculo vitae per sectionem caesaream extraheretur. Hos *Defenditur vero sine sufficiente caussa illud ipsum facere & ratio & experientia prudentissimo. ab aliis.* rum quorundam & Medicorum & Chirurgorum demonstrant; & cumprimis ROSSETI ac BAUHINI (a), SENNERTI (b), HILDANI (c), FIENI (d), SCULTETI (e), SCIPIONIS MERCURII (f), ROONHUSII (g) RULOVII (h), LANCKISCHII (i), SAVIARDI (k), JOBERTI (l), LA MOTTE (m), TEICHMEIERI (n) & aliorum, qui eam matre superstita feliciter successisse testantur.

V I.

Ancipitem quidem fateor, maximeque dubiam ac periculosam esse hanc operationem pro matre, praesertim quando foetus ex ipso utero est excindendus vel abcessus nullus sese manifestat; ita ut sine summa necessitate eam non instituendam esse censeam: interea tamen subinde eam necessariam ac utilem esse partim ex *Difficultas & necessitas ejus perpenditur.* jamjam dictis, partim ex mox dicendis satis patere existimo. GOUVEUS quidem (o) unus ex recentioribus chirurgicae artis inter Gallos scriptoribus, una cum ROSSETO, SCIP. MERCURIO (p) & WELSHIO (q) sectionem caesaream nec difficiliorem nec periculosiorem calculi sectione esse contendit, & feliciter quoque eam saepius, si modo rite instituatur, adhibitam esse, adductis in medium exemplis defendit. Cui vero ego graves ob rationes, atque observationes PARAEI, GUILLEMAEI, ROLFINCII, MAURICAEI ac SOLINGENII (r) frequentes ejus infaustos successus demonstrantes, & speciatim ob periculum nimiae sanguinis profusionis ac gangraenae periculique vulnerum uteri, praesertim in gravidis, CELSO jam perspecti, Lib. V. cap. 56. consentire promiscue non possum. MAURICAEUS quidem, ut supra jam monui, cum aliis quibusdam vult, foetum mortuum potius semper per vias naturales manibus aut instrumentis esse evellendum, quam ad sectionem caesaream, periculosam illam operationem, accedamus (s); ubi ego quidem, quotiescunque hoc fieri potest, his omnino consentio, minimeque probo illorum Chirurgorum temeritatem, qui

(a) Lib. de partu caesareo.

(b) In Instit. Medic. & Praxi Medica.

(c) Epist. de hernia uterina; in oper. pag. 897.

(d) In Libris Chirurg. Cap. VIII.

(e) Armam. Chirurg. tab. de partu caesareo.

(f) Lib. de arte obstetricandi cap. de partu caesar.

(g) Lib. 2. Observ. Chirurg. 1. de morb. mulier.

(h) Lib. de sect. caesar.

(i) Vid. Act. Erud. Lips. An. 1693. pag. 229. & Misc. Nat. Cur. Dec. III. An. 2. obs. 17. itemque VATERI diss. de partu caesareo.

(k) Obs. Chirurg. obs. 69.

(l) Diar. Erud. Paris. An. 1692. & 1693.

(m) De art. obstetric. lib. 4. cap. 12.

(n) In Instit. Medicinae forensis pag. 18.

(o) In Chirurg. sua pag. 431.

(p) Libris supra jam citatis.

(q) Libro Germanic. de arte obstetric. cap. de sect. caesarea.

(r) Locis supra jam citatis.

(s) Lib. citato cap. de sectione caesarea.

qui sectionem ventris instituerunt, ubi foetus per vaginam educi potuisset, licet operatio illis quandoque feliciter successerit (a): Verum quia casus haud raro occurrunt, quorum supra jam multos indicavi, ubi foetum per consueta vias extrahere impossibile est, & matri saepe ob foetum ventre contentum gravissimum mortis periculum imminet, tunc sane barbarum & impium esse credo miseram mulierem, quae nostrum auxilium anxie implorat, aut saltem eo maxime indiget, deferere (b); sed potius extremis malis extrema esse judico opponenda remedia. Nam profecto melius tunc est ex sententia quoque summorum Medicinae parentum, HIPPOCRATIS scilicet & CELSI, anceps experiri remedium quam nullum, aut aegras in deploratissimo illo statu, sub maximis cruciatibus relinquere ac certae morti devovere (c), ubi adhuc spes aegras servandi, ut exempla fausta docent, superest. Alii qui quidem agnoscunt dari casus, ubi per vias ordinarias foetus ejici nequeat, tamen suadent, si per vias consueta educi non posset, rem potius naturae esse relinquendam (d), quam ut tam periculosa sectioni aegras exponamus: quia natura saepe vias quaereret & pararet per abscessum in ventre, umbilico, inguine (e) vel intestino recto (f), per quem tandem minori periculo foetum putrefactum expelleret, quam is per ventris sectionem educi posset; quibus quidem & ego assentio, quando & quamdiu, ut quandoque fit, gravidae inde nullum vitae periculum imminet. Contra quando periculum instat, quia nimis diu expectando matri nocemus, imo eam quasi interficimus, ad extrema quoque remedia, cumprimis quae aliis jam profuerunt, confugiendum esse censeo, ne aegram, cui adhuc, dubio licet auxilio, succurri possit, fato certaeque ac miserrimae morti relinquamus. Nam profecto Medicus tum demum suo officio satisfacisse & conscientiam suam liberasse mihi videtur, quando omnia fecit, & nihil omisit, quod proficuum esse scit, & quod aliis in ejusmodi casibus profuisse cognovit; quicquid etiam nonnulli objiciant atque contradicant, praesertim quando gravida ipsa, cui vita cara, & quae anceps remedium experiri mavult quam nullum, hoc desiderat (g). Sunt qui fatentur se hanc operationem propterea non fuscipere, ne si res prae-

(a) Ad hunc censum pertinet exemplum in Diar. Erud. Paris. An. 1693. itemque a MOTTIO cap. de partu caesareo relatum, aliaque plura.

(b) Ita injuste fecisse arbitror Medicos illos, qui curam habuerunt illius mulieris, de qua SAVIARD. observ. 114. refert: ubi cognoverunt impossibilem esse partum, ob nimiam viarum angustiam, & tamen nullam sectionem instituerunt; sed matrem & foetum simul mori permiserunt. Conf. ejusdem Obs. LX. ubi gravida sectionem desideravit, sed eam tamen non instituerunt.

(c) Ita agit & faciendum suadet MAURICEAU loco ubi de partu caesareo differit, ut & hinc inde in observat. suis, itemque PAUCUS, MOTTIUS alique, sed male.

(d) Von HORNE in microtechne, ubi de partu caesareo.

(e) Exempla supra indicata sunt N. V.

(f) Vid. exempla apud ROSSETUM & BAUHINUM, lib. de partu caesareo, itemque apud TULPIUM lib. 4. obs. 4. & BARTHOLINUM de insolitis partus humani viis. Sic & a LITTRIO in Memor. Acad. Reg. Scient. Paris. An. 1702. itemque a BECKERO Paedioc-tonia inculcata pag. 49. foetus per anum extracti historia describitur. Haud pridem etiam Blancoburgi in vicinia nostra simile exemplum est observatum, quod a viro fide digno illius loci mihi relatum est, atque etiam a DIONISIO diss. de generatione exempla referuntur.

(g) Exemplum, ubi mater sectionem ventris ob summos cruciatu in partu desideravit; quam vero Chirurghi Nosocomii Parisini, quod L'Hôtel-Dieu vocant, pessimo consilio ex prava hypothesis neglexerunt, cum matris & foetus, qui ambo vel saltem alter eorum conservari potuissent.

praeter spem male succedat, *famae detrimentum patiantur* (a). Verum nimis inanis & levis tanto in negotio haec mihi videtur excusatio, quae virum bonum, mea quidem sententia, haud decet, multo minus Medicum Christianum: utpote qui rectè faciendo neminem, & potissimum vulgi aut malevolorum calumnias haud timeat. Nam

Conscia mens recti fama mendacia ridet,

atque pessimum profecto facinus ii mihi committere videntur, qui, ne quam forte dubiam adhibeant curationem, unde aliquod fama detrimentum pati possint, *certissimam & matri & foetui mortem inducendam esse sustinent*. Adeoque omnia ea semper a Medico facienda sunt, quae ad conservationem aegrorum in universum, & cumprimis ejusmodi miserae ac tristissimae mulieris conferre posse videntur. Quin imo MORTIUS (La Motte) certas operationes in mulieribus & nominatim foetus extractionem ex utero etiam invitae gravidis aliquoties perfecit (b), eam ob causam, ut eas ab imminente morte liberet; adeoque eas vi à robustis quibusdam hominibus contineri ac firmari iussit, quo foetum male situm extrahere voluerit. Quod si hoc licitum atque justum esse existimat, quaeri hic merito potest, *an non etiam salva conscientia ejusmodi gravidam, ubi foetus non nisi per ventrem extrahendus, vi eodem modo cogere liceat*, ut quod ad ipsam servandam prudentes Medici necessarium cognoscant, perferat, si ultro id forte perferre recuset? Ego profecto ab hac sententia non sum alienus; attamen adhuc magis illis in priori casu succurrendum esse existimo, quando ultro, imo anxie, sectionem desiderant.

V I I.

Quare si misera & infelix ejusmodi sectioni sese submittere velit, aut eam ipsa expetat, probe perpendendum prius hic est *an vires adhuc sint*. Si enim haec jam nimis collapsae, & aegra jam nimis debilis, atque extrema jam frigida, cum sudore frigido, verendum, ne vel mox post sectionem moriatur, atque sic causa mortis ab imprudentibus aut malevolis sectioni ac Chirurgo tribuatur, adeoque hoc in statu sectio haec potius omittenda, ne, ut CELSUS ait (c) *eam interfecisse videatur, quam sors sua peremit*. Quando autem vires adhuc vigent, atque spes est vel utrumque vel alterutrum servandi, ea omnino instituenda est. Quae vero ut rite fiat, considerandum primo quid ante operationem, deinde quid in ea, & denique tertio quid post eam faciendum. Ante operationem instrumenta colligenda: quae sint scalpellum rectum, cumprimis tale, quod in manubrio firmum est, quale Tab. XXXI. fig. 8. exhibetur, vel tale, quali in anatomicis sectionibus uti solemus, vel novacula etiam, vel aliud simile, ac deinde & unum, si lubet, ex illis mucrone obtuso donatum, quae Tab. V. repraesentantur, item-

Qualis sit apparatus, si haec operatio instituenda in matre viva.

que sent, subsecuta tandem post XIII. vel XIV. dies miserabili morte, legi potest, in SAVIARD. Obs. LX. Alia quae anxie sectionem ab HILDANO desideravit, in epistola ejus de hernia uterina commemoratur.

(a) Ut ROLFINGIUS observat. anatomicis, SOLINGIUS cap. de partu caesareo, alique.

(b) Lib. IV. Cap. VII. de arte obstetric. itemque Cap. XII. obs. 345.

(c) Lib. V. cap. 26.

que *forfex cuspide obtusa una cum acubus curvis, filis robustis vel funiculis, ut in gastroraphia, instructis, spongia una vel altera probe munda, cum vino calido, aut decocto quodam vulnerario calido aut spiritu vini, in vasculo quodam contento, & deligationis apparatus, qui consistit in linamentis carptis, emplastris, spleniis, & fasciis probe praeparanda & aptanda sunt, non neglectis remediis roborantibus internis & externis ori ac naribus, si opus, admovendis. Deinde his omnibus extra gravidae conspectum rite dispositis, aegra, emissa prius urina, ne vesica ab urina distenta scalpello facile laedatur, in situm idoneum, vel in mensam vel lectum in medio conclavis supina est collocanda, ut ministri & juvantes commode accedere queant, animus ipsi blandis piisque verbis est excitandus, facies contegenda, ne conspectu ferramentorum rerumque agenda- rum terreatur, ac denique robustis aliquot, minimum quatuor personis & brachia & crura ejus, ut immota jaceat, probe firmanda, vel &, si lubet, liganda (a).*

V I I I.

Quomodo
operatio ip-
sa insti-
tuenda?

Tum Chirurgus ad latus aegrae, quod commodissimum ipsi videtur, stans scalpello recto *è latere externo musculi recti (b), vel in loco inter umbilicum, & eminentiam ossis ilei superiorem & anteriorem medio (c),* ubi hydropicis venter pro aquis educendis hodie perforari solet (qui adhuc aptior mihi videtur): *recta plaga per cutem primo & pinguedinem octo vel decem circiter pollicum longitudine, & deinde etiam per musculos obliquos atque transversum, ac denique, idque quam cautissime, per peritoneum: ubi tamen quam maxime Chirurgo observandum, ut priori hoc scalpello non nisi exiguam plagam sive aperturam in peritoneo efficiat, ne quid temere intus laedat, ac tandem vel immisio al- tero scalpello, stylo obtuso vel globulo circa cuspidem munito. (Tab. V.); vel etiam forfice vulnus uberius diducat; vel etiam, praesertim si ultima ferramenta prae- sto non sint, aut si Chirurgus aliter, paucioribus scilicet instrumentis, agere mallet, per plagam digitum in ventrem immittat, atque hujus ope vel ductu priori scalpello, vel forfice etiam, si lubet, vulnus, quantum pro foetu edu- cendo satis videtur, dilatet, summa adhibita cautela, ne quid aliud intus laeda- tur: id quod descriptis modo rationibus egregie fieri potest. Ventre satis aper- to, ubi foetus haeret, probe perspiciendum est. Qui si in abdominis cavo extra ute- rum forte situs deprehenditur, quemadmodum subinde fieri solet (d), sine ulte- rioribus*

(a) Conf. SCULTETI Tab. XLII. in Armamentario. Scipio MERCURIUS alium deli- neat situm, pag. mihi 196. qui vero mihi minus idoneus videtur.

(b) Conf. SCULTETI Tab. XLII. in Armamentario.

(c) Incisio, ne in musculis abdominis rectis fiat, plerique ob vasorum epigastricorum, quae sub eis sita sunt, laesionem serio prohibent. ROONHUYSIUS tamen eam sine periculo hic fieri posse docet, & figuris rem illustrare satagit in observat. de morb. Mulierum. Ita & LAN- CISCIIUS incisionem suam pollicis latitudine è regione umbilici instituit, & aegra sine ullo gra- vi symptomate brevi convaleuit. Vid. loca supra citata. Interea tamen loca modo indicata his praeferenda esse arbitror.

(d) Vid. BARTHOL. Cent. VI. obs. 92. FAUSII apud Straussium pag. 37. ROONHUYSEN obs. chir. lib. 2. pag. 21. SOLINGEN. chir. pag. 776. Van der WIEL Part. 2. obs. 30. MAU- RICEAU obs. 251. DIONIS diss. de generatione; obs. nostra in Act. Acad. Nat. Cur. Vol. I. obs. 176. & PISTORIS diss. de ruptura uteri, ubi res eleganti figura illustratur. Ita & MAU- RICEAU, SAVIARD, La MOTTE aliique ejusmodi exempla recensent.

rioribus ambagibus mox una cum secundinis educatur. Sed si foetus in tuba Fallopiana (a) vel in ovario haeret, haec etiam provide incidenda & foetus una cum placenta extrahendus. Sin vero foetus in ipso utero delitescit, gravior casus est, ob periculum vehementioris sanguinis profluvii & gravioris laesionis uteri; cujus vulnera jam ab antiquissimis temporibus valde periculosa, praesertim in gravidis, observata sunt (b). Interea tamen quia aliter educi nequit, & hic secundum longitudinem est incidendus, ac postea etiam foetus membranae, donec pro foetu extrahendo satis pateant. Ejectis postea foetu & secundinis & hic & in praecedenti casu sanguis in ventrem effusus spongiis vino vel decocto vulnerario calido imbutis expurgandus, ejusque nimia, si forte adesset, effusio, tandem spiritu vini rectificatissimo, qui linamentis eo ipso imbutis vulnere uteri est immittendus atque imponendus, cohibenda, oraque venarum majorum in uteri vulnere simul digitis, interventu ejusmodi linamentorum tantisper comprimenda, donec profusionem sanguinis cessare, vel saltem valde imminui animadvertamus (c). Ubi vero simul monemus mulieres in partu & post eum ingentem sanguinis copiam sine periculo mortis saepe amittere posse; adeoque paullo largior profusio Chirurgum mox terrere non debet, praesertim si vires & animus adhuc constent. Itaque post aliquod temporis intervallum (quo aegrae induciae dantur, ut animum aliqua ratione recolligere & roborantibus paululum refici queat): linamenta vulnere immissa blande rursus eximantur, venter spongiis calidis denuo expurgetur; partes vero vulneratae internae non suantur, ut olim nonnulli docuerunt; sed, immisso prius balsamo copaeve aliove simili, naturae relinquantur: quia uterus sensim se rursus constringit, orae vulneris coeunt, atque tandem etiam, nisi alia forte causa curationem praeventat, glutinantur.

I X.

Ventris vero plaga ea prorsus ratione, quam supra capite de gastroraphia proposuimus (d) duabus tribusve suturis suture, eique etiam in parte inferiore turunda paullo major, vel fistula sive cannula major, pro apertura apta conservanda, immittitur; per quam non solum humores effusi & noxii, quicunque intus ex uteri vulnere vel restabant, vel sensim adhuc effunduntur, possint effluere; verum etiam ope injectionum, ut in pectoris aliisque abdominis vulneribus docuimus, quotidie expurgari queant. Atque ea ratione tam diu continuatur, donec orae vulneris glutinatae conspiciantur, ac nihil puris aut alieni humoris amplius e vulnere externo effluit; id quod vulnus internum consanuisse indicat: ubi postea fila suturarum rescantur atque extrahuntur, omis-
Quid post
operatio-
nem facien-
dum.
 saque turunda aut fistula, balsamo vulnerario atque emplastris glutinantibus exter-
 ternum

(a) Exempla legi possunt in HILDANI epist. de hern. uterina, HORNII Microtechné, Aët. Anglican. N. 48. ELSHOLZ Misc. Nat. Cur. An. 4. & 5. CYPRIANI jam citata epistola. DIONIS. Anat. Demonstrat. IV. & diff. de generatione.

(b) Vid. CELSUS Lib. V. cap. 56. BOHNIIUS de vulner. lethal.

(c) Moderni Galliae Chirurgi, licet praestantissimam hanc operationem saepius ac feliciter ab ipsis perfectam referant in *Memoriis Acad. suae Parisinae*, p. 640 & seqq. tamen haemorrhagiam quibus artificii hic comperuerint, quasi rem nullius momenti, sicco pede praeterreunt.

(d) Pars. I. Lib. I. Cap. V. pag. 95.

ternum quoque vulnus sensim glutinatur (a). Quod ad situm aegrae in lecto post operationem attinet, plerique Scriptores volunt, ut dorso semper incumbat. Mihi vero, praesertim si sectio in latere ventris facta est, melius videtur, si aegra, quantum quidem fieri potest, vulnere, sicut in vulneribus abdominis fieri iussimus, sedulo incumbat, ut sic pars humorum noxiorum intus collectorum non solum per vulnus externum continuo, ac sensim sensimque effluere atque veluti transfudare, verum vulneris quoque orae facilius glutinari queant; id quod commodius fieri potest, si plaga est in latere, quam si est in anteriori aut medio ventris parte. Rossetus etiam pessarium Canaliculatum utero immitti vult, ut sic sanguis ex eo facilius evacuetur. Insimul vero prudens Medicus idoneam victus rationem, atque aptissima remedia interna, quemadmodum in graviter vulneratis alias fieri solet, praescribat & continuet; donec aegra convalescat: id quod in LANKISCHII aegra sexta contingebat hebdomade. Quilibet sane ex dictis facile intelliget, hanc operationem, praesertim ubi uterus tam amplo vulnere aperiendus, perquam esse periculosam: attamen quia multa prostant exempla earum, quae hac ratione servatae sunt, quibus alias secundum omnia indicia brevi fuisset moriendum, neque alia melior saepe constat ratio, qua miseris hisce succurri possit, sed unicum hic sectio saepe sit remedium, praestat profecto, mea quidem sententia, anceps experiri remedium, ubi alia secura ratione a mortis periculo liberari nequeunt, quam miseras istas mulieres, quae anxiae saepius auxilium efflagitant (b), & quaecunque potius ex amore vitae perferre atque experiri malunt, certissimae morti multisque adhuc antea perferendis cruciatibus ac calamitatibus devovere, atque sine auxilio, quo aliae servatae sunt, relinquere.

X.

Si foetus
per absces-
sum in ven-
tre exitum
molitur.

Atque haec de modo ordinario, quo foetus ex utero excinditur, dicta sufficiant. Incidunt vero subinde ejusmodi casus, ubi paulo aliter procedendum est, de quibus ut nunc exponamus instituti ratio postulat. Nimirum quandoque post aliquod tempus, quando foetus per vias naturales nec nasci, nec ex utero produci potuit, in parte aliqua ventris, & cum primis circa umbilicum, tumor vel abscessus aliquis cum doloribus, plus minus acutis, se manifestat, sicuti factum est in eis exemplis, quae ROSSETUS & BAUHINUS (c) itemque HILDANUS

(a) Ita quidem plerique volunt & docent, ut vulnus ventris futuris per acus jungatur. Sed dum rem hanc paullo curatius perpensi, atque vidi alia vulnera abdominis directa (vulgo longitudinalia) futuris ejusmodi cruentis ut plurimum non indigere, & ab iis a recentioribus excipi, quae suenda sunt; quia orae ipsorum emplastris & ampla fascia uniente rite injecta plerumque probe jungi continerique possunt: hinc etiam his in casibus nos saepe futuris illis haud indigere, si deligatio rite instituatur, existimo. Imo & ipse jam ROSSETUS, usu edoctus, eas non valde necessarias esse reputavit: Conf. & BAUHINUS de exsec. foetus vivi pag. 17. & 49. & 157. adeoque deligatio, ut in similibus directis vulneribus aliis supra pag. 95. docuimus, fieri posset. Quod si vero haec non sufficere videatur, tandem futurae cruentae essent injiciendae. Nonnulli etiam ante sectionem atramento lineas fieri volunt, ubi & sectio & futurae postea instituendae: Verum quia a sanguine mox extinguuntur, supervacaneas imo & inutiles eas esse existimo.

(b) Vid. HILDANI Obs. Chir. Cent. VI. obs. 63. & SAVIARD. Observ. LX.

(c) Lib. de partu caesareo.

EX ALBU CASE, ALEX. BENEDICTO aliisque refert (a) ut & in illo, quod celebris quondam Medicus Batavus, CYPRIANUS memoriae prodidit (b) itemque in eo, quod in annalibus Academiae Juliae semestri XII. pag. 23. & seq. anno nimirum 1727. descriptum est (c), ubi tumor & abscessus mox juxta umbilicum in musculo recto, sicut in plerisque exemplis praecedentibus, sese exhibuerunt, atque perfecti, at putrefacti, foetus ossa, quae omnia adhuc asservo, ex aperto tumore, salva adhuc matre, exempta fuerunt. In talibus, inquam, casibus commodissimum maximeque aptum incidendi locum esse existimo eum, quem natura indicat; quia sub eo plerumque & foetus & corrupti humores, qui dolores miseris concitant, delitescunt, quibus hoc ipso commodissime exitus paratur (d). Itaque si forte abscessus hic jam ruptus, ut quandoque contigit, sed exigua nimis apertura adest, haec, ut in aliis abscessibus, vel ope specilli fulcati & scalpelli, vel loco specilli, ope digiti & scalpelli, vel etiam forficis beneficio, vel & eo quoque scalpello, quem Tab. V. fig. 3. delineavimus, prout lubet, quantum satis est, dilatanda; foetus vel ossa foetus a putrefactione partium mollium relicta & quicquid forte vitiatum ibi deprehenditur (e), digitis vel vossellis eximendum, humores vitiiati ejiciendi, ulcus idoneis medicamentis purgandum, & denique, ut à laudatis scriptoribus propositum est, balsamicis glutinandum. Sed si nulla adhuc apertura in ejusmodi ventris tumore adest, attamen dolores aliave prava symptomata aegram in & circa hunc tumorem excrucient ac debilitent, cum primis vero si pus in tumore, sicut alias in abscessibus, tactu perciperetur, ne aegra inde conficiatur, collatis cum aliis prudentibus artis Professoribus consiliis, abscessus sive tumor scalpello prudenter incidendus, satisque dilatandus, foetus vero vel ossa ejus, aut quicquid vitiiati in eo deprehenditur, educenda, ulcus expurgandum, &

(a) In oper. pag. 907. Epist. de hernia uterina.

(b) In Epistola, quae historiam exhibet foetus humani post XXI. menses ex uteri tuba, matre salva & superstite, excisi, supra citata.

(c) Plura ejusmodi exempla jam notavimus N. 2. hujus capitis, aliaque legi possunt in Ephem. Nat. Cur. Cent. VII. obs. 18. ROONHUYSIUS obs. 1. de morb. mul. DIONISII de generatione: RUYSCH. cur. poster. p. 30. atque haud pridem etiam RUNGIIUS; nobilis apud Bremenses Chirurgus, feliciter hanc operationem instituit, atque hac de re peculiarem libellum edere constituit.

(d) Miror hic MORTIUM, qui tamen alias satis prolixè ac bene de morbis gravidarum & puerperarum egit, nihil prorsus de hac sectionis caesareae specie, de qua hic differimus, in libro suo preposuisse, nullamque prorsus de notabili illa CYPRIANI & quae a DIONISIO describitur, historia mentionem fecisse; cum tamen revera eis in libris, qui de morbis puerperarum, ad Chirurgiam spectantibus, speciatim conscripti sunt, & quidem in autoris hujus, quem ipse perfectum vocat (*Traité complet des Accouchemens*), haec notatu adeo digna non omittenda essent. At videtur hoc inde oriri, quia autor hic ex praejudicata opinione statuit, sectionem caesaream nunquam foetu mortuo instituendam esse, sed nos de vita foetus certos esse debere; id quod vero saepe fieri nequit. Quia igitur haec praejudicata sententia multis ejusmodi mulieribus potest esse noxia imo lethifera, adeoque hanc aliasve affines species hic praetermittere nolui, ne nostra culpa pereant, quae facili negotio servari potuissent.

(e) Pili etiam saepissime & quidem subinde valde longi iisque etiam larga satis copia, mirabili ratione contorti & intricati, in tubarum conceptibus, ut multis exemplis probari potest, reperiuntur, quales & ipse asservo: qui unde & quomodo oriantur, dictu haud adeo facile est.

& denique, ut diximus, rursus glutinandum. *In his casibus ventris sutura non opus fuit; sed haec vulnera sine sutura, eodem modo, ut alii abscessus, sensim coaluerunt; id quod tanto magis evincit, futuram saepe non esse necessariam.*

X I.

Si foetus in hernia, vel per anum exitum quaerat. Quod si forte foetus in hernia quadam uterina haereat, quemadmodum in eo casu fuit, quem & SENNERTUS & HILDANUS, locis supra indicatis, proposuerunt, (qui tamen rari sunt) *incisio in ipsa hernia sive tumore, eaque satis ampla, est instituenda, & quidem primo per externa tegumenta, & postea per ipsum uterum ac tandem per membranas foetus: postea foetus extrahendus, uterus a secundis liberandus, & vel mox, si fieri potest, vel post aliquot dies, quando sua contractione minor factus est, in ventrem refundendus, & cetera, ut supra diximus, facienda.* Chirurgus in hoc SENNERTI & HILDANI casu uterum non reposuit; cutem vero sutura mox conjunxit: hinc factum forte mihi esse videtur, ut uterus postea reponi non potuerit, & mater quarta hebdomade, foetu licet salvo & superstite, obierit. Igitur melius forte fecisset, si futuram omisisset, & uterum in ventrem post aliquot dies, quando nimirum se contraxisset, & minor factus fuisset, reposuisset: *fortasse sic & mater servata fuisset.* Quod si forte foetus per intestinum rectum & anum exitum quaerat, id quod plerumque non nisi per frusta ossium, sicut in eis, quae juxta umbilicum protracta sunt, fieri solet, quemadmodum tam ex historiis supra N. VI. jam indicatis, quam etiam ex exemplo, quod paucis abhinc annis in vicina urbe contigit, manifestum est, tunc frusta ossea, quae sponte non exeunt, digitis vel volsellis, vel uncis, vel forcipibus, caute eximenda, & ulcus intestini recti balsamicis postea glutinandum. Sed haec proprie ad sectionem caesaream non pertinent. Interea tamen si ejusmodi casus incidat, ut tanto melius curatio succedat, autor sum, ut laudati modo scriptores, ubi de hac re agunt, propter casuum varietates evolvantur, diligenter legantur atque conferantur.

X I I.

Tertia occasio in qua sectio caesarea instituenda. Denique tertio sectio caesarea etiam interdum instituenda venit, quando mater & foetus simul adhuc vivunt (a); sed certa indicia & causae sive impedimenta adsunt, quae foetum per vias ordinarias neque nasci neque educi ullo modo posse, demonstrant, (cujusmodi signa superius plura N. IV, unde repetenda, recensuimus) & cum primis etiam quando vitium naturae sive malae conformationis adest in puerpera, quod manui Chirurgi ingressum denegat (b). Adeoque hoc in rerum statu & matri & foetui, ut saepe fieri solet, pereundum esset, nisi hac ratione.

(a) Haec operatio nova est ac veteribus incognita; verum primum in Helvetia, ut BAUHNUS in praef. libri de foetus exsect. docet, An. 1500. instituta.

(b) La MOTTE in prolixo suo opere de arte obstetricandi, ceterum satis egregio. cap. de sectione caesarea saepe citato, admodum jejune & minus quam par est, de causis, ob quas sectio caesarea necessaria est, differit, dum unicam solam illam esse vult, ubi ob vitium partium naturalium foeminae manibus Chirurgi ad uterum accessus denegatur, & simul certi finis de vita foetus. Cum è contrario longe plures sint: ut si foetus in tuba fallopiana, ovario, cavo abdominis vel hernia continetur &c. quamvis etiam is mortuus sit, ut multis exemplis & scriptoribus id supra probavimus.

tione succurratur. His quidem in casibus, licet multi sint & Medici & Chirur-
gum nimis timidi (a), imo adhuc plures mulierculae, qui hanc operationem, ma-
tre & foetu adhuc viventibus, nimis barbaram ac crudelem proclamant (b), at-
que ex intempestiva misericordia aut metu, vel & ex male fundata reli-
gionis hypothese, quasi hoc impium esset, haud instituendam esse velint, matresque
ejusmodi una cum foetu, quorum saepe alterum, si non ambo, conservare pos-
sent, quam certissimae potius morti tradere, aut crudeli fato relinquere malint
(c), quam eis per nobile ac generosum auxilium vitam conservare; tamen ma-
gis pium, prudentius, atque cum religionis Christianae institutis convenientius esse
duco (d); ut re probe perpensa, atque collatis prius, si fieri potest, cum pe-
ritis in arte salutari consiliis, sectio potius, ubi nullum aliud remedium superesse
cognoscitur, instituatur, quam ut certae desperationi & mulier, vitae cupida,
& simul foetus, quem mater saepe plus, quam propriam amat vitam, relin-
quantur, praesertim etiam quando ejusmodi casus in summorum principum conju-
gibus occurrerent; ubi saepe a prolis sive successoris productione multarum regionum
gentiumque pax, vita & salus dependent; quibus contra sine prole bella atrocis-
sima, devastaciones urbium, clades, mortes atque integrae gentium ruinae
essent metuenda (e). Hac enim operatione, justo tempore instituta, vel mater
vel proles, vel uterque subinde conservari possunt (f), & saepissime quidem pro-
les, (g) quibus alias quam certissime esset moriendum. Profecto quampluri-
morum virorum sive militum vita in bello pro salute patriae sine haesitatione exponi-
tur: cur non etiam aliquando eundem in finem, si res id exigit, vita unius mulie-
ris? Illi igitur nimis meticulosi Medici & Chirurghi merito, si res rite consi-
deratur, magis crudeles, barbari, imo impii reputandi sunt, qui in ejusmodi casibus
operationem hanc, quae unicum tamen tunc auxilium est, praesertim si mulieres
ipsae, ut illa apud HILDANUM (h) & SAVIARDUM (i) sectionem anxie ex-
petunt, studio intermittunt, imo dissuadent, aut ob vanum metum, aut fal-
sum Christianae religionis praetextum, aut Theologorum quorundam non satis cir-
cum-

(a) Conferri hic potest dissertatio nostra de Medico nimis timido. Helmstadii An. 1733. edita.

(b) Cumprimis MAURICEAU & SOLINGENIUS locis citatis.

(c) Peccarunt hac in re saepe, data opera MAURICEAU, PAUCUS, LA MOTTE. Vid. ejus lib. III. cap. 16.

(d) Sunt inter Gallos, qui Facultatis Theologicae Parisinae conclusum sive sententiam adducunt, quae hanc operationem haud licitam esse volunt, & propterea etiam eam intermittunt. Verum ex Memor. Academiae Regiae Chirurgicae Tom. I. p. 640 & seqq. patet eam hodie nusquam frequentius fere, quam in Gallia celebrari, dum undecim ejusdem recentissime ac feliciter a praestantissimis hujus regni Chirurgis peractae observationes ibidem commemorantur. Et facile erit, si velimus, huic sententiam alius facultatis theologiae, quae eam licitam esse probat, aliorumque prudentum opponere; verum hac de re infra plura. N. XVII. itemque in Cap. de partu difficili.

(e) Commendatur hanc ob causam etiam quam maxime a ROSSETO Sect. II. cap. 2. de partu caesareo.

(f) Ut probavit ROSSETUS, BAUHINUS, ROONHUYSIUS, SAVIARD. obs. 59. JOBERT. in Diar. Erud. Paris. A. 1639. GOUVEUS in libr. supra jam cit. p. 434.

(g) Probarunt hoc observationes auctorum laudatorum & cumprimis PARAEI, HILDANI, ROONHUSII, MAURICAEI, locis citatis.

(h) Obs. Chirur. Cent. VI. Obs. 63.

(i) Obs. Chirurg. LX.

cumspectorum aut meticuloſorum falſam opinionem impediunt, matremque una cum foetu mori potius malunt, quam illi, qui nobile hocce, & quod unicum eſt, iſtis adhibere auxilium eoque vel utrique vel alteri ſaltem eorum vitam ſervare contendunt (a). Vetus enim illud, pium atque chriſtianum dictum, *quem non ſervavi, dum potuiſti, illum occidiſti*, quam veriſſimum eſſe atque ex duobus malis minus ſemper eligendum eſſe puto. MAURICAEUS fane, vir in arte obſetricia, ſi quis alius expertiſſimus, quantumvis alias operationi huic inſenſiſſimus (b), temperare tamen ſibi haud potuit, quin exemplum aliquod ejus in medium adduxerit, ubi mater quidem poſt operationem hanc, ab alio Chirurgo inſtitutam, mortua eſt, ſed foetus tamen feliciter ſervatus fuit (c); cum ſine ea & matri & foetui pereundem fuiſſet. Praeſtat itaque tam ex religionis Chriſtianae, quam ex ſanae rationis principiis unum ſervare, quando uterque ſervari nequit, quam ut ambo certe & quam certiſſime pereant (d). Qui tanquam a Chirurgis illis, qui ipſos ſervare potuiſſent, & id non fecerunt, interfecti & occiſi conſiderandi ſunt (e). Operatio vero ipſa eadem prorsus ratione inſtituitur, ut in eo caſu, ubi mater vivit & foetus mortuus eſt, ſicut N. IV. ad VII. propoſuimus: adhibita ſolum majori cautela, dum uterus & membranae foetum includentes aperiuntur, ne foetus graviter laedatur. Et quia tunc foetus etiam, ſi vivi adhuc deprehenduntur, plerumque eſſe ſolent debiles, halitus vini, ut ſupra jam N. 2. docuimus, ore detenti, in os & nares ipſis eſt inſpirandus, aqua Reginae Hungariae aliave ſimilis, naribus eorum admovenda, facies vino calido lavanda, foetus baptizandus, funiculus umbilicalis ligandus, omniaque reliqua ita facienda, ut N. 2. docuimus.

X I I I.

Mónita &
cautelae
adhuc pro-
ponuntur.

Absit vero a me, ut hanc operationem, cujus periculum, ſi quis alius, ſatis abundeque perſpicio, licet hucusque eam non niſi in gravidis mortuis perfece-
rim (f), ſuadeam, ubi foetus per vias naturales educi poteſt. MAURICAEUS (g) aliique in ea videntur eſſe opinione ac ſi Medici ſecti-
onem quoque

cae-

(a) Ita enim aperte ſcribunt & docent MAURICEAU de part. caeſar. & la MOTTE lib. 3. cap. 6. aliique: praestare, ut ambo pereant; quam ut alter alterius morte ſervetur, id quod revera durum & impium mihi videtur, & propterea etiam ab ipſis, licet hoc ſcripſerint, non ſemper obſervatum eſt, ut mox docebo.

(b) Ut patet ex locis ſupra indicatis aliisque.

(c) Dernières obſervations Obſ. 98. PARAEUS etiam quinque ejusmodi exempla recenſet.

(d) Ita & RIOLANUS Enchir. Anat. Lib. 2. cap. 28. ait: Praestatur unum interire, quam duos.

(e) Variis ex locis ſcriptorum MAURICAEI, PAUCI & MOTTII quam maniſeſtiſſime, opinor, apparet, illos ob nonnullorum Eccleſiae Romanae & cumprimis Facultatis Theologiae Pariſienſis doctorem ſententiam, qui docent & volunt, ut potius ambo pereant, quam ut alterius morte alter ſervetur, ita ſcripſiſſe, eamque ſic metu perſecutionis Theologorum illorum verbis atque etiam re ipſa factis ſaepe ſervaviſſe; verum ratione & animo ipſos perſuaſos imo convictos fuiſſe, melius eſſe unam ſervare, ſi forte ambo ſervari nequeunt, quam ambo perdere: idque etiam revera ipſos multis occaſionibus & caſibus, quaſi clanculum, feciſſe, ſcripta eorum ſatis evincunt atque demonſtrant. Sed hac de re infra & ubi de partu difficili acturus ſum plura. Conf. interea MOTTII Lib. IV. cap. XIII. ſi lubet, ubi rem exemplis ſatis illuſtratam perſpiciamus.

(f) Quinquies gravidas mortuas incidi, ſed foetum ſemper jam mortuum deprehendi: quia plerumque nimis diu poſt mortem matris ſectio concedebatur.

(g) Lib. de art. obſetr. cap. de Sect. Caefar.

caesaream facile suaderent, ubi foetus per consuetas vias protrahi possent: & propterea, quantum ego judicare valeo, hunc modum prae illa commendant, eumque illi praeferunt. Verum *absonum est atque a prudenti Medico aut Chirurgo vix expectandum*, ut periculosa sectionem caesaream in matre viva suadeat aut instituat, *si per vaginam foetus*, licet etiam non nisi per frustra, securiori modo extrahi queat; nisi forte in peculiaribus casibus apud magnates. Quotiescunque igitur casus incidit, ut foetus vel ob pessimum in utero situm, vel ob nimiam magnitudinem ac speciatim capitis, vel ob monstrosam corporis conformationem, aliasve similes ob causas nasci non posset, & tamen in utero contineretur, ac periculum esset, ne matri, viribus jamjam exhaustae, una cum foetu sit pereundum, atque hinc lis oriatur, utrum foetus servandi gratia mater sectione caesarea sit incidenda & summo vitae periculo exponenda, an potius foetus feramentis, (si scilicet aliter, manibus nimirum, ut saepius contingit, id fieri non posset), extrahi debeat: tunc matri potius, tanquam arbori, ut antea modo docuimus, parcendum, foetumque, tanquam ramum, quacunque ratione, licet etiam forte adhuc vivat, quicquid nonnulli contradicant, extrahendum esse censeo. Atque in eo quamplurimi prudentes Medici ac Chirurgi, imo & Theologi mecum conveniunt, atque tanquam regulam sive axioma constituerunt, ut ubi in partu difficili impossibile est matrem & foetum simul servare; matrem, prae foetu; id est, arborem prae ramulo conservare studeamus (a). Imo mallet ego etiam cum SOLINGENIO (b) ac MOTTIO (c) si callus vaginae vel oris uteri in causa esset, ut foetus ex utero naturaliter prodire aut educi nequiret, atque hoc sectione (addit & laceratione) dilatari satis posset, sectionem hanc, licet nonnulli contradicant (d); plagis vel in lateribus, vel parte inferiori, vel etiam in alia ejus parte institutis, ubicunque hoc commodissime fieri potest, sectioni caesareae praeferre: quia sic venter & uterus ipse manerent integri ac sanguis effusus, vel inde adhuc effundendus; omnis per vaginam inde effluere (qui alias magna ex parte in abdomen non sine periculo ejicitur) posset atque sic etiam vulnus facilius glutinari: ut alia nunc hujus sectionis commoda taceam. Idem est sentiendum si vagina, hymene vel alia membrana p. n. clausa est: ubi potius haec quam venter & uterus incidenda est (e). Verum quia tota vagina callo nimis magno ac duro aliisve causis subinde nimis angustata ac contracta est, & cumprimis etiam ob malam a natali die ossium pelvis conformationem, quae sufficientem diductionem non admittit, haec curandi via interdum non

(a) Consentiant hic praeter antea jam laudatos, fere omnes, qui de arte obstetricia scripserunt, quamvis non semper verbis, tamen factis; dum tam in partu difficili, quam vehementibus sanguinis apud gravidas profluvii, foetus etiam vivos, ubi inanus parum sunt, feramentis dilacerarunt & matris servandae gratia eduxerunt. Conf. MAURICAEI observationes, PAUCUS, MOTTIUS Lib. 4. cap. 13. alique. At speciatim hanc controversiam exagitarunt VALENTINUS in epistola an liceat foetui vim inferre, ut mater servetur. Francof. 1726. & cumprimis BECKERUS in Paedioctonia inculcata ad servandam puerperam Gieslae 1729. 4. Conf. etiam HILDANI Epist. 3. & 4.

(b) In. Operat. Chir. cap. de partu caesareo.

(c) Lib. IV. cap. XII. Obs. 339. 340.

(d) Ut SLEVOGTIUS in diss. de partu caesareo pag. 25.

(e) Conf. RUYSCII Obs. 22. itemque variae apud MAURICAEUM, PAUCUM & MOTTIUM Lib. IV. cap. XII. Obs. 337. 338. 345. hac de re descriptae observationes.

non succedit; adeoque tunc nulla alia, quam sectio per ventrem, reliqua esse videtur (a).

XIV.

Si foetus ex utero ventrem ingrederetur.

Ita si intra partus dolores & conatus uterus rumperetur, & foetus inde in cavum ventris ingrederetur, quemadmodum interdum fieri multae observationes testantur (b), tunc etiam ventris sectio, quia aliter exire aut eximi nequit, atque alias mater & foetus brevi moriuntur, necessario est instituenda, eaque a nonnullis, & quidem, me iudice, recte suadetur, qui alias a sectione caesarea dehortantur (c). Hoc vero factum esse ex his fere signis cognoscitur. Nimirum si, praegressis vehementibus partus doloribus, partu vero non subsecuto, dolores hi subito remittunt aut cessant, ore uteri non aperto, vel saltem non satis aperto; (id quod situm foetus p. n. indicat 2.). Si ruptura quaedam in ventre vel fragor percipitur, horror accedat, & postea tumor magnus & foetus situs in loco ventris alio eoque altiori quam antea, conspicitur, cum primis vero partes vel membra foetus distinctius tactu percipiuntur, quam si in utero est, praefertim hypochondrio quodam, cum doloribus in alio ventris loco quam antea, itemque puerperae frequentibus animi deliquiis motibusque convulsivis, imo & mentis alienatione (d). Signa haec si in partu difficili, ubi nulla foetus pars extra naturalia propendet, adsunt, & foetus non amplius ori uteri, tam firmiter ut antea, insistere, immisso per vaginam digito, cognoscitur, uterum ruptum & foetum in cavum abdominis intrasse docemur. Quod si factum est, & mater adeo languet, atque praedictis gravibus Symptomatibus, quae mortem inferre indicant, correpta est, protinus ventrem ad matrem, & foetum, vel saltem foetum servandum in loco maxime eminente, ubi foetus haerere cognoscitur, scalpello, ut supra docui, caute incidere, foetum repertum educere, ac postea, si vivit, refocillare, baptizare, atque, ut moris est, fovere oportet. (e) Quando vero brachium propendet in ruptura uteri, tunc diagnosis mali, si non impossibilis, tamen longe difficilior est, & non nisi probabili conjectura ex ceteris indicatis signis divinari potest. Miror vero Medicos & Chirurgos Argentoratensis Nosocomii, in quo aegra, cujus historiam PISTOR laudata differtatione

(a) Hoc in casu etiam MOTTIUS sectionem ventris admittit. Lib. 4. cap. XII. quamvis alias contrarius sit.

(b) Vid. BARTHOLIN. Cent. VI. Obs. 92. ROSSETUS sect. IV. cap. IV. SCHENCKIUS in Obs. Lib. IV. FAUSIUS apud Strauffsum pag. 37. HILDAN. Cent. I. Obs. 64. & 67. Cent. IV. Obs. 57. ROONHUYNS. Obs. Chirurg. Lib. 2. Obs. I. SOLINGEN. p. 776. Stalpart. van der WIEL. P. 2. Obs. 30. Miscell. Nat. Cur. dec. 2. ann. 7. Obs. 10. & ann. 9. Obs. 115. SALMUTH. Cent. I. Obs. 60. MAURICEAU Obs. 251. ALBINUS diff. de partu difficili; DIONIS diff. de generatione in Diar. erud. Paris. An. 1722. mense Junio. LOESCHER diff. de homine Obs. 12. Aët. Nat. Curios. Vol. I. Obs. 176. PISTOR. diff. de foetu è rupto utero in abdomen prorumpente 4. Argentor. 1726.

(c) Ut HORNIO in Microtechn. cap. de partu caesareo. Conf. & VOELTERUS. Lib. de art. obstetr. qui sectionem hanc hic summe necessariam esse demonstrat. pag. 116.

(d) Haec WELSCHIUS se in simili casu percepisse refert, in notis ad Scip. MERCURIJ caput de partu caesareo; DIONIS diff. de generatione, SAVIARD. Obs. 25. MOTTIUS Lib. 4. cap. 5 & 6. itemque in PISTOR. citat. diff. de utero rupto. Fragor etiam in ruptura uteri perceptus est, teste BAUHINO l. c. pag. 229.

(e) Ejusmodi exempla notarunt DIONIS dissert. de generatione, & SAVIARD. in obs. 25. attamen mulieres non aperuerunt, sed una cum foetibus morti tradiderunt.

tione descripsit, decubuit, eam, dum quinque integros dies ibidem in partus laboribus transegerat, mature ad matrem & foetum servandum non aperuisse, cum in vivente omnia fere illa rupti uteri indicia recensita perceperint, viderint, manibusque palpaverint. Vel saltem si in viva matre ventris incisionem ausi non sunt, cur non mox matre mortua, ad foetum forte adhuc servandum, alvum ejus aperuerint? Ita & SAVIARDI notatu dignum est exemplum, ubi in Nosocomio Dei Parisino (*l'Hotel-Dieu*) per rupturam uteri foetus in abdomen intravit, secundis ejus e vagina propendentibus, id quod immissa juxta funiculum umbilicalem manu in uterum in viva muliere, ut ipse scribit, perspicue cognoscere poterat. Hoc tamen non obstante mulierem hanc, quae, ut scribit, vegeta erat, vivam pro foetu hoc extrahendo & forte quoque adhuc matre servanda, non aperuit; sed eos simul, proh dolor! sine auxilio morti reliquit. Quod facinus atrox profecto & impium, quod vel referre solum pudere ipsum debuisset, una cum praecedenti exemplo revera mirandum, praesertim cum in nosocomiis illis publicis, Parisino scilicet & Argentoratensi hoc Medicis & Chirurgis ordinariis liceat, imo ut hoc & quicquid ceteroquin ad aegros servandos necessarium cognoscunt, faciant, ex officio obstricti sunt; nihilque est, quod hoc vetet; sed potius eis ibi, quicquid lubet, in aegrorum salutem facere permissum est: ubi contra extra nosocomia publica apud alios aegros, affines, amici ac adstantes ejusmodi experimenta instituere saepius non admittunt, imo omnibus viribus dissuadent, prohibent, & impediunt. Ego profecto credo, ipsos matura atque apta harum mulierum sectione vel utrumque vel saltem alterutrum semper eorum servare potuisse; adeoque an hic non graviter peccaverint, dum quod factu opus fuit, non fecerunt, aliis dijudicandum relinquam. Sic si foetus non in utero, sed in cavo ventris generatus fuisset (a), id quod praegressis signis graviditatis generalibus, ex situ foetus altiori quam vulgo esse solet, ex ore uteri partus tempore, licet partus dolores adsint, clauso, aliisque, quae antea suppeditavimus, signis (b) cognoscendum esset, sectio caesarea merito est instituenda; quia foetus aliter servari & educi non posset, Matri vero tantum periculum inde non metuendum, quam si simul uterus esset incidendus. Interdum quidem uterus in partu difficili rumpitur, sed ita tamen, ut non totus foetus, sed solum aliqua pars in ventrem ingrediatur, reliqua vero in utero remaneat, imo etiam pars aliqua, praesertim brachium ex utero propendeat, capite vel pedibus per uterum ruptum in ventris cavo haerentibus, tunc sectio caesarea non est necessaria. Ita enim ego ruptum uterum inveni foetus brachio extra uterum, capite in abdomine, reliquo corpore in utero existente (c). ALBINUS vero (d) & MOTTIUS (e) viderunt foetum capite rite in vagina uteri constituto, cujus pedes uterum perforarunt & in ventre prope diaphragma haeserunt; alium

contra

(a) Praeter supra jam indicata exempla BAYLIUS & DIONIS nonnulla recensent, l. c.

(b) Conf. DIONIS lib. de Generatione.

(c) Vid. dissert. de foetu excindendo & Act. Nat. Cur. Vol. I. observ. 176. similes fere ab HILDANO Cent. I. obs. 64. & 67. referuntur.

(d) Dissert. de partu difficili.

(e) Lib. IV. cap. V. obs. 312.

contra brachio propendente & pedibus in abdomine (a); aderant in his puerperis magnae debilitates. Foetus quidem per vias naturales MORTIUS eduxit, sed matres tamen aliquot diebus post obierunt. Contrarium tamen exemplum mihi a RUNGIO, supra laudato Bremensium Chirurgo, relatum est, ubi educto foetu, licet per rupturam uteri intestina mulieris manu perspicue tetigerit, eaque hac aliquamdiu, ne in uterum irruerent, donec hic se multum constrinxerit, represserit, aegra tamen feliciter reconvaluit.

X V.

Differentia
inter em-
bryulciam
& hysterotomiam il-
lustratur.

Denique mihi hic adhuc graves ob causas mentio est facienda differentiae illius, quae est inter hysterotomiam & embryulciam, sive inter extractionem foetus, praesertim male siti, ex utero per vias naturales, & exsectionem, per incisionem scilicet ventris & uteri: quia saepe praesertim a vulgo, imo etiam, quod mirandum, ab eruditis nonnullis atque ab ipsis Medicis confundi atque pro una eademque operatione, toto autem coelo diversa, haud raro haberi atque temere confundi solent. Quando enim mulieri foetus in partu difficili a Chirurgis extrahitur vel extractus est, dicunt vulgo huic vel illi foeminae foetum exciderunt; (*man habe dieser frauen ein Kind ausgeschnitten*) licet nulla prorsus sectio neque in ventre, neque in utero fuerit instituta; sed foetus solum male in utero collocatus, vel nimis magnus, quam ut sponte ac naturali modo nasci potuisset, Chirurgi manibus vel ferramentis per vaginam uteri fuerit eductus: quemadmodum hac de re infra uberius exponemus. Haec igitur operatio, qua foetus per vias ordinarias educitur, extractio foetus sive embryulcia; illa vero, ubi per ventrem excinditur, sectio caesarea sive hysterotomia recte vocatur. Atque hoc sensu si embryulcia sive extractio foetus per vias naturales per abusionem & male pro hysterotomia sive exsectione foetus sumitur, aliquo modo forte verum est, quod Scipio MERCURIUS tradit (b) exsectionem foetus suo tempore adeo vulgarem atque usitatam fuisse in Gallia, quam sanguinis missionem contra capitis dolores in Italia. Ita cum haud pridem Franc. VALLERIOLAE observationes medicas pervolverem, inveni unam (c), cujus inscriptio est: Quibus mulieribus Arelatae exsectus sit infans Chirurgica manu, matre salva. Sperabam me multa fausta exempla sectionis caesareae sive exsectionis foetus ex utero, & forte etiam inter tam multa peculiarem modum hoc perficiendi quem alii praetermisissent, reperturum esse. Verum postquam integram observationem perlegeram, multa quidem exempla mulierum, quibus foetus manu & uncis per vias naturales extracti sunt, ab autore hoc relata reperi, sed ne unicum quidem verae sectionis caesareae, ubi scilicet foetus per ventrem exsectus fuisset. Adeoque ex his satis, ni fallor, cognoscitur, non solum vulgum, sed & eruditos & cumprimis etiam Medicos, male saepe ac incongrue de rebus magni praesertim momenti & scribere & loqui, magnamque illam ac notabilem inter extractionem & exsectionem foetus differentiam, id est embryulciae & hy-

(a) Ibid. obs. 313. similes casus legi possunt in HILDANI obs. Cent. I. obs. 64. 67. Cent. IV. obs. 57. MAURICAEI obs. 251. & BARTHOLIN. de insolitis partus viis, pag. 74.

(b) Libro de arte obstetricandi lib. 2. cap. 28.

(c) Libr. V. observat. 2.

hysterotomiae diversitatem haud raro negligere: (id quod ipse etiam C. BAUHINUS in praefat. libri saepe citati fecit) quae tamen quam longissime, ut ex haecenus dictis patere arbitror, differunt. Attamen hac confusa loquendi ratione vanum saepe metum atque horrorem & mulieribus puerperis & affinibus temere incutiunt, ac si mulieri difficulter parienti, quando Chirurgus ad partum manu promovendum advocandus, mox venter sit incidendus; cui tamen plerumque foetus solis manibus, & saepe sine notabili dolore, per consuetas vias educi potest.

X V I.

Tandem cum *foetus monstrosi*, ut *bicipites*, *bicorporei* aliique similes integri saepe, imo ut plurimum, prorsus nasci non possint, sed si integri & vivi produci deberent, hoc aliter fieri haud posset, quam ut ex ventre matris exciderentur; quaeritur ergo *utrum ob ejusmodi monstra sectio caesarea, quemadmodum nonnulli voluerunt (a), sit instituenda, & mater hac ipsa periculo mortis exponenda; an potius foetus, si integer haberi non possit, divisus aut in frusta dilaceratus per vias naturales educendus?* In hoc casu, quia hujusmodi monstra plerumque non sunt *vitalia aut superstitia*, sed ut plurimum non nisi horrida & inutilia terrae pondera, mea sententia, matri potius parcendum & foetum monstrosum ferramentis aut alia quacunque ratione id commodissime fieri potest, extrahendum esse existimo. MELLIVS, recentissimus scriptor obstetricius inter Italos, in matre viva quoque sectionem caesaream damnat (b); atque ad causas hujus curationis non satis respiciendo, quasi aliae non essent, quae sectionem hanc requirerent, quam *monstrosa* foetus conformatio, quaerit, *an ob monstrum mater mortis periculo est exponenda?* atque ob hanc causam hoc recte negat, eumque per vias naturales educi praecipit. Cum vero plures aliae causae sint hanc sectionem desiderantes, supra indicatae, ubi foetus per vias naturales educi nequit, prorsus eam rejicere, meo quidem judicio, salva conscientia non licet, ut satis supra mihi evicisse videor.

X V I I.

Sed contra si foetus vel ob caput valde magnum, vel ob caput ad latus alterutrum nimis inclinatum, vel ob uterum oblique nimis situm, vel ob vias naturales nimis angustas, capite in ore uteri interno vel vagina haereret, atque ex diuturnitate temporis, quo dictis in locis impactus & quasi incuneatus esset, dum plerumque intra triduum moritur, interdum tamen diutius vivit (c), & mater & foetus in gravi vitae periculo essent constituti, quia neque ulterius progredi, neque manibus ob caput lubricum & tenerum ejus exitus promoveri aut expediri posset, qui casus merito inter difficillimos a recentissimis artis obstetriciae professoribus habentur, atque quam plurimi a MAURICAE O (d) potissimum, PAUCO, SIGISMUNDA & MOTTIO (e) aliisque recensentur, quaeritur 1) quia

(a) Ut ROONHUYSIUS loco saepe citato.

(b) Libro quem inscripsit *La Comare levatrice*, cap. de operat. caesarea, pag. mihi 352.

(c) Vid. HILDANUS epist. 3. SAVIARD. obs. 84. MOTTIVS observ. 342. quod & meis observationibus confirmare possum.

(d) In observationibus suis.

(e) Lib. de arte obstetricia.

ob spatii defectum saepe caput lubricum manibus prehendi atque foetus extrahi nequit, 2) nec manibus saepe, quantum opus in uterum penetrare & foetum invertere possumus (a); nec denique 3) caput, quamdiu foetus vivit, instrumentis aggredi illudque extrahere volumus, quia eis dilaceratur atque fere semper interficitur: quaeritur igitur, inquam, an non in ejusmodi casibus ad matrem & foetum, vel alterutrum saltem eorum servandum sectio caesarea instituenda sit, ut foetum per ventris & uteri plagam extrahamus, quemadmodum Chirurghi nonnulli illud jam ita tentarunt atque nec infelicitè haud semel perfecèrunt; sicut id in modo citatis aliisque Autoribus videri potest (b). Nam nisi sic brevi foetus ex summis his angustiis liberatur, ut plurimum tandem & quidem saepius brevi moritur, atque simul saepe mater periculum mortis incurrit; prout rursus exempla quam plurima notata sunt (c); ita ut hunc casum merito cum SIGISMUNDA (d) obstetrice peritissima, & MORTIO (e) pro difficillimo omnium, tristissimo atque intricatissimo, qui Chirurgus hac in re accidere potest, agnoscam. Plerique modo laudati Autores neque sectionem caesaream, neque extractionem foetus per ferraamenta, quamdiu vivit, aut vivere adhuc praesumitur, admittere volunt; sed aperte hoc ipso declarant (f), se malle potius cum nonnullis Romanae Ecclesiae Doctoribus, sicut supra jam indicavi, ut ambo pereant, quam ut alter eorum alterius morte servetur. Sectionem quoque caesaream prorsus hic damnant, licet ea varii & foetus & matres feliciter servati sint, quemadmodum supra jam exempla notavimus. Quibus vero & illud hic adhuc addi merito potest, quod ROONHUYSIUS de D. SONNIO, Medico Brugensi, refert, qui septies cum in propria uxore, matre & foetibus salvis, exercuit (g), itemque Olai RUDBECKII, Medici celeberrimi Sueci, qui similiter in sua uxore, matre & foetu salvis, hanc sectionem feliciter perfecisse fertur (h). Ita etiam rejiciunt foetus per ferraamenta quaecunque extractionem, quamdiu foetus vivit: quia his foetus aequè certe interficeretur, quam mater sectione caesarea (i). Sponte tamen nasci, aut etiam sola manuum ope eos semper velle extrahere, quicquid nonnulli thraiones gloriantur, saepe impossibile (k), & tamen, nisi auxilium juxta tem-

(a) Ut non solum experientia me docuit, sed & modo laudati alique Autores quamplurimi testantur; licet sint, qui temere gloriantur, se omnes foetus solis manibus invertere atque extrahere posse.

(b) Vid. ROSSETUS, MAURICEAU observ. dernières obs. 98. Diar. Erud. Paris. An. 1693. La MOTTE &c.

(c) Cum primis a MAURICEAU & la MOTTE, libris saepe jam citatis, itemque a me.

(d) Lib. de art. obstetric. Cap. V.

(e) Lib. IV. Cap. VI. & alibi variis in locis.

(f) Ut MORTIUS cum PAUCO Lib. IV. Cap. XIII. alique.

(g) Lib. observat. de morb. mulier. Cap. I.

(h) Vid. colloquia menstrua TENZELII, Germanico idiomate quondam edita, titulo: Monatbliche Unterredungen, An. 1689. pag. 1636.

(i) Ita MORTIUS indicat Lib. IV. Cap. 12.

(k) Hoc verum esse, praeter Scriptores modo citatos, confirmant adhuc varii recentissimi, iique in arte obstetricia versatissimi viri, qui Pallini a me primum delineatos uncus Tab. XXXIII. Fig. 16 correxerunt atque perfecèrunt, ut Gregorius & Mesnardus Galli, Chapmanus Anglus, alique, eosque egregie laudant: inter quos etiam est Clar. Winsovius in Quaest. Med. Chirurg. A. 1744 Parisiis ventilata; qui hoc non fecissent, si hanc rem solis manibus semper expedire potuissent.

tempore, antequam scilicet puerperâ nimis debilitetur, afferatur, *periculum est, ne ambo pereant.* Quæritur igitur, quid difficillimis hisce in casibus Medico prudenti & christiano sit faciendum?

X V I I I.

Ne igitur quis meam ardua hac in re sententiam ignoret, ita, re in utramque *Mea hac in re sententia.* partem probe perpenſa, ſtatuendum eſſe cenſeo, Sectionem caſaream ob *periculum*, quod matri inde imminet, non aliter hic inſtituendam eſſe arbitror, quam ſi Rex aut Princeps in defectu proliſ, ſpe hac ipſa prolem & ſucceſſorem adipiſcendi, hoc jubeat, quemadmodum exemplo HENRICI Angliæ Regis hoc inter alia corroboratur, & ſupra jam N. XII. hac de re mentem meam expoſui, præſertim cum infantes ſint plerumque robuſti & magni, qui ſæpe ob capitiſ magnitudinem hiſ in auguſtiis ita hæerere ſolent, vel etiam ubi mater ipſa, quaecunque illa ſit, ex amore in prolem ſectionem hanc deſideret: nam ſpes eſt, ut & ſoboles & mater, ſi omnia rite & in tempore inſtituantur, conſervari & ab imminente morte hoc ipſo liberari poſſint (a). Extra hoſ caſuſ vero, quamdiu matri vires ſunt, exſpectandum, partum quovis modo & cum primis manibus juvandum, matrique vires addendas eſſe cenſeo, ut vel foetum vivum adhuc reddat, vel donec foetus moriatur, vel mortuus eſſe ex ſuiſ ſignis præſumatur; quia hoc non ſemper certe ſcire poſſumus (b), qui poſtea ferramentiſ educatur. Sed ſi foetus adhuc vivat, aut ſaltem vivere ſuſpicetur, mater vero ſenſim debilior fiat atque animi deliquiſ, vel convuſſionibus, vel ſanguiniſ profuſione, aliſve peſſimiſ malis afficiatur, ita ut ipſi mortis periculum immineat; vel etiam ipſa vi dolorum & cruciatuum aliorumque malorum compulſa a Medico auxilium anxie poſtulet, proſecto nimis diu exſpectando, dum foetui favere & parcere volumuſ, matri nocemuſ eamque auxilium ipſi denegando interficimuſ: adeoque præſtare cum ſupra jam laudatiſ aliſque Autoribuſ exiſtimo, ut ſi ambo ſervari nequeant, alter tamen ſervetur, & pro arbore ſervanda ramuluſ potiuſ, id eſt foetus, quamvis etiam adhuc vivat, ferramentiſ in tempore educatur. Nam licet ſic quidem foetus ut plurimum pereat, Chirurguſ tamen illud malo, aut eo animo non facit, ut foetum interficiat; ſed ſolum ut illum ea, qua poteſt, ratione, educat, eoque matrem tanquam potiorem & tam marito quam ceteriſ ſuiſ liberis ſæpe utiliorem, a morte liberet, atque ut ſic, ſi ambo ſervari non poſſint, matrem tamen præſertim, ſi hoc deſiderat (c), ſervet. Si enim foetus inde moritur, hoc non fit ex voluntate aut intentione noſtra, ſed quaſi per accidens, quia mater aliter ſervari nequit; id quod longe præſ-

(a) Conf. ea, quæ de Winſlovii hoc de argumento ſententia infra § XX huiuſ capituliſ, hac de re dicta ſunt, & Winſlovii Diſſert. ſive Medica Quaæſtione 1744 Pariſiſ.

(b) Multi Autores teſtantur ſe & alioſ hac in re quandoque erraſſe. Conf. HILDANI epiſt. de uteri ruptura, MOTTII obſ. 342. SAVIARD obſ. 84.

(c) Antequam ferramentiſ educatur, MELLIUſ l. c. pag. 352. adhuc monet ac docet, foetum in utero, aqua ope ſiphunculî injecta, priuſ eſſe baptizandum, ut hac ratione vitam ſpiritualem acquirat, & poſtea eum ferramentiſ educi poſſe. Quem modum baptizandi etiam probant MAURICEAU, PEU & LA MOTTE, atque inter Theologiſ GABRIEL GUALDUſ, Canonicuſ regulariſ, & S. Theologiæ Profeſſor, libro quem inſcripſit: *Baptiſma puerorum in uteriſ exiſtentium*; licet extractionem per inſtrumenta nonnulli eorum haud probent.

praestare existimo, quia *ex duobus malis minus eligo*, quam *si utrumque crudeli fato certaeque morti*, quemadmodum recentiores Galli, & speciatim PAUCUS & MOTTIUS (a) una cum aliis quibusdam praecipunt, relinquam.

X I X.

Qui mecum consentiunt. Contra vero MAURICAEUS cum TERTULLIANO hic *mecum sentit* (b), qui propterea *foetum istiusmodi vi* (hoc est *uncis* aut *ferramentis*, si manus non sufficiunt) *extrahendum esse vult*; quia hic esset *crudelis matricida*. Ut vero hoc *matricidium*, a *foetu metuendum*, impediamus, *aequum justumque esse*, ut *foetus potius ex necessitate* (quia aliter fieri nequit) *a nobis interficiatur*, quam ut hic matrem suam, cui post Deum vitam debet, interficiat: quodque *crudele matricidium*, quo *foetui simul moriendum*, nos hac ratione impedimus (c). Non ignoro superesse adhuc, quae huic sententiae opponi possunt, ut nimirum quintum praeceptum, *non occides*, dictumque illud, *non esse facienda mala*, ut inde eveniant bona; aliaque similia. Verum ut omnibus his satisfaciamus, partim instituti nostri hic non est ratio, partim ab ipsis Theologis, Ictis atque Philosophis, ita multis in casibus ea limitata sunt, v. c. in bello, in officio Magistratus & carnificis, dum reos interficiunt, in moderamine inculpatae tutelae.

(a) Loco antea citato. Interea tamen *foetus vivos*, urgente necessitate, *uncis* subinde contra propria praecepta in similibus necessitatis casibus, qui saepe legem non habent, eduxerunt.

(b) Cap. de Operatione caesarea.

(c) Notatu dignissima sunt verba quae RIOLANUS in Enchirid. Anat. Lib. 2. Cap. 28. hac de re scripta reliquit. *Si mulier*, ait, *exegerit duos tresve dies in tormentis partus*, si moribunda & exanimis appareat, si gangraenae in partibus pudendis indicia compareant, *etiamsi certe non constet de morte infantis*, unco extrahatur, ut *conseruetur mater*. Praestat unum interire quam duos: *vita matris praeferenda infanti*. Ita AMMANNUS Med. Crit. Cas. VI. pag. 26. inquit: *praestat matrem servare, quam concedere ut & mater & foetus simul intereant*; id quod etiam DEVENTERUS saepius l. c. parte II. edocet, atque ex veteribus OCTAV. HORATIANNUS lib. 3. cap. 6. alique. Inprimis vero hic adhuc notandum, quod SIGISMUNDA prudens ac celebris quondam Aulæ Brandenburgicae Obstetrix, in libri jam citati cap. V. idem sentiat, quando scribit, quod hoc in casu *nullum aliud sit auxilium*, quam *foetus per ferramenta extractio*. Quando enim hoc incidit (pergit) *& puerperae diu jam misere excruciatæ, ob amorem & misericordiam Dei rogant & clamitant, ut eas a foetu & instante morte liberemus*; quid aliter faciendum tunc esse existimas? quaerit pia & prudens haecce obstetrix, & pergit: *Profecto in tristi hac rerum facie, in summis hisce angustiis ac necessitate, ait, propter conscientiam ab unco abstinere non possum*. Totum hunc librum, adeoque & hanc sententiam Collegium Theologorum Aulicorum Berolini ita approbavit, ut ipsum nihil contra Deum aut fidem christianam continere, affirmaverit. Sic quoque Borussia Facultas Medica Francofurtensis ad Viadram ei calculum suum prorsus adjecit. Ita cum hic liber meus A. 1740. Venetiis recuderetur, Censores Librorum Patavini & Veneti, testimonium, quod praefationi editionis Venetae subnexum est, hoc dederunt, *quod scilicet nihil in eo contineatur, quod sit contra sanctam fidem Catholicam*. Verba ipsa illorum, quantum ad hanc rem pertinent, Italica lingua, qua pro more a Censoribus datum est, hic apponam, ut tanto accuratius illud inde cognosci queat, quod ita se habet. *Nel Riformatori nello studio di Padova avendo veduto per la fede di Rivisione et Approbatione del P. Fra Paolo Tomaso Manuelli, Inquisitore di Venezia, nel libro intitolato, D. Laurentii Heisteri &c. Institutiones Chirurgicae, &c. in quibus &c. tomi duo; non V'esser cosa alcuna contra la santa Fede Cattolica &c. concedano licenza &c. che possi esser stampato*. Itaque cum Catholici hi Censores hanc meam sententiam fidei Catholicae non contrariam esse testati sint, spero Patritiensis aliosque Catholicos ejusdem in posterum fore sententiae: gaudeoque quod hi confirmaverint, quod antea vix ab his speraveram, quia Theologi Parisini olim contrariae fuerunt sententiae.

tutela, &c. ut & hic facile limitationem justam ac christianam in re tam ardua, ubi de matris certo alias moriturae vita agitur, invenire queat, praesertim si simul alterum illud supra jam allatum dictum consideramus, quem non servasti, dum potuisti, illum occidisti (a). Utrumque quidem servare studemus; sed si id obtineri non potest, sufficiat unus: imo & cum sana ratione longe melius convenit servare unum, si uterque servari non potest, quam utrumque perdere, vel saltem, videre & consentire, aut data opera ac studio permittere, ut ambo pereant, ubi alter servari potuisset. Conf. hac de re prae ceteris jam laudatus BECKERI libellus de Paedioctonia inculpata (hoc est de infanticidio licito) ad servandam puerperam; ubi uberius hanc sententiam multis rationibus defendit, illustrat atque confirmat.

X X.

Postquam itaque tot validis rationibus atque exemplis necessitatem & utilitatem sectionis Caesareae hic stabilivimus, cui antea Galli pauci, ut hoc capite ostendi, faverunt, sed plerique damnarunt, mihi tamen nunc, forte meis hisce admonitionibus exemplisque relatis victi, aliter de ea sentire atque in meam quoque sententiam venisse videntur, & speciatim Membra Academiae Chirurgiae Parisiensis: dum in suorum commentariorum Tom. I. A. 1743. edito, a pag. 623. longa Dissertatione, Autore SIMONIO, nunc idem mecum statuunt, licet hic mei & quod antea aliquid de hac re scripserim in tota dissertatione nullam mentionem fecerit.

Monitum
ad Chirur-
gos Parisi-
nos.

Interea tamen SIMONIUS in fine suae dissertationis p. 649. scribit paucissimos esse, qui hac de re scripserint, & speciatim, qui casus determinaverint, in quibus ea necessario fieri debeat. Verum si hoc caput Institut. mearum Chirurgicar. legisset, quas tunc se nondum vidisse simulat, quia eas non nominat, quamvis jam Anno 1739. atque sic quadriennio prius, quam sua dissertatio, fuerint editae, atque eodem etiam, quo prodierint, anno, jam Parisiis notae, perspicere inde facile potuisset, me non solum quibus in casibus ea absolute necessaria; verum etiam ubi ea non opus sit, perspicue indicasse; dum hos casus a se invicem satis curiose, ni fallor, hic extricare allaboravi. Hoc tamen adhuc moneo, quod interea etiam cel. WINSLOVIUS, & quidem Anno 1744. quaestionem Medicam & Chirurgicam Parisiis publicaverit atque ventilaverit, qua inquit, An ad servandam prae foetu matrem Obstetricium hamatile minus anceps & aequae insons, quam ad servandum cum matre foetum sectio Caesarea praeferenda? atque rebus in utramque partem probe perpensis, tandem & rationibus & novis felicibus exemplis inductus concludit, sectionem Caesaream uncis, (utpote qui, nisi prudentissimis ac peritissimis manibus adhibeantur, valde periculosi sint) praeferendam esse, quia hac & mater & foetus simul saepe servari possent, asserendo simul eam absque adeo magnis doloribus & absque insigni sanguinis profusione perfici posse ac solere. Attamen & mecum sentit, quod non nisi summa necessitate suscipienda sit. Dissertationem ipsam hactenus nondum vidi. Verum rem totam ex novis litterariis Goettingae & Lip-

(a) Arduum hocce negotium alio tempore & loco uberius illustrare nostramque sententiam pluribus confirmare studebo.

Lipsiae bis in hebdomade, ut Diarium, vernacula lingua prodeuntibus, cognovi; quae WINSLOVII sententia, si pluribus confirmabitur novis exemplis, in tanto altius sectio haec caesarea evehetur fastigium, multique foetus, quibus haecenus pereundum fuit, vivi conservabuntur.

C A P V T CXIV.

De

HERNIIS in universum & speciatim, quomodo umbilicus indecore prominens (hernia umbilicalis vulgo dictus) manuum ope curari debeat.

I.

*De herniis
generatim.*

Tumores plerique praeter naturam circa ventrem infimum & cumprimis in umbilico, inguine atque scroto, praesertim ab intestinorum vel omenti procidentia nati, generatim ramices sive herniae vocari solent (a). Differunt vero hi tumores primum loco; & qui in umbilico oriuntur, *hernia umbilici* sive Graeco vocabulo *omphalocele* itemque *exomphalos*; qui in inguine, *hernia inguinalis* sive *bubonocoele*; qui in scroto, *hernia scroti* sive *oscheocoele*; & qui in aliis ventris locis oritur, *hernia ventralis* nuncupatur, atque sic de ceteris, de quibus infra. Addunt his recentiores nunc etiam hernias, ubi intestina aut omentum per foramen illud magnum ossis pubis prolapsa sunt, quales *herniae pubis* dici possent. Deinde *Herniae vesicae* varii generis. Porro *herniae vaginae uteri* in mulieribus, quae alias pro *vaginae procidentis* habitae sunt (b). Praeterea SENNERTUS & HILDANUS aliquando *uteri prolapsus* & latere ventris notarunt, & *uteri inversio* post partum nunc etiam pro *hernia uteri*, quae intestina recipit, habetur. Varii quoque & cumprimis GARENGEOT etiam *ventriculi hernias* statuunt, in scrobiculo cordis se exhibentes: quae vero, quia ex incisis cadaveribus nondum probatae sunt, sed solum conjectura, dum tumores in praedicto loco notarunt, qui intus pelli potuerunt. Verum si hoc in loco tale quid contingit, sicut revera quandoque contingit, potius a colo tumido ortae trahere existimo, quod magis, quam ventriculis, hic collocatum est, & a flatibus saepe vehementer intumescit, ventriculus vero magis in sinistro hypochondrio reconditus latet, & eius pylorus fere tantum ad scrobiculum cordis se extendit: sicque hos tumores, quemadmodum & hepatis & lienis tumores, quos recens Scriptor *hernias hepatis & lienis*, Graecisque vocabulis *Hepatocele* & *Splenocoele* vocari vult, pro herniis recte non habendos esse censeo, sed pro tumori-

(a) *Herniae* vocabulum apud veteres, teste CELSO, Lib. VII. cap. 18 *indecorum* olim fuit: hodie vero pro indecoro, forte quia aptius haud prostat, non habetur. Morbus vero *indecorus* & *turpis* habetur, ita ut, qui eo laborant, eum omni studio, aequae fere ac morbum gallicum occultare studeant: quia plerique partes pudendas ostendere verentur.

(b) Ut Garengéot in Act. Acad. Chirurg. Paris. tom. I. p. 699. De la Faye in notis ad Dionis. Operat. Chirurg. Gunt. in Lib. de Herniis, & Vogel Lib. German. de Herniis alique.

(c) Potatae a Meryo, Ruischio.

moribus sui generis, nimirum hepatis, lienis, sicut semper vocati fuerunt, aut coli, vel etiam quandoque *pro omenti parte in scirrhum corrupta*; vel generatim ad *hernias ventrales* referendae, sunt ceterisque herniis longe sunt rariores. Qui plura de his scire vult, evolvat modo *citatos Autores*. Deinde differunt *ratione rei in tumore contentae*, atque ab ea diversa nomina accipiunt. Quando enim intestina tumorem faciunt, *entereoce*; quando omentum, *epiploce*; quando spiritus sive aer, *pneumatocèle*; quando aqua, *hydrocèle* dici consuevit, & sic porro. Praeterea differunt *ratione magnitudinis*: quidam enim & praesertim incipientes, ut plurimum *parvi* sunt, alii vero *magni*; alii in enormem magnitudinem, sicut nonnulli Autores delineant (a), egoque ipse similes vidi, excrescunt. Alii porro *molles* sunt, alii *duri*, prementique resistunt. Nonnulli *liberi* sunt & facile in abdomen refunduntur; alii vero non nisi difficulter, alii prorsus repelli nequeunt, atque intestina aut omentum vel cum externis partibus concreverunt, atque hi *herniae adhaerentes* vocantur, vel saltem locus proidentiae ita constrictus & angustatus est, ut partes prolapsae, praesertim inflammatae, vel flatibus aut fecibus nimis repletæ, refundi nulla ratione queant; quae herniae species vulgo hodie *herniae incarceratae* sive *captivae* appellantur. Ita quaedam herniae sunt *indolentes*, sive sine dolore, aliae vero *dolentes*, & saepe cum dolore acerbissimo, nausea; vomitu, aliisque vehementibus malis, ut cum primis sunt *incarceratae*. Ita etiam ratione durationis herniae in *recentes* & *inveteratas* merito distinguendae, utpote quae consideratio magnam in curatione usum habet.

I I.

Quemadmodum vero tumores praeter naturam modo recensitos in abdomine, generatim *ramices* sive *hernias*; sic speciatim illos, qui indecore umbilicum distendunt, *umbilicum prominentem*, *omphalocelen* seu *exomphalon*, itemque *herniam umbilicalem* Medici appellant (b). Differunt vero & hi tumores primo *magnitudine*, & deinde etiam *figura*. Quidam enim *parvi* sunt, praesertim incipientes sive nascentes; quidam autem *magni*, quidam *enormis magnitudinis* (c). Nonnulli figuram habent *subrotundam*, alii quodammodo *acuminatam*. Interdum in forma *cylindri* umbilicus prominet: vidique sic aliquando in muliere eaque gravida umbilicus, qui ad *penis virilis similitudinem* & *magnitudinem* saepe prominebat, ac subinde valde dolebat; sed non nisi *spiritum* sive aerem continebat. Differunt vero & hi *ratione contentorum*: alii enim *intestina*, alii *omentum*, alii *aerem* sive *aquam* continent. Quidam praeterea horum tumorum sunt *molles*, quidam vero *duri*. Alii, & praesertini *recentes*, *facile repelluntur*; alii

(a) Conf. MEEKREN pag. 362. DIONIS edit. IV. p. 375. CHESLEDEN Anat. Tab. 26. aliique.

(b) *Exomphalum* DRANIUS esse dicit omnem herniam quae in linea alba oritur, a cartilagine scilicet ensiformi usque ad ossis pubis symphysin, in Oper. Chir. p. 138: verum hoc facit contra usum vulgarem & contra vim vocabuli hujus sine idonea ratione; nam praestantissimi omnes Medici hoc vocabulo non nisi herniam in umbilico vel saltem prope eum intelligunt: Ceterae vero in linea alba ad hernias ventrales pertinent.

(c) *Monstrosa umbilici prominentia* describitur & delineatur ab HILDANO in Oper. p. 246. & *Exomphalos monstrosa* describitur ab eodem pag. 900. prolixior vero hujus historia a Gregor. HORTIO in observ. traditur, itemque in Roonhuysii observat. XII. & XIII.

alii non nisi difficulter; alii, & cum primis inveteratae, *proſus repelli nequeunt*, ac *valde dolent*, atque quasi in carcere intestina includuntur; unde *herniae umbilicales incarceratae* appellari solent. Figuras id mali genus aliqua ratione exhibentes sistit SCULTEUS (a).

I I I.

Causſae.

Causſae illarum perquam variae sunt: licet in eo convenient omnes, quod vim aliquam abdomini & speciatim umbilico inferant. Sic enim vel a subito eodemque gravi lapsu, vel saltu, vel motu, vel ictu vehementiori, vel fortiori intussiendo, sternutando, vomitu, atque attollendis aut movendis ponderibus nisu; vel a difficili mulierum partu similibusque causſis aliis malum istud plerumque nascitur. Siquidem propter causſas istas singulas proximum umbilico peritonaeum, praesertim si ille jam a natura vel alia quacunque causſa paullo debilior est, vehementer vel expanditur, vel, prout DIONISIUS autumat (b), *penitus aliquando disrumpitur, ampliatoque sic nimis umbilico*, intestina vel tenuia vel etiam pars coli plerumque cum omento, vel etiam omentum solum, vel quandoque tantum *spiritus* per umbilicum propelluntur. Nonnunquam peritonaei nimia & peculiaris *quaedam juxta umbilicum laxitas seu debilitas naturalis in causſa est*, cur intestina vel ceterae res indicatae per umbilicum prorumpant; praecipue si superius enumeratae causſae, aut vehemens etiam in infantibus teneris ejulatus accesserint: quo saepe fit, ut haud pauci *infantes proximis a natali diebus*, ut saepius ipse vidi, jam hoc vitio laborent (c), praesertim si umbilicus, lapso funiculo umbilicali, non per aliquod tempus fascia diligenter cohibeatur.

I V.

Diagnos.

Quicquid autem harum rerum sit, *omphalocelen duplici via cognoscimus*: visu nimirum, atque tactu cum auditu conjuncto. *Umbilicus enim magis, quam naturaliter decet*, prominet. Tumor digitis pressus (nisi partes prolapsae extus adhaereant) plerumque in ventrem cedit, atque, dum hoc fit, saepe sonum aliquem vel murmur edit, praesertim si aeger supinus decumbit. Quod ipsum equidem indicio est, tumorem a prolapsis intestinis provenisse. Nonnunquam insigniter *mollis tumor est*, atque tunc vel aerem sive flatum (d), vel solum omentum prorupisse, non sine ratione colligitur. Ut plurimum vero omentum simul cum intestinis procidit: quia hic omentum ita comprehendit intestina, ut sine illo haec raro prolabi queant. Quando omentum solum hunc tumorem facit, hoc mali genus *hernia omenti*; contra vero si intestina sola, illud *hernia intestinorum umbilicalis* nuncupatur. Sicubi, post refusa in ventrem intestina, nihilominus tumor aliquis mollis remanet, duplex utique illud malum, *intestinorum* nempe atque *omenti* una prolapsorum adfuisse, res ipsa testatur: interea tamen intestina etiam cum omento saepissime simul refunduntur. In *hydropicis* propter nimiam humorum in ventre copiam graviter quoque exten-

(a) In Armament. Chirurg. Tab. mihi 37.

(b) In Chirurgia sua cap. de hernia umbilicali.

(c) Hernia umbilicis congenita. Vid. in SCULTEI obs. 60.

(d) De hac exomphali specie GARENGEOT. nihil proponit; quae tamen revera datur, & a CELSO quoque jam indicata est Lib. VII. cap. 14. & a PAULO Lib. VI cap. 51. aliisque.

di haud raro umbilicus solet, quod vitium *Hydromphalus* appellatur, ceu luculenter non solum ex SCULTETI figura, verum etiam ex notabili exemplo e PURMANNI *Chirurgia curiosa* pag. 330. Tab. V. perspicitur; istum tamen tumorem ab humore potius, quam intestinis atque omento prolapsis natum fuisse, ipsa aegri hominis conditio hydropica significat, & *hernia umbilici aquosa* aut *hydromphalos* dici potest; quemadmodum ille, qui aerem continet, *ventosa* sive *flatulenta*.

V.

Omphalocele in infantibus & pueris plerumque solet esse sine periculo, & ut *Prognosis*. plurimum etiam facile in his refunditur ac sanatur. Ita etiam in adultis minus periculi fovet, quamdiu partes prolapsae liberae sunt & facile repelli queunt. Sed quemadmodum in hominibus adultis nunquam sine periculo est; ita tamen valde molestus & tunc inprimis perniciosus esse deprehenditur, si subito quodam casu per valde angustum umbilici foramen intestina prolapsa seu potius protrusa sunt, neque refundi ullo modo in ventrem possunt. Namque hic fieri aliter vix potest, quam ut constricto fortiter ambitu foraminis umbilici sanguis ex intestinis prolapsis redire nequeat, atque subsistentes in venis intestinorum humores inflammationem maximosque & dolores & angores una cum nausea ac vomitu & quidem cum pessimo quandoque stercoris vomitu, (quod mali genus *miserere vulgus* dicit, Medici *iliacam passionem* appellant) intestinorum sphacelo tristissimaque morte concitent. Ubi vero paulatim noxa ista increvit, ipsumque peritonaei foramen sensim satis amplum ad transmittenda intestina est, ut plurimum non adeo magnum periculum subesse consuevit, praesertim in infantibus atque junioribus. Interim nisi aptum aliquod ad reprimenda & continenda intestina & omentum cingulum sive fasciam ipsi adhibuerint, solliciteque cum a frigore ac motu fortiori, tum etiam a cibis copiosioribus, praesertim durioribus, crassioribus ac flatulentis sese abstinerint, maximum utique semper periculum est, ne forte levem ob causam omentum atque intestina foras procidant, locus procidentiae valde coarctetur, intestina constringantur, & tam firmiter in externo tumore maximis subinde cum cruciatibus includantur, ut nulla prorsus via refundi in abdomen queant; sed gravissima potius mala ista, quae jamjam recensuimus, ac tandem mortem ipsam sensim inducant. Operatio etiam Chirurgica omnis, quae contra haec mala adhiberi solet, quam saepissime, experientia teste, frustranea, imo haud sine periculo hic esse consuevit, praesertim si hernia magna fuerit: siquidem aegrotantes plerique, si non sub ipsum opus, saltem post illud emoriuntur. Ceterum si intestina refundi possunt, longe promptius in infantibus adhucdum teneris, quam in adultis omphalocele, perinde ut hernia quaevis alia, curatur, si modo idoneo cingulo sive fascia semper instructi sunt, debitamque victus & motus rationem observant. Verum nisi apto cingulo semper muniti sunt, debitamque vitae rationem negligunt, nihil fere facilius est, quam ut intestina hic rursus prolabantur, & malum pristinum cum praesentissimo saepe vitae periculo redeat. Si tumor spiritum tantum continet, parum subest periculi; sin aquam, periculum hydropis fovet.

V I.

*Curationis
prima via
intestinis
liberis.*

Curationis negotium universum duplex est, prout intestina vel refundi, vel refundi non possunt. Si refundi possunt, cura omnis eo inprimis spectat, ut umbilicus prominens & intestina cum omento prolapsa in abdomen refundantur, firmiterque ne iterum prolabi queant, intus contineantur. Quare ubi satis amplum foramen est, per quod prolapsa intestina fuerunt, deprimi atque manu leniter cogi, resupinato homine, tantisper debent donec relabantur, deinde pro diversa aetate curatio varia est. Nam in infantibus tenerioribus sive junioribus frequenti usu ad herniam ejusmodi curandam sufficere cognovi, si represso tumore repositisque intestinis globulus ex emplastro ad hernias usitato formetur, isque umbilico represso imponatur, superimposito deinde eodem emplastro linteo vel corio obducto, pro globulo illo in umbilico continendo firmandoque; super hoc splenium injicio satis crassum, in malo recenti ac leviori, illudque fascia linea simplici, tres digitos lata, ductibus circularibus aliquoties ventri circumducta, firmo, curoque ut, quoties fascia haec relaxatur, subinde removeatur, sed mox iterum constringatur; ita intra paucos hebdomades plerumque istiusmodi hernia curata est. Quando vero malum paullo gravius, splenio utroque duplici atque inferiori eoque minori laminam plumbeam aut ferream tenuiorem ut melius reprimat, immitto, postea paullo majus superimpono, & cetera eadem facio. Sed in pueris, adultioribus atque senibus cingulum aut vinculum huic scopo accommodatum, ac peculiari scuto sive lamina, aut pila, prout Celsus loquitur (a), instructum ope fibulae diligenter circa ventrem adstringi debet, ne denuo prolabi omentum aut intestina valeant. Cingulorum ejusmodi figurae satis aptae eae videntur, quales, & Scultetus Tab. XXXVII. fig. 6. & nos Tab. XXIV. fig. 6. ex corio, atque fig. 7. ex filo ferreo facta delineavimus; quamvis & aliae adhuc sint non contemnendae. Ante vero quam cingulum sive fascia ejusmodi corpori applicatur, sicut in infantibus, globulus aliquis ex emplastro roborante, ut jam diximus, atque deinde emplastrum aliquod glutinosum & splenium super umbilicum, ac tunc demum vinculum rite injiciantur. Namque hunc in modum instituta & per aliquot menses strenue continuata umbilici vinetura, pristinae haud raro sanitati homines restitutos fuisse, testis mihi frequens est experientia: praecipue si aut juvenes adhuc fuerint, aut malum saltem nondum inveteratum. Si qui enim adultiores sive senes dudum jam umbilici vitium istiusmodi senserunt, hi numquam fere ad sanitatem perfecte redeunt; sed procidentiam umbilici avertere volunt; a quacunque causa illa orta sit, per omnem vitam ejusmodi machinamenta gestare coguntur. Contra si ea non gestent, sollicitaeque a noxia victus ratione & a graviore corporis commotione sibi caveant, praesentissimo mali pristini, passionis iliacaе atque haud raro mortis periculo, si vitium a prolapsu intestino vel omento ortum sit (b), sunt expositi.

V I I.

*Peterum
curandi
ratio.*

Haec curatio igitur, ut apparet, in adultis, & praesertim senibus palliativa tan-

(a) Lib. VII. Cap. XX.

(a) Ab omento solo prolapsa eadem mala oriri posse, quam ab intestino, notarunt Palfæus in Chirurg. pag. 70. & Garengot. Chir. cap. de Herniis.

tantum est, & apud recentiores plerosque, si forte SAVIARDUM excipias, nulla curatio perfecta live radicalis, ut vocant, descripta reperitur. Veteres vero, ut ex praestantissimo CELSO patet (a), etiam de hac solliciti fuerunt, atque hic varias curandi rationes descripsit, ex quibus ut praecipuas Chirurgi sciant operae pretium esse existimo. Resupinandum, ait, corpus esse, ut in uterum (hoc est in ventrem) sive intestinum, sive omentum est, relabatur. Sinus vero umbilici tum vacuus, ad imum acu trajectatur, duo lina ducente; deinde utriusque lini duobus capitibus diversae partes adstringuntur, (sicut in uva oculi sive staphylomate quoque fit) nam sic id, quod supra vinculum est moritur, decidit & firma cicatrice umbilicus clauditur. Quidam, antequam vincirent, summum una linea inciderunt, quo facilius, digito immisso, quod illuc irrupisset, depellerent, tum deinde vincirent, idque etiam propterea, ne forte vel intestinum vel omentum simul constringatur. Quidam partem ligavam, (sine dubio ut fortiolem cicatricem obtinerent) aut medicamentis aut ferro adusserunt, ac deinde, ut cetera uita, ulcus curarunt. Idque non solum ubi intestinum vel omentum, vel utrumque est, sed etiam ubi humor est, optime proficere asseverat. Requirit autem corpus idoneum quod integrum sive sanum est, & neque infans neque senex. Praeterea in levibus ejusmodi tumoribus curationes has optime prodesse; at in eorum, qui nimis magni sunt, curatione periculum esse indicat. Quae res sane cum recentiorum observationibus partim optime conveniunt, partim occasionem meditandi praebent, qua ratione hae herniae perfectius, quam nunc fieri solet, in adultis curari queant.

V I I I.

SAVIARDUS, Chirurgus Parisiensis, in puella quatuordecim menses nata, re-^{Saviardi} pressis prius intestinis, tumorem umbilici, qui ovi anserini magnitudinem habebat, ^{modus.} infante supino, quantum potuit, elevavit, eumque ministroprehendendum dedit. Postea filo quadruplicato & cerato cutem hujus tumoris in fundo ligavit, post biduum novam ligaturam injecit, unde tumor in putredinem abire coepit, ac triduo iterum elapso tertiam, semper prioribus arctius constrictam: unde tumor tandem plane emortuus, cecidit & puella optime curata est. Eandem curandi rationem postea in alia puella se cum successu adhibuisse praedicat, Obs. Chirurg. IX. mirumque est GARENGEOTUM de hoc curandi modo nihil prorsus proposuisse. Sed an ad ejusmodi vehementes curationes in infantibus procedere necesse fuerit, & an non per fascias modo N. VI. descripto curari potuerint, dum SAVIARDUS nihil prorsus de hoc profert, merito dubitari potest.

I X.

Quodsi autem foramen illud, per quod elapsa intestina fuerunt, paullo angustius est, quam ut refundi, quod effusum est, commode queat, sed aeger potius tam in tumore quam in ventre dolores vehementissimos atque vomitum sentiat, tum cinguli quidem applicatio in hac & ceteris veris herniis inanis, imo aliena prorsus, esse consuevit; quia prolapsas partes magis premeret. Verum potius si alvus adstricta idoneis clysteribus atque cataplasmatibus emollientibus, qualia

(a) Lib. VII. cap. 14. item ex Paulo Lib. VI. cap. 51. & ALBUCASE L. II. cap. 52.

lia ex pane similagineo in lacte paululum decocto, cum butyro & croco, rebusque id genus aliis, parantur, quam diligentissime tumor ac prolapsa intestina tamdiu calide fovenda atque emollienda sunt, donec cogi rursus haud incommode in ventrem queant. Resupinare autem tunc aegrum, depresso capite, oportet, remotisque subinde *cataplasmatibus*, *identidem* blanda manu periculum facere, num satis jam ad reponendum intestina idonea sint, nec ne. Quibus ita confectis atque aliquamdiu continuatis, si reponi potest, fascia sive vinculum est adhibendum; sed ubi reponi, quicquid prolapsum fuit, nequeat, longe optimum erit, *si herbae nicotianae fumus*, *peculiaribus fistulis*, infra Tab. XXXIV. fig. 13. delineatis, tantisper in anum immittatur, donec alvus solvatur & intestina relabantur; hujus etenim admirabilem prorsus virtutem hic esse, multiplex verum usus me docuit, atque hoc artificium vulgo *clysterem tabacalem* appellare solent. Sed *si sanguinis copia est*, vel *inflammatio quaedam in intestinis prolapsis ut plerumque fieri solet*, hominem aegrum *infectat*, tunc simul mox in principio mali *sanguinem per venas*, sicut in aliis inflammationibus largiter ac in tempore detrahere atque tumorem vel spiritum vini vel vino praesertim rubro fovere convenit. Tunc enim *venae* atque *intestina prolapsa detumescunt*, *mala decrescunt*, ipsaque *intestina prolapsa*, praesertim sicubi leniter simul manu premantur, subito saepe in abdomen relabuntur. His quacunque ratione restitutis proximum est, ut splenio & digitis umbilici hiatus comprimatur, ac deinde ut cingulo apto vel etiam primum *idonea fascia linea* vinctura eo modo instituatur, quem paulo ante memoravimus.

X.

Curatio per
scalpellum.

Ubi vero nihil omnia medicamenta ista una cum sanguinis missione post elapsos etiam viginti vel viginti quatuor horas proficiunt, verum, omnia potius in deterius ruunt, properandum utique ad operationem Chirurgicam est; utpote sine qua tunc parum atque adeo nihil salutis sperare in ejusmodi casibus licet. Quemadmodum autem opportune hic instituta operatio insigniter facere ad recuperandam sanitatem potest, sic ea, quae justo tardius suscipitur, plane plerumque solet esse inanis ac supervacanea. Fere enim post vigesimam quartam horam praesertim in vegetis ac junioribus, ut jam diximus, gangraena vel spachelus intestina prolapsa inflammata & incarcerata invadit atque perdit: In senibus vero & frigidioribus hoc tardius plerumque contingit. Spachelo facto aegri adhuc vehementer vomunt; magis magisque debilitantur, extrema paulatim frigescent, sudor frigidus in facie & manibus erumpit, tandemque certissima mors brevi insequitur. Ad operationem vero quod attinet, eo potissimum illa spectat, ut, quantum ad refundenda intestina captiva compressa & quasi strangulata sufficit, foramen umbilici ampliatur. Itaque sic eadem instituitur. Aeger super lecto vel tabula sive mensa quadam, capite paululum depresso, ventre autem & natis elevatis, deponitur, atque ita vel laqueis ad ipsam adstringitur, vel etiam ab aliquot ministris fortioribus quam firmissime, ne movere se possit, continetur. Tum cutis super umbilicum prominentem transversa a Chirurgo & ministro comprehenditur, manumque gnaviter adducta per adhibitum scalpellum a Chirurgo una linea, si tumor parvus, inciditur; sed diligentissime tamen temperato

rato instrumento, ne scilicet ipsa simul intestina prolapsa concidantur. Quam quidem propter causam longe tutissimum videtur, facto *exiguo vulnere*, *specillum quoddam cavum* (Tab. I. litt. M. aut N.) *protinus sub cutem demittere atque per admotum scalpellum aliquod*, sive rectum sive curvum illud sit, provide plagam quantum fatis est, *sursum deorsumque ampliare*, & si forte in tumore majore haec non sufficere videatur, *linea quoque transversa sive decussatim ducta cutis incidatur*, & *quatuor ejus anguli caute diducantur* (a). Deinde membranulas cum pinguedine super intestinis positas, & digitis & forfice aut scalpello quam solertissime, ne intestina laedantur, diducere ac *tandem membranam ventris intimam*, quae proxime intestina continet, quam *sacculum peritonaei* vocant, eodem modo, ut de cute mox dictum est, elevare, & quam cautissime eam parva plaga incidere. Tum, omento & *intestinis aliqua ratione detectis*, *specillum quoddam cavum* sub membranam hanc ventris immittere, atque ita illam apto ferramento ulterius incidere atque sic plagam satis dilatare, *tandemque ubi omnia satis patent, intestina prolapsa & omentum, si sanum, leniter digitis in ventrem deprimere* (b): quemadmodum supra jam prolapsis intestinis in abdominis vulneribus fuit propositum. (Part. I. Lib. I. Cap. V) (c). Ubi vero ipsum foramen umbilici paulo angustius est, quam ut cogi per id intestina valeant, necessarium utique est, vel *specillo quodam cavo*, vel, si id fieri potest, *digito super intestinis in foramen illud demisso, forficis ad apicem obtusae aut scalpelli praesertim globulo instructi* (Tab. V. fig. 3. 4. aut. 5.) beneficio tantisper idem sursum versus & *ad sinistrum ventris latus* (d) *ampliare, donec tam amplum sit, ut reponi commode quicquid prolapsum est, valeat*. Quando vero omentum, ut saepe fieri solet, *vitiatum* deprehenditur, & non adeo multum corruptum est, ligatura ei injicitur, ut postea a sano successa temporis recedat. Sed si multum corruptum, pluribus quandoque ligaturis diversarum partium opus est, & postea supervacaneum refecandum, ita sanguinis profusio avertitur. Si omentum & intestina illaesa sunt, *glomer seu nodulus crassus lineus* medio vulnere est imponendus & vicinia linamentis contortis aridis replenda, splenio crasso obtegenda & fascia modice firmanda. *Sin vero partes vitiatae sunt aut ligatae*, linamentis tantum ficcis & splenio, sine nodulo deligatur & postea ut vulnus ventris glutinatur. Quando succus magnus fuit, anguli plagae ex parte sunt refecandi.

X I.

Loco praedictorum ferramentorum tam in hujus mali curatione, quam e- Nōva in-
tiam strumenta
describuntur.

(a) Quidam hic semper fieri volunt incisionem cruciformem, ut DRANIUS quoque in Operat. Chirurg. cap. de omphalocèle.

(b) Omentum & unicam tantum cellulam coli berniae umbilici incarceratae symptomata contatse notavit Garengeot cap. de exomphalo, itemque Dranius in Operat. Chirurg.

(c) MURALTUS refert in scriptis suis de Chirurgia p. 695: FREITAGIUM, Chirurgum Tigurinum, herniam umbilicalem incarceratam recto vulnere incidisse, succum perinde berniosum aperuisse, magnam omenti indurati partem ligasse, reliqua in hernia contenta in ventrem reposuisse, atque aegrum optime curasse.

(d) In ceteris umbilici plagis arteriae vel venae umbilicalis laesio est metuenda, quae sibi inde haud sine periculo est.

tiam in vulneribus abdominis dilatandis, aliarumque herniarum intestinalium pro-
 cidentiae loco ampliando pro periculo, quod habent, magis evitando, pecu-
 liaria adhuc machinamenta recentiores excogitarunt Chirurgi, & primo quidem
 specillum quoddam Tab. XXIV. fig. 8. sulco donatum, attamen simul quoque lamina
 cordiformi AA. à tergo instructum, quae efficere debet, ut intestina prolapsa
 reprimantur, ne facile a scalpello, qui sulco immittitur, dum foramen am-
 pliandum inciditur, laedi queant. Deinde pro vulneribus quidem abdominis,
 quae intestina quasi strangulant, dilatandis MORANDUS, ex Clariss. hodie
 Parisiens. Chirurgis, ferramenti quoque genus, quod Galli *bistouri gastrora-
 phique* appellant, excogitavit (vid. Tab. XXIV. fig. 9.); cujus quidem supra,
 ubi de vulneribus abdominis proposui, ut mentionem fecerim, oblitus sum,
 quod vero non solum in his, verum etiam in apertura herniarum incarcerata-
 rum quarumcunque dilatanda egregio, ut ego saltem opinor, usui esse potest:
 quando nimirum immisso per illam specillo sive stylo ejus obtuso & in abdo-
 men usque ad B. prehensis deinde ansis CC, sicut forfice, elevatoque bra-
 chio mobili D, quod in altera sive superiori parte EE scalpelli instar acutum
 est, inciditur atque dilatatur angustius foramen, donec intestina refundi
 queant. Praeterea pro eodem usu in herniis DRANIUS, alius cel. Chirurgus
 Paris. scalpelli occulti quoddam genus haud ita pridem invenit ac descripsit (a),
 quodque inde delineari curavi Tab. XXIV. fig. 10. 11. In fig. 10 ostenditur
 illud clausum & occultum, in fig. vero 11. apertum, & in partes quasi re-
 solutum. Immittitur autem pars AA. fig. 10. in foramen herniae incidendum
 ac dilatandum, comprehenditur deinde manubrium K manu dextra, lamina
 F, pollice imposito, apte deprimitur, ita scalpellum, in sulculo AA. haec-
 nus occultatum elevatur, sicut in fig. 11. litt. CD. exhibetur, ita ut apex
 D in sulculo occultus maneat, ne laedere aut pungere intestina possit; pars
 vero inter C & D. exitum angustiores incidat ac dilatet, quo prolapsa dein-
 de ac compressa intestina in ventrem, ut supra diximus, refundi possint. In-
 fra in tabulae XXIV. explicatione uberius hujus scalpelli herniarii (quod Gal-
 li *bistouri herniaire* de Mr. le DRAN appellant), dabitur explicatio.

X I I.

Deligandi
 ratio.

Intestinis hunc in modum repositis, contineri & comprimi vulnus a minif-
 tro quodam oportet, futuraque nodosa constrictum (b), ad confectam usque
 glutinationem ea ratione deligari, quam in *gastroraphia* superius descripsimus
 (P. I. Lib. I. Cap. V.). Atque post primam quidem deligationem quiescere homo ae-
 grotus debet; vinctura vero, ad glutinationem promovendam, per tres qua-
 tuorve dies continuos remanere; nisi forte gravis aliquis casus contrarium
 postulaverit. Post primam deligationem resolutam, semel quotidie vulnus, perinde
 ut in ventris vulneribus reliquis fieri debet, gnaviter deligatur. Glutinato vulne-
 re, filoque dissecto & extracto, fascia nihilominus aut cingulo idoneo instruc-
 tus aeger adhuc diu sit necesse est, quo nempe solidior ac firmior cicatrix indu-
 catur,

(a) In Observ. ejus Chirurg. Tom. II. Obs. 69. pag. 26.

(b) Recentiores futuram hanc rejiciunt, ut GARENGEOT. docet; quam quoque, praeser-
 tim in minori plaga, tuto omitti posse censeo.

catur, itaque redeuntis mali periculum certius praecaveatur. Adultiores vero & cum primis senes, nisi per omnem vitam aptum quoddam cingulum gestaverint, vix ac ne vix quidem tuti esse a noxa pristina poterunt; sed infantes, pueri & iuvenes plerumque perfecte rursus curantur.

XIII.

Ne quis autem ignoret, quousque nostra curandi ratio cum ea, quam *Petiti* Chirurgis Paris. clarissimus PETITUS commendavit, aut conveniat, haud alienum fuerit, breviter hanc ex GARENGEOTII Operat. Chirurg. (a) describere. Scilicet cutis super tumorem posita una cum pinguedine partim a Chirurgo, partim a ministro, ut supra dictum est §. X. sursum adducitur, admotoque scalpello, primo linea recta, ac deinde mox lineis in crucem positis, conciditur. Mox vulnus istud, diductis ab invicem quatuor partibus extremis, sive oris, ope specilli fulcati & scalpelli, vel forficis, vel & per injectos digitos ampliatur; deinde ut GARENGEOT scribit, *Raiseau* in conspectum prodiens intestinoque haud absimile (b), per adhibitum scalpellum falcatum quam cautissime abscinditur. Tum membrana, quae sacculus est, post concisum *raiseau* emergens atque intestina prolapsa continens, sursum attollitur minutoque vulnere quam cautissime perforatur: id quod rite factum esse lymphæ effluens hic demonstrat. Post digitus index vel medius in vulnus sic demittitur, ut illius ductu per incurvam eandemque retusam forficem Tab. I. fig. D. decussatim concidi sacculus queat. Tum, si quid forte contra, quam naturaliter decebat, uti in omento saepe fieri solet, increvit, vel & cum externis partibus concrevit, illud omne, sive jam ex carne constet, sive ex pinguedine, a partibus vicinis resolvitur atque abscinditur. Si tunc epiploon ultra oras annuli umbilici non prolapsum est, hoc bene sperare jubet. Sed si prolapsum & simul valde auctum est, malum desperatum esse innuit, sive id refundatur, sive resecetur. Sic etiam si multa intestina sint prolapsa, eaque refundantur, mortem sequi (c). Interea tamen intestina decenter reponenda, siquidem tunc umbilici foramen satis amplum esse advertitur. Ubi vero nimis angustum illud est, scalpellum aliquod globulo praemunitum, idemque parum acutum (Conf. Tab. V. fig. 3. 4. & 5.) in foramen demittitur, sursumque versus in sinistram ventris partem, ne vena umbilicalis, quantum satis est, oblique ducitur, ita ut apertura umbilici hic dilatetur. Si quis autem tumor sive hernia hic non usque adeo grandis est, tum hanc curandi viam PETITUS sequitur, ut nimirum, nihil inciso herniae sacculo, foramen abdominis quadantenus ampliet, prolapsaque intestina una cum ipso sacculo refun-

(a) Cap. de Exomphalo.

(b) Quid insolens vocabulum istud *Raiseau* hic sibi velit, quamque intestinorum vel his similem partem designet, ego cum multis aliis non satis intelligo, praesertim cum in Lexicis nostris Gallicis ita scriptum non reperiatur vocabulum. Etiam si enim *raiseau* denotet ramulum; tamen ubinam locorum in umbilico prominente sive hernia umbilici ramulus iste quaerendus sit, qui intestino similis, explorare, quantumvis magno adhibito studio, nondum licuit, velimque propterea, ut GARENGEOTIUS seipsum clarius hic aliquando explicet. Quod si pro *raiseau* forte *reseau* vel *reseul*, ut Lexica scribunt, legendum, quod reticulum sive rete aut aliquod simile significat; tamen neque hoc facile comprehendendo, quomodo intestinum pro reticulo, quod recidendum, haberi queat; cum reticulum & intestinum res sint toto coelo diversissimae.

(c) Hoc periculum jam agnovit & indicavit CELSUS Lib. VII. cap. 14.

refundat. Quomodo vero foramen umbilici dilatet, & tamen sacculum non incidat, haud satis perspicue describit neque facile intelligitur.

X I V.

*Vinctura
PETITO
adhiberi
solita.*

Interea his decenter confectis pergit ad *deligationem* atque instituti vulneris glutinationem. Utramque autem qua ratione PETITUS perficiat, stric-
tim jam commemorare expediet. Nimirum jubet is, sine adhibita futura, *globulum quendam lineum paulo majorem* (quem *pelote* appellat), albumine ovo-
rum madidum, filoque adnexum super foramen illud imponi, unde intestina fuerant prolapsa: Deinde panniculis lineis minutis contortis atque cylindrulis ex linamento carpto factis (*bourdonnets* Galli vocant) vulnus reliquum undique adimpletur, atque rosarum oleo partibus proximis inunctis, tribus quatuorve spleniis, quorum aliud ex alio majus est, gnaviter contegitur, *mantili cum scapulari supra deligato*. Altero die globulum illum, quantumvis etiam firmiter & foramini & vulneris oris adhaerescat, rursus removeri vel avelli vult, eoque facto, nullum fere amplius foraminis aut vulneris, ut scribit, vestigium superesse. Postea vulnus rursus panniculis & linamentis carptis replet. Sed qua ratione postea vulnus glutinet, haud docet. *Quare vero non tam recta eademque unica*, ut plerique haecenus docuerunt, ibi sufficere potest, quam potius binis semper inque crucem positis lineis tumorem hic incidendum praescripserit, nullis, quantum ego quidem scio, rationibus illustravit GARENGEOTIUS. Idem etiam DRANII observationem refert, ubi in ejusmodi hernia, aperto sacco, *non nisi cellula coli impacta & constricta* fuit, qua tamen fecum vomitus fuerat concitatus. Ceterum sub ipsam curationem, primis praesertim diebus, venae sectione, lotionibus alvi sive clysteribus atque sollicita vitae victusque ratione quam maxime opus est.

X V.

*DIONI-
SII senten-
tia singula-
ris exami-
natur.*

DIONISIUS in sua Chirurgia statuit (a), umbilici indecore prominentis malum nunquam a peritoneo nimium expanso, sed potius semper ab eodem disrupto provenire, adeoque contra, quam plerique credunt, intestina proxime sub cutem posita, neque sacculo quodam comprehensa reperiri. At vero egregie DIONISIUM hoc in passu falli, dilucide fatis, meo quidem judicio, patet, cum ex annotationibus illis, quibus jam olim modo laudati auctoris Librum, vernacula nostra anno 1722. iterum editum, illustravi pag. 118; tum & vel maxime ex observatione singulari, qua meum de DIONISII opinione iudicium roborare sustinui. Atque ad observationem quidem eam quod attinet, sic fere ipsa sese habet. Vidi ego quondam, dum Altorffii Noricorum adhuc Medicinae ac Chirurgiae Professor eram, cum CAROLO DE COLONIA, Noribergensium Chirurgo, virum aliquem nobilem, eundemque procero admodum, amplo atque obeso corpore praeditum, cui umbilicus ita insigniter prominebat, quemadmodum Tab. XXIV. fig. 12. designavimus. Namque litterae A A A A externae cutis in umbilico oram, quasi grandem anulum aliquem significant. Ipso annulo isto tenuis ac pellucida membrana quaedam, sive, prout vero similimum

(a) Ubi de hac hernia agit.

linum videtur, peritoneum comprehendebatur, per quod intestina B B B. in vivo homine quam clarissime transparebant. *Quamdiu cingulum, magno du-roque pulvinari quodam sive scuto instructum, ad similitudinem Fig. 6. hujus ta-bulae efformatum, corpori applicatum servabatur, intestina quoque, prout naturaliter decet, intus remanebant. Simulatque vero idem solvebatur, protinus intestina cum tenui membrana ista in quodam quasi sacculo contenta prorumpabant at-que tumorem extra umbilicum formabant.* Num similes casus alii a Chirurgo-rum aut Medicorum quoquam observati sint, mihi quidem non satis constat (a). Sed illud tamen dubio caret, PALFYNIUM (b) MURALTUM (c) una cum GARENGEOTIO aliisque recentioribus Scriptoribus usque adeo longe a DIONISIO hac in re dissentire, ut, sacculum aliquem sive peritoneum praeter naturam diductum utique in herniis his adesse, quo intestina contineantur, luculen-tissime mecum statuunt. Interim cavendum hic est, ne, nihil omnino veritatis sententiam Dionisianam, quippe observationibus quibusdam, ut perhibet, in vivis aequae ac demortuis hominibus institutis nixam, habere, temere creda-mus aut pronunciemus. Quin ita potius habendum esse censeo, posse quan-doque istiusmodi casus existeret, ubi prolapsa per prominentem umbilicum intestina nullo sacculo comprehensa, sed ipsi potius externae cuti proxime subiecta reperiantur. Praestat enim, si quid ego video, prudens conjectura il-la, ut maxima semper cum circumspeditione ancipitem illam indecore prominentis um-bilici curationem suscipiamus, neque ipsa intestina pro sacculo, sive, prout GARENGEOTIUS loquitur, pro ramo vel reticulo isto habeantur, audacis-simeque concidantur. Neque vero alienam prorsus atque inanem DIONISII observationem istam esse, egomet quoque experientia didicisse mihi videor: imo & ipse GARENGEOTIUS rupturam peritoneaei quandoque contingere in herniis indicat pag. 313. 376, Tom. I. Chirurg. edit. II. Duo exempla de herniis umbilicalibus sponte disruptis legi possunt in ROONHUYSI observ. XII & XIII.

Explicatio Tabulae vigesimae quartae.

Fig. 1. Acus exhibetur sive clavus chirurgicus, cuspide triangulari donatus, & tubulo sive cannula inclusus: quod ferramentum acus cannulata & cum Gallis vulgo Troicar vocatur, pro ventre hydropicorum perforando atque humoribus ex ipso itemque ex scroto educendis potissimum destinatum.

A. indicat ejus manubrium,

B. cuspidem acus triangularem,

CC. cannulam sive tubulum, cui clavus ille inhaeret.

Fig. 2. repraesentatur clavus ille solus & nudus extra fistulam sive tubulum suum, ex ferro sive chalybe confectus, & quidem AC ostendit manu-brium, BC clavum teretem, cuspide triangulari B instructum.

Fig. 3.

(a) Gunzius Lib. de Herniis p. 65. multa adducit testimonia, quibus peritoneum in um-bilico probet expansum, herniaeque saccum; verum hoc, quod forte omnium fortissimum est, siluit.

(b) In Chirurg. Cap. de Omphalocele.

(c) In Observatione supra §. X. relata.

Pars. II.

B b b b b

Fig. 3. Cannula sive tubulus seorsim conspicitur teres & ex argento plerumque fabricatus, per quem educta acu humores praeter naturam effluant: in quo AA partem tubuli teretem ostendit, quae extracta acu in ventre manet. BB laminam & speciatim faciem ejus concavam duobus foraminulis instructam, ut filum sive funiculus transmitti, eoque tubulus, si lubet, firmari queat, ne in ventrem incidat. C demonstrat foramen quasi ellipticum, quod juxta alterum extremum utrinque insculptum est; ut liquores non solum per extremum foramen, verum etiam utrinque per duo haec lateraliter foramina intrare queant. D est foramen tubuli in medio laminae, per quod acus in tubulum immittitur, eaque postquam venter perforatus est, extracta humores hydropicorum emittuntur.

Fig. 4. exhibet aliam figuram tubuli pro eodem usu adhibendi, ex PETITI inventionem, & quidem AA tubuli partem cylindricam demonstrat, superne per totam fere longitudinem longa rima apertam, per quam aquas facilius quam per alterum intrare existimat. B laminam cum foramine, cui clavus ferreus immitti & aquae emitti solent. CC aliam laminam ad canalis quasi vel gutturnii modum excavatam, per quam aquae sive humores commode in vas subiectum defluere possunt.

Fig. 5. litt. A A A A demonstrat ferramentum crucis figuram referens, pro infan- tum gibbo reprimendo usurpandum: quod dorso ipsorum ita applicatur, ut pars longior spinae dorsum incumbat, pars vero brevior scapulis; BB annulum ferreum designat, qui corio vel serico obductus collo circumjicitur, & peculiari uncinulo per foraminula ejus trajecto a a arctius vel laxius, prout opus est, claudi potest. CC lora duo sunt ex corio: quorum sinistrum dependet, ut ejus foraminula in parte inferiori conspici queant, per quae fibulae & funiculi trajiciuntur; dextrum vero ostendit, quomodo humero circumjiciatur. DD Fibulas indicat, & quidem in sinistro latere solutas; in dextro vero, quomodo circa humerum eis lorum firmetur. EE Fasciam, laqueum sive funiculum planum, per foramina F trajectum, quo extremum inferius circa ventrem firmatur.

Fig. 6. Cingulum sive fasciam repraesentat, reprimendis herniis umbilicalibus destinatum; & quidem A scutum ferreum denotat, corio vel panno xylyno, substrato prius gossypio vel pilis equinis coctis obductum, umbilico represento emplastroque & spleniis munito, superimponendum; quod parvo adhuc tuberculo in medio potest esse instructum. BBB lorum sive cingulum ventri circumducendum, vel ex corio vel panno xylyno confectum; C fibulam, qua lorum clauditur & firmatur. D scutum in quo parvum tuberculum in medio conspicitur.

Fig. 7. Ferramenti aliud genus sistitur ex filo ferreo sive aeneo, paulo crassiori, singulari modo contorto ac inflexo paratum, in eundem usum. A illam partem designat, quae umbilico superimponitur; BBB vero istam, quae circum ventrem injicitur; & CC partem ipsis inguinibus adaptandam: quo fit, ut vi sua elastica umbilicum & ventrem arcte comprehendat. Oportet vero eam corio molliori vel panno xylyno vestiri, & locum A simul pilis equinis coctis aliave materia idonea impleri, totamque corpori aegri quoad magnitudinem accommodari.

Fig. 8.






Fig. 8. *Specillum fulcatum* pro herniarum prolapsu in *herniis incarceratis* commode incidendo & ampliando: ubi lamina cordiformis A A impedit, ne intestina facile a scalpello laedantur.

Fig. 9. Scalpelli *gastrographicum*, MORANDI dictum, quod vero & pro eodem usu adhiberi potest. Litt. A specillum sive stilum indicat obtusum, quod per locum prolapsus in ventrem demittitur; B locum, ubi ferramenti pars sive ala superior & inferior per cardinem mobilem junguntur; C C duos annulos sive habenas, ut in forfice, quibus comprehenditur; D alae mobilis sive superioris partem inferiorem eamque subrotundam sive obtusam; sed E E partem superiorem sive acutam, quae locum prolapsus angustiore elevando incidere atque sic dilatare debet, ostendit.

Fig. 10. & 11. Scalpelli *herniarii* DRANII (*Bistouri herniaire*), & quidem fig. 10. illud clausum; fig. 11. vero ex parte apertum repraesentant, ut interior fabrica ipsius melius cognosci queat. A A denotat specillum sulcatum, in quo minutum scalpellum latet; B dimidium hujus specilli secundum longitudinem; C scalpellulum hoc extra sulcum specilli elevatum; D extremum hujus scalpelli, quod *caudam arundinis* appellat Auctor, & quod in sulco movetur atque impedit, ne cuspis vel extremum scalpelli ex eo profiliat; E E vectem, qui scalpellulum movet; F laminam vectis, qua pollice pressa, pars scalpelluli inferior C elevatur. G laminam elasticam, quae vectis partem inferiorem rursus elevat, atque sic facit, ut scalpellum minutum, quando sectio peracta est, in sulcum repellatur seque denuo abscondat; H H alas duas laterales, quae tegunt ac defendunt intestinum; I I alas duas erectas, quae includunt & sustinent vectem; K manubrium totius hujus ferramenti; L trochleam, circa quam vectis sursum deorsumque movetur.

Fig. 12. exhibetur *insignis umbilici dilatatio* atque *hernia*, & quidem litt. A A A A & orae cutis umbilici in formam annuli valde distentae indicantur, quae ultra duos pollices distabant, & membrana tenui ac pellucida, quae sine dubio peritoneum erat, nectebantur, per quam intestina tenuia B B B B in ventre conspici poterant.

C A P V T C X V.

De herniis ceteris & speciatim nunc de ventris hernia, sive

HERNIA VENTRALI.

I.

Umbilicum propter intestina vel omentum aliamve causam prolapsa in-Ventris
decore prominentem, *omphalocelen* sive *herniam umbilicalem* appellari, *hernia quid*
haecenus est positum. Quando vero non per umbilicum modo, sed per alia *fit, & quo-*
quoque abdominis loca, intestina vel omentum, vel intestina una cum omen-
to saepe prolabantur; facile apparet ratio, cur *praeter hanc aliae quoque herni-*
arum species, a loco per quem prolabantur, constitutae a Medicis reperiuntur.

B b b b b 2

Sic

Sic enim, exempli caussa, *hernia scroti sive scrotalis* dicitur, quoties intestina aut omentum prope pudenda in scrotum prorumpunt; *hernia inguinalis*, ubi eadem circa inguina prolapsa haerent; *femoralis sive cruralis*, quando circa extimam femoris partem, & *ventris* denique *hernia*, quum in quacunque alia ventris regione intestina vel omentum aliaeve partes prolabantur tumoremque concitant: id quod quandoque etiam in ipsa linea alba, tam supra quam infra umbilicum, vel etiam ad latus ejus observatum est. Dividi etiam solent herniae in *veras* & *spurias*. Verae dicuntur, ubi intestina, vel omentum, vel *vesica* excidit; *spuriae*, quando nihil horum excidit, sed tumor ab alia caussa oritur: ut *hydrocele*, *sarcocele*, *varicocele*, &c. Atque ad ventris quidem herniam *sigillatim* quod attinet, hanc superiori saeculo vel prorsus silentio praetermissam, vel leviter saltem pertractatam ab Auctoribus quamplurimis invenimus: quum tamen non solum veteres jam ipsam noverint ac descripserint (a), sed frequenter admodum usu venire ipsa soleat, atque ipse aliquot ejus exempla viderim. Ut proinde nihil ab instituto nostro alienum facturi videamur, si hic paulo explanatius de hoc ipso morbi genere multis adhuc incognito disputaverimus. Varia ejus observatur *differentia*: nam quaedam *parva* est, quaedam *magna*; alia in dextro, alia in sinistro latere, alia in medio sive linea alba, raro autem in musculis rectis sed elatere horum saepius proveniunt, & quandoque etiam teste DRANIO post rectos, ubi difficulter observantur. Quaedam in ventrem facile repellitur, atque fere sine incommodo est, alia refundi nequit, & gravissima mala, ut in omphalocoele diximus, concitat, atque *incarcerata* tunc appellatur.

I I.

Causae. De vera noxae hujus caussa duplex omnino Scriptorum sententia est. Ventris enim herniam non tam a distenta, quam potius disrupta interiore abdominis membrana, ideoque non nisi subito atque a maxima violentia quadam provenire, supra laudatus DIONISIUS statuit. Contra vero GARENGEOTIUS idque merito defendit, non a disrupto solum atque in graviore ventris laesione conciso, aut lacerato, dum nunquam rursus coalescit, sed & multo saepius a nimis diducto a quacunque caussa peritonaco noxam illam suboriri: dummodo in certo quodam loco musculi & cumprimis transversus abdominis musculus vel prorsus, vel ex parte saltem, sive quoad fibras quasdam fuerit relaxatus, collisus, dissectus, ruptus aut quacunque alia ratione laesus, ut tandem accedente motu, nixu, aliave vi fortiori intestina peritoneum protrudant ac diducant.

I I P.

Diagnos. Cognosci autem ventris hernia, & quidem primo illa, quae refundi intus potest, ex his fere signis solet. Cutis indecore in abdominis quadam regione instar tumoris intumescit; ipse tumor manui depressae, corpore praesertim supino, cedit atque intro in abdomen sese recipit, remota vero manu denuo idem in conspectum prodit, intestinis identidem, dum hoc fit, sonantibus aut murmur quoddam concitantibus, per tussim, spiritum retentum, vel nixum etiam, qualem

(a) Vid. CELSUS Lib. VII. cap. 17.

lem in exoneranda alvo aliisve conatibus, adhibemus, *mirifice tumor cum duritie increfcit*, fereque intestinorum graviter *intentorum* aut *inflatorum* sensum praebet. Quanquam intestina non nisi alia ex aliis foras prodeunt; adeoque ipse tumor sensim sine sensu, sed insigniter tamen tandem increfcit, quantumvis etiam exiguus initio apparuerit. *Quando autem haec hernia captiva sive incarcerata est ac refundi nequit*, tunc omnia illa adsunt signa & mala, quae in umbilici hernia supra proposuimus. Ceterum haec ipsa noxa *aetati omni communis est*: neque infantes solum atque adolescentes, sed adulti quoque saepius ab eadem infestantur.

I V.

Oportet hic etiam atque etiam providere, *ne qua forte propter externam* *Prognosis.* *speciem, abdominis ejusmodi tumor sive hernia pro ulcere clauso vel abscessu habeatur, adeoque temere, quasi abscessus aliquis, incidatur.* Posse autem ad pessimam istiusmodi imprudentiam Chirurgos aliquando delabi, ipse rerum usus me condocuit. Novi enim ego Chirurgum aliquem, qui, nisi ego ipsum dehortatus fuisset, *intentam abdominis cutem una cum subjectis intestinis pro abscessu audacter concidisset.* In adultis atque senibus, praesertim ubi jam major aut *vetus est*, difficulter admodum noxa ista curationem recipit, adeoque mirifice homines & infestat, & a rebus gerendis abstrahit. Ita et *si vulnus abdominis sequitur, vix unquam curatur*; quia peritoneum hic tunc prorsus deficit. Quin &, *ubi foramen illud, per quod intestina prolapsa sunt, ob quamcunque causam paulo arctius contrahitur, ita ut intestina prolapsa fortiter inde comprimantur, periculum est, ne, perinde ut in herniis umbilici, inguinis vel scroti saepe fieri solet, incarcerata fiat, &, cruciatus plus minusve intensi cum inflammatione, molestissimo vomitu, ac tandem ipsius stercoris (miserere vulgus vocat) miserrimae tandem morte suboriantur.* Quibus per *ipsam lineam albam vel supra, vel cumprimis infra umbilicum intestina prorumpunt, vix unquam, ut nonnulli Auctores testantur, ad sanitatem redeunt.* Interea tamen quia *locus procidentiae plerumque amplior est, quam in plerisque reliquis herniis, ut plurimum etiam minus periculi habent, quam ceterae herniae verae.*

V.

Quanquam autem molestissimum esse hoc intestinorum prolapsorum malum *Curatio.* consuevit, *nihil tamen magnopere obstat, quo minus idem curari ab initio, si recens scilicet est, praesertim in infantibus ac junioribus, vel saltem mitigari valde queat.* Dici enim *vix potest, quam insignem usum hic praestet fascia illa instar cinguli facta atque fig. 6. Tab. XXIV. delineata: praesertim si debitae magnitudinis laminam ferream vel scutum sive pulvillum annexum litt. A. sibi habeat, atque cum subjecto emplastro roborante constanter circum ventrem probe firmata maneat.* Si qua autem natu grandiores aegri sunt, atque malum ipsum nimis jam tum invaluit, *id saltem fascia illa praestat, ut majora mala praecaveantur.* *Veteres equidem, qui hos aegros integre restituere voluerunt, CELSUS teste, (a) sic plerumque curationem instituerunt, ut, refutis prius*

(a) *Medicinae. Lib. VII. cap. 17.*

prius intestinis, per acum duobus linis ad imam basin immissis sic utrinque cutem intentam devincierint, quemadmodum & in umbilico & in uva positum est, ut, quicquid super vinculum est, emoriatur. Quidam medium tumorem exciderunt, ad similitudinem myrtacei folii, & tum oras sutura junxerunt. Ego vero, ut ne quid hic dissimulem, utramque istam curandi viam omnino ita comparatam adhuc censeo esse, ut ob periculum fasciam potius adhibitam malim: vix enim ac ne vix quidem satis providere Chirurgus ibi poterit, si CELSI doctrinam sequitur, ne graviter simul intestina aut laedantur, aut cum ipsa cute constringantur. Interea tamen ansam de meliori curatione inveniendam aut veteri emendanda praebe-
re potest.

V I.

Petiti mo-
dus.

Ceterum ubi prolapsa intestina in hac hernia refundi nequeunt, indeque periculosa hominem mala premunt, necessarium utique erit eandem prorsus curationem adhibere, quam ad umbilicum indecore prominentem, qui reponi nequit, supra proposuimus. Feliciter id ipsum, GARENGEOTIO teste, saepe jam laudatus PETITUS effecit, dum sutorem aliquem ab istiusmodi periculoso malo hac ratione sine sacculi a peritoneo producto facti apertura, sed solum eum denudando & foramen prolapsus per scalpellum ampliando, vix dum quinque diebus elapsis, pristinae sanitati restituit. Quodsi autem a peritoneo, a praegresso vulnere lac-
rato vel dissecto, malum istud provenit, tum quia illud non concrevit, non tam sacculo contineri, quam potius cutiatque pinguedini quam proxime imminere solent: itaque summam in operatione Chirurgica prudentiam adhibere convenit, ne qua forte scalpello, dum faccum peritonei inquirere volumus, eadem attingantur ac laedantur. Denique illud etiam atque etiam admonendum hic restat, homines adultos ventris ejusmodi herniam olim expertos, quacunque demum ratione liberati a noxa ista illi fuerint, nunquam deponere cingulum vel fasciam idoneam debere, nisi pristini mali periculo exponere sese denuo voluerint. Exemplum herniae ventralis post sectionem caesaream ortae, legi potest apud HILDANUM de hernia uterina, itemque in SAVIARDI Obs. Chir. 59. item varia in Memor. Academiae Chirurgicae Parisiensis Tom. I. p. 642, & GUNZII Lib. de Hern.

C A P V T CXVI.

De bubonocoele sive inguinis ramice, aut hernia inguinali.

I.

Bubonocoele
quid sit.

Tumorem ab intestinis vel omento, aut ab intestinis atque omento simul, per processus peritonei versus inguina prolapsis, excitatum, bubonocoe-
len Medici, desumpto a bubonibus, quasi noxa simili, vocabulo, nuncupa-
runt. Nonnulli cum CELSO vitium istud, a sede sua, inguinis ramicem sive
herniam inguinalem dixerunt (a). Alii herniam incompletam vocarunt, atque ita
com-

(a) Vid. CELSUS Lib. VII. cap. 24. Apud BEVEROVICIUM in quaest. epistol. pag. mihi
98.

completæ isti, quæ in viris ab intestinis in ipsum scrotum devolutis provenit, contra distinxerunt, quamvis per se jam satis *completa* sit. Ut plurimum intestinum tenue prolabitur; sed quandoque etiam, ut ipse exempla novi, colon, & coecum, præsertim in inguine dextro (a). Neque vero in maribus tantum, sed in feminis etiam sæpe nasci ejusmodi ramices inguinis solent. Usque adeo, ut in his vel ad ipsa pudendi labra intestina prolapsa nonnunquam penetrent, nonnunquam ad medium femur in peculiari sacculo dependeant. Partem vesicæ etiam, præsertim in feminis, prolabi posse, non solum RUYSCHIIUS vidit (b), verum etiam PETITUS & ARNOLDUS (c). Ita & uterum prolapsum notarunt HILDANUS (d) & RUYSCHIIUS in Advers. Anatom. Dec. II. Cavendum igitur sollicite est, ne qua forte hic, præcipitato iudicio, ad instar bubonum similisve tumoris aut abscessus alterius, bubonocelen incidamus, atque ita, perforatis intestinis, hominem aegrum interficiamus: id quod præter recentiores FABRIC. ab Aquapendente jam præcepit (e).

I I.

Oriri bubonocèle, perinde ac omphalocèle, duplici fere modo solet. Nunc Unde oriatur. enim sensim & velut sine sensu musculorum abdominis hiatus isti, ex quibus aut peritoneaei processus atque vasa spermatica, aut vena atque arteria cruralis prodeunt, a variis causis tam internis quam externis ita relaxantur, ut per eosdem una cum peritoneaei interna membrana prorumpere simul intestina valeant: nunc autem derepente & per insignem violentiam quandam, saltum scilicet, lapsum, ictum, nifum vehementiorem quemcunque vel in movendis aut elevandis gravioribus ponderibus, vel rebus aliis quibuscunque, tussim quoque, vociferationem, aut tubarum inflationem, equitationem vel gesticulationem fortiolem, nimium denique atque violentiorem veneris usum, aut vomitum, & si quid est hujusmodi, loco jam jam designato, peritoneaeum aut laceratur, aut potius, quemadmodum recentioribus plerisque videtur, usque adeo vehementer distenditur, ut intestina eaque nunc sine nunc cum omento ex abdomine prorumpant (f). Interdum modo diverticulum intestini vel paries tantum ejus expellitur,

98. dubitatur, an ramicis vocabulum pro hernia recte usurpetur. Sed si CELSI Librum VII. legisset, ut Cl. SALMASIUS ibidem demonstrat, nulla dubitatione opus fuisset; quia in eo sæpius ita usurpatur.

(a) Notavit hoc etiam PALFINUS in Chirurg. p. 81. CYPRIANUS Epist. de foetu pag. 52. GARENGEOT. in Oper. Chirurg.

(b) Vid. PALFINI Chirurg. Belg. pag. 70.

(c) Conf. GARENGEOT. Chirurg. edit. I. pag. 162. ubi hanc speciem recens ab his detectam vocat, quamvis RUYSCHIIUS eam prius notaverit.

(d) Epist. de hernia uterina.

(e) Oper. Chirurg. p. 272.

(f) Multi imo plerique recentiorum volunt in herniis intestinorum peritoneaeum non ruptum, sed semper tantum dilatatum esse: Inter quos præcipue sunt HILDANUS in Oper. pag. mihi 899. epist. de hernia uter. NUCKIUS in Exper. Chirurg. Cap. de hern. & adenograph. p. 171. imo & RUYSCHIIUS in obs. 89. & Advers. Anat. Dec. II. alique plurimi. Verum licet hoc plerumque verum sit, tamen id quandoque etiam a magna quadam vi rumpi jam AEGINETA docuit Lib. VII. cap. 65. dicendo hernias vel per dilatationem peritoneaei fieri, vel per rupturam, signaque distinctionis tradit his verbis: Si sensim oriuntur, ait, eas dilatatione: sed si subito,

tur, ut Ruysch. in Mus. Anat. p. 159, Reposit. 3. LITTRIUS notavit in Act. Acad. Paris. A. 1700. MORGAGNUS in Adv. Anatom. III. p. 8. & 9. & PALFYN. Chirurg. Tab. IV.

III.

Quae mala
inde prove-
niant.

Ubi paulatim hoc malum sive pedetentim oritur, raras plerumque hasdemque non adeo graves molestias aegri homines perferunt, nisi subinde ab excrementis duris obstruantur, vel constrictio aut inflammatio annuli superveniat. Si qui autem subito istiusmodi noxam sentiunt, vel & licet malum jam antiquum sit, frigori nimis sese exponunt, violentiorem motum aut nisum exserunt, vel ira vehementiori excandescunt, ut ego aliquando vidi, vel denique cibos nimios inprimis crassiores & qui mali succi sunt aut inflant, capiunt, hi graviter plerumque ab his ramicibus torquentur. Namque hic non a faecibus tantum graviter intestina distenduntur, sed nonnunquam etiam, coarctatis eis foraminibus, ex quibus intestina proruperunt, ita mirifice haec constringuntur ac coarctantur, ut nihil quicquam eorum, quae intus haerent, transmittere valeant, ipsisque intestinorum prolapsorum venis ab angusto foraminis ambitu compressis sanguinis reditus impeditur. Quo equidem facto, abesse vix potest quin graves intestinorum inflammationes cum doloribus, angoribus & vomitibus vehementissimis & iliaca passione, (*miserere mei* communiter vocamus) & gangraena perinde ac in umbilici vel ventris ramice, ut supra Cap. 114 & 115. dictum est, moveantur, atque ita hernia quaedam incarcerata, quam Medici appellant, suboriatur. Iisdem prorsus incommodis, quod obiter hic admonendum, *expositi quoque saepe sunt illi, quicunque a scroti hernia vexantur*. Ut proinde singulis, qui aut umbilici, aut inguinis, aut scroti denique ramice laborant, quam solertissime cavendum sit, ne facile sine idoneo cingulo, fascia, vinculo, bracherio, aut subligaculo sint aut incedant; & si talibus instructi sint, illud haud facile deponant, ne herniae incarceratae, quae saepissime aegros interficit, periculo sese exponant. Tametsi neutiquam diffitendum, posse in illis etiam, qui vinculo sive bracherio instructi sunt, simile malum quandoque subnasci; simulatque nimirum in equitatione, lapsu, saltu, &c. vel hujus generis alia corporis commotione vehementiori, subligaculo aut disrupto, aut e sede sua dimoto, aut non satis constricto, aut clauso, violenter ex abdomine intestina propelluntur. Quale quid Cel. quondam Gallorum Duci ac Marefchallo de VILLEROI inter venandum olim haud sine vitae periculo contigisse DIONISIUS memorat (a). Adeoque vel minime equitandum, vel saltem cautissime.

IV.

Diagnos. Cognosci autem inguinis hernia proprie sic dicta his fere notis solet. In inguine tumor est, qui ad muscutorum abdominis annulum haeret, atque, quando non captiva est, & pro diverso corporis situ vel motu mox detumescit, mox subito, ex ruptura saepe fieri. Idem & Rossetus statuit Lib. de Sectione Caesarea. BARBETTUS interdum rupturam fieri docet atque mox sub cute intestina prolapsa vidit, in Chirurg. Cap. de hern. Recentibus observationibus hoc quoque confirmat GARENGEOT. in Oper. Chir. ubi de herniis differit.

(a) In Chirurgia sua, ubi de herniis.

mox denuo *intumescit*. Manum si admovemus, aequabiliter duriusculam inflatoque intestino haud ab similem prominentiam persentiscimus; & ubi sensim vitium illud increvit, tumor omnis, aegro praesertim supino, leniter manu depressus, evanescit, fereque semper cum certo quodam murmure in abdomen rursus descendit, quo signo etiam a *bubone* distingui solet. *Contra vero ubi non nisi omentum elapsum est*, molliorem ut plurimum atque pinguedini, quoad tactum, similem, quoad magnitudinem vero non aequae, ut in hernia intestinali accidit, mutabilem, sed constantem plerumque tumorem aliquem molliorem deprehendimus (a). Ubi denique omentum una cum intestinis excedit, fere semper mollis quidam tumor, refusus etiam intestinis, adhuc remanet. *Herniam subito natam, vel & incarceratam signa subsequencia produnt*. Tumor externus, vel a solo etiam quandoque omento excitatus, insigniter cum duritie atque inflammatione rubet. Aegri doloribus externis atque internis intensissimis maximoque cum calore p. n. sive febre conjunctis vexantur. Mox vomitum ita pertinacem atque vehementem plerique sentiunt, ut maximis cum angoribus principio alimenta aut contenta naturalia, postea ipsum stercus per os reddant. Quae dum fiunt, aegri valde anguntur, debilitantur, identidem animus deficit, sensimque homines miseri cum sudore frigido atque universi corporis frigore conficiuntur, nisi mature succurratur.

V.

Quemadmodum *herniae generatim pro morbis turpibus*, ita quammaxime haec & *Prognosis. sequentes*, quae circa partes genitales sunt, pro talibus haberi & ab aegris occultari solent. Prognosis desumenda ab aegri *aetate ac viribus*, ut & morbi duratione & vehementia. Fere semper etiam mali hujus exitus *anceps est atque periculosus*, praesertim ubi ejusmodi hernia jam *inveterata* aut omnino in *incarceratam* degeneravit. Si *nondum intercepta vel praeclusa intestina sunt*, & hernia *sensim orta est*, mitior equidem noxa, neque adeo magnum subest periculum, inprimis ubi commodum, repositis intestinis, *vinculum* sive *subligaculum* adhibeatur atque constanter satisque diu gestetur. Interea tamen malum valde molestum est, & aegros ad multa negotia ineptos reddit, *insuper etiam habito subligaculo* periculum est, ne vel mitissima etiam hernia in tumore arctius includatur atque in *incarceratam* paulatim, imo & subinde subito degeneret, noxasque supra memoratas singulas concitet. In *hernia* autem vi & subito facta vel & jam *incarcerata*, nisi opportuno tempore *intestina refundantur*, fere post alterum sive tertium diem, sive citius quoque interdum, gravissima inflammatio supervenit, celerrimeque ut plurimum homines aegros consumit. Quam equidem ob causam, quoad fieri potest, promptissimum illis afferendum est auxilium, videndumque ut in vehementiori malo, quod remediis cedere recusat, si symptomata sunt vehementia, mature & quandoque *nondum elapsis viginti quatuor horis*, operatio instituitur. Nam ubi, viribus maximam partem jam tum exhaustis, *maculae rubrae & nigrae in tumore se manifestant, sphaecelum*

(a) Negant quidam omentum hic prolabi posse, quia nimis breve esset. Sed praeter aliorum observationes duplicem casum ipse in inciso cadavere vidi & jam descripsi An. 1715. in Ephem. Nat. Cur. Cent. V. pag. 164. obs. 85. aliasque adhuc postea.

celum (a) indicant, & si singultus, sudor frigidus atque frigus universas corporis partes invadunt, paucas ut plurimum intra horas aegri emoriuntur. Adeoque tunc non frustra solum manus medica adhibetur, sed & vel maxime metuendum videtur, ne in ipso opere, quippe satis jam per se periculoso, homines expirent, atque tunc mortis causa temere in curationem transferatur, quae tamen intestinorum sphacelo potius accepta erat referenda. Quando vero mala praedicta sunt leniora, nec nimis urgent, aegerque adhuc satis vegetus, paullo diutius curatio, quae scalpello fit, differri potest. Quoties omentum simul cum intestinis prolapsum est, minus plerumque graviter homines periclitantur, quam ubi nuda intestina incarcerata sive coarctata sentiuntur. Omentum magna vi protrusum difficulter aut subinde prorsus refundi nequit, sed saepius in suppurationem abit, imo & solum omentum prolapsum quandoque herniae incarceratae symptomata cancivit, ut varii notarunt Autores, ubi in sectione non nisi omentum prolapsum invenerunt (b). Simulatque vero tumor, rubedine atque duritie quodammodo imminutis, cum mollitie quadam nigrescit, vel maculas saltem rubras, lividas aut nigricantes exhibet, ut jam diximus, ipsumque tandem sensum amittit; vomitus autem ac febris continuo aegrum exercent; tandem si singultus supervenit, pulsus debilis atque oculi turbati & veluti cornei videntur, tum ex his quasi manifestis indiciis colligendum, a sphacelo jam tum occupata esse intestina. Ubi jam ad interiores quoque partes inflammatio transit, (transiisse autem ex illo conjicitur, si ventrem distendi, umbilicum vero sursum attolli observamus) tum exigua plerumque, imo vero nulla vitae spes reliqua est. Denique ubi forte intestina prolapsa cum aliis partibus coaluerunt, difficilis admodum atque anceps solet esse per scalpellum curatio: quia intestina tunc vix ac ne vix quidem refundi in ventrem possunt, nisi a partibus, quibus adhaerent, scalpello resolvantur; quod vero quandoque difficillimum, periculosum, vel prorsus impossibile est, praesertim in hernia femorali, quando intestina cum arteria vel vena crurali coaluerunt, ut GARENGEOTIUS perhibet (c). Ut proinde falli nequiquam videantur, quicumque statuunt, antiquiores Medicos penitus hic ab operatione Chirurgica abstinuisse: siquidem neque CELSUS, neque AEGINETA, neque veterum alius quisquam, quantum ego saltem novi, illius curationem descripserunt (d). Interea tamen quia saepe utilis curatio haec deprehensa fuit, licet multa prava adfuerint mala, eam justo tempore minime negligendam censeo. Denique etiam cavendum, ne ejusmodi hernia pro bubone aperiat, sicut ab incautis saepe factum est, quia hoc ipso aeger interfici posset.

V E.

(a) Maculas ejusmodi infallibilia gangraenae signa esse CYPRIANUS docuit epist. de foetu, pag. 83.

(b) Ut DIONIS in Chirurg. pag. 274. edit. 2. GARENGEOT. Chirurg. ubi de herniis, & ejusmodi etiam exemplum RUYSCHII mihi retulit. Plura alii recentiores & cum primis FAYUS in notis ad Dionisium, Act. Acad. Chirurg. DRANIUS in Operat. Chirurg. Cap. de hern. inguinali, & Gunzius Lib. de Herniis collegerunt.

(c) Articulo de herniis.

(d) Mentionem quidem CELSUS fecit herniae, ubi stercore accepto vastius tumet, retroque compelli non potest, & vomitus tandem supervenit, L. VII. cap. 13. imo & cap. 20. ubi vero ait, scalpellum hic sine pernicie adhiberi non posse, p. 493. edit. Wedel. & medicamentis solum agit, atque venae sectione.

V I.

Solet autem, pro *diversa mali gravitate*, imo & pro *diverso morbi tempore* *Curatio,*
vel aetate, triplici fere modo curatio institui. Namque *ubi recens & commode* *ubi reponi*
adhuc refundi prolapsa possunt, *sequentem in modum tractare hominem aegrum con-* *poteſt fa-*
veniet. Quicquid foras devolutum est, aegro supino, coxis elevatis, & *fe-*
more paullulum flexo, ut tensa cutis remittat, quam lenissime fieri potest, per
 injectam manum blanda contrectatione, ac pressione versus exteriora secun-
 dum ductum vasorum spermaticorum, reprimatur, emplastroque (a) glutino-
 so ac splenio super illam partem, quae intestina transmiserat, imposito, ap-
 tum *vinculum* sive *subligaculum aliquod*, peculiari *pila* sive *scuto instructum*,
 adhibeatur: quorum varia apta Tab. XXV. delineantur. Quod ipsum equi-
 dem, ubi probe constrictum per complures menses firmiter ventrem locumque
 relaxatum continuerit, *in pueris & juvenibus*, imo & *saepe in adultis*, si ma-
 lum recens est, foramen *procidenciae* ita rursus *angustat* & *constringit*, ut in-
 testina non *amplius prolabantur*, atque sic pristinum quasi abdomini & loco re-
 laxato vigorem suum restituet, quemadmodum hac ratione plurimos curavi.
Infantes certe, *pueri atque adolescentes*, sive qui vicesimum aetatis annum non
 usque adeo multum superarunt, quam *felicissime plenissimeque ut plurimum sanari*
 hac ratione *possunt*. Neque *proin opus est*, ut, quemadmodum FABRICII
 AB AQUAPENDENTE tempore factum est (b), & adhuc fieri plerumque
 ab agyrtis atque circumforaneis solet, *crudeli sectioni statim subjiciamus*, qui-
 bus *servandis longe mitior cura suffecisset*, praesertim si curatio illa, ut his homi-
 nibus mos est, *cum testiculi* (c) imo *saepe ipsius vitae jactura contingit*, eum so-
 lum in finem, ut plus pecuniae aegris extorquere possint. *Aetate provectiori-*
bus semel istam in adultiori aetate, curam expertis, nisi pristinas denuo sen-
 tire molestias ipsi voluerint, haec inprimis necessaria cautio est, ne facile per
 omnem vitam subligaculum deponant, neve justo vehementius unquam cor-
 pus suum agitent, quia hernia alias facile redit. Neque enim obstat, quo-
 minus & *officii sui negotiis rite defungi* & *senescere tandem quamplurimi per ad-*
hibitam solertiam debitam una cum idoneo vinculo possint, tametsi hernia olim ip-
 si laboraverint. Quin juvenes etiam, viginti atque plures annos habentes, si-
 cubi *recens* adhuc malum fuerit, haud prorsus infeliciter, per adhibita vincula
 apta, sanari saepissime posse, frequens rerum usus me condocuit.

V I I.

Interea tamen, si forte in nonnullis *prolapsus ejusmodi vincituris intus retineri* 2. *Sectione,*
nequeat, sicut interdum contingit, vel nonnulli earum molestiam, praesertim
 quando eis curari nequeunt, diutius perferre nolint, sed perfectius curari ma-
 lint,

(a) Commendatur praecipue in hunc finem *emplastrum ad hernias usitatum*, itemque *empl. de pelle arietina*.

(b) Operat. Chirurg. pag. mihi 274.

(c) HILDANUS refert Helvetios suo tempore putasse, se ab hernia non rite curatos esse, nisi testiculus excisus fuerit. Obs. Cent. II. Obs. 52 & in Epist. de hern. uter. CELSUS contra dicit, *si parvulo puero intestinum descendit, ante scalpellum experiunda vincitura est.* Lib. VII. cap. 20.

lint, apta & provida sectione, qua cutis incisa a sacco herniae separatur, & hic, refusus prius partibus prolapsis, ad *annulum musculi obliqui externi probe ligatur*, sine noxa testiculis aut vasis spermaticis illata, sanari quoque nunc possunt; de quibus vero inferius plura, ubi de herniae scroti per sectionem curandi ratione Cap. CXIX. §. XII dicturus sum.

VIII.

*Si hernia ob adhaesione-
nem re-
fundi ne-
quit.*

Dantur etiam saepe casus, ubi hernia quidem *non est incarcerata*, sed annulus abdominis satis amplus, ita ut intestina non stringat, verum propterea refundi nequit, quia intestina & omentum *in herniae sacco accreta sunt*. In his neque vincturis, quae praedictas reponendas hernias alias continent, boni aliquid aegris praestare possumus, e contrario partes prolapsae tantum iis comprimerentur, ut inflammatio & alia gravia mala inde concitari possint; *neque etiam sectio his facile suadenda*, quia ignoramus an intestina sine periculo a partibus cohaerentibus solvi possint. Hinc his solum fascias quae hernias ejusmodi sustinere possunt, suasi, ne pondere aegris nimis fiant molestae, & simul majorem prolapsum aliquo modo impedian. Si vero in his aliquando hernia *incarcerata* oriretur, ut talis, prout Capite sequenti docuimus, esset curanda.

CAPUT CXVII.

De bubonocoele sive hernia inguinali incarcerata.

I.

*Curandi
ratio,
quando
reponi ne-
quit.*

SI jam tum *incarcerata* vel *intercepta est hernia*, sive id ab annulo musculi abdominis nimis elastico fiat, sive ut DRANIUS etiam observavit (a), a parte superiore ipsius sacci, qui intestina prolapsa continet, atque sic comparata, ut ob inflammationem concitatam per suam constrictionem non acutissimis tantum doloribus atque supra memoratis malis aegri exerceantur, sed intestina quoque refundi prorsus nequeant, imo ope inflammationis cum sacco concrecant, *ferrum* continuo eadem fere ratione adhiberi, pro foramine isto, per quod intestina proruperunt, dilatando, a quibusdam solet; *quemadmodum scilicet in omphalocoele posuimus*, ne gangraena oriatur. Interim quia *incarceratae herniae curatio in eo potissimum sita est*, ut, quicquid vel intestinorum vel omenti ex abdomine prolapsum est, pristinis sedibus suis *restituatur*, prudentis utique Medici est, *mitiora quaeque remedia* eaque causae diligenter accommodata prius *experiri*, quam ad operationem ipsam, utpote insigniter & dolorificam & periculosam veniatur. *Adhibenda* igitur, ubi sanguis abundat, hic sunt, *sanguinis per venas detractio* (b), & *lenia purgantia* ex tamarindis, foliis sennae & manna parata, quae maximi saepe hic usus sunt, eaque, si opus, repetita, loco dolenti olea quaedam mollientia, similiave unguenta, & *cataplasmata* ex

(a) Obs. Chirurg. Tom. I. Obs. 57. & 58.

(b) In senibus contra ac debilibus ab ea abstinendum, quia aegri hi inde magis debilitarentur, sic ut facilius humorum quies, & corruptio & mors inducerentur.

ex emollientibus & resolventibus parata, & cum aceto decocta, praesertim ubi malum a fecibus indurati ortum est, saepius admovenda alvusque clysteribus ducenda (a), donec, foramine fecibus atque intestinis sufficienter emollitis, compelli rursus in abdomen, quicquid foras proruperat, sensim per adhibitos digitos queat. Commodissima autem curationis hujus via haec est. Aeger, emissa prius urina, depresso capite, coxis erectioribus, femoreque dolentis lateris paululum reducto seu inflexo resupinatur; intestina vero digitis, super tumore quasi in circum agitata, leniter versus os ileum reprimuntur inque sedem propriam repelluntur. Quo facto, per impositam manum, diligentissime contineri ab administro quodam abdominis pars illa debet, ex qua intestina proruperant; ne scilicet, quicquid depressum est, denuo prorumpat. Denique idonea vincitura instituenda, emplastro scilicet glutinoso splenioque crasso simplici vel duplici triangulari spiritu vini calido probe imbuto, super vitiosam partem istam impositis, firmiterque vel per injectam fasciam aliquam quam spicam inguinis vocant, vel etiam per vinculum coriaceum comprehensis. Neque vero deponi facile vinculum istud oportet, sed quam diutissime, vel etiam, ubi hominis aetas id postulaverit, per universam vitam, prout antea (N. VI. cap. CXVI.) diximus, gestari. Quodsi vero ista ratione reduci in sedem pristinam intestina nequeant, haud abs re Medicus faciet, si per clysterem ex tabaci melioris sive fortioris fumo, in anum ope peculiaris machinae, infra, ubi de operationibus ani agitur, descriptae, (b) diu satis injecto, curationem tentaverit. Hujus etenim subsidio feliciter egomet varios & cum primis primo virum quendam sanavi, quem, frustra plane adhibitis clysteribus ceteris itemque unguentis & cataplasmatibus per triduum jam hernia incarcerata acerbissime discruciaverat, quemque nemo fere non, propter teterrimum stercoris vomitum maximamque jam corporis debilitatem morti certissimae proximum crediderat; posteaque adhuc aliquot ejusmodi aegros hoc fumo tabaci feliciter restitui, ut non nisi semel adhuc hoc in morbo ad scalpellum accedere opus mihi fuerit (c). CLACIUS equidem, una cum aliis, quam commodissime refundi prolapsa intestina posse statuit, si linamentis, aqua frigida madentibus, frequentissime tumor ille ventris contegatur (d). Quam curandi rationem, si novum adhuc malum est, haud prorsus inutiliter adhiberi egomet crediderim; contra vero, ubi intestina jam aliquam corruptionem susceperunt (e).

I I.

(a) Nonnulli etiam hic balnea commendant, in primis veteres, vid. CELSUS Lib. VII. Cap. XX. quae vero aliena deprehensa sunt, teste Garengéoto, cap. de herniis. Ita & alii quaevis fere emollientia damnant, nisi forte in fecibus induratis, quia eis facile putredo & corruptio intestinorum induceretur, sed potius spiritum vini calidum cum splenis & RIVERII consilio saepe superimponunt, praesertim ubi inflammatio est.

(b) Vid. Tab. XXXIV. fig. 13.

(c) In aegro quodam aliquando magnam tabaci vulgaris sive debilioris copiam, sed sine effectu inflari curavi; postquam vero nicotianam illam Virginianam, quam canaster vulgo appellare solent, adhibendam jussissem, brevi alvus sollicitata est, & intestina prolapsa sponte ac subito intrarunt.

(d) In Observat. Chirurg. pag. 283. & antea jam DIONIS in Oper. Chir. MONRO autem vinum rubrum frigidum, imo ipsius nivis usum hic commendat in Act. Edinb. T. V. p. 285. praesertim si malum a flatibus vel a partibus flaccidis ortum trahit.

(e) Ubi intestina aliqua jam corruptione vel gangraena sunt correpta, usum corticis peruviani recentiores quidam valentissimum observarunt. Vid. Commenc. Litt. Norimb. An. 1735. pag. 3.

I I.

Curandi
modus per
scalpulum.

Sed ubi neque hoc modo reponi prolapsa intestina possent, quemadmodum fieri quandoque solet, quoties tumor nimis jam induruisse, inflammatio autem cum doloribus atque continuo vomitu, vel ipso etiam *stercoris vomitu* jam valde increvisse, advertuntur, Medici prudentis officium est, tum quanta noxae gravitas, tum quanta curationis per scalpulum necessitas, verum etiam quanta ejus difficultas sit, periclitantis necessariis ostendere: ne scilicet aeger nimis debilis evadat, aut intestinum corrumpatur, & dubia vitae spes per cunctationem in praesentissimum mortis periculum convertatur; neve Medicus, dum servare neutiquam potuit, interfecisse hominem videatur. Quando igitur aeger consentientibus amicis scalpello se submittere vult, sciendum eam in incidendo herniae sacco, & deinde etiam in annulo intestina stringente findendo consistere, eamque ubi intestinum solum est in tumore, magis maturandum esse, quam ubi simul omentum intermixtum est. Itaque tunc ad operationem simulatque veniendum est, urinam ante omnia emittere aegrotus debet, ne vesica urina distenta intestinorum regressum impediat, aut scalpello facile laedatur. Urina missa, super mensa vel laterali lectuli parte idem resupinetur, natibus capite magis elevatis, & si inguen incidendum pube contegitur, ante radendum, ne pili curantis manum impediunt: depressoque dein capite, coxis vero in altum adductis, firmiter a ministris quibusdam robustioribus, qualiter in omphaloces curatione praecipimus, contineatur, femore isto, cui malum vicinum est, ne scilicet cutis nimium distendatur, paululum reducto. Cutem postea complicatam ab altera tumoris parte una cum pinguedine omni Medicus, sed minister aliquis, ab altera, ut in omphalocoele jam diximus, prehendat, sursumque, quantum fieri potest, adductam, linea recta super medio tumoris scalpello incidat, & postea ope specilli sulcati plagam sursum, ad pollicis latitudinem supra annulum, deorsumque, quantum satis est, diducat (a). Sicubi vero, propter vehementiorem inflammationem aliquam, contrahi vel attolli modo praedicto cutis nequeat, sicut quandoque contingit, tum Chirurgus sinistrae manus pollice atque digito medio tumorem comprehendat, scalpelloque cautissime ac suspensa velut manu super illum deorsum versus tracto, plagam rectam faciat; sed ita tamen levem, ut non nisi cutis, quae tenuissima saepe in istiusmodi tumoribus esse solet, dividatur, neque intestina simul cum vitae periculo, ut quandoque contingit, incidantur (b), hocque in recenti hernia incarcerata eo cautius est agendum, quia sacculus in his tenuissimus est. Cute, quemadmodum praecipimus, paululum divisa, specillum sulcatum inter divisam cutem & tumorem immittatur, plagaque tam sursum quam deorsum aut scalpello aut forfice ampliatur. Postea hamulis utrinque injectis, ipsa diducatur, positoque ad praecavendam intestinorum laesionem, scalpello, per specillum vel spatulam, vel scalpelli manubrium, vel per ungues etiam digitorum, quicquid forte pinguedinis aut tunicae cellulosa subest, circumspecte dividatur, donec scilicet vel intestina, vel quod sae-

(a) GARENGEOT. putat se hoc artificium quam clarissime figuris Tab. I & 2. Tom. I. Oper. Chirurg. edit. 2. repraesentasse; verum paucissimi profecto ob male exaratam figuram inde illud rite cognoscere poterunt.

(b) Exemplum istiusmodi extat apud NUCKIUM in *Adenographia* pag. 137.

saepius contingit, ipsorum involucrum, peritoneum scilicet dilatatum, quod sacculum ipsorum appellant, & saepe, praesertim in herniis vetustis valde incrustatum est, in conspectum prodeat. Recentiores Galli, teste GARENGEOTO (a), lamellas tunicae cellulosae, imo & ipsius sacci, ut citius se expediant, non obtusis instrumentis, sed scalpello, eoque non ad perpendiculum, sed oblique ducto, sensim prudenterque dividunt, donec tandem ad sacculum praedictum perveniant, sed quam cautissime tunc agendum, ne intestina scalpello laedantur. Ne qua autem porro, dum involucrum illud sive sacculum incidimus, subjecta intestina simul laedamus, necessarium utique videtur, paululum id sursum quoque pollice & indice manus sinistrae adducere, atque ita scalpello vel forfice circumspicte applicato, plaga exigua incidere sive leviter tantum perforare. Ubi faccus valde crassus aperiendus nec digitis elevari nequit, speculo tenui ejus laminae sensim sensimque elevandae ac disseccandae, donec tandem in faccum perveniamus, qui deinde, quantum satis est, aperitur. Dum vero hoc fit, Chirurgum terere non debet, quando aliquid feri vel aqua quaedam presilit, ac si intestinum quoddam vulnerasset; quia fere semper hoc in facculo ex transpiratione intestinorum liquor quidam aqueus deprehenditur; sed potius mox vel per forficem apicibus obtusis donatam, vel per scalpellum aliquod, sive rectum, sive curvum, ope specilli sulcati immissum, vel per scalpellum globulo praemunitum, (vid. Tab. V. fig. 3. 4. vel 5.) quale, judice GARENGEOTO, omnibus ceteris ferramentis hic praestat (b), vel per forficem aut scalpellum super digito in plagam immissum, tunicam istam ad abdominis foramen sive annulum usque concidere. Quodsi forte, dum incisio haec fit, vasculum quoddam sanguiferum incisum sanguinem multum fundat, & Chirurgum in opere suo impediat, a ministro illud vel digitis comprimendum, vel interjecto simul splenio contineri, vel etiam filo, acus ope subducto, constringi & sanguis spongia vel linteolis abstergi debet. Quod equidem rite confecto, proximum est, ut compellere intestina, siquidem salva adhuc fuerint, & postea quoque omentum si adest, per musculorum abdominis annulum, blanda digitorum compressione suscipiamus. Intestinum vero, quia saepe omento, ut sacco, involutum est, hoc incidendum ad annulum usque, & intestinum digitis si fieri potest sine annuli sectione reponendum; annulus enim sine necessitate non disseccandus. Quodsi forte faeces aut flatus contenti hoc impediant, tentandum ut hi prius blande repellantur. Ubi vero nec ista ratione compellere intestina licuerit, a rudiori pressione, ne laedantur, abstinendum, fibraeque tendineae annulum ambientes scalpello solvendae, quo ipso saepe annulus ita relaxatur, ut refundi intus queant. Sed si nec ita res succederet, specillo sulcato & scalpello ampliari, sive incidi, quantum satis est, locus procidentiae, & speciatim primo annulus debet; sed caute tamen, atque lineam albam versus, ne scilicet arteria epigastrica, quae exteriori latere e crurali provenit, simul concidatur, quia larga inde sanguinis profusio metuenda (c).

Si

(a) In Oper. Chirurg. Artic. de Bubonoccele.

(b) Oper. Chirurg. Tom. I. p. 326.

(c) Quodsi tamen casu arteria haec laederetur, linamentum liquore styptico imbutum ei esset imponendum, eaque versus os ilei probe comprimenda, ita postea ope consuetae deligationis hujus mali & haec profusio cohiberi poterit. Arteriam epigastricam vero hic non facile laedi asseverat DRANIUS in Oper. Chirurg. de Hern. & sic mihi quoque videtur.

Si partes prolapsae extus cum sacco adhaerent, sicuti in antiquis saepe est, eae quam cautissime vel digitis, vel specillo, vel scalpello, si tuto fieri potest, solvendae; sin vero separari sine periculo nequit, relinquendum sicut in herniis antiquis saepe contingit. Instrumenta annulo dilatando propria, sunt vel scalpella vel ferraamenta modo indicata; vel etiam pro intestinis melius defendendis specillum illud lamina cordiformi instructum Tab. XXIV. fig. 8. vel scalpellum MORANDI fig. 9. vel DRANII fig. 10. in capsula, tanquam in specillo quodam cavo absconditum. Ab aliquo tempore valde commendata fuerunt pro hoc usu scalpella ea, in capsulis quoque occultata (Tab. XXV. fig. 1. & 2.); quorum prius fig. 1 in capsula AC reconditum hic exhibetur: quod vero, postquam in locum procidentiae immissum erat & lamina B pollice premebatur, ex capsula egrediebatur, ut in fig. 2. litt. A. demonstratur, atque sic eo procidentiae locus, sive annulus musculi abdominis erat, sive sacculi pars superior, quae intestina strangulabat, incidebatur. Verum quia his facilius interiora inciduntur ac laeduntur, dum apex primum prodit & scindit, quam pars intestina coarctans, priora merito his hodie praeferuntur. Sed ne qua tamen forte intestina, quippe insigniter lubrica, dum abdominis foramen ampliamus, proruant, scalpelloque sese objiciant, quando forte vel simplici specillo sulcato, vel etiam MORANDI scalpello utimur, Tab. XXIV. fig. 9. quam solertissime reprimi eadem ab administro quodam debent. Alias instrumento (fig. 2. Tab. XXV.) eunden in finem lamina quaedam, per litteram D hic designata, subjuncta est, id quod deinde PETITUS in specillo Tab. XXIV. fig. 8. & DRANIUS fig. 10. imitati sunt atque corrigere studuerunt. Loco procidentiae satis dilatato intestina refundenda, vulnusque linamentis, spleniis triangularibus & fascia, quae spica dicitur, deligandum. Nonnulli vero prius annulum scarificant, ut tanto firmiorem cicatricem hoc ipso efficiant, ne hernia tum facile redire queat, id quod in laxiori harum partium constitutione haud prorsus alienum esse existimo. Quidam etiam in hiatum abdominis longam turundam filo longo instructam, immittunt, & postea splenia superimponunt, id quod in simplici & recenti malo supervacaneum, imo inutile & noxium esse judico; contra adhiberi ea poterit in malo veteri & complicato, ubi humores vitiosi ac putridi aut abscessus intus deprehenduntur. Sed hac de re N. IX. uberius adhuc disputabitur (a).

III.

Alia curandi ratio
I. AR-
NOLDI.

Haecenus propositis Medicorum artificiiis, tametsi feliciter repelli devoluta in inguen intestina queant; tamen haud abs re fuerit, quam curandi viam alii quoque nobiles Chirurghi in tam difficili, quale hoc est, negotio, tentaverint, breviter hic edisserere. Sic enim Chirurgorum aliqui, ARNOLDI, praestantissimi quondam Chirurghi Parisini, consilium atque exemplum secuti, perforata cute, specillum sulcatum, idemque circa extremum clausum, ut ex Tab. I. litt. M. & N. videre licet, subter cutem leniter deprimunt, immissaque super illo forfice quadam minus acuminata, utrinque plagam istam, quantum opus videtur, ampliant. Deinde

oras

(a) MURALTUS in Script. suis Chirurg. p. 692. & seq. Obs. 210. 211. & 213. ejusmodi operationes scalpello a Freitagio Chirurgo Tigurino, feliciter peractas describit, verum in vis testiculum semper simul extirpavit.

oras vulneris alterutrius manus digitis comprehendunt, atque ita cutem, adhibito alterius manus digito vel specillo quodam, leniter a subiecto tumore divellunt, tandemque ipsam per scalpellum vel forcicem digito impositum eatenus dividunt, quatenus ipsa intestinorum compellendorum moles idem postulat. Tum medio sinistrae manus digito atque pollice super tumorem impositis, manu dextra scalpellum falcatum atque acutumprehendunt; quo ipso in latus paululum inclinato, (sic enim & clarius singula spectari, & facilius intestina cum sacculo facta tectaue servari possunt:) tunicas istas singulas, quibus sacculus tegitur, quorum modo plures, modo pauciores sunt (a), provide concidunt. Si quae autem venulae sese offerunt, tum ipsae binis in locis antea ligantur, quam dissecantur; ne sanguis inde profluens Medicum in opere suo impediat (b). Si quid sanguinis nihilominus ex vulnere promanaverit, linamentis vel spongiis adhibitis diligenter idem abstergitur. Quicquid vero tunicarum dissectarum hinc atque inde sacculo adhaeret, id ipsum vel digitis divellitur, vel etiam sulcato specillo submisso, forcice in apice retusa rescinditur. Quibus equidem rite peractis singulis, proximum est, ut pollice atque indice applicatis, tumoris tunica sive intestinorum sacculus firmiter comprehendatur, sursumque elevetur; quod si fit, certissimus hanc membranam saccum esse hernialem. Hunc ipsum sacculum undique a partibus cohaerentibus separat, eundemque, nusquam perforat, sed integrum relinquit PETITUS, & specillum sulcatum cuspideque clausa instructum, ^{2. PETIT.} ^{TI.} juxta sacculum sub annulum istum, ex quo devoluta sunt intestina, demittit, ipsamque viam istam, modo superius proposito, scalpello facta incisione ampliat. Mox, inferiore sacculi a vicinis resoluti parte manibus comprehensa, quicquid intestinorum inibi continetur, leniter versus os ileum ac ventrem blandis motitationibus deprimit, atque ita pedetentim ad sedem pristinam intestina reprimat. Compulsis hac ratione intestinis, ad herniam novam certius praecavendam sacculum in modum globuli complicatum per idem foramen reprimat, (quem in eo sensim postea indurari, illudque bene claudere asseverat) glomere quodam lineo, ex filamentis lineis compacto & linteo obducto, (Galli la Pelotte de Mr. PETIT nuncupant) atque albo & vitello ovi cum admixta spiritus vini portiuncula conquislato, diligenter humectato atque expresso, & intra manus ita volutato, ut cylindri aut ovuli alicujus figuram idem accipiat, superimposito. Juxta & supra glomus illud minuta quaedam alia glomera lineae, vel & linamenta injiciuntur. Quae ut firmiter abdominis partem aegram contineant, tribus quatuorve spleniis triangularibus, sensim majoribus, spiritu vini madidis conteguntur, exactissimeque per injectam fasciam, quam spicam inguinalem appellant, deligantur.

I V.

Sed si verum fateri fas est, haec modo proposita curandi ratio, qua sacculus non ^{Quid de hac} ^{metodo sive} ^{sentien-} ^{dum, alia-} ^{que obser-} ^{saevanda.} aperitur, nec mihi nec aliis praestantioribus Chirurgis satis placet: & 1. quidem, quia sacculus ille haud raro cum vasis spermaticis coalitus est, quae, dum ipsum inde separare volumus, facile laeduntur. 2. Quia omentum vel intestina evoluta

(a) Quo inveteratae magis ejusmodi herniae sunt, eo crassiores fieri solent hae tunicae, & contra.

(b) Sed hae venulae plerumque prius non conspiciuntur, quam concisae sunt.

Pars II.

D d d d d

saepius jam corrupta; id quod clauso relicto sacco, nec cognosci, nec conveniens auxilium adhiberi, adeoque facile mortis causa esse potest. Nam *intestinum corruptum*, quamvis *macula solum nigra* in eo adesset, aut *vulneratum*, non est reponendum, quia sordes in cavum abdominis inciderent. Imo si *magnum frustum intestini corruptum*, ressecandum est, & extrema sana mesenterii futura ad modum *Peyronii* jungenda. Si vero jungi nequeunt, superius vulnere futura jungendum, ut ibi anus fiat. *Omentum si sanum*, post intestinum refusum, refundendum; si vero *gangraena corruptum*, ligandum in infima parte corrupti, & corruptum inferius ressecandum. Sunt quidem qui ressecatum omentum sine ligatura reponi volunt, verum ille modus mihi magis placet: Si omentum sanum sacco adhaeret, sine noxa relinqui, vel etiam rescari potest. 3. Quandoque in sacco illo *larga foetidi ichoris copia includitur*, qui in ea methodo in ventrem haud sine manifestissima noxa repelleretur: *CHESELDENUS* enim, Britannorum Chirurgus hodie celeberrimus, memoriae prodidit, *se in istiusmodi hernia foetidae amurcae duas quasi libras invenisse*, quae sine dubio in ventrem repulsae aegrotanti mortem intulissent (a). 4. *Intestina & omentum* his in casibus *saepius cum partibus externis connatae* sunt (b), quae clauso sacco nec solvi, nec in ventrem refundi possent. 5. Saccus integer relictus, praesertim si amplius, *facile novae herniae occasionem* atque aptum receptaculum praebere potest. 6. Ea methodus in casu, ubi peritoneum ruptum est, prorsus non succedit; quemadmodum *PETITO* has aliasve rationes *MAUCHARTUS*, Medicinae in Academia Tubingensi Professor, & discipulus quondam noster diligentissimus, quam aptissime opposuit (c). Ita & *DRANIUS*, saepe jam laudatus Chirurgus Paris. illam curandi rationem haud probat (d): primo quia inde nulla singularis utilitas perspicui possit; deinde quia, si per plures dies hernia incarcerata fuit, intestinum vel omentum saepius jam sphacelo corruptum esset, ubi si vitatae hae partes separantur & cadunt, sicut haud raro contingit, aut faltem contingere debet, si aeger non moritur; pus, chylus & excrementa in abdomen inciderent, aegrumque sic necessario tandem conficerent. Indeque concludit, quotiescunque hernia per aliquot dies incarcerata fuit, saccum necessario aperiendum esse. Has igitur ob causas ut plurimum etiam in malo veteri magnoque tumore praestare existimo, saccum potius aperire quam integrum relinquere, eumque modum non nisi in recenti malo, ubi nulla adhuc intestinorum corruptio, nulla concretio, nullusve abscessus, tuto posse adhiberi: quemadmodum & ipse *GARENGEOTUS* hanc curationem nunc ad hasce observationes, in altera Operationum suarum Chirurgicarum editione, restrinxit. Si saccus magnus & valde crassus, magra ejus pars ressecanda. In mulieribus *DRANIUS* docet eum ad annulum ligare; verum in vivis eum sine laesione spermaticorum vasorum separari ab eis atque ligari posse negat, in Operat. Chirurg. p. 132. Hoc quidem in vetustis saepe fieri non posse, concedo; verum in recentioribus rem-

suc-

(a) Conf. *Ejusdem Anatom.* edit. III. pag. 283. Ita & ipse *GARENGEOTUS* refert, se in ejusmodi hernia magnam foetidae materiae copiam deprehendisse, Oper. Chir. T. I. p. 373.

(b) Vid. *CYPRIANI* Epist. de foetu ex uteri tuba exciso, pag. 85.

(c) In Dissert. Med. Chirurgica de hernia incarcerata Tubingae edita, 4. 1722. pag. 21.

(d) Obs. Chirurg. Tom. II. pag. 33. & seq.

succedere ex. §. XII hujus Capitis cognosci potest. Interea ubi totus separari & ligari nequit, a lateribus tantum est refecandum, quantum sine feminis vasorum laesione fieri potest.

V.

Nobilis ille quondam Medicus & Chirurgus Batavus, D. CYPRIANUS, CYPRIANUS qui ultimam vitae suae partem in Anglia transegit, & a quo ibidem non pauca me proficere gratus memini, eodem fere modo, ut supra scripsi, in hoc malo cutem & peritonaei saccum aperuit; *speciatim tamen digito, loco specilli sive conductoris, tanquam optimo, ut ait, specillo, hic usus est, pro plaga sacci & cutis amplianda.* Cum vero foramen sive annulus musculorum abdominis non satis amplum erat pro intestinis prolapsis refundendis, cutem, pinguedinem, musculos & peritonaeum, immisso prius specillo fulcato, cum scalpello pro annulo dilatando, *mox autem digito & super hoc forfice, in tantum omnia dilatabat, quantum ad intestina sine omni vi intus compellenda opus erat.* Nam *satis amplas incisiones hic valde commendat, ut intestina sine magno negotio & fere sine omni violenta pressione refundi queant; quando enim dilatatio nimis angusta, intestina nimis comprimenda atque collidenda esse, si ea repellere velimus; unde facile periculosa inflammatio, gangraena & mors induci possent.* Postquam vero intestina tam crassa quam tenuia cum externis partibus coalita deprehenderat, ea scalpello quam solertissime separavit, ac deinde in ventrem reposit; *vulnus vero factum sutura nodosa, ut in gastroraphia alias solenne est, clausit & glutinavit (a); atque hanc futuram in hac curatione non solum Cel. ROSSETUS in hernia incarcerata laudavit (b); verum & doctissimus quondam Germanus Medicus & Chirurgus, ROLFINGIUS, eam quoque jam centum abhinc annis in simili morbo cum successu instituit (c).*

V I.

Cel. Britannorum Chirurgus, CHESLDENUS, in hernia incarcerata, *ubi intestina & omentum prolapsa erant, supra annulum musculorum abdominis ventrem, id est cutem, pinguedinem, musculos abdominis & peritonaeum scalpello, magna eaque recta plaga, usque ad locum prolapsus aperuit (d), postea per hoc vulnus immixtis digitis intestina prolapsa in ventrem retraxit, omentum vero adnatum acu duplex filum trahente perforavit, ligavit atque amputavit, aegrumque sic feliciter restituit: quemadmodum hanc instauratam rursus operationem in libro suo anatomico non solum descripsit, verum etiam adjecta figura illustravit (e). Utrum vulnus hoc abdominis sutura, sicut ego suspicor, an alia ratione glutinaverit, non indicat: optandumque esset, ut boni publici causa hanc ad-*
mo-

(a) Vid. Ejus Epist. de foetu ex uteri tuba exciso, pag. 82. & seq.

(b) Vid. Lib. de Sectione Caesarea & BAUHINUS in eodem libro pag. 277. ubi plura exempla referuntur.

(c) Vid. Ejusd. Dissertat. Anatom. pag. 182.

(d) Hoc quidem jam olim factum esse ex ROSSETI libro de partu caesareo, ubi de herniis agit, videri potest, sed in desuetudinem abierat.

(e) Edit. tertia, pag. 283. Tab. XXV. itemque in lib. ejus de lithotomia

modum peculiarem operationem & curationem paulo plenius descripsisset, ut tanto major fructus in Arte Chirurgica inde percipi possit. Interea tamen videtur hic Chirurgum quondam admodum celebrem Lugd. Batavum, SMALZIUM, imitatum esse, qui, teste Fr. DEKKERO, hanc curandam viam aliquoties in ejusmodi herniis instituit, remque nitida quoque figura illustravit, in Exercit. Practicis p. 455.

V I I.

Quid intestinis repositis fieri debeat.

Intestinis omentoque, quemadmodum praecepimus, in pristinam sedem quacunque ratione compulsis, varius pro rerum diversitate decet esse deligandi modus. In hoc rerum statu apte potest glomer lineus §. III. annulo imponi, reliquum vulnus linamentis aridis repleri, splenium superimponi, & fascia, spica dicta, modice adstricta deligari. Quidam superiorem annuli partem scalpello vel forfice crebro incidere vel scarificare, ut vulgo dicunt, nonnulli solent; quonempe solidior atque firmior hoc ipso induci vulnere cicatrix queat, pro nova hernia avertenda. In quo ipso tamen negotio solertissime cavendum, ne denuo intestina prolabantur, aut concidantur. Itaque per admotum linamentum calidum gnaviter primo contineri, deinde reliquam sacci tunicam separari, prope annulum filo ligari atque infra ligaturam rescari, itemque quod in cute aut sacco adhuc forte abundat, rescindi; mox autem glomeribus lineis, praesertim glomere PETITI quod vocant, atque splenis aliquot triangularibus crassis superimpositis, per adhibitam fasciam, quam spicam inguinalem vocant, exactissime vinciri plagam hanc abdominis oportet. Verum hunc scarificandi annulum modum variis non placet, atque ab iis improbatur. Interea tamen vinctura hunc in modum instituta, lectulo aeger imponatur, eidemque post aliquot horas, nisi jam valde debilis, sanguis per venam detrahatur. Corpus aegrum toto curationis tempore quietum contineatur, capite paulo demissius posito; victus autem ratione eadem servata, quam ad morborum quorumcunque vulnorumque graviorum curationem supra jam tum saepius commendavimus. Denique, nisi jam per se satis laxa alvus sit, solvere in dies singulos per injectas lotiones sive clysteres emollientes ipsam conveniet. Si proximo ab instituta curatione triduo vel quatrinduo a gravioribus noxis liberi manserint, qui curationem illam sustinuerunt, haud exigua spes est, fore, ut ad pristinam sanitatem illi redeant. Quam equidem ob causam haud abs re fuerit, primis diebus per ingestum medicamentum aliquod conveniens leniter alvum ducere, atque sic reposita intestina a vitiosis humoribus diligenter expurgare. Si vel intestinum sphacelo corruptum aut apertum, vel omentum vitiosum, vel utraque haec simul e ventre & in vulnere propendere consuetum ducimus, glomer ille lineus magnus tunc non adhibendus, quia has partes minis premendo laederet, & earum purgationem impediret: ideoque deligatio solis linamentis siccis splenio & fascia fieri debet. Ob inflammationem vero in intestinis adhuc supersistentem tollendam, sanguinis missio in sanguineis, clysmata temperantia, Cort. peruv. & idonea fomenta sunt adhibenda. Quoties verocunque vomitus, singultus atque febris curationi superveniunt, praesentissimo utique mortis periculo expositi solent esse aegrotantes: quibus tamen malis remediis valentissimis mature occurrendum.

V I I I.

Circa deligationem reliquam sequentes necessariae adhuc sunt observationes. *Quid praeterea circa deligationem observandum.*
 Prima scilicet *deligatio*, siquidem satis firmiter illa haeserit, *ante tertium aut alterum saltem diem resolvi temere haud quaquam debet*; nisi forte humores noxii intus contenti aut aliae rationes id altero jam die exigant. Postquam autem constituto tempore ipsa resoluta est, *diligenter abstergi vino vel spiritu vini calido cruor atque sordes debent*, vinctura postea & glutinatione vulneris remediis vulnerrariis eadem prorsus ratione institutis, quam in ceterorum vulnerum curatione praescripsimus, nisi quod partes gangraena affectae *oleo terebinthinae* inungi aut foveri possint. Denique in *deligationibus singulis*, quae tamen non nisi quotidie semel, vel ubi nihil urget, solum post alterum diem innovandae sunt, *caveri* quam solertissime debet, *ne denuo intestina prorumpant*. Quam equidem propter causam haud abs re fuerit, hominem aegrum, quoties deligatio resolvitur, *ita deponere, ut, coxis sursum elatis, caput reliquo corpore aliquanto sit depressius*; vulneris autem pars superior gnaviter ab administro quodam per admotam manum contineatur, donec vulnus mundatum, novisque remediis rursus nutritum sit, aegerque tandem ad sanitatem redeat. Vulnere tandem rite glutinato, *proximum est*, ut de apto quodam cingulo sive subligaculo sanatis prospiciatur. Quod ipsum equidem, ne pristinum denuo malum redeat, a junioribus per unum alterumve annum continuum, ab aetate vero provectionibus per universam vitam gestari oportebit. Ceterum neque id silentio penitus hic praetermittendum videtur, esse in Medicis nonnullos, qui statim post absolutam operationem, *antequam deligatio fiat, oleo rosarum calido universum abdomen inungant*, linamentisque calidis deinde contegant; id quod tamen non adeo necessarium esse existimo, imo quandoque noxium, cum oleosa poros obturent, atque inflammationes moveant.

I X.

Multi ex praecipuis Parisiensium Chirurgis, ut DIONISIUS, MERYUS, ARNOLDUS, THIBOTIUS, alique, sicut N. II. jam dictum est, post hanc operationem & reductionem intestinorum *magnam & longam turundam ex lintheo confectam, filoque longo ac robusto instructam, in foramen abdominis immittere jubent, pro aperto illo aliquamdiu servando, ut humores praeter naturam intus forte contenti per illud sensim emitti queant, ne noxa iis concitetur (a).* WIDENMANNUS, unus ex recentioribus Germanis Chirurgis, cum DIONISIO vult, ut longitudinem unius & dimidii pollicis, latitudinem vero sive crassitudinem pollicis turunda haec habeat, docetque, eam in deligatione non extrahendam, sed tamdiu in vulnere relinquendam esse, donec suppuratione sponte cadat (b). Alii eam adeo crassam & amplam desiderant, ut vi aliqua intrudenda sit (c). PETITUS vero turundas hic prorsus damnat; partim propter irritationem, quam ipsas concitare existimat; partim propter aërem, qui sic in

(a) GARENGEOT. Operat. Chirurg. Cap. de bubonocèle.

(b) Libr. de lithotomia & herniotomia, pag. 144.

(c) Vid. KOCH in eleganti de hernia crurali dissertatione, Heidelbergae An. 1726. impressa.

in ventrem intrare, & noxas intus producere posset (a). Quoniam vero saepius putridi humores his in morbis in ventre sunt, ut supra dictum est, eis in casibus in principio per aliquod tempus turundam adhibendam esse, cum DRANIO (b) existimo. Contra si tale quid non adesset, consultius esse duco turundam omittere, & secundum PETITI morem globulo nimirum vel nodulo crasso lineo vulneri imposito, ceterisque supra propositis mox vulnus deligare, ut illud sic quam citissime & firmissime claudi glutinari queat.

X.

Quid faciendum omento vel intestinis corruptis.

Quando in operatione, sacco deoperto, omentum prolapsum, vel corruptum, vel crassius est, quam ut refundi queat, in parte sana sicut CHESOLDENUS §. VI. fecit, acu filum duplex trahente perforandum, utrinque peculiari nodo ligandum, & vitiatum ressecandum; sanum vero, relicto filo extra vulnus, reponendum, ceterumque eo procedendum modo, ut in vulneribus abdominis de corrupto omento docuimus. Si omentum non crassitudine peccat, sed solum corruptum est, pars corrupta etiam sine ligatura extra vulnus relinqui, sana vero refundi potest: ita vitata sponte suppuratione separabitur & cadet. Sunt nunc varii quiejusmodi omenta sive putredine sive scirrho corrupta, vel etiam nimis longa facta usque ad annulum abdominis ressecant, & partem sanam sine ligatura in ventrem refundunt, atque nihil mali inde sequi perhibent (c). Verum hoc uberiori experientia erit confirmandum. Alias nisi parva admodum pars tantum esset ressecanda, ligaturam, tanquam certius, cum CHESOLDENO praeferendam esse puto, neque DRANIUM hoc probare video in Operat. Chirurg. Cap. de herniis.

XI.

Si intestina prolapsa jam putrida.

Quod si autem intestina prolapsa corrupta jam tum seu putrefacta reperiuntur, qualiter fieri plerumque solet, quoties justo tardius ad operationem proceditur, tunc sane quam maxime difficilis atque adeo periculosus ut plurimum esse exitus operationis consuevit. Fere semper enim homines aegri, rebus ita sese habentibus, paulo post vel & sub ipso quasi ferro emoriuntur. Atque haec ratio videtur, quare Chirurgorum nonnulli in istiusmodi casibus ab opere suscepto mox prorsus desistant, atque ita homines miseros absque curatione relinquant; ne scilicet, qui servari nequeunt, majoribus adhuc cruciatibus frustra exerceantur (d). Interim quia praestat, vel maxime ancipitem etiam curandi viam tentare, ubi alia haud perspecta, quam in certissimo mortis periculo homines aegros deferere; haud prorsus alienum fuerit, quia intestinorum corruptorum in abdomen repositio certam fere mortem post se traheret (e), putrefactam illam in-

(a) GARENGEOT. loco citato.

(b) Observat. Chirurg. Tom. II. pag. 37.

(c) Videri hi possunt in GUNZII Lib. de herniis p. 54.

(d) Ita Ann. 1707. Amstelodami RAUIUS fecit. Nam cum in ejusmodi aegro, aperto sacco, intestina nigra conspiceret, mox scalpellum projecit, ab opere destitit, aegrumque reliquit, dicendo: ipsum servari non posse, sed ei brevi esse moriendum; id quod etiam die sequenti factum est.

(e) Conf. DRANII Obs. Chirurg. LX. ejusdemque Operat. Chir. p. 130.

intestinarum partem penitus excidere; partem vero sanam, eandemque superiorem, vel vulnere ea ratione adsuere, quam supra jam tum in abdominis vulneribus (P. I. Lib. I. Cap. VII.) prolixè satis descripsimus, vel partes sanas adhuc inter se rursus conjungere sive committere, sicut §. XIII hac de re plura dicemus. Sic enim dubium neutiquam est, quin saltem aliqui, praesertim natura valentiores, redire quandoque ad sanitatem pristinam valeant, quibus alias perexigua, imò vero nulla salutis spes reliqua videbatur. Atque haec curandi ratio sic omnino est comparata, ut luculentis non solum propriis, sed & aliorum Chirurgorum & Medicorum experimentis comprobetur. Ita enim, praeter testimonia supra pag. 109. jam producta, clarissimo M E R I O auctore (a), discimus, feliciter aliquando hominem consanuisse, cui in ejusmodi ramice intestina corrupta ad quatuor vel quinque circiter pedes fuerant excisa, intestino cum foramine musculorum abdominis coalito. G A R E N G E O T I U S autem memorat, hominis alicujus intestino, quanquam illud vitiatum & nigrum jam tum, aperto sacco, in certo quodam loco deprehensum fuerit, a Chirurgo nihilominus in pristinam sedem restituto, brevi post feces ex vulnere profluxisse; verum menstruo circiter spatio elapso, non fecum modo profluvium istud paulatim cessasse, sed ipsam quoque ventris plagam, per imposita glomera linea exigua & filis instructa, quoties opus fuerit, deligatam, ita sensim coaluisse, ut non nisi minuta quaedam & parum homini molesta fistula remanserit (b). Sed an non praestitisset partem corruptam refecare, aliis dijudicandum relinquo, quia necessario corruptae quaedam partes in ventrem incidunt, hinc & D R A N I U S hanc repositionem dissuadet Tom. II. p. 37.

X I I.

Hic igitur in ejusmodi casibus alia ratione, in qua quam maxime naturam imitari videtur, procedit. Visum scilicet est a quamplurimis Medicis atque etiam speciatim aliquoties a me ipso, hernias ejusmodi incarceratas ab aegris, praesertim pauperibus, qui nullum neque Medicum neque Chirurgum in consilium vocarunt, pro abscessibus fuisse habitas. Verum postquam, exantlatis prius quam saevissimis cruciatibus, ex abscessu, ut putarunt, rupto faeces sive excrementa, imò, ut aliquoties me videre memini, vermes quoque prodierunt, medicam demum opem implorarunt. Qui vero tunc plerumque nihil aliud egerunt, quam ut ulcus illud quotidie mundarunt, medicamentum & emplastrum vulnerarium superimpofuerunt; atque hac ratione factum est, ut multi horum aegrorum sponte magis quam arte restituti fuerint: & quidem sic, ut vel ulcus omnino glutinatum sit & aegri perfecte curati, vel in aliis apertura quaedam sive hiatus in inguine relictus fuit, per quem, quasi per novum quendam anum, excrementa, imò & haud raro vermes prodierunt. Hunc itaque ductum naturae, quia feliciter saepe sponte cessit, imitatus etiam est Cl. D R A N I U S observat LX; atque ubi in operatione hujus mali intestina, aperto sacco, corrupta jam deprehendit, ea in ventrem refundere quam alienissimum duxit, quia corruptae partes & faeces, in abdomen incidentes, periculosissima mala

D R A N I I
peculiaris
modus.

(a) Vid. Acad. Reg. Scient. Ann. 1701. pag. 372. edit. Amst.

(b) In Chirurg. Operat. cap. de Herniis.

mala & mortem ipsam producerent; attamen etiam ea non resecavit: verum inciso solum atque sic dilatato strangulationis loco, ut sanguis libere influere & refluere possit, *intestinum corruptum prolapsum incidit*, ut *sordes contentae effluere potuerint*, partibusque remediis vulnerariis, linamentis spiritu vini camphorato imbutis, & fasciis prospectis, separationem partium corruptarum atque simul *integri intestini cum oris annuli sive ulceris glutinationem spontaneam expectavit*, atque sic res sine resectione & sine futura intestini cum annulo, adeoque minori labore, eodem tamen cum effectu feliciter cessit. Sed si Chirurgus in hac operatione casu *intestinum sanum laederet*, tunc omnino illud futura loco procidentiae jungendum esse docet: quia hoc tam facile foramini sponte se non jungeret; quam tale, quod propter herniam arcte in annulo constrictum & inflammatum haereret, atque ope hujus inflammationis ei jungeretur.

XIII.

RAMDOH-
RII obser-
vatio nota-
bilis.

Haud prorsus absimile hisce experimentis illud videtur, quod SERENTIS-
SIMI DUCIS BRUNSVICENSIS NOSTRI Chirurgus Aulicus RAMDOH-
RIUS aliquando feliciter admodum in Guelpherbytana femina quadam insti-
tuit; dum scilicet, post herniam incarceratam sponte ruptam, propendente
& excisa magna intestinorum parte corrupta, *binas partes extremas, easdem-
que sanas, superiori in inferiorem insinuata, leniter per injectum filum conjunxit*,
in abdomen reposuit, filique circumducti ope ad vulnus abdominis attraxit,
atque ita non modo effecit, *ut cum vulnere confervesceret*, & ad glutinationem,
quod mirum videri poterat, *intestinum divisum perveniret*, sed feminam
quoque velut ex ipsis mortis faucibus retraheret, faecibus postea non per
vulnus, sed per anum egredientibus. Mulier illa postea sana vixit, at post
annum ex pleuritide obiit, atque in inciso cadavere intestina divisa inter se
rursus coalita deprehensa sunt: quae ipse mihi una cum parte abdominis,
cum qua coaluerunt, dono dedit, eaque adhuc in spiritu vini asservo, ut
dubitantibus aut discentibus ea semper ostendere possim (a).

XIV.

Quid in
hernia scro-
ti incarce-
rata facien-
dum.

Sicubi *intestina in scrotum devoluta ita contorquentur vel strangulantur*, ut in
ventrem refundi nequeant, tum eadem propemodum, quae haecenus expli-
cavimus, necessaria sunt curationis artificia: prouti quidem planius ex jam
jam dicendis apparebit. Varias praeterea praestantissimae atque utilissimae
observationes de ejusmodi herniis in SAVIARDI Obs. Chir. 19. & 20. ME-
RYI in Memor. Acad. Reg. Scient. 1701. COURTIALII obs. pag. 150. item-
que

(a) Descripta prolixius est haec observatio a D. MOEBIO, auditore quondam nostro per-
quam industrio, in dissertatione quadam, varias observationes Chirurgicas & Anatomicas de-
scribente, quae sub meo praesidio Helmstadii An. 1730. prodiit, ex qua postea commercio litter.
Norimb. inserta est, unde constare potest, quod a me notatu haec dignissima observatio pri-
mum publicata est, quam deinde FAJUS in notis ad Dionis Operat. Chir. p. 354. alique ut
egregiam laudarunt. DRANIUS in Oper. Chirurg. de similibus malis disserit cap. de her-
nia inguinali. Verum quod operationem *Bubonocela incarceratae* quoque *Bubonocelen* p. 121.
appellet, probare non possum, quia confusio hujus nominis confusione rei occasionem prae-
bet, neque hoc Medicis usitatum est.

que in DRANII Observ. Chirurg. Tom. II. Obs. 59. videri possunt, aliaeque tres Hanoverae annotatae ac descriptae in *Commerc. Litterar. Norimb. An. 1735. pag. 3. a Cl. WERLHOFIO*, Medico aulico Regis Magnae Britanniae doctissimo atque praestantissimo lectu dignissimae referuntur. His jungi possunt eae quae in Aët Edinb. Tom. V. in Aët. Acad. Chirurg. Paris. & Gunzii Lib. de hern. & cumprimis etiam eae, quae in Diss. mea de *Hernia incarcer. suppurata* jam A. 1738. edita extant, cujus vero haec ultima scripta nullam mentionem fecerunt.

C A P V T CXVIII.

De Hernia crurali sive femorali.

I.

AD inguinalis herniae similitudinem proxime accedit illa, quam vulgo *Hernia cruralem*, ego vero *femoralem* appello: siquidem ipsa in inguinibus in *cruralis* parte superiori & exteriori femoris, ubi nimirum & arteria & vena, *cruralis* dicta, e ventre ad femur descendunt, pronascitur. Quod ipsum equidem mali genus, tametsi satis frequens & sequiori praecipue sexui familiare sit, tamen, quod merito mireris, paucissimi fuerunt, qui vel in eodem explorando vel describendo magnopere nisi paucis demum abhinc annis laboraverint, quique ipsam pro hernia inguinali non habuerint aut ab ipsa distinxerint. VERHEYENUS primus fuit, apud quem de hernia crurali, licet BARBETTUS rem obscure jam indicaverit (a), aliquid scriptis consignatum inveni (b). Post VERHEYENUM vero explanatius aliquanto atque uberius eandem noxam explicarunt PALFYNUS (c), ac postea GARENGEOTIUS in Operat. Chirurg. Cap. de herniis; KOCHIIUS in Dissert. de hernia crurali (d), & DRANIUS in Observat. Chirurg. Tom. II. GARENGEOTIUS quidem perhibet (e), PAULUM jam hoc mali genus cognovisse; sed non indicat locum hujus auctoris, ubi hoc descripserit: & ego nihil hac de re apud ipsum invenire potui. Ita & verba, quae BARBETTO tribuit, hic addit; quae vero etiam in hoc auctore, Cap. de herniis, haud reperire potui.

I I.

Sed ne quis tamen forte mali hujus rationem atque indolem ignoret, haud *Quas mali* abs re facturi nobis videmur, si breviter ex Anatomicorum institutis *indicave-* *hujus ratio* *fit.* rimus locum istum, ubi musculus psoas & iliacus, nec non super his arteria & vena cruralis dicta, ex abdomine ad femur transeunt, non usque adeo firmiter munitum esse, ut intestinis satis reniti queat; sed peritoneo tantum, fasci

(a) In Chirurgia cap. VII. de herniis.

(b) Vid. Ejusd. Anatomia, edit. poster. cap. de peritoneo.

(c) In Chirurg. sua pag. 79.

(d) Heidelbergae An. 1726. edita. Aliam adhuc de *Hernia femorali* edidit OHM, sub Praesidio Goelickii Francof ad Viadrum, A. 1740.

(e) Oper. Chir. Tom. I. p. 244. edit. II.

cia lata, pinguedine atque cute clausum. Deinde *skeleton aliquod contemplantes*, deprehendimus in osse ileo exiguam foveam aliquam super acetabulo positam, atque ab inferiore musculi oblique descendens parte, quasi ligamento quodam, ad instar alicujus arcus extenso, quod ligamentum VESALII nonnulli, alii FALLOPII aut POUPARTII appellant, contactam. Per exiguum hiatum istum sive arcum intestina vel omentum quandoque prorumpunt, & cumprimis saepe ipse sacculus coeci, atque ita ramicem aliquem peculiarem excitant. GARENGEOTIUS quidem vult, *hanc ramicis speciem frequentius ceteris occurrere herniis*. Verum quamplurimas omnis generis hernias vidi & curavi, inter quas vero vix semel iterumve cruralem vidi, ita ut hic terrarum non sint adeo frequentes.

III.

Diagnos. Quanquam autem herniam *inguinalem inter & cruralem insignis similitudo intercedat*, dignosci tamen satis facile ab invicem eadem poterunt, simulatque propriam utriusque sedem diligenter observaverimus. Namque *inguinalis* hernia haud procul a pudendis, eo nimirum loco nascitur, ubi musculorum abdominis annulus & peritonaei processus, qui ex Anatomicorum scholis probe noscendi, ad scrotum descendunt, & tumor ab illo annulo versus scrotum se extendit, estque proprie paulo supra inguinis flexuram sive sulcum. *Femoralis* vero inguen exterius infestat; dum in *suprema, exteriori atque anteriori femoris parte*, super acetabulo nimirum, sive ubi femur cum acetabulo jungitur, & glandulae inguinales sitae sunt, adeoque in ipsa inguinis flexura, suboriri solet. Tum ipsa quoque paulo plerumque minor & rotundior est *inguinali*, adeoque longe facilius, quam ipsa, confundi cum bubonibus potest: *inguinalis* vero plerumque paulo magis oblonga est. Ceterum quando hernia cruralis nondum, quod ego sciam, peculiari nomine apud Germanos designata est, haud prorsus alienum fuerit, *herniam inguinalem* duplicem constituere: quarum altera *interior*; altera vero, quippe cruralis, *inguinalis exterior* a loco, ubi intestina procidunt, appellari commode potest.

IV.

Prognosis atque curatio liberae. Ad exitum hujus mali atque curam quod attinet, *idem propemodum* hic valet, quod de hernia *inguinali* supra proposuimus: nisi quod hernia femorali laborantes longe gravius quandoque periclitantur, quam qui *inguinali* affliguntur, ob locum prolapsus angustiores. Deinde observandum, quod in herniae femoralis curatione, quando prolapsa intestina restituere volumus, magis versus lineam albam, neutiquam autem versus os ileum, ut in *inguinali*, compelli intestina debeant. Si per adhibitae manus adhuc reponi prolapsa intestina possunt, longe optimum fuerit, *emplastro atque vinculo convenienti*, qualiter fere in hernia *inguinali* jam tum praecepimus, aegrotantibus succurrere, nisi quod *pilae* vinculi figurae esse debeat magis ovatae. Sed si forte prolapsae partes *vinculis* intus contineri nequeant, aut aeger cura vinculi, quae palliativa saepe tantum esse solet, contentus esse nolit, verum a molestia hujus liberari, atque omnino ab hac hernia curari desideret, *sectione* hoc quoque fieri poterit simili, ut de *inguinali* non incarcerata Cap. CXVI §. VII indicavi.

V.

Sicubi vero jam tum incarcerata sive intercepta intestina reperiuntur, usque a-
deo ut neque fomenta, neque olea, neque unguenta, neque cataplasmata, ne-
que clysteres, neque fumi nicotianae fortioris injectio, neque alia hujus generis
medicamenta superius Cap. CXVII. §. I. commendata quicquam proficiant,
& gravia mala superveniant; proximum est, ut ad operationem illam Chirurgi-
cam, de qua circa bubonocelen tractavimus, procedatur. Sacculo hunc in mo-
dum detecto (a), ampliari paululum levi incisione versus lineam albam foramen
illud, unde intestina proruperunt, oportet; sed ita tamen, ut, si malum re-
cens, ipse sacculus, PETITI exemplo & consilio, salvus maneat atque illi-
batus. Per hoc ipsum foramen blande compelli debet, quicquid intestinorum
& omenti prolapsus esse advertitur. Compelli autem plerumque satis facile hic
intestina possunt; praesertim quia, prout VERHEYENUS in Anatome sua (b)
recte observavit, quam saepissime non nisi per exigua eorundem portiuncula, imo
saepae non nisi anterior ejus paries, in diverticulum quasi expansus, vel etiam
appendicula quaedam (c) prolabi circa femur solet. Intestinis hac via repositis, ea-
dem ratione ut post bubonocelen operationem quam exactissime deligari vul-
nus illud oportet. Sic enim feliciter admodum atque celeriter glutinare pla-
gam istam licebit.

V I.

Si qua autem forte major intestinorum pars ex abdomine prorupit; si cum
partibus proximis intestina prolapsa coaluerunt; si pus vel humores putridi in sac-
co percipiuntur; si denique alia forte res quaecunque impedit, quo minus sine sac-
culi incisione refundi commode intestina foras devoluta queant; vel malum jam diu
duravit, ut intestina corrupta sint; incidere ante omnia sacculum, imo & liga-
mentum illud, sive locum prolapsus quam cautissime, ut praecedenti Capite mo-
nuimus; deinde si ea adhuc sana & libera sunt, blande refundere, aut si vi-
cinis nexa, ea resolvere intestina oportebit: sed cum adhibita tamen prudentia, ne
qua forte vena vel arteria cruralis subiecta, aut intestinum simul concidatur, ne-
ve sic praesentissimo vitae periculo aeger exponatur (d). Quando vero omentum
vel intestinum vitiatum deprehenditur, eadem, ut praecedente Capite diximus,
ratione procedendum. Ceterum, si in hernia crurali sacculus comprehendi & a
vicinis blande diduci potest, filo robusto juxta arcum circumducto constrin-
gere, atque sic relictum praecavere possumus, qua de re prolixius Cap. seq. N.
XII.

C A.

(a) DRANIUS monet in Oper. Chir. p. 137. sub cute hic in sectione non reperiri tunicam cel-
lularem, sed aponeurosin fasciae latae, quae incidenda esset, antequam ad sacculum herniae
perveniamus.

(b) Cap. de peritoneo.

(c) Quales RUYCHIIUS varias delineavit Obs. Chirurg. in Museo Anatom. pag. 63. fig.
3. & Thesaur. Anatom. VII. Tab. 4. fig. 2. & 3. item LITTRIUS in Acad. Reg. Paris.

(d) GARENGEOT exemplum refert, ubi intestinum tam firmiter cum praedictis magnis
vasis coalitum erat, ut impossibile fuerit, illud sine horum laesione resolvere, artic. de her-
nia crurali; ideoque intestinum potius tunc incidendum esse existimat, quam banc arteriam vel
venam. Oper. Chir. T. I. p. 286. Verum intestinum cum vasis his cruralibus non nisi rupto
peritoneo concreescere potest, quia alias sacculus herniae interjectus est.

C A P V T CXIX.

*De intestino in scrotum devoluto sive hernia scroti :
speciatim de Enteroccele.*

I.

*Hernia
scroti,
quid, &
quotuplex
sit.*

HActenus de intestinis circa inguina ex abdomine prolapsis egimus. Per-
gendum nunc est ad ea vitiorum genera, quae in scroto sive circa tes-
ticulos suboriuntur. Atque ut planius omnia cognoscantur, haud abs re factu-
ri nobis videmur, si generatim prius, quid & quotuplex hoc partium natura-
lium vitium sit, indicaverimus; deinceps vero de singulis sigillatim exposue-
rimus. Scilicet unumquemvis scroti vel partium naturalium tumorem prae-
ter naturam, *herniam scroti*, sive *scrotalem* Medici communiter appellant, fe-
reque duplex illius genus constituunt, *veram* scilicet atque *spuriam* sive *falsam*.
Namque *veram* eandem vocant, quoties ab intestinis vel omento e ventre
aliquid, ut intestini vel omenti vel & vesicae in scrotum devolvitur; con-
tra vero *spuriam*, *falsam* sive apparentem, ubi vel testiculus vel vasa sperma-
tica ab intus haerentibus humoribus intumescunt, vel humor aliquis praeter naturam,
vel aër sive flatus, vel hujus generis alia materia modo dictam corporis partem justo
amplius distendit. Sub his, quasi generibus complures herniae scrotalis spe-
cies comprehenduntur; quae, pro materiae peccantis atque scrotum distendentis
diversitate, diversimode & finiuntur & denominantur. Namque ubi intestinum
per processus peritonaei in scrotum devolutum est, *enterocelen*, sive *herniam*
intestinorum; si omentum prolapsum est, *epiplocelen*, noxam illam, suscepto a
Graecis vocabulo, & Latine *herniam omenti*; sed si vesica, *herniam vesicae*
Medici nuncupant. Ubi vero ab humoribus alienis, & nominatim sero sive
aqua scrotum distenditur, *hydrocele* hinc nascitur; si a sanguine, *haematoccele*;
si idem fit ab aëre sive flatibus, *pneumatoccele*; si a pinguedine *liparoccele*. Porro
si testiculus aliquis ultra quam naturaliter decebat, increscit durescitque, *sar-
cocelen* Medici subortam esse judicant. Denique ubi *venae spermaticae* nimis
intumescunt; *hernia varicosa* sive *varicoccele* aut *cirsocele* infestare hominem perhi-
betur; & si abscessus in scroto nascitur, *hernia humoralis* a quibusdam appellatur.
Nonnunquam gemina ex his ipsis malis sibi mutuo sunt conjuncta: quae proinde, con-
nexis invicem nominibus, *entero*, *epiploccele*, *hydro-teroccele*, *hydro-sarcoccele*, vel,
pro re nata, aliter quoque vocari consueverunt. Interdum in altero scroti latere
adeft *hydrocele*, in altero *enteroccele*, ut nuperrime adhuc ejusmodi aegrum vidi,
atque sic etiam cum reliquis quandoque fit. Singulorum autem quae natura sit
atque indoles, sigillatim atque ordine nunc curatius erit explicandum.

De enteroccele.

II.

*Enteroccele
quid sit.*

Atque *enteroccele* in scroto quidem in Scholis Medicorum appellatur istiusmodi
tu-

tumor, qui potissimum ab intestinis & deinde etiam omento imo & mesenterio, praesertim in majoribus, per muscutorum abdominis annulum & peritonaei processus in scrotum devolutis, nascitur (*Vid. Tab. XXV. fig. 3. A. B.*). Solent hanc ipsam nonnulli etiam *oscheocelen*, imo & *herniam perfectam* vocare, atque *sic a bubonocèle*, quasi *hernia* quadam *imperfectiori* & ad scrotum usque se non extendente, distinguere. Oritur autem *hujusmodi vitium*, ubi vel peritonaeum una cum ipso muscutorum foramine sive annulo, ut vocant, usque adeo vehementer expanditur & ab intestinis protruditur, ut peritonaeum, quasi *saccus aliquis*, *propendere in scrotum valeat*, unde etiam saccus herniae recentioribus vocari solet: (*vid. Tab. XXV. fig. 4. D.*) vel &, ubi peritonaeum quod hiatum istum naturaliter intus praeccludit, per adhibitam vim quandam insolentem ita *disrumpitur*, ut per eundem atque peritonaei processum propelli intestina in scrotum usque possint. Quod ipsum tamen posterius non adeo frequenter quam prius accidere, experientia magistra, discimus. Interim *disrumpi aliquando peritonaeum*, per insignem violentiam aliquam, subito atque cum doloribus, posse, AEGINETA, Graecus Medicus, jam tum notavit (a), alique supra Cap. de bubonocèle citati, se hoc vidisse scribunt. Si *qua enim ex nimia peritonaei distensione hernia* oritur, tum eadem *non nisi pedetentim* atque sine doloribus innascitur. Fere semper autem non nisi latus alterutrum, nonnunquam tamen utrumque hi ramices infestant. Ut plurimum etiam intestina sola prolabantur saepe, vero etiam una cum omento.

I I I.

Si ad *enteroceles causas remotas* respexeris, tum ipsa perinde ac bubonocèle *Enterocèles* & omphalocèle *a vi externa*, ut plurimum, ut a lapsu quodam graviore, vel *causae & signa.* a saltu fortiori, vel ab ictu, vel & a vehementiori in movendis aut attolendis corporibus nisu, vel denique a vomitu aut tussi violenta, vel sternutatione; atque id quidem, pro diversa causarum indole, nunc subito, nunc sensim & quasi sine sensu nascitur. Attamen etiam *naturalis quaedam debilitas peritonaei* multum hic facit. *Principio exiguus plerumque tumor* circa *superiorem pudendorum partem* sese ostendit; qui tamen, nisi principio id impediatur, magis magisque paulatim, nunc tamen citius nunc tardius, descendit, sic tamen ut *testiculus lateris laesi juxta hunc tumorem digitis percipi queat*, atque sensim insigniter quandoque ita increscit, ut scrotum ad medium femur vel quandoque ad genua usque ab intestinis prolapsis distentum reperiatur (b). Porro *enteroceles signa*, praeter jam indicata, eadem propemodum sunt cum iis, quae ad cognoscendam bubonocelen supra recensuimus. Nempe tumor aliquis praeter naturam circa partes naturales, & speciatim hic *in scroto*, *vesicae inflatae* ad tactum fere similis, atque ab annulo musculi abdominis in scrotum usque se extendens, suboritur, juxta quem testiculi tactu plerumque percipi possunt (c): qui quidem, ubi malum nondum nimis invaluit & sine inflama-

(a) Lib. VI. Cap. 65.

(b) Conf. MEERKRENTUM in *Observ. Chirurg.* pag. 362: aliosque, atque ipse aliquot valde ingentes vidi.

(c) Rarissime contingit, quod GARENGEOT. scribit, *testiculum intestinis immersum esse*, ut percipi nequeat, quia peculiari involacro continetur. Tom. I. p. 320. edit. II.

matione est, modo minuitur, modo increfcit; praefertim autem ubi homines aegri fupini jacent, vel fua fponfe ex fcroto in abdomen retrocedit, vel faltem decrefcit, atque tunc fere fine dolore eft; vel per injectas manus verfus inguina, quin & in ipfum ventrem & quidem plerumque cum fono five murmure quodam deprimi poteft; manibus autem retractis, vel aegris etiam furgentibus, denuo, & fubinde etiam cum quodam quali murmure, revertitur. Ita etiam fub clamore, tuffi, & fatietate, & fi fub aliquo pondere is homo nixus eft, crefcit. Frigore contrahitur, calore diffunditur. Nonnunquam vero *intestina in fcrotum devoluta*; vel inflammantur, vel *stercore accepto vastius tument*, vel *cum partibus proximis coalescunt*: adeoque tunc per adhibitam manum nequitiam retro compelli eadem in ventrem poffunt (a). Tumore compreffo, *intestinum aliquod inflatum*, nec non annulorum, qui funt *in mufculis abdominis*, tumorem, eundemque nunc crefcentem, nunc decrefcientem, nonnunquam etiam murmur aliquod perfentifcimus. Simulatque igitur ab aegro compelli tumorem iftiusmodi aliquando in ventrem potuiffe, intelligimus, veram enterocelen quandam fubefle, eo certius colligimus. Neque vero tumor folum praeter naturam, fed ipfi fimul *testiculi ut plurimum fentiuntur*: fiquidem hoc praefertim indicio a *pneumatocele* atque *hydrocele* difcerni confuevit. Homines hernia ejufmodi laborantes interdum ob cauffas modo indicatas tormina, doloresque, colicis haud abfimiles nunc leviores nunc vehementiores, in fcroto, inguinibus & abdomine fentiunt: aliqui *naufea etiam vomitibusque* nonnunquam exercentur. Quoties ab infigni violentia quadam & fubito tumor ille nafcitur, ufque adeo anguftus adhuc efle mufculorum abdominis annulus fuevit, ut refundi faepe per illum *intestina* prorfus nequeant. Igitur abefle vix poteft, quin hernia quaedam, pejoris moris, quam *incarceratam* vel & *captivam* vocant, hinc proveniat: quemadmodum in *bubonocèle* atque *omphalocèle* jam propofuimus.

I V.

Pregnoſis. Tametſi autem obſervatum eſt, *enterocelen*, faltem a quibusdam hominibus, imo vero ab ipsis quandoque mulieribus gravidis, citra notabiles moleſtias aut noxas tolerari poſſe, tamen crefcere ut plurimum moleſtiae cum ipſo tumore & tempore ſolent, ita ut ad labores fortiores inepti fiant; quin &, niſi apto quodam vinculo five ſubligaculo homines inſtructi ſint, maximum utique ſemper periculum eſt, ne forte a frigore, faltu, niſu, tuffi, ſternutatione, clamoribus, cibo quodam flatulento, vomitu, lapſu, ira, ceteriſque id genus cauffis, mirum quantum faepe levibus, major ſubinde inteſtinorum pars vi quaſi ex abdomine proruat, atque *incarceratam herniam* una cum noxis ceteris ſupra jam Cap. de *omphalocèle* & *bubonocèle* commemoratis, doloribus nimirum acutiſſimis, vomitu, item atque *iliaca paſſione*, ipſius denique mortis praefentiſſimo periculo inducat. Si qui vero *enterocèle* laborantes idoneo quodam ſubligaculo five vinculo quam diligentiffime feſe velut muniunt, atque a gravioribus quibuſcunque commotionibus abſtinent, hi certe, ſi juniores, his perfecte rurfus plerumque curantur; vel ſi adulti aut ſenes, horum ope non curantur, attamen gravius malum impeditur eis, atque, experientia teſte, non minus diuturnam, quam alii ho-

(a) Vid. CYPRIANI Epiftola de foetu &c. p. 85.

homines, neque minus sanam degere vitam quandoque valent, si ceterum modo sani sunt. Denique etiam sciendum eos ut plurimum minus periclitari, ubi intestina simul cum omento procidunt, quam si ea sola sunt. *Inveterata* denique hernia semper difficilius quam recens, aut saepius prorsus non curari potest. Saepius tamen etiam hernia magna scroti facilius quam parva in inguine reponi potest. Denique etiam sciendum, quod *herniae diu ope vincturae in ventre detentae*, si aliquando vi rursus protruduntur, ob annuli angustiam difficillime & vix refundi possint & facile *incarceratae fiant*. Plura in Prognosi bubonocoeles supra videri possunt.

V.

Si itaque *hernia nova & nondum incarcerata est*, vel ubi *nondum interclusa in testina sunt*, neque cum partibus externis concreta, id ante omnia propositum sibi Medicus habeat, prout in bubonocoele jam dixi Cap. XVI. §. VI. ut quicquid intestinorum aut omenti prolapsum est, non solum in pristinam sedem restituat, cumprimis vero ut in paullo majori hernia minister aliquis scrotum sustineat ac elevet, Chirurgus vero blanda pressione & motitatione prolapsa repellat, ac deinceps ea firmiter quoque inibi contineat; quin imo, si fieri potest, locum procidentiae abdominis distentum rursus glutinet, seu potius multum coarctet, ut intestina prolabi nequeant (a). Reductio intestinorum etiam quandoque melius succedit, si aeger lateri sano incumbere jubetur. Glutinari autem, vel saltem coarctari, repositis intestinis, abdominis foramen illud, quemadmodum supra jam tum in bubonocoele diximus, duplici potissimum ratione potest; *vinctura* scilicet sive fascia aut vinculo, vel *sectione*, quam *κελτομία* vulgo, imo & *castrationem* nuncupant, quia testiculus plerumque in hac sectione exscindi solet. Quam enim nonnulli jactitant, vel tentant per unguenta, vel emplastra, vel alia quaecunque medicamenta sine vinctura, vel per *transplantationem*, vel per *sympathiam* denique hernias curandi artem, haec inanis utique plerumque vel saltem valde incerta, imo saepe superstitiosa est. Primum igitur hernias recentes ac nondum incarceratas curandi artificium praecipue positum est in idoneo vinculo sive vinctura (de quibus mox plura) & emplastro quodam glutinante ad hernias, qualia ad bubonocelen Cap. CXVI N. VI. & Tab. XXV. indicavimus: siquidem hujus beneficio, quemadmodum egomet saepius sum expertus, non juniores tantum atque parvuli fere omnes, sed quandoque adulti etiam, si scilicet novum adhuc malum vel saltem exiguum est, quam felicissime liberari ab his herniis possunt, praesertim si idonea remedia interna & externa, roborantia scilicet, & carminativa, una cum apta victus ratione accedant (b). Si qui vero aegri natu grandiores fuerint, vel hernia inveterata & cumprimis magna,

Curatio enterocoeles quo spectet.

(a) Sunt qui asseverant, foramen hoc nunquam prorsus glutinari, sed solum coarctari: id quod pluribus observationibus uberius erit indagandum.

(b) Circa finem superioris seculi in Gallia aliquis, qui Prior de Cabrier (*Prieur de Cabrier*) appellabatur, jactabat, se medicamentum arcanum possidere, quo omnes herniosi curari possent sine vinculo & sectione. Rex Galliae LUDOVICUS XIV. illud etiam magna pecuniae vi ab ipso redimebat, atque in usum horum aegrorum publici juris fieri curabat: quod consistebat in spiritu salis, qui certa quantitate cum vino rubro quotidie per aliquod tempus erat assumendus. Vid. VERDUC Lib. de fasciis p. 240. VALENTINI Polychrest. exot. p. 89. DIONIS Chir. cap. de herniis: quod vero sine vinctura desideratum effectum non praestat.

gna, neque facile reponenda, tum in his levare saltem *malum istud per vincturam poterit*, sicut modo N. IV. diximus. E contrario si adhuc refundi possunt, DRANIUS modum describit (a) quo etiam hae herniae adhuc curari possunt.

V I.

De κελτο-
μια agyr-
torum sive
castratione
quid sta-
tuendum.

Quae quum ita sint, non possum ego non graviter reprehendere, imo vero cum salutaris artis doctoribus cordatis quibusque fere damnare pessimam illorum medendi rationem, qui, communi histrionum fere omnium more, id sibi datum in curandis hisce herniis opinantur, ut parvulis non minus & juvenibus, quam aetate proventis testiculum excidant, eosque sic, ut vulgo dicunt, *castrent*, demta parte ad generationem adeo necessaria, peritonaei processu ac vasis spermaticis antea deligatis (b): cum tamen longe tutius mitiusque tractare homines ejusmodi miseros deceret liceretque. Tantum enim abest, ut salutariter semper adhiberi scalpellum in istiusmodi casibus queat, ut aegri potius methodo ejusmodi hominibus usitata, intensissimis cruciatibus exerceantur, quin & in praesentissimum vitae periculum praeter necessitatem saepe adducantur; a pristini autem vitii metu saepissime haudquaquam liberentur. Neque vero dubium est, quin aegri, aut horum saltem necessarii, perniciosissimos istiusmodi Chirurgos, licet optima quaeque polliceantur, *cane pejus & angue fugerent*, siquidem illis constaret, universam histrionum artem non nisi lucro faciendo accommodatam esse; rationis autem ac prudentiae prorsus expertem, adeoque ex ineris plerumque fraudibus compositam. Nihil igitur neque ab officio suo, neque ab humani generis salute alienum magistratus atque principes facerent, quemadmodum etiam in quibusdam locis fieri solet, si publicis mandatis prohiberent, ne Chirurgis multo minus circumforaneis absque Medicorum prudentiorum consilio & consensu temere difficillimum, noxium atque periculosum istud curationis genus in hoc morbo tentare unquam liceret. Aut enim prorsus ego fallor, aut egregiam & temeritatem & crudelitatem ostendunt, quicumque istiusmodi curationis viam ingrediuntur, quae partim cum intensissimis cruciatibus & jactura testiculi atque ipsius vitae periculo, partim etiam cum perpetuo veteris noxae metu conjuncta esse deprehenditur. Namque haud prorsus infrequentes ejusmodi casus esse, ubi, post adhibitam κελτομίαν istam denuo intestinum una cum interiore abdominis tunica prolapsum est, adeoque & hernia rediit, non CELSI (c) tantum atque CYPRIANI (d), Chirurgi apud Batavos merito suo quondam nobilissimi, auctoritate, sed & vel maxime ipso rerum usu ego didici. Praestat igitur, quemadmodum supra jam tum monui, *vinctura*, vinculis sive subligaculis, quam castratione sive scalpello enterocoele reponenda, vexatis hominibus succurrere, nisi forte ubi hernia his intus contineri nequeat, aut aeger molestiam vinculorum diutius

(a) In Operat. suis Chirurgicis p. 113. & 114.

(b) Talis mos adhuc erat HILDANI & FABR. ab AQUAPENDENTE temporibus. Ex sectione vero & ligatura horum vasorum in hernia saevissima symptomata, convulsiones & mortem notavit PLATERUS in Mantul. Observ. select. Obs. V. (forte tamen intestinum simul ligatum fuit), nam alias non facile a ligatura vasorum spermaticorum sola ejusmodi mala sequuntur, ut testari potest frequens castratio tam in his herniis, quam etiam in sarcocele.

(c) Medicin. Lib. VII. cap. XX. p. m. 465. edit. Almelov.

(d) Epist. de foetu pag. 87.

tius ferre nolit; ubi vero non vulgari illi, sed recenti & securiori modo, qui §. XII. describitur, se potius submittant, suadeo: Conferri circa hanc rem uberius hic potest dissertatio nostra de Kelotomiae abusu tollendo, Helmsta-dii An. 1728. edita (a).

V.

Quandoquidem ad *enteroceles* & *epiploceles* curationem *subligacula* imprimis at- ^{Subligacula} ^{la quali} ^{esse debe-} ^{ant.} *que vincituram* commendavimus, haud abs re fuerit, tum qualiter ea compara- *ta esse*, tum etiam, quomodo applicari eadem debeant, breviter hic declarare. Praes- tantissima enimvero subligacula generatim ea sunt, quae ventris plagam sive *procidenciae locum* ita continent, ut nullum inde prolabi intestinum aut omentum valeat. Quod ipsum equidem fieri tum demum commode potest, ubi eadem aegrotantis cujusque corpori diligentissime adaptantur. Laudabilis utique hac in parte recentium Chirurgorum industria videtur, qua varias admodum, & has quidem insigniter commodas, nec tantum alterutrius, sed & utriusque lateris ramici sanandae idoneas vinculorum sive fasciarum istiusmodi formas excogitarunt, atque hinc inde in scriptis suis delinearunt. Nos equidem *Tab. XXV. figg. 5. 6. 7. 8. 9. 10. 11. 12. 13. 14. 15.* illas designavimus, quae, mea quidem sententia, commodissime adhiberi prae ceteris possunt (b). Ne- que vero una semper eademque materia conficiendis fasciis & vinculis his inservit. Parvulis enim sive junioribus curandis aptissima sunt, quae vel ex linamento quodam densiori, vel ex panno xylino, gossypio intus inserto, fiunt, vel etiam ex corio molliori. Robustioribus autem illae conveniunt, quae vel ex corio for- tiori, vel ex ferro etiam apte parantur. Subligaculis istis cum emplastro quodam glutinoso diligenter instar cinguli circum corpus deligatis, non intestina solum re- primuntur, atque peritonaei sacculus & annulus comprimuntur, sed ipsae quo- que tunicae inter se nonnunquam vel glutinantur, vel saltem ita coarctantur, ut intestina prolabi rursus nequeant. Interim satis diu, & per semestre saltem spa- tium, gestare vincituram istam convenit, parcissima victus ratione semper adhibita; saltu autem, equitatione, atque id genus aliis corporis commotionibus vehementio- ribus solerter evitatis, medicamentis denique leniter alvum ducentibus inter- positis ceteris diebus roborantibus identidem assumtis; ne intestina vehemen- tius, quam decebat, inflata denuo per abdominis musculos prorumpant. Cu- ratione etiam in modum, quem jam jam praescripsimus, instituta, feliciter ut plurimum, ut jam diximus N. IV. & V. ii sanescunt, qui vicesimum aetatis annum nondum attigerunt. Tametsi neque aliis etiam, qui aut vicesimum, aut tricesimum aetatis annum jam tum superarunt, de perfecta sanitate pror- sus desperandum sit; dummodo recens adhuc malum fuerit, celerrimamque prudens Medicus aliquis opem attulerit.

VIII.

(a) Putant quidem nonnulli eos, qui altero testiculo privati sunt, ad generationem ineptos esse; verum hoc falsum esse ex diversis exemplis certe cognovi: attamen duobus testiculis rem felicius succedere extra dubium videtur, quemadmodum duobus oculis melius & com- modius videmus quam unico.

(b) Aliud adque novum ejusmodi cingulum, idque elasticum in Act. Acad. Chirurg. Tom. I. p. 697 delineatur atque describitur.

Pars II.

F f f f f

VIII.

Κελοτομία
quid.

Alterum enteroceles curandae artificium situm est in κελοτομία, sive in sectione per scalpellum, qua agyrtae, ut dictum est, saepissime utuntur, eaque cum testiculi jactura sive extirpatione. Quae ipsa equidem tametsi propter 1) ingentes cruciatus, & 2) maximum vitae periculum, & 3) irreparabilem testiculi jacturam, & 4) continuum denique pristini vitii metum, non usque adeo facile suscipi, praesertim si juniores adhuc aegri sint, a prudentioribus Medicis soleat; suscipi tamen omnino potest vel debet sectio aliqua herniae, quoties vel intestina reponi nequeunt, vel vinctura aliave remedia nihil proficiunt, dum scilicet intestina prolapsa vel cum scroto, vel cum processu peritonaei sic coaluerunt, ut nulla ratione in ventrem compelli queant; sed a gerendo munere hominem aegrum plane detineant, certissimamque incarceratae herniae calamitatem minentur. Solet autem a Chirurgis circumforaneis sive celotomicis, ad ductum veterum (a), licet etiam nondum partibus proximis intestina adhaerescant & refundi queant, tam in infantibus & pueris sive adolescentibus, quam senibus hunc in modum operatio ista institui.

IX.

Quomodo
ab agyrtis
instituitur.

Aeger, corpore resupinato, depressio capite, atque coxis erectioribus, super mensa deponitur, firmiterque vel per injecta vincula constringitur; (vid. SCULTET. Tab. XXXVIII.) vel quoad caput, manus atque pedes singulos a robustis quibusdam hominibus continetur, ut ne qua vertere sese aut movere idem valeat. Deinde Chirurgus intestina prolapsa retro in abdomen compellit, ministroque, ut firmiter per impositam manum abdominis foramen sive annulum istum comprehendat, imperat. Tum superior atque a latere posita scroti pars diligenter eo modo sursum adducta, quem supra in bubonocèles curatione, imo & in fonticulis & setaceis excitandis commendavimus, una cum subjecta pinguedine ad tres quatuorve digitos, pro diversa scilicet corporis magnitudine secundum longitudinem inciditur. Peritonaei processum hac ratione detectum una cum testiculo digiti subsidio a partibus propinquis Chirurgus separat, eundemque, non sine maximis licet aegrorum cruciatibus, escroto evellit. Mox peritonaei processum istum, quantum quidem satis est protrahit, firmiterque per injectum vinculum quoddam sericum aut lineum, qualiter nempe fieri in tuberculorum extirpatione sive curatione solet, circa partem superiorem constringit: comprehensus simul, ne, scalpello admoto, sanguis profluat, venis atque arteriis feminalibus. Vel ut alii hoc facere solent, processum peritonaei a vicinis partibus digitis separant, eumque antequam, testiculum extrahant, funiculo ligant, ac demum ligatura peracta, testiculum e scroto evellunt, eum vero mox altera manu, ut adstantes & cumprimis necessarii id non videant, occultant, & postea quicquid vinctum est una cum testiculo digiti spatio infra vinculum relicto, quam celerrime rescindunt, testiculum clam seponunt, ipsamque plagam istam linamentis replent, emplastro & splenio superimpositis, atque per adhibitam fasciam deligant; aegrum autem, his ita peractis, quasi suis testiculis adhuc instructus esset, lecto imponendum

cu-

(a) Vid. PAULUS Lib. VI. cap. 65.

curant (a). Per singulos dies insequentes semel *vinctura*, sive *deligatio*, ovarum, hyperici, sive hujus generis alio quodam oleo vulnerario adhibito, *innovatur*; donec vinculum, quo processus peritonaei una cum vasis spermaticis ligatus erat, sua sponte resolutum decidat: quod ipsum equidem post quintum sextumve aut septimum plerumque diem fieri consuevit. *Vinculo extracto*, vulnus iisdem medicamentis balsamicis glutinatur, atque sic integrum curationis negotium absolvitur. Interim continua aegris per duodecim vel quatuordecim dies a *prudenteribus agyrtis imperari quies solet*; victus autem ratio fere eadem praescribi, quae post graviores aut vulnerationes, aut operationes Chirurgicas praecipitur. Atque haec fieri tamdiu debent, donec aegri vel emoriantur, vel sanescant. Ceterum usus docuit, aegrorum non paucos, simulatque ipsi ferrum experti sunt, febre, spasmis, atque nervorum distensionibus vexari; praesertim si non satis provide ac blande, sed rudius Chirurgus in opere versatus est, vel victus quoque ratio neglecta: ceteros autem noxam semel curatam denuo nonnunquam sentire. Quidam ex Chirurgis, praesertim Itali, olim alia adhuc curatio, ceu ex FABRICII AB AQUAPENDENTE, ut & SCULTETI scriptis liquet, paulo aliam, sed tamen cum gravioribus miseri hominis cruciatibus conjunctam operandi viam ingrediuntur. Prius enim, quam peritonaei processum vinciant, acum aliquam grandem cum filo cerato crassiori per eundem trajiciunt, deinde eum ligant, excisoque dein testiculo, ferro candenti plagam vasorum spermaticorum adurunt.

X.

Tertia, eademque minus cruenta enterocelen curandi ratio, punctura sive sec- Enterocelen
per filum
vel punctu-
ram aure-
am curatio.
tio aurea communiter appellari solita, atque a PARAEO (b) & GEIGERO (c) descripta, eum praecipue in finem a Chirurgis excogitata videtur, ne in curatione herniae per scalpellum testiculi jacturam facere, neve alias hinc provenientes noxas sentire homines miseri cogantur. Solet autem hoc fere modo curatio illa institui. Peritonaei processus resupinato aegro, depressisque intestinis, quemadmodum supra indicavimus, facta per scalpellum plaga, detegitur atque filo quodam aureo tenui circa superiorem processus peritonaei partem muscutorumque anulum cingitur; ipso interim testiculo in naturali sede sua relicto, neque, prout fieri alias solet, extracto. Filum aureum circumdatum leniter per adhibitam tenaculam vel forcipem circa processum peritonaei ita contorquetur, ut vasa quidem seminalia a compressione libera servantur; processus vero peritonaei ita angustetur, ne intestina descendere in scrotum possint. Sed parum tamen commodus, meo quidem aliorumque quamplurimorum judicio, iste operandi modus videtur. Namque ubi minus angusta haec per filum aureum vinctura est, quam facillimo negotio intestina pondere suo ipsam depri-
munt: ubi vero paulo arctius eadem constringitur, vasa spermatica simul constringantur, atque proin testiculus corrumpatur, necesse est. Ut nihil nunc
de

(a) Nonnulli magna acu filum duplex robustum trahente processum peritonaei perforant, festaque ansa quatuor principia faciunt, eumque ex utraque parte ligant. PAULUS loco modo citato.

(b) Oper. Chirurg. Lib. VII. cap. 16.

(c) Lib. de herniis.

de eo dicam, difficulter admodum, in hac curandi ratione, factam in inguine plagam glutinari, sed *fere semper fistulam aliquam*, e continua partium incisarum a filo aureo irritatione, *reliquam manere*. Itaque mirum non est, quod prudentiores quique Medici, his quoque ramicis curandae artificiis neglectis, a *cingulis, vinculis sive fasciis*, sanitatis praesidia quaerant; quamdiu scilicet compelli adhuc intestina prolapsa possunt.

X. I.

Methodus
JOANNIS
PAR-
VI, ope
rodentis.

In Anglia haud pridem Medicus quidam, cui nomen LITTLE JOHN (id est, *Joannes Parvus*) novam hernias ejusmodi sine scalpello curandi methodum publicavit, quam Cel. Chirurgus Londinensis, Jo. DOUGLAS, *mecum quondam communicavit*, quae in sequentibus consistit. Intestina scilicet in ventrem prius sunt repellenda: postea rodens medicamentum, inter quae Auctor *oleum vitrioli fortissimum* (a) prae ceteris commendat, ei loco, ubi intestina e ventre prolabantur, supra os pubis diligenter illinit, idque ea copia, quae brevi tempore cutem penetrare potest. Nam quo profundior inde excitetur eschara, eo meliorem effectum & utilitatem inde esse expectandum. Atque hanc ob causam *per biduum vel triduum hoc negotium iterandum praecepit*, ut tanto melius cutem erodat, incisa vero semper prius scalpello crusta, ut oleum vitrioli tanto melius penetrare queat. Escharam *emplastro PARACELSI & oxycroceo*, aequalibus partibus mixtis & corio inductis, itemque spleniis contegit & fascia firmat, illudque emplastrum solum tam ad crustam separandam, quam ad ulcus curandum sufficere asseverat. Quodsi forte *caro spongiosa excreveret*, illam *lapide infernali exedendam esse docet*. Curationis tempore aeger tenuem servet dietam, atque strenue conquiescat, donec vulnus iterum glutinatum sit. *Glutinatione facta emplastrum ad hernias cicatrici imponit*, illudque idoneo vinculo firmat, quod tamdiu gestandum ab aegro, donec *cicatrix satis firma facta sit*, quae novum relapsum impedire valeat. GEORGIUS I. Rex Magnae Britanniae, gloriosissimae memoriae, pro arcano hoc revelando ex summa regia, qua erat, liberalitate, *quinque mille libras Anglicanas*, quae *viginti quatuor fere mille nummos imperiales efficiunt*, Auctori solvi jussit, & 500 libras redituum singulis annis (b). Interea tamen paulo post jam a nonnullis Anglis rursus contemni coepit. Vid. HOUSTOUNI liber, qui inscribitur *Historia rupturarum sive herniarum*, & DOUGLASII Syllabus Operationum Chirurgicarum, ambo Anglice conscripti.

X I. I.

Alia adhuc
nova ratio.

SERMESIIUS, Medicus Amstelodamensis & a longo tempore jam mihi amicus, in libello suo de Lithotomia, Belgica lingua, An. 1726, Trajecti ad Rhe-

(a) HILDANUS in Oper. pag. 915. refert, *empiricum suo tempore hernias sine castratione atque oleo quodam chemico curare voluisse. Sed ipsum maximis doloribus aegros affecisse, & tamen eos non curasse*. Forte hoc oleum quoque oleum vitrioli fuit, aliudve simile, quod empiricus ille pro arcano celaverat. Ita etiam PARAEUS jam Lib. VII. cap. 16 alique usum rodentium in cura herniarum commendarunt; verum ob periculum inde facile metuentum a plerisque rejecta sunt.

(b) Vid. Houston of Ruptures p. 73.

Rhenum edito, pag. 209, *aliam eamque longe meliorem hernias sine jactura testiculi curandi rationem describit: quam quidem se non invenisse lubens ipse fateatur*, verum ab aliis, qui hanc curandi rationem apud Russos oculis suis saepe viderint, eam didicisse tradit. „ *Nimirum Chirurgus quidam inter Russos ejusmodi aegros scamno vel mensae supinos imponebat*, eos ope aliquot robustorum hominum firmabat; postea in inguine scalpello plagam directam eamque satis longam faciebat, sicut alias in celotomia fieri solet, processum peritonaei quaerebat, eum scalpello prudenter aperiebat, ibique *herniae saccum*, in quo intestina continentur, caute investigabat. Vid. Tab. XXV. fig. 4. D. Inven- to sacco, intestinisque in ventrem compulsis (a), *saccum hunc (sine dubio a partibus quibus nequitur, prius solutum) paulo vehementius e vulnere extrahebat*, eum prope musculos abdominis, quantum fieri potest, *litt. B B.* filo robusto con- stringebat, *filumque e vulnere propendere sinebat: vulnus, ut §. IX dictum est, deligabat, donec filum sponte caderet & vulnus glutinatum esset: hacque ra- tione ipsum multos ejusmodi aegros sine testiculi aut vasorum spermaticorum laesione perfecte curasse, & nullum eorum, sicut sancte asseverarunt, mortuum esse.* Atque hanc hernias curandi rationem SERMESIUS cum primis longe *utilissi- mam esse censet in adultis, ubi intestina ope vinculorum in ventre contineri non pos- sent*, & tamen ob ejusmodi hernias multas molestias & incommoda perferre cogerentur.

Aliquamdiu post accepi dissertationem quondam ab Helvetio, cui FREITAGII nomen est, quam Argentorati jam A. 1721 in qua ipsissimam hanc methodum, tanquam Parenti suo (qui Chirurgus erat Tigurinus, & quidem No- focomii ibidem, quique a MURALTO, cel. Medico Tigurino in scriptis suis valde laudatur) familiarem descripsit, atque refert, eam ab hoc saepius felici- ter ita institutam esse, sicut a SERMESIO describitur: hac solum cum differentia, quod ille saccum, antequam eum filo constrinxerit, acu filum trahente prius perforaverit, ac deinde demum ligaverit, quae cautio propte- rea ne ligatura facile decidat, utilissima & haud parvi est momenti, cum sine hac hoc saepius factum est. Ex quibus manifestum esse mihi videtur, hunc FREITAGIUM primum esse, qui hanc hernias intestinales secandi viam ple- ne descripsit. Post hos vero duos A. 1730. Kiliae in Holsatia Jo. Henric. SCHUCKMANNUS dissertationem quoque, Praeside WALDSCHMIDIO promulgavit, qua hanc quoque curandi rationem, quamvis eam neque viderit neque exercuerit, describit & valde commendat, atque egregias curandi cautiones suppeditat (b). Postea A. 1738 Zachar. VOGELIUS, egregius Chi- rurgus Lubecensis, peculiarem libellum *de herniis* vernacula lingua edidit; quem potissimum eam ob causam edidisse videtur, ut novam hanc hernias curandi viam, quam se paucos ante annos Berolini a SENFFIO, primario quondam Nosocomii Berolinensis Chirurgo, feliciter peractam viderit; attamen non dicit, quod SENFFIUS ejus inventor fuerit, neque ubi vel unde eam didicerit. Hunc libellum Auctor A. 1746. iterum eumque auctiorem edi- dit.

(a) *Intestinis ante sectionem repositis, saccus concidit, & difficillime postea reperiri aut separari a vicinis potest.*

(b) *Titulo de Kelotomiae absque castratione instituendae nova methodo.*

dit, in quo non solum idem affirmat, verum etiam quod hunc curandi modum ipse quoque interea bono cum successu perfecit. Cl. GUNZIUS in libro de herniis Lipsiae 1744. in 4. edito, hanc methodum *Senffianam* p. 47. appellat, & pag. 48. de SENFFIO, quod, ut hernia tuto sanari possit, *diligandum saccum resecandumque esse*, proposuerit, eique sic inventionis gloriam tribuere videtur. Verum primo Gunzius non dicit, *ubi vel quo in libro ille hoc proposuerit*, dum nihil, quantum novi, publici juris fecit, sicut, quod hic de eo dixit, non probaverit. Deinde *neque tempus ostendit*, quando eam curandi viam proposuerit: ita ut inde utrum ante an post FREITAGIUM & SERMESIUM, (quos silentio GUNZIUS, nescio quam ob causam, prorsus praetermisit) hoc fecerit, haud dijudicari queat. Si post hos, non posse dici methodum *Senffianam* palam est; quod vero SENFFIUS, quem probe novi, & cum quo Berolini 1728. aliquoties locutus sum, non ante hos hac de re aliquid proposuerit, inde mihi manifestum esse videtur, quia tunc adhuc fatis juvenis erat, & demum circa annum 1730. Berolini, quo extructum hic fuerat Nosocomium Regium, inclarescere coepit, & in Cl. ELLERI Observationibus Chirurgicis Berolini eodem anno Germanice editis, nihil adhuc de hac hernias curandi ratione, licet alias a SENFFIO ibidem peractas operationes notatu digniores referat, reperire potui. Qua igitur ratione hoc probare velit haud perspicio, cum meae relatae Observationes tempore priores sint, quam SENFFIUS ejusmodi curationes perfecit, patetque potius ex meis relationibus FREITAGIUM filium, primum esse, qui eam scripto perspicue publicavit, Anno nimirum 1721. Quamdiu vero parens hujus eam antea jam exercuit, mihi haud certe constat. Relatum mihi quoque est illum Chirurgum, qui in Russia hanc curandi viam, ut SERMESIUS refert, tunc saepe exercuit, Helvetium etiam fuisse. Utrum forte hic eam etiam a FREITAGIO didicerit, an ambo forte a tertio quodam & speciatim a praestantissimo illo Medico MURALTO, certe asseverare non possum, attamen verisimile est, MURALTUS enim hic, Helvetius quoque, in scriptis suis Chirurgicis Germanice 1711. Basil. 8. editis. pag. 692. & seq. aliquot observationes describit, ubi FREITAGIUS pater Tiguri *aliquot hernias incarceratas* sectione, sed semper cum testiculi extirpatione, quarum duae A. 1707. & una 1709. MURALTO praesente, perfecerat; circa quartum vero p. 697 monet, quod Chirurgus, FREITAGIUS scilicet, *potuisset saccum solum separare & ligare*, ita ut inde pateat, MURALTUM hanc curandi viam plane cognovisse & forte FREITAGIUM hujus monitu ab hoc tempore hanc operationem herniarum, tam liberarum quam incarceratarum, ubi hoc commode fieri potuit, ita instituisse atque exercuisse: nam ratione temporis res est valde verosimilis, honoremque sic *inventionis & propagationis hujus methodi Helvetiis tribuendum esse* mihi videtur (a). Ceterum an haec methodus adeo bona & certa, ut ab his perhibetur,

ex-

(a) Interea tamen hanc curationis sine testiculi laesione speciem, licet PARAEUS obscure quaedam indicaverit Lib. VII. cap. 16 Fabric. ab AQUAPEND. in Operat Chirurg. primo p. m. 273. in fine cap. *de bubonocoele*, deinde ubi de *hernia intestinali* p. 274. agit, magis perspicue docuit, ita ut quid forte adhuc desiderari, ab Anatomes & Chirurgiae perito facile supplere potuerit. Nam postquam p. 274. de curandi modo, qui cum laesione vasorum feminis

sic

experientia prius bonorum Chirurgorum est confirmanda (a). Hoc saltem certissimum est, eam, si succedit, vulgari longe praeferendam esse, quia testiculus, una cum reliquis partibus sanis, conservatur. Num vero herniae post hunc curandi modum non aequae facile redeant, quam in vulgari modo, ubi hic saccus isque simul cum vasis spermaticis ligatur, experientiae quoque prius erit committendum. Nullam sane rationem video, quae magis hoc in hac, quam in vulgari methodo impedire queat. Idque eo magis metuendum erit, quando herniae magnae & inveteratae fuerunt, atque sic locus procidentiae valde ampliatus ac debilitatus fuit. Sicut nulli propterea hoc certe promittere vellem, & vinculi apti gestationem post hanc curationem saltem per aliquot menses his aegris valde proficuum esse censerem.

X I I I.

Nonnulli etiam pro testiculo conservando processum & vasa spermatica non ligant; sed repressis intestinis & omento annulum sive locum procidentiae una cum cute probe scarificant, & postea apte ac firmiter deligant, ut tanto fortior inde subsequatur cicatrix: atque sic multos herniis huiusmodi laborantes curatos fuisse asseverant, praesertim si diu satis postea idoneam fasciam sive vinculum gestant. Interea tamen hanc curationem quidam rejiciunt, quia, dum annulus sic conscinderetur, postea renixum hunc, qui prolapsum intestinorum & omenti impedire debet, tolli, sicque has partes postea facilius prorumpere & hernias concitare.

X I V.

Sicubi vero ita gravis enterocele quaedam in scroto inciderit, ut ob quamcunque causam retro compelli intestina prolapsa nequeant; cum primis primo, quando propterea id contingit, quod firmiter cum sacco peritoneaei cohaerescant, atque passionis iliacaе periculo hominem aegrum exponant; tum nihil omnia vincula sive subligacula proficiunt; quin potius dolorem, inflammationem, atque alia id genus mala perniciosissima vel concitant, vel augent, neque medicamenta aliquid proficiunt. Miserum igitur, sed unicum tamen auxilium est, si necessitas id exigit, miseros istiusmodi homines, ad avertendum praematurae mortis atque modo dictae passionis iliacaе (miserere vulgo vocatur) periculum, pristinaeque negotiis suis fungendi facultatem restituendam, scalpello subicere. Praestantior enim eandemque mitiorem enterocelen ejusmodi curandae artem nondum, quod ego sciam, salutaris artis professores excogitarunt. Ad operationem autem ubi veniendum est, aegro, ut supra jam dictum est, collocato, deoperiri ante omnia cutis atque pinguedo, superius jam tum propofita ratione, (n. 8. ut & Cap. CXVI. n. 2. & seq.) debent, donec scilicet peritoneaei

fit, locutus est, ait, secundus curandi modus, qui facultatem generandi non adimit, fit, facta sectione in cute per longitudinem totius vaginae dilatatae (ita saccum herniae mihi vocare videtur) praecipit, ut ope acus crassae & curvae, & robustum filum trabentis, vagina haec dilatata sutura (hoc est ligatura) ita ligetur, ut vasa seminis maneant integra, & postea tunica (& vulnus) sine extractione & laesione testiculi glutinetur.

(a) Mihi haecenus hac in re experimentum instituere non licuit, quia nostrates herniae sectiones quascunque valde averfantur, & vinculis magis curari amant.

naei sacculus atque diductum intestinum involucri in conspectum prodeat. Quo equidem rite facto, separare per adhibitum digitum, aut calamum scriptorium, aut specillum, aut simile instrumentum aliud, vel etiam parvum scalpellum, si opus, a partibus adhaerentibus, quam solertissime intestina convenit, scalpello ita provide semper temperato, ut *partes potius vicinae, quam intestina concidantur*, eisque a cohaerentibus partibus separatis, per locum prolapsis ea in ventrem repellere convenit, est faciendum, si praeter opinionem in *hernia incarcerata* partibus externis nexa deprehenduntur. Tandem, *intestinis in sedem pristinam repositis*, non glutinari tantummodo plagam debita ratione, sed aegram quoque partem exactissima vinctura, quae *spica* vocatur, nunquam non comprehendi oportet, ne idem denuo vitium forte redeat. Quodsi vero ejusmodi hernia vicinis annexa neque vehementes dolores neque *iliacae* passionis symptomata moveret, sectionem hanc periculi plenam non suaderem; sed potius ut fascia quadam herniam suspendente aeger muniatur.

X V.

*Enterocoele
incaerata
quomodo
tractanda
sit.*

Sicubi autem porro in hominibus enterocoele vexatis usque adeo constrictum atque strangulatum intestinum deprehenditur, ut nulla prorsus ratione nullisque artificiis idem reponi queat, atque sic *hernia incarcerata* five captiva adsit, tum itidem, quando nimirum cataplasmata sive fomentationes, sanguinis missio, clysteres, & praesertim ex fumo nicotianae parati supra Cap. CXVII. §. I. commendati nihil efficiunt, per adhibitum scalpellum noxis ab intercepto intestino provenientius, quin & ipsius mortis periculo eadem prorsus occurrendum est ratione, quam ibidem §. II. & seq. in *bubonocoeles incarceratae* curatione proposuimus. Ut vero intricata atque difficilis haec operatio ac morbus tanto melius intelligi queant, eis figuris, quas MAUCHARTUS hac de re in supra jam laudata dissertatione, de *hernia incarcerata scroti*, cum publico communicavit, negotium hoc illustrare, a scopo nostro haud alienum esse putavi: (Vid. Tab. XXVI. fig. 1. 2. & 3.) ubi earum etiam explicatio videri potest. Interim superius jam hac de re curandi regulis traditis, subsequentes observationes adhuc adjungere juvabit.

X V L.

*Observationes
ad curationem
necessariae.*

1) Ubi non nimis gravis hernia subest, repellique intestinum, *integra remanente sacculi tunica*, potest; tum sic aperiri partes suprapositae debent, ut universa sacculi tunica ista in conspectum prodeat. Sic enim non tuto solum diduci plaga, sed commode quoque repelli, quicquid intestinum prolapsum fuit, potest: reliquis eodem modo peractis, quem in *bubonocoeles* curatione supra (n. 2. Cap. CXVII.) proposuimus. 2) *Sicubi vero insigniter jam tum malum increvit*; vel ubi *omentum atque intestina cum partibus proximis jam cohaeruerunt*; vel *liquoris p. n. multum in sacco continetur*, praedicta curandi ratio non tuto succedit, sed potius tum sacculus provide incidi, humor emitti, atque intestina blande refundi debent. Sed si hoc propter angustiam annuli vel *partis superioris sacculi*, quae *strangulationem faceret*, fieri non posset, haec sectione prius dilatari ampliataque per sectionem abdominis foramine, *intesti-*

vinam vel omentum a partibus, quibus eadem forte adhaerescunt, diligenter resolvi sedibusque propriis postea restitui oportet: prouti quidem supra (n. 14.) indicavimus, intestino interim ita circumspēcte tractato, ut partes adhaerentes, quin ipse testiculus citius, si forte huic adhaeret (a) & aliter fieri non posset, quam illud, concidantur (b). Tum ipse quoque sacculus, a partibus proximis atque adnatis caute resolutus, per injectum filum cannabinum aut fericeum triplex aut quadruplex, idemque crassum & ceratum circa superiorem partem juxta annulum sicut §. XII. dictum est, probe constringitur, ea parte, quae sub ligatura est, resecta, vulnere ut alias deligato. Ita tandem post lapsum per suppurationem filum cicatrix firma hic fit, quae quoddam quasi tuberculum conficit: quo haud parum firmiter intestina continentur, atque, ne denuo in scrotum descendant, prohibentur. Ubi tamen cavendum sollicite est, ne venae simul atque arteriae spermaticae vinciantur. Deinde 3) si qua forte, dum ventris plaga diducitur, arteria epigastrica conciditur, tum, ne largiter inde profluens sanguis operanti officiat, minister aliquis linamenti convoluti, vel ficci, vel liquore adstringente imbuti, subsidio praecisam arteriam istam versus inguen deprimat comprimatque, vel filo acus curvae ope circumducto constringatur. Porro 4.) si prolapsum intestinum flatibus atque stercore ita distentum reperitur, ut reponi commode nequeat; tum nihil omnino multis Chirurgis salutaris atque ad repellendum intestinum commodius videtur, quam in partes illius proximas, sensim ex abdomine protractas, & flatibus & stercora simul diffundere, atque sic paululum extenuatos intestini ductus leniter deprimere. At enimvero quia periculum est, ne difficilior ista intestini cum extractio, tum depressio satis jam tum infirmatas ejusdem partes penitus debilitet enervetque, aut prorsus perrumpat; praestare existimo, nimis angustum abdominis foramen supra descripto modo potius incisione, quantum opus videtur, uberius dilatare, postea intestina prolapsa refundere, atque ceterum procedere, sicut supra in bubononele incarcerata (Cap CXVII) proposuimus. 5) Sicubi mesenterium simul cum intestino prolapsum deprehenditur, tum illud, ex PETITI observatione deprimi ante oportet, quam intestina refundantur: id enim nisi fit, fere semper haec rursus prorumpunt; contra si omentum simul prolapsum, intestina prius atque omentum posterius condendum est (c). Porro 6) si forte cum sacculo intestinum simul laesum est, futuram nodosam adhibere convenit, hujusque ope partem ejus superiorem cum plaga ventris conjungere, reliqua itidem facienda sunt quemadmodum ad intestini vulnera supra commendavimus. 7.). Si intestinum corruptum deprehenderetur, illud ressecandum & pars sana vulnere vel jungenda, vel DRANIO auctore, pars corrupta sine resectione relinquenda, unguento digestivo, & linamentis ac spleniis deliganda, ita corruptae partes sensim sponte cadunt, vulnusque reliquum

(a) Testiculum aliquando cum intestino prolapsa confusum deprehendi, GARENGEOT. tradit, Oper. Chir. Tom. I. pag. 320. edit. II. id quod tamen rarissime contingit, & ab aliis vix notatum, quia peculiari sacculo inclusus est.

(b) Suadent nonnulli testiculum, si cum intestino concrevit, ressecari; sed praestat particulam potius inde ressecare: nam ejusmodi testiculi vulnera rursus glutinantur.

(c) Ratio duarum harum observationum ex perspecto situ naturalium intestinorum & omenti patet.

Pars II.

G g g g g

quum tandem balsamo vulnerario, ut in bubonocoele dictum est, glutinatur. Postremo 8). *quicquid*, opere confecto, *abundare in scroti cute, iusto decentius diducta, reperitur*, id ipsum forfice rescinditur, atque praedicta ratione consolidatur: ita enim arctior & fortior fit cicatrix quae reditum herniae valentius impedit. Tandem 9.) *scrotum hic etiam spleniis involvendum, & fascia scrotum suspendente haec firmanda*; id quod ultima parte fasciae spicae, vel peculiari aliqua fieri potest. Quid denique *de turundae usu* hic sit sentiendum, videri potest Cap. CXVI. No. VIII.

C A P V T C X X.

De epiplocele sive omenti prolapsu, aliisque quibusdam herniis peculiaribus, ut vesicae, ossium pubis & vaginae.

I.

*Epiplocele
quid sit.*

RAmicem, qui ex omento in processus peritonaei sive scrotum etiam devoluto nascitur, *epiplocelen* Medici nuncupant (a). Quae vero longe rarius, quam enterocoele observatur. Adeste autem huiusmodi malum, non adeo facile cognoscitur; interea tamen illud adeste intelligitur, si *tumor inaequalis, mollis atque lubricus*, & retento spiritu aut conatu excernendi alvum, non magnopere increfcens, circa peritonaei processus, vel & quandoque a peritonaei processibus *ad scrotum usque protensus* animadvertitur. Depresso digito *nihil murmuris auditur*, neque *talis durities aut inflatio ut plurimum persentiscitur*, qualem ab enterocoele oriri supra diximus. Nonnunquam *in ventrem reprimi omentum potest*; nonnunquam ita firmiter cum partibus propinquis idem cohaeret aut ita intumuit, ut nulla repelli ratione possit. Utriusque generis casus *identidem in uno homine post mortem inciso egomet observavi* (b); licet sint, qui has hernias vel negare vel saltem in dubium vocare voluerint. Neque vero tantopere tumor in epiplocele quam in enterocoele increfcit; proinde *ut plurimum non aequè graviter, ac in enterocoele, homines epiplocele vexati periclitantur*; sed *citra magnam molestiam*, & nullis plerumque adhibitis medicamentis, vitam atque negotia sua transigunt. Quin & *rarius incidere huius generis ramices solent*, propterea quod *plerique, teste anatome, ita exiguo instructi solent esse omento*, ut ad peritonaei processus idem non pertingat, nedum foras prolabi illud possit. Interdum etiam *externa tumoris species decipere Medicos potest*, ut *epiplocelen* aliquam subesse illi judicent; quum *tamen naturalis eademque solito maior pinguedo quaedam ventris partem illam distendat*. Interim non solum ex RUYSCHIO quondam percepi, verum & a DIONISIO & GARENGEOTIO observata atque memorata legimus (c), haud prorsus insolentia istiusmodi

(a) *Hic morbus raro occurrit, & hinc, teste etiam VESALIO, Anat. L. V. Cap. 4. a quibusdam in dubium vocatus est.*

(b) Descriptus est a me hic casus in Ephem. Nat. Cur. Cent. V. Obs. 85. pag. 164.

(c) In Scriptis eorum Chirurgicis, ubi de hac hernia, & speciatim apud GARENGEOT. T. I. p. 276. edit. II.

di epiploceles exempla sunt, quae non quoad signa tantum, sed quoad noxas etiam sive pericula, quam exactissime cum enteroccele incarcerata conveniebant, quae etiam ante aliquot annos hic vidi, ita ut ad scalpellum perveniendum fuerit: tametsi Medicus nil nisi omentum prolapsum in ipso opere deprehenderit.

I I.

In epiploceles curatione id inprimis danda opera est, ut, sicubi compelli adhuc in ventrem omentum potest, eodem rite compulso, fascia sive vinculo herniis proprio, corpori adhibeatur, quemadmodum scilicet in inguinis & scroti hernia proposuimus. Si restitui omentum neutiquam potest, neque gravibus tamen noxis aegros exponit; satius utique videtur, ab operatione abstinere, quam curatione gravi minus gravem noxam tollere, atque remedium morbo gravius adhibere (a). Interea tamen ad majus incrementum, si tantum in inguine haeret, avertendum, fascia pila molli instructa hic commode detineri potest. Simulatque vero prolapsum omentum intumescit, atque ita inflammationem aliquam, dolores, febrem atque vomitum inducit, perinde ac in hernia incarcerata intestinorum fieri saepe consuevit, properandum utique est ad illam curationem, quam per scalpellum ad herniam scroti atque inguinis incarceratam supra commendavimus. Ubi tamen providendum simul est, ut crassior eademque corrupta illa omenti pars non repellatur, sed potius filo trajecto deligetur ac praecidatur, sanum vero in ventrem reponatur; quemadmodum nimirum in abdominis vulneribus praescripsimus (b): vel etiam omenti corrupti & putridi spontanea separatio & casus, si lubet, sine ligatura, ut in intestinis corruptis, expectari potest. Conferri possunt variae observationes notatu dignae de hoc malo, quas DRANIUS in Obs. Chirurg. Tom. II. Obs. 63. & seq. describit.

I I I.

Nonnunquam intestina simul cum omento foras prodeunt. Cujusmodi quidem noxa entero-epiplocele Medicis nuncupatur; sed difficulter tamen ab enteroccele simplici discernitur. Quamquam parum refert, utrum mali genus sublit, per spectum habere: siquidem eadem utrobique & supervenire pericula, & adhiberi curationis artificia solent. Interim quoties in ramice quodam tumor identidem evanescit, aut saltem decrescit, nonnisi tumore quodam exiguo atque molli pinguedini ad tactum simili, superstiti, omentum utique una cum intestinis descendisse, haud improbabiliiter conjicitur. Sed minori tamen cum periculo complicatam istam herniam sive entero-epiplocelen conjunctam esse, quam ramicem intestinorum sive enterocelen simplicem, ut priori Capite jam diximus, vel inde manifestum est, quod in ista pinguedo prohibet ne a musculorum abdominis annulis adeo graviter comprimi aut torqueri intestina queant, quam si sola sint prolapsa. Ceterum in hujus mali curatione id ante omnia propositum sibi Medicus habeat, ut omentum atque intestina simul reprimantur, glutinatoque vulnere eodem

(a) Ita enim FABRIC. ab AQUAP. caustica & unctionem hic commendat. in Oper. Chirurg. Cap. de enteroccele.

(b) GARENGEOTUS in vulneribus abdominis corrupti omenti ligaturam rejecit, attamen in herniae Operatione eam ipse instituit. Oper. Chirurg. T. I. pag. 373. edit. II.

eodem modo per adhibitam vincturam contineantur, quem supra ad enterocelen commendavimus. Quodsi vero ex libera & mobili ejusmodi hernia fiat quasi in carcere detenta, procedendum ut Cap. CXVII §. I. & X. de ejusmodi enterocele proposui.

I V.

*Hernia
vesicae.*

Vesicae etiam quandoque vel in gravidis, vel urinae difficultate laborantibus, vel etiam aliquando sine his causis, per anulum musculorum abdominis prorumpit, imo & quandoque in scrotum ex parte impellitur, atque sic *herniam vesicae* sive *Cystocelen* constituunt (a). *Cognoscitur* ex tumoris molitie & frequenti urinae stimulo, ex urinae quadam difficultate, quae tumoris elevatione aut blanda compressione minuitur; vel & quando in emittenda urina decrescit. Sacco ut plurimum caret, quia non infra, sed extra peritonaeum in pelvi sita est. *Curatio* requirit, ut quicquid vesicae prolapsum sit, eadem fere ratione repellatur, quam in refundendis intestinis supra proposuimus, & idonea fascia intus retineatur. Docta de *vesicae urinariae hernia* dissertatio prostat Jo. Petr. Divoux, Praeside Jo. SALTMANNO A. 1732. Argentorati habita.

V.

*Hernia
pubis.*

Quod *hernia ad ossa pubis sit*, discimus ex tumore circa foramen illud magnum ossis pubis, qui, praesertim quando aeger supinus decumbit, & intestina adhuc libera sunt, vel sponte introcedit, vel digitorum pressione refunditur, sed raro incidit. Quando hoc factum est, aut fieri saltem potest, *Curatio* deinceps vincturam ceteraque fere desiderat omnia quae bubonoccele Cap. CXVI. nisi quod pila vincturae loco laeso sit adaptanda & satis diu gestanda. Si contra *incarcerata* redderetur, eadem quoque auxilia erunt adhibenda, quae in bubonoccele inclusa Cap. CXVII. §. I. & II. praecepimus. Ubi vero quam cautissime esse agendum, ne *arteria illa satis magna*, quae per foramen hoc ovale transit, vulneretur, ex qua periculosus sanguinis fluxus esset metuendus.

V I.

*Hernia va-
ginae &
uteri.*

Vaginae uteri hernia a recentioribus cognita est, esse illud ipsum vitium, quod alias *vaginae prolapsum* Medici appellarunt, consistens in relaxatione vaginae uteri, quae ab intestinis, quoad partem maxime debilitatam, ad cavum vaginae, imo quandoque extra os vaginae propellitur, & aegris multas saepe molestias procreat. Quod intestina in hoc tumore sive sacco sint inclusa, digitorum exploratione cognoscitur, dum se horum beneficio in ventrem repellere sinunt. Optima ejus *Curatio* obtinetur idoneo *pessō*, quales ad proci-

(a) Haud adeo pridem per litteras aeger me consuluit qui de peculiari tumore in scroto con-
questus est, qui quoties urinam misit, diminuitur & prorsus disparet, verum postea sensim
rursus redit, quem multi qualis sit consulti, determinare non potuerunt, sed unus enterocelen,
alter epiplocelen, tertius pneumatocelen, quartus aliud quid esse credidit. Verum ex
relatis indiciis hoc vitium *herniam vesicae* esse indicavi, & credo me hanc conjecturam non fe-
sellisse. Exemplum referunt RUYSCHIUS in Advers. Anat. Decad. II. Obs. 9. PALFYNUS
in Chir. Act. Acad. Reg. Paris. GARENGEOT. in Oper. Chir. cap. de herniis & in Act.
Acad. Chirurg. Tom. I. p. 699.

ciditiam uteri Tab. XXXIV. Fig. 6. 7. 8. 9. 10 11. delineari curavi, vel etiam frusto spongiae idoneo, cui figura cylindri data est. Sicuti vero hic vaginae prolapsus, ita & ipsius uteri in partu procidentia & inversio vid. Tab. XXXIV. Fig. 3. species herniae est, in quem intestina devolvuntur; de cuius vero pessima prognosci & difficili curatione vid. infra Cap. CLVII. §. V. Ceterum de ejusmodi herniis singularibus variis videri uberius possunt Act. Acad. Chirurg. Tom. I. p. 699.

C A P V T CXXI.

De herniis spuris, & quidem primo de sarcocoele & castratione.

I.

Supra dictum est, hernias *spurias* sive *falsas* eos hodie vocari tumores scro- Herniae
ti, ubi neque intestinum neque omentum ex ventre prolapsum est, sed spuriae
ubi tumores in ipso scroto vel a scirrho testiculi, vel ab humoribus in eo collectis, vel quae, &
etiam a nimis tumidis vasis spermaticis oriuntur, vel ipsa scroti substantia valde sarcocoele
intumescit & ad scirrhi modum indurescit, quale vitium ingens vidi (a) & spe- quid sit.
ciatim *Sarcocelen* Medici vocant istiusmodi noxam, quando vel ipse testiculus cum duritie quadam insigniter atque ad instar scirrhi alicujus tumefactus deprehenditur (b); vel & caro quaedam praeter naturam ex illo increscit; quae cum acutis haud raro conjuncta esse doloribus, interdum autem exulcerari & ad cancrum sensim transire consuevit (c). Quandoque & vasa spermatica in processibus peritoneaei simul vel ad inguina, vel in ventrem usque valde intumescunt atque indurantur. Utique autem *diversam esse a testiculi inflammatione sarcocelen*, inde statim intelligitur, quia haec non nisi pedetentim atque lentissime nascitur, & ut plurimum nullos fere initio dolores concitat; ista vero, perinde ac in reliquis fieri inflammationibus solet, celeriter & cum vehementissimis cruciatibus atque aestu incidit. Neque vero ab una semper eademque caussa malum hujusmodi provenit. Namque ubi ipse testiculus cum duritie quadam intumescit, ab iisdem plerumque caussis sarcocoele nascitur, quas circa scirrhum supra (Part. I. Lib. IV. Cap. XVII.) commemoravimus. Si quid vero carnis e testiculo pronascitur, in graviore plerumque contusione, similive alia quadam violentia externa situm solet esse calamitatis illius principium. Sed reperi tamen egomet istiusmodi aegrum aliquem, sarcocoele laborantem, qui nullam omnino vim externam sensisse sibimet videbatur. Magnitudo tumoris varia quidem est, atque ita, Medicorum quorundam judicio, comparata, ut gallinae ovum haud superet: sed observavi tamen egomet atque fanavi istiusmodi homines

ali-

(a) DIONIS ingentem quoque ejusmodi sarcocelen delineat & describit in Chirurg. Demonstr. quart. p. 373. edit. 4. Et ille tumor, qui a CHESELDENO exhibetur in Anat. edit. III. p. 285. similis fere mihi videtur.

(b) Plures Observationes de Sarcocoele vid. in DRANII Tom. II. Obs. 71. 72. 74. & SAVIARD. Obs. 125. atq. WALTHERUS praegrandem, ultra genua dependentem in Act. Erud. Lips. A. 1725. p. 492. descripsit.

(c) Aliquoties hoc ita contingere observavi.

aliquos, quibus *ultra pugni magnitudinem testiculus increverat*. Quod ne cui mirum videretur, nihil abs re facturum mihi visum sum, si testiculos ejusmodi grandiores, a me resectos in *vini spiritum inmissas diligenter asservarem*.

I. I.

Diagnos.
& progno-
sis.

Signum praecipuum, quo dignosci ab herniis reliquis *sarcocoele* debet, in *duritie* & *cumprimis ipsius testiculi positum videtur*: dum reliquae priores herniae sicut & *hydrocele* aliquanto molliores esse soleant, & testiculus naturalis in prioribus seorsim digitis percipiatur. *Sarcocoele*, quemadmodum omnes reliqui scirrhi, *difficillime* & raro medicamentis curantur, imo quod adhuc pejus, *sarcocelen*, nisi *tempestive tumor resolvatur*, quam facillimo negotio *degenerare in cancrum* cum vitae periculo posse, non e WEPFERI tantum, sed ex propria quoque experientia ego didici, vel saltem ob insignem molem aut dolores valde molestus fit; imo & *generationis negotium*, praesertim si *uterque testiculus vitiatus est*, laedit, aut prorsus tollit. Interdum, si medicamentis digeri nequit *ferro extirpari potest*, praesertim si *vasa spermatica nondum indurata sunt*. Sed si tumor per *inguen in ventrem usque ascendit*, etiam curatio, quae per scalpellum fit, saepe frustranea est & mortem post se trahit, quia corruptio jam ad internas usque partes processit (a): ideoque rectius tunc ab ea abstinetur. Imo ubi *vasa spermatica solum ad inguen usque affecta*, licet tumor ad abdomen *nondum ascendat*, extirpatio ex quorundam sententia saepe haud prodest, sed mortem haud raro inducit (b).

I I I.

Curatio per
medicamen-
ta.

Ubi recens adhuc est *sarcocoele*, resolvi eadem nonnunquam per adhibita *medicamenta digerentia*, eademque cum interna, tum externa potest. MATTHIOLUS, AQUAPENDENS atque SCULTETUS (c) valentissimum hic esse statuunt pulverem radices *ononidis*; siquidem illius ʒj. aegris ex vino *absinthite* quotidie bis vel ter ingeratur; extrinsecus super tumorem hoc imposito emplastro:

℞. Gumm. galban.

ammoniac.

bdell. ā ʒβ.

Dissolut. in aceto adde.

Adip. anat. liqu. & colat. ʒiβ.

Cer. citr. ʒij.

Ol. lilior. alb.

Medull. crur. bov. ā ʒx.

M. F. emplastrum.

Opor-

(a) DRANIUS Obs. 75.

(b) Vid. HAENELII diss. de morb. scroti, p. 31. ubi varia hac de re notatu digna dixerit, quae Argentorati prodiit A. 1723 it. DRANIUS loco modo citato. Interea tamen A. 1742 a cive & mercatore Magdeburgensi, fere quinquagenario, praesente D. D. KESLERO Medico Magdeburg. Cel. ratione magnae *sarcocoeles* consultus fui, ubi *vasa spermatica jam ad inguina indurata fuerunt*, suasi tamen operationem, & aeger optime restitutus est.

(c) Observ. 63.

Oportet autem linteo emplastrum hoc induci atque post tertium quemque diem innovari. DIONISIUS (a) hunc in usum proponit *emplastrum*, quod ex diabotano, divino & Vigonis emplastris invicem permixtis conficitur: siquidem illud feliciter aliquoties a se adhibitum fuisse testatur. Sunt, qui *emplastrum Noribergense*, quali medicamentum discutiendis iis, quae coierunt, aptissimum jam jam propositis simul admiscendum suadent, vel seorsim illud adhibent. Alii *emplastrum de cumino* vel *e baccis lauri* proficuum observarunt. Alii quam maxime salutariter hic adhiberi statuunt *vapores sive fomenta ista acida*, quae ad scirrhi curationem supra (pag. 338.) commendavimus. Ceterum in *internis medicamentis* praestantia inprimis esse, quae ex *lignorum decoctis* atque *mercurialibus remediis* fiunt, frequens rerum usus me docuit; praesertim si quovis fere mane cum *regimine sudorifero* aegris propinentur, alvus autem post tertium vel quartum quemque diem medicamento ex mercurio parato, ducatur; vel ipsa *salivatio*, praesertim si a gonorrhoea suppressa oriatur. Conf. HOFFM. Med. Consult. P. III. p. 241.

I V.

Ubi vero nihil omnia medicamenta ista proficiunt, sed tumor nihilominus *Curatio per una cum doloribus subinde incrementum*, vel ob dolores vehementiores nimis molestus fuerit, paulatimque in carcinoma sive cancrum transire animadvertitur; si modo malum nondum attigit annulum, *scalpellum, miserum, sed unicum tamen remedium est*, ne scilicet ad ipsum abdomen transeat, prorsusque insanabilem noxam efficiat (b); opportune *testiculum istiusmodi tumefactum*, vel etiam *utrumque si noxa ambos occupavit*, adhibito scalpello, prudenter *exscindere*: quae actio *castratio* appellatur, qua aegri, si ambo testiculi auferuntur, ad generationem prorsus inepti fiunt, & *castrati* appellantur, minus vero si tantum alteruter.

V.

Perfici autem curatio haec eodem fere modo debet, quem in celotomia sive ad hernias supra secundum agyrtarum morem curandas praescripsimus (Cap. CXVIII.). Sed majorem tamen adhibere hic *circumspectionem* convenit, quam fieri a plerisque Celotomicis vulgaribus sive Histrionibus solet. Neque enim, incisa prius cute in inguine & seroto, ruditer aut *violenter evelli testiculum oportet*, ne dolores nimii, inflammationes, aut convulsiones facile concitentur; sed leniter potius per adhibitum modo *scalpellum, modo forficem*, prout res exigit, a partibus, quibuscum idem cohaeret, resolvi: vasis spermaticis, ne nimis doloribus aegri exerceantur, quam diligentissime prius circa inguen sive abdomen *digiti spatium ab annulo*, filo aliquoties circumvoluto, interjecto cumprimis linamenti frustulo, ligatis (c), atque tandem ad spatium pollicis fere

(a) In Chirurgia sua, ubi de hoc malo agit.

(b) Accidere id ipsum aliquando posse, non solum ipse diversis vicibus observavi; verum &, ut alios jam taceam, WEPFERI observatio jam laudata demonstrat. Vid. Ejus tract. de *cicuta aquatica* pag. 101. ubi de *sarcocoele cancroso* refert, quae libras duas aequavit.

(c) HAENELIUS non vult ut proxime juxta abdomen ligentur, loco modo citato, quia suppuratio facile ad interiora transiret, & carpit propterea GARENGEOTUM, qui, ut in ipso *annulo ligatura* fiat, praecipit.

re infra ligaturam resectis; vulnere autem postmodum ea ratione glutinato, quam generatim in curandis herniis hactenus proposuimus. Quoniam autem ex resectis vasis illis spermaticis multum ampliatis, ut ut eadem ligata prius sint, tanta nihilominus sanguinis copia nonnunquam profluit, ut penitus exhauriri aegrotus queat, sicut ipse bis observavi, satius utique Medicorum nonnullis visum est, vel duplicem ligaturam, alteram sub priori adhibere, vel curationem sic instituere, ut, post resolutum a scroto testiculum, vasa spermatica tantum deligentur, non mox resecto, sed relicto adhuc testiculo, atque post aliquot demum dies, flaccescente nimirum ac putrescente testiculo, id quod vasa spermatica rite ligata esse indicat, rescindantur. Namque tunc sine periculo & sine gravi sanguinis profusione adhiberi scalpellum poterit. Quando vero testiculus nondum flaccescit, ligaturam priorem non satis firmam esse indicat, adeoque alteram eamque arctius constrictam, esse injiciendam. DRANIUS (a) *haud inepte* cum AEGINETA (b) suadet, ut pars liganda *acu, duplex linum trahente, perforetur*, atque postea quaelibet *dimidia pars utrinque filis illis ligetur*: ita certius profusionem sanguinis averti posse. AQUAPENDENS equidem una cum SCULTETO aliisque ut perniciosam istiusmodi sanguinis profusionem prohiberet, *ferrum aliquod candens, abscisso testiculo*, vasis spermaticis applicavit: Verum priorem modum ob dolores nimios praestare existimo. In curanda igitur *sarcocoele mali moris & ad cancrum spectante*, itemque in *hydrosarcocoele* licita utique, imo vero necessaria quandoque *castratio* est: siquidem, omissa illa sive neglecta, vix ac ne vix quidem redire ad sanitatem aegris quibusdam licet, *alteroque adhuc conservato testiculo ad generationem nondum inepti* sunt. Non sum equidem nescius, Medicorum nonnullos in hac curatione praecipere, ut *nervi prius a vasis spermaticis resolvantur*, quam horum *vinctura instituat*ur, ne ipsorum *ligatura spasmi aut convulsiones concitentur*; sed parum abest, quin plane *supervacuum esse consilium istud* ego statuam. Quibus enim artificiis resolvi commode nervuli isti exigui a vasis spermaticis, quibus mirum in modum intertexti sunt, queant, juxta cum ignarissimis ego scio. Ut nihil nunc de eo dicam non usque facile moveri spasmos a vinctura hic posse; quum & valde exigui sint nervuli isti, &, sicut antea jam diximus, mirifice partibus reliquis implicati atque intertexti. De cetero minutum *aliquod spleniolum sive linamentum subjici vinculo illi potest*; testiculus autem, pollicis circiter longitudine infra vincturam relicta, praescindi oportebit.

V I.

Testiculi
excre-
scen-
tia quomodo
curanda sit.

Si quid vero carnis enatum è testiculo deprehenditur, quod graviter hominem affligat, nec discuti tamen per adhibita medicamenta convenientia queat; tum si testiculus integer adhuc est atque illibatus, feliciter ut plurimum sanari noxa poterit, ipseque testiculus servari, dummodo quicquid praeter naturam superincrevit, deoperto scroto, quam exactissime ab eo solvatur atque rescindatur (c). Quodsi autem ipsum simul testiculum invaserit, vel excindi etiam prop-

(a) Obs. Chirurg. Tom. II. pag. 161.

(b) Lib. VI. Cap. 65.

(c) DIONISIUS atque alii, ad faciendam in scroto plagam, tollendasque testiculi partes su-

propter nimios cruciatus similesque alias causas, indecore prominentes partes nequeant; necessarium utique erit, vel universum testiculum, vel quandam saltem ejus partem, modo jam jam proposito, excindere. Ita & cutis scroti, quae exento testiculo supervacanea est, resecari forfice debet, sic commodius postea vulnus glutinatur & scrotum minus deforme fit. Circa deligationem haec inprimis necessaria videtur observatio, ut linamenta carpta & splenia cum fascia inguinali, quam spicam vocant, primum supradentur; deinde vero, ad leniendam quae suboriri plerumque hic solet, inflammationem, fomenta, cataplasmata digerentia simul adhibeantur; ipsum denique vulnus unguento digestivo balsamicoque vulnerario, ceu fieri communiter in celotomia solet, glutinetur. Observationes de testibus exsectis praeter jam citata videri possunt in Fabr. ab Aquap. Oper. Chir. pag. m. 274, qui pileo major fuit. TULPII obs. lib. 4. cap. 32. SAVIARDI Obs. Chir. 125. Ephem. Nat. Cur. Cent. III. p. 219. & aliquando etiam in nostris.

C A P V T CXXII.

De Hydrocele.

I.

Nonnunquam humor aliquis, isque saepe copiosus, absque doloribus quidem, *Hydrocele* sed tamen cum magna hominis molestia, usque adeo mirifice scrotum distendit, ut ad ovi, pugni, capitis, vel & majorem amplitudinem illud increseat. *quid sit.* Medici, mutuato a Graecis vocabulo, hydrocelen, hoc est, ut CELSUS exponit (a), herniam aquosam, noxae genus illud vocare consueverunt. Fere semper autem non nisi alterutrum; nonnunquam tamen utrumque latus a tumore istiusmodi perniciose distendi potest, quamvis hoc raro contingat. Neque ulli etiam hominis aetati propria est ista noxa: siquidem non adulti solum atque aetate proveci, sed juniores etiam ab eadem infestantur; quin & interdum infantes aliqui cum hydrocele aut scroti hydrope in lucem exponuntur, ut ipse vidi, vel primis etiam post partum diebus ea corripuntur. Sed non una semper humoris illius noxii solet esse sedes (b): tametsi enim is ut plurimum in tunica testiculi vaginali, id est, inter testiculum & tunicam huic proximam colligatur, ita ut testiculus huic humori quasi innatet, tactuque tunc percipi nequeat, atque tum ex disruptis vel exesis testiculi vasis lymphaticis profluxisse videatur; tamen nonnunquam etiam sub ipsa cute scroti idem consistit, ut CELSUS jam notavit (c),

prae-

superfluas, rodentia proponunt medicamenta, quibus etiam res saepe satis commode expediri potest: sed promptior tamen atque tutior hic videtur curatio, quae per scalpellum instituitur.

(a) Lib. VII. Cap. 21. 2.

(b) BOERHAVIUS Aphor. Pract. §. 1227. triplicem sedem herniae aquosae describit: 1) in scroti externi partibus, seu tunica cellulosa, quae proprie hydrops scroti est: 2) in protractione peritonaei ab hernia vera orta, (ubi testiculus sentiri potest). Vid. Garengcot. Oper. Chir. T. I. p. 445. & DRANII Obs. Tom. II. Obs. 75: 3) in tunica vaginali, quae proprie & *κατ' ἐξοχὴν* hydrocele appellatur.

(c) Lib. VII. cap. 18.

Pars. II.

Hh h h h

praesertim in infantibus recens natis, vel & in hydropicis, atque sic utrumque testiculum ambit. Sed hoc quidem vitii genus hydropem scroti a Medicorum filiis nuncupatum & ab hydrocele recte distinctum deprehendimus: hinc postea seorsim de eo acturi sumus. Quandoque tamen etiam, ut nonnulli Auctores referunt (a), in peritonaei processu supra testiculo liquor praeter naturam colligitur: imo etiam in productione peritonaei ab intestinorum hernia orta, copiosum liquorem in cadavere hernia intestinorum laborante, ipsa sectione aliquando deprehendi (b). Interdum etiam liquor sanguinolentus, vel ipse sanguis in cavo scroti, ut ipse quoque vidi, observatur; id quod nec CELSUM nec AEGINETAM latuit, quemadmodum ex ejus Lib. VII. cap. 19. videri potest, (c); & hoc vitium haematocoele sive hernia sanguinea dici haud inepte posset: de qua pluribus infra.

I I.

Diagnos. Ad hydroceles igitur ordinariae signa quod attinet, non cognosci illa tantum promptissime, sed dignosci quoque accuratissime 1) ab hydrope sive oedemate scroti exinde potest, quod in hoc digitus depressus, fere ut in tumefactis pedibus, foveam quandam relinquit, cutis glabra est, atque penis simul quandoque insigniter tumet: quum e contrario in hydrocele vera penis parvus, constrictus. & retrorsum quasi ductus, cutis vero ipsa rugosa existat, & digito super tumorem depresso nulla fovea supersit. Praeterea in hydrocele tumor nunquam ex toto remittit, & mollior sarcocoele est, si non nimius humor subest; at si is vehementer increvit renititur, durascit fere ut sarcocoele, & sicut uter repletus & arcte adstrictus. Venae quoque in scroto inflantur; & si digito premimus, cedit humor, circumfluensque id, quod non premitur, attollit. Deinde 2) ab enterocoele, nec non ab epiplocele, hoc inprimis signo hydrocele distinguitur: quod tumor horum sit inaequalis, hydroceles vero aequalis qua parte tumor est, lymphae copiosa testiculum ita comprehendit & ambit, ut contingi vel sentiri neque visu neque tactu idem queat; dum e contrario in enterocoele atque epiplocele persentisci ut plurimum is a latere valeat. Denique 3) sarcocelen inter & hydrocelen, (quae profecto tam difficulter quandoque distinguuntur, ut perquam experti Medici in earum dignotione, ut exempla novi, erraverint) id potissimum discrimen interest, quod haec vesicae alicujus ab aqua valde distantiae sensum (id quod palmarium signum est) prae se ferat & sarcocoele paullo mollior sit, dum e contrario tumor in sarcocoele mirum quantum durus, sed tamen plerumque non

(a) BOERHAVIUS Aphor. Pract. §. 1227. postea WIDMANNUS Chir. Augustanus, Libr. de Lithotomia & Celotom. p. 84. itemque GARENGEOTIUS in Chirurg. Operat. & DRANIUS Tom. II. Obs. 75. memorant, utique istiusmodi hydroceles casus quandoque observari, ubi digito contingi testiculum queat, atque tunc supra testiculum in peritonaei processu tumorem & humorem consistere: in enterocoele autem contrarium quandoque usu venire, propterea quod intestina interdum, ut supra jam monui, usque in tunicam vaginalem, per septum illud naturale, quod testiculum a parte superiori processus peritonaei distinguit, penetraverint. Sed rari admodum sint, necesse est, ad quos modo laudati Auctores provocant, casus. Ego sane quanquam plurimos homines, enterocoele non minus quam hydrocele laborantes, viderim atque sanaverim, nunquam tamen adhuc ita rem inveni, sed semper sic, quemadmodum antea descripsi.

(b) Cujus rei exempla quoque DRANIUS Obs. Tom. II. p. 75. & GARENGEOT. T. I. p. 445. observarunt.

(c) Lib. VI. cap. 62. Item Palsyn. & Sharp. Anglus. in Chirurg. Oper. cap. de hydrocele.

non usque adeo magnus existat, tumorque in parte scroti inferiore incipiat, cum in sarcocoele in ipso testiculo, adeoque paullo altiori scroti parte. Non sum equidem nescius, Medicorum nonnullos in explicandis hydroceles signis praecipere, ut, in tenebris *constituto aegro*, lumen aliquod post scrotum collocetur; siquidem tunc, ex illorum sententia, scrotum sit pellucidum; perinde scilicet ac fieri solet in vesicis aqua repletis atque lumen inter & oculum constitutis. At enim vero, quia, prout egomet cum CELSO (a), AEGINETA (b) aliisque observavi, humor sive lymphæ ista turbida saepius est atque adinstar decocti fabarum Coffee nigricans, vel etiam cruenta; quivis prudens jam per se intelligit, propositum signum istud in his fallax admodum esse, vel minus saltem perpetuum; vel & enterocele vel sarcocoele. Interea tamen quando adest, de hydrocele nos certiores reddit; quando vero abest, turbidum liquoris genus adesse poterit, minimeque cogitandum, ac si hydrocele non adesset, si cetera modo adsint indicia.

I I I.

Ceterum molesta magis esse, quam periculosa hydrocele consuevit: neque enim ni- Prognosis.
si difficulter admodum incedere vel equitare iis licet, qui ab eadem, si magna est, infestantur. Interim ubi paulo diutius humor iste intus relinquitur, metuum est, praesertim in junioribus, ne testiculus sensim cum eodem corrumpatur, vel occallescat, atque ita vel schirrhum aliquem sive sarcocelen, vel cancerum tandem sentiat. Interea tamen exempla novi, ubi aegri ad magnam senectutem pervenerunt, & nihil mali inde, quam molestiam, ob insignem ejus magnitudinem & pondus perceperunt. Attamen quia propter nimiam humoris copiam penis, secus, quam naturaliter decebat, imo totus haud raro retrorsum contrahitur atque a tumore velut absconditur; sobolis procreatio, si non prorsus impeditur, quam maxime tamen gravis ac molesta redditur. Quanquam autem fere semper difficilis esse, cum medicamentis, tum scalpello adhibitis, hydroceles curatio solet; facilius tamen juniores, quam natu grandiores, omnino liberari ab eadem possunt. Interdum hydrops cum hydrocele conjuncta homines affligit: atque tunc sanare hydrocelen ante haud licet, quam hydrops fuerit sublata. Idem etiam sentiendum, quando cum sarcocoele, vel & cum enterocele complicata deprehenditur.

I V.

In junioribus quam saepissime medicamentis curationem hydrocele recipit: siqui- Curatio per medicamen-
ta.
dem & digerentia & roborantia medicamenta interne atque externe tempestive adhibeantur. Insigniter autem adversus noxam hanc proficiunt extus splenia sive linamenta complicata, ex vino, vel spiritu vini, cum rore marino, salvia, chaemaemelo, foeniculo, cumino, majorana & similibus decocto, diligenter expressa, frequentissimeque per dies singulos calida super tumorem imposita. Neque vero incommodum fuerit, vino isti decocto, atque ab igne jam tum remoto, spiritus vini portiunculam affundere, vel & aquam calcis cum spiritu vini permiscere. In infantibus recens natis atque ab hydrocele vel qui frequentior in his adest,

(a) Lib. VII. cap. 19.

(b) Lib. VI. cap. 62.

adeſt, hydrope ſcroti, infeſtatis nihil perinde ad extirpandam noxam iſtam valentius eſt atque commodius, quam ubi ſanus aliquis, atque is quidem jejuna, comminuta prius dentibus moſchatae nucis portiuncula, identidem & aliquamdiu ſemper in dies ſingulos ſpiritum ſuum ſcroto aegro afflaverit. Quam ipſam equidem medicinam hoc libentius ego ſuadeo, quo plura ſunt exempla eorum infantum, quos per eandem conſanuiſſe ſcio. Interim & ſpiritus vini ore contentus, & halitus ſcroto afflatus haud proſus ineptus cenſeri debet. Si neutrum ex his profecerit, vel etiam infantes jam adultiores ſunt, emplaſtrum de cumino etiam, linteum illitum atque calidum ſuper tumorem imponere, vel & linamentum complicatum, ſpirituque matricali madefactum, itidem calidum, aliquoties per dies ſingulos applicare conveniet. Ad medicamenta interna quod attinet, longe optimum fuerit, aegrotis, praecipue infantibus, ſaepe alvum ducere, ſed ſimul tamen roborantia, digerentia atque urinam moventia medicamenta his interponere. Admirabilem inprimis uſum in adultis praestare hic celebri quondam LUDOVICO viſum eſt (a) arcanum duplicatum; utpote cujus paucis, ut refert, doſibus hydrocele nondum inveterata, adhibitis ſimul externis reſolventibus & nervinis intra paucorum dierum ſpatium ſemper ceſſerit. Attamen illud plus in hydrope ſcroti, quam in vera hydrocele praestare arbitror. Si omnia haec aliave ſimilia ad extirpandum malum non ſatis profecerint, ad ſcalpellum denique veniatur, necelle eſt. Sed ante tamen ſemper in adultis, ſicubi hydrocele nondum inveteravit, curationem per haecenus propoſita medicamenta tentare conveniet, praefertim ſi aeger a ſcalpello abhorret; quantumvis etiam raro in his ad reſtituendam ſanitatem ipſa valeant. Ubi ad hydrocelen inflammatio quaedam acceſſerit, ſicut aliquando contingit, abſtinendum tantisper a ſcalpello eſt, donec ipſa ſe remiſerit.

V.

Curatio per
operatio-
nem.

Solet autem duplex inprimis eſſe, quae manu fit, hydroceles curatio: alteram perfectam, ſive radicalem; palliativam ſive imperfectam alteram Medicorum filii nuncupant. Namque duplex inprimis ſcopus eſt, quem in hydroceles curatione Medicus intendit: 1) ſcilicet ut humor noxius e ſcroto educatur; deinde 2) ut, ne quid humoris praeter naturam denuo ibi confluat, prohibeatur. Quemadmodum vero ad utrumque praestandum accommodata eſt curatio perfecta; ſic e contrario imperfecta ſeu palliativa raro malum perfecte ſanat, & non niſi eo ſpectat, ut, quicquid humoris intus eſt collectum, extrahatur. Interim quia tamen interdum ſanat, & curatio perfecta non lectulo tantum per aliquot hebdomades aegros affigit, ſed doloribus quoque atque periculis, praefertim ſi non rite procedatur, exponit: imperfecta vero ſive palliativa longe promptius atque minori cum moleſtia ac periculo & expediri & iterari poteſt, Chirurgique etiam minus habiles palliativam facilius perficere poſſunt, mirum videri haudquaquam debet, ſi haec alteri iſti modo ab aegris, modo a Chirurgis anteponatur. Quod ipſum etiam in cauſſa fuit, quare nos primo loco palliativam curationem, perfectam autem deinceps explicare ſuſtinuerimus.

VI.

(a) Vid. Miſcell. Nat. Curioſ. Dec. I. Ann. IX. §. X. obſerv. 158. nec non Ej. Opera pag. 720.

V I.

Antiquiores equidem Medici ad perficiendam curationem palliativam, scal-
pello scrotum inciderunt, aquam emiserunt, & postea vulnus rursus glutinarunt. *Curatio pal-*
Paullo recentiores vero scalpellum Gallorum phlebotomum adhibuerunt, quod *liativa quo-*
Lanceolam sive *Lancettam* vulgo vocant: Scrotoque rite perforato, ferrum *modo fiat.*
extraxerunt, humoremque per inmissum tubulum quendam emiserunt, vel
etiam juxta specillum inmissum emitti potest, praesertim si scrotum interea
blande comprimitur. Nostra aetate *acus* sive *clavus* ille apice triangula, tu-
bulo inclusus, quem Galli *Trocar* vocant, (*Tab. XXIV. fig. 1.*) & longe qui-
dem commodius adhibetur. Operandi modus hic est: *Aeger vel erectus stare,*
vel *in extrema sedilis parte considerare jubetur.* Humor, qui intus est, deorsum
versus quam diligentissime deprimitur; suprema scroti parte, ad distenden-
dam scilicet inferiorem, *laqueo plano leniter vineta.* Tum, prehensio scroto
manu sinistra, ita ut pollex locum aperturae indicet, *acus illa triangula,* sive
clavus modo propositus, circiter ad digiti transversae longitudinem, quo nimi-
rum illud a sero *distentum involucrum,* quod in *malo inveterato valde crassum fie-*
ri solet, perforetur, *nec testiculus tamen contingatur,* in imam scroti partem ex-
trorsum versus demittitur. Scroto hunc *in modum perforato,* *clavus ex tubulo*
intus relicto extrahitur, & quicquid humoris intus collectum est, per tubulum
illum in subjectam pelvim aliquam emittitur. Denique emissio omni liquore,
tubulus ex vulnere quoque extrahitur, atque sic universum opus confectum
censetur. Neque enim scrotum modo confestim rursus contrahitur, sed *ip-*
sum quoque vulnus absque emplastro & medicamentis sua velut sponte glutinatur;
quin aegri etiam absque omni molestia statim rursus ambulare & negotia sua
perficere valent. Tametsi nihil abs re illi faciant, qui, *absoluta operatione,*
splenis crassis spiritu vini vel aqua calcis madefactis, scrotum involvunt. Quod si
etiam humor supra testiculum collectus haereret, ut supra laudati Auctores
N. 1. notarunt, nova plaga etiam ille esset educendus. Ceterum quia, post *ejus-*
modi operationem adhibitam, scrotum plerumque denuo intra menses aliquot ab hu-
moribus adimpletur; *neceffarium utique est,* identidem, quando scilicet denuo re-
pletum & emissus humor bene clarus est, curationem modo propositam iterare;
ne scilicet collectum in scroto serum, per acredinem paulatim contractam,
partes internas & cumprimis testiculum corrumpat, itaque noxam magis pe-
riculosam efficiat (a). Solet autem & potest vel bis quotannis, vel ter, vel quater
etiam, imo quandoque demum post aliquot annos operatio iterari, prouti nimirum
vel tardius vel celerius humor ille perniciosus increfcit. His enim observatis,
homines istoc malo vexati citra magnam molestiam & senescere subinde, imo & ad
summam vivere senectutem, haud raro possunt; sicut ipse tales novi (b). Nam
humore semel extracto, usque adeo feliciter nonnulli homines, & praecipue robusti,
sanescunt.

(a) Miror quare RAVIUS, audax & intrepidus alias Chirurgus, palliativa hac tantum
cura per hanc acum semper tantum usus sit; saepius enim ipsum hanc methodum, sed nun-
quam radicalem adhibuisse vidi aut audiui. Ita etiam ERNDELIUS in Itinere suo Belgico &c.
meminit, se palliativam curam a Ravio perficere vidisse, nihil vero de radicali dicit.

(b) Conf. SCULTETI Armament. Chirurg. Tab. XL. fig. 2.

Hhhhh 3

sanescunt, ut nullam omnino lympham in scroto collectam denuo sentiant (a). Interim quia nonnisi raro admodum id contingit, facile apparet ratio, quare istam curam palliativam Medici vocaverint. Quando vero humor effluens mox turbidus est aut crassus, vel etiam, post repetitam aliquoties operationem istam crassus fit atque tenax, sicut nonnulli referunt, ut extrahi per insertum clavum ac tubulum commode nequeat, sed foetorem potius atque colorem obscurum, cruori haud ab similem, sensim contrahat, properare utique ad curationem perfectam convenit, ne corruptio & noxa major inde concitetur. Ita & si sanguis multus ex inflicto vulnere profluit, vult GARENGEOT ut scrotum mox scalpello aperiatur, vena laesa inquiratur, atque inventa ligetur; id quod vero mihi nunquam adhuc accidit.

V I I.

Curatio
perfecta
quomodo
fiat.

Incidentibus igitur, quae modo commemoravimus, noxis; aut corrupto etiam testiculo, aut aegris denique alias ob causas perfectam sanitatem desiderantibus, quintuplici fere modo expediri curatio ista perfecta poterit (b). Primus operandi modus hic est. Aeger vel in sedili sedeatur, vel, ut olim fecerunt, supra mensam lectumve resupinetur, diligentissimeque ab adstantibus quatuor vel quinque viris robustis contineatur, aut vinculis etiam, manibus pedibusque injectis, ubi opus id esse judicatur, constringatur; quemadmodum scilicet supra jam tum circa celotomiam praecepimus. Deinde scrotum circa superiorem partem istam, qua humor noxius continetur, scalpello Tab. I. litt. G. vel I a latere inciditur, donec in cavum scroti perveniatur, quem modum puncturae praefero: immissoque in istam plagam vel specillo sulcato, vel quod fere melius, sinistrae manus digito indice, & per adhibitum scalpellum, novaculam aut forficem scrotum ad fundum usque dividitur: quo nempe facilius effluere, quicquid humoris vel alias corrupti aut vitiosi intus collectum est, valeat. Humore, quemadmodum diximus, emisso, ipse testiculus exploratur. Qui ubi salvus adhuc esse atque ilibatus deprehenditur, & membranae interiores non adeo crassae, mox solis convolutis linamentis carptis vulnus hoc scroti universum statim expletur, supra datis spleniis atque fascia, litterae T. formam prae se ferente; vel, (ut quidam recte suadent,) scroti interior facies bene scarificatur, ut tanto facilius bona suppuratio subsequatur, cavendo, ne testiculus laedatur, & postea diebus proximis quando priora illa linamenta exciderunt, totum vulneris cavum per adhibitum unguentum digestivum & linamenta repletur ac deligatur; ut hoc ipso durae istae atque collosae sacculi tunicae ad suppurationem perducantur, separantur, atque sic vascula ista, unde humor noxius antea profluxit, penitus extirpentur, ne redire facile malum pristinum queat. Sicubi autem membranae istae nimis crassae nimisque induratae sunt, haud satis proficere in illis exedendis solum unguentum digestivum solet. Itaque primo, ut jam dixi interior scroti facies scarificatur, & tunc vel mercurius praecipitatus ruber subinde unguento

(a) Celsus, Fabric. ab Aquap. Saviard. Obs. Chir. 49 Palsyn. Massierus, Scharpius, alii quae fausta exempla referunt.

(b) SHARPIUS radicales curationes prorsus rejiciendas esse vult Cap de Hydrocele, magnumque periculum inde metuit; quod vero frequens mea hac in re experientia aliorumque, si modo res rite perficiatur, satis refellit.

to digestivo admiscetur, vel *solus eis superimposito unguento* cum linamentis inspergitur; vel si in nimis duris membranis hoc non sufficere videtur, per adhibitum scalpellum aliquod vel forcem *exscindere ipsas*, quantum quidem fieri potest, primo convenit; deinde vero, quicquid ex illis superest, praecipitato rubro & alumine usto una cum digestivo applicatis, exedere. Quo equidem rite confecto, per adhibitum balsamum vulnerarium tamdiu vulnus deligatur, donec primo bene mundum ac postea penitus glutinatum sentiat. Nonnunquam pinguedinis aliquid, vel corpus quoddam adiposum praeter ipsum humorem, in scroto ab hydrocele infestato, pronatum reperitur. Quod proinde simili ratione, ac membranulae duriores, partim rescindi & eximi, partim autem per injecta medicamenta redentia modo laudata, aliave similia extirpari oportebit. Tamen si forte, post deopertum scrotum, vasa seminalia insigniter aliquando tumefacta reperiantur; cavendum tamen est, ne continuo testiculus propterea quasi inutilis aut noxius rescindatur, ut nonnulli mox suadent & faciunt; siquidem ista solius quandoque naturae beneficio rursus detumescunt, & ad statum naturalem redeunt. Deligari autem vasa spermatica filo, rescindique testiculus omnino debet, sicuti in cap. de sarcocoele docuimus, quoties ipse & vasa feminalia non insigniter tantum induruerunt, sed magnis quoque cruciatibus hominem aegrum affligunt. Dispiciendum quoque porro est, num testiculus tumefactus forte materiam aliquam fluidam, sicut quandoque contingit, intus contineat. Si quid enim fluidi intus haerere, tactu percipimus, aut lympham, aut pus inibi consistere, rectissime colligimus. Interim neque tunc rescindere continuo, ut nonnulli solent, sed incidere potius atque expurgare testiculum istum conveniet; ita enim testiculus saepe rursus sanescit. Sed si forte simul nimis jam tum induratus vel corruptus idem inveniatur, praedicta ratione ligandus & rescandus, ne in carcinoma forte abeat. Ceterum si forte aliquando contingat, sicut supra laudati Auctores referunt, ut in suprema tantum processus peritonaei parte, supra septum scilicet processus peritonaei, humor quandoque contineatur; ipse vero testiculus, diducto licet scroto, non advertitur: tunc solertissime providendum hic est, ne, dum tunicae induratae tunc conciduntur, vel exciduntur, ipse simul testiculus imprudenter laedatur; verum ut illa pars suppuratione quoque mundetur, & postea glutinetur.

V I I I.

Quia vero multi ferrum nimis pertimescunt, scrotum hoc morbo conflictatum, rodente etiam medicamento quam aptissime aperiri & liquor peregrinus educi potest; quo ipso etiam simul suppuratio egregie promovetur. Quem in finem emplastrum longo sed angusto foramine perforatum externo scroti lateri applicari, foramini emplastri lapis causticus aliudve idoneum rodens imponi, hic linamentis, emplastro integro & splenio contegi, omniaque fascia T., aut ea, quae quatuor capitibus instructa est, probe firmari debent, quemadmodum cap. 24. pag. 473. ubi de rodentibus medicamentis egimus, jam uberius exposuimus. Quod si forte rodens medicamentum scroti tunicas non omnino perrupit, crusta specillo vel scalpello, aliove idoneo ferramento perrumpi debet, liquor ejici, cavumque & vulnus linamentis repleri, ac postea, ut modo docuimus,

Altera ratio-
rationis
perfectae
curandi ra-
tio.

mus, procedendum est, donec aeger convaluerit; eaque ratione varios egregie curavi. Ceterum monendum hic est, *GARENGEOTUM & SHARPIUM* aliosque *a rodente medicamento* multa insignia mala hic pertimescere, quia hoc cum liquore morbido commisceretur & testiculum aggrederetur. Verum hic metus, si quis modo caute procedit, & modicam tantum adurentis remedii partem imponit, vanus, imo nullus omnino est; quia raro, si rite adhibetur, in cavum usque scroti penetrat, sed in tunica vaginali vel dartos plerumque, hic valde crassa, subsistit; deinde quando etiam forte aliquando hoc faceret, tamen simulac rodens medicamentum scroti tunicas perforavit, liquor effluens hoc medicamentum repellit & abstergit, vel si quid etiam forte influat, a liquore contento mox ita temperatur, ut laedere intus non possit. Ipse denique usus, optimus in rebus Medicis & Chirurgicis magister, me docuit, *hocce malum minime inde metuendum esse*, & nunquam aliquid mali me inde hic sub recto usu observasse. Ita & *DOUGLAS causticum* praefert puncturae, incisioni & setaceo, in *Syllab. Operat. Chirurg.* in 4. p. 39.

I X.

Tertia curationis perfectae ratio, per setaceum.

Tertius curationem perfectam instituendi modus hic est. Funiculus aliquis planus, aut frustulum angustum lineum acus ejusmodi praegrandis, qualem in setaceo commendavimus (vid. Tab. XVIII. fig. 12), beneficio, ita per afflictam eandemque supremam ac lateralem scroti partem deorsum versus trajicitur, ne testiculus simul attingatur, ita ut a parte inferiori rursus egrediat (a). Funiculo postea in plaga, sicut in setaceo, relicto, atque semel aut bis quotidie, unguento digestivo prius imbuto, tracto retractoque, non humor tantum noxius paulatim effluit, sed scrotum quoque inflammari atque interius ita suppurare consuevit, ut, quicquid venularum aut tunicarum corruptarum intus est, sensim & a partibus integris abstrahatur, & consumatur. Post tringinta, vel, pro re nata, etiam post complures dies, postquam scilicet suppuratio maximam partem praeteriit, & parum vel nihil amplius humoris vitiosi profluit, funiculus ex vulnere rursus extrahitur, ipsumque vulnus glutinatur. Sed si hac ratione satis feliciter suppuratio non succedat, unguento digestivo mercurii praecipitati rubri aliquid admiscere, eoque funiculum istum inungere conveniet, ita suppuratio melius succedit. Sed quicquid tandem harum rerum sit, sane, quia secundum priores illas perfectae curationis vias (n. 6. & 7.) non commodius tantum extrahi atque expurgari liquor noxius una cum tunicis corruptis, sed accuratius quoque lustrari testiculus, sanus an vitiatum sit, potest, itemque an forte corpus adiposum vel aliud quid vitiosum intus lateat; mirum videri haud quaquam debet, si Medicorum plerique ipsas, quasi tutas magis atque certas, tertiae huic praeferant. Namque ubi forte vel putredo, vel scirrhus, vel alia quaedam corruptio vehemens testiculum invasit, salutaris utique videtur, superius circa celotomiam proposita ratione testiculum exscindere, vel si corpus aliquod impurum adsit, illud refecare, quam iisdem intus relictis, non ipsam

(a) Vid. *SCULTET Armament. Chirurg.* Tab. XL; fig. 1. ubi hoc illustratur, licet de alia re, quam de hydrocele hic agat.

sam modo curationem dubiam reddere , sed pluribus etiam periculis hominem aëgrum exponere.

X.

Quarta methodus *Ruyfchiana* dici potest, qui in *Advers. Anatom. Dec. II.* p. 22. ait. Si curationem (hydroceles) aggredieris, aperiendo scrotum in parte superiore adlatus, tunque vulnus turunda oblonga, unguento rosaceo, mercurio praecipitato rubro permisto, inuncta oppleveris, donec lenis inflammatio, eique succedens suppuratio parva membranulas stillantes putrefecerit, tuque eas tenaculo eduxeris, saepe deinde perfecta sanatas observavi. Cum hac curandi ratione convenit fere ea, quam MARINUS postea, unus ex recentioribus Chirurgis Italis optimis (a), tanquam usitatissimam, ut dicit, (sed forte in Italia non in Germania, neque in Gallia aut Magna Britannia) descripsit, ceterisque omnibus praetulit. Nimirum praeparato prius corpore, scrotum mox sub inguine, in parte superioris, licet ejus superiore, sicut RUYSCHIIUS, incidit, ea magnitudine, ut per plagam digitus & postea turunda digiti crassitudine, & trium digitorum transversorum longitudine, ex cera facta, immitti queat, cujus apex, ut ait, paullulum incurvata sit. Haec unguento dialtheae inungitur, & per plagam cavo scroti immittitur; ubi postquam per XXIV. horas relinquitur, pars inflammata reperietur. Aqua non evacuatur (b), sed turunda sensim brevior efficitur, prout scilicet cavum minuitur, tumor vero emplastro emolliente digeritur. Quando suppuratio bene succedit, turunda unguento digestivo imbutur, in scrotum vero unguentum rosatum immittitur. Septem diebus praeterlapsis turunda oleo hyperici composito inungitur, sinus bene purgatur, & tumore resoluta vulnus sensim minuitur, carne impletur, & tandem turunda tollitur, servataque diaeta, vulnus glutinatur. Patet ex his MARINUM in rebus praecipuis sive essentialibus, ut ajunt, a RUYSCHIO vix differre, nisi quod medicamenta forte praeter necessitatem multiplicet; dum digestivum & balsamicum sufficere possunt, & quod praecipiat, ne curatio haec scorpione dominante suscipiatur, quia hoc curationem protraheret. Verum ad signa coelestia in curationibus respicere velle, hodie ridiculum, superstitiosum & Medico genuino indignum, merito a prudentibus habetur, idque eo magis quia A. 1742. virum in hoc ipso scorpionis signo ab isto malo, aequali temporis spatio, quo aliis temporibus sive aliis caelestibus sub signis alii curantur, perfecte restitui. Verum circa hanc methodum adhuc monendum, quod quidem, ubi testiculus adhuc salvus, ut plurimum bene succedat; sed si vitium in testiculo subesse suspicamur vel certo addeffe antea scimus, primam vel alteram descriptam, huic praeferendam esse censeo.

XI.

Quocirca longe promptiorem eandemque tutiorem curandi viam tentare sibi videntur Chirurghi quidam vulgares seu circumforanei, dum scilicet in plerisque aëgris, ab hydrocele vexatis, inguine prius scrotoque supremo inciso, peritonaei

(a) In Pratica delle principale Operatione di Chirurgia 8. in Roma 1723 p. 230.

(b) Quare aquam hanc p. n. evacuari non velit, cum tamen aliis in methodis sine noxa fiat, rationem haud conjicio.

naei processum atque testiculum, perinde ut in enterocoeles sectione, protinus vincunt, e scroto evellunt atque praescindunt; quantumvis etiam sanus adhuc testiculus extiterit. Quam equidem curandi rationem tantum abest, ut ego probem, ut potius graviter reprehendam: quia *crudeliter homines miseros illi histriones tractant*, qui partem, humano generi conservando usque adeo necessaria & caram eandemque sanam adhuc, quum eadem servari omnino potuisset, flagitiose extirpant; sed si testiculus simul schirrho infestatus est, tunc curatio recte ita instituitur, attamen cautius & blandius ut supra jam docui Cap. 121. §. 4. Ceterum *curatio perfecta longe melius atque tutius in juvenibus atque viris robustis, aetate non adeo grandibus, quam in aetate nimis proVectis atque debilioribus* adhibetur, ne facile graviora mala superveniant: adeoque consultius esse duco hos, vel solum cura palliativa curare, vel malum sibi relinquere, quia non pauci, ceterum sani, cum herniis aquosis ad magnam senectutem perveniunt. Denique maxima semper opus est cautione, ne qua forte enterocoele quaedam pro hydrocele habeatur, neve, dum scrotum incidere volumus, intestinis imprudenter concisis, aegrotus interficiatur. Conferri hoc de malo uberius potest dissertatio nostra quam de *Hydrocele* a. 1744. Helmstadii edidi, in qua omnia uberius exponuntur.

Explicatio Tabulae vigesimae quintae.

Fig. 1. Scalpellum quoddam occultum herniarium [Gallis. *bistouri herniaire caché* dictum] repraesentat, quod nonnulli cum ad hernias incarceratas, tum & ad fistulas nonnullas ani incidendas commendant & adhibent. Hujus pars acuta sive scalpellum intus latens ad litt. A emergit e vagina sive canali suo & scindit, simulatque pars B sive ansa deprimitur. Litt. C C C vaginam sive canalem designant, in quo scalpellum delitescit, donec premendo emergat. D D manubrium totius ferramenti denotat; E clavum sive axin, circa quam scalpellum, dum ansa B premitur, movetur; F elaterem, qui scalpellum in canalem sive vaginam, quando vis premens in B remittit, denuo repellit.

Fig. 2. simile fere scalpellum per litt. A B designat, sed extra canalem istum C C exsertum, in quo alias occultatur. Pars canalis inferior lamella quadam orbiculari D sive etiam cordiformi est instructa: ne intestina in herniae incarceratae operatione super scalpellum evolvantur, itaque graviter facile laedantur. E aliud manubrii genus denotat, quemadmodum & cardo & elater paulo aliter fabricata sunt.

Fig. 3. exhibet per litt. A scrotum aliquod a mediocri hernia intestinali in latere dextro distentum: per litt. B vero, qualiter in hernia intestina C C, duplicata quasi, in scrotum (quod hic apertum demonstratur) devolvi soleant, ex BERENGIERI libro de herniis, Gallice promulgato.

Fig. 4. Litt. A ex PALFYNI Chirurgia demonstrat processum peritonaei, suprema parte, juxta inguen scilicet, adhuc clausum; sed circa reliquas partes litt. B B B B scalpello deopertum: ubi per litt. C indicatur testiculus, cum vasis spermaticis E; per litt. D. vero sacculus, qui ab interiori peritonaei tunica





tunica ab intestinis vel omento, vel ab utroque simul ex abdomine propulsa, distenta & elongata nascitur, atque ab intestinis, aut etiam omento prolapsis, quae in eodem continentur, ad testiculum fere usque hic extenditur.

Fig. 5. 6. cum reliquis ad fig. 15. usque repraesentant *subligacula* sive *vincula*, pro continendis in ventre intestinis refusis, apud hernia laborantes quam maxime accomodata. Horum quaedam, ut fig. 6. 12. & 13. ex panno xyli-
no, praesertim pro infantibus, vel corio pro adultis conficiuntur; alia ex laminis ferreis, corio vestitis, ut fig. 5. 7. 8. & 15; nonnulla etiam ex laminis ferreis, articulis quibusdam sive juncturis mobilibus junctis, ut fig. 15. pro commodiori, ut nonnulli volunt, usu fabricantur; quaedam etiam pro iis requiruntur, qui *hernia duplici*, sive qui utrinque intestinorum ramice afflicti sunt, ut fig. 8. & 9. Nonnulla sunt pro latere dextro ramice affecto, ut fig. 6. 7.; alia pro sinistro, ut fig. 5. 10. 13. 14. & 15. Quaedam circa corpus firmantur ligulis sive funiculis, ut fig. 9. 10. 13 alia loris & fibulis, ut fig. 6. 9. 13. alia loris & uncinulis, ut fig. 5. 7. 8. 15. atque rursus alia, alia ratione, ut fig. 11. 12. In omnibus vero scutum, glomus sive pulvinar A, quod paulo durius esse debet, refusis prius, dum aeger supinus decumbit, intestinis aut omento prolapsis, annulo musculi abdominis sive loco prolapsus imponitur, cingulum BB ventri circumdatur, & vel ligulis seu funiculis CC, in fig. 10. & 13. per foraminula DD trajectis, vel fibulis fig. 6. & 14. EE probe firmantur, vel & lora uncinulis fig. 5. 7. 8. 15. aa innectuntur. In quamplurimis vero hujusmodi fasciis, praeter cingulum ventrem ambiens, pars quaedam dependens, funiculus planus sive lorum adest, ut in fig. 5. 6. 10. 11. 12. 13. & 14. litt. FF, quae per femina traducitur, atque in parte opposita funiculis, ligulis, fibulis vel uncinulis quam accuratissime jungitur. In fig. 10. litt. a scutum sive glomus A ex parte adversa indicatur; in fig. 11. vero, quae ex idoneo corio facta est, litt. c. scutum ligneum a parte anteriori, sed litt. d. a parte posteriori, ubi convexum est, ostenditur, quae pars loco prolapsus imponitur, ejusque globulo sive clavo ee, tria extrema G. H. I. ubi foramina triangularia adsunt, arcte innectuntur. Plures adhuc diversae subligaculorum ejusmodi dantur figurae & varietates: sed hic eas tantum, quas praestantiores ex iis, quae vidi & possideo, ceteris esse judicavi, in tiro-
num commodum exhibere volui.

C A P V T CXXIII.

De haematocele.

I.

Hæmatocele sive *hernia sanguinea* vocari potest, quando in *scroto* loco feri si-
ve aquae sanguis aut humor saltem sanguineus continetur. Contingere hoc
interdum non solum ipse vidi aliique varii Auctores testantur; verum etiam an-
Haematocele quid.
Iiiii 2

tiquissimus Medicus Latinus CÆL S U S (a) atque ex Graecis P A U L U S (b) hoc jam observarunt. Ita cum R A U I U S aliquando pro hydrocele, (ut putaverat) curanda scrotum acu apice triangulari Amstelodami, me aliisque studiosis praesentibus, aperiret, *liquorem sanguineum* prodiisse vidimus, quod deinde & mihi aliquando accidit.

I I.

Diagnos. Adesse vero hoc vitium inde conjicimus, quando cetera herniæ aquosæ supra relata signa adsunt; sed si scrotum ad candelam ex opposito latere inspicitur ac probe consideratur, nulla pelluciditas, sed magna potius obscuritas ad nigritiem vergens conspicitur. Interdum etiam tunc demum animadvertitur, quando vel acu triangulari humorem contentum educere volumus, vel ipsum scrotum hunc in finem aperimus, atque tunc loco feri sanguineum humorem deprehendimus.

I I I.

Causa. Causa hujus mali ut plurimum est vis quaedam externa, contundens, lacerans, unde venae in scroto rumpuntur aut conquassantur, ut sanguinem in scrotum emittant; qui vero si diu ibi haeret, corrumpitur, & testiculum etiam laedit, unde varia mala pertimescenda.

I V.

Curatio. Optima curatio in eo consistit; ut scrotum in latere laeso integrum ut in hydrocele incidatur, & sanguineus humor emittatur; nam si tantum per acum emittitur, redit ut plurimum. Postea id probe purgetur, & si testiculus sanus deprehenditur, tentandum, ut vas ruptum rursus consolidetur & vulnus etiam externum balsamicis rursus glutinetur. Quando vero hoc obtineri nequeat, aut testiculus aut vasa spermatica corrupta essent, corruptio vero nondum in ventrem usque penetravit, vasa illa inguine liganda & testiculus vitiatus, ut supra Cap. CXVIII. §. 9. & Cap. CXXI. §. 4. de farcocele scripsimus, excidendus.

C A P V T CXXIV.

De partium naturalium hydrope.

Partium naturalium hydropem aliquam esse statuimus, quoties illae ab humoribus noxiis ac superfluis ita distenduntur, ut digito super illis depresso, fovea quaedam remaneat; si cutis externa laevis, penis autem nequaquam retractus deprehenditur, sed potius tumidior conf. Cap. de Hydrocele CXXII. §. 1. Solent autem in istiusmodi casibus inter scroti tunicas exteriores, & speciatim in tunica cellulosa, humor consistere, atque ita per ipsam sedem suam, naturalium partium hydropem ab hydrocele & enterocoele distinguere. Nonnunquam partes tantum naturales ab hydrope infestantur, integro atque incolumi existente corpore reliquo; nonnunquam autem, ut in hydrope, universum simul corpus inde-

center

(a) Lib. VII. Cap. 19.

(b) Lib. VI. Cap. 62.

center ab humoribus ejusmodi noxiis affligitur. Quod ipsum equidem posterius ubi fit, haud sanari partes naturales, nisi reliquo corpore simul restituto & ab hydrope liberato poterunt. Ubi vero non nisi partes naturales distentae ab humoribus noxiis reperiuntur, insigniter adversus malum istud proficere medicamentata digerentia & roborantia, quae in hydrocele (§. 3.) proposuimus, interna & externa una cum idonea diaeta, consueverunt. Si neque his malum cesserit, haud alienum saepe est, in masculis scrotum atque penem, in feminis pudendi labia hinc inde scarificare, atque ita humores sensim emittere; remediis internis & fomentis roborantibus quam diligentissime simul applicatis. Valent hic mirifice pro fomento aqua calcis calida, eademque vel sola vel lapide medicamento Crotlii roborata, vel spiritus vini atque hujus generis alia medicamenta in oedemate superius (P. I. Lib. IV. Cap. XVIII.) commendata, siquidem cum spleniis five linamentis complicatis quam creberrime super scrotum imponuntur. GARENGEOTIO (a) nihil adversus noxam hanc valentius videtur emplastro Norimbergensi, super partem scarificatam imposito atque hinc inde perforato, ne humor inde profluens reprimatur: quem in finem etiam empl. de cumino, itemque diaphoreticum MYNSICHTI apte adhiberi possunt. Simulatque autem vulnera, in prima scarificatione facta, coeunt, vel exarescunt, innovari eadem, si res ita postulaverit, facillimo negotio poterunt. Similiter ubi sola scarificatio ad humores extrahendos non fatis promte profecerit, haud alienum quandoque fuerit, circa infimas pudendi partes setaceum aliquod instituere: qua de re conferri potest DEKKERUS (b).

C A P V T C X X V.

De hydrofarcocoele.

Hydrofarcocelen inde cognoscimus atque ab hydrocele simplici discernimus, si circa corpus durum testiculi tactu humorem fluctuantem percipimus, & adhuc magis, si post emissum humorem testiculus nihilominus justo grandior atque durior existit. Quamdiu etenim scrotum ab humoribus copiosis est diductum, quandoque vix ac ne vix quidem dignosci ab invicem hydrofarcocoele atque hydrocele simplex poterunt. Neque enim digito vel manu contingere semper testiculum facile licebit, nisi forte exigua admodum humoris copia intus fuerit. Si quis igitur aegrotus a tumore nimio solum liberari cupierit, eadem institutioni curatio poterit, quam in hydrocele minus gravi praescripsimus, acu scilicet canula inclusa. Ubi vero testiculus insigniter tumet & cum duritie quadam dolet, neque aegrotus curationem perfectam extimescit, necessarium utique est hydroceles atque farsocoeles curationes invicem quasi conjunctas adhibere. Itaque scalpello detegi ante omnia peritonaei processus ac postea trajecto filo una cum vasis spermaticis ligari ac tandem simul cum tunica vaginali, quae cum processu peritonaei continua est, e scroto blande separavi abscondique testiculus vitiatus debet:

(a) In Chirurg. Operat. Cap. de paracentesi, circa finem.

(b) In Exercit. Practicis pag. 290. SCULTETUS exemplum refert scroti in hydropico feliciter perforati, Obs. 67.

bit : ita enim dum vitiatae tunicae & venulae testiculi simul cum testiculo removentur, & sarcocoele & hydrocele simul curantur. *Exemplum ingentis hydrosarcocoeles* describitur in CAMERAR. Dissertat. Taurinens. pag. 216. & aliud A. 1742. in mercatore quodam Magdeburgensi, natione Gallo vidi, quod utrumque simul castratione curatum est.

C A P V T CXXVI.

De Hydro-enterocele.

Hydro-enterocelen aliquam incidisse exinde colligimus, sicubi intestinis repressis nihilominus eodem in latere tumor aliquis, vesicae aqua repletae quoad tactum similis, circa testiculum remanet (a). Quando autem in altero latere hydrocele adest, in altero enterocele, tunc morbus non hydro-enterocele vocatur, sed pro duplici morbo, nimirum enterocele in uno & hydrocele in altero latere est habendus. Si quis ergo liberari ab istiusmodi malo voluerit, diversa ratione fieri potest curatio. Prima eo spectat, ut intestina in ventrem refusa per idoneum vinculum adhibitum quam exactissime contineantur. Altera tollendis aut saltem emittendis humoribus debet esse accommodata, ideoque vel perfecta, vel saltem palliativa, prout aegri hoc desiderant, aut Medicus eam salutarem judicat, est adhibenda. Tertia curatio esse potest, ut, sicut Cap. CXIX. §. 12. de herniis intestinalibus docuimus, saccus investigetur, a vicinis separetur, atque refusus intestinis in ventrem, juxta annulum probe ligetur, casus fili exspectetur, atque vulnus tandem glutinetur. Sed providendum tamen hic quam solertissime semper est, ne forte, ubi intestina & aqua simul in uno latere haerent, scrotum prius aperiatur, quam intestina fuerint in pristinam sedem restituta, atque a ministro quodam vel vinculo pro herniis intus detenta: siquidem alias periculum est, ne dum scrotum inciditur, simul intestinum concidatur, atque ita homo, quem sanare instituimus, temere interficiatur. Ubi vero in diversis scroti lateribus diversi hi morbi sunt, periculum minus est.

C A P V T CXXVII.

De pneumatocele sive bernia ventosa aut flatulenta.

I.

*An detur
bernia ven-
tosa.*

Posse veram pneumatocelen quandam sive berniam ventosam existere & re vera etiam saepe incidere, a quamplurimis Auctoribus scriptum equidem est; sed, me judice, nondum satis luculenter, neque exemplis, neque rationibus manifestis demonstratum. Quin potius ego vereor, ne qui forte Medici ac Chirurgi minus perspicaces hydrocelen aut enterocelen aliquam, vel medicamentis curatam, vel sponte sua evanescentem, pro pneumatocele quidem haud raro habuerint, qui

ta-

(a) Ipsa sectione aliquando hoc vitium in cadavere quodam deprehendi.

tamen talis non erat. Atque id magis etiam ideo, quia nec facie, nec signis fatis manifestis, si levitatem forte excipias, nec curatione per medicamenta ab hydrocele differre pneumatocele traditur. *Mihi sane aliquoties contigit, vel hydrocelen & observare & curare in illis, quos alii quidam Medici ac Chirurgi pro aegris a pneumatocele afflictis habuerant, quae tamen tales revera non fuerunt.* Ita & expertissimus MEEKRENIUS in *Obs. Chirurg. Caput LI.* inscripsit de *paracentesi scroti in hernia flatulenta*: ubi facile ex hac inscriptione quilibet certe crederet, *herniam flatulentam* revera adfuisse. Si vero caput hoc perlegitur, *aquam eductam fuisse* deprehenditur, & nullos flatus (a).

I I.

Signa, quibus & cognosci & ab hydrocele dignosci pneumatocele, secundum illorum quidem Auctorum sententiam, qui eam statuunt, debet, fere sunt: 1) scrotum manibus contrectatum, vesicae ab aëre distentae simile videtur; 2) ideoque insigniter leve, & speciatim multo levior, quam si humoribus repletum est, itemque magis perlucidum admota candela deprehenditur; denique 3) si talitro idem percutitur, sonus editur, qualis nimirum edi solet a vesicis inflatis atque digito percussis. Tametsi autem egomet nunquam aliquid istiusmodi observaverim, licet hernias omnis generis quamplurimas viderim atque curaverim, adeoque an talis casus tam saepe, ut non pauci perhibent, extiterit, merito dubitem; tamen, si qua forte istiusmodi malum aliquando inciderit, hunc in modum curatio poterit institui.

I I I.

Extrinsecus scilicet eadem applicentur medicamenta digerentia ac discutientia, quae ad hydrocelen tollendam commendavimus, fomenta & emplastra. Ex internis medicamentis praestantissima utique hic ea sunt, quae cum ad alvum ducendam, tum etiam ad dispellendos flatus proficiunt. Utriusque generis medicamentis diligenter adhibitis, aegri, qui pro talibus habentur, praecipue si juniores adhuc fuerint, haud raro sanescunt. Sin nihil omnia medicamenta profecerint, & tumor subsistere pergat, aeger vero ab eo liberari ferro desideret, vel scalpellum vel acum triangularem sive clavum tubulo inclusum (Troicar) deprimere in scrotum oportebit, eodemque perforato, quicquid intus est, sive jam aër sit, sive humor, emittere: ubi apparebit, aqua an aër intus fuerit contentus. Ceterum neque a CHESELDENO, DRANIO, MOTTIO, FAYO, SCHARPIO neque a GARENGEOTIO hujusmodi vitium unquam observatum fuisse, exinde mihi fit verosimile, quod in Libris suis Chirurgicis nullam omnino pneumatoceles mentionem nullo minus curationis ejus fecerint. PAULI AEGINETAE temporibus eam pro arteria dilatata habuerunt (b), adeoque ob-
erum-

(a) FABRICIUS AB AQUAPENDENTE in suis Oper. Chir. nihil quoque de pneumatoceles cura scribit. MARINUS equidem Cap. de hydrocele de hernia flatulenta loquitur, attamen nullum casum aut exemplum refert. VOGELIUS Lib. de herniis de pneumatocele saepe differit, verum nullum verum exemplum ejus profert, nisi emphysema scroti a vulnere inductum. Verum pneumatocele & emphysema semper pro distinctis morbis habita sunt, & speciatim pneumatocele pro aëre aut flatibus in cavo scroti.

(b) Lib. VI. Cap. 64.

erumpentis sanguinis periculum, qui nullo modo sisti posset, eam Chirurgia aggredi recusarunt : quod vero haud verisimile est.

C A P V T CXXVIII.

De ramice varicoso, sive Cirsocele.

I.

Ramex varicosus quid sit.

Nonnunquam venae spermaticae circa & supra testiculos atque in peritonei processibus in scroto, imo & quandoque supra scrotum in inguine ita mirifice intumescunt, ut vel varicis alicujus, vel intestini avis cujusdam, vel & calami cujusdam straminei & quandoque scriptorii speciem atque sensum prae se ferant, praeterquam quod interdum nodos aliquos inaequales eosque paulo ampliores simul hinc atque inde contineant; testiculusque magis justo dependeat. Hoc ipsum vitii genus *ramicem varicosum*, *varicocelen* itemque *cirsocelem* Medici appellant, quamvis forte rectius *varices vasorum spermaticorum* vocari posset. Interdum & venae cutis scroti in modum varicum intumescunt, ut CELSUS jam notavit; verum harum dilatatio cum Fabric. ab AQUAPENDENTE rectius pro *varicibus scroti*, quam pro *hernia* habetur: interea tamen saepe confunduntur, & pro uno eodemque malo, licet minus recte, a quibusdam habentur.

II.

Causae.

Causa utriusque praecipua a sanguine, vel nimis abundante, vel nimium inspissato atque tenaci videtur esse repetenda. Is etenim dum in venis his haeret, insigniter illas distendere, gravissimasque homini molestias concitare potest. Cumprimis illi huic malo etiam valde obnoxii sunt qui haemorrhoidibus & praesertim externis subjecti, ubi etiam subinde mictus cruentus accedit. Nonnunquam vero ab externa violentia quadam vitium illud nascitur: siquidem per illam hae venae contunduntur aut debilitantur, atque ita sanguinis cursus impeditur. Interdum quoque juvenes, praecipue illi, quos aut nimia seminis abundantia, aut libido vexat, malum istud, ut aliquoties vidi, praesertim intra scrotum sentiunt. Namque horum venae propter nimiam sanguinis copiam & versus testiculos impetum, remoramque in refluxu ad ventrem mirum quantum saepe distendantur. Sed rarius tamen inde incidere morbus aut singularis molestia solet, nec qualiscunque venarum harum dilatatio pro ramice mox aut morbo, ut empirici saepe facere solent, habenda. Nisi enim cum venarum distentione conjunctae sint dolores aut molestiae notabiles; vix apparet ratio quare homines, venarum levem quandam his in locis distentionem sentientes, pro aegrotis habere, iisdemque manum Medicam, multo minus Chirurgicam, adhibere velimus. Aptum tamen consilium, quod infra indicatum est, dari ipsis poterit, pro incremento evitando. Nam si in utroque scroto, sterilitatem inducere potest.

I I I.

Quodsi vero nimium quantum hae venae increverint, *vehementesque dolores aut molestias homini moverint, necessarium utique videtur, adversae valetudinis praesidia quaerere.* Sciendum vero est *hoc genus mali pertinacissimum esse,* & saepe omnia remedia respuere. Poterit autem *diversimode curatio hic institui.* Namque ubi forte in fanis & vegetis a nimia seminis copia, in venis spermaticis, exortum malum est, valentissimum ejus remedium saepe est *matrimonium,* id quod propterea ipsis commendandum. Ubi vero hoc non sufficit, quemadmodum hoc malum in eis vidi, qui in matrimonio vixerunt, aut ubi *externa quaedam violentia* seu contusio vitium illud induxit, parum plerumque medicamenta proficiunt: siquidem per ea difficulter admodum pristino vigori suo restitui nimis graviter diductae ac debilitatae aut laceratae venulae consueverunt. Interim in hoc malo, quia quam maxime *sanguis valde spissus & abundans hic peccat,* haud negligenda sunt istiusmodi medicamenta, quae & inspissatum sanguinem diluunt, & *debilitatas venas roborant.* Atque de internis quidem medicamentis prudentem Medicum aliquem consulere omnino convenit. Extrinsecus autem praeter sanguinis detractionem applicari utiliter fomenta istiusmodi *adstringentia atque roborantia poterunt, quae in hydrocele supra (Cap. CXXII.) praescripsimus.*

I V.

Quodsi autem, frustra adhibitis medicamentis omnibus, venarum in scro-
ti tunicis distentarum nodi una cum doloribus subinde crescunt, *veteres vel ferrum candens vel ligaturam harum venarum commendarunt (a):* Verum cum hae curationes nimis crudeles mihi videantur, si varices hi in scroti tunicis sunt, haud prorsus alienum hic esse existimo, quam maxime *distentam venam per adhibitum scalpellum eoque incidere,* quousque tumor extenditur, emissis per vulnus istud *aliquot sanguinis unciiis.* Quo equidem rite confecto, linamentis carptis vulnus expletur emplastroque vulnerario contegitur, splenio quodam convenienti atque fascia superimpositis, vel *scarificatio in scroto instituat,* & sanguis hic haerens proxime ex venis educatur. Deinde in sequentibus deligationibus per adhibitum balsamum atque emplastrum vulnerarium vulnera ista glutinantur. Sic enim non a sanguine tantum inspissato atque doloribus corpus liberatur; sed *laxa quoque venae pars per inductam cicatricem validam ita roboratur ac velut munitur,* ut non adeo facile rursus diduci a sanguine valeat. Si malum haeret intra scrotum, hoc prius inciso una cum processu peritonaei, nonnulli simili ratione deinde procedunt.

V.

Interim in utroque malo hortandus simul aeger est, ut *et sufficienti et temperata Regimen* nui semper potu, *et crebra exercitatione,* & medicamentis denique, sanguinem attenuantibus, diligentissime utatur, non omissa sanguinis missione, bis vel ter quovis anno instituta; contra vero a cibis crassioribus atque durioribus, nec non

(a) Vid. Fibr. ab Aquap. Cap. de hernia varicosa, in Operat. Chirurg. & CELSUS Lib. VII. Cap. XXII.

non a nimia vita sedentaria, utpote quibus insigniter sanguis inspissatur, quantum fieri potest, abstineat. Atque hoc consilium iis quoque dandum, in quibus hoc malum incipit, ad majus incrementum & molestias evitandas, aut malum prorsus tollendum. Quidam si hoc vitium valde dolet, & medicamenta parum proficiunt, vasa spermatica in inguine una cum processu peritonaei ligant & testiculum una cum vasis varicosis extirpant, id quod vero sine summa necessitate fieri non debet. Quodsi vero vasa ultra ad annulum usque tumida atque indurata jam sint, praestat a sectione hac abstinere, quia mors utplurimum postea inde subsequitur.

C A P V T CXXIX.

De testiculorum carcinomate & sphacelo.

SI testiculi scirrhus in carcinoma, aut inflammatio (a) in sphacelum convertitur, vel & a quibuscunque aliis causis putredo aut corruptio totum testiculum occupavit, miserum, sed unicum tamen fere remedium est, vitiatum ejusmodi testiculum, ne ad interiores abdominis partes malum transeat hominemque conficiat, protinus ea ratione excindere, quam in celotomia Cap. CXIX. itemque de sarcocoele Cap. CXXI haecenus explicavimus. Quando autem ex parte tantum abscessu vel sphacelo quodam corruptus est, non mox totus testiculus resecandus, sed abscessus aperiendus, purgandus & rursus consolidandus. Utique vero memorabilis hic videtur observatio illa, quam in testiculorum amputatione sive castratione omni salutarem imprimis atque necessariam esse GARENGEOTIUS (b) statuit; ut nimirum musculi abdominis exterioris annuli parte interiori incisa vel resecta venae spermaticae a partibus adhaerentibus ante semper resolvantur atque circa annulum vel adhuc supra illum vinciantur, quam ipse quidem testiculus attingatur: siquidem hac ratione non mitius tantum aegri tractentur, sed felicius quoque curentur. Quam vero ob causam hoc fieri debeat, haud satis exponit. Contra verendum potius est, conciso hoc annulo, partem hanc abdominis, quam Deus pro hac parte roboranda condidit, debilitari, atque ad herniam postea generandam aptiorem reddi: ut taceam dolores, quos aeger ex sectione hujus annuli frustra, ut mihi saltem videtur, perferre cogitur. Praeterea si vasa spermatica prope annulum vel in ipso annulo ligantur, metuendum est ne inflammatio ad partes internas procedat. Imo si corruptio in vasis spermaticis ad annulum aut supra eum jam processit, ab operatione potius abstinendum esse plerique statuunt, licet supra exemplum felicitis successus retulerim.

Qua

(a) Quomodo inflammatio testiculorum curanda supra expositum est.

(b) Operat. Chirurg. Cap. de castratione.

Qua ratione colis vitia curari debeant.

C A P V T CXXX.

De phimofi.

I.

Nonnunquam *præputium* sive *summa colis cutis* propter gravem inflam- *Phimosis*
quale vitium sit.
mationem ita coarctatur, ut nulla ratione reduci post glandem queat. Me-
dici cum Graecis *phimosis* noxae genus illud vocare consueverunt. Solent
autem gravibus ut plurimum incommodis obnoxii esse, quicumque colis noxam
istam sentiunt, si virulentæ venereæ materiae quicquam glandem inter at-
que cutem hanc hæserit. Sic enim propter *nimiam cutis angustiam* illam ne-
que purgari satis commode neque sanari glandis ulcera ista, quæ nostrates
cum Gallis *chancres* vocant, possunt, quæ ab impuro veneris usu proveniunt.
Ut proinde mirum haud sit, si, quemadmodum VERDUCIUS (a) observa-
vit, aut *gangraena*, aut *carcinoma*, aut *gravis saltem glandis atque summae cutis*
inflammatio atque *erosio* exinde suboriantur. Quibus equidem malis inciden-
tibus, aut *per se coles ab ipsis his ulceribus absuntur*, aut *scalpello* subinde præ-
scindendus est. Accedit, quod aegri hi sæpissime non nisi maximis cum do-
loribus mittere urinam, propter cutis & glandis erosionem, queant.

II.

Causam phimoseos præcipuam plerumque ab incauto cum *feminis impuris con-* *Causa,*
cubitu Medici rectissime repetunt. Dum enim virulenta ista, quam sinu vagi-
nae suae fovere prostibula solent, materia cutem inter atque glandem rema-
net; abesse vix potest, quin *summa cutis illa*, præcipue si paulo longior &
angustior eadem fuerit, graviter ex inflammatione intumescat, noxasque hac-
tenus inemoratas concitet. Tametsi vero non desunt, quibus *ipsa natura us-*
que adeo longam eandemque angustam colis cutem tribuit, ut vel plane non, vel
quam aegerrime saltem nudari glans *contecta* valeat; tamen, quum & urinam
absque molestia mittere, & liberis procreandis operam dare nihilominus ipsi
valeant, *supervacuum utique videtur*, curationem aliquam Chirurgicam in iisdem
experiri; nisi forte aut inflammatio quaedam, aut dolor *vehemens*, aut *insig-*
nis molestia, præsertim in concubitu, *scalpello* postulaverint (b). Possent autem
homines, justo longiorem penis cutem habentes, longe plerumque facilius, quam
reliquos, ab impurioribus feminis infici aut corrumpi, non ex hætenus solum
traditis, sed & vel maxime ex ipso rerum usu manifestissime perspicitur.
Vel & in coitu, præsertim vehementiori, præputium lacerare sibi possunt.

III.

(a) Vid. Eiusd. tract. de fasciis. Cap XXVII.

(b) Spectat huc exemplum in Hist. Acad. Reg. Scient. propositum an. 1706. pag. 31.

I I I.

Primis
curatio.

Si malum hoc sine venerea labe est, balneando colem satis diu in aqua, vel lacte tepido subinde curatur; sed si ab impura venere pronatum malum est, quam commodissime ut plurimum, adhibitis simul internis idoneis remediis, & cruciatus leniri, & glans exulcerata sanari hoc fere modo poterunt. Ante omnia, pro expurgandis humoribus acris atque noxiis, subter cute summa haerentibus, aqua tepida, praesertim ex hordei decocto atque rosarum melle confecta, creberrime inter praeputium atque glandem ope siphunculi injicienda est. Extrinsecus, ad discutiendum tumorem, fomentum sive cataplasma quoddam emolliens atque digerens circum tumefactam colis partem applicare convenit. Si gravior inflammatio subest, sanguinem per venas aegro detrabi oportebit. Quibus rite peractis experiendum, an cute reducta nudare glandem in cole flaccido liceat. Sicuti vero tumor, propter nimis gravem glandis exulcerationem, studium nostrum vincit; si malum sensim increscit; si denique nec ante morbum quidem reduci summa cutis potuit; sane nisi gravioribus periculis exponere hominem aegrum voluerimus, proximum est, ut a ferro sanitatis praesidia repetamus.

I V.

Primus o-
perandi mo-
dus.

Fere duplici autem ratione institui operatio ista poterit. Primus operandi modus hic est. Cutis extrema, quantum fieri potest, solertissime antrorsum versus extenditur, contactaque glande, digitis ab administro quodam comprehenditur. Glandem cute contactam sinistrae manus pollice Chirurgus reprimat, prominentemque cutis partem per adhibitum scalpellum aut forcem ante pollicem suum praecidat, cum fere in modum, quem in circumcidendis masculis Hebraei communiter adhibent. Praecisa, quemadmodum explicavimus, summa eademque nimis angusta colis cute, non reduci tantum facilius cutis reliqua poterit, sed, denudata quoque glande, longe expeditior reliqua ulceris & purgatio & curatio fiet.

V.

Alter ope-
randi mo-
dus.

Altera curandi ratio sic fere procedit. Superiori eidemque per digitos probe diducto praeputium forfex retusa aut globulo etiam instructa subjicitur, atque ita cutis angusta, quantum quidem ad denudandam glandem satis est, conciditur. GUILLEMAEUS equidem (a), PALFYNIUS (b) atque alii proprium huic negotio scalpellum destinarunt, Tab. XXVI. fig. 4. delineatum: sed quae sit figurae istius ratio, & cur non aeque bene alio recto scalpello perficienda sit, nondum satis perspicere mihi licuit (c). Praeputium secundum longitudinem diviso, Chirurgorum aliqui partem ejus extremam eandemque superfluum forcis subsidio utrinque rescindunt. Sanguis quidem plerumque hic satis copiose profluit, at tamen suppressi statim haud debet: quin potius emittere aliquam ejus portionem,

(a) Vid. Opera ejus Gallice conscripta, pag. mihi 437. & 438.

(b) In Chirurg. Belgice conscripta pag. 176.

(c) Scalpello herniario DRANII, (bistouri berniaire) Tab. XXIV. fig. 10. incisionem praeputii rectius fieri posse, quam hoc GUILLEMAEI, GARENGEOT existimat; Tom. II. 441. illudque carpit.

nem, prout vires aegri atque habitus sunt, conveniet; ne qua facile inflammatio superveniat. Emisso, quemadmodum praecepimus, multo sanguine, linamenta tunc carpta eademque sicca supradantur, atque per injectum splenium & fasciam, partibus naturalibus destinata, deligantur. Cetera eadem facienda sunt, quae circa vulnere glutinationem alias proposuimus; praeterquam, quod, primo curationis modo adhibito, quam solertissime providendum semper sit, ne qua forte cutis summa denuo per ipsam glutinationem nimis coarctetur, atque ita homines aegri malo pristino iterum exponantur. Nonnunquam, diviso in hoc malo praeputium, a frenulo glans retrahitur, atque penis sic quodammodo incurvatur. Quod ipsum equidem ubi fit, scalpello vel forfice resolvare frenulum decebit. Si gangraena jam tum glandem occupavit, qualiter equidem in exemplo, a VERDUCIO descripto & supra allegato factum esse legimus; necessarium utique est, partem aegram, facta scarificatione, ad usque partes sanas quam creberrime incidere, fomentisque ex unguento aegyptiaco & theriaca, in spiritu vini camphorato resolutis, tamdiu fovere, donec ipsa gangraena cesset. Si qua autem ulcera ejusmodi (chancres) paulo pertinaciora, vix ac ne vix quidem restitui absque remediis mercurialibus internis & quandoque absque leni salivatione hi aegri possunt. Ceterum silentio praetermitti nequitiam hic debet, D. TREWIUM, veterum amicorum meorum haud postremum, aliquando pro tali aegro, cum Altorfii adhuc mecum esset, proprium instrumentum aliquod hunc in usum excogitasse; (vid. Tab. XXV. fig. 5.) cujus equidem lamellis AA subter cutem insertis, atque elaterii beneficio, post reductam cochleam B, sensim sensimque diductis, haud prorsus infelicitate atque sine scalpello cutem nimis angustam ille diduxit, contactamque glandem denudavit. Sed an semper hocce ferramentum sufficiat, dubito (a).

C A P V T C X X X I.

De paraphimosis.

I.

Quomodo phimosis curari sive glans penis contacta deoperiri possit, haec *Paraphimosis* *quid sit.* tenus explicavimus: transeundum nunc ad vitium contrarium, quod *paraphimosis* apud Graecos vocatur, indeque nascitur, si praeputium ita vel per se curtum, vel & juxta glandem aut nimis constrictum aut tumefactum est, ut super illam reduci prorsus nequeat. Fere semper autem sanguinis in glande circuitus a praeputio istiusmodi nimium coarctato ita impeditur, ut non tumor solum ingens glandis atque gravissima cum doloribus acutissimis inflammatio, sed ipse tandem sphacelus eandem infestet, tandemque colem ita affectum scalpello subjiciat. Solent hujus generis malum ii prae ceteris sentire, qui & nimis angustum a natura praeputium habent, & complexu venereo nimium quantum vehementi.

(a) A phimosis ceteroquin in infante retentio urinae observata est, quae resecto, ut in Judaeis, praeputium, curata est a SAVIARDO, Obs. 75. similem & ego vidi & curavi A. 1744. In adultis vero incisionem cutis praefert Saviardus ibidem.

ti feminis sese jungunt, virginibus praesertim atque illis, quae paulo angustiori natura sunt instructae. Ut proin egregie nonnunquam juniores mariti isti fallantur, qui, dum noxam modo descriptam a concubitu cum sponis vel uxoribus suis novis sentiunt, cum defloratis atque infectis sese rem habuisse, indeque malum istud sibi contraxisse, opinantur; quum tamen ab ipsa naturae angustia & virginitate idem provenerit. Quandoque etiam apud pueros & juvenes oritur, qui ex petulantia vel libidine praeputium valde angustum pene flaccido retrahunt, ac deinde, pene rigido facto glandeque tunc intumesciente, illud super glandem reducere nequeunt: unde aliquando mirum praeputii post glandem tumorem vidi. Interim negari haud quaquam potest, paraphimosis eos quoque saepius infestare, qui cum feminis impurius sese miscent. Dum enim coles atque cutis interior a materia quadam virulenta inficiuntur atque arroduntur, abesse vix potest, quin inflammatio, tumor atque id genus aliae noxae, haecenus memoratae, praeputium affligant. Germani, propter externam aegrae partis speciem, collare Hispanicum dicere paraphimosis consueverunt.

I I.

Paraphi-
moseos cu-
ratio.

Paraphimoseos curatio eo potissimum spectat, ut, praeputium reducto, glans nuda rursus contegatur. Namque hoc facto, dolores una cum noxis reliquis mox sese remittunt. Interim quia gravis plerumque inflammatio tumefactam penis partem simul infestat, quae hanc restitutionem difficilem, imo saepe impossibilem reddit; nihil abs re Chirurghi faciunt, quando digerentibus atque emollientibus fomentis sive cataplasmatibus, vel vino calido, camphorato etiam vini spiritu roborato colem tumentem quam diligentissime involvunt, subindeque, dum deligationem innovant, pene praesertim flaccido, an reduci praeputium queat, experiuntur. Simulatque enim glans denudata rursus tecta est, protinus mala omnia evanescent. At vero quia vinum ac spiritus vini camphoratus propter acredinem suam; cataplasmata vero emollientia, propter ipsam emolliendi facultatem suam, sanguinis motum quandoque versus partem laesam concitant, atque ita penem, satis jam per se tumentem, magis subinde distendunt; promptior utique Chirurgis quibusdam ea curatio videtur, quae per aquam frigidam instituitur. Simulatque enim coles in ipsam demittitur, vel abdomini etiam atque scroto largiter eadem adspargitur, aut cum splenis imponitur, misso praesertim prius largiter sanguine; fere semper, quicquid excitatum fuerat, continuo flaccescit. Cole, quemadmodum diximus, flaccescente, oleo olivarum statim, aut butyro inungere glandem, ut lubrica fiat, convenit. Deinde penis inter manus utriusque indicem atque medium digitos comprehendatur; glans nuda per admotos pollices fortiter reprimatur, ipsa denique cutis per injectos digitos gnaviter extendatur sive attrahatur, donec glandem nudam decenter contegat. Haec dum fiunt, intensos ut plurimum cruciatus aegri sentiunt, ac perferre coguntur, clamoremque vehementem edunt. Quem ipsum tamen prudens atque intrepidus Chirurgus ita parum curat, ut potius, quantum fieri potest, celerrime ac ex CELSI praecepto, perinde faciat omnia, quasi nullus ex vagitibus alterius affectus oriretur. Atque id magis etiam ideo, quia praeputium reducto, parum quod nihil, quod ad curationem perficiendam desiderari queat, reliquum esse consuevit.

vit. Si minus gravis inflammatio penem occupavit, hoc est, si minus virulenta materia eundem infestavit, in aquam tepidam colem demisisse haud raro suffecerit: si modo cetera eadem fiant, quae facienda esse jam jam proposuimus.

I I I.

Quodsi vero penis tumefactus, propter nimis vehementem inflammationem ^{Paraphi-} vel ob mali diuturnitatem, ad gangraenam jam tum spectet, longe optimum fuerit, per incisas, primo in brachio, deinde in superiori colis parte venas sanguinem ^{mosis gra-} detrahere, eundemque tantisper fluere pati, donec penis flaccidus fiat. ^{vior quomo-} Namque tunc reduci praeputium ut plurimum modo proposita ratione poterit. Quo equidem facto, vena incisa rursus deligatur. Paulo diversam ab ea, quam haecenus explicavimus, curandae paraphimoseos viam PETITUS saepe jam laudatus ingreditur, dum per fasciam aliquam angustam eandemque perforatam, sive fasciae unienti haud absimilem, glandem tumentem firmiter constringit, atque hoc facto eam praeputio decenter extenso rursus condit. Nonnunquam a sero sanguinis ita mirifice praeputium distenditur, ut vesicarum, ab ambustione vel medicamentis vesicantibus excitatarum, speciem prae se ferat, humoremque intus contentum oculis spectandum exhibeat; vel &, quo minus condi glans nuda possit, impediat. Hoc ubi fit, hinc inde concidi per admotum scalpellum vel phlebotomum cutem distentam oportebit, emissioque sero per vinum calidum vulnera expurgari, tandemque cutem supra glandem extendi. Ne qua autem facile, prout fieri quandoque solet, hoc in casu cutis vulnerata cum subiecta glande cohaerescat; haud abs re fuerit, aegro imperare, ut quam creberrime urinam in praeputium, circa glandem extremam comprehensum, emittat: ipsam vero cutem diligentissime super glandem trahat retrahatque, idemque tamdiu faciat, quamdiu periculum esse videtur, ne glutinari invicem aegrae partes istae valeant. Aequae autem feliciter impediri perniciose glutinatio ista solet, ubi frequentissime vinum calidum inter cutem internam praeputii atque glandem injicitur, vel etiam linamentum inter glandem & cutem interjicitur. Si qua autem forte praeputium cum glande jam tum coahuit, protinus idem resolvi per submissum dentiscalpium, aut phlebotomum retusum, aut scalpellum denique sphaerula circa apicem instructum debebit; sed adhibita tamen cautione maxima, ne scilicet ipsa glans simul laedatur, atque profusio sanguinis concitetur. Praeputio atque glande hunc in modum rursus divisas, cetera eadem facienda sunt, quae de urinae, vel vini aut linamenti hanc in rem usu paulo antea diximus. Debent autem cutis atque glans hoc semper sollicitius ab invicem detineri, quo difficilius postmodum, si semel firmiter coaluerunt, resolvi eadem possunt. Ceterum facta hac operatione retro adduci colem eundemque ad ventrem leniter deligari oportet; quia, si is dependet, inflammatio cum tumore ob faciliorem sanguinis descensum, subinde increfcit. Vidi etiam aliquando in juvene, praeputium post glandem retractum in magnum tumorem durum abiisse, qui nulla ratione digeri poterat.

I V.

Denique si nihil istaec omnia proficiunt, hanc curandi viam PETITUS ^{Petiti me-} ineun- ^{thodus.}

ineundam statuit (a.) . *Colem inter atque constrictum praeputium scalpellum aliquod minutum idemque curvum, acie sursum sive versus praeputium conversa; diligentissime inseritur, donec tumens atque nimis adstricta cutis pars commode per id discindi queat. Si pluribus in locis, quemadmodum id fieri quandoque duobus, tribus vel quatuor in locis, quali totidem annulis solet, praeputium coarctatum est, atque tumefactum, toties repetere idem curationis negotium convenit, quoties ipsa noxae indoles facere idem postulat. Concisis, quemadmodum diximus, angustis praeputii partibus singulis, gnaviter coles per adhibitum vinum calidum foveatur atque abluitur, reductoque super glandem praeputio, diligenter pars afflicta deligatur, atque ea ratione glutinatur, quam modo explicavimus.*

C A P V T CXXXII.

De cancro & sphacelo, qui in cole nascitur.

SI qua forte colem gangraena post inflammationem, *phimosin* aut *paraphimosin* occupavit, tum ea ratione curari malum oportet, quam supra in *phimosi* proposuimus (Cap. CXXIX. §. 3.) . Quodsi autem *sphacelus* aliquis, aut post glandis scirrhum cancer etiam in cole nascitur, tum protinus, quicquid corruptum est, ne ad partes proximas continuo malum serpat, tandemque miserum hominem conficiat, tolli oportet. *Modus operandi commodissimus hic est. In urethram tubulus argenteus aut plumbeus, idemque paulo longior, quam ipsa pars corrupta, sic inseritur, ut ultra id, quod corruptum est, transeat. Deinde sana corruptaeque proxima colis pars, vinculo lineo vel sericeo satis valenti adhibito, sic deligatur, quemadmodum in tuberculis carnibusque excrescentibus per vincturam tollendis, fieri consuevit. Tum insertus quoque tubulus diligentissime firmatur, ne ex urethra facile excidat, sed urinae profluenti iter praebeat. Vinculum in pene relinquitur; quin etiam, si commodum idem fuerit, novo quodam & firmiori vinculo superinjecto, die proxima, quantum quidem satis est, intenditur. Sic enim, praeterlapsis aliquot diebus, quicquid corruptum est, juxta vincturam decidit. Non sum equidem nescius, Chirurgorum aliquos per adhibita ferramenta corruptam colis partem mox praescindere, suppressoque ferro candente (b) vel medicamentis adstringentibus sanguine, plagam inflictam haud prorsus infelicititer nonnunquam glutinare: sed quia rarius illa curandi ratio procedit, gravissimasque ut plurimum noxas adducit, vix aliter ego possum, quam ut vincturam ferro anteponendam esse statuam. Ceterum ubi non nisi aliqua colis pars demta est, relicta adhuc satis magna, sane vel post ipsam quoque curationem generandi facultas quaedam solet esse reliqua; major utique vel minor, pro diversa scilicet partis superstitis magnitudine. Exempli morbi haecenus descripti quisquis desiderat, is equidem, praeter SCULTETUM (c), HILDANUM (d) atque RUYSCIUM,*

(a) DOE-

(a) Vid. Gareng. Oper. Chirurg. Cap. de paraphimosi.

(b) Ut SCULTETUS obs. 65. fecit.

(c) Observ. 60. & 65.

(d) Cent. III. observ. 88. ubi horrendus penis fungus delineatur.

(a), DOEBELIUM velim conferat: siquidem hic peculiarem de hoc ipso vitio libellum conscripsit (b).

C A P V T CXXXIII.

Quomodo resolvi frenulum penis debeat.

I.

Resolvi equidem penis frenulum tunc inprimis debet, quando glans inferior sic per idem retro attrahitur, ut penis inde deorsum incurvetur, & minus, quam naturaliter decebat, erigi aut extendi valeat, hominesque proinde ad procreandam sobolem inepti fiant (c). Eandem operationem in hominibus etiam, a gonorrhoea, phimosi atque paraphimosi vexatis, quandoque adhibendam esse, alias admonuimus. Poterit autem eundem fere in modum curatio illa institui, quem ad linguae frenulum rite resolvendum proposuimus.

Quando haec curatio necessaria.

I I.

Nempe frenulum forficis aut scalpelli subsidio diligenter eatenus conciditur, quatenus ad penem decenter extendendum sufficit. Conciso frenulo, pauxillo linamenti carpti contorti vulnus expletur; penis autem super charta densiori, vel & asserculo quodam tenuiori deligatur, atque ita paulatim directus efficitur. Nonnunquam satis laxum frenulum, sed penis tamen ita curvus est, ut directe sufficienter extendi prorsus nequeat. Hoc ipsum ubi fit, vitium naturale esse atque a mala penis constructione proficisci, adeoque difficulter admodum sanari consuevit. Si nihilominus matrimonium inire atque liberis procreandis operam dare istiusmodi homines cupiunt, tentandum est, an vel per medicamenta emollientia in latere nimis adstricto; vel roborantia in latere nimis laxo, ac simul per vincturam modo descriptam, vel denique & per in contracta cute factas plagas five incisiones leves, in formam naturalem redigi penis curvus queat (d).

Quomodo instituenda.

C A P V T CXXXIV.

De verrucis atque id genus aliis tuberculis, quae in pene nascuntur.

Quaecumque penem infestant tubercula, fere semper nasci a venereo quodam morbo consueverunt. Sedes illorum non una est. Quaedam enim

(a) Observat. XXX.

(b) Prodiit iste libellus Lipsiae anno 1698. 12. cum figuris, atque sic inscribitur: Relatio de mole a cancro infecto, sed per adhibitum ferrum feliciter curato.

(c) Vid. HILDAN. observ. 54. Cent. III.

(d) Anno 1733. vidi virum, cui penis non ad inferiora, sed ad superiora incurvabatur, ut coitum rite pericere non potuerit; sed nulla causa hujus mali apparebat, adeoque nec curationem suscipere volui.

enim in praeputio, quaedam in corona glandis, quaedam autem in ipsa glande suboriuntur. Pleraque carnem fungosam vel spongiosam simulant; celeriter increfcunt; & subinde etiam dolores concitant. *Extirpandis illis eadem remedia idonea sunt, quae supra Cap. XXVI. commendavimus.* Speciatim tamen hic conducit *pulvis sabinae*, vel solus (a) vel cum *praecipitato rubro atque alumine usto* permixtus, si bis terve tuberculis istis noxiis sub pulveris forma inspergatur; vel cum unguento basilico vel mundific. subactus applicetur. SCULTEUS equidem *ferrum candens ad extirpanda ejusmodi penis tubercula* adhibuisse legitur *observ.* 65. illudque etiam *Fabr. ab Aquapend.* commendat, loco mox citato, alique: quae vero curandi ratio crudelis mihi nimis videtur. Ceterum ea quoque observatio necessaria hic est, ut *non externa tantum, sed & vel maxime interna quoque medicamenta*, praesertim si causa venerea subest, *aegris propinentur*, quae ad *expellendam hanc materiam virulentam proficiunt*; alias, quacunque etiam ratione ablatae sunt, brevi plerumque redeunt, quamvis etiam decies & saepius adhuc ablatae fuerint.

C A P V T CXXXV.

Qua ratione aperiri praeputium, urethra sive glans praecclusa debeat.

I.

*Quomodo in
infantibus
glans per-
foretur.*

FEre duplex incidere casus solet, ubi in pueris glans vel urethra impervia debet aperiri. Nimirum 1) *si qui masculus recens in lucem editus vel praeputium vel glandem haud perforatam habet*; deinde 2) *si in adultis, summa glande praecclusa, post glandem urina emittitur.* Infantes praeputium vel urethram imperviam habere, inde colligimus, si proximis a nativitate diebus nullum omnino urinae vestigium in ipsorum vestimentis ac fasciis deprehendimus, & infantes vehementer plorant. Quod ipsum simulatque advertitur, maturanda operatio est, ne qua forte nimia urinae copia retenta miserabiliter miserum infantem conficiat. Solet autem, pro diversa vitii indole, diversimode curatio illa institui. Nonnunquam enim praeputium clausum, vel hoc aperto, *aliquod saltem urethrae vestigium in glande animadvertitur*: siquidem non nisi tenuissima membranula quadam urinae iter praeccluditur. Itaque si praeputium clausum, vel scalpello satis amplo vulnere pertundi, vel pars anterior, sicut in Judaeorum fere circumcisione, forfice aut scalpello refecari potest. Si vero hoc apertum, & urethra tenui membrana clausa, tunc perfici curatio potest, si scilicet per *adhibitum phlebotomum* aliquod subtilius, vel & per *acum*, in *cataracta superius descriptam*, (*Tab. XVII fig. 5. vel 6.*) provide membranula ista perforatur, emissioque lotio, *turundula quaedam, filo instructa*, & in oleo amygdalarum dulci aut alio quovis oleo vulnerario tineta, vel candela tenuis flexilis, vel & filum crassum cera obductum in urethram inseritur, ne denuo ipsa praeccludatur. Si paulo crassior & carnosae magis ea tunica est, quae iter urinae

(a) Hunc *Fabr. ab Aquapend.* pro secreto praestantissimo venditat, in *Oper. Chir.* articulo de excrescentiis carnis in glande pag. mihi 270.

praecludit; tum fatius est, pro phlebotomia vel *acum* oculariam modo commendatam, vel & *tenuiorem acum*, *triangularem apicem instructam*, (*Troicar* vulgo appellant) adhibere, qualis esse potest ea, quae Tab. XXVI. fig. 6. repraesentatur. Cetera enim eadem fieri debent ratione, quam modo explicavimus. *Quodsi autem nullum omnino urethrae animadverti potest vestigium*, communiter infantes miseri, quasi qui servari nequeant, absque auxilio atque curatione omni a multis relinquuntur. Sed praestat tamen, meo quidem iudicio, ad experimentum, ut AETIUS ait, procedere (a), & *difficilem curationem aliquam frustra tentare, quam, neglecta curatione omni*, dubiam salutis spem in praesentissimum mortis periculum convertere. Quocirca nihil abs re isti Chirurghi, me quidem iudice, faciunt, qui penem istiusmodi praeclusum, praefertim si ventri proxima pars ab urina distenditur, instrumentis, quae jam jam proposita sunt, adhibitis, loco debito perforare, atque urina emissâ, curationem reliquam ita perficere instituunt, quemadmodum haecenus praecepimus. Si vero nullus locus, ubi apertura fieri queat, appareat, tum nihil omnino reliquum videtur, quam ut vel infans emoriatur, vel ipsa etiam vesica super osse pubis aut in perinaeo perforetur; ea nimirum ratione quam inferius mox capite de punctura perinaei explicabimus. Num autem ipsa haec posterior curandi via in hocce malo apud infantes a Medicorum quoquam tentata unquam sit, mihi quidem non satis constat.

I I.

In adultis varii esse possunt casus, qui, ut Medici manu glans impervia perforetur, postulant. Nonnunquam enim urethra pervia quidem est, sed ita tamen, quando & ut non tam ex ipsa glande, quam potius ex alia quadam post glandem posita penis ^{quomodo fiat.} aut urethrae parte, atque hac modo propinquiore, modo remotiore, quin & ex ipso interdum perinaeo urina profluat (b). Nonnunquam praeter ipsam glandem alia simul penis atque urethrae pars perforata est, ut duplicem urina exitum habeat. Fere semper autem hujus generis vitia in ipso statim utero materno nasci consueverunt; ideoque apud plerosque quasi naturalia atque a die natali existunt. Interim negari haud potest, suboriri quoque ipsa ex penis ulcere, aut vulnere, vel inde quandoque posse, si aut extrahi calculus aliquis ex itinere urinae debuit; aut urina quoque, dum propter haerentem in urethra calculum effluere nequivit, acredine sua eam perrupit & novam viam sibi paravit. Solent hujus generis foramina difficulter omnia, sed alia tamen aliis eo semper facilius curari, quo & majora sunt, & vesicae propinquiora. Si nimis amplum foramen est, tum idem saepe glutinari prorsus nequit. Quibus prope ventrem aut scrotum perforatus penis est, ii ad procreandam sobolem atque ad matrimonium prorsus inepti censendi sunt: non item illi, quibus vel ex media circiter penis parte, vel & juxta ipsam glandem urina profluit. Namque his concubitum celebrantibus nihil fere obstat, quo minus tenuissima seminis pars sive au-

ra

(a) Humanum & plenum benevolentiae signum est, in extremis malis etiam ad experimentum procedere. Tetrabibl. Sermon. I. Cap. 120.

(b) Meatus urinae inter glandis partem posteriorem & praeputium repertus, a RUYSCHIO describitur Thesaur. Anat. VIII. pag. 21. talem quoque ubi ad radicem seu basin frenuli urethra perforata erat, vidi An. 1742.

ra feminalis transire ad uterum queat (a). Ut proinde summa hic opus sit circumspeditione atque prudentia illis Medicis, qui de rebus, vel ad *feminarum impraegnationem vel ad divortium spectantibus*, a Magistratu ejusmodi in casibus sententiam rogantur. Si per ipsam glandem urina profluit, tametsi foramen istud minus debito loco existat; tamen, quia neque ab urina emittenda, neque a concubitu celebrando homines impediuntur, satius utique videtur a curatione abstinere, quam ferro adhibito, gravem aliquam & sanguinis profusionem & inflammationem in glande, utpote vasis sanguiferis copiosissimis instructa, concitare. Quodsi vero post glandem, vel post ipsum quoque frenulum perforata esse urinae fistula deprehenditur; tum bina potissimum sunt, quae perfici a Medico debent, negotia. 1). Primum est, ut ferramento quodam idoneo decenter glans impervia perforetur. 2). Alterum est, ut alienus idemque minus commodus urinae meatus, quantum fieri potest, exactissime glutinetur atque claudatur.

I I I.

Operandi
modus pri-
mus.

Poterit autem duplici potissimum ratione glandis perforatio institui. Primus *curandi modus* hic est. Glans impervia, foramine urethrae circa basin frenuli existente, post emissam urinam, glandis pars inferior a foramine illo usque ad extremam glandem, scalpello per medium finditur, eo usque, quo urethrae extrema & superior pars in glandis apice desinere solet. Sanguis tunc largiter fluere solet, cujus fluxus etiam non mox cohibeatur, sed fluere permittatur, donec vel per se subsistat, ne nimis cita ejus suppressione inflammatio moveatur; qui vero, si nimis diu aut largiter fluat, ut aeger inde debilis fiat, linamentis carptis, & in cylindrulorum formam convolutis, vulnus probe ac firmiter impleatur, atque superimpositis emplastris ac splenio fascia rite firmetur, & per viginti quatuor horas relinquatur: postea vero in curatione procedendum, ut mox in sequenti casu docebimus, dum curatio eadem fere est 2). Sed si os urethrae p. n. est post glandem & frenulum, urina quoque prius, ut modo dictum est, demittenda, ne opus sit brevi deligationem resolvere; sed ut aeger eam postea diutius retinere queat, glans clausa, quoque sic est dividenda, ut modo docuimus, verum urethrae clausa pars retro frenulum, initio facto ab ista parte, quae foramen praeter naturam continet, per adhibitum scalpellum secundum longitudinem linea recta sic dividitur, ut ad cavernosa usque penis, quae Medicis appellatur, corpora perveniat quidem, sed haec neutiquam tamen a ferro laedantur. Sanguis, prout homines vires atque habitus sunt, largiter ex inflicto vulnere, ut antea diximus, emittitur; ne qua inflammatio partem vulneratam facile infestet. Tum, nisi forte jam per se sanguis conquiescat, linamentis siccis contortis, ad cobibendum sanguinem, vulnus impletur, atque, superimpositis emplastro & spleniis, sicut modo docuimus, rite deligatur, & non nisi viginti quatuor circiter horis elapsis vincitura resolvitur, extractisque linamentis carptis, tubulus aliquis plumbeus idemque levigatus sic in plagam inferitur, ut a summa glande, ultra foramen pristinum, ad ipsam urethram pertingat, itaque profluentem in posterum urinam

(a) PAULUS suadet, ut his glans amputetur, Lib. VI. Cap. 54. id quod tamen ego non suaderem.

excipiat emittatque; donec scilicet ad finem perducta esse curatio judicetur. Foraminis pristini orae callosae forfice vel scalpello crebro inciduntur, sive, ut vocant, scarificantur, vel, quod satius esse videtur, subtilioris forficis ope, quam subtilissime praescinduntur. Quo etenim subtiliores sunt lamellae, quae praescinduntur, hoc melius quoque orae istae conjungi glutinarique possunt. Faciunt autem insigniter ad glutinationem promovendam emplastra valde glutinosa, sed angusta, atque comprehendendis plagae oris adaptata. Neque vero colem universum emplastris ejusmodi angustis circumcingere convenit; ne, propter impeditum sanguinis circuitum, vehementer idem intumescat; neve orae commissae & ab inflammatione postea distentae rursus ab invicem recedant. Emplastris superimponi splenium leniterque per injectam fasciolam deligari; tubulus denique insertus, ne rursus excidat, quam exactissime filis vel spleniolo firmari debet. His confectis, lectulo aeger imponendus, atque hortandus ut strenue conquiescat, atque a potu per aliquot dies abstineat; ne scilicet urina ipsum urgeat; vel emissa etiam, priusquam glutinatum vulnus sit, dolores moveat, emplastrisque resolutis, glutinationem impediat. Neque vero resolvi facile primam hancce cum fistula plumbea deligationem, nisi forte necessitas aliqua idem postulaverit, ante tertium vel quartum diem oportebit. Tum facere id ipsum cum adhibita circumspectione maxima decebit; ne vulneris orae, leviter adhuc cohaerentes, rursus divellantur. Ubi autem hae jam tum cohaerescere sentiuntur, servare adhuc per aliquot dies emplastra illa, & vincturam istam primam decebit, superadditis solum novo spleniolo & fasciola mundis. Ubi contrarium est, nova superimponi emplastra glutinosa, balsamo vulnerario prius vulneri illito, conveniet, adductis probe ad se invicem vulneris oris, donec firmiter orae invicem cohaereant. His equidem rite confectis, reliqua eadem facienda sunt, quae in unaquavis vulnerum glutinatione facienda esse, supra & saepius jam declaravimus.

I V.

Altera curandi ratio his fere comprehenditur regulis. Acus sive clavus apice triangulo tenuior, quo ad aquas hydropicorum vulgo utimur, (Troicar. vid. Tab. ^{Operandi} XXIV. fig. 2. vel Tab. XXVI. fig. 6.) per glandem imperviam loco debito, in ^{modus secundus.} urethram usque, directe providissimeque transadigitur. Deinde, ubi sanguinis copia effluxit, turunda bene longa & tenuis, ex linamentis carptis confecta, ad cohibendum sanguinem, qui tamen saepe sponte brevi subsistit, in fistulam recens factam inseritur, & pars deligatur. Ubi vero jam per se sanguis conquiescit, filum crassius cera obductum, vel candela cerea flexilis, qualis scilicet a ductu recens facto recipi potest, immittitur; ne foraminis sive ductus recens facti latera rursus cohaerescant. Altero die turunda nova, eademque unguento digestivo vel basilico, vel oleo amygdalarum dulcium imbuta, inseritur; sed hac tamen adhibita cautione, ne ultra foramen illud praeter naturam, ex quo hactenus urina profluxit, ipsa extendatur, ita ut urina, quoties opus est, per illud excerni queat: donec nimirum novum urinae iter cuticula intus obductum sit; nam alias, si per novam viam mox influeret, dolores in vulnere recenti excitaret, & cuticulae novae generationem impediret. Itaque per aliquot dies turunda, postea candela cerea idoneae crassitudinis, unguento de cerussa

vel alio *siccante* quotidie bis immitti, & *urina* tamdiu emitti per *viam pristinam* debet, donec per *candelam ceream* & *unguentum siccans cuticula* in recens facto *canaliculo* pronata esse deprehendatur. Namque tum pro *turundis* atque *filis* aut *candelis flexilibus* *cercis* *tubulus plumbeus* satis amplus, idemque probe *levigatus* ac *satis longus* in *novam istam penis fistulam* sic inferitur, ut ultra *foramen pristinum* idem transeat, *urinamque* profluentem excipiat transmittatque; atque deinde commodius institui *foraminis istius praeternaturalis glutinatio* possit. Solet autem hic fere curandi modus adhiberi. *Orae foraminis hujus* vel *scalpello* scarificantur, vel & per optimam adhibitam *forficem*, quoad fieri potest, subtilissime rescinduntur; deinde *cruentae* per *injecta emplastra glutinosa* eaque angusta conjunguntur; & eodem denique modo tractantur, quem supra jam tum (§. 3.) circa primam curandi rationem explicavimus, donec glutinatum est. Praecluso, quemadmodum diximus, *foramine praeter naturam*, *tubulus plumbeus* quoque extrahitur, atque sic universum curationis negotium absolutum sit. Nonnunquam istud *urethrae foramen praeter naturam* tam magnum existit, ut nulla ratione claudi sive glutinari queat. Sed neque tunc quidem penitus abs re illi faciunt, qui nihilominus *glandem loco debito perforant*. Decenter enim perforata *glande*, novoque canali formato, homines hi ad generationem longe fiunt aptiores. Nam licet forte non omnis, neque maxima, saltem haud exigua *seminis pars* in *uterum* projici, dum *concubitus* fit, potest. Itaque per hanc ipsam curationem generandi facultas iis restituitur, vel saltem promovetur & augetur, qui alias, propter connatum sive aliunde acquisitum *penis vitium* istud, ad *procreandam sobolem* fere vel prorsus inepti videbantur. Ceterum haec quoque apprimè necessaria observatio est, ut post *confectam operationem* quamprimum *sanguis* per *venas* detrahatur, idemque negotium, pro re nata, repetatur, praesertim apud illos, qui *boni habitus* sunt atque *nimia sanguinis copia* laborant. Namque alias periculum est, cum primis in juvenibus vegetis, ne *erectio* & *expansio* penis facile sequatur, quae *oras foraminis junctas* a se invicem dimoveat aut diducat, atque sic *glutinationem* impediat, vel omnino irritam efficiat.

V.

De usu suturae & rodentium.

Non sum equidem nescius, esse in Chirurgis aliquos, qui, ut *foramen ejusmodi praeter naturam praeccludant*, *oras vulneris cruentas* per *injectam suturam* constringunt. Alii *summam eandemque obduratam foraminis alieni partem* rodentibus medicamentis potius, quam *ferramentis* tollendam esse statuunt. Sed neutra tamen curandi ratio ejusmodi in casibus magnopere commendanda mihi esse videtur. Disruptis enim, ceu fieri plerumque in *sutura* solet, *oris tenuissimis*, *fistula* seu potius *foramen antiquum* non curatur, sed potius *ampliatur*. Rodentia vero si applicantur, periculum quoque est, nisi quam cautissime adhibeantur, ne *justo plus cutis* exedatur, atque *foramen* sic *nimum diducatur*; ut *orae* postea *jungi* nequeant, ac simul *dolores* atque *inflammatio molesta* moveantur.

C A P V T CXXXVI.

Quomodo urinae incontinentia in masculis curari debeat.

I.

POsse quandoque in masculis usque adeo insigniter vesicam debilitari, ut urina *Mali caus-*
 praeter voluntatem atque continuo in caligas aut lectum profluat, maximas- *sa & cura-*
 que cum afflictis, tum aliis etiam, quibuscum illi versantur, molestias creet, *tio.*
 experientia loquitur. Fere duplex autem incontinentiae hujus solet esse ratio: non-
 nunquam enim a vesicae calculo, interdum a sphincteris vesicae debilitate aut pā-
 ralyfi ipsa nascitur. Si a vesicae calculo vitium oritur, tum idem non nisi per li-
 thotomiam sive calculi extractionem curare unquam licet, sed non semper;
 quin imo ne per lithotomiam quidem extirpari semper illud ipsum solet. Quodsi vero
 a vesicae collo seu sphinctere debilitato noxa proveniat, tum principio e Medicina
 a nervinis atque confortantibus remediis petenda sunt sanitatis praesidia (a).

I. I.

Sed quum neque his semper vinci malum queat, mirum non est, varia esse a *Curationes*
 Chirurgis excogitata instrumenta, ad cohibendam molestissimam illam eamque *aliae.*
 continuam urinae profusionem accommodata. Sic enim aliqui culeum minu-
 tum sive sacculum coriaceum pice obductum; alii peculiare lagenas hasdemque
 minutas, ut scilicet in caligis inter femora commode condi, & libram circiter
 dimidiam urinae capere queant, ex orichalco vel ferro albo peni alliganti,
 (vid. Tab. XXVI. fig. 7.) hisdemque urinam profluentem excipiunt, eaque
 repleta urinam rursus effundunt. Sed istud non nisi cum multis afflictis hominis
 incommodis facere licet. Itaque operae pretium Chirurghi recentiores fecerunt,
 quando commodiora, id est subtilia magis atque levia instrumenta pararunt, qui-
 bus, quasi claustris, urethra una cum virga blande constringitur, atque ita
 efficitur, ut pro lubitu interdum & noctu commodius & contineri & emitti
 urina valeat, prout machinula haec levis, corio molli obducta, vel clauditur, vel
 laxatur. Vid. ejusmodi machinula e NUCKII Exper. Chirurgicis desumpta Tab.
 XXVI. fig. 8. aliaque adhuc aptior fig. 9. quae arctius laxiusque claudi pro di-
 versa penis crassitudine potest, & ante me, quantum novi, a nemine delineata est,
 cujus praestantiam in multis ejusmodi aegris saepius expertus sum. Diu vero
 post me similem fere machinulam, tanquam novam delineavit F O U B E R T U S,
 ubi in Act. Acad. Chirurg. Tom. I. methodum suam secandi calculum descri-
 bit, Tab. I. Fig. 4. meo nomine suppresso, eamque, ut mihi videtur, male
 appellat le Bandage pour comprimer l'urèthre; cum non sit fascia, qua Gallis une
 bande ou un bandage intelligitur, sed machina, instrumentum sive ferramentum.

(a) Conf. compend. nostr. Medicin. pract. Cap. XIII. §. XXIX.

I I I.

NUCKII
& WINS-
LOVII
methodus.

NUCKIUS olim (a) & haud pridem WINSLOVIUS (b) docuerunt, leni-
ri quoque malum istud posse, si ferramentum, quale fere quandoque in herniis appli-
cari solet, & nos ex NUCKIO Tab. XXVI. fig. 10. delineari curavimus, ea
ratione, qua etiam in perinaei fistulis comprimendis commendatur, corpori circum-
ligetur, ita ut scutum F perinaeo firmiter insistant. Namque hoc modo com-
pressa probe parte posteriori urethrae in perinaeo ope trochleae D, urinam
praeter voluntatem effluere non posse, sed tum demum exire, quando co-
chlea haec pro lubitu relaxatur. Ego vero tametsi hanc methodum non prorsus
rejeciam, tamen alteram istam, quae per claustra modo laudata fit, longe com-
modiorem esse frequenti usu didici.

Explicatio Tabulae vigesimae sextae.

Fig. 1. exhibet enterocelen dextri lateris, prout in oculos, sine ulla sectione
incidit: ex MAUCHARTI diss. de Hernia incarcerata scroti (unde & duae
sequentes desumtae sunt).

A A crura divaricata, ut scrotum cum hernia melius pateat.

B inguen dextrum, ab intestino prolapsio in gibbum quasi elevatum.

C inguen alterius sanique lateris, planum & altero depressius.

D penis, ut solet, retractus.

E E scroti dimidia pars, valde tumida atque tensa, ab inguine ad infimam
fere scroti partem.

F F scroti infima pars, non tumida nec tensa, in qua testiculus separatim
tangitur ac percipitur, cum intestino non confusus.

G G altera dimidia scroti pars, naturalis figurae & constitutionis.

H H futura, quae scrotum in duas dividit partes.

Fig. 2. exhibet scroti dextram seu affectam partem, arte anatomica dissectam.

A A cutis secundum totam scroti longitudinem aperta & ad latus reflexa, ut
subjectae partes in conspectum veniant.

B B membrana adiposa sive cellularis separata & pariter ad latus reposita.

C C annulus musculi obliqui externi; per cujus dilatationem & divaricationem
praeternaturalem sacci herniales cum intestino incluso prociderunt.

D D tunica aponeurotica sive dartos, totum istum pyriformem saccum exter-
num efficiens, prolapsum intestinum atque testiculum includens, in me-
dio aperta & ad latus utrinque diducta, intime adhaerens interiori sacco.

E membrana cellulosa inter utramque peritonaei lamellam, hicque inter sac-
cum externum & internum conspicua, &

F inflata ope tubuli F.

G saccus hernialis internus, ex dilatatione laminae interioris peritonaei ortus,
intestinum proxime complectens, in medio dissectus, ut subjacens intesti-
num H compareat.

Fig.

(a) Vid in Operat. ejus Chirurg. fig. II.

(b) Conf. MORAND. lib. de apparatus alto.

Fig. 3. exhibet formationem herniae intestinalis in scroto, situm tum intestini prolapsi; tum reliquarum partium in scroto contentarum, cum sacco herniali interno.

A fibrae tendineae aponeurosis musculi obliqui externi, de quibus fig. 2. litt. D D.

B lamella exterior peritonaei, paulum reflexa antrorsum, quae naturaliter prolongata sic dictum efficit processum peritonaei, seu tunicam vaginalem vasorum spermaticorum atque testiculi; praeter naturam vero saccum hernialem externum, juxta cum membrana aponeurotica fig. 2 litt. D D constituit: quem vero hic repraesentari nolui, ne confusio inter utrumque oriretur saccum.

C lamella interior peritonaei, dilatatione praeternaturali in scrotum protrusa saccum hernialem internum efformans, qui intestina proxime complectitur.

D D D ejusdem lamellae in saccum dilatatae continuatio usque ad septum, quod tunica vaginalis ordinario supra testiculum efficit, ad latera parum reflexa; sicut &

E E ejusdem paries seu latus inferius itidem parum reclinatum, ut subjacentia vasa spermatica appareant.

F F tunica vaginalis, testiculum laxè ambiens, aperta; hinc

G testiculi corpus, sola adhuc tunica albuginea cinctum, restat; cui superjacet

H epididymis seu parastata.

II corpus pampiniforme, seu arteria & vena spermatica inter externam & internam peritonaei lamellam ex abdomine per sic dictum annulum erumpentes.

L canalis sive vas, deferens dictum.

MM intestini ilei portio, sacco interno inclusa, sed hic exempta & ad latus collocata, variis gyris intricata.

Fig. 4. ostendit *peculiare scalpellum* (a) a GUILLEMOVIO excogitatum vel saltem delineatum, pro nimis angusto praeputio in *phimosis* incidendo & glande detegenda destinatum. Aliud ejusmodi, sed apice minus curva, a PALFYNO in Chirurgia sua delineatur, pag. mihi 176. apice simul globulo ceraceo obducto.

Fig. 5. Ferramentum a D. TREWIO quondam excogitatum, pro nimis angusto praeputio diducendo factum: A A sunt duae laminae elasticae, B vero cochlea, qua laminae illae vel constringi vel relaxari possunt.

Fig. 6. Acum sive clavum triangulari apice instructum, sed admodum tenuem, pro glande penis clausa, praesertim in pueris vel infantibus recens natis perforanda ostendit; quae & in hydrocele puerorum usui esse potest.

Fig. 7. litt. A lagenam designat, quam nonnulli, urinae incontinentia laborantes, peni applicant & corpori alligant, pro urina perpetuo exstillante excipienda. Fieri eadem potest ex ferreis vel orichalceis laminis, & ea quidem amplitudine, ut libram circiter dimidiam liquoris capere, & vesti-

mentis

(*) Carpitur hoc scalpellum a GARENGEOT. Tom II. p. 441. remque scalpello hernio-

mo DRANII (*le bistouri berniaire*) melius perfici posse existimat.

Pars II.

M m m m m

mentis femoralibus apte occultari queat. Littera B. designat os & collum ejus, quod penem suscipit, atque per annexos funiculos CC, circa corpus ductos, alligatur.

Fig. 8. designat instrumentum ferreum, corio obducendum, & ex duabus laminis instructum litt. AA, quod *ad cohibendam urinam sine voluntate profluentem*, peni, quasi claustrum sive ferra, ad iter urinae comprimendum applicatur. B indicat cardinem, in quo laminae moventur, aperiuntur scilicet & clauduntur. C verticillum est, quo laminae junguntur & clauduntur, vel pro lubitu etiam aperiuntur, ex NUCKII Operat. Chirurg.

Fig. 9. aliud fere simile, in eundem usum fabricatum, ferramentum denotat, ubi litt. AA & B eadem indicant ac in praecedenti figura: quod vero a praecedenti in eo potissimum differt, quod per certos gradus litt. C magis vel minus arctari sive constringi, adeoque & tenuiori & crassiori peni melius accommodari queat: id quod in praecedenti non ita fieri potest.

Fig. 10. aliud ostendit ferramentum, idque etiam ex NUCKII Operationibus Chirurgicis fig. XI. mutuatum, quod *Bracherium ad urinae incontinentiam vocat*. Litt. AA *Bracherium* (sive cingulum ferreum) notat, abdomini circumducendum; B fibula, per quam pars corii pendula sive lorum C variis foraminulis perforata, transmittitur, eaque *bracherium* constringitur ac in corpore firmatur. Litt. D. indicatur cochlea, cujus ope comprimitur lamina E, & simul scutum sive annexum capitulum F. splenio munitum ad perinaeum, ut sic urethram comprimat.

C A P V T CXXXVII.

De CATHETERISMO, sive modo, quo catheter (a) seu fistula aenea aut argentea, vel pro suppressa urina educenda, vel pro calculo explorando, demitti in vesicam debeat.

I.

Quando catheter adhibetur.

Catheterem seu fistulam aeneam per iter urinae in vesicam demittere quam *expeditissimum videri imperitis saepe solet*; tamen usque adeo interdum vel ob inflammationem colli vesicae, vel ob tubercula vel rugas in urethra, aliasve ob causas solet esse difficile, ut ne vel expertissimis quidem ceteroquin Medicis, ac Chirurgis, licet diuturnum & frequentem artificiorum horundem usum habuerint, feliciter negotium illud semper, varias ob causas & impedimenta, succedat (b). Solet autem cum in foeminis, tum in masculis, propter binas praecipue causas necessaria esse haec catheteris applicatio.

Pri-

(a) De Catheterismo Dissertat. edidit Henric. MEIBOMIUS Helmstad. 1699. in 4. & Καθετήρ GALENO Lib. V. Meth. Med. Cap. 5. & AEGINETAE Lib. VI cap. 59. instrumentum est sive fistula, oblonga, cava, recurva, qua in vesicae vitiis utimur; quod vocabulum a Graecis in usu mansit: Latinis vero, ut CELSO Lib. VII. Cap. 26. fistula eaque aenea dicebatur, a materia, unde confecta erat.

(b) MERYUS in Act. Gall. a. 1701 pag. 378. edit. Amstelod. casum refert de aegro, ubi nullus Chirurgorum Paris. catheterem per iter urinae in vesicam demittere potuit, id quod

GUN-



Prima causa est, ut in hominibus, qui a vesicae calculo affligi videntur, certo explorari queat, *num re vera calculus aliquis in vesica delitescat, nec ne.* Siquidem cetera calculi signa, ut dolor in vesica, difficilis urinae excretio, stranguria, ischuria &c. mirum quantum saepe fallacia esse deprehenduntur: quia eadem mala ab inflammatione, abscessu vel ulcere vesicae, aut etiam a tumore, circa cervicem vesicae &c. oriri possunt. Altera causa est, ut quoties urinae reddendae difficultas e vitio vesicae homines affligit, vel eadem prorsus supprimatur, quod vitium Graeci *ischuriam* appellant, detrahi per fistulam ejusmodi possit, quicquid urinae intus cum dolore aliisque magnis molestiis, ac praesertim cum magno vesicae distentu praeter naturam (a) est collectum. Nisi enim tempestive ab onere hoc suo vesica liberatur, maximum utique periculum est, ne ab intensissimis doloribus, angoribus, inflammatione aut gangraena vesicae, a spasnis denique aut nervorum distentione, graviter homines aut discrucientur, aut penitus etiam, ut saepe factum est, consumantur. Neque vero ad quamcunque ischuriam sive urinae difficultatem sanandam catheteris applicatio necessaria est aut proficit (b). Quoties enim cunque propter renum vel ureterum vitium, cum primis inflammationem aut etiam obstructionem aliquam urina haud redditur, sane quia *urina tunc non in vesica haeret, frustra prorsus catheterem adhibueris*; sed remediis idoneis Medicus tunc rem expedire studeat. Sic si *urina suppressa in vesica haereat*, id quod ex dolore & tumore circa pubis regionem potissimum cognoscitur, sive haec suppressio a frigore oriatur (c), sive a diuturniore urinae ex pudore aliamve ob causam retentione, qua vesicae fibrae musculosae valde distenduntur ac relaxantur, sive etiam a collo vesicae spasmio contracto (d), vel inflammatione clauso, &c. non mox ad catheterem accedendum: quia sine magno aegri horrore, pudore, imo & sine dolore plerumque immitti nequit; verum idonea prius remedia causae contraria sunt tentanda, eisque nihil proficientibus, tandem ad eum confugiendum. Ita Fabr. ab AQUAP. (e) pro secreto, praesertim in pueris, commendat oleum cappar. alii oleum scorpionum, calide vel ante focum probe vesicae inunctum. Ego a cepis assatis & pubi impositis, saepius hic egregios effectus vidi. Quandoque blanda ventris per manus compressio, cum primis si a relaxata vesica malum ortum trahat, urinam prodire facit. Interdum etiam suctu curatur, si in

infan-

GUNZIUS in observat. de calcul. pag. 26. 28. & 105. confirmat. De rationibus hujus rei DOUGLAS docte disputat, ex quo eas etiam repetit MORANDUS Lib. de alto apparatu, p. 28. & seq. & MIDLETON ibid. p. 86. De difficultate immittendi catheterem, quando vesica inflammata, & de variis artificiis eum tunc immittendi scite quoque differit SAVIARD. obs. 110 p. 468.

(a) Ita HILDANUS memorat Cent. 2. Obs. 65. ex aegri cujusdam vesica una vice sex libras medicas urinae eductas fuisse; in sene vero quodam vesicam proxime ad umbilicum extensam fuisse, ventremque adeo tumidum, ut in muliere gravida. PANAROLUS in vesica ad umbilicum extensa viginti circiter libras urinae observavit. Pentecost. I obs. 27. atque apud alios adhuc alia ejusmodi exempla prostant.

(b) Obiter hic notare lubet, praecipua momenta, quae alias de ischuria sive urina suppressa a Medicis doceri solent, in Chirurgorum usum hoc in capite hic exponi.

(c) Sicut Amatus LUSITANUS cent. 4. curat. 10. FORESTUS Lib. 25. Obs. 18. & PECHLINUS Lib. I. Obs. 10. notarunt.

(d) Quod idem PECHLINUS l. c. notavit.

(e) In Operat. Chirurg.

infantibus mulier, nutrix vel obstetrix; in adultioribus vero, famulus, vel alius quicumque, ore penem comprehendat urinamque attrahat sive exfugat. Quoties autem ab *inflammatione vehementi cervicis vesicae* malum suboritur, aut ab inflatione fortiori urethrae (a), *tantum saepe abest, ut ab immissa fistula sive cathetere sperari auxilium debeat*, ut ne demitti quidem tunc instrumentum ejusmodi in vesicam, propter ipsius colli ac urethrae angustiam, *summumque dolorem sine periculo queat*. Si nihilominus per adhibitam vim idem tentatur, quando inflammatio aut inflatio adhuc vehemens est, maximopere verendum est, ne quid forte intus laceretur aut disrumpatur, atque sanguinis profusio quaedam ingens excitetur; ne dolores cum inflammatione augeantur; ne denique gangraena cum ipsa morte inducatur. *Contra vero quando inflammatio per sanguinis missionem*, largam aut repetitam (b), *cataplasmata resolventia, clysteres &c. & medicamenta idonea interna aliquo modo* (vid. Compend. Pract. nostr. de ischuria p. 251) *imminuta est*, catheter saepe feliciter adhibetur. Ita & *salutariter inprimis adhiberi catheter solet* 1) *quoties propter calculum aliquem*, sphincteri impactum, sive cervici vesicae intus incumbentem, ne tiquam emitti urina potest: deinde 2) *quoties insignis vesicae debilitas* urinam reddi naturaliter prohibet; ceu fieri saepe in hominibus senio confectis, aut puerperis etiam, a difficiliore partu infirmatis, aut & a frigore haud raro consuevit, aliaque remedia nihil proficiunt. Tum 3) *quoties, propter urinam vel ex pudore*, vel ex alia causa quacunque, *justo diutius retentam*, usque adeo graviter distenta vesica est, ut inde debilitata ad exprimendam urinam haud sufficiat (c); *quo equidem casu vitam suam amisisse* TYCHO BRAHEUS, *celebris ille Astronomus, memoratur* (d). Denique haud spernendus esse catheteris usus solet, 4) *quoties aut mucus aliquis, vel pus, aut sanguis concretus, aut pus glutinosum, aut corruptae carnis particulae*, quales equidem in renum ulceribus aut vulneribus, vel & post mictum cruentum subinde haerescere in vesicae collo consueverunt, iter urinae praeccludunt. Tandem ac postremo fistulam aeneam aut argenteam (e) applicare necessarium videtur, quoties 5) aut *caruncula*, aut *tuberculum*, aut *abscessus*, aut *cicatrix* denique major vel durior post abscessum, in urethra vel circa vesicae collum nascuntur, aut *prostatas inflammatae*, (quod dolore & ardore in perinaeo cognoscitur) vel a *scirrho*, *abscessu*, aliave causa nimis tumidae, quae, quo minus reddi urina valeat, impediunt. Interea quia catheter plerumque non sine difficultate ac dolore immittitur, nunquam, nisi tentatis prius remediis laudatis mitioribus, adhibeatur.

I I.

(a) *Signa inflammationis colli vesicae sunt tumor & dolor in perinaeo*, si tangitur, praesertim si digitus in anum immittitur, & catheter in urethra circa collum vesicae impedimentum offendit.

(b) Hanc omnibus ceteris remediis palmam praeripere docet COLLOTUS Lib. de lithotom. p. 218 & seq. & GARENGEOT. Tom. II. p. 24. deinde *candelas cereas* esse immittendas, aut PETITI breviores catheteres, Vid. Tab. 27. fig. 7; ordinarias vero hic noxias proclamat.

(c) *Exempla prostant apud PARAEUM* L. XVI. Cap. 48. *FORESTUM* Lib. XVI. Obs. 25. & Lib. 35. Obs. 3.

(d) Ab HILDANO Lib. de Lithotom. Cap. 3. & prolixius a GASSENDO in vita ejus L. V. pag. 178.

(e) Olim, ut supra jam notavimus, *aeneis* fistulis usi sunt; hodie vero ut plurimum *argenteae*,

I I.

Solet autem longe facilius in foeminis, quam in masculis istiusmodi fistula sive catheter applicari; siquidem illae non breviori tantum, sed magis quoque directa & ampla urethra naturaliter sunt instructae. Interim vel in ipsis foeminis etiam difficulter perfici negotium istud solet, si quis urethrae os externum, posituram vel viam ex anatomicis inspectionibus probe perspectam non habuerit (a): nam plures foveae sive lacunae in principio vaginae adsunt, quae facile Chirurgum in situ & fabrica partium non satis peritum fallunt. Scilicet, ut quis promte os urethrae sive urinae viam inveniat, necessarium omnino est, eum locum diligentissime circumspicere, qui inter naturae oras directe atque latum circiter digitum infra clitoridem est positus (Vid. Tab. XXIX. fig. 2. D.). Namque hic quaedam quasi cicatricula seu exigua fovea urinae iter demonstrat. Ipse autem operandi modus, qui ab AEGINETA eleganter Catheterismus appellatur (b), hic est. Resupinari foeminam super lectum vel mensam oportet. Tum, cruribus gnaviter ab invicem diductis, genubusque retractis, extremas naturae oras alterutra manu Chirurgus distendat, vel ab alia quadam persona distendere curet; altera fistulam argenteam vel aeneam, (vid Tab. XXVII. fig. 1. vel 2. aut Tab. XXXII. fig. 7.) cujus longitudo septem, octo vel novem digitorum esse solet, crassitudo instar calami anserini tenuioris, oleo circa partem extremam B inunctam, loco nunc designato, quam providissime fieri potest, in vesicam compellat. Quo equidem rite facto, urina intus collecta, educto prius stylo, sive filo aeneo A e fistula, per foramina B emittitur; sicubi scilicet pro levanda urinae reddendae difficultate instrumentum adhibetur (c). Sin ad explorandum calculum catheter in vesicam demittitur, hinc atque inde convertere ipsum blande convenit, solertissimeque interim observare, num quid forte durum aut asperum, vel & quis forte sonus edatur, aut ab instrumento intus aliquod corpus durum attingatur. Si quid enim istiusmodi advertitur, calculus utique in vesica haerescere non sine ratione con-jicitur; sed si sola durities sine sono sentitur, tumor aliquis vel scirrhus subesse quandoque solet. Denique ad catheteres sive fistulas speciatim quod attinet, sciendum est, plerosque quidem Medicos in foeminis vel directas vel parum saltem atque vix incurvas fistulas adhibere, quemadmodum illa est, quae exhibetur Tab. XXVII. fig. 1; sed illud tamen minus necessarium esse existimo; quum aequae commode in ipsis applicari magis incurvae, imo & longiores istae, quales pro masculis variae, pro varietate staturae corporis fiunt (d), valeant (Vid. Tab. XXVII. fig. 2. 3. 4. 5. & 7.). Ceterum, semel sic educta urina, malum saepe sublatum est, sed non semper. Nam ubi post semel detractam urinam, nihil-

teae, eaeque probe politae & laeves adhibentur, quales Arabes jam adhibuerunt. Vid. ALBUCAS. Lib. Cap. 58. Utpote quae aptissimae deprehenduntur.

(a) WIERUS quidem vult in observat. libello, os urethrae externum in cunctis foeminis non eodem loco apparere; sed hoc falsum esse Anatome docet.

(b) Lib. VI. Cap. 59.

(c) Aliquando cum ruri similis fistula non esset ad manum, calamo anserino mulieri urinae eduxi, quem in apice foraminulo parvo & in posteriori parte adhuc alio foramine aperui. Vid. Tab. XXVI. fig. 10.

(d) Longiores hic nihil impediunt.

nihilominus difficultas ejus reddendae superest, tamdiu *repetere idem negotium decebit*, vel etiam fistula quaedam intus relinqui potest, donec vel sponte vel ope medicamentorum pristino vigori ita restituta esse vesica deprehendatur, ut urinam pro lubitu reddere valeat. Quam ipsam equidem propter causam consultum est, in *parturientibus urinae difficultatem aliquam sentientibus*, quamprimum ejusmodi fistula sive cathetere urinam retentam educere; ne partu diuturniori tandem nimis vehementer extensa vesica ita gravem debilitatem se nervorum resolutionem sentiat, quae nullam postea quandoque curationem recipit.

I I I.

Qualis catheter in masculis optimus.

Longe difficilius in masculis, quam in foeminis fistulam istiusmodi demitti in vesicam posse, supra jam tum (§. 2.) admonuimus: quia scilicet in masculis usque adeo *mirifice inflexa & longa existere urethra* naturaliter suevit, ut, nisi quis & figuram & posituram ejus ex anatomica inspectione probe exploratam habuerit, (vid. Tab. XXIX. fig. 1. A. B. C. D.) & propriis artificiis quibusdam, quae ab aliis peritis prius viderit, probe instructus fuerit, eaque saepius in cadaveribus antea rite tentaverit, parum plerumque feliciter fistulam applicandi negotium sive catheterismus succedat (a). Tametsi autem *longe commodius coram demonstrari, quam verbis explicari artificia ista possunt*; tamen haud abs re fuerit, breviter hic tironum in gratiam ea perstringere, quae circa justam catheteris applicationem praecipua videntur. Primum est, ut *pro viris plures catheteres sive fistulas*, quatuor minimum (Celsus tres tantum desiderat Lib. VII. Cap. 26. easque neque nimis tenues neque nimis plenas esse vult,) *maiores scilicet minoresque*, tenuiores etiam & crassiores, probe politos & laeves, in promptu Chirurgus habeat, ut nimirum omni corpori, majori minorique sufficiant (Vid. Tab. XXVII. fig. 2. 3. 4. 5.). Fig. 2. pro puero ad annum fere sextum; fig. 3. ad annum duodecimum; fig. 4. pro juvene ad annum decimum sextum; & fig. 5. pro adultioribus adhiberi potest. *Maximi ex virilibus longitudinem decem & quinque digitorum esse voluit Celsus*, minimi novem, quae magnitudo etiam pro his egregie sufficere potest; mediis vero inter hos mediam magnitudinem habere debent. *Nonnulli eos valde tenues esse desiderant, existimantes*, quod quo tenuiores illi sint, eo facilius ipsos in vesicam demitti posse. Verum *errant hi, qui ita statuunt*; nam hi longe facilius in rugas quasdam vel plicas urethrae, quales saepissime, praesertim in senibus occurrunt, se insinuant, ibique haerent, quas plenior commodius praeterlabitur. Id quod non solum HILDANUS duplici exemplo confirmat (b), ubi nec ipse nec Lithotomus pro calculo explorando tenuiorem in vesicam demittere, pleniorum vero, qui cygni pennae crassitudinem aequabat, facile potuere; verum & RAUIUS & experientia idem me docuerunt. Sic & de fratre JACOBO, quod *crassioribus usus sit catheteribus*, quam vulgares erant, referunt; quos vero quam expeditissime in vesicam demittebat. Vid. & DOUGLAS. Hist. operat. lateral. atque DRANIUS quoque idem sentit in Operat. Chi-

(a) MORGAGNIUS urethrae figuram & situm egregie descripsit in *Advers. Anat.*

(b) Cent. II. Obs. 65. Centur. IV Obs. 65.

Chirurg. p. 288. tenuiorque etiam urethram facile perrumpit. Optimi vero, me quidem iudice, illi catheteres sunt, qui ex argento, certa ratione incurvati, & probe politi fiunt (a); qui vero intus stylum sive filum argenteum, roboris causa, ne facile plus, quam par est, incurventur, continere debent. litt. A A A.

I V.

Si ad operationem ventum est, 1. vel resupinari hominem afflictum super mensam aut lectum oportet. Tum Medicus, a laterē aegri sinistro stans, sinistra quidem manu eum blande prehendit, eumque sursum elevat; dextra vero iustae pro statura aegri magnitudinis catheterem circa manubrium sive ansam, eundemque circa partem extremam & mediam oleo tinctum, sic ut pars convexa ventrem respiciat, (vid. Tab. XXIX. fig. 3.) leniter in urethram eo usque demittat, donec ad anum pubis os idem pertingat. Hoc facto, sensim a latere sinistro versus aegri ventrem catheteris ansa certo artificio blande invertitur (b), sic ut pars concava catheteris nunc os pubis sive ventrem spectet, ut fig. 4. indicat; deinde fistula summa B, primo subter pubis os blande deprimatur; mox sursum versus in vesicam caute compellitur; denique stylo sive filo A (vid. Tab. XXVII. fig. 2. 3. 4. 5.) extracto, quicquid urinae intus est, per foramina B B ingreditur, & per alterum circa ansam extremum emittitur, tandemque, evacuata urina, ipsa fistula, flectendo manubrium ad umbilicum, recipitur. Deinde 2. etiam aegro sedenti paululumque reclinato, vel stanti & ad murum reflexo, catheter saepe satis commode in vesicam immitti potest: ubi Chirurgus ex adverso vel etiam a latere aegri sinistro stans, fistulam praedicta ratione in vesicam demittit.

V.

Praeterea negotium hoc quoque satis commode succedit, si aeger supinus in lectum vel mensam collocatur, Chirurgus vero ad latus aegri sinistrum, juxta ventrem stans, penem sinistra elevat, & versus ventrem paululum reclinat; postea catheterem, sic ut pars ejus concava ventrem sive os pubis respiciat, in urethram usque ad os pubis immittit, eamque sine illo vertendi artificio, sub angulo ossis pubis, dummodo ansam, in formam quasi arcus, genua versus inflectit, in vesicam usque blande impellit; atque hic catheterem applicandi modus prioribus saepe facilius succedit, cum primis minus hac in re exercitatis (c).

V I.

In omnibus vero his modis caute, prudenter ac blande procedendum, ne nimia vi temere iter urinae a cathetere laceretur, atque hoc ipso magni dolores, ingens sanguinis profusio aut inflammatio periculosa, imo ipsa mors concitentur;

novi

(a) Olim aliam figuram, minus scilicet flexam habuerunt, ut apud ANDR. A CRUCE. Petrum FRANCUM, Lib. de herniis &c. HILDANUM, Lib. de lithotomia, ALGHIS. de lithot. Tab. V. aliosque videri potest. Sed hi delineati hodie usitatissimi sunt.

(b) Galli hoc vertendi artificio le tour de Maître appellant; quia imperiti hoc non facile praestant.

(c) Conf. NUCKII Exper. Chirurg. XXXVIII. ubi hic modus proponitur. GARENGEOT. hoc etiam docet, item FERRIUS Diff. de calculo p. 12.

novi enim, ab imperitis audacibus sive temerariis hominibus ejusmodi mala inducta esse. *Interdum semel educta urina totum malum sublatum atque aeger restitutus est; interdum vero actio haec per intervalla saepius repetenda, si scilicet aeger sponte urinam reddere nequit: id quod nonnullos aegros brevi ipsos didicisse & praestitisse novi.* Nam quia *per catheterem non semper causa retentionis urinae tollitur*, sed tantum periculosissimum illud ischuriae symptoma, haec seorsim est curanda: sicuti verbi causa inflammatio, nimia relaxatio vesicae, caruncula, prostatae nimis tumidae, &c. Ita ob inflammationem colli vesicae catheter initio saepe in vesicam demitti nequit; sed mitigata aliquo modo per congrua remedia ac sanguinis missionem inflammatione, demitti postea potest, qui initio non poterat. *Quando fistula in vesicam demissa urina non promte effluit*, ut quandoque contingit, venter manibus leniter comprimendus & fricandus, ita saepius sequitur; vel *suctu* etiam extrahi saepe potest, praesertim in pueris. *Si forte ad carunculam prostatae*, quam vulgo caput gallinaginis appellant Anatomici, catheter remoratur, ut subinde fieri solet, non vi propellendus, ne forte quid hic laedatur; sed potius paullulum retrahendus iterumque blande demittendus, ita saepe blande premendo & retrahendo carunculam illam praeterlabitur, & vesicam ingreditur. *Si caruncula gallica in itinere urinae introitum impedit*, haec, si opus, cathetere perumpenda, ut urina transire queat.

V I I.

Qua ratione calculi eo explorantur.

Si ad explorandum calculum in vesicam catheter demittitur, (cui scopo ferreus solidus SHARPIO aptissimus videtur) quam diligentissime ipsum postea, ut supra jam §. II. dixi, *buc atque illuc in vesica dimovere convenit.* Simulatque enim durum aliquod corpus instrumento resistit, & simul sonus sive stridor aliquis & asperitas intus percipitur, fane, quin calculus aliquis intus in vesica delitescat, dubitari vix potest. *Sin nihil istiusmodi persentiscitur, liberam utique a calculo vesicam existere*, haud improbabiler conjicimus, *vel saltem de calculo in vesica existente dubitamus.* Similiter si subinde quasi evanescit, quod durum ac sonorum semel atque summo cum studio per fistulam aeneam attigimus; tum id indicio est, *exiguum adesse calculum*; vel ipsum in *foveam* sive *diverticulum* quoddam vesicae, qualia subinde & speciatim super intestino recto observantur (vid. Tab. XXXII. fig. 1. & 2.) sese subduxisse; adeoque ejusmodi in casibus *melius saepe digito per anum ad vesicam immisso*, quam cathetere, calculum adesse exploratur atque cognoscitur, quia hoc quandoque reperiri nequit: *digitoque etiam saepe magnitudo*, imo & *figura calculi* rectius, quam cathetere dignoscitur. Contra vero *calculi majoris signum* est, si statim & continuo in duram ac sonoram aliquam materiam fistula dimota impingit. Porro si leniter atque facili negotio trahi retrahique catheter per istius corporis superficiem potest, *laevis utique calculus* existat necesse est. Si contrarium fuerit, ac simul urina cruenta, *aspera vel aculeis obsita*, sive, ut CELSUS ait, *spinosa* esse calculi superficies colligitur (a). Denique si difficulter materia ista dimovetur, aut si valde clarus sonus inde percipitur, *major ac durior esse*

(a) Lib. VII. Cap. 26. N. 2.

esse calculus conjicitur. Sin facile materia instrumento cedit, sonumque minus acutum reddit, & urina *arenosa* est, quasdamque quasi squamulas fecum trahens, ex CELSI jam observatione *loc. cit.* mollior existere calculus consuevit (a). Ita etiam si calculus, aegro decumbente, cathetere inveniri nequit, reperiri saepe potest aegro stante, vel sedente, praesertim si urinam modo demiserit; quia tunc melius versus cervicem descendit.

V I I I.

Ne qua autem continuos atque novos subinde cruciatus ii sentiant, in quibus vel *propter vesicae debilitatem*, vel *calculum* etiam intus haerescientem, qui continuo cervicem vesicae obturat, vel urethra, extracta fistula, mox rursus collabescat, ut subinde fieri solet, iterum iterumque repeti negotium illud oportet; quod vero cum sine dolore aut molestia plerumque fieri nequeat, hoc omnino sibi datum esse Chirurgi quidam recentiores (b) existimarunt, ut catheterem argenteum eundemque *flexilem*, ex filis argenteis planis, singulari modo intortis, pro levanda urinae difficultate, adhiberent (Vid. Tab. XXVII. fig. 6.). Namque hic per aliquot dies continuos atque tamdiu in cole minori saepe molestia in vesica relinqui potest, si modo circa ventrem funiculo quodam fuerit firmatus, donec pristino vigori suo restituta esse, atque ad emittendam urinam non amplius indigere fistula quadam vesica deprehendatur. Ceterum quia ut plurimum difficilius quam vulgares in vesicam compelli catheteres flexiles solent, necessarium plerumque est, ordinarium sive rigidum catheterem in urethram ante demittere, eundemque aliquamdiu intus relinquere; quo scilicet ampla & aperta magis ea via reddatur, per quam deinde mox transire ad vesicam fistula flexilis debet. Ne qua autem forte iter illud denovo collabatur, opera danda est, ut, simulatque fistula rigida extrahitur, altera ista flexilis debito artificio & inflexione protinus in vesicam demittatur, inibique tamdiu relinquatur, donec sublata esse urinae reddendae difficultas animadvertatur, vel saltem donec ea aegro minimam molestiam creet. HELMONTIUS catheteres aeneos & argenteos, tanquam nimis rigidos ac dolorificos, omnes rejicit, novumque flexilem, ex corio praeparatum, & in canalis formam confutum, quem ipse invenerit, laudat, atque ob ejus inventionem sibi plaudit, tanquam qui ob mollitiem nullum dolorem concitaret (c). Sed hoc ipso mihi, quam parum in actionibus Chirurgicis fuerit versatus, demonstrare videtur: quia profecto mollibus istiusmodi fistulis res vel prorsus non, vel saltem minus recte perfici potest. Ita & Fabric. ab AQUAPEND. ex cornu se aliquem flexilem catheterem parasse & adhibuisse scribit (d); alii ex alia materia. Verum argentei, quia non solum debitum obtinent robur, sed quoque eis & requisita figura optime dari atque egregie poliri sive laevigari possunt,

(a) Haec praeter experientiam quoque docuit JAC. DENYSIUS, celebris hodie Lithotomus Leidensis in Obs. Chirurg. de Calculo.

(b) Inter quos forte primus est SOLINGENIUS. Vid. ejus Chirurg. P. 3. Cap. 7. Tab. VI. fig. 17.

(c) Lib. de Lithiasi Cap. 3. n. 34.

(d) In Operat. Chirurg.

sunt, ut satis commodè in vesicam compelli queant, a summis Chirurgis pro hoc scopo optimi deprehensi uniceque hodie in usu sunt.

I X.

*Observatio-
nes quae-
dam.*

Nonnulli in curva catheteris parte *plura fieri foramina voluerunt*, ut NUC-
KIUS (a) & SOLINGENIUS (b) delinearunt, quo facilius urina effluere
queat; *verum bina circa extremum sufficiunt*, eisque urina egregie ut plurimum
ejici potest (c): plura enim, praesertim ubi corpus urethrae spongiosum, a
sanguine ibidem congesto, nimis tumidum est, dum se in foramina ista insi-
nuat, *ingressum catheteris in vesicam potius remorantur*, corpus spongiosum fa-
cile lacerant, atque sic varia incommoda concitant. Quam ob causam
PETITUS, Chirurgus, aliud catheteris genus, nullo prorsus foramine a lateribus
praedito, commendat (d) ceterisque in urina educenda praefert, (vid. Tab.
XXVII. fig. 7.) quod foramen in extremo rostro habet, A, globulo pyriformi
B. clausum. Quando vero hic catheter in vesicam est demissus, styli ansa,
C, intus premitur, sic globulus B prodit ex fistula, quemadmodum in vi-
cina figura, litt. D, ostenditur, & urina per eam juxta stylum exire potest.
Interea tamen *consuetis illis catheteribus reliquis negotium hoc satis feliciter ut
plurimum succedit*. Denique *catheterismus etiam utilis esse potest, quando in
variis vesicae vitiis aliquid in vesicam injicere volumus*; ubi vel siphon, vel vesica
animalis altero catheteris extremo aptari, eisque idoneus pro morbi ratione
liquor in eam impelli potest, id quod AEGINETA jam novit (e). Ita etiam
*abscessus in collo vesicae, urinae excretionem impediens, cathetere subinde
rumpitur, & urinae suppressio sic solvitur.*

C A P V T CXXXVIII.

De caruncula, quae in urethra nascitur.

I.

*Caruncula
quid sit.*

Saepius in hominibus, gonorrhoeam vel urethrae exulcerationem expertis, *insolens
quaedam urinae reddendae difficultas suboritur*, ut non nisi maximo cum nisu
vehementissimisque haud raro cum doloribus, *ad instar fili tenuis, urina pro-*
fluat;

(a) In Experim. Chirurg. pag. mihi 124.

(b) In Oper. Chirurg. edit. Amstel. Tab. 8.

(c) GARENGEOT. Lib. de Instr. Chir. Tom. I. p. 259. artic. III. toto & seq. omnes
catheteres cum foraminibus lateralibus prorsus damnat, & solos illos quos PETITO adscribit,
Tab. XXVII. fig. 7. multas ob rationes adhibendos esse vult; verum & vulgaribus res satis
bene succedit.

(d) Vid. CAMERARIUS in Thesibus Miscell. 1724. loco dissertat. inaugural. editis D.
LE MAIRE, Chirurgum quondam Argentoratensem pro autore hujus catheteris venditat
p. 18. GARENGEOT Lib. de Instr. Chir. Tom. I. p. 267. seq. qui pro Petiti invento illud
venditat & vehementer laudat. Simile tamen jam delineatum est a Petro FRANCO Lib. de her-
niis, itemque a DALECHAMPIO in Chir. pag. 322. licet pro caruncula urethrae auferenda ab
hoc destinatum fuerit.

(e) Lib. VI. Cap 59.

fluat; quin imo tandem ne profluere quidem amplius valeat, sed *prorsus sup-primatur*. Antiquiores equidem, & qui ad nostram usque aetatem floruerunt, Medici a tuberculo quodam intus in urethra nato, quod *carunculam* urethrae vocarunt (a), noxae genus illud derivarunt. SAVIARDUS vero (b) & BRUNNERUS, celebris quondam Electoris Palatini Medicus (c), nec non DIONISIUS in *Chirurgia*, itemque COLOTUS (d) alique postea plures veterum opinione ista rejecta, statuunt, *non tam a caruncula, quam potius a cicatrice quadam sive callo*, ab ulcere post gonorrhoeam relicto urinae iter obstrui penitusque tandem praeccludi solere. Quod ipsum equidem ne sine rationibus dixisse videantur, *ad observationes*, circa istiusmodi homines demortuos atque dissectos institutas, provocant. At enim vero, *neque a caruncula, neque a cicatrice, sed potius ab urethrae substantia cavernosa seu spongiosa p. n. tumefacta*, (ad similitudinem membranae narium in coryza) *urethram praeccludi*, experimentis in medium adductis, ARNOLDUS atque PETITUS propugnarunt (e). Tametsi haudquaquam desint, qui *experimentis experimenta* opponunt, prioremque *sententiam* nihilominus *veram quoque esse* contendunt (f). Denique ab haecenus memoratis auctoribus *singulis dissentit* BENEVOLUS, Chirurgus recens Italus, Florentinus perquam celebris; utpote qui eo libello, quem de hoc vitii genere conscripsit (g), testatur sese partem illam urethrae sive prostaticarum, quam Anatomici caput gallinaginis vocant, *fere semper tumidam & exulceratam*, *nunquam autem carunculam seu tuberculum in hominibus, urinae reddendae difficultatem istiusmodi, dum adhuc vixerunt, sentientibus, reperisse*: quae vero pars ulcerata, *prout vel majori vel minori puris copia repleta est*, majorem vel minorem urinae reddendae difficultatem concitaret. Nam *oriri illud malum* ait fere semper *post gonorrhoeam virulentam*, atque ejici simul tam in principio mali, quam postea, continuo cum urina materiam & fibras purulentas: atque ad suam sententiam uberius probandam ait, per immisionem cerei oleo imbuti saepe vitium illud, quod pro caruncula habetur, funditus tolli, quod fieri non posset, si caruncula esset. Ego vero, ut, quod res est, *dicam, sententias modo propositas, quum omnes expertissimorum virorum observationibus illae nitantur, sic omnino comparatas esse singulas, ut nulla temere ex iisdem sperni, quin potius conjungi cum reliquis unaquaeque mereatur* (h). Namque nihil omnino impedit, quo minus, *aliam subinde in aliis hominibus noxae istius causam subesse*, credamus: dum, ut vulgo dicunt, *unius rei plures esse possunt causae*. Sed quicquid

(a) Vid. Alfonsi FERRII Lib. de *caruncula* seu callo, qui cervici vesicae innascitur, continetur in Scriptor. antiq. Chirurg. a GESNERO & UFFENBACHIO editis; in illo pag. 305.

(b) In *Observat. suis* p. 328.

(c) In *Ephem. Nat. Curiosor. Cent. I. Obs. 71. pag. 143. & 200.*

(d) *Traité de la Taille* p. 256.

(e) Teste quidem GARENGEOTIO *Chirurg. pag. 317.*

(f) Ut GENSELIUS in *Ephem. Natur. Curios. Centur. V. & VI. pag. 349.*

(g) Libellus Italico sermone scriptus anno 1725. in lucem publicam editus exstat in octavo, cujus inscriptio vid. supra, ubi de Scriptoribus Chirurgicis agitur.

(h) In RUYSCHII *Obs. LXXVIII. p. 100.* vesica delineatur, in qua post collum in vesica perfectissimae carunculae sive tubercula excrecentia exhibentur. Si haec post collum nasci possunt, nulla est ratio, cur non etiam in collo vesicae vel urethra aliqua similis caruncula nasci queat, praesertim post ulcerationem harum partium.

quid tandem harum rerum sit, sane veram semper morbi hujus causam exploratam habere, ut experientia docuit, nihil magnopere curantis interest: siquidem una atque eadem curandi ratio in singulis casibus istis & adhiberi & prodesse consuevit.

I I.

Diagnos. Cognoscere autem vitium illud, quod *carunculam* Medici, Galli *carnosités* vulgo appellant, haud difficillimum illis est, qui, quas aeger molestias expertus sit, relatum accipiunt. Nimirum non usque adeo subito, ut in aliis quibusdam obstructionibus urinae & vesicae morbis, sed *pedetentim* urinae iter angustatur, atque tandem praeccluditur; aeger autem, ut quam creberrime urinam emitat, propter continuam ferme a re peregrina in urethra existente irritationem cogitur, & cum urina vel purulenta materia, vel fibrillae & membranulae excernuntur. Nonnunquam febricula simul aegros infestat. Quam autem praecipue colis interioris partem noxa illa teneat, demisso in urethram cathetere, fila crassiore plumbeo vel cereo exploratur. Ubicunque enim progredi vel transire instrumentum illud prohibetur, ibi vitium delitescere conjicitur. Ceterum quia non dolores tantum atque anxietates insignes, sed maxima quoque urinae reddendae difficultas, imo vero ipsa quandoque mors concitari ab hoc vitio solet, promptam utique afflictis curationem adhibuisse convenit.

F I I.

*Caruncula
levior quo-
modo cure-
tur.*

Si novum adhuc malum est, atque urethra nondum nimis constricta, tum facili plerumque negotio sanari illud consuevit; si modo has curationis regulas Medicus adhibuerit. Homo afflictus in subsellio seu lecto consideat. Deinde Medicus sinistra manu colemprehendat, dextra autem filum vel stylum plumbeum aut cereum, pedis quasi longitudine & catheteris crassitudine, in oleo tamen prius tinctum, in urethram ad partem usque aegram vel angustam, imo paullo adhuc profundius blande demittat; firmatumque per vinculum, ne excidat, inibi per plures dies relinquat, donec in statum pristinum restituta esse urethra deprehendatur: quo ipso etiam impeditur, ne recens malum increseat. Quoties autem urina hominem afflictum urget, filum cereum sive plumbeum hoc ex urethra recipitur, emissaque urina, denuo in eandem superius proposita ratione demittitur, donec malum omnino sublatum sit.

I V.

Gravior.

Si jam tum inveteratum atque ita comparatum malum est, ut proposito remedio brevi vinci nequeat; necessarium haecenus visum est Medicorum plerisque, fili plumbei sive cerei partem extremam medicamento rodente, ut viridi aeris, vitriolo candido, alumine usto, praecipitato rubro, unguento fusco sive aegyptiaco, vel quovis alio medicamento leniter rodente prius inungere, quam in urethram idem compellatur. Quod ipsum equidem negotium aut semel, aut bis, aut pro re nata saepius etiam in dies singulos repetendum esse voluerunt, donec per rodentia ejusmodi medicamenta sublatis, quae praeter naturam intus increverant, partibus, libere rursus profluere urina valeat, varique simul sic cura.

curatorum exempla referunt (a). Verum SAVIARDUS, BRUNNERUS, BENEVOLUS & COLOTUS eam curandi rationem, quia nulla caruncula aut caro excreescens adesset, perniciosam magis quam salutarem esse statuunt; quia ipsam urethram eroderent & exulcerarent (b): adeoque & ego, ubi nulla caruncula adest, ea hic omittenda & potius praedicto blandiori modo satis diu continuandum esse censeo. Nam facit hic tranquilla potestas, quod violenta nequit. Ceterum ante semper, quam specillum istud cereum sive plumbeum cum oleo amygdalarum in urinae iter inseratur, mittere urinam homo afflictus debet; quo nempe diutius postea specillum in urethra remanere, quoque promptius atque potentius partes angustatas atque ulceratas vel tumidas expandere ac dilatare valeat. Atque haec facere tamdiu convenit, donec promte rursus emitti urina possit. Sicubi noxa ista diu multumque urethram afflixit, necessarium est, vel post absolutam etiam curationem, per aliquot adhuc hebdomades continuas, ne malum pristinum facile redeat, specillum sive cereum intus in urethra gestare, vel quotidie saltem ter aut quater eandem immittere & aliquantisper intus relinquere, ut recens parata amplitudo conservetur. Tandem extremam specilli partem emplastro diapalmae involvere. BENEVOLUS statuit, ut hoc ipso paulo valentius urethra in loco affecto diducatur atque sic persanetur. Quae quidem dum fiunt, longe optimum esse deprehendi, si per aquam calcis aut plantaginis cum poco saccharo saturni, vel & lapide medicamento Crollii, siphunculi ope injectam, aliove huiusmodi liquores purgantes atque exsiccantes ulcerata vel tumida urethra subinde eluatur.

V.

Ubi penitus ab ejusmodi malo praecclusum esse urinae iter sentitur, ut nihil omnino reddi urinae valeat; tum, nisi forte inflammatio subest, a cathetere argenteo ^{Carunculae} aut ferreo ^{gravioris} auxilium repetendum est. Quando vero leniter per urethrae illam ^{curatio.} angustiam instrumentum illud demitti nequit, per adhibitam vim aliquam, sed caute tamen, idem deprimere vel intorquere oportebit, atque sic, disrupta caruncula aut cicatrice, compressione ulcere vel cicatrice nimis tumida, urethram rursus dilatare, diducere sive aperire, atque urinam sic emittere. Post emissam urinam, proximum est, ut praedicta ratione filum plumbeum sive cereum, oleo ovorum aut amygdalarum dulcium tinctum, pro servando urinae itinere, in urethram demittatur. Quod si vero nec per catheterem, propter inflammationem aut dolores nimios, aperiri urethra posset, & urina tamen graviter hominem afflictum urgeret, vel in ipsum denique mortis periculum conjiceret; novum continuo idemque promptum tentare auxilium oportebit, ne qua forte nimia cunctatio noxam insanabilem aut ipsam mortem reddat. Scilicet aperiri vesica per adhibitum feramentum, apice triangulari donatum ac tubulo inclusum, (Troicar) vel in perinaeo, vel & super osse pubis ea quidem in regione debet, qua idem fieri ea in curatione calculi solet, quam adparatum altum appellant, quemadmodum id prolixius explicare deinceps constituimus. Vesica, quemadmodum modo praecepimus,

(a) Ut Alphonf. FERRIUS, MAYERNE, aliique.

(b) SAVIARD. Obs. 74. exemplum recenset, ubi quis hic causticis usus est; unde verq̃ tanta inflammatio & putrefactio in urethra orta est, ut mors inde secuta sit. Conf. & Obs. 73. p. 317. COLOTUS etiam ea perniciosissima esse declarat, Lib. de Lithot. p. 256.

mus, perforata, urinaque per tubulum intus in vesica relictum ejecta, ad ipsius mali in urethra sanationem, haecenus propositam, statim est pergendum. Quae equidem eousque confecta, ut aeger rursus per urethram urinam emittere queat; proximum est, ut factum in vesica foramen, educto tubulo, ut alias vulnera solent, rursus glutinetur.

V I.

Urethrae inflammatio vel suppressio omnimoda exoritur; tum neque filum cereum aut plumbeum, neque catheterem Medicus mox adhibeat, quia inflammationes ejusmodi his omnibus exacerbantur; sed sanguinem potius homini aegro semel aut bis larga copia per venas detrahat, insimul autem, quemadmodum in inflammatione graviori quacunque fieri debet, medicamenta digerentia interna & externa proponat; & speciatim extrinsecus fomentis sive cataplasmatibus discutientibus quam solertissime partem aegram foveat, tandemque, paululum temperata inflammatione, vel cathetere, vel filo cereo seu stylo plumbeo in urethram aliquoties per dies singulos demisso, coarctatam colicis fistulam decenter rursus diducere studeat. Eadem prorsus curandi ratio est, si suppressio urinae ab inflatione urethrae oritur. Quando vero levior solum inflammatio adest, urinam cathetere educere licet.

V I I.

Observationes quaedam necessariae. De cetero circa candelam sive filum cereum, quod in urethram propter ejus angustiam demitti secundum haecenus proposita debet, haec omnino necessaria videtur observatio, ne scilicet nimis alte atque in ipsam vesicam idem compellatur. Hoc etenim ubi fit, periculum est, ne qua forte cerae particula inde in vesica secedat, ibidem remaneat, vesicaeque calculum aliquem, ut facile fieri posset, sensim progignat. Denique ubi ab ipsius vesicae morbo quodam, ut excrementia, abscessu aut ulcere, vel & ab ejusdem colli aut prostaticarum induratione urinae reddendae difficultas exoritur, tum raro admodum sanari malum istud consuevit (a). Fila certe plumbea atque cerea, imo & medicamenta rodentia prorsus hic inania, quin potius noxia sunt. E contrario, ubi difficultas reddendae urinae ab ulcere vel cicatrice in urethra, vel in inflatione ejus, a sanguinis congestionem facta, specillis plumbeis vel cereis, oleo inunctis, curatio optime obtinebitur. Imo cicatrices in urethra subortae difficiliter equidem, sed tamen ex sententia ut plurimum hac ratione quoque extenuari, atque sic urethram decenter rursus aperiri sive ampliari posse, BENEVOLUS, experientia edoctus, statuit, adeoque haec ceteris praeferenda esse remediis haecenus cognitis, quam rectissime docet; praesertim cum & ipse, haec ita ut plurimum se habere, usu cognoverim.

C A-

(a) Vide sis BRUNNERI observationem illam, quae extat in *Ephemer. Nat. Curios. Cent. I. & II. Obs. 97. pag. 200.* itemque BENEVOLI libellus supra citatus.

C A P V T C X X X I X

Quo ratione protrahi calculus ex urethra debeat.

I.

Nonnunquam in hominibus calculosis calculus minor in urinae iter prolapsus *Varia ejus* in eadem haerescit (a), ibidemque non vehementes tantum dolores; *sed sedes.* urinae quoque reddendae difficultatem egregiam, imò quandoque omnimodam ejus suppressionem concitat. Hunc igitur ut quamprimum ejicere Medicus studeat, ipsa aegrotantium calamitas exigit. Solet autem varia hic in urethra calculi sedes esse. Nunc enim in principio urethrae, hoc est, post scrotum, circa perinaeum in vesicae collo vel sphinctere; nunc in media quasi urinae fistula, ante scrotum; nunc denique non longe ab exitu sive fine idem haerescit. Interdum in peculiari expansione sive sacco urethrae haeret, qualem DRANIUS Obs. Chir. 79. Tom. II. descripsit, atque etiam DENYSIUS Obs. Chirurg. pag. 144. talium mentionem fecit. Ego Anno 1737. ipse hic Helmstadii calculos in ejusmodi sacco ante scrotum deprehendi, & quidem, quod rarum est, duos excidi ex eodem sacco infra urethram: quos Tab. XXVII. fig. 16. & 17. delineari curavi. Quonam autem loco urethrae is haereat, partim e doloribus conjiciendum est, partim etiam digitis atque instrumentis admotis explorandum.

I I.

Curationis modus itidem solet esse varius. Namque in principio primo *Curatio* medicamenta interna urinam moventia, ac simul externa, fomentationes scilicet, *quae fit sine* cataplasmata, balnea, clysteres, hisdemque similia alia aliquamdiu adhibentur. *sectione.* Sed si nihil istaec omnia proficiunt, urethra quoque aliquoties per injectum oleum olivarum aut amygdalarum dulcium intus inungitur, ut & via & calculus lubrica reddantur, isque facilius expelli queat; vel etiam eandem ob causam in balneum aliquod emolliens aeger immittitur. Aliqui penem post calculum vinciunt, anteriorem autem urethram forti inflatione distendunt, ut via angusta amplior reddatur, quo nempe facilius prodire aut expelli calculus queat. Hujuscemodi curationis modum Aegyptiis familiarem esse, Auctores quidem & cumprimis PROSPER ALPINUS in Medicina Aegyptiorum, referunt. Lib. III. Cap. XIV.

I I I.

Si neque tum calculus excernitur, sed urina potius graviter impeditur & urget, *Curatio* valentior utique medicinam tentare conveniet. Et primo quidem si ad *quae ferramentis in-* huc in cervice vesicae calculus haerescit, sectione quidem in perinaeo, ubi tactu *stituitur.* percipitur, excidi potest; verum quia multi ferrum pertimescunt, reprimi quoque per immissum catheterem in vesicam is poterit, variique & Medici & Chirurgi hoc suadent. Sed quia metuendum, ne calculus hic in vesica augeatur, & deinde

(a) Conferri hic etiam potest CELSUS, ubi de Calculosis.

deinde majori longe dolori ac periculo aegrum exponat, *sectionem* ego praeferrem; quod propterea aegrorum deliberationi & arbitrio committendum. Ita etiam si in hoc loco *firmiter haeserit*, quam ut cathetere repelli queat, gravissimasque noxas homini concitaverit, vel si eum ob praedictas rationes reprimere nolimus, per adhibitam sectionem istam, quam Medici *apparatum minorem* vocant, (vid. Cap. seq. CXL.) immisso scilicet uno alterove digito, pro calculo sustentando, in anum, decenter eximi potest & debet. Neque enim alia ratione saepe fervari aeger poterit. Si prope glandem calculus haerescit, longe optimum fuerit, post adhibita medicamenta superius proposita, (§. 1.) oleis identidem in urethram injectis viam angustam lubricare, & relaxare, atque tum vel per admotos digitos antrorsum versus calculum compellere, vel etiam praecipue in pueris, *suctione ore vel mulieris aut nutricis*, vel *ministri* cujusdam calculum haerescientem emoliri. Ita enim vulnus, cicatrix & fistula urethrae optime avertuntur (a). Si prope exitum calculus haerescit, tum volsella, sive uncinulo, aut specillo quodam oriculario (vid. Tab. VI. fig. 14.)prehendere ipsum leniterque protrahere conveniet (b). Si ne sic quidem calculus extrahi potest, haud alienum erit, illud instrumentum adhibere, quod MARINUS (c) hunc in usum egregie commendavit descripsitque (Vid. Tab. XXIX. fig. 7.). Scilicet pars altera A, oleo imbuta, in urethram ultra calculum cautè demittitur; eaque calculus capitur; pars vero altera B manu prehenditur, calculusque ejus ope protrahitur. Potest etiam, si hoc instrumentum forte deficiat, simile ex filo aeneo vel ferreo eandem fere in formam contorto parari, calculusque eo extrahi. Quodsi vero hasce curandi rationes aut inflammatio quaedam, aut calculi magnitudo, praeter omnem spem atque expectationem, irritas reddiderit, tum protinus a ferro sanitatis praesidium petendum esse & TULPIUS (d) & GARENGEOTIUS (e) & DENYSIUS statuunt. Namque hi mox glandem supremam forfice adhibita incidunt, specilloque sive uncinulo in plagam demisso calculum expellunt: deinde vino infuso plagam eluunt, linamentisque cum balsamo quodam glutinoso impositis, deligant. Praestat tamen saepe calculos hos sine sectione, si fieri potest, extrahere, quia plaga saepe difficulter coit. Notabile exemplum calculi sine sectione ex urethra extracti vid. ap. SCULTET. Obs. 66.

I V.

Quid faciendum, si calculus in urethra media haerescit.

Denique si nihil omnino ex haecenus propositis ad protrahendum calculum suffecerit, prouti quidem accidere saepe solet, si calculus in media fistula haerescit; unicum auxilium superest, ne propter urinae reddendae difficultatem atque intensissimos exprimendi nifus & cruciatus aeger interimatur, eam colis partem, in qua

(a) Vid. HORNII Chirurg. nec non TULPII Observationes, ubi hac ratione quidam curati sunt. Lib. III. Cap. 8.

(b) Exemplum ope volsellae protracti calculi vid. in Scultet. Obs. 63.

(c) Vid. MARINI Prattica fig. 1.

(d) Loco modo citato. Ubi ait; si calculus immoretur prope glandem, seca intrepide, certus cicatricis asperitatem non tam reformidandam in carnosam colis sine, quam in medio membranarum ductu.

(e) Operat. Chirurg. pag. 572.

qua calculus haerescit, scalpello incidere atque tum calculum eximere. Operandi modus hic est. Cutis extrema, quemadmodum CÆLsus (a) jam tum praecepit, quamplurimum attrahitur, vel prout alii tanquam praestantio rem modum proponunt (b), retrorsum adducitur, conditaque vel & nudata glande, post calculum penis ligatur, ne qua forte per admotas Medici manus retro idem compellatur. Tum Medicus sinistrae manus pollicem calculo sic objicit, ne antrorsum versus cedere idem valeat. Dextra manu coles a latere recta plaga inciditur, atque tum calculus vel digitis, vel instrumentis, volsella nimirum, specillo aut uncinulo, admotis, evellitur. Calculo extracto, cutis remittitur, vulnus autem idoneo balsamo vulnerario inungitur, emplastroque contegitur. Sic enim fit, ut & incisum iter urinae integra pars cutis contegat, urina naturaliter profluat, & vulneris denique glutinatio expedita magis fiat. Ubi paulo longior plaga facienda fuit, longe optimum erit, fistulam quandam plumbeam in urethram ultra vulnus per aliquod tempus demittere, qua scilicet urina profluens excipiat ur atque transmittatur. Namque si per vulnus eadem profluit, maximum utique periculum est, ne ob acrimoniam urinae graves admodum dolores & inflammatio moveantur, verum & insigniter glutinatio impediatur, atque fistula denique in urethra excitetur. Poterit autem quam commodissime ab urina sartum tectumque vulnus servari, si diebus ante & post sectionem proximis parcissimum aeger potum sumserit. Ceterum quod a latere incidendum colem Medici praecipiant, id equidem sine consilio neutiquam ipsi faciunt. Namque infima colis pars si conciditur, longe facilius ab urina profluente vulnus infestatur. In superiori autem colis parte plagam instituire ideo minus consultum videtur, quia tum nimis graviter penis corpora cavernosa concidenda essent, unde gravis plerumque sanguinis profusio cum noxis aliis periculosissimis esset metuenda. ALBUCA SIS, Arabum Medicus & Chirurgus quondam praestantissimus, calculum in itinere urinae haerentem, terebra sive ferro perforante, quod delineat, si digitis expelli nequit, diffringendum esse docet (c); quod vero periculo laesionis urethrae subiectum est. Quod si vero hoc non succedat, penem utrinque juxta calculum ligat, ne huc vel illuc cedere queat, eumque postea exscindit. Vid. Oper. ejus Pars II. Cap. LXI.

V.

Haftenus usitatio rem urethrae incidendae rationem explicavimus: restat, ut de nova quadam quam clarissimus quondam Parisiensium Chirurgus THIBAUTIUS ad fistulam urethrae certius praecavendam excogitavit, atque GARENGEOTIUS descripsit, breviter differamus. Scilicet is colem sinistra manu prehendit, atque cutem a latere incidit. Mox urethram, ope scalpelli a corpore cavernoso resolutam, eo loco, in quo calculus haerescit, quique cavernoso corpori fere subjacet, per adhibitum scalpellum linea recta dividit, extractoque per

(a) Medic. Lib. VII. Cap. 26.

(b) Vid. WIDENMANNUS in Lib. Germ. de Lithotomia pag. 58. & 59. & AEGINETA Lib. VI. Cap. 60.

(c) Idem instrumentum quoque proponit PARAEUS, alii que. Verum quam facillime urethra hoc ipso graviter laedi potest.

per uncinulum aut volsellam calculo, plagam inflictam balsamo quodam glutinoso inungit, eandemque linamentis atque splenio contactam fascia superinjecta gnaviter deligat. Sic enim fit, ut incisam urethram integra corporis caver-nosi pars contegat, urinae exitus praecludatur, itaque citius, quam fieri alias solet, vulneris orae, sicut asseverant, coalescant.

V I.

Quando in
peculiari
sacculo haer-
et.

Quando in peculiari sacculo haerent hi calculi, tunc, ut mihi videtur, optime eo in loco excinditur, ubi commodissime, & quidem a latere ad latentes calculos accedere possumus; ita enim calculos illos, quorum supra N. 1. mentionem feci, & quos Tab. XXVII. fig. 16. & 17. delineandos curavi, amplafatis plaga extraxi, sacci cavum primo unguento digerente & postea rodentibus medicamentis, ut mercurio, praecipitato rubro, & quandoque etiam lapide infernali mundavi, ac postea balsamo copaivae & emplastris exiguis glutinantibus vulnus glutinavi. Difficulus vero hic interdum glutinationem succedere vel DRANII docet observatio 79. ubi varia sanandi artificia frustra tentata sunt. Vid. TULPII Obs. L. III. Cap. 8. ROONHUYSEN. Obs. 27. WEDEL. Diff. de Lithotomia, ubi multa reperiuntur exempla, & DENYS. Obs. p. 144.

C A P V T CXL.

De Lithotomia sive calculi vesicae sectione in masculis: speciatim de veteri ista CELSI, quae minori cum apparatu perficitur: ubi & nonnulla de Nephrotomia proponam.

I.

Lithotomia
quid sit.

LITHOTOMIAM sive calculi sectionem quando nominamus, eam hic designamus curationem, qua calculus, aut si quid forte aliud in vesica concretum atque induratum est, praegressa sectione ex eadem protrahitur: hinc & CYSTOTOMIA a nonnullis appellatur, a vocabulo Graeco κύστις, quod vesicam denotat (a), quemadmodum si calculus ex rene excinditur, quod tamen raro contingit, Nephrotomia res nuncupatur, utpote de qua deinceps nonnulla dicturi sumus (b). Solet autem ideo praecipue necessaria esse calculi e vesica extractio sive sectio, quia calculi, urethrae amplitudinem superantes, medicamentis aut alia ratione tolli vel ejici e vesica, haecenus perspecta certa ratione

ne-

(a) GARENGEOT. vult ut cystotomia appelletur, verum alii & cumprimis NEBELIUS Archiater quondam Elect. Palatini & Professor Heidelbergensis cel. in Diff. de Lithotomia Heidelberg. 1710. edita. p. 5. hoc ineptum esse judicant.

(b) In omnibus corporis partibus calculos posse generari imo & inventos esse, non solum varii Medici notarunt; & cumprimis BEVERVICIUS & TOLET. Tr. de Lithotom. Cap. IV & V. Verum speciatim quamplurima ejusmodi exempla collegit atque publicavit CRELLIUS, Lipsiae 1708. in schediasmate, quod inscripsit, Marmorea memoria Seligmanni. Quia vero ubicunque haerent, noxas & dolores inferunt, hinc si fieri potest, omnes eximendi sunt, quacunque id ratione optime fieri potest.

nequeunt; sed ejus potius inflammationem atque exulcerationem, urinae reddendae difficultatem, imo ejus omnimodam suppressionem, spasmos denique & cruciatus intensissimos concitant, itaque aut sensim hominem conficiunt, aut saltem in statum quam maxime miserabilem ac desperatum conjiciunt. Non sum equidem nescius, esse in Medicis aliquos, qui medicamentis internis diminui, conteri atque expelli vesicae calculos posse statuunt (a): sed minus tamen certam vel promptam, nullisque adhuc satis luculentis experimentis comprobata esse artem illam, res ipsa loquitur, atque exempla illa casus magis fortuitos, quam certam medicamento vim ostendunt. Vix enim, quantum ego quidem scio, liberari quisquam a paullo majori calculo, nisi per adhibitam sectionem, potuit. Quum tamen dubium non sit, quin ditiores quique, magnates ac splendidiores homines, ne vel maximis etiam sumptibus parcerent, siquidem ipsis parari medicamenta ad conterendum calculum valentia possent. Ita nec Aegyptiacus modus, quo flatu urethram ita dilatari posse nonnulli perhibent, ut calculus ejici possit (b), ullo unquam successu, quantum novi, in Europa comprobatus est. Ceterum quia difficilis admodum, maximisque cum periculis conjuncta est calculi sectio, mirum non est, a longinquis retro seculis atque adeo a prima inde salutaris artis origine in Medicis vel Chirurgis aliquos extitisse, qui, sepositis fere medendi studiis reliquis omnibus, unicam lithotomiam sive calculum secandi artem excoluerunt atque tractarunt (c). Nisi enim veram vesicae partium vicinarum structuram, nexum atque indolem penitus perspectam habuerint; nisi item encheirisibus sive artificiis ad id necessariis probe instructi atque exercitati fuerint, qui calculi sectionem suscipiunt; verendum magnopere est, ne, qui servari debebat, crudeliter ab ipsis interficiatur.

I I.

Solent autem, ut experientia docet, pueri saepius, quam adulti (d); pauperiorum ^{Calculi unde nascantur.} filii saepius, quam ditiorum, a vesicae calculo infestari. Siquidem illi non justo solum copiosorem, sed crassiorum etiam atque stomacho minus convenientem cibum sumere consueverunt; unde primo sanguis atque pituita crassior, deinceps vero ex hac vel renum vel vesicae calculus aliquis subnascitur. In pueris calculi plerumque initium in vesica sumunt; quia nulli renum dolores praecedunt, iique etiam saepe integri post mortem reperiuntur; sed in adultis ut plurimum prima calculi causa in renum obstructione vel inflammatione sita esse deprehenditur. Galli, Angli & Belgae, praesertim Hollandi frequentius quam Germani calculo corripuntur, dum vix in tota Germania tot calculo laborantes reperiuntur, quam in unica urbe Amstelodamensi unico anno secantur. Imo Jac. DENYSIUS sustinet, in nulla regione tot calculo vesicae laborare, quam

(a) In Actis Anglic. No. 417. p. 13. notabile ejusmodi exemplum descripsi & calculos illos diffractos magna ex parte adhuc asservo. Reperitur quoque in MARTYNI Comp. horum Actorum Vol. VII. p. 534.

(b) Sicut Pr. ALPINUS in Medicina Aegypt. perhibet p. 104.

(c) Conf. Jusjurandum HIPPOCRATIS, CELSUS Lib. VII. Cap. 26. AEGINETA Lib. III. c. 45. Lib. VI. Cap. 60.

(d) Hoc ALBUCAZIS jam Part. II. Cap. 60. alique plures postea notarunt.

quam in Hollandia, in Observ. Chir. Quae autem ab aliquibus magno numero recenseri solent, calculi caussae remotae, ut *casei frequens usus*, vini rhenani potus (a), &c. istae partim incertae, partim etiam ita comparatae sunt, ut tuto ignorari a Chirurgo Lithotomo queant. Sive vero calculi in vesica, sive in renibus nascentur, & ex his in vesicam descendant, mirifice ut plurimum atque ad aliquot uncias, quin imo ad unam alteramve libram quandoque increscunt (b), indeque *vesicae calculi* communiter appellantur. Namque ubi in renibus remanet, quicquid concretum est, tum *renum calculo* laborare homines dicuntur. Atque *renum equidem calculus*, praesertim si paulo major est, nulla prorsus ratione potest tolli, nisi forte *lumborum abscessum* aliquem idem concitaverit, eoque vel sponte vel scalpello aperto calculus protrahatur: quam sectionem nonnulli *Nephrotomiam* appellarunt, ut supra jam indicavi. Contra vero *vesicae calculus*, nisi prorsus insolitam magnitudinem is habuerit, evelli utique sectionis beneficio variis artificiis & modis potest. Nonnunquam unicus solum, interdum autem uno plures, duo, tres, decem, aut viginti, aut complures etiam calculi intus in vesica reperiuntur (c). Porro calculi vesicae nunc laeves sunt, nunc inaequales, asperi, & velut spinosi sive acuminati; nunc molliores & quasi gypsei; nunc vero duriores, imo durissimi, qui in extractione non rumpuntur, imo interdum, etiamsi velis, rumpi non possunt.

I I I.

Calculus
quomodo
cognosca-
tur.

Ante vero semper, quam sectionem aggrediamur, dispiciendum solertissime est, num revera calculus aliquis intus in vesica delitescat: quia saepius ejusmodi symptomata oriuntur, quasi calculus adesset, ab alia causa, ut tumore, abscessu, inflammatione vel ulcere vesicae aut cervicis ejus, ubi tamen calculus non adest. Imprudentis enim atque crudelis est, temere homines miseros periculosissima hac curatione, sine summa necessitate discruciare, imo vero, quod fieri plerumque in Lithotomia solet, in praesentissimum mortis periculum adducere; semetipsum vero talem Medicum gerere, qui aut ignorasse morbum, aut fefellisse aegrum videatur. Utique vero calculum aliquem intus in vesica haerescere, his fere signis cognoscimus. Doloris plerumque, pruritus atque aestus in ea parte, qua vesica haeret, sensus est. Urina plerumque difficulter neque sine doloribus redditur; saepius etiam sine voluntate destillat. Eadem fere semper pallida sive turbida est, atque pravi odoris. In fundo vitri seu vasculi, quo eadem continetur, ut plurimum materia quaedam mucosa, nonnunquam etiam purulenta aut arenosa est, imo & interdum, si calculus est aculeatus, sanguinolenta sese ostendit. Ac pruritus quidem cum doloribus omnes istae partes sentiunt, quae perinaeum inter atque glandem extremam interpositae sunt.

(a) Nam ubi vinum rhenanum bibitur, longe pauciores calculo laborant homines quam in Hollandia, Gallia aut Anglia, ubi vina gallica plerumque bibunt.

(b) Conf. GROENEVELT. Diff. Litholog. pag. 34. & 67. DENYS. Oper. Chir. variis in Tabulis. CRELLII Schediasma supra laudatum.

(c) Conf. TOLET. Tr. de Lithotom. Cap. VI qui de 40 & 60 loquitur. GROENEVELT loco citato p. 22. & RUYSCH. Observ. Chirurg. I. pag. 2. ubi quadraginta duo calculi in utroque casu extracti sunt. CHESELDENUS in Append. ad quart. edit. Anatom. ubi triginta tres calculos ex uno aegro, qui etiam delineantur, eduxit. pag. 17.

sunt. Itaque pueri, a calculo divexati, manibus admotis continuo colem & praeputium trahunt, atque ita, dum doloris aliquod levamen inde sentiunt, hoc insigniter plerumque extendunt. Gravitatis quoque sensus in vesica, praesertim cursu, omnique motu percipiunt. Sed hactenus quidem proposita calculi signa aliaque ejusmodi indubia neutiquam sunt, aut perpetua. Namque nullum fere ex jam jam recensitis malum est, quin aut a vesicae inflammatione vel abscessu, vel exulceratione quadam, vel scirrho cervicis vesicae sive glandulae prostatae, aut & ab urinae acredine, aut aliis denique causis excitari queat, vel soleat. Aliquanto promptior atque certior iste calculum cognoscendi modus est, quem cum ab antiquis Medicis, tum etiam a Lithotomis vulgaribus atque circumforaneis hodiernum adhiberi observavimus. Scilicet hi, aegro vel supino vel stante, uno vel binis etiam digitis in aegrotantis anum insertis, alteraque manu pubis regioni imposita, quam curiosissime vesicam proxime intestino recto superimpositam explorant, & gravitate vel duritie quadam reperta, calculum intus delitescere, his ipsis suspicantur, imo certe statuunt. At enimvero neque hoc quidem indicium, quamvis nullo modo contemnendum, prorsus ab errore liberum est censendum: propterea quod, ipsa experientia teste, scirrhus aut callus, aut tumor aliquis, in vesica vel intestino recto, vel glandula prostata subnatus, eundem plane sensum praebere valeant. Certissima igitur calculum vesicae cognoscendi ratio haec est. Catheter aliquis conveniens sive fistula aenea aut argentea, imo etiam ferrea aut chalybea (a), & quidem haud cava, quae a SCHARPIO hic praefertur ceteris, aegro supino, capiteque paullulum elevato, vel quod praestat, sedenti vel stanti provide per urethram in vesicam, quemadmodum supra expositum est, (Cap. CXXXVII.) demittitur atque leniter huc atque illuc vertitur. Namque tunc durities & sonus calculi tantummodo praesentiam, sed ipsam quoque illius magnitudinem quodammodo significabunt, citius aut serius, pro varia nempe calculorum magnitudine (b). Si enim facile reperitur, & continuo attingitur, eum magnum esse indicat; sin difficulter, aut semel perceptus denuo quasi evanescat, ipsum parvum esse suspicamur. Ceterum fateri omnino cogimur, non catheteris solum applicationem, sed ipsum etiam, quod inde instituitur, de calculo judicium, difficultatibus quibusdam premi. Nonnunquam enim 1) durities intus animadversa non tam calculum, quam vesicae partem aliquam induratum atque prominentem sive tumorem aliquem excrecentem designat. Deinde 2) calculus aliquis, praesertim non adeo magnus, in recessibus sive cellulis, quales vesicae nonnunquam adjunctae sunt (c), ita penitus delitescit, ut nulla ratione attingi aut deprehendi ab immissa fistula aenea queat. Denique 3) incidere quandoque istiusmodi casus solent, ubi, quo minus applicare catheterem queamus, propter inflammationem dictarum partium vel exulcerationem aut magnos dolores, vel alias res circumstantes prohibemur; adeoque digitis in anum insertis vesicam explorare cogimur: quibus etiam magnitudinem ejus saepe satis egregie cognoscimus.

I V.

(a) Delineatur hoc a SCULTETO Tab. 40. vel Tab. nostra XXIX fig. 5.

(b) Ratione signorum calculi TOLETUS Lib. cit. Cap. VII. & VIII. & DE MEYSIUS uberius consulatur in Obs. Chirurg. p. 27. & seq. qui egregie de iis scripsit.

(c) Vid. Tab. XXXII. fig. 1. & 2.

I V.

Prognosis. Simulatque vero ex hactenus propositis indiciis cognoscimus, utique calculum aliquem in vesica delitescere, eundemque ita grandem existere, ut excerni per urethram nequeat,isque gravia symptomata aegro concitet (a), quia medicamenta aut vana aut saltem fallacissima sunt, unicum saepe adhuc auxilium est, si aeger inde liberari cupit, calculum e vesica sectionis ope extrahere. Quod si ergo ultima quaeque experiri, hoc est, calculi sectionem sustinere aegro vel agnatis ob mali vehementiam statutum est, id imprimis sibi datum esse aequus & prudens Medicus sciat, ut, quo loco res sit, quantum periculum, quanta item salutis spes adsit, iis aperte & candide significet. Nunquam enim plus promittat, quam praestari forsan certe potest: ne scilicet, ubi ars victa malo fuerit, vel ignorasse, vel fefellisse videatur. Histrionis enim est, lucri tantum captandi gratia, quam maxime difficilem atque periculosam ejusmodi curationem suscipere, certissimamque salutem istiusmodi aegris promittere, qui praesentissimo mortis periculo sunt expositi, praesertim quando aegri debitum regimen non observant. Quanquam enim & instrumentis convenientibus, & novis subinde encheirisis ita mirifice hodie excultum sit calculum e vesica exscindendi artificium, ut longe felicius nunc, quam olim quidem factum est, perfici illud queat; neque adeo facile homines, praecipue si boni ceteroquin habitus sunt, si denique Medicus officio suo rite fungitur, ab adhibita sectione emoriantur, ut olim; tamen nunquam non aliquid saltem discriminis calculosorum curationi solet esse adjunctum. Deinde ista quoque necessaria observatio videtur, hoc magis semper difficilem esse curationem, quo grandior, quoque magis inaequalis aut spinosus calculus existit. Nonnunquam enim ita grandis in vesica calculus inest, ut, sicut observationes testantur, nulla ratione protrahi atque evelli exinde potuerit (b); mediocres tamen, imo etiam paulo majores facilius saepe, si modo laeves sunt, extrahuntur, quam valde exigui (c); quia difficulter saepe hi methodis praesertim recentioribus, aut vix inveniri possunt. Solent autem fere semper hoc majores existere calculi, quo diutius in vesica haeserunt: siquidem ipsi continuum ab arenosa materia, externae superficiei sensim lamellarum plerumque vel etiam granulorum in similitudinem adhaerescente, capiunt incrementum. Ut proinde minus bene sibimet atque aliis consulant, qui calculi sectionem justo diutius aut exhorrescunt, aut differendam aliis persuadent, praesertim si jam valde grandis cognoscitur. Quo enim tardius ad operationem proceditur, eo major fit, eoque saepe difficilior quoque ac periculosior eadem fiat, necesse est. Denique si jam tum insigniter vel calculo vel alio quodam morbo debilitati aegri sunt, tum itidem valde periculosa, quin imo prorsus quandoque aliena esse calculi sectio consuevit. Siquidem periculum est, ne vel sub ipso

(a) Si gravia symptomata aegrum non exerceant, calculus saepe ad vitae finem gestari potest, & in quibusdam calculi post mortem reperti dicuntur, qui vivi de eo haud conquesti sunt: imo & medicamentis quibusdam demulceri, ut tolerari queat; sicut videri potest in ROUSSETO, WEDELI Diff. de Lithot. & Ephem. Nat. Cur. Cent. IX. Obs. 2.

(b) Ita enim cel. Olaus BORICHIUS ob operationem mortuus est; quia calculus tantus fuit, ut extrahi non potuerit. Vid. Vita ejus in Conspectu Scriptor. Chemic. illustrium.

(c) Docuit hoc jam loc. cit. alique ALBUCA SIS l. c. itemque postea FRATER JACOBUS, ac DENYSIUS,

ipso opere, vel statim etiam post adhibitam sectionem homines emoriantur. Contra vero quo *maiores homini calculoso vires sunt*, quo *melius se habet*, quoque *laeviores ac mediocres magis calculi existunt*, ut ut plures in eadem vesica haereant; hoc quoque promptior esse ac felicior curatio consuevit. Tandem *ratione aetatis* CELSUS vult (a) neminem ante *nonum* & post XIV annum *huic operationi subjiciendum esse*, multique alii cum eo senserunt; forte quia *pueros juniores nimis teneros esse* judicarunt, qui sectionem hanc perferre non possent; de iis vero, qui decimum quartum annum superarunt, ratio minus manifesta mihi videtur; verum praeter id, quod nonnulli hic mendam Librariorum incuria in hunc CELSI locum irreplisse judicent, & praesertim ROSSETUS (b), AEGINETA (c), ALBUCA SIS (d) & plures postea alii, itemque experientia dudum docuerunt, & pueros juniores jam, si ceterum sani feliciter a calculi sectione liberari posse (e). Imo & ipse pueros juniores & nominatim *puerulum*, qui non nisi *duos annos cum dimidio* habebat, sectione hac feliciter a calculo curavi. Ita & aetate *annis quatuordecim majores*, dum adhuc Anno 1745. juvenem novendecim annos natum hac ratione sanavi, quin & *ipsi senes*, teste AEGINETA, SCACCHO (f) aliisque multis adhuc sectione a calculis saepe liberari possunt, praesertim si ceterum adhuc satis sunt vegeti. In MERYI observat. citat. refertur, quod ille RAOUX *adultis* macilentis & minoribus personis, itemque iis, qui calculis minoribus laborarunt; singulari dexteritate calculos parvo apparatu eduxerit. Hinc male profecto illi judicant, *qui hunc modum in adultis haud succedere clamitant*, & hominibus vanum terrorem incutiunt. Quo debiliores vero sunt curandi, eo majus est in sectione periculum.

V.

Quoties igitur cunque, diligenter circumspectis atque ponderatis iis, quae *Ante sectionem quid fieri debeat.* haecenus proposita sunt, calculi sectionem experiri statutum est, *tria potissimum considerare ac providere prudens quisque Medicus debet.* Nimirum 1.) *quid ante fieri*, quam curatio per scalpellum suscipitur, debeat; deinde 2.) *quid in ipsa sectione factu opus sit*; tum & denique 3.) *quid post eam facere conveniat.* Scilicet ante operationem α) prudenter is constituat, *quis operandi modus*, cum varii sunt, adhiberi prae ceteris in unoquoque aegro possit, aut debeat; deinde β) *commodum curationi tempus*, si res permittit, eligat; tum γ) aegrum ad sectionem quam solertissime praeparet; denique δ) *necessarium instrumentorum apparatus diligentissime instruat*: tandem ac postremo ε) quam aptissime fieri potest, *cum in ipsa sectione collocet*, sive constituat.

V I.

(a) Lib. VII. Cap. 26. n. 22

(b) Lib. de Partu Caesareo.

(c) Lib. VI. Cap. 60.

(d) Part. II. Cap. 60.

(e) Ex quibus sufficiat nominare BRUNI Chirurg. L. II. Cap. XVII. SCACCHUM in Subsid. Med. MUYSI Observ. Chir. Dec. XI. Obs. 3. TOLET. de Lithot. Cap. XIV. MERYI Obs. de Lithot. de famoso RAOUX p. 7. & de Fratre JACOBO, p. 44. SIMON Diff. de Embryulc. & Lithot. MARINI Pratica & Morand. in Act. Gall. 1731.

(f) In Subsidio Medicinae, qui plures hac methodo *annum sexagesimum excedentes* a calculo curatos vidisse refert. p. 183.

V I.

Secundi va-
tiones va-
riae, quae-
nam.

Atque ad primum quidem curantis negotium, *sectionis* scilicet *methodi delectum*, quod attinet; sciendum hic est, *quatuor* potissimum a Medicis hucusque usurpatas esse vesicae calculum excindendi rationes. *Prima*, eaque *antiquissima est*, quae a CELSO summo illo Latinorum Medico, primum descripta est (a), atque hinc methodus CELSI aut *Celsiana*, sive *modus cum parvo apparatu* vocatur, quia *minori cum instrumentorum apparatu*, quam aliae diu postea inventa, perficitur. A nonnullis etiam methodus *Guidoniana*, a GUIDONE CAULIACO, quia seculo XIV. inter primos Chirurgiae instauratores eum descripsit, nuncupatur (b). Altera, quia longe majori cum instrumentorum apparatu fieri solet, *methodus cum magno apparatu*, itemque *Mariana*, a MARIANO Sancto, Italo, qui ipsam seculo decimo sexto, inter annos 1520 & 1530. primus descripsit (c), vocatur. *Ad aetatem* si respexeris, methodum posteriorem *novam* appellarunt, utpote binis demum abhinc seculis a Medicis excultam; istam vero sive priorem, *antiquam*, utpote ante HIPPOCRATEM, adeoque ante *his mille* & quod excedit jam tum annos usurpatam, atque per multa secula unice a Chirurgis adhibitam. *Tertiam* denique sectionis rationem *Apparatum altum* itemque *hypogastricam* calculi sectionem vocant. Si quidem secundum illam in ventre infimo, anterior & inferior vesicae pars, mox super pubis ossibus, inciditur; quum in reliquis circa perinaeum, sive loco infra partes naturales, intra anum scilicet & scrotum posito, sectio instituitur. Solet autem quoque haec ipsa *methodus Franconica* appellari, propterea quod PETRUS FRANCUS primus fuit, qui eam, necessitate id exigente, in Gallia eodem seculo XVI. feliciter semel exercuit, adeoque ejusdem auctor extitit (d), quamvis eam ipse mox rursus dissuasertit. His tandem *quartus* horumque recentissimus secandi modus in fine superioris seculi primum a *Fratre* JACOBO, (FRERE JAQUES Gallis vulgo dicto) Monacho vel Eremita Gallo, superadditus atque passim cum maxima omnium admiratione primum in Gallia, postea & alibi ab ipso adhibitus est (e): quam propterea plerique haecenus *methodum Fratris Jacobi*, alii deinde *Rauianam*, quia RAUIUS Germanus, hanc in Hollandia primus imitatus est, & simul quoque multum emendavit, appellarunt; alii *Cheseldenianam*, alii *lateralem* (f), vocare solent. Accessit nunc his *Foubertiana*, a Chirurgo Paris. FOUBERT, ejus auctore ita dicta, de qua KESSELRINGIUS, Borussus, *Dissertationem* primus

(a) Deinde etiam ab AEGINETA Graeco, & quidem paullo plenius Lib. VI. Cap. 60. & ALBUCASE Arabe Part. II. Cap. 60.

(b) Hos ROGERIUS, BRUNUS alique Scriptores Chirurgici veteres secuti sunt. Vid. *Ars Chirurgica* Venetiis 1546. edita in folio.

(c) Libro peculiari *de lapide renum* & vesicae (de quo editionem habeo, quae Parisiis 1540 in 4. prodiit, cujus LINDENIUS non meminit) licet ipsam non invenerit, sed inventor ipsius Jo: ROMANUS sive de ROMANIS, Cremonensis, Mariani Praeceptor fuerit.

(d) Vid. ejus liber, *Traité des Hernies*, inscriptus, Lugduni 1561. impressus in 8. p. 139. & 140.

(e) Vid. MERYI. *Observ. sur la Taille* p. 17. & seq.

(f) Ut Jac. DOUGLAS, Anglus, in Lib. de *Laterali Sectione*, qui primum prodiit Londini, Anglico sermone 1726. 4. postea Latine Lugd-Batav. 1726. in 4.

primus Halae 1738. 4. & postea GUNTZIUS, Med. Lips. a. 1740 libellum edidit, in quo etiam simul de methodis seu potius variationibus, quas & DRANIUS, GARENGEOT, PERCHETUS & CATIUS in Rauiana sive laterali excogitarunt, egit. FOUBERTUS vero denique illam suam methodum ipse uberius figuris multis illustratam, descripsit, in Act. Acad. Chirurg. Paris. quae a. 1743. prodierunt p. 650. sed de his, quae necessaria esse existimavero, adhuc infra dicturus sum (a). Nos de haecenus usitatis quatuor praecipuis Lithotomiae methodis singulis, quia omnes haud obiter pervestigavimus, atque ipsi (quod pauci, saltem in Germania) exercuimus, sigillatim tractabimus, postquam prius de tempore hujus curationis, aegri praeparatione, & instrumentis dictum erit.

V I I.

Temporis utique rationem aliquam in Lithotomia habendam esse, supra diximus, illudque vulgo in *tempus electionis & necessitatis* dividi solet. Quod ut planius intelligatur, observandum est, nullam propemodum anni partem in Germania esse, qua suscipi vel expediri calculi curatio nequeat. Aestus enim, quem aestivo tempore sentimus, mediocris satisque prae calidioribus regionibus temperatus plerumque apud nos est: frigus autem hyemis furnis nostris apte temperari in conclavibus posse, sicut res exigit, ipsa experientia loquitur. Tametsi quidem *vernum atque autumnale tempus operationi huic quam maxime aptum* quoque esse censeam, adeoque si nihil urget, illud, si non est expectandum imprudentis tamen atque *crudelis Medici* apud nos foret *pertinaciter hasce tempestates expectare* semper velle, atque interim homines *calculosos miserabiliter discruciatos* absque auxilio relinquere, quia exempla non desunt eorum, qui propter minus opportunam istiusmodi Medicorum cunctationem, partim a doloribus, partim etiam a noxis supervenientibus aliis, miserrime ante quam autumnus aut ver accessit perierunt (b), quum tamen idem servari utique per adhibitam curationem promptiorem potuissent.

V I I I.

Praeparatio aegri, siquidem is *ceteroquin sanus fuerit*, his fere modis instituenda est. Jubeatur is proximis ante sectionem diebus aliquamdiu modico

*Praeparatio aegri
& quomodo fiat.*

(a) Inique vero hic me aggreditur & carpit GUNTZIUS (qui tunc novus homo ac recens erat Doctor, atque Parisiis per breve tempus commoratus erat,) quem nunquam laeseram, quod in hisce meis *Institutionibus Chirurgicis*, (quae a. 1739. Amstelodami e prelo prodierant, atque liber meus manu scriptus jam Anno 1737. illuc inissus erat) nihil adhuc de hisce methodis scripserim, cum putaverit, *se omnia ad rem Chirurgicam pertinentia, in meo hoc libro reperturum esse*. Verum cum illo tempore, quo meum librum manu exaratum Amstelodamum, ut typis excudetur, misissem, nihil adhuc de *Foubertiana & Catiana* methodo mihi notum, imo forte nihil adhuc publicatum esset, etiam sponte judicare potuisset, me nihil adhuc de iis scribere potuisse. Me vero de iis rebus, quae *Dranius, Perchet, & Garengeot* antea publicaverant, non tacuisse satis patet, ex priore hujus Libri editione. Nam sicut historicus nihil scribere potest de illis rebus, de quibus nihil adhuc ad ejus notitiam pervenit, ita nec me hoc potuisse, sana ratio quemvis, atque sic etiam cl. *Gunzium* docere potuisset.

(b) Idem DIONIS Operat. Chirurg. Cap. de Lithotomia & DENYSII Observ. Chir. pag. 73. aliique testantur.

Pars II.

Ppppp

& tenui victu contentus esse (a). Deinde, si adultus homo, sique vires sunt, *sanguis per venas detrahatur*; id quod vero in pueris, plerumque apud nos & debilibus adultis haud opus est; *alvus* autem medicamentis expurgetur. Circa vesperam ejus diei, quae curationem praecedit; vel & mane, ipsa curationis die, tribus fere ante operationem horis, *denuo alvus per admotum clysterem homini aegro ducatur*; ne qua forte Medicus a stercore in intestinis haerente, in opere suo impediatur, aut intestinum facilius laedatur. *Sin vero jam tum minus valet aut per se debilis*, atque ab aliis noxis infestatus homo secandus est; tum per adhibita medicamenta convenientia victusque rationem commodam prius roborare & praeparare illum ad curationem melius sustinendam per aliquot dies imo hebdomades oportebit. Duobus vel *tribus* quoque ante operationem horis *jusculum* aliquod roborans, vel & more apud Parisinos consueto, *bina ova recentia sorbilia cum vini boni haustulo* aegris praebentur. Si *pueri sunt*, unicum ovum sic praebuisse suffecerit. Denique crines in perinaeo, si qui nempe in adultis adsunt, abradantur.

I X.

Instrumentorum atque ceterarum rerum apparatus ad priscam Lithotomiam necessarius. Ad instrumenta, atque apparatus reliquum quod attinet, ea, pro variis Lithotomiae methodis, varia sunt. Antiquissimi Chirurghi in antiquissima secandi ratione, CELSO teste, non nisi *scalpello* ad incidendum idoneo & *unco* quandoque usi sunt; quorum vero figuram ignoramus, quia ea neque delineavit, neque descripsit. Ultimis vero quatuor seculis *novacula* usi sunt; vel in uno tantum latere, vel in utroque secante, sicut ex Scriptoribus Chirurgicis, qui a seculo XIV. ad XVII. scripserunt, intelligi atque ex figuris *Ryffii*, *Franci*, *Parei*, *Andreae a Cruce* &c. videri potest. Nostreis temporibus adhibitum plerumque est *scalpellum* anceps, quali fere in Mariana secandi ratione uti solent, & quod videri potest Tab. XXVII. fig. 8. vel & illis quae Tab. XII. fig. 14. Tab. XXX. fig. 8. 16. & 18. exhibentur. *Circumforanei* vero nostri vel adhuc vulgari *novacula* vel *cultro* alio quocunque, prout res fert, ad incisionem apto, utuntur (b), & omnes fere simul *unco*, qualis Tab. XXVIII. fig. 10. exhibetur, qui intus asper, extus laevis esse debet. A DURANTIS vero SCACCHI tempore, qui anno 1596. scripsit, prudentiores quidam Chirurghi etiam simul *forcipem*, tanquam tertium ferramentum simul adhibent idoneum, vel saltem paratum habent, ut si necessitas exigat, quando scilicet digiti & uncus ad calculum extrahendum parum sunt, & hac uti queant: quo additamento hic modus antiquissimus profecto valde emendatus est. Ad deligationem instituendam in promptu esse debent *fascia* litterae T. formam exhibens, eademque quo ad partem directam seu verticalem in duas partes divisa,

(a) Eleganter Celsus l. c. ait: *ante aliquot diebus victu corpus praeparandum est, ut modicos, ut salubres cibos, ut minime glutinosos assumat, ut aquam bibat*; (vel apud nos cerevisiam tenuem), *ambulandi vero inter haec exercitatione utatur, quo magis calculus ad vesicae cervicem descendat. Quod an inciderit, digitis demissis cognoscitur.*

(b) Celebris quondam superiori seculo Empiricus Gallus, *Raoux* dictus, *solo scalpello*, sine unco & forcipe calculos hac methodo promptissime extraxit. Vid. Mery *Obs. sur la Taille*. p. 7. & seq.

visa, quemadmodum scilicet Tab. II. fig. h demonstrat; deinde *splenium* aliquod quadratum crassum, & quatuor circiter digitos transversos latum: porro linamenta carpta, & denique pulvis aut liquor aliquis stypticus, sicut est *acetum cum sale*, aliufve similis, ad sanguinem, si opus, cohibendum; aut quod satius videtur *spiritus vini*, qui *rectificatissimus* dicitur, aut & *acus quaedam curva* parva, cum filo, pro vase sanguinem fundente ligando.

X.

Qualis autem porro *aegri hominis situs* sive *positura*, in operatione esse debeat, ea pro aetate & magnitudine ejus diversa esse solet & potest; sed quia Veteres adultis calculum, CELSI tempore, haud exciderunt, nihil hic quoque de horum situ sive dispositione scripsit. Optimus vero in universum mihi videtur si more Fratris JACOBI vel Ravii in *mensam* aptae magnitudinis, longitudine fere quatuor & latitudine trium circiter pedum, luci oppositam & *pulvinaribus*, prout in lecto decumbere solent, *contectam*, fere supinus ita collocetur, ut extremo mensae luci opposito, nates nitantur, genibus flexis & retractis (a), manus dextra popliti dextrae, sinistrae, sub genibus, singula ope laquei, ut Tab. XXIX. fig. 10. fere ostendit, blande alligetur (b), singulusque pes ab homine robusto, ita contineatur & firmetur, sicut Tab. XXIX. fig. 9. ostenditur, ut altera manu genu, altera tarsum probe comprehendat, & ambo postea genua, quantum commodè fieri potest, diducant. Tertius vero minister circa alterum mensae extremum stans humeros & pectus probe firmet. Quartus ad latus alterum, ubi commodissimum videbitur, collocetur, qui in actu sectionis scrotum, una cum pene, blande elevet & contineat. Vid. fig. 5. atque hac ratione & pueri & adulti satis commodè collocari atque firmari possunt. Pueri minores etiam apte ita a robusto homine continentur, sicut ex TOLETO in Tabula nostra XXVIII. fig. 1. ostenditur, praesertim si sustinens una cum puerulo se, quantum commodè fieri potest, reclinet, & postea alter minister caput pueri, ut minus se movere possit, comprehendat. Vel adultis & ille situs apte dari potest, quem ex ALGHISII Libro de Lithotomia Tab. XXIX. fig. 9. exhibuimus supra mensa, quae Tab. XXVIII. fig. 9. seorsim repraesentatur, cujus extremum B. lunatum est, ut pedes commodius lateribus A. A. inniti queant, Chirurgus vero actionem suam aptius perficere possit. CELSUS loc. cit. TOLETUS alique adhuc alios situs describunt, qui vero mihi minus apti videntur, praesertim cum hos sufficere posse usu didici. Mihi etiam in promptu est *asser* in forma & magnitudine supremæ partis mensae hujus A. A. A. A.; B. Tab. XXVIII. sine fulcris subjectis, sed *sinu lunato* B. instructus, qui longe commodius in aedes, ubi aeger secandus, transferri & alii parvae mensae vulgari

(a) Situs hic fere delineatus videri potest in PAREI Oper. ubi de Lithotomia agit, itemque a FABRICIO HILDANO Lib. de Lithot. nisi quod aegrum non satis ad oram mensae extremam natibus, ut par est, collocaverint.

(b) Galli manus ad malleolos ligant, ego vero cum RAUIO utrinque ad poplites, quare ratione satis bene firmantur. Novum laquei genus pro hoc usu commendat DRAPPIUS. Vid. Gunz. de Calcul. fig. 1.

gari imponi, pulvinaribusque necessariis ac linteis, ut antea dictum, contegi, aegerque postea ipsi superimponi atque secari potest. Subter prima mensae parte juxta curantis pedes, *patina quaedam* vel aliud *vasculum* simile constituitur, pro sordibus & sanguine forte in actu sectionis profluentibus excipiendis.

X I.

Lithotomiae methodus antiqua quaecumque sit.

Aegro itaque sic rite disposito ac firmato, proximum est, *ut ad ipsam calculi sectionem* Medicus accedat. Solet autem secundum vetustissimam C E L S I lithotomiae methodum, hoc fere modo illa fieri. Ante omnia Medicus diligenter unguibus circumcisis ac rasis *sinistrae manus duos digitos*, ex C E L S I praecepto, indicem & medium, oleo prius inunctos simul in anum aegri, quousque fieri potest, leniter demittit, vid. Tab. XXIX. fig. 5. sursumque versus adducit (a), & *dextra manu* supra imum abdomen sive pubis, ut vocant, regionem blande imposita, calculum inquit, repertumque eum digitis suis in ano versantibus, ad *sinistrum perinaei latus*, versus anum B. B. quantum apte fieri potest, compellit, eundemque gnaviter inibi sic digitis, ne effugiat, illis continet, ut quoddam quasi *tuberculum* in perinaeo faciat; quo equidem facto, partem illam in sinistro perinaei latere prominentem, per admotum dextra manu scalpellum, idoneum probe acutum (b) idem sit incidit, ut cutis primo cum subjecta pinguedine amplo sive longo satis, eoque *paululum obliquo*, vulnere, lit. B. B. (c) atque ipsa tandem inferior vesica (d) cum cervice ad calculum usque ita dividatur, ut per inflatam plagam calculus ejici, vel extrahi apte queat (e). Oportet autem quam *exactissime singula quaeque interposita concidi*, ne a fibrillis vel membranis in vulnere forte adhuc inte-

(a) A E G I N E T A primus, quantum reperire potui, docuit, quod etiam *unus digitus* quandoque, & praesertim in pueris minoribus, sufficiat; ita enim intestinum horum angustius minus laedi in his videtur, Lib. VII. Cap. 60. Errant itaque illi, qui scribunt hunc C E L S I descriptioni nihil super addidisse, praesertim cum & sectionem *hanc in pueris parvis & adultis perfici posse* doceat, aliter ac C E L S U S scripsit, atque loco vulneris lunati, *obliquum* facere suavit, &c.

(b) Quale esse potest unum ex illis, quae §. IX. indicavi, pro aegri staturae minus aut majus.

(c) C E L S U S lunatum vulnus facere praecepit, id quod etiam fieri potest; sed obliquum est facilius.

(d) C E L S U S & plerique Scriptores post hunc *solam cervicem incidendam* esse docuerunt, & *vesicae laesionem lethiferam* esse putarunt. Verum *vesica revera hic inciditur*, & necessario incidenda est, neque vulnus ejus hic mortiferum est.

(e) Postquam *cutis plaga* eaque *lunata facta est*, C E L S U S ait, *deinde ea parte, qua strictior ima plaga est, etiamnum sub cute altera transversa plaga facienda est, qua cervix* (aut rectius vesica ipsa) paulo amplius aperiatur, donec urinae iter (vel potius vesica ipsa) pateat, sic ut plaga paulo major, quam calculus sit, ne opus sit in extractione calculi cervicem (sive vesicam) lacerare, unde sanguinis profusio & nervorum distentio fieri potest; quae si quis evasit, multo tamen *patientiore fistulam habiturus est rupta cervice, quam ea incisa*. Hanc *incisionem transversam* in calculis majoribus necessariam esse judico, eamque fere illam ipsam esse, quam D R A N I U S in novissima sua methodo, in Operat. Chirurgicis a. 1743. editis descripsit, & *specillo sulcato* atque peculiari *scalpello* a se delineato facit. Ego eam nuper *scalpello parvo nodulo* in apice munito Tab. V. fig. 4. vel 5. sine specillo perfeci. Existimo C E L S U M incisionem primam *lunatam fieri* voluisse, ut sic in cornu supremo vulneris hujus tanto commodius, incisio haec transversa, si opus, fieri adhuc possit.

integris relictis, calculus protrahendus, praecipue, si asperior idem extiterit, impediatur; neve, ut illis a calculo disruptis, gravissimi dolores, nervorum distentio atque inflammatio concitentur. *Incisa*, quemadmodum praecepimus, *cervice & vesica*, viaque sic patefacta, *in conspectum calculus venit*, (vid. fig. 6. litt. A.) tunc Medicus, posito vel administris commisso scalpello, calculum, siquidem is minutus est, digitis in ano haerentibus expellit, vel, ubi paullo grandior atque asperior idem extiterit, digitis his sursum prementibus atque simul vel digitis dextrae manus, vel etiam ejus rei causa facto *unco* circa partem superiorem applicato (vid. Tab. 29. fig. 6. litt. B.) protrahit. Sin forte calculus retrocessit, digitis in ano rursus propellendus, vel si fortius in vulnere haereat, ut his modis ejici nequeat, *forcipe* idonea, huic usui destinata, qualis est Tab. 28. fig. 5. vel Tab. 31. fig. 12. aliave simili comprehendi atque extrahi (a), vel etiam *scalpello vulnus transversum* adhuc, praesertim *nodulo instructo*, ut jam diximus, ampliari apte potest, si non satis pateat, ut calculus major commodius extrahi queat, sicut ego feliciter feci. Vid. Diff. nostra de Lithotomiae Celsianae praestantia pag. 23.

X I I.

Calculo protracto, necessarium semper est digito, specillove, in vesicam de-
 missio, quam solertissime explorare, num quis forte adhuc alius calculus, vel
 num quid forte praeterea frustulorum ex calculis intus in vesica reliquum adhuc
 manserit. *Solent autem fere semper adhuc calculi reliqui esse, quoties educti latera*
plana admodum attrita atque laevia conspiciuntur, vel calculus extractus fractus
 cognoscitur. Si quid igitur intus remansit, tum id quam diligentissime, vel
 digitis, vel unco, vel forcipe, prout commodissimum videbitur, extrahere
 convenit. Si nihil, vel saltem arenosi quid tantum intus remansisse cognos-
 ceitur, confecta operatio est, & aeger in lectum deponitur (b); nam arenu-
 las; imo etiam exigua calculi frustula, urina plerumque per vulnus sensim
 eluit atque expurgat; *longa enim nimis harum inquisitione*, ut CELSUS jam
 recte notavit, vesica nimis irritatur vel omnino laeditur, facileque inflam-
 mationes mortiferae concitantur. Calculis sic & frustulis majoribus ejectis,
 si valens corpus est, ex ejusdem praecepto *sinere oportet sanguinem fluere,*
 quo

(a) *De forcipis usu* in calculo extrahendo CELSUS alique vetustiores Medici silent; ea-
 que recentiores hanc curationem, ut supra monui, perfecerunt, qua profecto *magnam emen-*
dationem acquisivit, ut calculi praesertim majores, quos olim emoliri non potuerunt, prom-
 tius nunc hac methodo, aut aequae facile, ut in magno aut laterali apparatu, educi possint.

(b) *Lectulus* pro his aegris ita parandus, ut sub linteamina lecti ponatur magnum
 frustum *lindei cerati*, & super medium lecti postea lintheum lecti aliud vetus longitudinali-
 ter aliquoties singulari modo complicatum, ut duorum quasi pedum latitudinem habeat, at-
 que in altero extremo in modum cylindri convolutum, qui cylinder ad latus lecti internum
 ponitur, devoluta vero pars per latitudinem lecti transversim expanditur, & aegri natibus
 ac femoribus supponitur, ne ipse lectus a cruore & urina proximis a sectione diebus e vulne-
 re profluentibus, corrumpatur, sed ut haec excrementa in lintheum hoc complicatum influant.
 Prout vero *lindei* hujus transversum pars aegro subjecta madida aut sordida facta est, haec a la-
 tere lecti externo subtrahitur, cylinder, quantum satis est, evolvitur, & portio sicca ipsi
 denuo supponitur, id quod, quoties opus, est repetendum, ne sordium foetor & humiditas
 nimia aegro & adstantibus nimis molesta fiant.

quo minor inflammatio oriatur, donec sponte subsistat; sed si per se non desistit, supprimi tandem debet, idque protinus in imbecillioribus faciendum est, ubi acetum acre, cui aliquantum salis adjectum est, CELSUS recte laudat; vel alcohol vini cum linamentis, compressio aliquamdiu simul vase sanguifero ope digiti, vel interjecti tubuli, vel ope fili constricto (a), superimposito splenio crasso, quod firmetur fascia T. dicta. Quando vero sanguis per se, finita operatione subsistit, vel saltem parcissime fluit, vulnus, aegro in lectulum depositum, ad morem RAUUI, non nisi splenio sicco tego, sine ulla deligatione, sic ut, si quid in vesica forte vel cruoris vel arenularum vel frustulorum reliquum est, tanto facilius ab urina per vulnus elui, expellique possit, mutato solum per intervalla splenio impuro cum puro, quod vesperi fomento ex aqua calcis vivae & spiritu vini camphorato calido, adjecto paulillo cerussae, imbuo, aegroque permitto, ut eo in situ decumbat, quem sibi commodissimum esse sentit. Altero autem tertiove die vulnus bis quotidie unguento digerente vulgari inungo, eoque tepido, superinjectis linamentis carptis cum splenio, fomento modo laudato, nutrito, quae levi tantum constrictione fasciae T. ne decidant firmo (b). Vulnere tandem munito, quod inter XV. vel XVIII. dies ut plurimum, pro diversa aegri constitutione atque sanitate fieri solet, loco unguenti, balsamo copaivae vulnus foveo, emplastro glutinante oras sensim adduco, illudque tunc paullo arctius constringo, aegrisque non solum concedo, ut genua sint libera (c) & modo in dorso, modo in hoc vel illo latere decumbant; verum etiam cum RAUIO hac in re Praeceptore meo, ipsis permitto, ut surgant ac deambulent, simul ac velint & possint, atque observavi citius vulnus ut plurimum sic, subapta victus ratione, qualis alias in graviorum vulnerum curatione observari solet (d), & hujus deligandi modi continuatione, coire, quam si diutius in lecto, genibus praesertim colligatis, contra voluntatem summa cum molestia se detinere coguntur (e). Si calor aut febris supervenit, sanguinis detractio, potu tenui & remediis temperantibus curanda. Contra si haec augentur, si nausea, vomitus, singultus, aut nervorum distentiones superveniunt, vel suppuratio rite non succedit & vulnus aridum fiat, mors plerumque sequitur.

X I I I.

Judicium
de appa-
tu parvo.

Si quis tandem ignoret, quid de veteri illa Celsiana, quam haecenus explicavimus, Lithotomiae methodo statuendum sentiam, observasse juvat, ab

(a) COLOTUS Lib. de Lithotom. p. 131. refert se repetita venae sectione ad animi deliquium usque instituta ejusmodi haemorrhagiam, nullis remediis cedentem, cohibuisse; quem vero imitari periculosum mihi videtur.

(b) Multi Chirurgi mox vulnus fascia fortiter constringunt; eo fine, ut citius sanescat; verum praedictam deligandi rationem, ob dictas rationes praestare existimo.

(c) Plerique jubent, ut genua ipsis colligantur; verum hoc ipsis valde molestum est, & parum vel nihil ad glutinationem facit.

(d) Vid. supra Part. I. Lib. I. Cap. I. de Vulner. §. LVI. & seq. speciatim vero primo die detur tenuis emulsio anodyna, vel decoctum bordei citratum larga copia, ut his sordes e vulnere tanto melius eluantur.

(e) Signa, quae curationem bonam vel malam praesagiunt, vid. in CELSO Lib. 7. Cap. 26. circa finem, eleganter descripta.

ab *Histrionibus* equidem sive *Lithotomis circumforaneis* solum communiter illam, tanquam *faciliorem & simplicissimam*, jam a longo tempore in Germania atque adhuc hodiernum in Italia & aliis variis in regionibus adhiberi; recentiores autem Medicos ac Chirurgos nobiliores, praesertim Anglos & Gallos, plerisque eam prorsus rejicere (a), vel saltem contemnere, & non amplius adhibere, atque ceteras potius recentiores, ac magis intricatas calculos excindendi rationes, quemlibet pro ingenio suo adhibere, idque praesertim propterea quia plurimi male crediderunt, eam solum in pueris locum habere & vesicae laesionem lethiferam esse. Attamen non solum in pueris & juvenibus a nono ad annum usque decimum quintum, quod tempus a C E L S O aliisque multis tantum huic operationi constitutum est; verum etiam in junioribus & adultioribus, praesertim qui *humilioris sunt staturae*, vel etiam majoribus, cum primis macilentis, ubi *calculus digitis ad perinaeum compelli potest*, mea sententia recte meritoque adhibetur (b). Nam *simplicior & facilior modus valde laborioso*, me iudice semper, ubi haud majori quam alii, periculo adhiberi potest; praefendus, maxime, quia tam saepe & tam diu, non solum olim, verum & nostris adhuc temporibus in pueris atque juvenibus aetate minoribus, imo & subinde in aetate grandioribus a me & aliis felicissime institutus est (c). Nam profecto prae Mariano & laterali haec habet adhuc commoda, quod primo paucissimis instrumentis & saepe solo scalpello, perficiatur, quae simplicitas alias magnopere operationes Chirurgicas prae aliis magis intricatis, multisque ferramentis indigentibus, commendat, prout nobilissimi Chirurgi plerique concedunt, imo & axioma stabilire contendunt. Deinde quod *urethra & vesica* in Celsiana methodo neque a catheteribus, neque a ductoribus ullo modo laedantur, dum saepe in aliis methodis iis vulnerantur, velluntur, pertunduntur, & ingentes dolores iis concitantur, imo vesica haud raro ferramentis illis in magna & laterali secandi ratione, si paullo fortius aut profundius in vesicam, praesertim minorem, impelluntur, facile perforatur (d), quod in Celsiana hac non est metuendum, quia eis hic non utimur nec indigemus, & si etiam hic forcipe quandoque opus sit, calculum conspicuum hic securius ea apprehendimus, quia oculis patet ac manifeste conspicitur, nec in obscuro, ut in caeteris methodis recentioribus, hic palpamus, & calculos in tenebris quaerimus, verum conspicuos tantum apprehendimus. Porro ipse F O U B E R T I U S in Act. Acad. Chirurg. Tom. I. inter commoda etiam suae methodi refert, quod in ea catheteribus *fulcatis* haud indigeat, quia iis saepe graves dolores aegris, gravesque laesiones urethrae & vesicae inducerentur. Si itaque inter commoda & praestantiam in hac methodo refertur merito

(a) Inter quos D R A N I U S cum primis est in Libro, quem inscripsit *Parallèle* p. 51. ubi eam *ne comparatione cum ceteris methodis dignam esse proclamat*, & in Operat. suis Chirurgicis nequidem mentionem ejus facit, itemque G A R E N G E O T in Chirurg. Oper. Tom. II. edit II. p. 308. D E N Y S I U S in Obs. Chirurg. p. 95. S H A R P E in Operat. Chir. F A Y U S in notis ad *Dionisii* Operationes Chirurgicas, & alii.

(b) Uberius hoc evici in Diff. de Lithotomiae Celsianae praestantia, A. 1745. edita.

(c) Praeter nostras observationes Conf. Scriptores §. IV. supra citati.

(d) Teste G A R E N G E O T Oper. Chir. Cap. de Lithotom. D R A N I O. *Parallèle* p. 77. F O U B E R T, in Act. Acad. Chir. Paris. Tom. I.

merito etiam in Celsiana pro commodo habendum erit. Praeterea quod calculus, facta satis ampla plaga, sine controversia, *facilius reperiatur*, atque educatur, quam in Mariano & laterali: ubi quandoque quia absconditus prorsus in vesica latet, a praestantissimis Magistris deprehendi non potuit (a) dum in Celsiana, ut Tab. 29. fig. 6. ostendit. A. mox in conspectum venit. Tandem quia *fundamentum dat sectioni laterali*, omnibusque ejus speciebus, aut potius variationibus *circa locum incidendum, qui idem est in hac nostra, quam in illis dum per eandem viam omnes in vesicam intrare student, eademque partes inciduntur & diffecantur* (b) quae in laterali, atque per eandem etiam viam calculi e vesica educuntur, quam in laterali, hinc etiam non magis periculosa est quam illa (c); nam CELSUS de hac incisione ait (d), *juxta anum incidi cutis plaga usque ad cervicem vesicae* (vel potius ex mea sententia, usque ad vesicam ipsam) debet, & ALBUCASIS, propellendum esse calculum docet ad radicem coxae, ubi postea sectio instituenda (e). Hinc praedictis incasibus ego ipse eam feliciter exercui, & adhuc, si occasio fert, *exerceo* (f) atque experientissimus SIMONIUS, Medicus Wirtenbergicus (g) & MARINUS Italus (h) quoque eam in pueris varias ob causas semper prae ceteris adhuc perficiendam suadent, imo quam plurimi circumforanei eam ubique locorum adhuc saepe feliciter exercent. Denique in adultis etiam, qui urinae reddendae difficultatem a calculo, firmiter in vesicae cervice vel perinaeo haeresciente, sentiunt, nec tamen vel ab adhibitis medicamentis internis, vel ab aenea fistula, in urethram demissa, curationem recipiunt, quando nimirum haec in vesicam immitti nequit, operatio haec Celsiana haud raro instituenda est. (Vid. supr. Caput CXXXIX.) itemque quando contigit, ut calculi vesicae versus perinaeum gravitent, sic ut hoc a calculo tumeat, calculusque ibi tactu percipi queat, aut aeger secandus a cathetere nimis abhorreat, calculus neque Mariana neque laterali secandi ratione tolli potest, ad hanc antiquam vel optimam etiam Magistri confugerunt & adhuc confugere quandoque coguntur (i). Hinc

(a) Quod praeter exempla ab aliis notata cum primis GROENFELDIO, ut ipse fatetur, contigit, & DENYSIUS de BORTELIO Chirurgo & Lithotomo Amstelodamensi quondam perquam egregio, cujus curationes Chirurgicas etiam saepe, (quod gratus agnosco, non sine fructu asperi), & RAUO adhuc notat. Lib. cit. p. 57. 69. 71. 90. 109. 122. atque de aliis adhuc CL. GUNZIUS Lib. de Calculo p. 20.

(b) Hoc jam manifeste agnovit MERYUS in observat. de calculi sectione contra Jacobum Fratrem, WINSLOVIUS, FALCONETUS in Quaest. Med. An methodus lateralis? MORAND. in Act. Gall. 1731. SHARPIUS alique plures.

(c) Conf. Diss. nostra uberius de Lithotom. Cels. §. 52. & coroll. 15. 16. 1745. edita; nam revera haec filia est Celsianae.

(d) Lib. VII. Cap. LXI.

(e) Part. II. Cap. LXI.

(f) Plura hac de re legi possunt in Dissert. nostr. de Lithotom. Cels. praestant.

(g) In Dissertatione de Embryul. & Lithotomia.

(h) *Prattica delle principali Operationi di Chirurgia*: quo in Libro etiam ait, quod in infantibus aut pueris magno utitur apparatu, imperitiae suspectus sit, p. 184. quia parvus pro his esset omnium aptissimus.

(i) In Dissert. nostra de Lithotom. Celsi praestantia, exempla & observationes hac de re adduximus plura.

Hinc constat, calculos parvo quoque apparatu etiam in adultis excidi posse (a). Alias in his & praecipue grandioris staturae, ut CELSUS & ALBU-CASIS jam notarunt, non sine periculo succedit, quia nimis profunde eorum vesica & calculus sita sunt, ut digitis ad perinaeum compelli nequeat. Attamen in adultis minoris staturae eam saepius, quicquid nonnulli objiciant, commode & feliciter institui posse, experientia edoctus cum multis aliis egregiis laudatis viris, certo asseverare possum.

X I V.

Interea tamen de parvo apparatu tam dure ac sinistre judicavit praestantissimus alias DRANIUS Lib. cit. pag. 51. ut ne comparatione quidem eam cum ceteris dignam, sed perniciosam potius promiscue reputet; nisi forte pro calculo ex urethra vel potius collo vesicae excidendo. Attamen si, praeter ea, quae praecedenti §. XIII. dicta sunt, rite consideramus, 1. quod vulnus eodem in loco, quo in laterali methodo, omnibusque ejus speciebus vel variationibus indicatis, cervici & corpori vesicae infligatur; 2. eadem quoque partes in omnibus his modis incidantur, atque hinc hae duae methodi, sicut varii praestantissimi viri, supra §. XIII. citati, jam dudum statuerunt & adhuc mecum sentiunt, vix si verum fateri fas est, nisi instrumentis differant, atque sic non nisi Veterum methodus certa ratione mutata sit; adeoque hinc eadem fere habeat commoda; 3. quod tam diu per XVI. scilicet & quod excedit secula, solus in usu fuerit, & non solum eo tempore, verum etiam adhuc & superioribus ultimis seculis, variis in Europae partibus, quamvis major apparatus jam cognitus, & parvus a multis contemptus atque rejectus esset, multi eo a calculo feliciter liberati sint (b), praesertim si a prudentibus & peritis fuerit institutus; 4. quod,

Dranii dura de parvo apparatu sententia.

(a) Id quod non solum GARENGEOT. Oper. Chirurg. T. I. p. 360. edit. I. sed & DENYSIUS Observ. Chirurg. p. 49. alique praeceperunt. Longe plura adhuc commoda methodi Celsianae ejusque praestantiam prae ceteris referre hic possem, ut 1. quod Calculi situs, figura ac magnitudo in sectione, melius quam in Mariana & laterali cognosci queat, quia videri ac digitis tangi potest; 2. quod incisio ipsius vesicae in laterali sit longe difficilior, quam in Celsiana; 3. quod aegros ob simplicitatem & paucitatem ferramentorum minus terreat; 4. quod commodius a calculis reliquis purgari vesica queat, & saepe duo calculi simul expelli, sicuti in Diss. nostra de Lithotom. Cels. praeft. §. 63. 64. 65. 66. 67. 68. itemque in Corollariis huic Dissertationi annexis plurimis uberius evici, ubi etiam ostenditur, commoda pleraque, quae laterali & magno apparatui vulgo tribuuntur, etiam huic optimo jure, imo & melius saepe competere, excepto eo fere solo casu, ubi calculus, praesertim in hominibus magnae staturae, digitis ad perinaeum appellere nequit; multa vero pericula in parvo evitari, quibus illi, ob quam plurimorum instrumentorum necessarium usum, subiecti sunt. Verum lectores ad Dissertationem meam saepius jam indicatam de Lithotomia Celsiana remitto, in qua & objectionibus, quae contra hanc methodum motae sunt, & moveri solent, respondi.

(b) In Germania frequens fuit inter Histriones, quam etiam inter rationales Chirur- gos, ex SIMONIO supra §. IV. probavimus. Medici & Chirurgi Angli de eo tanquam de re satis trita, the Operation on the Gripe, vel upon the Gripe, loquuntur; atque ipse DOUGLAS Lib. de Lithotom. ait: eum a quibusdam in parvis hominibus adhuc institui, sic etiam SAM. PUE, Chirurg. Bristol. eum non solum pro utili, sed & saepe pro maxime necessario reputat, in Obs. suis de Lithotom. P. II. Itali quoque & Graeci, adhuc eo, ut supra ex MARINO & BACHETONO Italis indicavi, utuntur. In Gallia superiori seculo eum adhibitum fuisse ex §. IV. quoque cognosci potest, exemplo RAOUX & FRATRIS JACOBI. Ita TOLETUS quoque superiori seculo adhuc bene pro parvo apparatu locutus est. Nam postquam quomodo

quod, experientia teste, *saepe adhuc feliciter, praesertim in pueris & juvenibus*, non solum a circumforaneis, verum etiam a tot egregiis viris modo laudatis, in Italia, Gallia, Anglia & Germania aliisque hoc seculo feliciter adhuc fit instituta, atque ab iis, qui vivunt, adhuc hodie perficiatur. Neque 5. in pueris & juvenibus annum decimum quintum nondum egressis, quae in aetate tamen plerique sunt, qui calculo laborant; itemque 6. *in adultis & viris parvae staturae* ulla appareat digna ratio, quare prorsus aut tantopere, ut a quibusdam fit, contemni debeat; & 7. *paucissimis instrumentis, fereque solis manibus, si scalpellum excipias*, haud raro perfici queat; id quod alias apud prudentes multas curationes Chirurgicas prae aliis abstrusioribus methodis, *ob gratam simplicitatem*, extollit ac commendat, testibus Chirurgis recentioribus praestantissimis, *eam non prorsus rejiciendam*, sed potius retinendam, prudenterque & uberius excolendam perficiendamque esse, plaga praesertim eo loco eis in partibus, ut in laterali operatione incisa, sicut CELSUS, AEGINETA & ALBUCASIS, ut recentiores nunc taceam, docent, experimentis recentissimis edoctus, omnino statuo ac suadeo. In adultis quidem *qui proceri sunt, varia ipsum premunt incommoda*; atque hinc factum esse existimo, quod CELSUS quondam *solum pueros & juvenes ad annum decimum quintum huic curationi idoneos judicaverit*; adultiores vero exclusit. Attamen & in his eum etiam succedere denuo, ut modo dixi, contendit quoque, praeter AEGINETAM, SCACCHUM &c. Cl. MORANDUS in Memor. Act. Reg. 1731. Si modo res, ut ait, *rite instituatur*, hocque in adulto XIX. annos nato verum esse mea experientia adhuc nuper, anno scil. 1745. edoctus sum.

X V.

Corollaria. Apparet ex praedictis, quod *usus methodi Celsianae major sit, quam vulgo creditum est*, & quod ipse CELSUS amplissimum usum ejus ignoraverit, quod minimum pueri infra nonum annum, & juvenes supra annum decimum quartum ea a Calculo liberari possint. 2. Quod sic etiam multi alii & cumprimis etiam *ex recentioribus usum ejus nesciverint*, aut non satis perspexerint, quando vel nullum eis, vel solum in pueris vel infantibus aliquem tribuerint, ut DIONIS, GARENGEOT, SHARPE, FOUBERTUS, qui eum in his tantum commendant & laudant (Act. Acad. Chir. T. I. p. 65. S. 3.). Neque illi omnem usum ejus perspexerunt, qui *ipsum solum* adhiberi posse duobus in casibus scripserunt, ut 1. ubi calculus vel in cervice vesicae, vel 2. in principio urethrae, vel in perinaeo haereat; contra his in casibus profecto

do aeger in ipsa sectione collocandus sit, docuit, pag. 135. ait: *nunc operatio vel parvo vel magno apparatu fieri potest*; quasi hoc perinde esset. SAVIARD, unus ex Chirurgis Parisiensibus hujus seculi praecipuis, eum in puella se instituisse affirmat, Observ. Chir. 86. Ita & DIONIS. in Chirurgia sua pag. 182. scribit, *l'on taillait toujours par le petit appareil; mais aujourd'hui l'on se sert de l'une & de l'autre manière*; unde satis patet, hoc seculo in Gallia & quidem adhuc anno 1707. cum haec scriberet, *parvum adhuc apparatus valde in usu fuisse*, licet varii nullam de eo, ac si prorsus e Gallia relegatus fuisset, mentionem faciant. Quare vix satis mirari possum, quod nonnulli tam temere scribant, *parvum apparatus jam diu prorsus rejectum*, & consideratione haud dignum esse.

to superet & magnum & lateralem omnem, atque summa ejus necessitas ex his patet, adeoque simpliciter rejici non potest. 4. Parvus apparatus laudatur etiam a PLATERO *Thoma FIENO*, BLASIO, FRANCHIMONT ac WEDELIO; & PETRUS PAULUS Prof. Chirurg. & Lithotomus Luccensis parvo apparatu in juvene feliciter usus est, ut patet ex ejus, ut vocat, *Parere* contra BACHETOMAM, Lucae 1730. in 4. edito p. 54. 5. *Puellae* etiam parvo apparatu a calculo liberari possunt, procedendo ut in pueris SCACCHUS jam docuit, quem SAVIARDUS, RAOUX, JACOBUS aliiq̃ue secuti. 6. *Turpe praejudicium* diu fuit, & quod adhuc apud multos durat, quod adulti methodo CELSI a calculo curari non possent, sed necessario alium requirant; cum tamen tam multi ab HIPPOCRATIS ad hodiernum diem hac methodo curati contrarium evicerint. Hinc illi, qui illud adhuc statuunt & scribunt, re non tentata aut experta, se invicem tantum exscribunt, & in antiquo errore perseverant, cum contrarium ipse sum expertus. 7. Si *plures calculi in vesica* simul adsunt, super majori incisionem esse instituendam, docuit jam primum ALBUCASIS & postea Brunus, qui melius profecto quam GUIDO hanc operationem descripsit. 8. *Calculi minores* difficulter saepe laterali & magno apparatu, minore autem facilius & inveniuntur & educuntur. 9. *Commodis longe superat apparatus magnum* atque in multis etiam lateralem, & multa habet cum hoc paria. Quae vero *commoda altae adscribuntur*, omnia etiam habet *parvus*, eo solum casu excepto, ubi calculus ad perinaeum duci nequit. 10. *Incommoda pleraque* quae parvo apparatui adscribuntur, ut collisio intestini recti & vesicae, recti vulneratio, laesio digitorum manus sinistrae, artificii potius incauto, quam methodo adscribenda esse censeo. Plura vid. in Diff. nostra de Lithotom. Cels. praestantia.

X V I.

Quod reliquum est, quia *calculi in renibus* etiam saepe magnum aegris & Medicis negotium creant, neque medicamentis semper tolli possunt, aegri vero a saevissimis istis cruciatibus, quos inde patiuntur, liberari gestiunt; sed *rarius in recentiorum Chirurgorum libris, de hoc argumento aliquid reperitur*, quasi hoc negotium nullum in Chirurgia locum mereretur, haud alienum ab instituto nostro esse existimo, si, *an in calculo renum ejus exsectio institui queat*, hic paucis disceptaverim: quod cumprimis hic exponere animus est, quia *hic parvo quoque apparatu*, ut vel scalpello solo & digitis, vel simul unco, *volsella*, aut *forcipe* fieri potest. Plerique qui hac de re aliquam in scriptis suis mentionem injiciunt, merito *negotium hoc periculosum judicant*, quia renum vulnera saepius lethalia esse solent, adeoque & illud ut plurimum *prorsus rejiciunt*. Interea tamen non desunt rationes & exempla, quae ad eam commendandam, praesertim certis in casibus egregie faciunt (a). Nam primo praesto sunt *observationes, ubi aegri a vulneribus renum*, quae a tergo acceperant, sanati fuerunt (b), & quidem interdum sine adeo gravibus symptomatibus; ut

enim

(a) Multa eorum congeffit doctus WEDELIUS in Diff. de Lithot. Jenae 1704. edit.

(b) Vid. SCHENK. Observ. Bohn. de Vuln. leth. p. m. 157. GARENGEOT Tom. II. p. 48. licet alibi ea mortifera pronuntiet.

enim alia mihi nota exempla nunc taceam, anno 1735. vir quidam in vicino nobis oppido in dorso, & quidem renis dextri regione satis amplo vulnere, ictu cultri majoris vulnerabatur, ita ut per plures dies sanguis & urina sanguinea per vulnus atque urethram redderetur copiosius; attamen postquam huc Helmstadium translatus meaeque curae subiectus est, intra quatuor fere hebdomadam spatium feliciter sanatus est. Adeoque *certissimum est, omnia vulnera renum*, praesertim si a tergo infliguntur, & in *cavum ventris non penetrant, non esse mortifera*, ut nonnulli putant, sed saepius sanari. Deinde HIPPOCRATES, licet a *sectione calculi vesicae* suos discipulos in iurejurando suo vehementer debortetur, tamen ubi de renum morbis agit, eos ad hos incidendos instigat, quando scribit (a): *cum intumuerit & elevatus fuerit* (scilicet ren) *sub idem tempus juxta renem secato, & extracto pure arenam diureticis sanato*. Si enim *sectus fuerit, evasione spes est; si minus homini commoritur*. Idem fere repetit l. c. cap. 16. tit. 18. ubi ait: *cum suppuratus fuerit ren, circa spinam intumescit; hunc ubi sic habuerit, circa tumentem partem secato, profunda maxime sectione juxta renem*. Imo & Cap. 18. t. 17. in simili casu praecipit; ut in ipsum renem secemus, (τάμνειν εἰς τὸν νεφρὸν): unde apparet, ipsum renis incisionem, ubi eam opus esse putavit, non tam periculosam judicasse, neque ita, ut vesicae vulnus, reformidasse. Sic RUSSETUS (b) atque egregius Anatomicus JO: RIO LANUS (c) alique graves ob rationes *nephrotomiam* haud sine fructu saepius institui posse judicarunt, si modo ille locus incidatur, ubi calculus percipitur, cavendo ne arteria emulgens aut ureter incidatur, & ne vulnus in abdominis cavum usque penetret. Inprimis vero hanc sectionem tunc posse imo & debere institui, quando *facto a calculo in lumbis tumore aut abscessu*, natura Medico viam demonstrat. Id enim non solum SCHENCKIUS & WEDELIUS, locis citatis, itemque MEKRENIUS (d) ac ROONHUYSIUS (e) comprobant & suadent, verum etiam egregius ille quondam Medicus & Chirurgus LAVATERUS, natione Helvetius, cum quo anno 1710. Londini, ubi tunc Chirurgiam summa cum laude & faciebat & docebat, amice vixi, non solum mihi retulit, *se hanc operationem in ejusmodi casu feliciter quoque perfecisse*, verum etiam in Dissertatione, quam de *Atriteis & Hypospadiceis* Anno 1708. Trajecti ad Rhenum publicavit, pagina penultima scripsit. *Nephrotomiam renis alterius, natura per abscessum viam demonstrante, celebro.* A COLOTO summo quondam Chirurgo & Lithotomo Parisino, ubi de renum incisione agit (f), *exemplum quoque refert simile*, ubi exulceratione in renum regione facta ren feliciter incisus fuerit: *Methodus calculum e rene excidendi* Vid: in Compend. Act. Angl. LONDORP. Vol. III. p. 188. Hujus methodi etiam a MARCHETTO peractae meminit (g) PAULLI in notis suis in *Hornii Microtechnen* p. 452. Adeoque non perspicio rationem

(a) Lib. de intern. affect. Cap. 15. t. 19.

(b) Lib. de Part. Caesar. Sect. 3. Cap. 7.

(c) Lib. 2: Anthopogr. Cap. 26. p. m. 234.

(d) Obs. Chirurg. 49.

(e) Obs. Chirurg. 28 ubi duos calculos feliciter excidit.

(f) Lib. de Lithotomia a pag. 36. ad 40.

(g) Hoc Exemplum etiam a DOUGLASS. Lib. de alto apparatu pag. 140. refertur.

nem quare a tam multis prorsus damnetur; sed potius Chirūrgos exhortor ut eam, natura viam monstrante, non intermittant, quemadmodum nec ego eam, si ejusmodi occasio feret, intermitterem: quia hac ipsa non modo vita aegris fervari, sed etiam ii a saevissimis cruciatibus, calculo per digitos, vel forcipem educto, liberari poterunt. Confer. & FONTANUS exempl. 42. fol. 117. HILDANUS Cent. VI. Observ. 44. ac TULPIUS Lib. IV. Observ. 28.

C A P V T CXLI.

De ea lithotomiae methodo, sive de ista calculi in masculis sectione, quae magno, ut vocant, cum apparatu instituitur.

I.

Satis utique promptam esse, aptam ac facilem, quae parvo cum apparatu per-^{Apparatus}ficatur, calculi sectionem, ex haecenus propositis manifestum est. Inter-^{magnus cur}rim, prout jam olim MARIANUS SANCTUS & HILDANUS (a), ac postea plures^{inventus.} alii notarunt, varii incidere casus possunt, qui, praesertim in adultis, quam maxime difficilem atque periculosam, imo quandoque impossibilem eandem efficiunt. Nam ubi forte nimis inaequalis ac spinosus calculus est, sicut quandoque contingit, (id quod partim ex frequenti sanguinis mictu, ac doloribus acerbioribus, quos aegri perpetuo fere patiuntur, suspicamur; partim ope digitorum in intestino recto, aut beneficio catheteris in vesica ex asperitate dijudicamus) non vehementes tantum dolores aegri sentire dicuntur, dum in operatione ad perinaeum is fortiter compellitur; sed inflammatio quoque & gangraena subinde in vesica eo producuntur: imo ipsa calculi insignis inaequalitas etiam impedit, quo minus accurata institui vesicae plaga pro educendo calculo queat: unde varia circa operationem vel curationem incommoda provenire possunt (b). Accedit, quod Medicus in sectione facili negotio vel intestinum rectum, vel suosmet digitos laedat, maximamque dehinc calculum apprehendendi excidendique difficultatem sentiat (c). Deinde si procerus homo est, tum ipsa vesicae colli longitudo atque vesicae ab ano distantia faciunt, ut calculus, praesertim ubi is retrocessit, difficulter admodum, praesertim si laevis est, prehendi atque versus perinaeum, quantum satis est, compelli; longe difficilior autem, propter vesicae & intestini recti lubricitatem, satis firmiter contineri & quamdiu opus est, valeat. Neque enim digiti solum, si res diutius durat, elanguescunt, sed ipsi quoque calculi ob lubricitatem retro subinde effugiunt, itaque operationem tunc insigniter impediunt, vel retardant, vel prorsus impossibilem aut tamen periculosam reddunt. Ut nihil nunc de eo dicam, quod facile in sinistro latere concidi vesiculae seminales, vel earum ductus, atque ita homines

gene-

(a) Lib. de Lithotomia.

(b) Sed hanc difficultatem parvi facit MARINUS Lib. cit. atque calculos maxime spinosos CELSEI curandi via optime aut saltem longe melius quam Mariara educi posse contendit.

(c) Haec vitia plerumque incuria curantis incidunt, & a prudenti facile evitari possunt.

generandi potentia ex parte privari queant (a). Haec igitur potissimum incommoda, & praesertim quia fere solum pro junioribus inservit & adulti, praesertim proceri, hac ratione a calculo liberari commode non potuerunt, merito effecerunt, ut aliam adhuc calculos eximendi viam Medici initio seculi XVI, anno fere 1520, excogitaverint, feliciterque postea per bina fere secula nobilissimi Chirurghi, & nominatim PARAEUS, PETRUS FRANCUS, HILDANUS, FIENUS, TOLETUS, GROENEVELTIUS, ALGHISIUS & multi alii saepius ad hodiernum usque diem peculiaribus instrumentis tentaverint, neque facile priscam illam, ut ut simplicissimam curationem, cumprimis in Gallia, praestantiores Chirurghi postea adhibuerint; nisi forte, ut superiori capite jam dictum est, calculus aliquis in perinaeo, sive in postrema urethrae parte seu vesicae collo ita firmiter haeserit, ut nulla prorsus ratione promoveri aut expelli, vel etiam nec reprimi is potuerit. Inventio hujus methodi recentioris Medico Italo, Cremonensi, JOANNI DE ROMANIS sive ROMANO adscribitur; quam vero deinde MARIANUS SANCTUS, ejus discipulus, uberius perfecit ac primum peculiari libello (b) descripsit: quo factum est, ut methodus Mariana, & ob magnum instrumentorum apparatus, apparatus magnus dicta fuerit; a nonnullis vero recentioribus, (quia recentiores nunc prosant) vulgaris sive antiqua.

I I.

Occasio ipsum inve-
niendi.

Occasionem inveniendi hanc methodum dedisse mihi videtur tam spontaneus calculorum majorum, qui saepe apud mulieres observatur, exitus, quam artificialis eorundem in feminis extractio. Quando enim ROMANUS brevem mulierum urethram ita dilatari posse perspexerat, ut calculus vel sponte natura haud raro exeat, vel etiam ope ferramentorum extrahi per eam queat, judicavit, si forte in viris arte tam brevi via in vesicam pervenire liceret, vel tam brevis urethra in his, quam in mulieribus est, fieri possit, reliquam illam brevem urinae itineris viam sive partem etiam, sicut in mulieribus, ita dilatari posse, ut calculus per eam protrahi queat; nam vesicam ipsam incidere auctoritate HIPPOCRATIS tunc temporis mortiferum, adeoque piaculum esse existimarunt (c). Cogitavit igitur secum, si masculos hac in re feminis similes faceret, hoc est, si per tam brevem viam, ut in mulieribus fit, in vesicam pervenire posset, rem feliciter successuram esse (d). Et profecto si negotium hoc, sicuti est, rite perpendimus, observamus viros re vera hic feminis similes fieri & fere in feminas mutari. Fit enim in hac operandi ratione vulnus in perinaeo longum, a scroto versus anum extensum, quod quasi rimam vaginae representat, vel
saltem

(a) Omnes vero hae difficultates tantas non esse ut prima fronte apparent, in Diff. nostra de Lithotomiae Celsianae praestantia evici, si ii modo casus excipiuntur, ubi calculi ad perinaeum adduci nequeunt.

(b) De lapide vesicae per incisionem extrahendo. Venet. 8. 1535. & postea Paris. 4. 1540. stylo admodum barbaro.

(c) Vid. ejus aphorism. 18. Lib. VI. CELSUS L. VI. C. 26.

(d) FALCONET. Medic. Paris. in diff. de later. appar. aliter sentit, existimando, intentionem Autoris hujus methodi fuisse non urethram, sed cervicem & vesicam ipsam, ut in parvo apparatu, incidere. Quenam sententia sit verisimilior, lector judicabit. Utraque non destituitur rationibus.

saltem ejus loco est; iter urinae in perinaeo (vid. Tab. XXIX. fig. 1.) a litt. D ad F vel I inciditur & aperitur, adeoque ab hac rima five *vulnere ad vesicam non nisi brevis restat via*, five urethra IL, sicut in feminis: quae si idoneis ferramentis satis dilatetur, uncis & forcipibus aptis calculos e vesica per eam extrahi posse. Itaque ut *scopum hisce meditationibus excogitatum* sibi propositum *assequeretur*, opus fuit, ut *ferramenta etiam excogitaret*, quibus haec omnia efficere valeret. Quare pro incidenda tuto urethra *Catheteres sulcados* primus invenit; sed pro dilatanda eadem, *ductores & dilatantia* ferramenta, pro calculo autem extrahendo, *forcipes* aliaque; quae vero omnia, ut ex MARIANO patet, tunc temporis, sicut principio novorum inventorum fieri vulgo solet, *rudia & valde imperfecta fuerunt*; sed *successu* temporis a variis artificibus *emendata* & ad longe majorem hodie perfectionis gradum *evecta sunt*. Nonnulla tamen, quae in parvo apparatu adhibentur, etiam hic adhiberi possunt.

I I I.

Ad apparatusum igitur magnum, in universum subsequencia potissimum necessaria sunt *instrumenta*. Primo *catheteres aenei* five *argentei* varii, parvi, magni, tenuiores & crassiores, pro diversitate aegrorum & aetatum, sicut jam cap. 137. §. 3. indicatum est, ad explorandum calculum accommodati; (vid. Tab. XXVII. fig. 2. 3. 4. & 5.) quando de parvo apparatu egimus. Sed pro magno apparatu requiruntur quoque *catheteres ferrei sulcati*, iidemque rursus varii, pro ratione longitudinis & crassitudinis, itemque pro varia corporis magnitudine (vid. fig. 12. 13. 14. 15.) Deinde *scalpellum* quoddam ad calculi sectionem perficiendam aptum, quod vulgo *scalpellum lithotomum* appellant, quale illud esse solet, quod fig. 8. delineatur, quodque usus tempore linteolo angusto, ut cuspis tantum emineat, sicut fig. 9. ostendit, involutum sit. Bini *ductores ensiformes* (Tab. XXVIII. fig. 2. & 3.) quos MARIANUS *itineraria*, Recentiores a vocabulo Gallico *conductores* vocant (a), quorum equidem alter rostratus & per litteram A designatus, *mas*; alter, nempe B extremo bifido donatus, *femina* dicitur; litt. C C vero in utroque ansam designant. Horum loco Medici quidam alium simplicem, concavum five *canaliculatum*, quem nonnulli HILDANI ductorem appellant (b), *Gorgeret* Gallis dictum, (fig. 4.) quasi commodiorem, adhibendum praecipiunt; aliis contra sentientibus. Tum opus etiam est *forcipibus* quibusdam peculiaribus diversae magnitudinis & figurae, ut videre est fig. 5. 6. 7. rostris partim directis, ut fig. 5. partim etiam incurvis, ut fig. 6. nec non *unco* peculiari (Tab. XXVII. fig. 10.), quo Veteres jam in Celsi methodo usi sunt, qui ab exteriori parte laevis, ab interiori, qua calculum attingit, denticulis asper est, atque oblongo *cochleari* (fig. 11. litt. AA) in altero extremo nodulo five globulo B instructo, Gallisque *bouton* appellato, quod specilli loco usurpatur, & a quibusdam *lapidillum*, a MARIANO *verriculum* vocatur, quia ea vesicam a frustulis purgamus five everrimus. Denique, sed rarius tamen, pro diducendo nimirum five dilatando

(a) Vocabulum hoc eo sensu non est Latinum, atque potius *ductorem* denotat; alias hominem, qui domum, hortum, villam conducit, *conductorem* significat, & *locatori* opponitur.

(b) Licet a Petro FRANCO Lib. de *berniis*, jam sit delineatus.

tando vulnere, si paulo grandior calculus est, adhiberi aliquod instrumentum solet, quod ab usu hoc *dilatatorium* Medicis nuncupatur: quorum licet varia sint, unicum tantum delineari curavi *Tab. XXVIII. fig. 8. (a)*. Haecenus recensita instrumenta singula nonnulli marsupio peculiari sive *pera* quadam, ad instar succinctorii circum coxas deligata, (*Vid. Tab. XXIX. fig. 9. litt. H*) comprehendunt: alii in *patina quadam, aqua calida repleta*, sic disponunt, ut promptissime capi eadem in ipsa operatione inde queant, vel saltem ante usum aquae huic, ut leviter calefiant, immergi. Immittitur etiam commode huic aquae spongia, ut finita sectione, vel alias etiam, si opus est, vulnusea purgari possit. Similiter ne *vestimenta* commaculentur, *succinctorium atque manicas* nonnulli adhibere solent. Circa *deligationem* eadem fere necessaria sunt, quae ad primam sive parvam lithotomiae methodum supra commendavimus; *linamenta* scilicet carpta; *fascia T*; *splenium* quadratum atque crassum, super quo deponi scalpellum lithotomum ad sectionem jam aptatum (*vid. Tab. XXIX. fig. 9*) potest; *alcohol vini* vel *pulvis* aut *liquor quidam ad sistendum sanguinem*, si nempe fortius sanguinis profluvium oriatur, vel & *parvam acum curvam cum filo*, pro arteriis sanguinem fundentibus ligandis, sicut *C H E S E L D E N U S* praecepit (*b*), & denique vasculum cum *olivae oleo*, in quo tingi instrumenta, dum adhibenda, queant, ut nimirum lubrica fiant, promptiusque in vesicam penetrent.

Explicatio Tabulae vigesimae septimae.

Fig. 1. Demonstrat *fistulam aeneam* sive argenteam, quam *catheterem* Graeci appellant, qualis vulgo in feminis, vel ad explorandum calculum, vel ad emittendam urinam adhiberi solet suppressam.

Fig. 2. 3. 4. 5. Designant *catheteres* sive fistulas argenteas variae magnitudinis, masculis eundem in finem applicandas, pro varia nimirum aetate atque corporis magnitudine. *Litt. A A* ansam styli sive fili argentei denotant intus delitescens, qua filum, quando necessitas id exigit, extrahi potest. *B B* vero foramina in altero extremo oblonga, quae utrinque existunt, pro urina transmittenda; *C C* habenae sunt ipsius catheteris. Loco harum *G A R E N G E O T* annulos vult substitui, ut facilius funiculus transmitti queat, quando forte alligandus esset, *Libr. de Instrum. T. I. p. 262*, sed hoc per has ansas aequè facile, imo forte adhuc facilius fieri potest.

Fig. 6. Exhibet *catheterem argenteum* flexilem, qualem nonnunquam adhibere pro urina emittenda convenit, praesertim quando catheter vel saepius esset immittendus, ne urethra inde inflammetur, vel quando calculus omnem urinae exitum praecludit, ut commodius in vesica relinqui possit. In hoc *litt. A B & C* idem indicant, quod in figuris praecedentibus.

Fig. 7. Aliud catheteris argentei genus repraesentat, quod foraminibus lateralibus est destitutum; sed foramen sive os tantum habet in extremo rostro

(a) Alia videri possunt apud *MARIANUM*, *Andream a CRUCE*, *PARAEUM*, *FRANCUM*, *HILDANUM*, *TOLETUM*, *DIONISIUM*, *ALGHISIUM*, *DRANIUM* &c.

(b) App. ad quartam Anatom. edit. pag. 8 & alibi.

stro A; globulo pyriformi B, tanquam extremo styli intus delitescens, clausum; qui globulus, si ansa styli C premitur, prodit, ut in vicina figura D indicatur, quo fit, ut urina suppressa tunc per os fistulae ingredi & postea per eam effluere queat. E annulus est, quo catheter ope fili firmari potest.

Fig. 8. Scalpelli exhibet amplum, illudque apertum & nudum, quale in sectionibus calculi adhibere vulgo hactenus consueverunt, & lithotomum appellarunt.

Fig. 9. Idem scalpelli designat, frustulo angusto lineo ita involutum atque aptatum, ut non nisi pars aciei, pollicis fere latitudine a a promineat; quanta scilicet ad sectionem perficiendam necessaria videtur.

Fig. 10. Uncus, ad protrahendum calculum in variis lithotomiae speciebus quandoque necessarius, denticulis in parte concava a a instructus, ut firmius eum comprehendere valeat.

Fig. 11. Ferramentum quod in altero extremo A A cochleare longum, sed angustum refert, in altero vero extremo teres est, atque nodulo sive globulo instructum, quod specilli & conductoris vices praestat, Gallis BOUTON vocatum, quo itidem in calculi vesicae curatione Chirurghi varia ratione uti consueverunt.

Fig. 12. 13. 14. & 15. designant catheteres ferreos, eosque fulcatos, quos in sectione calculi majoris apparatus adhibere solent, ut in sulco ipsorum scalpelli lithotomum apte duci queat. D D manubria ipsorum, E F vero fulcos indicant. Fig. 15. litt. a a a indicant curvaturam catheteris SENFFII, de quo infra Cap. 143 plura.

Fig. 16. & 17. Duos calculos inusitatae magnitudinis demonstrant, quos haud pridem ex sacco sive hernia quadam urethrae ante scrotum felici successu excidi.

I V.

His ita jam instructis, proximum est, ut convenienter homo calculosus & *Aegri situs & ministri-
deponatur & contineatur*, ne facile commovere sese, operantemque Medicum *strorum officium.* impedire sibi que ipsimet nocere valeat; quoniam vero idem hoc in curandi modo esse potest, quem Capite praecedenti §. X. descripsi, non opus erit eum hic denuo repetere. Hoc autem solum adhuc monebo, quod quartus ab hominis curandi latere dextro sic consistat, ut non partes solum naturales, altera manu, sed & altera, quoties Medicus imperaverit, catheterem vesicae immissum rite comprehendere valeat, quemadmodum TOLERTUS id delineavit (a). Quintus denique a dextra Medici consistat, scalpelli cum ceteris ferramentis aliisque rebus ad curationem necessariis contineat, eaque si opus, ministret recipiatque. Nonnunquam tres ministri pro aegro firmando sufficiunt: siquidem illi sic disponuntur, quemadmodum Tab. XXIX. fig. 9. ex ALGHISIO, supra jam laudato demonstrat (b): nimirum ut duo pedes utrinque comprehendant, tertius vero mensae divaricatis pedibus ita insistat, ut aegrum inter

(a) Pag. mihi 140. in edit. Paris.

(b) Tractatu de Lithotomia. Tab. XVI.

inter femora comprehendat: ita non solum partes naturales reclinare, sed &, ut indicatur, cutem perinaei diducere & intendere, vel & catherem, si opus, sustinere potest. Quartus idem praestet, quod modo quinto praecepimus. Subter anteriori mensae parte juxta Medici pedes olla praeter vasculum profanguine atque ceteris sordibus, si quae prolabuntur, excipiendis, *patella cum oleo* pro cathetere, forcipe ceterisque ferramentis inungendis & lubricandis, nec non olla sive lebes cum aqua calida collocantur, pro instrumentis, non solum calefaciendis, antequam in vesicam immittantur; verum etiam pro cruore, sordibus vel & arena, quando forte conspurcata sunt, identidem in operatione expurgandis, itemque pro vulnere post sectionem ope spongiae mundando. Praeparatis autem, quemadmodum praecepimus, singulis, opus ipsum suscipitur, atque hoc fere modo optime perficitur.

V.

Sectio quomodo fiat.

Ante omnia Medicus, depositis vestimentis, quae ipsum impedire possunt, catheterem ferreum sulcatum (a), eundemque ratione magnitudinis aegrotantis corpori convenientem, & rostro in oleo prius tinctum, per urethram superius proposita ratione (Cap. CXXXVI. §. III.) in vesicam blande demittat, solertissimeque, num revera calculus aliquis intus delitescat, denuo exploret: ne qua forte, quemadmodum fieri quandoque solet, prima eademque unica tantum exploratio eundem fefellerit. Si vere intus esse calculus aliquis a Medico atque ab adstantibus denuo animadvertitur, incurva catheteris pars intus in vesica & urethra versus sinistrum perinaei latus, ansa autem una cum pene, catheterem continente, versus dextrum aegri inguen paulisper deprimatur, atque si Medico ita placet, ministro, qui manu altera scrotum comprehendit, diligentissime continenda tradatur. Sic enim incurva elevata in perinaeo catheteris pars urethrae illam partem, in qua institui plaga debet, partim visus, partim & quam maxime tactus, ope digitorum, evidenter satis demonstrabunt. Quo equidem facto, Medicus cutem in perinaeo digitis sinistrae manus in dextrum hominis curandi latus adductam, scalpello, quod ab adstante ministro accipit, rite involuto, (Vid. Tab. XXVII. fig. 9.) manu dextra, eodem modo, ut pennam, quando scribimus, tenemus, prehensio, circa sinistram eandemque, si longitudinem spectes, mediam perinaei partem (b), haud procul a futura perinaei, una cum pinguedine, atque facta iterum catheteris, ope digiti, exploratione, tandem urethra deorsum versus linea recta sic incidat, ut ad catheterem & quidem sulcum sive cavam ejus partem scalpellum perveniat, quia in hac methodo non nisi urethra, salva cervice vesicae, incidi debet (c). Sic enim, provide ducto super catheteris sulcum scalpello, periculum non est, ne, dum in urethram idem deprimatur, partes alienae simul concidantur. Nonnulli sectionem a parte fere media perinaei in-

(a) Nonnulli etiam argenteos adhibent, ut olim Stacchus & nuper Senffius Chirurgus Bero-
linensis fecerunt; verum ferreus, dum ductore tangitur, fortio-rem sonum edit, quo certiores
reddimur nos revera in sulco catheteris esse: hinc plerique ferreos hic argenteis praeferunt.

(b) Videri hoc potest in TOLETI tabula pag. 145. edit. Paris. IV.

(c) Vid. Tolet. I. c. pag. 135.

inchoant, eamque deorsum producant; alii vero a parte infima, ubi illi desinunt, plagam incipiunt, & sursum versus scrotum eam extendunt, sed hoc perinde est. *Vulneris amplitudo externa, pro vario corporis aegri habitu, ut & pro diversa calculi magnitudine perspecta, varia est*; fereque semper minimum duos in pueris, vel tres aut quatuor etiam digitos transversos longitudine sua in adultis adaequat: in urethra autem plaga (vid. Tab. XXIX. fig. 1.) a litt. D per bulbum E ad initium cervicis vesicae F. vel I. extendi solet (a). Quando autem haec urethrae pars inferior incidenda, non solum manus & scalpellum aliquo modo sunt inclinanda; verum etiam catheter, qui hucusque deorsum erat pressus, CHESLENO & DRANIO autoribus, elevandus, ejusque rostrum ad junctionem sive angulum ossium pubis firmiter applicandum; quo fit, ut urethra a recto intestino diducatur, & quantum fieri potest, removeatur, quod alias sine hac observatione facile inciditur. Sed probe tunc simul observandum, ne cuspis scalpelli a fulco catheteris aberret. Ceterum Medicorum aliqui sectionem sic instituunt, ut perinaei cutem ministro, qui scrotum sustinet, diducendam committant, catheterem vero ipsimet laeva manu contineant, sicut Tab. XXIX. fig. 8. indicatur. Qua equidem in re usque adeo nihil perpetuum est, aut necessarium, ut curantis potius arbitrio atque consuetudini, quid facere hic velit, relinquatur.

V I.

Vulnere, quemadmodum diximus, satis amplo facto, Medicus scalpellum ei ministro reddit, a quo idem accepit; catheteris fulco interim quam diligentissime observato, vel ungue indicis vel pollicis sinistri, si minister catheterem sustinet, in sulcum immisso. Deinde is ex pera sua, vel & ex patina a ministro ductorem marem recipit, eundemque in oleo calido tinctum per catheteris sulcum & vesicae cervicem in vesicam caute demittit, cavendo ne inde aberret; demissoque in vesicam hoc ductore blande catheterem extrahit. Aliqui cuspidem scalpelli tantisper in catheteris sulco relinquunt, ministroque prudenti detinendum committunt, donec conductor hic in sulcum catheteris sit demissus: siquidem periculum quandoque est, praecipue in obesis, ne sulcus a pinguedine quasi obrutus, visum effugiat, ac postea ductore inveniri nequeat. Verum ductore hoc per sulcum immisso, super hunc ductorem marem ductor deinde femina sic imponitur, ut haec sulco suo B istius dorsum acutum recipiat, itaque tuto & leniter quoque per cervicem angustam in vesicam descendat. Quo facto, bini ductores isti extus ope manubriorum CC sensim diducuntur, distentoque hac ratione aliquo modo vesicae collo, forceps calcularis quaedam recta eademque calida ac rostro AB in oleo prius tincta, exactissimeque clausa, provide inter binos conductores in vesicam deprimitur: quo ipso cervix rursus aliquantulum diducitur. Ego antequam forcipem inter ductores immittam, prius indicem dextrae oleo inunctum, inter eosdem blande impello, eoque leniter cervicem vesicae amplio; quo fit, ut eo recepto forceps tanto commodius per cervicem jam valde ampliata intret. Indicium autem certum est forcipem in

Quid post sectionem fiat conductoribus.

vesi-

(a) Urethrae & vesicae positum in usum Lithotomorum eleganter descripsit MORGAGNUS Advers. III. pag. 82. & 97.

vesica esse, si facile aperiri potest; sed si facile aperiri nequit, certi sumus eam non in vesica esse, adeoque retrahenda & cautius immittenda. Nonnulli Chirurgorum Parisiensium, demisso in vesicam ductore mare, antequam feminam immittant, indicem manus dextrae super ductore hoc, eoque prius ita inverso, ut pars acuta sit inferior, obtusum vero dorsum, superius, per cervicem intrudunt, eoque cervicem diducere conantur (a). Verum DRANIUS quam sapientissime monet (b), ductorem hunc jam satis angustam illam cervicem vesicae implere, ut digitum sine metu violentae lacerationis cervicis, praesertim si Chirurghi iusto celerius, adeoque magna vi, ut saepe solent, agunt, honoris aut gloriae illius vano ac perverso, imo noxio saepe stimulo, quod quam promississimi prae aliis hic esse velint, concitati, admittere nequeat; adeoque priorem modum hoc praestare existimo. Paullo aliter hic procedunt, qui pro binis hisce ductoribus unicum illum canaliculatum adhibent, quem Gorgeret Gallis vocari supra indicavimus. (vid. Tab. XXVIII. fig. 4.) Hi etenim, plaga rite inflictâ, rostrum ductoris hujus per catheteris fulcum in vesicam compellunt, eadem prorsus ratione, quam ad ductorem marem demittendum supra commendavimus: nisi quod nonnulli indice digito quodammodo hoc instrumentum juvent. Ductore igitur hoc in vesicam sic demisso urina, si quae adest in ea, mox per canalem ductoris effluit, & inde certe, ipsum re vera in vesica esse, cognoscitur. Hoc perspecto, catheter ex urethra recipitur; Chirurgus vero ductorem hunc aliquoties hinc inde leniter rotando movet, ut hoc ipso motu cervix vesicae sensim ac gradatim ampliatur, sinistraque tunc manu circa manubrium BB ipso comprehenso, dextra manus forcipem clausam, fulco CC viam demonstrante, caute in vesicam deprimit.

V. I I.

Dranii observationes.

DRANIUS, qui etiam ductore canaliculato utitur, eumque ensiformibus praefert, immisso hoc ductore, ut dictum est, in vesicam, antequam forcipem demittat, in canali hujus indicem dextrum prius per vulnus & cervicem, jam a ductore hoc paullulum diductam, lente ac pedetentim intrudit, eamque pro commodiori forcipis ingressu digito hoc uberius expandit (c), ac postea forcipem ipsam clausam, sicut antea proposui, blande impellit (d). Ubi vero, post MARINUM (e) uberius ex sectis cadaveribus notavit, cervicem in magno apparatu omnibus his actionibus non solum expandi sive diduci, sed potius integram cervicem, a fine incisionis usque ad vesicam ipsam semper findi ac dilacerari: quamvis id sine noxa fiat, si modo negotium pedetentim & curate instituat. Eo enim effici, ut non solum forceps commodius in vesicam demitti, verum etiam calculus postea minori vi minorique periculo educi queat (f). Blandam vero

(a) Ita GARENGEOT. refert artic. de magno apparatu.


(b) Parallèle des différent. manières pag. 72. & 156.

(c) Hoc Fabr. ab Aquapend. jam suavit in Oper. Chir. pag. mihi 265.

(d) Hunc modum jam ante DRANIUM descripsit ROSA, Onoldinus, qui meus quondam discipulus fuit, in Diss. de calculo vesicae, Argentorati 1723 edita.

(e) In Pratica sua saepius laudata pag. 185.

(f) Chirurghi non unum locum observarunt in itinere urinae, quem in magno apparatu incidunt. Plerique quidem solam urethram, illaesa vesicae cervice & vesica, incidendam esse docuerunt,



vero hanc cervicis & prostatae lacerationem tanto minus esse pertimescendam, quanto certius ex incisus cadaveribus esset, eas semper in hac Lithotomiae specie, vel dum forceps immittitur, vel dum expanditur, vel dum calculus extrahitur, majori vi & periculo dilacerari. Conf. ejus *Parallel.* p. 72. 73. 155. sq.

V I I I.

Tum forceps versus vesicae fundum demissa, retractis conductoribus, gnariter *Quid forcipem aliquoties, pro uberius scilicet diducendo vulnere, aperitur, atque dein, clausa iterum blande forcipe, calculus inquiritur.* Nam dum hoc fit, clausam utique servare forcipem convenit; ne qua forte ipsa, dum identidem diducitur atque comprimitur, graviter simul ipsam vesicam comprimat, concutiat discerpaturque, quamque etiam ob caussam maxillae forcipis ita constructae sunt, ut extrema earum se invicem, quando clauduntur, non attingant (a). Oportet igitur, post repertum demum calculum forcipem utraque manu applicata blande diducere, hinc inde commovere, calculum apprehendere, & quidem, si fieri potest, sic, ut altera maxilla sit infra, altera supra calculum (b); riteque ipso hac ratione comprehenso, eum, forcipe deorsum versus intestinum rectum pressa & hinc atque inde inclinata dimotaque, quantum fieri potest, providissime extrahere; quia partes ibi facile diducuntur & cedunt, superius vero propter ossa pubis cedere non possunt. Solet id facillimo saepe negotio expediri, si calculus non est magnus & aequalis; difficilius autem, si cubi vel magnus, vel inaequalis, tuberosus atque spinosus idem existit. Quod si vero idem non satis commode prehendi a forcipe potest, id quod ob foveam quandam vesicae, in primis intestino recto quandoque impressam, haud raro contingit; tum bini anteriores sinistrae manus digiti, index atque medius, in anum demissi, calculum elevent & in forcipem compellant; donec idem rite comprehendi protrahique decenter queat. Sed si in superiori parte vesicae post ossa pubis haereat, manu parti abdominis inferiori deorsum premendus, ut forcipe vel recta vel curva commodius prehendi educique possit. Sin vero ad latus vesicae, sive dextrum sive sinistrum, sese subduxerit, forcipe saepe curva *Tab. XXVIII. fig. 6.* facilius quam recta comprehenditur atque extrahitur. Ne vero calculus in extractione, nimia vi compressus, rumpatur, haud alienum est alterius manus digitos inter anfas forcipis interponere, quo hoc commode impeditur: praestat

cuerunt; atque ita etiam praecipit TOLETUS alique plurimi. Verum supra §. II. jam monui, FALCONETUM sentire, auctores magni apparatus intendisse & voluisse incisionem cervicis vesicae, imo & vesicae ipsius, sicuti in parvo apparatu fieri solet. NOELUS, Chirurgus Aurelianensis apud MERYUM in Obs. Chirurg. de Lithot. p. 75. ait; collum vesicae locum illum esse, ubi semper hac in operatione incisio fit facta, atque JACOBI methodum non nisi externo incidendi loco a vulgari (hoc est magno) apparatu differre, pag. 74. Sic & modo laudatus ROSA in magno apparatu sphincterem, id est, collum vesicae, incidendum esse scribit, p. 23. Imo SCHAEFFERUS in hac methodo non solum cervicem, verum etiam partem ipsius vesicae discindi vult, in Diss. de variis lithotomiae generibus, Argentorati A. 1724. edita, pag. 7. quam methodum hodie multi CHESELDENO propriam facere volunt, licet jam antea fuerit a Germano descripta.

(a) Videri hoc apte potest in ea forcipe, quae *Tab. XXXI. fig. 12.* exhibetur.

(b) Varia hujus rei commoda indicavit DRANIUS p. 65.

stat enim semper, si fieri potest, calculum integrum, quam fractum extrahere. Si calculus non mox forcipi se offert, DRANIUS forcipem retrahit, digitum vero immittit, eoque calculum quaerit, atque ipsum ad os urethrae disponit. Postea forcipem denuo immittit, calculumqueprehendit & educit. pag. 63.

I X.

Forcipsis an-
sae nimium
diductae
quid postu-
lent.

Ubi autem, comprehenso calculo, forcipis ansae DD nimium quantum diductae sunt, tum vel plane non, vel saltem difficulter admodum & non nisi cum periculo vehementis lacerationis vesicae, & praesertim cervicis ac prostatae glandulae, extrahi calculus potest. Itaque, quando hoc fit, dispiciendum hic est, quid causae subsit, quare forceps magis claudi nequeat. Instrumentum, explorationi huic destinatum, est digitus, vel, si hic non sufficiat, specillum illud nodulo munitum, indeque Bouton apud Gallos vocatur. (vid. Tab. XXVII. fig. 11. B.) Quo equidem intra maxillas forcipis in vesicam depresso Medicus experiatur, num forsitan oblongus aut ovo similis calculus existat; transversumne forceps, an secundum longitudinem calculum contineat. Si transversim apprehensus esse calculus deprehenditur, emittere illum e forcipe, conversumque vel digito vel instrumento modo commendato, circa partem tenuiorem prehendere atque tum extrahere conveniet. Fieri enim utique posse, ut calculus aliquis oblongus, ideinque altera parte plenior, quam facillimo negotio trahenti Medico pareat, siquidem pars tenuior a forcipe comprehensa est; quum transversus antea ne cum maximo quidem conamine protrahi is potuerit, ipsa, nisi ego fallor, figura demonstrat. Si nihilominus a comprehenso calculo majore mirifice diducta forceps est, tum summa ope niti decet, ut calculus tandem vincatur. Itaque Medicus ansas forcipis extremas DD dextra manu; sinistra vero forcipis partem vulneri propinquam gnaviter comprehendat, atque tunc instrumentum una cum calculo, hinc inde sensim inclinatis manibus, deorsum simul blande premendo, protrahere studeat. Quodsi vero calculi magnitudo & vulneris amplitudinem, & Medici solertiam vicerit; forcipem aliquam grandem atque denticulatam (vid. Tab. XXVIII. fig. 7.) quae vero duplo fere major hac esse potest, ad confringendum calculum adhibere, atque dein, si res successit, singula calculi frustula sigillatim protrahere conveniet (a). Denique si & grandior & durior calculus existit, quam ut confringi aut educi queat, tum insanabile ut plurimum esse malum consuevit. Adeoque Chirurgis prudentioribus quibuscunque satius visum est, in istiusmodi casibus calculum intus in vesica relinquare, atque infecto negotio vel plagam rursus glutinare, vel fistulam relinquare, per quam urina profluat, quam frustra hominem ad mortem usque forcipibus discruciare, atque per crudelissimam operationem aliquam efficere, ut sub manibus atque scalpello, sicut nonnullos fecisse novi, idem intermoriatur. Quidam, sed bene tamen pauci hodie ex Medicis, ad ampliandam plagam ex MARIANI consilio aliquod ferramentum, quod vulgo dilatans sive dilatatorium appellant, quemadmodum fere illud est, quod Tab. XXVII. fig. 8. exhi-

(a) AMMONIUS dictus est ille Medicus, qui calculum primus diffingi docuit, teste CELSO Lib. VII Cap. 26. n. 3.

exhibui, aliudve simile admovent. Tametsi instrumenti hujus usus non usquequaque tutus aut utilis recentioribus videatur. Namque abesse vix potest, quin propter violentam istiusmodi *vulneris dilatationem*, & fibrae multae *violenter nimis* diducantur, aut omnino *disrumpantur*, & dolores, satis jam *per se vehementes*, mirifice adaugeantur, & vesica denique nimium quantum hisce *ferramentis agitata* una cum partibus propinquis aliis *inflammationem*, *gangraenam*, *cancrum* atque id genus alias gravissimas noxas sentiat. Nonnunquam fit, ut satis comprimi forceps ideo nequeat, *quia calculus fibulae sive clavo* (Tab. XXVIII. fig. 5.) *ejusdem nimis propinquus est*. Itaque tum *per demissam* cochlearis angustioris illius *ansam capitatam*, (Bouton) Tab. XXVII. fig. 11. B, vel per digitum etiam, si fieri potest, reprimi calculus, quantum satis videtur, debet. Ceterum *ut ne calculus facile forcipis clavo nimium propinquus fiat*, confert *forcipes* *has ita construere*, ut non nisi extrema maxillarum pars dentibus instructa sit, reliqua autem ad clavum usque laevis, quemadmodum etiam eas Tab. XXVIII. fig. 5. & 6. litt. A ad B. exhibuimus. Sic enim calculus sua velut sponte a clavo recedit, neque facile, nisi inter primas sive extremas maxillarum partes haerescit (a).

X.

Quando forte *calculus*, *diuturna facta inquisitione* forcipe *apprehendi recte non* *Observa-*
possit, aut forcipem saepius subterfugiat, ut justo tempore educi nequeat, *tiones aliae.*
 cuti quandoque viris & praestantissimis atque experientissimis, & speciatim Fratri JACOBO, RAUO, aliisque similibus contigit, *aegerque debilis fieri incipiat*, quies aliqua ipsi est concedenda, ut vires colligere queat; vel *si omnino animi defectione*, aut *nervorum distensione*, aut *delirio* corripiatur, praestat hac vice prorsus ab opere abstinere, quam aegrum ad mortem usque torquere, eumque potius solvere & lecto committere, roborantibusque reficere, atque vel circa vesperam, vel altero die, quando vires recuperavit, extractionem denuo, aegrotante prius in convenientem situm collocato, tentare: ita saepe, dum calculus interea plerumque a vesica & urina versus vulnus compellitur, facili negotio comprehenditur, atque extrahitur: testibus ALBUCASI, Petro FRANCO lib. de Hern. HILDANO, TOLETO, COLOTO lib. de Lithotomia, aliisque, atque ego ipse etiam in simili casu feliciter hoc feci; nunquam enim aeger ultra vires in tabula detinendus, ne forte sub ipsa actione pereat. Nonnunquam *calculus*, *dum extrahere illum nitimur*, *ex forcipe se subducit elapsusque intus in vulnere haerescit*. Quod ipsum vero simulatque id fieri velle percipimus, tentandum, ut sine extractione forcipis, sed potius profundiore immersione ipsum firmiter comprehendamus, & deinde caute educamus. Sed si jam *forcipi omnino se subduxit*, protinus per *demissos in anum*, ceu supra Cap. praeced. praecepimus, *binos digitos*, oleo inunctos,

(a) FRANCUS de Franckenau, in Act. Erud. Lipsiens. An. 1726. pag. 42. meminit *machinae cujusdam*, qua Chirurgus lithotomus Hafniensis loco *forcipis* utitur pro calculo post sectionem *e vesica educendo*; quae ex *balaenae ossibus* & *vesica bubula composita est*, & qua laesionem vesicae, quae alias forcipibus facile fit, evitare studet. Verum neque veram magnitudinem & fabricam describit, neque modum, quo adhibenda, satis manifestat.

tos, *versus vulnus propellere calculum*, atque vel per unicum Tab. XXVII. fig. 10. & Tab XXIX. fig. 6. vel per *forcipem* aliquam idoneam Tab. XXVIII. vel XXXI. ipsum denuo apprehendere & leniter extrahere conveniet.

X I.

Educto calculo quid facere debeat.

Protracto, quemadmodum praecepimus, calculo, necessarium utique videtur, *praecipue si plana sunt educti calculi latera*, vel etiam si a forcipe calculus fractus est, per digitum, vel si hic non sufficit, per *demissam ansam specilli cochlearis capitata B (Bouton)* experiri, num forte alius adhuc calculus aut frustra intus in vesica delitescant. Si quid enim intus remanserit, denuo demitti *forceps* vel per digitos, si fieri potest, vel per *admotos ductores in vesicam* debeat, atque calculus alter, vel etiam plures si sunt, jam jam explicata ratione protrahi. Atque id ipsum negotium tam diu repetendum est, donec nihil quicquam ex calculis, aut *confractorum a forcipe* calculorum frustulis maioribus intus reliquum esse deprehendatur. Sicubi arena tantum, aut minuta *fracti calculi frustula* intus remanserunt; tum, ad ejiciendas reliquias istas, vel *cochleare illud oblongum* (Tab. XXVII. fig. 11. A.) in vesicam demittere conveniet, eoque arenulas emoliri (a), vel etiam, praesertim si aeger jam debilis, *expulsio eorum naturae relinquenda*; nam *urina plerumque omnem arenam & minuta frustula* per vulnus eluit atque expurgat, ne aeger nimis debilitetur. Diligentissime tandem expurgata vesica, *vincula solvi*, aegrumque in lectulum aptatum transferri curo, atque postea in deligatione ita procedo, ut Cap. praeced. §. XII. docui. Multi *oleo rosarum* scrotum, perinaeum & abdomen ad avertendam inflammationem inungunt & splenis magnis, oxycrato imbutis contegunt: quod vero supervacaneum, & aegroto, si forte non noxium, tamen valde molestum esse observavi; praestitis praeterea ceteris, quae loco citato docuimus. Medici quidam protinus *tubulum quendam satis amplum*, (vid. Tab. II. fig. P) eumque vel rigidum, vel, ut alii volunt, *flexilem* aut *turundam similem in plagam immittunt*, emplastro, splenio atque fascia T superimpositis. Sic enim quam commodissime purgari ab arena atque sordibus reliquis vesicam posse, iidem opinantur. *Tametsi ego* alique cum Fratre Jacobo atque Raulo contrarium faciendum *nihilque mox immittendum esse statuunt*. Neque id ipsum quidem sine ratione. Quemadmodum enim, tubulis atque turundis omnibus remotis, cruor atque arenam satis commode ex aperto vulnere profluunt atque *ab urina eluuntur*; sic e contrario, *adhibitis illis*, ea non solum retinentur, & mala varia inde concitantur; verum etiam fistulae his ipsis haud raro excitantur.

Explicatio Tabulae vigesimae octavae.

Fig. 1. Designat, qua ratione ex CELSI ac TOLETI doctrina contineri pueruli queant, in quibus calculi sectio instituitur: quae vero non satis apta nec commoda.

Fig.

(a) *Verriculum* illud appellavit MARIANUS Lib. de Lithotom. a verrendo, quia vesicam everrit, id est, expurgat.

Fig. 1.



Fig. 9.




Fig. 5.




Fig. 6.




Fig. 7.




Fig. 8.




Fig. 4.




Fig. 3.




Fig. 2.




Fig. 2. & 3. Binos *ductores* sive *conductores* illos *ensiformes* demonstrant, qui a multis & in apparatu majore & laterali adhiberi Lithotomis solent. Horum alter, quem *figura* 2. repraesentat, rostro quodam minuto eodemque oblongo & obtuso instructus, (*vid. litt. A*) *mas*; alter autem, idemque crena (*vid. Fig. 3. litt. B*) praeditus, *foemina* plerumque nuncupatur.

Fig. 4. *Conductorem* illum *concauum* sive *canaliculatum* ostendit, quem alii adhibere ad calculi sectionem, imo & praecedentibus praeferre solent, *Gorgeret* Gallis vocatum: in quo *litt. A* rostrum indicat, quod fulco catheteris immittitur; *BB* manubrium cruciforme; *CC* canalem in quo primo digitus, deinde & forceps ad vesicam demittitur.

Fig. 5. *Forceps* sive *volsella* quaedam *directa*, pro extrahendis e vesica calculis, (quorum & majores subinde requiruntur) denticulis solum in rostri extremo intus instructa.

Fig. 6. Similis quaedam *incurva* iisdem usibus destinata, praesertim si calculus in latere quodam haeret.

Fig. 7. *Forceps* quaedam repraesentatur, majoribus dentibus, eisque acutioribus ac pyramidalibus praedita, grandioribus nempe calculis intus in vesica diffringendis accomodata: quae vero duplo fere major hac esse debet, ut tanto major vis ea exeri queat.

Fig. 8. Instrumentum, diducendis, ubi opus est, vulneribus Lithotomo factis adaptatum, indeque *dilatatorium* Chirurgis vulgo appellatum, simplicissimum inter ea, quae a variis Autoribus delineantur: quae vero omnia vix amplius aut raro saltem in usu sunt. Rostrum *A*, ciconiae rostro fere simile, vulneri inferitur; brachia *BB* ad se invicem comprimuntur, ita rostrum auxilio cardinis *C* diducitur.

Fig. 9. Per litteras *AAAA* *mensa* quaedam, ad commodius instituendam lithotomiam accomodata, repraesentatur. Littera *B* locum illum demonstrat, super quo desidere homo calculosus debet, paulo sinuatum, ut extremis anterioribus *AA* pedes commodius niti queant. *C* fulcimentum designat, dorso sustinendo adaptatum; quod ipsum, majoris commoditatis gratia, bacillo sive fulcro ferreo *D* elevato vel depresso, diversimode pro lubitu Chirurgi, nimirum nunc altius, nunc depresso, potest disponi.

X I I.

Denique observationes quasdam, quas *cautelae* vulgo appellant, scitu hic adhuc necessarias, in tironum gratiam nunc proponam: & quidem primo, *nonnunquam materia quaedam spongiosa* atque corrupta simul cum ipso calculo protrahitur. Quod ubi fit, indicium est, abscessum aliquem, vel etiam *carunculam* sive carnem excrecentem intus in vesica subortam fuisse. Adeoque tunc vel in praecipiti homines aegri sunt, vel fistula saltem in perinaco facile remanet. Sicubi forte hominibus adultis, qui curationem calculi sustinere constituerunt, applicari catheter nequeat; quaecunque tandem noxa vel causa id prohibeat, qualis esse potest *cervicis inflammatio*, *caruncula*, *phimosis*, *calculus cervici impactus*, *urethrae exulceratio* aut nimii inde nati dolores, ut mori malint

quam catheterem denuo admittere (a) tum aut secundum priscam lithotomiae rationem, parvo apparatu, super digitis fieri vulnus debet, aut, ex PETRI FRANCI exemplo, (qua de re mox uberius dicturus sum) super ossibus pubis scalpellum admoveri. Si intestinum rectum principio operationis ob nifus a calculi doloribus concitatos procidit, quemadmodum haud raro contingit, ejusque tantum pars exigua sit, relinqui & finita operatione digito restitui potest. Sed si magna sit, mox reponenda, atque, ne recidat, ope splenii a ministro sustinendum est. Sin hoc in medio, vel circa finem operationis contingat, relinqui potest, donec haec absoluta sit; ubi, remittentibus doloribus saepe sponte retrahitur, vel, si hoc non fiat, digitis facile refunditur. Sicubi in jam olim secto iteranda calculi sectio est, tum in ipsa parte illa, in qua cicatrix vel fistula est, novum instituere vulnus conveniet. Neque vero unquam nimis parva facienda plaga est, praesertim in cute; ne scilicet nimis difficilis fiat calculi extractio: quum tamen glutinatio, experientia teste, aequae promte & feliciter in vulnere ampliori, ac in angustiori procedat (b). Attamen quando calculus inter extrahendum in vulnere ob angustiam detinetur, scalpello vel forcipe, loco ubi hoc commodissime fieri potest, vulnus ampliandum. Sed si major, quam ut educi queat, deprehenditur, forcipe apta rumpendus, aut si hoc fieri nequeat, ab opere praestat abstinere, quam nimis violenta tractione aegrum interficere, & vulnus vesicae turundis apertum servare: ita enim urina per hoc semper effluere potest, eoque ipso ejus suppressio & dolores atque anxietates inde oriundae avertuntur, aegrisque aperturæ hujus beneficio magnum malorum levamen procuratur. Id quod etiam facere consultum est in senibus ac debilibus calculo atque urinae suppressione valde excruciat, qui ad lithotomiam perferendam nimis debiles judicantur: quia hoc ipso urinae suppressionem ipsis praecavemus (c). Si forceps curva immittenda, rostri extremum sursum spectet, & annuli habenae altius contineantur; rectae tamen ut plurimum sufficiunt. Ita etiam loco scalpelli vulgaris Tab. XXVII. illi adhiberi quoque hic poterunt, qui Tab. XXXI. fig. 8 & 18. delineati sunt. Solet autem, pro diverso aegrotantium corporum habitu, nunc post decimum quintum, nunc circa vigesimum diem, nunc mox post tertiam vel quartam ut plurimum septimanam, nunc denique ob varias causas & impedimenta serius glutinatio vulneris absolvi. Quoties forceps denuo in vesicam demittitur, digitum semper, vel ductorem carinatum, vel cochlearis ansam capitatam (Bouton) submittere decebit, ne qua forte a via debita forceps aberret, vesicaeque propinquas partes quasdam graviter attingat aut laedat. Si planus atque latus esse calculus persentiscitur, tum non tam latera ejusdem, quam potius superior atque inferior pars apprehendi a forcipe debebit. Denique si paulo vehementiores vesicae dolores post confectam operationem aegrotus senserit, lac calidum vel decoctum quoddam demulcens per-

(a) Hoc testatur Fabr. ab Aquap. in Oper. Chir. Cap. de Lithot. Schreiber. de Medic. Stephan. p. 8. & 9. & nostra Diss. de Lithot. Cels. praestantia p. 21. & 41. itemque infra Cap. 142. §. XIV. n. 14.

(b) Cognoverunt hoc praeter recentiores jam veteres, ut CELSUS, AEGINETA, ALBUCASIS, alique.

(c) Conf. hanc ob rem doct. FIENUS Lib. de Operat. Chirurg. & PYE Angli Observat. p. 14.

siphunculum aliquoties in vesicam per vulnus injicere conveniet. Quodsi autem ab ipsa calculi magnitudine atque *asperitudine graviter laesa aut ulcerata esse vesica conjicitur*, longe optimum fuerit, *decoctum hordei vel & cujuscunque herbae vulnerariae cum rosarum melle identidem calidum in vesicam compellere*. Ad idem proficiet quoque *vinum calidum Gallicum, in quo myrrha fuit decocta*, addito melle rosarum. De *ceteris*, quae operationem hanc subinde insequuntur, *noxis*, praeter TOLETUM, GREENFILDIIUM atque ALGHISIUM, prudens aliquis Medicus velim consulatur. De commodis vero & praestantia hujus *methodi* prae aliis DRANIUS legi potest in egregio Libello, cujus inscriptio est, *Parallèle des différentes manières de tirer la pierre &c.* 1730. ut & BACHETONUS in Epistola Italice Spoleti 1729. edita 4. GARENGEOTIUS contra in Operat. Chir. edit. II. & DENYSIUS in Obs. Chir. eam maxime impugnarunt, atque ante hos jam uterque DOUGLASIUS, in Lib. de *alta & laterali operatione*, itemque CHESELDENUS & MORANDUS, ubi de iisdem operationibus agunt. Imo ipse DRANIUS, fortissimus magni apparatus defensor, sententiam priorem mutavit, atque in Operat. suis Chirurgicis 1743. editis, parvo, magno & alto apparatu prorsus omissis, *speciem lateralis*, qua nunc utitur, descripsit, eamque ceteris praefert.

Explicatio Tabulae vigesimae nonae.

Fig. 1. repraesentat *urethram masculinam* a reliquis fere omnibus penis partibus resolutam, una cum *vesica*, glandula prostata, atque intestino recto a latere sinistro inspectam, atque ita figuratam, ut ad naturalem ejus posituram ac figuram demonstrandam & cognoscendam multum faciat, ex juvene quatuordecim fere annos nato. Litt. A glandem, BCDEF urethram ejusque naturales flexus, & speciatim E bulbum, F *partem membraneam* urethrae dictam, G vesicam ipsam sive corpus vesicae, H fundum ejus, IKL cervicem sive collum vesicae, glandula prostata cinctam, a fibris muscularibus denudatam, quae sphincterem vesicae alias constituunt, ut ea clarius videri queat, & quidem I principium sive apicem ejus, K ipsam glandulam, L finem ejus denotat; MN partem vesicae inferiorem recto intestino vicinam, quae sinum sinistrum vesicae efficit, & saepe fovea etiam hic adest recto intestino quasi impressa, in qua calculi hospitantur & in ea saepe ita subsident, ut a cathetere reperiri nequeant: NOP partem vesicae posteriorem, os sacrum & cavum abdominis respicientem, ac peritoneo obvolutam, QR anteriorem, quando erecti sumus; superiorem vero, quando supini decumbimus; quae in alta operatione incidenda & a peritoneo non cingitur, sed separata est a cavo abdominis; cum pars vesicae NOPHQ peritoneo obvoluta sit cavumque abdominis respiciat, ut in vesica flatu vel aqua probe in cadavere inflata, egregie conspici potest: qua vero de re Tab. XXX. plura. SS *intestinum rectum*, vesicae adjunctum; T *sphincterem ani*, sive musculus, intestino recto constringendo destinatum; V partem vesiculae seminalis sinistrae; XX interstitium inter intestinum rectum, bulbum & cervicem vesicae,

Sssss 2

partim

partim substantia cellulari, partim fibris muscularibus a sphinctere & levatore ani provenientius repletum.

Fig. 2. ostendit, ALGHISIO auctore, a latere sinistro qualis sit vesicae atque urethrae positura in feminis, nexumque cum utero & vagina ejus. Sic enim littera A *vesicam*; BB *sphincterem, urethram* CC includentem. D os urethrae externum in vaginam hians. E *clitoridem cum praeputio*; FF *nymphas*; GG *pudendi labia*; H os uteri externum, quod & os vaginae dicitur; II vaginam ipsam; K denique *uterum* designant. Ut vero etiam os uteri internum hic exhiberem, vaginam apertam & in ea hoc os uteri litt. L aliquo modo indicare volui, cujus cognitio in partus negotio valde necessaria est.

Fig. 3. Quomodo catheter five fistula aenea in urethram & postea in vesicam sit immittendus, ostendit. A est manus sinistra penem comprehendens & elevans; B manus dextra catheterem manubrio tenens in urethram insinuans, & quidem sic, ut primo partis ejus curvae facies convexa. C, dorsum penis itemque ventrem respiciat.

Fig. 4. indicat, qua ratione catheter, quando ad bulbum usque urethrae fig. 1. E intravit, invertendus sit, ut postea pars concava A ventrem spectet, atque extremum rostrum B apta versione per cervicem vesicae in cavum ejus propelli queat. C manubrium catheteris, quod manu dextra in hunc finem regitur.

Fig. 5. exhibet, quomodo secundum *vetustissimam* five *Celsisticam* lithotomiae methodum, duo digiti in anum immitti, calculus cum vesica & cervice ejus ad perinaeum compelli, tandemque in prominentem perinaei partem A demitti scalpellum vulnusque BB fieri debeat. Figurae fundamentum TOLETUS suppeditavit in Libro ejus de Lithotomia, locum vero & figuram vulneris ego addidi.

Fig. 6. demonstrat, quomodo calculus A, in vulnere haerens, adhibito uncinulo B, per vulnus inflictum, si solis digitis ejici nequit, extrahi e vesica debeat; eodem TOLETO auctore.

Fig. 7. MARINI *instrumentum* exhibet aeneum, calculis ex urethra eximendis vel extrahendis accommodatum. Littera A partem illam extremam five anteriorem tanquam ansam indicat, quae insinuari in urethram ultra calculum debet, ut nimirum illa reducta, calculum, tanquam ansa, comprehendere ipsumque caute evellere queat. B manubrium ejus indicat, manu, dum calculus quaeritur, prehenditur & extrahitur, continendum.

Fig. 8. Vesicam pueri a parte anteriori spectatam sistit. AA est collum five cervix vesicae & initium urethrae. BB corpus vesicae, C fundus cum vicina parte urachi; DD prostata glandula urethram complectens; EE vesiculae feminales utrinque aliquo modo conspicuae, supra quibus in adultis ad loca FF prominentiae se exhibent, quae intus cava & sinus quasi utrinque efformant, quae prominentiae proinde *sinus* vesicae apte vocari possunt, in quibus calculi saepe hospitantur, (de quibus inferius plura,) quae vero in infantibus & pueris ut plurimum adhuc desunt, sic ut vesica puerorum figura multum differat ab adultorum. Nam in ambobus quidem pyri-





pyriformes sunt, sed sic tamen, ut in pueris juxta cervicem angustiores sint, ut hic conspicitur, & in parte superiori ampliores; In adultis contra vesicae ampliores sunt juxta collum, angustiores vero versus fundum, sicut hic figura 1. litt. H. itemque Tab. XXXII. fig. 1. & 2. conspici potest.

Fig. 9. ex ALGHISIO designat, quomodo ex sua sententia adulti in calculi sectione debeant deponi ac contineri; quod à TOLETI aliorumque recentiorum modo aliquo modo differt. Namque littera A aegri hominis posituram; B Chirurgum, & quomodo is manu sinistra catheterem, dextra vero scalpellum in ipsa actione contineat, exhibet. CC binos ministros, pro continendis aegri pedibus, utrinque juxta mensam constitutos; altera manu pedem extremum, altera genu continentes. D ministrum illum, qui supra tabulam & hominem aegrum divaricatis pedibus constitutus eum detinet, manibus vero & scrotum sursum versus adductum comprehendit, ac simul perinaei cutem gnaviter diducit; EE pulvillum coxis subiectum; F vasculum vero excipiendo sanguine, (quandoque & fecibus) subter mensa positum; G partem illam, in qua fieri plaga debet, commonstrant. H peram seu marsupium, pro continendis instrumentis, ad operationem instituendam necessariis, destinatum, atque funiculi beneficio circum coxas deligatum; quae seorsim exhibetur Tab. XXX. fig. 6.

Fig. 10. laqueum planum exhibet, quo RAUVIUS uti solebat pro manu cruri alliganda. A est ansa, qua carpum comprehendebat; BB vero duo ejus extrema seu frondes, quibus manus cruri jungebatur; qua de re inferius plura.

C A P V T CXLII.

De Lithotomia, quae fit alto, ut vocant, cum apparatu, sive de methodo Franconica, aut hypogastrica, hoc est, calculum ex vulnere super osse pubis facto extrahendi.

I.

PRaeter binas illas, de quibus haecenus tractavimus, usitatiores Lithotomiae methodos, alia quaedam eademque *tertia* in scriptis Chirurgorum hodie proponi solet atque commendari; methodus scilicet FRANCONICA, ^{Prima methodi hujus fata quae sint.} a PETRO FRANCO, Chirurgo Gallo, inventore sic quondam vocata, itemque a loco sectionis, quia *medium* hypogastrium inciditur, HYPOGASTRICA SECTIO, vel & *Cystotomia hypogastrica*. Communiter quoque eadem APPARATUS ALTUS (Gallis *le haut Appareil*) dicitur, propterea, quod in medio hypogastrio sive pube *anterior vesicae pars*, (hominem in situ erecto considerando) vel *superior vesicae pars*, quando scilicet aeger supinus decumbit, pro extrahendo calculo, hic inciditur; cum in parvo, majori & laterali apparatu plaga infra scrotum in perinaeo incidatur. *Vix autem semel nova ista calculum curandi ratio ab autore ejus adhibita fuerat, quum mox in desuetudinem rursus eadem abiret*, penitusque tandem in scholis Medicorum exularet; nisi quis

forte explodendi solum causa de ea loqueretur. Tametsi enim primus ejusdem auctor feliciter eandem in puero bimulo *Lausannae A. 1560. instituerat*, propterea quod *calculus qui ovum gallinae aequabat*, parvo apparatu ad perinaeum adducere, & sic in hoc educere non poterat (a); tamen quando is, necessitate, ut ait, *parentumque precibus commotus*, qui mori illum, quam tam misere vivere malebant, illam suscepit, felicemque curationis exitum fortunae potius, quam arti tribuendum esse indicaverat; tantum abest, ut ipsam commendaverit, ut potius eandem, ut summe periculosam, & quasi temerariam reprobaverit, Chirurgisque aegrisque dissuaserit. Atque id ipsum quidem magis ideo, quia *vulnus in superiori sive membranacea vesicae parte factum veteribus*, a tempore jam HIPPOCRATIS (b) *lethiferum utique videbatur*. Interim ab eo tempore in Medicis atque Chirurgis sagacioribus quandoque haud omnino defuere, qui & rationibus ex anatomia sive fabrica partium desumptis; & experientia sive exemplis inducti statuerunt, promptam utique, facilem ac tutam esse posse, quae super pubis ossibus instituitur, calculi sectionem (c), si quis modo vesicae verum situm extra peritoneum, itemque ejus cum partibus vicinis nexum & conformationem rite cognoverit, & quomodo ad corpus vesicae idoneo loco, sine laesione fundi ejus, perveniendum sit, rite didicerit (d). Nam illum non esse impossibilem, quia primum modo laudatus Chirurgus atque fortuitus apparatus alti auctor, PETRUS FRANCUS, feliciter admodum istam primum perfecit, sed & BONNETUS deinde, celebris quondam apud Parisinos Chirurgus ac Lithotomus, haud infeliciter curationem hanc quoque olim Parisiis adhibuit: quemadmodum illud TOLETUS (e) memorat: qui quidem simul ipsum agendi atque curandi modum, fere ut FRANCUS, proposuit, sic fere describit

I I.

Qui eum
olim proba-
runt vel
exercue-
runt.

Minister scilicet aliquis, binis digitis anterioribus in aegrotantis anum insertis, quam diligentissime calculum vesicae sursum ad superiorem vesicae partem compellat, eumque ita contineat. Tum ipse Chirurgus super pubis ossium juncturam, juxta infimam albae lineae partem, scalpello adhibito cutem primum una

(a) Vid. Lib. ejus titulo: *Traité des Hernies*, Cap. 33, pag. mihi 139. 140.

(b) Aphor. 18. Sect. VI. & CELSUS L. VII. Cap. 26.

(c) Ut ROSSETUS de Partu Caesar. Cap. 7. HILDANUS Libr. de Lithotom. in operib. pag. m. 732. 733. NICOLAUS PIETREUS Medicus Paris. in Quaest. Medica, *An ad extrahendum calculum diffecanda ad pubem vesica*, edita Paris. 1635. JO. RIOLANUS Anthropograph. Cap. XXVIII. de vesica, pag. 149. ubi ait: *ex illo situ cognoscas cystotomiam in imo hypogastrio perfici posse ad extrahendum calculum, illaesa & integra ventris capacitate*. NUCKIUS in Diss. de duct. salivalibus, quam sub praesid. olim Jo. van Horne Lugd. Bat. 1656. defendit, in epimetro 4. pag. 3. ait: *Rectius calculi sectio instituitur in hypogastrio, quam in perinaeo*. At tamen in illius Operat. Chirurgicis altum rursus hac de re est silentium, & solum de parvo & alto apparatu differit, qui in perinaeo exercentur. TOLETUS Lib. de Lithot. Cap. XIII. SOLINGENIUS in Operat. Chirurg. PROBY in Act. Anglic. An. 1700. & Act. Erud. Lips. An. 1701. pag. 230. DIONYS. Operat. Chir. Demonstrat. III. ubi de *Lithotomia* agit, GREENFIELDIUS Lib. de calculo, lingua Anglica Londin. A. 1710. edito p. 152. GARENGEOT Operat. Chirurg. Tom. I. p. 358. edit. I.

(d) Guido PATINUS etiam de hac operatione scripsit in BARTHOLINI Cent. IV. Epist. XX. & XXI. An. 1662. Verum eam contempsit.

(e) In Libr. de Lithotomia, Cap. XIII.

una cum subiecta pinguedine ac postea musculis, & ipsa denique vesicae fundo sensim concidat, ac deinde aperta vesica calculum, intus haerescens, (dilatato prius vulnere ope ferramenti aperientis sive dilatantis) forcipis beneficio protrahat. Quo facto, vulnus per adhibitum balsamum vulnerarium ea ratione glutinare is studeat, quam generatim in glutinandis abdominis vulneribus Medici praescribunt. De implenda vero prius vesica ope aquae vel alterius idonei liquoris & siphonis, quod ROSSETUS tamen jamdiu antea docuerat, TOLETUS nil praecipit. FRANCO-BONNETOQUE, qui hanc operationem perfecerunt, adjungendus hic est GREENFIELDIUS, Batavus quidem natione, sed Medicus & Lithotomus quondam apud Londinenses clarissimus. Namque is memorat (a), se itidem, necessitate coactum, calculum aliquem, hac methodo, facto scilicet super pubis ossibus vulnere, feliciter eduxisse. Quae nam autem necessitas vel causa illa fuerit, quae id ipsum facere postulaverit, haud memoravit, licet verisimile sit, ipsum calculum educere in perinaeo non potuisse. Ita & HILDANUS, quamvis primo generatim hanc sectionem disuaserit, postea tamen scribit (b): si calculus ingentis fuerit magnitudinis &c. sectionem illam, de qua scribit FRANCUS, sectioni quae in collo vesicae fit, id est apparatui majori, praeferrem; calculus enim, si propter magnitudinem ad inguen (dicere vult vel debet ad pubem) attollitur, minori cum dolore & periculo in pube, quam per collum vesicae angustum extrahi posse, plane mihi persuadeo. Si vero calculum magnum hic extrahi commodius, quam majori apparatu, posse putat & agnoscit HILDANUS, minor sane tanto facilius, minori dolore ac periculo educi poterit. Sic PIETREUS, quoque Medicus Parisinus, eam valde commendat (c), atque maximus etiam Gallorum Anatomicus ROLLANUS ipsam fieri posse ex situ & fabrica vesicae manifeste evincit (d), imo & eam quoque suo tempore revera factam esse scribit (e). Praeterea DIONISIUS, unus ex primariis Scriptoribus Chirurgicis Gallis hujus seculi, hanc methodum, ob easdem rationes, impleta prius liquore tepido vesica, non modo succedere posse, verum eam etiam optimam videri, parvoque & magno apparatui praeferendam esse docuit, si modo usu magis comprobata esset (f), FAGONIUMQUE Regis tunc temporis Medicum primum ejusdem esse sententiae asseverat. Unde patet, Gallos plures, eosque saepius pro hac calculum e vesica extrahendi ratione scripsisse & pugnasse. Denique in Act. Acad. Reg. Londinensis, an. 1700. pag. 455, notabile describitur exemplum, qua Chirurgus, nomine PROBY, alta operatione calculum virgini feliciter extraxit; de quo infra, ubi de modo calculum in mulieribus educendi proponam, uberius acturus sum. Hic solum miror, quod licet in laudatis Actis Anglicanis, & deinde etiam in altera

(a) In Libr. de Calculo, Londini an. 1710. lingua Anglicana edito, pag. 152.

(b) Libr. de Lithotomia in Oper. Chirurg. p. m. 732. 733. sed male hanc sectionem inguinalem appellat; quia non in inguine, sed hypogastrica & pubis regione instituitur, atque inde etiam hypogastrica vocetur.

(c) In Dissert. supra laudata.

(d) In Anthropograph. Cap. XXVIII.

(e) Ibid. pag. 816. ubi ait: operatio haec olim tentata, & nunc administratur satis feliciter.

(f) In Operat. Chirurg. Demonstrat. III. Artic. XIV. pag. 193.

altera Chirurgiae meae Germanicae editione, quae An. 1724. prodiit, relatum sit, tamen nullus Anglorum, quorum tamen multi de hac operatione disputarunt, ullam ejus mentionem fecerint; unde suspicandum illud ipsis haud cognitum fuisse. Ita nec Galli, qui de argumento hoc scripserunt, nobilem hanc observationem notarunt, nisi post me solus CAMILLUS FALCONET, Medicus Parisinus, in Quaestione Medica, Chirurgica; An educendo calculo, ceteris antefereendus sit apparatus lateralis? edita Parisiis An. MDCCXXX. pag. 6. Quae igitur quum ita sint, mirum utique videri poterat, quum factum sit, ut praestantissimi quique Chirurghi sive Lithotomi, & cumprimis Galli, novam illam simplicioremq; ac felici successu aliquoties peractam curandi rationem nihilominus prorsus neglexerint atque abjecerint (a); quum tamen reliquis facilior, longe simplicior atque multas ob rationes tutior, paucioribusque symptomatibus obnoxia eadem videatur; neque verendum facile sit, ne partes generationi aut urinae excretioni servientes, ut vesicae sphincter, aut ureter, aut urethra, aut intestinum rectum, aut arteriae venaeque majores, qui hic nullae tales sunt, concidantur vel lacerentur, neve fistula quaedam in perinaeo aut incontinentia urinae, aut impotentia aut sanguinis nimia profusio, inde concitetur: utpote quae commoda, praeter alia, doctissimus ROSSETUS jamdudum egregie de hac methodo exposuit, Libr. de Partu Caesareo, eamque propterea vehementer commendavit, ostendendo simul haec vesicae vulnera, si cum abdominis cavo non communicant, & urina in illud influere nequeat, non esse mortifera.

I I I.

A DOUGLASIO
instaurata.

Atque his ipsis equidem similibusque aliis rationibus probe ponderatis, *Franconicam* istam calculos super pubis ossibus excindendi rationem spretam, quasi postliminio in scholas Chirurgorum reducere atque instaurare studuit *Jacobus DOUGLASIUS*, Medicus Londinensis eruditissimus, qui partim ex ratione, nimirum ex situ, fabrica & nexu vesicae, partim ex eis, quae alii hac de re scripserunt, in confesso Acad. Reg. Lond. An. 1718. ostendit, *calculum revera ex superiori sive anteriori corporis vesicae parte, quando sectio rite instituitur, excindi posse*; ac deinde frater hujus, *Joannes DOUGLASIUS*, Chirurgus apud Londinenses celebris, ipso opere in homine vivo calculo laborante an. 1719 hoc praestitit, paulloque post id publicavit, edito circa annum 1720 Libello singulari, *LITHOTOMIA DOUGLASIANA* inscripto: utpote in quo non solum argumentis quamplurimis, ex Anatome praesertim petitis, idem confirmavit, & singula simul novae hujus Lithotomiae prae vulgari commoda recensuit; sed quod caput rei est, *exemplum quoque notatu dignissimum adolescentis, sedecim annos habentis, in quo feliciter eandem ipse primum adhibuerit, cum ipsa incidendi & calculum extrahendi ratione, proposuit (b)*. Haud ita diu post eandem operandi rationem & a DOUGLASIO

GLASIO

(a) GARENGEOT. refert, Cap. de alto apparatu, unum inter optimos Lithotomos Parisinos, & nominatim THIBAUTUM, licet commoda hujus methodi agnoverit, *nunquam tamen in homine vivo eum instituere voluisse*, eumque propterea redarguit. Sed quaero, cur ipse hoc non praestiterit? cum alios hanc ob rem reprehendere velit.

(b) LISTERUS quidem, nobilis quondam Medicus Anglus, in itinere Parisiensi, quod anno

GLASIO & a CHESELDENO, & ab aliis Chirurgis Anglis saepius feliciter institutam esse ex litteris primo amicorum in Anglia tum degentium, & deinde etiam ex novis Libris hac de re postea publicae luci expositis, uberius intellexi (a).

I V.

Ego vero cum & rationibus ex Anatome petitis, & a ROSSETO, DIONISIO ac DOUGLASIO propositis, hisdemque sat gravibus ac manifestis, experimentisque jam alias cum in cadaveribus a me saepius institutis, tum & in vivis a DOUGLASIO, CHESELDENO, aliisque Anglis sat felicibus ac multis comprobata reperirem novam istam Lithotomiae methodum; ipsemet quoque illam primum, eadem ac FRANCUS & GREENFIELDIUS necessitate inductus, anno 1723. mensis Aprilis die XVII, in viro quodam calculoso, qui tricenario jam major erat, hic Helmstadii tentare nullus dubitavi; dum calculi fragmentum aliquod magnum, quod per plagam in perinaeo, *Rauiano modo* (quem alias jam aliquoties & forte primus inter omnes post RAUUM, ut infra uberius exponam, exercueram) a me factam, commode forcipe apprehendere, adeoque nec extrahere poteram, quia forte in foveam sive diverticulum vesicae, qualia saepe ab Autoribus observata sunt (b), recesserat, facto, praesentibus multis medicinae studiosis & Chirurgis, proxima post primam operationem die, sine ulla vesicae repletione, utpote quae ejusmodi in casibus ob vulnus inferius fieri nequit, super pubis ossibus, ad ductum ROSSETI & DOUGLASII in corpore vesicae vulnere recto, ope scalpelli recti facto, eoque postea ope scalpelli curvi, cuspide lenticulata (Tab. V fig. 5.) sursum deorsumque dilatato, digitorum ope satis cito & facile, illud protraxi (c). Nam miserabilis hic homo propter intensissimos, quos continuo perpeffus est, dolores anxius auxilium flagitabat, atque emori potius, quam diutius a calculo extorqueri malebat. Primis quoque ab operatione diebus satis bene aeger sese habebat. Circa diem vero quintam vel sextam horror atque postea mox aestus aliquis

Quando & quo successit
sue ego ipse
jam primum instituerim.

anno 1699. Londini edidit, affirmat pag. mihi 238. se jam olim in Act. Acad. Reg. Lond. aliquid de operatione hac instauranda scripsisse; verum quia locum non addidit, ubi haec scripsit, eum reperire non potui. Si vero res ita se habet, aliqua forte instaurationis gloria ipsi prorsus denegari non poterit. Interea valde miror, quod nullus recentiorum Scriptorum Chirurgicorum Anglorum, quantum recorder, hoc quibque referat. Ibidem etiam scribit idem LISTERUS de duobus, quibus calculus per glutaeum majorem fuerit extractus. Qualis vero haec sit aut fuerit sectio, haud comprehendo, sed Anglis delucidandum commendo.

(a) Praecipui ex his sunt W. CHESELDEN *Treatise on the High operation for the stone*, hoc est, Tract. de alta operatione Lond. 1723. 8. Anonymi *Cystotomia hypogastrica* Lond. 1724. 4. Essay on Lithotomy by Dr. MIDDLETON 4. Lond. 1727. *Traité de la Taille au haut Appareil*, de Mr. MORAND, Paris, 1728 &c. DOUGLAS *dissertation on the High operation* 1729. in qua sexaginta homines hac ratione a variis, maximam partem feliciter, secutos indicat.

(b) Conf. Tab. XXXII. fig. 1. & 2. RIOLAN. *Anthropogr.* Cap. XXIII. *Mémoires de l'Académie de Chirurgie* Tom. I. p. 397.

(c) ROSSETUS, DOUGLASIUS, CHESELDENUS, MIDDLETONUS, MORANDUS, DRANIUS, GARENGEOTUS, alique volunt, ut vesica semper prius liquore impleatur. Verum FRANCI, GREENFIELDII, ROSSETI pag. 282. BERRIERI apud MORANDUM Lib. de alto apparatu p. 249. descriptum & hoc meum exemplum demonstrant, rem etiam sine repletionem succedere, si modo res rite, ut infra docebo, cauteque instituitur.

Pars II.

T t t t t

aliquis ipsum invadebant. His per adhibita medicamenta convenientia mitigatis, mirifici lumborum atque dorsi dolores, quos ante operationem jam tum idem fenserat, cum nausea atque debilitate virium remanebant. Vulnus tam superius quam inferius absque doloribus quidem erant; sed purgationem tamen atque glutinationem, cum primis superius, haud quaquam recipiebat (a). Tametsi enim emplastra insigniter glutinantia atque fascia lata uniens (vid. Tab. V. fig. 8.) qualis adhiberi communiter in istiusmodi vulneribus abdominis solet, cum balsamo vulnerario praestantissimo atque spleniis oblongis & crassis utrinque juxta hanc plagam impositis, quam diligentissime applicabantur; urina tamen nihilominus inde prorumpebat; per fistulam autem naturalem sive urethram nihil omnino, per vulnus vero inferius parum profluebat. Tandem post quatuor septimanas homo aegrotus, debilitate summa atque nausea continua confectus, emoriebatur (b). Inciso cadavere, vesicae vulnus inferius partim in cervice, partim in ipsa vesica erat; superius vero circa partem superiorem decenter institutum esse advertebatur. Neque enim abdomen aut peritonaeum deopertum, neve laesa aut corrupta intestina, neve sanguinis aut urinae quicquam in abdominis cavo reperiiebatur. Renes autem insigniter ab ulceribus atque purulenta materia distenti veram dolorum in lumbis & dorso intensissimorum, ceterarumque noxarum gravissimarum, atque ipsius denique mortis causam manifestissime demonstrabant.

V.

Prima curationis hujus difficultas.

Sed quicquid tandem harum rerum sit, tamen, ut aperte, quod res est, dicam, primum istud Lithotomiae altioris specimen meum, quantumvis etiam prompta operatio fuerat, efficiebat, ut, contra, quam ROSSETUS atque DOUGLASSIUS scripserant, insigniter utique dubiam, praecipue si ad vulneris glutinationem respexeris, novam istam calculos super pubis ossibus excindendi rationem esse, ego arbitrarer. Neque id ipsum quidem absque gravissimis rationibus. Quum enim primo, quemadmodum ex Anatomicorum institutis patet, inferior vesicae pars sive cervix sphinctere valido instructa sit & quasi praemunita; ipsaque urina non tam sponte sua profluat, quam potius a vesica,

(a) DOUGLASSIUS alique Angli quoque notarunt, quod, ubi vulnus suppurationem & purgationem non admisit, aegros non servari potuisse.

(b) Doctiss. WINSLOVIUS in Epist. ad MORANDUM de alto apparatu data; quae in MORANDI Lib. de hac operatione Parisiis A. 1728. edito, continetur; scribit pag. 329. Apparatum altum in Anglia a DOUGLASSIO, in Gallia vero a MORANDO esse instauratum, utpote qui eum A. 1727. primus Parisiis, ut ipse refert, instituit. Ego vero quia eum jam diu ante MORANDUM, quod praefiscine dixerim, nimirum A. 1723. perfeci, primus forte ero, qui & inter Gallos & inter Germanos ipsum instituit, remque totam jam A. 1724. in altera Chirurgiae meae editione descripsi, imo & ad WINSLOVIUM ipsum in epistola d. 14 May. 1723. Helmstadii data, quae in Libello DOUGLASSII, mox citando, pag. 126. continetur, perscripsi. Quare miror, cur nemo neque inter Gallos neque inter Britannos, qui post A. 1724. de hac operatione scripserunt, hujus rei mentionem fecerit, solo JO. DOUGLASSIO excepto, in Diff. de alta operatione An. 1729. edita, pag. 126. & 128; cum tamen mea Chirurgia satis & in Hollandia & in Germania ubique nota fuerit, eamque etiam SERMEZIUS, Medicus Amstelodamensis, in Lithotomia Douglassiana, quam A. 1726. Belgica lingua Trajecti ad Rhenum edidit, jam descripserit.

ca, naturaliter & cum vi quadam per tunicam suam musculosam sese contrahente exprimatur; mirum videri haud quaquam debet, quod, simulatque vesica, per intus collectam urinam velut irritata, sese constringit, citius aut facilius ex aperto nullumque sphincterem habente vulnere, quam per consuetum atque angustum sphinctereque clausum iter suum prorumpat, itaque mirifice glutinationem impediat. Accedit, quod ejusmodi vulnerum abdominis orae non nisi difficillime conjungi soleant atque glutinari: siquidem a musculis abdominis obliquis & transversis, ab alba sive media ventris linea versus vertebrae & ilei ossa extensis, continuo eadem distenduntur.

V I.

Neque vero glutinationis difficultas ab orarum vulneris distentione tantum, sed inde quoque ut plurimum nascitur, quod *deligatio protinus a profluente urina vitatur atque prorsus inanis redditur.* Quamtumvis enim magno egomet studio id egerim, ut in homine isto calculoso, quem secundum altam hanc Lithotomiae rationem tractaveram, bis vel ter quotidie vulneris orae comprimerentur, atque, balsamo vulnerario optimo inunctae, per emplastra glutinantia longissima, fereque abdomen integrum cingentia, quam exactissime invicem conjunctae continerentur; & splenia denique bene longa atque crassa, utrinque juxta plagam posita, fasciae unientis praelongae robustaeque subsidio deligarentur; tamen nihil isthaec omnia proficiebant: quin splenia potius atque fasciae, emplastris glutinosis ab urina profluente resolutis, ita semper brevi madefiebant, ut quam frequentissime quidem per dies singulos innovari vinctura deberet; sed glutinatio tamen vulneris nihil interim succederet. Atque ut ne quis forsan opinetur, nos aliquid omisisse vel neglexisse eorum, quae ad istiusmodi vulneris glutinationem necessaria sint, observasse juvabit, neminem adhuc dum glutinationis modum meliorem eo, qui a nobis est adhibitus, proposuisse. Quin imo DOUGLASIUS, perinde ac GREENFIELDIUS fecit, in Libello suo ne verbum quidem de glutinationis modo sive artificiis addidit; dum non nisi generatim illud scripsit, sese hominem calculosum intra quatuor septimanas in sanitatem pristinam restituisse.

V I I.

Ex jam jam propositis luculentissime, si quid ego video, apparet, egrè utique falli eos, qui Lithotomiam altam prae ceteris calculum educendi modis a facili & promptissima vulneris glutinatione commendabilem esse statuerunt. Quod enim ipsi, urinam, secundum naturales corporum fluidorum regulas, longe facilius ex infima vesicae parte, hoc est, per colic fistulam, quam per vulnus in suprema vesicae parte factum, profluere, neque facile fistulam quandam in perinaeo, ceu fieri quandoque in communibus Lithotomiae methodis, propter urinam continuo destillantem, solet, excitari per Lithotomiam altam posse judicarunt, id nihil esse, prudentiores quique facile intelligunt. Quandoquidem enim urina non tam proprio pondere suo per fistulam penis elabitur, quam potius a vesica naturaliter coarctata, diaphragmate opitulante, exprimitur; abesse vix potest, quin citius ex vulnere diducto, quam per urinae fistulam sive urethram, sphinctere valido clausam, profluat. Atque id

ipsum equidem, nisi ego fallor, in causa mihi fuisse videtur, quare Chirurghi operandi modum istum, licet satis feliciter a quibusdam, ut supra dictum est, adhibitum, unanimi propemodum consensu diu omnino spreverint. Quod autem nemo illorum vetustiorum, qui curandi rationem illam descripserunt, de mirifica ista glutinationis difficultate, vel & universim de glutinationis artificio mentionem fecerit, id ipsum equidem tantum abest, ut forte fortuna factum sit, ut callido potius consilio atque propterea factum esse videatur, ne qua forte difficilioris glutinationis istius culpa curantis imprudentiae tribuatur. Rari enim atque adeo rarissimi Medici sunt, qui vel HIPPOCRATIS, vel meo etiam exemplo, curationes suas minus feliciter confectas aperte describant, posterisque in exemplum prudentiae proponant. Plerique enim, nec sine ratione quidem, verentur, ne imprudentiores atque invidi materiam calumniandi inde arripiant, neve a Medico interfectos statuunt, qui servari propter ipsam noxae gravitatem nulla ratione poterant. BONNETUM aliquoties in hominibus calculosis Lithotomiam altam adhibuisse, TOLETUS equidem scribit; (vid. supra N. 1.) sed ex aliorum hominum relationibus. Quo successu quibusve artificiis vulneris glutinatio instituta sit, neque a BONNETO, neque a TOLETO memoratum legimus. Quin BONNETUM atque Gallorum Chirurgos plerosque postea fere omnes secundum communem sive majoris apparatus Lithotomiae methodum calculosos ad haec usque nostra tempora postmodum tractasse, testis est historia atque recentiorum experientia. Ut proinde nihil a veritate alienum statuere nobis videamur, si dixerimus: rarissime a BONNETO atque forte non nisi tum Lithotomiam altam susceptam fuisse, quando calculi secundum communem curandi rationem excindi vel protrahi neutiquam potuerunt (a). Forsan enim indecorum atque ab excellentis Chirurghi auctoritate alienum ipsis visum est, fateri, plagam aliquam, quae levior multis videri poterat, vel nullam omnino, vel difficillimam saltem curationem recipere. Gallos autem una cum BONNETO praestantissimisque Chirurgis aliis, propter glutinationis praecipue difficultatem, ab alto apparatu haecenus abstinuisse, haud improbabilius inde conjicimus, quia praeter hanc nulla sufficiens ratio patet, quare ipsi communem Lithotomiae rationem eamque nondum adeo, ut nunc est, excultam, novae isti posthabuerint, quae prompta imprimis est, atque propter varia commoda, N. 1. circa finem a nobis relata, commendabilis. Faciamus autem denique, feliciter glutinationem a DOUGLASIO institutam esse, utpote in homine juvene atque robusto, calculumque haud valde magnum sentiente; tamen quo minus perpetuum altoque apparatus proprium esse commodum illud judicemus, diversi utique calculosorum habitus pro-

(a) Posse enim quandoque graves istiusmodi casus incidere, ubi nec ab excellentissimis quidem Chirurgis protrahi calculus ex plaga in perinaeo facta queat, non ex FRANCI atque GREENFIELDII exemplis tantum, sed & ex apertis quoque Chirurgorum recentiorum atque expertissimorum relationibus manifestum est. vid. RUYCHIIUS observ. 89. Vita Olai BORRICHII, in conspect. script. chem. illustr. SERMESIUS in Lib. de Lithotomia. DOUGLAS. ubi aliquot extant hujus rei exempla in praefatione. DENYSIUS Obs. Chirurg. ubi ipse RAVIUS calculum extrahere non potuit, p. 69. 71. aliaque, ubi alii id non potuerunt, pag. 90. ad 92. item praefatio COLOTTI Libro de Lithotomia praemissa pag. 43. Ita & Samuel PYE, Chirurgus Anglus, fatetur, sibi casum occurrisse, ubi calculum in perinaeo educere non potuit, in Obs. de Lithotom. p. 16. & 17.

prohibent. Saepius enim, quemadmodum ex exemplo a me proposito liquet, calculi curatio istiusmodi hominibus adhibenda est, qui & natu jam tum grandes sunt, & a quamplurimis noxis aliis ita graviter infestati & quasi jam confecti, ut aut difficulter admodum, aut prorsus etiam non perducere ad glutinationem vulnera istiusmodi valeant. Quam equidem propter causam nihil a prudentis Medici officio alienum admittere censerem nos poteramus, siquidem tunc statueremus, *Lithotomiam altam pro praestantissima calculum secandi ratione neutiquam haberi neque tuto commendari Chirurgis ante posse, quam certiora plagam glutinandi artificia & a Medicis excogitata sint, & quamplurimis exemplis comprobata.* Quod enim TOLETUS existimat, *vulneris hujus glutinationem aequae promptam esse, atque illa, quae fit in abdominis vulneribus reliquis;* id ipsum indicio est, virum clarissimum experimentis hac in re destitutum fuisse, atque solum conjecturis fallacibus locum dedisse. Ceterum an hic in apparatu alto supra vesicam cum fructu institui, a ROSSETO atque SOLINGIO (a) commendata, *gastrostomia possit*, dubito; cum hae vesicae puncturae facile gravia mala concitare possint, & nonnulli prudentiores Chirurgi facere hujus rei experimenta quaedam, sed sine emolumento sustinuerint (b).

VIII.

Haecenus, quid olim atque anno praecipue supra millesimum septingentesimum vigesimo quarto, quum has Institutiones meas Chirurgicas lingua Germanica conscriptas in lucem denuo emitterem, de Lithotomia alta senserim, explicavi (c): sequitur, ut, quid nunc jam de illa sentiam, uberius exponam. Praesertim in illis, qui mali habitus sunt.

Scilicet postquam ego penitus singula, quae in hac ipsa curandi ratione factu necessaria sunt, una cum recentioribus feliciter admodum a DOUGLASIO, CHESELDENO, THORNHILLIO, SMITHIO, PYO, MACGILLIO, MORANDO, me atque aliis confectae curationis hujus exemplis circumspexi, haud obscure ex quamplurimis promte ac feliciter curatis intellexi, maximam illam glutinationis difficultatem non tam a vitio methodi vel ab ipsius vulneris loco aut gravitate, quam potius a pravo corporis habitu aliisque morbis junctis provenire. Namque in hominibus junioribus, praesertim pueris ac juvenibus, cetera sanis facile ut plurimum & feliciter vulnus glutinatur, sicubi justam modo vincturam aliquam sive deligationem cum unguento primum digestivo atque balsamo dein vulnerario communi, balsamo scilicet *copaivae*, aut ARCAEI, aut simili alio, una cum conveniente victus regimine diligenter Chirurgus adhibuerit. Quod ipsum equidem eo confidentius asseverare nunc ausim, quo magis luculenta istiusmodi hominum exempla sunt, quos feliciter DOUGLASIUS, CHESELDENUS, & alii modo nominati, atque egomet ipse postea secundum istam Lithotomiae rationem pristino vigori suo restituimus; & quorum ultimorum quorundam prolixior jam facta mentio est in illa dissertatione, quam de alto apparatu anno jam 1728. in lucem publicam emisi. Ut proin-

(a) Loc. citat.

(b) Middleton Lib. cit. p. 35. Morand. Tr. de alto Appar. p. 132. Praebisch de alt. Oper. p. 7.

(c) Supra jam §. III. monui, neminem Gallorum & Anglorum, qui post annum 1724. de hac re scripserunt, hujus observationis mentionem fecisse, solo Jo. DOUGLASIO excepto.

proinde facere aliter haudquaquam possumus, quam ut hunc calculos super pubis ossibus exscindendi rationem in pueris ac juvenibus ceteroquin sanis, quorum nullus mihi adhuc mortuus est, & quales etiam fere omnes a praedictis viris restituti sunt, egregiam multisque in casibus haud contemnendam Lithotomiae methodum esse statuamus (a), praesertim si calculus altius in iis haeret, quam ut pro parvo apparatu ope digitorum ad infimam perinaei regionem, quemadmodum subinde fit, commode propelli queat; vel forte asper valde & spinosus percipiatur. In pueris tamen & infantibus, qui vehementer clamant, ut nulla prorsus vesicae repletio propterea fieri queat, quale exemplum MORANDUS descripsit (b), si calculus non spinosus & ad perinaeum digitis deduci potest, ego parvum apparatus alto, tanquam certiore & minus periculosum, praefero.

I X.

Cavendum
ne mors cal-
culoſorum
operationi
huic tribua-
tur.

Non sum equidem nescius, exstare utique exempla eorum, qui post confectam hanc operationem, modo citius modo tardius, exspirarunt. Sed quia & post alias methodos nonnulli, imo multi subinde moriuntur, minus justa collectio foret, si quis statueret, ab vulneris hujus in parte anteriori vesicae gravitate, vel a vitio quodam alio huic methodo annexo, eosdem semper periisse. Fere singulos etenim, qui post adhibitam Lithotomiam altam emortui sunt, cum propter pravum corporis habitum viresque jam nimis detritas; tum & vel maxime propter gravissima renum & vesicae ulcera interiisse, incisorum cada-verum lustratio quam manifestissime demonstravit (c). Praeterea in aetate provectioribus sive senioribus trigessimum annum supergressis, quia hi plerumque diu a calculo conflictati, atque vel gravi ulcere renum aut vesicae, vel alio quodam morbo simul laborant, vel viribus jam nimis exhausti sunt, eam ut plurimum haud feliciter succedere in meis aegris, & in eis qui a DOUGLASIO describuntur (d), imo & in MORANDI exemplo (e) observavi; dum quidam vel ob haec vitia, alii ex abscessu in cellulari circa vesicam substantia suborto, alii ex cancro vesicae perierunt: adeoque in virili & senili aetate illam vix amplius instituam, nisi necessitas forte quaedam, & cum primis ea, quando calculus in perinaeo educi non posset, hoc exigat. Cavendum itaque diligenter est, ne, si qui forte servari nulla curandi ratione alia potuerunt, ipso-rum mortis culpa temere in Lithotomiam altam, ut nonnulli fecerunt, conjiciatur; neve statuatur, longe gravius homines calculosos periclitari, longeque facilius emori, siquidem Lithotomiam altam ipsi sustinuerint, quam si secundum communem, id est, magnam, aliamve secandi rationem fuerint tractati. Ceterum quo facilius innocentissima illa curandi ratio ab injustis criminationibus

vin-

(a) Ita etiam a DRANIO, Lib. qui *Parallèle* inscribitur, pag. 105. & GARENGEOTO multis in casibus praestantissima operatio habetur, une opération excellente Chirurg. T. II. p. 274. si modo Chirurgi limites peritonaei circa vesicam probe observent.

(b) Lib. de alto apparatu pag. 249. & 250.

(c) Optime prae ceteris hoc videri potest ex DOUGLASII diss. de alto apparatu, in qua plurima ejusmodi exempla referuntur, praesertim in Append. p. 85. & seq.

(d) Ibid. & praesertim pag. 91.

(e) Descripto in Libello de alta operatione, *Traité du haut appareil* p. 212.

vindicetur, Chirurgorum est prospicere, ne qua facile ista calculum secandi ratio in illis adhibeatur, qui aut insignem corporis jam debilitatem aliquam, aut gravissimas noxas alias sentiunt, aut ultra annum trigessimum constituti sunt. Nam nullus adhuc ex pueris & juvenibus, quos hac ratione a calculo vesicae libera- vi, mihi mortuus est, & plerique etiam alii ab aliis servati sunt (a); sed solum seniores, qui trigessimum jam annum superarunt, vel alias a morbis fere con- fecti fuerant. Ceterum, quemadmodum etiam rectissime DOUGLASIUS observavit, malum plerumque certissimaque mortis signum esse solet, si neque sup- puratio, neque expurgatio vulneris rite procedunt. E contrario illi, in quibus fe- liciter suppuratio succedit, id quod in junioribus & ceteroquin sanis plerumque bene contingit, fere semper ad sanitatem perveniunt.

X.

Quid de calculi per adhibitum apparatus altum curatione statuendum sit, expli- cavimus: sequitur, ut ipsum operandi modum, & cum primis quomodo ego eum instituere solitus sum, paullo curatius exponamus. Antequam vero hoc fiat, Vesicae si- tus & habi- tus ratione: hujus ope- rationis.

opus esse existimo, ut in tironum gratiam nonnulla de vesicae situ, nexu, con- formatione & habitu prius moneam; quia scientia horum accurata summe hic est necessaria. Igitur si cadaver virile aperitur & in vesicam inquiritur, ea ut pluri- mum, praesertim si vacua est, ita collapsa & sub ossibus pubis atque intestinis abscondita latet, ut vix quicquam de ea in conspectum prodeat. Sed si vel flatu vel injecta aqua ipsa repletur, gradatim extenditur, & tandem notabiliter supra ossa pubis versus umbilicum sese expandit, ut magna eaque superior ejus pars, corpus nempe & fundus, egregie conspici queant. Hoc ut tironi- bus melius innotescat, figuras nonnullas Tab. XXX, maximam partem ex prae- stantissimo CHESELDENO mutuatas (b), hic in auxilium vocabo. Itaque fig. 1. indicatur cadaver situ obliquo, paullo ad dextrum latus inclinatum, & in eo potissimum venter, in quo remotis tegumentis communibus & mus- culis abdominis peritoneum intestina obtegens & cum primis vesica litt. A magna ex parte, quoad corpus & fundum se ostendit, decem unciis aquae (c) repleta. B urachus, quo umbilico nequitur; CC arteriae umbilicales; & DD ossa pubis, tegumentis reflexis tecta, ut sic quantum vesica bene re- pleta super ossa pubis in ventre emineat, pateat. Fig. 2. exhibet abdomen penitus, remoto sive dissecto etiam peritoneo, apertum, & in eo vesicam viginti unciis aquae distentam; sed sic, ut interior peritonei lamina AAAA, quae firmiter hic ei adhaeret, relicta, exterior, cellulosa scilicet, quae mus- culis abdominis proxima, ablata sit. Litt. BB denotant illam vesicae par- tem, musculis abdominis, & cum primis pyramidalibus & rectis proximam, remota lamina exteriori cellulosa, ita ut fibrae musculosae ejus in conspec- tum

(a) Patet hoc ex eodem DOUGLASII Libello & ex aliis Scriptoribus, qui hac de re commentati sunt.

(b) Libro de alto apparatu, Anglice conscripto, An. 1723.

(c) Modum vesicam pro hac curatione prius aqua vel liquore alio conveniente replendi primus docuit ROSSETUS, Lib. de partu caesareo, pag. mihi 263. & seq. edit. Paris. an. 1590. Hoc vero non semper absolute esse necessarium, jam supra §. IV. ostendi, aliisque infra indicandis exemplis §. XI. cognosci potest.

tum veniant. CCCC limites laminae peritonaei interioris, vesicam & cumprimis ejus fundum obtegentis, ubi intestina eam tangunt & qua vesica ex cavo abdominis excluditur (a). DD ossa pubis, EE intestina; BB vero locum medium corporis vesicae distentae; qui in operatione alta inciditur. Fig. 3. designatur *dimidia eaque dextra pars abdominis aperta*, tegumentis & intestinis ablatis, in situ recto. Litt. AA, vesicae pars suprema, *quae proprie fundus appellatur*, peritoneo obtecta, cavum abdominis respiciens, & quam intestina attingunt; cujus terminus sive limites in vesica distenta ad Litt. aaaa. BBB, ipsum corpus vesicae, valde extensum, in latere dextro, musculis abdominis alias junctum, quod cum cavo abdominis non communicat, sed per limites peritonaei aaaa ab ipso distinctum & separatum est, atque si laesum vel incisum est, intra terminos aaaa, urinam non in abdomen effundit, sed extra corpus, & speciatim in alto apparatu, super pubem bb, locum, ubi in alta operatione vesica incidit solet, ubi vulnera vesicae non sunt lethifera; CCC, arteria umbilicalis dextra; DD, urachus, E, os pubis parte tegumentorum tectum; F, ligamentum latum hepatis; G, pars hepatis; H, pars renis dextri; I, pars ureteris dextri; KK, membrana adiposa; L, musculus pyramidalis sinister; MM, musculus rectus sinister. Fig. 4. indicare volo abdomen apertum, & in ipso *vesicam, eo in statu, quando parum vel modice distenta est*: ubi AAAAA fundum ejus peritoneo cinctum ostendit, cujus laesio mortem infert; BBB vero, partem vesicae extra peritoneum, inter hujus limites, linea CCC indicatos, & ossa pubis DD, hic valde angustam sive exiguam (b), ut inde intelligatur, quam caute tunc procedendum sit, quando vesica parum vel nihil distenta, operatione alta calculus inde extrahendus; & quomodo tunc *incisio vesicae non amplo, sed angusto scalpello*, quam cautissime sit perficienda. Quando enim *vesica in fundo, hoc est, in suprema, sive ea parte vulneratur, ubi interna peritonaei lamella cingitur*, & urina per vulnus in abdomen influere potest, nimirum in parte AAA fig. 2. 3. & 4. ubi peritonaei interna lamella cincta, lethiferum est vulnus, atque non nisi in parte extra peritoneum BBB, vesicam incidere hic licet. EE intestina indicant.

X I.

Operandi
modus quis
sit.

His fundamenti loco praemissis, sine quo temere quis hanc operationem suscipit, sequitur nunc *ipsa alta sic dicta sectio sive operatio*. Scilicet, *praemissa, ut decet, praeparatione (c)*, aegrotus ante omnia super mensam lectumve sic resupinatur, ut nates paullo altiores sint capite, diligenterque quoad manus, pedes, coxas, caput atque pectus ab adstantibus robustis comprehenditur; vix enim, ut

(a) GARENGEOT quidem perhibet, *vesicam extra ventrem esse*; (hors du ventre, Chirurg. T. II. pag. 274.) *verum hoc falsum mihi esse videtur*. Est quidem vesica extra peritoneum, praesertim si collapsa est, sed non extra ventrem: quia sita est in pelvi, quae est cavitas illa abdominis inferior, quam ossa innominata & os sacrum efficiunt, quae consensu omnium reliquorum Anatomicorum *ad ventrem pertinet*. Quaecunque igitur pars in hac pelvi est, illa etiam in ventre sive abdomine sita est.

(b) In BIDLOI Tab. 41. hoc spatium adhuc angustius, attamen una cum peritonaei plis ad latera bene repraesentatur.

(c) Haec quanti sit momenti ratione & exemplis docet MIDDLETON. Lib. cit.

ligetur, si idonei ministri praesto sunt, ob metum, qui aegris inde saepe incutitur, hic opus est: quam etiam ob causam nonnulli *lectum tabulae praeferunt* (a). Capiti etiam pulvinar subjiciatur, ut sic dorsum quasi vacuum sit, quo muscoli abdominis aliquo modo relaxantur. Deinde catheter aliquis cavus argenteus, idemque in altero extremo fistula flexili vel coriacea, vel ex aspera arteria galli indici, cum DOUGLASIO, vel, ut CHESELDENUS praecepit, ex uretere bovis, vid. Tab. XXX. fig. 5. AA, DDD atque syringa ampliori instructus; quae cum tubulo C conveniat, leniter ac pedetentim in vesicam demittitur, itaque tanta aquae tepidae, vel decocti hordei, aut lactis portio in eandem blande compellitur, quantam aeger sine insigni molestia aut dolore perferre potest, aut quanta quidem sufficere pro explenda atque aliquatenus saltem distendenda vesica videtur (b). Quo rite peracto, catheter hic e vesica retrahitur, atque penis mox, ne aqua injecta rursus effluat, ab administro quodam comprehenditur, & urethra gnaviter comprimitur, vel ad perinaeum etiam deprimitur; vel etiam ligula vel funiculo plano modice constringitur. Tum a dextra aegri stans, jubeo, ut prudens aliquis minister, indice & medio digitis in anum curandi insertis, calculum cum vesica sursum pellat sive elevet; ego vero cutem primo cum pinguedine atque deinde pedetentim & gradatim abdominis musculos, per adhibitum scalpellum quoddam exiguum, quale videri potest Tab. XII. fig. 14. vel aliud simile (c), in manubriolo probe firmatum, super pubis osse, vel in ipsa linea alba (d), vel tamen mox juxta infimam albae lineae partem, (vid. Tab. XXX. fig. 3. bb, vel fig. 4. BC) linea recta sensim, & quam providissime fieri potest, incido. Debet autem plaga externa in pueris tres circiter digitos latos, in adultis vero quatuor digitorum vel palmae amplitudinem longitudine sua adaequare. Denique simul ac digitis alterutrius manus in vulnus insertis; & cum primis indice sinistro summam pubis ossium partem & supra horum juncturam humorem istum, qui vesicam distendit, persentisco; (quod ipsum tamen, praesertim in vesica parum vel modice etiam distenta, vix vel saltem non tam facile, ut nonnulli perhibent, ob spasmos partium in operatione, vel ob vesicam duriores, aliasve ob causas contingit)

(a) Ut CHESELDENUS Lib. de alta operat. p. 6. MORANDUS & WINSLOVIUS in Morand. Lib. de alto apparatu pag. 232. & 331. quod vero ROSSETUS jam praecepit Lib. cit. p. 270.

(b) Nonnulli, & inter hos etiam GARENGEOT. l. c. p. 250 volunt, ut eousque extendatur aqua vesica, donec per gibbum sive tumorem in pubis regione sentiri queat. Sed hoc quidem in mortuis, verum, ut usu didici, ob spasmos & ob dolores in vivis vix cognosci potest. Imo exempla apud CHESELDENUM referuntur, ubi vesica a nimis magna injectae aquae copia disrupta est. SOLINGENIUS suadet, ut flatu, folle injecto, vesica distendatur, in Oper. Chir. p. m. 259. sed hoc nihil prodest, imo, ut noxium, jam a ROSSETO rejectum est, l. c. p. 276.

(c) Vid. Tab. XXXI. fig. 8. vel fig. 18. quale ALBUCASIS jam pro calculo excidendo commendavit Part. II. Cap. LX.

(d) Quidam, atque inter hos potissimum etiam GARENGEOT, sectionem lineae albae periculosa adeoque serio vitanda esse praecipiunt. Sed non solum experientia optima rerum magistra, hanc cautionem vanam esse, me & plerosque supra laudatos viros, qui hanc operationem ipsi perfecerunt, docuit, eamque aequae facile, ut muscoli, rursus glutinari; (conf. MORANDI Lib. de alta operatione pag. 92. 209. 235. 350.). Verum WINSLOVIUS in eodem Libro pag. 336, istam cautelam nullius momenti & fere ineptam esse asseverat.

tingit) tunc vel praedicto scalpello, vel etiam falcato, eoque acuto, vesicam, ut mox uberius dicam, proxime supra juncturam ossium pubis incido; vel etiam, ut semel commodissime & non sine successu feci, acu sive clavo cuspidis triangulari (Troicar) sine cannula, Tab. XXIV. fig. 2. eam aperio. Verum si vesica parum, vel prorsus non repleta est, cautius, ne fundus vesicae laedatur, agendum. Nam tum indice manus sinistrae, vulnere juxta pubis ossa inserto (a), peritoneum, quod tunc ossibus pubis vicinum est, & quasi incumbit, a pubis ossibus sursum blande diduco, ne vel hoc, vel fundus laedatur, & scalpellum angustum sive tenue, vel etiam acum illam triangulari cuspidis provide juxta pubis ossa in vesicam, sed non in fundum, ut nonnulli male docent, verum in corpus vesicae & quidem oblique sub ossibus pubis versus cervicem ipsius; sicut ROSSETUS jam dudum recte docuit (b), demitto, sic tamen ut exiguum cuspidis tantum fiat vulnusculum. Quo quidem facto, pars liquoris vel aquae injectae, vel urinae etiam retentae, statim ex hoc vesicae vulnusculo prorumpit (c). Per idem vero foraminulum sive plagam mox scalpellum incurvum aut directum, sed lenticulatum, sive nodulo loco cuspidis instructum (vid. Tab. V. fig. 3. 4. & 5.) in vesicae cavum infero, directoque sursum, versus vesicae fundum lenticula sive globulo, aut obtuso apice, vesicam quoque sursum versus ducto scalpello, ad unum vel binos digitos, pro aegrorum magnitudine, prudenter concido: ita vix & ne vix quidem peritoneum vel fundus vesicae laeditur, sed solum corpus vesicae Tab. XXX. fig. 2. BB, & quidem prope cervicem ac circa medium aperitur; peritoneum vero AAA fig. 2. 3. & 4. manet integrum, atque nondum adhuc hoc modo illud laesi. Sunt qui volunt, vesicae incisionem a parte superiori esse inchoandam, & quidem mox sub uracho, & inde ad os pubis continuandam, idque unica sectione (d), hancque meam incidendi rationem, quam a ROSSETO ac DOUGLASIO didici, damnant atque periculosam proclamant, hacque in re maximum totius operationis periculum consistere affirmant (e), id quod ipsis libenter concedo. Verum quia raro & vix unquam certi esse possumus, quousque distenta vesica, & ubi locus ille sit sub uracho, quem incidi volunt, meam modo descriptam securiorem esse judico, praesertim si scalpello lenticulato, quem tamen nonnulli illorum etiam rejicere videntur, cogitate & prudenter fiat. Hac enim ratione nunquam adhuc peritoneum dissecuri, licet operationem in aliquot casibus, ubi nulla vel saltem parca admodum vesicae repletio aderat, rite perfecerim, cum e contrario illi, qui a parte superiori incisionem inchoarunt, licet vesicam probe, & quantum forte fieri potuit, repleverint, peritoneum conciderint, & aegri cum gravibus symptomatibus mortui sint (f). Praeterea mea incidendi ratio tam in vesica bene impleta, quam etiam in eis casibus, ubi pa-

(a) Hic modus a nullo, quantum novi, est descriptus.

(b) Lib. de partu caesareo, pag. mihi 271.

(c) Qui amplo scalpello vesicam hic perforare vult, facile ejus fundum laedit, eique vulnus lethiferum infligit.

(d) Vid. CHESELDEN. de alta operatione. MIDDLETON de Lithot. p. 17. 18. MORAND. Tr. de alto apparatu, pag. 93. 94.

(e) MIDDLETON loc. cit. pag. 20. MORAND. p. 100.

(f) MIDDLETON p. 35. 36. MORAND. p. 131. 134.

rum vel nulla prorsus ratione repleta vesica est; ergo in omnibus succedit; alter vero modus non nisi in vesicis multum aut quam maxime distentis succedit: quare & THIBAUTUS, magnus haud pridem Lithotomus Parisinus, ut WINSLOUS & MORANDUS referunt (a), eam huic praetulit. Ut plurimum vero quando vulnus vesicae inflexi tantum, ut *digitum juxta scalpellum lenticulatum immittere possim, indicem sinistrae manus immitto*, eum versus fundum vesicae in formam unci incurvo, eo vesicae partem superiorem versus umbilicum blande traho, & plagam deinde ope scalpelli uberius, deorsum verso scalpello, ad ossa pubis & collum vesicae diduco; quo ipso ea ut plurimum satis ampla fit. Interea tamen mox postea alterius quoque manus indicem in vesicam demitto, eoque & calculi situm & magnitudinem & an forte, si calculus magnus, uberius vulneris diductio necessaria sit, exploro: atque hac re perspecta, si uberius dilatatio opus est, digito in vesica adhuc relicto, ipsam paululum attollo, ac vulnus scalpello lenticulato vel sursum, vel deorsum, vel utrinque, quantum pro calculi magnitudine satis esse ac tuto sine laesione fundi fieri posse judico, dilato (b). Sin vero in calculo minori plaga jam satis ampla est, scalpellum pono atque administrum illum, insertis in aegroti anum digitis anterioribus, calculum, quoad fieri potest, iterum quam diligentissime sursum versus compellere jubeo: ipse vero vel per immisos digitos, quando calculus parvus est, ut quandoque feci, vel &, ubi digiti, (nimirum si calculus magnus) soli haud sufficiunt, per demissum ope digitorum unicum, Tab. XXVII. fig. 10, aut forcipem calculariam, prout commodissime comprehendi potest, eundem protrahere studeo (c). Quibusdam, qui catheteris immisionem & aquae injectionem pertimescebant, infusum theae largiter antea bibendum dedi, clausa interim ferramento Tab. XXVI. fig. 9. urethra, ut vesica ab urina distendi aliquantulum potuerit, atque sic eam & apte incidi & calculum commode extrahi, licet sint, qui hoc fieri posse negent (d). In eis, ubi calculum per vulnus in perinaeo educere non potui, id quod bis mihi accidit, & ubi vesica neque aqua injecta, neque urina retenta, ob praedictum vulnus, distendi potuit, quemadmodum id & GREENFIELDIO & forte etiam FRANCO contigit, cute, pinguedine inter rectos abdominis musculos caute incisus, digitum indicem manus sinistrae inter os pubis & peritonaei membranam (conf. Tab. XXX.

(a) MORAND. Lib. de alta operat. pag. 333.

(b) Perhibent varii ac si vulnus post primam incisionem in hoc modo diduci amplius non posset aut liceret, verum scalpello lenticulato hoc tuto fieri potest.

(c) Pro vitio altae operationis reputat DENYSIUS pag. 113. quod calculus digitis subiunde extrahi queat; quod vero potius inter commoda referendum est maxima.

(d) ROSSETUS quidem jam hunc vesicam implendi modum proposuit, pag. 269 & 275, & quidem speciatim copiose haustis aquis Spadensibus aliisque similibus diureticis liquoribus; sed nullum novi inter Anglos aut Gallos, qui hanc operationem perfecit, & hunc hac in re secutus fuerit. Attamen & hunc modum succedere, praeter mea exempla, probat experimentum PROEBISCHII, Chirurghi Germani, Borussiae, qui hac ratione quoque felici successu puerum duodecim annos natum a calculo liberavit & sanavit, licet peritonaeum ita inciderit, ut intestina proruperint; quemadmodum hoc in peculiari Schediasmate de operatione alta, lingua Germanica A. 1727. Regiomonti publicavit. Attamen WINSLOUS suadet, ut hunc in finem aeger per aliquod tempus ante sectionem, post haustum copiosum potum tenuem, retentioni multae urinae sensim assuescat, & vesica sic gradatim magis expandatur. Vid. MORAND. l. c. pag. 310.

XXX. fig. 4. BB & BIDLOI Tab. 41.) prudenter inferui, eoque hanc ab osse pubis quam cautissime ita sensim diduxi, ut vesicam praedicta ratione, primum exiguo, dein ampliori vulnere incidere, calculumque postea ex ea, sine laesione peritonaei aut fundi vesicae, educere potuerim. *Hujus quidem artificii recentiores, qui de alto apparatu scripserunt, haud meminerunt; licet in ejusmodi casibus, ubi ceteris methodis calculus protrahi nequeat, insignem usum habere possit, vesicaeque proinde hac in methodo, per injectionem repletio, ut usus docuit, non adeo semper aut absolute, ut multi volunt, sit necessaria.* Attamen longe major cautio & diligentia hic est adhibenda, quam ubi vesica liquore repleta est.

X I I.

Fundus vesicae an incidendus? negatur contra Garengeot & alios.

Perhibent nonnulli *fundum vesicae in hac operatione incidendum, calculumque per eum* eximendum esse, & inter hos etiam GARENGEOTUS in utraque Operat. Chirurg. suarum editione. Sed male, imo pessime. Nam hoc falsissimum est, & errorem gravem indicat, qui ex non rite intellecta vesica diversisque ejus partibus provenit. Sciendum enim est, GARENGEOTUM in *Splanchnologia* sua nihil quicquam, ubi de vesica agit, *de ejus divisione ac diversis illius partibus* proponere; quae tamen in curationibus Chirurgicis & vulneribus, quae in vesica occurrunt, ac praesertim in variis calculum e vesica eximendi modis, scitu summe sunt necessariae, nisi tirones in gravissimos, imo lethiferos errores inducere velimus. Alii *vesicam* tantum in *collum* & *fundum*, omisso prorsus *vesicae corpore*, sed male quoque, distinguunt; atque hi, si de operatione alta sive hypogastrica sectione scribunt, *fundum in hac curatione incidendum* esse docent: cujus tamen incisio ut plurimum, sicuti jam dixi, & quamplurimi prudentes Medici sentiunt, mortalis est: quia urina sic in cavum abdominis influit (a), putrescit & hominem sic interficit (b). Itaque si accurate & rite de vesicae partibus agere velimus, ea, ut jam dudum in Compendio meo Anatomico feci, *in collum sive cervicem, corpus vesicae & fundum dividi debet*, eadem prorsus ratione ac *lagenae*, (quia, ut RIOLANUS (c) aliique varii recte docent, *similitudinem cum lagenae*, Gallis *Bouteille*, habet atque quam aptissime cum ea comparatur) *in collum, lagenam ipsam sive corpus lagenae, & fundum ejus dividi solet*. Absonum autem est omne id, quod *collum lagenae* sequitur, id est, *ipsam lagenam, fundum appellare* vel *sub fundi lagenae nomine comprehendere*, cum fundus, vulgi etiam consensu nihil aliud denotet, quam partem lagenae extremam sive infimam, collo oppositam: adeoque & illud in vesica, licet in corpore humano erecto lagenam inversam repraesentet. (vid. Tab. XXIX. fig. 8. vel Tab. XXXII. fig. 1. & 2.) ita intelligendum erit. Igitur Tab. XXIX. fig. 8. litt. AA, denotat *collum vesicae*; BB, *vesicam ipsam, sive corpus vesicae* (d); C vero *fundum*, licet pars

(a) Hac de re jam nonnulla dixi in Dissert. quae de *Anatomes majore necessitate in Chirurgia*, quam *Medicina* agit, pag. 33.

(b) Conferri potest ALGHISI Lithotom. p. 94.

(c) Anthropogr. Cap. XXII. de vesica.

(d) Corpus vesicae BBBB, merito adhuc, ob usum & necessitatem in Chirurgia, in tres regiones diversas subdividitur: & quidem 1. illam, quae *cervici proxima* A & B inferius; 2. *medi-*

pars fit ratione situs in corpore nostro, dum erecti sumus suprema; DD glandulam *prostatam*; EE, partem *vesicularum seminalium* e puerulo. Nam vesica alias vulgo consideratur ac si e corpore exempta esset; ubi ea pars angusta, per quam laniones vesicas inflant, *collum* sive *cervix*, pars huic opposita, atque tunc inferior *fundus*, *sicut in lagena*; reliquum vero *vesica ipsa* sive *corpus vesicae* jure meritoque appellatur: quod, ut ROSSETUS jam recte docuit, solum *incidendum*, non *fundus* (a). Quemadmodum vero in hac operatione *facies corporis vesicae anterior*, *media* & *inferior*, ut in Tab. XXIX fig. 8. litt. BB & Tab. XXX. fig. 2. BB; ita in parva seu *Celsistica* & laterali operatione *facies corporis vesicae inferior* & *lateralis* Tab. XXIX. fig. 1. quem *basin* nonnulli haud inepte appellant, sine damno inciditur; in *neutra* vero *fundus*. Quotiescunque enim *fundus* vel in Tab. XXIX. fig. 8. circa C & B superius, vel Tab. XXX. fig. 2. 3. & 4. AAA, vel etiam *ea pars corporis vesicae posterior*, quae *cavum abdominis respicit*, peritonaei lamina interna obducta, *perforatur*, ita ut *urina* per vulnus in abdomen influere queat, *toties ejusmodi plaga*, ut supra jam dixi, *mortem post se trahit*. Adeoque non sunt audiendi aut sequendi, qui *fundum vesicae in hac methodo incidendum esse tam audacter* sed temere docent ac pronunciant; imo hanc sententiam ipsi ROSSETO adscribunt, qui tamen hoc nusquam praecepit; sed solum *corpus* BB, idque praecipue tantum inter *cervicem* & *corporis vesicae medium*, ubi vesica a lamina peritonaei interna libera est, ut in BB Tab. XXX. fig. 2. 3. & 4. ut supra jam demonstravi, incidi vult. Ita etiam magnus RIOLANUS l. c. tam distincte de *cervice*, *corpore*, & *fundo vesicae* differit, ut mirandum, recentiores plerosque Gallos, inter quos etiam post tam claram vesicae expositionem FOUBERTUM adhuc esse deprehendo (b) hanc, mea quidem sententia, adeo magni momenti distinctionem fere prorsus neglexisse, & *fundum* quasi rem nullius momenti, incidendum praecepisse. Angli contra plerique cum ROSSETO & mecum *corpus incidendum esse docent*, & inter alia & hoc patet ex iis etiam verbis, quae MORANDUS ex MIDLETONO Gallice vertit (c), quando dicit, *si incisio corporis vesicae satis ampla est (quand l'incision dans le corps de la vessie est suffisamment étendue)* &c.

X I I I.

Calculo eum in modum, ut N. x. proposui, educto, proximum est, ut, *Post operationem quid* digitis in vesicam demissis, Chirurgus denuo exploret, *num quid forte prae- terea intus delitescat, quod extrahi oporteat: id quod hac in methodo melius, fieri debeat.* quam ulla alia fieri potest, imo & certius. Si nihil alieni intus reliquum est, mox,

mediam, quatuor litteris BBBB interjectam; & 3. *fundo vicinam*, a B scilicet superiore ad C. In prima regione ad medium usque vesicae incisio maxime tuta est; in regione vero tertia, a B superiori ad C semper mortifera.

(a) Lib. de partu caesareo, mihi pag. 261. 271. 272. 281. edit. Paris. An. 1590.

(b) In Comment. Chirurg. Paris. Tom. I. p. 650.

(c) Traité de la Taille au haut appareil p. 99. Conf. & pag. 52. DOUGLAS. Diff. de alta operat. p. 87. & alibi. DRANIUS etiam hanc differentiam bene observat Parallèle pag. 176. 188 189. & alibi.

mox, tecto linteolo aut spleniolo vulnere, in lectum aegrotus deponitur, & vulnus deinde *primo linamentis aridis* super ejusmodi linteolo, ne linamenta carpta in vesicam incidant, *splenioque contactum* mantili quodam longo & complicato, circum abdomen injecto, leniter comprehenditur, quemadmodum scilicet fieri in abdominis vulneribus reliquis solet. *Aliquot horis ab operatione elapsis*, vulnus *linamentis carptis unguento digerente inunctis* & *emplastro contegitur*, *splenioque crasso*, aqua calcis calida, cui spiritus vini camphoratus cum lapide medicamentofo vel & sale ammoniaco admixtus est, aut oxycrato, aut vino calido cum herbis digerentibus decocto, madente, super maximam abdominis partem frequenter imposito, per mantile circum corpus injecto gnaviter deligatur. *Idem negotium* per quatuor vel quinque primos ab operatione dies vel & diutius continuatur, ne qua forte inflammatio aegrum affligat: ubi etiam, quandoque, *detecto vulnere ventri imponi potest*, ut si quid noxii intus sit, illud per vulnus effluere queat. His *diligenter observatis*, in juvenibus & pueris ceterum fanis; imo & quandoque *viris* & *senibus vegetis ac robustis*; sicut & de his nonnullae observationes prostant (a), non suppuratio solum feliciter succedit, sed vulneris quoque purgatio intra septem, novem, decem, aut duodecim fere dies absoluta esse deprehenditur. Itaque tum vulneris deligatio, copivae aut ARCAEI balsamo adhibito, semel aut bis quotidie innovatur; orisque hiantibus per imposita emplastra glutinosa eademque angusta, quam, quemadmodum alias in futura sicca fieri solet, exactissime comprehensis. Namque citius eadem applicare, non supervacuum modo sed perniciosum quoque esse existimo, quia purgationem vulneris & vesicae impediret. Super emplastra fasciam aliquam unientem injicere, vel & mantile hactenus adhibitum paullo firmitus constringere convenit, atque id ipsum tam diu facere, donec absoluta esse vulneris vesicae glutinatio advertitur, & urina per naturale iter omnis rursus profluit: ubi reliquum linamentis aridis exsiccatur. Solet autem in quibusdam aegris tertia hebdomade, in aliis autem quarta, imo & paullo serius plaga glutinari, pro diverso aegrorum habitu & valetudine reliqua.

X I V.

Quid observandum sit & ubi tale quid faciendi desiderium ostenderunt, vel etiam in latere decumbere praeferat. Simul atque surgendi, sedendi atque ambulandi facultatem aegri receperunt, vel voluerunt, ego quidem illud facere neutiquam illis prohibui, neque etiam DOUGLASIUS hoc fecit, licet sint, qui perhibent, aegris cum magna molestia semper in dorso decumbendum esse (b). Exiit inter illos, quos egomet curavi, juvenis aliquis tredecim annos natus, qui septimo jam tum ab adhibita sectione die, longi decubitus pertaesus, me inconsulto & inscio, absque noxa omni & surgere & ambulare coepit, glutinatione interim haudquaquam impedita, sed potius quarta hebdomade obtenta. In quibusdam aegris materia quaedam mucosa atque arenosa intus in vesica eam fistulam obstruit, per quam naturaliter emitti urina consuevit. Quod ipsum equidem ubi forte accidit, longe optimum erit,

(a) In DOUGLASIO Dissert. de alto apparatu, itemque in MACGILLI Observat. in MIDDLETON Libello de hac operatione & alibi recensitis.

(b) Ut DENYSIUS Observat. de calculo.

erit, aegro in alterutrum latus deposito, *aquam tepidam per colem* ope siphunculi in *vesicam compellere*, eaque materiam noxiam per vulnus expellere; vel & ejusmodi *fistulam aeneam*, qualis ab *Anatomicis* pro *vesica*, ureteribus, aliisque partibus inflandis adhiberi solet, in *colem* demittere, inflatoque spiritu mucum istum dissipare, perque vulnus ejicere. Namque hoc facto, postea urina per viam naturalem & consuetam rursus profluit. Feliciter id ipsum artificium, & primus quidem, R U N G I U S, praestantissimus Bremensium Chirurgus, idemque arte & experientia praestans, postquam prius feliciter hanc operationem Bremae a me perfici viderat, adhibuit. Quodsi calculus inter extrahendum forte frangatur, frustula vel digitis commode eximi possunt; vel si hoc fieri rite nequeat, R O S S E T U S jam perquam idoneum ferramentum, instar cochlearis angusti & peculiari modo incurvati, excogitavit atque delineavit, pag. 280. quo id apte confici ac simul fabulum, si quod adsit, emoliri poterit. Pro glutinatione quoque vulneris promovenda R O S S E T U S jam catheterem per urethram in vesicam immittendum suavit, ut per eum urina continuo effluere queat, ne per plagam exitum moliri cogatur. Imitatus hoc est M O R A N D U S catheterem brevi, atque egregiam utilitatem inde percepit. Vid. Lib. ejus de alta operat. pag. 240, itemque pag. 254, ubi specillum plumbeum immiserunt, quod D R A N I U S antea commendaverat. vid. pag. 341.

X V.

Sed ne frustra excogitata videatur alta haecce calculum extrahendi ratio, *Commoda praecipua quaedam commoda* ejus, & quibus in rebus prioribus methodis praestare videtur, paucis nunc ordine considerabimus. Et. I. quidem quia in hac operatione sphincter sive cervix vesicae, ut & urethra ac prostata glandula non inciduntur, sed integra manent, & neque a scalpello aut forcipibus, neque ab aliis ferramentis, neque ab extrahendo calculo, dum educitur, ut supra jam dixi, ulla ratione laeduntur, nec incontinentia urinae, nec fistula perinaei aut urethrae inde est metuenda; quae saepe illos, qui magno, imo etiam laterali apparatu curati sunt, affligere solent (a). 2. Quando calculus magnus aut asper, aut angulosus, vel spinosus est, id quod praeter tactum, qui digitis in anum immisissis instituitur, dolores vehementiores & urina frequens cruenta docent, cervix vesicae ac prostata in magno, imo & in laterali apparatu, vehementer dilacerantur & laeduntur, sicut & ratio atque frequens Auctorum observatio testantur, vel saltem facile ita laedi possunt; unde saepe dolores vehementissimi, inflammationes, gangraenae vesicae, convulsiones & mors subsequi solent (b): in hac vero methodo, ubi vulnus in corporis vesicae parte anteriori, mox supra ossa pubis, inciditur, quodque satis, si opus, ampliari potest, tales laesiones in cervice & urethra inde non sunt pertimescendae. Ita 3. eandem ob causam partes generationi famulantes, ut muscoli penis, glandula prostata

(a) Perspici hoc potest ex JACOBI curationibus apud MERYUM in Observat. & DIONISIUM in Chirurg. Cap. de Lithotomia.

(b) Hinc ne hoc fiat, DENYSIUS praecipit, ut statim ab operatione desistamus, si calculus angulosus vel ramosus percipiatur. p. 123. in Observat. de calculo, sed hac ratione aeger a calculo non liberatur.

prostata, vesiculae feminales earumque ductus deferentes & excretorii, laedi nequeunt; a quarum vel in magno vel laterali vel & parvo apparatu laesione homines haud raro ad generationem minus apti redduntur. 4. *Nec ureter, nec intestinum rectum, nec magna vasa sanguifera*, quae in ceteris methodis saepius & facile laeduntur, & quibus periculosa sanguinis profusio, aliaque gravia mala quandoque concitantur, in Franconica hac *offenduntur*: quia non nisi minores venulae per superiorem vesicae partem distribuuntur (a), atque intestinum rectum & ureteres quam longissime a loco plagae distant. 5. *Paucioribus fieri potest instrumentis*, quam major & lateralis apparatus, atque calculi saepe solis digitis eximi possunt, quales simplices methodi in Chirurgia reliquis magis compositis, difficilioribus & abstrusioribus ut plurimum a praestantioribus Chirurgis praeferruntur solent. 6. *Catheteribus sulcatis neque urethra neque vesica fatigatur, irritatur aut laeditur*; unde tamen saepe inflammationes vehementesque dolores productos esse TOLETUS (b) alique graves Auctores testantur. 7. Si in majori & laterali apparatu *ductores & cumprimis mas aut femina*, paullo vehementius vel profundius in vesicam impelluntur, haud raro iis vulnerata aut omnino perforata, & hoc ipso mors inducta est, ut SAVIARDUS atque ipse GARENGEOT testantur (c); id quod vero in alto & parvo apparatu non metuendum; quia his ferramentis hic non utimur, neque iis opus est. 8. Non necessarium est, ut *aegri laqueis ligentur*, & in talem formidolosam posituram, qualis in magno apparatu obtinet, collocentur (d), qua aegri meticulosi & debiles saepe, ut nonnulli notarunt, jam ante operationem fere exanimantur (e). 9. *Nulla alia in methodo tam accurate & profunde digitis in vesicam pertingere possumus*, quam in hac; adeoque *nec tam curate qualis calculus, vel quot adsint, vel qualis sit ejus situs, & qua ratione commodissime extrahantur, & an omnes extracti sint, explorare valemus*: igitur etiam omnium minime, ne quidam calculus, vel etiam aliquod saltem ejus fragmentum relictum sit, metuendum; sed omnia quam optime & curiosissime hic eximi expurgarique possunt. DENYSIUS, maximus alias methodi Rauianae laudator, tamen fatetur (f) calculos minores Rauiana methodo difficulter inveniri; atque hoc ceteris omnibus methodis commune esse. Verum alto apparatu hoc non commune est, quia in hoc facile reperiuntur: sicut hoc experientia frequens docuit, & ipse postea pag. 117. id concedit. Imo ubi calculus parvus, ut Rauiana methodo forcipe reperiri aut comprehendi nequeat, idem ab operatione desistendum esse vult p. 120. qui tamen, si alto apparatu operatio instituta fuisset, certe & facile educi potuisset: nullumque adhuc prostat exemplum, ubi calculus parvus alto apparatu educi non potuisset, atque

Chi.

(a) Unicum exemplum, ubi larga sanguinis observata est profusio, refertur a MIDDLETONO p. 43. alterumque ubi aeger inde mortuus esse dicitur; quod tamen rarissimum, & plerumque vix tantillum profunditur.

(b) Lib. de Lithotom. Cap. XIII.

(c) Tom. I. edit. 1. Cap. de Lithot. pag. 352. & SAVIARD. Obs. 37.

(d) Vid. ibid. figura Cap. XVI. pag. 128. adjuncta, & ALGHIS. Lib. de Lithotom. Tab. IX. fig. 2.

(e) Vid. WINSLOVII Epist. in Morandi Lib. de alto apparatu pag. 331.

(f) Observat. Chirurg. de calculo p. 109.

Chirurgus ab opere propterea desistere coactus fuisset: hinc profecto hac in re & magno & laterali apparatui praestat. 10. Si calculus vesicae adhaereret, sive cum ea concretus esset, quod tamen cum ROSSETO, DOUGLASIUS & multi alii negant, attamen praeter antiquiores, SIMON. Diss. de Embriulcia & Lithotomia, MIDDLETONUS & THORNHILLIUS sua experientia denuo confirmant (a), quemadmodum & ipse notatu dignum ejusmodi exemplum, una cum multis aliis vidi, manibus tetigi, & descripsi (b), digitis in vesicam immisiss ille inde saepe resolvi poterit (c). Ita & cel. PLATNERUS in Diss. de calculo ad vesicam adhaeresciente, Lips. 1737. edita, itemque Chirurghi Galli in commentar. suis Tom. I. p. 395 & seq. quamplurimis observationibus hoc confirmarunt. Aut 11. si nimis magnus, quam ut educi possit, deprehendatur, aegrum, sicut aliis methodis saepius fecerunt, ad mortem usque non torquemus; sed ab uberiori extractione & cruciatu in tempore abstinere possumus, ne aegrum crudelissime interficiamus. 12. Calculus hic non tam facile inter extrahendum frangitur, quam in majori apparatu saepe fieri solet: quia non per tam angustam viam, sed per satis amplam & patentem educitur; quae praeterea adhuc facile calculo majori cedit & extenditur: quia vesica hic longe facilius, quam in cervice ejus se diduci patitur. Et 2. si etiam frangeretur aliquis nimis mollis, digitis, cochlearibus peculiaribus aliisve idoneis instrumentis frustula facilius, quam in aliis methodis, certiusque & reperiri & educi poterunt: testibus laudatis Gallis atque Britannis. 13. Calculi longi, sed transversim positi, magno apparatu vel vix, vel non nisi difficillime & nonnisi summis doloribus & periculo extrahi possunt (d); alto vero & parvo apparatu quam facillime: quia in illo altero extremo digitis vel forcipe commodissime comprehenduntur, in parvo & laterali vero digitis vel feramentis inverti atque sic extremo, vulnere propinquo, forcipe facile ejiciuntur. 14. Si ob foveas vel plicas vesicae, quales jam RIOLANUS observavit (e), aliamve ob causam calculus apparatu magno aut laterali inveniri aut protrahi non posset, quemadmodum saepe factum est, ut supra jam exempla adduxi; vel 15. si catheter sulcatus ob inflammationem vel tumorem cervicis aut prostatae, vel dolorem nimium quem catheter multis concitat, vel ob cicatricem, duritiem, tuberculum, aut calculum in urethra vel cervice (f), vel ob praeputii nimiam angustiam sive phimosis (g), vel si aegri nimium catheterem metuunt & averfantur, vel prorsus ab eo abhorrent, qualia exempla mihi nota atque ab aliis etiam observata sunt (h), immitti non posset, tanquam extremum remedium & sacra quasi anchora esse potest apparatus altus; quemadmodum etiam hic

(a) Vid. MIDDLETON l. c. p. 44. & MORAND. Tr. de Alt. appar. p. 152.

(b) In Dissert. mea de alto apparatu p. 43.

(c) Vid. Lithotom. Douglass. Edit. II. pag. 65.

(d) Simile fere exemplum videri potest in SAVIARDI Observat. 103. pag. 427.

(e) Anthropogr. Cap. XXIII.

(f) Faustum operationis altae exemplum, ubi ob calculum, cervici vesicae impactum catheter in vesicam immitti non potuit, refert COLOTUS, infensissimus alias operationis altae hostis, in libro suo de Lithotomia pag. 45. conf. & SAVIARDI observat. p. 203. Sed hic calculus etiam parvo apparatu, & forte adhuc securius educi potuisset.

(g) Quod TOLETUS l. c. Cap. X. & XIII. notavit.

(h) Conf. Cap. 141. §. XII.

hic fuit FRANCO GREENFIELDIO, mihi & forte aliis, vel saltem adhuc aliquando esse poterit: quasque etiam ob causas variis in casibus CHESELDENUS, MORANDUS & GARENGEOTUS eam majori apparatus praefereunt (a). In pueris vero & adultis humilioris staturae etiam *parvus apparatus* in ejusmodi casibus saepe utiliter adhiberi poterit. Quod vero 16. quamplurimi inter praecipua commoda hujus methodi etiam referre velint, ac nominatim ROSSETUS & PIETREUS (b), eam *perfacilem*, imo omnium *facillimam* esse, atque tam facilem, *ut a quovis fere Chirurgiae tirone perfici queat* (c), quia rectissima & brevissima via, per tegumenta & musculos incisos, sine ambagibus urethrae, mox in vesicam pervenire possemus, tunc quidem forte solum verum est, *si vesica satis repleta* vel ab urina aliove quodam injecto *liquore probe distenta est*. Verum ubi hoc non est, nec ob graves rationes repleri potest, *profecto haud pro adeo facili*, sed sane propter spatium inter ossa pubis & peritoneum, per quod in vesicam ingredi oportet, angustissimum & facilem fundi vesicae mortalem laesionem, praesertim si quis vesicam a parte superiori ad inferiorem, hoc est, a regione urachi pubem versus, ut quidam male suadent, incidere velit, pro DIFFICILLIMA reputari jure poterit, quae *versatissimum & Anatomicum & Chirurgum requirit*; sicut id facile omnes prudentiores, qui rem rite perpendent, confitebuntur: & propterea *quamplurimi* a ROSSETO ad haec nostra tempora, qui de *alta operatione praeceperunt*, etiam *vesicae ante sectionem repletionem, tanquam rem vel absolute vel saltem summe hic necessariam commendarunt*. Hanc etiam ob difficultatem & simul perspectam necessitatem, TOLETUS, nobilis ille Lithotomus, prudenter monet (d), *ut is, qui alto apparatu calculum educere velit, plura prius in cadaveribus instituerit experimenta, & quidem* (quod notatu dignum) *etiam evacuata prius urina*; alias in difficili casu ubi vesica impleri nequit, eam rite, imo sine summo periculo mortis, instituere non poterit.

X V I.

Objectiones quaedam contra hanc methodum. Videamus tandem, antequam finem huic capiti imponamus, adhuc *nonnullas ex objectionibus praecipuis & recentissimis contra hanc methodum*, quibus forte alias non satisfacimus, easque ea, qua par est, *modestia, non altercandi, sed solum veri & incrementi Artis Lithotomicae amore excutiamus*. DENYSIUS, Chirurgus. nuper Lithotomus Leidensis, qui RAUVII primo, dum viveret, minister fuit, postea vero ejus in Arte Lithotomica successor factus est, & tandem strenuus ejus methodi defensor, ait (e): *apparatum altum in plurimis, multas*

(a) Vid. Hist. Acad. Regis Paris. An. 1728 & GARENGEOT Operat. Chirurg.

(b) In Diff. An ad extrahendum calculum diffecanda ad pubem vesica? Parisiis 1635. edita ubi ait: *diffecandae ad pubem vesicae & ex ea calculi eximendi ratio perfacilis est*.

(c) Ita Chirurgos nonnullos Parisienses perhibere refert WINSLOUS in MORANDI libello saepius laudato pag. 329. sed male.

(d) Lib. de Lithotom. cap. XIII. p. 113.

(e) In Observ. Chirurg. de Calculo & Lithotomia An. 1731. edit. in praefat. p. 4. in qua praefatione etiam asseverat, se Librum hunc suum evulgare, *ut illorum, quae in praxi Lithotomiae Rauianae observaverit, orbem participem redderet*, idemque in exordio pag. 2. repetit; verum hoc non fecit. Nam Rauianam methodum prorsus non describit, id quod tamen, quia pro-

multas ob rationes, esse impossibilem, & eos, qui alto apparatu liberari a calculo nequeunt, sua, id est, *Rauiana methode*, liberari posse. Sed voluisssem, ut demonstrasset primo multos illos casus, in quibus haec operatio, ut perhibet, esset vel fuisset *impossibilis*, & deinde ut exemplo vel unico probasset, ubi scilicet calculus apparatu alto educi non potuisset, qui deinde *Rauiana vel laterali sectione* eductus fuisset. Mihi profecto ejusmodi exemplum haud constat. Contra jam supra indicavi, me in duobus aegris calculos apparatu alto eduxisse, quos laterali, licet forte haud mediocriter & in hoc versatus fuerim, in perinaeo extrahere non potueram. Ita & exempla refert DENYSIUS, ubi ipse RAUIUS calculum educere non potuit (a): aliudque, ubi id praestantissimo quondam Lithotomo Amstelodamensi BORTELIO, a quo saepius hanc operationem, magno apparatu peractam, dexterrime perfici vidi, accidit (b). Concedit quidem apparatu alto nonnullos & cumprimis pueros, a calculo, praesertim si parvus esset, liberari posse; (adeoque eum ipsum non prorsus contemnit) sed non omnes. Verum hic rursus moneo, mihi nullum hucusque exemplum innotuisse, ubi aeger, apparatu alto, ubi institutus est, a calculo liberatus non fuisset, aut ab exercitato magistro liberari non potuisset, quamvis etiam calculi satis magni fuerint (c): adeoque hoc primum fuisset probandum. E contrario quam plurima nota sunt exempla, ubi ceteris methodis educi non potuerunt.

X V I I.

Opponit praeterea operationem, quae apparatu alto fit, diuturniorem laterali esse (d). Sed si vesicae impletionem excipis, utpote quae ad sectionem sive ipsum sectionis actum proprie non pertinet, sed ad antecedentia, & praeparationem sectionis, imo quae etiam non semper, ut supra ostendi, absolute hic necessaria est, sectio & extractio calculi sane aequae cito saepe fieri possunt, quam laterali & magna, si modo res rite instituatur & nullum notabile impedimentum incidat. Nam & in magno & laterali apparatu difficultates aut impedimenta subinde incidunt, quae operationem diuturniorem efficiunt atque quam maxime prolongare solent, sicuti ipse DENYSIUS nonnulla ejusmodi exempla & observationes refert (e). Imo asseverare audeo, casus saepe incidere, ubi alto apparatu operatio citius est absoluta, quam laterali: v. g. si calculus in foveam quandam (f), vel in partem dextram aut superiorem vesicae, vel sub ossa

promiserat, expectabam, ipseque forte optime potuisset. Sed solum toto Libro evincere conatur, eam ceteris praestare, RAUIUM ejus esse inventorem, seque ea feliciter uti.

(a) Ibid pag. 69. & 71.

(b) Pag. 91. 92. imo & in praefatione ad COLOTTI Librum de Lithotom. pag. XLIII. exempla magni apparatus indicantur, ubi post sectionem calculos reperire non potuerunt.

(c) Vid. Tab XXXII, fig. 6. & figurae in Diss. nostra de alto apparatu: imo HILDANUS DOUGLAS. CHESELDEN, DRANIUS, MORAND. alique hunc pro calculis magnis aptissimum judicant.

(d) In praefat. p. 5. & libro ipso pag. 99.

(e) Loc. cit p. 57. ubi asseverat, RAUIUM tres horae quadrantes in calculo quodam inquirendo & extrahendo consumisse, conf. & p. 69. 71. 90. 91. ut exempla a me SERMESIO in Lithot. Douglass. aliisque observata nunc taceam.

(f) Quales in vesica, quam ego in cadavere quodam inveni, Tab. XXXII. fig. 1. & 2. conspiciuntur, & a RIOLANO aliisque notatae sunt.

ossa pubis, sese subduxit, vel ubi parvus est. Nam quia digitis ad omnes partes interiores vesicae, ut supra dictum est, pertingere, adeoque calculum, ejus situm & magnitudinem rectius digitorum tactu quam omnibus ceteris modis cognoscere possum, praesertim si minister digitis in anum insertis vesicam cum calculis contentis fursum pellit, eamque sustinet, *facili saepe negotio solis digitis*, ut DOUGLASIUS, CHESELDENUS, MORANDUS, ego, *aliique experti sumus*; alias vero, si major, unco vel forcipe in auxilium vocato, educi potest; qui in laterali vel magno apparatu haud raro diu frustra investigatur & quandoque adhuc longius tempus, donec comprehendi & educi queat, requirit; quia quilibet forcipe in his non nisi, ut coecus, in tenebris palpando, calculum quaerere & quasi forte fortunaprehendere cogitur (a). *Digitos vero in apparatu alto ad omnes, imo ad partes etiam infimas usque vesicae elevatae inferere*, iisque certius & accuratius calculos, eosque etiam exiguos invenire, comprehendere & educere valeo; ubi magno & laterali apparatu, praesertim parvi, tam facile & tam certe deprehendi educive, sicut ipse innuit (b), saepe nequeunt. Praeterea, ut DOUGLASII, CHESELDENI, MORANDI aliorumque observationes nunc taceam, ut plurimum haec operatio satis cito mihi successit, quamvis calculos satis magnos, quales nimirum supra modo indicavi, imo & satis asperos extraxerim.

XVIII.

3. *Eam esse magis dolorificam.* Postea asseverat DENYSIUS operationem altam laterali magis esse dolorificam (c). Verum nec hoc certum est, illudque observare haud potui. E contrario vidi aegros & inter hos etiam pueros, qui alias haud leviter vociferantur, tam levia doloris signa in hac operatione edidisse, ut vix clamaverint. Fateor quidem, quod, quo major & inaequalior calculus fuit, eo majores ut plurimum dolores aegri senserint; verum hoc omnibus methodis commune est. Interea tamen magnorum illorum calculorum, qui in Diss. nostra de alto apparatu fig. 1. & 2. exhibentur, extractio, tam lenis aegro illi visa est, ut dolores ejus vix, si cum calculi doloribus eos comparaverit, pro doloribus reputaverit. (vid. si lubet, hujus Diss. pag. 43).

XIX.

4. *Eam in parvis vesicis fieri non posse.* Deinde perhibet eodem loco, apparatus altum in omnibus & praesertim etiam pueris, & juvenibus, ob vesicas parvas adhiberi non posse. Sed respondeo, ubi & in quibus haecenus a peritis adhibita est, ac praesertim juvenibus, imo pueris trium etiam vel quatuor tantum annorum, aut etiam minoris adhuc aetatis (d), ea fieri non solum potuit, sed facta quoque est & plerumque feliciter: sicut scripta DOUGLASII, CHESELDENI, MIDDLETONI, MORANDI, & mea hac de re satis evincunt. Existimat tamen, & potissimum

(a) Fatetur id ipsum DENYSIUS pag. 91. & hanc ob causam ad altum apparatus tentandum impulsus sum, licet reliqui mihi probe essent perspecti.

(b) Loco citato pag. 55. 90. eamque ob causam etiam operationem differre jubet.

(c) L. cit. pag. 99.

(d) Conf. praefat in COLOTI Lib de Lithot. pag. XXXVII. qui infantes XVIII. menses natos se hac methodo secasse asseverat.

pag. 99. & seq. ad pag. 105. cum GARENGEOTO (a) & nonnullis aliis vesicam necessario eousque aqua distendendam esse, ut supra os pubis multum ascendat, hoc vero in parvis & crassis vesicis fieri non posse, ideoque hunc modum in omnibus non succedere. Fateor quidem in magnis & probe distentis vesicis operationem hanc promptius & securius fieri posse; dixi vero jam supra, tantam vesicae extensionem, si commode fieri nequit, non esse absolute necessariam, si modo quis artificium in vesicam modice etiam tantum distentam (b), vel etiam prorsus collapsam perveniendi, quod supra descripsi, recte novit, sic ut vitium hoc non methodo, sed artificio hic non satis apto sive exercitato sit adscribendum. Ita enim in omnibus illis exemplis, quae supra recensuimus, ubi calculus, facto prius vulnere in perinaeo educi nequivit, itemque in FRANCI & ROSSETI nulla facta est vesicae repletio, & tamen ex collapsa vesica, sine fundi aut peritonaei laesione, calculi feliciter extracti sunt. Sic quoque PROEBISCHIIUS, Chirurgus Prussicus, prout in Diff. de alto apparatu pag. 53. descripsi, & ego aliquoties calculos hac methodo e vesica sine ulla liquoris injectione, sed compressa solum blande urethra & retenta aliquamdiu, post potum largum infusi Theae, urina, feliciter & facile eduximus (c): ut taceam BERRIERI exemplum a MORANDO descriptum (d), aliaque, ubi puero quatuor annos nato, ob vehementes clamores vesica liquore extendi non potuit; attamen vesica rite est incisa & calculus feliciter extractus.

X X.

Denique pag. 101. objicit, impleta vesica penem vel vehementer digitis vel ligamento aut funiculo esse comprimendum, ne liquor effluat, antequam vesica sit incisa: inde oriri tumores, inflammationes, aliave pericula. Verum nulla talia mala, quantum mihi constat, adhuc inde sunt observata; quia blanda, vel saltem non nimis vehemens compressio, urethram satis comprimit, ne liquor in vesica contentus effluere possit: id quod inprimis etiam commodissime praestiti, ut supra jam dixi, eo ferramento, quod Tab. XXVI. fig. 9. ad urinae incontinentiam proposui. WINSLOVIUS ferramentum in hunc finem commendat, quod NUCKIUS in operat. Chir. fig. 11. delineavit (e), quod & in nostra Tab. XXVI. fig. 10. prostat. Tandem etiam tradit, quod aegri, alto apparatu secti, cogantur semper supini decumbere. Sed hoc ita non est; nam in latere, imo in ventre etiam, si lubet, decumbere subinde possunt: quin, ut hoc faciant, DOUGLASIUS, MORANDUS, WINSLOUS alique, praesertim suppuratione facta, pro glutinatione vulneris promovenda, potius suadent & praecipiunt. Postremo objicit, frustra calculi & arenulas majori incommodo hac quam laterali methodo tolli, pag. 108 & 116. Sed praeterquam quod calculi in hac methodo, ob magnam satis plagam, quae hic fieri plerumque potest, & ob

(a) Operat. Chirurg. p. 280. Tom. II. & alibi.

(b) Agnovit hoc quoque Autor praefationis COLLOTI Libello de Lithotomia praefixae p. 37.

(c) Hunc modum vesicam urina implendi, valde quoque commendat WINSLOVIUS in MORANDI Lib. de alto apparatu, p. 319. inprimis si aegri diuturniori retentioni per aliquot dies sectionem praecedentes assuescant.

(d) Eodem Lib. de alto apparatu pag. 250. 260.

(e) Eodem Lib. pag. 320.

& ob minorem vim in extrahendo, dum solis saepe digitis extrahi queunt, rarius frangantur, ego potius arbitror, ut supra jam demonstravi, in nulla alia melius & commodius frustra, si quae sint, aut minores calculi, qui, *fatente ipso DENYSIO, difficulter laterali & magna operatione protrahuntur*, pag. 119. 122. tolli posse: quia digitis, elevata cumprimis vesica per ministri digitos ano immisos a parte inferiori, quam facillime percipi, prehendi atque vel his solis, vel idoneo cochleari, ad similitudinem ROSSETI conformato, aliisve feramentis eximi possunt; *quod in nulla reliquarum methodo*, sicut omnes quoque, qui de hac re scripserunt, uno ore fatentur, *tam commode ac tam certe perfici posse existimo (a)*. Ita quod pag. 118. asseverat, *homines alta operatione curatos urinam diu continere non posse*, & meae & aliorum experientiae, qui de hac re consuli possunt, repugnat. Ceterum omnia illa commoda quae hic Auctor laterali sive Ravianae sectione, pag. 119. adscribit, etiam altae merito tribui possunt: atque ipse etiam DRANIUS fatetur, hac methodo *calculos majores securius, quam magno apparatu (b)*, educi posse: imo & CHESLEDENUS, teste MORANDO, ob varia commoda eam magno apparatui praefert.

X X I.

Ubi alta o-
peratio mi-
nus conve-
niat.

Sed ne quis existimet, me altam hanc calculum educendi rationem solam commendare aut adhibendam semper promiscue velle, & reliquas contemnere, paucis quoque nunc indicabo, ubi eam minus convenire censeam. Et primo quidem experientia & mea & aliorum didici, eam *in senibus plerumque imo & in iis, qui trigesimum jam annum superarunt*, ut plurimum ratione curationis non tam bene succedere, quam in pueris & juvenibus, & plerosque illorum, calculo licet facile extracto, mori, quemadmodum hoc ex MIDDLINGTONI Lib. de Lithotomia & DOUGLASII Dissertatione de alto apparatu, ut alios nunc taceam, uberius patet; ubi in primis SMITHII verba notatu digna sunt, pag. 91. qui scribit; *omnes qui annum 30 vel 40 superaverant, in quibus hanc operationem instituerat, uno excepto, mortuos esse*. Ego quatuor, qui hos annos excefferant, hac ratione secui; sed omnes mortui sunt. Deinde vix aut rarissime ii evadunt, qui morbis aliis, & praesertim ulcere renum aut vesicae, vel tabe jam valde debilitati sunt, itemque qui schirrho vesicae laborant; omnes enim, qui de hac operatione haecenus scripserunt, sectionem, quae in perinaeo instituitur, his in casibus illa praestare asseverant: quia vesica melius & purgari & plaga ejus facilius consolidari posset (c), atque simul experientia, rerum optima magistra, hanc sententiam confirmasset. Denique in vesicis parvis, quae ex pauca urinae copia, quam continere possunt, & ex difficili catheteris in vesica motu cognoscuntur, *difficilius longe altus adhibetur apparatus, quam in amplis*, (quas ex contrariis dijudicamus indiciis). Adeoque nisi necessitas id urgeat, & quis in collapsis etiam vesicis, sine peritonei & fundi vesicae laesione aperiendis, probe non sit exercitatus, aliam potius, cui certius confidet, methodum sibi eligat, autor sum. Interea ta-

men

(a) Conf. in primis MORAND. de alt. appar. p. 289.

(b) Parallèle pag. 191. 192.

(c) Vid. MORAND. p. 280. DRANIUS Parall. p. 181.

Fig. 5.




Fig. 2.




Fig. 4.



Fig. 3.





Fig. 6.



men in omni parva vesica, ut nonnulli perhibent, non est impossibilis, quemadmodum jam supra §. XIX. docui, & nisi me omnia fallunt, evici. Manifestum vero est ex his, quod pro diversitate aegrorum, vesicarum, calculi aliarumque rerum una methodus prae altera nunc minus, nunc magis conveniat, & quod propterea Chirurgus omnes rite callere debeat. Si quis forte plura, ad Lithotomiam altam spectantia, nosse aut legere cupit, is virorum expertissimorum ROSSETI, DOUGLASII, CHESELDENI, MIDDLETONII, MORANDI, DRANII imo & GARENGEOTI de hoc ipso argumento scripta consulat, addita, si placuerit, nostra Dissertatione illa, quae jam anno 1728. de alto apparatu Helmstadii a me in lucem est emissâ: ubi plura, quae ad eam pertinent, invenire poterit.

Explicatio Tabulae trigesimae.

Fig. 1. 2 & 3. ex CHESELDENI Libello Anglico de alto apparatu, ad vesicae habitum, quando liquore est distenta, demonstrandum mutuatae, ad operationem hanc tanto melius illustrandam atque intelligendam. Quia vero prolixè fatis N. IX. hujus capitis explicatae sunt, ob molestam repetitionem evitandam lectorem illuc ablegare volumus.

Fig. 4. ostendit quoque abdomen apertum: sed in ipso vesicam eo in statu, quando parum vel leviter tantum, sive ab urina, sive ab alio liquore diducta est, ut pateat, quam exiguum tunc sit spatium inter ossa pubis, & fundum vesicae, peritoneo tectum, AAA, per quod tunc in vesicam, BB, intrandum. Ueberior vero explicatio eodem loco videri potest.

Fig. 5. fistula designatur, per quam vesica pro hac operatione liquore commode impleri potest, quoque ex CHESELDENO deprompta. AA, catheter cavus est argenteus, & rigidus, qui per urethram in vesicam demittitur. B, foramen in utroque latere, per quod liquor injiciendus vesicam intrat. C, tubulus aeneus siphoni proprio adaptandus. DDD, fistula flexilis vel ex corio, vel ex uretere bubulo constans, qua mediante catheter & tubulus aeneus rigidus ea ratione conjunguntur, ut injectio minus dolores curando inferat, quam si tota, ut ROSSETI fistula, esset rigida. E, locus, ubi fistula flexilis cum cathetere ope fili firmiter, juncta, & simul transversus clavus est, qui pro habena inservit, ut commodius, dum injectio fit, catheter immobilis, ob dolores evitandos, contineri queat.

Fig. 6. Pera sive marsupium exhibetur, cum ferramentis ad Lithotomiam necessariis, certo ordine dispositis, qualis a Lithotomis quibusdam praecingitur, ut in Tab. XXIX. fig. 9. in persona B conspicitur, & qua etiam RAUUS semper usus est: quo instrumenta haec ipsis mox ad manum sint, nec opus sit, ea prius ab adstante forteque minus attento ministro petere. AAAA est ipsa pera; BB, Instrumenta certo ordine in ea disposita, CC, Valvula sive operculum, quod jungi potest nodulis DD, atque sic instrumenta occultari, ne aeger ea videat, eaque ipsi horrorem incutiant; EE, funiculi, quibus circa ventrem firmatur.

C A P V T CXLIII.

De artificiis a Fratre Jacobo (Frère Jaques) in calculi sectione adhibitis: itemque de methodo Rauiana & laterali hodie dicta.

I.

Qualis homo fuerit, qualiterque a Parisinis exceptus sit Jacobus Frater.

Quandoquidem nova ista, quam circa superioris seculi finem famosus ille Lithotomus, Frater JACOBUS dictus, frequentare sustinuit, calculum secandi ratio, omnium tunc oculos in se convertit, atque etiam nunc rursus *hisce temporibus multum rumoris atque negotii Medicis ac Lithotomiae Professoribus* facessit, haud omnino abs re facturi nobis videmur, si illius hominis studia atque fata praecipua, quae ad notitiam nostram pervenerunt, una cum novis illis, quae inde orta sunt, artificiis chirurgicis describerimus. Nempe annus supra millesimum & sexcentesium nonagesimus circiter septimus agebatur, quum obscurus aliquis idemque miserrimus Monachus, sive Eremita, ut a nonnullis vocatur, FRATER JACOBUS, (*Frère Jaques* Gallice vulgo dictus a), apud Parisinos ex remotioribus Galliae provinciis adventaret, vili vestitu, paucissimo vilissimoque victu contentus, pecunia omni destitutus; sed animi tamen candore & simplicitate, quemadmodum Galli Auctores referunt, commendabilis (b). Hic nemini fere non promptam suam eandemque tutam & a Chirurgis adhuc dum ignoratam, calculos e vesica excindendi artem suam, una cum quamplurimis de feliciter confecta calculi per scalpellum curatione variarum provinciarum gallicarum testimoniis ostentabat afferebatque. Pretium laboris nullum, vel saltem perexiguum, quantum scilicet instrumentis atque calceis reparandis vel resarciendis sufficeret, poscebat. Tandem is, cum ipsi sectionem permittere mox recusarent, ad Medicos regios Chirurgosque praecipuos Parisienses accedebat, hosdemque, ut hominum calculosorum, in urbe & magnis nosocomiis passim decumbentium, per novam artem suam curandorum potestatem sibi facerent, postulabat. Quod ipsum equidem ne absque ratione videretur facere, eum praecipue in finem Parisios venisse, ut meliorem quandam calculos excindendi rationem ipsos doceat, graviter is asseverabat. Aequissimam hanc, qualis quidem FRATRI JACOBO videbatur, conditionem, non sine maxima ipsius indignatione, Chirurgi & cumprimis Lithotomi Parisini, initio spernebant, tandem autem, cum instaret, novitatis &, ut dicunt, curiositatis gratia, experimentum aliquod in cadavere, calculo prius in vesicam injecto, ut fieret, mittebant.

II. Ca-

(a) Ejus cognomen BEAULIEU fuisse quidam Autores referunt, & patriam Vesontium, Besançon in comitatu Franciae, (*Franche-Comté*); alii, Beaufortium, Beaufort, oppidum prope Vesontium.

(b) Historiam hanc prae ceteris satis bene descripserunt MERYUS in *Observat. de methodo calculum e vesica excidendi Fratris JACOBI*; itemque DIONISIUS in *operat. Chirurg. suis*, artic. de *Lithotomia*. Interea tamen, quia valde manca adhuc est atque imperfecta, ego, conquisitis jam adminiculis quam plurimis, longe perfectiorem seorsim edere in animum induxi.

I I.

Cadavere accepto, FRATER ille JACOBUS, quamplurimis Medicis atque Chirurgis praesentibus, hunc fere in modum calculi sectionem instituebat. Primo, cadavere in tabula resupinato, & ut in praecedenti methodo moris est, detento, *catheterem aliquem ferreum teretem sive rotundum*, haud *sulcatum*, in vesicam, consueto modo; demittebat (a), ejusdemque subsidio in sinistram perinaei partem vesicam deprimebat. Deinde *per scalpellum quoddam lithotomum*, *vulgari longius*, plagam juxta perinaeum, sed paulo aliam, quam quae fieri communiter solet, faciebat. Namque is scalpellum, *parti ano proximae admotum, sursum versus ita ducebat*, ut *linea quadam recta*, binos circiter latos digitos in sinistro latere a perinaei sutura remota, quoad altitudinem vero ad mediam ferme perinaei partem *oblique ascendente*, quicquid cutem inter & catheterem positum erat, fere ut in parvo apparatu una cum *cervice vesicae*, imo & *ipsa vesica proxima*, sed salva tamen manente urethra reliqua, concideret. Tum, *digito per vulnus in vesicam demisso*, *calculum ejusque situm explorabat*. Eo facto, ferramentum aliquod, *cocleari oblongo haud multum ab- simile*, ad instar ductoris, itidem per vulnus in vesicam deprimebat; immis- saque hujus ductu forcipe aliqua calcularia a consuetis non multum diversa, ductorem istum retrahebat. Denique calculum intus haerentem hac forcipe prehendebat, eundemque, cathetere tunc demum retracto, quam promptis- sime cum plerorumque admiratione protraherebat; quanquam is magnitudine sua gallinae ovum ferme adaequaret.

I I I.

Confecta hunc in modum operatione, *incisoque a Chirurgis cadavere*, depre- hensum est, primo perinaei cutem cum subjecta pinguedine, ad binorum circiter digitorum latorum amplitudinem, a novo isto Lithotomo fuisse conci- sam; deinde *plagam istam inter binos penis musculos, erectorem videlicet atque ac- celeratorem*, in sinistro perinaei latere, ipsis musculis salvis existentibus, *ad usque vesicae cervicem sive collum penetrasse, tandemque ipsam vesicam, ad pollicis amplitudinem*, linea recta perforatam, sicut in parvo apparatu fieri solet, at- que per id ipsum foramen calculum eductum fuisse. Igitur rebus hisce pro- be perpensis abesse vix poterat, quin vel *prudentissimorum etiam Medicorum a- liqui statuerent*, & cum primis MERIUS, unus ex primariis tunc Chirurgis Parisinis, *novam hanc JACOBI lithotomiam*, communi calculum per majorem apparatum excindendi ratione, *longe utique praestantiorum esse*, minorique cum periculo conjunctam. Quoties enim cunque apparatus major adhibe- tur, necessarium utique est, ut non urethra solum incidatur, sed vesicae quo- que collum angustum & sphincter, una cum glandula prostata violenter & insigniter diducatur, imo laceretur, tandemque calculus, praesertim si paul- lo major est, per id ipsum foramen, adhibita violentia maxima atque haud si-
ne

(a) Hunc catheterem vulgaribus ampliorem, sive crassiorum, fuisse nonnulli referunt; quem ta- men facillime in vesicam demisit. Vid. BUSSIERII relatio in Act. Angl. a. 1699. & DOU- GLAS. Hist. operat. lateral. p. 19. &c.

ne laesione aut laceratione praedictarum partium protrahatur. *Interim quia Chirurgorum expertissimorum, praesertim lithotomorum, plerisque istaec nova operandi ratio, quemadmodum circa res novas fieri solet, displicebat, mirum non est, quod JACOBO in homine vivo eandem adhibere haud permittere voluerint.*

I V.

Jacobus homini vivo calculum excindit.

Itaque JACOBUS indignabundus a Parisiensibus ad aulicos atque Medicos regios, qui tunc temporis in villa regia, *Fontainebleau* dicta, cum Rege degabant, discedebat, hosdemque & litteris commendatitiis, & testimoniis, & exemplis eorum, quos feliciter ipse sua methodo a calculo alibi liberaverat, commovebat, ut novam istam curandi rationem in juvene quodam sutore, novendecim annos nato, vesicae calculum sentiente, instituere permetterent. Dictum factum. JACOBUS hominem istum calculosum, Medicis atque Chirurgis regiis praesentibus, ita feliciter atque prompte, praedicta illa ratione, a calculo liberabat, ut, non sine maxima omnium admiratione, vix tribus septimanis elapsis, aeger iterum ambulare per plateas quam commodissime posset, nullumque malum gravius, quemadmodum fieri haud raro in istiusmodi curationibus solet, persentisceret.

V.

Maximamque sibi laudem hac re conciliabat.

Faustissimo illo curationis specimine omnium fere imo & ipsius Regis oculos in se convertebat JACOBUS, efficiebatque, ut plerisque Parisiis etiam videretur Medicus, a clementissimo Numine eum in finem humano generi concessus, ut novam aliquam eandemque ceteris longe praestantiorum calculi excindendi rationem instituat doceatque. Proinde quum is vere anni 1698, venia Regis instructus ad Parisinos rediret, hominibusque calculosis quamplurimis manum medicam adhiberet, tanta semper spectatorum confluebat copia, ut milites tandem ad cohibendam atque abarcendam hominum turbam essent adhibendi.

V I.

Ejus agentis modus.

Nequis autem forte ignoret, qualiter homines calculosos JACOBUS tractaverit, sciendum est, nullam omnino, neque sanguinis per venas emissionem, neque alvi expurgationem, neque victus ullo regimine, aegrotantium praeparationem fuisse institutam; quemadmodum equidem alias in istiusmodi curationibus a prudentioribus Medicis fieri consuevit. Porro vincula nulla pro ligandis aegris, ut alias mos est, adhibebantur; sed homines aegri super mensa quadam refupinabantur, reductisque versus nates pedibus, ab aliquot solum ministris robustioribus continebantur. In ipsa calculi educatione, quemadmodum DIONISIUS (a) alique referunt, usque adeo improvidum fere semper atque crudelem sese noster gerebat, ut vel maxime intrepidi etiam Chirurghi horrescerent, miserorumque hominum illorum, qui JACOBI manum experiebantur, vicem dolerent (b). Similiter vulneris inflicti deligationem victusque rationem, calculo

ex-

(a) In Chirurg. sua, cap. de Lithotomia.

(b) Idem testantur LISTERUS, Medicus Anglus, in Itinere suo Parisino, p. 237. Lond. 1699. 8 edito; itemque MERIUS in Observat. de Lithot. LAUNAY Diss. de la Pierre, in praefat.

extracto ita parum JACOBUS curabat, ut curam istam ipsi suadentibus respondere solere: *sufficit, me calculum misero eduxisse; Deus ipsum sanabit (a).* Feminas calculosas eadem, atque masculos, ratione tractabat, sed fere semper, & quasi re bene gesta, uteri vaginam simul concidebat, perhibendo, vulnera haec nullius esse momenti.

V I I.

Ut quis igitur aequum & accuratum de Jacobaea ista Lithotomia judicium ferre queat, necessarium utique videtur, adhibitae curationis illius exitum quam diligentissime circumspicere. Scilicet parum plerumque feliciter a JACOBO susceptae curationes successerunt. Namque si vera sunt, quae MERIUS, celebris eo tempore apud Parisinos Chirurgus, in singulari de hoc ipso argumento modo laudata commentatione gallica, anno 1700. Parisiis in lucem edita, scripsit; *e sexaginta hominibus calculosis*, quos dicti anni ejus vere Parisiis curandos JACOBUS susceperat, *quinque & viginti exspirarunt*, tredecim confecerunt, reliqui aut fistulam aliquam, aut urinae incontinentiam post confectam curationem senserunt. Quin & DIONISIUS, itidem celebris apud Gallos Chirurgus in Institutis suis Chirurgicis septem post modo laudatum MERIUM annis scriptis (b), suo tempore plus, quam *dimidiam adhuc aegrotantium*, quos JACOBUS a calculo liberaverat, partem adhuc postea ex variis symptomatibus esse extinctam; quid quod *Jacobaeam calculos exscindendi rationem usque adeo crudelem atque imprudentem extitisse*, ut mirum videri haudquaquam deberet, si aegri ad unum omnes exspirassent. Atque ut majorem dictis suis fidem faceret DIONISIUS, in exemplum quoque adduxit *sutorem illum juvenem*, quem, ceu supra scriptum est, Jacobus in arce regia Fontainebleau a calculo liberavit. Qui tametsi admirabilem JACOBO nominis celebritatem conciliavit, tamen non *fistulam modo in perinaeo semper retinuit*; sed *continuum quoque inde talem corporis sensit imbecillitatem*, ut tandem necdum elapso biennio miseram vitam cum morte commutaverit. Contra vero, quemadmodum idem DIONISIUS memorat, ex *viginti duobus aegris*, lithotomiam eodem vere, sed aliorum Chirurgorum ministerio expertis, *tres tantummodo perierunt*, reliquis fere omnibus in vigorem pristinum quam felicissime restitutis (c).

V I I I.

Incisis atque exploratis illorum cadaveribus, quibus JACOBUS calculum exsciderat, deprehensum est, modo laudatis Auctoribus testibus, *vesicam haud raro ab urethra prorsus rescissam* extitisse. In aliis *cancer sive sphacelus vesicam* Cadaverum inspectio quid docuerit.

fat. & cap. XI. XII. atque SAVIARD. in Observ. Chirurg. p. 454.

(a) Je lui ai tiré la pierre: Dieu le guérira.

(b) Anno nimirum 1707. Paris. 8.

(c) Varias alias observationes huc spectantes in descriptione modo jam laudati itineris sui Parisiensis suppeditavit celeb. iste Anglorum Medicus, LISTERUS, utpote qui eo tempore Parisiis degit, quum FRATER JACOBUS in his ipsis operationibus instituendis laboraret: cujus viri & libri Scriptores recentiores plerique, & cum primis omnes Galli, nullam prorsus mentionem fecerunt.

sicam atque *intestina* occupaverat. Rursus in aliis *penis muscoli*, *nervi*, *vasa* denique *sanguifera* *scalpello* *resecta* erant. In quibusdam *elevator ani cum vasis hypogastricis* *dissectus* *reperiebatur*. In aliis *vesicae pars illa, quae abdominis cavum respicit*, bis, ter vel quater etiam *perforata* *sentiebatur*. Rursus in aliis *vesicae vulnus* *inaequale* *admodum* erat, atque hinc inde quasi *laceratum & distortum*. Denique in nonnullis *intestinum rectum simul erat concisum*; indeque ratio patebat, quare *stercus* per *vulnus* *effluxerit*. In quibusdam *feminis*, quibus *lithotomiam* *JACOBUS* *adhibuerat*, *uteri vagina simul cum vesica atque intestino recto incisa* *deprehendebatur*. Ut proinde *mirum* non esset quod earum aliquibus *alvi feces* per ipsam *uteri vaginam* *profluerent*. Nonnunquam sub ipsa operatione, propter *vasa sanguifera ampliora*, quae *juxta posita* *erant*, *dissecta*, usque adeo *gravis suborta* *memoratur sanguinis profusio*, ut *aegri statim* sub ipso *ferro* vel tamen paullo post *exspiraverint*.

I X.

In quonam
praeterea
Jacobus
aberrave-
rit.

Neque vero, ut *laudati viri* *observarunt*, *in eodem semper loco vulnus instituere*, pro *extrahendo calculo*, *JACOBUS* *consuevit*; sed eam quandoque *perinaei partem* *concidere* *sustinuit*, quae parte altera, quam in aliis *perforaverat*, *binis pollicibus* aut *altior erat* aut *depressior*. Ut proinde *abesse* *haud potuerit*, quin propter *inconstantiam & negligentiam suam modo hae, modo istae corporis partes* *damnum aliquod senserint*. Deinde, quod maximum solet esse *Chirurgicae Artis impedimentum*, *ab instrumentis chirurgicis usque adeo imparatus erat JACOBUS*, ut *novaculam vulgarem* quandoque pro *scalpello suo lithotomo*, ad *exscindendos calculos* *accommodato*, *applicaverit*. Quin egomet a *Batavis*, dum in *Hollandia commoratus sum*, jam an. 1706. *relatum accepi*, *JACOBUM nostrum*, postquam ex *Gallia in Bataviam adventasset*, ibique multos a *calculo liberandos suscepisset*, aliquando, *deficiente scalpello proprio, cultrum aliquem communem*, quo homines in cibo *capiendo vulgo utebantur*, eundemque *fatis retusum* ad *exscindendum calculum* *adhibuisse*; adeoque *curationem suam* *ita plerumque instituisse*, ut non potuerit *non incommodis atque periculis gravissimis* homines *miseros exponere*. Idem quum *Parisiis adhuc degeret*, *juvenem aliquem calculosum*, ut *ut calculus in urethra post scrotum in perinaeo haerescere adverteretur*, tamen *more suo consueto*, hoc est, *ita tractasse*, ut *partem ano proximam* *inciderit*; quum tamen *longe commodius atque promptius*, sicut alii *prudentes Chirurghi* *facere consueverunt*, *extrahi calculus*, *parvo apparatu tunc temporis valde neglecto atque contempto*, per *vulnus eo loco perinaei factum* *potuisset*, in quo *haerescere sentiebatur*. Qui quidem *operandi modus vel maxime demonstravit*, *JACOBUM* *nihil minus, quam rationem atque prudentiam*, *certumve locum aut certam prudentemve methodum* in *curationibus suis* *adhibuisse*; sed *temeraria & empirica tantum ratione egisse*, quemadmodum forte apud *circulatorem quendam* *vidit*. Quod ipsum equidem eo minus *mirandum videtur*, quod *is rerum Anatomiarum atque artificiorum Chirurgicorum fere omnium prorsus ignarus esset*; nisi quod *herniis etiam scalpello curandis*, quoties *occasio se offerret*, sed cum *testiculi jactura*, *manum admoverit*. Verum, quia in hac *curatione pessimo histrio-*
num

num sive celotomicorum vulgarium more, qui orbem pervagantur, sine necessitate, in pueris etiam testiculum semper exscidit; hac ipsa imprudentia sua satis superque declaravit, sese artem suam omnem ab histrione forte aliquo sive empirico accepisse: nam ubi artem suam didicerit, nusquam, quod novi, tunc temporis, ulli revelavit (a).

X.

Calculosis quamplurimis usque adeo imprudenter atque infelicitè tractatis, JACOBUS ipsoque tandem Duce bellico tunc valde celebri, Mareschallo de LORGE, Parisiis male audire altera statim post confectam sectionem die diris cruciatibus extincto, FAGO-^{coepit.} NIO autem Archiatro per MARESCHALLUM, Chirurgum prudentissimum servato, abesse vix poterat, quin JACOBUS, conversa velut in ignominiam gloria, quam maxime ignarus atque imprudens Chirurgus a plerisque Parisiis pronunciaretur. Quo facto is, relicta Lutetia, alias postea Galliae provincias, deinde Bataviam, & cumprimis Amstelodamum & Lugdunum Batavorum atque quamplurimas postea Germanorum regiones, ac nominatim tractum Rheni & Moeni, Aquisgranum, Coloniam Agrippinam, Viennam Austriacam, denique Argentoratum, Francofurtum ad Moenum, & tandem Heidelbergam ac iterum Argentoratum, peragravit, fereque ubivis locorum artem suam exercuit: sed aequè tamen, ut antea, ut plurimum infelicitè. Si quidem is ubique, primis praesertim annis, ob inepta instrumenta, temeritatem, crudelitatem & turpem negligentiam suas curationes ita instituit, ut sagacis atque prudentis Chirurgi laudem & nomen, quantopere etiam ab initio extolleretur, tandem nusquam fere reportaverit. Attamen quamvis res ita se habuerit, observatu tamen dignum videtur, quod paucis notum atque ex Clar. SALZMANNI, Medici & Anatomici Argentoratensium quondam celeberrimi, litteris, anno nimirum 1737. mense Decembri ad me datis, intellexi, Fratrem JACOBUM tandem priorem suam calculos secandi methodum emendasse, atque anno 1712. & principio anni 1713. Argentorati feliciter admodum, cathetere fulcato adhibito, artem suam in sedecim aegris exercuisse (b): quin & eum veterem eumque parum cautum morem ipsi exprobraret, ingenue sibi professum esse atque in aurem, ut ajunt, dixisse, se a pristina sua eademque temeraria secandi ratione ab unius anni circiter tempore abstinere, atque prudentius

ae-

(a) Apud MERIUM in observat. de methodo JACOBI pag. 43. Medicus aliquis eam jam olim adhibitam fuisse asseverat. Unde ego suspicor, aliquem Chirurgum vel Circulatorem, haud prorsus imprudentem, fuisse, qui vel ex CELSI vel GUIDONIS lectione, vel forte quoque ex ratione hanc calculi sectionem sibi finxerit, eamque etiam una cum herniarum sectione instituerit. Hujus operationes JACOBUM hunc, qui forte famulus ejus erat, vidisse, eumque postea, quia audacissimus erat, imitari voluisse: quamvis sine Anatomies scientia & sine requisita prudentia hoc fecerit. Novi simile prorsus exemplum, ubi circumforaneus, qui inter alias etiam nundinas Francofurtenses olim saepe visitabat, servum habebat, cui eorum suorum curam commiserat. Verum, quia homo robustus erat, ipsum quoque ad continendos aegros, hernia vel calculo secandos, adhibebat. Postquam vero hic multas operationes sic viderat, herum deserebat, & ex stabulario herniotomus factus, ipse operationes, quamvis haud adeo prospero successu, perficiebat. Sed hac de re plura deinceps.

(b) Solum igitur Argentoratum est, unde vere cognovi JACOBUM feliciter curasse.

aegros suos tractare coepisse (a). Id quod, quia huc usque plerisque, si forte non omnibus, qui hac de methodo scripserunt, dum nullam hujus rei mentionem fecerunt, ignotum esse videtur, pro supplenda historia JACOBI hic indicare volui. Consentanea etiam his sunt, quae FERRIUS, Medicus Helvetius, in disputatione *de calculo vesicae ejusque per sectionem auferendi methodo novissima, praestantissima & facillima* Basileae an. 1716. evulgata, pag. 23. de JACOBO memorata legimus; qui ex sedecim superioribus annis Argentorati sectis, non nisi unicum senem, aetate confectum, quemadmodum praedixerat, desideratum esse tradit, ubi etiam pag. 17. & seq. sat luculenta Lithotomiae Raviannae, diu antequam ALBINUS suam edidit, extat descriptio, utpote quam saepius a LAVIO institutam se vidisse affirmat. Idem fere de JACOBI emendatione & felici, quam Argentorati exercuit, secandi ratione refert SCHAEFFERUS, Stuttgardiensis, Wirtenbergicus (b). Ita etiam WELSBACHIUS, haud incelebris quondam Medicus, qui Dusseldorffii Medicinam fecit, sed Argentorati antea vixerat, asseverat, ex viginti, quos ab ipso quam promptissime secari viderit, vix ullum desideratum, omnesque sine fistula relicta sanatos esse (c); sed tempus sive annum atque locum, ubi haec viderit, non addidit; suspicor autem hoc Argentorati factum esse, quia illo circiter tempore ibi degit.

X I.

Quousque
bona atque
laudabilis
sit JACOBI
lithotomia.

Sed quicquid tandem harum rerum sit, tantum tamen abest, ut JACOBI istaec prima ac mala, quin potius imprudens ac temeraria calculum secandi ratio, si modo a prudenti Medico aut Chirurgo instituat, perniciose prorsus fuerit atque inutilis, ut potius egregias Medicis atque Chirurgis suppeditaverit aliis etiam in morbis prudentiae medicae regulas. Sic enim, quemadmodum rectissime jam observatum est a DIONISIO (d), ex Jacobaea Lithotomiae methodo 1) egregie emendari ac perfici perinaei punctura potest, pro urina suppressa educenda. Namque vesica longe tutius atque commodius, quam ipsius cervix, quemadmodum communiter factum est, acu tereti, cuspidate triangulari donato (Troicar vulgo dicto) hac in curatione perforari ea parte potest, quam

vete-

(a) Quam prudens, aut, ut rectius forte dicam, quam felix etiam Argentorati fuerit JACOBUS, hoc tamen Francofurto ad Moenum ex inea patria, certis documentis, & quidem nominatim per D. GLADBACHIUM, Medicum, & SUTORIUM, Chirurgum hujus loci praestantissimum, accepi, eum a. 1713. a primo vere ad septembris usque ibidem fuisse, duosque tantum toto hoc temporis spatio a calculo (praeter varios, quos hernia scalpello curavit) cathetere sulcato ibidem secasse, quorum vero alter paucis mox ab operatione diebus publico in nosocomio ibidem perierit. Quare & Medici & Chirurgi Francofurtenses ejus peritiam non laudant, sed e contrario affirmant, eum hominem & in scientiis & in moribus adhuc tum valde rudem fuisse, qui ne vulnus quidem deligare, imo vix legere aut scribere potuerit. Verum & hac de re posthaec plura.

(b) In Dissert. de variis lithotomiae generibus, Argentorati an. 1724. impressa, pag. 24. In qua vero, loco anni 1711, sicut SALZMANNUS me monuit, an. 1712. scribere debuisset.

(c) In Medicina sua practica, vernacula nostra ad mentem STAHLII conscripta, cap. de calculo, quae Argentorati a. 1715. & postea adhuc saepius impressa est.

(d) Libr. de Operat. Chirurg. cap. de lithotomia, ubi de Fratre Jacobo itemque ubi de punctura perinaei agit.

veteres in parvo apparatu, & JACOBUS in excindendo calculo perforavit (a). Sed de isto quidem argumento prolixius disputabitur deinceps, Cap. 144. Tum 2) ipsa quoque calculum excindendi Jacobaea methodus sat feliciter atque tuto adhiberi a Chirurgis prudentibus atque anatomiam probe callentibus potest; dummodo illi errores evitentur, quos JACOBUM identidem ex imprudentia & anatomes ignorantia admisisse haecenus ostendimus. Sed qua tandem ratione evitari ac praecaveri errores illi, perficique Jacobaea lithotomiae ratio rite debeat, modo laudatus DIONISIUS neutiquam declaravit.

X I I.

Operae vero pretium fecisse celebris ille Chirurgus Parisinus, MERIUS censendus est, dum in Libro supra laudato hanc fere curandi viam in calculo extrahendo Chirurgis ineundam suavit; quamvis paullo post eam omnibus viribus rursus dissuaserit atque rejecerit. Scilicet pro cathetere cylindrico; non sulcato, qualem JACOBUS olim adhibuit, catheterem sulcatum, ut in magno apparatu, adhibendum esse. Hunc ipsum catheterem in vesicam prius demissam, sinistraque deinde manu comprehensum, more JACOBI, gnaviter versus sinistrum perinaei latus deprimendum. Tum catheteris hujus ductu per admotum scalpellum idoneum, vel etiam consuetum in magno apparatu Lithotomum, JACOBI exemplo, perinaeum una cum collo & vesicae parte ista, quae collo proxima est, primo incidendum, ferroque deorsum & oblique sinistrum versus ischii os super catheterem tracto, vesicam, quantum quidem ad extrahendum calculum sufficit, providissime aperiendam. Vulnere hunc in modum inflicto, ductorem, deinde excavatum sive canaliculatum, quem Galli Gorgeret vocant, rite, & quemadmodum in majori apparatu fieri alias quoque solet, in vesicam demittendum, adhibitaque tandem forcipe quadam convenienti, calculum protrahendum. Tametsi autem MERIUS, Lithotomiae hujus Jacobaeae in mente correctae, ut nihil hic dissimulem, primus & verus videatur auctor; nunquam tamen ipsemet in homine quodam vivo hanc curandi rationem tentavit (b); imo paullo post eam, licet emendatam, prorsus, ut jam dixi, rursus rejecit, & noxiam proclamavit, vulgaremque, quae magno apparatu fit, huic praeferendam duxit. Interea, nisi me omnia fallunt, consiliis tamen suis primis effecit, ut primo Parisinus quondam ille Chirurgus regius celeberrimus, MARESCALLUS haud ita diu post JACOBUM, emendatae Lithotomiae hujus experimenta eaque felicissima Parisiis fecerit; (si vera sunt, quae LISTERUS supra laudatus in descriptione itineris sui Parisiensis, pag. 239, refert) cujus vero rei, quia nulla apud Scriptores recentiores Gallos aequae ac Anglos, quod miror, mentio fit (c), utile esse duxi, ut inde ipsam rem hic referam, quemadmodum post reditum Listeri in Angliam, ab alio Anglo doc-

(a) Miror, quod hoc commodum, quod Jacobi methodo tribuit, Dionisius non potius Celsianae tribuerit, quia ex hac potius derivandum est.

(b) GARENGEOT hoc MERIO vehementer exprobat, Operat. Chirurg. T. II. p. 187; verum ut MORANDUS in Mem. Acad. Reg. Paris. 1731. tradit, nec ipse Garengéot hoc in vivo, quantum constat, adhuc tentare ausus est.

(c) Unicus quidem DOUGLASSIUS post me verba LISTERI in historia sua lateralis operationis p. 37. ad. 39. edit. Lond. retulit; verum inde non deduxit, quod MARESCALLUS primus

docto prout ipse eum appellat, cui nomen PROBIE, Parisiis tunc adhuc commorante, qui cum ipso vere hujus anni 1698. operationes Monachi istius aspexerat, die 2. Augusti ad LISTERUM perscripta erat, ex anglico latine versam, quae ita se habet. Chirurgi (Parisienses) JACOBUM vehementer increpant, quamvis ejus methodum sequantur. Nam MARESCHALLUS ab eo tempore secundum methodum illius secuit, ea solum differentia, quod catheterem sulcatum adhibuerit. LE RUE, alter nosocomii charitatis Chirurgus, veterem modum, eo tempore, quo Mareschallus JACOBI, adhibuit; verum non tam bono, quam Mareschallus, successu. Omnes enim, qui ab hoc secti sunt, adhuc vivunt, & optime se habent, dum alter unum alterumve amisit. Imo qui vivunt, non tam cito, ac illius, curati sunt. An autem vel ipsemet MARESCHALLUS, vel alii etiam ipsius exemplo eundem operandi modum postea iterum atque saepius apud Parisinos adhibuerint, dubito, vel saltem, quantum ego quidem scio, haud constat. Miror saltem nihil inter Gallos hac de re constare; quamvis MARESCHALLUS pauco demum ab hinc tempore, quo haec primum publice divulgavi, obierit, & experimenta prima a MORANDO & PERCHETO Parisiis 1730. juxta CHESLEDENI emendationes instituta, ut ipse MORANDUS refert (a), aspexerit. GARENGEOT vero perhibet, PERCHETUM primum esse, qui post JACOBUM sectionem lateralem Parisiis instituerit. Operat. Chir. T. II pag. 230; id quod Parisienses Medici & Chirurgi seniores optime dijudicare ac decidere poterunt: quamvis nihil adhuc hac de re vel in ipsis Societatis Chirurg. Paris. Commentar. Tom. I. invenire potuerim.

XIII.

De methodo
Rauiana.

In Belgio vero postea RAUUM Germanum, & Medicum clarissimum, quem & in Anatome & in Chirurgica praeceptorem habui, eumque diu secutus sum (b), quam diligentissime novam hanc eandemque correctam Lithotomiae rationem frequentasse, nemo facile ignoraverit, nisi in historia Medicorum recentissima prorsus hospes fuerit (c). RAUUS enim, postquam non modo Fratrem

primus fuerit, qui in vivis post JACOBUM eam instituerit; qui tamen, vera si sunt, quae LISTERUS scripsit, re vera primus fuisset: neque etiam LISTERUM erroris arguit. Hinc veri causa ipse vel alius, cui haec res nota, hac de re verum scribere merito debuisset.

(a) Memor. Acad. Reg. Par. 1731.

(b) Nam a vere anni 1706. ad Octobrem usque anni 1710. in Belgio vixi, maximamque hujus quinquennii partem Amstelodami consumsi, & ad RAUUM curationes sedulus animum applicavi.

(c) Rauianam lithotomiae methodum singulari eaque docta commentatione, anno 1725. edita, titulo: *Index supellestilis anatomicae*, Bern. Sigfrid. ALBINUS; filius, Medicinae Anatom. atque Chirurg. apud Leidenfes Professor, una cum instrumentis in eadem adhibitis, descripsit. Tametsi scalpellum, ab ALBINO Tab. I. fig. 5. designatum, plane diversum sit ab eo, quod eo tempore, quo ego Amstelodami vixi, ab eodem adhibitum egomet vidi, meumque scalpellum Tab. XXVII. fig. 8. tunc juxta ejus scalpellum & apud eundem artificem, qui scapella aliaque instrumenta ejus conficere solebat, in domo, cui nomen & signum erat, *campanae coeruleae*, quod signum etiam in ipsa scalpelli figura expressum est, confici curavi, quodque alias adhiberi vulgo a Chirurgis in apparatu magno consuevit. Non enim video rationem, quare hoc illi substituerit, cum nulla in re illo praestare, sed potius ad incidendum mihi minus aptum videatur.

trēm JACOBUM in Hollandia & speciatim Amstelodami (a) saepius hanc sectionem perficere viderat, quemadmodum & ALBINUS pater, & ALBINUS filius referunt (b) atque ego ex RUYSCHIO, altero meo in Anatome & Chirurgica doctore, aliisque Medicis & Chirurgis Amstelodamenfibus saepe olim intellexi; sed ea forte quoque, quae pro emendanda Lithotomiae methodo Jacobaea, MERIUS jam suppeditaverat consilia, perceperat, imo & LISTERUS de MARESCHALLO Libro citato jam an. 1699. retulerat, *adjutusque & audacia insigni Chirurgica & egregia scientia Anatomica*, primo eandem, ac frater JACOBUS & veteres, *perinaei partem, ipsamque mox cervicem* (c) & *vesicam*, sicut JACOBUS, teste MERIO, solitus est, incidit; quemadmodum egomet, dum Amstelodami fui, saepius vidi (d). Deinde catheterem quoque *fulcatum*, quem MERIUS suavit, usurpavit, sed ad normam JACOBI, *vulgari paullo crassiore* pro infligendo vesicae vulnere adhibuit (e). Tum loco ductoris *canaliculati binos ductores ensiformes*, marem scilicet & foeminam, Tab. XXVIII. fig. 2. & 3. *scalpellum item & forcipem* fere similem, quibus secundum vulgarem Lithotomiae methodum Medici utuntur, applicavit; aegrotantibus vero eundem fere in *modum supinum dispositis*, natibus probe elevatis, quem itidem JACOBUS servasse memoratur (f). Attamen *eos aliter, quam vulgo fieri & delineari solet, ligavit* (g); id quod a paucis rite descriptum, imo a plerisque, qui de Rauiana methodo scripserunt, prorsus neglectum reperio; quod tamen ad historiam hujus supplendam necessarium esse existimo: idque tanto magis, quia *ejus modus ligandi minus quam vulgaris aegros terrere solet*; dum de vulgari ipse TOLETUS asseverat, *quod magnopere augeat metum & terrorem aegrorum*, atque WINSLOVIUS ex hoc terrore mortem.

(a) Sunt quidam, qui scribunt, RAUUM Parisiis Fratris Jacobi Curationes calculi vidisse atque ibidem eas didicisse, ut Autor praefationis COLOTI Libro de Lithotomia praemissae p. LIII. itemque JOUBERTUS in methodi suae descriptione in Comm. Chirurg. Paris. Sed certissimum est RAUUM eo tempore, cum Jacobus ibi fuit, Parisiis non fuisse, verum Amstelodami demum 1699 eas conspexisse.

(b) Ille, in oratione in obitum RAUII p. 28; hic in supellest. modo laudata.

(c) Id quod ALBINUS pater notavit l. c. pag. 29; licet filius, DENYSIUS, alique velint, eum solum vesicam, intacta cervice, incidisse.

(d) Ego dum eo tempore & postea hanc operationem in cadaveribus saepe tentavi, semper non solum vesicam, sed *cervicem quoque ejus incisam deprehendi*; verum tunc me errasse putaveram, atque artificium solum incidendi vesicam me non satis nosse, existimaveram.

(e) Quod *crassior* vulgari fuerit, sicuti JACOBI, mihi fieri dixit RAUIUS, *ob sectionis securitatem*, ut tanto facilius incidi & scalpellum tam facile ab eo non aberrare possit, illudque etiam ex ALBINI figura 1. itemque ex nostr. Tab. XXXI. fig. 1. videre licet; quamvis nullus hoc, quantum novi, in publico scripto notaverit vel indicaverit. Quod vero vulgaribus *majorem curvaturam* habeat, ut ALBINUS filius scribit, facta cum illis collatione, non perspicio. Nam pro magno apparatu requiritur jam catheter valde incurvatus, & ut GAREN-GEOT ait, *à grande courbure*, cap. de magno apparatu.

(f) Situs, quem RAUIUS suis curandis dedit, melius, quam forte ab ullo alio, describitur ab ERNDELIO, in Itinere suo Anglico & Batavo p. 119. Unde etiam patet RAUUM quandoque *arculae, quemadmodum ipse quoque vidi, aegros imposuisse*, ubi apta tabula deficiebat. Falsum igitur est quod GAREN-GEOT perhibet, Operat. Chirurg. Tom. II. p. 192. RAUUM aegros, ut in magno apparatu, collocasse & ligasse: quemadmodum ipse saepius vidi.

(g) Vid. TOLETI liber de lithotomia cap. XVI. & ALGHISI lib. de lithotom. Tab. IX & XVI.

mortem notaverit (a). Itaque longissimi illi laquei, quibus alii utuntur, qui cervicem aliasque partes miris ac formidandis ductibus ambiunt, *duos RAUVIUS habebat laqueos breves eosque planos, ex lana (b) confectos*, (qui vero etiam ex lino vel serico constare possunt) quorum quilibet non nisi quatuor circiter pedes longus sit, alteroque, facta prius ansa, ut Tab. XXIX fig. 10. A indicatur, *manum dextram circa carpum prehendebat, eamque ad dextram tibiam sive pedem*; altero autem sinistram manum eadem ratione ad sinistram tibiam; verum *non circa malleolos*, ut alias fieri solet, *sed mox infra genua supra suras* scilicet alligabat (c). Dum incisionem facere vellet, immissi catheteris fulcati manubrium manu sinistra ipse prehendebat, & dextro genu in terram se demittebat, atque investigato gibbo catheteris, incisionem, & postea, ut jam dictum est, extractionem calculi quam felicissime plerumque perficiebat. Qua ipsa equidem curandi ratione usque adeo frequenter atque *feliciter ut plurimum usus est RAUVIUS*, ut neque MERIO, neque MARESCHALLO, auctoribus, sed RAUVIO eadem a plerisque hucusque accepta referatur, indeque *methodus lithotomiae Rauiana* a quam plurimis haecenus nuncupata sit. Ab eo vero tempore, quo celeb. Jacob. DOUGLASIUS libellum de *lateralis operatione* Londini an. 1726. anglico sermone, edidit, qui postea an. 1728. latine versus Lugduni Batav. prodiit; in quo, quomodo JACOBUS & RAUVIUS olim, sed & nuper CHESELDENUS Londini hanc methodum instituerit atque emendaverit, describit, *operatio sive SECTIO LATERALIS appellari coepit*: quia magis in latere perinaei, quam in magno apparatu, imo & *in latere vesicae incisio instituitur*, quae in majori apparatu solum in urethra fit.

X I V.

Primus ego
eam post
RAUVIUM
institui.

Antequam vero de hac aliisque aliorum emendationibus agam, nonnulla prius adhuc, quae ad RAUVIUM ipsum ejusque deinde secandi modum pertinent, quaeque longo usu & meditatione hac in re observavi, hic proponam. Absolutis scilicet jam meis studiis medicis in Germania, fama celeberrimorum Medicorum in Belgio tunc viventium excitatus, Belgium adii, ibique per quinquennium fere, Anatomes potissimum & Chirurgiae, quarum amore flagrabam, excolendae gratia commoratus, atque primis annis Amstelodami, praeter cel. RUYSCHII etiam RAUVII in his informatione usus sum; ultimis vero alios studiosos juvenes rursus Anatomicam & Chirurgicam docere coepi: ubi interea occasionem habui non solum saepius RAUVII operationes videndi, verum etiam me ipsum in eis imitandis in cadaveribus exercendi aliisque in iisdem postea demonstrandi, dum licentia mihi a RUYSCHIO, altero meo praeceptore, & Anatomes ac Chirurgiae Professore publico, data erat cadavera pro lubitu in *nosocomio diffecandi*, atque etiam in *usum Chirurgicum adhibendi*. Unde tandem factum est, ut talem mihi hac in re scientiam comparaverim, ut non dubitaverim, *eam aliquando etiam in vivis tentare*. Cum vero an. 1709. *Tornacum in Brabantia a Foederatis esset obsessum*, & ut Medi-

cus

(a) In epistola annexa MORANDI lib. de alto apparatu.

(b) ERNDEL. l. c. pag. 120.

(c) Hoc etiam notavit FEHRIUS in diss. jam supra laudata de calculo vesicae &c. pag. 17.

cus castrensis, RUYSCHII commendatione, exercitum Foederatorum Belgii, quem ab an. 1707. jam secutus eram; denuo sequeretur atque Audenardae nosocomium pro aegris & vulneratis institueretur, ibi tandem inter alios aegros & vulneratos, opportune juvenis pauper XV. annos natus, calculo vesicae laborans, se curandum mihi offerebat, quem methodo & instrumentis Rauianis, praesente Chirurgo Hollandorum tunc primario, Dn. DE QUAVRE aliisque in fine mensis Augusti feliciter a calculo duarum unciarum liberabam. Anno 1710. ad Professionem Medicinae, *Anatomes & Chirurgiae* suscipiendam Altorfium vocabar; verum prius Angliam adii, atque etiam a Medicis & Chirurgis praestantioribus, imprimis CYPRIANO, BUSSIERO ac LAVATERO proficere ibidem studui, & tandem circa finem hujus anni ad Academiam Altorfinam abibam. Ibi an. 1712. puerum septem annos natum, Papenheimio oriundum, & calculo vesicae laborantem, *Rauiana ratione*, quemadmodum eam paullo ante in lectionibus & demonstrationibus meis Chirurgicis docueram, in conspectu multorum Medicinae studiosorum, extrahebam; id quod postea variis in locis & cum primis postquam Helmstadium veni, aliquoties hic & alibi praestiti (a). Unde certum esse puto, me primum forte, quantum ego saltem cognoscere potui, esse, qui eam post RAUUM in vivis hominibus instituit, eamque etiam non solum in demonstrationibus meis Chirurgicis ab eo tempore, quo Chirurgiam docui, nimirum ab anno 1708. semper proposui & in cadaveribus saepissime demonstravi; verum etiam in mea Chirurgia, quae anno 1718. Norimbergae primum germanice & postea aliquoties adhuc prodiit, breviter mox sequentibus verbis, cap. de methodo Fratris JACOBI §. XI. descripsi. Postquam nimirum ostendi, JACOBI methodum, quemadmodum ab ipso olim instituebatur, nihil valere, varios vero fuisse, qui eam varia bona continere, si modo a viris quibusdam prudentibus atque in Anatome probe versatis, errores ejus corrigerentur, agnoscerent, nullus autem esset, qui illam in homine vivo tentare ausus esset, tandem haec posui, quae totam rem brevissime exhaustire videntur, licet a nullo recentiorum, qui de hac re scripserunt, observata aut relata inveniam. Scilicet *Ravius hanc methodum mihi emendasse videtur*: hic enim, quemadmodum vidi, sequitur Fratrem Jacobum in loco incidendi sive incisionis, mutat vero instrumenta, atque in incisione cathetere utitur sulcato & postea ductoribus mare ac femina, sicut in magno apparatu atque hac ratione hanc operationem felicissime perficit. Paullo post §. XII. ubi de comparatione hujus cum magno apparatu disputavi, haec verba protuli. In emendata JACOBI methodo a RAUIO difficile est, tam profundum vulnus (quantum scilicet hac in methodo prae magno apparatu requiritur) ad catheterem usque in vesica denudandum facere, sine vicinarum partium laesione. Quod judicium postea, meo nomine suppresso, ab aliis usurpatum inveni (b). Atque haec verba de hac methodo eo tempore, quo nemo, praeter me, de ea vel imitanda vel excolenda sollicitus, sed altum contra ubique silentium erat, pro re magni

(a) In DOUGLASSII libello, cujus inscriptio, *Dissertatio de alta operatione* pag. 128, epistola continetur, quam an. 1728. ad ipsum dedi, in qua significo, me Bremae aegrum alterum *Rauiana*, alterum *alta operatione* a calculo liberasse. Conf. & mea *Diff. de alto apparatu* p. 11.

(b) ALBINUM filium hic potissimum intelligo in descriptione methodi *Rauianae*, ut & Douglassium in *Hist. sectionis lateralis* edit. Anglic. p. 54. Latinae p. 65.

magni momenti, paucis indicanda, sapientibus sufficere putavi. Verum quia nunc hac controversia, quae diu quievit, ab aliquo tempore vehementer rursus coepit agitari, & de commodis sive praestantia illius prae ceteris methodis disputari, etiam prolixius de ea nunc agere omniaque, quae tam a RAUO quondam vidi, audiui & observavi, quam quae vel meditando, vel legendo, vel experiundo prae aliis de hac ipsa adhuc notavi, quae aliquam lucem vel utilitatem huic doctrinae atque historiae RAUII afferre possunt, adjicere volui, ut historia ejus tanto fiat perfectior.

X V.

Observationes aliae ad RAUIUM pertinentes.

Praeter eas vero res, quae N. XIII. de modo ligandi Rauiano, de majore catheteris crassitudine, de scalpello ejus &c. jam proposui, quae ab aliis praetermissa sunt, nonnulla adhuc, quae ad hanc rem & vitam magni hujus Chirurgi pertinent, dum intime eum ejusque fata novi, hic monebo: & primo quidem, quod GARENGEOTUS asseveret, *Senatum Amstelodamensem ipsi pileum doctoris, ob merita sua in Chirurgiam procurasse, qui & ipsi primum locum in Anatomia conferre voluerit* (a), falsum prorsus est & GARENGEOTUS hic valde errat, atque ex descriptione ejus vitae, quam ipse pag. 93. & seq. dedit, rem melius scire ac cognoscere potuisset. Nam Senatus Amstelodamensis hoc, quod ille dicit, minime fecit. Antequam enim huic vel nomine tantum notus erat, & antequam vel ullam operationem Chirurgicam Amstelodami perfecerat, imo antequam adhuc sedem Amstelodami fixerat, ipse jam gradum Doctoris, consueto modo, Lugduni Batavorum quaesiverat, atque etiam impetraverat, paullo scilicet post, postquam ex Gallia in Belgium, & nominatim Lugdunum Batavorum redierat (b), anno nimirum 1694. die 11 Maii, sicut GARENGEOT ipse pag. 98. refert. Tunc vero demum, ut ALBINUS, filius, in vita ejus recte refert fol. 3. & GARENGEOT ex ipso p. 98, *vitae erratae & vagae pertaesus, Amstelodamum sibi sedem stabilem certanque delegit, ubi & Anatomem alios docendo & Medicinam, eam imprimis, quae manuum opera curat, exercendo, sua se sustentaret industria* (c). Igitur inde patet, *Senatum Amstelodamensem, ut GARENGEOT pag. 92. perhibet, ipsi pileum Doctoris non procurasse; sed eum tunc adhuc prorsus ignorasse eoque honore jam ornatum fuisse, antequam Amstelodamum pro sede fixa sibi eligeret.* Ita etiam falsum est, quod Senatus ipsi primam in Anatome cathedram sive locum dare voluerit. Nam RUYSCHIIUS hunc jam a triginta annis, antequam RAUIUS Amstelodami vel cognitus erat, habuerat, atque egregie, ut omnibus notum est, ornaverat, eumque etiam adhuc diu post abitum ejus Leidam, imo etiam post mortem RAUII habuit atque ad mortem usque suam retinuit: nec ulla fuit ratio, quare hunc locum praestantissimo optimeque merito RUYSCHIO adimere,

(a) Operat. Chirurg. Tom. II. pag. 92. edit. 11. ubi ait: *On verra, que la bonne Chirurgie lui attira l'estime entière des Magistrats d'Amsterdam, qui voulant lui donner la première Chaire d'Anatomie, lui procurèrent un bonnet de Docteur en Médecine, qui ne lui couta qu'une dissertation sur l'origine & la régénération des dents.*

(b) Cognosci hoc uberius potest cum ex oratione laudata ALBINI patris, tum ex vita RAUII ab ALBINO filio descripta.

(c) Conf. RAUII Responsio ad defens. RUYSCHII pro septo scroti, in principio.

mere, & novo adventanti homini, qui nihil tunc adhuc notatu dignum praestiterat (a), dare debuisset. Imo jurare ausim, Senatum Amstelodamensem nunquam hac de re vel cogitasse; neque unde GARENGEOTUS haec hauserit, concipio. Contra sciendum est, quod veri causa hic scribo, RAU-
IUM ne locum quidem secundum in Anatome, multo minus primum, neque Profes-
soris locum aut dignitatem Amstelodami unquam obtinuisse; sed, ut Doctor qui-
dem privatus, sicuti cuilibet fere ibi licet, atque ego etiam feci, ibidem do-
cuisse (b). Recte etiam ALBINUS asseverat, RAU- IUM Medicinam, quae
manuum opera curat, Amstelodami exercere voluisse: nam de curationibus morbo-
rum internorum parum erat sollicitus; vel etiam, si verum fateri licet, eas pa-
rum intelligebat, quia soli Chirurgiae se mancipaverat. Interea tamen ali-
quamdiu post JACOBI eremita ex urbe Amstelodamensi discessum, majori
animi contentione huic speciatim operationi se dabat, (quam antea, dum recens
ex Gallia veniebat, vel prorsus non, aut saltem parum adhuc exercuerat)
& cum sensim felici sua calculum secandi ratione magis inclaresceret, tan-
dem a Senatu urbis Lithotomi sive Operatoris publici titulo (Stads Operateur) con-
decoratus est. Deinde neque hoc reticendum, quod cum seriem, sive cur-
sum, ut vocant, operationum Chirurgicarum studiosis, quandoque hoc ab ipso
desiderantibus, magno, ut solebat, pretio ostenderet (c), & ad Lithoto-
miam perveniret, dicebat, de hac operatione, quia ab ea potissimum subsistere &
vivere cogor, nihil vobis dico. Si etiam aliquid de ea dicere deberem, veritatem vobis
non dicerem, (nam valde avarus & invidus erat) adeoque silere malo. Si hanc
artem discere potestis, quando me ipsam in vivis exercere videtis, hoc vobis erit lici-
tum. Ceterum CELSUM de ea legere potestis; id quod mihi diu aenigma fuit, donec
tandem illud inde concludebam, eum locum ope catheteris esse incidendum,
quem CELSUS super calculo sine cathetere incidere docuerat. Meo prae-
terea tempore, & speciatim jam anno 1706 & 1707. in animo ipsi erat epis-
tolam vel dissertatiunculam quandam edere de neglectis quibusdam in oculo &
aure, (nam ad majora opera conscribenda patientia & forte alia ipsum defi-
ciebant) ubi praecipue apophysin illam mallei, quam Rauianam quidam appel-
lant, describere ac delineare volebat, imo ut mihi & multis aliis saepius nar-
raverat, figuras ad res has neglectas pertinentes jam in chalcographi mani-
bus esse. Verum neque hoc neque aliud quid postea, si orationem inaugu-
ralem, quam cum Professionem Anatomiae & Chirurgiae Lugduni Batavo-
rum, post BIDLOI mortem susceperet, habuit, excipias, evulgavit. De-
nique praetermittere non possum, DENYSIUM, Chirurgum & Lithotomum
Leidensem, quem supra jam laudavi, in Observat. Chirurg. de Calculo &
Lithotomia an. 1731. editis, in praefatione & exordio scribere, se hunc li-
brum evulgasse, ut illorum, quae in praxi Lithotomiae RAUII observaverit orbem
participem redderet. Verum methodum RAUII (quam hic sibi in articulo
mortis revelasse affirmat) nusquam, ut supra jam indicavi, descripsit; sed
in

(a) Id quod etiam ex ALBINI patris oratione cognosci potest, pag. 20.

(b) Si quis hac de re certius adhuc instrui velit, inspiciat RUYSCHII Epist. Anat. XIII p. 21.

(c) Hoc ALBINUS Pater, l. c. p. 23. asseverat: nam Amstelodami pro demonstrationi-
bus suis Anatomicis & Chirurgicis, centum nummos imperiales unciales quilibet auditorum ipsi
solvere cogebatur.

in eo maxime occupatus est, ut evincat; RAUÏUM ejus esse inventorem, eam ceteris praestare, eamque sibi feliciter succedere.

X V I.

*Cheseldeni
modus pri-
mus, seu
potius
Bamberi.*

CHESELDENUS, celeberrimus nunc Britannorum Chirurgus, *duplici ad- huc ratione rem Lithotomicam* (postquam sectionem, quam *hypogastricam* (a) sive *altum apparatus* vulgo vocant, quamque antea post Jo. DOUGLASIUM mira & dexteritate & felicitate saepius exercuerat, ut Rauianam etiam experiretur, per aliquod tempus relinquere voluit) *emendavit*, & sequentes *se-* *candi rationes*, tanquam *antea notis praestantiores*, una cum *diversis novis fer-* *ramentis in illarum locum substituit*. Prima quidem earum, quae Rauianae aliqua emendatio esse debet, ab alio quodam Medico Anglo, cui BAMBERI nomen, teste DOUGLASIO (b), Londini in publico nosocomio prius exercitata fuit: quem vero in omnibus RAUÏUM, quemadmodum ALBINUS ejus modum proposuit, *prorsus secutum* esse scribit DOUGLASIUS; *nisi quod* *vesicam prius modice aqua tepida, ut in alta sectione dictum est, repleverit*, atque hac ratione ipsum quam plurimos a calculo aequè feliciter ac quondam RAUÏUS liberasse. Doleo autem, DOUGLASIUM hic non docuisse, qua ratione aqua, quae per cavum catheterem sine dubio injecta fuit, in vesica detenta sit, quando hunc catheterem rursus extraxit, ac postea catheterem *fulcatum Rauianum* in vesicam immisit: dum interea omnem fere aquam rursus effluxisse verisimile est; adeoque vesicae per aquam repletio parum vel nihil hoc modo prodesse potuit & quasi inutilis fuisse videtur. CHESELDENUS vero *varia in Rauiana mutavit*, & *sequenti ratione novam suam instituit*.

X V I I.

*Ipsius Che-
seldeni.*

Mensa scilicet, figurae quadratae, in quam aegros collocavit, altior erat eo in extremo, cui *nates aegri niti debebant*, quam in altero (c): postea aegri supini & natibus & capiti pulvinar subjecit, sic ut venter declivior, quam caput & nates haberent, situm acquireret. *Nates* itaque aegri *altiori mensae extremo ita imponebantur*, ut *ultra hujus limites paullo prominere*; genua a se invicem diducebantur, atque, quantum commode fieri poterat, *flectebantur*, tandemque *carpi cum malleolis colligabantur*. Hoc in situ *tribus minis-* *tris* continebatur, quorum duo utrinque genua & pedes, tertius vero juxta caput ambabus manibus humeros aegri ita sustinebat ac firmabat, ne aeger in curatione se retrahere atque a Chirurgo recedere possit. Hoc in situ CHESELDENUS *catheterem cavum ac simul fulcatum ferreum* per urethram in vesicam consueta ratione demisit (d), atque per eum, *ut in alto appa-* *tu*

(a) JOUBERTUS sectionem in perinaeo male *bippogastricam* appellat, cum potius *altum apparatus* denotet.

(b) In Histor. Operat. lateralis supra nominata.

(c) Tabulae hujus *longitudo sit trium pedum* cum dimidio, *latitudo autem duorum circiter* cum dimidio, *altitudo trium*.

(d) Optandum esset, ut DOUGLASIUS hunc catheterem delineari curasset; dum sine figura ex sola hac brevi descriptione vix concipi queat, quomodo catheter ferreus cavus & simul fulcatus esse queat.

tu (a) fieri consuevit, aquam tanta copia in vesicam injecit, quantam aeger sine insigni dolore perferre potuit (b). Hujus refluxum ut impediret e vesica, funiculum lancum (flanelle) hic peni, relicto cathetere illo in vesica, circumjecit, penemque eo constrinxit. Extremum catheteris postea prudenti ministro sustinendum dedit; non ut sulcum ejus versus locum incidendum premeret, (ut alias in majori apparatu & Rauiana methodo fieri solet) sed solum ut curet, ne catheter e vesica, ob rationes mox dicendas, resiliat (c). Hoc facto, CHESLDENUS in sella confedit, cum mensae altitudine, in qua aeger decumbit, ita respondente, ut sectionem sedens commodè perficere possit, scalpelloque, acie convexa donato, Tab. XXXI. fig. 8 primo plagam fecit, incipiendo pollicis latitudine supra anum in latere sinistro suturae perinaei, inter musculum acceleratorem urinae sive constrictorem urethrae & erectorem penis, (sicut JACOBUS & RAUIUS), eamque oblique descendendo ad latus sphincteris ani externum, ad duorum pollicum cum dimidio vel trium aut quatuor pollicum longitudinem, pro diversitate aetatis & magnitudinis aegri, extendit: atque hanc primam incisionem uno actu sive sectione, (quod RAUIUS pluribus faciebat) per omnem cutem, pinguedinem & partem levatoris ani perficere studet. Simulac hoc factum est, indicem sinistrae manus in medium hujus vulneris immittit, eoque intestinum rectum ad latus reprimit, ne facile a scalpello postea laedatur: atque tunc, prehenso alio scalpello, eoque falcato, dextra manu cuspidem ejus (sursum spectantem) juxta digitum sinistrae in vesicam, inter vesiculam seminales & os ischium hujus lateris impellit (d), depressaque manu (dextra) alteram sive secundam hanc incisionem sursum continuat, donec cuspis in parte suprema prioris incisionis rursus prodeat. Vesica hoc modo aperta (e), digitum indicem laevae manus per hoc vulnus in cavum vesicae demisit, eoque, calculo percepto & firmato, forcipem super hoc digito (sine ductore alio) immisit, calculumque ea prehendere operam dedit: quo prehenso, digitum rursus extraxit, forcipeque utraque manu comprehensa calculum majore vel minore negotio eduxit, prout hic vel major vel minor, laevior vel inaequalior, aut etiam plaga vel amplior vel angustior est. Si plures uno adsint calculi, digitum illum & deinde etiam forcipem denuo in vesicam intrusit, eosque eadem, ac modo diximus, ratione extraxit. Durante hac operatione catheter semper manet in urethra & vesica, ministerque, qui eum sustinet, nihil aliud agit, quam ut, ne excidat catheter,

(a) Qui DOUGLASII libellum latine vertit, hic pro apparatu alto, posuit apparatu magno, sed male, ut sensus docet.

(b) Exempli loco septem uncias aquae, in juvene octodecim annos nato, qui calculum habebat sex unciarum, intrasse refert. Quam vero quantitatem semper ex aegri sensu & dolore dijudicandam esse docet: cum nulla certa pro vesicarum diversitate constitui queat.

(c) Quomodo autem impidiverit CHESLDENUS, ne per catheterem cavum, cole licet ligato, aqua rursus reflueret; id quod tamen necessario fieret, nisi illud certa ratione impediretur, DOUGLASIUS haud indicat. Nam haec relata ligatura solum impedit, ne inter catheterem & urethram aliquid effluat; verum ne aqua per fistulam catheteris resuat, impedire nequit. Igitur & catheter peculiari quoque ratione claudendus fuit, digito forte ministri, vel obturatione osculi superioris hujus fistulae.

(d) Id quod forte, quod scilicet scalpello in vesicam pervenerit, ex effluxu aquae injectae e vulnere, de quo tamen DOUGLASIUS nihil dicit, cognoscitur.

(e) Dubito an non etiam simul cervicem inciderit, licet solum de vesica hoc asseveretur.

ter, impediatur: atque hoc modo CHESELDENUS vesicam satis, pro immittenda forcipe supra ejus digito, sine ullo alio duce sive ductore, depressam esse credit, & quoniam vesica ante sectionem aqua est repleta, incisionem in sulco catheteris fieri non posse, sive necesse non esse, ut sectio in sulco fiat; neque metuendum esse quin catheter forcipe corripatur, si modo, dum haec in vesica est, debita cura sive cautela adhibeatur, ut calculus solusprehendatur. In hac methodo tantum unus aut duo arteriarum ramuli inciduntur, unde aliqua sanguinis profusio, quae tamen saepius non contingit, metuenda: interea tamen si, vulnere spongia humida probe purgato, sanguinis fluxus perseverat, mox arteriolas illas (filo beneficio acus curvae vid. Tab. XXXI. fig. 14. circumducto) ligat, vulnereque linamentis aridis, vel etiam unguento digerente inunctis aliisque deligationis requisitis prospecto, aegrum lecto imponit: atque hac ratione, si nullum peculiare impedimentum incidit, totam operationem intra unicum minutum, sive intra sexagesimam horae partem, a prima incisione ad calculi usque extractionem computando, ut plurimum, ut DOUGLASIUS refert, absolvit.

XVIII.

Variationes quaedam & cautelae. Interea tamen res quaedam subinde in hac operatione incidunt, ob quas nonnullas actiones ejus subinde mutare cogitur CHESELDENUS. Nimirum 1) quando calculum forcipe arripuit, atque in eo extrahendo, vel ex magno renixu, vel ex alio quodam signo ipsum valde magnum esse intelligit, ne aegrum ob violentam, quam hinc perferre cogeretur, partium dilacerationem, periculo & cruciatibus exponat, vulnus vel forcipe in parte ejus superiore, vel scalpello in inferiore, nova adhuc incisione ampliare studet (a), quia alias vulnus cutis angustius extractionem calculi valde reddit difficilem. 2) Si, facta altera incisione, dum digitum in vesicam demittere studet, catheterem in vulnus illapsum esse sive irruisse sentit (b), id quod vel motu sive agitatione aegri vel aliis de causis quandoque incidere potest, digitum retrahit & loco ejus ductorem canaliculatum (gorgeret) in sulcum catheteris impellit, super quo deinde forcipem consueta ratione immittit: atque hanc unicam ob causam, dum hoc subinde contingit, catheterem sulcatum omnino tereti hac in curatione praefert (c). 3) Si minister, qui catheterem sustinet, catheterem loco calculi, (vel una forte cum calculo) forcipe prehensum esse percipit, id quod tamen raro contingere asseverat CHESELDENUS, catheterem mox extrahi jubet, calculumque tunc prehendere & extrahere studet, sine illo commodo, quod alias catheter ipsi afferret, dum vesicam deorsum premit, pro faciliore forcipis supra digitum, sine alio ductore, immisione in vesicam (d), quando forte eam plus una vice immittere opus esset. 4.) Quando vel ob parvitatem, vel situm calculi eum non faci-

(a) Idem docent FEHRIUS in diss. de calculo pag. 19. & DENYSIUS in observ. de calculo pag. 108.

(b) Quid DOUGLASIUS his verbis (catheterem in vulnus illapsum esse) velit, ego non satis intelligo.

(c) Quare autem ductor hoc in casu necessarius sit, & digitus pro forcipe immittendo, qui alias sufficit, hic CHESELDENO non sufficiat, haud indicatum reperio; neque rationem hujus rei facile perspicio.

(d) Neque hic mentem auctoris satis comprehendo.

facile invenire potest, hanc methodum vel faciliorem vel securiorem esse judicat (a), digitos suos in anum aegri demittit, calculoque eis versus vulnus presso, altera manu sine forcipe (fere ut in parvo apparatu) ipsum ejicit. 5) Quando vel digito, vel ex renixu, quem calculus creat, dum ipsum extrahere conatur, percipit, adesse quoddam impedimentum, remoram sive constrictionem, vel ab uretere, vel a membranis sive plicis inusitatis vesicae. (b) circa illum, digitos suos quoque in anum immergit, eisque, ut partem illam ad os vulneris protrudat, studet, atque tunc scalpello res vel membranas illas, quae remoram faciunt, refecat, sicque calculus a remora resolutus facile educitur. Atque ex his, ait DOUGLASIUS (c), facile, quales scilicet mutationes & emendationes Ravianae methodo adjecerit acutissimus CHESLENDENUS, intelligi potest; ad quas eo magis attendendum, quia hoc modo quam felicissime plures a dirissimis calculorum tormentis ipsum liberasse, DOUGLASIUS docet. (d), neque ullum eorum, quos huic methodo subjecit, dum haec scribebat, desideratum esse. Unicum tantum adhuc monet, quod ad perfectionem ejus facere posse putat: nimirum quod forcipis parum incurvatae quibusdam in occasionibus usus, loco rectae, quam haecenus tantum adhibuit CHESLENDENUS, praestantissimus esse queat. Saepius enim se observasse ait calculum longe facilius extrahi, quando eo in latere vesicae, ubi vulnus est, haeret, quam si in altero aut opposito ejus latere, sive in sinu dextro vesicae situs est; praesertim si eo in loco vesicae, ut quandoque fit, cavea est praeter naturam (e): quibus in casibus forcipe paulo incurvata facilius quam recta calculum comprehendere educique posse existimat DOUGLASIUS.

X I X.

Attamen quam apta, secuta atque perfecta etiam haec calculum secandi ratio & CHESLENDENO & DOUGLASIO visa est, tamen paulo post, ob ul-
 cera, ut ait, foetida; quae urina in cellulari circa intestinum rectum mem-
 brana subsistens, saepe concitabat, etiam hanc rursus abdicavit CHESLENDENUS, ac sequentem, quam ceteris omnibus tunc praestare judicarunt, excogitavit atque magno cum successu in usum adhibuit. Nimirum, ut ipse refert (f.) aegrum, ut in magno apparatu, ligat: verum ipsum tabulae horizontali, variis tegumentis coopertae, & tres pedes altae, ita imponit, ut caput ejus solum, ut RAVIUS quondam & ego fecimus, paullo sit elatius. Postea tam longam incisionem, quam apte fieri potest, facit, inchoando, ubi in magno apparatu incisio desinit, & continuando eam deorsum inter musculum acceleratorem urinae & erectorem penis, in latere intestini recti. Deinde per vulnus digito catheterem in collo vesicae quaerit, eoque reperto, glandulam prostaticam recta versus vesicam incidit, reprimendo interea uno alterove manus sinistrae digito

(a) Neque hoc mihi perspicuum est.

(b) Vesicam variis plicis donatam descripsit BUSSIERUS in Act. Anglic. N. 268. p. 752. & MOTTIUS in comp. horum Act. part. anatom. p. 74. similemque quondam ipse vidi.

(c) In Histor. lateral. operat. Anglice conscript. pag. 87.

(d) Idem confirmat MORAND. in Memor. Acad. Reg. Paris. 1731.

(e) Vid. Tab. XXXII fig. 1 & 2.

(f) In append. ad quartam Anatomies suae editionem pag. 7.

digito intestinum rectum, (ne scilicet a scalpello laedatur). Reliqua hujus operationis eodem modo, ut in magno apparatu, peragit; nisi quod venas, si quae forte multum sanguinis fundant, filo acu curva circumjecto, ut jam antea dixi, liget.

X X.

*A Douglassio
uberius
exponitur.*

Quae vero breviter & paucis a CHESLENDENO hic de hac methodo tradita sunt DOUGLASSIUS uberius diducit atque exponit (a). Nimirum omnia primo facit, quae in magna & laterali operatione fieri solent: hoc est, aegrum in tabula, ut modo dictum est, rite collocat & ligat, atque catheterem suum (quem vid. Tab. XXXI. fig. 5.) qui a vulgari parum differt, in vesicam immittit. Postea sellae se imponit, & ut antea dictum est, incisionem facit. Verum in ipsa sectione, postquam externe amplum vulnus supra descripta ratione fecit, apicem sui scalpelli, qui a vulgaribus atque haecenus usitatis & figura & amplitudine multum recedit, (conf. Tab. XXXI. fig. 8.) catheterem versus, qui in urethra & vesica haeret, talique sulco concavo sive lunato, ut fig. 4 & 7 indicatur, donatus est, ita dirigit, ut finem sive partem posteriorem urethrae, mox post bulbum, ipsum collum vesicae & nominatim glandulam prostatam, ac denique initium vesicae recta linea in latere satis incidat. (Vid. Tab. XXIX. fig. 1. litt. I. K. L.). Plaga sic satis magna facta, e sella surgit, & vesicae vulnus, immisso digito indice manus sinistrae, paululum diducit, ac deinde peculiarem ductorem ad similitudinem quidem vulgaris ductoris canaliculati, quem gorgeret vocant, accedentem, (vid. Tab. XXXI fig. 9.) obliquo tamen manubrio litt. AA structum, sibi porrigi jubet, quem rostro suo B, ut alias cum vulgari moris est, in sulcum catheteris & postea in vesicam ipsam immittit, eoque ut plurimum simul calculum sentit, id quod efficit, ut tanto facilius eum deinde comprehendere queat. Hujus ductoris manubrium manu laeva arripit, super hunc, extracto cathetere, forcipem sive tenaculam suam (fig. 11), quae etiam circa habenas AA paulo aliter, quam haecenus usitatae, efformata est, facie plana sursum spectante ductu canalus ipsius quam cautissime in vesicam immittit; & dum in ejus cavum eam pervenisse cognovit, ipsam, exempto prius conductore utraque manu circa habenas amplectitur, rostro adhuc clauso calculum quaerit, eoque reperto, rostrum aperit, atque operam dat, ut inferiorem rostri maxillam sub calculum submergat; quo fit, ut calculus commodius & comprehendatur & educatur. Itaque sic ipsum apprehendit, eumque postea utraque manu, dextra circa extrema, sinistra circa medium applicata, lento motu, ut partes aptius diduci expandique possint, educi; id quod blanda forcipis in omnem sensum rotatio egregie promovet, curando ne forcipi se subducatur: quod ubi forte imminere agnoscit, eum denuo comprehendere, sed sine forcipis extractione, molitur. Si calculus amplus & laevis est, atque in eo vesicae sinu, ubi vulnus, situs est, illum quam facillime, in omnibus aegris & in omni aetate, extrahit. Sed si calculum vel valde exiguum, vel non commode situm esse intelligit, ut is forcipe facile comprehendi

(a) In peculiari Libello Anglico, cui Appendix ad historiam lateralis operationis est inscriptio, atque an. 1731 prodiit 4.

nequeat, hanc mox retrahit, atque digito in vesicam immisso eum invertere, & ex plicis vesicae, quibus saepe innexus haeret, expedire studet. Postea ductorem suum, facie convexa supra spectante, supra digitum hunc denuo intrudit, digitum deinde retrahit, ductoremque postea ita invertit, ut cava ejus pars sursum rursus spectet: in hac forcipem denuo immittit, calculum, ut antea dictum est, quaerit, & quam cautissime sine omni praecipitantia educit. Denique ne calculus in extractione facile diffingatur, unum alterumve digitum inter habenas forcipis immittit, ut ne fortius, quam opus est, a maxillis forcipis comprimatur, impediatur. Quod si tamen, non obstante hac observatione rum-patur, vel si plures calculi simul adsint, singulos, vel singula etiam frustra sensim extrahit, repetendo immiſsionem digiti & forcipis, si super hoc fieri potest; vel ductoris & forcipis, quoties opus est; id quod, si modo caute fiat, nihil quicquam damni inferre asseverat. Vulnus externum eo fere in loco facit, quo JACOBUS & RAUUS id fecerunt; sed longius supra & infra illud producit: eum in finem, ut commodius per vulnus amplius ferramenta quaeque in vesicam immitti, calculique, praesertim majores, facilius educi queant. Interne vero, dum finem urethrae, totum vesicae collum & simul partem vesicae huic proximam incidit, id agit, ut nimirum & interne juxta vesicam & in ea primo ampliorem plagam, sine intestini recti laesione (quod alias in methodo laterali, ut ait, facile laedi potest) efficere, & deinde calculos, cumprimis majores commodius protrahere valeat. Quod si forte arteriola quaedam exterior plus, quam par est, sanguinem fundit, ut jam dictum est, acu parva eaque curva, linum trahente illam ambit & postea ligat. Sin profundius sita est, quam ut ligari queat, liquore stiptico & compressione sanguinem cohibere studet. Extracto calculo linamenta cum digestivo unguento vulnere imponit, aegrumque mox in lectum transfert, ac tandem fascia vulnus lenissime constringit; posthaec bis in die vulnus deligat. Atque ex his patere ait, hanc CHES-
DENI methodum ex vulgari, quam majorem apparatus vocant, & Rauiana quasi compositam esse; aut, ut ego quidem existimo, ipsam Rauianam esse.

X X I.

Denique monendum hic restat, diligentissimum & ingeniosissimum CHES-
SELDENUM in inquisitionibus & curis suis ultimis ulterius progressum esse, & paullo post adhuc magis suam methodum emendare studuisse, atque alia adhuc ratione incisionem internam fecisse; & quidem sic, ut facto prius vulnere externo amplissimo, a scroto ad latus ani sinistrum, & cathetere per ministrum ad ossis pubis juncturam sursum attracto, scalpellum suum Tab. XXXI. fig. 8. primo in partem posteriorem catheteris, nimirum in vesicae partem inferiorem & lateralem, (sive in sinum vesicae sinistrum) post glandulam prostaticam & supra vesiculas feminales immiserit, (vid. Tab. XXIX. fig. 1. post litt. L) ac deinde incisionem sive plagam hanc antrorsum per sphincterem vesicae & glandulae prostaticae partem sinistram, in urethrae partem membraneam usque ad bulbum ejus produxerit, per litt. K. I. F. L. vel omnino M. K. I. F. eodem fere modo, ut N. XVII. in prima ejus methodo dictum est; hac enim ratione certius evitari intestini recti laesionem, quam in praecedenti & Rauiana, ubi facilius laederetur. Nam in praecedenti inciden-

di modo *bulbum urethrae obſtare aſſeverat, ne ſulcus catheteris, tam commode, quam in poſteriori hoc reperiri ac incidi queat: quemadmodum DOUGLASIUS in ſupra jam citata appendice id uberius pag. 12. indicavit. Poſtea ductorem ſuum canaliculatum Tab. XXXI. fig. 9 per vulnus in veſicam immittit, deinde forcipem, eoque calculum comprehendit & rotando blande educit. Differt itaque hic modus potiffimum a primo §. XVII, 1. quod veſicam aqua non impleat; 2. quod vulnus externum longius faciat; & 3. quod hic non duobus ſcalpellis, ſed unico tantum illo eoque recto ad utramque incisionem faciendam utatur. MORANDUS nihil adhuc de hac methodo proponit, ſed praecedentem N. XIX. deſcriptam pro optima declarat (a). Denique inter CHESELDENI emendationes, quas Lithotomiae attulit, DOUGLASIUS etiam refert, 1) quod ſi poſt operationem in curatione pulſum curandi debilem deprehendat, *veſicatoria brachiis ejus, ad vires ſuſcitandas, bono cum effectu imponat*; 2) *quando vulnus incipit fieri calloſum, veſicatorii fruſtulum ei immitat, eoque callum exedat: ita poſtea novam ſanamque carnem ruruſ pro pullulare & vulnus claudi*; 3) *ſi vulnus putridum fiat, parum viridis aeris uiguento digeſtivo-miſceat.**

X X I I.

Dranii ſentientia & obſervationes.

DRANIUS, Chirurgus nobiliſſimus Pariſinus, quem ſaepius quoque jam laudavimus, in egregio Libello Gallico (b), totum Lithotomiae negotium, id eſt, omnes hucusque (cum ſcilicet librum ſuum ederet) adhibitos calculum ſecandi modos, ſi CELSI excipias, quam accuratiſſime perveſtigare; atque quam plurimis in cadaveribus inſtitutis experimentis non ſolum illuſtrare, ſed in plenam lucem exponere ſedulo allaboravit; magnoque ſtudio & fabricam partium incidendarum ac laedendarum, & comoda & incommoda uniuſcujuſque modi indicavit, quibuſque in caſibus modo haec, modo alia methodus aptiſſime adhiberi queat, ediſſerit: atque propterea jure vult, ut Chirurgus genuinus, qui calculi veſicae curationem ſuſcipere cupit, omnes probe perſpectas habeat; & in omnibus exercitatus ſit: quia omnes certis in caſibus bonae eſſe poſſunt (c). Interea tamen eam, quae apparatus magnus appellatur, variis rationibus ceteris praefert; ſi modo in ea nonnulla artificia ſive encheiſeſes cautius ac prudentius, quam a multis vulgo fieri ſolet, inſtituantur: inter quae fere ea ſunt primaria, quae ſupra Cap. de magno apparatu §. VI. & VII. ex eo adduximus, & cumprimis, ut *collum veſicae ope ductoris canaliculati & digiti indicis quam blandiſſime diducatur atque ad veſicam uſque findatur: hoc enim modo fere idem fieri digito, & quidem ſatis tuto & haud adeo magno dolore, quod in laterali methodo, ſcalpello. Quando vero hoc imprudenter, celeriter & cum impetu fieret, ſicut nonnullis mos eſſet, lacerationem hanc graviores, quam quae digito blande inſtituitur, concitare dolores atque magis periculofam eſſe: imo, collum veſicae haud raro hoc impetu temerario ab ipſa urethra proruſ avelli: unde neceſſario* gravia

(a) In Memor. Acad. Reg. 1731.

(b) Quem inſcripſit: *Parallèle des différentes manières de tirer la pierre hors de la veſſie, par Henry François, le DRAN & C. à Paris, 1730. 8. c. figur.*

(c) Idem ſentit MORAND. Memor. Acad. Reg. Par. a. 1731., atque DENYSIUS quoque ait, omnes veterum modos non eſſe rejiciendos l. c. pag. 97.

gravia mala, inflammatio, gangraena, convulsiones & mors saepe inducerentur. Adeoque maxime eos hic redarguit Chirurgo, praesertim Parisienses, qui, ut ceteris promptiores atque expeditiores vanae gloriolae causa videantur, quam celerrime & cum impetu ductores & forcipem intrudunt, similique impetu, calculum quoque evellunt; cum hoc ipso pestiferas saepe lacerationes cervicis vesicae & urethrae imo ipsius vesicae quandoque efficiant, quibus mors curandis induceretur.

X X I I I.

Ceterum & apparatusi alto & apparatusi laterali laudes suas non detrahit; sed ostendere & evincere primo allaborat, in laterali, praesertim CHESELDENI, ut modo jam diximus, prostatam & collum vesicae scalpello discindi, vel scindendo aperiri, quae in magno apparatu, secundum ejus doctrinam, digito blande finderentur & dilacerarentur, adeoque non adeo magnam inter hos duos intercedere differentiam contendit. Altum apparatusum tuto adhiberi posse eis in casibus, existimat, ubi vesica ampla atque satis dilatari queat: id quod inde conjiciendum esse ait, quando aeger non adeo diu calculo laboravit, & largam satis urinae copiam continere valet. Perniciosum vero illum ipsum esse in eis, quibus vesica arcta aut callosa, ut distendi satis nequeat: id quod ut plurimum in iis contingeret, qui jam a longo tempore calculo laboraverint, & saepissime urinam excernere cogantur. Lateralem sive Rauianam & Cheseldenianam methodum melius quam vulgarem adhiberi, quando calculi valde magni essent: quia hi e corpore vesicae per vulnus amplius & facilius hic adhuc dilatandum, commodius educi possent. Carpit vero hic catheterem RAUII, quem (a) ALBINUS delineavit, quamvis, ut nihil hic dissimulem, DRANIUS longe alium & quidem rostro multum breviori, quam ALBINI est, pag. 107. delineavit; asseveratque, tali cathetere corpus vesicae apte incidi non posse, dum nimis facile, imo fere semper & necessario e vesica elaberetur, quando in eum situm disponderetur; in quo in operatione continendus esset: adeoque aliam catheteris pro hoc scopo figuram, quam aptiorem esse judicat, exhibet; (vid. Tab. XXXI. fig. 17.) qui simul in sulco ad certum spatium litt. e e. perforatus sive biatu aut foramine longo praeditus est; cujus ope quam commodissime vesica juxta collum ejus aperiri & per hoc postea vulnus, ope ductoris canaliculati (gorgeret) forceps facile immitti, calculusque ea educi posset (b). Scalpillum etiam peculiare exhibet, circa apicem, (quae acutior ipsi est) paululum a vulgaribus diversum (vid. fig. 16; quod in magno apparatu & Rauiana & Cheseldeniana methodo, (si revera diversae sunt) apte adhiberi posse censet. Quid vero de CELSI curatione senserit, jam supra Cap. CXL. §. XIII. & XIV. proposui.

X X I V.

GARENGEOTUS, qui in priori editione Operationum suarum Chirurgicarum Gallis perfectionem adscribit.

(a) In Indice Supellestilis RAUIANAE saepe jam citato fig. 1. & 2. ut & nos in Tab. XXXI. fig. 1.

(b) Ejusmodi biatum sive foramen in cathetere sulcato jam SERMESTUS quoque mihi proposuisse videtur, pag. 176. Lib. de Lithot. Douglass.

Aaaaa 3

rum nihil quicquam, neque de alta operatione, neque de methodo laterali, quasi nunquam de iis aliquid vel cogitatum vel scriptum fuisset, dixit; jam in posteriori sive altera editione, postquam tot alii, ac praesertim Germani & Angli, cum de alta, tum de laterali operatione & prius scripserunt, atque etiam utramque cum successu perfecerunt, operationem lateralem tandem quoque proponit, attamen simul subito super omnes reliquas non solum extollit, licet eam nunquam in homine vivo ipse instituerit (a); verum etiam omnem & inventionis & perfectionis gloriam solis Gallis vindicare contendit. Miror vero quare, cum res gestae Fratris JACOBI Parisiis non fuerint incognitae atque jamdudum indicatae & a MERYO, DIONISIO, COLOTO & LAUNAEO in scriptis publicis emendationes Parisiis satis perspectae essent, ipse non prius, quam Germani & nominatim ALBINUS (b) & ego (c) atque Angli, praesertim vero Jac. DOUGLASIUS & CHESELDENUS (d) de his rebus scripserint, aliquid proposuerit & emendationes atque perfectiones, quas solum civibus suis adscribere vult, non citius indicaverit. Ut nunc taceam BUSSIERUM (e), LISTERUM (f), LAUNAYUM (g), SAVIARDUM (h), ERNDELIUM (i) atque FEHRIUM (k), qui omnes jamdudum ante ipsius libri primam editionem de hac methodo scripserunt, ut propterea etiam jam merito aliquid de ea dicere potuisset, imo debuisset, si ipsi ea cognita fuisset. Spero tamen, si rem penitius perpendet, ipsum etiam aliquid honoris hoc in negotio & Germanis & Anglis relicturum esse, praesertim cum certissimum sit, quamvis etiam MERYUS emendationes methodi JACOBI indicaverit, & MARESCHALLUS (si vera sunt, quae ex LISTERO supra adduximus) eum primus imitatus fuerit, Gallos, & ipsos etiam hos duos coryphaeos, hanc methodum mox rursus abdicasse, impugnasse, & tanquam inutilem & noxiam prorsus rejecisse (l), RAUIO eum honorem adscribendum esse, quod hanc

(a) Id quod MORANDUS docet in Memor. Acad. Reg. 1731. ubi de laterali sectione differit; licet Meryo exprobrat, quod ille eam non instituerit.

(b) In Libr. Supellest. Anotom. saepius citato.

(c) In Germanica Chirurgiae meae editione.

(d) In libris saepe laudatis, praesertim vero in DOUGLASII Histor. lateralis operationis.

(e) In Act. Phil. Anglic. An. 1699.

(f) In Itinere suo Parisiensi. 1699. Londini edito.

(g) Dissert. sur les maladies & sur les opérations de la pierre, à Paris 1701. 12.

(h) In Observat. suis Chirurg. Paris. 1702. edit. obs. 109.

(i) In Itinere suo Anglico & Batavo, Amstel. 1711. edit. ubi hic notare lubet, hunc ERNDELIUM, Saxonem, & postea Regis Poloniae Archiatrum, meum commilitonem apud RUY-SCHIUM & RAUIUM fuisse, sicut & mei mentionem facit in libri hujus pag. 146; verum nonnisi per quinque menses Amstelodami degit, cum ego per tot fere annos ibidem vixerim.

(k) In Dissert. de calculo Basileae 1716. evulgata.

(l) Prolixius & eleganter de hac inventoris gloria agit ALBINUS, pater, praeceptor quondam meus venerandus, in oratione funebri, in obitum RAUII Lugduni Batavorum 1719. dicta, ubi inprimis, pag. 30. & seq. ait: Jam videtis cur Lithotomiae progressus tam prolixè enarraverim, ut appareat tot seculorum opus a nostro RAUIO demum perfectum esse. — Si unquam sectionibus occasio data, id Lutetiae Parisiorum factum est. — Sed tantum abest ut hanc methodum invenerint, ut ne jam quidem (nimirum a. 1719. cum haec oratio dicta sit) postquam rei tam insolentis fama ad illos pervenit, ejus periculum facere audeant. Imo pergit postea p. 32. & 33, cum Galli viderint Monachum illum experimenta non nisi per mortes agere, neminem, qui illum imitetur, repertum esse, atque ipsum MERYUM, postquam e sexaginta ab illo sectis tantum tredecim rite curatos videret, ipsius methodum, quae principio ipsi placuerat, prorsus deinde

banc methodum, quam omnes Galli rejecerant, atque in vivis tentare nequidem ausi erant, in usum sive praxin deduxerit, constanter, quamdiu vixit & valuit, retinuerit, uberius excoluerit ac perfecit, eoque ipso primum mihi (a), postea vero DENYSIO, Belgae (b), ac tandem etiam laudatis Anglis occasionem hunc e vesica calculum excidendi modum & in mortuis & in vivis experiendi imitandique dederit, sine quo forte in aeternis apud Gallos & GARENGEOTUM mansisset tenebris, atque oblivioni fuisset traditus sempiternae (c). His vero eorumque faustis promptissimisque curationibus post triginta fere demum annos ex somno quasi excitati tandem Galli, eam, quam antea, licet jam scriptis publicis emendatam, unanimi consensu rejecerant, & ex Gallia exterminaverant, calculi secandi rationem in lucem rursus protrahere experiri denuo statuerunt, atque inter hos potissimum Clar. MORANDUS, qui hanc ob causam non culpando, sed potius laudando instituto An. 1729, dum multi alii Galli, & inter hos praecipue GARENGEOTUS hoc vituperat, & in Chirurgia nihil extra Galliam disci posse, sibi aliisque persuadere volunt (d), iter Londinum fecit (e), ut eam a dexterrimo CHESELDENO videret atque rite disceret, sicuti ego RAUUS causa Amstelodamum abii, ut ab hoc hanc curationem viderem ac discerem, qui deinde Parisios reversus hanc ipsam etiam in aegris variis, sicut infra uberius exponemus, cum successu tentavit. Interea dum hoc in itinere erat,arii Galli & inter hos etiam GARENGEOTUS & PERCHETUS, Nosocomii Charitatis Chirurgus, hac re incitati ad ductum ALBINI & CHESELDENI in cadaveribus experimenta instituerunt, & postquam ex his se satis ad hanc operationem perficiendam idoneos crediderunt, PERCHETUS, ut GARENGEOTUS refert (f) eam Parisiis primus, ut ait, (licet hoc Listerus MARESCHALLO adscribat) post JACOBUM feliciterque sequenti ratione in puero perfecit. X X V.

deinde damnasse atque ut summe noxiam proclamasse ac rejecisse. Talem vero, qui aliquam rem contemnit, damnat, rejicit, aliamque praefert, pro vero autore aut inventore haberi minime posse. Conf. cumprimis Cap. XIV. ex observat. MERYI de methodo JACOBI, ex quo haec res satis erit manifesta.

(a) Jam an. 1728. in dissert. mea de alto apparatu pag. II. monui, RAUUM binas Lithotomiae methodos, JACOBI scilicet & magnum apparatus prudenti consilio conjunxisse, ita ut eodem quidem, quo JACOBUS loco, incisionem, sed instrumentis magni apparatus, quemadmodum jam in prima Chirurgiae meae editione a. 1718. Cap. de methodo Fratris Jacobi, docui, perfecit. Atque ob easdem etiam rationes methodum CELSI, aliorumque veterum, qui eodem, quo Jacobus, loco incisionem faciendam docuerunt, cum Mariana sive magno apparatu combinavit.

(b) Vid. Observat. ejus de calculo.

(c) Autor praefationibus Libelli de Lithotomia COLOTI pag. 71. idem affirmat; verum jam antea pag. 58. sapienter dixit: *Le Frère Jacques a prévenu M. RAU; mais il n'ote rien à la gloire de ce savant Médecin: son génie, ses lumières, son industrie ont rectifié une méthode incertaine, pleine de dangers, & presque toujours funeste; ses soins lui ont donné plus de sûreté, & lui mériteront peut-être la préférence, &c.* Uberius de RAUUS meritis ejusque methodi praestantia conferri meretur, quod idem Auctor pag. 71. & proxime sequentibus hac de re docte atque eleganter differit.

(d) Eandem superbiam atque opinionem graviter redarguit Auctor praefationis modo laudatae in Lib. COLOTI de Lithotomia pag. 80. & seq.

(e) Vid. Memor. Acad. Reg. Paris. 1731. & GARENGEOT in Oper. Chir. Cap. de sect. laterali.

(f) Chirurg. Cap. de laterali sectione T. II. pag. 186. & 197.

X X V.

Ejus &
Percuti
modus.

Praeparatione scilicet aegri praemissa, die operationi destinato, bihorio vel trihorio ante operationem *clysterem*, ut alias fieri solet, ei injiciendum curant; postea ipsum tabulae firmac ad lucem claram rite dispositae, quae duorum circiter & dimidii pedum altitudinem habeat, imponunt, postquam eam prius tegumentis & duobus pulvinaribus, (quorum alterum, extremo cui nates incumbere, alterum ubi caput quiescere debet, subjiciendum) contexerant, hisque rursus linteum magnum, aliquoties duplicatum, superimposuerant, quem deinde ut in magno apparatu ligant. Aegro ligato, ipse ita, ut nates extremo tabulae luci adversae insistant, collocatur, pedesque, ut alias, a duobus ministris continentur; tertius vero, vel in robustis aegris etiam quartus, humeros aegri firmant, ut nulla ratione se movere, multo minus recedere possit: quia firmissimus decubitus hic summe esset necessarius (a). Tandem ministrorum seu adjutantium dexterimus post eum, qui sinistram pedem sustinet, collocandus, ubi ex horum sententia commodissime, contra quam vulgari methodo fieri solet, & scrotum & potissimum catheterem sulcatum, (quem RAVIUS ipse sustinebat) continere potest; qua in re CHESELDENUM imitantur, ut sic Chirurgus ambabus manibus circa plagam commodius in ipsa operatione uti queat. Post haec hic catheterem ferreum, profunde sulcatum, & valde incurvatum, cujus rostrum longum sit, & manubrium amplissimum, ut firmitus comprehendi queat, oleo prius tinctum, in vesicam demittit, (de amplitudine vero ejus nihil dicit GARENGEOTUS). Quem ubi intrasse percipit, manubrium manu sinistra ad inguen aegri dextrum blande inclinat, & rostrum indice dextrae inter futuram perinaei & tuber ischii investigat, observando ne hoc rostrum varias ob rationes ipsum ischium attingat. Deinde ansam catheteris in hoc situ ministro huic usui destinato dextra tenendum tradit, sic ut pollice anteriorem, digitis posteriorem laminae partem comprehendat, cavendo ne ulla ratione vacillet, aut eum commoveat, aut a loco aberret; laeva vero scrotum elevet & ad latus dextrum paullulum reclinet, quo ipso cutem etiam perinaei aliquo modo tendit. Chirurgus postea sinistra cutem perinaei indice futurae imposito oblique ad dextrum femur trahit, manu vero dextra scalpello primam incisionem, eamque obliquam, per cutem & pinguedinem facit, incipiendo ad digiti distantiam a perinaei sutura & lineae latitudine supra locum maxime eminentem curvaturae catheteris, eamque usque ad tuber ischii oblique extendendo: adeoque, sicuti RAVIUS a parte superiori ad inferiorem descendendo. Nam JACOBUS a parte inferiori ad superiorem ascendere solebat (b). Ratione profund-

(a) L. c. pag. 210. & seq.

(b) Quia nonnulli asseverant RAVIUM rectam fecisse incisionem externam, hinc quidam (ut GARENGEOT. p. 198. T. II.) hoc redarguunt & inferunt, ergo eum non obliquam fecisse, atque varias noxas inde deducere conantur. Verum ego semper vidi, ipsum talem obliquam sectionem instituisse, qualis dudum ab AEGINETA Lib. VI. Cap. 80. & hic modo descripta est: & quia ejusmodi obliqua linea quoque recta est, dum revera neque curva neque lunata est, qualem CELSUS fieri jussit, illi mihi non errasse videntur, qui ipsam incisionem rectam fecisse scribunt. Attamen ejus recta erat semper simul paullulum obliqua, & ut ALBINUS filius recte ac perspicue scripsit, a superioribus ad inferiora & exteriora, id est, versus ossis ischii tuber nonnihil ducta, ut nempe a recto intestino recederet. Sed quid hoc aliter est, quam linea obliqua? Notum enim est, lineam rectam posse esse vel directam, vel transversam, vel obliquam.

funditatis hujus primae incisionis observandum, quod ea in macilentis una sectione vel actu fieri queat, in obesioribus & robustioribus vero duabus vel tribus; id quod tamen a prudentia atque dexteritate Chirurgi dependet. Hoc facto indicem manus sinistrae in medium & fundum vulneris immittit, non ut intestinum rectum, ne laedatur, repellat, sicut CHESOLDENUS vult; verum ut sulcum catheteris tam profunde, quam fieri potest, quaerat; imo & hunc si forte loco cesserit, rite rursus disponat. Nam rectum laedi non posse, dicit, si modo incisio, ut dictum est, decenter fiat, & catheterem facile quoque sic inveniri asseverat. Tum, quia primaria sectio nunc fieri debet, ministri omnes suum ut rite faciant officium & ne aeger sese moveat, severe, ut RAUUS eo momento facere solebat, imperat, atque ope scalpelli sui primo incidit urethram, dirigendo scalpellum in sulcum ope unguis indicis sinistri, mox collum vesicae in latere, ac denique elevando manum sic, ut dorsum cuspidis scalpelli sulco catheteris innitatur, acies vero ad vesicam respiciat, ipsum corpus ejus ad digiti transversae circiter latitudinem & ultra, si fieri potest, aperit; nam in hoc omne commodum & praestantiam hujus methodi consistere recte monet: ubi vero indice sulcum nudum & simul scalpellum, ne forte a sulco aberret, semper sequi debet. Incisione sufficienti facta, quando nimirum sulcum ad duorum circiter digitorum transversorum latitudinem nudum sive detectum sentit, scalpellum retrahit, relicto indice in sulco, dextra ductorem canaliculatum prehendit, ejusque rostrum duce ungue indicis, sulco catheteris immittit. Postea digitum retrahit, atque hac manu ansam catheteris, quam huc usque minister sustinuit, amplectitur, eaque paululum ad se inclinata, eodem tempore conductorem in sulco catheteris ad vesicam demittit, id quod rite factum esse ex urinae effluxu e vulnere manifestum est, quam mox profluere viderunt. Hoc facto, catheterem hinc inde leniter vacillando extrahit, ductoris vero ansam manu sinistra arripit, atque indicem dextrae primo in canale ductoris blande in vesicam intrudit: id quod lenissime vulnus diducit, viamque facilem forcipi praeparat. Itaque mox postea manu dextra forcipem per canalem ductoris in vesicam blande impellit, id quod tunc ut plurimum satis facile fieri potest. Laeva post haec ductorem educit, forcipemque valde, ad vulnus uberius sensim dilatandum, aperit, ac deinde clausa rursus forcipe calculum quaerit, prehendit, atque, ut alias dictum est, protrahit. Calculo extracto, index denuo in vesicam immittitur, ut exploretur, an alii forte adhuc calculi supersint: quod si sit, forceps super hoc digito, vel super ductore globoso, (Bouton) denuo impellitur, & calculi reliqui eadem ratione extrahuntur. Praecipua quidem momenta hujus actus GARENGEOT figuris aliquot illustrare satagit; quae vero tam male exaratae sunt, ut id, quod indicare conatur, ego cum multis aliis inde cognoscere non poterimus. Denique nec hoc est praetermittendum, quod cum DOUGLASSIO & FALCONE TO (a) contra ALBINUM filium, moneat (b), solam vesicam hac methodo incidi non posse; verum semper simul cervicem vesicae & prostatam a latere, atque non nisi exiguum vesicae partem, sicut etiam MORANDUS notavit:

(a) In quaestione de methodo laterali.

(b) Ibidem pag. 204. 205.

vit: ubi quoque peculiare *parvum scalpellum* delineatur (a), quod Tab. XXX. fig. 18. a CHESELDENI fig. 8. non multum abludens, repraesentari quoque curavi, quo sectionem PERCHETUS perfecisse videtur (b).

X X V I.

*Senffii metho-
dus lateralis.*

Tandem ab instituto nostro haud alienum erit, *si quid alii adhuc Germani*, praeter RAUIUM, ERNDELIUM, FEHRIUM, ALBINUM, me aliosque in hac laterali methodo excolenda atque perficienda *praestiterint*, quantum ad meam notitiam pervenit, *hic utilitatis publicae causa cum lectoribus communicavero*. Speciatim vero hic adhuc proponam & describam, quid SENFFIUS, Chirurgus Regius Berolinensis, ibidemque Chirurgiae publicus nuper in Nosocomio Regio Charitatis Professor atque Operationum Chirurgicarum Demonstrator dexterrimus, sed praemature in magnum Chirurgiae detrimentum defunctus, hac in re fecerit, & *quomodo ille lateralem sectionem feliciter quoque saepius instituerit*. Haec vero *ex relatione filii mei* nunc quoque defuncti, hic addo, utpote qui per magnam partem anni 1735. & 1736. Berolini degerat, atque in Arte Chirurgica ejus quoque informatione ac manu ductione usus est, hancque operationem aliquoties ab ipso, tam in cadaveribus, quam in vivis, magna cum dexteritate perfici vidit, quae ita se habet. Clariss. SENFFIUS, cum in aliis actionibus Chirurgicis administrandis, tum in extrahendo e vesica calculo exercitatissimus, *omnibus haecenus notis methodis lateralem sectionem anteferendam putavit*, eandemque sequentem in modum instituit. *Aeger collocabatur in tabulam hujus altitudinis*, ut Chirurghi in genua prostrati regionem umbilicalem (ita enim ipse hanc altitudinem describebat) attingeret. *Tabula antea tegebatur duobus pulvinaribus*; altero, *natibus*; altero, *capiti* subjectus. *Nates aegri versus extimam tabulae oram, luci oppositam, protrahabantur*; duo ministri utrumque pedem, ad nates reflexum, & *cum manu ope laquei junctum* firmiter detinebant; (quos vero in pueris non ligabat): tertius a tergo humeros firmabat, quartus tabulam ascendere jussus in genua super decumbentem, ita se *projiciebat*, sicut ALGHISIUS delineat, & ego ex illo Tab. XXIX. fig. 9. D) *ut dextra manu genitalia reclinaret*; utriusque vero manus digitum indicem sic perinaeo applicare, ut locus sectionis medium illorum occuparet & cutis ibidem quodammodo tenderetur, quo sectio tanto accuratius fieri & catheter in perinaeo rectius sentiri posset. *Quintus minister ad instrumenta & continenda & porrigenda paratus erat*. Omnibus ita praeparatis, Chirurgus noster *catheterem sulcatum, ex argento confectum, tenuem admodum* (c), *comparatione cum vulgaribus & RAUIANO instituta, magis etiam vulgari & Rauiano incurvatum* (ita nimirum ut in Tab. XXVII. fig. 15. litt a a a indicavi) oleoque illitum, vesicae immittebat, & denuo de praesentia calculi se & adstantes

(a) Parvum ejusmodi scalpellum pro hac curatione primus commendavit & delineavit ALBUCA SIS L. II. Cap. 61.

(b) Ductore vero ampliori & forcipibus tam in magna quam laterali secandi ratione usus est.

(c) Vix dimidiam partem amplitudinis quam Rauianus, habet, atque hic solus inter omnes hic *cathetere argenteo* usus est; unde patet & argenteis catheteribus rem hanc quoque succedere.

stantes certiores reddebat. Hoc facto in genu dextrum, ut R A U I U S (a), se prosternebat & manu sinistra habenam catheteris versus inguen dextrum, sed rostrum ejus versus tuberculum ischii flectebat, catheteremque ipse, sicut R A U I U S solebat, in operatione sustinebat, atque loco fere medio inter anum & tuberculum hoc cutem primo ac pinguedinem scalpello diffecabat Lithotomo lato, vulgaribus vix dissimili, linteoque eadem ratione (b) ad dimidium usque involuto. Postea scalpellum suum Lithotomum transversim (id quod R A U I U S etiam plerumque faciebat,) ore aliquantisper prehendebat & dextro indice catheterem in vulnere inquirebat, hocque invento scalpello ex ore retracto, primo per cutem, deinde in ejus sulco, ut R A U I U S, incisionem faciebat. Postea scalpello in sulco firmiter detento, sinistra manu catheteris manubrium ad se paullulum flectebat, dextra vero, scalpellum tenente, rostrum catheteris introrsum cedens prosequabatur atque sic vesicam uberius incidebat. Hoc facto, catheterem quarto ministro in hoc situ adhuc tenendum tradebat, ipse vero sinistra manu juxta scalpellum in vesicam conductorem marem demittebat, postea scalpellum ex vulnere & sulco catheteris extrahebat atque ductorem foeminam (ex argento, uti mas, confectum) quoque super hoc, ut alias moris est, immittebat. Exempto deinceps etiam cathetere inter conductores hos, ut R A U I U S faciebat, bene diductos, forcipem immittebat & eadem clausa, ductoribus prius extractis, calculum indagabat atque tanta dexteritate & promptitudine protrahebat, ut vix duo vel tria minuta in hac operatione perficienda consummeret. Quas partes intus inciderit, asseverare certus haud possum: quia occasio mihi non fuit ejusmodi cadaver aperiendi atque partes dissectas pervestigandi. Quos autem vivos secuerat aegros, omnes, quos ego vidi, evaserunt: adeoque nec in his examinari res potuit. Ejus mens, ut ipse dixerat, fuit, solam incidere vesicam, atque in hoc methodum Rauianam sive lateralem consistere & existimavit & publice docuit, quemadmodum etiam tu & A L B I N U S, filius, R A U I U M fecisse scripsistis: nam ex his scriptis ipsum hanc methodum potissimum didicisse videtur, eamque etiam imitari & sequi voluit, nisi quod cathetere magis incurvato ac tenuiori eoque argenteo, ut jam dixi, usus sit. Tenuiorem vero catheterem propterea sibi fabricari curavit, quia facilius eum ad vesicam demitti posse existimavit (c), sed argenteum, ob nitorem. Quoniam vero longe magis, vulgaribus & Rauiano, incurvatus fuit, hoc ipso autem urethra ac vesicae cervix magis ad perinaeum compelluntur, verisimile mihi est, ipsum non solum vesicam, verum etiam cervicem incidisse.

X X V I I.

Postremo M O R A N D U S, unus ex primariis nunc Chirurgis Parisinīs & Societatis Regiae Collega, prudentissime quoque ratiocinatur de diversis Lithotomiae methodis, easque omnes, si a prudentibus ac peritis juxta optimas emendationes perficiantur, cum D R A N I O utiles esse statuit, ut multiplicationem ipsarum non noxiam, sed potius emendationem quandam atque pro varietate calculorum ac vesicarum

(a) Vid. supra §. XIII.

(b) Ut Tab. XXVII. fig. 9.

(c) Licet HILDANUS, JACOBUS & R A U I U S, ut supra dictum est, contrarium senserint.

rum aegrarum (imo & ipsorum aegrorum) certis in casibus utilissimam esse (a); nullamque promiscue contemnendam aut rejiciendam (b), quia & ratione & experientia nituntur, sustinet: seque omnes probe & peruestigasse, & perfecisse. Postquam vero de alta operatione libellum a 1728. scripserat, se quoque lateralem describere voluisse affirmat. Sed cum de insigni ac prospero successu, quo Cel. CHESELDENUS Londini recentissime hanc operationem perficeret, inaudiret, desiderium ipsum cepit, CHESELDENI prius modum & artificia quibus in ea uteretur, suismet ipsis videndi oculis, atque hanc ob causam vere A. 1729. iter Londinum fecit, & non solum methodum, qua aegros calculo laborantes curet, diligenter aspexit, verum etiam de eo frequentes sermones, qui negotium hoc illustrare possint, cum ipso miscuit; imo reversus Parisios idem commercium adhuc per litteras cum ipso continuavit, atque in cada-veribus quamplurima prius experimenta instituit, sic ut totam tandem hanc rem se satis perspexisse & quasi exhaustisse crediderit. Certiores etiam nos facit, CHESELDENUM altam operationem, qua antea felicissime usus erat, ob aliam causam non intermisisse aut reliquisse, quam ea solum intentione, ut experiretur, an non in adeo ipsi praedicata Rauiana secandi ratione adhuc meliorem, quam alta esset, deprehendere queat methodum. Ubi postea refert, quomodo CHESELDENUS experimenta, partim imitando & sequendo ALBINI descriptionem methodi Rauianae, partim vesicam prius aqua implendo, fecerit (c); verum utraque hac ratione urinam post operationem in adiposa five cellulari substantia, quae intestinum rectum ambit, saepius haesisse, atque ulcera putrida & sordida inde ibi concitata esse, unde varii mortui essent, CHESELDENUS contendit (d). Praeterea ex sententia CHESELDENI monet, ne ille, qui catheterem sustinet, ulla ratione ipsum antrorsum premat: quia alias totus sphincter facile discinderetur. Deinde ne vulnus in membrana adiposa juxta rectum nimis profundum fiat (forte ne urina facile ibi haereat & putrescat). Porro ulceratam vesicam hac methodo melius, quam ulla alia mundari posse; & denique, quod maxime hunc modum commendat, esse, quod calculum magnum, quem alius Chirurgus Mariana methodo educere non potuerit, CHESELDENUS praefens, ampliato sua methodo vulnere, promptissime eduxerit. Tandem post multa experimenta praesente MARESCHALLO, Chirurgo nuper Regis primario, atque in hac re expertissimo multisque aliis Medicis & Chirurgis (e);

An.

(a) In Memor. Acad. Reg. Par. 1731.

(b) Ab hac sententia nunc recessisse videtur DRANIUS, in Lib. de Operat. Chirurg. 1743. edit. quia in hoc tantum de sua methodo, nihil vero de ceteris scripsit.

(c) Descripsi has jam methodos prolixius §. XVII, XVIII & XIX.

(d) Sed ut verum fatear, post RAUII operationes hoc nunquam accidisse vidi, neque mihi in hac methodo hoc unquam contigit. Neque etiam ratio adducitur, quare hoc factum sit, & quomodo hoc CHESELDENUS sua secandi ratione impediat: dum in externa incidendi ratione itemque in loco, quem RAUIUS incidere solitus est, nullam perspicio alicujus momenti mutationem, quae hoc impedire valeat.

(e) MARESCHALLI hic rursus fit mentio; sed an ipse olim hanc operationem jam A. 1698. instituerit, ut supra ex LISTERO indicavimus, neque affirmatur, neque negatur: adeoque mihi dubium est, an revera eam exercuerit, velimque ut a Gallis publico aliquo in scripto verum hic demonstretur. Nam si hi filebunt, res haec manebit incerta, & quosdam horum contra veritatem scripserunt manifestum est.

An. 1730. hanc operationem prospero cum successu factam esse Parisiis MORANDUS narrat, & ex sedecim aegris, quorum octo PERCHETUS & octo ipse, MORANDUS scilicet, secuit, quemlibet non nisi unicum desiderasse; cum contra ex duodecim, qui magno apparatu tunc temporis in Nosocomio ibidem secti fuerint, quinque obierint. Inter commoda hujus methodi, praeter ea, quae jam supra indicavimus, MORANDUS adhuc refert, quod facilius & certior sit Mariana: quia indice duce omnia certius perficerentur, ne damnum facile concitari aegro queat. Deinde operationem breviorē & minus dolorificam esse Mariana, magnosque calculos facilius ipsa educi posse &c. Posthaec methodum RAVII, prout ALBINUS eam descripsit, nimis intricatam & difficilem pronunciat, dubitatque cum DOUGLASIO, GARENGEOTO & FALCONE-TO, an RAVIUS revera ita fecuerit (a) & denique perfectiorem de laterali operatione Tractatum, quam nunc habemus, promisit; qui vero hucusque, quantum novi, nondum apparuit.

X X V I I I.

Postquam sic emendationes omnes methodi lateralis, quae ad annum usque *Promitti-* 1738, quo Chirurgicas hasce meas Institutiones primum publice typis exscri- *tur vita* bendas Amstelodamum miseram, ad notitiam meam pervenerant, propo- *Jacobi.* fueram, ac dubia multa, imo & errores non paucos detexi, quos Scriptores & cumprimis Cl. MORANDUS circa Fratris JACOBI vitam & res gestas, ex falsis sine dubio ipsi datis relationibus, vel commiserant, vel non satis manifeste retulerant, illustrare studui, optavique, ut *quis fata hujus viri &* perfectiorem, quam tunc habebamus, historiam de eo conscriberet, atque his cumprimis Gallos excitare intendi, ut hoc facerent; quia hi prae ceteris dum in Gallia natus & educatus est, maximamque vitae suae partem in ea transegit, & praesertim non in loco quodam ignobili aut obscuro, sed in regione ubique celebri ac probe nota, ubi res ejus gestae maxime peractae sunt, judicavique, ut ex meis indicatis veritatibus & maximam partem correctis variorum circa hanc rem gravibus commissis erroribus, illustratisque multis dubiis, quae ejus vitam & res gestas premebant, perfectiorem de eo historiam scribere possint, & sic his fundamenti loco positus speravi aliquem futurum aut venturum esse, praesertim inter Gallos, eumque praecipue Medicum aut Chirurgum, qui pleniorē ac perfectiorem de ipso historiam in rebus, quae ad meam notitiam non pervenerunt, conscripturus atque editurus sit. Verum cum haecenus intra decennium hoc nihil, quantum novi, hac de re apparuit aut a Gallis factum est, ipse tandem decrevi, me peculiari Libello ejus vitam, historiam ac res gestas, quantum interea ex uberioribus ac pluribus adhuc multorum in variis Europae partibus doctorum virorum fide dignis relationibus & bonis scriptoribus fieri poterit, seorsim conscripturum esse, praesertim si qui momenta mihi ignota, id quod precor, mecum bene-

(a) RAVIUS revera ita secuit, quantum visu cognosci aut percipi poterat. An vero scilicet *lam vesicam*, ut olim etiam putavi, *inciderit*, nunc quoque dubito, ob rationes supra prolatas.

benevole communicare velint, eamque ob causam, quae in priori hujus Libri editione capituli hujus CXLIII. §. XXIX. ad XXXIX. de historia *Fratri Jacobi* scripseram, ne hic Liber, Chirurgico potissimum usui destinatus, rebus historicis, quae multi haud curant, nimium repleatur, hic nunc omittere consultum duxi, ut in Libello isto seorsim, quibus placet, eas legere possint, & loco harum hic solum paucis adhuc indicabo, quatenus ab illo tempore & a quibus adhuc emendationes aut variationes methodi lateralis accesserint.

X X I X.

*Methodus
Foubertiana.*

Sunt autem illae primo methodus, FOUBERTIANA dicta, a Chirurgo Parisiensi, cui FOUBERTI nomen, ita appellata, & quam primum in Germania *Kesselringius* Borussus, postquam eam Parisiis ab eo perfici vidit, in Dissertatione *de Methodo Foubertiana administrandi Lithotomiam super acu triquetra*, 1738. Halae publicavit, & simul ferramenta praecipua ejus aeri incisa in tabula exhibuit; quae in eo potissimum consistit, ut curandus, praemissa consueta praeparatione, primo eum in situm collocetur, ut in Mariana aut laterali secandi ratione: postquam vesica urina, praegresso potu largo aqueo, aliqua ratione repleta est, quam ut in alto apparatu in vesica continere studet. Deinde, neglecto cathetere *acus longa triquetra*, fistula inclusa, ac sulco donata, fere ut illa Tab. XXIV. fig. 4. sed duplo longiore, eo in loco, ubi sectio in laterali instituitur, in vesicae partem inferiorem lateris sinistri usque a Chirurgo adigitur, ac deinde in sulco hujus acus sive fistulae scalpellum peculiare curvum, valde difforme a *Kesselringio* & *Fouberto* delineato, immittitur, eoque vulnus parvum acu illa factum, quantum satis est, ampliatur. Denique per eundem sulcum ductor canaliculatus (*Gorgeret*) in vesicam impellitur, & in hoc forceps calcularia, qua calculus quaeritur & repertus ac prehensus tandem educitur. Hanc curandi rationem postea etiam descripsit Cl. GUNZIUS, Lib. de Calculum curandi viis 1740. denique vero ipse inventor in *Commentar. Chirurg. Paris.* Tom. I. pag. 650. eam prolixius descripsit: ubi non solum fusius de ea agit, verum etiam *ferramenta plurima fabricam partium*, ubi sectio haec instituitur, ipsaque artificia sive encheirisin, octo magnis figuris aeneis, illustrare & ob oculos ponere studuit. Verum cum hic modus Celsiano & lateralibus ceteris omnibus magis sit intricatus ac difficilior, periculisque pluribus obnoxius, sicuti ambo illi viri de eo judicant, atque etiam plures, qui hoc secti fuerunt, referente GUNZIO, mortui sunt, nullumque commodum inveniam, ob quod vel parvo vel laterali praeferri debeat, nisi forte ut *Kesselringius* judicat, in necessitatis casu, ubi catheter, in vesicam haud immitti, & calculus digitis ad perinaeum adpelli non possit, prolixior de eo esse nolo, sed illos, qui plura de illo nosse cupiunt ad modo laudatos Scriptores ablego.

X X X.

Deinde adhuc aliam calculum per scalpellum curandi viam, referente pri- De Catia-
mum FAYO in notis ad *Dionisii* Chirurgiam, & postea GUNZIO in eodem Li-
bello a CATIO, Medico Gallo, Rothomagensi, esse inventam, quae a cete-
ris lateralibus, peculiaribus duobus scalpellis, altero quo urethra, altero quo
vesica inciditur, differt, quamque ille paucis, hic vero proluxius descripse-
rat, atque uterque scalpellorum figuram tabula quoque aenea II. exhibuerat.
Verum Gunzius postea in PLATNERI Instit. Chirurg. p. 953. anno 1744.
editis, omnia quae de ea dixerat, aut scripserat, revocat & falsa proclamat,
adeoque & ego nihil amplius de ea dicam, donec forte Autor ipse aliquando
suam methodum publici juris faciat.

X X X I.

Interea quam egregie etiam haec methodus hodie exculta est, tamen in- Incommoda
commoda & difficultates quaedam, quae evitari omnia nequeunt, subinde ut methodi la-
in magno apparatu hic incidunt; nam 1. *fistula in perinaeo quandoque orta est* teralis.
& ob varias causas adhuc oriri potest, quemadmodum id exercitatissimo
JACOBO haud raro accidisse, legimus; 2. *Calculi situs transversus*, qui longus
est ac magnus; & quod cognosci saepe ante sectionem non potest, ut supra
jam dixi, facile efficit, ut saepe aeger, dum Chirurgus calculum educere fa-
tagit, vehementissime imo ad mortis usque periculum excrucietur, & tamen
calculus in hoc situ extrahi nequit; qui vero commodius vel parvo vel alto appa-
ratu educi potuisset; 3. *situs calculi supra os pubis*, & quidem ad formam quasi
unci incurvati eique sua figura ita annexi, ut protrahi nequeat, quale exem-
plum lethiferum SERMESIUS notavit (a), & ego quondam quoque vidi &
delineavi & descripsi (b), efficere potest, ut calculus vel non, vel saltem
perquam difficulter & haud raro sine vitae periculo educi nequeat. 4. Si
calculus *in fovea sive cellula quadam vesicae haereat*, vel *valde parvus sit*, vel
in frustra dissiliat, plerumque ut in magno apparatu, depromi hac methodo
commode haud potest (c); id quod etiam in calculis ejusmodi, itemque in
magnis ipsi RAUVIO haud semel accidisse SERMESIUS refert (d). 5. Hic
modus etiam non procedit, *si ob quamcunque causam vesica catheterem non reci-
pit*. 6. Ut taceam nunc quod catheteribus, ductoribus vel forcipe in vesi-
cam immisiss ea vel perforari, vel prehendi & misere dilacerari queat, & quae
sunt alia ejusmodi incommoda cum magno apparatu communia, quae quampluri-
ma esse ipse SAVIARDUS, expertissimus quondam Parisiensis Lithotomus,
qui septingentis & pluribus calculum secavit, asseverat; quae calculi in
magno adeoque etiam plerumque in laterali apparatu extractionem diffi-
cilem & periculofam efficiunt (e). 7. *In mulieribus*, adultis saltem
(a);

(a) In Lithotom. Douglass. in praefatione.

(b) In Annal. Acad. Juliae semestri XII. fig. 3. & 4.

(c) *Minores calculos* (adeoque & frustra minora) ipse DENISIUS fatetur hac methodo diffi-
culter extrahi posse, ut supra jam dixi.

(d) Lib. cit. pag. 180.

(e) Conf. ejus Observat. Chirurg. p. 428. ad 430 & 444. ac seq.

(a), lateralis sectio vix cum emolumento ac sine vaginae perforatione institui potest, *nullaque certa prostant exempla*, ubi hoc in adultis feliciter factum sit: imo experimenta in mortuis instituta, ut JACOBI nunc praetermittam, ostendunt, sine laesione vaginae, quin & saepe intestini recti, hac via ad vesicam aditum non dari: conf. quoque SERMESIUS, qui etiam hunc in finem experimenta in cadaveribus, *sed non nisi cum vaginae laesione* instituit. pag. 182. Adeoque propter has aliasve causas vel parvus vel altus apparatus saepe huic praeferrī meretur, si alia simul conspirant.

X X X I I.

*Lithotomia
operatio an
ceps est.*

Denique quantumvis gnaviter in excolendis perficiendisque calculum secandi artificiis, ut ex dictis patet, celebres & Medici & Chirurghi defudarunt, ipsum tamen opus *satis periculosum atque anceps adhuc est*, ut nulla omnino Lithotomiae methodus existat, quae tuto semper adhiberi queat, & quae non cum gravibus saepe, praesertim certis in casibus aut aegris, conjuncta sit incommodis atque periculis, maxime si quis *una sola uti eique solum adstringere se velit*. Quae quidem tantum abest, ut tolli vel praecaveri omnino omnia queant, ut varias ob causas ne definiri quidem in universum adhuc, *quae tutissima reliquisque semper praeferrenda sit Lithotomiae methodus*, satis certo possit; sed iudicio boni Chirurghi, quam pro aegrorum ac rerum circumstantium varietate seligere velit, relinquendum; adeoque *ut omnes probe discat & calleat, opus est*.

X X X I I I.

*Cautiones
circa elec-
tionem me-
thodi.*

MINOR APPARATUS difficulter subinde *succedit in calculis aculeatis*, qui tamen rari sunt; deinde in calculis *valde magnis*, qui digitis satis contineri nequeunt; & denique *in hominibus valde proceris*, ubi ob longam vesicae ab ano distantiam calculus satis apte comprehendi & ad perinaeum propelli nequit, ubi vel altum vel lateralem magis convenire existimo. *Contra in pueris, & adultis parvis, ubi calculus non valde magnus, nec aculeatus, quales plerique sunt, & ubi ad perinaeum compelli potest, ob antiquam simplicitatem & ob pauca instrumenta, quibus hic indigemus, quicquid alii contradicant, & cum primis etiam in calculo cervici vesicae innexo, commodissime & aptissime adhibetur, atque propterea tunc ceteris praeferrī meretur omnibus, & cum primis ubi catheter in vesicam immitti nequit.* APPARATUS ALTUS *in senibus & debilibus, aut ubi vires jam prostratae sunt, itemque in ulcerata vesica, experientia teste, ut plurimum periculosus adeoque haud suadendus est, ut supra jam indicavi, N. XXI. Contra in pueris & juvenibus, quamvis etiam calculi magni sint, egregie convenire observatus est. Ita & si calculi sint parvi, quales & magno & laterali apparatu, ut plerique fatentur, difficillime saepe inveniuntur, imo interdum prorsus reperiri adeoque & ejici nequeunt; aut si plures minores adsint, vel fragilis calculus, ii omnium optime hac methodo educi possunt, sed probe semper observandum, ne fundus vesicae incidatur.* AP-

P A R A -

(a) Ravius unius puellae mentionem fecit, in qua hanc methodum exercuerit; plura exempla publice nota non sunt.

PARATUS MAGNUS, licet incisio facilior minusque periculosa hic sit, quam in alto & laterali operatione, quia solum urethra scalpello fauciat; tamen *vix nisi pro parvis*, aut *mediocribus & laevibus*, calculis, *aptus est existimandus*: in valde magnis vero, aculeatis aut inaequalibus nimis *vehemens cervicis vesicae extensio, laceratio & corruptio* inde est metuenda. Sed in *vesica ulcerata*, si calculus non est valde magnus aut inaequalis, *alto apparatu eum praestare arbitror*: quia vesica deorsum melius purgari potest. JACOBAE A ista, MERIO, RAUO, CHESOLDENIOQUE potissimum auctoribus correctâ, calculum secandi ratio in eo quidem majori apparatu praestat, quod longe promptius, quam in hoc fieri solet, ea adhibita, *extrahi calculi grandiores possint*; sed infligendi tamen vulneris negotium in ipsam usque vesicam, quia hoc multo profundius quam in mariana, fieri debet, ubi solum urethra in perinaeo inciditur, *difficilius etiam longe, imo & periculosius* mihi videtur (a). Quum enim alte admodum per partes vesicam hic tegentes atque includentes, praesertim multam pinguedinem in pinguioribus, demitti, scalpellum debeat, & intestinum rectum ac vesiculae seminales huic circa locum incidendum proxime adhaereant, magnum utique periculum est, ne aut a cathetere submisso scalpellum aberret & partes vicinae nobiles modo nominatae graviter laedantur (b), vel ipsa etiam vesica, ut JACOBO saepius contigit, perforetur. Contra vero *major apparatus*, ea praecipue de causa *difficilis & saepe periculosus est*, quod secundum ipsum *difficillime & vix sine gravi extensione aut omnimoda colli vesicae laceratione paulo grandior*, vel *mediocris etiam calculus*, si forte paulo inaequalis vel aculeatus est, extrahi tuto queat. Quoties enim *cunque vesicae cervix, prostata, sphincter atque urethra justo violentius diducuntur*, aut prorsus lacerantur, praesertim a calculis aculeatis vel majoribus, verendum utique est, ne vel *ingens sanguinis profusio, aut gravis inflammatio, gangraena, cancer vesicae*, vel praesentissimum mortis periculum suboriantur; vel *urinae saltem incontinentia*, aut *fistula in perinaeo*, cum pessimis id genus noxis aliis, quemadmodum etiam saepe fit, subsequantur. Ut nihil nunc de ceteris dicam *incommodis*, quae frequentissime, nisi quam cautissime & ea, ut DRANIUS docuit, *ratione instituatur*, cum eadem soleant esse conjuncta, ut jam supra satis exposui (c). Unde etiam fit, ut quidam hanc, alii *aliâ pro diversitate aegrorum & cujusvis vel ingenio vel consuetudine seligant ac praeferant*: utilissimumque proinde est, consentientibus DRANIO, MORANDO & aliis, ut *Medicus Lithotomus omnes probe noscat, & pro rerum varietate re rite perpensa, maxime idoneam seligere valeat*. In *unica mariana methodo vesica non inciditur*, sed solum urethra, in omnibus vero reliquis *cervix vesicae vel ipsa vesica &* qui-

(a) Idem etiam de hac methodo ALBINUS mecum statuit, eo ipso Libello, quo Rauianam methodum prae ceteris commendavit.

(b) Quamvis & in parvo & laterali apparatu *vesicula seminalis facile & saepe laedatur*, quemadmodum DRANIUS l. c. alique docent, *tamen hoc plerumque sine noxa fit: nam & haec*, sicut reliquae partes incisae, *rursus sanescit*, nullumque ut plurimum damnum infert.

(c) Uberius de his legi meretur DOUGLASIUS in hist. later. Operat. MERIUS in observ. de meth. secandi Fratris JACOBI. Auctor praefationis in COLOTTI Libro de Lithotomia. DRANII Parallel. p. 69. & seq. GARENGEOT Operat. Chirurg. articulo de laterali Operat. alique.

Pars II.

Ccccc

quidem ipsum semper ejus corpus, non fundus. Verum in alto apparatu pars ejus inferior & anterior; in parvo & laterali autem inferior & lateralis: ita ut hae tres in loco vulnerandi vesicam non adeo multum differant, sed potissimum modo & ferramentis.

X X X I V.

Calculi curationem experti de-
nuo non-
nunquam
calculos
sentiunt.

Denique illud etiam observatu dignum hic videtur, homines, qui semel calculo laborarunt, quantumvis etiam feliciter, & quacunque demum ratione a calculo liberati fuerint, tamen haud raro iterum a novis calculis infestari. Sic enim apud R A U I U M puerum vidi, qui tertium a calculo sectione liberabatur, atque ut ex ceteris multis unicui alterumve tantum in medium proferam exemplum, mercator quidam Furthensis (nobile quoddam oppidum prope Norimbergam), tametsi prudentis atque experti quondam Chirurgi manum medicam expertus semper fuerat, quater tamen sustinere lithotomiam fuit coactus; quum novus subinde calculus, circiter annuo spatio elapso, renasceretur (a). Ita D E N Y S I U S quoque exemplum refert hominis quinquies lithotomiam experti, ubi semper magnus calculus eductus est (b). Sed cavendum tamen magnopere est, ne Chirurgi aut ignorantiae aut imprudentiae calamitatis hujus causa temere accepta referatur; neve, prout fieri quam saepissime ab ignavis & malevolis aut invidis etiam solet, famae ipsius atque laudibus propterea detrahatur. Neque enim in Medici potestate unquam positum est praecavere, ne pristina noxa, quaecunque ea etiam fuerit, semel sanitati restitutum hominem denuo invadat. Quid enim, quaeso, obstat, quo minus eadem causa, quae semel hominem calculosum effecit, praesertim vitiosi vel corrupti renes aut vesica, denuo atque iterum, post optime licet adhibitam operationem calculum aliquem novum, idque nunc citius nunc tardius, producant incrementumque paulatim capiant; adeoque & calamitatem novam & novam omnino curationem postulent, si aeger inde liberari rursus concupiscit. Exempla de calculis valde magnis reperiri possunt in Ephem. Nat. Cur. Cent 1. App. p. 200.

Explicatio Tabulae trigesimae primae.

Fig. 1. repraesentat catheterem R A U I I sulcatum e latere visum, ut vera figura & crassitudo ejus appareant, sicuti ab A L B I N O delineatus est. Sed sciendum, anno 1706 & 1707, cum ejus Discipulus essem, ipsum sulcatis vulgaribus usum esse, quales Tab. XXVII. exhibui: solum, quod, ut supra monui, crassiores fuerint, quam aliorum, ob usum indicatum. Litt. A designat manubrium ejus a latere visum. B locum, ubi curvaturam ejus majorem esse A L B I N U S affirmat, quam in vulgaribus. Ubi tamen haec curvatura mihi potius minor, saltem non major videtur, quam in eis, quos T O L E T U S Lib. de Lithotomia, A L G H I S I U S Tab. XI. fig. 1. G A R E N G E O T U S,

(a) Vid. Misc. A. N. C. Dec. 2 observ. 177, a V O L K A M E R O, Medico cel. Norimbergensi descripta.

(b) Observat. Chirurg. p. 24.

GEOTUS, DRANIUS, ego aliique pro majori apparatu delineavimus.
Litt. C rostrum longius & rectius indicat.

Fig. 2. Manubrium hujus catheteris oblique repraesentatur, ut ejus conformatio rectius pateat: quod tamen etiam vel cordis, ut in vulgaribus, Tab. XXVII. vel & in CHESELDENI cathetere, Tabula hac XXXI. fig. 6; vel annuli formam, ut in DRANII fig. 17; habere potest.

Fig. 3. Catheteris Rauiani partis fulcatae rostrum sive extremum sistit, ut inde appareant aa margines extremi, tenues quidem, sed tamen obtusi & laeves; bb sulci amplitudo; C mucro obtusus & laevis, & quomodo sulcus ad eum terminetur.

Fig. 4. Sectio transversa partis fulcatae hujus catheteris exhibetur, ut pateat, qua ratione primo margines extremi, tenues, obtusi, ad se mutuo, lunata quasi forma, incurventur, & deinde, quam profunde sulcus ei incisus sit, ne scalpellum facile inde aberrare queat.

Fig. 5. Ostendit CHESELDENI catheterem fulcatum, qui Rauiano & vulgari tenuior est, minusque incurvatus: aa manubrium indicant cordiforme; bb partem ejus rectam sive corpus; CC partem incurvatam & fulcatam; d rostrum fere rectum. DOUGLASIUS illud omnino rectum vocat, (*The Rostrum or Beak which is strait*).

Fig. 6. Hujus catheteris manubrii partem planam, ejus corpus totum partemque aliquam fulcatae demonstrat.

a manubrium cordiforme;

bb corpus, quousque teres est;

cc pars ejus fulcata, quantum in hoc situ conspici potest.

Fig. 7. Portionem rostri recti & quidem juxta extremum catheteris Cheseldeniani ob oculos ponit: litt. aa margines sive oras, quae ut in Rauiano obtusae atque laeves sunt; b extremum, quod apertum est; alias vero clausum erat in aliis, & in obtusum apicem desinebat. (Sed non video, quem in finem, hoc extremum apertum esse velit, secus ac in aliis? nullamque hujus rei rationem profert).

Fig. 8. Scalpellum lithotomum CHESELDENI indicat, cujus cuspis exacte in medio ejus existit, & in manubrio aa fixum est.

Fig. 9. sistit ductoris CHESELDENI partem concavam, sive canaliculatam: & quidem litt. A A manubrium ad sinistrum latus inflexum, pro commodiori forcipis introductione in vesicam;

B B ductorem ipsum canaliculatum;

C rostrum sive extremum partis angustioris in nodulum planum desinens.

Fig. 10. repraesentatur seorsim rostri sive extremi noduli pars lateralis ac plana hujus ductoris.

Fig. 11. Manubrium hujus ductoris directo aspectu ostenditur, ut ejus amplitudo conspici queat.

Fig. 12. visui sistit forcipem calculariam CHESELDENI minorem & ordinariam, qua frequentissime utitur. (Nam pro majoribus calculis forcipem, tres quasi pollices hac majorem, delineat DOUGLASIUS).

AA manubria indicant, quorum extrema in uncorum formam inflectuntur,

tur, quae in aliis similitudinem annulorum obtinent. In majori alterum in forma unci, alterum in forma annuli exhibet.

BB rostri duae maxillae sive laminae: quae vero non omnino claudi possunt; ne vesicam in quaerendo calculo facile prehendant, collidant & male afficiant (a).

Fig. 13. ostenditur *interior facies alterius maxillae* hujus forcipis, quae concava est, & denticulis multis retrorsum spectantibus in parte tantum extrema instructa, pro calculo firmiter retinendo.

Fig. 14. *Acum CHESELDENI*, qua ad arterias hac in operatione, si opus est, ligandas utitur, a latere visam exhibet.

Fig. 15. litt. a acus hujus partem convexam & angulosam circa cuspidem; b ejus partem concavam sive internam eamque laevem indicat.

Fig. 16. *DRANII scalpellum lithotomum* demonstrat, & quidem litt. A cuspidem, lineae BB loca, quousque cuspis scindens est, CC duae alae manubrii.

Fig. 17. *Catheterem novum DRANII* repraesentat, quo utitur ad lateralem calculi operationem, loco Rauiani, perficiendam; a a manubrium denotat; a b partem rectam sive corpus; b b b partem incurvatam sive concavam; c c c fulcum in parte convexa; d extremum obtusum & clausum; e e per lineas adjunctas longitudinem foraminis longi sive fissurae, quae in sulco est, indicant.

Fig. 18. *Scalpellum* exhibet, quod *GARENGEOTUS* pro sectione laterali perficienda in Operat. Chirurg. delineavit & commendavit.

C A P V T CXLIV.

De Perinaei sive vesicae punctura.

I.


*Perinaei
& vesicae
punctura
quid sit.*

PERINAEI puncturam Medici quondam eam vocarunt actionem Chirurgicam, quando suppressa urina sive in ischuria fistulam aeneam per iter urinae in vesicam ad eam educendam immittere non potuerunt; sed in perinaeo hanc ob causam puncturam ad vesicam usque instituerunt: quare hanc curationem puncturam seu puncturam perinaei salutarunt (b). Quoniam vero postea & hoc

(a) Forcipes pro calculis e vesica extrahendis huic valde similes delineatae reperiuntur in antiquo Chirurgo Germano Argentoratensi, RYFFIO, in Chirurgia sua 1540 in fol. edita pag. 426. & postea etiam in Andr. a Cruce Officina Chir. p. 35.

(b) *Urina supprimitur vel vitio renum*; quo in casu nulla urina in vesica colligitur, aut continetur, adeoque ea etiam nulla Chirurgica curatione emoliri potest; *vel vitio in vesica aut urethra existente*; de qua mox proponemus. Si in vesica haeret urina suppressa, id quod ex dolore & tumore supra pubis regionem, ut & ex tumore intestino recto incumbente, si digitum ano immittimus, cognoscitur, triplici in universum ratione inde educi potest; nimirum *vel cathetere, quando hic in vesicam demitti potest*; qua de re supra Cap. 137. de Catheterismo diximus; *vel ipsa Lithotomia*, quando scilicet calculus ischuriae causa est, de qua mox praecedent.





hoc praesertim tempore, haec punctura non solum in perinaeo, verum etiam in hypogastrio instituta est, atque adhuc hic institui solet, imo etiam in perinaeo ipsa vesica pungitur, vesicae punctura sive punctio rectius appellari videtur: quae curatio tanti est momenti, ut nisi in tempore instituatur, aegri saepissime pereant, at propter periculum, quod fovet, vix nisi a praestantissimis & anatomes expertissimis Chirurgis haecenus est tentata. Itaque perinaei puncturam instituere Medici tunc potissimum solent, quum urinae reddendae summa difficultas in vesica persentiscitur, eaque neque medicamentis expelli, neque catheter seu fistula aenea aut argentea in vesicam immitti potest (a). Posse autem quandoque istiusmodi casus incidere, ubi ne vel a praestantissimis quidem Chirurgis demitti in vesicam catheter possit, partim frequens experientia loquitur, partim jam Cap. 137. indicatum est. Ne quis autem forte ignoret, propter quasnam causas interdum fistulam aeneam recipere vesica nequeat; sciendum est, fieri id ipsum subinde solere 1) propter graviolem aliquam sphincteris aut cervicis vesicae inflammationem (b); quae naturalem urinae viam usque adeo insigniter quandoque coarctat, ut nulla omnino ratione deprimi in vesicam catheter valeat; quin &, violentia quadam adhibita non dolores tantum atque inflammatio subinde augeantur, sed urethra quoque perrumpatur; imo vero sphacelus haud raro atque ipsa mors concitentur (c). Deinde 2.) coarctari etiam urinae iter mirifice solet, quoties caruncula quaedam, cicatrix, seu durum aliquod tuberculum, aut vesicae collum aut ipsum urinae iter obstruit. Tum 3) eandem quoque calamitatem senes saepe experiuntur, quando urethra valde constricta aut collapsa est, vel propter iusto majores in ea rugas urinae iter ita impeditum est, ut nihil transmittat; vel etiam 4) ubi spongiosae itineris urinae partes a sanguine hic congesto nimis intumescunt, ita ut ne tenuis quidem quandoque fistula toansmitti queat. Tandem 5) simile quid fieri a prostaticis iusto grandioribus aut scirrhis nonnunquam posse, observatum est, non solum a MORGAGNIO, Medico atque Anatomico praestantissimo (d), itemque a COLOTO (e); sed nuper etiam a me hic Helmstadii in viro quodam; 6) quando calculus cervici vesicae ita impactus & quasi incuneatus est, ut neque urinam neque catheterem transmittat. Quoties igitur cunque propter has aut similes forte alias causas urinae reddendae difficultas exoritur, neque catheter in vesicam demitti possit, neque remedia cap. 137. commendata proficiant

cedentibus Capitibus egimus; vel denique incisione aut punctura vesicae, quam hic exponemus.

(a) Casus ubi vesica usque ad hypochondria ab urina suppressa extensa fuit, refertur a KULMO in Diss. de Uteri delapsu, suppressionis urinae & mortis causa, Gedani edita 1722. 4.

(b) Cognoscitur haec ex dolore & ardore, quos in peritoneo percipit aeger, praesertim quando digitis palpatur sive tangitur, & adhuc magis quando Chirurgus digitum in anum aegri immittit.

(c) Quid vero, ubi inflammatio ischuriam facit, sit faciendum, antequam ad Chirurgicas curationes veniamus, jam supra Cap. CXXXVII. §. 1. pag. 878 proposuimus.

(d) Vid. ej. Adversar. Anat. III. pag. 83. qui lethalem inde urinae suppressionem vidit. An vero haec curatio hic instituta sit, haud memoratur. Mihi tamen videtur, eam hic locum habuisse, & varia hac ratione curati dicuntur a COLOTO, Lib. de Lithotom. Cap. de urina suppressa.

(e) Loco modo citato.

ciant, sane, nisi deferere homines, in praesentissimo vitae periculo versantes, voluerimus, aliud excogitandum est artificium, quo adhibito manu emoliri urinam queamus.

I I.

Prima
puncturae
perinaei
methodus. I.
Launaei.

Solet autem variis modis hoc fieri; de quibus singulis sigillatim ac breviter nobis nunc est differendum. LAUNAEUS in Diff. sua de calculo supra laudata, pag. 187. docet, *ad hanc operationem perficiendam* nihil aliud requiri, quamposito prius aegro eum in situm, sicut in calculi sectione fieri solet, ut *catheter sulcatus in vesicam immittatur*, deinde plaga in perinaeo, ut in magno apparatu, urethrae scalpello infligatur, postea ductor canaliculatus, (*gorgeret*) in sulco hujus catheteris per *cervicem blande in vesicam demittatur*, ita urinam mox effluxuram esse. Verum LAUNAEUS non considerat, hanc curationem sive sectionem, quando catheter in vesicam impelli potest, non esse necessariam; quia urina sic per catheterem cavum vulgare educi posset; sed ipsam tunc solum institui, *quando catheterem nulla ratione in vesicam demittere valemus*. Quare de aliis modis dicturi sumus, ubi catheter intus

2. Toleti &
Dionisii.

compelli non potest. Primus itaque idemque communissimus haecenus, ut TOLETUS Lib. de Lithot. & DIONISIUS tradunt (a), & ab antiquioribus jam adhibitus, modus hic est. Aeger resupinus super lectum aut mensam eo fere modo collocatur, quo fieri id ipsum in curatione calculi solet, atque a ministris aliquot probe firmatur. Hinc Medicus *ea perinaei parte, quae concidit in Lithotomia, per apparatus magnum instituta, consuevit*, nimirum ad latus sinistrum futurae perinaei, *scalpellum aliquod angustum atque anceps*, (quale fere illud est, quod Tab. I. litt. I. exhibuimus) in vesicam deprimit. Vere autem perforatam esse vesicam, prorumpens ex vulnere urina significat. Sed retrahi tamen sinistra manu scalpellum ante haud debet, quam primo specillum, ac deinde juxta hujus latus, retracto scalpello, fistula sive tubulus aliquis argenteus, quatuor circiter digitos aut pollices longus, qualis vel ille esse potest, qui Tab. II. litt. P. vel Tab. XXIV. fig. 3. vel & Tab. XXXII. fig. 4. delineatur, dextrae manus adminiculo, per factum in perinaeo vulnus in vesicam fuerit insertus. *Idem tubulus, in vulnere relictus, funiculi plani vel fasciae beneficio circum coxas firmatur, emissioque lotio, per immisam turundulam convenientem, ne continuo urina profluat, obturatur* (b). Quoties postmodum urina reddenda est, turundula extrahitur, emissaque urina rursus immittitur; idemque negotium tam diu iteratur, donec inflammatio, aut si quae alia noxa urinae viam coarctavit, decenter curata deprehenditur. *At enim vero prima haec curandi ratio eam praecipue ob causam & periculosa, & dolorifica magis videtur*, quia concisis praeter necessitatem urethra ac vesicae collo, fieri ut plurimum solet, ut non ipsa solum urethrae ac cervicis vesicae inflammatio intendatur; sed ductus quoque seminales in prostata simul perumpantur, aut graviter saltem facile laedantur.

I I I.

(a) In Operat. Chirurg. demonstr. III. pag. m. 177.

(b) Eandem operationem jam descripsit THEVENIN Chirurg. Paris. Oper. Chir. Cap. 121.

I I I.

Quocirca longe tutior atque commodior curandi ratio videtur, si vulnus *Altera eadem ratione & iisdem ferramentis in ea perinaei parte instituitur, quae in par- randi ratio.* va vel in laterali methodo perforari consuevit, atque illaesa cervice, in ipsum usque vesicae corpus continuatur, immissa postea fistula argentea, eadem, ut modo diximus, ratione. Sic enim vesicae collum una cum urethra saluum manet atque integrum, minoremque homines aegri dolorem sentiunt, inflammatio cervicis haud facile increscit; quin ipsa vulneris glutinatio paulo, quam communiter fieri suevit, promptius longe atque felicius procedit.

I V.

Sed utrisque tamen his curandi rationibus utique *tertia illa praestat, qua Tertia.* idem equidem locus, ut in altera methodo N. III. modo diximus, perforatur, sed pro scalpello tamen ancipite ferramentum teres sive acus *cus- pide triangulari* donatus ac tubulo sive *fistula inclusus* (Troicar) Tab. XXIV. fig. 1. adhibetur. Instrumento etenim hoc in vesicam depresso, acus statim recipi, tubulo intus relicto, poterit, atque ita non urina solum quam commodissime foras emitti; sed universa quoque curatio longe promptius atque cum minori aegrotantis molestia confici. Neque vero *alienum* hic fuerit, unum alterumve digitum, qualiter scilicet fieri in calculi sectione saepe consuevit, (vid. Tab. XXIX. fig. 3.) in anum prius immittere, quam acus haec in perinaeum & vesicam adigitur. Sic enim hic digitus non accuratius modo dirigi instrumentum in vesicam potest; sed praecaveri etiam, ne simul intestinum rectum hoc ferramento perrumpatur. Neminem de hac specie puncturae vesicae adhuc locutum esse, perhibet GARENGEOT Operat. Chirurg. Tom. II. pag. 205, quamvis non solum ex paullo vetustioribus superioris seculi RIOLANUS jam docuerit, quod in urina suppressa, ubi catheter in vesicam introduci nequeat, vel vesica in hypogastrio sit perforanda, vel in perinaeo: ubi profunde scalpellum usque ad vesicam lateraliter, donec urina fluxerit, adigendum; sic enim se multos ab imminente periculo liberaffe, affirmat. Vid. Enchirid. Anat. L. 2. Cap. 30. eandemque punctionem THEVENINUS loco modo citato, sed scalpello, donec urina prodeat, audacter faciendum esse proposuit; verum etiam hoc seculo primo MERYUS in Act. Acad. Reg. Paris. A. 1701. DIONISIUS in suis Operat. Chirurg. pag. 211. & ego in prima meae Chirurgiae editione quae An. 1718. jam prodiit Cap. de perinaei punctura, & forte adhuc alii ante GARENGEOTUM, jam dudum eam commendavimus: imo & perinaei puncturae praeferendam esse iudicavimus. CHIRACUM quoque, Archiatrum Regium, hanc methodum certius suppressae urinae, quam puncturam vulgarem, mederi statuisse MORANDUS docuit in Memor. Acad. Reg. 1731. mihi pag. 213. Ita & TOLETUS jam pro hac cura commendavit acum ejusmodi apice triangulari, sed sine cannula, pag. 201, quam etiam pag. 208. delineavit: qua tam in hoc loco, quam in hypogastrio vesicam perforari apte posse docuit. Quia vero cannula, recepta acu illa, difficulter per vulnus in vesicam demittitur, praestat, mea quidem sententia, ea acus, ubi cannula simul cum acu intruditur.

V.

*Densiti-
modus & e-
mendatio.*

DENYSIUS, Lithotomus Leidenfis, hoc urinam e vesica educendi artificium adhuc emendare studuit. Nam se observasse dicit, quod demissa acus illa cannulata vulgari ad vesicam, *Chirurgus saepe satis* certus esse nequeat, *an revera in vesica sit; adeoque acum* profundius, quam par est, impellere atque sic vesicam etiam in posteriori sua parte cum mortis periculo percurrere possit. Quare ad errorem hunc evitandum se *excogitasse aliam figuram acus ejusmodi fistula argentea* inclusae, quam hic ex illo Tab. XXXII. fig. 3. 4. & 5. exhibere volui (a): quae ceteroquin cum vulgaribus & supra delineatis in plerisque rebus convenit. Verum in tubulo sive fistula fig. 3. & 4. circa partem superiorem AA tria, quasi in corona sunt oscula aut foramina, (quorum tamen in hoc situ duo tantum sunt conspicua) totidemque, eadem fere ratione constituta, circa partem inferiorem BB; quae vero in fig. 3. alium ob situm, ob laminam scilicet CC conspici nequeunt. In fig. 5. autem, quae acum sive clavum extra fistulam repraesentat, notandum, quod quidem in parte suprema a cuspide ad litt. usque DD, sicut aliae ejusmodi acus, conformata sit, teres scilicet infra cuspidem triangularem; verum a litt. DD usque ad principium manubrii EE triangularis prorsus lateribusque excavatis; quae latera trianguli hujus DE cum foraminibus fistulae respondere debent, quando acus in eam demissa est: quo fit, ut simul ac acus fig. 3. in vesicam depressa sit, urina per oscula superiora AA intret, & per inferiora mox rursus effluat; quo ipso acum vesicam ipsam intrasse certo cognosci posset; hoc perspecto acum, relicto tubulo in vesica, recipi, urinamque tunc per eum, ut alias evacuari. De simili fere quoque acu corpore triangulari & cannula ejusmodi foraminulis duobus pertusa, TOLETUM loqui memini Lib. de Lithotom. Cap. XXI. pag. mihi 212, quae aliis in usu esset; sed priorem tamen suam, quae a latere sulco instructa est, huic praefert; quamvis rationes ejus mihi non satis sufficere videntur.

VI.

*Punctura
perinaei ad
modum
magni ap-
paratus.*

Nonnulli Autores, ut COLOTUS in Libro suo de Lithotomia, saepius hactenus citato, modum proponit punctiorem peritonaei instituendi ad *normam fere magni sic dicti apparatus*; in quo, ut jam indicavimus, rite disposito, catheterem sulcatum in urethram ut §. II dixi, eousque immittit, donec ad obstaculum illud in urethra pervenit, quod catheteris consueti ulteriorem progressum impedit: id quod plerumque circa cervicem vesicae esse solet. Postea scalpello Lithotomo, eadem ratione eodemque perinaei loco, ut in magno apparatu, urethram incidit, donec apex scalpelli in sulcum catheteris pervenerit; sed vulnere non adeo amplo, ut in calculi sectione; atque sic ex urethra virili femininam quasi facit. Hoc peracto ductorem canaliculatum (gorget) per reliquam brevem urethram sive cervicem vesicae in vesicam demittit, atque simul

(a) Eandem ob rationem TOLETUS etiam acum cuspide triangulari & in latere sulcatam se excogitasse ait, loco modo citato.

simulac hic in eam pervenit, urina per hujus canalem effluit; id quod ductorem in vesicam revera pervenisse certo indicat. Urina evacuata per canalem hujus ductoris tubulum in vesicam immittit, &, ut antea dictum est, in ceteris procedit (a), atque affirmat, *incisa* sic urethra prope cervicem, & evacuata per hanc viam *aliqua sanguinis copia*, vesicae sphincterem & prostatam brevi inde ita relaxari, ut non solum catheter, verum & tubulus aut ipse etiam ductor canaliculatus in vesicam, haud adeo magno negotio, demitti queat, recensetque multas a se peractas hac ratione curationes, non solum pro ischuria vesicae, sed etiam pro ulceribus & fungis vesicae, (vel & carunculis forte in cervice vesicae) curandis (b). Attamen pro simpliciori ischuria tollenda antea descriptos modos N. III. & IV. fere praestantiores, securiores minusque dolorificos esse existimo: quia ferramentorum per angustissimum vesicae cervicem immissio graviores dolores concitare videtur, quam si ferramenta & cumprimis acus cuspide triangulari donatae in corpus ipsum vesicae immittuntur.

V I I.

Egregia denique eademque promptissima operandi ratio ad modum altae operationis instituenda, haec mihi videtur. *Acus sive clavus Chirurgicus tubulo inclusus, modo laudatus, supra pubis ossium juncturam, hoc est, ea parte, quae in curatione calculi, per altum apparatus instituta, solet incidi, in anteriorem corporis vesicae partem provide deprimitur, receptaque acu, per tubulum, in plagam relictum, urina emittitur. Tubulus circum corpus gnaviter & alligatur & obturatur; ut, pro re nata, non emitti solum, sed contineri etiam urina valeat; donec nimirum sublatum malum est, a quo reddendae urinae difficultas fuit suborta. Namque eo facto tubulus recipitur factumque abdominis vulnusculum per adhibitum copaivae balsamum, superimposito linamento & emplastro, glutinatur. Quantumvis autem raro haecenus adhiberi a Chirurgis haec operandi ratio hoc in morbo soleat, tamen nihil omnino impedit, quo minus nos cum ROSSETO (c), RIOLANO (d), TOLETO (e), aliisque commodissimam atque praestantissimam eandem pronunciemus. Quemadmodum enim ex Anatomicorum experimentis, vesica per aquam vel aerem distenta, patet, absque omni periculo perforari partem illam posse; sic praeter modo laudatos, TURBIERUS, Chirurgus Parisiensis, teste COLOTO (f), urinam feliciter hic eduxit, ac postea MERIUS quoque identidem & quam felicissime operandi modum istum apud Parisinos jam dudum aliquoties adhibuit (g), eumque*

(a) SAVIARDUS se simili ratione egisse refert observat. 74; sed loco ductoris canaliculati se catheterem rectum, quali pro feminis utimur, per vulnus & cervicem in vesicam immisisse, atque per hunc urinam eduxisse, id quod minori dolore fieri potest.

(b) Cap. de suppressione urinae pag. 218.

(c) Lib. de Partu Caesareo pag. mihi 263.

(d) Anthopographia pag. 149. & pag. 816. itemque in Enchirid. anatom. Cap. XXX, ubi de vesica agit.

(e) Lib. saepe citato, Cap. 21.

(f) Lib. de Lithotom. pag. 45.

(g) Hist. de l'Acad. des Sciences an. 1701 pag. 378. & GARENGEOT Operat. Chirurg. edit. 1. Tom. I. pag. 94.

Pars II.

D d d d d

eumque etiam DOUGLASIUS (a) & MIDDLETONUS (b) tanquam faciliorem minusque periculofum, quam qui in perinaeo fit, commendant. Exemplum recensetur a cel. WERLHOFIO hujus operationis feliciter institutae; ubi vero Chirurgus non acu triangulari illa usus est, sed primo tegumenta scalpello incidit, deinde *lancetta* majori ipsam vesicam prope ejus collum perforavit, urinam eduxit, tubulum per novem dies immisit, & tandem aegrum curavit. Vid. Com. Litt. Nor. an. 1733. pag. 268. N. 4.

V I I I.

Quid post
operatio-
nem fieri
debeat.

Nonnunquam praesertim *in natu grandioribus*, itemque illis, qui a vesicae fistulaeve in urethra callo, prostaticis scirrhis induratis; calculo valde magno, vesica paralytica, aut pertinaci malo quodam alio, urinae difficultatem sentiunt, quando mali causa tolli nequit, per omnem vitam gestari fistula argentea in vesica debet; attamen his in casibus haec *fistula cochlea claudi* potest ac debet, ne urina praeter voluntatem effluat, sed quando aegro eam evacuare lubet. *Ubi vero non nisi a caruncula seu cicatricula* quadam urinae iter est praecclusum, tum, post confectam vesicae perforationem, opera danda est, ut per insertum filum quoddam cereum aut *specillum plumbeum*, ceu supra (Cap. CXXXVIII.) positum est, naturalem *urina viam suam paulatim repetat*, demtoque tandem tubulo decenter, quemadmodum in calculi curatione praescriptum est, vulnus coalescat. *Si carnes putridae aut fungi* in vesica, injectionibus detergentibus & suppurantibus saepe tolluntur (c); sed praestat tunc vesicam potius in inferiori, quam superiori parte incidere. Denique *si paulo gravior inflammatio vesicae collum infestavit*, urinamque naturaliter reddi prohibuit, necessarium utique est, post confectam operationem, *sanguine per venas affatim detracto, adhibitis item clysteriis, cataplasmatibus denique digerentibus*, super inferiorem atque superiorem vesicae partem diligenter impositis, internisque medicamentis haud neglectis, tempestivam ejus, quod coit vel induruit, resolutionem tentare. Cetera etenim eadem fiunt, quae de vulneris glutinatione in Lithotomia haecenus proposuimus. *Tumoris autem atque inflammationis resolutio* nisi ante diem tertium fit, raro admodum sanescere aegri consueverunt.

I X.

Observatio-
nes quae-
dam.

In urinae retentionibus saepe quoque incidere vehementes simul scroti inflammationes solent, quae haud raro in magnos abscessus, imo & in gangraenam scroti desinunt; quemadmodum praestantissimus quondam Lithotomus COLOTUS libro de Lithotomia plures notatu dignissimas affert observationes, & praesertim pag. 236. 240. & seq. *His in casibus prae omnibus urinam per vulnus, in perinaeo vel supra osse pubis factum, esse educendam docet; deinde vero scrotum ad testiculos usque, ubi gangraena est, incidendum, ut nihil sanguinis, quod*
hic

(a) Lithotom. Douglass. pag. 75. & 105. edit. II. ejusque Syllabo operat. Chirurg. p. 31.

(b) Lib. de alta operat. pag. 52.

(c) COLOTUS hujus rei varias faustas curationes recenset, l. c. p. 235. & seq. itemque pag. 273. 277. conf. de fungis vesicae TOLET. pag. 206.

hic subsistat aut quiescat, relinquatur, atque forte uberius corrumpatur: partem vero laesam deinde digerentibus & balsamicis, ut alias in his malis fieri solet, tractandam. *Fistulam argenteam in pene, dum curatio durat, conservat*, ne urina per vulnus in partes laesas influere atque dolores aliave mala ibidem inducere queat. *In casibus, ubi tota urethra facta erat callosa & angustissima*, ut nullum prorsus catheterem recipere posset, urethram in perinaeo incidit sine cathetere immisso, deinde *stylum per cervicem in vesicam intrusit*, callum laceravit, suppurationem largam produxit, eoque ipso eum resolvit, & partes has in statum naturalem restituit pag. 241. 245. & seq. *& si quae in perinaeo fistulae simul aderant, quemadmodum hoc aliquoties erat, eas adurendo curavit (a)*. Denique monendum est, mature vel *justo saltem adhuc tempore ejusmodi curationes esse instituendas*; nam nisi hoc fiat, aegrique jam nimis debiles sint & confecti, frustra deinde saepe omnis solet esse medela: id quod COLOTUS egregiis confirmat observationibus pag. 250. & seq.

C A P V T CXLV.

De fistula perinaei.

I.

ULcus in perinaeo praesens, idque aliquatenus callosum, *fistula perinaei* ^{Quae sit fistularum naturam.} *appellari solet*. Haec vero subinde est *sine urethrae laesione* ex abscessu nata, & ut plurimum inter cutem partesque huic subjectas serpit; ita ut quandoque ad intestinum rectum, quandoque ad scrotum, quandoque ad ipsum abdomen ad latera vesicae usque se extendat, quales non modo apud FORESTUM, HILDANUM, MARCHETTUM aliosque reperiuntur, sed & ipse tales vidi & curavi; vel *urethra simul laesa* est. Nam accidere quandoque solet, ut vel *post calculi per scalpellum curationem*, vel *perinaei aut vesicae puncturam*; vel *& propter abscessum aliquem in perinaeo circa urethram* &, ut quondam vidi, propter *schirrhum prostatae glandulae*, similemque noxam aliam, aut & propter *aegri pravam habitum, vulnus inflictum vel ulcus glutinari nulla ratione queat*, sed *ejusdem orae indurescant fistulamque sic efficiant*, atque ita urinam maxima cum molestia loco valde incongruo transmittant; quam illo loco *σπορυάδα* Graeci vocant (b). Solent autem hujus generis fistulae inde saepe pronasci, sicubi vel *turundae atque tubuli* secus, quam fieri decebat, vel saltem diutius quam par est, in curatione vulneris, post eductum calculum vel urinam relictis, *adhibentur*; vel si a grandiori eodemque inaequali calculo urethrae & perinaei partes quaedam graviter distenduntur, lacerantur atque perrumpuntur; vel denique *si quis calculus intus in urethra haerescit*, eam obstruit, paulatimque urina partes urethrae proximas atque ipsam cutem acrimonia sua exedit,

(a) P Y E Obs. de Lithotomia, p. 18. se quoque fistulam perinaei cauterio curasse, refert.

(b) Vid. CELSUS Lib. VII. Cap. 26. n. 2.

exedit, praesertim si aegri ceteroquin mali sint corporis habitus. Tandem gonorrhoea etiam vel calculus urethram obstruens fistulae ejusmodi saepe causae sunt.

I I.

Prognosis. Ad fistularum igitur harundem curationem quod attinet, observari mere-
tur, eandem, pro vario corporum aegrorum habitu, ipsiusque mali gravitate aut
vetustate, utique esse variam. Quoties enim cunque vel nimis ampla fistula est,
& pars urethrae larga excidit, vel mali habitus atque debilis homo est vel
jam senex, sane vel difficulter admodum, vel plane nunquam etiam curari
noxa ista haud raro solet (a). Similiter quo dura magis atque inveterata fistula
est, hoc difficilior callus tollitur; quo profundius ad interiora se extendit,
eo quoque difficilior ac rarius aegri hi ad sanitatem redeunt. Contra vero
quo minor atque angustior, quoque minus item indurata fistula est, quo aeger
est magis juvenis, quo denique melioris habitus est, hoc felicius quoque ac
promptius ipsa curatio procedit. Si scirrhus simul adest in glandula prostata, fis-
tula haec non curatur, nisi prius curato aut resoluta scirrhus: id quod vero diffi-
cillime & raro succedere usu didici. Sin vero solum est externa, urethra
salva, minoris sunt periculi, & plerumque ita curari possunt, sicut genera-
tim de fistulis supra proposuimus, haeque simplices, illae vero complicatae vo-
cari solent.

I I I.

Curatio. Potest autem fere duplici modo fistularum harum complicatarum curatio in-
stitui. Namque 1) turundam, tubulum, aut si quid forte aliud intus contine-
tur, quod fistulam fecit, protinus remove convenit. Tum 2) aegro super lec-
tum aut subsellium aut mensam ita deposito, quemadmodum fit in calculi curatione
indurata fistulae latera, quam subtilissime fieri potest, excindantur, adhibitoque
pulvere aut balsamo etiam vulnerario, per emplastra glutinosa longa atque an-
gusta, splenia item angusta, utrinque superimposita, quam exactissime vul-
nus fascia constringatur. Eo facto aegrotus, lectulo impositus, genibus vinculo
comprehensus, strenue conquiescere jubeatur; quo nempe facilius orae vulne-
ris invicem coalescant. Primis post operationem diebus vel nullus omnino, vel
parcissimus saltem potus praebeatur; ne urinam saepius excernere cogantur.
Vinctura non nisi post alterum tertiumve diem innovetur, quando aeger
tamdiu urinam continere potest. Vulnere maximam partem ita glutinato, haud
abs re fuerit, aegro, quemadmodum fieri in curatione vulneris calculosorum
solet, permittere, ut, praesertim si juvenis adhuc est, leniter sensim obambulare
incipiat. Nisi enim nimis maligna sit fistula, spes utique est, fore, ut ad
sanitatem pristinam aegrotus tunc redeat. Altera fistulam, quae in perinaeo
est, curandi ratio sic fere comparata est. Orae fistulae induratae, Medici
callum vocant, medicamento rodente applicato extirpantur, ipsumque vulnus,
crusta per unguentum basilicum vel digestivum diligenter remota, balsamo
vulnerario atque emplastro glutinoso adhibitis, eo modo glutinatur, quem
modo

(a) Hac de re etiam jam egit CELSUS Lib. VII. Cap. 27.

modo jam tum descripsimus. *Atque ad medicamenta quidem rodentia, quod attinet*, commendari prae ceteris hic merentur trochisci de minio (a), itemque *lapis causticus*, vel *infernalis*; vel mercur. praecipitat. alb. cum ARCAEI balsamo permixtus, vel etiam in recenti emplastri vesicatorii frustulum immis-
sum, quod CHESOLDENUS adhibere solet, teste DOUGLASIO, in Hist. lateral. operat. append. p. 19. De curatione fistulae perinaei *per adus-*
tionem conf. Cap. praeced. §. IX. & Pye obs. de Lithot. p. 18.

I V.

Ceterum observasse hic expedit, *fistularum, quae perinaeum affligunt, cura-* Quomodo
tionem lente admodum quandoque procedere; praesertim si paulo amplior fistula vel continuari
aeger mali habitus est; si durae fistulae orae non satis accurate sunt excisae vel & ali-
vel exesae; si denique homines aegri non satis diligenter conquiescunt, ter agi de-
que justam victus rationem servant. Quodsi ergo, propter has atque id genus bet.
alias rationes, factis licet iis omnibus, quae haecenus hanc in rem proposui-
mus, nondum liberati a noxa ista aegrotantes valeant, *quin fistulae orae denuo*
indurescant; necessarium utique est, *idem curationis negotium denuo iterare*, do-
nec tandem aegro perinaei pars consanuisse reperiatur. Nonnunquam 3)
feliciter fistulae sanescunt, ubi, *exciso eo, quod intus induruit, cruentae vulneris*
orae sutura quadam convenienti, hoc est, unico pluribusve vinculis lineis, pro
re nata, injectis, *gnaviter constringuntur*: reliquis eodem modo factis, quem
supra descripsimus, filamentisque simulac cohaerescere vulneris orae senti-
untur, concisis atque denuo extractis. Quandoque etiam 4) opus est, ut,
durante curatione, *catbeter cavus in vesica & urethra contineatur*, quo omnis uri-
na per hanc effluat, eaque sic a vulnere, cujus glutinationem magnopere im-
pedit, avertatur (b). Denique si paulo angustior ejusmodi perinaei fistula est,
quam ut tractari commode praedictis rationibus queat, *ampliari eadem vel per*
insertam spongiam aliquam praeparatam, vel gentianae radicem, vel per ad-
hibitum scalpellum aut forcem debet. Memorabile gravioris ejusmodi fistulae
exemplum aliquod felicissimamque ipsius curationem *suturarum potissimum ope*
peractam alias, si Deus voluerit, in *observationibus nostris sumus descripturi*.
Curationem quoque *fistulae perinaei gravioris ex urinae retentione & cum ve-*
nerea impuritate combinatae, a PETITO peculiaribus artificiis peractum,
vid. in Memor. Chirurg. Paris. Tom. I. pag. 619.

V.

Haecenus quadruplicem fere perinaei fistulas curandi rationem explicavimus: *Cura pal-*
supereft, ut breviter, quid *de quinto fistulas tractandi artificio*, quod *palliati-*
vum vocare solent, statuendum sit, exponamus. Scilicet spectare huc vi-
detur instrumentum illud, quod a NUCKIO (c) atque SOLINGIO (d) eum
in

(a) Vel illi trochisci, quos TOLETUS Cap. XXIII. pag. m. 246. commendat, ex pulve-
re, qui in fundo aquae phagaedenicae reperitur, parati.

(b) Hoc COLOTUS saepius & cum successu, variis in urethrae plagis difficulter alias sa-
nandis, se fecisse refert, l. c. Cap. de urinae suppressione.

(c) Vid. Ej. Libellus de encheiribus vel artificiis Chirurg. fig. XI.

(d) Vid. Ej. Chirurgia. edit. Batav. Tab. VII. fig. 16.

in finem, a me vero contra urinae incontinentiam Cap. 136. ex WINSLO-
VII commendatione est propositum (a), ut continua urinae per fistulam destil-
latio, dum ab eo comprimitur, clauditur, & quasi obturatur, impediatur, atque
ita malum, quod extirpari haud omnino potest, aliquo saltem modo mitige-
tur: sed, ne quid ego dissimulem, instrumentum illud neque satis certe, ne-
que satis commode, hoc in malo applicari aegris posse, ipse rerum usus do-
cuit: quia urina facile praeterlabitur. Interea valeat, quantum possit.

Explicatio Tabulae trigesima secundae.

Fig. 1. Ostendit vesicam humanam e corpore virili, a parte anteriori, in qua
variae emineutiae cavae, sive foveae aut cellulae, inflata vesica, con-
spici potuerunt, quales saepe pro calculorum diverticulis inservire possunt
(b). Litt. A A A A ostendunt ipsam vesicam figura naturali pyriformi.
B est glandula prostata, cervicem vesicae ambiens, filo juxta urethram
constricta.

C cavea seu fovea praeter naturam major, e dextro & posteriori vesicae
latere prorumpens.

D minorem ejusmodi caveam denotat.

E diverticulum ejusmodi ostendit e sinistro & posteriori vesicae latere
prodeuns.

F simile diverticulum in fundo vesicae proveniens.

a a a vasa sanguifera, quae hic se ostendebant, aliquo modo indicant.

Fig. 2. Eandem ostendit vesicam a parte posteriori consideratam.

A A A A vesicam ipsam, ut in praecedente figura, designant.

B glandulam prostatam.

C D E F diverticula eadem, quae his litteris in praecedenti figura indicata
sunt, quomodo a parte posteriori se visui exhibuerant.

G G G G minora diverticula, qualia in parte anteriori non aderant.

a a a vasa sanguifera hac in parte conspicua ut in priori.


Fig. 3. Acus triangularis in fistula argentea inclusa DENYSII; quae a vulgari-
bus in eo differt, quod circa partem superiorem, in cannula sive fistula
A A tria adsint foraminula sive oscula, quorum duo hic conspiciuntur,
tertium vero in parte posteriori latet, per quae urina in fistulam intrare
potest. B cuspis triangularis; C C lamina cannulae sive tubuli duobus fo-
raminulis instructa. D manubrium.

Fig. 4. Solam cannulam sive fistulam hujus ferramenti ostendit: A A foramina si-
ve oscula cannulae superiora, ut in fig. 3. B B autem similia indicantur
oscula circa partem fistulae inferiorem, per quae urina rursus effluit; quae
vero in fig. 3. ob alium situm propter laminam C C conspici nequeunt.

Fig. 5. Acus sive clavus ferreus nudus atque e fistula fig. 4. extractus ostendi-
tur.

(a) Vid. Tab. nostra XXVI. fig. 10.

(b) De vesicis diverticulis sive cellulis instructis conf. BOHNIIUS de Offic. Med. Duplic.
p. 516. & Memor. Acad. Parisinae Chirurgicae Tom. I. p. 397.



tur. DD pars suprema infra cuspidem, quae rotunda sive cylindrica est, ut fistulae accurate se accommodet; pars vero a DD ad principium manubrii EE, triangularis, & lateribus paullulum excavatis est, quae urinae transitum praebent. F manubrium. Ueberior explicatio videri potest Cap. CXLIV. §. V.

Fig. 6. Calculus repraesentatur peculiaris & figurae & magnitudinis, quem alto apparatu satis facile extraxi. Pondus habuit quatuor fere unciarum, quem propterea etiam hic exhibeo, quia nonnulli perhibent, calculos paullo majores alto apparatu educi non posse.

AA pars amplissima ejus, quae situm habebat versus cervicem vesicae. B parva eminentia, quae ori urethrae insisteat; C pars ejus superior quae vesicae fundum respiciebat.

Fig. 7. Indicat catheterem argenteum, fere rectum & cavum, pro feminis, peculiarem & diversum ab eo, quem supra exhibuimus Tab. XXVII. fig. 1. AA sunt annuli duo circa manubrium; B foramen in latere circa extremum, quod in vesicam demittitur, ex parte hoc in situ tantum conspicuum; cui simile in altero latere respondet.

CCC sulcus in parte convexa, variis usibus destinata, & cum primis ut hujus ope vel ductor mas in vesicam, ubi opus est, commode impelli, aut scalpellum, quando forte cervix vesicae incidenda eo, quemadmodum in aliis catheteribus sulcatis, securius duci queat.

*Quomodo curari debeant istae noxae, quae naturalia
feminarum infestant.*

C A P V T CXLVI.

*Quomodo curari debeant feminae, quibus
naturalium orae inter se sunt glutinatae.*

I.

Solent quandoque istiusmodi puellae nasci, quae propter glutinatas in utero Matris naturalium oras, urinam emittere haudquaquam possunt; id quod ra triplex. inde plerumque patet, quando primis a partu diebus haud mingunt, sed perpetuo clamant; & quibus proinde brevi pereundum esset, nisi tempestiva per scalpellum curatio adhiberetur: nam vel mingendum est, vel moriendum. Aitiae aperturam quidem habent exiguam pro urina vel libere, vel cum difficultate aliqua & non nisi guttatim (a) emittenda; attamen os vaginae uteri reliquum vel labiis vaginae, vel membrana quadam praeter naturam clausum est; quo fit, ut quando adolescunt & ad annos pubertatis, quibus menstrua fluere debent,

(a) Tale exemplum describit ROONHUYSIUS Lib. II. Observat. Cap. de clausura uteri Obs. I. pag. 114. edit. Amstel.

bent, perveniunt, nec *menstrua prodire* nec virum *admittere possint*, sed a sanguine in vagina collecto, ibidem tensiones molestissimas, ac subinde dolores saevissimos, tumorem circa os vaginae & pubem, animi deliquia, quandoque deliria aliaque gravissima mala patiantur, sicuti plures notarunt Autores (a), unde tandem hoc malum prudentibus Medicis saepe demum innotescit: quibus *atretae* vel *imperforatae* etiam vocari ejusmodi puellae consueverunt. ARISTOTELI hoc malum etiam jam cognitum fuisse, ex eo patet, quando scribit (b): „ *Feminis nonnullis os uteri ab ineunte aetate ad tempus usque menstruorum compressum concorporatumque perseveravit, mox urgentibus menstruis, doloreque infestante, aliis sponte disruptum est, aliis dissectum a Medicis* (c). *Nonnullae interierunt, cum aut per vim disrumperetur, aut disrumpi non posset*”. Aliae denique etiam sunt feminae sive puellae, quibus os vaginae membrana quadam clausum est, quae vel unum, *vel etiam interdum diversa foraminula ad retis similitudinem* habet (d), per quae menstrua suo tempore prodire quidem possunt, sed concubitum tamen eae admittere nequeunt: id quod plerumque tunc demum, quando nubunt cognoscitur.

I I.

*Variationes
quaedam.*

Malum ipsum praeterea & praesertim prius *in variis puellis solet esse varium*. In quibusdam enim *vestigium aliquod* sive *indicium apparet ejus* meatus, ex quo naturaliter emitti lotium debebat, & qui simul ad vaginam uteri utrumque ipsum ducit. *In aliis contraria ratione res sese habet*, nihilque ejusmodi observatur; quae proinde, quia nimis crassa ac densa carne clausae sunt, aut vagina forte simul coalita, vel nunquam vel saltem longe difficilius sanationem recipiunt. Rursus in aliis recens natis *urina abundans* & *in vagina forte collecta*, vel *in adultis*, ubi urinae quidem iter patet, *sanguis menstruus insigniter quandoque pudendi labia distendit* atque sic naturalem & vaginae & urinae viam demonstrat, quemadmodum id plerique modo citati Autores observarunt. Ut plurimum *hoc in utero matris evenit*, adeoque *connatum*; sicuti praeter ARISTOTELEM etiam CELSUS (e) alique postea plurimi notarunt; quandoque vero demum oritur in adultis *post exulcerationem quandam oris vaginae*, & inprimis *post partum difficilem*, quando in eo hae partes vel vehementer dilacerantur, inflammantur, aut exulcerantur, & postea orae vel omnino coalescunt (f); vel, ut BECKERUS observavit, a variolis (g), vel solum

(a) Inter quos sunt BENIVENIUS; Lib. de abdit. morbor. causis. Cap. 28. CABROLIUS Obs. Anatom. 23. FABRIC. AB AQUA P. in Oper. Chir. Cap. de hymene imperforato. HILDANUS Cent. III. Obs. 60. SCHENCKIUS Lib. IV. de part. genital. SOLINGEN in Obs. V. ROONHUYSS. Obs. Chirurg. p. 124. MEEKREN. Obs. Chirurg. 55. MAURICAEUS in Obs. de morb. gravid. 231. 495. RUYSCHIUS Obs. Chir. 22. & 32. SAVIARD. Obs. Chirurg. IV.

(b) De generatione animal. Lib. IV. Cap. 4.

(c) Intelligi ex his potest, quam antiqua jam sit haec curatio, & quam experti ac prudentes jam Medici eo tempore in curandis ejusmodi malis fuerint.

(d) Exemplum ejusmodi recenset HILDANUS, Cent. III. Obs. 60.

(e) Lib. VII. Cap. 28.

(f) Id quod ROONHUYSS. vidit. l. cit. pag. 125. Obs. 2. & ego ipse bis.

(g) In Paedioctonia inculpata pag. 35.

lūm tam exiguum foraminulum relinquitur, ut quidem sanguinem menstruum transmittere valeant, *sed virum tamen admittere non possint* (a). Igitur quia in recens natis lotii impedit excretionem, in adultis vero 1. fluxum menstruum, 2. concubitum, 3. conceptum, & 4. partum; ejus curatio valde est necessaria.

I I I.

Cognoscuntur haec vitia in recens natis primo, si primis diebus, ut jam dixi, *Diagnos* non meiunt; ac deinde visu & tactu; in adultis vero, 1. ubi os vaginae & *prognosis* clausum; 2. defectu menstruum; 3. doloribus vehementibus in pube, lumbis, ventre, ac ventre tumido atque dolente &c. optime vero tandem atque certissime, quia omnia praedicta indicia fallere possunt, *tactu & visu* (b). Quod ad *prognosis* attinet, si naturalium orae tenui membrana aut hymene clausae sunt, saepe haec a cole virili in concubitu dirumpitur; vel si hic forte non sufficiat, curatio per scalpellum a Chirurgo est instituenda. Sed si hic coactus est fortis, adeoque ope crassae substantiae carnae, difficulter curatur; quia non solum vesica vel intestinum vicinum facile laedi potest, quemadmodum hoc ROONHUSIO aliquando, ut ipse fatetur, contigit (c); verum etiam curatio, ut satis ampla via conservetur, difficulter saepe succedit, & multum laboris requirit.

I V.

Ut quis ergo prudenter atque feliciter tractare istud mali genus queat, necessarium utique est, noxae hujus indolem atque conditionem quam diligentissime prius circumspicere. Si quod enim itineris urinae atque vaginae uteri *Curatio ubi membrana clauditur.* vestigium adest, adeoque tantum membrana eaque tenui haec via clausa est, incidere membranam istam, quae vel urethram & vaginae os, vel alterutrum occludit, scalpello, vel linea recta, a parte superiore ad inferiorem, vel, ut CELSUS docet (d), duabus lineis inter se transversis, ad similitudinem litterae X; convenit, ad normam ejus foraminis, quod naturaliter inesse feminarum naturalibus consuevit; aut si foraminulum vel in parte oris vaginae superiori vel inferiori adest, forfice, aut etiam, specillo fulcato prius immissio, scalpello falcato (e), cavendo ne urinae iter, multo minus ipsa vesica violatur: deinde undique illam membranam, si opus esse judicatur, forfice excidere. Posthaec turundula quaedam conveniens primo die sicca, postea basilico seu digestivo unguento primis diebus inuncta, in plagam istam inferenda, & ne excidat, fascia T. firmanda; postea unguento exsiccante, ut de cerussa vel diapom-

(a) Exempli legi possunt partim in modo citatis Auctoribus, & praeterea in PLATERI Prax. Med. P. I. Lib. 2. Cap. 17. BAUHINI Anatom. Lib. I. Cap. 49. FORESTI Obs. Lib. 28. Obs. 55. BECKERO in Praedilectonia inculp. pag. 35. & seq. qui hoc malum etiam ab exulceratione a variolis inducta notavit. NOLET. Observ. curieuses Obs. 13. p. 46.

(b) Curavi aliquando virginem, ubi omnia praedicta signa cum magna clausione vaginae suspitione aderant: attamen visus & tactus docebant, hoc vitium non adfuisse.

(c) Vid. ejus Observat. Lib. II. Observatio, de uteri clausura, sexta.

(d) Loco modo citato.

(e) Ita HILDANUS fecit. Vid. Obs. 61. Centur. 3.

diapompholygos, turundula illinenda, idemque per aliquot dies & tamdiu faciendum, donec nullum novae cohaesionis periculum superest. *Quod si vero membrana crassa sive caro increvit & nullum omnino viae naturalis vestigium subest, qua parte uteri vagina delitescat, digito an non cavum sive meatus vaginae post hanc percipi queat, curiose explorandum est; eoque explorato, locus signandus, scalpelloque linea primum recta, deinde transversa, ut modo dictum est, provide adhibito, ampla fatis plaga, incidendus: tum ab ora, vel vulsella vel hamo apprehensam, tanquam habenulam, ut via ampla fiat, excidere (a). Reliqua eadem fiunt, quae modo praescripsimus, nisi quod circa finem, quando jam ad sanitatem tendit, plumbea fistula eaque fatis ampla, unguento de cerussa aut simili medicamento cicatricem inducente, illita, intus danda sit, eodemque medicamento plaga fovenda, donec ad cicatricem perveniat.*

V.

*Peculiare
curationis
exemplum.*

Singulare admodum exemplum, praeter supra jam indicatum, adhuc refert CABROLIUS (b) de peculiari quadam atreta, octodecim quasi vel viginti annos nata, cui urinae iter crassiuscula membrana occlusum erat, atque omnem urinam per umbilicum, (ac verisimiliter per urachum) qui in cristae sive rostri galli Indici similitudinem, longitudine quatuor digitorum, prominebat & dependebat, constanter emittebat; id quod magnum & fere intolerabilem, urinae quasi putridae, foetorem concitabat. Ad hoc duplex & molestissimum malum sanandum CABROLIUS primo membranam illam crassam, itineri urinae praetensam, incidebat, & pro transitu urinae libero conservando, fistulam plumbeam per hunc meatum ad vesicam usque demittebat. Altero die ad umbilici vitium curandum procedebat; ubi parti illi ad umbilicum prominenti, per quam urina huc usque profluebat, ligaturam filo forti ceraque obducto, ita ut in tuberculis ligatura auferendis fieri solet, injiciebat, eam infra ligaturam refecabat, ferroque deinde candente adurebat, & post crustae lapsum partem laesam mundabat, ficcantibusque, ut alias in ulceribus mos est, cicatricem inducebat; id quod duodecim dierum spatio contingebat: quo perfecte puella a duplici hoc vitio curata erat. „ Si igitur ejusmodi casus denuo inciderent, eadem ratione curatio, „ omissa solum ustione, utpote minus forte hic necessaria, aegris tamen & „ adstantibus ut plurimum valde terribili, institui commode posset.

C A-

(a) Si forte ejusmodi in casu sanguis largius fuit, CELSUS linamenta implicita immittenda aceto prius tingit & tertio demum die fasciam solvit, nisi alia ratio id citius urgeat.

(b) Observat. Anatom. XX.

C A P V T CXLVII.

Quomodo aperiri ipsa vagina, vel ex parte vel integre,
occlusa debeat.

I.

PRaeter malum modo expositum accidere nonnunquam in sexu feminino *Mali natu-*
solet, ut non tam urinae iter aut orae pudendorum clausae sint, sed potius mem-*ra.*
brana quaedam praeter naturam vel circa principium vel etiam profundius vagi-
nam occupet, eamque vel totam, vel magna ex parte occludat, vel parietes
ejus aut valde coarctatae sint, aut omnino conferbuerint, praeclosureque sic ipsa
vagina efficiat, ut non sanguinis tantum menstrui fluxus in adultis impedia-
tur, sed instante praesertim menstruo fluxu eadem, ac in praecedenti malo, ratio-
ne, §. I. & II, magni quoque ventris & coxarum dolores, ventrisque tumores
una cum nausea, macie, vigiliis, reliquisque supra indicatis malis, imo ipso
aliquando furore inde suboriantur. Quandoque hoc malum ex utero matris habent;
interdum autem causam aliam & praesertim partum difficilem, praegressa
violenta vaginae laceratione, ac inflammatione (a), aut suborta aliunde
prius exulceratione sequitur (b). Saepius ejusmodi membrana haud adeo pro-
cul ab ore vaginae existit; quandoque circa medium (c), interdum vero profun-
dus in vagina deprehenditur. Interdum tota vagina, saepius magna ejus pars
concreta aut saltem crassa carne oppleta est, & si haec concretio profunda,
difficilis & periculosa, imo forte impossibilis subinde est curatio: quia facile
vel vesica vel intestinum rectum, ut jam Capite praecedenti §. III. dixi,
violari aut perforari potest. Quandoque membrana non totam vaginam claudit,
aut parietes non in totum coaluerunt, sed foramen pro mensium transitu re-
liquum est. Tametsi autem istiusmodi feminarum naturalia concubitus per-
fectum haud admittant, & propterea novi conjuges, praesertim si ad supersti-
tionem paulo sint proclives, tunc saepe credant, se nescio quibus artibus
malis aut fascino affectos esse, vel maritus etiam existimet, feminam ad ma-
trimonium sive generationis negotium ineptam esse, atque subinde jam de
divortio cogitet, saepius tamen observatum est, licet penis in vaginam immit-
ti haud potuerit, quasdam earum nihilominus a contactu sive attritu penis fac-
tas fuisse gravidas (d); quibus tamen arte adhuc succurri potest. BECKERUS
prae-

(a) Exempla refert ROONHUYSIUS l. cit. pag. 125 & 129.

(b) Ita enim BENIVENIUS a lue venerea quoque hoc malum ortum esse notavit, Lib.
de abditis morbor. causis. Cap. 31. BECKERUS vero a variolis, loco capite praecedenti
citato.

(c) Vid. ROONHUYS. l. c. pag. 130.

(d) Vid. GUILLEMEAU l'heureux Accouchement Lib. II. Cap. 20. SOLINGENIUS
Observ. de mulier. morb. 34. ROONHUYSIUS Lib. cit. Observ. pag. 127. & 130. MAURI-
CEAU Obs. 489 & 583. RUYSCHIUS Obs. 22. BOHNIIUS in Circ. Anat. progymn. I. Cow-
PER in Act. Anglic. BECKER. l. c. p. 22. Ita etiam in Act. Gallic. me ejusmodi exemplum
legisse memini.

praeterea, Medicus Hassus, *peculiare ac lepidum hac de re narrat exemplum de lasciva puella*, quae clausa vagina ex utero matris nata erat. Haec enim, postquam experimentis cognoverat se a variis rite stuprari non potuisse, multos deinde & praesertim milites vegetos ad certamen venereum proterve provocavit; eos vero omnes, concubitum cum ipsa rite celebrandi claustrumque sive munimentum hoc virginittatis perrumpendi spe frustravit, atque emuncta pecunia, *quod nihil possent, derisit*. Tandem vero Chirurghi *cujusdam curae se commisit*, ut obstaculum illud concubitum impediens ipsi tolleretur. Hic autem curationem suam dissecta ope scalpelli ista membrana praeter naturam tam bene perfecit, ut paullo post hanc puellam impraegnaverit, & gemelli denique, quos peperit, felicitis suae curationis & testes & fostrum fuerint (a).

I I.

Curatio. I.
si membra
na claudu-
tur.

Quod ad curationem hujus mali attinet, *ea in junioribus puellis subinde satis prompta est*, sicubi modo membrana ista praeter naturam tenuis & non multum ab ore vaginae remota est, atque ut Cap. praeced. dictum, provide inciditur. In adultis vero, ubi tota vagina clausa, *fieri id ipsum commodius vix potest*, quam ubi in non gravidis sanguis menstruus vaginam replet, & membranam p. n. foras urget atque distendit, quemadmodum praeter supra Cap. praeced. §. I. nota (a) laudatos, MEEKRENIUS (b), NABOTHUS (c), AMYANDUS (d) alique fecerunt: siquidem ipsi referant, *non mirificam modo cruoris spissi atque foetentis liquoris quandoque copiam e naturalibus post incisam hanc membranam vaginam occludentem profluxisse*; sed feminas quoque protinus ab ingentibus & mortem quasi minitantibus calamitatibus, quas antea senserant, confanuisse, plagam denique inflictam absque adhibitis fere medicamentis, cumprimis tamen aptis turundis, pessis ex cera, aut fistulis sive cannulis, praesertim ex plumbo paratis, *satis feliciter ad cicatricem pervenisse*. Quodsi vero membrana eaque crassior profundius in vagina haereret, sive ea foraminulo praedita sit sive non, eadem quidem ratione, sed cautius tamen, ne vel intestinum rectum vel vesica violetur, incidenda atque excidenda est; cetera deinde eadem fiant oportet, eaque adhuc longe majori cura, ut via satis ampla conservetur. Neque alienum hic saepe est speculum uteri simul in auxilium vocare, (vid. Tab. XXXIV. fig. 15.) partim ut locum laesum curiosius inspicere, partim ut deinde in curatione cautius fecare valeamus.

I I I.

2. Si os va- Nonnunquam recens nuptae, vel & quandoque aliae in matrimonio jam viventes

(a) In Paedioctonia inculcata §. XXVII. pag. 37.

(b) In Observat. suis Cap. 52.

(c) In Diss. de Sterilitate §. 4.

(d) In hoc casu mulieri post puerperium carunculae concreverant, ita ut postea sanguis menstruus non potuerit exire, sed hic in vagina collectus urethram compressit, ut urina inde fuerit obstructa. Verum incisis partibus concretis ab utroque malo liberata est. Vid. Act. Phil. Angl. No. 422. pag. 259, & in Epitome horum Actorum a MARTYNIO editor. Part. III. pag. 540.

tes mulieres, usque adeo angusto vaginae ore a natura sunt instructae (a), vel etiam post exulcerationem quandam id sibi vitium contraxerunt (vid. Cap. ^{ginae nimis angustum.} praeced. §. II.) ut colem virilem adeoque & concubitum admittere nequaquam valeant, quamvis per angustius illud vaginae os sanguis menstruus excerni queat. Oportet autem, ut in priori ejusmodi casu, in sartoris cujusdam uxore, cui malum a natura erat, aliquando feci, per adhibitum scalpellum & in parte oris vaginae inferiori & in lateralibus, profundis satis plagis, re-
fectisque angulis aut frustulis supervacaneis, aperturam hanc angustiore
ampliare, prouti quidem Chirurgo id commodissimum videbitur, ac deinceps amplam turundam una cum linamentis aridis contortis immittere eis-
que hanc distendere. Deinde in deligationibus sequentibus, quae quotidie,
proximo a sectione die excepto, bis fieri debent, ne a retento pure aut
fordibus aliis foetor nimis molestus oriatur, vulneris inflicti latera, balsamo
vulnerario illita, postea turunda sive pello idoneo, praesertim ex spongia
in hunc usum singulariter praeparata (b), vel ex radicibus intumescen-
tibus, (qualis est gentianae aut symphyti), ut tanto melius orae diducantur, tam
diu hoc os vaginae implendum est, donec latera secta beneque diducta ad
sanitatem tendunt. Denique *fistula plumbea* satis ampla, unguento de cerus-
sa aliove simili imbuta, quotidie & tam diu intus demittenda, donec latera
undique cute dura & sicca sint obducta, neque coalescere rursus valant.
Quando vero os vaginae, aut etiam pars ejus profundior & quasi media vel
post partum difficilem, vel ab ejusmodi caussis aliis, quas supra Cap. CXLVI
§. II. retuli, valde constrictum atque ita angustatum est, ut penem transmit-
tere nolit, qualis morbus ex partu laborioso paullo post in alia muliere mihi
curandus obvenit, eum eadem ratione, quam modo descripsi, feliciter cu-
ravi. Similem fere casum a se sanatum describit SAVIARD. Obs. 32, p. 149.
Aliam ejusmodi mulierem vidi, cui latera vaginae a partu quoque difficili
ad trium pollicum ab ore distantiam omnino conferbuerant; quo vero in casu,
quia metus erat quod in divisione hujus concretionis facile vel vesica vel
rectum laedi potuisset, abstinere potius ab hac curatione hic malui.

I V.

Si gravidae aut parturientes ab istiusmodi malo affliguntur, tempestivam
utique curationem adhibere convenit; ne qua forte pariendi difficultas cum
gravissimis noxis aliis superveniat. Praestat tamen, si ejusmodi noxa in gra-
vida sentiatur, ante partus tempus, & quidem diu ante, si fieri potest, graves
ob rationes hanc membranam incidere; quia in ipso partu foetus post eam la-
tens, scalpello facile laedi, aut Chirurgus aptus tunc mature non obtineri &c.
posset (c). Interea tamen, quando curatio etiam, vel ob ignorantiam vel negligen-
tiam

(a) Exempla habet HILDANUS Cent. III. Obs. 60 MAURICEAU Obs. 172, 583. BLAN-
CARD. in Collect. Phys. Med. Cent. III. Obs. 56.

(b) BECKERUS, facta divisione, turundam ex spongia filis colligata in vaginam immisit,
eaeque istius modi vitium curavit. Lib. cit. p. 40.

(c) Feliciter hoc ejusmodi in casu ante partus tempus praestitit BECKERIUS l. c. §. 31.

tiam gravidarum, ad partus usque tempus differtur, fieri ea quidem adhuc tunc potest; attamen maxima cura habita, ne ab admoto scalpello foetus in partu post eam latens vulneretur. Oportet itaque exiguo tantum vulnuscule membranulam istam alienam quam cautissime primo incidere, deinceps autem, quicquid concidendum restat, vel per insertum scalpellum globulo praemunitum, (vid. Tab. V. fig. 4. vel 5.) vel si talis praesto non est, immisso prius specillo sulcato (a), vel per forficem idoneam, vel per consuetum scalpellum Chirurgicum, quam providissime fieri potest, concidere. MAURICAEUS ejusmodi in casu jussit, ut Obstetrix digito hanc membranam vi dilaceret (b): verum quia laceratione partim majores dolores, partim alia facile gravia mala induci possent, ferrum praefendum esse existimo, nisi forte in casu necessitatis & ubi peritus Chirurgus mox haberi non posset (c).

V.

Observatio-
nes necessa-
riae. Monendum tamen adhuc est, quod si vagina non membrana, sed densa carnea substantia clausa sit, eaque profundius in vagina sita, aut parietes ipsi vaginae inter se glutinati sint, difficilius longe & quandoque non sine periculo illius fieri divisionem; ita ut quandoque a curatione praestet abstinere, quemadmodum non solum ego, sed etiam BENIVENIUS olim propterea fecit (d), quam eam temere aut saltem cum gravi periculo instituere. Vel si etiam in minus periculoso casu curatio haec instituatur, scire tamen convenit, nisi haec pars diu per turundas bene intumescences & idoneos tandem tubulos aut fistulas sive pessos, postea probe distenta servetur, eam brevi post curationem facile rursus ita constringi, ut concubitus sive penem deinde non admittat. Hoc enim & mihi aliquando contigit, ut sectionem iterare propterea coactus fuero; & ROONHUYSIUS idem usu didicit, atque ut a Chirurgis probe observetur, monuit (e). Quando autem vaginae latera sive parietes prorsus conferbuerunt, & praesertim paullo profundius, quemadmodum ego hoc etiam aliquando in lanionis uxore hic vidi, cui malum a partu difficili ortum erat, sectio quoque valde periculosa est; adeoque & ego in ejusmodi casu, quamvis alias in curationibus Chirurgicis minime timidus sim, potius ab ea abstinere, quam cum periculo eam suscipere malui, licet conjuges ex prolis amore id vehementer desideraverint. Sed si crassa carnea substantia vaginae meatus oppiletur, licet haec incisa & divisa sit, tamen subinde caro ita inde luxuriat, aut ita indurata & callosa est, ut non solum pars quaedam orarum, ubi tutissime hoc fieri potest, re prius rite oculis, digitis, imo & speculo oculi considerata, excidenda sit; verum etiam caro repullulans aut luxurians rodentibus & siccantibus medicamentis, praeter idoneas turundas

ac

(a) Exemplo RUYSCHII, ceu patet ex jam jam proposita Observ. 22. ubi res figura illustratur.

(b) Observat de Gravidis, Obs. 489.

(c) De ore uteri concreto in gravida Observatio videri potest in Act. Edinburg. Tom. III. p. 317.

(d) Lib. de abdit. morb. causis Cap. 31.

(e) Observ. Chir. Lib. 2. ubi de clausis vaginis egit.

ac fistulas plumbeas, reprimenda, donec via satis ampla facta & parietes probe firmati sint; alias facile vagina denuo coalescit, aut saltem adeo angusta rursus redditur, ut curationem omnem, quae & aegrae & Medico molestissima hic est, inanem reddat. Conferri in ejusmodi casibus omnino meretur & ROONHUYSIUS loco supra nominato, MAURICAEUS (a) & BECKERUS, libro saepius jam citato, §. XXVIII. p. 37. & seq. ubi per observationes & exempla rem egregie illustrant, itemque p. 101 & 102. ROONHUYSIUS etiam de modo agit aperiendi os uteri internum clausum (b); verum quia hoc vix vel difficillime videre, adeoque etiam vix tuto incidere, & forte adhuc difficilius apertum servare poterimus, dum accessus denegatur hic fere omnis, sectio haec nimis periculosa videtur, adeoque pro insanabili malo potius cum FABRIC. AB AQUAPENDENTE, mihi p. 280. habendum.

C A P V T CXLVIII.

Quid fieri debeat, si justo longius clitoris excreverit.

I.

IN quibusdam feminis ita mirifice clitoris increscit, ut membri virilis speciem *Mali* na- quandoque prae se ferat, ipsisque feminis hermaphroditarum nomen conciliet *tura*. (c), tametli nullum in eadem extet foramen sive canalus vel urethra, per quod vel urina vel semen emitti queat. Interim quia minus decora partis hujus magnitudo, propter insignem, quam sibi plerumque conjunctam habet, concumbendi difficultatem, haud exiguas easdemque varias utrisque conjugibus creare solet nauseas atque molestias; mirum non est, identidem Chirurgos, ut medicam huic malo manum adhibeant, implorari. Apud Arabes equidem & Aegyptios frequentissimum esse, ut nonnulli referunt, noxae genus illud consuevit, adeoque puellis statim recens natis, quicquid indecenter prominet, rescinditur; inter Europaeos autem rarius adhiberi curatio ista solet: propterea quod feminarum nimia clitoride praeditarum, alias lasciviendi studium; alias aut verecundia, aut cruciatuum metus a curatione abstrahit.

II.

Sed ne qua tamen forte Chirurgus, quid facere in istiusmodi curatione de- Curatio. ceat, ignoret, observasse juvabit duplici admodum via in istiusmodi casibus posse procedi. Vel enim 1) per injectum vinculum, quicquid supervacuum est, quemadmodum scilicet supra in tuberculorum atque penis corrupti curatione proposuimus, aufertur; vel & 2) per scalpellum aliquod chirurgicum pars indecora, sicut Aegineta jam fecit, praescinditur, emissioque, quantum suffi-

(a) Obf. 231. 489. 495. 583.

(b) Loc. citat. pag. 133. & seq.

(c) Exempla huc facientia clitoridum nimis magnarum passim obvia sunt apud TULPIUM, GRAAFIUM, PLATERUM, RHODIUM, PLAZZONUM, PANAROLLUM, PAULLINUM atque alios.

sufficere videtur, sanguine, medicamentis sanguinem cohibentibus plaga fovetur, ac deligatur, tandemque, qua par est diligentia, ut vulnus aliud rursus glutinatur. *Apud Indos ferramentis candentibus applicatis feminas nimis longa clitoride instructas curari, auctor est BALLONIUS.*

C A P V T CXLIX.

Quomodo nymphas feminarum justo ampliores tractare conveniat.

Nonnunquam ita largiter in feminis nymphae crescunt, ut non longe solum ultra pudendorum oras sive labia propendeant, sed identidem quoque & in ambulando & in sedendo, imo & in concubitu molestae fiant, adeoque curationem aliquam postulent (a). Quae ipsa equidem ut institui feliciter queat, facienda sunt sequentia. Primo resupinari feminam oportet, cruribus atque pudendorum labris diligenter ab invicem diductis. Deinde Chirurgus nympham aliam post aliam, *sinistra manu comprehensam, per adnotam dextra forficem, quantum quidem abundare videtur, praescindat* (b). Quandoquidem autem, prout MAURICAEI experimentum demonstrat, aliquando periculum utique est, ne a nimia sanguinis profusione animi deliquium aegra patiatur, quemadmodum aegrae hujus contigit (c), necessarium omnino videtur in promptu habere istiusmodi medicamina & externa & interna, quae ad cohibendum sanguinem & ad aegram a deliquio liberandam faciunt. Quibus singulis rite peractis, vulnus per adhibitum balsamum vulnerarium glutinari quam facillimo negotio poterit (d). Exemplum extirpatae nymphae gangraena corruptae refert SOLINGENIUS, observat. cit. 80.

C A P V T CL.

Qua ratione vaginam uteri, a tuberculis, fungis, ficibus, carunculis, sarcomatibus &c. infestatam, curare conveniat.

I.

Mali natura.

Solent quandoque varii generis variaeque magnitudinis ac figurae, saepissime tamen fungum, aut ficum, aut pyrum, aut campanae pistillum, repraesentantes carnes sive tubercula aut carunculae, non externas solum, sed internas quoque vaginae partes, easdemque modo anteriores, modo posteriores sive superiores infestare, atque ita mirifice interdum succrescere, ut ad us-

(a) SOLINGENIUS exemplum, quod vidit, refert in Observat. suis de morbis mulier. Obs. 20.

(b) Ita jam Paulus AEGINETA haec mala curavit.

(c) Vid. Observat. ejus 174. & 313.

(d) Singulare curationis hujusmodi exemplum quoque PANAROLLUS exhibet. *Pentecost. 4. Observ. 3.*

que genua pistilli campanae figura interdum propendeant, maximumque non modo taedium & molestiam, sed *concubitus* quoque & *partus impedimentum*, dolores interdum vehementes, imo *gangrenae aut cancri, aut carcinomatis* periculum, nisi tempestiva curatio intervenerit, adducant, & quando magna sunt, *sarcomata uteri* tunc a quibusdam appellantur. CELSUS (a) & TULPIUS (b) ea simpliciter *fungos*, SOLINGENIUS vero *ficus* & quidem *cancrosas* nuncupant (c); sed hic male & sine ratione *cancrosas* eas promiscue appellat: quia levi negotio ipsas curavit; quod in cancribus ita facile fieri non solet.

I I.

Quo magis ori vaginae propinqua, eo facilius tolli possunt; contra vero, quo profundiora, ita ut TULPIUS *inauditum* & *insolens* opus vocaverit, cum Chirurgus ejusmodi fungum aliquando rescuerit. Si ejusmodi tumores dolent, *cancrosa* habentur, & curatio difficiliter procedit, imo subinde ea prorsus non tentanda. Nonnulli ea pro uteri *procidencia* habere solent; sed male, ut infra ostendam.

I I I.

Oportet autem in istiusmodi casibus eandem curandi rationem adhiberi, *Curatio.* quam generatim ad tubercula, *sarcomata* sive *carnes excrecentes* superius (Cap. XXVII.) proposuimus; dum, vel a *vinctura* (d), vel a *scalpello*, vel a *vinctura simul* & *scalpello* (e), vel & a *medicamentis rodentibus* petenda esse sanitatis praesidia declaravimus. Quamquam sollicite cavendum hic est, ne qua forte ipsum uterum prolapsum, quasi partem praeter naturam progenitam atque indecentem, imprudenter rescindamus. Ceterum quia haec partium naturalium vitia non propter ipsam modo habitudinem suam, *narium polypis* sive *carunculis* quam maxime similia, sed ita quoque alte interdum posita uteroque propinqua sunt, aut ex ipso utero proveniant (f), ut secundum hactenus propositas curandi vias extirpari nequeant, necessarium utique visum & FABRICIO ab *Aquapendente* & DIONISIO est, per *adhibitam volsellam*, sive *forcipem*, qualem ad *narium polypos educendos* commendavimus, (vid. Tab. XIX.) tamdiu partem istam alienam contorquere, donec eadem resoluta esse sentiatur; id quod etiam *forcipe* ad calculum extrahendum idonea fieri poterit. Sed ante tamen, quam id ipsum curationis negotium suscipiatur, diligentissime singula circumspicienda sunt, ne, quos sanare cupimus, gravioribus periculis exponamus

(a) Lib. VI. cap. 18. n. II.

(b) Observ. Lib. III. cap. 33 & 34.

(c) Observ. de morb. mul. 29 & 56.

(d) Videri potest exemplum figura illustratum apud MEEKRENI. Obs. Chirurg. cap. 51.

(e) Sic enim non modo olim MEEKRENIUS, loco modo citato, sed & ELTZHOLTIUS, atque haud adeo pridem cel. VATERUS, ut in singulari de *sarcomate uteri* dissertatione memorat, haud prorsus infeliciter sese feminam ab istiusmodi noxa infestam curasse, postquam, *vinculo circa tuberis radices trajecto*, quicquid praeter naturam increverat, graviter praeciderit; id quod ego quoque jam aliquoties feci. Ita in Act. Nat. Cur. Vol. VII Obs. 88 novum exemplum de *sarcomate* ejusmodi praegrandi feliciter ablato refertur.

(f) Exemplum vid. in KERKRING Specileg. Anatom. Obs. 53.

namus (a). VOLTERUS, Chirurgus Germanus, equidem scribit (b), feliciter *se se quamplurima eademque varia partium naturalium in feminis carnes excrescentes sive tubercula per admotum scalpellum aliquod candens extirpassse* (c); ego vero istam curandi rationem tantum abest ut in exemplum Chirurgis aliis proponam, ut potius verear ne maxima aegrarum pars vehementer ab eadem, quasi *nimis crudeli*, abhorreant. SOLINGENIUS refert, *se fungum cancrosum e vagina mulieris feliciter extirpassse & mulierem brevi convaluisse*, obs. 29; modum vero, quo hoc praestiterit, filet; neque indicat, quam ob causam hoc vitium *cancrosum* appellaverit. *Carunculam myrtiformem* nimis longam e vaginae ligatura sustulit MAURICEUS obs. 313. Exemplum vero *figus*, sive *mariscae* (a CELSO dictae) sectione ablatae ELLERUS in Misc. Berol. Contin. IV. describit. Conferri hic merentur, quae infra cap. CLVIII. de vaginae procidentia proposuimus.

C A P V T CLI.

Quomodo vesicae calculus educi in feminis debeat.

I.

Feminae rarius a vesicae calculis affliguntur.

RArius equidem in feminis, quam in maribus, institui calculi curatio solet; quia rarius, varias forte ob causas, eo infestantur. Nam *primo* tantos, ut viri in *diaeta* plerumque errores non committunt, ac deinde, quum *breve* admodum idemque *laxum* ut plurimum apud illas urinae iter est, sane si qui forte in iisdem pronascuntur, aut ex renibus ad vesicam deferuntur calculi, ii plerumque parvuli ob amplam urinae viam statim & *per se* excidunt, neque diu inhaerescunt; aut, si vel maxime inhaeserint atque increverint, nihilo tamen minus *eisdem* sua velut sponte atque *sine adhibita curatione* frequenter excidere, ex quam plurimis *iisdemque* sat luculentis multorum Auctorum exemplis est manifestum. Sic enim mihi met ipsi oblatus est calculus, unciarum duarum pondus adaequans, figura & magnitudine parvi ovi gallinacei aliquantulum compressi, quem *adhuc possideo*, & quem *femina quaedam rustica in vicinia post diuturnos eosdemque vehementissimos parturientium angoribus* haud absimiles, ventris dolores, *e vesica tandem emisit*, atque hoc ipso mox ab omnibus incommodis liberata est (d). Quam ob rem observatur ubique *quingenta fe-*

(a) Observationes huc spectantes obviae passim sunt apud TULPIUM Lib. III. Obs. 33. 34. KERKRING Specileg. Obs. 53. MEEKREN. Observ. cap. 54. SOLINGENIUM Obs. 29. & 56. RUYSCH. Obs. 6.

(b) In Libello German. cui titulus: *Hebammen-Schule* (Schola Obstetricum) p. m. 48.

(c) Veteres quoque hic ferro haec mala adussisse ex CELSO patet, Lib. VII. cap. 30. n. 11.

(d) Alias *eisdemque* memorabiles huiusmodi observationes suppeditant BORELIUS Cent. II. obs. 22. ubi calculus proponitur ovum anserinum adaequans, sponte e muliere excretus; KERKRINGIUS Specil. Anat. obs. 67. pag. 163. ubi calculus ejusmodi tres uncias pondere superans exhibetur; BARTHOLINUS Hist. Anat. Cent. I. hist. 71. calculum gallinae ovum adaequantem, qui sponte excretus est, describit; In Miscel. Nat. Cur. Dec. I. an. VI. VII. Obs. 7. calculus ita excretus sistitur unciam unam & dimidiam habens; it. Decur. ejusd. an. VIII. Obs. 11. pag. 20. it. Dec. II. an. 2. Obs. 180. sistuntur bini calculi, uncias duas & dimidiam habentes, & in Dec. III. adhuc

re & plures sexus masculini sectionibus calculi subjici, antequam vel unica mulier ei subjiatur: imo MOLINAEUS vix ex centum a calculo sectis unicam esse mulierem ex Parisiensium observationibus patere existimat. Sic de RAURO haud constat, quod plures una aut duabus feminas a calculo liberaverit.

I I.

Quanquam autem feliciter saepe atque solius naturae beneficio a vesicae calculis feminae liberantur; tamen in quibusdam ita firmiter calculi forte ob vesicae cervicem angustiores, vel sphincterem vesicae strictiores aut rigidiores, in vesica haerescunt, ut sponte inde non excernantur, sed ut in viris mirifice increscunt, doloresque & cruciatus vehementissimos commovent, ut tandem curationem aliquam suscipere eumque educere conveniat, siquidem a cruciatibus atque noxis reliquis inde provenientibus liberare feminas miseras voluerimus. Et sane, ubi medicamenta, ad expellendos calculos valentia, parum proficiunt, in manu quaerenda erunt sanitatis praesidia.

Nonnunquam institui in feminis calculi extractio debet.

I I I.

Solent autem feminae calculosae in eo maribus feliciores ut plurimum existere, quod liberari saepe a vesicae calculis absque adhibito scalpello & absque periculosa sectione, per solam fere urethrae seu vesicae cervicis diductionem valeant. Atque id magis, etiam ideo, quia, experientia teste, insigniter atque ad stuporem propemodum distendi vesicae collum saepe sine damno in iisdem potest: hoc enim non solum probant exempla magnorum calculorum sponte resectorum pagina praecedenti recensita (a); verum etiam quamplurimorum Medicorum & Chirurgorum, praesertim Lithotomorum illustrium, HILPANI scilicet, TOLETI, GREENFIELDII, ALGHISII atque aliorum recentiorum testimonia (b). Admirabile inprimis inter ea illud est, quod extat in Miscell. Nat. Cur. Obs. Dec. II. an. X pag. 147. siquidem hic femina quaedam a vesicae calculo, quinque unciarum cum dimidia pondus continente, per solam urethrae diductionem feliciter admodum liberata esse memoratur. Neque vero minus illustria sunt, quae passim in Actis Philosoph. Anglic. N. 202. 236. & alibi descripta reperiuntur, modo dictae curationis feliciter in quamplurimis feminis, junioribus

Calculi curationis in feminis saepe absque scalpello fieri potest.

adhuc plura exempla referuntur, itemque a GRAAFIO Lib. de organ. mulier. & in Act. Philos. Londinensibus. Inprimis autem memorabiles calculi videntur ii, quamplurimi, quos ex feminae cujusdam vesica per longum tempus & quotidie fere Wolfenbutelae emissos, expertissimus Guelpherbytanorum Medicus D. HIERONYMUS peculiari commentatiuncula jam an. 1711. edita, descripsit, mihi quoque etiam illos, dum quamplurimos adhuc servat, demonstravit: siquidem nonnulli eorum duarum unciarum pondus habuerunt. Ceterum adhuc conferri hic possunt SENNERTUS, TULPIUS, Obs. 5. Lib. 3. MEEKRENIUS, MIDDLETONUS, histor. XI. & ex hoc MORANDUS de alto apparatu p. 146. COLOTUS, Lib. de Lithotom. p. 289. qui ovum anserinum aequavit, atque alii plurimi, qui calculos magnos e mulieribus sponte excretos notarunt.

(a) Inter veteres Medicos hoc quoque jam notavit COELIUS AURELIANUS, Lib. V. Tardar. pass. Cap. 4. quando scribit: Mulieres digitis immisis in sinum muliebrem sibimet ipsis hortatione quadam lapidem provocando dimiserunt.

(b) Ut GRAAFIUS Lib. de Mulier. organ. generat. p. 65.

ribus aequae ac aetate grandioribus institutae, *specimina*, quamvis in junioribus res plerumque feliciter succedat, quam in senioribus aut vetulis.

I V.

Modus ex-
trahendi
varius est:

Igitur longe minor in feminis, quam in maribus, ad conficiendam calculi curationem instrumentorum apparatus sufficit. Interea tamen diversae, imo plures excogitatae sunt calculos e vesicis feminarum educendi rationes, quam in viris descripsimus. Dividi tamen melioris doctrinae causa possunt, ut in viris, in methodum, quae apparatu minore, majore, alto, & quae laterali perficitur. Quaelibet tamen fere horum rursus diversos habet agendi modos. De prima, primum proponemus. Haec vero varia rursus ratione instituitur pro varia rerum circumstantium aut malorum accidentium varietate. Antequam vero eam aggrediamur, deliberandum primo est, quam curandi viam sequi velimus. Antiquissimus est, quem CELSUS describit, & vulgo apparatus minor vocari solet.

V.

Apparatus
minor.

CELSUS (a) igitur, vetustissimus Auctor, ubi parvulus est calculus, scalpel- lum supervacuum esse ait; quia is urina in cervicem saepe compellitur, & quando non sponte excidit, sed ei inhaeret, cum unco sine noxa eum educi posse docet (b). At in majoribus calculis virgini subjici digiti tanquam masculo per anum, mulieri per naturalia ejus debent. Tum sub ima sinisteriori ora perinaeum incidendum, & calculus, ut in viris educendus (c), ALBUCASIS, antiquus Chirurgus Arabs, praecepit (d), ut eadem ratione duo digiti, sicut modo dictum est, vel in vaginam, vel in anum demergantur, calculus quaeratur, perinaeum versus gradatim prematur, & quidem, quantum fieri potest, deorsum ad latus ani sinistrum, sive ischii tuberculum, ut ibi in perinaeo digitis sentiri queat, postea eo in loco, ubi calculus percipitur, scalpello super calculo incisio fiat satis ampla usque ad calculum, isque sic detectus, digitis in ano haerentibus expellatur, vel ut in viris extrahatur. MEERRENTIUS sic quoque in casu, ubi calculus in femina in urethra haerebat, attamen sponte natura expelli non poterat, digitis duobus in vaginam immissis calculum a tergo comprehendebat & ulterius in urethram urgebat, eumque postea unci beneficio promte & feliciter ejecit (e). Atque hos haecenus plerique secuti sunt, nisi quod nonnulli urethram ferramentis dilatantibus prius paullulum dilatarunt (f); alii urethram, ubi id opus esse indicarunt, inciderunt, ac deinde vel unco vel forcipe, si digiti parum erant, eos ejiciebant: verum tunc potius ad majorem jam apparatus operationem mihi referenda videtur. Cel. ille Anglorum Chirurgus JOAN. DOUGLAS-

SIUS

(a) Lib. VII. Cap. 26. N. 4.

(b) Eadem ratione SAVIARD. puellae calculum extraxit, Obs. Chirurg. p. 376. Obs. 86.

(c) Recentiores quidam hic addunt, ut dum sinistra calculus inquiritur, dextra vesicae imposita ille deorsum prematur.

(d) Part. II. Cap. 61.

(e) Vid. ejus Observ. Chirurg. Cap. 53.

(f) Ut TOLET. Lib. de Lithotom. cap. XV. sed hoc HILDANUS nimis periculosum esse indicavit, & urinae incontinentiam inde veritus est.

sius aliam eamque novam minoris apparatus methodum proposuit, & docuit, quam lenissime parvum protrahi posse calculum e vesica feminae, quando turundae vel e radice gentianae, vel & ex ita dicta spongia praeparata confectae, inque urethram earum insertae subsidio paulatim hoc urinae iter eo usque dilatetur, donec & demitti commodè forceps in vesicam & extrahi per eandem calculus possit (a). In omnibus vero his modis simulac calculus aliquis intus in vesica delitescere, tam per signa calculi communia, quam potissimum per adhibitum cathetrem & digitos (b) certe cognoscitur, eundem plane in modum, quem in maribus, ubi de minore & majore apparatu actum est, proposuimus, deponere ac firmare feminam convenit, pudendorum labris atque nymphis ab adjutore quodam juxta constituto, qui in viro scrotum sustentaret, diligenter ab invicem ita diductis, ut luculentissime conspici subter clitoride positum urinae iter possit. (vid. Tab. XXIX. fig. 2. litt. D.) Quo equidem rite facto, Chirurgus ea ratione, quae ex modo recensitis ipsi commodissima vel aptissima videtur, calculum emollitur. Uno extracto, inquirendum digitis, vel specillo an plures adsint; qui si reperiuntur eadem ratione educantur. Raro in hac methodo, ut aegrae ligentur opus est, praesertim si calculus est parvus: ubi saepe super lecto, vel scamno aut arca extractio fieri potest, si calculosa transversim ei superimponitur.

V I.

Altera calculum educendi ratio in mulieribus, cum majore apparatu, qui viris adhibetur, comparari adeoque & major apparatus pro mulieribus vocari potest; quia plura, quam in minori, ferramenta eaque haud multum a virorum diversa, pro ea exercenda requiruntur. Quemadmodum vero in praecedenti, ita & in hac Medici varia incedunt via. Interea tamen maxime hodie usitata est sequens. Muliere eadem ratione, ut viri, in majore vel laterali operatione super tabula disposita & ab abjutoribus aut ministris probe detenta, labiisque & nymphis ab aliquo horum rite diductis, Chirurgus conductorem marem, (vid. Tab. XXVIII. fig. 2.) mox conductorem feminam (ibid. fig. 3.) per brevem ipsarum urethram in vesicam eo modo inserit, quem supra (cap. 140.) in curatione calculi virorum in apparatu magno proposuimus. Deinde, binis conductoribus illis sensim sensimque diductis, urethra cum vesicae cervice paululum ampliatur. (vid. Tab. XXIX. fig. 2. B. C.) Tum primo digitus postea forceps quaedam calcularia, fig. 5. Tab. XXVIII. provide inter hos conductores in vesicam immittitur; eaque demissa, uberius, sed leniter distenditur, atque ita vesicae collum, BC, quantum quidem satis est, paulatim, quantum calculi magnitudo requirere videtur, diducitur. Denique calculus, forcipe comprehensus, gnaviter ea ratione, quam supra in lithotomia virorum commendavimus, protrahitur (c). Fieri id ipsum quam facillimo saepe negotio solet

(a) In Act. Philosoph. Anglic. N. 399. pag. 318. & in Epitome horum Actor. a MARTY-
NIO edit. Part. III. p. 538. ut & in Libro de alto apparatu sive Lithotomia DOUGLAS. edit.
II. pag. 55. nam ubi calculus major, ut hac ratione educi nequeat, alto apparatu eum educen-
dum esse suadet.

(b) Digitis calculi magnitudo hic optime exploratur.

(c) Hac ratione eum describunt TOLETUS Lib. de Lithotom. Cap. XV. SAVIARDUS

folet, ubi laevis est atque parvus, vel saltem mediocris calculus. *Sed si paulo grandior idem existit*, majus negotium facessit: attamen sensim plus diducenda urethra est, donec sequatur. *Quando calculus forcipe mox comprehendere nequeat, in mulieribus digitos, indicem scilicet & medium sinistrae manus in vaginam immittat*, calculumque iis ad forcipem adducat, ita ut commodius prehendi possit; *in puellis vero digiti in anum immittendi*, & si puella est minor sive junior, alteruter horum digitorum pro hoc usu sufficere saepe potest. *Quod si vero propter insigniorem magnitudinem hac ratione educi nequeat*, opera danda est, ut forcipe robustiori vel & majoribus dentibus instructa, (Tab. XXVIII. fig. 7.) *comminuatur*, atque ita frustulatim educatur. *Ubi vero confringi nequit*, aut ob alias rationes eum frangere nolimus, *incidere omnino urethram, vel ab alterutro latere*, vel &, quemadmodum TOLETUS aliique praecipiunt, *utrinque*, *conveniet*. Imo cur non integram cervicem una cum parte vesicae incidere licebit? dum hoc sine noxa in viris in magno & laterali apparatu fieri innumeris exemplis RAVII, CHESOLDENII, DRANII aliorumque quamplurimum edocti sumus? HILDANUS quidem collum vesicae incidere ausus non est, & plus, quam par est, periculosum id existimavit, vel saltem incontinentiam urinae inde metuit (a); verum hodierno tempore hunc metum esse vanum abunde cognovimus. Imo & PARAEUM jam ab hac incisione non abhorruisse, inde mihi satis patere videtur, quia peculiarem catheterem sulcatum pro incidenda, ubi opus est, urethra mulierum non solum commendavit, verum etiam delineavit (b), quem & COLOTUS laudavit: cum hoc aliquo modo ille convenit, vel saltem ejus loco adhiberi poterit, quem Tab. XXXII. fig. 7. delineavimus. Nonnulli etiam loco ductorum ensiformium ductore angusto canaliculato utuntur, & in hoc, sicut apud viros, forcipem in vesicam demittunt (c). Si absque scalpello confectum negotium est, supervacua deligatio videtur, omniaque medicamenta vulneraria sive glutinantia. Sed sciendum tamen est, feminarum, quae curationem illam expertae sunt, aliquas, praesertim aetate provectiores, aut quae mali corporis habitus sunt, propter vehementiorem cervicis vesicae in calculis majoribus distentionem, urinae incontinentia postmodum laborare; adeoque fomentum roborans per plures dies imponendum esse suadeo, donec hoc malum praeteriisse intelligamus. Quanquam rarius in junioribus, quam senioribus contingere id ipsum consuevit; adeoque noxa ista non tam Chirurgus, quam potius calculi magnitudini ipsiusque corporis imbecillitati accepta ferenda est. Quodsi autem scalpellum est adhibitum, tum balsami cujusdam vulnerarii aliquoties in die calide inuncti subsidio decenter glutinare plagam inflictam conveniet.

V I I.

Obi Chirurg. 72. pag. 314. & GARENGEOT. in Operat. Chirurg. Tom. II. pag. 83. qui etiam nequidem mentionem facit alius cujusdam methodi; licet certum sit, calculos subinde minori apparatu satis commode, educi posse; quandoque vero hanc ab ipso descriptam non sufficere. Praeterea utilissimum esse censeo, si immixtis, ut antea §. 3. & seq. ductoribus, antequam forceps in vesicam immittatur; prius digitus index, ad collum vesicae blande diducendum inter ductores injiciatur, & postea demum forceps.

(a) Lib. de Lithotomia Cap. XXII.

(b) Lib. XVI. Cap. 47. pag. mihi 376.

(c) Id quod HILDANUS Lib. de Lithotom. Cap. 22. atque etiam TOLETUS docet l. c.

V I I.

MARIANUS calculum parvum apud mulieres naturae relinquendum esse censet; Variationes quia haec eum per cervicem breviorē & laxiorē plerumque expelleret. quaedam. Sed si magnus fuerit, eandem curationem, quae de maribus ab ipso proposita est, necessariam esse docet. Verum locus incidendus, ait (a), eligatur „ inter os femoris & urinae iter in mulieribus. Posito igitur itinerario (hoc est „ cathetere fulcato) in vesicae canale, quod Medicus extra ad se impingat, ut dictum est, cum incisionem facere superius volebamus. Minister vero capiat cunni labrum ipsius lateris, in quo fieri debet incisio, & ipsum ad se attrahat taliter; quod locus incisionis late pateat: deinde incidat per distantiam unius digiti ab osse femoris, & facta incisione ordine uti debet, quo in administrandis instrumentis utebamus, cum lapidis a viris extractionem tractabamus. Nec quemquam decet terreri, si plus sanguinis ex muliebri quam virili corpore profluxerit (b), haecenus MARIANUS. Ex supra autem indicato incidendi loco, nimirum inter os femoris & iter urinae, licet non satis perspicue, sicut optarem, descriptus sit, mihi tamen constare videtur, MARIANUM hic eundem locum indicasse, quem Frater JACOBUS & RAUUS in mulieribus incidere soliti fuerunt. Nonnulli Auctores peculiare instrumentum dilatans, quod vulgo dilatatorium appellant, inter ductores, antequam forcipem impellant, in vesicam immittunt, eoque cervicem, quantum satis esse judicant, diducunt, & postea calculos unco vel forcipe educunt (c). Ego inter duos illos conductores loco feramenti hujus digitum indicem, sicut in magno apparatu supra dictum est, etiam hic prius, immitterem, antequam forcipem adhiberem; ita enim formidando illo instrumento dilatante carere, cervicem tamen blande ac gradatim diducere possemus. Quidam volunt, ut potius loco violentae dilatationis, praesertim ubi calculus major, super cathetere fulcato urethra mulierum potius scalpello, ampla plaga, imo usque in corpus vesicae incidatur, ne opus sit eam lacerare, unde graviora, quam a sectione metuenda essent symptomata (d), id quod forte illi non impugnabunt, qui lateralem sectionem in viris, ubi quoque cervix vesicae & quidem sine noxa inciditur, propugnant, dum melius esse ajunt, cervicem incidere quam lacerare. Alii contra sectionem nunquam hic esse necessariam sustinere atque pejora mala inde metuenda esse volunt (e), quam a sola dilatatione, praesertim cum tam magni calculi saepius sine omni noxa sponte rejecti, alii vero post dilatationem sine sectione, arte educti fuerint, & cum primis MOLINAEUS, Medicus Dublinensis (f), hoc magno molimine partim ex praedictis rationibus, partim etiam a se visis exemplis recentioribus ac primo quidem puellae sex tantum annos natae, evincere conatur, ubi PROBYUS, Chi-

(a) Lib. de lapide vesicae extrahendo, Cap. XI.

(b) Hoc quoque jam CELSUS monuit Lib. 7. Cap. 26. n. 4. qui etiam vult, ut in robustis sanguis non mox cobibeatur, quo minor inflammatio oriatur. ibid. n. 5.

(c) Hoc TOLETUS docet, L. C. Cap. XV.

(d) Ut ROSA & SCHAFFERUS in Diss. de calculo, Argentorati editis, supra jam citatis.

(e) Ut LAVATERUS, Helvetius, Dissert. de calculo pag. 231. Sectione enim, ait, facile gravia induci symptomata.

(f) In Act. Philos. Lond. N. 202. pag. 817. & in LOWTHORP. Epitome horum Actorum Vol. III. p. 182.

Chirurgus egregius Dublinensis, ope speculi vesicae urethram sine insigni dolore ita ampliavit, ut inmissa deinde forcipe brevissimo temporis spatio calculos sine ulla sectione extraxerit, eamque brevi sanitati restituerit. Idem adhuc de duabus adultioribus refert, calculique sic educti figuris expressi sistuntur. Unde concludit, quod si in junioribus parvulis & tenerioribus urethra ita dilatari potest, in adultioribus eam tanto magis sine noxa dilatari posse; praesertim cum experientia etiam hoc comprobaverit: adeoque urethram aut vesicam nunquam incidendam esse. Propterea etiam puellas vel feminas quae calculo laborant, monendas esse vult, ne diu extractionem differant: nam quo diutius expectant, eo major fieret calculus; & quo major calculus, eo difficilius eum postea educi. Sed monendum hic esse puto, calculos, quos MOLINAEUS sistit, hac ratione extractos, parvos omnes fuisse: nam maximus eorum vix ovum columbinum superat, quales quidem, imo & adhuc majores, hac ratione extrahi posse facile concedo. Verum omnes hac ratione extrahere velle probare non possum: praesertim cum mox alius Anglus, WOODIUS scilicet, neget valde magnos sine sectione educi posse, exemplumque profert calculi novem unciarum, qui sectione feliciter extractus mulierque sanata fuerit, quem neminem sine sectione educere potuisse recte contendit (a). Igitur pro diversitate calculorum etiam modos extrahendi, sicut in viris statuimus, variandos atque a prudenti Chirurgo seligendos esse omnino existimo. Nonnulli etiam, antequam ductorem marem in vesicam demittant, prius specillum vel catheterem sulcatum, quale illud esse potest, quod Tab. XXXII. fig. 7. exhibuimus, immittunt, & in hujus sulco demum ductorem marem & sic postea reliqua ferramenta, debita prudentia (b).

VIII.

Alius curandi modus per methodum lateralem.

Fratrem JACOBUM eandem fere in feminis, quam in maribus, calculi sectionem atque extractionem adhibuisse, historia ipsius docet (c). Tametsi autem, quod ego sciam, Medicorum nemo, praeter unum fortassis RAVIUM, Jacobaeam istam feminas seu potius puellas calculosas sanandi rationem quandoque est secutus (d); quin omnes potius communes istas modo descriptas calculos educendi rationes, propter illius summam difficultatem servarunt (e); tamen nihil nec a veritate, nec ab aegrotantium salute alienum statuisse mihi videor, si dixero, utique quam maxime utilem, eandem esse posse, quotiescunque tam magnus esse calculus animadvertitur, ut per urethram absque insigni vi & laesione cervicis aut

(a) In Act. Philos. Lond. N. 209 p. 103. & in LOWTHORP. Epit. hor. Aëtor. pag. 185.

(b) SAVIARDUS imperiti Chirurgi Lithotomiam, quam in puella septem annos nata, magno apparatu perficere voluit, describit; ubi autem vesicam ita laceravit & perforavit, ut paucis horis post misere mortua sit. Obs. Chir. 37.

(c) Quae a MERYO in Observ. saepe citat. & in DOUGLAS. Hist. lateralis operationis optime traditur.

(d) Vid. ejusd. Orat. de methodo anatomiam docendi, pag. 37, ubi inter tot viros a calculo secutos tantum unius puellae hoc modo a se curatae meminit.

(e) DENYSIUS quidem hanc RAVII methodum in sexu feminino quoque commendat, in Observ. de calculo Cap. X; sed nullum exemplum refert, quod ipse unquam hac ratione mulierem a calculo liberaverit. De RAVIO tamen adhuc unicum, quod viderit Lugduni Batavor. in puella quatuor annos nata, indicat. In DOUGLASII scriptis de methodo laterali nullum invenio exemplum, quod vel Angli vel Galli ullam mulierem a calculo ita curaverint.

aut ipsius vesicae educi, vix ac ne vix quidem valeat. Haud enim debilitari facile cervix vesicae solet, ubi Jacobaeam secandi rationem adhibuerimus; dummodo sollicite caveatur, ne qua forte uteri vaginam aut intestinum rectum, quemadmodum JACOBUS facere solitus est, simul concidamus. Hoc enim in feminis, praesertim quae pepererunt, difficulter evitari, non solum exempla JACOBI ostendunt, verum etiam SERMESIUS supra jam laudatus affirmat, se multis experimentis in cadaveribus mulierum institutis didicisse, methodum lateralem quidem in puellis & virginibus junioribus, sed non in mulieribus quae pepererunt sine vaginae laesione succedere (a); id quod & ego saepius in cadaveribus expertus sum. FALCONETUS quoque probe perspexit, sectionem lateralem multo majores cautiones in feminis desiderare, quam reliquas methodos: adeoque, si major calculus non nisi sectione educi possit, vel altam operationem huic praefert, aut vaginam una cum sphinctere ac vesica etiam, super catheterem incidendam suadet (b); quam incisionem BUSSIERUS super ipsum calculum (c) ad vesicae cervicem digitis adductum fieri mavult: id quod & SHARPIUS mihi sentire videtur. Addit vero simul FALCONETUS loc. cit. RAUUM a mulieribus manum abstinuisse, & puellas tantum lateraliter secandas suscepisse. Unde hoc cognoverit FALCONETUS, non addit. Interea tamen hoc ego quoque affirmare possum, me in illo quinquennio, quod in Belgio & potissimum Amstelodami consumsi, nunquam nec vidiisse nec audivisse, quod vel unicum RAUUS mulierem laterali methodo a calculo liberaverit, idemque etiam SERMESIUS, Medicus Amstelodamensis, qui Amstelodami, cum RAUUS quam maxime floreret, vixit, asseveravit. Haud prorsus absimilis curandi ratio est, quam MERRYUS (d) pro mulieribus proposuit & suasit, dum, ad praecavendam cervicis violentam nimis diductionem aut lacerationem & inde subsequentein urinae incontinentiam, praecepit, ut per insertum in feminae calculosae vesicam catheterem aliquem sulcatum, eundemque in maribus adhiberi solitum, gnaviter vesicae cololum deprimatur, depressumque una cum vaginae parte proxima atque adhaerescente incidatur (e) & quidem, ut ego existimo, usque in vesicam, sicuti in parvo apparatu: siquidem hac ratione protrahi calculum posse, urethra ultra modum neque diducta, neque lacerata, sed solum incisa: quae laesio tantum damnum non inferret, quantum nimis violenta dilatatio aut laceratio producere solet. Nam a CELSI jam tempore observatum est, & in axioma medicum abiit, partes sectas contusis aut laceratis minus laedi & facilius quoque redintegrari. Ut proinde mirum videri neutiquam debeat, quod HILDANUS jam tunc istum fere in modum feminam calculosam feliciter tractaverit, cui calculus, ovi gallinaei magnitudine, vesicam & huic nexam partem vaginae attritu ex parte perforaverat;

(a) In Lib. ipsius de Lithot. Douglass. pag. 182.

(b) FALCONET. Quaest. Med. de apparatu laterali pag. 9.

(c) Aët. Philosoph. Londin. an. 1699. pag. 106. & Comp. hor. Actor. a LOWTHORPIO edit. Vol III. pag. 185. & seq.

(d) Vid. ejus observations sur la Manière de tailler, pratiquée par Frère Jacques pag. 30.

(e) Hunc modum LISTERUS, Medicus Anglus, jam ante MERYUM breviter descripsit in Itinere suo Parisino pag. 237, ubi ait: *Feminis calculi omnium facillime hac ratione exciduntur; nempe scalpello intra vaginam uteri in vesicam adacto: quod & SHARPII sententia esse videtur.*

verat; quam verò plagam vesicae & vaginae partim digito, partim scalpello ad vesicae collum dilatavit, postea forcipe calculum feliciter produxit, & aegram perfecte restituit (a).

I X.

Douglasiana sive alta methodus.

Aliam, a modo explicatis, curationis methodum praestantissimus iste Anglorum Chirurgus, DOUGLASIUS, proposuit; & postquam primo docuit, quam lenissime protrahi calculum exiguum e vesica feminae posse, ubi *turundae, vel ex radice gentianae, vel & ex praeparata spongia confectae*, inque urethram insertae, subsidio paulatim urinae iter eo usque dilatetur, donec & demitti commodè in vesicam forceps, & extrahi per eandem supra posito modo (§. V.) calculus possit; *tamen ubi paulo grandior calculus intus delitescit*, idem DOUGLASIUS auctor est, ut alta operatione educatur, adeoque *vesica per iter urinae adhibita syringa* ampliore aqua tepida sufficienti adimpleatur, sicut fere in alto apparatu diximus, compressaque a ministro per digitum vaginae insertum, urethra, *proximo supra os pubis loco*, & modo, quemadmodum in alto apparatu descripsimus, incidatur, tandemque, calculo supra explicatis rationibus extracto, decenter vulnus inflicturn glutinetur. Qui quidem *curationis modus in calculis majoribus*, aegrisque adhuc junioribus ac ceterum sanis, *minime mihi rejiciendus videtur*: atque id ipsum tanto magis etiam ideo, *quia secundum istam curandi rationem periculum neutiquam est, ne aut vesicae sphincter laedatur, debilitetur, aut urinae incontinentia quaedam concitetur*; & deinde quia tam multa exempla prostant virilis sexus, quae feliciter hac ratione, ut supra probavimus, curata, *si modo mulier juvenis & ceterum sana, ut vulneris glutinatio speranda sit*. In minoribus vero calculis, *vel minorem vel lateralem apparatus, ob minus periculum praeferendum esse censeo*. Non multum ab hac sententia abludit Cl. MORANDUS, qui in mulieribus, *si calculus parvus, methodum ordinariam praestare judicat*; sed *si magnus, apparatus altum adhibendum esse*, pro evitanda urinae incontinentia, symptomate alias frequentissimo & molestissimo, censet.

X.

Calculus quandoque a fibula nascitur in feminis.

Ceterum observatione dignum utique mihi videtur, vesicae calculos in feminis non sua tantum sponte, *sed identidem quoque ab acubus grandioribus aut fibulis crinalibus, aut filis cereis*, aut denique similibus rebus aliis, vel *ad pruritum aliquem molestum leniendum, vel ad calculum ab ore urethrae repellendum*, vel etiam *ad explendam lascivarum & impudicarum libidinem* per iter urinae in vesicam depressis atque intus forte illapsis ac retentis, pronasci. Quoties enim cunque res istiusmodi praeter naturam intus in vesica haerescunt, abesse vix potest, quia quaecunque alias urina immerfa corpora brevi materia calculosa obducuntur, quin paullatim hae quoque in vesica materia arenosa obducantur,

(a) Vid. ejus Cent. I. Obs. 68. In Cent. III. Obs. 69. aliud exemplum refert laesae eadem ratione vaginae & vesicae, per quod ulcus etiam multi lapilli transierunt; hoc vero quoque glutinatum est, adeoque ostendit & confirmat, haec vesicae vulnera non esse lethifera, sed glutinari posse.

tur, tandemque in calculum aliquem praegrandem degenerent: qui, nisi decenter atque opportune extrahatur, gravissimas noxas, imo quam maxime miserabilem mortem sensim inducit. *Exempla huc facientia* nec non varias istiusmodi calculorum, in quibus acus aut fibulae haeserunt, figuras, MOLINETTUS (a), ALGHISIUS (b), GREENFIELDIUS (c), CHESELDENUS (d) Ephem. Nat. Curiosor. (e), alique suppeditant. Inprimis autem mirabile, quin potius incredibile videtur descriptum illud in *Actis Anglorum Philosophicis* an. 1700. N. 260. pag. 455. itemque *Eruditorum Lipsiensibus* an. 1701. pag. 230. (f) puellae istius, viginti circiter annos habentis, exemplum, quam PROBIUS, Chirurgus aliquis Anglus, extracto per vulnus super osse pubis factum, & quidem sine praegressa vesicae repletione, *acu crinali deglutita* & ex parte calculosa materia obducta, feliciter sanasse memoratur, postquam is eam per consuetum urinae iter educere frustra studuerat. Namque tantum abest, ut ego credam, fibulam istam, sex circiter digitos latos longam, neque adeo tenuem imprudenterque deglutitam, per ventriculum, ad vesicam usque transmissam fuisse; ut potius existimem eandem titillationis & lasciviae ergo a puella vegeti & sanguinei, ut ipse Auctor refert, temperamenti, per iter urinae in vesicam depressam, inibique relictam, sensim sensimque, ut in prioribus, calculi speciem induisse, ipsam autem puellam ex pudore vel astutia veram noxae istius causam dissimulasse. Vero interim haud absimile videtur, ipsum hoc curationis calculi per altum apparatus exemplum nec Anglis nec Gallis, qui de alto apparatu scripserunt, dum scripta sua ediderunt, innotuisse. Vix enim ac ne vix quidem probabile est, viros modo laudatos illud, dum pro asserenda, innovanda & stabilienda alta operatione adeo luculentum est, temere neglexisse; quo tamen velut ad oculum contradicentibus demonstrare potuissent, novam per altum apparatus calculos secandi rationem fieri non solum posse, verum & tunc temporis nobilissimo experimento feliciter jam factum fuisse (g).

De

(a) Dissert. Anat. Pathol. pag. 310.

(b) In Lib. de Lithotomia, pag. 12. it. Tab. III. fig. 2. & 4.

(c) In Comment. de Lithotomia anglico sermone conscripta pag. 62.

(d) Lib. de alta operatione Tab. X. fig. F.

(e) In Centur. I. p. 183. Observ. XCIV.

(f) In LOWTHORPII Epitome Act. Philosoph. Londin. continetur haec observatio Vol. III. pag. 162.

(g) In Act. Philos. Anglic. a LISTERO etiam exemplum refertur, No. 168. pag. 882. de puero, ex quo COLOTUS acum ferream, in calculo haerentem, extraxerit, quam ille ante biennium in vesicam demiserat. E contrario Berolini vidit filius meus SENFFIUM an. 1735. calculum ex viri extrahere vesica, in quo spica sive arista frumenti deprehendebatur: quae vero, qua ratione in vesicam pervenerit, nec aeger sciebat, nec alii divinare poterant. DENXSIIUS quoque simile exemplum habet.

De artificiis obstetrici necessariis sive de arte obstetricia.

C A P V T CLII.

Quomodo facilitari partus difficilior vivo adhuc existente foetu debeat.

I.

Partus difficilis quid ejusque causae.

1. In parturiente.

Partus difficilis dicitur, quando partus non intra breve & consuetum tempus, unius aut aliquot horarum sponte succedit; sed ob certas causas, quae impedimentum inferunt, justo diutius remoratur, & sine auxilio aliorum vix vel prorsus non absolvi potest. Graecis *Δυσονία* appellatur. Causae primariae sunt vel in parturiente sive matre, vel in obstetrice, vel in foetu, vel & in membranis, foetum cingentibus. Igitur 1. in parturiente causa esse potest, quando forte vel nimis juvenis vel debilis, ita ut vires & nixus ad foetum brevi edendum necessarios non habeat; vel si parturientes jam grandae-viores sunt & primum pariunt, partesque ipsarum, quae in partu cedere debent, jam nimis constrictae & rigidae sunt, ut facile dilatari satis nequeant. Porro quando nimis sensiles aut meticulosae sunt, aut melancholicae, ut spem omnem pariendi deponant; vel pertinaces, imprudentes aut immorigerae, ut propterea nixus & labores necessarios, etiamsi possent, adhibere nolint, doloresque potius cohibeant, vel ex situ aut positura idonea saepe surgant & vi, quasi furibundae, ut vidi, prosiliant atque effugiant. Praeterea quando in parturiente mala adest corporis conformatio, & cum primis quando ossa pelvis, quaecunque illa sunt, male sunt conformata, & nimis angustum inter se formant hiatum, ita ut foetus non nisi difficillime, aut prorsus non transire, imo & obstetricans manum ad uterum, quantum satis est, ad partum juvandum immittere non possit (a). Quo etiam pertinet, quando parturiens est valde parva, & vel pumilio, vel saltem ad hanc staturam multum accedens; quo factum esse novi, quod parere, vel non, vel nonnisi difficillime potuerint. Sic & valde gibbosae difficulter saepe parere solent, & quam maxime etiam eae, in quibus uterus situm habet obliquum, vel ad latera, vel antrorsum, vel retrorsum nimis inclinatum (b). Denique si vagina uteri, vel hymene

(a) Ex multis Scriptoribus, qui ejusmodi exempla notarunt, mihi illi tantum nunc nominandi sunt, qui primum in mentem venerunt; ut HILDANUS Oper. Latin. p. 905. VOELTERUS Lib. de Art. Obstetric. mihi p. 112. Act. Erud. Lips. 1693. p. 229. VATERUS in Diss. de Partu Caesar. 1695. SAVIARD. Obs. 114. RULOVIVS Lib. de Sect. Caes. MOTTIUS Cap. IV. p. 159. & recentissime Act. Acad. Chir. Paris. T. I. titulo de Sectione Caesarea: in quorum magna parte propterea etiam sectio caesarea necessaria fuit: ubi speciatim haec ultima exemplum referunt, ubi inter ossa pubis & sacrum vix duorum pollicum fuit spatium. Et anno 1747. similem casum Helmstadii vidi, ubi foetu per quinque jam dies capite in pelvi haerente digiti vix ad ossa metacarpi immitti potuerunt.

(b) Hoc vitium causam esse partus difficilis, post SIEGEMUNDAM cel. Obstetricem Brandeburgicam, DEVENTERUS, Belga, primus omnium optime exposuit, cui & jungi potest

hymene vel alia *membrana* p. n. *clausa* est, aut *tumor* quidam, caro vel tuber quoddam in vagina excrefcens, vel *callus* eam tam angustam faciat, ut foetus transire aut manus inferi nequeat. Tandem & *magna sanguinis* in parturiente *abundantia*, imo & *alvus* copiosis & duris fecibus repleta atque *obstructa* ex parte matris partum possunt reddere difficilem.

I I.

2 Ex parte *obstetricis* partus fieri potest difficilis, quando gravidam ob dolores spurios aliamve ineptam rationem, uteri ore interno adhuc prorsus clauso, praemature ad labores parturiendi adigit, atque sic eam viribus necessariis intempestive privat. Ita & si *membranas foetus citius, quam par est, dirumpit*, atque sic *aquas*, ad bonum partum valde necessarias, temere ac intempestive profundit; itemque si tam imprudens est, ut vel in *minimis partus naturalis aberrationibus*, quas facile corrigere, aut ubi foetus exitum promovere, vel levi saltem negotio eum omnino extrahere potuisset, & tamen hoc non facit: verbi gratia, si *foetus vel alterutrum vel utrumque pedem ex utero exseruisset*, & eum tunc debita ratione non extraxisset; verum e contrario pedes in ventrem repulisset, atque sic, quod facere debuisset, ob ignorantiam hic non praestitisset, sicque partum difficilem hoc ipso, imo matri & foetui mortem induxisset.

I I I.

3 Ex parte *foetus*, quando vel *nimis magnus*, vel saltem *caput* habet *nimis magnum*, sicuti sunt infantes *hydrocephali* (a), vel *bicipites*, *bicorporei*, aut alia ratione *monstrosi*; vel si ante partum, vel in *co mortui sunt*, quo in statu partus plerumque fit difficilior, quam foetu vivente & vegeto; qui suis motibus dolores & nisus ad partum valde excitat, stimulat ac sustinet, donec editus est, cum a *mortuo talia adminicula pro matre non sunt expectanda*. Denique si foetus, sive vivus sive mortuus sit, *situm habet perversum*, & a naturali valde recedentem, quorum varios in Tab. XXXIII. fig. 4. ad 12. exhibuimus, longe plures vero adhuc in Scriptoribus multis rei obstetriciae videri possunt (b), quibus partus saepissime redditur difficilis, imo quandoque impossibile.

MULLERI Diff. de uteri situ obliquo in gravidis, Argent. 1731. 4. Hujus vero situs obliqui causam plerumque esse *situm placentae in utero inusitatum*, scilicet non in fundo uteri, sed in latere quodam; quo ipso *aequilibrium uteri in gravida tolleretur*, & os uteri ad latus pelvis vel dextrum vel sinistrum, vel anterius aut posterius converteretur, celeb. artis obstetriciae Magister & Doctor FRIEDIUS, Medicus Argentorat. discipulos suos, teste STUARTO Gedanensi, in Diff. de *secundis salutiferis* aequae ac nocivis, Argentorati 1736. impressa docuit eamque rem uberius exposuit cel. BOEHMERUS, Med. Prof. Hallensis, in Diff. de *situ uteri gravidæ a sede placentae in utero* &c. Interea alius artis obstetriciae expertissimus Magister CHAPMANNUS, Anglus, hunc situm uteri obliqua si non prorsus negat, tamen in dubium vocat in Lib. de arte obstetricandi. Ita si *placenta intus ori uteri adhaeret*, partus inde oritur difficilis & periculosus, sicut hoc HOORNIUS Suecus, & BRUNNERUS quoque ostendit in Diff. hac de re Argent. 1730. edita.

(a) Vid. RUYSCH. Thesaur. Anatom. II. Tab. III. & Cel. HEBENSTREITII Diff. de Partu laborioso nascentibus capitonibus. Lips. 1743. edita.

(b) Antiquiorem, qui figuras situs foetuum exhibuerit praeter naturam, EUCHARIO

possibilis. Denique 4. quando *membranae foetus* vel nimis tenues aut tenerae sunt, ut sponte citius, quam par est, rumpantur, aquasque suas contentas praemature profundant, atque sic difficilis & siccus, ut vocant, hoc ipso subsequatur partus. Vel *si hae membranae nimis sunt robustae ac tenaces*, ita ut justo tempore non diffilient, atque sic foetus exitum maturum quandoque impediunt ac retardant.

I V.

Quid Me-
dici tunc est
officii.

Quo plures vero ex his causis concurrunt, eo difficilior fieri plerumque solet partus. Quotiescunque autem vel Medicus vel Chirurgus ad mulierem aliquam parturientem, vel *partus dolores saltem sentientem*, advocatur (a), sciscitari ante omnia is debet, *satis ne jam maturus partus sit, nec ne*: sive, *verumne partus tempus, novem scilicet mensium, adsit nec ne*, itemque an in imo ventre *extrinsecus mutatio* percipiatur, quippe cujus tumor tunc altius descendere plerumque solet, quod *foetus ad partum versionem* appellare censueverunt, & ex pudendis *humor mucosus*, cui saepius aliquid sanguinolenti admixtum est, profluit. Praecipue vero *utrum os uteri* digitis exploratum, *jam pateat*, & in illo tunica humore distenta percipiatur, *an adhuc clausum sit*, sicut in gravidis ut plurimum esse solet. Namque ubi forte verum hoc partus tempus nondum approinquavit, neque infantis membrum aliquod sese jam ostendit, neque *dolores partus veri* adsint (b), neque *os uteri adhuc hiet*, non manus tantum *abstinere ab istiusmodi muliere, sed medicamenta quoque partum citantia*, quam solertissime evitare convenit. Quin *opera potius danda est, ut vel quiescat*, vel in lectulo aegra deponatur, diligentissimeque, non sacculis tantum medicatis atque malagmatibus digerentibus & roborantibus super ventrem impositis; sed medicamentis quoque internis, a prudenti Medico, pro malorum varietate propositis, iisdemque ad *digerendos ac leniendos illos dolores spurios* valentibus, foveatur atque roboretur, ita hi saepe transeunt, *partu, legitimo tan-*

RHODIONE, Medico Francofurtensi, munice meo, Libro *de partu hominis*, haud inveni: qui primo Germanice circa initium seculi decimi sexti Francofurti ad Moenum in 8 prodiit; postea vero saepius Latine, ibidem ac deinde ob praestantiam libelli etiam Parisiis 1535. & Venetiis 1536. recusus, ac tandem variis aliis in locis impressus, variasque in linguas translatus est, atque diu unicus fere ac praecipuus fuit libellus in hoc argumento, quem potissimum omnes fere sequebantur Nationes Europaeae. Post hunc est Jacobus RULFF. Tigurinus, adeoque etiam Germanus qui prima in Libro Germanico de Anatomia 1541. edito Argentorati in fol. cum fig. fol. VI. postea in usum quoque exterorum de *Conceptu & Generatione* Librum Latinum 1554. edidit, atque in utroque multos quoque situs foetuum p. n. figuris exhibuit. Hos secuti sunt PAREUS. & GUILLEMAU, Galli, SCIPIO MERCURIUS Italus, VIARDEL; tandem MAURICEAU, VOELTERUS Germanus, PEU Gal- lus, SIEGISMUNDA Obstetrix Brandenburgica, SOLINGEN, DEVENTER, DIONIS, MELLI Italus, HOORN Suecus, WIDERMANNIA, Obstetrix Augustana egregia, quae haftenus ad meam cognitionem pervenerunt.

(a) De *partu naturali* ejusque causis ad prolixitatem evitandam, hic non ago; sed requiro, ut hic jam aliunde notus sit.

(b) *Dolores partus dividi solent in veros & spurios: veri dicuntur*, qui tempore graviditatis absoluto, vel saltem ad finem vergente, incidunt, quique a lumbis incipiunt, & inde per inguina ad partes naturales progrediuntur; *spurii vero sive falsi sunt*, qui instar dolorum colicorum in superiori & media potissimum ventris parte percipiuntur, & a flatibus, prava victus ratione ac similibus causis oriuntur; qui vero partum non indicant. In veris etiam os uteri se dilatat, in falsis vero clausum manet. Conf. Tab. XXXIII. fig. 1. C.

tandem tempore, succedente. Accidere enim quam saepissime solet, ut non pariendi solum difficultatem egregiam, sed ipsam quoque mortem sibiinet atque infantibus suis mulieres concitent, sicubi, vel sua imprudentia, vel ab obstetricibus atque aliis forte imprudentibus, aut saltem non satis expertis mulieribus, vel & ab intempestivis partus doloribus sollicitatae, partum immaturum praemature edere nituntur. Quodsi autem novem circiter mensium a conceptione spatium effluxisse, adeoque verum atque naturale partus tempus incidisse cognoscitur, os uteri hians digito cognoscitur, ut Tab. XXXIII. fig. 1. indicatur, verique partus dolores adsint, qui scilicet ex lumbis & umbilico proveniunt & inde ad pubem descendunt, artus & praesertim pedes sub doloribus vehementer contremiscunt, tenesmus perpetuus urget, & praecipue foetus tunica humore distenta in ore uteri aperto tumorem aequalem subrotundum efficiat, quod caput instare & partum naturalem indicat, mulier omnia, quae sui sunt officii, rite faciat, idque vel in lecto, vel in peculiari ad hanc rem accommodato sedili sive sella, sic foetus ut plurimum feliciter nasci solet: quo facto, funiculus umbilicalis decenti ratione ligatur, foetus adstanti mulieri traditur, & postea manus in uterum immittitur & exploratur, an alius forte adhuc foetus adsit, aut mola quaedam aut secundae liberae sint an adhaereant; quae si liberae, manu, ut fig. 13. Tab. XXXIII. indicatur, & infra uberius docebitur, educuntur: sed si adhaerent digitis blande solvendae. Sin vero partus ore uteri licet adaperto, doloribusque rite incrementibus, tamen haud feliciter succedit, utique auxilium efficacius adhibuisse necesse est.

V.

Antequam vero hoc auxilium exponamus, sciendum, Galliae aliarumque multarum nationum mulieres decumbendo in lecto parere. Verum mulierum Germanarum plerarumque mos est in peculiari sedili, quale Tab. XXXIII. fig. 14. repraesentatur, sedendo parere (a); quem morem etiam varias ab rationes illi praeferendum esse censeo: cum primis quia vires suas, dum pedes terrae, dorsum parti sedilis posteriori A, clunes asseri transverso C, sic excavato, ut os coccygis satis commode cedere queat, nituntur, manus vero habenas DD comprehendunt, longe melius exerere, obstetrix vero atque juvantes quae utrinque pedes & genua ejus atque a tergo humeros probe firment, commodius undique ad parturientem accedere adeoque & ei melius succurrere possunt. Quibusdam in locis, ubi peculiaris ejusmodi sedilia deficiunt, duobus vulgaribus, attamen aequalibus utuntur sedilibus, quae ita conjungunt, ut ad sex vel octo circiter pollicum spatium a se invicem distent, quae colligant aut inter se invicem funiculis firmant, ut cedere facile nequeant, eisque parturientem ita imponunt, ut unicuique sedili una clunis insistat; anus vero cum naturalibus mulieris cum interstitio sedilium respondeat; quo fit, ut os sacrum & coccygis a compressione libera sint, atque in partu foetui egredienti facile cedere queant (b). Apud rusticos multos ac plebeios homines in Germania usu

(a) Quamvis mulieres ut plurimum sedendo aut cubando, pariant; tamen stando quoque saepe parere solent & possunt; id quod puellae, ex venere furtiva gravidae factae, quae partum occultare volunt, itemque plebeiae haud raro faciunt.

(b) Ita in Suecia multas facere testatur HORN IUS in Lib de arte obstetricia.

usu venit, ut *mariti, vel robustae mulieris, in vulgari sedili sedentis, femoribus aut gremio parturiens imponatur*, qui brachiis suis corpus parturientis amplectitur ac firmat, atque sic sedilis obstetricii vices praestat, ubi tamen simul mulieres utrinque crura diducunt ac sustinent.

V I.

*Oris uteri
scientia ne-
cessaria est.*

Prae omnibus vero *Obstetrices & Medicos obstetricantes os uteri vel ex Anatomie, vel ex figuris saltem Tab. XXIX. fig. 2, L. vel Tab. XXXIII. fig. 1. C. aliisve libris anatomicis aut obstetriciis probe nosse decet.* Deinde sciendum hoc os in mulieribus gravidis, *extra partus tempus ita clausum esse*, ut vix apicem tenuis cujusdam digiti admittat, atque tamdiu ita clausum esse, donec verum parturiendi tempus appropinquet. *Quamdiu autem veri partus dolores nondum adsunt, clausum manet*; sed si dolores veri sunt, *sensim se dilatat*, ut unum ac tandem aliquot digitos facile recipiat, atque in hac uteri apertura *membranae foetum ambientes, ad instar vesicae aqua distentae*, imo saepe quoque per has quaenam forte pars foetus os uteri ingrediatur, aut vicina sit, digitis percipi possunt; unde *instans partus quam certissime cognoscitur*, isque eo magis, quo magis hoc os uteri hiat. *Ut autem Obstetrix aut Chirurgus obstetricans os uteri explorare rite sciat*, mulieri gravidae, ejusmodi dolores sentienti, *vel ad parietem stanti, vel transversim super lectulo decumbenti*, femoribus diductis & versus ventrem retractis *digitum indicem & medium, vel saltem indicem aut medium, oleo inunctum, per os vaginae ad uteri os blande immittat* (vid. Tab. XXXIII. fig. 1.) & *utrum apertum an clausum adhuc sit, itemque utrum parum an multum jam pateat, prudenter exploret*: atque hac exploratione simul discere potest, *sitne partus jam valde vicinus, an adhuc remotus*; ut & utrum os uteri medium vaginae directe respiciat, sicut in fig. 1., an *ad latus aliquod inclinet*; adeoque *utrum uterus situm habeat rectum, id quod felicem partum praesagit, an magis minusve obliquum*; itemque utrum caput, an pes, manus, aut alia pars foetus exitum moliatur: unde *futuri partus facilis aut difficilis, itemque quid mature sit faciendum, baud vana, sed certa admodum desumuntur indicia*; quemadmodum DEVENTERUS, itemque JO. VAN HOORN, Medicus Suecus, ac WIDEMANNIA, Obstetrix Augustana, in egregiis de arte obstetricandi libris, alique postea quam optime docuerunt; cum *sine hac exploratione omnia, quae hic aguntur, dubia atque incerta sint.* Hoc solum in explorando ore uteri adhuc est *observandum, ut exploratio haec in ipso partus actu fiat doloribus remittentibus*; & dum novi dolores ingruunt, *Chirurgus vel Obstetrix digitis suis aliquandiu quiescat, donec dolores hi praeterierint, ubi explorationem decenti ratione continuare potest, quo cognoscat, quod cognoscere voluit.*

V I I.

*Situs foetus
nascendi
qualis.*

His fundamenti loco praemissis, ad mulierem parturientem vocatus Medicus vel Chirurgus ante omnia ex obstetrice, *qualis sit infantis in utero positura, naturalis an praeter naturam, quam curiosissime exploret.* Solet autem quam maxime *naturalis atque conveniens positura censer*, sicubi pronus ita in caput conver-

conversus infans sit, ut facies intestinum rectum, occiput vesicam, & vertex sive bregma directe vaginae ori immineat; pedes vero fundum uteri respiciant (vid. Tab. XXXIII. fig. 2.). Quo in situ partus plerumque feliciter succedere solet. *Ceterae positurae omnes pro insolentibus minusque naturalibus habentur. Sed binae tamen in his sunt, quae inter posituras naturales adhuc aliquo modo referri, vel saltem pro his quam proximis ac minus insolentibus haberi possunt; propterea quod infantes in hoc situ adhuc sponte vivique nasci queant, & ubi auxilium adhibendum, longe minorem, quam reliquae, partus difficultatem secum ferant.* Altera earum est, *qua infans pedibus primum in lucem prodire occipit, quales partus Agrippi appellantur, (vid. fig. 3.); altera, quando clunes sive nates ori vulvae sese opponunt, atque infans proinde praepostere & quasi complicato corpore ex utero egredi nititur, (vid. fig. 4.).* At enim vero non aequae semper facilis atque faustus cum his posterioribus infantum posituris conjunctus solet esse partus. *Nisi enim prudentis Medici vel Obstetricis alicujus moderatione gnaviter iidem promoveantur, sed paulo diutius ita in angustis partus viis haerere coguntur, fieri aliter vix potest, quam ut infans, ob fortem & foetus & funiculi umbilicalis compressionem, tandem in ipso partu emoriatur.* Interea tamen *ubi pedes infantis primo in conspectum veniunt, tum non servari tantum facilius; sed si negotium rite instituatur, extrahi quoque commodius atque promptius infantes possunt, si prudentis alicujus Obstetricis aut Chirurgi auxilium haud defuerit.* Imo vero, ut ne quid hic dissimulemus, ipsa positura ista, ceteris bene sese habentibus, utique *quam maxime fere commoda omnium pro Medico obstetricante aut Obstetrice, imo pro parturiente ipsa fere est pronuncianda, quia in hoc quam optime puerperae succurri potest; quemadmodum ex infra dicendis uberius patebit.* Sin aliter situs aut compositus infans est, quemadmodum perversi ejusmodi situs innumeri esse possunt, eorumque nonnullos fig. 5. 6. 7. 8. 9. 10. 11. 12. delineavimus, non difficilius tantum, sed prorsus non procedere partus: imo graviter quoque periclitari foetus una cum ipsa matre consuevit, nisi opportuna prudentis Obstetricis aut Chirurgi moderatione aliter idem dirigatur, vel convertatur atque educatur.

V I I I.

Qualiter vero in utero situs vel compositus infans sit, nisi manus aut pes aliquis prominens idem significaverit, sciscitari vel ex Obstetrice oportebit, vel & ne qua forte Obstetricum inscitia, quae ingens & stupenda saepe est, turpiter nos fallat, digitis quibusdam, ut supra §. VI. jam docuimus, vel si os uteri latius patet, & hi forte non sufficiant, manu provide in uterum, quando dolores parum remittunt, demissis (a), explorare quam curiosissime decebit. Si caput situ §. VII. indicato, ori vulvae proximum, id quod tamen probe ab aliis partibus tumore velamentorum foetus aequali & rotundo dignoscendum (b), atque

(a) Manus tenues, graciles, huic negotio sunt aptissimae; crassae vero atque amplae minus, sed parturientibus molestae ac dolorificae.

(b) Saepius jam imperiti aut imprudentes humerum, nates, genu, cubitum, aut alias partes pro capite habuerunt, atque sic vehementer in perniciem foetus & matris errarunt.

atque sic decenter compositus esse infans digitis aut manu deprehendatur, nec tamen satis feliciter succedere partus deprehenditur; colligendum omnino hinc est, *vela mulieris parturientis aliquo vitio*, ut vel ob *sanguinis nimiam abundantiam*, *imbecillitate ejus*, vel a *partium naturalium ejus angustia*, *clausura*, *tumore*, *situ uteri obliquo*, aliove illius vitio aliquo, vel denique *ex parte foetus a capitis infantis magnitudine inusitata aut inconveniente vel obliquo hujus situ*, dum mentum, faciem, aures, occiput, humerum, brachium, pectus, dorsum, aliasve partes offert, difficilius partus rationem esse repetendam, vel monstrum forte est *biceps aut bicorporeum*. Sicubi forte vires atque partus dolores puerperae deficiunt, foetus vero convenientem ac debitum habet situm, vel partus ob *partium angustiam*, ut in primiparis praesertim saepe fieri solet, vel ob caput paullo majus, succedere nolit, necessarium tunc utique erit, alimentis & medicamentis roborantibus partumque concitantibus a prudenti Medico propositis, ipsi succurrere, manuque oleo prius illita, in vaginam os sacrum versus demissa, os coccygis gnaviter praesertim sub doloribus reprimere, atque sic vias sensim dilatare: siquidem, hoc facto, vires ac dolores partus veri, nisi aliud quid obstat, ut plurimum redeunt, & felicius saepe mox succedere partus consuevit (a). Sic si *sanguinis abundantia* partum remoratur, vena incidenda est. Ubi vero vel *nimis angusta*, ac praesertim in primiparis, maxime annosioribus, vel *sicca nimis naturalia sunt*, haud abs re fuerit, butyro, vel pinguedine aut axungia quadam, vel oleo, vel emollientibus hujuscemodi aliis eadem saepius inungere, atque digitis sensim sensimque, imo tandem manibus, ut mox uberius exponemus, dilatare (b). Interea si *membrana quaedam minus naturalis vaginam praeccludit*, scalpello aut forfice adhibitis concidi illa eum in modum debet, quem supra (Cap. 146 & 147.) explicavimus. Si porro indecenter *naturalia intumuerunt*, ut transmitti foetus haud quaquam possit; tum fomenta seu malagmata digerentia, ex chamomillae, sambuci & verbasci floribus, herba althaeae, malvae atque id genus aliis rebus confecta, atque cum lacte decocta, identidem superimponi calida debent. Similiter si *vaginae tumor aliquis, fungus major, vel caro excrescens* partum difficiliorem efficit, tum extirpare illum, supra Cap. 149. posito modo convenit. Tandem ubi forte *partium naturalium nimia angustia adest* ex vaginae vel oris uteri callo, aut simili noxa quaedam alia partum impediaverit; vel & ubi forte uterus fuerit laceratus & foetus in cavum ventris forte illapsus, tum miserum, sed unicum quando-

(a) Notare hic placet, HIPPOCRATEM, CELSUM, AEGINETAM, AETIAM aliosque veteres, de foetu mortuo quidem educendo agere & praecepta dare; verum de foetu vivo male disposito extrahendo aut vertendo nihil fere docere: quod indicat eos parum in hac arte vivos educendi infantes versatos esse; quod tanto magis miror, cum CELSUS de partu emortuo excutiendo Lib. VII. Cap. 29. tam egregie scripserit, & quomodo hic manu per pedes invertendus & educendus sit, cur non etiam in vivis male collocatis idem faciendum esse suaserit.

(b) Memoratu dignum utique videtur quod a VOELTERO, Chirurgo Germano, Lib. de Arte Obstetr. pag. m. 112. hanc in rem propositum legimus, mulieris istius exemplum, quae, tametsi septies concepisset, nunquam tamen eniti foetum, propter nimiam naturalium angustiam, potuerit; sed liberari potius semper frustulatis extractis infantibus debuerit. Alia nimiae angustiae exempla partim alibi in hoc capite a me notata, partim apud alios adhuc leguntur.

doque auxilium est. Infantem, qui naturaliter edi in lucem nequit, *adhibita sectione caesarea*, ex alvo protrahere: quemadmodum hac de re prolixè satis Cap. 113. egimus. *Sed si ab ultimis hisce vitiis libera esse mulier, decenterque compositus infans deprehenditur, & tamen partus, ob viarum praesertim angustiam succedere nolit, quamvis adhuc partus dolores adsint; ante omnia mulier ejusmodi partu difficili laborans, emissa prius urina, in situm convenientem & quidem vel transversim super lectum, vel in apta quadam mensa, stragulis tecta, ponatur, natibus in ora lecti vel mensae collocatis, iisque capite paullo altioribus, vel super lectulo ad id proprio (vid. Tab. XXXIII. fig. 15.) eadem ratione feminibus retractis, deponatur, ut sic foetus paullo relabatur, & manus Obstetricantis facilius intrare queat, diligentissimeque ab utroque latere, praesertim quoad genua ac pedes & humeros, ab adstantibus mulieribus contineatur pedesque probe diducantur. Deinde vagina & uterus cum per adhibita olea, pinguedines vel unguenta, tum etiam per insertos digitos, aut manum integram, si fieri potest, a Medico vel ab Obstetrice ante parturientem vel stante vel humili sella sedente, os uteri tam externum, sicut praecipue in primiparis; quam internum, subinde magis atque magis blande dilatentur, imo & tota pelvis, os coccygis manus dorso sensim repellendo ampliatur, praesertim sub partus doloribus, quo ipso paulatim caput descendere & tandem retracta manu, prorumpere solet: quod si prehendi potest, blande trahatur; non neglectis interim medicamentis idoneis roborantibus partumque, si dolores deficiant, promoventibus, donec tandem feliciter partus succedat (a). Quod si membranae foetus duriores sive robustiores sint, quam ut sponte tandem rumpantur, licet os uteri satis dilatatum & caput post eos digitis percipiatur, atque hoc ipso partus diutius, quam par est, retardetur, imo forte & mater debilitetur, vel digitorum unguibus vel forfice aut uncinulo quodam rumpendae. Tamdiu vero a rumpendis membranis abstinendum, quamdiu os uteri nondum satis ampliatur: quia hoc ipso partus induceretur difficilior. Ceterum in succurrendis mulieribus partu difficili laborantibus, ab instrumentis quibuscunque diligenter abstinuisse atque nudas manus naturalibus applicasse convenit (b) quamdiu matri vires sunt & vivus existere infans animadvertitur. Siquidem alias periculum est, ne graviter vel mater vel infans ab instrumentis laedatur, imo prorsus interficiatur. Sed si vires ei non sunt, & matri a mora mors metuenda, aliter est procedendum, atque foetus vel mature pedibus; vel si hoc forte ob denegatum manus ingressum praestari amplius non possit, pro matre servanda ferramentis tandem est educendus. Praestat enim hic arte & matrem & foetum, si fieri potest, servare, quam naturae nimis confidendo, ut imperiti atque nimis timidi facere saepius consueverunt, eique negotium temere relinquendo, & foetum & matrem*

faepe

(a) Notandum hic est, raro partus dolores deficere, quando manus, ut modo dictum est, in uterum agit. Inde enim ita stimulatur, ut dolores plerumque satis vehementes inde sequantur.

(b) Hac de re uberius legi potest Cornel. GLADBACHII, municipis mei, Dissert. docens, *Instrumenta in quovis partu difficili & p. n. non nisi summa urgente necessitate in auxilium esse vocanda*, Lugd. Bat. 1732. 4.

saepe negligere ac perdere (a); qua vero de re deinceps plura.

I X.

Monitum
grave circa
posituram
foetus ca-
put osten-
dentis.

Illic igitur situs, quemadmodum hoc loco monere haud alienum est, quo caput foetus ori uteri & vaginae insistit, licet maxime naturalis vulgo habeatur ac videatur, tamen ob supra jam indicatas causas, praesertim vero quando ob situm uteri obliquum (b), vel aliam ob causam foetus non vertice cum axe vaginae respondet, sed potius latera pelvis respicit, aut latera capitis, vel facies, sicut in fig. 8 & 9, vel aures, vel occiput sese offerunt, saepe tam difficilem partum concitat, ut foetus haud raro neque viribus naturae, neque manuum auxilio produci vivus ulla ratione valeat. Ut plurimum imperiti capitis foetus magnitudinem, sed falso plerumque accusant; cum hoc saepe non majus, quam vulgo esse solet, deprehendatur atque jam angustissimum os uteri transiit. Causae vero tam difficilis partus, praesertim si latus capitis vel aures se offerant, sunt potius plerumque collum cum capite oblique inflexum & humeri, ossibus pelvis fortiter insistentes, unde neque naturae neque manuum auxilio saepe removeri queunt: maxime quia manibus caput rotundum & lubricum firmiter satis praehendi & protrahi aut in alium locum pelli nequit, adeoque sensim foetus & praesertim ejus caput & collum in pelvi ita constringitur, ut ipsi tandem moriendum sit. Quo factum est, ut quam prudentissimi & in arte obstetricandi quam peritissimi Professores hosce foetus situs, quia sub specie boni adeo vehementer, quam prudentissimos etiam saepe fallunt, quam maxime pertimescant, & quoscunque alios potius juvare malint: quoniam in his manibus in uterum plerumque pervenire, foetum pedibus comprehendere & extrahere possunt; in illo autem ubi foetus caput tam vehementer, & quidem plerumque oblique ori uteri ac vaginae impulsus & quasi incuneatus est, (tête enclavée Gallis dicitur) atque simul collum praeter naturam inflexum, & capite & humeris circa pelvis ossa haeret, praeterquam quod principio spe felicitis partus, ubi juvare potuissent, vulgo negligatur, postea manibus Chirurghi ingressus adeoque & juvandi potentia omnis denegatur, ita ut neque foetui neque subinde etiam matri succurrere amplius queant; sed interitus utriusque testes vel inviti, idque maximo cum moerore, esse coguntur. Conf. Cap. CXIII. de partu caesareo §. VI. & alibi, itemque DEVENTERUS, HORNIUS Suecus, LA MOTTE, CHAPMANNUS, MANNINGHAMUS, Lib. de art. obstetricandi, alique.

X.

Palfynia-
nus operan-
di modus.

Atque id ipsum equidem cum cognita alias artificia ad hunc partum juvandum nihil proficerent, in causa fuisse videtur, quare PALFYNUS, Chirurgus quondam Gandavensis haud ignobilis, cum quo amice olim in Belgio vixi,

(a) Instrumentorum in partu p. n. necessariam saepe applicationem evicit DEISCHUS in Dissertatione Argentorati 1740 in 4. de hoc argumento edita, contra eos, qui omnem eorum usum rejecerunt.

(b) De hoc primum SIGEMUNDA, Obstetrix Brandeburgica quondam celeberrima, ut ipse DEVENTERUS fatetur, postea vero hic & HORNIUS Suecus, curatius egerunt, conf. capitis hujus §. I. in nota altera.

vixi, quum uncis, forcipibus aliisve instrumentis acutis foetum vivum, metu ne ipsum dilaceremus & interficiamus, sine summa necessitate aggredi haud liceat, *duplex ferramentum aliquod, ad instar cochlearis vel unci alicujus recurvum*, sed latum tamen, planum atque retusum adaptaverit, quo nunc ad alterutrum nunc ad utrumque capitis latus applicato extrahi foetus absque laceratione capitis aut alius cujusdam gravioris noxae periculo valeat. (vid. Tab. XXXIII. fig. 16.) Vera hujus instrumenti magnitudo, quae mihi transmissa est, altero tanto major est ea, quam in hac tabula designavimus. Voluit autem idem instrumenti genus tunc maxime adhiberi, quando foetus adhuc vivit, vel saltem quando foetus mortuum esse non satis certo constat (a). Accidere enim haud raro solet, ut infantes ac praesertim caput propter difficiliorem ejusmodi partum & diuturniorem in his angustiis moram, adeo comprimantur, atque inde tam debiles fiant, ut nulla amplius in eis vita percipiatur, adeoque pro emortuis habeantur, adhibitisque ad eos extrahendos uncis acutis communibus miserandum in modum discerpantur. Adhibui quidem ejusmodi in casibus haec Palfyniana ferramenta, sed sine successu. Quod si enim caput blande eis comprimitur, foetus ita comprehensus non sequitur; si nimis fortiter, periculum est, ne caput tenerum comminuetur. Quae cum usu didicissem, emendare quidem instrumenta modo dicta Palfyniana studui, atque ambo ope cardinis mobilis in unum redegi, ea intentione, ut caput sic eis melius comprehendi queat; verum & sic negotium mihi non successit (b). Ita ut pessimus saepe foetus hic sit situs, qui vel requirit, ut caesarea instituaturs sectio, vel ut foetus sive mortuus sive vivus ad servandam matrem, uncis Tab. XXXIII. fig. 17. vel 18. vel aliis ferramentis extrahatur. Interea tamen infra §. XX. & XXI. adhuc peculiaria artificia, quibus hoc in rerum statu subinde succurri potest, proponemus.

X I.

Sin minus naturaliter atque ita forte compositus in utero infans fuerit, quemadmodum fig. 5. 6. 7. 8. 9. 10. 11. 12. nec non tabulae passim a RHODIONE RYFFIO, SCIPIONE MERCURIO, WELSCHIO, GUILLEMAEO, MAURICAEAO, VOELTERO, PAUCO, (Peu), VIARDELIO, SIEGE-MUNDA, Obstetrice Brandenburgica, DEVENTERO, MELLIO, atque alibi propositae, demonstrant; sane, nisi aliter idem dirigatur atque manibus invertatur, vix ac ne vix quidem succedere partus valebit; sed & matri & foetui vitae periculum minuitur. Tantum enim abest, ut vel Natura vel medicamenta pellentia vel nisus atque labores mulieris parturientis quicquam in ejusmodi infantum possi-

(a) Ita mihi relatum est ab amico, qui haec ferramenta mecum communicavit; nam PALFYNUS ipse hac de re nihil, quod scio, litteris prodidit.

(b) Interea tamen his occasionem dedi, ut alii & praesertim Angli, de uberiori perfectione horum uncorum cogitaverint; unde tandem ferramentum excogitarunt, quod jam *forceps anglicum* dici solet. vid. Tab. XXXIX. quem Cl. BOEHMERUS delineavit in MANNINGHAMII artis obstetricandi compendio, & de quo inferius plura §. XXII. dicam. Clar. SCHLICHTINGIUS vero, Medicus Amstelodamensis, nuperrime aliud adhuc ferramentum delineavit ac descripsit in Embryulcia nova; cujus vero Autorem ROONHUYSIUM, Chirurgum inter Obstetricantes seculo superiore celeberrimum, esse asseverat, quod pluribus in casibus prodesse asseverat.

posituris praeter naturam proficiant, aut eum in situm naturalem invertere valeant, ut periculum potius sit, ne foetus tandem *forti compressione uteri ad ossa pelvis* conficiatur, & ne mater *consumtis viribus omnibus*, vel *superveniente sanguinis larga profusione*, vel *uteri gangraena aut (a) ruptura* tandem quoque pereat, vel saltem grave corporis vitium aliquod superveniat. Itaque nihil sollicitius agendum hic est, quam ut infans quamprimum perita manu, oleo prius inuncta, in uterum decenter immissa, invertatur atque extrahatur: quod vero, quod situs foetus & uteri magis est obliquus, eo difficilius versio succedit. Multa quidem hoc praestandi artificia ab Auctoribus variis superiorum praesertim seculorum describuntur; attamen *varia eorum absona prorsusque noxia sunt* atque in usum plerumque ne quidem adhiberi queunt (b); verum inverti atque in lucem exponi vix ac ne vix quidem certius atque commodius idem poterit, cum primis si positura est valde obliqua, quam ubi, demissa quam prudentissime manu in uterum (vid. Tab. XXXIII. fig. 6. 10. & 11.), praesertim sine mora, *pedibus quaesitis atque apprehensis, moderatione convenienti adhibita*, paulatim is protrahatur. Quam ipsam equidem *regulam quasi supremam atque universalem minus naturaliter compositos infantes dirigendi atque extrahendi legem, quemcunque etiam fere situm p. n. obtineant*, merito constituimus atque junioribus Chirurgis quam maxime commendamus. Quo minus enim in caput semper converti foetus queat, quemadmodum tamen ex antiquioribus plerique, sed in hac arte minus profecto exercitati praecipunt, non mirifica solum uteri in parturientibus constrictio atque angustia, verum ipsius quoque *capitis foetus rotunditas atque lubricitas*, ut pro ipso in naturalem situm reducendo atque convertendo in tam stricto spatio satis comprehendi nequeat, ut plurimum prohibent. Imo periculum simul est, ne, si paulo firmitus & quantum pro eo invertendo satis est, idem comprehendatur & comprimatur, sive cerebrum comminuatur, sive oculi, sive alia quaedam capitis pars, detrimentum aliquod sentiant gravissimum. Ut proinde ineptum, noxium atque ab ipso rerum usu alienum consilium dare illi videantur, qui, quomodocunque etiam in utero compositos infantes in situm naturalem converti & posse & debere jubent ac statuunt. Imo a MORTII sententia, qui vult, ut, *quamvis etiam foetus caput in situm naturalem verti possit*, tamen *pedibus potius is extrahatur (c)*, non sum alienus. Nam plerumque citius & facilius *pedibus* comprehendi & extrahi, quam caput in naturalem situm redigi potest, illaque etiam ratione a foetu puerpera liberata, & foetus plerumque *vivus extractus est*. Quando autem post multos labores caput in situm naturalem redactum est, tunc tamen partus non est absolutus, nec puerpera liberata, sed potius opus naturae tantum relinquitur, & ut a principio quasi in-

(a) Uterum subinde rumpi in gravidis & parturientibus non modo ipse prope Altorfium Norimbergensium in muliere vidi; verum etiam hanc notatu dignam historiam jam 1720 ibidem, tam in Diff. de Foetu ex utero gravidæ mortuæ mature excidendo, quam etiam postea in Actis Nat. Cur. Vol. I. Obs. 176. p. 397. Conf. & PISTORII Diff. de Foetu e rupto utero in abdomen prominente. Argentor. 1726. 4. & BELINGII casum rupti in partu uteri, quoque Altorfii 1736 observati & editi: in quibus plura alia exempla referuntur.

(b) V. gr. quando jubent, ut foetus pedibus, brachio, natibus, humero, ventre &c. veniens, in caput convertatur. &c. & postea ejectio naturae committatur.

(c) Lib. de art. obstetric. Lib. III. Cap. 32.

incipiat puerpera, cogitur, praesertim si caput vel pauxillum ad latus inclinet vel humero aliquo haereat; id quod saepe ob vires jam prostratas aliasve ob causas praestare nequit, adeoque vel tunc *adhuc post multos exantlatos labores pedes quaerendi*; ad quos vero ob caput fortius constrictum ab utero manibus tunc pervenire amplius vel non, vel saltem longe difficilius, possumus. *Vel foetus interea mortuus est*, vel adhuc inter extrahendum moritur, qui antea vivus & vegetus produci potuisset, mulierque longe vehementius tunc quam initio afficitur, ut & illa postea saepe adhuc pereat; *vel foetus extremo remedio, ferramentis scilicet, pro matre tantum servanda, est recipiendus*. Adeoque *revera praestare existimo ejusmodi foetum mature pedibus promere*, quam caput ejus in situm naturalem magno & saepe inutili labore dirigere velle.

X I I.

Antequam vero specialius in doctrina de invertendis extrahendisque ex utero infantibus progrediar, a scopo nostro haud alienum erit, hic prius adhuc generatim indicare *quibusnam in casibus quam maxime illa infantum inversio & per pedes extractio necessaria sit*. Itaque sciendum, eam instituendam esse 1. *in omni situ infantum, ubi aliam partem, quam caput & speciatim verticem facie ad intestinum rectum conversa, in ore uteri offerunt*, (vid. figurae Tab. XXXIII. propositae, 5. ad 12.). 2. *in omni casu, ubi praeter caput, adhuc alia corporis pars ex utero prodit, & cum primis funiculus umbilicalis, si eum vel Obstetrix vel Chirurgus ita repellere nequeat, ut doloribus novis oriundis de novo ex utero non expellatur*). 3. *Ubique latus aliquod capitis, ut aures, facies, mentum, occiput, ita in exitum ex utero impellitur, sicut ex figura 8. & 9. videre licet*. 4. *Quoties vel dorsum vel venter, ut in fig. 5. & 7. vel latus quoddam ventris ori uteri oppositum est*. 5. *Etiam in situ foetus prorsus naturali, ubi ob certas causas vel impedimenta, de quibus ex parte jam antea dictum, partus non promovetur, sed in pelvi nimis diu haeret, & metuendum est, infantem ob aliquam rationem vivum nasci non posse, partumque vel foetui, vel matri, vel utrique vitae periculum minitari: quales sunt, ingens aut periculosum sanguinis ex utero profluvium, vires parturientis deficientes, itemque convulsiones aut epilepsia*. His enim omnibus *in casibus*, quia ingens periculum est, ne & mater & foetus brevi conficiantur, maturanda est *hujus per pedes extractio*; & quidem sic, ut manus sub foetus facie, pectore & ventre ad pedes demittatur. *Nam tutius atque melius est, foetum sine mura, ubi & huic & matri vires sunt, pedibus extrahere, quam diuturno alio labore foetum aliter dirigere vel educere velle: id quod foetui & matri plerumque alienum esse poterit*. Denique 6. *quando funiculus umbilicalis ante foetus caput ex utero devolvitur*. Si enim infans in hoc rerum statu non brevi protrahitur, ob funiculum eum compressum & circulum sanguinis ejusdem cum matre interceptum perit. His tandem 7. haud immerito addi potest, *quando uterus situm habet obliquum, licet foetus rite sit dispositus; nam facilius hic plerumque est foetum pedibus extrahere, quam uterum obliquum in situm directum dirigere aut convertere; licet id quandoque succedat*. In omnibus igitur hisce ac similibus casibus multas ob causas & praecipue quia *periculum in mora, extractionem praestat maturare, quam justo diutius differre; quemadmodum praeter*

ter alios egregie hoc demonstravit DEVENTERUS l. cit. HORNIUS, Suecus, lib. cit. Cap. VIII. LA MOTTE, CHAPMANNUS, MANNINGHAMUS alique.

XIII.

Speciatim si brachium vel manus prodit. Verum inter posituras infantis praeter naturam innumeras una ex quam maxime periculosis pariter atque frequentibus illa est, qua manus vel brachium aliquod exitum molitur, vel omnino jam prolapsum est, ut in fig. 11. videre est; adeoque hanc primo exempli loco hic proponam. Si in principio partus, praesertim antequam aquae ruptae sunt, manus infantis per tunicas foetus percipitur, hic saepe sponte manum retrahit, si Obstetricans digitos ejus suis digitis premit & quasi mordet, ac deinde loco manus aut cubiti quandoque caput offert, partusque tunc haud raro naturalis succedit (a) vel forte pedes praemittit. Sed si aquae jam ruptae sunt, digitorum hae morfiunculae nihil proficiunt: quia tunc ob uterum arctius jam constrictum foetus manum retrahere nequit. Plerique veterum hic suadent, ut Obstetricans eam in uterum refundere, & caput ad os uteri adducere, rem naturae committere, atque postea naturalem partum expectare debeat; verum quia haec res multo, eoque saepe inutili labori, imo & magno periculo, dum tempus extractioni maxime opportunum hac repositione saepe perditur, obnoxia est, praestat foetum mox pedibus quaesitis extrahere. Nam si brachio venit, transversim atque ita positus infans est, ut, caput cum collo in altero, pectus cum abdomine & pedibus in altero collatum sit latere, adeoque corpus brachium sequi nequit: & si quis hoc brachio infantem fortiter trahendo educere, contenderet, quemadmodum imprudentes Obstetrices quandoque adhuc faciunt, foetum quidem ad supremum humerum usque fortius in vaginam attraheret, sed non educeret; nisi forte imperfectus, vel saltem valde exiguus sit, quemadmodum aliquando vidi: imo hac actione in foetu perfecto brachium citius a reliquo corpore avelleretur, quam infans, praesertim si paulo majorem & magnitudinem & amplitudinem is habuerit, educi posset. Ne qua forte igitur hunc in modum compositus foetus una cum ipsa matre intereat, id quod brevi & facile saepe fieri solet, operam dare maximam convenit, ut, dum medicamenta hic parum aut nihil prorsus proficiunt, neque brachii restitutio neque capitis in naturalem locum directio utilis sit, quamprimum per demissam Obstetricantis manum & brachium, oleo inunctum, idque ubi opus est, ad cubitum usque in uterum, ut fig. 10. & 11. indicant, quaesitis & apprehensis pedibus, quemadmodum mox paullo plenius exponemus, invertatur, & represso simul altera manu brachio propendente extrahatur, id quod vero plerumque, praesertim si foetus jamdiu in hoc situ haesit, sine magno labore & quandoque prorsus fieri nequit. Interea tamen hoc difficili ac periculoso situ decenter exposito, fane quibus rationibus tractare ceteros difficiles casus plurimos deceat, quilibet fere prudens, praesertim qui uteri & ossium pelvis fabricam probe intelligit, atque ad situm foetus rite attendit, ex ratione jam per se fere intelligere poterit. Hoc unicum solum adhuc monere hic volui, ut, quan-

(a) Hoc Sigismundam, sagacissimam illam Obstetricem Brandeburgicam, primum notasse, etiam DEVENTERUS l. c. notavit eique hoc inventum adscripsit.

do manum in uterum immittere volumus, hoc semper fiat quam cautissime, ne uterus laedatur, & in vaginae parte recto vicina: nam in superiori ob ossa pubis res non succedit (a).

XIV.

Itaque ut ob rei gravitatem hoc artificium, ubi *brachium aliquod infantis primo exire tentat, aut jam jam prolapsum est*, dum pro norma reliquorum esse debet, paullo uberius exponatur: fane, ut feliciter ejusmodi partus rite promoveatur, id ante omnia sibi datum Chirurgus existimet, ut, quantum quidem fieri potest, commodissima ratione mulier parturiens deponatur sive collocetur: sic enim dubium non est, quin, ut in aliis gravioribus curationibus chirurgicis, ita & hic promptius atque felicius expediri singula queant. Oportet igitur vel super sella quadam ad id propria, atque istiusmodi fulcimento dorsali instructa, quod retro deprimi pro arbitrio Chirurghi, atque velut in lectulum transformari valet, (vid. species aliqua ejusmodi Tab. XXXIII. fig. 15.) vel transverso lecto, vel E^2 , quod optime mihi saepe successit, super tabula quadam aut mensa, vel E^2 super quatuor sedilibus vulgaribus, duobus semper sibi invicem oppositis, pulvinaribus & linteis contactis, resupinam mulierem ex CELSI praecepto ita collocare, ut, capite paullulum depresso, coxis autem in extrema ora lecti, vel mensae, vel sedilium, reliquo corpore magis elevatis, pedibusque gnaviter diductis & ad nates retractis, atque a binis mulieribus vel ministris singulatim comprehensis, imus venter in conspectu Medici sit, commodissimeque tractari manibus naturalia atque infans male dispositus possint: humeris simul a tergo per mulierem firmatis. His rite factis, quatenus infantis manus ex utero propendeat, circumspiciendum seduloque examinandum est (b), quo nempe promptius inde dijudicari possit, in quamnam ventris partem pedes infantis sint conversi, adeoque & quo in loco ii maxime quaerendi sint. Si itaque ex hac contemplatione in sinistram ventris partem infantis pedes conversi esse reperiuntur, (vid. fig. II.) manu dextra oleo, vel axungia, butyrove prius inuncta, leniterque doloribus silentibus, juxta infantis brachium in uterum demissa, axillaeque hujus subjecta brachium una cum ipso capite cautissime aliquantisper in uterum Chirurgus reprimat, ut majus spatium pro liberiori brachii sui ingressu ac motu hoc ipso acquirat, eodemque facto, manum suam cum brachio juxta ventrem foetus profundius sensim, attamen sine vi, E^2 hinc inde quasi rotando, in uterum ad femur & crura demittat, pedesque infantis tandem prehendere studeat. Atque id quidem hoc majori cum solertia ac moderatione is faciat, quo magis difficile saepius est, pedes quam altissime saepe sursum versus exporrectos & a se invicem haud raro valde sejunctos, apprehendendi negotium; interdum tamen, praesertim in recentibus casibus, quando uterus nondum valde est constrictus, & pedes conjuncti, satis promte res succedit. Quam inania

Quomodo
hic succur-
rendum u-
berius ex-
ponitur.

(a) De hoc casu elegantem Dissertationem edidit WEDELIUS Jenae 1732. & deinde HUBERUS Goettingae 1740 4.

(b) HUBERUS in casu, quem descripsit, conqueritur, sibi impossibile fuisse exploratu, utrum dextrum aut sinistrum brachium sit prolapsum; id quod tamen ex prudenti pollicis vel digiti minimi consideratione quam facillimum est.

inania vero sunt, non apprehensis pedibus, omnia fere reliqua praecepta & conamina, tam difficulter etiam uterus, insigniter quippe coarctatus, saepe manum Chirurgi vel Obstetricis recipit: quum tamen ad usque cubiti flexuram eandem intromittere ut plurimum opus sit, ut ex fig. 10. & 11. conspici potest. Quando hoc brachium Chirurgi, diuturniori paullo investigatione, ut saepe fit, valde ab utero constrictum & lassum est, illud paulisper retrahi, atque post aliquas inducias vel eodem rursus brachio, vel &, si Chirurgo ita commodum videtur, altero immisso, pedes quaerendi. Pedibus hunc in modum receptis, infans decenter attrahitur, eoque ipso vertitur, imo tandem educitur; ea tamen adhibita observatione, ut non sursum, nec recta, sed deorsum semper educatur: quia angulus ossium pubis ibi amplissimus, & partes ibi cedere possunt. Si forte non nisi alteruter pes initio inveniri aut apprehendi potest, (nam rarius ambo simul in hoc casu comprehendere valemus) tum is solus provide paululum ex utero protrahatur, injectoque vinculo seu fascia paullo ampliore, ne facile laedat, leniter deinde contorto, ne qua forte is relabatur aut retrahatur, sollicitè caveatur. Dehinc manus Chirurgi denuo juxta pedem extractum in interiori ejus latere, id quod ex pollice pedis cognoscitur, ad usque supremam femoris foetus partem, atque ab hoc ad alterum demittitur, (vid. fig. 12.) descendendo inde ad pedem alterum, eoque simili, ut antea dictum est, ratione prehensio atque protracto, bini pedes ob lubricitatem naturalem linteo vel panniculo sicco & calido involvantur, ut deinde firmiter apprehendi & attrahi queant, atque ita infans, siquidem is pronus in ventrem cubat, paulatim extrahatur. Sed si ob uteri angustiam aliamve ob causam ad extremum pedem manu mox pervenire nequeo, femur subinde arripio, ejus ope foetum verto, & genu ad os uteri ac tandem pedem educo, hocque ad genu usque educito, alterum atque sic simul praedicta ratione foetum integrum extraho.

X V.

Observationes & cautiones quaedam.

Sin vero resupinus jacere infans inter extrahendum deprehenditur, ut in fig. 3. tum is, cruribus ad ventrem usque protractis, prehensio utrinque ventre & clunibus, ne pedes distorqueantur, ex praecepto plurimorum in hac arte peritorum prudenter ita debet converti, ut pronus in ventrem jaceat. Namque alias periculum est, ne forte, dum ita trahendo pergimus, mentum instar unci ossibus pubis inhaereat; sive pubis ossa firmiter infantis mentum comprehendant uterique simul circa collum foetus se constringat, eundemque, prout accidere, propter flagitiosam Obstetricum quarundam imprudentiam, haud raro solet, miserabiliter conficiant. Contra vero, qui opportune in ventrem conversi sunt infantes, ii facile & feliciter ut plurimum deinde extrahi consueverunt. Videntum tamen est, per quodnam latus in ventrem converti facillime queat, ut per illud etiam convertatur: nam saepius observatur, rem in alterutro latere facilius longe fieri, in contrario autem collum facile distorqueri; imo si in hac conversione simul non linea directa, sed spirali extrahatur, negotium plerumque facilius & quam optime succedit (a). Vel si ad ventrem usque extractus est,

eumque

(a) Omnes fere recentiores foetum sic supinum dispositum, in ventrem convertendum esse praecipiant.

eumque vertere nolimus, manus super ventrem & infra arcum ossium pubis in uterum demittenda, ut dum altera manu foetus educitur, mentum & facies sub manu prolabantur, & ab ossibus retineri nequeant. 2) Brachium infantis prolapsum tunc omnino in uterum repellere velle, ut nonnulli docent, prorsus supervacuum, imo saepe noxium atque interdum impossibile est: siquidem illud, recepto atque extracto pede alterutro, dum foetus sic vertitur, sua velut sponte, vel levi saltem alterius manus auxilio, foetum sequitur & in uterum retrahitur, moxque una cum foetu recipitur: ita ut non opus sit sibi multum negotii, parturienti vero inutiles hoc ipso dolores creare. 3.) Si in dextram ventris partem foetus pedes conversi sunt, sinistra manu plerumque ei commodissime investigantur atque educuntur. Interea tamen hoc dextra etiam fieri potest, si quis forsan sinistra non satis promptus esset. 4.) Sed ne quis tamen forsan ignoret, quare infantis pede alterutro extracto, alterum, usque adeo provide ad ductum cruris illius demissa manu, prehendere conveniat; sciendum utique est, observationem istam eo potissimum spectare, ne qua forte, si gemelli intus in utero delitescant, pes alienus sive alterius infantis recipiatur, & per frustra adhibitam in extrahendis duorum foetuum pedibus violentiam ambo infantes graviter laedantur (a). 5.) Ceterum haecenus proposita operandi artificia, ut supra jam docuimus, sic omnino comparata sunt, ut ad plerasque fere omnes posituras infantum vitiosas egregie proficiant: quemadmodum plerique in arte obstetricandi exercitissimi Medici profitentur egoque saepius etiam expertus sum. Nisi enim in caput, & quidem rite ac directe, ut supra §. III. dixi, conversus infans sit, pedes statim absque mora, & antequam uterus vehementius se stringat, omni studio atque opera inquirendi sunt, iisque apprehensis idem extrahatur; hac enim ratione initio res ut plurimum facile & feliciter tam pro matre quam foetu succedit, atque hic plerumque vivus extrahitur. Si vero 6) diutius, quam par est, cunctatur, vagina intumescit atque uterus tam vehementer se constringit, ut manus non nisi difficillime aut prorsus non intrare & agere valeat: unde multa mala cum matri, tum foetui metuenda. Adeoque prudenti festinatione opus est: atque id magis etiam ideo, quia maximum omnino, ob foetum ab utero vehementius compressum, vitae periculum in mora esse consuevit.

X V I.

cipiunt. Verum HORNIIUS, Suecus, qui revera vir in arte obstetricia & prudentissimus & exercitissimus fuit, graves ob rationes dubium movet, an non praestet foetus ejusmodi non vertere, sed eos potius aliis artificiis ex arcu ossium pubis solvere, quemadmodum infra uberius exponam: quoniam hoc actu saepe corpus foetus quidem converteretur, verum colulum ejus potius pessima ratione contorqueretur, quod majus ipsi periculum, & Chirurgus postea plus negotii, quam capitis prudens ex ossibus pubis subductio faceretur. Vid. HORN. obs. 26. pag. 285.

(a) MOTTIUS Lib. cit. aliusque recentior Scriptor hanc cautelam rident, atque supervacaneam proclamant, idque propterea, quia notum esset, gemellos non uni eidemque vesicae sive membranae inclusos esse, sed quemlibet suam habere propriam, adeoque & pedes utriusque confundi non posse; sed velim ut hi etiam sciant, membranas utriusque foetus saepe simul rumpi, adeoque & pedes eorum omnino confundi posse: ita ut haec observatio, licet forte non semper sit necessaria, tamen non omnino mihi negligenda cum MAURICAE, DEVENTERRO l. c. pag. 195. aliisque prudentibus Obstetricibus videatur.

X V I.

Confectaria
quaedam
& axioma-
ta.

Atque ex jam dictis subsequencia fere profluunt confectaria: 1) *infantes, in pedes conversos, sive pedibus & etiam unico tantum, exitum ex utero molientes*, (vid. fig. 3. & 12.) *neutiquam reprimi (a), multo minus in caput, ut multi olim voluerunt, dirigi debere, siquidem hoc vix inquam succedet* ut quis usu facile cognoscere potest; verum *pedibus ab Obstetrice aut Chirurgo apprehensis, satis commode & cito, imo ut plurimum longe melius, citius ac certius, quam si capite instet, extrahi iidem solent*: dummodo ipsi, prout supra jam tum §. XV. praecepimus, *non resupini, sed in faciem atque ventrem cubantes, educantur (b)*. Praestat tamen plerumque, ut hae puerperae *resupinae*, ut §. XIV. docui, quam *in consueta vulgari sella* a foetu ejusmodi liberentur. 2) *Si cum pede aut pedibus manus simul se ostendat*, foetus pedibus prehendendus, & ut dictum modo est, *excutiendus, repressa simul leniter manu foetus prominente*. 3) *Si nates cum manu sese offerant*, eadem fere ratione est agendum, si pedes prehendi possunt; sin vero prehendi commode nequeant, nates & cum iistotus foetus ut fig. 4. indicatur, *extrahendus*. 4) Quando *extracto pede altero, alter inveniri nequeat*, attamen natis hujus lateris indicat, *pedem adhuc intus haerentem ventri foetus incumbere, unico pede ejusmodi infans educi potest (c)*. 5) *Si pede uno foetus inverti & tamen alter reperiri nequeat, laqueo vel fascia ille comprehendendus & paullulum ad os uteri adducendus*; deinde alter investigandus, & cum altero conjungendus, ita versio tandem facilius obtineri potest. 6) *Si in extractione foetus per pedes funiculus umbilicalis inter femora ejus conspiciatur*, ab uberiori extractione paullulum desistendum, funiculusque prius paullo magis ex utero educendus, ita ut quasi ansam faciat: postea pedis unius genu retrorsum flectendum, totusque deinde pes per ansam funiculi transmittendus; ita postea foetus libere ac sine noxa extrahi poterit. *Si contra funiculus inter pedes foetus relinqueretur, donec hic totus prodiisset, funiculus vel umbilicum foetus lacerare, vel ipse funiculus aut juxta placentam, aut juxta umbilicum facile rumpi posset, sic ut ligari postea nequiret*; unde funesta saepe mala orta sunt. 7) *De brachiis*, quando foetus pedibus educitur, *Chirurgus non sit sollicitus, quia ut plurimum facile sequuntur corpus*. Imo si seorsim & ante caput ea educere quis velit, *collum deinde facile ab ore uteri constricto, nisi aliis artificiis id impediatur, constringeretur, caput sic retineretur, atque mors foetus imo & haud raro matris produci posset, quae omnia relictis brachiis, vel saltem alterutro, impediuntur*.

X V I I.

Si infans
natibus ve-
nit.

Porro *sicubi infans nates primum ostendit*, eisque exitum molitur, quemadmodum

(a) HIPPOCRATES & AEGINETA foetum pedibus extrahere veriti sunt, & PLINIUS hoc facere rem mali ominis esse credidit, ideoque caput semper ori-uterum admovendum esse voluerunt, id quod tamen saepe est impossibile, multisque periculis obnoxium.

(b) Nisi forte quis probe artificium illud HORNII calleat, foetus etiam in hoc situ educendi, prout mox infra N. XVIII id describam.

(c) Exempla hujus rei refert HORNIIUS l. c. pag. 226. 232. 239 & seq. atque hoc ipse quoque expertus sum.

modum saepe fit, (vid. fig. 4.) tum fieri equidem vivus hac ratione parvis potest; sed difficulter tamen ut plurimum, praesertim in mulieribus angustioribus, succedere solet. Quandoquidem enim tunc, complicato velut corpore, pedibus ventri appositis, egredi aut protrahi infans debet, maximum utique periculum est, ne vehementi in angustiis his compressione vel miserabiliter idem interficiatur, ut saepe praesertim contingit, quando mulieres aut solae pariunt, aut saltem sine prudenti Obstetrice; vel matris saltem naturalia dilacerentur graviterque laedantur. Quocirca nisi jam tum natium pars prodiit, aut saltem nimis jam, ut repelli amplius commode nequeat, descendit, aut incuneatus est, resupinare protinus mulierem, coxis elevatis, ut §. V. & XIV. posui, convenit, repressisque paullulum infantis clunibus, pergendo a femore ad genu, pedem aliquem, qui tunc satis ut plurimum vicini sunt, apprehendere, ipsum educere, dein & alterum quaerere atque ita ipsum extrahere praestat: imo si uterque pes hic commode comprehendendi non possit, alter solum isque ad nates usque extrahatur, & ope harum totus postea foetus. Quod si autem nates jam nimis descenderunt, & quasi incuneatae sunt, atque sic foetus repelli, vel pes comprehendendi nequit, necessarium est, clunibus ejus utraque manu utrinque comprehensis, immissis praesertim digitis, indice vel medio, instar unci ad inguina, mox gnaviter eundem extrahere; vid. fig. 4; atque id quam primum facere, ne qua forte propter ipsam moram, diutius quasi compressus nimisque constrictus foetus conficiatur. Si hic infans dorso incumberet, eductis pedibus in ventrem esset convertendus, nisi quis artificium istud calleat, mentum ex arcu ossium pubis subducendi. vid. mox infra n. XVIII.

XVIII.

Sicubi autem infantis humeri, capite & collo jam egressis, firmiter in utero haerescunt, tum digitis utrinque prudenter sub axillis applicatis, alterutrum extrahi brachium, quod lubentissime sequitur, oportet, & deinde cum hoc simul reliquo corpore attracto totus facile sequitur foetus, praesertim si intestinum rectum versus simul prematur, ubi angulus ossium pubis amplissimus est: id quod & in plerisque aliis casibus observandum. Sed si contra foetus pedibus primum prodiisset ac ventre, sed circa brachia vel axillas haereret, digitis rursus in uno alterove latere, ubi id commodissime fieri potest, brachium alterutrum relicto intus altero, caute educendum, & postea hujus & reliqui corporis beneficio totus foetus: id quod sic ut plurimum facile contingit, praesertim si foetus pronus decumbit, & inter extrahendum hinc inde blande rotatur. Efficit tunc brachium alterum intus relictum, ut supra jam docuimus, ne uterus circa foetus collum claudi caputque sic retineri queat; id quod alias facile contingit, & saepe causa mortis est infanti. Haud raro quoque incidit, ut infans, qui vel sponte pedibus primum egreditur, vel etiam manu iis educitur, circa collum, constricto uteri ore, praesertim si facies & mentum sursum spectant, & manus in tempore non inter faciem & ossa pubis interjiciatur, tandem haereat. Quo in situ foetus diu vivere non potest: quia ab ore uteri, collum foetus fortiter comprimente, arcte retinetur & quasi suffocatur. Si quis tunc foetum recta eumque vi extrahere allaboret, facilius saepe collum, relicto capite in utero, Si foetus humeris vel capite haereat.

abrumperet, quam ut foetum tam arcte inclusum, praesertim si supinus est, & mentum sic ab ossibus pubis ad instar unci retinetur, extrahere posset. Quapropter potius opera danda, ut, si caput foetus primum est, manus sub collo ultra mentum & os foetus in uterum demittatur, digitisque duobus maxilla inferior & superior ita, ut nasus in medio eorum sit, prehendantur, premendo simul intestinum rectum versus, atque sic caput simul cum foetu blande educatur. Plerique docent, ut in hoc situ digiti duo priores in os foetus demittantur, eisque caput excutiat; verum quia hac ratione facile tenera maxilla violatur, vel omnino evellitur, praedictum modo artificium hoc praestare existimo, quod HORNIUS docuit (a). Quod si vero situm haberet supinum, & mentum ossium pubis arcui ut fieri tunc solet, instar unci inhaereat, fortius trahendo caput adhuc facilius diduceretur a corpore, quam foetus ex utero educeretur; quia ossa pubis mentum fortiter remorantur. Quare ne foetus hic suffocetur & pereat, imo & ne caput foetui viventi avellatur, mulier in convenientem situm resupinanda, (vid. §. XIV.) atque altera manu mox in vaginam superius inserta, mentum una cum maxilla superiori, ut modo diximus, comprehendendum, altera manu regioni pubis imposita, caput diligenter intestinum rectum versus deprimendum, attracto simul leniter infante ab adstante muliere, donec tandem prodeat: id quod vero plerumque, quia ossa pubis valde resistunt, non nisi admodum difficulter succedit, atque Chirurgus ut plurimum multum laboris ac negotii facessit, & tamen foetus raro sic vivus extrahitur. Facilius autem negotium hoc procedere docuit Suecus HORNIUS (b), quando adstans hunc foetum pedibus comprehendit, eos una cum foetu sursum attollit, & simul leniter trahit, dum Chirurgus vel praedicto modo agit; vel sinistra manu, occipiti subjecta, os coccygis probe reprimat, dextra vero praedicta ratione faciem; ita primo cervix & occiput, atque ultimo facies prodibit, sic ut mentum foetus ab ossibus pubis matris, eo fere modo subducatur & evolvetur, quemadmodum uncus ita haerens extorqueri potest. Quandoque autem sit, observante eodem HORNIO (c), ut dum foetum supinum in situm primum invertere volumus, caput tamen non simul vertatur; sed collum intorqueatur, atque educto foetu ad collum usque is aequo mento post ossa pubis instar unci haereat, ac si non fuisset conversus. Quod si contingit, vel eadem ratione, ut modo diximus, vel & manibus prudenter & quidem mature interjectis, succurrendum est. Si ejusmodi foetus jam mortuus esset, simili modo educi, sed majori vi prehendi & evelli potest.

X I X.

Alia adhuc
praecepta
ex primariis.

Subsistere hic atque non plura, quam, quae nunc proposui de artificiis obstetricandi proferre primum in animo mihi erat, quia, qui haec novit, haud adeo difficulter prudentia adhibita, & in ceteris casibus succurrere valebit, eosque qui plura forte hac de re scire cupiunt, ad Scriptores supra laudatos ablegare volui. Verum ut nobilis haec Chirurgiae pars paullo perfectior hic habeatur, nonnulla adhuc in tironum gratiam, qui forte multos libros sibi comparare

aut

(a) Lib. de arte obstetric. p. 114. & p. 283.

(b) Lib. de arte obstetric. obs. 26. p. 288.

(c) Ibid. pag. 289. & in obs. 21.

aut legere nequeunt, praecepta circa hoc negotium hic addam, quae ex primariis mihi esse videntur; ut 1) quando *integris adhuc membranis*, oreque uteri satis aperto, *pars alia, quam caput, tactu cognoscatur*, ut pes, manus, cubitus, axilla, genu, funiculus umbilicalis &c. *membranae unguibus aut ferramento disrumpendae* (a), id quod tunc tuto fieri potest, *pedes investigandi, eisque foetus ejiciendus*. 2) Si *caput non rite dispositum esse sentit*, protinus quoque pedibus educendus. 3) Ubi *aquae nimis cito rumpuntur*, & antequam Obstetricans adsit, *explorandum, an pars quaedam foetus percipi queat*. Si nulla, exspectandum, donec aliqua se tactui manifestet. *Quare si caput adesse cognoscimus rite dispositum*, partus tandem plerumque, si quae vires parturientis sustinent, dantur, faustus subsequitur; *sed si alia pars, mox pedes quaerendi*. 4) Quando *foetus principio partus mento ac facie exitum moliri percipitur*, atque fronte ossibus pubis insistit, qui situs satis quoque difficilis est, tunc, parturiente prius supina rite collocata, (§. XIV.) *facies manu dextra, ita, ut index & medius digitus sic maxillae superiori adhibeantur*, ut *nasus foetus sit in medio, intestinum rectum versus deprimatur*; sinistra vero manu extus pubi ac capiti foetus imposita, caput hujus deorsum, infra ossa pubis, atque sic in vaginam & naturalem viam compellatur, id quod etiam, & subinde adhuc facilius fieri potest, *si manu sinistra in vaginam demissa, os coccygis graviter reprimatur*, dextra vero, ut modo dictum est, *facies foetus deprimatur*. Quae autem mutatio si brevi obtineri nequit, aut etiam molesto hoc labore succedere velimus, ne foetus emoriatur, *mox sub ventre foetus manu ad pedes est progrediendum*, iisque foetus, represso simul altera manu capite infantis, emoliendus: atque *sic etiam in aliis casibus, ubi aquis ruptis, caput a latere vel alias non satis bene dispositum esse intelligitur, est agendum*, idque inprimis sub ingruentibus doloribus; ubi res, auxiliante natura, optime plerumque succedit. 5) Si *collo vel humero venit, & caput ad latus inclinatum*, sicut forte in fig. 8. Tab. XXXIII. principio humerus subinde reprimi & caput adduci potest, muliere rite resupinata; alias, si hoc non brevi succedit, mox, (quod praestare existimo), *pedes quaerendi*. 6) Si *foetus capite prono simul cum alterutro brachio in vaginam intrat*, a Chirurgo altera manus sub facie foetus ita in vaginam demittatur; ut super os foetus ad maxillam usque inferiorem progrediatur, sicque haec comprehendatur, altera manu infantis humerus arripiatur, atque sic ambabus manibus deorsum trahatur, ita postea reliquum laepe sequitur (b). 7) Si *utraque manus cum capite vaginam intrare nititur*, pedibus extrahendus. 8.) In quovis situ *transverso foetus pedibus producendus*. 9) *Funiculo umbilicali cum capite prolapso*, ille cito, muliere supina reclinata, post caput repellendus, alias brevi foetus, ut jam dictum est, perit. Si vero hic sive in hoc, sive in alio situ intus contineri nequeat, sed semper rursus, ut saepe contingit, prolaberetur, oportet foetum, ne moriatur, *protinus pedibus*

(a) In Argentoratensi quadam Dissertatione aliisque scriptis, sustinetur, aquas sive membranas nunquam esse rumpendas; verum casus subinde occurrunt, & cumprimis modo indicati, ubi hoc tuto fieri licet, imo debet.

(b) MORTIUS quoque exemplum habet foetus, ubi caput cum brachio prodire tentavit; quem foetum etiam hac fere ratione feliciter produxit. obs. 18.

dibus promere. 10) Si foetu legitime prodeunte funiculus collo circumductus est, foetus non ita periclitatur, quam in praecedentibus casibus; attamen simulac hoc a Chirurgo vel Obstetrice observatur, a collo is, si fieri potest, devolvendus, & postea reliquus foetus uberius educendus. Sed si hoc, praesertim ob capitis magnitudinem vel funiculi brevitatem commode fieri nequeat, & periculum est, ne hic disrumpatur, aut uterus simul protrahatur, juxta collum is refecandus, a collo solvendus & ab adstante tantisper, donec infante nato rite ligari queat, digitis comprimendus. 11) Si gemelli adsint, id quod cum ex aliis signis, tum potissimum ex eo cognoscitur, quando altero foetu nato in secundinas inquirimus & vel adhuc alium foetum, vel si aquae hujus nondum ruptae sunt, aliquam adhuc magnam quasi vesicam, aqua distentam, in utero tactu percipimus. Quae si cognoscimus, funiculus prioris infantis mox refecandus, ac juxta foetus umbilicum more consueto ligandus. Postea si alterius foetus membranae jam ruptae sunt, isque capite recta descendit, manibus ejus progressum juvare aliquo modo possumus: verum si matrem ab opere & foetum citius ex carcere liberare volumus, mox pedibus eum extrahere debemus. Sed si perversum haberet situm, pedibus sine mora apprehendendus atque extrahendus. Quodsi vero aquae ejus nondum ruptae essent, non expectandum, donec hae sponte rumpantur; quia hoc partum, ut saepe observatum est, cum periculo matris & foetus, diu protrahere posset: nam os uteri se rursus constringeret, foetuique postea non commode succurrere valeremus. Adeoque praestat tunc membranas ejus mox disrumpere; id quod eo tempore sine omni damno fieri potest, & matrem saepe hic ut plurimum jam satis languidam, dum uterus adhuc satis patet a foetu pedibus prehensis liberare. 12). Si funiculus inter femora transisset, dum pedibus extrahitur, vel cum periculo rumpi posset, si quis foetum extrahendo pergeret, aut uterus simul extrahi; quare si ad ventrem usque infans protractus est, pes ejus alter reclinandus, & a funiculo hoc liberandus; postea & reliquum foetus excutatur. 13) Si funiculus ob tenuitatem inter foetus extractionem juxta umbilicum ejus abrumperetur, ita ut vix apprehendi digitis & ligari is posset, volsella paullulum educendus ac probe ligandus est, superimpositis spleniis ac fascia idonea. Sed si 14) tam brevis esset, ut vasa ejus omnino ligari non possint, ad sanguinis profusionem & mortem foetus avertendum sanguinem cohibentia, ut pulvis, sympathicus dictus, est inspergendus, supra datis linamentis, spleniis aliquot per gradus sensim amplioribus & fascia probe adstricta, sunt adhibenda, eaque postea non avellenda, sed ut sponte tandem cadant, expectandum.

X X.

De partibus difficilibus capite aut utero male disposito.

Quando in principio partus, vel saltem mox post effusas aquas, os uteri adeoque & foetus capitis vertex non directe cum vagina respondere, sed vel ad latus alterutrum, vel retrorsum os sacrum versus vergere, aut ossa pubis petere deprehenditur, periculosissimus fere omnium inde metuendus est partus; quia hoc plerumque, ut supra jam §. IX. dictum est, ab utero non directe, sed oblique in ventre, ob quamcunque causam hoc factum sit, posito oriri solet: id quod Medicus in principio

principio tactu, cum ex situ oris uteri ad latus aliquod conversi, tum & ex ipso gravidæ ventre, ubi uterus cum foetu quam maxime prominere conspicitur vel tangitur, innotescit (a). Tunc enim puerpera, quia partus ita vix naturaliter sine manuum ope succedit, nisi forte haec obliquitas valde sit exigua, mox supina, modo §. XIV. proposito, est reclinanda, natibus, ut saepe diximus, pectore magis elevatis, & tentandum, an altera manu in vaginam inserta os uteri & simul sic caput in rectum situm converti queat; id quod tanto melius aut saltem tunc bene succedit, si, dum e. gr. foetus caput ad dextrum os ischii inclinet, adeoque uterus cum natibus & pedibus in sinistro hypochondrio percipiatur, altera manu in vagina os uteri & caput foetus, sub singulis partus doloribus, ab ischio dextro versus sinistrum, uterus vero cum reliquo foetu, vel altera Chirurgi manu, vel ab adstante prudenti extus in latere abdominis blande e sinistro hypochondrio dextrum versus compellatur; ita saepe fit, ut caput tandem, modo tamen citius, modo tardius, recta in vaginam intret, & partus legitime succedat. Sin vero contra os uteri & caput foetus os ischii sinistrum respiciant, manibus contrariae instituendae sunt actiones: atque ex his etiam judicari poterit, quid faciendum, si os uteri vel vertex foetus ad os sacrum, ut saepissime fit, vel ad os pubis sit conversum. Nam si prius, os uteri, si fieri potest, ab osse sacro altera manu removendum, altera venter supra ossa pubis propendens externe repellendus, donec vaginae directe insistant; postea foetus ulterior, ut alias fieri solet, (§. VIII.) descendens promovendus. De omnibus vero his casibus probe notandum, quod si brevi haec conversio uteri & foetus fieri non possit, aut foetus jam paullo diutius in hoc situ haeserit, ne aut foetus aut forte etiam mater pereat, praesertim si simul sanguinis ex utero profusio, nervorum distentiones, aut animi defectiones superveniant, pedes sint quaerendi, iisque, ut saepe dictum est, foetus extrahendus, quem modum etiam praecedentibus tanquam faciliorem & promptiorem plerumque praefero, aliisque praefendum commendo.

X X I.

Denique unus ex difficillimis casibus hodie merito agnoscitur, si foetus caput aliquando tam profunde in vaginam descendit, ut etiam extus conspici queat; attamen ibi haereat & uberius egredi imo & manibus vix & ne vix quidem commoveri, multo minus educi possit. Haec enim positura in principio, ut modo praecedens, sub specie boni & naturalis situs etiam quam cautissimos plerumque fallit, ut supra jam §. IX. dictum est, & tamen tandem, praesertim quia foetus vivat an mortuus sit, certe hic saepe scire non possumus, foetusque & mater facile pereunt, nisi is adhuc vel manibus vel ferramentis in tempore educatur. Pro causa hujus partus difficillimi plerumque caput nimis magnum accusatur: quod tamen, quia jam angustissimum os uteri tunc transiit, causa vera ut plurimum non est; sed potius os uteri vel caput & humeri foetus

De partu
difficillimo
& periculo-
sissimo.

(a) Conf. hac de re uberius DEVENTER. qui post SIEGEMUNDAM Obstetricem Brandeburgicam hos perversos uteri situs primus optime extricavit; itemque HOORNIIUS, Suecus, qui quoque bene hoc de negotio differuit. Lib. cit. p. 76. & seq. Conf. & MULLER. Diff. de uteri situ obliquo, Argentorati 1731. 4.

tus male dispositi: quorum alter ossibus pubis, alter spinæ dorsi, præsertim intus nimis prominenti insistit, ut HORNIUS recte notavit: dum plerumque in hoc situ etiam auris altera sursum, altera deorsum respicit. Quoniam vero humeri in hoc situ ab ossibus pelvis retinentur, atque vix aut profecto non nisi difficillime, aut sponte, aut manibus Obstetricantis removeri queunt, duplex tamen adhuc via tentari potest, imo debet: & quidem 1) indicibus vel etiam duobus anterioribus utriusque manus digitis caput, præsertim sub ingruentibus partus doloribus, a pubis ossibus deorsum & retrorsum intestinum rectum versus sensim depellendum, ut sic, quantum fieri possit, ad hoc intestinum & os coccygis descendat. Postquam hoc aliquoties factum est, omnibus quatuor utriusque manus digitis capiti circumjectis descendendum, & vulvæ labra iis pedetentim diducenda, ac simul tandem infra caput foetus vi reclinanda, ut hac ratione caput ex vinculis suis aliquo modo liberetur: donec manus post aures vel post occiput applicari eisque caput ejici possit, id quod sæpe, ut HOORNII observationes testantur, satis bene succedit (a). Interdum vero hoc non succedit, sed requiritur simul, ut brachium, præsertim inferius, quacratur, hoc deinde educatur atque hujus simul ope foetus ab ossibus pubis liberetur ac producatur (b). 2) Altera via est, ut postquam digitis, sicut modo dictum est, caput, quantum fieri potuit, deorsum intestinum rectum versus pressum est, manus sinistra, pollice excepto, oleo inungatur, & sub capite in vaginam eoque demittatur, donec extrema digitorum caput ita amplexa sint, ut hoc tanquam globum fere contineant. Postea digitis dextrae manus a parte superiore, sub pubis ossibus caput comprehendendum, & si dolores deficient, jubendum, ut omni, qua potest, vi parturiens premat, quo foetum promoveat, eodemque tempore Medicus manibus suis utrinque caput trahit, ac simul labia pudendorum ac perinaeum post caput foetus a parte inferiore repellere studet: id quod sæpe satis feliciter, teste HOORNIO, pag. 150. & Obs. 28. p. 298. peragi potest. Capite educto, foetus circa collum altera manu comprehenditur, & caput oblique, ac vacillando quasi, sursum trahitur; altera vero manu sub collo in uterum demissa, vicinum brachium quaerit, apprehendit, educit ac simul oblique trahendo foetum sic vertit, ut ventri incumbat: quo facto, nullo fere postea negotio extrahitur, imo fere sponte profilit. Quando vero omnibus hisce artificiis caput protrahi non possit, quemadmodum quandoque incidere solet, sicut non solum usus frequens, sed & expertissimorum Obstetricantium MAURICÆI, DEVENTERI, HOORNII, MOTTII, CHAPMANNI aliorumque exempla docent, vel sectione caesarea & matrem & foetum servandi gratia est excindendus; vel si hanc admittere nolit, & matris sensim vires imminuantur, aut nervorum distentiones, aut sanguinis profusiones largiores superveniant, eique vitae certissimum periculum immineat, ut haec tamen conservetur, nullum aliud tunc, quicquid nonnulli, ac si omnes foetus male sitos sine ferramenti educere possent, gloriantur (c), nisi extremum remedium superest, nimirum ut foetus,

(a) Conf. HORNIUS Observat. 27. 28. 29. & 30.

(b) Quemadmodum HOORNIUS pag. 148. Lib. de arte obstetr. idem docet.

(c) Vid. Cap. 53. §. VII. not. (b)

tus, licet forte vivus adhuc sit, tanquam mortuus, necessaria immisericordia ferramentis educatur: quia alias & illi moriendum esset. Hoc autem haecenus factum est 1.) vel unco Tab. XXXIII. fig. 17. & 18. aliove simili qui dextra capitis loco cuidam, ubi hoc commodissime fieri potuit, cavendo ne mater eo laedatur, directione manus sinistrae infixus eoque primo caput hoc incuneatum & postea totus foetus ejectus est. Vel si hic modus, forte ob capitis amplitudinem aliamve causam succedere noluit, 2.) aperto capite juxta hiatus cranii, scalpello aut forfice, & cerebro digitis aut & cochleari extracto: id quod postea collapsum facilius vel solis quandoque manibus, vel forcipe calcularia, vel unco, vel ut DEVENTERUS suadet (a), fascia latiori si fieri potest, post caput injecta probeque contorta; prehenditur & educitur, eumque etiam modum subinde succedere cranio non aperto & cerebro non extracto, asseverat. Sin vero minus adhuc succedat, cerebro quamvis exempto; ut quandoque observatum est, humeri ab ossibus pubis manu liberandi sunt, foetusque iis protrahendus. Unci loco HOORNIIUS in casu necessitatis, tantum clavum magnum, paulo in unci formam incurvatum, cui laqueus, ut fortius trahi queat, junctus est, commendat; vel 3.) peculiari machina tractoria MAURICAEI, cujus figura apud ipsum videri potest, sub nomine ductoris capitis sive Gallice, *Tire-tête*: quae tamen uncis minus & DEVENTRIO & HOORNIO & mihi commoda videtur. Idemque fere & in aliis casibus, ubi manibus foetus educi nequit, & cum primis etiam in quibusdam monstris; duplici v. gr. capite vel hydrocephalo praeditis, observandum est, si mater vitae periculum incurrit (b).

X X I I.

Sed cum omnes hi modi magis matrem quam foetum servandi gratia, quemadmodum sectio caesarea magis pro foetu, quam matre, servando, inventi sint, atque foetibus mortuis capite inclavatis fatis sint idonei; tamen quia foetus, si vivus adhuc est, vel saltem mors ejus nondum certa (c), omnibus fere hisce curandi viis §. XXI. interficitur, magnam prudentiores ex recentioribus Medicis ac Chirurgis dederunt operam, ut ferramentum & modum excogitarent, quibus ejusmodi in casibus & foetui & matri simul vitam servarent, atque etiam foetum, si fieri possit, vivum e matre educerent. Inter omnes vero PALFINUS, ut §. X. jam dixi, primus, quantum novi, uncis amplius obtusos hunc in finem invenit, quos ego primus delineatos publici feci juris, vid. Tab. XXXIII. fig. 16. quorum nunc unius ope caput ejusmodi foetus fixum & immobile, nunc duorum utrinque adhibitorum sine eorundem laceratione aut vulneratione subinde educere potuit. Attamen, quia usu didici, rem hanc iis, praesertim ubi foetus caput paulo arctius haeret, non facile, imo haud raro prorsus expediri non potuisse, quia caput incuneat-

(a) In arte Obstetric. pag. 272. & seq.

(b) Conf. MAURICAEU Lib. II. Cap. 29. LA MOTTE Lib. IV. Cap. 14. p. 669.

(c) Difficillime foetum in utero mortuum, praesertim qui in hoc situ est, cognosci posse omnes rei obstetriciae Scriptores peritissimi uno ore fatentur. Inter cetera tamen cuticulae spontaneus a cute recessus (non unguibus aut alia vi abrasae) aut summus tandem cadaverosus foetor ejus signa sunt certissima.

cuneatum & valde lubricum iis non satis firmiter comprehendi potuit, sed ob nexum horum uncorum deficientem hi nimis facile, dum trahere volui, illud reliquerunt sive inde recesserunt, hinc jam dudum agnovi ipsos emendatione adhuc indigere, ut in perfectiorem statum perveniant, & quidem, ut dudum & in Scholis & in Instit. Chirurg. meis indicavi, ut ambo per cardinem quendam vel alia ratione forte per ligamentum jungerentur, quo sic utrinque caput melius hoc ferramento prehendi ac retineri possit, ne tam facile elaberetur hoc meum consilium multis non displicuisse cognovi, dum varii hinc inde duos ejusmodi uncus obtusos ope cardinis in forma forcipis vel & ope vinculorum aut ligamentorum combinarunt, quibus postea varii non solum foetus mortuos, capite firmiter pelvi impactos, sed ipsos etiam vivos eduxerunt, quemadmodum CHAPMANNUS, GIFFARDUS, BOEHMERUS in scriptis suis de arte obstetricandi, itemque Acta Edinburgensia Vol. III. Obs. XX. testantur (a), & diversum a CHAPMANNI BOEHMERI & mea Tab. XXXIX exhibita figura delinearunt. Interea tamen *ubi foetus ejusmodi certe mortuus in utero cognoscitur, uncus* meos vulgares fig. 16. & 17. forcipibus, quas *Anglicanas* vulgo appellant, praefero, quoniam hae valde insignem obtinent magnitudinem, ita ut non solum parturienti miserae, verum etiam adstantibus magnum terrorem & horrorem incutiant. Cum e contrario tam parvi mihi sint ejusmodi unci, ut facile ita occultari possint, ne ab ullo facile in usu conspiciantur, atque sic his foetus ejusmodi eduxi, ubi vix aliquis vidit, quod unco usus fuerim, aut hi foetus unco protracti sint, sed me ipsos *solis manibus* eduxisse crediderint: atque hac in re etiam CHAPMANNUS, infensus alias uncorum vulgarium hostis pro foetibus mortuis educendis uncis vulgaribus, prae forcipibus uti suadet, quia his faepissime brevissimo tempore foetus ejusmodi extrahi possunt. Interea nuper demum a. 1747. novembri in casu capitis inclavati in puerpera primipera, 40. circiter annos nata, quae jam per triduum saevissimis partus doloribus quasi confecta erat, forcipe Anglicana uti volui; verum tanta aderat partim natura, partim ex tumore genitalium inter pariendum orto vaginæ angustia, ut vix duos digitos commode, multo minus forcipem hanc ingentem, cujus quaelibet maxilla tres digitos lata est, immittere potuerim, sic ut tandem matrem servandi causa ad uncus usitatos confugere coactus fuerim. Quo id tantum ostendere volui, neque hos forcipes ea adhuc esse instrumenta, quibus ejusmodi foetus omnes, quovis in casu ut nonnulli perhibuerunt, integri, certe ac tuto educi possunt.

CAPVT

(a) Quae in his Actis Tab. V. fig. 4. a BUTTERO Chirurgo Edinburgensi, delineatur ac describitur, Chirurgo obstetricanti Parisino, cui nomen DUSE', auctori adscribitur.

C A P V T C L I I I .

Qua ratione partus emortuus ex utero excutiat.

I.

Quandoquidem, intus emortuo partu, praesertim si minus naturalis ejusdem *Saepe par-*
positura fuerit, insignem pariendi difficultatem mulieres sentiunt, etiam *tus emortui*
atque etiam necessaria esse ipsarum per manus curatio consuevit. Neque vero *educendi.*
propter unas rationes incidere, partu emortuo, tametsi naturaliter idem com-
positus sit, pariendi difficultas ista solet; dum partim inde provenit, quia, prop-
ter matris debilitatem, vel deficientem infantis commotionem, aut nullos omnino,
aut saltem perexiguos partus dolores, qui tamen ad foetum edendum adeo sunt ne-
cessarii mulieres sentiunt; partim etiam, quia nifus iste infantis mortui, quo,
tanquam stimulo mirifice alias naturalis promoveri partus solet, deficit; par-
tim & denique quia infantes nonnunquam propterea in utero decedunt, quod
justo tempore in lucem prodire propter pravam situm, aut nimiam capitis ma-
gnitudinem aliamve malam conformationem, aut vulvae & cumprimis ossium
pubis, qualia exempla jam praecedenti Capite indicavi, angustiam haud va-
luerint. Oportet autem hic ante omnia, & quam fieri potest, diligentissime, ve-
rene jam mortuus, an vivus adhuc infans sit, explorare, ne vivum adhuc infantem
temere ac praemature in partu difficili ferramentis aggrediamur, eumque sic
vel interficiamus vel saltem graviter laedamus ac laceremus (a). Atque id
ipsum magis etiam ideo, quia maximam partem incerta sunt atque fallacia, quae
proponi communiter solent, dijudicationis hujus in utero indicia: praesertim si vel
in axillam, vel humerum, vel in clunes, vel in dorsum, vel & in alterutrum ca-
pitis latus conversus esse infans deprehenditur; siquidem his in partibus vel nulla
omnino, vel saltem perobscura & incerta vitae foetus in utero signa sese osten-
dunt; ita, ut facile mortuum existimemus, qui tamen adhuc vivit, licet saepe
valde jam a partu & compressione diuturniori sit debilis.

I I.

Scilicet, (ut ex hisce signis praecipua tantum commemorem) emortui esse in u- *Signa par-*
tero infantes communiter censentur, 1) si mulieres ex partu laborantes per *tus emor-*
aliquod tempus duos minimum aut tres dies, nullam amplius omnino foetus jam *tui.*
tuum maturi commotionem, sed gravem potius ac molestant in ventre molem quan-
dam persentiscunt, quae in eam partem, in quam ipsae sese convertunt,
prolabitur: deinde 2) si crebri horrores eum animi deliquiis atque desidendi stimu-
lo sive tenesmo frequenti mulierem praegnantem exercent; item 3) si spiritus
ex ore emissus graviter olet; vel & 4) ubi pessimi & cadaveri similis odoris ma-
teria

(a) Ejusmodi exemplum recenset MAURICEAU Obs. 584. alique plura alia.

teria ex utero profluit; 5) venter frigidus percipitur. Similiter 6) VIARDELIO (a) & GOUVEYO (b) opinantibus, indubium partus emortui indicium habetur, si meconium sive nigrum illud infantum recens natorum stercus ex vulva parturientis effluit. At enim vero contraria nonnunquam ratione rem sese habere, jam dudum variis exemplis ipse rerum usus me edocuit, alique idem jam saepius observarunt (c). Ut ne quid enim hic dissimulem, fateri omnino cogor, memet ipsum olim, hoc atque aliis signis aliquando inductum, infantem aliquem pro emortuo habuisse, atque proinde velut emortuum eduxisse; quem tamen vivum postea adhuc extitisse cognoscebam. Certa igitur magis atque manifesta prope modum partus emortui signa, una cum recensitis prioribus, meo quidem iudicio, sunt: (α) si aut funiculus umbilicalis, aut secundae e vulva propendent atque frigent, nullusque arteriarum pulsus in illo, praesertim juxta umbilicum amplius persentiscitur. Similiter (β) ubi vel in brachio, vel in pede aliquo propendente, nullus pulsus, calor aut digitorum motus amplius, sed frigus potius cum livore vel nigredine persentiscitur; praecipue si cuticula vel sponte, vel per admotos huic parti digitos statim ac facile a cute reliqua resolvitur, & cum primis etiam si cadaveris foetorem exhalat. Denique (γ) in infantibus in caput conversis adeoque naturaliter compositis haud prorsus improbabile mortis signum est, sicubi ista capitis pars, in qua cranii ossa adhuc deficiunt, (Medici bregma seu fonticulum aut & fontem pulsatilem dicunt) insigniter depressa & flaccida est, ut ossa cranii vicina, quasi acuta, laxa ac mobilia deprehenduntur, locusque hic nullum arteriarum pulsus amplius exhibet; nam si adhuc vivunt, haec pars dura ac tensa plerumque & aliquo modo prominens percipitur, & quidem saepe cum pulsu arteriarum. Sed cavendum tamen hic est, ne statim pro emortuis habeamus illos infantes, in quibus nullum arteriarum in capite pulsus persentiscimus, praesertim, si cuticula nondum a cute recedit. Nonnunquam enim, praesertim si debiles admodum sunt infantes, ita quoque debilis esse arteriarum pulsus solet, ut percipi haud quaquam ab admotis digitis valeat. Certius vero signum est, si cuticula a cute cranii sponte recedit (d). Si autem vere mortuus infans est; humoresque qui naturaliter foetum ambiunt, jam tum ex utero profluxerunt, citissimum parturientibus ferendum est auxilium; ne scilicet ab infantis emortui putrefactione, quae opinione citius fieri tunc saepe solet, gravissimas noxas, febres pessimas, praecordiorum anxietates, atque ipsum mortis periculum ipsae experiantur. Quodsi autem citra partus dolores adeoque ante legitimum partus tempus, infans aliquis in utero emoritur, quod a motu sensim sensimque amisso, & tumore ventris collapsio patet, neque amnii liquor effluit; tum, experientia quidem teste, nihil impedit, quin minus infans per aliquot septimanas, imo menses, intus in utero permanere absque putre-

(a) In Libro Observationes tradens de arte obstetricia. Lib. II. Cap. 4. & II.

(b) In Libro de vera Chirurgia (Chirurgie véritable) pag. 428. quanquam ibi Observationem aliquam contrarium evincens simul proponat.

(c) Ut videri potest apud MAURICAEUM, in Observ. VOELTERUM Lib. cit. &c. aliosque.

(d) De signis foetus mortui peculiaris prodiit Dissertatio Lug. Bat. 1745. Autore PASQUAY, Francofurtensi,

putrefactione aut corruptione possit; quemadmodum aliquot ejusmodi exempla novi (a): adeoque praesertim si mulieres ejusmodi ceterum bene sese habent, tunc satius esse existimo, nihil neque medicamentis neque ferramentis moliri, sed potius, donec ipsa natura tandem partus dolores concitet, foetumque emortuum propellat, exspectare, quam violenter ipsum ejicere.

I I I.

Si vero sub ipsis partus doloribus ac laboribus infans emoriatur, nec tamen minus decenter, sed naturaliter compositus esse deprehendatur; non statim, quamdiu scilicet de morte non satis certi sumus, unci aut alia ejusmodi foetum laedentia admovenda sunt instrumenta; imo quia mulieres nostrae etiam manus Chirurghi non mox admittere volunt, medicamenta roborantia partumque non minus, quam partus dolores concitantia parturientibus praebenda; haud prorsus interim neglectis, praesertim apud debiliores mulieres, clysteribus valentioribus: siquidem ipsa cum ad excitandos partus dolores, tum ad expellendum foetum egregie saepe faciunt. Sed cautione tamen hic opus est, ne nimis magna copia medicamenta istiusmodi roborantia partumque promoventia adhibeantur, neve propter nativam eorundem vehementiam & calorem febres acutae aut periculosa vel prorsus etiam lethifera sanguinis profluvia concitentur. Itaque si parum aut nihil proficere istiusmodi medicamenta sentiuntur, tunc quamprimum, ne foetus in magnam putredinem abeat, studendum, ut manuum ope, quibus simul dolores partus concitantur, educatur (b). Atque ut feliciter hoc procedat, mittere ante omnia, ut in vivo foetu, urinam mulier praegnans debet. Sin mitti naturaliter, propter compressum ab infantis capite vesicae collum, sic ut haud raro contingit, urina nequit, per admotum catheterem aut femininum aut masculinum, Tab. XXVII. fig. 1. 2. ad 5. illa educenda est. Educta urina, mulier vel in sella quadam ad id propria (Tab. XXXIII. fig. 15.) vel & super lectulo transversim, aut mensa capite declivi & natibus elevatis eum in modum deponatur, quem supra jam tum (Cap. praeced. §. VIII. & XIV.) proposuimus. Tum Chirurgus alterutra, vel si fieri potest, utraque manu adhibita, quemadmodum Capite praecedenti dictum est, infantis caput, quomocunque id apte fieri potest, prehendere, eundemque paulatim extrahere annitatur; aut si hoc non succedat, pedes inquirat, eisque foetum educat. Praeterea tentari potest modus ille fasciam paullo ampliorem capiti injiciendi, quam ex DEVENTERI consilio Capite praecedenti §. XXI laudavi. Si neque tunc quidem negotium succedit, uncus PALFINI fig. 16. aut forcipes Anglicanas Tab. XXXIX experiri possumus; quae vero tunc prius in cardine sunt disjungendae, & altera pars sive maxilla in alterutro capitis latere, altera in

(a) Memini me ejusmodi exemplum vidisse, ubi mulier per duos integros menses, foetum mortuum & quidem sine omni incommodo gestavit, donec tandem partus dolores sponte accesserint, & facili negotio foetum mortuum expulerint. Exempla alia apud plures Autores reperiuntur.

(b) Haec operatio una ex antiquissimis jam est, uti videre est in HIPPOCRATIS Lib. de morb. mulier. & speciatim ex peculiari Libello de foetus extractione. Conf. etiam FONTANII Libellus de foetus extractione per uncum, quamvis de foetus vivi male sui extractione Veteres nihil praeceperint.

in altero caute adhibenda eis caput prudenterprehendendum, atque deinceps extrahendum. Sed si forte nec his res expediri potest, ut mihi nuper contigit, (vid. Cap. CLII. §. 22) necessarium utique est, idoneos quosdam uncus undique laeves hanc in rem adhibere; qualis inter alios multos, quos Autores delinearunt, ei esse possunt, quos Tab. XXXIII. fig. 17. & 18. imo etiam 21. qui duplici rostro instructus est, exhibuimus: qui quam prudentissime infantis capiti idoneo loco, ut inferiori cranio vel orbitae, auri, ori, interdum etiam fronti vel occipiti sunt infigendi, iisque foetus deorsum trahendo caute protrahi; vel si hi aliive similes deficient, more HORNIANO, clavo magno, in unci similitudinem inflexo (a). CELSUS, qui profecto expertus in hac curatione mihi fuisse videtur, sapientissime suadet, ne quolibet tempore foetus trahatur. Nam si compresso vulvae ore, ait, id tentatum est (b), non emittente eo, infans abruptitur & unci acumen in ipsum os vulvae delabitur, unde ingens periculum mortis sequeretur. Igitur compressa vulva (hoc est constricta matrice, sive doloribus cessantibus), conquiescere; hiantem vero, hoc est, doloribus praesentibus) leniter trahere oportet. Trahere autem dextra manus uncum, sinistra intus posita infantem ipsum, simulque dirigere uncum debet. Hactenus CELSUS. Quodsi autem forte infantis caput usque adeo magnum existit vel tam oblique positum, sic ut traduci per vaginam uteri aut integrum haudquaquam valeat, quemadmodum haud raro contingit, aut metuendum sit ne nimis vehementi tractione urethra laedatur, aut perinaeum rumpatur, aperiri juxta fonticulum vel alium, qui se offert, capitis locum, vel digiti, vel & scalpelli, aut forficis acutae adminiculo idem oportet, extractoque per immixtos digitos aut cochleare cerebro, ita deinde comprimi, ut promptius & securius educi, atque commodius secundum hactenus & Capite praecedente propositas rationes vel una vel utraque manu valeat (c). MAURICAEUS, celeberrimus & versatissimus ille in arte obstetricia Magister, peculiare quoddam instrumenti genus, tam pro capite aperiendo, quam pro eoprehendendo, quod capitis ductorem, Gallice *Tire-tête* appellat, & in ejus Libro de arte obstetricia videri potest, hunc in usum proponit, quod inciso juxta fonticulum per scalpellum anceps vel aliud vulgare, capite, feliciter identidem a semetipso in ejusmodi casibus adhibitum esse memorat, illudque vehementer extollit; sed minus tamen, ut praecedenti Capite jam diximus, necessarium instrumentum illud adeo compositum mihi videtur; quia, rite confectis iis, quae jam jam praescripta sunt, ut plurimum satis promte atque feliciter absque illo, solis scilicet simplicioribus illis uncis fig. 17. & 18. aut sola etiam quandoque manu, aperto prius cranio, cerebroque exempto, aut forcipe calcularia, extrahi foetus emortuus in tali situ potest (d).

I V.

(a) Vid. Cap. praecedens §. XXI.

(b) Lib. VII. cap. 29.

(c) In DEISCHII Diss. de necessaria in partu p. n. instrumentorum applicatione describitur ferra D. FRIEDII qua frustum triangulare e cranio auferri potest, una cum cochleari, quibus cerebrum facilius e capite eximi potest, Argentor. 1740 edita.

(d) Idem docet DEVENTERUS & HOORNIIUS Suecus, Lib. de Art. Obstetric.

I V.

Sin minus naturaliter compositus esse foetus emortuus deprehenditur, tum ope- *Si foetus*
ram dare convenit, ut CELSUS jam dudum docuit (a), ut manu apprehensis *emortuus*
pedibus idem convertatur atque extrahatur, eadem prorsus ratione, quam circa *minus na-*
infantes vivos minus naturaliter dispositos Capite praecedenti explicavimus, *turaliter*
id quod quandoque haud difficulter perficitur. In quo ipso tamen negotio *est composi-*
maxime adhibenda est cautio, praesertim si jam tum a putredine valde corruptus
foetus est, ne qua forte inter extrahendum justo majori celeritate aut violen-
tia adhibita, caput infantis a reliquo corpore avellatur & in utero relinquatur.
 Namque ubi hoc factum est, nec mox educitur, antequam os uteri se clau-
 dit, in quam maxime graves noxas, quin & praesentissimum vitae periculum
 mulieres saepe conjiciuntur caputque deinde haud facile extrahi potest: a-
 deoque opera danda, ut mox post foetum extractum quoque educatur.

V.

Quandoquidem autem, cum propter rotundam figuram, tum & propter *Si caput,*
 mirificam lubricitatem suam non satis commode manu sola prehendi avulsum *extracto*
 intusque relictum caput potest, sane haud abs re faciunt, qui, *corpore,*
hujus capitis, aut in foramen magnum ossis occipitis *intus remanet.*
protinus injectis, protrahe-
 re satagunt. Quo equidem adhibito artificio feliciter egomet istiusmodi in-
 fantum capita identidem ex utero satis facile & absque instrumentis eduxi. *Sin*
digiti haud sufficiunt, linteum aliquot instar fasciae ulnae longitudine & quatuor
fere pollicum latitudine, facta eo ansa & manu in pugnum constricta, in ute-
rum immittatur, eaque ansa comprehendatur, ita saepe satis commode hoc
 educitur. *Alias etiam uncus aliquis, huic negotio accommodatus, ex modo*
 laudatis fig. 17. in infantis emortui vel os, vel orbitam, vel nares, vel occi-
 pitis foramen, vel & in similem partem aliam, quae forte unco occurrit i-
 doneam firmiter infigi potest, submissa prius, ex CELSI praecepto §. III.
capiti manu sinistra, qua uncus intus etiam dirigitur, ne uterus inde violetur, ac
postea paulatim & quam providissime caput relictum ope hujus unci & ma-
nus simul extrahere convenit. Quod si forte nimis magnum est, id prius altera
manu ad os uteri adducendum, (id quod Minister manibus ventri impositis
& deorsum versus vulvam prementibus multum promoveri potest, sicut CEL-
SUS l. c. jam docuit) altera forfice vel scalpello aperiendum, cerebrum ejicien-
dum, & postea reliquum manibus aut simul unco quam cautissime educen-
dum. Forceps magna pro calculis majoribus e vesica educendis idonea, vel
& anglicana Tab. XXXIX huic negotio quoque aptae esse possunt. Clarissi-
 mus

(a) Lib. VII. Cap. 29. Notare hic lubet plerosque qui de foetus extractione ex utero egerunt ac scripserunt CELSUM non nominasse, qui tamen sane, si non autor est *inversio-*
nis & extractionis foetus per pedes, tamen primus mihi esse videtur, qui utilissimam hanc
 foetum ex utero extrahendi rationem docuit, citato loco descripsit, atque aliquoties ibidem
 commendavit; sed quasi recentiorum sit inventum, praesertim cum multi promiscue scribant,
 ac si veteres omnes, foetum male situm semper in caput convertendum esse praeceperint:
 quod manifesto falsum.

mus AMANDUS, vir in arte obstetricia expertissimus, ne uncis facile uterus mulieris laedatur, *peculiarem quendam sacculum in forma retis fabrefactum, hanc in rem commendat, quo caput comprehendit, ope funiculorum illum claudit, sic ut caput intus comprehendatur, ac deinde illud post injectum sacculum absque periculo extrahit (a): qui vero admodum difficulter capiti injicitur, praedictique modi profecto facilius expediri possunt.*

V I.

*Si brachium ex utero pro-
pendet.*

Nonnunquam infantes, in ipso partu intermorientes, ita insigniter brachium ex mulieris pudendis protendunt, ut, propter haerescientem in angustiis illis humerum adeoque nec brachium in uterum reponi illud haud quaquam valeat, imo nec debeat, praesertim si jam diu ita haesit. Quod ubi fit, manifestumque mortis indicium (§. I. & II. adest, brachium scilicet lividum vel nigrum ac frigidum, pulsus in arteria carpi absentia, nullus amplius motus in hujus brachii digitis, & recessus cuticulae a cute, foetor que cadaverosus, tentandum prius est, an, femina prius reclinata & in convenientem situm disposita, manui Chirurgi juxta brachium foetus accessus adhuc detur in uterum parturientis, & ad pedes foetus. Quod si fieri potest, quemadmodum revera saepe fit, praesertim si partus nondum diu duravit, & non nimis incuneatum brachium est, pedes infantis sine mora sunt quaerendi, eisque ipse infans praedicta superius ratione, sicuti vivus, extrahendus. Sed si vel propter nimis tumidum brachium, vel propter uterum nimis constrictum manus Chirurgi in uterum demitti fatis nequeat, vel extorqueri ex scapulae articulo, vel quam cautissime rescindi brachium juxta humerum oportebit. Longe vero optimum hic est, quam diligentissime brachium prius extendere atque in unum sensum diu contorquere, quam scalpellum admoveatur. Sic enim, partim extensis, partim disruptis ligamentis, accuratius, facilius & securius excindi ex humero brachium poterit. Ne autem ipsa forte simul parturiens graviter scalpello attingatur, scalpellum quoddam capitatum seu sphaerula circa apicem munitum, quale Tab. V. fig. 4. & 5. exhibetur, hic quondam aliquoties feliciter adhibere solitus sum. Resciso brachio, experiri convenit, an nunc manu pedes reperiri, eisque comprehensis extrahi foetus possit: quod tunc, si fieri potest, perficiendum,

V I I.

*De ferra-
mentoribus
usu &
praesertim
eorum.*

Sed quandoque, vel propter firmiter in uteri collo haerescientem humerum, vel foetum transversum & uterum vehementissime constrictum, qui foetum quasi in globum vehementer constringit, & tam arcte comprehendit, ut manibus dirigi nequeat, magnosque cruciatus, quos manus tunc immittenda ejusmodi in casu parturienti saepe creat, ita ut iis sustinendis vix aut prorsus non pares sint, imo periculum sit, ne uterus adhibita nimis magna vi rumpatur, atque

(a) *Nouvelles Observations sur la pratique des Accouchemens, pag. 241. & GARENGEOT Traité des Instrumens, edit. II. pag. 341.*

atque mulier ita interficiatur (a), vix ac ne vix quidem eam tam alte, quam pro pedibus quaerendis saepe opus est; inferere licet. Igitur tunc, ex CELSI jam dato consilio, consultius esse puto, *pectus atque abdomen infantis; vel digito, vel forfice acuto, vel unco* Tab. XXXIII. fig. 17 & 18. *adhibito, provide ne matrem laedamus, aperire (b) extractisque manu sensim visceribus atque intestinis ejus, vel & costis nonnullis, videndum, an corpore hunc in modum extenuato, propiusque ad collum uteri accedentibus clunibus, pedes reperiri, iisque repertis sic tandem protrahere foetum liceat; id quod fere semper, quoties hoc tentavi, feliciter mihi successit. Si qua autem forte, quemadmodum subinde accidere propter nimis coarctatum & constrictum uterum consuevit, pedes nondum apprehendi queunt, tum clunes protinus a subjecta manu comprehendi, supraque in eisdem immisso unco protrahi saepe possunt: Namque tum pectus atque caput sua velut sponte insequuntur; sed ita tamen, ut, ne quid dissimulem, aliquae prius haud raro partes a reliquo corpore avulsae sint (c). Ne vero, dum hoc agitur, graviter hic uterus ab unco afficiatur, singularis in eo moderando adhibenda est prudentia, atque simul quam maxime necessarium mihi visum est, manubrium ejus ita fulcare, ut solius tactus beneficio, dijudicare semper valeam, quomodo dirigi instrumentum debeat, ut pars ejusdem acuminata nunquam versus uterum, sed ad foetum semper spectet (vid. Tab. XXXIII. fig. 19 litt. a a a a), id quod in manubriis sine ejusmodi notis observari rite non potest; unde factum est, ut multi saepe uterum & vesicam misere laceraverint. Hac autem simul adhibita cautione quamplurimos infantes mortuos feliciter egomet hac ratione ex utero eduxi, mulieresque sine omni relicta noxa*

(a) Uterum disrumpi posse in partu, non solum ipse exemplum vidi & olim in Dissertatione quadam descripsi; sed & plura exempla apud Autores & in peculiaribus Dissertationibus descripta sunt. Conf. Diff. nostra de foetu ex utero matris mature excidendo, STALPART. van der Wiel in Observat. PISTORIUS & BEKINGIUS in Diff. de utero rupto, Cap. CLII, §. XI. jam citati aliique.

(b) Sunt quidem, qui gloriantur, se foetus semper sine ferramentis educere posse, & in eos acerbe invehuntur, qui quandoque ferramentis in casibus difficilioribus utuntur; inter quos cum primis est VIARDELIUS, DEVENTERUS & MOTTIUS sive de la MOTTE, *Traité des Accouchemens*, & ii, qui approbarunt ejus Librum. Interea tamen non solum in DEVENTERI, sed & in MOTTII Libro exempla referuntur pag. 418. 424. 426. 431. ubi ambo manibus solis rem expedire non potuerunt; sed ad ferramenta confugere coacti fuerunt. Ita ut gloriations mihi MAURICAEI, VOELTERO & HORNIO Sueco, CHAPMANNO, Edinburgensibus aliisque tantum videantur eorum, qui hoc asseverant, aut non satis difficiles & inveterati casus ipsis inciderunt: dum revera subinde quam difficillimi occurrunt, ubi manus solae, quam exercitatae & agiles etiam sint, non sufficiunt. Conf. HORNII Observat. 29. 30. & DEISCHII Diff. de Instrumentorum in partu p. n. necessaria saepe applicatione Argentor. 1740. 4.

(c) VIARDELIUS, qui magno molimine ferramentorum usum in foetu etiam mortuo extrahendo impugnare & rejicere conatur, atque ad suam sententiam confirmandam exemplum refert; ubi foetum mortuum capite in vagina uteri haerentem, ingenti labore, post horam tandem manibus extraxerit; mater vero ex gangraena vulvae paullo post mortua sit. Profecto si uncus hic mature capiti hujus infantis rite infixus aut etiam cerebrum prius evacuatum fuisset, intra pauca forte horae momenta & fere sine dolore educi, imo & certius fervari mater potuisset. Nam diuturnis illis manuum in utero agitationibus, motibus ac moliminibus, quibus brachia foetus quaesivit eumque iis tandem eduxit, longe vehementius mater & uterus ejus laeditur, quam si uncus prudenter capiti foetus injicitur, eoque protrahitur.

noxa servari. In hoc manubrio etiam notari meretur, quod, quoniam quandoque foetus, praesertim si valde magnus, tam vehementer inter ossa pubis haeret, ut una manu mea, quia altera in utero sub foetu est, vires sufficientes pro ejusmodi foetu extrahendo non habuerim (a). Quare ubi hoc incidit, circa partem bb, quae collum ejus dici potest, laqueum injeci satis robustum, quem Obstetrix vel alia adstans mulier aut minister tunc prehendere, & extractionem, dum ego manubrio traho & ipsam simul trahere jubeo, promovere valde potest: quae commoda in vulgaribus cylindricis aut angulosis manubriis desunt.

VIII.

*Forcippum
hac in re u-
sus.*

Neque vero prorsus abs re faciunt, qui *forcipes paulo grandiores*, quales nimirum ad educendos calculos supra (Tab. XXVIII.) descripsimus, hunc in finem certis in casibus proponunt, atque uncis ceterisque instrumentis omnibus cum RYFFIO, antiquo Chirurgo, Germano (b), & celebri quondam *Jenensium Medico ac Chirurgo* ROLFINCIO & SLEVOGTIO (c) anteponunt, propterea quod non solum uterus haud ita facile quam ab uncis prehendi, adeoque nec lacerari, verum etiam Chirurgi manus non laedi ab iisdem valeat. Interea tamen haud minor diligentia in usu forcippum quam uncorum adhibenda est, ne scilicet os aliave pars uteri eis arripiatur, isque vel protrahatur, vel misere laceretur. Attamen nec in quovis casu adhiberi recte potest; verum tunc egregie, si vel costae aut viscera evellenda, aut si capite in vagina inclavato, prius aperto, & cerebro evacuato aliisve subinde in casibus quam utilissime (d).

IX.

*Hornii pe-
culiare ar-
tificium.*

HORNIIUS saepe laudatus adhuc peculiarem, eumque breviorum modum, foetum mortuum cum brachio arctissime in vagina uteri haerente, invenit atque descripsit: qui in eo consistit, ut, quando ad pedes pervenire nequit, collum, utpote quod in foetibus valde adhuc tenerum est, si percipi potest, vel scalpello a reliquo trunco resacet, vel unco idoneo scindente, apice autem obtuso instructo, quam cautissime auferat. Hoc enim facto, vel sponte mox prorumpit ex utero foetus, vel tamen, dum brachium propendens attrahitur, quod Medico tunc loco habenae inservit, quam facillime excutitur. Caput vero deinde seorsim mox vel manu, vel aliis antea §. V. propositis artificiis, si manus parum esset, ejiciendum. Monere tamen hic simul volui, CELSUM idem jam praecepisse in casu, ubi foetus mortuus sine prolapsu brachio fere transversus in utero situs est, & cervix replicatur retroque caput ad reliquum corpus spectat, forte ut in Tab. XXXIII. fig. 8. vel 10. Nam ait, in ejusmodi casu remedia est, cervix praecisa, ut separatim utraque pars auferatur. Lib. VII. Cap. 29.

X.

(a) Hac de re etiam conqueritur HORNIIUS in suis Observationibus.

(b) In Libro ipsius de Arte Obstetricia.

(c) Vid. ejus Program. de Instrum. Hippocrat. ad foetum extrahendum.

(d) Vid. Cap. praecedens CLII. §. XXI.

X.

Ceterum quamvis ferramenta ego non rejiciam, sed eis, ubi necessitas id exigit, utar, iterum tamen atque iterum hic admonendum esse censeo, *ca non nisi summa necessitate illud exigente, atque tum demum educendis ex utero infantibus admoveenda esse, quum nihil omnino spei reliquum est, fore, ut solarum manuum subsidio extrahere ipsos liceat, aut puerpera ex longiori mora in vitae periculo versetur.* Tutius enim manibus, quam instrumentis expediri hic in loco fere obscuro rem posse, quilibet per se intelligit. Similiter Chirurgi etiam atque etiam denuo hortandi sunt, *ne instrumenta prius admoveant, quam de foetus in utero haerescens morte fuerint certissimi, aut mors matris brevi metuenda extractionem per instrumenta exigat.* Vix enim absolvi ab imprudentiae, negligentiae imo crudelitatis vitio Chirugi illi possunt, qui foetum adhuc vivum discerptum vel dilaceratum ex utero protrahunt; nisi peculiares causae & cumprimis ingens debilitas, nervorum distentiones ac brevi metuenda mors matris, si foetus diutius relinqueretur, id desiderant: hoc enim in casu, quamvis varii Romanae ecclesiae doctores, praesertim inter Gallos, hoc admittere nolint, ut jam supra Cap. de partu caesareo indicavi, tamen ne duo simul pereant, quorum alter servari potest, consentientibus viris ecclesiae nostrae, imo & nonnullis catholicae doctissimis, foetui, cumprimis ubi dubium est, an adhuc vivat, ut mater servetur, vim inferre, hoc est, ferramentis eum extrahere, salva conscientia licet (a). Tametsi vel sagacissimi etiam Chirugi hac in re humani aliquid interdum passi fuisse memorantur, ut foetum, quem ipsi, puerpera & adstantes mortuum crediderant, adhuc praeter opinionem vivum vel semivivum extraxerint (b). Quam equidem propter causam mirum neutiquam videtur, quod CELSUS partum ex utero excutiendi artem inter quam maxime periculosas atque difficillimas, quae summam prudentiam moderationemque desiderant, numeraverit (c): quia ea operatio interdum per plures horas durat, atque inter gravissimos labores Chirurgo multum sudoris atque virium exprimit. Contra vero ubi foetus adhuc certe vivit, & parturiens mulier adhuc robusta sentitur, nunquam ferramenta injicienda sunt (d). Ceterum, quae ad extenden-

(a) Conf. HILDANI epist. 3. & 4. VALENTINI epistola, an liceat foetui vim inferre, ut servetur mater, Francof. 1720. HORNIIUS Suecus, Lib. saepe citat. variis in locis, VOELTERUS Lib. cit. Cap. 7. BECKERI Paedioctonia inculcata ad servandam puerperam, 4. Gies-sae 1729. itemque ex religione catholica Censores veneti, qui hasce meas institutiones Chirurgicas A. 1739. censendas habuerunt, cum Bibliopola eas imprimere venetiis vellet, in praemisso testimonio hujus editionis sive censura asseverant, *nihil in hoc meo Libro contineri, quod contra sanctam fidem catholicam aut bonos mores esset*: & quae nos supra Cap. CXIII. de partu Caesareo hac de re prolixè satis proposuimus.

(b) Conf. HILDANUS in epist. de bernia uterina, itemque in epistola 3. & 4. & MAURICAEUS Obs. 584.

(c) Medicinae Libro VII. Cap. 29.

(d) Conf. de hac re etiam BOHNIIUS in Diff. de Abortu salubri, qui matris primariam curam his in rebus esse docet, itemque BOERHAVIUS, qui in Aphor. suis §. 1309. vult, ut si mater & foetus simul servari non possent, alter eorum servetur. Melius enim, ait, est perire vel aliter periturum foetum, salva matre quam perire certo utroque, ut & STAEKOPFFII epist. qua inquiritur, *utrum maritus salva conscientia a Medico postulare possit, ut in salutem conjugis foetui vivo, imo & adhuc robusto manus inferat violentas?* in Annal. physico-

dendum uterum applicari a quibusdam hic solent, *uteri specula*, ab ALBU-CASI, SCULTETO, MAURICAEO aliisque delineata, meo quidem aliorumque quamplurimorum hodie Medicorum ac Chirurgorum judicio parum utilia, quin & propter *facilem uteri laesionem haud parum quandoque perniciofa sunt censenda*. A *machina* vero illa *Roonbuisiana*, quam Cl. SCHLIGTINGIUS nuper delineatam dedit ac descripsit, meliora speranda sunt.

C A P V T CLIV.

De nimio sanguinis apud mulieres gravidas profluvio, quod vulgo uteri haemorrhagiam appellant.

I.

Unde hoc
malum o-
riatur.

QUandocunque mulieri gravidae, eidemque cumprimis partui vicinae, sanguis, isque modo parvus, modo & praecipue quidem copiosus, per naturalia effluit, *haemorrhagia uteri* hoc profluvii genus appellari solet, a mensium fluxu, quia in gravidis contingit, longe diversum (a). Oriri apud nonnullas, prioribus praesertim mensibus, solet a sanguinis abundantia; praesertim si sine notabili molestia ac debilitate contingit, & cum eis lunae temporibus, quibus alias menses ipsis fluxerunt, coincidit, qua vel vaginae uteri, vel ipsius uteri quaedam vasa sanguifera eaque vel cum *chorii membrana* (unde levior fluxus sanguinis), vel cum *placenta* (unde vehementior) communicantia, aperiuntur, & sanguinem abundantem atque saepe simul paulo fervidiorem emittunt; *saepius vero & ut plurimum, ultimis mensibus, a placenta ab utero, vel ex parte vel in totum resoluta* (quae periculosissima): id quod vel a vi quadam externa, ut lapsu, saltu, ictu aliove vehementiore motu fieri potest; vel a sanguinis nimia copia aut fervore; vel, ut recentiores plerique sustinent, *a placenta ori interno matricis adhaerente*, sed graviditate ad finem vergente, dum os uteri sensim se dilatat, inde diducta & quasi avulsa (b): unde non potest non fieri, quin quo magis os uteri a partus doloribus expanditur, eo magis placenta inde avellatur, eoque major sanguinis profusio inde subsequatur; quae propterea saepe tam vehemens est, ut mulieres parturientes haud raro brevi quam maxime debilitet, periculumque sit, ne, nisi opportune, ante-

medic. Vratislav. An. 1719. pag. 750. atque *quaestio in casu necessitatis* gravibus rationibus affirmando deciditur.

(a) Nonnullis haec in gravidis haemorrhagia *menstruus fluxus* appellatur, quando nimirum stato menstruo tempore incidit, eodemque recurrit; id quod in nonnullis usque ad dimidium, in aliis ad partus tempus sine noxa contingit. DEVENTER Cap. 33. sed si primis mensibus fortior est, *abortum* saepe producit; attamen in his mensibus non facile ex hoc vel *miola* moriuntur.

(b) Vid. HORNIUS, Suecus, Lib. cit. pag. 27. BRUNNERI Diss. de partu p. n. ob situm placenta super orificium internum uteri, Argentorati edita 1730. FRIDERICI de uterina gravidarum haemorrhagia, §. XVII. ibid. 1733. & STUARTI Diss. de Secundinis, ibid. A. 1736. evulgata, p. 36.

antequam scilicet nimis debilitetur, (id quod ex ingruentibus animi deliquiis constat) foetus manibus extrahatur, una cum ipso infante mater ipsa brevi perimatur (a).

I I.

Malum hoc cum ex relatione aegrae, tum ex visu copiosi sanguinis proflu-^{Diagnosis} fluentis satis cognoscitur; verum utrum ex vagina tantum, an ex utero quo-^{& prognos-} que proveniat, si praedicta signa non sufficere videntur, vix nisi exploratio-^{sis.} ne oris uteri per digitos certe dignosci potest. Nam sanguinis hunc fluxum non nisi ex vagina provenire constat, quando digitis in vaginam demissis, os uteri clausum deprehenditur, atque simul haemorrhagia parca aut modica solum est, sine malis gravioribus quae plerumque nihil periculi fovet. Contra si haec larga & simul os uteri apertum reperitur, atque in eo non caput infantis, sed corpus quoddam spongiosum, quod placenta esse solet, digitis percipitur, sanguinem ex ipso utero, ob placentam vel ex parte vel totam, ut diximus, solutam, provenire indicat; qui casus priori longe est periculosior. Praeterea haemorrhagiam veram ut plurimum praecedunt & comitantur tensio & inflatio hypochondriorum, dolores ventris & lumborum, faciei color fit pallidus, vires languescere incipiunt, & qua largius est illud sanguinis profluvium, eo magis periculosum est, & nisi, incidente animi defectione, aut sane adhuc citius, id quod inprimis DEVENTER praecepit, promptum auxilium adhibeatur, & foetus & mater vitae periculum incurrunt, quia hic sanguis tam ex vasis uteri maternis, quam ex arteriis umbilicalibus foetus in placenta effluit, atque sic & matri & foetui subtrahitur. Imo quando mulieris ejusmodi manus jam sunt frigidae, oculi caligant, pulsusque valde debilis, ac sudor frigidus una cum nervorum distentione adsint, quemadmodum in vehementi tali profluvio tandem, sed modo citius, modo tardius, fieri solet, malum plerumque desperatum & mors prae foribus est: adeoque a manuum curatione tunc praestat abstinere, ne Medicus eam interfecisse videatur, quam fors sua, (hoc est alia causa) peremit.

I I I.

Si a sanguinis copia & orgasmo sive calore justo majore haec ejus profusio oria-^{Quomodo} tur, praesertim primis mensibus, saepe sanguinis e brachio missione, atque medi-^{bae mulie-} camentis sanguinis calorem nimium temperantibus (b), imo & blande adstringenti-^{res curan-} bus, adjuncta simul particula Mas. Pil. de cynoglos. quiete corporis & mentis, victusque legitima ratione cohibetur; imo, si modica, sola saepe quiete & animi

(a) Anno 1737. hic Helmstädtii gravis partui vicina, alias satis robusta, inopinato tam vehementi sanguinis ex utero profluvio, sine externa aliave manifesta causa, corripiebatur, ut intra unius horae spatium, licet Obstetrix satis perita praesens fuerit, diem obierit. Maritus morosus sectionem cadaveris, quam ab ipso desiderabam, admittere noluit, adeoque neque foetum servare, neque causam hujus mortis subitaneae indagare potui.

(b) V. g. pulv. antispasmi. vel temperant. c. spec. de hyacintho, cum vel sine pauco opio, itemque potus aquae frigidae, nitro vel acido impraegnatae; itemque aqua bursae pastor. cum sirup. corall. vel decoct. citrat. Mynsicht. pro potu ordinario. Externe cataplasma ex vino rubro frigidiuscule applicatum, vel & oxycratum.

animi tranquillitate curatur. *Sed si haec profusio sit largior, ex ipso utero proveniens, atque remediis his non cedat, solutae ab utero placentae ortum plerumque debet; quae proinde non, nisi foetu & secundis manu extractis, si praedicta frustra adhibita fuerunt, cohibetur; quia uteri vasa sanguifera aperta, & a foetu intus contento diducta, se, quamdiu foetus intus est, constringere nequeunt.* Itaque quando cognoscimus medicamenta illa parum proficere, contra autem fluxum sanguinis continuare imo augeri, gravidamque magis magisque debilitari, imo animo linqui, nihil aliud auxilii superest, quam foetus prompta per manum ex utero extractio (a). Sunt vero qui hic dubitant, *an liceat vim inferre foetui, ut mater servetur*, sed VALENTINUS in epistola hac de re scripta, autoritate magnorum Medicorum, & ratione id affirmat. Conf. Cap. 153. § X. Perficitur vero haec extractio his fere artificiis.

I V.

Quomodo
foetus ex-
trahendus.

Ante omnia mulier super mensa lectulove transversim supina, calcaneis retractis diductisque probe cruribus atque clunibus paullo elevatis, ita deponatur & contineatur, quemadmodum circa partum difficiliorem jam supra Cap. 152. & 153. indicavimus. Eo facto si foetus est adhuc parvus, primis scilicet mensibus, duo digiti, oleo inuncti, atque in uterum blande immissi, saepe sufficiunt ad ejusmodi foetum vel solum, vel una cum secundis extrahendum, atque ejusmodi foetus abortus dici solet. Sed si est in ultimis mensibus, Chirurgus manum oleo seu pinguedine extus inunctam per vulvam ad usque ipsum uteri osculum blande demittat, primoque, nisi jam hoc per se, ut quandoque fit, satis pateat, unum, mox binos, denique, si res id exigat, reliquos paulatim digitos, sed summa tamen cum mederatione in uterum inserere idemque sic sensim sensimque diducere studeat, ut integram tandem manum intromittere & foetum pedibus extrahere blande valeat. Quod ipsum equidem quam difficulter saepe fieri soleat, dici vix potest, praesertim si placenta, ut haud raro in his casibus fieri solet, circa os uteri sita sit, eique magna ex parte adhuc cohaereat (b). Attamen summa ope atque industria, ut hoc fiat, niti decet; atque placenta, ubi minime adhaeret, digitis & tandem manu in tantum leniter removenda, quantum opus est, ut haec integra immitti queat; cavendo, ne major, quam pro manu immittenda opus est, placentae ab utero separatio fiat: quia hac ipsa largior, quam jam est, sanguinis profusio, quae mortis causa esse posset, concitaretur. Si ab utero soluta circa os uteri haereret, & Chirurgus impedimento ne ad foetum accedere posset, esset, eam ante foetum extrahit HORNIVS (c), & deinde foetum; verum praedictum modum praestare existimo. Vel si placenta nimis hic cum ore uteri concreta esset, quam ut solvi, vel ut manum suam Chirurgus immittere valeret, digitis ea perumpenda, donec manui accessus pateat; Naturae enim negotium committere aut

per

(a) Quidam medicamentis pellentibus foetum expellere volunt; sed hi potius animam cum sanguine, quam foetum plerumque expellunt.

(b) Conf. BRUNNERI Diss. de partu p. n. ob situm placentae super os internum uteri.

(c) Lib. citato, pag. 28.

per expectationem hic curare velle, nimis periculosum bonoque Medico indignum est, adeoque minime suadendum. Manu itaque in uterum depressa, pedes infantis mox quaerendi, eisque foetus, quamvis etiam forte nondum maturus sit, ut mater servetur, extrahendus (a). Sed quia foetus membranae tunc saepe nondum sunt disruptae; discerpi per admosos digitorum ungues prius debent, vel etiam per uncinulum, ut supra jam diximus, si duriores sint, ut pedes rite comprehendi queant. Sed si membranae foetus jam disruptae, ut quandoque fit, percipiuntur, id quod ex partibus foetus nudis cognoscitur, non opus est eas discerpere; sed mox, ut dictum est, pedibus foetus comprehendendus. Fieri id ipsum faciliore negotio consuevit, si pedes ori vulvae imminet. Longe vero difficilius existere operandi negotium istud solet, sicubi in caput conversus esse foetus deprehenditur: quia satis firmiter comprehendi caput lubricum hic vix potest; neque pedes tunc, quia sursum spectant, tam facile reperiuntur. Interea tamen omni studio investigandi capite prius ad latus remoto, eisque foetus educendus.

V.

Foetu hunc in modum ex utero matris educto, statim etiam & sua velut sponte excidere secundae, utpote satis jam tum resolutae, ut plurimum consueverunt; sed si forte ex parte adhuc adhaereant, digitis leniter solvendae & ejiciendae. Quid foetu educto faciendum. His protractis, sanguineque concreto, ut CELSUS jam docuit (b), intus latente manu expurgato, (ne dolores post partum concitet) sensim sensimque parcius fluere, tandem autem, praesertim post observatam quietem strenuam atque adhibita medicamenta convenientia interna & externa, penitus conquiescere sanguis solet: quia uterus jam se ac simul vasa sua antea aperta constringit, atque hoc ipso sanguinis profusio paulatim cessat. Interim ut facilius una cum sanguine reparari vires in mulieribus his aegris eisque ut plurimum valde debilibus queant, eadem omnino hic sunt facienda, quae universe post sanguinis profusiones nimias supra Lib. de vulneribus commendavimus. Scilicet saepius modice calidas praebere illis sorbitiones convenit: quales nimirum e jusculis quibuscunque, lacte calido, amygdalarum emulsione, vel & gelatinis, vel denique e cerevisia calida praeparantur, aquisque simul ac potiunculis roborantibus. Ceterum observasse hic juvabit, mulieres istiusmodi aegras, nisi ante horam sextam ipsae intermorianur, fere semper convalescere; quia interea sanguinis fluxus cessat, & mulieres hoc ipso tempore a novis eisque tenuibus alimentis rursus aliquales vires colligunt; reliquas autem, quae decedunt, a nimia sanguinis profusione & inde pendente nimio virium defectu, ob nimis tardam foetus extractionem absumi: adeoque haec foetus extractio in similibus casibus, ut jam monuimus, non nimis diu, hoc est, non ultra instantes animi defectiones, differenda. Novi multas mulieres, quae vel ex rejecta aut neglecta hac curatione, vel ex nimis tarde ea admissa, in flore aetatis perierunt. Curationis hujus modi exempla qui nosse cupiunt, inter alios etiam MAURICAEUM velim consulant (c).

VI.

(a) Si uteri haemorrhagia a causa violenta externa oritur, eadem ratione est cohibenda.

(b) Lib. VII. Cap. 29.

(c) Observations sur la grossesse, vid. index titulo: Perte de sang. & Observations dernières, Obs. 89. DE VANTER. Cap. 33. p. 144. LA MOTTE Lib. de art. Obstetr.

Pars II.

M m m m m

V I.

Puzosii sen-
sentia &
modus.

Denique hic adhuc notandum, quod recentiores de hoc argumento Scriptores doceant, his in casibus a doloribus partus nullum commodum pro puerpera esse sperandum; quia hi non foetum, sed sanguinem tantum expellerent verum a sola manu, quae foetum extraheret (a), atque hujus sententiae ego quoque haecenus fui. Verum in Act. Acad. Chirurg. Paris. (quae *Mémoires de l'Académie Royale de Chirurgie* vocantur) Puzos, unus ex membris ejus, quia quamplurimae harum mulierum ita curatae morerentur, de hac curandi ratione aliter sentit, atque dolores in his non adeo esse noxios, ut a multis proclamarentur, sed potius se per quam utiles ipsos observasse, si modo Chirurgus iis rite uti sciat, & sequentem modum proposuit, quo & mater & infans saepissime vivi conservari his in casibus possint. Nimirum docet primo *initium & finem graviditatis sanguinis profusionibus magis esse obnoxium*, quam tempus medium, ejusque rei rationes praebet, *in fine autem eas esse periculosissimas*, quia haec ut plurimum a placenta ob causam quamcunque ab utero soluta ortum traherent. Principio ipsas ut plurimum saepe sanari posse ostendit, ut supra jam dixi, venae sectione, medicamentis temperantibus, quiete & apta victus ratione; sed si haec frustra adhibita fuerint, ad foetum ejiciendum atque ad matrem & foetum servandum, mature progrediendum esse, verum non violenta illa haecenus usitata ratione, quam supra descripsi; sed quia observavit, rem in mulieribus ejusmodi malo correptis, quae fortes habuerint dolores, ut plurimum evasisse & foetum feliciter edidisse, naturam se hic imitari studuisse, atque ubi dolores in ejusmodi mulieribus defecerint, eos se apta ratione excitare allaborasse, & sic hanc rem feliciter successisse, quam per modum illum violentum haecenus usitatum, seque sic usu didicisse illam vulgari praestare & longe securiorem esse. Itaque si mulier ejusmodi ultimis mensibus larga sanguinis profusione laborans ipsi obvenerit, ubi dolores defecerint, se dolores ita resuscitasse, ut ope unius vel plurium digitorum os uteri sensim sensimque, blanda ratione diduxerit, quo auxilio os uteri sensim se aperuisset & aquae aliquo modo se formassent: ubi tunc membranas earum diruperit, ut effluerint, quo factum esset, ut uterus ejusque vasa ob spatium in eo factum sensim se contraxerint, quo haemorrhagia fuerit imminuta & infantis caput ad os uteri propius propulsum; atque continuando blandam illam oris uteri per digitos dilatationem & dolorum continuationem, satis brevi tempore tunc ut plurimum partum secutum & matrem atque foetum plerumque servatum esse, quae vel sola naturali, vel consuetudo violento extractionis modo periissent, hac vero partim naturali partim violenta procedendi ratione servatae essent: id quod observationibus nonnullis confirmat & illustrat. Si autem forte hac via mater & foetus servari non possent, v. gr. aegra jam nimis debili, his aliquamdiu praemissis foetum tanto facilius pedibus secundum consuetam rationem, minori incommodo ac dolore extrahi posse, atque sic illam vulgari methodo jure praeferendam esse: id quod itaque usu magis erit confirmandum.

CAPVT

(a) Ut Mauriceau, Deventer, la Motte, Friedius, Stuart, Friderici Manningham &c.

C A P V T C L V.

Quomodo secundas sive secundinas extrahere conveniat.

I.

Secundinae vulgo, veteribus secundae dictae (a), sunt eae partes, quae Si facile re-
foetu edito, secundo quasi partu a puerperis eduntur, constantque ex fu- solvi secun-
niculo umbilicali, membranis, chorio scilicet & amnio, quibus foetus in u- dae possunt.
tero inclusus erat, & denique ac potissimum ex placenta, uterina dicta: hac
enim exclusa, etiam reliquae ut plurimum simul exclusae sunt. Dico ut plu-
rimum: nam interdum, exclusa placenta, membranarum pars utero adhaerens
intus remanet, & putrefactione gravia quandoque mala concitat (b). Hae
in partu naturali, ubi placenta fundo uteri adhaeret, ut plurimum statim ab
exposito in lucem infante, ac sua velut sponte, excidunt, vel saltem nifus bene-
ficio a puerpera facile exprimuntur. Sed saepius tamen, praesertim si fundo non
adhaeret (quod DEVENTERUS frustra negavit) singulari prudentique studio re-
solvere ipsas convenit: quando scilicet foetum natum non mox sequuntur, si-
cut plerumque fieri solet, si placenta lateri uteri adhaeret, (id quod ex du-
ritie in latere ventris externe cognosci potest) vel etiam ob insignem magnitu-
dinem (c), vel quando forte cum utero fortius cohaerent, aut quando post
abruptum, ob quamcunque causam, funiculum umbilicalem placenta cum an-
nexis membranis foetus intus remanent & hujus ope educi nequeunt. Nisi
enim quamprimum ipsae excutiantur, periculum est, ne brevi, ut saepe fit, os
uteri claudatur, ut postea vel non, vel saltem longe difficiliter exeant, eaque
intus putrescant, atque gravissimos cum mali moris febribus dolores, aut
lethiferas sanguinis profusiones (d), quin & mortem ipsam, ut quamplurimi
testantur Autores, concitent (e). Antequam vero secundarum extractionem
aggrediamur, oportet semper prius manum in uterum immittere & inquirere an
non alter aut plures forte adhuc insint foetus. Nam ubi hoc est, praematura
earum extractione periculosa haemorrhagia uteri concitari, & parturiens una
cum ceteris adhuc intus contentis infantibus interfici posset. Quare alter &
si plures sunt, per pedes manu prius omnes extrahendi, & tandem demum
ipforum secundae. Non sum equidem nescius, Medicorum aliquibus eam secun-
darum extractionem, quae manu fit, supervacuum ideo videri, quod ipsae vel
brevi sponte, vel etiam jam tum putrefactae post aliquot demum dies, imo
hebdo-

(a) Vid. CELSUS Lib. V. Cap. 25. & Lib. VII. Cap. 29.

(b) Testantur quoque hoc PAUCUS (Gallice Mr. Peu) l. c. p. 499. & 504. atque AMAN-
DUS Lib. cit. p. 38.

(c) Vid. hac de re MAURICAEI Obs. 526. similesque ipse vidi.

(d) Conf. ejusd. Observ. posteriores, vulgo dernières, Obs. 25.

(e) Ut TULPIUS Lib. 4. Obs. 42. MAURICEAU multis in Observationibus, CONAU-
SIUS in Lucina Ruyschiana, qui multa exempla, multis ex Scriptoribus collegit.

hebdomades *per se nonnunquam procidunt* (a); sed magis tamen providum atque tutum eorum iudicium esse arbitror, qui ad ejiciendas ex utero secundas, nisi naturaliter foetum mox sequantur, *manum continuo adhibendam*, cum HIPPOCRATE, CELSO plurimisque recentioribus Medicis praecipiunt (b): quia *quamplurima prostant exempla*, mihi quoque ipsi varia nota sunt, ubi puerperae relictis secundis misere a variis gravibus malis, ut doloribus enormibus, profusionibus sanguinis vehementibus, *febris pessimi moris* anxietatibus, circa praecordia &c. *conflictatae*, vel *omnino mortuae* sunt. Igitur, nisi gravis quaedam ratio contrarium postulaverit, *non sunt e fella demittendae*, sed tamdiu contineri mulieres, foetum enixae, in sedili suo vel alias consueta partus positura debent, donec a secundis omnibus, dum vel aliqua pars relicta saepe gravia mala movet (c), decenter sint liberatae. Oportet autem hic ante omnia providere, ut celeriter & mox post partum, ubi uterus adhuc satis apertus, haec singula expediantur: ne scilicet, prouti fieri naturaliter solet, os uteri post foetum editum, rursus coarctetur, & manibus deinceps facilis accessus denegetur; adeoque post haec vel plane non, vel saltem difficulter admodum extrahere quicquid alieni intus remansit, liceat. Nisi ergo secundae, confecto partu, statim aut brevi saltem sequantur, mox ad ductum funiculi umbilicalis dextra profunde ad placentam in uterum immittenda, (retinendo funiculum umbilicalem sinistra) placenta prehenda atque blande educenda (d); sed si paullo fortius intus adhaereat, necessarium omnino est, *infantis funiculum umbilicalem ex utero propendentem ea ratione abscindere* ac prope foetus umbilicum ligare, quam supra (Cap. CXI.) descripsimus: tum funiculi resecti & cum placenta adhuc nexi parte extrema ductibus aliquot circum sinistrae manus digitos gnavigiter involuta, dextra vero, duce hoc funiculo umbilicali, in uterum demissa & ipsi placentae admota, vid. Tab. XXXIII. fig. 13. leniter trahere manumque blande agitare, donec tandem secundae ab utero recedant, & trahentem sequantur (e). Si ne sic quidem negotium adhuc succedit, non solum altera manu, vel etiam ab adstante muliere, fricandus blande venter est atque comprimendus, quo ipso subinde facilius solvitur; verum etiam hortandae mulieres sunt, ut tussis vel sternutatio, atque

(a) Hoc inter veteres potissimum PAULUS & Fabricius ab AQUAP. inter recentiores cum primis Cel. RUYSCHIUS ultimis vitae suae annis docuit, in Libello 1725. & 1726. Amstelodami, de uteri placenta, edito, itemque in Advers. Anat. II. p. 30.

(b) Referendi huc, praeter caeteros, sunt HILDANUS in Epist. ad DOERINGIUM, GUILLEMAEUS, MAURICAEUS, VIARDELIUS, PAUCUS, RULOVIVS, DIONISIUS, DEVENTERUS, MOTTIUS, HORNIVS Suecus; & cum primis LEPORINUS ac COHAUSIVS peculiaribus libellis contra RUYSCHIVM, itemque Dissert. de non differenda secundinarum extractione HARTTRANFFTI, Lipsiae 1735. edita 4. & STUARTI de secundinis, Argentorati 1736, alii quoque plurimi.

(c) Vid. DEVENTER. l. c. Cap. 33. alii quoque.

(d) Sunt qui scribunt, veteres hunc modum secundinis extrahendi ignorasse: verum qui CELSUM Lib. VII. Cap. 29. legent, eum hoc jam quam accuratissime scivisse & planissime docuisse perspicient.

(e) Multi suadent, ut solum funiculus, extra uterum prehensus trabatur, donec placenta sequatur. Verum hoc minus suadendum est, quia funiculus sic saepe rumpitur, & postea placenta longe difficilior & reperitur & educitur, praesertim tenuis aut putrida: adeoque praestat manum mox ad ipsam usque placentam, ut dixi, in uterum demittere.

atque saepe repetiti nifus beneficio, perinde scilicet, ac in ipso partus negotio fieri solet, exprimere paulatim secundas nitantur: ita saepe ab utero solvuntur & deinde facile ejiciuntur. Ceterum *summa in trahendo funiculo umbilicali & placenta necessaria moderatio est, ne qua forte paulo fortiori tractione funiculus rumpatur, vel ipse uterus, ut quandoque imprudentibus Obstetricibus contingit, graviter laedatur, vel omnino simul extrahatur, unde summum vitae periculum, sicut infra uberius exponemus, imminet. Praeterea educta placenta manus iterum, sicut CELSUS olim jam rectissime praecepit (a), in uterum demittenda, eaque non solum grumi sanguinis concreti, si qui adsunt, aut etiam secundinarum forte relictarum frustula expurganda, vel mola aliqua excutienda, quae alias relictæ dolores vehementes post partum & profluvia sanguinis graviora concitant; verum denique etiam manus in pugnam contracta aliquamdiu adhuc in utero continenda, donec sensim uterus aequaliter se constringat, quibus ipsis varia gravia mala, quae alias saepius sequi solent, praecaventur.*

I I.

Ubi vero firmitus adhuc secundae intus haerescunt, quam ut vel praedicta ratione protrahi queant (b); necessarium utique est, paulatim secundas, ab istis uteri partibus, quibuscum adhuc cohaerent, digitis interjectis resolvere & quasi blande deglubere. Quod ipsum equidem ut plurimum non usque adeo difficulter fieri posse, si aliqua in parte jam ab utero solutae sunt, & pollex extremo funiculi sive centro quasi placentaef infigatur, digiti vero reliqui, inter placentaef & uterum interjecti, solutam placentaef partem amplectantur uberiusque quam levissime resolvant atque educant, frequens rerum usus me docuit. Sed ubi firmitus adhuc cum utero secundarum partes omnes ubique cohaerere sentiuntur, difficilior longe casus est; attamen danda opera est, ut altera manus externe ventri, ubi tumor & durities sentitur, imponatur, isque probe fricetur; altera in utero per digitos, praesertim vero indicem & medium, primo in parte aliqua extrema sensim sensimque ab utero resolvantur, atque solutae postea, ut modo dictum est, comprehendantur & extrahantur. Vel si hoc fieri ob orarum fortiolem concretionem nequeat, ea circa medium digitis perforanda & inde uberius solvenda. Sed maxima tamen cum moderatione perfici ea singula oportet, ne scilicet vel per ungues digitorum, vel per vehementiorem avulsionem graviter uterus laedatur, aut violenter simul una cum secundis extrahatur. Nam dantur profecto subinde casus, ubi tam firmitus cum utero concretæ sunt, ut quasi unum corpus conficere videantur, & sine vi, sicut ipse expertus sum, inde deduci nequeant; imo & PARAEUS mentionem facit secundinarum, quas nulla ars evellere poterat (c): quae vero, si vi evellantur,

Si firmitus
secundae
intus haerescunt.

(a) Loco modo citato. Ex quibus etiam cognosci potest, veteres & praesertim nobilissimum CELSUM plura de Obstetricandi arte scivisse, quam vulgo multi recentiores credunt.

(b) Monendum hic est, quod placenta lateri uteri adhaerens, rarissime sponte aut facile egrediatur, sed digitis ab utero separanda sit; attamen quo magis in latere haeret, eo fortius adhaeret, absque eo difficilius educitur.

(c) Lib. de generat. homin. Cap. 18.

tur, matri plerumque lethiferae sunt, ut varii annotarunt (a). Igitur nisi absque insigni adhibita violentia solvi ac educi possunt, satius utique est, a manuum opere abstinere, & a medicamentis roborantibus ac pellentibus, qualia hic, ut saepius experientia cognovi, specifica sunt pulvis ex arefacto anguillae hepate una cum bile, vel myrrha & borace confectus, cum aqua pulegii ac cinamomi aliquoties mulieri ingestus; vel pilulae aloeticae & cumprimis Becherianae, vel his similes, sanitatis praesidia petere, quibus tamen etiam adjungere possumus ventris frictiones, blandae pressionis, fomentationes, clysterem aliquem acriorem sive fortiozem, itemque suppositoria sive glandes album citantes, vel & pulverem sternutatorium, quem HIPPOCRATES jam laudavit, cetera vero naturae potius benignitati committere, quam violenta manus applicatione vel placentam nimis adhaerentem & cum utero firmiter concretam, una cum utero graviter dilacerare; eoque ipso gravius aliquod periculum aut mortem ipsam, ut multi observarunt, concitare. Similis adhibenda est prudentia, si tum demum ad excutiendas secundas Chirurgus advocatur, quum, propter communem plerarumque Obstetricum imprudentiam & cunctationem, ita jam tum praecclusus rursus esse uterus deprehenditur, ut manus in eundem sine vi penetrare, pro comprehendendis secundis, nequeant. Interea tamen, si forte ab Obstetricibus mox post partum secundae non sint eductae ob quamcunque causam, dum os uteri saepe in multis post plures horas, imò post unum alterumve diem ita adhuc patet, ut levi negotio digiti aut manus immitti eaeque excuti feliciter queant, Medicus vel Chirurgus peritus vocatus, praesertim si puerpera ab iis liberari desideret, hoc cum prudentia tentare poterit.

I. I. I.

Quomodo
extrahenda
si funi-
culus ab-
ruptus.

Quando funiculus umbilicalis vel ex imprudenti Obstetricantis tractatione, vel ob nimiam tenuitatem ac debilitatem, quae saepe in eo observatur, vel quando circa ventrem aut crus &c. circumvolutus est, vel etiam ob putrefactionem, praesertim quando foetus jamdiu mortuus in utero haesit, disruptus est, cumprimis juxta placentam, ita ut sic is viam ad hanc nobis monstrare amplius nequeat, difficilior longe placentam in utero obscuro, quorsum visu pertinere non possumus, deprehenditur, potissimum quando adhuc intime cum utero cohaeret; quia ipsa tunc difficulter ab uteri substantia solo tactu distinguitur, maxime si quis his in rebus minus adhuc est exercitatus, atque sic facile uterus loco placentae comprehendendi ac graviter violari posset. Adeoque si hoc rite inquirere volumus, mulier ita resupinanda est, ut in partu difficile supra Cap. CLII §. XIV. docuimus, & magna cura est adhibenda, ut placenta ab utero tactu rite distinguatur. Quando forte adhuc particula quaedam funiculi umbilicalis juxta placentam superest, isque non penitus abruptus est, ut saepe fit, circa hunc placenta comprehendendi & blande movendo educi debet. Quando autem penitus abruptus est, tunc cognosci & dignosci ab utero debet ex substantia, quam obtinet, vasculosa & inaequali; dum vasa majora sanguifera,

(a) Vid. ZACUT. LUSITAN. Oper. Tom. II Cap. 19. SOLINGEN. in Embryulc. Cap. 34. SIEGISMUNDA Obstetrix Brandenburgica, Lib. de Art. Obstetric. p. 257. MAURICEAU Obs. 415 & 658. RUYSCHIIUS Adv. Anat. Dec. II. p. 30. 31.

fera, qualia fere in Tab. XXXIII. fig. 13. conspiciuntur, digitis in ea nervorum sive funiculorum ad instar, percipi possunt; ubi manu *comprehendenda* & *vacillando sive hinc inde motitando* ab utero blande solvenda atque extrahenda: id quod commodius fit, si Chirurgus alteram manum illi abdominis lateri, quod prae altero elevatum ac durum est, atque subjectam placentam indicat, superimponit, eamque multum ac leniter fricat & comprimit, vel idem adstantem mulierem facere jubet. Notandum denique hic est, DE VENTERUM Lib. saepe cit. Cap. IX. & nonnullos alios docere, placentam semper fundo uteri adhaerere adeoque eam ibidem quaerendam esse, verum GRAAFIUS (a), SLEVOGTIUS (b), HORNIUS Suecus (c), BRUNNERUS (d), ego (e), STUARTUS (f) aliique jam dudum contrarium docuimus; hinc si in fundo non percipitur, tunc vel in lateribus, vel in parte anteriori vel posteriori quaerenda est, donec tandem inveniatur; ubi solvenda & ut dictum est, ejicienda. Educta placenta semper examinanda utrum integra an pars forte ejus intus relicta sit. Si hoc sit manus denuo ingerenda, relicta pars investiganda & blanda ratione quoque una cum concreto sanguine extrahenda.

I V.

Non possum, quin paullo nunc prolixius hic eam curandi rationem exponam, quam celeberrimus Amstelodamensium quondam Medicus, RUYSCHIUS, paucos ante mortem suam annos, contra communem Medicorum sententiam, primo libello singulari hanc in rem edito proposuit. Scilicet *is nullam fere artificialem resolutionem ad ejiciendas ex utero secundas*, adhibendam, sed *naturae potius bonitati* & *peculiari cuidam musculo orbiculari*, quem in fundo uteri hunc in finem adesse vult, easdem relinquendas esse; siquidem manum quam lenissime trahentem non continuo ipsae sequantur, statuere videtur. Atque id magis etiam ideo, quia ipsemet, Medicus quippe nonagenario tunc major, ex longo harum rerum usu se didicisse affirmat, nunquam fere non graves admodum noxas suboriri, si per insertas in uterum manus secundae ab utero resolvantur: quin & *quamplurimas mulieres, quae artificiosam istiusmodi curationem senserint, miserabiliter confectas esse*; contra vero plerasque fere omnes, in quibus secundae, paulo firmitus adhaerescerent, relictae fuerint, satis feliciter consanuisse, partibus alienis solius naturae beneficio sensim ex utero ejectis. Itaque summam semper adhibendam hic esse cautionem praecipit, ne temere unquam istiusmodi curatio suscipiatur. Ego vero quemadmodum diffiteri nequeo, & mihi, & Medicis expertis aliis, & Obstetricibus denique expertissimis in promptu esse non pauca istiusmodi mulierum exempla, quae ab intus relictis secundis sunt extinctae

(a) Lib. de part. genital. mulier. in Oper. ejus. p. 206.

(b) Diss. de secundinarum retentione, itemque in peculiari schediasmate de incerta placentae fede.

(c) Lib. saepe citato pag. 62.

(d) Dissert. de partu p. n. ob situm placentae super orificium uteri internum.

(e) In Compend. Anatom. §. 242. ubi de placenta agitur.

(f) Diss. de secundinis salutaribus aequae ac nocivis, BOEHMERUS Diss. de situ uteri gravidi foetusque a sede placentae in utero.

tinctae (a), sic firmiter quoque persuasum habeo, RUYSCHIIUM non quamcunque secundarum extractionem, sicut nonnulli perhibent prohibere voluisse; sed tantum istam, quae cum violentia est conjuncta, quemadmodum manifeste videre licet ex Advers. ejus Anatom. Dec. II. pag. 30. & seq. utpote quam quoque ipse cum multis aliis, supra jam nominatis, mortiferam observavi, dum mulier paullo post extincta est. Facere itaque aliter vix ego possum, quam ut statuam, haud intus relinquendas, neque naturae committendas esse secundas, quae citra violentiam, ut supra docui, resolvi atque extrahi ex utero possunt; quae vero sine insigni violentia excuti nequeunt, (quales tamen raro occurrunt) vel si puerperae convulsiones superveniunt, illas relinquendas & aegras praedicta ratione, medicamentis scilicet, tractandas esse. Ubi enim prodesse non potes, (juxta tritum illud antiquorum Medicorum praeceptum) cave ne noceas: nam successu temporis saepe sponte adhuc excernuntur, ut Autores quamplurimi notarunt (b), atque ego ipse aliquot exempla notavi.

V.

Mea sententia proponitur.

Interea tamen haud pridem in aliquot ejusmodi casibus, ne grave hoc negotium soli naturae, quae hic saepe admodum impotens aut infida est, relinquerem, suasi, ut dum remedia §. II. laudata adhibentur, Obstetrix bis terve in die duos digitos priores in vaginam ad os uteri usque blande immittat, & si quid forte secundarum ibi sentiat, prehendat atque leniter educat, praesertim si tunc puerpera ad parietem pedibus diductis stare potest: quo effici, ut, dum in hoc statu secundae sensim ab utero recedunt, & inter surgendum, imo & inter ambulandum (si fieri potest) in vaginam aut saltem os uteri descendunt, sensim vel integrae, vel per frustra digitis illis eductae puerperae inde liberatae sanitatique restitutae sint, quae sine his adminiculis forte vel periissent, vel gravi ac diuturno morbo confectae fuissent. Quodsi autem jam tum ex neglecta matura extractione putrefactae vel corruptae secundae reperiuntur, providere quoque omnino convenit, ne simul uterus corrumpatur. Oportet autem, ad servandum atque a putredine vindicandum uterum, si manu vel digitis extrahi nequeunt, decoctum aliquod vulnerarium, v. gr. ex herba agrimoniae, scordii vel absynthii cum admixta mellis rosarum atque elixir. proprietatis portione quadam, vel & liquorem similem alium expurgantem atque emollientem, syringis atque fistulae, tabula VI. fig. 12. & 13. delineatarum, subsidio aliquoties per dies singulos injicere atque identidem clysteres acriores in intestina immittere, idque tam diu facere, donec materiae corruptae atque alienae nihil intus reliquum esse animadvertatur.

I V.

(a) Conf. etiam hic potest LEPORINI Scriptum Germanicum de secundinis & COHAUSII Lucina Ruyschiana, itemque HORTTRANFFTI Diss. supra laudata, de non differenda secundinarum extractione.

(b) Ut HIPPOCR. de morb. mulier. Lib. I. AETIUS Tetrabibl. Lib. IV. Serm. 4. C. 24. AEGINETA Lib. VI. Cap. 75. PARAEUS Lib. de Generat. hominis Cap. 18. BARTHOLINUS, SOLINGIUS, MAURICAEUS, RUYSCHIIUS alique recentiores plurimi.

V I.

Si placenta ab utero, per spasmus forte constricto, ita retinetur, quasi in peculiari sacculo aut diverticulo contineretur, qualia exempla nonnulli recentiores referunt (a), difficulter quidem ea, praesertim ab harum observationum ignorantis deprehenditur, qui placentam prorsus deficere forte putabunt. Attamen quibus hae observationes perspectae sunt, ut ejusmodi placentam, quasi in carcere detentam, educant, funiculum umbilicalem, quasi filum ariadnaeum, manu sequuntur, & quando haec ad os illius diverticuli, quod ut os uteri circa instantem partum connivet, primo digitum unum atque alterum, postea simul reliquos etiam digitos in conum contractos in os illud demittunt, hisque deinde expansis hoc diducunt, donec integram manum inferere, placentam arripere atque educere valeant. Ceterum si quis plures de retentis secundis legere Observationes cupierit, is praeter alios cumprimis MAURICAEUM (b), MOTTIUM (c), COHAUSIUM (d), HARTRANFTIUM & STUARTUM in Dissert. de secundinis jam citatis, aliosque velim consulat.

Si placenta in peculiari sacculo contineretur, quasi diverticulo haeret.

Explicatio Tabulae trigesimae tertiae.

Fig. 1. Ostendit quomodo in parturientibus os uteri internum digito uno alterove, num directum uterus habeat situm an obliquum, itemque utrum adhuc adstrictum an apertum sit os uteri explorandum; ut inde de partu naturali vel praeter naturam, facili vel difficili, instante vel remoto, Chirurgus aut Obstetrix rite judicare, & quid faciendum inde concludere possit.

A, est uterus gravidae.

BB, vagina aperta & orae dissectae reclinatae.

C, os uteri internum in situ recto, naturali & bono, sed fere adhuc clausum.

D, manus explorans digitum indicem, vel etiam, ubi fieri potest, simul medium per vaginam ad os uteri demittens, pollicem vero sursum erigens ac reliquos digitos deprimens, ut tanto facilius ad os usque uteri pertingere, ejusque constitutionem ac situm explorare queat. Quando vero hoc os uteri C sive ad B dextrum sive ad B sinistrum vergit, sive antrorsum ad os pubis, sive, quod frequentissimum est, retrorsum os sacrum versus, situm uteri obliquum & partum difficilem aut laboriosum indicat.

Fig. 2. Naturalem infantis in partu posituram repraesentat, ubi caput per os uteri & vaginam, sub pubis arcu, sive ossibus prorumpit. Litt. A infantem,

(a) Ut PEU sive PAUCUS Lib. cit. p. 494. 508. 511. 512. RUYSCH. in Advers. anatom. II. p. 30. MEYFELDIUS Diff. de partu difficili, ex spastica strictura uteri circa placentam, Altonii 1732. edita pag. 8. & 17. HARTRANFT. in Diff. de non differenda secundinarum adhaerentium extractione, Lipsiae 1735. pag. 21. & STUARTUS Diff. de secundinis Argentorati 1736. evulgatis.

(b) Cap. 9. lib. II. de morbis mulierum praegnantium ac parturientium, nec non in Libro observationum, ubi plures de his, ac speciatim Obs. 415. & 658.

(c) In Observationibus de arte Obstetricia.

(d) In Lucina Ruyschiana.

Pars II.

Nnnnnn

tem, BB, uterum apertum, ut situs foetus in partu naturali & maxime usitato conspici queat; CC, ossa pubis; DD, ossa ischii; EE, ossa ilei; F, funiculum umbilicalem; G, denique *secundas*, utero adhuc adhaerentes designant.

Fig. 3. *Infantem pedibus* tempore partus exitum quaerentem demonstrat.

Fig. 4. *Foetum natibus* ex utero prodeuntem, & quomodo digitis utrinque adhibitis hic partus promoveri queat, exhibet.

Fig. 5. *Infantem repraesentat transversim positum*; sed cujus dorsum vaginae & ori uteri accumbit, una cum manu Chirurgi, quae ad foetus pedes quaerendos foetumque eis invertendum in uterum demittitur.

Fig. 6. Designat *foetum pedibus manu comprehensum* & inversum, & quomodo his educendus.

Fig. 7. Infantem sistit, *cujus venter uteri ori & vaginae opponitur*, atque simul quoque transversim positus est: quo in situ saepe simul funiculus umbilicalis cum vitae foetus magno periculo ex utero procidit.

Fig. 8. Foetus est, cujus *caput sinistro ossium pelvis lateri insistit*; cujus vero collum ab utero se constringente plerumque valde contorquetur; unde partus difficillimus imo impossibilis saepe oritur.

Fig. 9. Exhibetur *infans capite ad dextrum pelvis latus inclinans*; & quomodo quandoque, praesertim mox post ruptas aquas, ejusmodi caput manu insertum rectum converti queat.

Fig. 10. Foetus repraesentatur, qui cubito vel humero ori uteri insistebat, & quomodo in hoc, aliisque plerisque posituris p. n. pedes manu ad cubitum usque in uterum demissa investigari, eorumque ope foetus converti ac pedibus arreptis extrahi debeat, sicut fig. 6. ostensum est.

Fig. 11. Indicatur, quomodo *infans brachio prolapso*, manus juxta hoc ad pedes quaerendos immittenda, foetusque ea educendus sit.

Fig. 12. Docetur, quomodo *infans, altero pede prodiente vel arte educto*, manus ad alterum quoque pedem quaerendum & educendum intus sit demittenda.

Fig. 13. Proponitur quomodo foetu excluso, si secundae non mox sequuntur, funiculus umbilicalis sinistra manu comprehendi, dextra vero ad ductum funiculi umbilicalis usque ad placentam in uterum insinuari, haec ipsa comprehendi, & blande ab utero diduci debeat.

AA, est funiculus umbilicalis;

B, manus sinistra eum comprehendens;

CC, uterus ejecto foetu jam valde collapsus;

D, manus dextra in uterum demissa placentam

E, comprehendens.

Fig. 14. *Sellam* exhibet, *partus negotio accommodatam*, quali nostrates mulieres partus tempore plerumque utuntur. AA indicat ejus latus posterius sive dorsum sedilis; BB, partes laterales; C, partem, cui insident parturientes, in medio excavatam, ut os coccygis liberum sit, quo facilius foetui egredienti cedere queat; DD, habenae, quas manibus comprehendunt.

Fig.



Fig. 15. Sellam aliam, eidem usui destinatam demonstrat, dorso versatili instructam, ut mox, si partus praeter naturam incidat, reclinari & quasi in lectum converti atque foetus facilius educi queat, id quod tamen etiam in alio lecto, si ejusmodi sella deficit, quando transversim parturiens ei imponitur, imo etiam in mensa quadam fieri potest.

Fig. 16. Ideam sistit ejus ferramenti sive hami lati & retusi, quem PALFYNUŠ pro infantibus vivis, aut quorum mors adhuc dubia, capite pertinacius in vagina haerentibus, sine noxa protrahendis commendavit. Vera ejus magnitudo altero tanto illum superat, quem in hac tabula designare potui. Duo autem semper in promptu esse debent, ut nimirum ab utroque latere caput iis comprehendi atque sic tanto facilius educi queat.

Fig. 17. & 18. Designant uncōs commodissimos, a latere spectatos, quibus in extrahendis infantibus, ubi opus est, uti soleo. Litt. A, eorum cuspides; BB, dorsum indicant.

Fig. 19. Manubrium nostrum uncis his adaptatum; quod primo variis sulcis, a a a a a, in parte, quae dorso unci respondet, instructum est, eo fine, ut solius tactus beneficio, dum pollicem iis impono, semper sciam, me cuspidem unci foetui, non utero infigere, ne uterus eo laedatur, aut laceretur. Deinde locus b b in formam colli excisus facit, ut laqueus hic jungi possit quo adstans vel minister extractionem, quae subinde difficillima est, juvare possit.

Fig. 20. Cuspidem unci seorsim a parte anteriori ostendit.

Fig. 21. Cuspidem unci duplicem exhibet, qui quandoque adhiberi potest.

C A P V T C L V I.

Qua ratione molas uteri excutere conveniat.

I.

SOlet quandoque in utero vel ex concreto sanguine menstruo, vel e secundis *Mola uteri* relictis (a), vel etiam e secundarum reliquiis, vel & ex ovulo quodam mulieris minus decenter foecundato, substantia vel materia quaedam carnosae quid sit atque informis pronasce, quae mulieribus multa saepe incommoda concitare potest,

(a) An. 1747. hic Helmstadii primipara, quae quadragesimum jam annum superaverat, difficillimo ac diuturno partu foetum tandem mortuum edidit; sed ob summam tunc ejus debilitatem, & funem umbilicalem ex putredine abruptum, obstetrix secundas educere non poterat, & aegra per biduum roborantibus tantum rescienda erat. In fine tamen secundi a partu diei massam informem crassam ac duram, sine ossibus, ut molam, ex utero ejecit, quae substantiam habebat a substantia & facie placentae vasculosa consueta maxime alienam. Erat enim densa, dura & compacta, fere ut frustum hepatis bubuli, & figuram habebat fere cylindricam, tres pollices amplam & septem longam, atque sic veram aliquam molam, non placentam, repraesentavit: quo ipso ostendere volo, quod placentae in utero in molas mutari possint, sicut id VATERUS in Diff. de molis Vitebergae 1702. edita, & RUYSCHIIUS quoque in Advers. Anatom. II. p. 32. & alii notarunt, & deinde quod non omnes mola

test, & a Medicis *mola uteri* solet nuncupari (a). *Rarius apud viduas atque virgines*, frequentius autem apud mulieres in conjugio viventes istiusmodi casus incidere manifestum est experientia. Interea tamen quandoque & in illis observatae sunt, & *praesertim in vidua honestissima* etiam aliquando ejusmodi *mola* vidi (b). Si ad *molarum figuram* & *magnitudinem* respexeris, mirificam earundum differentiam existere cognosces. *Quaedam etiam earum nusquam cum utero cohaerescere deprehenduntur*; aliae per unam alteramque venam aut fibram carneam cum eodem conjunctae sunt; aliae denique firmiter admodum & crasso quasi pedunculo ipsi adhaerescunt (c). Ut plurimum eadem solae; sed interdum tamen una cum foetu quodam progignuntur. Si absque foetu *mola* progignitur, post alterum plerumque vel tertium mensem, sua velut sponte atque ad instar infantis alicujus, praegressis plerumque partus quasi doloribus, & magno saepe cum sanguinis profluvio ab utero expellitur. Quod ipsum equidem ubi fit, aequè propemodum gravibus, quin & interdum longe gravioribus, ac in naturali infantis partu, doloribus, virium jactura aliisque incommodis mulieres exercentur. Nonnunquam a partu molarum usque adeo *larga profusio sanguinis suboritur*, ut in praesentissimum vitae periculum, nisi manu excutiantur, mulieres adducantur. Interdum *molae per complures menses* atque ita diu in utero persistunt, ut *consuetam gravidarum abdominis prae se ferant magnitudinem*, ac si revera gravidae essent.

I I.

Mola quibus signis cognoscatur.

Primis quatuor mensibus statui vix certe potest, utrum infans an *mola* quaedam intus in utero mulieris gravidae delitescat: siquidem communiter eadem utrobique signa sese ostendunt. Postmodum vero sensim sensimque discriminis alicujus indicia observantur. Namque ubi *mola* quaedam intus in utero continetur, 1) mulieres ne post quartum quidem vel quintum ab impraegnatione mensem commotionis aliquid rei vivae, in utero contentae, ceu fieri naturaliter in vere gravidis a foetu solet, quod *motum foetus* appellant, persentiscunt. Deinde 2) a *mola venter mulieris* primis mensibus mox intumescit atque etiam aequaliter ubivis intumescit; quum e contrario ab infante pars ventris umbilico proxima, vel & alterutrum latus magis, quam partes ejusdem reliquae, promineat, quod ante quartum mensem vix observatur. Porro 3) *mola modo in hanc, modo in istam ventris partem delabitur*, pro varia nempe mulieris positura vel corporis conversione: quod aliter omnino sese habet, sicubi verum eundem-

ab ovulis subventaneis aut non rite impraegnatis, ut quidam putant, oriantur. Fuisse vero hanc *molam* antea placentam inde cognosci poterat, quod ipsi adhuc, circa medium, frustulum funiculi umbilicalis, digiti longitudine adhaerebat, eaque excussa, puerpera haec uterum rursus sensit vacuum, ac liberum.

(a) Definiri potest, quod sit concretio carnea informis in utero sine secundis.

(b) Idem jam notavit MAURICEAU in Observat. suis ult. Obs. 33. KERKRINGIUS Spicileg. Anat. Obs. 81. quae *vehementissimis doloribus rejecta* fuit.

(c) Exempla quaedam huc spectantia descripta leguntur apud HILDANUM Cent. II. Obs. 52. GUILLEMAEUM, Lib. de gravidit. Cap. IV. SIGEMUNDAM sive Obstetricem Brandenburg. in praefat. nec non apud CONNORIUM in Diff. Med. physic. de humani uteri sarcinate, pag. 57. SAVIARD. Obs. 36.

eundemque vivum infantem aliquem uterus continet. 4) in mammis earum, quae molam in utero gerunt, plerumque nihil lactis colligitur; quum e contrario gravidarum mammae sensim sensimque magis ab eodem distendantur. 5) quoque mulieres graviores plerumque a molis, quam a veris infantibus incommoda sentiunt: neque enim facies modo colorem tetrum ostendit; sed universum quoque corpus cum cibi fastidio mirifice languescit, & frequenter doloribus ac cruciatibus circa lumbos & in pubis regione torquentur: unde tandem foetum haud in utero, sed molam quandam gestari intelligitur. Nonnunquam affectus modo propositos hydropis quoque imminentes signa existere posse, res ipsa, credo, loquitur. Denique 6) peculiaris mutatio oris uteri interni, quod tactu per digitos ab artis perito explorari debet, veram graviditatem a falsa sive mola egregie distinguit. Tandem 7.) in mola mulieres ut plurimum circa uteri regionem dolorem punctorium saepe sentiunt.

I I I.

Simul atque ex his atque id genus aliis indiciis constat, molam quandam non autem verum infantem intus in utero delitescere, ingruentibus partus doloribus vel sanguinis fluxus a medicamentis roborantibus, hisdemque a prudenti Medico propositis, capienda sunt curationis primordia (a). Quodsi autem, prout fieri quandoque solet, medicamenta ejusmodi nihil proficiant, atque uterus sanguinem fundat copiosum ab omnibus pellentibus abstinendum, & Chirurgum aliquem harum rerum peritum, vel idoneam Obstetricem adhibere convenit, qui manus adminiculo protrahere ex utero partem istam alienam studeat. Quandoquidem autem uterus clausus manum medicam haud facile admittit, & dolores partus desint, necessarium utique videtur, per adhibita medicamenta alvum citantia atque educentia, clystres item vehementes, fomenta & balnea partus dolores excitare, os uteri fomentis & balneis emollire, atque ita simul uterum paullatim aperire. Namque hoc facto, femina prius ita resupinata, ut in Cap. CLII. §. XIV. ad parturientes a partu difficili liberandas proposuimus, & primo digitis sanguinem concretum, qui forte ibi haeret, expurget. Deinceps in os uteri unus alterve digitus primo demitti, mox autem, uteri ore sensim sensimque diducto, manus integra deprimi, atque mola, si libera, manu prehendi, & eo modo educi poterit, quem supra jam tum (Cap. CLIV.) de foetu in haemorrhagia uteri educendo explicavimus. Sicubi cum utero mola concrevit, quemadmodum saepius fieri solet, tum per admotos digitos ac speciatim horum ungues, decerpere illam ea ratione convenit, qua idem perfecisse HILDANUS legitur (b). Si firmiter nimis cum utero mola cohaerescit, ut digiti parum sint, forficem quandam longiorem, sed retusam tamen, qualem nimirum Obstetrix Brandenburgica designavit (c), & nos ex ea Tab. XXXIV. fig. 1. delineari curavimus, prudenter admovere eaque molam, ut experta & ingeniosa haec Obstetrix se fecisse scribit, refecare oportet. Denique si paullo grandior mola

exi-

(a) Conf. hac de re HILDANI Centur. Epistolar. Epist. 38. & 39. pag. mihi 984.

(b) Centur. II. Obs. 52. conferantur quoque epistolae modo citatae.

(c) In praefatione Libri de arte Obstetricia, germanice editi, & a SOLINGENIO in belgicam linguam dudum in Hollandia translati.

existit, quam ut integra extrahi valeat, tum vel digitis, vel scalpello quodam falcato longiore, vel & unco (fig. 17. aut 18. vel & duplici fig. 21. Tab. XXXIII.) quam cautissime discerpi eadem atque sic particulatim extrahi debet. Si qui plures de molarum natura & educatione observationes nosse desiderant, hi ut HILDANI, ROONHUSII atque MAURICAEI observationes imo & PAROTI Diss. de uteri mola Argentor. 1733. editam perlustrent, etiam atque etiam suademus. Ceterum si nulla graviora incommoda molae concitant, nulla hisce mulierculis vis inferenda; multae enim ad senectutem usque sine notabili noxa eas circumferunt. Conf. hanc ob causam HILDANI Epistolae laudatae, & nuper demum edita HANS COPPII Hamburgensis Dissertatio de Mola in octogenaria reperta, crusta ossea obducta ponderis XXII. unciarum, Goettingae 1746. & figura ejus illustrata.

C A P V T CLVII.

De uteri prolapsu, sive procidentia.

I.

Quotuplex
sit proci-
dentia ute-
ri.

Uteri equidem procidentiam, quasi rem impossibilem atque ab ipsa natura prorsus alienam, a Medicorum aliquibus, eisque recentioribus superiori seculo non solum propositam, verum & mordicus defensam fuisse, nemo facile, nisi rerum in republica medica gestarum ignarus, ignoraverit (a). Possè vero utique apud mulieres quasdam uterum ex abdomine per pudenda foras procidere, ex quamplurimis Medicorum expertissimorum tam antiquorum, quam recentiorum observationibus est manifestum (b). Quorum equidem recentissimas pariter atque luculentissimas merito suo existimamus illas, quas celeberrimus RUYSCHIIUS quondam in Observationibus Chirurgicis, Obs. I. VII. IX. & X. hanc in rem proposuit, figurisque sat elegantibus atque perspicuis dilucidavit. Nos binas ex his Tab. XXXIV. fig. 2. & 3. repraesentavimus. Post RUYSCHIIUM laudandi nobis hic adhuc sunt SAVIARDUS, Chirurgus Parisiensis, qui decem circiter exempla a se observata recenset (c). Deinde Jo. Maur. HOFFMANNUS (d), Altorfinus quondam Medicus, itemque SCHACHERUS, Medicus nuper Lipsiensium clarissi-

(a) Referendi in hunc censum potissimum sunt MERKRENIUS, Observat. Cap. 54. ROONHUSIUS Obs. Chir. Lib. II. Cap. de vaginae prolapsu, pag. 86. in edit. belgica. HORNIUS in microtechn. Sect. II. Part. I. §. 28. BARBETTIUS in Chirurg. edit. Genevens. pag. 518. & seq. VAN DER BECKE Lib. de procidentia uteri, KERKRINGIUS in spicileg. Anatom. Obs. 30. VERDUCCIUS in patholog. Chir. atque ab his citati auctores alii.

(b) AETII puta, AEGINETAE, ROSSETI Lib. de part. caes. FABRICII ab Aquapendente, BERENGARII, CARPI, PLATERI, PARAEI, PLEMPII, LANGII, FERNELII, HILDANI, MARCHETTI, VESLINGII Syntagm. Anat. Cap. VII. BARTHOLOMI, HILDANI, STALPARTII, PECHLINI, Obs. 20. SOLINGENII Obs. 30. 50. MAURICAEI de morb. gravid. Lib. III. Cap. VI. & Observationibus ejus, ubi quamplurima exempla refert.

(c) In Obs. Chirurg. Obs. X. XI. XII. XIII. & XV.

(d) Ephem. Nat. Cur. Cent. IV. pag. 261.

clarissimus (a), SLEVOGTIUS & VATERUS; hi enim omnes haud adeo pridem veras uteri procidentias, quasi testes hujus noxae oculati viderunt & descripserunt. Denique nuperrime BURGGRAVIUS, Medicus Francofurtensis, na cum aliis Medicis ibidem verum uteri prolapsum conspexerunt (b). Ita & ipsemet aliquoties veros uteri prolapsus me videre memini. Quando uterus solum in vaginam usque descendit, *descensus uteri*, aut prolapsus imperfectus, quando autem ultra & extra vaginam prolabitur, tunc proprie *uteri prolapsus* sive *procidentia* eaque perfecta appellatur. Solet autem duplex admodum *uteri procidentia* existere: quarum altera fit *absque uteri inversione*, adeoque tum circa extremam ejus partem os uteri, quod vulgo internum vocatur, conspicitur; (vid. fig. 2. litt. C.) altera cum *inversione*, ubi os uteri non conspicitur, (vid. fig. 3.) qui inversus uterus etiam vel ex parte tantum vel totus procidit, quemadmodum Auctores utrumque testantur.

I I.

Distingui vulgo solet uterus non inversus ab inverso, ut modo dictum est, ex *Diagnosi ore uteri*, quod se in non inverso, sicut in Tab. XXXIV. fig. 2. lit. C exhibuimus, repraesentat, eoque etiam vulgo a vaginae prolapsu, imo & a *fungis sive excrescentiis vaginae* distinguere solet. Observatu tamen quam maxime dignum est, a Cl. D. WIDMANNO, Academiae Caesareae Naturae Curiosorum quondam Directore, *peculiarem admodum totius vaginae tunicae internae sive rugosae prolapsum*, non solum descriptum, verum & *eleganter ac perspicue delineatum esse* (c), ubi prolapsus hujus vaginae tam accurate os uteri finxit, ut quilibet ante cadaveris sectionem crediderit verum uteri prolapsum adesse; cum tamen revera non nisi tunicae rugosae vaginae prolapsus fuerit, & uterus ipse in ventre loco suo repertus sit. Operae pretium esse credidi, ut figuram WIDMANNI, quamvis magnitudine naturali diminutam, huc transferrem (vid. Tab. XXXIV. fig. 4.) ut Medici tanto prudentius in cognoscendis & distinguendis his vitiis procedant, nec ejusmodi vaginae prolapsum temere pro vera uteri procidentia habeant, ne inde errores in curatione noxii oriantur. Adeoque osculum ejusmodi in tali prolapsu (vid. litt. F.) non pro infallibili signo uteri prolapsi, ut plerique haecenus tradiderunt, habeant; sed partem prolapsam curatius considerent, donec certe dignoscere queant sitne vagina tantum an ipse uterus prolapsus. WIDMANNUS quidem nul-

lum

(a) In program. Anat. an. 1721. hac de re emisso.

(b) Vid. *Commerc. Litterar. Norimb. A. 1733. pag. 362. conf. simul Diff. WESSENFELDTII de inversione uteri*, sub praesidio BERGENII Francof. ad Viadr. 1732. evulgata. Neque hic silentio paaetereundum, quod, cum David van der BECK & GARMERUS, ambo Medici quondam Hamburgenses, *acerbas hac de re lites inter se habuerint*, atque ille uteri procidentiam negaret & impugnaret, GARMERUS vero ipsam affirmaret atque defenderet; a Collegio autem Medico Academiae nostrae Helmstadiensis tunc, anno nimirum 1684, sententia super hac re Hamburgo desideraretur, Collegium hoc pro GARMERO steterit, atque in responso sicut acta collegii nostri testantur, *procidentiam uteri sua quoque experientia doctisque rationibus confirmaverit*. Ita & in Act. Edinburg. Tom. III. pag. 305. novum exemplum ex parva puella delineatum & descriptum est a cel. MONROO.

(c) Vid. *Ephem. Nat. Cur. Cent. VIII. Obs 98.*

lum signum certum sive pathognomoniam, quod vocant, protulit, quo vaginae ejusmodi prolapsus a vero uteri prolapsu distingui certo possit; atamen ait, se specillum per hoc foramen sive os, litt. F, quod os uteri mentiebatur, immisisse, quod longe profundius, quam uteri cavum est, intraverit, nimirum ad dimidii fere pedis longitudinem. An vero hoc signum semper occurrat, pluribus experimentis erit probandum. Ceterum meretur, ut notatu dignissima haec observatio praedicto loco evolvatur, atque cum cura uberius perlegatur.

I I I.

*Prolapsus
uteri &
vaginae
difficiliter
quandoque
disting-
guuntur.*

Ceterum uteri & vaginae prolapsus non modo valde difficulter saepe cognosci, sed & a se invicem distingui, vel inde etiam patere potest, cum aliquando factum sit, ut Medici & Chirurgi Tolusani, imo & quamplurimi Parisini, puellam, quae triginta fere annos habebat, & a pueritia jam uteri procidentia laborabat, pro hermaphrodito propterea haberent, atque speciatim pro ejusmodi hermaphrodito publico actu declararent, ubi sexus masculinus praevaleret. Senatusque simul Tolusanus sub gravi fustigationis poena juberet, ut puella haec vestes muliebres deponeret, & in posterum vestibus virilibus incederet. Postquam vero SAVIARDUS hunc ita putatum hermaphroditum Parisiis rite examinaret, veram puellam hunc vestibus virilibus incedentem & gladio alligatum juvenem esse cognovit, utroque in locum naturalem reposito, in puellam rursus transmutavit, quaeque deinde etiam jussu Regis vestimenta muliebria loco virilium rursus assumpsit. Temere admodum Tolusanos de hac puella judicasse etiam inde colligo, quia in historia hac lepida, quam SAVIARDUS Observat. sua XV. prolixius describit, nihil quicquam occurrit, quod vel penem vel testiculos indicasset; sine quibus tamen ego non perspicio, quomodo aut quare aliquis vir dici queat; praesertim cum mammas habuerit praegrandes, ac faciem muliebrem, qua sine dubio etiam barbae defectus intelligitur.

I V.

*Ejus caus-
sae.*

Causam prolapsus uteri generatim a nimia ligamentorum uteri atque vaginae debilitate indeque sensim facta eorum relaxatione repetendam esse, res ipsa loquitur: unde saepius observatur, hoc malum sequi partum difficilem, vel alios conatus vehementiores. Interea tamen prorsus insolens non est, ipsas etiam virgines, ac speciatim etiam vestales & puellas, aliquando hoc vitio laborare (a), sicut ex casu praecedentis §. videre est. Altera procidentiae species est, quando uterus prolapsus ad instar sacculi inversus, ita ut interior ejus facies fiat exterior, esse animadvertitur, uteri ore sive orificio tunc, utpote intus in vagina latente, non conspicuo (vid. fig. 3. B.). Atque hujus quidem generis, praeter multas inter supra citatas, ea quoque procidentia est, quam & curasse

(a) Exempla plura legi possunt in GRAFIO Lib. de Organ. Mulier. MAURICAE Obf. 96. SAVIARD. Obf. XIII & XV. Misc. Nat. Cur. Dec. I. An. VI. & VII. Obf. 73. & MON-
101 pagina praecedenti indicatum exemplum.

curasse & descripsisse GENSELIUS legitur (a). Et sane, quia in istiusmodi casibus uterus propendens *molae sive carnis alicujus cruentae atque indecentis speciem exhibet*, mirum non est a Chirurgis atque Obstetricibus imperitioribus malum haud cognosci, atque *ejusmodi uterum prolapsum ruditer quandoque tractari*, quin & cum praesentissimo *miserarum mulierum vitae periculo*, *violenter convelli* (b). Neque vero incidere fere unquam gravissimum istiusmodi malum consuevit, nisi *quando uterus cum secundinis extrahitur, vel ubi mox a partu & praesertim difficiliore usque adeo distentum uteri os internum est*, ut quam facillimo negotio, sine causa perspecta, ipsum transmittere uterus valeat (c); vel denique *nisi mulieres a partus doloribus*, vel post confectum quoque partum remanentibus, ita graviter exercentur, ut vehementi nisu adhibito, *uterum tandem invitae per os uteri patens & per vulvam exprimere cogantur*, vel *saltem imprudenter expellant*. Sed quicquid tandem harum rerum sit, *sane nisi confestim uterus ejusmodi in sedem naturalem restituatur, vehementer brevi increscit, & citissima fere semper mors*, ut *praelaudatorum auctorum quamplurimi testantur, insequitur*: adeoque omni modo festinandum, quia maximum in mora hic periculum est (d).

V.

Simulatque igitur vel sine vel una cum secundis foras procidere uterus animadvertitur, id sibi datum ante omnia Chirurgus vel Obstetrix sciat, ut, *evacuata prius urina, ne vesica repleta obstet, & resupinata aegra coxis elevatis, cruribusque diductis*, sicut Cap. CLII. §. XIV. praecepi, prudenter per admotos digitos prius resolutis, siquidem cum utero eadem forte adhuc cohaerescant, secundis, quantum quidem fieri potest, *manu celerrime in sedem pristinam uterum blande restituant*. Hoc commodissime perficitur, quando obstetricans inferiorem uteri propendentis partem fig. 3. litt. C, digitis tribus mediis mox primo in vaginam, ac deinde ope totius manus in ventrem sive locum naturalem blande repellat. Hoc facto, *manus intus in utero in formam pugni constricta aliquamdiu detineatur, donec hic usitatam suam in puerperis figuram rursus assumerit*, ubi tandem leniter retrahitur. Quod ipsum equidem fieri hoc facilius consuevit, quo magis diductum proximis ab ipso partu momentis os uteri una cum vagina

Curatio u-
teri prolapsi
& conver-
si.

(a) Vid. Ephem. Nat. Cur. Cent. II. Obs. 193. ibidemque citati scriptores alii. Conf. quoque Henr. van SANDEN *Observatio de prolapsu uteri inverso ab excrescentia* &c. Regio-
monti A. 1723. edita in 4. ubi variae aliae ejusmodi Observationes referuntur.

(b) Memorabilem casum hanc in rem suppeditavit HILDANUS pag. 904. BARTHOLINUS Cent. II. hist. 91. STALPARTIUS Cent. I. Obs. 67. MARCHETTUS Obs. 61. MURALTUS Misc. N. C. Dec. II. An. I. Obs. 112. SAVIARD. Obs. XV. itemque *Commerc. litterar.* Nor. An. 1733. pag. 302.

(c) Hoc praeter RUYSCIUM locis citatis, ut & in Advers. suis Anatom. Dec. II. Obs. X. p. 37. 38. Observat. MAURICEAU Lib. de morb. mul. Lib. III. Cap. VI. & Observat. suis, Obs. 355. 685. Stalpart. *van der Wiel* Obs. rar. Cent. I. Obs. 67. & M. N. Cur. variis in locis.

(d) Quod uterus ab excrescentia intus enata invertatur, ut SANDENIUS scripsit, inter rarissimos casus referendum esse puto. Ad prolapsum uteri curandum AQUAPENDENS commendat medicamenta, quae uterus refugit, p. 281, quod vero absonum est; 2) candelam eum repellit, eumque fascia, ne denuo excidat, firmat.

Pars II.

O o o o o o

gina existit. Utero, quemadmodum praecepimus, reposito, figuraque consueta ipsi reddita, confestim aegram in *lectulo supinam deponere graviterque admonere* convenit, ut, probe invicem conjunctis cruribus, gnaviter quiescere studeat; nam tunc sola quies & decubitus, pro curatione saepe sufficiunt. Attamen *nec alienum erit per aliquod tempus spleniis & fascia idonea os vaginae claudere, ne uterus facile, supervenientibus forte doloribus post partum, tussi vel sternutatione fortiori, vel alia quacunque de causa relabi possit.* Namque hoc facto, uteri os una cum ipso utero ita sensim rursus coarctatur, ut postea se invertere ac procidere per illud denuo nequeat, atque malum ita curatum sit. *Si justo diutius uterus ita prolapsus propendet, ut plurimum mulieres brevi, ut observationes HILDANI, STALPARTII, RUYSCHII, SAVIARDI, aliorumque quamplurimorum laudatorum scriptorum docent, emoriuntur;* nam uteri os a parte uteri superiori paulatim ita constringitur, ut propendens uterus mox inflammetur, ac deinde refundi per illud nulla amplius ratione queat; sed, *sphacelo propter sanguinem hic haerentem & corruptum contracto, miserabiliter aegrae brevi conficiantur.* Si tamen forte nondum desperatum prorsus malum esset, dum Chirurgus ad mulierem ex utero prolapsa laborantem adsciscitur, opera utique danda est, *ut & ab inflammatione sua uterus tumefactus liberetur, & quamprimum fieri possit, suis sedibus restituatur.* Debet autem his fere modis negotium illud institui. Ante omnia *larga sanguinis copia per venam detrahenda ac deinde urina emittenda,* ne quod forte obstaculum a distenta vesica uterus sentiat. His peractis, sic omnino, ut modo diximus, deponere mulierem convenit. Insimul uterus aqua aut lacte calido quam diligentissime fovetur, atque butyro sive oleo calido inungitur; vel fomentis denique seu magmatis digerentibus atque emollientibus tamdiu comprehenditur, donec ita mollis atque lubricus fiat, ut praedicta ratione refundi per admotas Chirurgi manus valeat (a). *Nisi enim tempestive reponi is potest, vix ac ne vix quidem convalescere, nec vel utero quidem ligato aut exciso, quemadmodum nonnulli putarunt, mulieres consueverunt (b).* RUYSCIUS enim exemplum refert, ubi Chirurgus uterum ejusmodi propendentem ligatura auferre voluit; sed res non successit, & mulier brevi mortua est (c).

V I.

Quid fiat,
si uterus
prolapsus
non est in-
versus.

Longe minori cum periculo conjuncta esse illa uteri procidentia consuevit, quae non partus tempore, sed alias a nimia vaginae & ligamentorum debilitate proficiscitur, quaeque uteri haud inversi os repraesentat: quo signo non solum ab utero

(a) Hic in mentem mihi venit, an non in ejusmodi casibus desperatis scarificationes uteri turgidi & inflammati; quemadmodum in aliis inflammationibus gravioribus & cancrum spectantibus cum fructu institui, ad sanguinem hic stagnantem emittendum, queant? Mihi tentari eas posse haud alienum videtur; quia in casibus deploratis praestat anceps experiri remedium quam nullum, praesertim ubi cetera remedia parum sunt.

(b) Anno tamen 1745. DIETERICUS, Medicus Ratisponensis cel. casum ejusmodi, quem vidit, descripsit, ubi primum filo per acum transmissio, ligatus & postea resectus est, salva & restituta muliere.

(c) Exemplum uteri inversi & feliciter restituti videri adhuc potest in Mauricaei Obs. ultimis, Obs. 138.

tero inverso, sed etiam a fungis sive tuberculis e vagina saepe excrecentibus ut plurimum distinguitur, conf. supra §. II. Namque tum haud facile verendum est, ne partes usque adeo flaccidae inflammationem aut sphacelum, quemadmodum in priori specie facile fieri solet, sentiant. Ubi justo diutius absque curatione uterus talis propendens relinquitur, non molestiam modo egregiam, sed & urinae difficultatem atque insignes quoque coxarum dolores, uteri propendentis exulcerationes, quin imo quandoque inflammationem aliquam cum sphacelo, saepius vero scirrhum vel carcinoma mulieres haud raro experiuntur. Et sane quo tardius medicina huic malo adhibetur, hoc difficilior, quia saepe valde increfcit & augetur, reponi nedum contineri in fede sua naturali absque machinamentis uterus solet (a). Vix enim ac ne vix quidem prohibere licet, quo minus vel ab ambulatione, vel a corporis aliqua commotione, vel denique a ster-
 nutatione atque tussi, denuo is prolabatur, praesertim si fascia, vel vinculo, vel idoneo instrumento non coercetur. Quodsi forte carcinoma jam tum vel gangraena uterum prolapsum occupavit, frustra omnino, quemadmodum observatum est a RUYSCHIO Obs. IX. idem reponitur: si quidem, illo reposito, longe gravioribus, quam antea, doloribus aliisque incommodis mulieres discruciarī testatur.

V I I.

Si igitur nondum carcinoma aut gangraena propendentem uterum occupavit, bina Curatio. potissimum Medico expedienda sunt curationis negotia. Primum est, ut decenter in locum suum uterus restituatur; alterum, ut, ne denuo procidere is queat, solertissime praecaveatur. Ad primum quod attinet, observasse juvabit, uterum prolapsum, nisi forte jam tum inveteratum aut mole auctum valde istud malum est, facile plerumque reponi, dummodo mulier ea ratione, quam paulo ante (vid. §. V.) descripsimus, capite scilicet depresso, & natibus elevatis, gnaviterque ab invicem diductis cruribus, deponitur, eoque facto, uterus per vulvam in locum suum naturalem digitorum vel & candelae robustioris cereae subsidio decenter restituitur. Saepius etiam observatur mulieres ejusmodi malo afflictas sibi met ipsis uterum quandoque facillimo negotio in locum naturalem refundere. Sed si malum jam est inveteratum, aut saltem uterus paullo amplior, quam ut facile refundi queat, aliquamdiu fomenta digerentia sunt adhibenda, donec moles uteri satis imminuatur, ac simul urina & alvus evacuanda, ut sic tanto facilius tandem eundem repellere in suum locum valeamus. Ne qua autem forte, post adhibitam repositionem istam, denuo uterus procidat, praecavere difficile ut plurimum atque adeo difficillimum sine idoneis fasciis aut machinamentis solet esse negotium; siquidem aegre admodum sustineri uterus a vaginae tunicis uterique ligamentis laxioribus atque debilioribus potest. Interim haud abs re fuerit primo per plures dies in lecto quiescere ac deinde suffimentis roborantibus, per tubulum Tab. XXXIV. fig. 14. ad vaginam interventu idonei infundibuli admissis, liquoribus item idoneis siphone injectis fomentisque aromaticis & ad-

strin-

(a) Inter alia hoc disci potest ex variis & RUYSCHII & SAVIARDI observationibus supra citatis.

stringentibus cum vino rubro paratis, solerter eas partes excitare, quae propter nimiam debilitatem suam sese remiserunt. Denique fasciam aliquam, litterae T haud absimilem, circum corpus involvere, atque ita, imposito prius vulvae splenio, quantum fieri potest, diligentissime uterum continere. Quando ejusmodi uterus aliquo modo exulceratus est, ut haud raro contingit, hoc impedire aut retardare ejus repositionem non debet; sanari enim hasce exulcerationes melius utero in locum naturalem restituto, quam si in loco p. n. extra corpus propendet, SAVIARDUS etiam, observationibus citatis jam notavit & suavit. Ita hic etiam vidit uteri prolapsum magnum una cum calculo in vesica & quidem in virgine: ubi primo uterum restituit, deinde calculum e vesica extraxit, atque sic aegram a duplici malo, ita tamen, ut pessum gestare opus habuerit, liberavit. Vid. ejusd. Obs. XV.

V I I I.

Quibus instrumentis uterus debilis continetur.

Si nimis jam tum inveteratum atque ita pertinax malum est, ut modo propofita curandi artificia uterum non retineant, unicum idemque communissimum superesse auxilium est, illum, qui naturaliter & per se contineri haud potest, instrumento quodam, quod pessum vel pessarium vocant, in vaginam uteri immisso reprimere (a). Solent autem apti prae ceteris ii pessum existere, qui vel ex ligno, buxoe, aut fraxineo aliove duriore, vel etiam ex subere ad id accommodato, ceraque probe obducto conficiuntur (b) atque perforati existunt. (vid. Tab. XXXIV. fig. 6. 7. 8. 9.) Pro ditioribus aut nobilioribus etiam ex ebore, aut argento vel auro excavato fieri poterunt. Istiusmodi pessus aliquis, justae magnitudinis atque habitudinis, ne scilicet facile excidat, in vulvam profunde ad usque ipsum uteri os digitis decenter deprimitur, & ne qua facile, dum ambulat, hae mulieres, indecore excidere in humum is queat, itemque ut pro lubitu eos extrahere & mundare subinde possint, funiculi cujusdam beneficio, vid. Tab. XXXIV. fig. 6. & 10. cingulo ventri injecto decenter alligatur. Et justam quidem magnitudinem habere ii pessum censendi sunt, quos primo tempore non nimis facile, sed non nisi aegrae admodum vulva recipit: ut certius maneat, uterumque melius reprimat, atque his duplo interdum majora requiruntur (c). Perforata vero existere pessaria eum in finem commodum est, ne sanguinis menstrui aliarumve fordium fluxus ex utero impediatur. Itaque minus salutaria minusque commoda videntur ea pessaria, quae, ut figura 10, ovi, pomi aut pyri formam aliquam prae se ferunt: qualia nimirum & quidem ingentis magnitudinis a PARAEO, HILDANO, SCULTETO, ROONHUSIO

(a) Vid. MAURICEAU Obs. 40. 115. 217. Pessarium solidum rursus extrahere unco non potuit, Obs. 182. De pessum usu recens invento ROSSET: p. 399. Cum eo possunt fieri gravidae, BAUHIN. p. 126. 142. & seq. In Actis vero Edinburgensibus a MONROO rursus novum pessum genus descriptum est vol. III. p. 313.

(b) Quando ejusmodi pessum cera non sunt obducti, subinde valde intumescunt, putrescunt, ac multa incommoda procreant, sic ut multo labore haud raro & quidem per frustra tenaculis sint educendi. Conf. si lubet hac de re MAURICAEI Obs. 182. & SAVIARDI Observatio XIII.

(c) Videri ejusmodi magni pessum possunt in DEVENTERI Libro de arte obstetricandi Cap. 29.

sio aliisque hunc in finem proposita passim ac descripta deprehendimus. Ut nihil nunc de eo dicam, pessariis perforatis in naturam insertis, & *semen maris ad sobolem procreandum* (a), & *suffimenta roborantia cum liquoribus* ad confirmandum uterum laxiorem immitti nihilominus in uterum posse: quae singula ab iis pessariis, quae foramine destituuntur, penitus impediri consueverunt. De cetero tantum abest, ut *graves molestias ab istiusmodi pessis*, quando rite *confecti* sunt, mulieres *sentiant*, ut *gestare illos*, praesertim ubi semel natura iis assuevit, *absque omni fere molestia queant*. Denique hic etiam notandum, quasdam mulieres prolapsu uteri laborasse, quando non *gravidae fuerunt*; quae vero *postquam gravidae factae sunt ab eo liberabantur*. Vid. PECHLINI Obs. 20. & SAVIARDI Obs. 12. uteri enim gravidam amplitudo prolapsum tunc impedit. Interea tamen graviditatem uteri descensum & aliqualem prolapsum sive descensum non semper impedire probat MAURICEAU Obs. 6. 67. 95. SCHELLHAMMERUS in M. N. Cur. Dec. II. A. IX. Obs. 149. HUNERWOLFF. in Dec. III. A. I. Obs. 114. SAVIARD. Obs. XV. NOLET. Observat. curieuses Obs. 7. & WIDMANNUS Ephem. N. Cur. Cent. VIII. Observ. 98. *ubi uteri os extra vulvam una cum capite foetus tangere potuerunt*.

I X.

SAVIARDUS in diversis observationibus *pessi cujusdam ferrei, elatere donati*, meminit, quem egregie prae ceteris, & tanquam praestantissimum ad continendum uterum prolapsum commendat; verum figuram, fabricam ac magnitudinem silentio praeterit, ut qualis fuerit, nemo forte facile divinare poterit (b). GOELICKIUS vero, cel. quondam Medicinae Professor Francofurti ad Viadrum, jam olim dissertationem quandam Halae 1710. edidit, qua *novum artificium curandi procidentiam uteri* veram describit, in qua dissertatione non solum *pessum quoque ferreum, ex filo scilicet ferreo elastico*, eoque aliqua ratione in formam coni contorto, laudavit, verum etiam *figuram* ejus, sed valde minutam repraesentavit; attamen quoque *qualem longitudinem aut amplitudinem obtinere debeat, non exposuit*. Ego vero eum hic Tab. XXXIV. fig. 11. perspicuitatis gratia paulo auctiorem, quam ille eum delineavit, eaque forte magnitudine, quam habere poterit, delineare studui, ut clarior ejus sit idea sive imago. Intus eum *linteo*, extus *corio tenui atque subtili*, ne facile laedat, obduci vult, *basique coni utrinque funiculos jungi vult*, ut ope eorum pro lubitu extrahi queat. Quando immittendus, eum paululum comprimendum esse docet; qui vero postquam immissus, vi sua elastica se aliquo modo expanderet, atque sic tam firmiter haereret, ne vel ipse vel uteri prolapsus facile pertimescendus sit. *Fatetur quidem se cum eo nondum experimentum fecisse*; attamen cum omnes requisitas condiciones habeat, quae in bono pessio desiderari queant, *se de ejus praestantia non dubitare*. Interea tamen vereor, ne in loco tam humido rubigine, cui ferrum quam maxime obno-

xiunz.

(a) Pessos hoc coitum & impraegnationem non impedire probat BAUHINUS Lib. de Sect. Caes. pag. 126. 142. & seq. MAURICEAU Obs. 40. 115. 217.

(b) Vid. ejus Observ. XIII. & XV.

xium est, brevi semper tempore exedatur atque corrumpatur: qua propter haec-
nus, quoties opus fuit, non nisi ligneis cera obductis, ad normam fig. 6. 7.
vel 8. potissimum justae magnitudinis usus atque his scopum meum satis
assecutus sum.

C A P V T CLVIII.

De procidentia vulvae seu vaginae uteri.

I.

Vulvae pro-
cidentia
quotuplex
sit.

Non ab imperitis tantum Obstetricibus atque aliis mulieribus, sed ab ipsis quoque Medicis atque Chirurgis, viris ceterum fatis expertis & doctis, identidem vaginae procidentiam cum uteri procidentia confundi, eodemque ut plurimum nomine utrasque designari, manifestum est experientia (a). Sed discerni tamen ab invicem eae possunt, si modo partim ad ea, quae de ipsius uteri figura & indole in sectionibus anatomicis visu deprehenduntur; partim quoque ad ea procidentiae uteri signa, quae capite praecedenti jam explicata sunt, graviter attenderimus. Namque vaginae procidentiam aliquam factam esse statui-
mus, si non tam uterus, quam potius vagina, eaque vel integra, ut Tab. XXXIV. fig. 4. indicat, vel hujus tantum pars, quocunque tandem casu eadem relaxata fuerit, sensim sensimque procidit, atque ex pudendis propendet. Solet igitur gemina praecipue calamitatis hujus differentia existere. Namque praeter modo dictum casum interdum universa vagina ita laxa evadit, ut, quasi caro cruda vel cruenta annulique crassi carnei figuram prae se ferens, propendeat; magis minusve tumens, pro varia caussarum, unde pronatum malum est, nec non circumstantium rerum aliarum conditione, prout ipsemet similes procidentias vidi. Si graviter cum inflammatione quadam, praesertim in partu difficili, quemadmodum ego quoque observavi, vulva prolapsa tumet, praesentissimum saepe sphaceli periculum subest (b). Si parum aut nihil tumet, quicquid prolapsum est, vel si absque inflammatione tumor est, tum citra magnam molestiam & quam diutissime nonnunquam sine omni periculo tolerare istiusmodi casum mulieres possunt. Interdum autem aliqua tantum vaginae pars, vel propter nimium in elevandis aut deprimendis corporibus, vel & in partu difficiliore adhibitum nifum, vel etiam ob humorum noxiorum hic congestionem ita laxa fit & extenditur vel increfcit, ut secus, quam naturaliter decebat, extra partes pudendas prodeat, imo saepe instar uteri aut fungi majoris propendeat, ipsiusque uteri prolapsi speciem exhibeat. Multi ejusmodi malorum luculenta exempla notarunt (c);
maxime

(a) HILDANUS Cent. IV. Obs. 60. 61. & 62. tres de utero prolapsa refert observationes; sed ex nulla clare constat, uteri an vaginae fuerit prolapsus. Praeterea adhuc multos ex his in Libro de uteri procidentia pag. 19. seqq. memoravit David van de BECKE & nos capite praecedenti.

(b) Ejusmodi casus etiam refertur a SOLINGIO Obs. 26. & NOLET. Obs. curieus. Obs. V.

(c) TULPIUS Lib. III. Cap. 33 & 34. ROONHUSIUS Obs. Chirurg. Part. II. p. 68. KERKRING. obs. 53. BONET. Med. Septentr. Vol. II. obs. 33. Misc. Nat. Cur. variis in locis.

maxime tamen memorabilem noxae hujus casum capite LIV. observationum suarum MEEKRENIUS proposuit, atque figuris illustravit; sed facile tamen ex jam dictis patet, *hujus generis malum non tam pro uteri procidentia, quam potius pro partium naturalium tumore, fungo, ficu, sarcomate* five carne excreſcente habendum, sicut supra Cap. CL. explicavimus. Studio supra dixi, *plerumque talia haec sensim fieri: siquidem egomet circiter anno hujus seculi vigesimo observavi, apud mulierem aliquam nobilem sub ipso partu difficili, quem eadem sustinuerat, foetu adhuc in utero contento, usque adeo subitam factam fuisse partis vaginae procidentiam, ut vix dum elapsis quatuor & viginti horis fungus sive tuber aliquod, binorum pugnorum magnitudinem adaequans, e vulva pronatum atque protinus a sphacelo correptum conspiceretur, quod miseram mulierem, foetu licet feliciter adhuc a me extracto, miserabiliter intra octiduum conficiebat.* Ceterum ex jam dictis haud obscure, arbitror, liquet, mirum non esse, quod Medicorum aliqui, *non satis diligenter consideratis iis signis, quibus uteri & vulvae prolapsus distingui ab invicem debent, statuerint, non uterum modo prolapsum sine vitae periculo excisum quandoque esse (a), sed ipsas quoque mulieres istas, utero licet destitutas, & concipere, & in lucem edere foetum aliquem potuisse (b).* At enim vero, post excisum vulvae tuber aliquod propendens, sicut in figura 5. fuit, vel forte etiam ubi tota interior vaginae tunica rugosa in forma uteri prolapsi procidit, sicut in WIDMANNI Observatione Tab. XXXIV. fig. 4. factum est, *concipere & parere rursus mulieres posse, nemo sanus facile negaverit: quo minus autem, extirpato utero, gigni foetus aliquis possit, ipsa rerum natura prorsus prohibet, adeoque ejusmodi historiae pro fabulis merito sunt reputandae.*

I I.

Explicata hujus mali conditione atque indole, ad curationem ut progrediamur, instituti ratio postulat. Et quidem primo *vulvae quidem tubera, procidentiae speciem aliquam prae se ferentia*, quibus modis sanare conveniat, supra jam tum (Cap. CL.) explicavimus. Quoties autem cunque *vagina, ad instar magni annuli cujusdam cruenti duri atque inflammati, prolapsa esse deprehenditur, sane, nisi opportune, quicquid prolapsum est, restituatur, periculum est, ne aut gangraena, quemadmodum ego vidi, aut scirrhus partem propendentem infestet. Minus vero periculum est, si prolapsa pars flaccida, & nulla inflammatio adest.* Oportet igitur, si nondum inflammatio accessit, vel protinus digitorum subsidio in naturalem sedem suam profunde restituere, vel fomen-

Curatio ubi
inflammatio
abest.

locis. Enormis vaginae uteri universae propendentia describitur a BRENDelio in Obs. suis Anatomicis, Decad. I. Obs. VII. in qua etiam uteri os videri & tangi potuit. Similis describitur & delineatur in Ephem. Nat. Cur. Cent. VII. & VIII. Obs. 98. a WIDMANNO tradita; quae autem verum uteri prolapsum mentita est.

(a) Tale exemplum refert CARPUS, itemque PARAEUS Lib. XXIII. Cap. 41.

(b) Memorandi hic sunt MOLINETTUS *diff. anat. patbol, lib. 6. cap. 12.* MOENICHIIUS Obs. 4. alique plures, quos recensuit MEEKRENIUS jam laudata Obs. 54. E contrario NOLETUS Obs. V. refert, *vaginae in puerpera prolapsam, sphacelo corruptam & ablatam, quae postea rursus peperit; quales revera etiam hi ultimi fuerunt.*

fomento quodam digerente & roborante partem prolapsam prius aliquamdiu fovere & postea demum reponere. Eo facto aegrae mulieri imperandum est, ut, diligenter *invicem conjunctis vel & decussatim complicatis pedibus*, per aliquot dies continuos strenue in lecto suo conquiescat: hac enim ratione fit, ut malum rursus dissipetur & aegra sanescat. Interim longe optimum erit, herbis roborantibus, digerentibus, aromaticis atque adstringentibus, cum vino, praesertim rubro, decoctis, vel & aqua calcis cum vini spiritu, vel spiritu vini camphorato mixta, diligentissime partes naturales fovere; identidem autem suffimenta valentia, cujusmodi e mastiche, olibano, myrrha, succino similibusque rebus aliis fiunt, tubuli ad id accommodati (vid. Tab. XXXIV. fig. 14.) infundibulique subsidio, in vulvam immittere; hisdemque rite confectis, fascia naturam semper quam exactissime comprehendere. Sic enim feliciter quandoque pristino vigori suo vaginae prolapsae restituuntur: praesertim si recens adhuc illud malum est; si item medicamenta interna convenientia simul adhibentur. In quibusdam mulieribus aquae medicatae, thermae praesertim aut aquae martiales, quae acidulae vulgo vocantur, egregie ad sanitatem reparandam hic proficiunt. Si jam tum ita inveteratum malum est, ut haecenus propositis medicamentis in statum pristinum restitui vulva propendens nequeat, sane cum ad leniendam noxam, tum & vel maxime ad praecavendas calamitates graviores, nihil omnino reliquum videtur, quam ut continuus fasciae modo laudatae usus mulieri commendetur; hac enim naturalibus decenter applicata, efficitur, ut, citra gangraenae scirrhiq; periculum, negotiis suis utcunque fungi mulieres istae queant.

I I I.

Curatio ubi
inflam-
matio vel spha-
celus.

Quodsi autem inflammatio quaedam partem propendentem jam tum occupavit, tum opera utique danda est, ut, qualiter fieri in inflammationibus reliquis solet, non fomentis solum & malagmatis discutientibus extrinsecus impositis (a), sed medicamentis quoque internis ad idem valentibus prudenter ingestis, non omissa sanguinis detractio, inflammatio prius deliniatur, quam vulva propendens in naturalem sedem suam restituatur. Inflammatione vero digesta, prolapsus reponitur, & ut modo docuimus, tractatur. Si quis vero ejusmodi prolapsus, nondum temperata inflammatione vulvae, reponere vi vellet, periculum maximum esset, ne gangraena cum citissima morte miseram mulierem conficiat. Sin vero mitior adhuc esse inflammatio deprehenditur, tum utique saepe sine periculo refundi vulva prolapsa potest: tumor enim, recondita intus vagina, a calore corporis naturali optime plerumque digeritur. Denique si jam tum a sphacelo infestata vulva propendens aut fungus ejusmodi animadvertitur, id quod ex nigritie & foetore cognoscitur, protinus & scarificationes in vitiata parte instituere, fomenta aut malagmata digerentia superimponere, & reliqua omnia facere convenit, quae ad sphacelum supra (P. I. L. III. Cap. XIV. pag. 320. & seq.) proposuimus.

C A P U T

(a) HOORNIIUS Suecus hunc in finem valde laudat muriam simplicem, calide saepe applicatam, Lib. suo obstetricio, saepe citato.

CAPUT CLIX.

De feminis urinae incontinentia laborantibus.

I.

Solent ut plurimum eae feminae urinae incontinentiam aliquam sentire, *Malinatum* quibus vel a difficiliori partu, vel a vesicae calculo majori, violenter praesertim extracto, vesicae cervix sive sphincter nimium quantum est debilitatus. Nonnunquam sine violentia externa, & sua velut sponte, sphincter vesicae ita sese remittit, debilitate scilicet, aut nervorum resolutione, ut officium suum praestare amplius nequeat. Simile quid maribus quandoque accidere, supra jam tum (Cap. CXXXVI.) observavimus. Sed quicquid tandem harum rerum sit, sane malum ipsum ita saepe, praesertim si jam inveteratum aut a nervorum resolutione ortum, comparatum est, ut neque medicamentis internis, neque artificiis Chirurgicis vinci haecenus vix potuerit.

II.

Attamen si a calculo extracto, praesertim in puellis aut junioribus mulieribus *Curatio* malum ortum est, saepe tandem tempore vel sponte natura, vel adhibitis simul remediis roborantibus internis & externis, Cap. 158. §. 2. indicatis, curatur. Sed si vel inveteratum, aut in vetulis, aut praedictis medicamentis haud cedit, pro insanabili haecenus fere a Medicis judicatum est. Interea tamen roborantia medicamenta interna, injectiones & suffimigia adstringentis virtutis, capite praecedenti laudata, optimo subinde effectū in auxilium vocantur. His vero nihil efficientibus HILSCHERUS, clarissimus apud Jenenses Medicus atque Professor, peculiari *dissertatione* quadam hanc in rem edita (a), significavit, vix ac ne vix quidem commodius sanari noxae genus illud posse, quam per adhibitum istiusmodi pessum sive annulum, justae magnitudinis, qualis ad impediendam uteri procidentiam in vagina uteri adhiberi solet (vid. Tab. XXXIV. fig. 6. 7. 8.). Namque hujusmodi pessum vel annulo decenter sub urethram in vulvam immisso, ita firmiter comprimi ac praeccludi iter urinae, supra vulvam posito, (vid. Tab. XXIX. fig. 2. B C) potest, ut pro arbitrio & contineri & emitti urina valeat (b).

CAPUT

(a) De urinae incontinentia, 4. Jenae edita.

(b) Observations de Incontinentia urinae in mulieribus prostant in MAURICAEU, tit. Incontinence de l'urine.

C A P V T CLX.

De rupto perinaeo in mulieribus.

Posse quandoque in mulieribus perinaeum, five carnem illam, quae medio naturam inter & anum loca posita est, perrumpi, nemo facile, nisi qui rerum Chirurgicarum plane expertus est, ignoraverit. Solet autem noxa haec eas plerumque mulieres affligere, quae vel a grandiori, vel complicato atque inclunes converso, vel denique a monstroso foetu partum difficiliorem experiuntur. Ne qua autem forte plura eademque graviora ex neglecta vulneris hujus curatione suboriantur (a), sequentia, & quamprimum quidem, fieri oportet. Ante omnia vulnus vino calido vel muria eluatur atque expurgetur. Deinde vel balsamo vulnerario decenter inungatur, vel, quod melius est, pulvis sarcocolae aut mastichis, aliufve glutinans inspergatur. Tum, si plaga non adeo magna est, emplastris glutinosis conjungi orae ejus quam cautissime debent. Sin vero magna, emplastra glutinosa vix sufficiunt; verum praestat, ut ope acus curvae minoris & fili cerati duplicis sutura quaedam nodosa, perinde ut in aliis vulneribus profundioribus fieri solet, instituatur. Cetera enim eadem fiunt, quae universe de vulneribus supra praecepimus. Sed inprimis tamen providere hic convenit, ut, probe conjunctis pedibus, strenue in lectulo suo mulier aegra quiescat, & quotidie bis vel ter a sordibus probe purgetur, donec glutinatum esse vulnus deprehendatur ubi filum prius forfice dissectum rursus extrahitur. Quando autem principio negligitur, ut in SOLINGII observatione 82, factum est, perfectam curationem saepe non amplius admittit.

De Ani vitiis & de curationibus circa anum.

C A P V T CLXI.

Qua ratione adhiberi clysteres sive lotiones debeant.

I.

Clysterum nomine designari medicamenta liquida, quae pro variis humani corporis noxis curandis, injici & speciatim in anum consueverunt, vel lippis ac tonsoribus notum est, a κλύσσω ablucio. Graecis etiam enemata, hoc est injectiones dicuntur; lotiones vero Latinis, teste CELSO quoque
Clysteres qui ope vesicae injiciuntur. appel-

(a) Pessimum ulcus inde ortum notavit SOLINGIUS Obs. 82.

appellantur (a), unde Gallorum vocabulum *Lavement* mihi ortum esse videtur. Apud Germanos & passim quoque apud Batavos vesica quaedam vitulina aut suilla, imo & bubula & in extremis utrinque perforata hunc in finem adhiberi solet. Vid. Tab. XXXIV. fig. 12. AA, quae in pueris parva, in adultis verò magna esse debet, ut libram liquoris & plus continere queat. In alterutro foramine five extremo fistula five tubulus quidam osseus quam diligentissime firmatur BB; & post hunc vesica filo crassiori CC constringitur, ne quid sine voluntate per fistulam praemature effluere queat. Per alterum foramen liquor idoneus, qualem morbus desiderat, in vesicam hanc infunditur: quo quidem infuso, vesica prope alterum hoc extremum five partem D firmiter quoque deligatur, ne quid & hic effluere possit, donec in anum emitti liquor debeat. Quibus ita instructis, *fistulam osseam butyro sive oleo inungere* atque sic in anum hominis aegri, in alterutrum latus, capite declivi, cubantis, provide deprimere convenit. Tum, vinculo juxta hanc fistulam C resoluta, gnaviter vesica A manibus Chirurgi comprimitur, atque ita liquor contentus in intestina crassa exprimitur. Denique, his confectis, fistula rursus ex ano recipitur; aeger autem tam diu in lectulo eodem fere in situ quiescere jubetur, donec medicamentum immissum rursus exitum vi quasi moliatur. Nam, ut CELSUS ait, *non primae cupiditati dejectionis aeger protinus cedere debet; sed ubi necesse est, tum demum desidere.*

I I.

Batavi, Galli atque aliae quaedam nationes pro vesica syringem five *si- Clysteres,* *phonem* e stanno confectum, eundemque ita amplum, ut libram aut paulo *ubi syringis subsidio* plus, quam libram humoris, eadem recipiat, adhibere consueverunt. *injiciuntur.* Fistula syringae anterior, quae in anum deprimitur, haud multum absimilis quidem illi est, quam vesicae innectendam modo proposuimus; sed liquores tamen longe promptius longeque fortius, adeoque & longe altius in crassa expelli intestina posse, res ipsa loquitur. Interea tamen vesica ejusmodi commodius non solum circumferri & in via occultari potest, quam ingens ejusmodi siphon; verum & infantibus & puerperis minori fere cum dolore aut molestia adhiberi. Quandoquidem autem aliqui, verecundiae studio ducti, quidvis potius admittere, quam nudare atque aliis ostendere podicem malunt; sane nihil abs re fecisse ii Chirurgi videntur, qui fistulam quandam coriaceam satis longam, dimidia circiter ulnae Parisinae longitudine, eamque flexilem, tubuloque convenienti instructam, syringi applicarunt. Sic enim aeger ipsemet, tecto corpore universo, & fistulam in anum inferere, & liquorem sibi injicere, vel saltem cuivis alii, pro exprimendo liquore, syringem committere potest. Consulendi hanc in rem sunt HILDANUS Cent. I. Obs. 78. BARTHOLINUS Hist. Anat. 66. Cent. VI. GRAAFIUS in libro

(a) Lib. II. Cap. 12, n. 2 & alibi. Miror significationem hanc hujus vocabuli neque in Lexicis Medicis, neque in aliis Lexicis reperiri; imo vix unquam hodie in aliis libris medicis hoc sensu usurpari.

bro peculiari de clysteribus, JUNGKENIUS in Chirurgia sua, germanice edita, ut & VALENTINI in libro, quem *Polychresta exotica* inscripsit, pag. 89. ubi *siphones ejusmodi una cum fistula coriacea & modo eos applicandi possunt conspici*. Ceterum quam solertissime semper providendum hic est, ut *neque frigidi nimis, neque nimis calidi, sed tepidi sint ii liquores*, qui pro clysteribus adhibentur. Namque graviter ut plurimum intestina cum a frigore (a), tum etiam a calore nimio laeduntur. Si genae vesica vel syringe admota tepidae deprehenduntur, & neque calore neque frigore molestae sunt, optime tunc adhibentur.

III.

Clysterum
materia
quae sit.

Quales autem liquores, qua copia, quibus denique in morbis eos adhibere conveniat, Medicorum est praecipere. Interea tamen ne Chirurgus prorsus ignarus sit liquorum huic usui maxime idoneorum ex CELSI doctrina praecipuos hic commemorabo, qui & hodie adhuc optime valere poterunt. Hic enim ait (b): *si levi medicina contenti sumus, hoc est si levi tantum clystere indigemus, pura aqua sufficere potest; si paulo valentiori, mulsae; si leni, aqua in qua foenum graecum, aut ptisana, aut malva, (aut alia emolliens herba) decocta sit: si reprimendi causa, ex verbenis (c). Acris autem est marina aqua, vel alia sale adjecto: at utraque decocta melior est. Acrior (id est fortior) fit adjecto vel oleo, vel nitro, vel melle quoque, (vel his simul). Si acrior est lotio, eo plus extrahit, sed minus facile sustinetur. Si leniendi aut demulcendi gratia, verbi causa, in colica, calculo aut dysenteria adhibetur, lac vel solum calidum, vel cum chamomilla aut veronica decoctum, melle aut theriaca adjecta usurpari potest; quandoque etiam solum oleum, ut GALENUS in colica jam fecit, injicitur.*

IV.

Clysterum
usus quis.

Quod vero ad usum eorum attinet 1.) salutariter ut plurimum clysteres iis adhibentur, quibus moveri sive resolvi alvus justo vehementius adstricta debet. Similiter 2.) ad mitigandos cruciatus, quos ab affectibus colicis, calculis, dysenteria, haemorrhoidibus dolentibus, atque id genus aliis calamitatibus homines quidam in abdomine sentiunt. Porro 3.) ad revulsionem aliquam, in hominibus, sopore nimio, apoplexia, deliriis, phrenitide, similibusve aliis capitis noxis correptis, a parte affecta instituendam. Tum etiam 4.) ad partum difficiliorem, sive vivus, sive jam mortuus infans sit, promovendum, praesertim ubi alvus adstricta est; nec non ad ejiciendas secundas, tenaciter aut diutius, quam par est, in utero haerescences.

V.

(a) A Clystere frigido mortem notavit BARTHOLINUS Hist. Anat. 76. Cent. I.

(b) Lib. II. Cap. XVI. n. 2.

(c) CELSUS hoc vocabulo saepe utitur; sed dubito an vulgarem verbenam intelligat; suspicor potius eum semper generatim herbas roborantes intelligere, ubi de verbenis loquitur, praesertim cum eo nunquam in singulari numero, sed semper in plurali utatur.

V.

Denique 5) haud exiguum clysteres quoque usum praestant, *in sustentan-* *Clysteres e-*
dis atque alendis iis, qui, propter laesam deglutitionis facultatem, parum aut *tiam nutri-*
 nihil nutrimenti per os assumere valent. Ubi longe optimum videtur, liquo- *re possint.*
 ribus nutrientibus, hisdemque vel ex jusculis carnis, vel ex lacte, vel cere-
 visia, vel jusculis ex hordeo atque avena decoctis ac praeparatis, (quibus
 subinde, nisi morbus repugnat, *aliquid vini*, roborandi causa, addi potest),
 atque identidem in aegri hominis anum profunde injectis, tamdiu illum
 sustentare ac fovere, donec & morbus & deglutiendi difficultas paulatim
 sese remiserint. Cujusmodi quidem *clysteres nutrientes* non a recentioribus de-
 mum Medicis adinventos, sed pridem jam tum, & ab antiquissimis salutaris ar-
 tis doctoribus, praecipue autem a CELSO, qui ptisanam vel alicae cremorem
 pro hoc scopo laudavit (a), graviter admodum jam commendata fuisse, testis
 est historia (b): licet sint atque fuerint quamplurimi Medici, qui inutiles at-
 que frustraneos prorsus ipsos judicaverint. Inprimis autem, ut alia ab Autori-
 bus notata nunc taceam, memorabile videtur recens exemplum ejus femi-
 nae, quam per quatuordecim dies integros feliciter absque omni cibo, per
 os ingesto, propter deglutiendi impotentiam per adhibitos clysteres ejusmo-
 di nutrientes sustentatam esse atque sanatam, GARENGEOTIUS in Operat.
 suis Chirurgicis refert. Nam sunt revera in intestinis crassis vasa lymphatica
 five lactea, quae humores nutrientes injectos absorbere & ad sanguinem
 devehere possunt (c); quo fit ut haud raro clyster injectus non redeat, sed
 maneat, ut ipse aliquoties vidi.

V I.

Novum plane (si cum praecedentibus compares) atque in primis efficax istud *Clyster ex*
clysterum genus est, quod ex tabaci fumo primo quidem Angli, quantum mihi *tabaci fu-*
 constat, deinceps autem aliae quoque Europae nationes medicinae loco ali- *mo.*
 quando adhibuerunt. Scilicet ubi ceteri clysteres nihil ad movendam alvum
 proficiunt, praesertim autem apud homines, *hernia quadam incarcerata* aut
iliaca passione laborantes; vel alios quoque, si lubet, in aliis morbis per pro-
 prium instrumentum aliquod fumus tabaci larga copia in anum inspiratur.
 Siquidem, eo facto, promptissimum fere semper auxilium ii homines sen-
 tiunt, qui prorsus desperata alvi obstructione laborare judicantur, si modo
 adhuc in tempore administretur. Varias easdemque praecipuas *machinas*,
 hunc in finem adhiberi solitas, primus, quod sciam, Th. BARTHO-
 LOMAEUS

(a) Lib. 3. Cap. 19. id quod Cel. MORGAGNIUS in Epist. I. in CELSUM notavit, pag. 12. & 13. qui itaque clysterum nutrientium inventor fuisse videtur. ORIBASIUS deinde & AETIUS eos etiam commendarunt.

(b) Ita gravida, per spatium sex hebdomadam a cibo & potu abhorrente, clysteribus nutrientibus conservata est. Vid. HILDANUS Cent. IV. Obs. 30. Conf. & Zicut. Lusitan. Med. Princip. Hist. Lib. I. hist. 9.

(c) Vid. Compend. Anatom. nostrum, ubi de vasis chyliferis N. 213. agitur; itemque Ephem. Nat. Cur. Cent. V. pag. 234.

NUS (a), ac deinde STISSERUS noster, Helmstadiensis quondam Medicinae Professor (b), postea & DEKKERUS (c), atque item VALENTINI (d) descripserunt (*conf. Tab. XXXIV. fig. 13.*). Quantumvis autem variae eadem sint, in eo tamen singulae conveniunt, ut e capsula quadam ferrea seu aenea A, ejus amplitudinis, ut tabaci circiter dimidiam unciam capiat, eademque binis fistulis instructa, constent: quarum quidem altera B, ossea est, atque in anum deprimi solet; altera, eademque isti opposita C, sic omnino conficitur, quemadmodum os in buccina, quod buccinatores inflare solent, vel quoque ex aere, vel ex osse aut ebore confecta, ut, ore vel ipsius aegri, vel alius cujusdam hominis robusti admoto, fumus tabaci E, in capsula A, prius incensi, spiritu per fistulam B in anum propelli queat. Debet autem fumus ille tamdiu in anum inspirari, donec dejectionis stimulum satis vehementem aegri persentiscant. Si nihil unice tabaco impletae fistulae fumus ad alvum excernendam proficit, identidem iterare negotium illud convenit, donec quaesitum effectum praestet. Similiter si nicotiana vulgaris sive debilior ad hoc negotium haud sufficit, ut ego vidi, valentiorē istam, quae a canistro nomen *canaster* habet, aliamve similem fortiorē substituere decebit. Quam equidem observationem longē quandoque utilissimam esse, ex ipso rerum usu egomet didici: ubi nimirum in pertinaci hernia scroti incarcerata vulgari nicotiana nihil efficere potui; sed res mox ex voto valentiori illa successit, ubi aeger jam pro desperato habebatur. Idque deinde in hoc morbo, apud alios multos ita semper feliciter mihi & aliis postea hic successit, ut nunquam ad scalpellum in eo accedere mihi adhuc opus fuerit. Videtur enim mihi acris nicotianae fumus intestina intus ita stimulare, ut in minorem non solum diametrum se constringant, verum etiam, ut hac constrictione intestina prolapsa simul in ventrem retrahant. Ceterum non solum GRAAFIUS, sed & LANZONUS peculiarem de Clysteribus dissertationem edidit Ferrariae A. 1691. in folio.

CAPUT

(a) In Hist. Anat. 66. Cent. VI.

(b) In Epist. de machinis fumiductoriis curiosis Hamb. 1685. edita.

(c) In Exercitat. suis practicis, pag. 795.

(d) In Polychrestis exoticis, pag. 73.

C A P V T CLXII.

De suppositoriis, sive glandibus alvum citantibus.

Suppositoria dum nominamus, conulos, globos sive glandes medicatas atque alvum citantes, sive, quod idem est, ejusmodi conulos sive globulos, qui alvi laxandae causa in anum immittuntur, designamus. Fieri eadem communiter hodie apud nos solent e saponis, sacchari vel aluminis frustro, vel & candelae sebaceae extremo circiter ad pollicis transversae longitudinem atque digiti amplitudinem; minores tamen in infantibus, crassiores autem paulo etiam in adultis esse possunt. Nonnunquam a pharmacopoeis ex Medicorum praescripto suppositoria sic praeparantur, ut aegri hominis noxae atque conditioni sint accommodata: v. gr. ex melle, sale, pulvere aloës, colocynthidis, &c. in conuli vel glandis formam redactis. Si unum suppositorium absque alvi dejectione ex-cidit, novum idque forte acrius immittere convenit, atque id ipsum, nisi aliud quid repugnet, tamdiu repetere, donec alvus resoluta esse deprehendatur. Sed ante tamen, quam in anum ipsa immittantur, oleo semper aut butyro inun-gantur, ut tanto facilius intrent. Sunt, qui pro glandibus illis teretibus aut coniformibus rotundas, globulorum similitudine adhibere consueverunt: dum scilicet globulos saccharinos, in pharmacopoliis speciatim pro hoc usu pro-stantes, vel frustulum lintei quoque tenuis, idemque cum portiuncula butyri duri ac saliti in globuli formam redactum, in anum immittunt, qui egregie saepe alvum laxant. Si qua forte ulcera intestinum rectum infestant, commoda imprimis ea suppositoria videntur, quae ex rosarum melle, pulveris mastichis & myrrhae, vel & colophonii parantur. Denique suppositoria valentiora, stimu-lantibus scilicet sive acribus impraegnata, insigniter cum ad difficiliorem par-tum, si naturaliter dispositus infans est, tum etiam ad secundas, tenaciter in utero haerescences, expellendas proficiunt. Dum adhibenda, aeger eum in situm disponitur, ut in clystere applicando diximus & suppositorium digito in anum blande compellitur. Infantibus commode applicantur, dum supini in gre-mio mulieris alicujus, vel etiam in lecto vel tabula decumbunt.

C A P V T CLXIII.

Quomodo aperiri anus clausus debeat.

I.

*Vitium istud quale
& quoti-
plex sit.*

HAud prorsus insolitum est in infantibus quibusdam recens natis, fecus, quam naturaliter decebat, anum penitus clausum deprehendi; quos Medici atretos vocare solent (a). Utique vero istiusmodi vitio infantes laborare, inde ut plurimum statim intelligitur, (nisi forte jam antea fuerit observatum), si proximis a partu diebus nihil omnino stercoris excernitur. Interea tamen saepe adhuc citius sciri posset, si modo Obstetrices mox, dum infantes recens natos lavant & mundant, semper, sicuti deceret, partes pudendas inspicerent, & an rite conformatae sint, observarent; nam alias saepe fero medicina paratur, quemadmodum inter alios recte id monet ROONHUYSIUS (b) & PETITUS (c). Ipsius autem vitii conditio varia est, pro varia scilicet tegumenti illius, quo anus praeccluditur, crassitie & loco. Ut plurimum eam partem, quae perforata esse naturaliter debebat, signum aliquod, ut prominentia vel fovea quaedam, demonstrat; sed quandoque tamen nihil ejusmodi obtinet. Nonnunquam tenuis solum membrana podicem obstruit; nonnunquam autem caro solida, eademque nunc tenuior, nunc crassior, nunc in extremo ano, nunc ad unius vel duorum digitorum spatium in recto excrementorum viam intercludit (d). Quomodo autem cunque malum comparatum sit, sane, nisi quamprimum anus perforetur, & porta haec aperiatur, abesse neutiquam potest, quin justo diutius retento stercore, quod meconium vocari solet, gravia ventris tormina, vomitus, icterus, nervorum distentiones, epilepsia & tandem stercoris vomitus miserabiliter infantem absumant. Atque membrana quidem sive tenuis caro viam naturalem si claudit, tum vel quasi a cicatricula quadam, vel & a stercore illo, quod membranam sive carnem protrudit, eum locum demonstrat, qui viam praebere faecibus debebat. Itaque tunc facili negotio institui curatio potest. Contra vero difficulter admodum & haud sine periculo perforari anus solet, ubi caro quaedam densior intestinum rectum praeccludit, aut simul etiam profundius latet; ita ut nulla ejus cavea vel prominentia percipiatur. Denique, quod semel atque iterum egomet observavi, vel universum intestinum rectum ad colon sive supremam ossis sacri partem usque clausum est, vel prorsus quoque deficit: & intestina circa infimam lumborum, aut supremam ossis sacri partem desinunt, adeoque tunc frustra-

neum

(a) Exempla notavit WIERUS, Lib. Observat. Medic. HILDAN. Obs. 73. Cent I. ROONHUYSIUS Obs. V. part. I. & part II. circa finem Obs. I. 2. & 3. MAURICAEUS in Observ. & SAVIARD. in Observ. Chirurg. III. aliique plures.

(b) Observ. V. part I.

(c) Act. Chirurg. Paris. Tom. I. 377.

(d) Utriusque exemplum tradit SAVIARD. Obs. 3. & nuper etiam Cel. PETITUS in Act. modo citatis p. 387.

neum esse curationis studium omne consuevit (a). ROONHUYSIUS exemplum refert, ubi intestinum rectum in vesicam desinebat (b), vel & in puellis in vaginam, qui status revera miserrimus est.

I I.

Sicubi ita comparatum malum est, ut sanitatis quaedam spes superesse videatur, tum universum curationis negotium eo redit, ut anus sive finis intestini recti decenter aperiatur. Quod ipsum ut feliciter fiat, sequentia observare oportet. Ante omnia infans ita vel deponi, vel a ministro quodam in gremio cruribus diductis contineri debet, ut & clare cernere & commode tractare anum Medicus valeat. Deinde phlebotomus aut scalpellum quoddam anceps, phlebotomo paullo majus, provide per membranam aut carnem istam tenuem, fere ut in abscessibus aperiendis fieri solet, in intestinum rectum demittatur (c). Rite id ipsum confectum esse, meconium sive nigrum stercus, inde profluens, facile demonstrabit: id quod, quantum sponte fluit, effluere permittimus. Eo facto, digitus, oleo inunctus, per novum foramen illud in intestinum rectum blande demittatur, curiosaeque per eundem exploretur, satisne jam tum ampla stercoris via existat, nec ne. Namque ubi paulo angustior adhuc ipsa cognoscitur, necessarium utique est, vel secundum longitudinem vulnus modo inflatum, aut sursum aut deorsum, aut utrinque, prout quam maxime idoneum id perspicimus, continuare, vel & nova eademque transversa plaga foramen istud ampliare: siquidem hac ratione commodius figurari in annulum anus solet. Tum expectare Chirurgus rursus debet, donec infans, quicquid forte stercoris intus retentum servaverat, dejecerit. Stercore, quantum satis videtur, emissio, turunda quaedam grandior, oleo unguentove vulnerario inuncta, ne denuo anus coalescat, in plagam recentem deprimatur, filo robusto sive funiculo, qui eidem innexus est, propendente, ut, si forte intus se subducatur, hoc ipso retrahi queat. Quotiescunque deinceps stercoris aliquid excernitur, toties novam quandam turundam & tamdiu quidem, sed post aliquot dies unguento siccante imbutam, quale illud de cerussa est, immittere in plagam istam convenit, donec ejus orae exaruisse, adeoque nullum omnino coalitionis periculum superesse animadvertatur. HILDANUS circa finem curationis loco turundae fistulam plumbeam, unguento de cerussa imbutam, immisit (d). Ne qua autem facile turunda vel fistula excidat, splenium aliquod aptum super plagam imponendum est, atque per adhibitam fasciam, quae litterae T figuram habet, gnaviter firmandum. Deinde etiam si forte postera vel tertia quoque die, nondum satis amplum esse foramen, prima die institutum, persentiscitur, nihil omnino impedit, quo minus vel tum etiam decenter, quantum satis est, ampliare illud ipsum Chirurgus studeat.

I I I.

(a) Vid. Observ. in Ephem. Nat. Cur. Cent. IV. pag. 463.

(b) Obs. II. Part II.

(c) Vid. SCULTETI Tab. 45. fig. 8.

(d) Obs. 73. Cent. I.

I I I.

Apparatus
hic ante
sectionem
non praepa-
randus.

Ceterum, quod alias fieri debere supra saepius in aliis operationibus proposuimus, ut nimirum ante semper eae res, quae ad vulneris deligationem pertinent, instruantur, quam vulnus ipsum infligatur, id in praesenti curatione minus necessarium; imo vero quandoque, quia periculum hic saepe in mora est, praesertim quando infans ejusmodi jam per aliquot dies vixit, & forte jam valde debilis est, perniciosum esse consuevit. Ut enim quam celerime anus clausus perrumpatur, miserrima saepe infantis conditio postulat; ita quamprimum etiam incidatur: res autem ad deligationem necessariae satis utique commode parari interea possunt, dum sterqus ex vulnere profluit.

I V.

Caro cras-
sior quomo-
do incida-
tur.

Quodsi autem membrana sive caro quaedam crassior naturalem excrementorum viam intercludit, difficilius equidem servari infantes solent (a); sed satius tamen videtur, frustra quandoque hanc curationem tentare, ubi aliqua adhuc spes superest, quam sine auxilio infantem miserum certae morti relinquere. Oportet autem in istoc curationis negotio ita procedere. Primo digitus admotus exploret, num quod forte intestini recti vestigium, fovea sive meatus sese ostendat. Is locus, sub quo positus esse meatus sive fovea persentiscitur, atramento signetur, atque dein ad digiti transversum circiter longitudinem incidatur. Facto eo vulnere, si faeces nondum prodeant, denuo subjectus intestini meatus digito depresso investigetur, eodemque detecto, vel uno ictu, vel & paulatim ad usque viam intestini patulam anus perforetur; sed ea tamen cum moderatione, ut ferri acies non ad pubem sive vesicam, sed ad os sacrum respiciat: siquidem alias periculum est, ne aut vesica in pueris, aut vagina in puellis, aut haec una cum vesica graviter afficiatur. Ano, quemadmodum diximus, perforato, cetera fieri eadem ratione oportet, quam supra (§. 2.) explicavimus.

V.

Si nullum
intestini in-
diciū est.

Si nullum omnino intestini recti patentis indicium est, tum illud vel solidum est, vel prorsus, ut ipse vidi, deficit; adeoque, si non desperatam, tamen quam maxime difficilem curationem reddit. Interim neque tunc quidem sine auxilio prorsus relinquere infantes miseros convenit; ne videlicet mortem certissimam expectare, quam curationem dubiam tentare maluisse videamur. Itaque tum, qua parte commodissimum atque tutissimum videtur, vel clavus triangularis Troicar dictus (Tab. XXIV. fig. 2.) vel angustum scalpellum prudenter eousque deprimi in anum oportet, donec intestini foramen aliquod exitu faecum sese ostendat (b). Foramine hunc in modum instituto, scalpello illud,

(a) Exemplum aliquod hujusmodi ROONHUYSIUS proponit Part. I. Obs. V. Add. LUDOVICI Oper. omn. pag. 616. & PETITUS alia Act. Gall. Acad. Chirurg. Paris. Tom. I. pag. 378.

(b) Ejusmodi exemplum habet SAVIARD. Obs. 3. ubi scalpellum ad trium digitorum latitudinem immittere coactus est, attamen sic infantem servavit. PETITUS loco citato varia ejusmodi exempla recenset, atque etiam ad- imitationem nostram (vid. Ephem. Nat. Cur. Cent.

illud, quantum satis videtur, sursum deorsumque ampliandum, faecibusque, ut supra diximus, emissis, opera danda est, ut, *si qua forte largior sanguinis profusio*, propter quamplurimas venulas incisas, suboriatur, opportunum ei, ubi opus est, remedium adhibeatur. Itaque necessarium videtur, turundam aliquam satis grandem, funiculo instructam, medicamentoque ad cohibendum sanguinem accommodato, inunctam in vulnus inflictum immittere; cetera vero eadem facere, quae hactenus praescripsimus. *Post duodecim vel & viginti quatuor horas*, demere, nisi eadem per se exciderit, turundam istam convenit; mox autem, *expurgatis prius faecibus, aliam, unguento prius digestivo per aliquot dies, deinde siccante quodam illitam, in locum prioris, vel tubulus plumbeus donec absoluta glutinatio sit, substituere. Quodsi autem, nec profundissima quidem plaga istiusmodi facta, intestinum aperiri potest*, tum nulla prorsus ratione servare infantem licebit, verum vomitu violento eoque diuturno stercoreo & convulsionibus morietur (a).

V I.

ROONHUYSIUS in Appendice Observationum Partis II. Obs. I. exemplum *Peculiares* refert infantis puellae quatuor menses natae, *ubi quidem foramen aderat in ano, quaedam* sed adeo exiguum & angustum, ut mater faeces semper manibus multo labore *observatio-* exprimere cogeretur, tandem vero ob frequentiore forte compressionem intumescente ano foramen sive exitus faecum ita claudebatur, ut nullas amplius transmittere vellet; unde venter intumescebat, ac dolores vehementissimi una cum febre atque anxietatibus oriebantur, quae infanti interitum minitabantur. Sine mora itaque anum hunc primo scalpello phlebotomo incidebat, & postea forfice uberius utrinque eum dilatabat, quo facto, ingens copia excrementorum excernebatur, venter mox detumescebat & reliqua symptomata quoque minuebantur, vulnusque, ut §. II. dictum est, glutinabatur. Ita & SCULTETUS exemplum ani non satis perforati refert (b). *In quibusdam puellis, anum naturaliter clausum habentibus, faeces ex intestino recto in vaginam uteri dejiciuntur.* Quod ipsum equidem mali genus tantum plerumque abest, ut curationem aliquam admittat, ut miserabiliter potius, si superstities manent, per vitam omnem feminas miseras affligat.

CAPVT

III. & IV.) *clavum ejusmodi emendatum* ibidem descripsit, pro faciliiori hujus mali curatione, peculiaribus duabus nifuris instructum; verum licet admodum aptum pro hoc scopo videatur instrumentum, tamen aegri hi, sive hoc novo sive alio scalpello aperti fuerint, omnes ipsi mortui sunt: unde patet vitia haec pessimae indolis esse.

(a) Exempla quaedam huc spectantia ROONHUYSIUS proponit *Lib. 2. Obs. 2. & 3.*

(b) In Armament. suo Observat. 71.

C A P V T CLXIV.

De ani procidentia sive intestini recti prolapsu.

I.

*Vitii hujus
natura quae
sit.*

Quibusdam hominibus, tam infantibus, quam adultis, intestinum rectum usque adeo mirifice per anum saepe procidit, ut vel ad aliquot *digitos*, vel ad *palmam*, vel *amplius denique propendeat*. Memorabile admodum vitii hujus exemplum MURALTUS proponit (a), dum feminam quandam describit, cui a partu difficiliore intestinum rectum ad *ulnae*, SAVIARDUS vero aliud, ubi ad *pedis longitudinem* & quidem in infante prociderit. Neque vero molestum tantum, sed & cum mirificis *doloribus conjunctum esse* illud vitii genus consuevit, praesertim hominibus *laboribus atque itineribus deditis*; dum gravis quandoque inflammatio ac tumor cum gangraena vel cancro propendentem intestini partem occupat: cujusmodi etiam exemplum aliquod circa finem *Observationum suarum Chirurgicarum* MEEKRENIUS proposuit.

I I.

Caussa.

Prima mali hujus caussa ab intestini recti nimia *laxitate vel debilitate sine dubio repetenda est*: ad quam accedere postmodum solent: tum gravis quaedam *vociferatio vel clamores infantum*, tum *tenesmus*, *vehementiores ani ex haemorrhoidibus dolores*, *dysenteria*, *vesicae calculi aut exulcerationes*, *partus vel* & *stercoris excernendi difficultas*, & si quae alia sunt hujusmodi.

I I I.

Prognosis.

Si recens adhuc malum est, tum facilem utique curationem illud ut plurimum recipit. Quo magis autem illud *inveteravit*, hoc *difficilius quoque ut plurimum* sanescit, & cum primis in debilibus aut qui mali sunt corporis habitus. Imo vero si *inveterata intestini debilitas noxam illam induxit*, quidvis potius impetrare quam perfectam sanationem licebit. Denique ubi *tumor nimis durus*, *gangraena vel cancer* jam tum partem prolapsam infestavit, nihil amplius ad curationem restat, quam *ut vel medicamentis lenientibus, quicquid ex ano propendet, foveatur ac demulceatur*, vel penitus etiam, si fieri tuto potest, ut si pars tantum ejus protuberaret, simili propemodum ratione, ac de vulvae tuberculis & procidentia praecepimus, *rescindatur*.

I V.

*Intestinum
quomodo re-
ponatur.*

Quisquis autem forte Chirurgus ad hominem istoc vitio laborantem adsciscitur, is, abjecta *mora omni*, *partem ani prolapsam restituere* in sedem *naturalem ante satagat*, quam de causis mali explorandis aut de deligandi ratione multum sollicitus sit. Quo *diutius enim intestinum propendet*, hoc magis quoque

(a) Misc. A. N. C. Dec. 2. A. 1. pag. 281.

que ut plurimum tumor cum inflammatione ingravescit; hoc item difficilior esse curatio consuevit. Debent autem, pro intestino reponendo, sequentia fere fieri. Ante omnia aeger pronus in faciem vel super lectulo vel mensa procumbat. Eo facto, intestinum prolapsum, praesertim ubi sicca ejusdem superficies est, calido sive vino, sive spiritu vini vulgari, sive lacte, sive aqua denique calida diligentissime primo per spongiam aut linamentum complicatum, idemque ex calido istiusmodi liquore quodam expressum, foveatur, mox autem per adhibitos binos digitos, linamento tenuiori involutos, leniter in locum debitum ita reprimatur, quemadmodum de intestinis per ventris vulnus prolapsis supra praecepimus. Quod facili utique negotio fieri ut plurimum solet, si tumor cum inflammatione nondum invaluit. Si graviter jam tum pars intestini prolapsa intumuit & inflammata est, praeter sanguinis detractionem fomenta tunc digerentia tamdiu adhibenda sunt, donec ea rursus detumescat, atque postea refundi queat. Hoc vero quandoque tam difficulter succedit, ut unus Chirurgus huic negotio non sufficiat, sed alterius ope indigeat (a). Quibus vero diu jam tum atque saepius imbecillum intestinum prolapsum est, nam nonnullis hoc toties, quoties alvum exonerant, incidit, hi plerumque ipsimet suis digitis atque sine Chirurgi auxilio reponere idem possunt; vel saltem facile etiam a Chirurgo reponitur. In his igitur sanatio omnis eo spectat, ut medicamentis convenientibus intestinum roboretur atque contineatur, ne procidere denuo valeat.

V.

Ad intestinum autem prolapsum, ne denuo idem prolabatur, decenter roborandum Intestinum atque continendum, major utique, quam ad reponendum, ars atque industria necessaria est. Debent autem sequentia fere hunc in finem perfici. Ante omnia confici bina splenia crassiora oportet; alterum quidem oblongum, inter medias clunes secundum longitudinem injiciendum; alterum vero quadratum, quod super splenium illud oblongum atque ipsum anum imponitur atque per adhibitam fasciam T vel ex linteo, vel e xylino panno confectam, diligenter firmatur. Neque vero sicca, sed decocto quodam roborante calido madefacta superimponere splenia ista convenit. Et valentissimum equidem hic esse id decoctum solet, quod ex rad. bistortae, tormentillae, cort. granator. quercus, gal-^{repositum}lis, foliis quercus, atque hujus generis rebus aliis, cum vino, praecipue rubro, decoctis paratur. Identidem autem foveri eo decocto intestinum prolapsum debet, toties nimirum, quoties idem denuo prolabitur; quod, experientia quidem teste, ad singulas propemodum stercoreis dejectiones, in quibusdam hominibus, aliquamdiu jam hoc malo conflictatis, ut modo dixi, aut etiam quoties ambulant, aut vim aliquam exerunt, usu venire consuevit. Si paulo gravior noxa est, insigniter etiam ad roborandum intestinum proficit pulvis ex mastiche, colophonio, terra japonica & draconis sanguine, confectus, atque post adhibita fomenta parti propendenti largiter ante semper adpersus, quam repositio & vinctura instituat (b). Haud absimilem virtutem subinde

(a) Vid. SAVIARDI Observ. XIV.

(b) SAVIARDUS hunc in finem turundam post restitutionem intestini adstringentibus ejusmodi conspersam in anum immisit. l. c.

subinde praeſtant *clyſteres roborantes*, quales ex vino rubro, (praecipue illo, quod *Pontac* dici communiter ſolet) cum herbis roborantibus, aromaticis & adſtringentibus decocto, parantur. His aliquamdiu diligenter factis ſingulis, quam ſaeppiſſime homines, niſi forte nimis jam tum inveteratum aut deſperatum malum eſt, ſaneſcunt.

V I.

Quid in
graviori
milo fa-
ciendum.

Si qui vero, nec poſt illam quidem curam adhibitam, convaleſcunt, his non ſuffimenta ſolum e maſtiche, thure, ſuccino, pipere nigro, aliſque id genus medicamentis valentioribus conſecta, ſellaeque perforatae ſubjecta, adhibere, ſed eſculenta quoque arida, dura, craſſa, atque alvum adſtringentia graviter prohibere convenit; ne ſcilicet, propter alvum adſtrictam, ob nimium excernendi conatum denuo inteſtinum in deſeſione protrudatur. Poſt quamcunque alvi exonerationem & fomenta praedicta & vincturam iterare decet. A vomitu atque ſternutatione, quantum fieri poteſt, itemque motu corporis vehementiori ſolertiſſime abſtinendum, ſtrenueque tamdiu conquieſcendum, donec ſublatus eſſe malum perſentiſcatur. *DIONISIUS* equidem cum quibuſdam Auctoribus aliis ſtatuit, feliciter praecaveri iteratam ani procidentiam poſſe, ſi ſuper ſella quadam, rimam circiter binis digitis aequalem habente, vel ad nummi grandioris amplitudinem perforata, aeger ſemper, ſi alvum exonerare vult, deſideat, itaque inteſtinum prolapſum quaſi reprimat (a). Nonnulli fiſtulam plumbeam reſtituto inteſtino in anum immittunt, eaque relapſum impedire ſtudent. Interim ſi vetus atque a graviori partium debilitate pronatum malum eſt, aegrique jam ſenes, nihil omnia haec medicamenta atque artificia Chirurgica quandoque proficiunt; ſed ſplenia ſemper cum faſciis applicari hominibus aegris debent, quae inteſtinum in loco naturali ſemper contineant, niſi gravioribus periculis exponere ipſos voluerimus. *PFYTERUS* in *Diff. de Hydroſarcole* in coroll. 22. aſſeverat, ani procidentiam contumacem & inveteratam cauterio five ferro candenti facile & abſque dolore curari; ſed dubito an multi huic curationi ſe ſubmiſſuri ſint, & an remedium certum ſit.

C A P V T C L X V.

De variis ani tuberculis, condylomate, criſta, ficu, fungo.

I.

Cujusmodi
ea tubercu-
la ſint.

Interdum anus a tuberculis, in ima inteſtini recti parte, tam intus quam extus pronatis, infeſtatur. Quae tametſi, propter variam magnitudinem ac figuram, in varias ſpecies tribuantur, atque modo condylomatis (b), modo criſtae, modo ficus aut fungi titulo inſigniantur; tamen in eo convenire ſingula

(a) In Operat. ſuis Chirurg. Cap. de ano prolapſo.

(b) Vid. *CELSUS* Lib. 6. Cap. 18. n. 8. & Lib. 7. Cap. 30. n. 2. atque *AEGINETA* Lib. VI. Cap. 80.

gula videntur, quod partim a nimio, partim etiam a corrupto atque circa has partes & potissimum in glandula forte quadam haeresciente sanguine proveniunt, atque ita, *quemadmodum polypi in naribus, & tubercula in vulva sensim excrescunt.* Saepius etiam in iis oriri solent, qui haemorrhoidibus subjecti sunt. Neque vero molesta solum, sed cum *doloribus quoque interdum satis acutis, imo vero cum egregia desidendi difficultate conjuncta esse ea* noxa solet, ideoque auxiliatricem Chirurgi manum postulat. Quae in *locis obscenis sunt*, ejusmodi tubercula, *peffima* a CELSO pronunciantur, Lib. V. Cap. 28. n. 14. imo etiam *haud raro aliquid venerei mali hic latere perspexi.* Hinc mirum non est, quod a veteribus pessima sint pronunciata; quia mali venerei curam ignorarunt.

I I.

In curatione horum malorum procedendum fere est, ut in aliorum tuberculorum *Curatio* carniunque excrescentium curatione supra (P. II. Cap. XXVII. & CL.) *quomodo* posuimus. Oportet nimirum si tenuis aut saltem non *nimis ampla radix est*, vel *instituen-* *da.* vincturae, vel forficis, vel scalpelli adminiculo, quicquid alienum videtur, extirpari; quibus modis jam varia ejusmodi sanavi. Si paulo latior radix est, ut ligari forte nequeat, scalpellum conveniens vel forfex in manus sumenda, quo tuberculum, unco seu vossella prius comprehensum, quam exactissime excindatur. *Vulnere hunc in modum facto, fluere sanguis, ad praecavendam inflammationem, aliquantisper,* prout aegri hominis vires sunt, debet. Deinde, supra datis medicamentis sanguinem reprimentibus, linamentis carptis & sple- niis vulnus deligetur. Postea sequentibus deligationibus fovetur balsamo vulnerario, tandem unguento quodam ficcante, ac denique linamenta arida ad promovendam glutinationem adhibeantur. Si quid forte alieni post primam operationem in subsequenter deligationibus remansisse observatur, opera danda est, ut aut forficis subsidio funditus idem tollatur, aut vitriolo coeruleo, lapide infernali similibusque medicamentis adurentibus penitus exedatur. Imo etiam ita saepe se habent, ut medicamentis exedentibus, integra, quemadmodum jam aliquoties feci, *satis commode tolli queant*, id quod CELSUS jam l. c. docuit, si modo cura adhibeatur, ne intestinum aut sphincter eis laedantur. Si medicamentis ea tollere non potuerunt veteres, ferro ipsa adurere docuerunt, vid. CELSUS Lib. VI. cap. 18. n. 11.

C A P V T CLXVI.

Quid faciendum si justo largiores sunt haemorrhoides.

I.

IN quibusdam hominibus, cum coxarum atque *intestini recti* doloribus, sed *Quid sint* *ut plurimum* tamen sine febris atque *intestinorum reliquorum cruciatibus*, ora *haemorrhoides.* venarum, per intestinum rectum passim dispositarum, quae *haemorrhoidales* vulgo dicuntur, sanguinem per anum, & in quibusdam quidem certis, in aliis

liis vero incertis temporibus effundunt. Medici affectum illum *haemorrhoidum* simpliciter, vel *haemorrhoidum fluentium* titulo communiter designant. Si *mediocriter* & cum sanitate hominum sanguis hic subinde effluit, tantum adest, ut in morbis *haemorrhoides istae ponendae, multo minus suppressendae sint*, sed ut salutares potius quamplurimis reputari atque adeo naturae vigori ac beneficiis accenferi debeant, quae hac ratione sanguinem abundantem & noxium per intervalla e corpore expellit. Siquidem tum insigniter saepe a variis noxiis, cum primis malo hypochondriaco, melancholia, renum morbis, mania, podagra, asthma, ischiatico malo corpus levatur atque excitatur (a). Ubi vero nimis magna copia sanguinis ex his venis ex ano profluit, ita ut aegri vires amittant, periculum utique videtur, ne paulatim corpus cum egregio virium detrimento exhaustiatur, vel hydrops inde subsequatur: ita ut opportuna tum curatio instituat, ipsa, nisi fallor, rerum necessitas postulat.

I I.

Curatio juxta veteres. Atque antiquiores quidem nonnulli Medici, ubi medicamenta adstringentia parum proficiebant, quae mox, licet male, adhibebant, ferro candente admoto venarum ora, sanguinem fundentia, gnaviter adusserunt: demonstrante id SCULTETO Armam. Chirurg. Tab. XLIV. Alii acu curva cum filo trajecto, vincturam harum venarum earumque, si adsunt, capitulorum, adhibuerunt. Recentiores autem, vel ipsa experientia magistra, didicerunt, veterem hanc curandi rationem, praesertim quae igne instituitur, non nimis tantum crudelem esse, sed & plerumque prorsus perniciosam; & rectius plerumque facere, qui aut nullam prorsus ad haemorrhoides fluentes curationem adhibent, si praecipue mediocriter ipsae fluunt; aut, si justo largius sanguis effunditur, saltem non nisi ab internis, eisque non adstringentibus, cum primis fortioribus, sed temperantibus solum medicamentis sanitatis praesidia repetunt: non neglecta sanguinis abundantis per venas detractio.

I I I.

Quomodo temperari haemorrhoides apertae debeant. Interea quia sunt, qui continuum vel frequens saltem istud sanguinis ex ano profluvium ita moleste ferunt, ut venarum ora sanguinem fundentia, quorum saepe varia sunt, quam primum velint glutinata. Quorum equidem desiderio tantum adest, ut temere Chirurgus satisfaciat, ut potius, quantis cum incommodis glutinatio ista conjuncta plerumque sit, cum ut plurimum morbi modo nominati, aut mors ipsa, inde subsequantur, graviter ipsis ostendere satagat, & ut propterea a Medicis auxilium petant. Si nihilominus curationem aliquam chirurgicam ipsi flagitent; si item aliquanto largius profluvium sanguinis sentiant; tum adhibitis simul aliis remediis idoneis aliqua venarum ora sive capitula glutinari nihil prohibet; dummodo unum vel alterum, ut HIPPOCRATES jam docuit (b), apertum relinquatur. Oportet autem sanationis negotium his fere modis institui. Ante omnia sanguis multus per venam detrahatur; deinde alvus lenibus & tempe-

(a) Observante jam HIPPOCR. Sect. VI. Aphor. XI. XXI. & CELSO Lib. VI. Cap. 18. n. 9.

(b) Aphor. 12. Sect. VI.

perantibus remediis ducatur, aliaque idonea remedia a Medico ordinentur, ac denique sex vel quatuor ante operationem horis, ad eluenda atque exhaurienda intestina, clyster sive lotio conveniens adhibeatur.

I V.

Tum ubi ad operationem ipsam veniendum est, aeger vel super mensam vel lectum transversus & pronus in ventrem ita deponatur, ut pedibus humum contingat, vel &, ubi visum fuerit, super lecti latere idem sic decumbat, quemadmodum fieri in clysterum applicatione communiter solet. Quomodo curatio chirurgica instituenda. Eo facto, bini ministri pedes atque nates hominis ita distendunt, ut & accurate hic spectari & tractari singula valeant. Tum Chirurgus, quando venae sive tuberculis sive capitulis hiant, acus curva filum trahens sub vena trajicitur, & postea filum nodo circa venam constringitur, quando vero simul tuberculorum forma tument, vena turgente per volsellam comprehensa, quicquid praeter naturam & tumet & sanguinem fundit, vel filo circumducto liget, vel forfice rescindat, atque hoc, si plures sunt ejusmodi venae, repetat; sed tamen, ut supra jam posuimus, foramine venae uno, eodemque minutissimo, superstite manente. Denique vero post aliquot temporis intervallum, si sanguis venarum resectarum sponte non quiescat, plagas inflictas singulas medicamentis sanguinem cohibentibus, linamentis carptis & spleniis cum fascia T decenter superimpositis foveat, tandemque sequentibus diebus medicamentis idoneis, ad conficiendam glutinationem, identidem adhibitis. Si quid forte alieni adhuc remansit, quod extirpare cruor in prima operatione forte prohibuit, id ipsum post resolutam deligationem primam aut alteram, si observetur, vel excindi, vel rodentibus applicatis, ut Lapide infernali exedatis satis commode poterit. Nonnunquam adeo alte in intestino recto posita sunt venarum ista tubercula turgentia ac sanguinem fundentia, ut, cum difficulter admodum alia ratione claudi possint, ferrum aliquod candens nonnulli veterum adhibere consueverint (a). Sed minus tamen commode, minusque tuto id ipsum fieri, res ipsa, credo, loquitur. Quam equidem ob rem commodior curatio videtur, si per adhibitum ita dictum ani speculum (vid. Tab. XXXIV. fig. 15.) anus, quantum apte fieri potest, extenditur, nodique passim obvii filo ligentur, vel venae apertae linamentis adstringentibus conspersis obturentur, siquidem hoc facto adhibitis simul remediis idoneis internis, mirifice ut plurimum sanguinis istae profusiones nimiae sese remittunt, ut ad ultima haecce externa accedamus raro opus est: quia medicamentis plerumque vinci possunt.

C A-

(a) Vid. figura 2. SCULTETI Tab. 45.

C A P V T CLXVII.

Quomodo haemorrhoides caecas curare conveniat.

I.

Vitii natura explicatur.

Nonnunquam venae, in intestino recto & circa anum passim obviae, non sine maxima hominis molestia ac doloribus usque adeo insigniter a sanguine intus comprehenso turgent, ut quaedam earum capitula quasi tubercula eademque nunc pisi, nunc acini vitis, nunc nodi cujusdam, nunc ovi columbini magnitudinem habentia, nunc in digiti quandoque longitudinem exposita, exinde proveniant. Medici noxam istam haemorrhoides caecas vulgo nuncupant, rectissimeque per tactum & colorem a ceteris ani tuberculis discernunt. Namque haemorrhoides coecae sanguine eoque ut plurimum crasso hic stagnante livent aut nigricant, depressoque digito vesiculae liquore repletae sensum aliquem praebent: quod aliter sese habere in veris tuberculis ac fungis sive condylomatibus, manifestum est ex supra positis (vid. cap. 165). Sed varia tamen esse vitii hujus conditio solet. Quaedam enim istiusmodi venarum tubercula sive capitula mollia existunt, atque vel nullum tunc plerumque vel levem saltem dolorem concitant; quaedam autem egregiam duritiem prae se ferunt, & nonnunquam dolores mirificos cum inflammatione quadam inducunt, imo quandoque ita miseros homines discruciant, ut neque sedere, neque stare, neque ambulare ipsi valeant, sed opinione citius quandoque, ut ut sine mortis periculo, ob vehementissimos cruciatus mente deficiant.

I I.

Causae & prognosis.

Solent autem ut plurimum haemorrhoides caecae apud eos homines suboriri, quibus & sanguis abundat, & alvus saepius est adstricta, quibusque proinde ipsa naturae vis haemorrhoides apertas sensim intentat. Ex feminis eae praesertim haemorrhoidibus coecis opportuna sunt, quae aut graviter admodum aliquando ex partu laborarunt, aut suppressa menstrua sentiunt, aut gravidae sunt, & cum primis sanguine abundantes. In his omnibus venae ob copiam sanguinis usque adeo insigniter quandoque turgent, ut sanguinem paulatim fundere ipsarum ora incipiant, atque ex tumentibus sive coecis apertae sive fluentes fiant, idque non sine mirifico interdum salutis periclitantis praesidio. Ceterum quia tumentes ac caecae haemorrhoides cum intensissimis saepe doloribus conjunctae esse solent, mirum non est, si & ani spasmus aliquis sive constrictio & desidendi difficultas cum angore maximo subinde incidat; isque usque adeo, ut nec vel clysteres quidem aegris applicari queant. Nonnunquam valde prurientia eademque molesta ulcera exinde proveniunt: si praesertim ante quartum vel quintum diem venarum nodi isti haud fuerint resoluti. Denique haud prorsus insolitum est, haemorrhoides caecas, nisi opportuna sanguinis inspissati hic haerentis resolutio vel emissio accesserit, in abscessum gravem vel perniciosissimam ani fistulam quandam degenerare.

I I I.

III.

Ad feliciter instituendam haemorrhoidum caecarum curationem, *ubi tubercula illa pauca & parum molesta sunt*, nullam fere curationem requirunt; verum *quando interdum plura simul anum infestant*, & ut pisa magna vel acini vitis anum cingunt, sic ut aegri difficulter sedere, equitare, aut etiam alvum exonerare queant. Quibus in casibus nisi sponte aut spiritui vini applicato cedant, promptum est remedium, ea vel omnia, vel saltem quae maxime molesta aut longa sunt, ligaturis ope fili sensim tollere. Sed si gravis quaedam inflammatio conjuncta est, adhibere ante omnia convenit & sanguinis missionem & medicamenta interna temperantia ac lenientia, a prudenti Medico proposita: habita tamen simul victus ratio, quantum fieri potest, prudentissima. Extrinsicus supra danda sunt fomenta sive malagmata, quae & inflammationem leniunt, & quicquid indecenter congestum est, discutunt. Ad idem proficiunt egregie spiritus vini calidus cum spleniolis supra datus, vel, ad leniendos dolores unguentum, nutritum dictum, vel de linaria, butyrum recens, oleum amygdalarum, papaveris vel lini, & similia, identidem partibus afflictis illita, clysteres item emollientes atque educentes, & denique, quando forte haec parum proficiunt, hirudines sive sanguisugae, venis turgentibus, ad exhaustiendum sanguinem hic haerentem, applicatae. Ubi vero sanguisugae vel deficiunt, vel partibus nimia inflammatione vexatis adhaerescere nolunt, vel aegris etiam forte horrorem incutiunt, necessarium utique videtur, phlebotomo quodam nodos istos sive tubercula incidere, emissioque, prout aegri hominis vires sunt, sanguine, linamenta carpta cum spleniis atque fascia T superimponere; deligationem denique tamdiu innovare atque iterare, donec vulnuscula glutinata, & malum penitus sublatum esse deprehendatur. Mirum quantum celeriter quandoque id ipsum fieri, testis est experientia (a). Quandoque tubercula venarum dolentia profundius in recto intestino sita sunt, ut commodè ad ea accedere non possimus, nisi speculo ani Tab. XXXIV. fig. 15. viam dilatemus. Quando hac ratione detecta sunt, vel phlebotomo incidi, vel forfice resecari possunt: ita enim sanguis inspissatus & noxius hic haerens emittitur, atque dolores exitu sanguini haerenti procurato, mox minuuntur. Nonnunquam vulnorum inflictorum ora ita parum coalescunt, ut potius ex haemorrhoidibus caecis apertae fiant, atque ita homines, dum alvum deponunt, cum stercore, praesertim si adstrictior alvus est, semper vel saepius saltem sanguinis aliquid simul excernant. Qui quidem affectus tametsi molestia haud prorsus careat, tamen non mirifice solum ad imminuendos dolores, ex haemorrhoidibus caecis perceptos, proficit; sed quam plurimarum etiam noxarum, & nominatim quidem mali hypochondriaci, morborum renum ac vesicae, podagrae, arthritidis, ischiadici mali &c. materiam quasi detrahit, atque sic aegros ab iis vel liberat, vel saltem morbos multo leniores reddit; si praesertim leniter sanguis fluit ac simul sollicita victus ratio servatur: unde factum est, ut multi hodie Medici tanti hunc haemorrhoidum fluxum faciant, ut omnibus fere aegris illum & suadere & concitare studeant; cum quibus vero ego promiscue, quia multa & incommoda & morbos

quo-

(a) Conf. & bist. morbor. Vratislav. pag. 195.

quoque concitare solet, *non consentio*; sed si morbialiter curari possunt, quemadmodum id saepe fieri potest, eum potius avertendum esse censeo.

I V.

*Praecaveri
haemor-
rhoides quo-
modo pos-
sint.*

Sed ne quis tamen forte ignoret, quibusnam praesidiis praecaveri atque averti haemorrhoides caecae ino & fluentes ab illis sine noxa debeant, quos ipsa velut natura opportunos ipsis reddidit; attamen nondum in consuetudinem abiit; sciendum est, nihil fere non exspectari a bona temperata & parca victus ratione hic posse: interim adhuc certius illi sibi prospiciunt, qui non semel tantum aut bis, sed & saepius, si valde sunt sanguinei, per annos singulos sanguinem per venas sibi detrahendum curant, ut sic abundantia sanguinis subinde minuatur, utpote in qua praecipua haemorrhoidum haeret causa; sed identidem quoque pulverem aliquem temperantem, aut decoctum ex millefolio, ad instar potus theae adhibent; sollicitae vitatis singulis, quae aut nimis calefaciunt, aut alvum adstringunt. Cujus equidem generis sunt aloë, myrrha, crocus, medicamenta item atque esculenta & potulenta similem virtutem habentia; vinum nimium & cumprimis crapula; similiter iracundia, vehemens corporis agitatio, venus nimia, vel equitatio & forsan alia. Si nihilominus intestini recti venae cum dolore indecenter turgere incipiunt; tum, praeter sollicitam victus rationem, resolventia, sanguinemque temperantia medicamenta interna; extrinsecus autem fomenta & malagmata, unguentum de linaria, nutritum, atque id genus alias res, quae ad leniendum faciunt, adhibuisse proficiet. Si qua autem forte nimis vehementibus cruciatibus aegri afficiuntur, vel sanguisugas, vel scalpellum, ut supra diximus, admove-ri oportebit.

Explicatio Tabulae trigesimae quartae.

Fig. 1. ostendit uterum cum mola intus adnata, A. qualem SIGISMUNDA, celebris quondam & expertissima Obstetrix Berolinensis, in nobili muliere, quae in praesentissimo vitae inde erat periculo, magna obtusaque ad apices forfice, sicut hic indicatur, feliciter amputavit. Vid. liber ejus de arte obstetricandi in praefatione.

Fig. 2. Uterum prolapsum haud inversum demonstrat: litt. A A partes pudendas; B ipsum uterum extra eas propendentem; C denique os uteri internum dictum, nunc extra pudenda prolapsum.

Fig. 3. Uterum prolapsum & simul inversum: A A partes pudendas; B uterum inversum propendentem, nusquam comparente ipsius osculo, quod fig. 2. ad litt. C, conspicitur, ambae ex RUYSCHII observationibus; C pars inferior hujus uteri inversi, sine osculo.

Fig. 4. Peculiarem sinit procidentiam, quae quidem verum uteri prolapsum mentiebatur; attamen talis non erat; sed tantum lapsus vaginae, ex observatione Cl. WIDMANNI in Ephem. Nat. Curios. Cent. VIII. obs. 98. ubi historia morbi prolixius describitur, & partes longe ampliores, sicuti scilicet erant, delineantur. Nos hic maxime necessaria tantum indicabimus, ut litt. A A notant labia pudendorum; B B nymphas; C inter illas delitescen-

centem *clitoridem*; D D corpus propendens, uterum prolapsum referens; id quod tamen non nisi tunicae integrae interioris vaginae relaxatio, prolapsus & in tumorem mutatio erat; E ejus radicem in vagina uteri; F ejus basin sive partem ampliorem cum osculo, os uteri internum mentiens: quod a recedente tunica vaginae ab ore uteri interno, quod naturaliter obduxerat, ortum traxit; G H ipsum uterum in pelvi integrum repertum; omissis hic brevitatis causa tubis, ovariis & ligamentis ejus, tanquam rebus huc non pertinentibus.

Fig. 5. ex MEEKRENI *observat. chirurg. defumta*, ad *procidentias uteri & vaginae illustrandas*: litt. A indicatur uterus; B ejus collum; C os ejus internum; D pudendum; E E vagina uteri incisa & aperta; F radix reliqua tumoris e vagina pronati, qui procidentiam uteri inversi mentiebatur; G funiculus, quo radix tumoris, dum auferebatur, ligata erat.

Fig. 6. 7. 8. 9 & 10. varia *pefforum* sive *peffariorum* genera repraesentant. Horum primus fig. 6. est *rotundus* instar annuli; eique funiculus junctus est, cujus ope cingulo alligari, & si placet e vagina extrahi potest. Alter fig. 7. *ellipticus* sive ovalis; tertius fig. 8. fere *quadratus*; quartus denique fig. 9. *triangularis*. Singuli hi perforati sunt in medio, & vel ex subere vel ligno idoneo ceraque obducto; vel etiam pro ditioribus ex ebo-re, vel ex argento aurove cavo constare possunt. Tandem ultimus fig. 10. solidus est, & figuram ovi obtinet, prioribus vero minus idoneus.

Fig. 11. est *peffus ex filis ferreis contortus*, conicus & elasticus, ex GOELICKII descriptione: cui etiam funiculus junctus est, ut commode, quoties lubet, extrahi possit.

Fig. 12. *machinam clysteri injiciendo* adaptatam designat, qua Germani ut & Batavi vulgo utuntur. Litt. A A *vesicam* denotat cum liquore contento: quae vero in adultis duplo vel triplo amplior, quam hic indicatur, esse solet, pro libra circiter, & quod excedit, liquoris continenda; BB *tubulum* sive *fistulam osseam* ano immittendam, per quam liquor in intestina injicitur; CC vinculum superius, quod, postquam fistula in ano est, solvitur ac removetur; DD vinculum inferius, quo vesica clauditur, ne liquor immixtus elabi queat.

Fig. 13. exhibetur machina pro *clystere*, ut vocant, *tabacali*, sive pro fumo tabaci in anum & intestina impellendo. A capsulam, qua tabaci folia dissecta continentur, incensa, ex orichalco, ferro, aliave idonea materia paratam; B fistulam osseam, quae in anum demittitur; C fistulam ore comprehendendam: per quam aër, postquam nicotiana incensa est, una cum fumo hujus fortiter impellitur, ita ut per fistulam coriaceam flexilem D D, fumus E, in intestina ingrediatur, repraesentat.

Fig. 14. denotat fistulam aeneam pro fumo aut vaporibus in vaginam uteri immitendis. A pars suprema multis foraminulis perfusa, quae vaginae inseritur. B pars infima aperta, quae infundibuli fistulam, & simul ascendentem fumum recipit.

Fig. 15. *Speculum ani*, sive ferramentum ano (imo & vaginae uteri) diducendo, pro vitiis quibusdam, intus delitescentibus, perquirendis meliusque &

cognoscendis & curandis destinatum. Litt. A A & B B denotant rostrum coniforme, cavum, ex duabus alis, sive canalibus constructum, qui clausi, tubum quasi conicum efformantes, ano vel vaginae, paullulum calefacti & oleo prius inuncti, blande immittuntur. Quando vero manubria sive habenae C & D ad se invicem manu comprimuntur, rostra sive duo canales sensim diducuntur atque anum vel vaginam dilatant, ut introspicere & vitia latentia examinare queamus. Ad litt. E ambae laminae hujus ferramenti ope clavi, ad modum ginglymi ita junguntur, ut rostrum claudi & aperiri pro lubitu possit.

Qua ratione homines fistulam ani sentientes tractare conveniat.

C A P V T CLXVIII.

De Ani fistula.

I.

*Ani fistula
quid &
quotuplex
sit.*

Propriam etiamnum animadversionem ea ulcera desiderant, quae anum, sive partes intestino recto propinquas, infestant, atque ea, quae recentia adhuc sunt, & bonum pus fundunt, abscessus ani; quae vero plus minusve inveterata, vel & callosa sunt, faniemque tenuem & graveolentem, nunc minori nunc majori copia, continuo emittunt, ea proprio nomine ab antiquissimis jam temporibus *fistulae ani* a Medicis nuncupari (a) atque in varias species, pro varia mali conditione, distribui solent. Quaedam enim ani fistulae parvae admodum sunt ac recentes, vel saltem minus inveteratae; aliae altius penetrant, attamen angustae sunt; aliae contra inveteratae & ita graves, profundae atque amplae, ut intestinum rectum, cute atque adipe prorsus nudatum, sit conspicuum: Cujusmodi equidem casus gravissimos memet ipsum aliquoties observare memini. Nonnunquam sine callo notabili adhuc recens fistula est: pleraeque vero duritiem aliquam sive callum tenuiorem vel crassiores, praesertim circa osculum, habere observantur. Interdum via recta atque unica fistulae subter tendunt; interdum vero multiplices admodum eae sunt ac tortuosae. Quo autem commodius singulas & considerare & tractare liceat, haud abs re fecerimus, sicubi cum melioribus Chirurgis triplicem fistularum ani differentiam constituerimus. Ad primam eas referimus, quae, intestino recto atque ani sphinctere non perforatis, sed integris adhuc existentibus, ex uno alterove ore suo, prope anum conspicuis, tenuem, ut jam diximus, atque mali odoris materiam quandam excernunt, fereque semper duritiem aliquam prae se ferunt; atque hanc externam fistulam appellare consueverunt. Quam alte & ad quasnam partes eadem penetrent, demisso specillo in sinum, indice vero alterius manus, oleo illico, in anum explorare convenit: tunc enim in non perforatis haud sine medio ferramentum digito occurrit, sed per medium corpus, scilicet intestinum integrum

(a) Vid. Hippocr. Lib. de fistulis & CELSUS Lib. VII. cap. 4. §. 4.



regum & non perforatum (a): ubi vero simul crassum an tenue sit illud medium judicandum (b). Nonnumquam ita flexuosis sinibus subter istac procedunt, ut nec specillo quidem, solertissime licet depressio, pervestigare satis interiorum rivulorum conditionem liceat; eos tamen magnos aut multos esse ex copia saniei sive puris quotidie effluentis intelligimus. Necessarium itaque ad uberiorem hujus fistulae explorationem tunc videtur, lacte calido per syringem intromisso, dispicere, quantum forte intret & capiat, & num quid forte lactis injecti in rectum influat, aut rursus per anum profluat. Id enim nisi fit, haud perforatum adhuc esse intestinum judicatur; contrarium vero patet, quando lac inde refluit, aut digitus in ano nudum specillum sentiat. Posse interrim, nondum interrupto intestino, tunicas ejusdem externas valde erosas esse atque tenues; vel ab invicem quandoque quasi resolutas, sinibus interjectis existere, usus ostendit; ubi curatio constans sine secto intestino fere nunquam obtinetur. Altera fistularum species habetur, si duplici aut multiplici ex ore, quorum aliud intus in intestinum rectum hiat, aliud autem extrinsecus prope anum conspicuum est, sanies effluit; qualis aliqua ratione indicatur Tab. XXXV: fig. 1. CC. Manifestius id ipsum cognoscitur, si specilli altera manu fistulae inserti caput digitus alterius manus in anum demissus nudum attingit; vel clyster etiam sive lac aut alius quidam liquor in anum injectus ex fistulae ore externo simul effluit, imo etiam quandoque faeces, flatus & lumbrici ex fistulae ore externo prodeunt (c). Denique tertia species eas fistulas comprehendit, quarum os in ipsum intestinum rectum hiat, salvis existentibus partibus externis ano contiguis; qualis indicatur eadem figura litt. F G. Has occultas, caecas, imo & imperfectas; priores, manifestas appellare consueverunt. Caecas sive occultas materia corrupta ex ano quotidie profluens demonstrat, praesertim si partes externas nullum ulcus infestat; si item homines hi juxta anum duritiem aliquam vel tumorem cum doloribus persentiscunt. Nonnumquam os fistulae internum alte admodum in intestino positum esse deprehenditur; plerumque autem prope ani sphincterem, vel in eodem idem est conspicuum: prout utrumque ex modo indicata fig. 1. patere potest. Sed quicquid tandem sit, locus sane afflictus pervestigari quam accuratissime debet ac subinde potest, si vel digitus oleo seu butyro inunctus provide in anum demittitur, eoque os fistulae internum quam solertissime exploratur; vel si hoc non sufficiat, ani quoque speculo aliquo adhibito, quale Tab. XXXIV. fig. 15. repraesentavimus, aliove idoneo. Interdum vero haec interna ac molesta investigatio haud necessaria est, quando nimirum sedes sive sinus fistulae externo tumore ac duritie satis cognoscitur.

I I.

Fistulae, geminum os habentes, quorum alterum in intestinum, alterum extrinsecus hiat, perfectae aut completae; reliquae autem, quarum unicus tantum-

Reliquae
fistularum
differen-
tiae expli-
cantur.

(a) Docuit hoc jam AEGINETA Lib. VI. cap. 78.

(b) Quando specillo has fistulas explorare volumus, semper prius digitus in anum immitendus; quia periculum alias est, ne intestinum specillo & quidem loco incongruo facile perforetur.

(c) Hoc AEGINETA quoque jam notavit, loc. cit.

tummodo exitus est, *imperfectae*, Gallis *incomplettés* quoque appellari solent. Posterior species denuo in binas species inferiores distribuitur: siquidem pro diverso exitus loco, *fistulae ani imperfectae sive incompletae* nunc *externae* sunt, nunc *internae*. Porro fistularum aliae *simplices*, aliae vero *complicatae* seu *compositae* nuncupantur. Prior denominatio eas comprehendit, quibus *non nisi partes molliores*, cutis videlicet, pinguedo vel & intestinum perumpitur; & quarum proinde aliae in alterutrum podicis latus, aliae antrorsum contra perinaeum, urethram, vesicam (a) aut scrotum; aliae retrorsum contra os coccygis aut sacrum procedunt. *Posterior idemque fistularum complicatarum nomen eas fistulas designat*, in quibus os coccygis, sacrum vel ischii, vel vesica, vel iter urinae apud masculos, vel apud feminas vagina uteri, ut MUSITANUS observavit (b), usque adeo graviter exeduntur, ut vel dubia fiant stercoris atque urinae itinera, vel & quandoque in ipsum ventrem fistularum rivuli procedant; quae omnium perniciosissimae. Quaedam illarum parvae & parum molestae sunt, atque in magnam usque senectutem sine insigni incommodo, ut nonnulla mihi exempla nota sunt, geruntur; quaedam autem non modo cum doloribus intensissimis, ut olim nonnullas vidi, sed & cum virium & corporis extenuatione, febricula atque cum quamplurimis aliis incommodis solent esse conjunctae. E contrario virum novi, qui aperta fistula valebat, ea vero consolidata, podraga mox aegrotabat, eaque denuo aperta, iterum valebat, hocque ita aliquoties factum est. Nonnullae osculum adeo angustum obtinent, ut vix conspici aut specillo explorari queat, & subinde tantum tuberculo se manifestet, in quo, re quam curiosissime explorata, parvum foraminulum, quod janua quasi ad fistulam est, deprehenditur; in aliis autem amplius adest hiatus. In quibusdam non nisi unica eademque simplex via est; contra vero in aliis fistulae ac rivuli multiplices ex uno fonte vel ore diducuntur. Similiter aliae aliis altius aut longinquius procedunt. Denique aliae recta, juxta intestinum rectum subter tendunt; aliae vero sub cute obliquae aut transversae existunt; sinusque plurimos & quam maxime tortuosos comprehendunt. Qui proinde non nisi difficulter admodum pervestigari solent atque explorari, adeoque & difficiliter curari consueverunt.

I I I.

Fistulae ani quomodo explorentur.

Solet autem *fistularum ani exploratio* his fere modis hodie institui. Aeger supper mensa sive lecto sic deponitur, ut ventri incumbat, cruribus probe diductis (c), & pedibus terra, innixis, quemadmodum in haemorrhoidum caecarum sanatione proposuimus (cap. 166. §. 3.). Tum minister aliquis vel duo, utrinque unus, gnaviter clunes ab invicem distendit, quo nempe commodius digitum in oleo sive butyro tinctum, deprimere in anum liceat. Namque universe hic in ani fistulis intestino propinquis explorandis ea semper, ut jam diximus,

(a) ALBUCASIS jam docuit, dari ani fistulas, ad urethram & vesicam penetrantes; Part. II. cap. 80. quales etiam jam notavi.

(b) Trut. Chir. Tom. I. de tumor. cap. 63.

(c) Veteres supinos aegros collocarunt, femoribus retractis atque disjunctis, ut videre est ex AEGINETA Lib. VI. cap. 73; id quod quandoque haud alienum esse videtur.

mus, necessaria est cautio, ut ne facile specillum in fistulam alte deprimatur, nisi digitum prius in anum demiseris. Siquidem alias periculum est, ne qua forte integrum intestinum, a depresso specillo loco incongruo perrumpatur, noxamque graviores & curam difficilioris efficiat. Postquam, ea moderatione adhibita, depresso specillum est, dimittere rursus clunes decebit, ut nempe naturalem posituram suam illae recipiant, neve viarum distortarum latera atque anguli specilli progressum impendant. Ubicunque vero, clunibus naturaliter compositis, specillum leniter depresso atque hinc inde blande directum progredi ulterius nequit, ibi fistulae terminus esse ut plurimum fuit.

I V.

Principium sive causa hujus mali esse communiter solet venarum, per quas ^{Causa mali} haemorrhoides transeunt, exulceratio, vel & abscessus quicumque alius, juxta in- ^{& exitus.} testinum rectum, cum primis in copiosa pinguedine, quae hoc cingit, pronatus. Nasci autem quam saepissime istiusmodi abscessus solent vel a gravi quadam podicis contusione, vel ictu, vel lapsu, vel vulnere, vel intestini recti inflammatione, vel dysenteria (a), vel partus difficultate (b), vel morbo venereo, vel vehementi equitatione, vel & a sexcentis causis aliis, quae hanc regionem laedere possunt. Equites imprimis hujusmodi noxas experiri solere, in castris a frequenti & praesertim vehementiori equitatione, aestuante praesertim coelo instituta, manifestum est experientia illorum, qui castrensium Medicorum munere funguntur, ubi quamplurimos equites fistulis ani laborantes olim vidi. Possesse autem hujus generis abscessus in fistulam ani degenerare; si vel ex pudore vel alia causa negligantur, & praesertim justo tardius illi aperiantur, aut justo forte negligentius expurgentur, mirum videri vel dubium haud quaquam oportet. Fieri enim aliter vix potest, quam ut materia ista corrupta, quae intus remansit, pinguedinem una cum intestino propinquo partibusve aliis vicinis ita graviter sensim arrodant, atque exulceret factisque finibus aut callis ita mirifice anum aliasve partes propinquas affligat, ut, nisi ferrum applicetur, nihil omnia medicamenta proficiant. In exemplum hic proponi mereatur LUDOVICUS XIV. gloriosissimae memoriae Rex quondam Gallorum potentissimus: utpote qui, frustra per longum tempus adhibitis medicamentis omnibus, ab expertissimis licet atque excellentissimis Gallorum Medicis atque Chirurgis quibusque propositis, liberari ab ani fistula prius haud poterat, quam scalpellum admooveretur (c). Quae quum ita sint, id sibi datum Chirurgus quisque prudens sciat, ut quam celerrime ad scalpellum procedat, simul atque in hominibus, ani inflammationem vel abscessum aliquem sentientibus, vel extus, vel etiam digito in anum demisso, puris aliquid intus collectum esse persenserit.

V.

(a) Ab hac MARCHETTUS fistulam ani notavit, Lib. de fistulis.

(b) Vid. TULPIUS Lib. IV. cap. 40.

(c) Historia haec notatu digna legi potest in DIONISII Chirurgia cap. de fistula ani; ubi simul summa bujus Regis erga Medicos & Chirurgos ipsum curantes liberalitas cognosci potest.

V.

Prognosis.

At enim vero quo gravior fistula est, quo profundior, quo major pinguedinis atque intestini recti & cumprimis sphincteris copia corrupta, aut exesa; quo amplior, quoque duriori callo circumseptus sinus, quo magis vetustum malum, quo aegri debiliores (a); quo magis denique aetate provecti, quoque pejoris habitus homines sunt, hoc magis quoque difficilis, quin imo plane impossibilis ac desperata subinde esse curatio consuevit. Cumprimis autem quo magis alte posita fistulae apertura sive os in intestino est, eo majus est periculum majora discindendi vasa sanguifera, unde sanguinis lethiferae profusiones sunt observatae, quae vix hic ligari, nec facile ob resistentis durioris corporis hic in vicinia defectum compressione ac stypticis cohiberi possunt (b), adeoque eo minor quoque sanitatis spes reliqua est. Et sane nisi digitus in anum depressus fistulae os attingere valet, verum illud adhuc profundius latet, sine vitae periculo, ob metum laedendarum venarum majorum, sectio institui nequit; adeoque tunc parum plerumque, imo vero nihil omnia Chirurgi artificia proficiunt. Ut proinde mirum videri haud quaquam debeat, quod GARENGEOTUS (c) scribat, rectius omnino Chirurgum facere, si, rebus ita sese habentibus, penitus ab operatione manus abstineat, quam si, facto gravissimo vulnere, concisisque venis amplissimis, quae ea in intestini hujus parte sunt, in praesentissimum lethiferae sanguinis profusionis periculum miserum hominem conjiciat. Cujus equidem consilio tantum abest, ut ego contradicam, ut potius statuam prudentis utique Medici esse, non nisi dubiam semper sanitatis spem iis hominibus, qui ani fistulam quandam sentiunt, proponere; quantumvis etiam principio parum periclitari iidem videantur. Accidere enim haud raro solet, ut, post admotum ferrum, non plures tantum fistulae sinus, sed ita quoque alti, ac gravia ossium juxta positorum, vesicae, urethrae, vaginae atque ipsius uteri in sexu sequiori vitia sese ostendant, quae vel nullam omnino, vel saltem non nisi ancipitem curationem recipiunt. Abscessus ani saepe redeunt, ut verae fistulae curandae: nam non nisi secto intestino & ani sphinctere curantur. In gravidis fistulae ani curatio non est suscipienda, sed expectandum donec a puerperio rursus prodierunt. Nam MAURICAEUS abortum & mortem inde notavit (d). Si quid etiam his in fistulis in vesica, vel urethra, vel utero, vel ossibus denique vicinis arrosus est, desperatum utique malum ut plurimum esse consuevit (e). Ita & caecae sive occultae longe difficilius plerumque curantur manifestis. Contra vero si recens adhuc & externa tantum fistula est, vel etiam si perfecta, ut in Tab. XXXV. fig. 1. CC, at-

tamen

(a) Exemplum de aegra debili, quae altero a sectione die mortua est, refert SAVIARDUS obs. 50.

(b) Vid. SAVIARDUS obs. 49. Ita PALFINUS exemplum recenset, ubi sanguis quidem per vulnus non penetravit, sed in intestina omnis effusus est, unde aeger mortuus. Operat. Chirurg. Cap. XX.

(c) In Operat. Chirurg. cap. de fistula ani.

(d) Vid. ejus observat. 618.

(e) Fistulam ani, quae vesicae cervicem perforavit, aut ad femoris articulum consistit, infabilem pronunciat AEGINETA l. c.

tamen non nisi pinguedo eaque pauca cum modica tantum intestini recti aut sphincteris parte exesa est; si nondum ad ceteras partes propinquas modo nominatas vitium transiit; si item non usque adeo alte fistula penetravit, si non nimis multiplex sinus est; si non nisi *leviter sinuum latera induruerunt atque occalluerunt*; si denique *boni habitus corpus est*, aegerque *adhuc juvenis vel saltem juventuti proximus*, feliciter ut plurimum fistulae ejusmodi sanescunt, sic tamen, *ut majus semper in ferro, quam medicamentis, praesidium sit*. Atque simile prorsus judicium esto, *de iis fistulis occultis sive internis*, quarum os ab extremo ani sphinctere, ut in fig. 1. F. G. non usque adeo longe distat. *Fistulae externae, parvae, in nonnullis diu sine notabili molestia perferuntur*; imo si natura iis assueta, quasi per fonticulum humores noxios hinc expellit, hominesque ab aliis morbis, quibus alias obnoxii fuerunt, praeservant, ut aliquot exempla mihi nota sunt, qui eis ad magnam & vegetam senectutem pervenerunt: adeoque *saepius hos non curare quam curare praestat*, sicut alias ubi de antiquorum ulcerum curatione egimus, quoque monuimus. *Quando in fistula externa vel etiam abscessu paries intestini recti ab exulceratione ita erosus est, ut digito in anum, specillo autem in fistulam immisiss, valde tenuis deprehendatur, malum non curatur, nisi intestinum eo loco una cum sphinctere, ut infra mox proponemus, discindatur*, quamvis intestinum ab ulcere non sit perforatum (a). Contra ubi eodem explorandi modo *crassum adhuc esse intestinum cognoscitur*, ulcus sine violatione aut perforatione ejus curari saepe potest. Ita & *fistulae recentes cum lue venerea conjunctae aut ab ea ortae*, curatione mercuriali & *sine sectione haud raro curantur* (b).

V I.

Haecenus, quae fistularum natura sit atque indoles, demonstravimus. *Aegri praeparatio & situs in curatione.* Ad curationem vero earum, quae ad curationem idoneae sunt, explicandam quum progredimur, sane nihil abs re facturi nobis videmur, si primo loco *de fistulis perfectis sive completis*, de reliquis autem deinceps tractaverimus; propositis enim, quae ad completarum fistularum sanationem spectant, artificiiis, dubium non est, quin promptior futura sit atque magis expedita de fistulis reliquis explicatio. Decet autem *ad fistularum completarum curationem perficiendam sequentia facere*. Simulatque nimirum cum aegri hominis, tum ipsius fistulae talis conditio esse animadvertitur, qualem, ad salutis spem concipiendam, necessariam esse declaravimus (§. V.), primum Medici negotium in eo positum est, *ut decenter homo aegrotus ad futuram curationem praeparetur*. Itaque proximis ante operationem diebus & *alvum laxare*, &, nisi vires deficiant, *sanguinem per venas detrahare* convenit; *sed si debiliores*, haec omitenda atque roborantia potius adhibenda, *victus interim ratione servata*, quantum quidem licet, solertissima, atque pro ratione aegri convenientissima, adhibitisque medicamentis ad leniendum atque corrigendum sanguinem, prout res exigit, quam maxime idoneis. Tandem ut *ne stercus curantem in sectione Medicum impediat*, neve nimis cito rursus resolvi vinctura prima debeat, neces-

(a) Notavit hoc jam SAVIARDUS Obs. Chirurg. 49. pag. 232.

(b) Conf. DRANKI observat. 85.

cessarium utique est, aliquot ante operationem horis aegro clystere intestina eluere, atque ita ejus alvum prius exhaurire; proxime autem ante sectionem urinam emittat, ne vesica distenta facile laedatur. Ad posituram aegri quod attinet, eadem hic necessaria observatio videtur, quam supra jam tum, ubi de exploratione harum fistularum §. 3. proposuimus, ut nimirum ventri incumbat, supra mensam pedibus terrae insistentibus, commendavimus. Veteres quidem, ut ex AEGINETA l. c. patet, aegrum supinum collocarunt femoribus retractis; sed Gallorum recentissimis Chirurgis, ut GARENGEOTIUS refert, ad hanc operationem commodissime dispositus aeger videtur, si in latere ad similitudinem eorum, quibus clysteres in lecto applicantur, juxta primam lectuli oram, prolato podice reductisque genibus idem decumbit. At, quanquam in hoc situ quandoque sectio haec satis commode perfici queat, casus tamen se mihi obtulerunt, ubi ob peculiarem fistulae constitutionem aptius in priori situ negotium succedebat.

V I I.

Fistulae
primo per-
fectae cura-
tio.

Aegro igitur, prout commodissimum videtur, disposito, proximum est, ut apto instrumento, quorum vero quamplurima hunc in finem excogitata sunt, sectio requisita perficiatur. Ab antiquis jam temporibus scalpelli peculiare genus sub falcis fere forma pro his morbis curandis in usu fuit, quod syringotomus, a syrinx fistula, Graeco appellarunt vocabulo, quorum nonnullae species Tab. XXXV. fig. 4. 5. 6 & 7. repraesentantur, & in quibus litt. A B scalpelli partem acutam sive scindentem, B C vero, partem obtusam ac teretem, sive stylum, qui flexilis esse debet, indicat, & D D eorum dorsum obtusum ac convexum. Et quamvis quidem a nonnullis tanquam inutiles rejiciantur, usu tamen didici, illis revera saepissime id, quod opus hic est, quam commodissime, praesertim in fistulis non adeo profundis, perfici posse. Usus eorum hic est. Syringotomo quodam, vel majore, vel minore, pro diversa fistulae profunditate, extremo C, dum digitus index alterius manus, oleo prius inunctus, in intestino recto est, in externam fistulam depresso, atque per interiorum sinum hujus digiti ope ita promotus, ut capitulum sive extrema pars C ex ano tandem promineat, prehensio deinde utroque extremo quicquid inter utrumque fistulae os medium est, concidatur (conferri potest SCULTEI. Tab. XLV.) qua sectione sphincter quidem ani, sed in ceterum sanis, sine noxa semper diffecatur (a). Ubi vero paulo profundior interna fistula est, quam ut syringotomi capitulum, per eandem trajectum, per se facile prodire ex ano valeat, digito in anum demisso majori opera, sed prudenter illud ita inflectat & dirigat, donec ex ano prodeat, eodemque facto Chirurgus intestinum earatione discindat, quam modo explicavimus. Quoniam vero superior oris fistulae in

(a) Putarunt multi cum ALBUCASI Part. II. cap. 80. aliisque veteribus, ex sphinctere ani dissecto necessum esse, ut fecum effluxus involuntarius sequeretur, eumque propterea vitandum esse praeceperunt; verum usus docuit, eum non semel tantum, sed aliquoties in ceteroquin bene sanis, ubi opus est, sine noxa discindi posse, & si forte hoc malum post hanc curationem aliquando sequitur, illud potius vehementiori corruptioni & destructioni sphincteris ab ulcere seu erosione adscribendum esse.

intestino pars ut plurimum callosa est, & hac curandi ratione non inciditur; attamen si non inciditur, haecce calli pars cum reliqua non coalescit, sed facile novo malo occasionem praebet; hinc oportet, ut vel apice horum scalpellorum pars intestini vicina ad duarum vel trium linearum spatium supra foramen fistulae syringotomo apice acuto perforetur, & sic simul diffecetur: vel si hoc forte factum non sit, oportet, ut post sectionem vel mox, vel si sanguis obstaculo est, sequentibus diebus pars illa callosa forfice seorsim adhuc incidatur, vel omnino fere ut in labro leporino refecetur.

V I I I.

Sed sciendum tamen hic est, Medicorum aliquos existimare, *scalpellum istud falcatum cuspideque retusa instructum*, quod supra (Tab. V. fig. 3.) delinatum est, vel aliud huic simile ad incidendas ani fistulas, longe commodius saepe modo laudatis syringotomis adhiberi, propterea quod manubrium manus incidendis virtutem egregie perficiat. Horum ego sententiam tantum abest, ut rejiciendam putem, ut potius & propriis & aliorum experimentis in minus profundis fistulis consentaneam pronuntiem. Ut enim nihil nunc de eo dicam, feliciter aliquoties a memet ipso in incidendis ejusmodi fistulis scalpellum hoc adhibitum esse, Galli certe Chirurghi, ut quam felicissime curationem fistulae in Rege suo LUDOVICO XIV olim perficerent, simile scalpellum aliquod, sed capitulo sive nodulo in apice praeditum (id quod tamen haud necessarium est) petitoque a persona, cui applicabatur, nomine, *scalpellum sive syringotomum regium (Bistouri Royal)* vocatum, adhibere nulli dubitarunt. Sed nolim tamen ad quascunque fistulas sine discrimine hoc nostrum aut regium istud scalpellum applicari: siquidem ad istas, quae paulo altius positae sunt, minus apta sunt. Itaque nihil abs re fecisse clarissimus BASSIUS, Chirurgiae Professor Hallensis, censendus est, quando in dissertatione de ani fistula (a) novum, quod Chirurgum primum Argentoratensium, *le Mairium*, auctorem habere nonnulli mihi retulerunt, idemque cuspide argentea praelonga & flexili munitum scalpellum (vid. fig. 8.) descripsit. Quo equidem rostro C, eadem, ut N^o. VII. docui ratione in fistulam depresso diligenterque per sinum anumque trajecto, quandoque longe commodius, quam per admota instrumenta praecedentia, concidi partes inter utramque fistulam mediae possunt. In eundem finem commode adhiberi quoque potest scalpellum syringotomum fig. 3. Tab. XXXV, quod GARENGEOTIUS quidem descripsit, sed non nisi partem ejus delineavit, Lib. de Instrument. Chirurg. Tom. I. pag. 337. quod eodem prorsus usurpatur modo, ut syringotomi priores, verum ob habendam EE adjunctam validius comprehendi & partes incidendae facilius diffecari possunt. Sed nimis longum hoc rostrum CD minus commodum deprehendi, aliudque fabricari curavi, cujus rostrum tantum ad lit. F. extendebatur, quo commodius rem perfeci. In omnibus vero his curandi modis, incisione facta, linamentis aridis, spleniis & fascia T deligari solet, in sequentibus deligationibus orae callosae digestivo & rodente medicamento, & nominatim mercurio praecipitato

(a) Halae an. 1718. jam edita.

to rubro sensim sunt auferendae , atque hoc facto copaivae balsamo aliove simili glutinandae.

I X.

Curandi
rationes ad-
huc aliae.

Sunt , qui syringotomorum & scalpelli descriptorum loco *specillum* , *filum si-*
ve stylum argenteum , *eumque flexilem* , in externum fistulae foramen demit-
tunt : quem deinceps per internam intestini fistulam trajectum , indice digi-
to , in anum depressio , ita inflectunt atque dirigunt , ut quaedam ejus pars
ex ano promineat (*vid. Tab. XXXV, fig. 1. D D.*). Tum , apprehensis fili
argentei binis capitibus , H H , quicquid carnis C , C , B , E , comprehen-
sum est , leniter trahunt , *admotoque scalpello* , cumprimis , *falcato* , aut *forfice*
idonea discindunt. Haec ipsa operandi ratio , (licet ex antiquissimis sit , &
ab A E G I N E T A loco citato jam descripta) , *commoda* inprimis atque *ita prae*
aliis comparata esse G A R E N G E O T I O videtur , ut *denuo revertentis mali peri-*
culum per eandem adimatur. Et quamvis & ego hunc modum antiquissimum
magni faciam , tamen quibus argumentis inductus ita sentiat hic auctor , &
qua ratione hoc magis , quam praecedentes curandi viae efficere queat , (ut scilicet
malum hoc ita curatum minus redeat , quam si alio modo curatum est) , *non-*
dum ego satis pervideo. Quidam dum filum hoc argenteum per fistulam trans-
missum , & in ansae formam reflexum attrahunt , non tam fistulam hanc , ut
in ceteris modis aperiunt , sed potius totum fistulae marginem callosum scal-
pello excindunt , ut sic totus callus simul scalpello auferatur , una cum parte
sphincteris & filo huic tanquam annulus adhaereat sive inhaereat , & sic
tanto constantiorem fistulae sanationem inde pollicentur. Sed sectio & diu-
turnior & magis dolorifica est. Alii *specillo quodam fulcato flexili* , ut *Tab. I.*
litt. M. vel Tab. XXXV. fig. 2. in fistulam externam depresso atque ad in-
testinum rectum , quam exactissime fieri potest , promotio , posteaque per
anum reflexo , carnem fulco *imminentem scalpello seu forfice conveniente di-*
vidunt. Quem quidem operandi modum recentiores nonnulli ceteris ope-
randi modis omnibus anteferendum esse in earum fistularum *sanatione sta-*
tuunt , quae *alte admodum in intestino posita esse advertuntur* : sed qua in re
& quam ob *causam praecedenti praestent* , ego quoque haud perspicio.
Verum quoque tandem ex his recensitis modo res perficiatur , maximam sane
prudentiam atque moderationem semper adhibuisse convenit , ne qua for-
te , grandioribus intestini recti vasorum ramis concisis , id quod in nimis
profundis fistulis quandoque contingit , *noxia quaedam* , aut prorsus *lethife-*
ra sanguinis profusio concitetur (a). Plaga hunc in modum instituta , post sectio-
nem *cruor ante omnia diligenter abstergetur* ; absterfoque cruore , quam curio-
sissime vulnus exploretur , atque , *num quis forte sinus vitiosus , aut callus , aut*
fibrae corruptae adhuc delitescant , circumspiciatur. Namque ubi *sinus* aut rivulus
aliquis offenditur , digito , specillove decenter immisso , caro superposita forficis aut
scalpelli convenientis adminiculo conciditur ; quo nempe accuratius conspici at-
que expurgari vitatae partes singulae queant (b). Quicquid autem *ex callo*
vel

(a) Testatur hoc SAVIARD. Observat. Chirurg. 49. & PALFINUS Operat. Chir. Cap. XX.

(b) Haec vero vel ob morestatem , vel debilitatem , vel pusillanimitatem aegri non semper
mox

vel fibris vitiatis intus reliquum esse deprehenditur, id, simili instrumento adhibito, siquidem tuto id facere licuerit, partim exscinditur, partim quoque scarificatur, seu crebro admodum scalpello aut forfice inciditur. Sic enim & promptior & largior suppuratio insequitur, longeque commodius paulatim extirpari per medicamenta adurentia & mundantia, quicquid forte indecenter induratum, putridum ac corruptum est, consuevit. Interim, ut apertissime dicam, quod sentio, longe plerumque felicius atque promptius perfici vulneris & purgatio & glutinatio solet, si quam primum & quam exactissime pinguedo corrupta atque indurata omnis in vulnere deprehensa per admotum scalpellum vel forficem exscinditur. Ad deligationem vero atque curationem reliquam quod attinet, de his latius exponere deinceps instituemus.

X.

Alium adhuc has fistulas curandi modum una cum peculiaribus quibusdam *Rungii mo-* in hunc finem excogitatis ferramentis, quae alibi descripta non reperi, me- *cus peculia-* cum aliquando, cum Bremae aegros nonnullos a calculo liberandi causa degerem, *ris descri-* communicavit supra jam laudatus Bremensium Chirurgus, RUNGIIUS. Nimirum tria hic adhibet ferramenta, quae sunt primo peculiare specillum sulcatum. (vid. Tab. XXXV. fig. 9.) AB a latere aliquo modo repraesentatum, vel ex ferro, vel ex argento fabricatum, cum manubrio CD, quod ad locum E ita extrorsum inflexum est, ut specillum & manubrium angulum ibi obtusum efficiant, specilli vero sulcus quomodo se habeat, si directe visui objicitur, fig. 10. ostenditur. Alterum ferramentum est canalis, digiti quasi crassitudine in diametro, similiter vel ex ferro vel argento exaratus, fig. 11. litt. AB, cum simili manubrio, eodemque ad angulum obtusum in loco B, attamen in contrarium sensum, modo inflexo, prout hic exhibetur; cujus vero canalis cavum conspectu directo fig. 12. demonstrat. Tertium est scalpellum rectum, angustum, longum & acutum, fig. 13. Quando igitur his ferramentis uti volumus, (singimus fistulam esse in ani latere sinistro, ut in fig. 1. CC) ferramentum sive canalis fig. 11. AB, atque tepidae prius immerfus, & deinde oleo inunctus, in intestinum rectum blande demittitur, ejusque manubrium D, prudenti ministro probe ac firma stabilique manu sustinendum committitur. Ipse vero Chirurgus specillum sulcatum fig. 9. eadem, ut modo diximus, ratione, aqua calida tepefactum & oleo inunctum, per os fistulae externum totum fistulae meatum tandemque ejus os internum CC, oblique ita demittit, ut apex A in cavum sive fundum canalis fig. 11. ingrediatur, eique probe insistat; id quod factum esse partim tactu, partim auditu, partim etiam digito per anum immisso cognosci potest. His rite peractis, Chirurgus manu sinistra manubrium specilliprehendit, scalpellum fig. 13. per sulcum hujus specilli & fistulam CC, usque in canalem fig. 11. demittit, eoque ad ductum canalis, ab interiori intestini parte ad

mox in prima actione efficere licet; cum pusillanimes aut morosi aegri ulteriorem explorationem & sectionem prima vice, ut usu didici, nulla prorsus ratione admittere velint; debiliores vero & qui forte multum sanguinis amiserunt, interdum non possint: ita ut necessario ad deligationem sit progrediendum.

ad exteriorem sive anum, totam fistulam incidit. Incisa atque aperta hoc modo fistula, purgatio fistulae, deligatio, ceteraque eadem pro ea curanda sunt facienda, quae mox infra in universum proponemus. *Haec methodus in paulo profundioribus fistulis prae ceteris adhibenda esse videtur*; quia apices syringotomorum imo & stylorum, non nisi difficillime & sine laceratione intestini, aut quandoque prorsus non in ejusmodi fistulis profundioribus ita inflecti possunt, ut per anum redeant. Summa vero cura est adhibenda, ne scalpellum extra canalem divergat aut aberret, quia inde gravis laesio intestini recti aliarumque vicinarum excitari posset; quam vero ob causam, ut scilicet hoc evitetur, canalis hic *fig. 11.* adeo amplus est. Si fistula esset in dextro ani latere, contrario modo haec ferramenta esse adhibenda, res ipsa loquitur. Fuerunt quidem, fateor, jam alii, qui in incidendis hisce fistulis *canalem quendam & quidem rectum in anum immiserunt*, & postea ope scalpelli recti vel falcati sinum aperuerunt (a); imo & RAUUM hanc curandi rationem in demonstrationibus suis chirurgicis commendare memini. Verum haecce RUNGII instrumenta ob figuram inflexam faciunt, ut Chirurgus hac ratione commodius scalpellum dirigere, atque sic melius evitare queat, ne quid aliud, quam fistulae sinus, incidatur; adeoque & ea merito aliis similibus haecenus notis praeferenda esse censeo.

X I.

Externae levioris fistulae curatio. Si externa tantum eaque recens, atque non nisi pinguedinem inter & cutem sita fistula sive abscessus est, salvo adhuc dum existente ani sphinctere atque intestino, tum his fere modis instituere curationem decebit. Primo fistula, nisi jam per se satis ampla, sed, ut saepe contingit, angusta valde fuerit; per insertam spongiam praeparatam, vel radicem gentianae, aliasve similes res intumescentes, quantum quidem satis est, paulatim ampliatur. Deinde rodentibus medicamentis primo illum in modum expurgatur & postea glutinatur, quem univarse de fistulis praescripsimus, (vid. supra Part. I. pag. 363.). Nonnunquam satius est, protinus scalpellum adhibere, eoque immisso, ut AEGINETA jam docuit (b), simplici sectione cutem incumbentem rescare; vel etiam tunc, quando turundis intumescantibus satis dilatari nequit, eamque eo incidere, donec rite pateat, & callus simul ablatum sit, postea linamentis carptis fistulam sub prima deligatione sic implere, ut sufficienter ipsa illis diducatur, & ficubi, post primam vincturam resolutam, plures fistulae sinus sese ostendunt, decenter & iidem inciduntur. Similiter si quid ex callo sive partibus induratis aut corruptis in sequentibus adhuc deligationibus deprehenditur, illud omne vel per admotum scalpellum aut forcem rescindi, vel rodentibus adhibitis, cumprimis vero mercurio rubro praecipitato, paulatim exedi oportet. Valentissimum atque commodissimum hic esse affirmat MONNIERIUS unguentum
apof-

(a) Vid. MASIERI Oper. Chirurg. pag. 188, ubi canalis istiusmodi, attamen longe alia species, delineata est.

(b) Locò antea citato.

apostolorum (a), attamen mercurium rubrum praecipitatum praefero. Extirpatis hunc in modum partibus vitiatis, *unguentum digestivum*, cum admixto oleo *ovorum vel bals. copaiuae* supra dare solertissimeque vulnus deligare convenit. Denique si nulli *amplius fistulae sinus abditi superesse* deprehenduntur, si *sanies in pus spissius mutari*, si *nova eaque firma ac sana caro increscit*; si item materia tenuis & decrescere, & colorem sensim cum odore in melius mutare incipit, nihil omnino ad perfectam sanationem reliquum videtur esse, quam ut balsamo vulnerario, aqua calcis, spiritu vini, vel & linamentis tandem siccis pars afflicta quotidie deligetur. Interdum loco aperturae fistulae externae, ut supra jam dixi, & aliquoties vidi, *exiguum tuberculum se ostendit*, in quo, si res accurate pervestigatur, *minutissimum foraminulum*, quae *janua quasi est ad sinum*, modo *facilius*, modo *difficilius* deprehenditur: quo in casu *forfice ante omnia illud refeco*; sic amplior postea mox fistulae ductus sive sinus deprehenditur, qui postea, ut dictum modo est, ampliatur, inciditur & curatur.

X I I.

Quodsi autem usque adeo alte jam tum ejusmodi fistula externa penetra- *Externae
gravioris
curatio.* vit, *ut ani sphincterem vel ipsum intestinum infestaverit*, vel saltem partes juxta positas multum eroderit, *ita ut intestinum admodum tenue deprehendatur*, fere nunquam sperare perfectam sanationem aliquam, *sine perforato & conciso, una cum sphinctere*, ut supra jam docuimus, intestino licebit. Solet autem quam commodissime negotium illud confici, *si, aegro rite collocato, digito provide in anum depresso*, aut *syringotomus quidam, & cum primis aliquali cuspide praeditus*, (*vid. Tab. XXXV. fig. 5.*) aut *acus fig. 2.* aut *stylus denique vel specillum non adeo obtusum*, per *fistulam externam ad fundum fistulae*, intestinum rectum versus, demittitur, eoque intestini paries vicinus, ubi digitus index capitulo specilli se ei opponit, perforatur (*b*), sed ea tamen instrumenti moderatione, ut ne qua forte alia simul intestini pars, *multo minus vesica violetur*. *Intestino sic perforato proximum est*, ut *instrumentum immissum ab inserto in anum digito prudenter ita dirigatur sive inflectatur atque ex ano protrahatur*, ut commodè incidi, *secundum haecenus in fistula perfecta No. VII. VIII & IX. explicatas regulas*; & *haec fistula imperfecta queat*, quae *hac ratione in perfectam mutatur*. Tandem ubi fistula ipsi ano quidem propinqua est, *sed sinus tamen sub cute non tam contra intestinum, quam potius contra perinaeum sive latus alterutrum ani tendit*, commodissimum utique videtur, *vel scalpello vel forfice vel syringotomo eam ita incidere*, ut ubique satis pateat, *inflictumque vulnus quam solertissime & purgare & glutinare*, ut antea docuimus. Denique hic monemus, posse etiam in his fistulis incidendis, praesertim si paulo profundiores sunt, *canalem Tab. XXXV. fig. 11. aliumve similem in anum supra descripta ratione adhiberi, maxime si ceteris forte laudatis instrumentis res satis commodè expediri nequeat*, atque *scalpelli fig. 13. beneficio sinus totus incidi*. Sed cautissime agendum, ne quid aliud temere laedatur.

XIII.

(a) In peculiari lib. de *fistula ani* conscripto, pag. 131, ubi multum rodentibus tribuit medicamentis.

(b) Hoc jam scivit & descripsit AEGINETA loc. cit.

Pars II.

T t t t t

X I I I.

Curatio fi-
stularum
caecarum,
sive inter-
narum.

Ad tertium fistularum ani genus fistulae internae, occultae sive caecae solent referri. Quae quum extrinsecus tectae sint atque clausae, minus profecto commode institui curatio poterit, nisi scalpello admoto externe vulnus sive foramen aliquod, pro aperiendis sinibus occultis, incidatur. Solet autem quam maxime commodus ad id iste locus haberi, quem aut tumor aliquis, aut duries, aut dolores, aut rubedo denique demonstrant: si praesertim digitus admotus sinum aliquem subiectum inibique collectam aliquam materiam corruptam, ut alias in abscessibus, persentiscit. Quibus equidem diligenter exploratis singulis, aegroque, ut supra positum est, collocato atque ab adstantibus firmato, a latere ani tumor digitis perceptus vel scalpello incidendus, donec in sinum perveniamus; vel si cautius adhuc agere volumus, partem vitiatam cum tumore intus comprehenso, digiti in anum demissi adminiculo, gnaviter extrorsum versus propelli, atque tum phlebotomo grandiori, aut scalpello quodam convenienti, quantum satis videtur, perforari oportet. Sic enim fistula caeca atque imperfecta in completam sive perfectam convertitur, atque ita curatio commodior efficitur. Facto hunc in modum vulnere illud postea vel forfice, vel scalpello vel super digito, vel super specillo sulcato ampliandum, eoque satis amplo reddito linamentis carptis injectis supraque datis spleniis & fasciis, pars afflicta prima vice decenter deligatur. Deinde, resoluta nimirum vinctura prima, vulnus inflictum, pro renata, si opus esse videtur, adhuc magis ampliatur, solerterque, investigatis fistulae sinibus singulis, aut corruptis intus partibus, intestinum quoque discinditur, ac posthaec eadem plane curandi ratio adhibetur, quam ad fistulas completas supra jam tum praescripsimus (a).

X I V.

Alia harum
curandi ra-
tio.

Quodsi autem haecenus proposita signa deficient, vel saltem non sufficere videantur, sed digitus tamen, in anum demissus, intestini recti fistulam quandam cum vel sine speculi ani ope (vid. Tab. XXXIV. fig. 15.) sentiat; sequentem in modum instituere curationem conveniet. Ante omnia filum argenteum paulo amplius sive stylus argenteus flexilis atque ad unius vel binorum circiter pollicum longitudinem inflexus, (vid. Tab. XXXV. fig. 14.) sinistrae manus digiti cujusdam adminiculo in anum ita demittitur, ut pars inflexa A, paulatim insinuari in intus positam fistulam, G fig. 1. (ani speculo, si opus fuerit, simul applicato) investigatam, queat. Eo facto, manus dextra filum sive stylum circa alterum caput B apprehensum, tantisper adducit, donec is, tuberculo quodam capite suo A prope anum, juxta litt. F. excitato, sese vel visui vel tactui ostendat. Tum filum hoc argenteum sinistra manu circa caput B comprehenditur, pars autem cutis ano propinqua & paululum ab adducto fili capite A elevata, scalpello gnaviter inciditur, donec hoc caput in vulnere facto appareat. Porro filum hoc, comprehensa parte A ex vulnere jam prominente, uberius ita inflectitur, ut per fistulam, sicut in fig. eadem litt.

(a) Observatio de ejusmodi fistula similisque fere curatio legi potest in DRANII obs. 82.

litt. DD videre est, quasi quadam habena; adduci discindique partes comprehensae valeant. Ceterum nihil forsan abs re alienum quoque fieret, si quis in fistulis ejusmodi occultis, non profundis sed ano vicinis, pro stylo sive filo hoc argenteo, jam jam descripto, syringotomum quendam, fig. 3. 4. 5. 6. 7. probe inflexum ad eas detegendas & incidendas adhiberet.

X V.

Sed quoquo tandem modo vulnus inflictum, remotisque partibus induratis ac vitiatis expurgatum sit, sane, ad perficiendam sanationem reliquam sequentia facere oportet. Primo vulnus integrum linamentis carptis & panniculis contortis, quantum quidem fieri potest, exactissime impleatur: quo nempe commodius & ampliari fistulae sinus & expurgari postea queat. Si paulo gravior sanguinis profusio incidit, linamenta, quae primo loco inseruntur, pulverem aut liquorem, cohibendo sanguini accommodatum, contineant. Similiter ubi paulo profundior fistula est, glomera linea, quae in infimum fistulae sinum depressuntur, filum robustius sive funiculum aliquem connexum semper habeant: namque hoc facto, verendum neutiquam est, ne, dum vinctura innovatur, linamentorum aliquid imprudenter intus relinquatur. Super linamentis multum triplex splenium imponatur: quorum primum seu infimum angustum quidem sit, sed longum tamen atque crassum; alterum paulo latius; tertium denique atque id supremum, fere quadratum; perinde scilicet, ac in procidentia ani proposuimus. Complanatis hunc in modum singulis, fascia T vel ex linteo, vel ex panno xylyno confecta, firmiter ac decenter applicetur; sed si sanguinis largior profusio adest, peculiari, eaque valentiori vinctura opus erit, quam P. III. Cap. V. §. VII. descripsimus. Tum aeger lectulo imponatur, atque, si sanguinis copia est, vel si parum sub ipso opere sanguis fluxit, ne qua forte inflammatio superveniat, sanguis e brachio educatur. Neque autem facile ante diem secundum vel tertium deligatio prima resolvatur; nisi forte alvum deijciendi necessitas quaedam id flagitet. Ubi vero, quemadmodum fieri quam saepissime solet, inanis tantum desidendi cupiditas persentiscitur, satius omnino videtur, manum tantisper abstinere, quam protinus vincturam resolvere. Quoties autem cunque postmodum seria desidendi cupiditas est, resolvere vincturam convenit; quo & commodius exonerari alvus & a sordibus libera servari vinctura possit. Si quid forte stercoris inter exonerandum in fistulam penetraverit, opera danda est, ut vel per spongiam cum vino calido adhibitam, vel & per linamenta sicca exactissime rursus extergatur; postmodum autem, ne vulneris orae justo citius coeant, sed semper bene pateant, linamentis carptis denuo & quam exactissime vulnus semper impleatur. Si quid autem forte ex callo sive partibus induratis vel corruptis in sequentibus deligationibus reliquum esse advertitur, ubi cum primis fundus mali probe considerandus, linamenta carpta unguento digestivo cum admixta praecipitati rubri sive aegyptiaci portiuncula inungere convenit; atque id ipsum per dies singulos tamdiu facere, donec penitus extirpatas esse vitiatas partes ex carne rubicunda ac sana deprehendamus. Reliqua enim, quae ad vulneris glutinationem pertinent, negotia iisdem plane rationibus expedienda sunt, quas supra jam tum com-

mendavimus (*vid. supra §. 9.*). Ceterum primis quatuordecim post confectam operationem diebus quam maxime sollicitam adhiberi cautionem oportet, ne quis forte fistulae sinus vitiosus non exploratus relinquatur, neve ferrum ab iis partibus vitiatis temere abstineatur, quas rescindere vel aperire, propter aegri vel morositatem vel debilitatem, in prima operatione haud quaquam licuerat. Utique vero fistulae unum alterumve sinum nondum satis exploratum vel apertum superesse, partim aspectus, partim specillum depresso demonstrant; partim autem & quam maxime materiae profluentis tum copia, tum nondum immutatus & color, & odor & habitus significant. Simul atque enim satis purum vulnus est, & jam tum ad sanitatem fistula spectat, materia minus copiosa profluere sensim incipit, eademque subalbida, modice crassa, & parum vel certe minus graviter olens. Itaque tum carnem, undiquaque incrementem, balsamicis remediis decenter nutrire paulatimque linamentis aridis tandem perficere glutinationem decebit. Cibus denique in omnibus istiusmodi casibus dari debet parcus, temperatus; idemque humidus, neque facile, praesertim principio, permittendum, ut aegrotus praeter juscula cibi crassioris quicquam assumat; ne qua forte cum egregia curantis molestia maximoque glutinationis impedimento, frequentior desiderandi cupiditas iusto crebriorem vincturae resolutionem postulet.

X V I.

Quid in fistulis complicatis agendum. Fistulas complicatas vel cum carie vel cum ulcere vesicae aut urethrae difficilime curationem admittere atque omnem fere medelam respuere, jam supra asseravimus. Interea tamen quando vel os ischii vel coccygis carie vitiatum esset, ulcus non solum satis dilatandum, ut liber ad locum laesum accessus datur; sed deinde medicamenta quoque ad cariem tollendam propria gnauiter superdanda; ubi inprimis essentiam aristolochiae rotundae quam valentissimam deprehendi, non neglectis intus remediis idoneis mercurialibus atque lignorum decoctis ad sanguinem a scorbutica vel venerea lue, quae saepe juncta est, purgandum atque liberandum, donec tandem os vitiatum mundum sit atque fundus carne sana rursus contegatur, ubi postea ulceris reliqui, ut aliorum simplicium ulcerum glutinatio consuetis remediis perficitur. Fistulae, quae cum vesicae aut urethrae ulcere conjunctae ceteris adhuc peiores sunt, atque nullam ut plurimum curationem admittunt. Attamen si, praeter modo laudata interna medicamenta, externe ulcus diligenter purgatur, & medicamentis balsamicis probe nutritur, vitia circa has partes, praesertim si non prorsus desperata sunt, in aegris ceterum adhuc valentibus ac robustis, subinde curantur, quae aliis remediis vinci non possunt.

XVII.

Observationes quaedam huc ad huc spectantes recentur. Non sum equidem nescius, multiplicia adhuc passim ab Auctoribus, praesertim veteribus, ut HIPPOCRATE (a), CELSO (b), AEGINETA (c), ALBUCA SI (d), SCULTETO (e) &c. fistulas ani, tum ligatura, tum ferro candentes.

(a) Lib. de fistulis. (b) Lib. 7. cap. 4. §. 4. (c) Loco supra citato.

(d) Part. II. cap. 80. qui nullum alium curandi modum novit, quam unctionem.

(e) In Operat. Chirurg. suis, cap. de fistula ani.

candente, tum rodentibus denique medicamentis adhibitis, curandi artificia proponi; quae vero studio praetermissi: quia tantum abest, ut haecenus propositis meliores existant, ut potius, quando rite inter se conferuntur, minus aptae minusque convenientes censeretur jure merito queant ac debeant. Ceterum silentio neutiquam hic praetermittendum, alvi subinde incontinentiam aliquam eos sentire, quibus propter fistulam quandam propinquam sphincter ani vel nimis est erosus, destructus ac debilitatus; quum tamen is in hominibus valentioribus & ubi minus erosus est, vel bis, vel ter, ut supra jam dixi, vel, pro re nata, saepius etiam discindi, absque magno incommodo vel infirmitatis periculo, queat. Nonnunquam vel aegroti aetas, vel imbecillitas, vel & ipsius mali gravitas, praesertim quando nimis alta aut profunda est fistula, quo minus institui operatio quaedam possit, prohibet. Itaque tunc opera danda est, ut partim per injectos liquores purgantes, partim etiam per adhibita medicamenta lenientia ac balsamica identidem noxa cum doloribus mitigetur. Denique quo magis miserranda eorum hominum conditio est, qui fistulae ejusmodi gravioris curationem sustinere coguntur, hoc magis profecto ridicula Gallorum quorundam stultitia videtur, qui olim, tametsi nihil minus quam ani fistulam senserint, tamen ut eandem cum Rege suo LUDOVICO XIV. & noxam & curam experti viderentur, in ostentationem quasi & gloriam conversis molestiis, ut fistulae ani curatio sibi adhiberetur, a Chirurgis flagitarunt; teste quidem ac censore ineptissimi desiderii hujus gravissimo DIONISIO, Chirurgo Gallo expertissimo (a). Et sane,

Spectatum admissi risum teneatis amici!

XVIII.

Quandoquidem autem *difficillimis utique Chirurgorum operibus accenseri fistulae ani gravioris curatio merito debet, operae sane pretium fecerimus, sicubi cautiones quasdam hasdemque ad emendandam rectiusque perficiendam fistularum ani curationem insigniter utiles, hic adhuc proposuerimus. Scilicet 1) ita incidere fistulam graviolem oportet, ut vulnus externum semper aliquanto latius, quam imus fistulae sinus vel fundus existat: siquidem, eo facto, ut in aliis, ita & in his curatius & purgari & felicius glutinari fistula queat. Imo vero, ut hoc melius fiat, necessarium quandoque est, binis lineis, decussatim factis, partem vitiatam incidere, atque dein quicquid duri vel corrupti intus, ac praesertim in fundo fistulae, esse deprehenditur, quam exactissime fieri potest, per admotum scalpellum aut forficem exscindere; nisi enim hoc rite fiat, fistula vel non vel saltem non recte curatur, & facile redit. Solet autem commodius atque tutius id ipsum quandoque perfici, ubi aut volsellam aut bannum, ad continendas partes ejusmodi alienas adhibuerimus: sic felicius postea rescinduntur. 2) Ne in dilatandis ope scalpelli hisce fistulis graviter intestinum aut omnino vesica laedatur, ita semper, si fieri potest, admoveere scalpellum convenit, ut non contra intestinum, sed contra ischii os sive extrorsum idem dirigatur. 3) Si fistulae externum foramen ano haud propinquum, sed in mediis clunibus positum est,*

*Prudentiae
Chirurgi-
cae regulae
quaedam
adhuc pro-
ponuntur.*

(a) Tab. XLV.

est, atque ita, ut sinus cuti proximus sit, paulatimque versus intestinum rectum procedat, oportet specillum quoddam sulcatum in anum fistulae sinum deprimere, & ad ductum ejus, forcice apta aut scalpello admoto, cutem supra positam provide discindere. Vulnus deinde linamentis aridis contortis probe repletur ac diducitur, & sequentibus diebus fistulae natura probe exploratur: quae probe perspecta, reliqua deinceps eadem facienda, quae supra jam hanc in rem praescripsimus. 4) Si jam tum exulceratum ac perforatum intestinum est, ut in completis esse fistulis solet, stylus aut capitulum specilli vel syringotomi, quicumque sit, non tam per osculum fistulae internum quam potius ad duarum circiter linearum latitudinem per supra positam intestini partem integram deprimi in intestinum debet; quo nempe rectius rescindi, id quod in ore fistulae interno induruit ac callosum est, valeat. Ubi vero per ipsum fistulae os internum ferramentum penetravit, necessarium est, post concisum intestinum & sphincterem, ipsius quoque intestini partem fistulae contiguam induratum superiorem, circiter ad linearum duarum sive calami straminei latitudinem forcice concidere. 5) Si forte majus aliquod vas sanguiferum simul est perruptum, quod multum sanguinis fundit, curvam acum, quae filum ducit, si fieri potest, subter trajicere, eoque extremam vasis partem ligare convenit. Sin vero deligare venam haud licet, spleniolum e styptico liquore expressum super vas concisum imponatur ac per dimidiam quasi horam, donec crustam venae induxerit, digito ministri alicujus probe deprimatur, expletoque postea vulnere glomeribus lineis fortiter contortis, impositisque desuper spleniis aliquot paulo crassioribus, solito firmior deligatio instituatur; insuper aeger strenue conquiescat, & minister aliquis gnaviter aliquamdiu per impositam manum comprimere vincturam jubeatur (a). 6) Deligatione facta, quando forte post aliquot horas urinae difficultas sentitur, hortandus aeger est, ne minus moderate urinae reddendae difficultatem istam ferat, quia hoc malum plerumque brevi sponte cessat. 7) Si venereum malum cum ani fistula conjunctum est, haec non facile curatur, nisi prius illud tollatur; hoc vero sanato, saepe fistula sine sectione sanescit. 8) Quam ARNOLDUS, pro deligandis ani fistulis, excogitavit fasciam singularem, atque Garengotius descripsit & communi fascia longe praestantiorum pronunciavit, eam quoque infra Part. III. de fasciis descripsi; adeoque ea, si lubet, loco vulgaris adhiberi potest (b). Tandem 9) ubi sensim glutinari vulnus incipit, turundam quandam ex linamentis carptis ad digiti magnitudinem confectam & pompholyge obductam, GARENGOTIUS in anum deprimi jubet; quo nempe felicius siccari sanescens plaga queat. Sed hoc saepe non est necessarium, quia plerumque linamenta arida, ulcere probe purgato carneque repleto, pro hoc scopo sufficere deprehendi. Utiles observationes de fistulis

(a) Quia aliquando observatum est, vena sanguinem fundente non satis compressa, sanguinem quidem non per vincturam & anum effluxisse, sed in intestina irruisse atque sic aegro mortem intulisse, vid. PALFIN. Operat. Chirurg. cap. 20; hinc, ne hoc fiat, probe attendendum.

(b) BASSIUS quoque peculiarem fasciam, & a vulgari paulo diversam, in laudata sua dissertatione delineat; quae etiam hic commode adhiberi potest, praesertim si pars dependens magis findatur, & satis ampla sit. Ita & aliam in lib. suo de fasciis delineavit.

lis ani legi possunt apud DRANIUM obs. 82. 83 ad 86.

X I X.

Ceterum quod obiter hic circa finem doctrinae hujus observatum velim, *Garengio-* mirum utique videri poterat, *GARENGEOTIUM* quidem fistulas ani, ut *tius cense-* nos, in *perfectas & imperfectas* dividere, earumque etiam notas tradere; at-
tamen in curatione solum de *perfecta* agere, & *imperfectarum ac caecarum cu-* rationem silentio prorsus praeterire: licet hae haud minus quam illae propria ac
singularia artificia, imo adhuc subtiliora fere, desiderent: sicut ex praece-
denti capite fatis, ni fallor, videri potest. Ita etiam modum fistulas ani
complicatas tractandi, quamvis non adeo insolentes ac rarae sint, prorsus
praetermittit.

C A P V T C L X I X.

De ani abscessu.

I.

DE ani equidem abscessu breviter jam tum & quasi aliud agendo superio- *Instituti*
ri capite differuimus. Interim quia primum *fistulae ani principium in ratio.*
abscessu juxta anum plerumque positum esse videtur, cognitaque probe hujus abs-
cessus natura & curandi ratione dilucidius; quae fistularum indoles earum-
que praeservandi ac curandi ratio sit, perspicere licebit; nihil utique abs re
facturi nobis videmur, si singularem hoc loco de ani abscessu tractationem
instituerimus.

I I.

Solet autem *duplex* admodum esse abscessus hujus initium. Namque *inter-* *Ani absces-*
dum subito, interdum sensim atque velut sine sensu idem nascitur, & furunculi *sus qualem*
speciem ille primo refert, mox celeriter increscit, variaque *naturam ac* vehementia
symptomata & cumprimis dolores brevissimo tempore concitat. Initio *tuber-* *differen-*
culum aliquod acutum, fabam vel avellanam magnitudine vix adaequans, cum infi-
gni quadam duritie sese ostendit. Circa istam duritiem, quae profunde jux-
ta anum ut plurimum sita est, rubedo quaedam solet esse conspicua. Non-
nunquam cutis externa erysipelatis sive ignis sacri tantum speciem exhibet,
dum absque tuberculo rubet; sed tamen cum ita gravi inflammatione, *ut*
nisi promptissime digeratur, vix dum elapsis quatuor & viginti horis, quandoque
abscessus subortus esse deprehendatur. Similiter dolores ita saepe graves hic
existunt, ut cum febris sitim, vigilias, nauscam ac debilitatem egregiam, noxas
denique alias similes inducant. Alterum idemque tardius succrescentium absces-
sum genus mox fistularum nomine a nonnullis designari atque ut alii absces-
sus, tumore ac dolore plerumque se manifestare solet, qui vero tardius ad
suppurationem tendit.

III.

Quomodo
abscessus
procedat.

Sed quoquo tandem modo subnatus abscessus est, sane materia corrupta post factam suppurationem elabendi viam aliquam pedetentim sibi parat, & tandem vel cutim juxta anum, vel intestinum perforat. Quod ipsum vero antequam fiat, pinguedo propinqua ab intus haeresciente materia acriori plus minusve exeditur atque in sanie[m] convertitur; sinibus variis, hisdemque quandoque simplicibus, parvis & rectis, sed interdum quoque valde magnis, tortuosis ac profundis hinc enascentibus, externamque tandem etiam cutem vel intestinum, vel utramque partem perrumpentibus: idque nunc celerius, nunc tardius, pro varia scilicet materiae intus collectae indole sive natura. Ut proinde mirum haud sit, fistulas, ex abscessibus nasci solitas, alias aliis existere graviores.

IV.

Ante opera-
tionem
quid fieri
debeat.

Ad abscessus hujusmodi curationem quod attinet, initio sanguinis missio & digerentia medicamenta fomenti vel cataplasmatibus forma adhiberi possunt; verum quia his raro malum curatur, & majus in manu quam medicamentis hic ut plurimum praesidium est, ad scalpellum mature est confugiendum & sequentia sunt facienda. Primo aeger ejusmodi abscessu laborans eundem in modum disponitur, quem supra in fistularum ani curatione (Cap. CLXVIII. §. 6.) indicavimus. Deinde digitus prope vel in ipsum anum depressus quam solertissime partem vitiatam sive tumorem exploret, corruptaeque materiae sinum intimum pervestiget, quantumvis etiam nullum factae suppurationis signum externum sese ostendat. Quodsi autem non nisi tumoris ac duritiei sensus est, operam dare convenit, ut ad qualemcunque maturitatem prius materia haerens perducatur, quam ferrum corpori admoveatur.

V.

Quomodo
abscessus
maturan-
dus.

Quemadmodum autem in quovis abscessu insigniter promoveri atque accelerari suppuratio per impositum cataplasma quoddam emolliens, quale esse potest de mica panis triticei cum lacte & croco paratum, vel per emplastrum diachylum cum gumm. suevit; sic maxima quoque semper hic necessaria cautio videtur, ne, justo diutius relicto super partibus afflictis cataplasmate aut emplastro latius, quam decebat, suppuratio ad partes interiores procedat, absumptisque partibus circumquaque positis, malum desperatum vel saltem longe vehementius ac periculosius efficiat. Igitur neutiquam expectandum hic est, donec materia intus comprehensa signum aliquod maturationis externum exhibeat, sed cataplasma potius post alteram tertiamve quamvis horam removendum, absterfaque cute, per utriusque manus digitos, alterum quidem in anum, alterum autem extrinsecus depressos, dispiciendum, num qua forte, huc atque illuc depressis partibus vitiatas atque inter digitos comprehensis, materia corrupta sive matura sese prodatur. Neque enim facile audiendi sunt, qui tum demum aperiri debere abscessum ani statuunt, quum plane jam maturuisse materia maligna persentiscatur, quia vicinas partes nimis destrueret.

VI.

V I.

Simulatque vero corruptae atque intus collectae materiae signum aliquod ^{Quomodo} sese ostendit , digito , qui depressus in anum est , intus relicto , tuberculum ex- ^{aperiatur.} trorsum versus cutem & ad latus ani propellatur , atque scalpellum vel phlebotomus per tuberculum medium ad usque locum istum , qui materiam continet , demittatur , elevatoque paululum ferramento , in subjectum vasculum aliquod conveniens sanies , cum qua plerumque hic etiam sanguis effluit , emittatur ; partibus externis , ad propellendam materiam intus haerescentem , leniter undique compulsis.

V I I.

Materiae portione , quanta quidem ad factam abscessus perforationem de- ^{Quid fieri} monstrandam sufficit , emissâ , scalpellus vel phlebotomus depressus ita reci- ^{post perfo-} piatur , ut supra positae partes tumentes linea recta per eundem concidantur , atque ^{rationem} vulnus bene ampliatur. Eo facto , digitus aliquis , pro diducendo vulnere , in si- ^{debeat.} num vitiosum intimum demittatur atque cavum sive sinus ejus exploretur : deinceps super digito vel juxta digitum forfex aut scalpellum provide deprimatur , ductoque juxta anum secundum longitudinem ferramento , vulnus , quantum satis est , amplificetur. Denique ut ad fundum mali accessus melius pateat , si amplius est , lineis transversis quoque pars afflicta , si opus esse judicatur , incidatur , & quicquid forte praeter naturam intus corruptum aut induratum deprehenditur , solerter excindatur , eadem prorsus ratione , quam ad fistulas supra commendavimus.

V I I I.

Ad deligationem vulneris hujus rite instituendam subsequentes , ut GARENGEOTIUS vult (a) , ^{Vulneris} necessariae sunt cautiones. Vulnus ante omnia tribus ^{deligatio} quatuorve turundis grandioribus lineis atque filum annexum habentibus , quantum ^{quomodo} quidem fieri potest , exactissime impleatur. Filum unumquodque vel locus , quem in externa vulneris ora idem nanciscitur , vel & singularis color a reliquarum turundarum funiculis distinguat , ne qua forte , vincturam resoluturi atque innovaturi , turundam , infimo loco positam , citius quam superiores extrahamus , itaque perniciosam aliquam sanguinis profusionem concitemus. Super ipsis turundis istis glomera linea copiosa imponantur , paululumque adducto , quemadmodum GARENGEOTIUS praecipit , imae turundae vinculo , efficiatur , ut quam exactissime singula glomera linea invicem sint conjuncta. Denique spleniis angustis variis ita supra datis , ut angustioribus latiora semper incumbant , fascia , pro deligandis fistulis inferius describenda , decenter injiciatur. Sed , ne quid hic dissimulem , non video , quare in simplici ejusmodi abscessu tanta copia turundarum fila trahentium , atque tam molesta , quam hic vult , deligatio hic adeo sit necessaria. Ego ejusmodi abscessus , linamentis multis contortis , ut alios abscessus , probe repleo , atque superinjectis spleniis cum fascia usitata quam simplicissime deligo. In sequentibus deligationibus linamenta illa ^{dia-} non evello , sed ulcus digestivo , quod vocant , unguento & emplastro

(a) In Chirurg. Operat. Cap. de abscessu ani.

diachylo composito, foveo, atque donec sponte facta suppuratione excidant; exspecto, ita nulla profusio sanguinis facile hic metuenda. *Postea abscessum*, ut alias in abscessibus & ani *fistulis moris est*, purgo, ac tandem balsamicis glutino.

*Explicatio Tabulae trigesimae quintae, quae res
ad fistulas ani pertinentes ob oculos ponit.*

Fig. 1. proponit & illustrat nonnullas fistulae ani species, & litt. A A indicant partem intestini recti; B sphincterem ani; C C fistulam ani perfectam, sive, ut vulgo dicunt, *completam*; altero scilicet foramine extra anum, altero in sphinctere ani vel intestino recto; id est, cujus foramen alterum externum est, alterum internum. D D stylum flexilem seu filum argenteum, quo, tanquam habena quadam in fistulae os externum per internum ac deinde per anum E trajecto, caro cum sphinctere inter utramque styli partem comprehensa, ad commodius partes incidendas dissecandas, leniter adducitur. F fistulam *imperfectam* sive *incompletam*, quae solum intus in intestino ad litt. G aperturam habet, exhibet. H H denique fili argentei duo extrema sive capita indicant.

Fig. 2. Instrumentum *instar acus magnae* repraesentat, ex GARENGEOTIO mutuatum, planum, ex argento flexili fabrefactum: quod ad litt. A magnum habet foramen, ut funiculum transmittere possit, *quando quis juxta antiquorum morem fistulam ani per ligaturam discindere & curare*, vel alias linteolum ad modum setacei per vulnus aut ulcus aliquod traducere vellet. B indicat cuspidem, qua in fistula imperfecta intestinum perforari, eaque deinde per anum ex parte reflecti potest, pro toto fistulae sinu incidendo. Per integrum ejus tractum sulcus conspicitur, quam ob rem etiam specilli fulcati officium, si opus est, praestare valet. MASIERUS in Oper. Chir. acum ejusmodi teretem, BASSIUS vero, Dissert. de fistula ani, planam & sine sulco in finem fistulas ligandi & incidendi delineant atque commendant: quibus etiam loco hujus in incidendis fistulis ani commode uti possumus.

Fig. 3. *Peculiaris syringotomi species est*, quam quoque GARENGEOTIUS *Lib. de Instrum.* Tom. I. pag. 337. ex parte, sed non totam delineavit. Litt. A A A partem concavam & acutam sive secantem indicant; B B B dorsum obtusum & convexum; C D stylum sive specillum argenteum, eumque facile flexilem, qui incipit ad litt. C & terminatur in apice D. Pars, quae litt. E E designatur, & in unci modum reflectitur, pro habena sive manubrio est, ut ejus ope facilius fistulae, praesertim duriores, discindi queant. F denique locum ostendit, ubi ego hoc scalpellum syringotomum finiri curavi, demta parte D F, eoque commodius sectionem perfeci, quam si integram hic indicatam longitudinem habet.

Fig. 4. 5. 6. & 7. ex vulgatiorebus & antiquioribus syringotomis nonnullas species ostendunt, majores & minores, magis vel minus inflexas, apice vel obtuso vel acuto donatas, pro fistularum diversitate usurpandas: in qui-



quibus litt. A B partem scindentem ; B C stylum teretem & flexilem ; C apicem ; D D vero dorsum convexum & obtusum indigitant.

Fig. 8. *Scalpellum syringotomum* a BASSIO primum delineatum, repraesentat.

A A A scalpelli quasi falcati partem acutam ; B B stylum flexilem argenteum ; C ejus apicem ; D D manubrium demonstrant.

Fig. 9. 10. 11. 12 & 13. ferraamenta sunt quae RUNGIIUS, Chirurgus Brementis, in his fistulis quibusdam curandis mihi commendavit : & speciatim fig. 9. *species est specilli fulcati*, peculiari manubrio instructa : ut A B specillum fulcatum, oblique inspectum ; C D manubrium ; E vero locum, ubi basis specilli singulari ratione in proprium usum inflexa est, designat.

Fig. 10. *Specilli hujus partem cavam* sive fulcatam directe ostendit.

Fig. 11. litt. A B amplum canalem sistunt, in sectionibus harum fistularum in anum demittendum pro scalpelli fig. 13. cuspide & acie suscipienda, ne facile intestinum laedat ; C D ejus manubrium in contrarium sensum flexum.

Fig. 12. hunc canalem, quando directe a concava parte inspicitur, demonstrat, ut ejus amplitudo rite conspici queat.

Fig. 13. *Scalpellum est rectum, longum & angustum*, quod per sulcum specilli fig. 9. usque in sulcum canalis fig. 11, qui in recto intestino esse debet, immittitur, eoque fistulae meatus inciditur.

Fig. 14. *Stylum sive filum argenteum flexile*, atque nunc ita inflexum ac dispositum, ut pars flexa A in fistulae os internum per intestinum immitti queat, pro sinu fistulae F fig. 1. commodius & certius incidendo, demonstrat.



PARTIS II. SECTIO VI.

De manuum atque pedum vitiis, eademque curandi artificiiis.

TAmetsi, qualia manuum atque pedum vitia incidere soleant, quibus item modis curari pleraque illorum debeant, satis jam tum ex iis, quae de curationibus noxarum corporis chirurgicis univérse supra Part. II. Sect. I. proposita sunt, pateat; tamen haud abs re fecerimus, sicubi *seorsim hic in manibus adhuc cum de paronychia*, tum etiam de ganglio & tendinum futura, de quibus hactenus actum non est, explicaverimus.

CAP V T CLXX.

De paronychia seu panaritio.

I.

*Vitii hujus
indoles
quaenam
sit.*

Paronychiam seu panaritium dum appellamus, intensissimum eumque graviter rodentem dolorem istum designamus, qui digitorum phalangeas & cumprimis apices sive extrema eorum circa ungues, atque haud raro cum sensu pulsationis acerbissimo & quandoque simul calore praeter naturam infestare consuevit. *Digitifere semper tunc intumescunt, sed interdum tamen fere absque omni tumore dolor est: quando forte malum altius circa ossa haeret.* Nonnunquam dolores hi a digitis ad ipsum usque cubitum vel humerum ipsum quandoque etiam penetrant, ob nexum digitorum cum his partibus per flexores musculos. Interdum leves aut mediocres, interdum autem usque adeo graves atque intolerabiles iidem existunt, ut noctes non minus quam dies absque somno transigere cum fletu & lamentatione miserabili homines cogantur. Quin imo haud prorsus insolitum est, homines, praecipue molliores, ita mirifice a paronychiae doloribus discrucari atque exerceri, ut aestum sive febrem, animi deliquia, spasmos, convulsiones, ac deliria, cum gravissima brachii inflammatione, abscessu vel sphacelo ipso, quin &, nisi opportunum accesserit auxilium, vitae quandoque periculum sentiant.

II.

*Quotuplex
paronychia
sit.*

Quandoquidem igitur, pro varia istarum partium, quae affliguntur, conditione, nunc gravior, nunc mitior esse paronychia solet; mirum non est, varias a Medicis paronychiae species constitui. GARENGEOTIUS (a) equidem, in explicanda vitii hujus indole & curatione quatuor admodum;

GOUVEYUS

(a) In Chirurgic. Operat. Cap. de panarit. Tom. III. pag. 283.

Goveyus (a) quinque paronychia species posuerunt. Nos autem, probe consideratis atque expensis singulis, triplicem inprimis noxae hujus differentiam constitui apte posse arbitramur. Prima species est, si non nisi cutis aut pinguedo in exteriori vel interiori digiti parte, vel etiam sub ungue vel juxta eundem posita, vitium continet. Quo equidem in casu haud raro graves, sed tamen non usque adeo intolerabiles dolores aegri perferunt. Altera species est, si digiti periostium affligitur, inflammatur, vel arroditur ubi dolor profundius, sed tumor vix percipitur, atque tum homines aegri gravissimis ut plurimum, sed tamen hoc semper gravioribus noxis atque doloribus discruciantur, quo gravius quam maxime tenera & sensilis tunica ista afficitur. Tertia eademque vehementissima ac pessima paronychia species mihi est, si nervea tendinum flexorum involucria, vel ipsi tendines, digitis flectendis destinati, vel denique juxta illos positi nervi calamitatem hanc sentiunt. Namque tum, propter & cruciatus intolerabiles, & supervenientia mala gravissima, miserabiliter admodum cum aegrotis agitur (b).

I I I.

Ad veram eandemque proximam paronychia causam quod attinet, ista, meo quidem judicio, ab haerente sive stagnante ibidem inspissato sanguine, indeque suborta partium juxta positarum inflammatione, repetenda esse videtur: id quod aestus & pulsus in parte affecta manifeste indicare videntur. Nasci autem cum sanguinis stagnatio, tum digiti inflammatio solet partim a causis internis, quales sunt sanguinis cruditas atque acrimonia, partim etiam a variis casibus externis, ab aciculis puta, spinis seu festucis in digitum depressis variis, nec non a contusione, contritione rebusque id genus aliis quamplurimis. Quo gravior itaque laesio vel inflammatio hic existit, quo item sensiles magis partes affliguntur, hoc magis quoque molesta atque pernicioosa paronychia sit, necesse est. Neque vero inter Medicos deesse nonnulli ferunt, qui, digitis ejusmodi male affectis incisis, vermes in conspectum prodisse memorent, qui causa horum malorum fuerint: atque haec ratio videtur, quare Germani vermis digitorum nomine variis in locis hunc morbum designare siverint.

I V.

Ad signa primae speciei quod attinet, initio digitus, praesertim ubi malum haeret, leviter cum duritie quadam, sed absque doloris tamen, saltem fortioris sensu, tumet. Mox rubedo cum inflammatione atque doloribus sese ostendit. Denique vero mala supra memorata paulatim superveniunt. Quanquam autem mirifice tumor increfcit, dolores tamen cum noxis supervenientibus reliquis adhuc tolerabiles plerumque existunt, neque ultra digitum afflictum facile sese extendunt: quod contra sese habere in ceteris paronychia casibus sive speciebus solet. Materia vitiosa ut plurimum ita parum alte insidet, ut conspic-

(a) In Lib. qui *Chirurgia vera* (*Chirurgie véritable*) inscribitur, pag. 307.

(b) Quandoque in omnibus digitis simul vitium hoc haeret, qualem casum An. 1738. Magdeburgi in milite quodam vidi, & vix ab ullo notatum memini.

Spicua tandem haud raro oculis sese subjiciat. Quo autem propius ad periostium digitorum vel tendines inflammatio penetrat, hoc magis quoque intensi dolores fiunt, ita, ut universum quandoque brachium occupent, fereque continuas, praesertim apud homines molliores, vigilias inducant.

V.

Signa secundae speciei paronychia. Altera paronychia species a priore in eo differt, quod aegri vel in apice digiti, vel & in universo digito, cum calore praeternaturali; febre, vigilia, convulsionibus, quin & interdum cum delirio dolores intensissimos persentiscant. Tumoris atque inflammationis parum aut nihil sese ostendit: neque dolores ad internam brachii condylum penetrant; quod ipsum tamen fieri in tertio paronychia casu consuevit.

V I.

Signa tertiae speciei. Tertium denique paronychia genus his fere signis cognoscitur. Tumor vel modicus est, circa digiti apicem, vel & plane nullus; si praesertim tendinis involucrum sive vagina interius magis, quam exterius ab inflammatione infestatur. Dolores e contrario ita graves sunt atque intolerabiles, ut, quo se vertere homines debeant, nesciant. Neque vero tantum digitus affligitur, sed universam quoque manum, carpum item, & inprimis eam partem, quae sub ligamento manus transversa atque annulari juxta carpum manus posita est; quin & universum brachium ad usque internum ossis humeri condylum istum, a quo muscoli digitorum flexores procedunt; vel & quandoque ad summum usque humerum dolor pervadit, fereque continuas vigilias cum febre & nervorum distentionibus inducit. Si quid forte materiae corruptae in tendinis involucro haeret, juxta digitos quidem parum aut nihil tendo, propter duram & compactam ejus substantiam, intumescit; sed tamen circum articulos digitorum tumor modicus emergit. Manus paulo magis quam digiti, sed minoribus tamen cum doloribus, tumet. Cubitus denique cum humero ita mirifice quandoque intumescit, ut, GARENGEOTIO teste, femoris amplitudinem quandoque adaequaverit, & interdum duae vel etiam omnes tres species inter se complicatae esse possunt.

V I I.

Exitus paronychia. Exitus paronychia, pro varia illius conditione, proque varia noxarum conjunctarum gravitate, varius esse consuevit. Prima mali species (n. 4.) parum plerumque periculosa est. Interim ubi partes sub vel circa unguem posita paronychiam sentiunt, unguis ut plurimum, & cum doloribus satis intensis, a digito tandem recedit. Si non nisi juxta alterutram unguis partem vitium est, unguis dimidius proximus plerumque resolvitur. Quodsi autem materia vitiosa vel sub ipso ungue haerescit, vel tendinem quoque digiti aliqua ratione infestat, mirificis plerumque doloribus aegri exercentur. Aliquanto gravius ii affliguntur, qui alterius generis paronychiam experiuntur. Siquidem apud hos & dolores & noxae ita plerumque mirifice ingravescent, ut, nisi opportuna curatio accesserit, mortis quandoque, ut nonnulli perhibent, periculo aegri exponantur; quamvis tamen raro malum, quantum ego saltem vidi, eousque ingravescat.

cat. Nonnunquam post inflammationem hanc & subsequentem *suppurationem caries quaedam digiti ossa invadit*, quemadmodum aliquoties ipse vidi. Atque extremi quidem *articuli os*, ubi forte arrosus est, *citius totum* sive integrum, *utpote minutum, excidere, quam abscedere a sana pars corrupta solet*. At enim vero *quam maxime graviter periclitari isti homines consueverunt*, quos *tertium idemque perniciosissimum paronychia genus infestat*. Dolores enim, si praesertim *gravis aliquis abscessus aut gangraena simul incidunt*, ita plerumque *crudeliter cum febre, brachii item tumore atque inflammatione*, noxisque hujus generis aliis, miseros homines discruciant, ut, nisi optimus corporis habitus sit, promptissimumque auxilium adhibeatur, miserabiliter iidem, conficiantur (a). Si quis forte *abscessus in brachio, praecipue juxta musculum radii quadratum*, sub ligamento annulari exoritur, id sibi datum Chirurgus existimet esse, GARENGEOTIO auctore, ut vel aegri amicis, vel & quibuscunque aliis personis praesentibus, *declaret, absque adhibito ferro sanescere hominem neutiquam posse*; quin & verendum omnino esse, ne *digitus afflictus, utut feliciter confecta curatione, naturalem sese flectendi facultatem perdat*. Fieri enim haud raro solet, ut Chirurgi negligentiae aut imprudentiae postea ab ignaris vel malevolis tribuantur, quae ex ipsius morbi gravitate pronata forte sunt corporis vitia.

V I I I.

Ad paronychia curationem quod attinet, GARENGEOTIUS equidem, *Curatio 1. nulla medicamentorum facta mentione, mox scalpellum proponit*. Ego vero fatius *per medicamenta* atque prudentius esse existimo, curationem, sicut in aliis morbis, secundum HIPPOCRATIS praeceptum (b), *per medicamenta prius hic tentasse, quam ferrum, a quo plerique tantopere abhorrent, protinus in manum sumsisse*. Atque id magis etiam ideo; quod experientia constat, non in aliis tantum ejusmodi malis, sed in ipsa quoque paronychia satis quandoque feliciter, cum ad diluendum ac digerendum sanguinem *inspissatum ac quiescentem*, tum ad mitigandam inflammationem medicamenta proficere. Solet autem quam commodissime sanguis subsistens una cum inflammatione temperari, sicubi digitus afflictus identidem & per aliquot horas continuas in spiritum vini bonae notae, vel etiam camphoratum calidum, cui theriacae aliquid admixtum est, demittitur. Similem virtutem praestat lac cum allio, vel & simul cum herba sabinae scordiique manipulo decoctum: siquidem digitus vel continuo in liquorem istum calidum deprimitur, vel & linamentis, eodem liquore madentibus, frequentissime involvitur. Academia Scientiarum Parisina aquam communem fervidam hunc in finem laudat, si digitus afflictus saepius ei per exiguum temporis spatium immergatur (c). Alii suadent, ut *assa foetida*, ad instar emplastri, sed largiter tamen linteo inducta, calida identidem super partem afflictam imponatur. Rursus alii, *tunicam tenuem atque albicantem ex ovo cocto eadem ratione* adhi-

(a) GARENGEOT. In Operat. Chirurg. loco citato: nam apud nos raro tam vehemens observatur.

(b) Sect. VIII. aphor. 6.

(c) Vid. ejus Acta, An. 1707. p. m. 57.

adhiberi cum profectu posse, certo experimento statuunt. RIVERIUS auctor est, feliciter ut plurimum sanari paronychiam posse, *si digitus vitiatum aliquamdiu in aurem felis immittatur*; haud neglectis interim in usu omnium horum remediorum, *si febris atque inflammatio vehemens adsunt, medicamentis internis, his contrariis, atque opportuna sanguinis per venas detractio.* Si quid forte proficere haecenus proposita sentiuntur, tamdiu *continuari curatio illa debet*, donec dolor repressus sit, ac pristino vigori suo restituti esse digiti advertuntur. HILDANUS Centur. I. obs. 97. *tutissimum atque promptissimum paronychiam curandi modum sequentem*, quem saepe felici cum successu tentavit, tradit. Primo quidem digitum *lacte vaccino*, in quo flores chamaemeli, meliloti, sem. foenugraeci & cydoniorum cocti sunt, *aliquamdiu fovet.* Deinde *superficiem cutis (ubi dolor) paulatim dissecat.* Abrasa cute, maculae quaedam rubicundae apparebant, quibus scalpello incisus, guttulam unam aut alteram aquae rufae sub cute invenit. Illa evacuata, linteam madefactum aqua vitae, ubi nonnihil theriacae dissolutum erat, applicuit. His statim sedatus est dolor, atque hoc unico remedio altero die sanatus fuit digitus. Ubi vero *iusto serius ad curationem hanc proceditur*, vel & ubi forte usque adeo nihil isthaec omnia, quae haecenus praescripta sunt, efficere deprehenduntur, ut jam *tum ad suppurationem spectare pars aegra videatur*, longe quidem optimum sanitatis praesidium in ferro positum est. Interim, quia aegre admodum, ob vehementioris doloris metum, aegrotantes scalpellum admittere solent, haud abs re fuerit, in mitiori vel primi generis paronychia, *pro maturanda suppuratione, emplastrum diachylum cum gummis, simileve aliud, tamdiu superimponere, donec & materiae vitiosae locus magis conspicuus fiat, & minori cum dolore pars afflicta scalpellum suscipiat.* Verum enim vero *si secundi vel tertii generis, hoc est, multo gravior paronychia quaedam digitum infestat, cunctatio omnis periculosa est*; propterea quod digitorum *periostium & ossicula brevi a materia maligna eroduntur, eoque facto, non dolores tantum graviores, sed vel abscessus quoque grandiores, cariem, vel gangraenam universi brachii gravissimam, una cum praesentissimo mortis periculo, quandoque sentire homines aegri coguntur.*

I X.

Primi generis paronychiae qualis operatio adhibeatur.

Quo autem felicius institui paronychiae curatio queat, operae utique pretium est, qualiter comparatum malum sit, ante omnia considerare. *Sicubi enim mitis admodum sive primi generis paronychia incidit, neque alte malum penetravit, quam facili negotio institui curatio poterit.* Simulatque enim materia quaedam purulenta in parte laesa, ad instar alicujus tuberculi sive bullulae se ostendit, *Chirurgus binis digitis, utrinque juxta partem afflictam positus, cutem paululum intendat, admotoque scalpello dividat.* Siquidem hoc facto pus effluit, ac feliciter deinde & sua velut sponte digitus ut plurimum sanescit.

X.

Curatio paronychiae

Si juxta unguis radices aut sub ungue, aut juxta ejus latera vitium nascitur, & sub ipso ungue materia purulenta delitescit, partesque propinquas alias cum inflamm-

flammatione atque doloribus intensissimis corrumpit, tum opera danda est, juxta un-
ut quam primum ista unguis pars, sub qua materia perniciose haerescit, vel rescin-
datur, vel incidatur, expressaque materia ista, vulnus per adhibita linamenta
carpta, spiritu vini vel aqua calcis madentia, decenter glutinetur.

X I.

Sicubi forte paulo altius sub cute posita esse materia noxia deprehenditur, mo-
lestum quidem, sed promptum tamen auxilium est, protinus plagam aliquam in lo-
co, ubi materia haeret, per admotum scalpellum instituere, per quam materia paulo altius
maligna educatur. Id enim nisi fit, periculum est, ne citius ossicula propinqua materia in-
exedantur, quam cutis externa, eademque crassior & plerumque etiam durior,
a pure perrumpatur. Oportet igitur, si sustinere incisionem aegri nolunt,
quam graviter ipsi & citra omnem quidem Chirurgi culpam, periclitentur,
ostendere; sed interim tamen, cum ad maturandam, tum etiam ad evocandam
materiam alienam intus congestam, emplastrum diachylum cum gummis, tanquam
egregium & praestantissimum quasi maturans, diligenter imponere. Si, eo
facto, cutis externa rumpitur, quemadmodum fieri quandoque solet, ampliari
quodammodo plaga ista debet, si nimis angusta, & aeger id patiat, gna-
viterque expurgata per adhibitum unguentum digestivum, aut balsamum
ARCAEI calidum, cui spiritus vini aliquid admixtum est, foveri, supra datis
emplastro modo laudato & fasciis. Sin vero incisioni manum suam aeger sub-
mittit, facienda sunt sequentia. Primo digitus afflictus super mensa sive tabula
sic deponatur, ut ea pars, quae vitium continet, sursum spectet. Deinde
homo robustus gnaviter manum vel brachium aegrotantis continere jubeatur, ne qua
forte, propter fatis acerbos dolores, retracto brachio, Chirurgus in opere
suo impediatur, aut alia pars sana graviter laedatur. Tum Chirurgus scalpello
quodam valido atque acuminato in partem digiti afflictae mediam, ad usque ipsum
pus ita deprimat, ut, cute cum subiecta pinguedine ad extremam usque digiti
apicem concisa, profluere sanguis hic haerens sive materia corrupta, quantum-
vis etiam parum ejus quandoque intus sit, queat, eoque facta, digiti os factum
tectumque a vitio persistat.

X I I.

Sicubi secundi generis paronychia digitum infestat, erosoque perioestio, juxta
ipsum digiti os materia noxia haerescit, tum eadem quidem facere convenit, quae
ad primum paronychia genus modo n. XI. praescripsimus; sed maximo ta-
men opere simul providere, ut ad ipsum usque os ferrum penetret, ibidemque
haerescens materiam alienam educat. Quanquam autem parum, imo vero
nihil quandoque materiae hujus in conspectum prodeat, quia quandoque
paucissima est; tamen haud infeliciter expeditam operationem esse, exinde colli-
gitur, si a confecto operationis negotio pristini dolores paulatim sese remittunt.
Ad vulneris modum quod attinet, observatione dignum est, existere quidem
in Chirurgis aliquos, qui ad alterutrum semper latus, neutiquam autem ad mediam
articularum extremorum in digitis partem scalpellum admovendum esse statuunt; ne
qua forte muscoli perforantis tendo, qui huic inferitur, scalpello laedatur.

Pars. II.

XXXXXX

At

At enim vero frustraneam utique esse illam cautionem, partim exinde manifestum est, quia *iste tendo ad mediam aut ultimam articuli extremi partem neutiquam pertingit*, sed in prima statim ejus parte desinit; partim quia usus docuit, *digitum hic tuto incidi posse*. Eundem tamen lateralem vulneris infligendi locum, utut nullis additis rationibus, GARENGEOTIUS quoque observandum statuit, simulque praecipit (a), ut *in opposito statim digiti latere vulnus infligatur*, sicubi, post incisum latus alterum, nondum mitigati esse dolores sentiantur: atque id magis etiam ideo, quia *cruciatus ab operatione confecta superstites*, nondum veram vitii sedem apertam esse, significant. Ego vero sic omnino velim habeatur, salutariter utique vulnus in alterutro digiti latere fieri, quoties inibi tumor aliquis cum doloribus existit, vel & quoties in secundo tertiove atque manui proximo digiti articulo, ut quandoque fit, vitium sese ostendit; contra vero plagam rectius in mediis digitorum apicibus institui, quotiescunque univsum digiti articulum istum noxa infestat, atque sic materia vitiosa potissimum in medio haeret. Nam praeterquam quod aegri haud facile admittant, ut utrumque digiti latus incidatur, si una sectione res expediri potest; Chirurgus quoque haud gloriosum est, duas aegro infligere plagas, quando unam sufficere & ratio & usus docuerunt.

X I I I.

Post operationem quid fiat.

Vulnere hunc in modum instituto, *fluere aliquantis per sanguis, imo & diligenter exprimi debet*. Deinceps vulnus linamentis carptis impletur, supra datis emplastro diachylo, splenio item, crucis melitensis formam habente spirituque vini calido madente, tandemque fascia, digitorum noxis accommodata. Ubi postero die deligatio prima resolvitur, fere semper hic carnis spongiosae portiuncula quaedam ex vulnere prominere, imperitisque metum aliquem periculi hic latentis injicit; quum tamen nihil mali denotet, & facili negotio, vel per admotam forficem, vel per exedens remedium, vel per adhibitum quoque unguentum digestivum cum medicamento leniter rodente, tuto extirpari eadem possit. Eo facto, vulnus eadem ratione, qua fieri illud in ossium vulneribus solet, per adhibitam myrrhae vel succini essentiam, vel & per balsamum peruvianum decenter glutinatur: Si jam tum arrosus esse ipsum os advertitur, linamentis carptis, essentiae myrrhae vel aristolochiae rotundae madefactis, implere vulnus atque tamdiu his apertum servare conveniet, donec id, quod arrosus est, sensim ab osse reliquo resolvatur; vel &, quod fieri saepius solet, ossiculum integrum elabatur, cujus vero lapsus scalpello promoveri potest. Namque tum demum rite glutinari per haecenus proposita medicamenta ac denique per linamenta arida vulnus poterit, quod osse haud mundato non contingit.

X I V.

Tertii generis paronychia quomodo curetur. Quibus porro modis fanari paronychia debeat, si in vaginis sive involucribus tendinum flexorum digitorum materia maligna haerescit, id quod raro contingere mihi videtur, primus, quantum ego quidem scio, GARENGEOTIUS publico in

(a) Loco supra citato.

in scripto proposuit. Fere sequentia autem facere idem praecepit (a). Primo tumor iste modicus, qui cum subter delitescente materia liquida seu purulenta plerumque circa digiti apicem sese Medico, aegrotanti vero per acutissimos dolores ostendit, per admotum scalpellum quoddam directum, secundum longitudinem ita concidatur, ut in ipsam usque tendinis vaginam plaga penetret. Facto foramine isto, lymphæ quaedam, cum magno dolorum lenimento, proflueret asseverat; mox autem, pergit, praeter omnem spem atque opinionem, dolores pristinos redire. Interdum materiam istam noxiam, involucri tendinis parte extrema & item cute externa perruptis atque exesis, sua velut sponte nulloque instituto vulnere effluere, atque tunc aegri eandem esse conditionem, quam modo indicavimus. Juxta foramen illud, per quod humor exit, carunculam quandam valde sensilem nasci, quae continuo ab humore quodam, e manu ad digitos defluente, maderet. Igitur specillum, ait, quoddam sulcatum per modo dictum foramen ita deprimi in tendinis involucrum debet, ut ultra primam angustiam procedat. Eo facto, forficis aut scalpelli subsidio gnaviter quicquid carnis super specillo positum est, incidatur. Namque tunc in intimo partitis vitatae sinu materiam quandam crassam atque inspissatam sese ostendere asseverat. Si, hoc facto, nondum vera noxae sedes in conspectum prodit, denuo & specillum deprimi, & cetera, quae jam jam praescripsimus, fieri tamdiu debent, donec ipse mali fundus sive sedes detegatur. Si circa mediam digiti partem, hoc est, in media digiti phalanga, intus paronychia sinus existit, tendinisque vagina ad mediam usque articuli primi partem est incisa, PETITUS auctor est, ut circiter ad trium vel quatuor linearum amplitudinem, in ipsam manum usque, sectio continuetur, ad constrictionem sive strangulationem, quam reliqua vaginae tendinis pars circa digiti extremum hic concitat, ubi adhuc valde dura, robusta & quasi cartilaginea est, solvendam; quippe quae in manu, ubi mollis ea est atque membranacea, fieri amplius non posset.

X V.

Si ad membranaceam usque vaginae tendinis partem, qualis in ipsa manu est, vitium penetravit, vel & subter ligamento manus transverso atque annulari ad cubitum idem processit, positaque super musculo radii quadrato pinguedo copiosa in materiam purulentam degenerare jam tum occepit, necessarium utique est, sensim sensimque specillum in abscessu ligamentum transversum versus blande promovere, carnemque supra positam concidere, ut ad ipsum tandem ligamentum modo dictum perveniatur. Ad quod ubi perventum est, ne justo plus extensae sint partes inibi positaе, inflectere paululum manum aegram decebit, depressoque subter ligamento specillo, cutem cum subiecta carne eo loco perforare, ubi extrema specilli pars actu percipi potest. Facto foramine isto, eoque satis ampliato, tendines atque musculi circa carpum, quantum quidem fieri potest, providissime resolvantur: siquidem sic paulatim in conspectum abscessus prodit, atque satis magnam quandoque materiae purulentae copiam effundit. Hoc facto, non sine ratione THIBAUTIUS, Chirurgus Parisinus olim clarissimus,

Curatio paronychia, si ad manus usque vitium penetravit.

(a) Loco antea citato.

mus, sicut GARENGEOTIUS refert, *suasit*, ut, qualiter fieri in *setaceo folet*, *funiculus aliquis per viam, a specillo demonstratam, ducatur*: siquidem hac ratione sat feliciter evocari paulatim sub deligationis innovatione materia intus collecta perniciofa ulcusque simul purgari solet, integro servato ligamento illo. Quodsi autem ne sic quidem dolores cum febre noxisque ceteris sese remittunt, tum, PETITO quidem auctore, longe optimum idemque promptissimum auxilium est protinus eum tendinem, qui prae ceteris vitiatum est, super ligamento leniter intensum, circa partem musculosam discindere: siquidem, eo facto, quam celerrime ut plurimum dolores remittere, felicissimeque ad sanitatem pristinam aegros homines redire, asseverat. Simile quid fieri cum ipso ligamento transverso posse, imo debere, si jam tum a materia purulenta atque inflammatione idem infestatum esse deprehendatur; ita ut acutos dolores concitet, sat felicibus ARNALDI, Chirurgi quoque Parisini olim praestantissimi, experimentis in exemplum propositis, idem docet atque existimat. Porro si sub ligamento transverso non satis commode transmitti specillum possit, vulnus aliquod facere arteriam radialem inter & musculi sublimis profundique tendinem oportere, eodemque prudenter ampliato abscessum pervestigare, atque intus collectam materiam vitiosam emittere decebit (a). Insigniter autem ad instaurandam sanitatem id ipsum artificium proficere, itidem manifestum est ex ARNALDI experimento; refert enim GARENGEOTIUS, hominem, *cujus malum ita desperatum hic visum sit, ut Chirurgorum alii brachium rescindendum, alii praesentissimum mortis periculum pertimescendum esse judicaverint, dissecto ligamento transverso, mirum quantum feliciter atque celeriter hac ratione a jam jam laudato ARNALDO pristinae sanitati fuisse restitutum*. Sed quam maxime tamen necessaria hic esse illa cautio censetur, ne qua forte sub ipsa operatione, neve paulo post eandem manus extendatur. Quemadmodum enim, manu aliquandiu inflexa persistente, feliciter ut plurimum ligamenti vulnus rursus glutinatur, & manus motus restituitur; sic e contrario, imprudenter extensa manu, periculum maximum est, ne qua forte tendines, sub ligamento isto positi, turbata positura naturali profiliant, atque hoc ipso motus manus indecenter corrumpatur.

X V I.

Deligatio quomodo fieri debeat. Operatione hunc in modum confecta, proximum est, ut ad deligationem procedatur. Debent autem, si tendinum vaginae deopertae sunt, ad rite eam instituendam, fere subsequenter fieri. Primo glomera ex linamentis carptis siccis confecta quamplurima, & ea quidem satis longa, utrinque juxta tendinem ita deponantur, ut diligenter compressa supprimendo sanguini inserviant. Quodsi autem forte, vasculis sanguiferis aliquanto amplioribus incisis, ita vehementer sanguis ex manu prorumpit, ut eidem supprimendo linamenta sola haud sufficiant, vinciri vasculum istud, filo cum acu curva subter trajecto, decebit. Neque enim tuto satis hic applicari pleraque medicamenta, cohibendo sanguini alias accommodata, utpote acria ac rodentia, tendinibusque noxia, possunt. Super manum

(a) Hoc in loco ego aliquando gravem abscessum juxta arteriam radiceam aperui, qui vero cum digitis nullam communicationem habebat.

manum atque cubitum cataplasmata emollientia sive demulcentia & quam maxime quidem calida, imponantur, diligenterque per adhibitam octodecim capitum fasciam (Tab. IX. fig. 4. BB) deligentur. Utique vero fasciam hanc longe praestantiores hic fasciis longis existere, manifestum exinde est, quod, isthaec adhibita, absque omni partis afflictae commotione atque extensione, innovari, quoties opus est, deligatio queat. Ad deligationem denique rite instituendam haec adhuc necessaria est observatio, ut nimirum integra hujus fasciae pars loco vulnere opposito applicetur: sic enim exactius contineri ea, quae super vulnus imposita sunt, ab injectis fasciae capitibus possunt. De paronychia GLANDORPIUS peculiarem libellum, & WEDLIUS dissertationem evulgavit.

C A P V T CLXXI.

De Ganglio.

I.

Ganglium vocari hodiè apud Medicos solet tumor aliquis durus atque mobilis *Ganglii natura qualis sit.* plerumque, qui cum in interna tum in externa carpi superficie, ut plurimum juxta musculorum tendines aut ligamenta manus, sed tamen absque magna hominis molestia aut dolore nascitur. Germani Oberbein (hoc est hyperostofin) vitium illud nuncupant; vel quia tumor iste super ossibus plerumque nascitur, vel & quia ossis aliqualem quandoque durtiem fere habet. Quanquam autem ganglii & tumorum tunicatorum (vid. supra Cap. XXVIII. pag. 478.) egregia similitudo est, ita ut a CELSO etiam ad illa relatum sit, tamen illud ab his in eo potissimum differt, quod in manibus fere tantum hodie ejusmodi tumor ita appellatur; quum e contrario tumores ita dicti tunicati quascunque corporis partes alias infestent. A nonnullis tamen etiam adhuc hodie tubercula similia dura & mobilia in ossibus capitis, praesertim frontis, hoc nomine designantur (a). Conf. dissert. de Ganglio, quae Altorfii A. 1717. prodit.

I I.

Ad causam ganglii quod attinet, nasci ut plurimum idem videtur ab humoribus crassis atque inspissatis (b), qui propter ictum, lapsum, contusionem, distortionem, luxationem similemve aliam violentiam externam, in tendinibus seu ligamentis manuum factam, fibras inter & tunicas colliguntur, paulatimque sic crescunt, ut avellanae vel moschatae vel juglandis nucis, quin & ovi quandoque columbini magnitudinem adaequant. RUYSEHIUM aliquando ganglium aliquod ad instar humoris crystallini pellucidum in cadavere invenisse, BLANCARDUS memorat (c): quale etiam hic Helmstadii anno 1736, nucis moschatae magnitudine, e manu puellae adultae externe supra carpo, me praesente,

(a) Ita jam apud veteres ganglium inter capitis tubercula relatum est: vid. Celsus Lib. 7. Cap. 6.

(b) SENNERT. Prax. Med. Lib. V. P. I. Cap. 34.

(c) Vid. Collect. Med. Phys. Belg. P. II. p. 213.

fente, filius meus sectione extraxit. Ganglium a lymphâ quadam, ovorum albumini haud absimili, atque intra tendinum vaginas excerni solita, sed nullam tamen suppurationem recipientem, suboriri, CYPRIANUS docet (a); id quod & ego vidi.

I I I.

Differen-
tiae.

Ad magnitudinem gangliorum si respicimus, insignem plerumque ipsorum, ut jam dixi, differentiam animadvertimus. Numerus itidem varius esse consuevit. Communiter unum tantummodo ganglium pronascitur; sed interdum tamen complura, & in utrisque quidem interdum manibus, proveniunt. Cujus equidem generis exemplum memorabile *Miscellanea Acad. Nat. Curios.* exhibent (b). Ad figuram gangliorum quod attinet, quaedam ex illis globulum, quaedam autem glandem seu ovulum repraesentant. Alia aequalem, inaequalem alia superficiem habent. Quaedam insigniter, quaedam autem parum aut nihil prominent. Nonnulla, praesertim quae adhuc recentia sunt, facili negotio subinde resolvi consueverunt; reliqua autem, si praecipue jam tum inveterata sunt, difficillimam plerumque per medicamenta sanationem recipiunt.

I V.

Ganglii
curatio.

Solet autem in gangliis recentibus feliciter ut plurimum materia inspissata digeri, si gnaviter identidem pars indecenter tumens fricatur, salivaque jejuna fricando probe quotidie inungitur, globo quodam plumbeo complanato deinceps supra deligato, & per aliquot septimanas continuas super tumore servato. Sunt, qui plumbo majorem discutiendi virtutem conciliari existimant, si mercurius super eodem deteratur. Alii nescio quam efficaciam iis globulis tribuunt, qui trahendis feris, praesertim cervis, sunt adhibiti. Rursus alii cum FORESTO (c) emplastrum de ammoniaco, alii emplastrum de ranis cum mercurio; ceteri denique oleum petrae, oleum philosophorum vel & oleum saponis egregie adversus ganglium merito commendant, quando his saepius & gnaviter perfricantur. Nonnunquam ganglia confestim evanescent, praesertim si vel recentia adhuc sunt, vel praedictis digerentibus aliquamdiu tractata, sicubi Chirurgus pollice depresso gnaviter & pro viribus suis premendo ea dispellere nititur (d).

V.

Aliae cu-
randi viae.

MEEKRENIUS (e) scribit, aequè promptam & faustam ganglii curationem fieri, si aegri hominis manus, tabulae seu mensae imposita, quo loco tumor est, fortiter aliquoties per adhibitum pugnum percutiatur. (vid. Tab. XXXVI. fig. 1.) Atque haec ratio videtur, quare MUYSIUS (f) praecipiat, ut ganglia inveterata quaeque premendo digeri aut discuti nequeunt, per adhibitum baculum vel malleum ligneum, plumboque impraegnatum, feriendo dispellantur;

(a) Lib. de foetu e tuba Fallopiana exciso pag. 76.

(b) *Decur.* I. anno III. Obs. 326.

(c) Obs. *Chirurg.* Lib. 3. Cap. 9.

(d) Vid. AETIUS *Tetrab.* IV. Serm. III. Cap. 9. Add. *Muyssi Prax. Chirurg.* Dec. II. Obs. 8.

(e) *Observat. Chirurg.* Cap. 44.

(f) Loco jam citato.

tur, emplastro de ranis cum mercurio, ne denuo malum redeat, post factam percussione[m], super partem aegram imposito. HELVETIUS etiam malleum quendam ligneum hanc in rem adhibuisse legitur; alii, ut libro duriori aliquoties percutiatur, commendant. Cujus equidem curationis ratio praecipua in eo sita videtur esse, quod, *disrupta per adhibitam percussione[m] tuberculi membranae sive sacculo*, quicquid forte materiae collectum intus est atque inspissatum, percussione expellatur, idque uberius postea fricationibus & digerentibus medicamentis paulatim dissipetur. Debet autem in ipsa percussione ista solertissime caveri, ne qua forte alias quoque manus partes graviter instrumento isto afficiamus, aut ossa ipsa collidamus, neve noxis periculosis aliis miserum hominem exponamus. Si nihil isthaec omnia proficiunt, vel ob periculum ac dubium eventum haec ultima adhibere nolimus, necessarium utique est, ganglium, perinde ac de tumoribus tunicatis supra positum est, (Cap. XXVIII.) vel per admotum scalpellum excindere, vel & supra datis medicamentis rodentibus extirpare. Atque ferrum quidem feliciter identidem a SOLINGIO adhibitum hic fuisse, non solum ex ejusdem Chirurgia patet (a); verum ipse ea aliquoties ita extirpavi. Cavendum vero ne in sectione tendines aut ligamenta vicina violentur. Ceterum vana prorsus esse atque inania, quae vel ab hominis defuncti, vel & a filii cujusdam natu septimi manu, cum nescio quibus oculis, noctu & decrecente quidem luna, ad partem aegram applicata, mulierculae superstitionis, imo & Medici quidam repetunt, sanitatis praesidia, quivis sanus, vel me tacente, arbitror, intelligit; quia ut plurimum nihil efficiunt; conferatur interim CLACIUS Observat. pag. 293. ubi ejusmodi res commendantur.

C A P V T C L X X I I .

De futura tendinum in manibus.

I.

SOlet in tendinibus manuum a recentioribus Chirurgis ideo futura quaedam interdum institui, ut, si forte in iisdem unus alterve dissectus sit, *decenter hujus ope rursus glutinetur*, eoque facto, ne unus alterve digitus aliave pars laesa immobilis fiat, prohibeatur. Neque enim facile manui atque digitis post concisos ipsorum tendines restitui naturalis agilitas potest, (perhibent) nisi tendines dissecti futura rursus conjungantur atque coalescant. Potest autem sutura ista fieri, si minus alte positi, sed externae cuti propinqui tendines existunt. Cujus equidem generis in manus dorso potissimum sunt tendines pollicis atque digitorum extensores; tam in digitis ipsis (b) quam in dorso manus; flexores digitorum in ipsis digitis (c), itemque horum & flexorum manus

(a) Part. IV. Cap. 14.

(b) Vid. Liber Gallicus, cui titulus: *Ars relationes chirurgicas conscribendi*, L'art de faire rapport en chirurgie, pag. 194 & 195. VERDUC de Operat. Chir. cap. 32.

(c) Vid. MEERREN. Observat. cap. 62. in Edit. Belg. & cap. 65. in Edit. Latina.

manus prope *carpum positi*; in pedibus vero *tendines poplitis (a)*, deinde *tendo extensorum tibiae* infra genu, nec non *tendo Achillis* in pede supra calcaneum *(b)* atque similes alii *(c)*. Contra vero *volae manus tendines*, quum paulo altius *positi sint*, ita difficulter futuram recipiunt, ut nullum adhucdum ejus exemplum, quod ego quidem sciam, in scholis Medicorum existat. Tametsi autem *istud curae genus apud antiquissimos* plerosque Medicos ob HIPPOCRATIS effatum, *nervus praecisus* (quo nomine & tendines intellexit) *neque auge-scit neque coalescit (d)*; haud in usu fuerit, sed potius ab ea adhorruerunt; quia tendo vel leviter punctus saepe quam gravissima mala concitat *(e)*, tamen jam tum GALENI tempore nonnullos tendines fuisse inde judicari potest, quia ea consuere dissuasit *(f)*: id quod postea plerique alii secuti sunt, atque & ipse adhuc egregius PARAEUS *(g)*. Attamen AVICENNA *(h)*, Arabs Medicus, GUIDO de CAULIACO *(i)*, SALICETUS *(k)*, ROGERIUS *(l)*, LANFRANCUS *(m)*, BRUNUS *(n)*, CHALMETEUS *(o)*, ANDREAS A CRUCE *(p)*, variique alii Chirurghi antiquiores satis perspectum habuerunt; tamen, nescio quo casu factum est, ut sequiores Medici & Chirurghi illud vel ignoraverint, vel & nimis periculosum atque perniciosum judicaverint; donec tandem superiori seculo VESLINGIUS *(q)*, SEVERINUS *(r)*, Felix WURZIUS *(s)* compluresque deinde alii haud incelebres Medici & Chirurghi, praecipue vero MAYNARTUS *(t)* BIENÁISIUS *(v)* ambo Chirurghi Parisi-

fini,

(a) Hos nonnullos Chirurgos aliosque in artubus tendines omnino dissectos consuisse refert PARAEUS Lib. 9. Cap. 36. se vero ob metum dolorum & convulsionum hoc nunquam ausum esse.

(b) Hos duos tendines futuris conjunctos fuisse primus memorat VESLINGIUS in Observat. & Epist. XV. seque ipsum hoc vidisse feliciter institutum.

(c) WEPFERUS lib. de cicuta aquat. tradit historias tendinum flexorum carpi feliciter confutorum, pag. mihi 92 & 93. Stalpartius vander WIEL vero supinatoris longi & musculi sublimis. Cent. obs. 2. obs. 45.

(d) Aphor. 19. Sect. VI. & Aphor. 28. Sect. VII.

(e) De periculosis tendinum laesionibus evolvi potest KUNMANNUS in Rarior. Naturae & Artis Sect. III. obs. 19.

(f) Lib. III. de comp. Medicament.

(g) Lib. 9. cap. 36.

(h) Lib. IV. Fen. 4. Tract. 4. Cap. 2.

(i) Tractat. 3. Cap. 4.

(k) Lib. 2. Cap. 9.

(l) Lib. 3. Cap. 13.

(m) Lib. 2. Cap. 9. Doct. 3. Cap. 3. & in Chirurg. parva Cap. 4.

(n) Lib. I. Cap. 5.

(o) In Chirurg. Lib. 2. Cap. 11.

(p) Lib. de vulner. Tr. 2. Lib. 2. Cap. 8.

(q) Observat. & Epist. XV. qui hanc operationem non solum in Germania, in famulo patris sui, verum & apud Arabes sive Turcas Medicos, & quidem haud sine stupore, tanquam rem temerariam aspexit, quae tamen feliciter successerat.

(r) De efficaci Medic. Lib. 2. Cap. 123.

(s) De vulneribus Cap. 14.

(t) Vid. MEEKREN. obs. 62. in Edit. Belg. & Obs. 65. in Edit. Latina.

(v) VERDUC, VAUGUION, DIONIS in Operat. suis Chirurg. art. de futur. tendinum, aliique BIENÁISIO inventionis vel saltem instaurationis gloriam adscribunt; verum neutrum huic competere, ex modo dictis manifestum est. Miror quoque nullum Gallorum

MAX-

fini, PURMANNUS (a) alique quasi postliminio in Medicorum scholas idem re-
dlexerunt, faustoque cum successu exercuerunt (b). Solet autem tum cumprimis
feliciter tendinum futura institui, si recens adhuc plaga est: sed posse tamen alte-
ro, tertio quartove adhuc post factam vulnerationem die, imo aliquando tar-
dius non sine profectu, attamen majore labore idem negotium, & quando-
que vulnere jam consolidato (c), perfici experientia docuit, varique Scriptores id
testantur.

I I.

Sed ante tamen quam ipsum opus suscipiatur, dispiciendum solertissime *Quando.*
est, sitne futura in praesenti, qui curandus occurrit, laesionis tendinis casu neces- *nam fieri*
saria atque utilis, nec ne. Namque incidere nonnunquam casus solent, in *debeat.*
quibus nulla omnino fieri futura potest: nonnunquam ipsam instituere equidem,
sed tamen non sine periculo licet. In aliis denique casibus fieri ea ipsa po-
test, sed minus tamen necessaria est; cum sine futura saepius curari possint, si
modo curatio rite instituat, & pars conveniente ratione ligetur (d). Contra
vero si bona forte tendinis alicujus pars interiit, extremaeque partes usque
adeo insigniter distractae inter musculos sese abscondunt, ut conjungi rursus
haud valeant, tum & futuram & glutinationem frustra tentaveris. Deinde
si tendinis concisi partes extremae graviter contusae sunt, tum quoque semper
noxia esse futura solet: quantumvis enim futurae ope conjungi tendinis ejus-
modi bina capita possent, periculum tamen est ne ob factam contusionem
vehementiores inflammationes oriantur, aut saltem factis futuris partes rite contra-
hi, vel alias quoque ob contusionem glutinari nequeant, eisque sic praeter in-
flammationes, vehementiores dolores aliaeque noxae graviores superveniant, quae
futuram jamjam institutam irritam imo noxiam efficerent. Quocirca, ut bene
GARENGEOTIUS praecipit (e), fatius tunc, ubi futura opus videtur, est
lenem prius suppurationem aliquam concitare temperataque inflammatione, si necesse
est, futuram demum tentare. Idem quoque post SOLINGIUM l. c. refert,
extensorum in dorso manus tendines glutinari plerumque satis feliciter absque futu-
ra posse, dummodo, facta deligatione, gnaviter manus extendatur, digitique re-
trorsum versus reclinati semper contineantur, ut orae dissectae se invicem semper
contingant; id quod & ego aliquoties sine futura & quidem aliquando in juvene
stu-

MAYNARTI mentionem facere; qui tamen, ut MEEKRENIUS in Observat. suis jam A.
1668. impressis refert; circa medium superioris seculi Parisiis hanc operationem perfecit.

(a) Hic in Chirurgia sua curiosa pag. 540. sancte asseverat, se vel duodecies tendines dissec-
tos acu curva feliciter consuisse, idque etiam in Chirurgo suo castrensi, tam in praefat. quam
pag. 100. repetit.

(b) Hoc Parisiis a BIENAISSIO factum esse MURALTUS refert in Obs. Chir. Obs. VI.
& ETTMULLERUS in Chirurg. Medic. artic. de nervor. vulner. quoque scribit, se tendi-
nis futuram Parisiis, ubi anno circiter 1665 vel 1666. fuit, institutam vidisse; verum haud
meminit a quo hoc viderit. Conf. quoque Stalpart vander WIEL. Obs. 45. Cent. 2. pag. 438.
ubi non solum exempla, sed etiam varia alia de tendinum laesione & futura notatu digna
profert.

(c) Quod vulnere jam consolidato futura tendinis adhuc institui queat, VERDUC l. c. &
le CLERC in Chirurg. sua Cap. de tendinis futura perhibent; DIONIS vero hoc negat.

(d) Conf. SOLINGEN. Operat. Chir. Lib. 4. Cap. 13. in Edit. I. sed in Edit. II. Cap. 118.

(e) In Operat. Chirurg. Tom. I. Cap. de futuris.

Pars II.

Yyyyyy

studioſo, cui tendines omnes extenſores digitorum ſuper metacarpo manus dextrae diſſecti erant, feliciter ſemel iterumque ſuccedere memini. *Itaque cum in hoc caſu, tum & in flexoribus digitorum ac manus, nec non in extenſoribus digitorum pedis vulneratis aliisque quamplurimis minus neceſſariam futuram eſſe exiſtimo, ſi modo partes ita vinciuntur & ope ferularum aliarumve machinarum idonearum continentur, ut extrema diſſecta ſe invicem ſemper attingant. Contrarium autem, ejuſdem aliorumque Auctorum iudicio, faciendum eſt, ſicubi tendines vel inſtrumento quodam tenuiori puncti vel perforati, vel ex parte tantum incifi, vel graviter etiam contriti eſſe animadvertuntur, graviaque ſymptomata ſuperveniunt. Niſi enim diſtentiones nervorum aliaeque graves noxae incidentes per adhibita medicamenta convenientia, qualia cumprimis ſunt oleum terebinthinae, vel ſolum, vel cum guttulis paucis ol. deſtill. ſuccin. aut lavendulae mixtum (a), quam primum ſeſe remittunt, neceſſarium utique eſt, tendinem ejusmodi vulneratum penitus concidere, mitigatiſque ſic malis illis peſſimis eum decenter ruruſus conſuere, vel eadem modo dicta ratione glutinare.*

I I I.

Primus
futuræ
modus.

Ne quis vero ignoret, quomodo tendines ſuendi, hanc futuram inſtituendi artificia fere ſunt ſequentia (b). Primo partes diſſectae inflexo vel extenſo prius membro laeſo, prout res exigat, ſolertiſſime inſteſtigantur: atque ubi forte pars ſuperior, quemadmodum accidere communiter ſolet, quadantenus a muſculo ſuo retracta, ſubter cute deliteſcit, ut protrahi & acu perforari non poſſit, cutis, una cum reliquis partibus tendinem contegentibus, quantum ſatis eſt, inciditur, tendoque, ſi opus eſt, voſſella blande prehenuſus, ne ruditer inde collidatur, paululum protrahatur, partique convenienti per adhibitam futuram ruruſus committitur; vel, praefertim ſi jam ſatis in conſpectum prodiſt, ſine voſſella, dum quidam ab hac rudioſem ejus laeſionem non ſine cauſſa metuunt (c), acu filum ceratum trahente perforant. Sed antequam ulterius progrediar, ſciendum, quod futuræ modus duplex potiſſimum ſit: ſiquidem vel unius, vel binarum acuum ſubſidio ipſa perficitur. Si unica tantum acus adhibetur, negotium ſic conficitur. Per acum rectam, minorem, vulgarem, tere-tem, vel circa apicem planam, vid. Tab. XXXVI. fig. 2. A A, filum quoddam ſubtile duplex ſericum vel lineum B B, ſatis tamen validum ceratumque trajicitur, factoque in extrema parte nodo ſatis craſſo, qualis fere litt. C conſpici-
ducitur, acus cum filo per fruſtulum quoddam corii D, id quod fig. 3. litt. A B ſeorſim conſpici-
ducitur, ejusque medium ad uſque nodum iſtum C. fig. 2.

(a) Ita & ol. terebinth. cum aq. Reg. Hung. maritatum egregium hic eſt. DUVERNEUS valde laudavit balſ. Fioravanti cum balſ. copaivae & oleo ovorum mixt. Sicut GAREN-GEOTIUS refert Oper. Chir. Cap. de tendin. laeſione.

(b) In digitorum quidem extenſoribus futuram aliquam fieri, GAREN-GEOTIUS prohibet, Cap. de futura tendinum; interim tamen iſtam, quibus fieri modis illa debeat, deſcribit: reliquorum vero tendinum futuras inſtituendi rationes, quas non prohibet, proruſus ſilentio praetermittit.

(c) Ut GAREN-GEOT. licet a tendine blande protrac-to nihil mali induc-tum ſit; quemadmodum exempla hac ratione olim a multis curata evincunt. Conf. WURZIUS loc. citat. DIONIS Operat. Chir. demonſtrat. VIII. art. de tend. futur.

ducitur (a), ne qua facile is elabi per foraminulum queat. (Conf. fig. 4. litt. A, vel fig. 7. DE). His ita confectis, manus saucia, cujus dorsum fig. 4. aliquo modo hic repraesentatur, gnaviter extensa *tabulae sive mensae* imponitur, vel etiam *ferulae* aut *asser*i cuidam tenui, vel *frusto chartae crassissimae* & *rigidissimae* alligatur, quo nempe commodius invicem jungi tendinis partes dissectae valeant. Deinde *acus* haec per medium tendinem superiorem, (objecto prius vel canaliculo Tab. VIII. fig. 6. lit. C, vel etiam solum digito indice circa tendinis oram dissectam & acui oppositam) ad calami straminei vel duarum circiter linearum latitudinem ab extrema ora remoto loco, ab exteriori parte in interiorem (vid. Tab. XXXVI fig. 4. A) eoque facto similiter loco opposito per inferiorem tendinem litt. B. *sed tamen ab interiori parte in exteriorem immittitur*, submissoque, quemadmodum de futura nodosa praecepimus, (pag. 65 & 100.) *spleniolo sive panniculo* lineo contorto, Tab. II. fig. 22. simplici aut *cerato*, vel *frustulo panni serici cerati* & ita convoluti, vel *frustulo corii*, exactissimum vinculum aliquod sic instituitur, ut primo super interjecto spleniolo nodus fiat simplex ac deinde adhuc alius solubilis; quae omnia litt. B. hic indicantur. Denique, *vulnere* diligenter expurgato, *oleum terebinth.* vel *bals. copaivae* aliufve *similis vulnere* calide immittitur, linamenta cum spleniis superimponuntur, *ferula* vel *charta crassissima* & rigida ad figuram manus accommodata, fig. 5, cum spleniis digitos fursum elevantibus manui supponitur; ac tandem conveniens vinctura quaedam adhibetur. Loco *acus rectae* etiam *curva parva* hic uti commode potest *Chirurgus* (b), qualis ea est, quae fig. 6. exhibetur; quae vero circa cuspidem A plana sit. Si nudis digitis difficulter trajici ab acu tendinem per sentiscimus, *acutenaculo* quodam (*Porte-aiguille* Gallis) uti conveniet (vid. Tab. VI. fig. 3.). Si jam tum ante aliquot dies *inflictum vulnus* sit, & extrema tendinis laesa forte jam obdurata observentur, *innovare illud*, *tenuissimis lamellis* utrinque per *admotam forficem rescissis*, ne *glutinationis* difficultatem orae obduratae inducant, decebit, ante scilicet quam extrema ad se invicem filorum ope adducantur & ligatura instituantur. Aut si vulnus jam maximam partem vel omnino glutinatum est, & pars, quam tendo dissectus movere debet, immobilis est, *incidi denuo debet tendo a partibus*, cum quibus cohaeret, caute, si fieri potest, *separandus*, & deinde ut dictum est, *confuendus*.

I V.

Hanc plerorumque Chirurgorum tendines suendi rationem correxisse atque emendasse sibi visus est GARENGEOTIUS, dum sequentem futurae faciendae modum, loco modo citato, proposuit. Primo nudare tendines perque admotam *volsellam adducere graviter is prohibet* (c), propterea quod periculum sit, ne novae quaedam

(a) Loco corii nonnulli ejusmodi lamellis plumbeis utuntur, vid. MEEKREN. l. c; alii, spleniolo parvo ex linteo, ut VERDUC Operat. Chirurg. Cap. 32. pag. mihi 257.

(b) Acu curva jam MAYNARTUM usum esse MEEKREN. refert l. c. atque DIONIS. etiam pro hoc usu acus curvas delineat, loc. cit.

(c) Sed CHALMETEUS Enchirid. Chirurg. quod Parisiis 1564. prodiit, jam Lib. 2. cap. II. docuit, nervum sive tendinem transversim omnino praecisum, una cum carne, si fieri possit, futura esse reuniendum; id quod & VERDUC praecepit l. c. pag. mihi 258. itemque CHARRIERUS Operat. Chirurg. Cap. de futura tend.

quaedam calamitates partim a nudatione, partim a tendinis compressione, per vol-
jellam suboriantur: quum e contrario longe tutius ac mitius aegri tractentur,
si simul cutis externa cum tendine subter delitescente (a), secundum modo prae-
scriptas suendi regulas (§. 3.) filo trajiciatur; extensaue manu deligatio
exacta instituatur. Quo autem deinceps commodius ea singula perfician-
tur, idem GARENGEOTIUS auctor est, ut, dum alii nudis manibus hoc
perfecerunt, per adhibitum *acutenaculum* modo propositum (§. 3.) eidemque
ab adversa cutis parte objiciendum digitum acus atque filum transmittantur.
Et acu quidem per has partes immissa, *acutenaculum* remove, receptaque
per admos digitos acu, filum, quousque satis est, adducere, eoque fac-
to, *acutenaculum* denuo applicare jubet, pro inferiori tendinis parte similem
in modum perforanda atque adducenda. *Acus curvae hic rectis*, planae ve-
ro, aciem in interiori curva parte habentes, ut in fig. 6. acubus aciem in
utroque latere habentibus, sicut in curvis vulgaribus Tab. I. S. T. V. esse
solet, praestantiores judicantur, ne tot tendinis fibrae iis dissecentur. *Filo
duplicato maximam partem per cutem atque tendinem traducto*, panniculus e serico
ceratus & in figuram cylindricam convolutus ab eodem quasi *habenula* quadam ita
suscipitur, ut vinculo super externa cute sustinendo firmandoque inserviat.
vid. Tab. XXXVI. fig. 4. C. Similiter filo per inferiorem tendinis par-
tem transmissio, acus remouetur, tendinisque divisi partibus ita conjunctis,
ut quoad oras sibi invicem superincumbant, panniculus sericus similis, intra fi-
lum duplicatum depositus D, nodo gemino, simplici nimirum atque annula-
ri solubili firmiter comprehenditur. Sed mirum tamen videri jure merito
poterat, quod tendinis partes extremas sibi invicem superinjiciendas, ut VAU-
GUIONUS (b), VERDUCCIUS (c), CHARRIERUS (d), atque DIONI-
SIUS (e) olim jam voluerunt, GARENGEOTIUS, & nullis quidem in medium
adductis rationibus, praecipiat; quum tamen manifestum videatur, insigniter
hoc modo glutinationem impediri. Ut nihil nunc de eo dicam, pridem jam a
COWPERO, nobili quondam Anatomico & Chirurgo Anglo, hanc ipsam ten-
dines jungendi rationem reprehensam & tendinem Achillis sine hac superimponendi
ratione optime glutinatum esse (f). Quodsi autem tendinum partes dissectae,
propter ipsam vulneris vetustatem, callum quendam contraxere, tunicisque
propinquis coaluere, ut ad se invicem non amplius adduci possint, tunc
haud sine ratione nonnulli supra jam laudati Chirurgi suadent, ut, tendinibus
ab adnatis partibus resolutis, resectisque extremis induratis, futura in eis institua-
tur, ac deinceps reliqua eadem perficiantur, quae haecenus sunt proposita:
id quod etiam in vulnere prorsus jam glutinato, si denuo incidatur, fieri
posse,

(a) Prudenter CHALMETEUS addit, si fieri possit; nam haud raro tantopere retrahitur tendo, sicut ex COWPERI exempla, infra referendo patet, ubi ad duos pollices retractus erat, ut commode haec suendi ratio non succedat, sed, ut detegatur, opus sit.

(b) Lib. de Operat. Chirurg. pag. 34.

(c) Lib. de Operat. Chirurg. Cap. 32. de futura tendinis.

(d) In Operat. Chir. Cap. 4. de tend. futura.

(e) Lib. de Operat. Chirurg. Demonstr. VIII. art. de tendin. futura.

(f) Vid. Acta Anglic. num. 252. it. Acta Erud. Lips. an. 1700. pag. 28. LOWTHORP. Epit. Act. Anglic. Vol. III. pag. 298.

posse, quidam, ut supra dixi, perhibent. *Sutura haec etiam commode fieri potest, si non solum in inferiori, verum etiam in superiori parte frustulum quadratum corii*, ut in fig. 3. A & B sistitur, *adhibetur*, quemadmodum in fig. 7. ostenditur, atque nodo spleniolum supponitur. DIONISIUS simplicioremodum atque brevissimum omnium modum adhuc describit, qualem scilicet in plerisque vulneribus suendis proposuimus. Nimirum ut *acu idonea, filum ceratum simplex trahente*, altera pars tendinis media perforetur, ab exteriori ejus ad anteriorem faciem procedendo, ac deinceps in altera ab interiori rursus ad exteriorem, unica plaga, *atque deinde super spleniolo tereti, remota acu, filum colligando*, ita ut extrema secti tendinis conjungantur. Sed priores modi a plerisque hic praeferuntur.

V.

Sutura tendinis, quae binarum acuum subsidio perficitur, primum, quantum novi, a NUCKIO descripta est (a), quibus unaquaeque tendinis dissecti pars duobus in locis & duabus acubus perforatur (b), atque his fere praeceptis continetur. Filum fericum ceratum idque satis validum, sed modice tamen crassum, inque duas acus tenues vulgares coniectum, sic per utramque tendinis perrupti partem ducitur, ut in prima & superiori tendinis parte fig. 4. E utraque acus introrsum versus, in altera autem F, extrorsum versus acus transmittatur; utrinque vero bina foraminula juxta oras tendinis laterales infligantur. Tum, remotis aciculis, idem fere vincturae modus adhibetur, quem paulo ante (§. 3 & 4.) proposuimus: nimirum duo fili capita, interposita corii particula, vel spleniolo parvo cylindrico, ita constringuntur, ut extrema dissecta se invicem probe contingant. Hoc ipso praecaveri, ait, ne tendinis extrema tam facile, ut in modis praecedentibus, ubi unum tantum foraminulum tendini infligitur, lacerentur, atque orae dissectae melius conjunctae servantur. *Sutura peracta pulverem terebinthinae coctae inspargit vulnusque balsamo Arcae vel digestivo vulgari deligat, curatque, ut pars spleniis & ferulis ita disponatur, ne tendo laesus moveri queat; ita enim felicem successum secuturum esse pollicetur.* Interea tamen sunt, qui, praesertim si in manu forte sutura quaedam necessaria judicatur, priorem, quae unica sit acu, utpote magis promptam minorique cum dolore aut molestia aegrotantis conjunctam, altero hac praestantiorē censeant; attamen nec hanc prorsus rejiciendam esse existimo. Ceterum si qua forte bini pluresve tendines simul sunt incisi, tunc, si eos fuere volumus, singulatim in singulis eandem futuram, quam haecenus explicavimus, instituere oportebit.

V I.

Sutura quacunque ratione libuerit, decenter instituta, proximum est, ut deligatio rite instituat; ubi primo opus est, ut linamenta carpta cum oleo *Quid post terebinthinae vel balsamo peruviano aut copaivae in vulnus dentur; supra autem splenium, ex spiritu vini calido expressum, imponatur; sed lamina quadam ex charta* ^{futura fiat.}

(a) Libro de Operat. & Experiment. Chirurg. experiment. 47.

(b) Hunc modum se a BIENAISSIO institutum vidisse DIONIS. memorat l. c. & nihil de NUCKIO refert. Ceteri contra Chirurgi Galli eum modum BIENAISSIO haud tribuunt.

charta crassissima & rigida, vid. fig. 5. una cum spleniis volae manus supponatur, quae, ne digiti aut manus aegra facile inlecti possint, *per injectam fasciam gnaviter adstringatur*. Brachium denique linamentis vini spiritu vel oxycrato calido madentibus, involvatur. Nonnulli loco horum *brachium oleo lumbricorum terrestrium inungunt*; id quod etiam non est contemnendum. Atque haec singula tamdiu repetantur, donec invicem coaluisse tendinis intercisi partes advertantur, id quod ex filis laxè parti inhaerentibus cognoscitur. Namque hoc facto, vincula injecta refecantur & quam cautissime extrahuntur; atque simul frustula corii vel lintei vel serici cerati, nisi sponte forte jam ceciderint, blande removentur; *vulnus autem balsamo vulnerario fovetur*, *linamentis carptis contegitur*, ac *lamina illa rigida chartacea, modo proposita, diligentissime semper adhuc ad volam adstricta*, extensa probe servatur atque sic sensim ad glutinationem perducitur. GARENGEOTIUS propriam machinam aliquam descripsit (a), qua equidem post adhibitam futuram manui & brachio injecta efficitur, ut non manus tantum rite extensa, sed digiti quoque retrorsum reflexi continuo servari queant; quae quidem licet haud inepta sit, tamen etiam praedicta ratione scopus feliciter satis obtineri potest. Si qua autem forte post glutinationem, *rigiditas vel distentio infestare tendinem glutinatum persentiscitur*, longe optimum est, quam diligentissime partem afflictam unguento dialthaeae, oleo lumbricorum vel hyperici, vel & amygdalarum tamdiu quotidie bene fricare, donec pristinam eandemque naturalem movendi facultatem suam ipsa recuperasse deprehendatur.

V I I.

Judicia de bac futura. Ceterum admiratione dignum utique videtur, non veteres tantum Medicos plerosque, ut supra jam dictum est §. I, susque deque curationis genus hoc habuisse, sed inter recentiores quoque identidem aliquos extitisse, qui cum ARCAEO (b), MARCHETTIO (c), GENGA (d), & PECCETIO (e) expertissimis ceteroquin Medicis & Chirurgis Italis, eam rejecerint, imo nonnulli asseverare neutiquam veriti sunt, *fabulis potius quam curationibus chirurgicis annumerari tendinum futuras & glutinationes oportere*; quum tamen quam maxime luculenta eaque complura curationis hujus apud supra laudatos Scriptores in promptu sint specimina: qua de re, praeter recentissimos, conferri uberius adhuc potest illa KISNERI Dissertatio de *tendinum laesionibus*, quae etiam in VALENTINI Chirurgia pag. 763. continetur (f), itemque GOELICKII Diss. de *tendinum affectibus*. Ut vero meam de his futuris sententiam breviter subjungam, eos errasse sentio, qui illas credere noluerunt, & pro fabulis habendas esse censuerunt; sed eas fieri sine noxa posse, exempla hoc & in capite

seq.

(a) Primo in ejus Operat. Chirurg. Cap. de futur. tendinum, & deinde in ejus Instrum. Chirurg. Tom. 2. pag. 290.

(b) Lib. 2. cap. 5.

(c) Vid. Chirurg. Observ. 63.

(d) Vid. Comment. ad Aphor. Chirurg. Hippocrat.

(e) In Chirurg. Lib. 2. Cap. 47.

(f) MANGETUS in Biblioth. Med. Pract. Tom. IV. pag. 1102. eam rejecit, in notis ad BARBETTUM vero eam admisit; sed in Bibliotheca Chir. eam nec commendat nec rejicit, adeoque quid de ea sentiendum sit, ignorasse videtur.

leq. adducta probant. Interea tamen eas saepissime non esse necessarias existimo, si frustra dissecta ope situs partis, aptaeque ligaturae juncta servari possunt, & solum tunc necessarias esse puto, si ea frustra situ & ligatura conjuncta servari non possent.

C A P V T CLXXIII.

De pedum vitiis horundemque curationibus.

Qua ratione in pedibus sanguinem per venas detrahere, qua item ratione pedes vitiatos amputare conveniat, supra jam tum positum est, ubi de reliquis ejusmodi curationibus communibus in principio hujus Chirurgiae nostrae partis tractavimus. *Restat itaque, ut, quae pedibus velut propria sunt, vitia reliqua, una cum praecipuis sanationis regulis exponamus & quidem*

De sutura in quibusdam tendinibus pedum, ac speciatim in tendine Achillis & extensorum tibiae.

I.

UT in manibus, ita etiam in pedibus nonnulli tendines dissecti sui possunt ac solent, & cum primis tendo Achillis dictus atque etiam tendo extensorum tibiae, mox supra vel infra patellam, sive genu. Tendinem Achillis quando nominamus, amplum valentissimumque tendinem illum, pedis extensorem, intelligimus, qui in parte tibiae posteriori, a furis ad usque calces sese extendit, & ab ACHILLE, fortissimo illo Graecorum heroe, qui ex ejus vulnere mortuus esse dicitur, nomen duxisse perhibetur. Eo forte dissecto, pedem movendi facultatem naturalem homines mox amittunt, atque, nisi decenter is rursus glutinetur, perpetuam pedis claudicationem sentiunt. Non sum equidem nescius, scribere GARENGEOTIUM (a), Chirurgum quendam Parisiensem, feliciter aliquando hominem, cui calcis os fractum fuerat, tendine Achillis per scalpellum dissecto & absque sutura relicto, ossis denique fragmento ejecto, consanuisse, nullumque postea pedis vitium sensisse: sed tantum tamen abest, ut ad imitandum proponere mihi atque aliis quam maxime insolens curationis hoc exemplum audeam, ut potius verear, ne qua forte in aliis hominibus frustra is curandi modus & forte cum periculo tentaretur. Imo, ut ne quid diffimulem, non video rationem, quare Chirurgus ille in hoc casu, ubi nihil aliud mali, quam os calcis fractum, saltem secundum GARENGEOTII relata, aderat, tendinem Achillis rescuerit; neque constat ex hac ratione utrum suturam tendinis Achillis improbare, an prorsus rejicere voluerit. Et quam ego vellem, GARENGEOTIUM

Tendinis Achillis vulneratio qualiter comparata sit.

(a) Vid. ejus Operat. Chirurg. Tom. 2. pag. 221. Edit. I. & Edit. II. Tom. 3. pag. 267.

GEOTIUS, in quamplurimis aliis iisdemque saepe levioribus Artis Chirurgicae difficultatibus explicandis alias fatis prolixus, hujus quoque casus atque curationis admirabilis, si verus est, *genuinas causas exposuisset*, ut tanto melius intelligi potuisset. Ita quoque BORELLUS refert (a), *Chirurgum tendinem magnum malleoli* (videtur dicere voluisse *tendinem magnum calcanei*, adeoque tendinem Achillis intellexisse) *ulcere corruptum amputasse*, aegrum tamen *postea, glutinato vulnere, sine ullo incommodo ambulasse*, nato iterum tendine vel substantia analoga. Solent autem *varium discrimen tendinis Achillis vulnera habere*. Namque ubi is aut *punctus*, aut *perforatus*, aut *ex parte solum concisus est*, noxis gravissimis aegri exercentur; perinde scilicet, ac de reliquorum tendinum laesione simili supra jam tum, pag. 45. 80. & alibi proposuimus; imo forte adhuc majoribus malis, quia reliquis major & amplior est, afficiuntur. Atque haec ratio videtur, *quare veteres Medici tendinis Achillis*, utpote totius corporis maximi, *vulnera pro lethiferis*; vel *saltem valde periculosis*, communiter habuerint, praesertim cum ACHILLEM inde mortuum esse legerint vel audiverint. Si plane *dissectus aliquis tendo est*, noxae plerumque, ut modo indicatis locis alias dixi, *satis tolerabiles existunt*, vel plane cessant; sin vero *tantum punctus*, vel *ex parte dissectus vel laesus est*, & graves noxae superveniunt quae medicamentis haud cedunt, *intotum*, ut praecedenti capite jam diximus, *dissecandus est*, ita dolores & convulsionem mox cessant. Quocirca quoque simulatque id, quod in ACHILLIS *tendine laesum atque ex parte perruptum est*, *supervenientibus malis gravioribus*, *penitus conciditur*, confestim dolores una cum plerisque noxis reliquis sese remittunt; atamen per aptam deligationem vel futuram denuo, ut usus docuit, sine gravibus noxis aut symptomatibus conjungi rursus potest. Quare autem tendines forte fortuna puncti, tam tristia saepe mala concitare soleant, *puncturae vero quae acubus in eorum futuris fiunt*, nihil mali ut plurimum post se trahant, nondum adeo, ut nonnulli sibi persuadent, *perspicuum est*, lubensque fateor, me rationem hujus rei nondum satis intelligere; licet usus ejus veritatem satis demonstraverit: eamque ob causam etiam minime miror, quod PARAEUS (b) hanc futuram, quamvis alias haud timidus fuerit Chirurgus, alique nobiles Chirurghi instituire haud sint ausi, atque VESLINGIUS, cum & Achillis tendinis & extensoris tibiae sub patella futuras a Chirurgis institutas videret, & quidem hanc ultimam in Africa, ab Afro quodam Chirurgo, hominum horum audaciam detestatus fuerit; quamvis felix successus & vix notabile a peracta curatione detrimentum, timoris sui vanitatem, ut ipse fatetur, arguerent, observat. XV. Interea tamen dissectum tendinem ACHILLIS etiam sine futura, ut aliorum tendinum vulnera, quandoque curari posse, tam exempla in aliis tendinibus, quam BORELLI & GARENGEOTII modo relatae observationes mihi persuadent; si modo pes ita dispositus & extensus ligatur atque servatur, ut extrema dissecta se invicem semper, donec coiverint, attingant.

I I.

(a) Observat. Cent. II. Obs. 2.

(b) Vid. ejus Lib. 9. Cap. 36.

I. I. Si quis vero futuram hic adhibere velit, aut certas ob causas necessaria judicetur, modus parum aut nihil ab eo, quem ad suendos manus tendines supra Cap. 172. §. 3, 4 & 5. commendavimus, differt (vid. Tab. XXXVI. fig. 7 & 10.); nisi fortassis in eo, quod & acum paulo majorem ac robustiorem, eamque vel rectam (fig. 8. litt. A), & filum quoque fortius, quam in manuum tendinibus (litt. BB), pro vinctura scilicet firmiori facienda, vel denique etiam acum curvam, eamque planam, sicuti fig. 6, sed paulo majorem ac robustiorem; vel talem, qualis fig. 9. indicatur, planam quoque ac robustam, exigat. Reliqua curationis negotia fere facienda sunt eadem, quae itidem supra ad manuum futuras proposuimus. Primum exemplum futurae tendinis Achillis & extensorum tibiae, quantum novi, litteris prodidit, horumque ultimum in Africa ut §. I dixi, vidit VESLINGIUS a Chirurgis Afris institutum. Deinde vero non solum COWPERUS Londini in Anglia, prout antea Capite praecedenti jam indicavimus, eamque more quasi Nuchiano per adhibitam scilicet acum teretem geminam (vid. Tab. XXXVI. fig. 10. CD); sed THIBAUTIUS quoque & COSTIUS, teste GARENGEOTIO, Parisiis feliciter identidem tendinis Achillis futuram & sanationem perfecerunt (a). Tametsi, quibus artificis Chirurgi hi usi fuerint, utrum una an duplici acu, recta an curva, has futuras perfecerint, GARENGEOTIUS tam in priori quam posteriori Operat. suar. Chirurgic. editione silentio praetermittat, eamque solummodo futuram, quae fieri in tendinibus manus vulgo solet, ut jam supra monuimus, describat. V. L. HORNIVS, egregius nuper Chirurgus Amstelodamensis, in notis, quas addidit Chirurgiae meae Versioni Belgicae, quam 1741 ibidem evulgavit, p. 1123 se hanc operationem saepius feliciter perfecisse refert, sed modum quoque non perspicue descripsit; peculiarem tamen ejusmodi pedem deligandi rationem & delineavit & descripsit tab. XV fig. 9. Quoniam igitur tam imperfecte haecenus a plerisque de futura tendinis Achillis propositum est, imo a nonnullis vel recentissimis prorsus adhuc praetermissa, mihi tamen res haud parvi momenti videtur, haud alienum esse judicavi paulo plenius ipsam describere, & quidem potissimum ex notabili COWPERI exemplo, cum nusquam aliud tam plene scriptum invenerim; ubi tamen simul nonnulla, dum varia adhuc in eo vel manca vel obscura sunt, haud inutilia circa hoc negotium monebo, supplebo aut illustrabo.

III.

In COWPERI casu tendo Achillis tibiae sinistrae in viro triginta annos nato, tres quasi digitos supra os calcis, omnino praecisus erat, atque pars ejus superior ab inferiori ad duos minimum, ut ait, pollices sursum retracta distabat. vid. fig. 10. A B. Adminiculis ad futuram hanc necessariis praeparatis, COWPERUS prae omnibus tegumenta, a, b, quae tendinis utramque partem A, B tegebant, incidit, ut ad has accedere easque futurarum ope jungere rursus potuerit (b). Hoc facto, primam acum C, (quae hic sicut & altera D, rec-

Speciali
Cowperi
exemplo il-
lustratur.

(a) In Libro & loco modo citato, edit. prima: in altera vero editione nomen THIBAUTII, ubi eandem rem iterum descripsit, rursus omisit & sibi factum adscribere videtur.

(b) Nonnulli recentiores ob varia incommoda, quae inde pertimescunt, hoc prohibent, & cumprimis etiam GARENGEOTIUS Verum nihil damni inde ortum esse felix curatio, sine

Pars II.

Zzzzzz

ullis

ta (a) & parva delineatur) *filum sericum ceratum trahens*, trans mittebat per tendinem superiorem A, dimidii pollicis spatio a loco dissecto (b), a parte externa ad internam (c). Alteram acum, cum simili filo serico D, eadem, ut scribit, ratione *per tendinis partem superiorem, sed paullo infra priorem*, transfigebat. *Postea utraque acu etiam inferiorem tendinem B perforabat. Pes postea extendebatur*, & tendinis dissecti extrema sibi invicem ope filorum constrictorum jungebantur, quae ita postea firmabantur, ut conjuncta servarentur, quamdiu pes in hoc situ continebatur, & quatuor filorum extrema ressecabantur (d). *Vulneri linamenta balsamo terebinthinae imbuta imponebantur*, postea splenium, & denique fascia applicabatur. Posthaec ut pes aeger rite extensus & extrema dissecta accurate juncta servarentur, *ex charta crassissima & dura speciem arcus efformabat*, quem anteriori pedis & tibiae parti ita imponebat, ut pes nulla ratione flecti potuerit, sed extensus & immobilis contineretur, atque rupturam filorum sive futurarum impediret. *Dum acubus partem tendinis superiorem perforabat, insignes, ut refert, aeger dolores percipiebat; sed nullos cum inferiorem fueret.* Deinde aegro *e brachio uncias sanguinis xiv*, ob varia avertenda mala, *extraxit*, eumque lectulo imposuit. *Vespero pro quiete concilianda sirupi de meconio ℥j. aegro dedit.* Altero die vulneratus bene se habebat, *satis bene dormiverat*, & non nisi de lancinationibus quibusdam in sura pedis laesi, quas noctu, dum forte evigilaret, senserat, conquestus erat. Tertio die vulnus eadem, ut primo die, ratione deligabat, nisi quod *fomentum adhuc ex herb. absynthii, salviae, rorisinarini & foliis lauri adjunxerit.* Quarto die vulnus a seroso humore, quem *synoviam* appellare solent, valde humidum deprehendebat. *Die sexto pus paullo erat crassius*, atque octavo adhuc crassius, sed *synovia* disparebat. *Hoc tempore duo tendinis secti extrema nihil quicquam a se invicem recesserant (e)*, & inter ea *substantia quaedam alba apparebat*, cui loco balsami terebinth. *tincturam myrrhae imponebat.* Paulo post haec alba sub-

illis gravibus symptomatibus, felixque eventus in hoc casu, ut alios de manus tendinibus nunc taceam, evincere videntur. Imo si tantum a se invicem tendines recesserunt, quantum hic fuit, vix sine tegumentorum incisione rite sui aut conjungi poterunt.

(a) GARENGEOTIUS acus curvas, easque valde magnas pro hac futura desiderat; sed patet ex hoc exemplo rectis etiam iisque non adeo magnis, quam optime hanc operationem quoque perfici posse; licet forte curvae saepius magis idoneae esse queant.

(b) *Acutenaculi*, quod GARENGEOTIUS in tendinum futuris valde necessarium esse judicat, nullam COWPERUS hic facit mentionem; adeoque verisimile est, ipsum eo quoque hoc in aegro haud usum esse, & tamen operationem & curationem feliciter perfecit.

(c) Hoc quidem verbis non refert, sed figura hoc ostendere videtur: licet haec ipsa figura non satis, quo in loco acus C tam superiorem quam inferiorem tendinis partem vel intraverit vel exiverit, ostendat.

(d) Qua ratione haec fila constricta fuerint, & utrum C cum D, aut C cum C, & D cum D, an alia forte ratione conjunxerit COWPERUS, neque ex figura neque ex relatione ejus constat. Mihi videtur C cum C, & D cum D conjuncta esse, eaque etiam sine spleniolorum interventu, adeoque alia prorsus ratione, quam alii plerique hodie solent: qua de re vero mox uberius infra.

(e) Lubet hic errorem insignem annotare, quem in versione Interpres Lipsiensis in Act. Erudit. Lips. An. 1700. pag. 25 hic commisit. Verba Anglica ita se habent; *Abouthis time the two endes of the tendon were not a little dilated*, ubi vocabula haec vertit, hoc tempore duo tendinis extrema non parum dilatabantur: id quod contrarium indicat, nempe quod non parum, hoc est, multum a se invicem recesserint; cum vocabula, *not a little dilated*, indi-

substantia recedebat, atque duo haec extrema carnea substantia fungosa contegebantur. Tunc sicciore modo vulnus deligabat, & modo linamenta arida, modo pulverem terebinthinae coctae sive colophonii vulnere imponebat. Decimo die alterum suturae filum laxum inveniebat, quod diffecabat & extrahebat: post biduum, vel triduum, alterum filum quoque laxum erat, tunc & hoc refecit & extraxit (a) pede semper ope arcus illius ex charta crassissima parati, probe extenso servato (b). Saepius ad carnem spongiosam sive luxuriantem tollendam aut imminuendam rodentibus medicamentis ipsi opus erat (c), & antequam triginta dies praeterierant prodeambulare quidem, sed adhuc quasi claudicans coepit. Postea sensim ac pedetentim commodius atque sine molestia ambulavit, & tandem circa finem secundi mensis usum perfectum pedis sui recuperavit. PARRAEUS contra exemplum refert tendinis Achillis ense resecti & sutura non conjuncti, cujus vulnus non solum diuturnae & difficilis erat curationis, sed etiam, cicatrice tandem obducta, cum primum aeger e lecto resurgens incedere conaretur, recrudescebat, iterumque debiscebatur (d).

I V.

Suturae tendinis Achillis & extensorum tibiae, quas VESLINGIUS se vidisse scribit, qua ratione institutae sint, haud commemorat; sed ait tantum, vidi in parentis mei amanuense tendinem a gasterocnemio & soleo musculis conflatum (qui est ille tendo, qui Achillis vulgo dicitur), paullo supra calcis os dissectum, futuris aliquot a Chirurgis conjunctum. In Arabe item, cui acinace tendo, a tibiae extensoribus constitutus, transversim sub patella genu vulneratus similem in modum a Tunetario Chirurgo adducebatur (e). Ex qua relatione tantum intelligi potest, has futuras non unica sutura, sed aliquot factas esse; neque etiam de deligandi ac glutinandi ratione vel quicquam refert; adeoque VESLINGIUS valde imperfecte & obiter quasi de hac re proposuit. Alius vero modus tendinem Achillis suendi est, quem KISNERUS, Medicus quondam Francofurtensis

dicare volunt, tendinis extrema eo tempore, die nimirum sexto, tam bene adhuc juncta fuisset, ut nihil quicquam, not a little, a se invicem recesserint; si enim multum a se invicem recessissent, tam promte glutinari non potuissent.

(a) Ex hac re patere mihi videtur extrema fili CC atque extrema fili DD inter se nodo conjuncta fuisse, ut supra indicavi, sic ut C cum C, & D cum D juncta fuerint. Ita enim fieri potuit, ut alterum filum prius laxum, sive hoc filum C aut D fuerit, refecari & extrahi potuerit, altero adhuc firmiter haerente. Nam si contraria vel alia ratione nodo conjuncta fuissent haec duo fila, altero resecto, etiam alterum simul solutum fuisset. Neque etiam frustulis corii, suberis, aut spleniolorum ex linteo vel serico cerato, quibus alii uti praecipunt, quantum ex relatione ejus perspicui potest, usus est; hinc COWPERUS quam maxime ab omnibus aliis in modo suendi tendines differt, atque simul ex ea disci potest, quomodo in curatione consutorum tendinum filisque rursus inde extrahendis sit procedendum; id quod a plerisque Scriptoribus in his curationibus quoque praetermissum est.

(b) Ita & de hoc arcu alii Autores nihil habent; quae tamen revera hic utilissima est & fuit, pro pede semper extenso servando, quod alias tam facile non obtinebitur. VLHORNUM tamen peculiarem; ab hac vero diversam deligandi rationem Lib. & loco fol. praeced. indicatam, descripsit.

(c) Neque de his aliquid apud alios in hac cura occurrit.

(d) Vid. ejus Lib. 9. Cap. 36.

(e) Observat. & Epist. Anatom. XV.

sis ad Moenum, amicus meus, dum viveret, suavissimus, in Dissertatione de tendinum laesionibus, supra jam laudata, delineavit, & quem ex eo Tab. XXXVI. fig. 7. repraesentavi: qui adeo perspicue in figura hac exhibetur, ut nulla explicatione ii indigere mihi videantur, qui Caput praecedens legerunt. Verum quia hic partem tendinis dissecti inferiorem DE primum acu perforavit, & postea demum superiorem, plerique vero Scriptores, ut primum superior ac deinceps inferior acu transfodiatur, praecipunt, nodusque solubilis, interjecto prius corio, & splenio in inferiori parte (qui hic in superiori est) fiat, imo & COWPERUS in parte superiori, nimirum in parte A fig. 10, suturam suam modo relatam incepit, melius quoque esse puto a superiori auspicari; quamvis haud negaverim, rem quoque ea ratione, quae hac in KISNERI figura proposita est, expediri commode posse.

V.

Suturæ
tendinis ex-
tensorum
tibiae.

Quando sutura in tendine extensorum tibiae instituenda esset, de cujus facien-
di ratone VESLINGIUS, licet primus forte sit, qui eam factam esse testatus sit, quoque tacet, eodem quidem modo eam fieri posse concipio, ut in praecedentibus dictum est; nullumque deprehendo, qui speciatim, quomodo hic fuentus sit, descripserit. Interea tamen, quia hic tendo tendine Achillis adhuc amplior est, praesertim supra patellam, adeoque unica in quavis tendinis parte punctione non satis bene conjungi rursus posse videtur, extensa prius probe tibia, duplici acu duplicique punctura, ad modum NUCKII, qui fig. 4 hujus tabulae litt. E & F, vel COWPERI, quae fig. 10. indicatur, eum rectius conjungi posse existimo. Vulneri eadem postea ratione prospicitur, ut in tendinibus manuum vel Achillis modo praecepimus; sed popliti postea ferula vel ex ligno vel ex charta crassissima & dura supponenda & ope fasciae ita, ut in patellae fractura fieri solet, alliganda est, ut genu nullo modo flecti, sed in exactissima quiete sive extensione conservari queat (a). Sed si infra patellam divisus, & sic a musculis sursum trahi nequit, haec pedis positura probe observetur, & pes diu in quiete extensione conservetur, ac ceteroquin vulnus idonea ratione tractetur, non dubito quin etiam sine sutura hic tendo rursus coalescat: atque hoc cum primis propterea quia superior dissecta pars, ob nexum patellae cum tibia, tantum facile sursum trahi nequeat, quantum tendo Achillis liber a surae musculis; adeoque fines eorum facilius ad se invicem adducuntur & ope aptae vincturae conjunctae atque adunatae continentur, praesertim si pes simul in lectulum stramineum collocetur. Tab. XXXVIII. fig. 20.

V I.

De sutura
ligamento-
rum.

Corollarii loco hic adjungi haud alienum esse censeo futuram ligamentorum, utpote quae quoque haud adeo facile, si dissecta sunt, glutinantur, aut coalescunt. Quoniam vero similem fere cum tendinibus habent substantiam, eadem quoque ratione illa sui posse ac tendines, haud absonum, sed nonnullis valde verisimile

(a) Idem etiam sentit VLHORNIIUS l. c.

mile videtur (a), illudque etiam, ubi opus esset, suaderem, licet qui hoc fecerint, non invenerim. In ligamentorum vero futura idem etiam suendi modus posset adhiberi, qui acubus binis, iisque curvis, ut Tab. XXXVI. fig. 6. eodem filo injectis, in gastroraphia perficitur, quemque etiam modum in tendinibus suendis praeter ceteris commendat GARENGEOTIUS (b), ita ut ligamenti vel tendinis dissecti partes singulae a parte interna ad externam acubus perforentur, & deinde fila invicem nodis, quantum satis est, constringantur. Curatio deinde a praecedentibus haud differret.

C A P V T CLXXIV.

De Varicibus.

I.

Varicum nomine in Scholis Medicorum ea potissimum venarum tubercula *Varices* inaequalia, nodosa & nigrificantia significantur (c), quae quavis in parte *quid sint.* corporis, frequentissime tamen in pedibus circa malleolos, interdum tamen altius etiam circa crura, femora aliaque loca, ut in scroto, imo & in capite & ventre, ut CELSUS jam notavit (d), nasci consueverunt. Frequentissime quidem gravidae, sed identidem tamen quicumque alii homines, si praesertim nimis & copiosus & inspissatus sanguis est, itemque quibus hypochondria dolent, aut hepar obstructum est, vel scirrhus laborat, hujusmodi noxas sentiunt. Quo magis autem varices increscunt, hoc majores quoque dolores & molestias, ob vehementiorem tunicarum diductionem ut plurimum concitant, imo & quandoque rumpuntur atque copiosum sanguinem effundunt; vel etiam in ulcera mali moris, ut ipse aliquando vidi, abeunt. Qui paulo minores sunt, fere semper quoque parum molestae esse consueverunt, adeoque etiam ab aegris plerumque negliguntur, neque Medici cura magnopere indigent.

I I.

Interim, ut ne forte malum exiguum sensim & cum maximo aegri detrimento ingravescat, sane haud abs re fuerit, quamprimum sanguinem per venas detrabere, & conveniens victus regimen praescribere, eoque facto, fasciam aliquam repellentem sive, ut vulgo dicunt, *expulsivam*, quam exactissime circum pedes afflictos deligare, (vid. Tab. III. fig. i. F) eandemque, si paululum ea laxata esse advertitur, denuo, quantum satis est, adstringere, neque prius eam removere aut abjicere, quam noxae gravioris periculum fuerit sublatum. Veteres, ut ex CELSO patet, eos *mox vel adusserunt, vel exci-*

(a) Ut KISNERO in Dissert. laudata, §. 30. & VALENTINO in Chirug. pag. 821. qui simul ad Fabricium ab Aquapendente provocant.

(b) In Operat. Chirurg. Tom. III. Edit. II. pag. 278.

(c) Nam CELSUS ait, Lib. V. Cap. 26. circa initium; cum vena intumescit in varicem convertitur.

(d) Lib. VII. Cap. 31.

exciderunt; verum nos hodie blandius procedimus, & si jam tum paullo magis varices increverunt, fasciam modo propositam, ad constringendas roborandasque venas, justo amplius dilatatas, vino rubro calido, vel & cum medicamentis adstringentibus decocto, vel cum spiritu vini forti, vel denique aceto cum alumine decocto, madefacere, quin & laminam quandam plumbeam super aegra parte maxime ampliata simul deligare solemus. Quanquam, DIONISIO teste, ad cohibendos varices, nihil omnino felicius proficit, quam tibialia e canum aliisve idoneis pellibus confecta, atque sic comparata, ut ope funiculi constricta, quantum aeger commodè ferre potest, quam exactissime crura die nocteque comprehendant. Figura eorum, a DIONISIO praescripta, qualis sit, tabula nostra XXXVI. fig. II. demonstrat. Fieri haec etiam commodissime, ut ipse vidi, possunt ex panno lineo, gryseo, eoque satis robusto, ad eandem normam. HARRISII judicio, valentissimum adversus varices remedium est tinctura myrrhae; siquidem frequenter id, quod afflictum est, eadem inungatur, emplastroque diasulphuris RULANDI contegatur (a). Si deinde vel fascia, vel tibialia ejusmodi superinjiciuntur, tanto melior effectus est sperandus.

III.

Curatio
quae ferro
fit.

Ubi vero ita vehementer jam tum varices intumuerunt, ut, quemadmodum evenire interdum solet, ad rupturam eae spectent, ita ut periculosa sanguinis profusio sit metuenda, vel & alias graviter aegrum hominem discrucient, a ferro tandem petere sanitatis praesidia convenit. Igitur ea venarum tubera, quae & inprimis tument, aut graves dolores concitant, per admotum phlebotomum sive scalpellum secundum longitudinem inciduntur, crassoque sanguine ad octo, vel decem, vel & duodecim uncias, pro vario aegri habitu, emisso, linamentis carptis, bolum Armenam atque acetum comprehendentibus, itemque lamellis plumbeis, gnaviter plaga contegitur, fascia decenter superinjecta. Namque his rite factis, ex sententia ut plurimum venae, perinde propemodum, ac fieri post sectiones venarum solet, rursus coalescunt. Itaque valentes hic a cicatricibus suis fiunt, ut denuo infestari hoc loco a varicibus haud facile soleant. Veteres equidem Chirurghi, ut supra jam dixi, varices vel mox adurebant, vel scalpello excidebant (b). Excidendi ratio eorum haec erat. Primo cutis super venam distantam incidebatur, deinde vena vitiata volsella vel hamulo excipiebatur, scalpelloque undique a corpore diducta solvebatur ac rescindebatur; & denique emplastro vulnus glutinabatur. At enim vero GOUVEIUS (c) promptissimam eandemque tutissimam varices curandi rationem in eo positam existimat esse, ut filum duplex & ceratum in acum aliquam curvam conjectum, subter imam venae distantiae partem transmittatur, eodemque in nodum constricto, firmiter vena vinciatur; mox autem per admotum phlebotomum vena tumente incisa, sufficiens sanguinis inspissati portio emittatur, denique vulnere per unguentum digerens gnaviter inuncto, conquiescere aegrotus lectulo impositus jubeatur, donec vulnus maxima ex parte rursus glutinatum sit. Si veteres varices adusserunt, cutem super incide-

(a) Vid. *Dissert. ejus Chirurg. VIII.*

(b) Vid. *Celsus Lib. VII. cap. 31.*

(c) Vid. *ejus Chirurgia vera (Chirurgie véritable) pag. 236.*

bant, & patefacta vena, tum tenui & retuso ferramento candente modice premebatur, vitatis plagae oris, ne adurantur, quas hamulis reducebant (a), superimpositis postea medicamentis, quibus adusta sanantur. Quanquam HARRISIUS temeraria, quin imo crudelia hic esse perfodiendi, excidendi atque adurendi studia omnia existimat; id quod tamen non semper verum. Nam molestiae atque cruciatus interdum adeo vehementes sunt, & quandoque nocturno tempore, sicut notabile exemplum novi, cum mortis periculo rumpuntur, ut omnino valentiora remedia, scalpellum scilicet aut acum requirant.

I V.

Sed quoquo tandem modo varices sanati sint, sane ut ne denuo ab iisdem noxis homines infestentur, quam maxime necessaria observatio videtur, ut, & nimis multis & crassis cibis evitatis, tenuiores potiones, quales nimirum sunt potus aquae vel ptisanæ, itemque quæ ex herba theæ, baccis coffe aliisve idoneis vegetabilibus fiunt, adhibeantur, corpus frequentissime exerceatur, pedes quotidie probe fricentur, tandemque quotannis minimum bis, vere scilicet atque autumno, sanguis per venas detrahatur. Id quod & iis observandum est, qui in principio mali aut in malo adhuc leviori, majora incommoda adeoque & ferrum & ignem evitare volunt. Varicem cum ulceribus combinatum quotannis M U Y S I U S semel aperuit, una libra sanguinis educta, quo ulcerum eruptio impedita fuit. Vid. ejus Chirurg. Rational. Dec. I. Obs. 6.

Varices
quomodo
praeca-
veantur.

C A P V T C L X X V.

*Quomodo excidere unguem pollicis pedis praeter naturam
infixum conveniat.*

I.

Accidere quam saepissime solet, unguis in pollice pedis justo altius in uno alterove latere praeter naturam in subjectam carnem sese infigat, itaque graves partis illius dolores cum inflammatione concitet, ut mirificam deambulandi difficultatem homines sentiant. Quandoquidem autem fere semper in calceamentorum angustia sita esse calamitatis hujus prima causa solet, quivis fere per se intelligit, quam commodissime ipsam praecaveri, si non nisi justam amplitudinem habentibus calceamentis pedes induantur. Si jam tum in carne defixus unguis est, absque adhibita curatione chirurgica vix ac ne vix quidem sanescere pollex iste potest. Interea tamen ante scalpellum blandior curandi ratio tentanda, quam haud raro sequenti modo optime obtinui. Primo pes aeger in pediluvium sive aquam modice calidam, per dimidiam quasi horam, reponendus, donec unguis paulatim mollescat; deinde vel scalpello vel frusto vitri eum radere sensim oportet, ut adhuc magis mollescat: postea digito vel specillo idoneo blande elevandus, & linamenti carpti aliquid inter

Quid hoc
malum &
quomodo
curandum.

un-

(a) CELSUS loco citato.

unguem & carnem dolentem, ope specilli tenuis vel dentiscalpii, subjiendum, atque spiritu vini calido deligandum; idque altero die, si dolores non remiserunt, repetendum; sic dolores plerumque leniuntur, imo saepius omnino brevi tempore auferuntur.

I I.

Alter mo-
dus per
scalpellum.

Si vero haec parum sunt, ad ferrum veniendum atque modus operandi potest esse huiusmodi. Primo pes, ob rationem jam indicatam, in aqua calida aliquamdiu deponitur. Eo facto, super sella is ponitur, firmiterque a ministro quodam continetur. Tum forfice quadam valida atque cumprimis aliqua ad id propria, qualis vid. Tab. XXXVI. fig. 12 & 13. subter oram unguis defixam provide depressa, quicquid in carne anteriori p. n. defixum haerescit, rescinditur, adhibitaque velsella, nisi sponte jam prolapsus sit, protrahitur. Quantumvis autem vehementibus doloribus homines sub isthoc opere ut plurimum discrucientur, confestim tamen, absoluto eo, melius sese habere iidem incipiunt. Postea in deligatione linamenta carpta vel splenia, oxycrato, aut vini spiritu calido, vel & aqua calcis humectata, super partem aegram imponuntur; fereque bis aut ter quotidie, pro mitiganda inflammatione ac dolore, denuo calide humectantur, donec inflammatio & dolores sublatis sint. Interim aeger quiescere per aliquot dies continuos debet, ne qua forte gravior inflammatio superveniat; vel & ubi jam tum inflammatio quaedam inciderit, paulatim ipsa rursus una cum doloribus his ipsis temperetur. Saepius in hac curatione caro quaedam aliena increfcit, ad quam auferendam vel exedendam valentissimum esse alumen ustum consuevit.

I I I.

Praeserva-
tio.

Ne qua autem facile, prout fieri communiter solet, idem unguis increfcens denuo in carnem infigatur, pristinamque molestiam & curationem sustinere quis cogatur, longe optimum esse, non DIONISIO tantum auctore, sed ipsa quoque experientia magistra, ego didici, si & calceamenta satis commoda adhibeantur, & ungues semel curati mensibus singulis per adhibitam lamellam quandam vitream vel scalpellum quoddam acutum, diligenter atque ad tenuitatem maximam abradantur; quo fit, ut mollis unguis a calceis in carnem denuo compelli nequeat.

C A P V T C L X X V I.

Quomodo clavos pedum tractare conveniat.

I.

Clavi
quid, ejus-
que causae.

FRequenter admodum in extremis pedibus, & cumprimis super horum digitis, vel & inter eosdem tubercula quaedam praeter naturam, dura, verrucisque planis haud absimilia, pronasce, quae Latinis clavi pedum a qualicunque figura sua vel etiam a dolore, quasi clavus infixus esset, nuncupantur, com-

communis experientia loquitur (a). *Caussam* mali praecipuam a *justo angustioribus quoque calceamentis*, sicut *praecedentis mali*, *Medici recte repetunt*. Quo enim angustioribus calceis homines utuntur, hoc magis quoque opportuni esse huic malo, hoc item vehementioribus exerceri cruciatibus iidem solent; si praesertim aestus est; si item diu pedibus insistendi vel & ambulandi necessitas aliqua incidit. *Quanquam autem varia proponi a variis medicamenta, & emollientia & rodentia*, clavis hisce *extirpandis accommodata*, solent; optima tamen eo potissimum spectant, ut, quicquid indecenter induratum est, prius emolliatur (b).

I I.

Inprimis autem ad emolliendum proficiunt, *pediluvia*, frequenter & diu *Quomodo curandi.* adhibita, *post quae superior eaque durior pars scalpello provide abraditur*; ita saepe omne postea incommodum cessat. Quodsi vero hoc non fieret, deinde *emplastrum ex cera viridi, vel ex gummi ammoniaco, vel emplastrum de mucilagini-* bus, vel & *de sapone raso*, vel denique *folium sedi majoris*, post *detractam cuticulam externam*, super partem induratum imposita, inque dies singulos, donec malum cedat, innovata superimponi potest. His diligenter aliquandiu factis, facili negotio, vel per admosos digitorum ungues decerpere, vel per adhibitum scalpellum rescindere, vel potius caute abraderе clavos licebit (c); sed maxima tamen cum moderatione atque prudentia hoc faciendum, ne *qua forte scalpello super digitis pedum applicato musculi extensoris tendo graviter attingatur*, quo laeso homines aegri saepius vehementissimis doloribus, inflammatione, gangraena aut convulsionibus mirifice distorquentur, atque, prout factum identidem est, in praesentissimum vitae periculum conjiciuntur (d). Tametsi autem ab adhibita hac rasura seu desquamatione modo praescripta *ut plurimum haud omnino extirpari*, sed post aliquod tempus plerumque renasci pedum clavi solent; tamen quandoque hoc ipso tolluntur, vel saltem haud exiguum molestiae ac doloris lenimentum homines sentiunt, praesertim si *simul & commodiores calcei pedibus adaptantur*, & jamjam proposita curatio mensibus circiter singulis, vel quoties dolores in his *locis id exigant*, *iteratur*. Denique si medicamentum aliquod ex iis, quae jamjam praescripta sunt, post *singulas viginti quatuor horas*, sed demtis tamen antea *semper radendo squamulis extremis*, recens superimponitur, *clavi vel penitus sensim emoriuntur*, vel tardius saltem ac rarius denuo renascuntur, atque facile ita tolerantur.

C A-

(a) Videri de his potest CELSUS Lib. V. cap. 28. n. 14.

(b) Nonnulli *rodentia*, ut oleum vitrioli, aquam fortem vel arsenicum, clavis his, teste HILDANO Cent. VI. obs. 100. applicant; sed quandoque haud sine mortis periculo.

(c) Sicut HILDANUS docuit, loc. cit.

(d) HILDANUS loco citato aliique plures ejusmodi funesta exempla notarunt.

C A P V T CLXXVII.

*De cura infantum, quibus indecenter incurvati pedes sunt,
& cumprimis de VARIS & VALGIS.*

I.

*Quid hoc
malum.*

IN quibusdam infantibus vel *ab utero materno*, vel & postea demum paulatim indecenter curvi pedes fiunt, *si justo maturius stare atque inambulare* iidem a parentibus aut nutricibus coguntur, aut alias imprudenter ab iis tractantur. In aliquibus *ipsae tibiae curvae sunt, in aliis genua distorta; in aliis pedes in articulo tibiae cum tarso*, iique vel introrsum, qui *VARI*, vel extrorsum versus detorti existunt, qui *VALGI* appellantur (a).

I I.

*Curatio
varia.*

Calamitatis hujus pro *sedis & mali diversitate curatio varie solet institui.* 1) Certissima eademque mitissima praeservandi ratio in eo posita est, ut infantes teneriores vel alias & *speciatim ob rhachitidem huic vitio opportuni*, a justo maturiori & frequentiori statione atque ingressione solerter detineantur; contra vero vel decumbant, vel sedeant, vel gestentur, aut curru saepius infantili vehantur, donec ossa paulatim cum increcente aetate roborentur & confirmentur. 2) *Si jam tum vitium illud increvit*, vel etiam ex utero materno est, necessarium utique erit, praemisso, si opus, emollientium usu, (de quo *HILDANUS* egregie egit) certis *machinamentis & cumprimis idoneis ocreis*, quales *PARAEUS* delineavit (b), (vid. Tab. XXXVI. fig. 14. 15.) *et corio firmiori, ligno, ferrive tenuioris laminis*, ad magnitudinem *pedum vitiatorum paratis*, quam exactissime *pedes incurvos, cumprimis varos & valgos, comprehendere itaque disponere*, ut, dum ipsi naturaliter increscunt, sensim sensimque figuram decentem recipiant, *etaeque dies noctesque circa pedes gerendae.* 3) Quandoquidem autem haud raro *incommodi aliquid sentiri ab ocreis*, praesertim non satis apte fabricatis, solet, nihil abs re fecisse Chirurgi videntur, dum alias adhuc proprias machinas aliquas excogitarunt, *vid. Tab. XXXVI. fig. 16.)* cujus binae partes *AA* e corio duriore laminave chartae crassioris, aut etiam ferri aut aeris tenuioribus laminis sic adornatae atque ope alutae *BB* ita adunatae sunt, ut altera interiori, altera exteriori tibiae atque pedis parti, sicut ex fig. 17. videre est, decenter applicari, atque per injectos funiculos *C, C*, aut lora ita circa pedes firmari valeant, ut noctu non minus quam interdiu per longum tempus circum crura haerescant, paulatimque tibias ac pedes incurvos in naturalem figuram aut posituram suam redigant. Ita etiam si non tam

in

(a) Exempla descripta atque delineata, una cum curandi artificiiis egregie dedit *HILDAN.* Cent. VI. obs. 89 & 90.

(b) In Oper. Chirurg. Lib. XX. Cap. XI.

in tibiis, quam potius juxta malleolos, seu in tibiae cum pede commissura vitium est, dum minus naturaliter vel intorti vel distorti pedes sunt, longe quoque optimum est, has HILDANI machinas fig. 16 & 17. designatas circum pedes injicere, sed in iis tamen, in quibus membrum ob rigiditatem, difficulter in rectum sensum intorquetur, ante semper, quo commodius emolliri atque in decentem posituram flecti aut cogi ligamenta queant, saepe & per aliquot dies fomenta, linimenta ac pediluvia emollientia prius adhibere, donec rite in figuram naturalem inflecti queant.

I I I.

Interim, ut, quae mea de cruribus sive tibiis incurvatis sit sententia, libere atque aperte dicam, si nonnisi mediocriter vitiatae sunt, salutaris saepe esse deprehendi, absque constrictione pedum per ocreas & machinas, praesertim rudiores, infantes relinquere, quam per adhibitas eas graviter illos afficere & quandoque nimis arcta constrictione magis adhuc laedere, pedumque incrementum impedire. Igitur id sibi datum, mea quidem sententia, Medici existiment, ut, nisi magna necessitas idem facere postulet, haud facile ocreas ob tibias incurvatas infantibus injiciendas proponant. Siquidem haud insolitum est, sed saepius vidi, tibias mediocriter, imo quandoque valde curvas paulatim per se, dum infantes adolescunt, & pedibus non multum ac praemature insistant, sed potius gestantur, curruque infantili cubantes saepe vehuntur, naturalem figuram per se recipere. Ceterum conferri hanc in rem merentur egregiae his de vitiis consignatae & supra jam laudatae observationes HILDANI, ubi pro malorum diversitate plures adhuc ejusmodi machinae repraesentantur; itemque SOLINGIUS Oper. Chirurg. edit. Amstelod. An. 1698. Tab. 12. pag. 270. ut & CLERICUS (LE CLERC) in Chirurgia, Parisiis an. 1720. recusa, pag. 370. siquidem hic ea machina, quam ad pedes ejusmodi in posituram ac figuram naturalem redigendos ARNALDUS (Mr. Arnaud) excogitavit, multum commendatur, sed, quod dolendum, non deli-
neatur. Cautela.

Explicatio Tabulae trigesimae sextae.

Fig. 1. demonstrat, qua ratione MEEKRENIO auctore, per ictum pugni curari in dorso manus ganglium A quandoque possit.

Fig. 2 A A, ostendit acum parvam, tenuem & rectam, sed cuspide plano instructam, pro futura tendinum in manu; B B, filum tenue, satis tamen robustum & duplex; C, nodum crassum in fine, ubi utraque ejus capita constrieta sunt; D, corii frustulum quadratum & in medio acu perforatum, per quod & acus haec & filum ad nodum usque C trajectum est.

Fig. 3. A & B duo ejusmodi corii frustula seorsim exhibent in medio perforata, pro futura, uti in fig. 7. E F ostenditur, facienda.

Fig. 4. Tres adhuc alios modos indicat, quibus dissectorum tendinum futura fieri possit.

A a a a a a 2

possit. a a a a loca demonstrant, ubi tendines extensores digitorum in dorso manus dissecti sunt; A, quomodo fili duplicis nodus in frustulo corii quadrato in superioris tendinis parte firmatus sit; B, qua ratione filum duplex in altera eaque inferiori tendinis parte, super spleniolo tereti, sine frustulo corii interjecto, nodo solubili constrictum est; C, quo pacto similis fili duplicis nodus, interjecto spleniolo tereti, in altera tendinis secti parte, sine corio firmatur, & in altera sive inferiori parte D, simili ut in praecedenti ratione, super spleniolo tereti constringitur; E demonstrat modum *Nuckianum* suendi tendines, ubi tendo supremus duobus locis b b duabus tenuibus acubus perforatus, & filo trajectus est, interjecto anfae fili vel frustulo corii, vel spleniolo tereti E, deinde eadem ratione opposita tendinis pars iisdem acubus & filo, sed ab interiore ad exteriorem perforatur, atque capita super spleniolo vel corio ligantur.

Fig. 5. ferulae figuram vel ex ligno tenui vel ex charta crassissima proponit, quae in futura tendinum dorsi manus; carpo & volae manus alligatur, ad manum probe extensam servandam.

Fig. 6. designat acum parvam curvam ex GARENGEOTII Lib. de Instrum. Chir. Tom. I. pag. 206. pro futura tendinum perficienda: quam recentiores varii huic negotio aptiorem recta esse existimant, quia melius contineri faciliusque per tendines transfigi queat. Verum circa apicem ipsa non, ut reliquae acus curvae vulgares, quae Tab. I. delineatae sunt, ad latera acuta sive scindens esse debet, sed retusa & plana, ne tendinis fibras transversim discindat. Attamen in parte concava sive sinu A aciem existere oportere GARENGEOTIUS existimat, Lib. de Instrum. Chir. pag. 198. Ego vero satius esse arbitror, si, parte concava retusa existente, pars convexa B aciem obtineat. Pars enim concava si aciem obtinet, periculum utique videtur esse, ne tendinis incisi orae ab acie partis concavae, dum acus transmittitur, vel disseccetur, vel per filum transmittendum facilius perrumpatur; quod ab acie in opposita parte tam facile non metuendum. Ita etiam *foramen C in his acubus non lateribus*, sed curvaturae, hoc est, concavae & convexae acus parti respondeat, quo facilius trajici filum per tendinem queat. Atque haec acus pro futura tendinum in manibus satis apta est; sed pro *futura tendinis Achillis*, tanquam longe amplioris atque fortioris, major quoque ejusmodi ac robustior acus adhiberi potest: qualis fig. 9. exhibetur.

Fig. 7. ostenditur, qua ratione institui tendinis Achillis futura queat, ex KISNERI Dissert. de tendinum laesione. Litt. A imam suram; B calcaneum, cui tendo hic naturaliter adhaerescit; C tendinis plagam; D fili duplicis robusti nodum, frustulo corii E superimpositum; F denique locum in quo alter nodus, isque solubilis G G, super altero frustulo corii injicitur, designant. Plerique vero malunt, ut pars suprema tendinis prius acu perforetur, & ligatura sive nodus solubilis in parte infima conficiatur.

Fig.




Fig. 8. litt. A proponit *acum magnam*, *rectam ac robustam*, cuspidem planam, qualem ad majorum tendinum, qualis *Achillis* aut extensorum tibiae est, futuram nonnulli commendarunt; BB filum robustum duplex, idque cera obductum; C denique nodum, fili extremo injectum.

Fig. 9. *Acum curvam*, *majorem & plenior*, quam fig. 6, pro eodem usu in tendine *Achillis* suendo demonstrat.

Fig. 10. exhibetur, qua ratione celeberrimus quondam Anglorum Anatomicus & Chirurgus COWPERUS per duas acus adhibitas *tendinem Achillis futura* aliquando comprehenderit, feliciterque deinde sanaverit. Litt. AB, binas hujus tendinis partes dissectas; CD autem binas rectas acus cum injectis filis, quibus hunc tendinem rursus conjunxit; a b denique cutem tendines ambientem utrinque incisam, ut hos melius fuere potuerit, exhibent.

Fig. 11. litt. A, *tibialium genus* e canum pellibus, vel etiam ex linteo, quod gryseum vocant, confectum; quorum usus praecipuus in eo consistit, ut quam exactissime pedibus nudis, per innexum funiculum B adaptata, continuoque in iisdem relicta, *varices*, imo & *oedemata pedum*, cumprimis recentia aut saltem non adeo mali moris reprimant.

Fig. 12. *Forfex valida*, alteraque cuspidem A retusa instructa, proponitur, qualis cum fructu saepe adhiberi solet, quando in pede unguis pollicis, carni cum dolore in latere est infixus, excidendus: ita enim cuspis retusa carnem jamjam valde dolentem, tam moleste pungere nequit, quam si haec esset acuta. BB denotat extrema inferiora, quae loco manubrii sunt, & quorum compressione forfex scindit; sed ea rursus postea ab elatere C diducuntur.

Fig. 13. Forficis genus aliud, quod pro eodem usu commendat & describit GARENGEOTIUS Tom. II. de *Instrum. Chirurg.* pag. 242. hic fistitur: cujus extrema superiora AA concava sunt, acutaeque in apice, secantia vero in oris interioribus; BB extrema inferiora, manubrium constituentia, quae compressa quoque, ut in praecedenti forfice, ope elateris C rursus expanduntur.

Fig. 14. *Ocreas* repraesentat ex PARAEO, easque apertas, pro pedibus puerorum praeter naturam curvis, praesertim *varis* & *valgis* in ordinem redigendis, quae uncinulis a b & c claudi possunt.

Fig. 15. easdem *ocreas*, sed ope trium uncinulorum & anfarum sive annulorum, a b c, clausas ostendit, quibus ejusmodi pedes includuntur.

Fig. 16. Aliam machinam pedibus extremis curvis & praesertim vel nimis introrsum vel extrorsum distortis, ad figuram naturalem coercendis destinata, demonstrat, secundum HILDANUM in *Cent. VI. Obs.* 89 & 90. AA, sunt duae laminae ex corio rigido, vel ex ligno levi, vel laminis ferreis aut aeneis, prout pueri debiliores aut robustiores sunt, magnitudini pedis adaptandae; BB corium molle, quo laminae a parte posteriori connectuntur, ne facile cedant; CC funiculi, utrinque duo, quibus laminae circa pedes curvos constringuntur.

Aaaaaaa 3

Fig.

Fig. 17. designat, qua ratione infantum tibiae curvae machina fig. 16. fere simili ad restituendam figuram naturalem comprehendi queant; ubi litterae idem, quod in priori figura, denotant; sed A interiorem laminam solum indicat, cum exterior B hoc in situ tota videri nequeat.



CHIRVRGIAE

PARS III.

DE

FASCIIS

ET

VINCTVRIS

CHIRVRGICIS.

CHIRURGIAE PARS III.

De fasciis & vincturis Chirurgicis.

CAPVT I.

De fasciis & vincturis generatim.

I.

DE fasciis equidem tractationem aequè omnino utilem atque necessariam in *Fasciarum arte salutari esse*, ac ipsarum Operationum Chirurgicarum expositio-^{usus neces-} nem, non solum HIPPOCRATIS (a) & GALENI (b) aliorumque prae-^{sarius.} stantissimorum Medicorum testimoniis, sed cumprimis exinde luculenter patet, quia *nulla propemodum institui curatio Chirurgica potest*, quae vincturam atque fascias haud postulet. Quantumvis enim provide ac diligenter res suas, quae ad curationem pertinent, reliquas Chirurgus perficeret, tamen, si minus idoneam vincturam seu deligationem is adhiberet, parum certe vel nihil omnibus suis studiis saepe proficeret; si praesertim *ossa fracta aut luxata* ad curandum proponerentur; si item nimia *sanguinis apud vulneratos profusio* incideret; si denique paullo *gravior operatio sive sectio Chirurgica* facta esset, vel & membrum aliquod grandius amputatum. Et incidere profecto quidam casus solent, cujusmodi nimirum ossium *luxationes & fracturae sunt*, ubi non tam in medicamentis, quam potius in *adcurata partis adflictae vinctura posita esse sanitatis praesidia deprehenduntur*: dummodo id quod e sede sua motum erat, decenter prius fuerit repositum. Similiter *sanguinis quandoque profusiones nimias* nullo perinde remedio promptius, certius & commodius, quam *exacta vulneris deligatione facta*, conquiescere, exploratum omnibus est, qui paullo curatius in vulneribus curandis aliisque curationibus Chirurgicis sunt versati. Ut nihil nunc de eo dicam, *vincturarum decenter instituendarum promptitudinem atque elegantiam* jure merito in iis habendam esse Chirurgi virtutibus, quae cum ad *spectatorum benevolentiam*, tum & vel maxime ad *ae- grotorum fiduciam*, quae ad promovendam curationem valentissima esse solet, conciliandam egregie faciunt, quia hi potissimum Chirurgi scientiam hac ex re dijudicare solent, dum ignari plerumque eas pessime injiciunt (c). Quae cum ita sint, operae utique pretium fecerimus, sicubi ea, quae strictius supra pag. 32. & seq. de fasciis proposita sunt, prolixius atque dilucidius hic exposuerimus, singulatimque, qualis optime institui in Curationibus Chirurgicis gravioribus singulis deligatio debeat, declaraverimus.

II.

(a) Lib. de Officina Medici.

(b) Lib. de Fasciis.

(c) Teste GALENO Lib. de Fasciis; ubi & praecipit, ut, quod injicitur, celeriter, jucunde, promte & eleganter injiciatur.

I I.

*Fascia
& vinctura
quid sit.*

Fasciam itaque in Scholis Chirurgorum esse linamentum aliquod, quo ad deliganda varia corporis vitia utuntur, quod quandoque strophilo mantiliue quadrato haud ab simile, communiter autem longum atque angustum, quod cum in ossibus luxatis & fractis, tum & in vulneribus ac plerisque aliis humani corporis noxis externis curandis, ad splenia, emplastra, linamenta carpta, aliaque hujusmodi continenda adhibentur, nemo facile ignoraverit. Ceterum observasse juvabit, *fasciarum* titulo speciatim linamenta ista designari, sicubi nondum sunt corpori adplicatae; *vinculorum* autem seu *vincturarum*, si jam tum circum corpus injectae haerescunt, vel re ipsa jam injiciuntur. Galli prius *une bande*, posterius *bandage* appellant.

I I I.

*Species
fasciarum.*

Differentia fasciarum varia est: quaedam enim 1) *communes* sunt; aliae *singulares*, & singulari cuidam corporis parti velut propriae; similiter 2) quaedam *simplices* sunt, quaedam *compositae*. *Simplices* vocantur, quae ex unico tantum frusto lineo, eodemque in partes plures nec fisso, nec cum aliis frustis aut habenulis conjunctae constant. Observatio circa easdem necessaria haec est, ut ex linteo, secundum filamentorum ductum sive longitudinem disrupto vel dissecto, fiant, circiterque binorum, trinorum, vel quaternorum plerumque digitorum amplitudinem habeant, pro vitii scilicet modo atque aegrae partis conditione. Solent autem fasciae simplices vel ab alterutro tantum, vel & ab utroque extremo sive capite convolvi, quemadmodum pro re nata Chirurgus id vel commodissimum vel necessarium esse judicat. Ista *unius capitis fasciae* appellantur, vid. Tab. II. fig. b; hae vero duorum capitum, vid. fig. c.

I V.

*Vincturae
per fasciam
simplicem
species.*

Vincturam simplicem instituendi, seu, quod idem est, *fasciam simplicem* applicandi ratio varia, potissimum tamen quadruplex est. Namque *circularis* sive *annularis* dici *vinctura* solet, si superiores ductus accurate super inferioribus fiunt. *Obtusa* vel *ascia* (Gallice *Doloires*), si ductibus spiralibus fascia vel adscendit, vel descendit. *Repens* (Gallice *Rampant*), si rarioribus atque ab invicem remotioribus ductibus institutis, fascia circum partem adflictam injicitur. *Reflexa* denique *vinctura* appellatur (Gallice *Renversée*), si, prout in furis, cubitis atque aliis partibus, variam crassitiem habentibus, necessarium esse solet, identidem fascia invertitur sive replicatur: quod ipsum tamen commodius demonstrari coram, quam verbis explicari potest.

V.

*Vincturae
compositae.*

Fasciae aut vincturae compositae appellantur, si vel variis admodum iisdemque magis artificiosis, quam in prioribus ductibus institutis, fasciae corpori applicantur; ceu fieri quidem oportet ac solet in venae sectione, *maxillae*, *claviculae patellaeque fracturis*, aliisque laesionibus quamplurimis; vel si plura duobus capita habeant, ex compluribus partibus sive frustis consutae, aut unum

num frustum in partes plures scissum pro fascia adhibeatur. Posterioris generis illae fasciae sunt, quae *quatuor capitibus instructae*; & vulgo *fundae* appellatae sunt, aliaeque quas nos in Tab. II. litteris d, e, f, g, h, designavimus; item *fascia octodecim capitum*, quam *ascialem* nonnulli vocant, & quae in fracturis cum vulnere adhiberi solita est, vid. Tab. IX. fig. 4. litt. BB, variaeque aliae. Ex his omnibus *aliae capiti*, *aliae pectori*, *aliae abdomini*, *aliae denique brachiis atque cruribus* deligandis aptae sunt, indeque subinde proprium aliquod nomen trahunt. *Aliis a similitudine* cum rebus quibusdam nomen imponitur, ut *scapha*, *stella*, *stapes*, *spica*, &c. *Reliquae ab usu* praecipuo titulum aliquem, ut *continentes*, *unientes*, *dividentes*, *expellentes*, *fortiuntur*. Sed ista quidem planius ex infra dicendis apparebunt.

V I.

Materia ex qua fasciae parantur, *hodie ut plurimum est linteum (a)*. Sed ad linteum, ex quo apud nos fiunt, quod attinet, fere sequentes necessariae sunt observationes: 1) Ante omnia *lintheum* debet esse *purum* atque a quibusvis for-
Ex qua materia, quemque in modum fieri fasciae debeant.
dibus liberum (*b*); partim decoris atque elegantiae causa, partim ne quam forte noxam aeger & vulnus inde trahat: nam *non modo utilitati studere debet Medicus*, ait GALENUS, *sed & munditiei & elegantiae (c)*. Deinde 2) haud *novum* prorsus, sed aliquantisper jam ab ipso usu detritum, mollium atque laevigatum, ne scilicet duritiei & asperitate sua graviter cutem irriteret aut laedat, paulatimque cum pruritu atque inflammatione deterat; interim tamen non sit *nimis detritum*, ne fascia facile relaxetur aut omnino inter ligandum disrumpatur. Porro 3) idem *neque ex filis constet vel nimis tenuibus aut subtilibus, neque ex nimis crassis*: siquidem alias aut rupturam fascia minatur, aut saltem insignem pruritus sive molestiam corpori adfert. Tum 4) *neque limbi aut fimbriae insint aut eminentiae, neque, quantum fieri potest, suturae*; ne duriter cutis inde prematur, neque pruritu ac doloribus affligatur. Si qua autem fascia longior e pluribus frustis linteii necessario fuerit conficienda, operam dare convenit, ut quam paucissimis & subtilissimis suturis invicem committantur. Quam autem denique 5) *longitudinem atque latitudinem* habere fascia unaquaevis debeat, dici in universum non potest, sed prudentis equidem Chirurgi est, cum pro ipsius partis adfectae habitudine, longitudine & amplitudine, tum & pro ceterarum rerum circumstantium conditione quid in casibus singulis factu opus sit, definire; interim ne absque omni consilio Chirurgicae Artis tirones hic relinquantur, id utique nos datum nobis existimavimus esse, ut, quantum quidem ipsa rei indoles patitur, *fasciarum praecipuarum omnium habitudinem, & cum primis longitudinem & latitudinem*, prout ut plurimum esse potest, diligenter describere studeamus.

VII.

(a) Apud veteres etiam ex lana & membranis constabant, Galen. Lib. de Fasciis. Hodie tamen etiam quaedam ex panno xyliino itemque ex corio conficiuntur.

(b) Hanc munditiam jam Hippocratem commendasse Galenus testatur principio Libri de Fasciis.

(c) Ibidem.

V I I.

*Vincturae
firmitas
qualis esse
debeat.*

Circa fasciarum applicationem seu vincturam quam solertissime providendum semper est, *ut neque nimis laxae, neque nimis arctae, sed mediocriter firmae fasciae inhaerescant.* Namque ubi justo laxiores eadem existunt, parum plerumque aut nihil, praecipue in ossibus diffractis & item vehementioribus sanguinis profusionibus, proficiunt; ubi vero justo arctiores sunt, egregiis ut plurimum doloribus, tumoribus atque inflammationi, quin & gangraenae aut cancro partes corporis vinctae exponuntur. Debet autem, num justam firmitatem suam fasciae habeant, nec ne, praeter explorationem per digitos interjectos, ex aegri hominis sensu ac doloribus potissimum judicari ac statui. Si enim nihil omnino molestiae aut tumoris is persentiscit, *justo laxior esse vinctura* merito censetur. Si gravioribus doloribus ac tumoribus idem exercetur, sciendum est fascias *justo strictiores* atque arctiores existere. Similiter, num justum in vinciendo modum Chirurgus servaverit, nec ne, partium infra vincturam *tumor significat.* Ubi enim vel mane, vel sub vesperam brachii praesertim vel pedis partes extremae, una cum sensu acuti doloris, insigniter & cum duritie quadam tument, venaeque ibi posita minus naturaliter turgent, indicium est, *nimis firmam ac strictam adhibitam esse vincturam.* Sin nihil omnino tument, si item digitum aliquem fasciis facile submittere licet, sciendum est vincturam nimis esse laxam adeoque paullo fieri debere strictiorem. Porro *si fascia unius capitis praesertim in manu vel pede quodam adhibetur*, necessarium utique est ad primam ejus partem rite firmandam, a binis vel ternis ductibus circularibus sibi invicem superinjectis vincturae principium facere, ne fascia facile relaxetur. Quod si autem *binorum caput fascia imponitur*, initium vincturae a media fasciae parte semper est faciendum, partes autem utraeque ab utrisque manibus decenter circum aegrum corporis membrum ita ducendae, quemadmodum necessitas requirit; verum extrema tandem fasciae pars ante semper parum complicetur, quam acicula eidem injiciatur; quo nempe firmitus eadem inhaerescat. Quidquid spleniorum atque fasciarum ossibus luxatis aut fractis imponitur, id neutiquam debet esse siccum, sed semper vel ex vino calido, vel ex vino adusto, vel & oxycrato expressum. Sic enim & firmitus fasciae haerescunt, & aegrae partes roborantur, & inflammatio denique temperatur, vel praecavetur. Denique *si partes fasciis subjectae, ut quandoque contingit, nimium quantum pruriunt*, fasciis vel tantisper resolutis pars vel oxycrato ablui, vel fomentum ex oxycrato adhiberi, vel &, ubi minus tuto resolvi fasciae possunt, eodem humore fascias diligenter ac saepius humectare oportebit, donec pruritus cesset.

V I I I.

*Vincturae
innovatio
quomodo
fieri debeat.*

Quoties autem cunque deligatio innovatur, quam solertissime providendum est, *ne ruditer abstractis aut avulsis fasciis, graviter aegra pars offendatur.* Nisi enim cum adhibita moderatione maxima fasciae cum spleniis linamentisque, praesertim ubi fortius adhaerescunt, demuntur, periculum utique maximum est, ne ossium inprimis fractorum restitutio laedatur, & item venarum grandiorum

diorum amputatarum vulnera denuo sese aperiant, gravissimasque cum sanguinis profusiones, tum his conjunctas alias noxas concitent. Simulatque igitur vel a sanguine, vel a materia, quasi a rebus glutinosis, justo firmitus cuti adhaerescere vinctura persentiscitur, necessarium utique videtur, vel vino, vel spiritu vini calido ipsam diligenter humectare, atque sic paullatim emollire ac resolvere. Similiter longe optimum quoque est, in quacunque deligationis innovatione providere, ut requisita pro vinctura nova fere semper ante instruantur vel praeparentur, quam vinctura pristina resolvatur; ut protinus iterum contegi pars afflicta possit. Namque alias periculum est, ne vel frigus, vel aër parti vulneratae damnum aliquod inferat.

I X.

Tandem ad vincturae usum quod attinet, varium utique & multiplicem eundem esse, supra jam tum (§. I.) breviter atque generatim indicavimus. Ut autem luculentius id ipsum perspiciatur, ad singularia nonnulla nunc jam erit descendendum. Scilicet vincturae vel per se ad sanitatem restituendam proficiunt, itaque remediorum sive auxiliorum vicem sustinent; qualiter quidem fieri ut plurimum in ossibus fractis & luxatis, necnon in graviore sanguinis profusione solet: vel medicamentis aliis circum partem aegram continendis inserviunt, unde & fasciae continentis dici solent. Nonnunquam vincturae ad reprimendum pedum tumorem insigniter proficiunt, indeque expellentes, Gallis expulsi ves communiter audiunt. Modus illarum talis est, ut pedes indecenter tumentes quam exactissime a fasciis, incipiendo a parte inferiori sensimque sursum versus continuo adscendentibus ductibus, comprehendantur (vid. Tab. III. fig. 1. litt. F.). Quanquam non ad pedes solum tumentes, sed & quandoque ad fistulas pro exprimenda materia noxia fasciae hae expellentes adhibeantur. Similiter egregium quoque usum vincturae praestant, dum coercendis restituendisque in posituram naturalem membris curvis, collo praefertim ambusto, qua par est diligentia, applicantur. Denique haud prorsus insolitum est, fascias vel vincturas oris vulnerum directorum, praesertim in fronte, vertice atque abdomine, in unum cogendis mirifice inservire (vid. Tab. XXXVII. fig. 3 & 4.). Cujus equidem generis fasciae Medicis unientes communiter appellari consueverunt. Reliquos vincturarum usus nunc jam praetermittimus; fatis habentes, si deinceps circa vincturarum singularum explicationem, ipsos indicaverimus. Dabimus autem hic operam, ut praecipuas fasciarum & vincturarum species, quas ad oculum demonstrare in Scholis nostris Chirurgicis solemus, verbis nunc, quoad fieri potest, planissimis describamus, ita fieri posse arbitror, ut, qui has probe intelligat aut calleat, reliquas, quae forte aliquando variis in laesionibus aut vulneribus necessariae erunt, ad similitudinem & imitationem harum haud adeo difficulter perficere queat. Quanquam sciendum est, longe utique promptius atque felicius ex experti Chirurgi alicujus exemplis coram spectatis, si praesertim frequens harum rerum usus accesserit, quam ex libris, decenter applicandarum fasciarum artem hauriri. Ut proinde haud quaquam spernendum sit GALENI consilium istud, quo Chirurgi juvenes monentur, atque excitantur, ut, ad adquiren-

dam fascias rite adhibendi promptitudinem, frequentissimam artis hujus exercitationem in hominibus sanis instituant; id quod & in statuis, cum primis lineis, humanam formam prae se ferentibus, sicuti ego id demonstrare soleo, fieri commode potest. Et statuæ quidem humanae, pro adhibendis vincienti artificiis, in eo veris hominibus praestant, quod pro arbitrio *easdem mutilare, atque ita vincturas*, cujuscunque generis *membris amputatis* adhibendas, in ipsis demonstrare licet; id quod in hominibus sanis perfici apte nequit. Interim nos, quum de praecipuis vincturarum speciebus tractare nunc ingredimur, id nobis datum existimamus esse, ut primo loco *de vincturis capitis*, secundo *de colli*, tertio *de praecordiorum*, quarto *de abdominis*, quinto denique loco *de brachiorum*, atque tandem *de femorum, crurum vel pedum vincturis* seorsim atque ordine exponamus.

C A P V T II.

De vincturis speciatim, & primo quidem de iis quae in capite fiunt.

I. DE FASCIA TRIANGVLARI CAPITIS.

Prima capitis fascia triangularis dicta.

Veteres equidem Chirurgo pro variis capitis noxis mirum quantum varias, easdemque multiplices fascias proposuisse, non tantum ex *GALENI*, sed reliquorum etiam Auctorum priscorum monumentis intelligitur (a). Quandoquidem autem ipsi praeter omnem necessitatem amplificasse vincturarum numerum videbantur; sane nihil abs re fecisse *VERDUCIUS* & *CLERICUS* aliique recentiores censendi sunt, quando, discentium commodo, rejectis quamplurimis obsoletis minusque aptis aut necessariis, non nisi paucissimas, sed eas tamen fascias proposuerunt atque commendarunt, quae nullis non capitis noxis deligandis satis apta sunt, imo sufficiunt. Atque prima quidem ex his, quas, cum recentioribus commendo, *fascia capitis triangularis* vocatur: siquidem illa vel e *strophio* majori, vel *quadrato mantili*, vel e *peculiari coque satis magno linteo quadrato*, in modum trianguli complicato conficitur, atque posito medio super fronte, partes extremae eadem fere ratione circum caput nodo firmantur, qua communiter alias circum idem, tempore praesertim aestivo, quando ob aestum consueta capitis vestimenta deponimus, deligari strophio vulgo solent, vid. Tab. XXXVII. fig. 1. a a, b. vel extrema lateralia, mutatione eorum in occipitio facta, ad frontem reduci, & ubi desinunt, aciculis firmari possunt. Galli eandem *le Couvre-chef en triangle*, h. e. *capitium sive tegumentum capitis triangulare*, nuncupant. Quam autem paratu facilis haec vinctura est, tam quoque varios multosque eadem usus plerumque praestat. Neque enim ad vulnera tantum, sed etiam ad quascunque alias propemodum capitis noxas, *quin ad*

ocu-

(a) Vid. *GALENUS* de Fasciis, itemque in *GESNERI* Scriptoribus de Chirurgia optimis, ubi septuaginta diversae fasciarum capitis species delineantur & describuntur. Conf. & *VID. VIDII* Oper. Tom. III. de Chirurg. p. 40.

oculorum morbos etiam, ad medicamenta & splenia ipsis injecta continenda, cum profectu ipsam adhiberi, res ipsa loquitur. Quodsi forte nodus b circa occiput aegro molestus sit, extrema ad tempora vel frontem reduci, ibique aciculis firmari possunt.

II. DE CAPITIO MAGNO.

Altera capitis fascia, praecedenti major, Gallice *le grand Couvre-chef*, *Capitium h. e. magnum capitis tegumentum*, vel & *capitium magnum* appellatur, fereque semper post *factam vel trepanationem sive terebrationem* cranii vel & in *supremi capitis vulneribus*, tanquam fascia sive tegumentum caput & cerebrum *magis contra frigus defendens*, applicatur. De utrisque, quas modo memoravimus, fasciis, & quomodo injiciendae, supra jam tum exposuimus pag 34, §. 67, atque Tab. III. fig. 1. litt. A quomodo capiti injecta se ostendat, satis, ni fallor, indicavi.

III. DE FVNDIS SIVE FRONDALIBVS.

Tertia, eademque quatuor capitibus sive habenis instructa, *funda* sive *fascia frondalis quatuor capitum sive frondium* (vid. Tab. II. litt. d) denominatur. Longitudo ipsius ex mea sententia ulnam Parisinam, latitudo sex vel & octo digitos comprehendat (a). Quidam nonnisi tres ulnae partes quartas, sive tres pedes, longitudini ejusdem tribuunt, pro capitum forte diversitate, vel pro diversa eam applicandi ratione. Solet autem, pro continendis super vulnere capitis rebus ad deligationem necessariis, aestivo potissimum sive calidissimo tempore ipsa usurpari: siquidem tum binae priores ac praesertim ultima sive major (*capitium* scilicet *magnum*) propter ipsam crassitudinem & gravitatem suam, in regionibus potissimum calidioribus, vix ac ne vix quidem adhiberi citra insignem aegri hominis molestiam aut noxam possunt, maxime si ita paretur ac injiciatur, ut a nonnullis delineatur (b). Utraeque fasciae frondalis partes extremae ita debent findi, ut non nisi media illius pars ad unius vel binarum circiter palmarum transversarum latitudinem indivisa permaneat (vid. Tab. II. fig. d.). Si ad vincluram vulneris, exempli causa in supremo capite inflicti, veniendum est, fundae hujus sive fasciae pars media atque integra super splenium injicitur, ibique manu assistentis, ne decidat, firmatur: deinde bina capita posteriora subter mento sic ducuntur, ut vel ibidem nodo jungantur, sicut in Tab. III. fig. 1. videre est; vel si fascia longior, ab hac parte ad cervicem vel verticem redeant, ibidemque per nodum aliquem committantur vel aciculis firmentur (c): bina vero capita priora sub occipitio connectuntur; vel si fascia longior, capita ejus sive fron-

(a) Nonnulli eam pedis latitudine, imo adhuc ampliorem desiderant.

(b) Vid. BASS. de Fasciis Tab. VI. fig. 5.

(c) Quia in fasciis pro capite nodi in cervice vel occipitio, quando aegri decumbere aut dormire volunt, ipsis molesti sunt, extrema quando frontem attingere nequeunt, rectius, ubi desinunt, aciculis vel futura firmentur.

frondes ita ducuntur, ut inibi invicem permutata ad figuram litterae X se invicem superfandant, ac deinde vel super aures ad frontem, vel sub mentum etiam revertantur ibidemque in nodum constringantur.

I V. F A S C I A S E X C A P I T I B V S.

*Fascia
sex capi-
tum.*

Nonnulli in eundem finem fasciam adhibent *in sex frondes sive capita fissam*, quae longitudinem habeat trium pedum & unius circiter pedis, vel quatuordecim pollicum latitudinem, ut totum caput comprehendere & includere valeat. Idea aliqua ejus fieri potest ex Tab. XXXVII. fig. 19. si modo foramina abesse fingamus. Hujus medium quando ea uti volumus, vertici imponitur & a ministro continetur: deinceps capita media sub mento, vid. fig. 2. Tab. 37, aaa, anteriora sub occipitio, b, & posteriora in fronte ccc, nodo constringuntur d, sicuti hic capita ad occipitium ducta b, aut, si placet, aciculis in latere, ubi desinunt, firmantur. Nonnulli eam adhuc ampliorem esse volunt, atque capita alio ordine, incipiendo a posterioribus, connectenda esse docent; sed hoc mihi perinde videtur. Quando bene applicata est, egregie quoque res vulnere superimpositas, ne decident, firmat, nec facile decedit, adeoque usus ejus non est contemnendus. Ceterum quod obiter hic observatum velim, *ut quotiescunque nos in hac de fasciis tractatione de ulnis mentionem aliquam injicimus, semper ulnas Parisinis usitatas, intel- ligamus*, quae quatuor circiter pedum longitudinem habent; utpote Mercatoribus plerisque omnibus ubique notas, pro evitanda nimirum, quae hoc in negotio ex Germanorum aliorumque Populorum ulnis diversis suboriri poterat, confusione aut errore.

V. F A S C I A V N I E N S F R O N T I S.

*Fascia u-
niens ca-
pitis.*

Quartam capitis fasciam *unientem* itemque *incarnantem* Medicorum filii ab ejusdem usu nuncupant. Longitudo ejus binas tresve ulnas, latitudo binos pollices adaequat: media pars ad tres quatuorve digitos latos linea recta fissa est (*vid. Tab. II. fig. f.*): ex partibus extremis singulis glomera conficiuntur. Usus praecipuus in eo consistit, ut cum *frontis aut verticis*, sicut in Tab. 37. fig. 3. & 4. aa, tum ceterarum quoque corporis partium *vulnera oblonga* atque ad lineam inflicta, cum primis etiam *superciliorum*, (ubi vero fascia angustior sit) per eandem comprehendantur. Vincturae modus est hujusmodi. *Medicamentis balsamicis, emplastris glutinosis, & item juxta utramque vulneris partem splenio angusto rite adhibitis*, fasciae pars fissa b, prope plagam sic deponitur, ut habena altera c, circum caput ducta, & cum capitulo suo per fissuram illam trajecta, habenam utramque dd firmiter adstringere, atque ita vulneris labia quam exactissime invicem conjungere liceat. Porro capita fasciarum utraque, binis manibus comprehensa, permutatis semper invicem, in figura 3. super fronte atque occipite habenis, *in figura vero 4 sub mento e & vertice*, quoad fasciae longitudo permittit, gnaviter circum caput aegrum involvuntur. *Oram habenae utriusque extimam, ubi desinit aliquantis-*
per

per implicatam fibula seu acus, vel & quandoque futura quaedam firmat. Quod ipsum equidem artificium in plerisque omnibus hujus generis deligationibus perpetuum esse, obiter hic rursus admonemus. *Si qua autem forte longior plaga est*, quam ut his modis decenter invicem jungi ejusdem labia queant, haud abs re fuerit, qua parte commodum videtur, *denuo fasciam ita findere*, ut iterum transmitti habena alterutra atque sic ad justam firmitatem constringere & fasciam & vulnus liceat. Siquidem eo facto, non vulneris tantum glutinatio, sed cicatricis quoque elegantia insigniter promovetur. Opus vero est, ut per plures dies, sex scilicet vel octo, imo & diutius, si nihil vetat, fascia haec relinquatur & non solvatur, nisi aliud quid id exigat; ita tanto melius & promptius vulnus glutinabitur.

VI. AD FRONTIS VENAE SECTIONEM.

Quae post factam in fronte venae sectionem adhiberi a Chirurgis solet, fascia, trium ulnarum longitudinem binorumque triumve circiter digitorum latitudinem comprehendit. Caput sive glomus unicum est, ratio autem deligationis gemina: quarum altera quidem *discriminis*, altera *scaphae* titulo insignitur. *Fascia ad venae sectionem in fronte.*

DISCRIMEN ut fiat, sequentia facienda sunt. Fascia per sinistrae manus pollicem super splenio vulnere injecto, vid. fig. 5. a, sic detinetur, ut principium ejus ad pedis circiter longitudinem a fronte super faciem propendeat. Eo facto, fasciae pars altera cum capitulo suo semel, circulari ductu bb, a fronte circum tempora & occiput volvitur, donec ad principium a redeat. Tum pars illa propendens retrorsum versus super frontem, verticem & futuram sagittalem c, ad usque occipitium adducitur, & sequenti ductu circulari ibidem firmatur; reliqua autem fasciae pars universa, ductibus circularibus continuis circa tempora, frontem & occiput bb, atque sibi invicem semper superinjectis, circum caput volvitur, finisque tandem, ubi desinit, diligenter, prout supra indicavimus, per adhibitam aciculam vel futuram firmatur; pars quoque media in fronte, & principium in occipite acu firmatur, ne facile decidat. *1. Discrimen.*

DISCRIMEN inter & **SCAPHAM** ea differentia est, ut, qui principio in hoc fiunt, ductus non sint circulares circa tempora, ut in discrimine, sed obliqui, a fronte inter aurem & verticem fig. 6. a, b, ad occiput & inde per latus oppositum sub aure b, ad principium: tunc pars dependens in sinistro latere c oblique inter verticem & aurem ita reflectitur, ut utrinque in anteriori scilicet & posteriori capitis parte in quendam quasi angulum coarctati, hisdemque comprehensa capitis supremi pars quandam quasi scapham a, b, c, repraesentet. Atque secundum hanc scaphae figuram aliquot ductus continuantur, & per circularem circa tempora & occipitium fascia tandem finitur, ubi finis acicula vel futura affigitur. *2. Scapha.*

VII.

VII. FASCIA NODOSA PRO TEMPORIBVS.

*Fascia ad
arteriotomiam.*

Septima capitis fascia, *nodosa* propter multos, qui fiunt, nodos, itemque *stellaris*, aut *solaris* a quibusdam dicta, apud Gallos autem *le solaire*, ob qualemcunque cum stella vel sole similitudinem cognominata, utilissima est vinctura (a), quae ad temporum arterias, vel arteriotomia, vel & improvise vulneratione quadam concisas, vinciendas sanguinisque profusionem cohibendam adhiberi optimo plerumque cum successu solet. Fascia hic necessaria sit quinque vel sex ulnas longa, duosque digitos lata atque in duo capita convoluta. Vinctura vero sequentem in modum instituitur. Vulnus triplici fere splenio satis crasso, altero ex altero semper majori, contegitur. Supra partem temporum integram vulnerique oppositam media fasciae pars sic imponitur, ut, altera ejusdem habena sive caput circum frontem, (vid. Tab. 37. fig. 7. a), altera circum occiput ducta b, utraeque super parte afflicta c, concurrant. Eo facto, ita invicem in nodum quasi committuntur vel interquenter, ut altera infra mentum d descendat, altera vero supra caput sive verticem e adscendat, utraeque autem denuo super temporibus integris in dextro latere, (quod hac in figura videri nequit) ad se invicem accedant. Namque hic, post factam commissuram novam, eadem ratione sibi invicem innecuntur atque interquenter, ut modo in latere sinistro ad litt. c. factum erat, ac deinde altera fasciae habena cum glomere suo rursus circum frontem a, altera circum occiput b, usque dum ad splenia vulneri imposita c, iterum redeant, ducuntur: ubi denuo mutantur, & altera sursum, altera deorsum d, e, reflectuntur. Atque id ipsum in utrisque temporibus toties repetitur, quoties id facere ipsius fasciae longitudo permittit, partesque tandem extremae aciculis vel futuris obfirmantur.

VIII. VINCTURA POST GLANDVLAM PAROTIDEM SCIRRHO INDURATAM EXSECTAM.

Ad parotides excisas.

Idem fere vincturae genus in partium quoque proximarum vulneribus, levi admodum mutatione facta, ad suppressendum sanguinem, ab excisis praesertim sub aure glandulis salivalibus, tam parotidibus quam maxillaribus, scirrhum habentibus, justo vehementius prorumpentem, adhiberi cum profectu posse, ego non solum saepius sum expertus, sed quivis jam, ut opinor, haud adeo difficulter intelliget (b). Nam ejusmodi in casu, postquam vulneri rite medicamentis sanguinem cohibentibus, linamentis multis & spleniis crassis prospectum est, vincturae initium facio, sicut modo dictum est, in latere sano post arteriotomiam; (vid. fig. 8. a b c d e) sed deinde, postquam primariam hanc circumvolutionem feci, saepius ductus illos, qui per verticem & infra mentum ducuntur de, repeto, quam in priori factum est, rarius vero illos, qui frontem & occipitium cingunt; verum in ascensu & descensu capitum in latere laeso.

(a) Miror propterea, quod a nonnullis recentioribus omittatur.

(b) Fascia haec melius septem vel octo ulnas habere potest quam sex, pro pluribus circumvolutionibus faciendis, in magnis praesertim hominibus, alias non satis continet.

laeso capita haec fasciae non tam in temporibus, quam potius sub aure, in loco scilicet vulnerato f., super spleniis huic impositis, muto, ibique frequenter nodos illos si-
ve contorfiones fasciae facio, ut sic linamenta & splenia vasa sanguinem vehe-
menter fundentia fortius contineant atque comprimant, eumque sic tandem
certius ac valentius cohibeant. Inchoari etiam potest haec fascia sub men-
to, utrinque ad verticem ascendendo & continuando ut modo. Fines vero fas-
ciae & ubi hae decussatim excurrunt, ne facile cedant aut cadant, futuris
necto. Hanc vincturam tunc excogitare coactus sum, cum glandulas praedictas
scirrhus corruptas primum excindere suscepi, eamque utilissimam deprehen-
di: atque vincturae hae nodosae, ob nodorum copiam, qui hic fiunt, merito
& optime appellari solent. Atque haec vinctura etiam optime adhibetur
in vulneribus huic loco inflictis ad sanguinem cohibendum, ubi eadem vasa
laesa sunt.

IX. CAPITALIS REFLEXA PRO HYDROCEPHALO.

Fascia capitalis reflexa (capeline de la tête Gallis) hydrocephalo vinciendo *Capitalis reflexa pro hydrocephalo.*
inprimis destinata, longitudine ulnas sex, latitudine binos digitos complet,
inque bina glomera involvitur. Vinctura sic fere instituitur. Media fasciae
parte occipiti adplicata, unius alterve ductus circularis, utroque glomere se
invicem & in fronte & in occipitio decussante circum caput injicitur. Dein-
de altero glomere super verticem siue futuram sagittalem ad frontem re-
flexo, vid. fig. 9. a, alterum, ductu circulari b c continuato, super
fronte cum primo committitur. Qua equidem commissura facta, primum
glomus oblique retro occipitium versus c d, ad latus prioris a reflectitur;
alterum autem coepta via circulari b c promovetur; primum vero rursus
ab e ad f, inde a litt. g ad h ducitur, altero circularem suam viam conti-
nuante. Atque haec ad usque fasciae finem quam diligentissime sic conti-
nuantur, donec universum caput a fascia hinc inde semper reflexa omnino
confectum firmiterque comprehensum sit, ubi circa finem pro obliquis illis
ductibus c d, e f, g h, firmandis primum iterum per sagittalem futuram a
ducitur, atque ab altero circulari glomere b c obfirmatur. Nonnulli hoc vin-
culum etiam ad capitis dolores commendant. In gravi autem hydrocephalo pa-
rum auxilii inde sperandum esse jam NUCKIUS notavit Exper. Chirurg. xvii.

X. OCVLVVS SIMPLEX.

Venimus nunc ad illas capitis fascias, quae oculis praesertim sunt desti-
natae. Harum duplex admodum species est. Prima, *oculus simplex*, item-
que *monoculus*, rectius *monophthalmus*; altera, *oculus duplex* appellatur. OCV-
LVVS SIMPLEX, si longitudinem spectaveris, binas cum dimidia, vel ter-
nas etiam ulnas, latitudine binos tresve digitos transversos, pro diversa
aegrorum statura adaequet; si ad usum respexeris, in quibuscunque oculi
alterutrius aut palpebrae curationibus ad continenda medicamenta proficit.
Denique ad vincturam faciendam sequentes necessariae sunt observationes.

Ccccccc 2

Prin-

Principium fasciae, quippe unico tantum glomere comprehensae, occipiti applicatur. Hinc fascia circum caput & aurem lateris laesi oblique sic ducitur, ut, coniecto cum supra datis medicamentis & splenis oculo, vid. fig. 10. litt. aa, oblique super frontem b, ad usque principium suum redeat. Ternis circiter hunc in modum institutis ductibus circularibus obliquis, circum tempora, occiput & frontem c c c, reliquum fasciae, quoties longitudo ejus permittit, ductibus circularibus involvitur, tandemque per adhibitam aciculam, ubi desinit, rite firmatur. *Unus oculus etiam strophiole sive muccinio mundo*, ea ratione, ut fig. 11. indicatum est, deligari commode potest.

XI. O C V L V S D V P L E X.

Oculus duplex.

1. Capite simplici.

2. Capite duplici.

Binis oculis vinciendis fascia, *oculus duplex* Chirurgis vocata, inservit. Hujus longitudo ulnas tres, latitudo binos circiter vel ternos digitos comprehendit. *Applicandi modus duplex est*, dum vel in simplicem vel & in duplicem glomerem fascia convolvitur. 1. *Si simplex tantum glomer est*, fasciae principium in occipite, fere ut in praecedenti, detinetur. Hinc juxta aurem (vid. fig. 12.) a, atque oculum b, oblique ad frontem dextri lateris c, a fronte vero ad principium fascia revertitur. Tum ab occipite ad frontem d, ipsa adscendit, indeque super oculum alterum e, sic descendit, ut primum ductum transversim sive decussatim supra nasum, ad litterae x similitudinem, velut interfecet; atque inde ad occiput f, ad principium redeat. Quibus equidem circuitibus similiter triplicatis, reliqua fasciae pars ductibus circularibus circum caput, frontem scilicet atque tempora g g g faciendis infumitur, tandemque quando desinit, firmatur. 2. *Ubi vero binos glomeres fascia continet*, tum occipitis parti inferiori media ejus pars sic adaptatur, ut glomeres viis contrariis juxta aures & super oculos simul, (vid. fig. 12. a, b, f, e,) ad frontem, ubi supra nasum in litterae x figuram se invicem decussant, indeque glomeribus permutatis, super tempora a, c, ad principium suum, sub occipite scilicet redeunt, ubi capita iterum, facta decussatione, permutantur, atque hinc simili prorsus, ut modo dictum est, ratione denuo per aures, oculos & frontem reducuntur. Denique hisce ductibus similiter triplicatis, quicquid fasciae reliquum est, quo firmius vincitura inhaerescat, ductibus circularibus g g g circum caput injicitur (a). Ceterum observasse juvabit, posse quoque in quamplurimis oculorum curationibus, ubi uterque etiam oculus deligandus, *strophium* fig. 11. sat feliciter adhiberi, si modo super utrumque oculum injicitur, & vel nodo circa occiput probe firmatur, vel mutatis circa occiput capitibus, aciculis circa aures vel tempora fines affigantur.

XII.

(a) Harum fasciarum pro oculo applicandi ratio longe alia, sed obscurior & intricata magis a GALENO traditur, Libro de fasciis jam citato, itemque ab aliis.

XII. F V N D A P R O N A S O.

Deligandis naribus funda sive *fascia* quaedam *frondalis*, *quatuor habenis seu Fascia ad capitibus* instructa, ulnam longa binosque vel tres digitos lata, communiter *nasum* inservit. Pars extrema utraque sic fissâ est, ut nonnisi quoad binos circiter vel tres digitos habenae in medio cohaereant; inter medias autem fissuras foraminulum aliquod existat, in quod immitti apex nasi, pro majori vinclurae firmitate, valeat. conf. fig. 13. a. Usus fasciae hujus proprius situs est in eo, ut ossibus nasi fractis (a) vel naribus ab inflammatione, aut vulnere afflictis, vel & ab exciso polypo, aut instituta perforatione narium coalitarum, graviter adfectis, commode applicari & contineri medicamenta ac splenia, una cum rebus ceteris ad sanationem pertinentibus, queant. Vinclura sequentibus regulis comprehenditur. Fascia media naribus sic adaptatur, ut habenae superiores bb, utrinque deflexae inque cervicem adductae ibidemque decussatae transversim abhinc circum frontem cc, protrahantur, inibique vel in nodum aliquem d cogantur, vel per adhibitâs aciculas mitrae adjungantur; inferiores autem ee, paullulum juxta nares super genas & tempora f, elevatae, simili prorsus, ac superiores, ratione, circum caput & frontem gg, injiciantur. Ceterum generatim observari hic meretur, in *fasciis quatuor capitibus donatis superiores habenas nunquam non deorsum versus*, inferiores vero sursum semper circa partem vicinam ducendas esse, ita ut juxta partem laesam decussatim se invicem superscandant ee, ita firmitus & accuratius partes comprehendunt.

XIII. C A P I S T R V M S I M P L E X.

Quam inferiori maxillae in alterutro latere aut diffractae, aut luxatae injicere Chirurgi vulgo consueverunt fasciam, ea proprio nomine ob figuram *Capistrum simplex* qualemunque *capistrum simplex* appellatur. Longitudo ejus quatuor fere ulnas, latitudo binos circiter vel tres digitos adaequet, & in unum caput sit glomeratum. Solet autem sequentem fere in modum ipsa applicari. Maxilla fracta in sedem suam decenter restituta & emplastro quodam glutinoso, itemque, si lubet, lamella quadam ex charta satis crassa, (vid. Tab. VIII. fig. 9.) vitiatae parti adaptata, sed ante tamen lino octuplici vestita vinoque adusto calido humectata, (quae lamella tamen etiam omitti potest) decenter, & quemadmodum supra commendatum est, (vid. pag. 191.) contegitur. Eo facto, fasciae principium occipiti applicatur, factisque binis ductibus circum frontem circularibus (conf. fig. 14. ab) firmatur. Tum sequens fasciae pars juxta lateris adfecti tempora, quod sinistrum hic esse fingimus b, per defixam fibulam sive aciculam gnaviter firmatur, inflexaque ibidem fascia deorsum super genam sinistram c, & sub mentum d, ducitur; hinc super

(a) Veteres pro naso fracto fasciam quam *accipitrem* aliamque, quam *fossam Amyntae* appellarunt, excogitarunt & descripserunt: verum his ossa nasi ex sede magis exturbata quam confirmata sunt, indeque factum esse videtur, quod HIPPOCRATES jam Lib. de Fractur. a fasciis hic abstinere suaserit, nam emplastra saepe sufficiunt ad ossa restituta continenda.

super genam & tempora lateris fani per verticem e, ad latus afflictum b c d reducitur. Quibus equidem circuitibus triplicatis, a gutture ad cervicem habena promovetur, inde vero infra aurem super maxillam laesam & mentum anterius f, g, comprehensoque deinceps mento super alterum hujus maxillae latus & sub auricula in eandem occipitis partem reducitur, atque hic circulus super mentum adhuc semel iteratur. Denique reliqua fasciae pars, si quae superest ab occipite primo ad frontem ducitur, atque ductibus circum frontem atque caput circularibus ab impenditur. Tandem, ut ne facile vinctura haec per se resolvatur, necessarium est eas partes, quae decussatim temporibus & maxillae impositae sunt, per fibulas aut futuras injectas utrinque confirmare. Similiter autem haec, quae ad vincendam *maxillae fracturam* proposuimus, in ejusdem *luxationibus* postquam repositae sunt, deligandis quoque perquam idonea sunt.

XIV. C A P I S T R V M D V P L E X

Capistrum duplex. Si utrinque fracta esse maxilla deprehenditur, vinculum, quod *capistrum duplex* appellatur, quod est fascia, sex ulnarum longitudinem atque binorum terno- rumve digitorum latitudinem habens, inque binos glomeres involuta, secundum has fere leges circum caput injicitur. Ante omnia quidquid fractum atque sede sua motum est, decenter reponitur confestimque emplastro idoneo, vel etiam simul, ut quidam volunt, (quod tamen necessarium non est) *ferula sive lamina ex charta crassa*, ad figuram maxillae accommodata eademque linteo multiplici vestita, & denique ad recipiendum mentum anterius medio loco perforata comprehenditur (*vid. Tab. VIII. fig. 101*). Ferula haec ministro cuidam sustinenda commendatur, fascia vero media mento submittitur indeque per utramque malam & tempora, (*vid. Tab. XXXVI. fig. 15. a b*) super verticem c ita promovetur, ut mutatis in vertice capitibus, viis contrariis habenae sub mentum, ubi inchoatum erat, rursus descendant atque hunc in modum binis vicibus eant redeantque. Mox eadem, mutatis denuo capitibus, a vertice ad cervicem, a cervice vero, facta ibidem decussatione, circum maxillam & mentum anterius de, ubi in mento denuo permutantur, atque hinc rursus in cervicem producuntur. Denique a cervice transitus fit ad frontem factisque ductibus circularibus circum tempora & occipitium b f f continuis, quamdiu fascia durat, ac postea non tantum circa partes extremas, sed & super vertice ac temporibus quam exactissime fieri potest, per aciculas defixas vel futuras vinctura firmatur. Interim nihil omnino obstat quo minus *pro eodem scopo utiliter hic adhiberi quoque capistrum simplex* modo descriptum valeat. Prodest etiam in *luxatione maxillae*.

XV. FV N D A S I V E F R O N D A L I S A D M A X I L L A M.

Fascia 4 capitum ad maxillas. Imo vero in Chirurgis haud desunt, qui pro capistro utroque fundam sive fasciam aliquam *quatuor capitibus* instructam, longitudine ulnam quadantenus superantem, latitudine vero quatuor vel sex digitos adaequantem ac in medio

dio foraminulo pertusam, tanquam longe simpliciore, satis tamen commodam adhibent. (vid. Tab. 33. fig. 16.) Namque hi, repositis atque involuero convenienti comprehensis maxillis, mentum in foramen, quod in medio hujus fasciae est a, immittunt, vid. fig. 17. a, eoque facto, fasciae habenas superiores, perinde scilicet ac de frondali nasi supra praecepimus (§. XII.) in cervicem, atque hinc, facta ibidem decussatione & caput mutatione, in frontem utrinque c c adducunt, nodoque d firman; inferiores autem e per malas f sursum versus super caput protrahunt, atque vel ibidem per nodum g, vel aciculas, in mitra defixas, diligenter firman; vel hinc etiam, si fascia satis longa, subter mentum retrahunt ibique nodo obfirman.

XVI. FASCIA PRO LABRIS.

Labris cum *leporinis*, tum alias quoque *vulneratis*, Medici *frondalem* etiam *Fascia le-* quandam, *quatuor capitibus* vel habenis instructam fasciam, qualis fere pro *bris apta.* nasi vitiis supra §. XII. descripta est, sed non nisi pollicem lata, pro medicamentis, emplastris & spleniis super impositis continendis adhibere cum profectu solent. Simulatque nimirum labia leporina decenter incisa atque deinceps & fibulis, & vinculis, & emplastris denique glutinosis comprehensa sunt, fascia sic injicitur, ut medium ejus, quod integrum hic esse debet a (vid. fig. 18.) labro, sed habenae superiores bb, primo ad cervicem, deinde vero ad frontem adducantur, inibique vel nodo c firmentur, vel aciculis mitrae adjungantur; inferiores autem dd, super genas e circum occiput, indeque antrorsum frontem versus reductae, vel nodo f constringuntur, vel quibus locis desinunt, eadem ratione rite firmentur. Non sum equidem nescius, a quibusdam Chirurgis *fasciam* aliquam *unientem*, (Tab. II. fig. f.) ulnae longitudine uniusque digiti latitudine praeditam, mediaque parte secundum longitudinem ad binos circiter digitos perforatam, simili propemodum ratione, ut supra de *uniente ad frontem* indicavimus, (vid. Tab. 37. fig. 3.) labris leporinis applicari: verum id fasciae genus non modo minus hic commodum, sed & ob causas satis manifestas, dum aciculas nimis premit, fere semper noxium atque alienum existere, & usus & ratio docuerunt; tamen pro labris vulneratis adhiberi commode poterit.

XVII. LARVA AD FACIEM.

Si qua forte facies universa vel a pulvere pyrio incenso, vel & a quacunque alia causa graviter combusta est, *larvae quaedam* formari ex linteo, cum *Fascia seu larva ad faciem un-* foraminibus, utrique oculo, naribus atque ori adcommodatis solent; vid. *versam.* Tab. XXXVII. fig. 19. quae remediis contra ambusta decenter humectatae super faciem, fomentis vel unguentis inunctam, ea ratione imponuntur, quam in ambustae faciei curatione supra explicavimus (vid. Pars I. pag. 329.). Atque ut firmius larva haec inhaerescat, sex ut plurimum funiculi sive frondes eidem adjuncti, diligenter circum caput constringuntur, & nodis circa occipitium firman. Prodesse etiam potest in *phlegmone* & *erysipelate faciei*, pro remediis super ea continendis.

C A P V T III.

De vincturis, quae in collo fiunt.

I. FASCIA DIVIDENS PRO COLLO.

Fascia di-
videns.

Inter fascias, circum collum adhiberi solitas, primam utique considerationem meretur *fascia* pro capite erecto servando, *dividens* dicta (a), quae longitudine ulnas sex, latitudine binos vel tres digitos adaequat, & in duo capita sit convoluta, quaeque potissimum in collo, praesertim anteriori combusto, ideo injici consuevit, ne qua facile propter contractam ab ambustione cutem, indecenter paulatim illud figuretur & antrorsum detorqueatur. Circa vincturam hanc rite instituendam sequentes necessariae sunt observationes. Parti scilicet ambustae remediis & fasciis circularibus prospectae, fasciae illius majoris pars media super frontem vel occiput, applicatur; binisque circum caput factis ductibus circularibus, (vid. Tab 37. fig. 20. aa) caput ejus alterum subter dextram b, altera subter sinistram axillam c, transmittitur (b), & circulares circa pectus ductus duo dd, pro capite bene erigendo fiant; quidquid autem circum caput involutum est, quam exactissime per aciculas, ubi se invicem circa occipitium decussant, (vid. fig. 21. litt. a) vel in aegri mitra defixas, firmatur. His confectis glomeres utrique ad cervicem rursus procedunt, indeque ad similitudinem litterae x prius decussati denuo ad frontem, a fronte autem rursus ad cervicem, hinc iterum decussati subter axillas, ad cervicem rursus atque frontem, diligenter subinde in posituram naturalem adducto capite, transeunt. Quidquid tum fasciae reliquum est, ex eo ductus aliquot circulares circum frontem & occiput institui possunt, ad reliquos ductus melius firmandos; vinctura vero haec tamdiu in corpore relinquitur, aut si laxa est, renovatur, dum nullum distorsionis periculum reliquum esse persentiscitur. Nonnulli eam quoque in musculorum capitis debilitate puerorum, quando caput erectum servare non possunt, commendant, donec majus robur acquisiverint.

II. FASCIA CONTINENS COLLI.

Fascia
continens
colli.

Altera vincturarum, collo vinciendo destinatarum, species, medicamentis atque hujus generis aliis rebus, post venae sectionem, ambustionem, vel & post quamcunque operationem Chirurgicam adhibitam, collo applicandis inservit, indeque *continens colli* apud Chirurgos appellari suevit. Du-

(a) Quia, dum impedit, ne caput ad pectus accrescat, ea a se invicem dividit.

(b) Notandum hic est, quod quoties fasciae per alas ducuntur, splenium prius crassum unicuique submittendum sit; quia alias facile cutis hic a fasciis deteritur, & molesti dolores inde aegris concitantur.

Duplex autem hic vulgo adhiberi fascia solet; quarum altera ulnae unius, altera ulnae unius ac dimidiaae longitudinem habeat; haec sive posterior *trium digitorum*, ista vero unius pollicis seu binorum digitorum latitudinem comprehendat. Vincturae modus hic est. Medicamentis ac spleniis decenter ad collum adhibitis, fascia brevior transversa super capite sive vertice sic deponitur, ut aequales habenae ad humeros utrinque dependeant, vid. fig. 22. a a. Tum fascia altera eademque longior, ductibus circularibus circum collum, b b, inibique posita medicamenta & splenia, nec non habenas utrinque dependentes, a a, sed modice tamen adstrictis, ne spirandi difficultas sit, quamdiu durat, circumducitur, atque diligenter tandem acicula firmatur. Denique prioris fasciae, a a, capita propendentia utraque, sursum versus super alterius fasciae ductus circulares reflexa, quemadmodum litt. c indicatur, per adhibitas fibulas, ubi desinit, confirmantur; ne qua forte fascia, circum collum injecta descendere valeat. Sed si verum fateri licet, fascia haec minor a c, parum habet utilitatis; quia fascia circularis hic, ut usu didici, propter eminentes humeros cedere aut cadere vix potest.

III. VINCTURA AD TRACHEOTOMIAM.

Praeter binas modo explicatas colli vincturas, tertia quoque identidem a Chirurgis in eodem adhiberi, & post factam quidem *tracheotomiam*, solet. Fere sequens autem illius est ratio. Operatione decenter confecta, tubuloque idoneo in arteriam asperam concisam immisso, communis eademque simplex fascia quaedam, longitudine duorum pedum & latitudine duorum digitorum, quoad partem mediam perforata, una cum emplastro splenioque, itidem perforatis, quantum fieri potest, commodissime circum collum ducitur, & utraque extrema in cervice nodo blande constringuntur. *Vel adhiberi potest fascia longitudine duorum vel trium pedum, latitudine duorum digitorum, in unum caput convoluta, hac ratione.* Principium cervici imponitur: deinde fiant duo ductus circulares circa collum; sed quoties super fistulam, quae in trachea haeret, ducitur, modico foraminulo perforatur, ut aër per hoc libere in pulmones ingredi & egredi queat; finis vero in cervice vel latere colli, ubi desinit, acicula jungitur. Hujusmodi fascia haud prius resolvitur, quam ad sanitatem aeger spectaverit. Noxis etenim satis mitigatis, fascia resolvitur, tubulus recipitur, plaga vero, supra datis emplastris glutinantibus, cum balsamo vulnerario, per injectam fasciam *aliquam unientem*, (vid. Tab. II. fig. f.), qua longitudinem ulnae, quae latitudinem autem binis circiter digitis aequalem, perinde, ut in frontis (vid Tab. XXXVII. fig. 3. a) & reliquis plagis oblongis fieri solet, gnaviter comprehenditur, donec rursus glutinata sit.

C A.

C A P V T I V.

De vincturis, quae circum praecordia fiunt.

S E C T I O I.

*De vincturis, quae jugulo sive claviculae diffractae
aux luxatae adhibentur.*

I. DE CAPITALI REFLEXA, PRO CLAVICULA.

*Vinctura
claviculae
prope ster-
num frac-
tae.*

DUplex inprimis in clavicula sive jugulo fracto, pro diversa scilicet fracturae vel a sterno, vel ab humeri osse distantia, claviculae adhiberi vinctura consuevit. *Prope sternum etenim si diffracta est*, deligationis instrumentum commodissimum existere *fascia capitalis reflexa*, (Gallice *une capeline*) sex ulnas longa, tres autem quatuorve digitos lata, inque geminum glomerem involuta solet. Vinctura post repositam claviculam vel eo modo, quem supra descripsimus, (pag. 193. §. 4.) vel & secundum leges subsequentes perficitur. Foveae, supra atque infra claviculam conspicuae, spleniis angustis primum implentur. Spleniis utrisque ferulae sive laminae chartaceae crassiores quoque angustae unius circiter pollicis, secundum claviculae longitudinem superimponuntur. Tum supra binas laminas istas tertia eademque exigua, quo loco fractura est, injicitur, exactissimeque per impositum splenium quadratum & item laminam ex crassissima charta (vid. Tab. VIII. fig. 12.) contegitur, ut scilicet in neutram partem denuo elabi clavicula valeat. His rite confectis, minister aliquis, quidquid supra os hoc datum est, per admotam manum continere jubetur. Fascia autem media humero aegro transversa, qui sinister hic fingitur, vid. fig. 23. a, sic imponitur, ut glomere, qui antrorsum versus spectat, oblique praecordiis applicato, b, glomer in dorso positus oblique inter scapulas ad fani lateris axillam c descendat. Cui quidem submissus paulatim ad praecordia transversim is procedit, d, superataque habena priori, subter axilla, claviculae fractae propinqua, e, versus dorsum retrocedit. Namque tam habena anterior, super ductum alterius habenae circularem itemque super humerum laesum f reflexa, in dorso per superinjectam habenam eandem in circulum circa thoracem progredientem comprehenditur, antequam, denuo reflexa, ad praecordia redeat. Idem illud habenam alteram circumducendi, alteram super humerum & claviculam reflectendi, & utramque tandem, quoties ipsae concurrunt, invicem committendi negotium ad usque fasciae finem ita continuatur, ut laminae chartaceae, una cum subjectis spleniis, probe contegantur atque super osse fracto bene firmentur. Denique ubi extrema desinunt, aciculis reliquae fasciae probe jungantur, & brachium in mitella suspendatur. (vid. Tab. 38. fig. 17. c c) Quandoquidem vero difficulter admodum hac ratio-

tione sola contineri clavicula hoc modo fracta solet, sed a pondere brachii partes repositae facile a se invicem divelluntur, operae profecto pretium Chirurgus fecerit, si praeter vincturam primam, alteram quoque, quae humeros retrahit & quasi suspendit, instituerit. Id ipsum qua ratione per fasciam, *stellatam dictam*, fieri debeat, breviter nunc explicabimus.

II. FASCIA STELLATA.

Nempe fascia quaedam simplex, unico glomere comprehensa, quatuor ^{Fascia} vel quinque ulnas longa & digitos tres lata, sub axilla, integrae claviculae ^{stellatae.} propinqua, submisso prius splenio, applicatur, vid fig. 24. a, & oblique in dorso inter scapulas ad axillam sive supremum humerum fractae claviculae propinquam b ascendat, eademque suscepta, super humeri partem anticam descendat, hinc autem sub axilla aegra, c, redeat, & per dorsum oblique inter scapulas denuo transversim ad axillam supremam priorem d, iterum suscipiendam ascendat, sic ut hi ductus in medio dorso ad litterae x, similitudinem, e, se invicem decussent. Hae circumvolutiones aliquoties ita & ad usque fasciae finem continuantur, ut vinculum humeris injectum binorum annulorum, per angulos verticales seu vertices contrarios & continuos cohaerentium (∞) figuram exhibeat, humerumque claviculae fractae proximum, ne qua forte denuo sedem suam fragmenta relinquant, fortiter retrorsum versus contineat. Sicubi vero successu temporis, quemadmodum fieri plerumque solet, paullatim vinculum istud sese remittit, necessarium utique est, post alterum vel tertium quemque diem, si opus, sed brachio tamen interim ministro cuidam valido ad retro continendum commisso, decenter vincturam istam innovare; homini autem aegro, *ut idem brachium, nunquam non mitellae sive habenae, ex collo suspensae, Galli suspensoire, sive écharpe, vulgo suspensorium vocant, immissum gestet, imperare.* vid. Tab. XXXVIII. fig. 17. Haec *fascia stellata*, Gallis *Etoilée*, ob qualemcunque figuram, quam in dorso exhibet, appellari consuevit. Inchoari etiam potest super scapula ad d, in Tab. XXXVII. fig. 26. duci inde per e & c ad b, inde reduci per e & a ad d, atque sic ad finem continuari; inservitque etiam pro *scapula fracta*. Ceterum loco fasciae hujus hoc in malo utiliter quoque machinam Tab. VIII. fig. 13. propositam adhiberi posse, supra jam tum indicavimus (vid. pag. 193. §. V.).

III. SPICA SIMPLEX AXILLARIS PRO CLAVICULA ET HUMERO FRACTIS VEL LVXATIS.

Si prope humerum fracta est clavicula, longe commodissimum esse illud vincturae genus solet, quod *spica simplex*, ob qualemcunque cum *spica similitudinem*, ^{Spicae simplicis modus I.} vel etiam *geranium* Medicis ab HIPPOCRATIS jam tempore vocatur (a), quodque his fere modis ex fascia communi, quinque ulnas longa, & tres digitos lata inque unicum glomerem convoluta; perficitur. Fragmentis debita

(a) Vid. GALEN. de Fasciis.

ratione repositis ac, ut ante dictum est, firmatis, fasciae principium axillae oppositae, interjecto prius splenio, submissum, administro alicui continendum traditur. (vid. Tab. XXXVII. fig. 25. a) Tum sequens fasciae pars oblique super praecordia, b, ipsamque claviculam fractam, c, sic adducitur, ut super scapulae acromium retrorsum descendat, susceptaque axilla aegrae parti contigua, per anteriorem partem, d, ad posteriorem ita reflectatur, ut super axilla ad figuram litterae, x, priorem ductum suprascandat, c, superataque sic axilla ista, quae vitium habet, oblique super dorsum ad principium, sub axilla contraria positum, a, descendat. Hisce ductibus ter vel quater institutis, reliqua fasciae pars vel secundum eosdem tractus ad finem usque continuatur, vel aliquoties circum humeri, fracturae propinqui, articulum involvitur, tandemque acicularum vel futurae subsidio rite firmatur, & *brachium in mitellam*, ut §. II. diximus, *immittitur*, ne pondere suo os repositum e sede sua facile rursus exturbet. Interim sub ipsa fasciae applicatione provideri semper a Chirurgo debet, ut quam exactissime partem diffractam vincitura hac comprehendat inque iusta positura contineat, aeger vero postea brachium quam maxime quietum servet, eumque in finem nonnulli illud circum praecordia vel eadem vel peculiari quadam fascia per ductus circulares sive spirales firmant aut alligant.

Modus II. Alii vincituram sic instituunt. Vinciendi principium itidem sub axilla, aegrae parti adversa, fig. 25. a, faciunt: mox autem fasciam oblique per dorsum super humerum, claviculae fractae proximum, quin & ipsam claviculam vitiata, c, adducunt, ut, suscepta axilla proxima superatoque humero, denuo fasciam super fracturam, c, in decussim cum priori ductu, & inde per praecordia, b, oblique ad axillam oppositam, seu vinciturae principium, a, promoveant. Firmato hunc in modum fasciae principio, tot ductus, priori similes, fiunt, quot illorum fieri per ipsam fasciae longitudinem possunt. Denique pars extrema itidem circa humerum, vel ubi alias desinit, figitur. Utrumque vinciturae modum in hac fractura & luxatione fatis valentem atque aptum esse, res ipsa loquitur; *sed prodest tamen etiam in humero luxato, itemque in clavicula ab acromio disjuncta*, imo & in collo humeri fracto.

IV. SPICA SIMPLEX CVM FASCIA DVORVM CAPITVM.

Modus III. Vincitura haec etiam fieri potest fascia ejusmodi, aut paullo adhuc longiori in duo capita conglomerata, sequenti ratione. Fasciae medium sub axilla sana fig. 25. a, injicitur, hinc anteriori capite per praecordia, b, posteriori oblique per dorsum ad humerum laesum, c, progredimur, ubi mutatis capitibus, alterum a parte axillae anteriori, alterum a posteriori, sub alam ejus, d, descendunt, ubi iterum mutantur, & ad supremum hunc humerum, e, rursus ascendunt, ubi denuo decussantur, & alterum a posteriori, alterum ab anteriori thoracis parte, oblique sub alam dextram & sanam descendunt: & postquam ibi rursus permutata sunt, secundum normam primi hujus circuitus, quamdiu fascia durat, continuatur, atque opera adhibetur,

ut

ut clavicula fracta his ductibus probe involvatur ac firmetur. Brachium vero deinde *in mitellam conjiciatur*, ceteraque, quae §. III. monuimus, probe observentur.

Denique alter modus pro spica hac fascia duorum capitum perficienda talis *Modus II.* est. Medium fasciae applicetur mox sub ala lateris aegri, fig. 25. d, inde utroque capite ad supremum humerum, e, est ascendendum, ibique capita non solum, facta prius decussatione, sunt permutanda & probe constringenda, sed ea etiam oblique per praecordia, b, & dorsum ad alam sanam, a, promovenda, ubi rursus permutanda atque per eandem viam ad humerum laesum, c c, reducenda. Hic denuo decussanda & rite adstringenda atque hinc sub alam aegram, d, rursus descendendum, ubi circuitus hujus initium factum erat. Secundum hunc tractum reliqui continuantur, donec pars fracta bene contacta ac firmata sit, atque fascia finita. Nonnulli ex recentioribus cum veteribus (a) certum ductum circa brachium inferius ad modum habenae sive mitellae faciunt, ut hoc brachium sustentetur; sed quia hac ratione brachium potius claviculam deorsum trahit, dum fracta clavicula brachium sustentare cogitur, *peculiarem potius mitellam* circa collum & sanum humerum firmandam praestare censeo, sicut fig. 17. Tab. XXXVIII. indicatur.

V. GOUVEI MODVS DELIGANDI CLAVICVLAM LAESAM ET SCAPVLAS FRACTAS.

Diversa quidem ab his, quas modo descripsimus, sed aequae tamen commoda atque elegans, quin imo praestantior forte adhuc vincturae ratio videtur, quam *ad claviculas quomocunque fractas, fascia quadam capitali reflexa*, sex admodum ulnas longa, tres digitos lata, inque binos glomeres coacta, adhibendam GOUVEYUS (b), Chirurgus Gallus, jam saepius laudatus, commendavit. Fere sequentibus autem regulis ipsa comprehenditur. Fasciae parte media sub axilla, claviculae vitatae proxima, posita, (vid. rursus Tab. XXXVII. fig. 25. litt. d,) bini glomeres circum humerum probe ita injiciuntur, ut in summo humero e lineis in litterae x similitudinem, sive decussatim positus, alter super praecordia, b, super dorsum vero alter sub axillam adversam a, procedant, sicut modo diximus. Hinc, glomeribus invicem permutatis, habenae ductu quodam circulari circum corpus promotae, glomeribus sub axilla, fracturae propinqua, denuo permutatis, sursum versus super humero, eadem, ut antea, ratione trajiciuntur, donec ad principium redeant. Tum enim glomer posticus antrorsum versus super humerum sic injicitur, ut habena ab antico glomere, qui ductibus circularibus perpetuis circum praecordia dorsumque involvitur, comprehensa, (vid. fig. 23. a b,) indeque retrorsum versus reflexa, f, habenam circumeuntem denuo in dorso excipiat; eodem scilicet modo, quem antea jam tum proposuimus (§. I. hujus Capitis) atque hoc tam diu ita continuatur, donec fasciae

Capitalis reflexa ad claviculam Gouei.
finis

(a) Vid. GALENUS de Fasciis.

(b) Vid. Ejus Chirurgia vera (Chirurgie véritable) pag. 108.

finis sit. Sed ne quis tamen forsitan ignoret, quibus rationibus inductus modo laudatus Auctor hanc deligandi rationem ceteris aptiorem judicaverit, haud abs re nos fecerimus, sicubi ejusdem usum, ex G O U E I sententia breviter explicuerimus. Nempe dum vincturae principium axillam, vitio proximam, mox arcte excipit, protinus in sedem suam pristinam clavicula diffracta, brachiique pondere distraeta, reponitur, sive compellitur. Deinde simulatque fascia, transversim super humero posita super fracturae locum & praecordia oblique ad axillam oppositam procedit, fragmentum claviculae juxta sternum, quod sursum versus semper excitari a fractura solet, quam commodissime in sedem propriam deprimitur. Ut proinde statim post adhibitos binos tantummodo ductus sive circuitus clavicula diffracta posituram naturalem hic recipiat. Ceterum ad *scapulas quoque diffractas vinciendas* hoc vincturae genus vincturis communibus reliquis praeferendum esse, idem G O U E U S existimat.

VI. FASCIA PRO CLAVICULA LUXATA.

*Vinctura
claviculae
luxatae.*

Ad claviculas luxatas similem fere ut ad diffractas vincturam adhibendam esse, noxae similitudo declarat. Simulatque nimirum os hoc fede sua motum, decenter repositum est, (vid. supra pag. 243. §. VI.) splenium aliquod, spiritu vini madidum, super id imponitur. Deinde, *si pars sterno propinqua* distorta fuit, *fascia capitalis reflexa*, modo supra exposito, (§. I. vel V) adhibetur. Et introrsum quidem si depressa clavicula fuit, altera simul vinctura, ibidem (§. II.) *stellatae* nomine proposita, facienda est; pro humeris scilicet retrorsum continendis, clavicula autem extrorsum detinenda. Ubi vero extrorsum versus luxata fuit clavicula, spleniis lineis crassioribus supra positis gnaviter deprimere ipsam convenit. Porro si *juxta scapulam prolapsa fuit clavicula*, tum vinctura, quae *spica simplex* vocatur (§. 3. aut 4.) vel etiam G O U E I fascia (§. V.) descripta, loco illarum rectissime adhiberi poterit. Denique si utraque clavicula violenter dimota est, a *spica duplici* petere sanitatis praesidium oportebit. Quod ipsum equidem secundum quasnam regulas fieri debeat, mox ad humeri ac scapulae luxationem explicabimus. Interim haec necessaria hic esse observatio videtur, ut in ejusmodi casibus, ubi his in partibus ossa vel fracta vel luxata fuerunt, *nunquam non brachium mantili sive mitellae, tanquam ansae sive habenae de collo suspensae*, immissum gestetur, ne facile e sede sua dimoveantur, donec vitium sanatum sit.

S E C T I O II.

De vinctura, quae humero & scapulae adhibetur.

VII. SPICA SIMPLEX AD HUMERVM LUXATVM.

AD os humeri luxatum, postquam id decenter repositum est, (vid. supra vinctura pag. 245. Cap. VII.) rite deligandum, *spica simplex* adcommodata in-^{ad hume-} primis esse videtur: (Sect. I. §. 3, 4 vel 5.) dummodo vel pila quaedam, ^{rum luxa-} vel fascia convoluta sub ala prius deponatur, quam vinctura instituat; ne qua facile denuo ipsum os prolabatur. Vincturae sequens fere modus est. Primo splenium aliquod, pedis longitudinem atque manus amplitudinem habens, utrinque vero ad usque partem mediam in duas habenas fissum, ita ut quatuor hoc ipso capita acquirat, (vid. Tab. II. fig. 18.) atque vel ex vini spiritu calido, vel vino, vel oxycrato expressum alae sive axillae ita subjicitur, ut media eademque integra pars glomerem submissum, quatuor autem splenii capita sursum versus adducta humerum comprehendant. Deinde *spica simplex*, sicut supra §. 3, 4. vel 5. descripta est, adhibetur, sed splenio tamen quadrato & crasso ad axillam haud vitiatam prius applicato, ut supra jam monuimus, ne scilicet cutis ibidem ab adstricta fascia offenda-
tur. Similiter si os humeri prope caput in suo collo fractum est; tum itidem ad vincturam instituendam hae spicae aptae atque commodae esse possunt: quia hic vulgaris ossa fracta deligandi ratio hic vix succedit; ea facta obser-
vatione, ut ultimo multis ductibus circularibus locus fractus circumvolvatur.

VIII. SPICA DVPLEX

Si utrumque humeri os luxatum est, valentissimum esse id vincturae genus *Spica duplex* solet, quod *spicam duplicem* Medici nuncupant. Hujus autem sequens ratio ^{plex.} est. Alis utrisque pila sive linamentum in pilae formam contortum, una cum splenio convenienti, ut modo dixi, subjicitur. Eo facto fascia septem vel octo ulnas longa, & tres quatuorve digitos lata inque bina capita convoluta, sub alterutram axillam, verbi gratia ad d, Tab. XXXVII. fig. 25. media sic applicatur, ut bina capita, decussatim humero suscepto, e, transversim ab eodem, & alter quidem super praecordia, b, alter super dorsum ad alam oppositam, d, procedant. Hinc viis contrariis super humerum hunc habenae eadem ratione, ut in altero humero, injiciuntur, ut lineis in formam litterae, x, aut crucis positae, oblique rursus ad vincturae principium, d, revertantur (a). Tum idem negotium juxta eandem viam utrinque iterum atque tertio repetitur; reliqua autem fasciae pars vel circum pectus, vel circum humeros volvitur, & ubi desinit, aciculis firmatur. Neque vero ad humeri ossa luxata solum, sed etiam ad scapulas, imo etiam ad clavículas utrasque, juxta humerum simul fractas, quin & ubicunque ubi humeros utro-

(a) Hi ductus integri conspici possunt in Tab. XXXVIII. fig. 4. litt. a, b, c, d, e, f.

trofque simul deligari, propter quascunque rationes, oportet, insigniter spica duplex proficit.

IX. VINCTURAE PRO SCAPVLIS FRACTIS.

Quando scapula fracta decenter reposita est, spleniisque & ferulis e charta crassissima, ut supra pag. 194. §. VII. docuimus, munita est, triplici fere ratione deligatio fieri potest; nam 1. vel modo descripta *spica duplex* adhibetur: vel 2. *capitalis reflexa*, Capite IV. §. I. vel V. relata, injicitur; vel etiam 3. *Stellatam* §. II. eodem capite traditam, quam Galli *Etoilée* appellant, & quae hucusque quam maxime usitata in hoc vitio fuit, applicare possumus, observando probe, ut scapulae & quae his superinjecta sunt splenia atque ferulae diligenter comprehendantur. Ita etiam hanc & spicam duplicem, quando utraque scapula simul diffracta est, fatis commode adhiberi posse, quivis harum rerum haud omnino imperitus facile intelliget: quia utraque scapula una eademque ratione ab eis contegitur atque fatis arte comprehenditur.

Explicatio Tabulae trigesimae septimae.

Fig. 1. ostendit tegumentum capitis sive *capitium triangulare*, Gallorum *Couvre-chef en triangle*; a a a pars media fronti, vertici & occipiti imposita, b anguli circa occipitium conjuncti.

Fig. 2. exhibet quomodo *fascia sex capitibus* caput apte deligari queat: a a a sunt capita media, quae sub mento nodo junguntur; b, est alterum ex capitibus anterioribus, quod cum socio suo circa occiput circumductum, & in latere circa aurem firmatum est; c c, sunt capita posteriora, quae ab occipite ad frontem ducta, ibique nodo, d, conjuncta sunt; e e, medium hujus fasciae caput amplectens.

Fig. 3. *fasciam unientem frontis* demonstrat; a, pars vulneris directi in fronte; b, foramen longitudinale in fascia, vulnere impositum, per quod pars altera fasciae c, trajecta est; d d, utraque capita fasciae, quibus contractis vulnus quoque contrahitur, & per circulos circa caput factos ita retinetur.

Fig. 4. Eadem indicat in vulnere directo circa verticem.

Fig. 5. Fascia quam *discrimen* vocant, repraesentatur: a, locum ubi inchoatur, b b, ductus circulares circa caput; c vero, partem fasciae, quae principium erat, a fronte ad occiput reflexam indicant, quae discrimen efficit.

Fig. 6. Fascia ostenditur, quam *Scapham* appellant: a rursus demonstrat ubi vincturae fit initium; ductum primum, qui oblique fit circum caput; c principium fasciae, quod ad sinistram partem occipitis reflectitur, & ad figuram scaphae conficiendam concurrat; a d d, ductum circulare, quo fascia finitur.

Fig. 7. Exhibetur *fascia nodosa* itemque *solaris* dicta, pro arteriotomia temporum; a b, primum ductum indicant, qui duobus capitibus fasciae circa
latus

latus capitis sanum fit ad tempora c; qua littera simul, ubi & quomodo nodi fiant super spleniis & vulnere arteriae, ostenditur; d, e, ductum alterum, quo sub mento & super verticem ad opposita tempora progredimur, ibique similem, ut ad litt. c, nodum perficimus.

Fig. 8. litterae a, b, c, d, e, eadem significant; f autem locum, ubi nodi reflexi fieri debent post glandulam salivalem exsectam.

Fig. 9. Capitalem ad hydrocephalum, Gallis *la Capeline de la tête*, refert, & quidem, a, partem fasciae per medium caput reflexam; b c ductum circularem circa caput; d e f g h, ductus reflexos reliquos, qui caput complectuntur.

Fig. 10. Repraesentatur fascia *Monoculus* a quibusdam dicta, pro unico scilicet oculo deligando: a a, ductum primum indicant, qui ab occipite per aurem & genam super oculum sinistrum hic ducitur, & inde per viam b ad principium in occipite revertitur; c c c vero, ductus circulares circa tempora, quibus finitur.

Fig. 11. Indigitatur, quomodo saepe *unus oculus* strophiole, muccinio aut mappula singulari modo complicata, commode deligari queat.

Fig. 12. qua ratione *oculus uterque* deligandus sit, significat: nimirum fascia ab occipite per viam a b c super oculum sinistrum ad occiput ducitur, atque inde per d e f super dextrum oculum ad occiput revertitur; g g g vero ductus circulares sunt, qui circa finem super oculum utrumque conficiuntur.

Fig. 13. quo pacto fascia frondali sive funda dicta *nasus sit deligandus*, ostendit, & quidem, a, medium fasciae quod nasum comprehendit; b b frondes sive capita superiora, quae per occipitium & tempora, c c, ad frontem ducuntur, atque in hujus medio d nodo constringuntur; e e, f f, g g, idem de capitibus inferioribus demonstrant.

Fig. 14. *Capistrum simplex* exhibet: & quidem, a, b, ductus circulares circa caput, quibus fascia inchoatur; b, locum, ubi fascia acicula firmatur & deinde per viam c d e circa malas, mentum & verticem aliquoties volvitur; f g, ductum qui a cervice super maxillam inferiorem ducitur.

Fig. 15. *Capistrum duplex* denotat: Haec vinctura fit fasciâ duplici capite, cujus medium sub mento injicitur & utrinque per viam a, b, ad verticem c ducitur; idque aliquoties: inde ad cervicem & ab hac per maxillam d, e, ubi juxta e, capita decussantur; hinc rursus ad cervicem & occiput, & ab hoc denique per tempora & frontem f f b.

Fig. 16. *Fundam quatuor capitibus pro mento demonstrat*, & quidem, a, foramen, quod pro mento suscipiendo in ejus medio est; b b b b, quatuor illius frondes.

Fig. 17. Aliquo modo repraesentat, qua ratione *haec funda mentum & maxillam suscipiat* atque suis frondibus deinde circa caput firmetur. Vid. explicatio uberior Cap. II. N. XV.

Fig. 18. Modum ostendit, quo *funda labro superiori in variis ejus vitiis* sit injicienda: a, medium integrum; b b, capita superiora, quae in fronte ad

litt. c junguntur; dd capita inferiora, quae per genas e e sursum & ad occipitium ducuntur, atque in fronte quoque ad litt. f. firmantur.

Fig. 19. Fascia linea, quam *Larvam faciei* appellant, faciei ambustae contegendae apta, indicatur: a, b, est ipsa larva, quae faciem comprehendit, & quae sex suis capitibus c c c, d d d, in posteriori capitis parte constringitur.

Fig. 20. *Fascia dividens*, quomodo a parte anteriori se repraesentet, indigitatur. aa, sunt circulares ductus caput cingentes, quibus inchoatur; b, ductus qui sub dextra & c qui sub sinistra ala ad dorsum transit, ubi capita mutantur, & circulares circa praecordia efficiunt, d d.

Fig. 21. *Eandem fasciam dividentem* a parte corporis posteriori proponit; a, locum ubi ad litterae x similitudinem capita se decussant; b c, ductus qui sub alis transeunt, d d, circulares qui thoracem ambiunt, & in dorso decussantur.

Fig. 22. Exhibetur *fascia continens colli* dicta cum *sua fascia suspendente*, cujus explicatio videnda Cap. III. N. II.

Fig. 23. Sistit *capitalem reflexam*, pro clavicula fracta & luxata, Galli *la Capeline*; quae fascia duobus capitibus injicitur. a, b, primum ductum capitis anterioris visui offert, c d e vero circulares ductus, quos alterum sive posterius caput conficit, atque reflexos f, g, h, tam in anteriori quam posteriori thoracis parte includit & firmat. Vid. Cap. IV. Sect. I. N. I.

Fig. 24. *Fasciam stellatam* claviculae & scapulae famulantem proponit. Sub ala, a, inchoari potest, & a, b, ejus primum ductum indicat; unde per axillae anteriora, sub ala c, reducitur, & inde per humerum d ad principium, a, redit; e, denotat ejus decussationes, quas stellas referre non pauci sibi imaginantur, eique inde nomen dederunt. Inchoari etiam potest vel ad b, vel ad c, vel ad d, ubicunque libuerit, servatis modo iisdem ductibus. Vid. ejus descriptio Cap. IV. Sect. I. N. II.

Fig. 25. *Spicam simplicem* ostendit pro laesa axilla sinistra. Ductus hujus incipiunt sub ala sana a, ascendunt per viam b & c, fascia deinde reflectitur sub ala d, inde surgit rursus ad e, & hinc per dorsum ad principium redit, atque hos ductus aliquoties repetit. Alii modi spicam simplicem applicandi supra Cap. IV. §. 3. & 4. describuntur.


S E C T I O III.

De vincluris quae circum praecordia & mammas sunt.

X. FASCIA POST MAMMAM RESECTAM.

*Fascia ad
mammas
resectam.*

REquiritur pro hac vinclura perficienda fascia sex, septem vel octo ulnarum, quae tres vel quatuor digitos ampla sit, & in duo capita glomerata. Hujus medium, postquam plagae linamentis multis in glomeres convolutis & spleniis crassis rite prospectum est, sub dextra ala, (singuimus enim si-





sinistram mammam esse resectam, vel saltem magnum scirrhum ex ea exsectum) Tab XXXVIII. fig. 1. A, cui splenium prius submissum sit, injiciendum, ac deinde utroque capite super humerum B, utrinque ascendendum; ubi habenae fasciae in figuram litterae x decussantur, & postea caput anterius, c, oblique super sternum & mammam aegram, posterius vero oblique per dorsum ad alam sinistram, D, descendit, ubi capita mutantur, atque res mammae impositae probe constringuntur. Hinc caput, quod a tergo venit, per viam C ad B, illud autem, quod anterius erat, sub ala D transit, & per dorsum ad summum humerum B ascendit, ubi capita rursus permutantur, atque hi ductus secundum viam BCD repetuntur, observando, ut fasciae capita non tam sub ala lateris laesi, quam super resecta mamma, permutantur, ita enim linamenta mammae imposita melius constringuntur, & sanguinis profusio efficaciori modo prohibetur, & ut sic splenia probe comprehendantur ac firmentur. Post haec mutatis capitibus super loco mammae resectae, alterum per pectus, alterum per dorsum in modum annuli circumducitur, ita ut ambo ad alam A conveniant, ubi iterum capita permutantur. Denique aliquot ejusmodi ductus fiant circulares, descendendo sensim versus E, sic ut splenia DEF probe firmentur, & tandem, ubi capita desinunt, vel aciculis vel acu & filo per futuram fines firmandi. Adhiberi etiam hic apte potest Fascia Quadriga, sive *Cataphracta* dicta, quae mox Sect. IV. explicabitur, & Tab. XXXVIII. fig. 4. illustratur.

XI. FASCIA HELIODORI sive T. ad alia mammarum vitia.

In plerisque *curationibus*, quae *mammis* adhibentur, usurpari communiter ea fascia solet, quae fascia HELIODORI vulgo vocatur, quaeque ex binis frustis seu fasciis simplicibus ita conficitur, ut altera plerumque alterius parti mediae ad perpendicularum adhaerescat, itaque litterae T. figuram aliquo modo exhibeat, unde etiam *fascia* T vulgo appellari solet, quamvis pars perpendicularis magna ex parte, a parte inferiori ad superiorem, ut Tab. XXXVIII. fig. 11. ostendit, incisa atque sic fascia in quatuor capita aa, bb, divisa sit, aut in duo prorsus distincta, frusta, transverso assuta, distincta sint, sicut in fig. 10. quae figuram litterae T magnopere pervertunt, & fere in Graecam litteram Π transmutant. Habonarum transversarum fig. 10 & 11. aa, ea debet esse *longitudo*, ut *circum corpus eadem* bis commode *circumduci*, nodoque sub mammis, vel in latere facto constringi valeant, & latitudo trium vel quatuor pollicum. Habena directa seu perpendicularis quoque tam lata & tam longa esse debet, ut nimirum quam aptissime, quicquid mammae impositum est, comprehendere & super mammam aegram atque axillam reflecti retroque cum habena circulari nodo committi queat, vel extrema circa circulem reflecti & ubi desinunt aciculis firmari possint. Si quam igitur aut *inflammationem* aut *tumorem*, aut *abscessum*, aut *carcinoma*, aut similem quamcunque noxam aliam in mammis curandam Chirurgi suscipiunt, unam ex fasciis modo propositis sic fere applicant. Habenam transversam infra mammas circum praecordia sic injiciunt, ut binas ejusdem

Fascia ad alia vitia mammae.

partes extremas, super dorso, vel in latere quodam, vel etiam in parte anteriori, in nodum aliquem constringant. vid. Tab. XXXVIII. fig. 2. a a (a). Tum habenam scissam ac dependentem duobus suis capitibus sursum versus super mammam adflictam ac splenia superimposita *humerumque proximum* sic adducunt, ut haec rite comprehendant, tandemque vel circa collum, vel, quod praestat, super dorso cum fasciae ductu circulari nodo vel aciculis conjungantur. *Nonnulli duo haec fasciae capita, bb, super mamma decussatim ascendere faciunt, & postea, ut dictum est, vel circa collum, vel cum circulari in dorso jungunt: eo animo, ut sic quicquid mammae c impositum est, melius comprehendant, atque sic etiam cum fascia fig. 11. cujus pars dependens non integre divisa est, procedunt; interea tamen etiam haec fascia sine decussatione, sed sicut in hac figura litt. c ostenditur, adhiberi recte potest, quae res mammae superimpositas egregie quoque continet. Potest tamen etiam apte, & ut ego existimo, adhuc commodius sic super humeros duci, ut collum d frondibus ejus bb sit interjectum, quemadmodum in fig. 2. proposuimus: ita ab humero tam facile recedere non potest: & si hi frondes bb, in cervice vel in anteriori colli parte nodo committuntur, opus non est ut aegra semper totum dorsum denudet, id quod multis aegris & praesertim verecundis aut debilibus perquam molestum, imo saepe frigida tempestate ob frigus in corpus nudum irruens, valde perniciosum est.*

XII. F V N D A P R O M A M M I S.

*Funda pro
mammi's.*

Haec aliaque incommoda fasciae vulgaris *Heliodori* cum observassem, cumquam saepissime mammarum ejusmodi vitia sese mihi *curanda* obtulerint, eamque etiam fere haud sufficere, si carcinoma exulceratum, ut saepe fit, ad alam se extendat, cogitavi, an non mammae commodius alia ratione & forte quadam *funda sive fascia quatuor capitibus instructa* deligari possint: hocque, quod mente primo conceperam, bene saepius succedere tandem cognovi. Feci itaque *ejusmodi fundam* longitudine unius ulnae sive quatuor pedum, atque latitudine sex vel octo quasi pollicum, quae ad pedis fere longitudinem circa medium integra sit. Haec pars integra (vid. Tab. XXXVIII. fig. 3. a,) spleniis laesae mammae, quam sinistram rursus hic esse ponimus, impositis superimponatur, deinde duo capita superiora bb, super humerum dextrum, inferiora autem cc, sub ala sinistra super dorsum versus scapulam dextram ducantur, ibique circa litt. d, duobus nodis constringantur; ita hanc fasciam longe commodiorem saepe praecedenti deprehendi: dum non solum firmitus adstringi duobus nodis potest, verum etiam minus molestiae creat; cum illa *Heliodori* sub mammi's & circa thoracem partes excoriando multum quandoque incommodi aegro concitat. Fascia denique haec in medio a, aciculis cum splenio probe firmetur, sic firmitus continebit. *Si mamma dextra est laesa*, quod tunc hae fasciae contrario modo sint injiciendae, quilibet haud prorsus imprudens facile per se comprehendit. Quandoque etiam loco

horum

(a) Ita a BASSIO & WIDEMANNO delineantur.

horum mantili sive mappula, aut linteo satis longo, eo modo complicato, ut pro oculis deligandis Tab. XXXVII. fig. 11. commendavi, satis commode & bono successu usum sum.

XIII. SCAPULARE CVM MANTILI.

Frequens etiam atque commodus ejus fasciae usus est, quam Chirurgi *scapulare cum mantili*, Galli *la serviette avec le scapulaire*, communiter nuncupant. Namque fere semper adhiberi eadem solet & potest, quoties pectoris aut vul. *li.* nera, aut ulcera, aut fistulae, aut perforatio seu paracentesis pectoris; aut sterni, costarum, spinaeve dorsi fracturae; aut costae luxatae; aut his denique similia praecordiorum atque dorsi vitia vincturam aliquam postulant. Debet autem ad hanc ipsam vincturam adornandam linamentum geminum adhiberi. 1) Primo pannus lineus, mantili seu mappulae haud absimilis, in adultis longitudine ulnam, vel in grandioribus aut obesius ulnam cum dimidia, latitudine octo vel decem digitos comprehendens, quadruplicatus, vel &, pro re nata, sexies vel octies complicatus, quam exactissime circum pectus vitiatum, (adhibitis prius iis, quae ad sanationem necessaria sunt) injicitur, firmiterque circa praecordia, si vitium est in parte anteriori, vel si vitium est in parte posteriori, super dorsum fibulis futurisve applicatis, conjungitur. (vid. Tab. III. fig. 1. B.) Ne qua autem facile id ipsum vinculum sive mantile una cum spleniis atque medicamentis, super partem aegram datis, decidat, aut saltem deorsum cedat. 2) *Scapulare* aliquod linteum, sive linamentum, longitudine tres pedes vel partes quartas ulnae, latitudine *quatuor vel sex* digitos continens, quoad partem mediam secundum longitudinem ita fissum, ut trajici caput queat, (vid. Tab. II. fig. 9.) comprehenso capite, sic injicitur, ut alterutra pars super pectus, super dorsum altera dependeat, utraque vero vinculum modo dictum circulare, tam in anteriori, quam posteriori corporis parte per fibulas futurasve adhibitas, firmiter comprehendat (vid. Tab. III. fig. 1. B C), & quia alterum illud a scapulis magna ex parte sustentatur, *Scapularis nomen* inde traxisse videtur. Nonnulli *scapularem fasciam ex simili frusto linteii conficiunt*; quod vero non tam in medio, quam potius in altero extremo ultra dimidium longitudinis findunt, partem integram per dorsum demittunt, caput & collum vero inter duos illos frondes sive capita comprehendunt, ea super sternum in litterae x similitudinem decussant, fere ut in fig. 4. Tab XXXVIII. f, extrema eorum in dextro & sinistro thoracis latere praedicta ratione cum mantili conjungunt.

S E C T I O IV.

De vincturis, ad sternum atque costas accommodatis.

XIV. DE QVADRIGA ET CATAPHRACTA.

*Vinctura
per quadri-
gam.*

Sternum diffractum, facta fragmentorum, quantum fieri potest, in fedes suas restitutione, emplastroque glutinoso, vel & splenio, in spiritu vini tincto, una cum ferula aut lamina quadam ex charta crassa ac rigida superimposita, vinciri haud incommode per modo descriptam fasciam *scapularem cum mantili posse*, manifestum est ex iis, quae jamjam de vincturis pectoris explicavimus. Sed solet tamen hic a Chirurgis compluribus peculiaris quoque & valentior vincturae species institui *quadrigae*, seu *cataphractae* titulo insignita, *qua firmitus thorax cum sterno*, si opus, *constringi potest*, fasciae aliqujus beneficio facta, quae longitudine ulnas sex, latitudine tres quatuorve digitos continet, binisque capitibus sive glomeribus comprehenditur. Deligationis artificia fere sunt sequentia. Fascia haec media sub alterutram axillam, verbi gratia, sinistram, Tab. XXXVIII. fig. 4. a, sic injicitur, ut bina capita sursum adducta, transversis in humero ad litterae x similitudinem factis ductibus b, alter super praecordia c c, alter super dorsum ad alam oppositam d, oblique procedant; inde vero postea eadem, ut modo dictum est, ratione, humerum dextrum susceptum, e, similiter, ut antea, & quidem caput anterius per viam e, f, posterius vero per dorsum ad alam priorem, a, redeant. Namque binis hisce ductibus rite institutis, quidquid ex utrisque fasciae habenis reliquum est, in ductus circulares, g, seu potius spirales obtusos, juxta se invicem scilicet positos atque sensim sensimque circum corpus descendentes, qui *utrinque semper, vel etiam in anteriori & posteriori thoracis parte*, ut *firmitus sternum fractum comprehendant*, *decussantur*, ut Tab. XXXVII. fig. 21. dd, conspici potest, impenditur, donec nimirum pars thoracis *afflicta probe tecta atque involuta esse deprehendatur*. Idem vincturae genus adhiberi quoque potest, *post amputatam mammam aliquam cancrosum*: in quo ipso equidem negotio solerter imprimis provideri oportet, ut, quam exactissime vulnus eique superinjecta linamenta & splenia ab *injecta vinctura*, ad *cohibendum sanguinem comprehendantur*. Id quod tanto melius fiet, si, factis primis circa humeros circuitibus, capita fasciae deinde *supra mamina resecta & in dorso*, dum circulares sive obtusos ductus facimus, *mutantur*, ita enim melius & firmitus partem hanc continebit.

XV. VINCTURA PRO COSTIS ET SPINA DORSI.

*Vinctura
costarum
& spinae
dorsi.*

De *Costis & dorsi spina*, cum *luxatis*, tum *fractis*, etiam seorsim nunc exponere nihil fere opus videtur: siquidem, ossibus his decenter repositis & per splenia, spiritu vini calido madentia, nec non ferulas chartaceas crassas superimpositas, gnaviter contentis; eadem plane deligandi artificia adhibere conve-

convenit, quae ad sternum & mammas haëtenus §. XII & XIII. imo etiam XIV commendavimus.

C A P V T V.

De vincturis ad abdomen atque partes cum naturales, tum obscoenas, necessariis.

I. DE SCAPULARI CUM MANTILI.

SI ventri vel post plagam forte fortuna factam, vel post futuram, Graeci *γαστροπαθίαν* nuncupant, vel post paracentesin apud hydropicos institutam, vel in ulceribus aut fistulis ventris, vel denique post quamcunque aliam operationem, curatio adhibenda est, communiter equidem hodie, idque satis commode fieri vinctura per fasciam scapularem cum mantili, modo propositam Sect. III. §. XII. solet; (vid. Tab. III. fig. 1. BC) sed paullo tamen longius ad ventrem, quam ad praecordia necessarium esse linamentum scapulare, ipsa corporis habitudo loquitur.

II. FASCIA VENTRIS CIRCULARIS.

Veteres & nonnulli adhuc recentiores varia vitia abdominis fascia quadam simplici, quatuor, quinque vel sex circiter ulnas longa & quatuor digitos lata, vel in unum vel in duo capita circumvoluta, deligant, quas in parte superiori abdominis per circulares circum abdomen incipiunt, & deinde per obtusas spirales deorsum continuant, donec partem laesam cum rebus plagae superimpositis bene complexa sit: quam deinde, ubi desinit, aciculis vel futura firmant, ac denique cum scapulari quadam fascia, ne deorsum facile ruat, connectunt. Possunt etiam abdominis haec vitia apte deligari vel mantili & scapulari, vel fascia ad modum quadrigae Tab. XXXVIII. fig. 4. injectae, ea solum cum diversitate, ut postquam ductus a, b, c, d, e, f, facti sunt, ductus g, ut circulares vel spirales, circa partem ventris laesam diligenter circumvolvantur, atque haec sic probe comprehendatur; cui priores ductus circa humeros & thoracem loco scapularis suspendentis fasciae famulantur, ita ut peculiari scapulari hic haud indigeamus.

III. FASCIA VNIENS VENTRIS.

Vulnera autem ventris directa, sive secundum longitudinem inflicta, si quidem fuerint non adeo magna, feliciter saepe glutinari, absque adhibita futura vel gastroraphia, per injectam scilicet fasciam unientem, ut supra, ubi de abdominis vulneribus egi, jam docui, consueverunt. Debet autem fasciae hujus longitudo circiter quatuor vel quinque ulnas, latitudo, quatuor digitos adaequare. Pars media circiter ad quatuor digitos secundum longitudinem fissa est; utraque pars extrema in *Vinctura ad plagas ventris directas.* *glome-*

glomerem five caput involuta. (vid. Tab. V. fig. 8.) Qualiter autem vinciri per eandem venter debeat, colligi facile, meo quidem iudicio, ex iis poterit, quae de uniente ad frontem accommodata, luculenter jam tum supra explicavimus (Part. III. Cap. II. §. 4. vid. Tab. XXXVII. fig. 3.): Nimirum pars media eaque fissâ vulneri imponitur, caput fasciae alterum ventri circumducitur, deinde per fissuram trajicitur, ambo capita constricta oras vulneris probe jungunt, inde ad lumbos five dorsum amborum ducta capita mutantur & inde ad vulnus reducuntur, ubi super vulnere mutantur & decussantur, ut vulnus arctius constringant; hique ductus circulares & obtusi continuantur, donec fascia finiatur: ubi aciculis vel futuris firmatur.

IV. VINCTURA PROHERNIA UMBILICI.

*Herniae
umbilici
vinctura.*

Sumitur lorum vel ex corio, vel ex panno xylino paratum, & scuto vel rotundo, sicut in Tab. XXIV. fig. 6. A indicatur, vel quadrato instructum, quemadmodum Tab. XXXVIII. fig. 5. A, exhibetur, quod scutum umbilico, reducta prius in ventrem hernia, imponitur, atque lorum BB, Tab. XXIV. fig. 6. fibula C, vel etiam alia ratione, si lubet, circum ventrem clauditur. Ne vero lorum BB Tab. XXXVIII. fig. 5. praesertim in obesis deorsum facile ruat, fascia scapularis C, ex linteo robusto, tam in anteriori ventris parte, quam in posteriori ipsi innectitur, quae illud sustinet; & ne sursum cedat, loro sub scuto A, frustum liniei robusti, in duos frondes scissum, vel ex panno xylino ita paratum, circa partem scuti inferiorem jungitur, quorum dexter inter femora circa clunem dextram, sinister circa clunem sinistram ita reflectitur, ut in loro ventrem cingente utrinque circa inguina, juxta litt BB, funiculis vel alia ratione firmari queat.

V. VINCTURA ANI, SCROTI, PERINAEI, VAGINAE UTERI &c. PER FASCIAM T.

*Vinctura
ani, scroti,
&c per
fasciam T.*

Qui vel ani fistulam aliquam aut abscessum, vel fracturam ossis sacri, vel ossis coccygis luxationem, vel molestas haemorrhoides, fistulas ani vel calculi sectionem, vel & quamcunque aliam perinaei vulnerationem aut ulcus five perinaei fistulam experti sunt, his adhiberi communiter, nec sine profectu, solet ea fascia, quae Heliodori fascia appellatur & litterae T figuram repraesentat. (vid. Tab. II. fig. b, item Tab. XXXVIII. fig. 10 & 11.) Vinctura hunc in modum perficitur. Medicamentis ad noxam valentibus, & item emplastris & spleniis convenientibus super aegram partem impositis, habena fasciae transversa ventrem ita comprehendit, vid. 14. aa, ut habena altera eademque perpendicularis & fissâ super os sacrum, b inter crura utrinque dd, ad vinculum ventris transversum procedat, eidemque, nodo facto, juxta inguina utrinque sese jungat. Idem vincturae T, genus aptum quoque illis est, qui vel inguinum aut scroti tumoribus, vel etiam testiculorum inflammatione infestantur; vel & quibus hydroceles, sarcocoeles, pluriumque noxarum similium in scroto curatio adhibetur, vel denique etiam in vaginae uteri vitiiis, ut pro lapsu

lapsu, &c. Ubi tamen habena transversa circum ventrem (conf. fig. 7. 8. 12. aa) sic injicitur, ut habena perpendicularis bb (vid. fig. 6, 7, 8, 9, 10, 11, 12) probe comprehensis medicamentis antè super inguina, vid. fig. 7, b, vel scrotum impositis, vid. fig. 8 & 12. bb, inter crura vel retro ad vinculum, in postica corporis parte factum, sicut in fig. 7. vel ad latus femoris, vid. fig. 8. c, vel in antica ventris parte, sicut fig. 12. ccd ostendit, perveniat eidemque nodo firmiter adhaerescat. In *quamplurimis hisce casibus scapularis fascia*, sed sine mantili, *simul adhiberi potest*, utpote cui, ad majorem vincturae firmitatem, si opus est, fascia inferius aciculis vel suturis innexa diligentissime adjungitur. Denique notandum *fascias T pro diverso usu etiam figura differre*: nam quae fig. 6. indicatur, *commode pro inguine*, vid. fig. 7. inservit; quae fig. 9. *commoda est pro scroto amplectendo*, ut in fig. 8. ostenditur; denique fig. 10. & 11. *in mammarum, ani, scroti ac perinaei vitiis apte adhibentur*; & fascia fig. 13. *in scroti potissimum tumoribus*, ut hydrocele & sarcocoele famulatur, eamque *sacculum pro scroto*, Galli la Bourse appellant.

VI. ARNOLDI FASCIA AD ANVM.

Novum, idemque *ani fistulis atque abscessibus* proprium, vincturae genus ab ARNOLDO, Chirurgo quondam Parisino nobilissimo, est excogitatum, quod praestantissimum hic esse GARENGEOTIUS (a) existimat. Hujus autem sequens ratio est. *Primo scapulare* sicut Tab. III. fig. 1. c delineatur, sed longius, ut ad imum ventrem descendat, cum *mantili B*, circum corpus sic injicitur, quemadmodum supra explicavimus. (Cap. IV. Sect. III. §. XII.) Deinde circa eam futuram, quae mantile cum scapulari super dorso jungit, verbi gratia in Tab. XXXVIII. fig. 14. in interstitio aa, *tres quatuorve funiculi linei*, quorum usus ex jamjam dicendis apparebit, per injectam futuram *firmantur*. Tum *fascia quaedam alia*, quinque vel sex digitos lata, ulnam autem & quod excurrit longa, *secundum lineam ita finditur*, ut alterutra pars extrema non nisi *ad binas palmas integra reliqua sit*, fere ut pars b in eadem figura. Circa hanc ipsam partem extremam cc *itidem tres quatuorve funiculi linei firmantur*, qui cum funiculis in mantili aa singulis nodos efficere valeant: quibusque resolutis, identidem & absque ulla corporis aegri, ut ait, molestia vel agitatione, innovare, quoties lubet, vincturam liceat (b). Medicamentis, turundis, linamentis carptis, & spleniis fistulae rite adhibitis, utriusque fasciae funiculi modo dicti, nodis super dorso circa aa & cc institutis, invicem committuntur; eoque facto *fasciae dependentis bini frondes, dd, super anum inter femora trajecti* per inguina utrinque *ad mantile circum ventrem applicatum ita promoventur*, ut alter dextro, sinistro lateri alter, probe jungantur. Deni-

Arnoldi
vinctura ad
anum.

(a) In Operat. Chir. Cap. de Ani Abscessu Edit. I. pag. 401. In altera vero Editione inventorem tacet.

(b) Quid cum parte fissa sive frondibus dependentibus bujus fasciae sit faciendum, GARENGEOTIUS haud describit; sine dubio autem ea utrinque in inguine cum mantilis parte anteriore jungenda erit, sicut fieri solet in usu fasciae T, alias illi funiculi parum prodesse possent.

Denique, si largiter forte post sectionem sanguis fluxit, sicut quandoque contingit, minister aliquis strenue per unam alteramve horam, ab operatione proximam, manu adhibita partem incisam comprimat, quo nempe citius & certius sanguis conquiescat. Praecipua equidem, autore GARENGEOTIO, vincturae hujus virtus in eo posita videtur, quod & firmiter ipsa, per scapulare humeris injectum, ubi fascia punctum fixum habet, corpori inhaerescat, & quam exactissime id, quod supra vulnus impositum est, comprehendat firmetque. At enim vero hoc secundum GARENGEOTI descriptionem nullo modo efficere potest; e contrario, si non plus tamen idem omnino praestari quoque per fasciam aliquam T vulgarem, qualis est ea fig. 11. sed satis robustam, scapulari fasciae junctam, posse, res ipsa, credo, lequitur: praesertim si fascia tota vel saltem pars transversa, abdomen ambiens ex panno xylino, vel ex mantili majoris roboris caussa, conficiatur, & frondes fortiter adstringantur.

VII. VINCTURA NODOSA PERINAEI PRO SANGVINE COMPESCENDO POST FISTULAE ANI VEL ETIAM CALCULI SECTIONEM.

Fascia nodosa perinaei.

Pauci profecto haecenus de vinciendi modo ad sanguinem post fistulae ani, vel etiam calculi sectionem, si vehementius fluit, compescendum fuerunt solliciti; dum nihil fere de hac re in libris deprehenditur (a); licet exempla sint, ubi aegri post has sectiones inde mortui sunt: adeoque operam impendi, ut vincturam excogitarem, quae valentius, quam adhuc descriptae, hoc praestet, atque deliberatione facta, sequentem prae aliis idoneam existimavi. Nimirum sumenda fascia sex minimum, vel octo aut decem ulnas longa & tres digitos lata, atque in duo capita convoluta. Medium fasciae, postquam vulnere linamentis carptis eisque probe contortis ac multis, alcohole vini imbutis, & spleniis crassis, sicut in aliis profusionibus sanguinis fieri solet, abunde prospectum est, perinaeo applicatur, inde anteriori capite per inguen finistrum (vid. Tab. XXXVIII. fig. 15.) ab a & b, super os ilei, C, posteriori vero inter nates ad eundem locum ascendendum, factaque ibidem forti constrictione & decussatione capitum, anterieus transversim super ventrem d, posterius recta per dorsum sive lumbos ad dextrum ileum ducendum, factaque super dextro ileo, e, nova decussatione, anteriori capite per inguen dextrum f, posteriori per natem dextram ad perinaeum descendendum, ubi capita fasciae mutanda, atque in ejusmodi nodum, qualis in fascia temporum nodosa post arteriotomiam fieri solet (vid. Tab. XXXVII. fig. 7. c) intorquenda & probe adstringenda, hinc per inguen finistrum & natem ad ductum a b c, utrinque

(a) Filo quidem, acus curvae beneficio circa arteriam, quae sanguinem fundit, circumducto, hunc fluxum sanguinis compescendum esse quidam docuerunt, ut supra, ubi de Lithotomia actum est, indicavimus; verum arteria illa saepe tam profunde sita est, ut percipi nequeat, vel saltem ad eam ligandam accedere haud valeamus: ubi quidem spleniolo, liquore styptico imbuto arteriam aliquam diu digito comprimere possumus; sed si hoc parum esset, ad hanc ligaturam simul confugiendum est.

que rursus ascendendum, & priores ductus eadem, ut modo dictum est, ratione, repetendi, factis semper ejusmodi nodis in perinaeo post calculi sectionem, vel super ano, post fistulae ani sectionem, quoties capita inter femora concurrunt, donec fascia finita sit: *atque haec fascia haud inepte nodosa perinaei* vocari potest, quae certe firmissime constringit & continet. Si forte adhuc vehementior *constrictio necessaria videtur*, facto primo circuitu per utrumque ileum & inguen, ut antea dictum est, & nodo primo inter femora constricto, caput anterior fasciae ab inguine sinistro, a, oblique per anteriorem corporis partem ad humerum dextrum h, sicuti punctis hoc indicatur, atque ita caput fasciae posterius per dorsum ad eundem humerum ducitur, ubi mutantur, & per eandem viam ad perinaeum redeunt, ibidemque denuo in nodum contorquenda, & per viam g di, punctis quoque indicatam, ad sinistrum humerum utrinque ducenda, super humero sinistro mutanda, & per eandem viam ad perinaeum reducenda, ubi denuo in nodum ut tanto melius locus, sanguinem fundens, comprimatur: tandem ductibus illis antea descriptis, qui solum a perinaeo ad ilei ossa sive coxas ascendunt & circa ventrem ducuntur, continuatur, quamdiu fascia durat, ubi probe firmatur. Sed in hoc posteriori modo fascia octo, imo novem vel decem, pro corporis aegri magnitudine, ulnarum habeat longitudinem, ut necessarii iique ampliores isti circuitus ipsa fieri apte queant.

VIII. SPICA INGVINALIS SIMPLEX.

Singularem vincturae speciem, *inguinalis*, vel & *spicae inguinalis* titulo insignitam, *herniae inguinalis*, sive *bubonocèles incarceratae sectae*, *femoris luxati*, *colli femoris fracti*, & item *ossis ilei diffracti* curationes sibi vindicant. *Fieri potest variis modis*, sicuti spica humeri, & quidem primo vel fascia unius vel duorum capitum. Si fieri debet fascia in unum caput convoluta, fascia, huic fini destinata, quatuor ulnarum longitudinem, ternorumque digitorum latitudinem comprehendat. *Initium vincturae fit super ilei osse ejus lateris, quod sanum est.* Vid. Tab. XXXVIII. fig. 16. a: hinc fascia circum ventrem transversum bb & coxam, c, sic promovetur, ut, superata clune inter crura, d, a parte posteriori ad anteriorem super splenium, e, inguini adhibitum, transeat. Namque hoc facto, circum coxam, c, ubi cum priori ductu litteram x, efficit, ipsa sic per dorsum pergit, ut ad vincturae principium redeat. Quo equidem diligentissime ope fasciae hic firmato, ductus modo descriptus toties iteratur, quoties illud fieri per ipsam fasciae longitudinem potest. Post triplicem istiusmodi ductum, si lubet, ductus etiam aliquis circularis circum ventrem, pro reliquis ductibus probe firmandis, a quibusdam instituitur; & tota vinctura postea per adhibitae aciculas super parte afflicta & juxta illam, ne inde facile recedat, firmatur. Si qua autem forte *scrotum ob incarceratam herniam operationem aliquam Chirurgicam in hoc latere sustinuit*, tum similiter tres ejusmodi ductus fiunt, quos modo proposuimus: *deinde fascia in inguine sinistro acicula firmatur*, deorsum infra scrotum f, per inguen dextrum, g, ad fasciam, h, reflectitur, ibidemque etiam acicula firmatur;

Spica inguinalis simplex.

ab hoc latere h, infra scrotum f, rursus per inguen finistrum de, redu-
citur, aciculaque rursus firmatur, atque hi ductus iterum iterumque circa
scrotum ad comprehendenda splenia ceteraque ea, quae sanationi apta
sunt, iterantur, infixisque utrinque aciculis firmantur. Atque haec vinc-
tura, si non nisi alterutrum inguen deligatur, *inguinalis simplex* apud Chi-
rurgos vocatur.

IX. SPICA SIMPLEX INGVINALIS CVM FASCIA DVOBVS CAPITIBVS.

Modus II. Sed poest haec vinctura etiam commode atque apte fieri fascia duobus ca-
pitibus instructa: quae vero longitudinem habeat quinque ulnarum, sed la-
titudinem trium digitorum, uti praecedens. Hujus medium primo injici
potest, sicut prioris in coxa lateris sani, a, fig. 16; capita vero utrinque
circa ventrem duci ad alteram coxam, c, ibi mutari & ad perinaeum, d,
duci, ubi rursus permutantur, & ad coxam c, atque inde rursus ad coxam,
a, perducuntur; atque hi ductus tamdiu continuantur, donec fasciae fiat
finis. Circa finem tamen etiam, praesertim in luxatione ossis femoris, vel
fractura colli femoris, aliquot ductus in modum circuli sive annuli circa su-
Modus III. premum femur fieri possunt, ad haec ossa melius firmanda. Vel initium fas-
ciae duplici capite donatae fieri etiam potest in perinaeo, d, inde capita
oblique ascendunt ad coxam C, hinc abeunt & per anteriorem & postero-
rem ventris partem ad coxam a, atque secundum hanc viam circumvolu-
tionibus his pergimus, quamdiu fascia durat; ubi consueta ratione vel acicu-
lis vel futuris firmatur.

X. SPICA INGVINALIS DVPLEX.

Inguinalis duplex. Si in utroque inguine vitium est, vincturae modus, jamjam §. IX. N. III
descriptus, dum per utrumque inguen excurrere debet, commode adhiberi
potest, indeque *inguinalis duplex* apud Chirurgos appellatur. Vel etiam alia
ratione perficitur, quando scilicet fascia huic negotio propria, quae longitu-
dine ulnas sex, latitudine binos vel tres digitos adaequat & in duplex caput
convolutum est, huic negotio impenditur. Vincturae principium in tergo
sive lumbis vulgo fieri solet: siquidem, media fasciae parte supra lumbos
posita, ductus aliquis circularis circum corpus ita instituitur, ut ad ventrem
anteriorem habenae perveniant, ubi permutantur atque inde retrorsum su-
per clunes ad inguina antrorsum procedant. Inguinibus, & quae his super-
imposita sunt, medicamentis atque spleniis fascia probe comprehensis, fas-
cia utrinque super inguina & coxas ascendendo ad vincturae principium
redit; ubi capita iterum mutantur, & per inguina antrorsum descendunt,
atque per coxas revertuntur ad abdomen, eoque facto pristinam viam ali-
quoties repetit. Tandem ipsa, ubi desinit, gnaviter firmatur. Praeterea
*Alius mo-
dus.* haec vinctura etiam apte fieri potest iisdem fere ductibus, quos §. VII. de-
scripsimus, si modo nodi inter femora omittantur. Nimirum quando hujus
fasciae

fasciae medium (vid. Tab. XXXVIII. fig. 15. a) perinaeo inter femora applicatur, capita deinde utrinque per b c, ad coxam ascendant, inde mutatis capitibus ad alteram coxam, e, per ventrem & dorsum progrediuntur, hinc per alterum inguen f, g, ad perinaeum, & ab hoc, permutatis capitibus, per eandem viam, gf, ad coxam e, atque ab hoc ad coxam c, revolvuntur, donec tandem per sinistrum inguen b, ad principium rursus perveniat. Reiterantur postea hi ductus, donec fascia finiatur; ubi omnia bene firmantur. *Adhiberi vinctura haec optime potest in luxatione utriusque femoris, & in fractura utriusque colli femoris, itemque post operationem herniae inguinalis in utroque latere.*

XI. VINCTURA AD BUBONES.

Ad bubones atque cujuscunque generis alios tumores circa inguina apta imprimis esse illa vinctura solet, quae per adhibitam fasciam T instituitur; (vid. *Vinctura ad bubones.* supra §. V.) vel & per eam fasciam, quam Tab. XXXVIII. fig. 6. designavimus; quaeque eodem fere modo ac fascia T corpori adaptatur. Sed quia alterum caput ex transversis aa, breve est, circa ventrem ita injicitur, ut in latere ejus extrema nodo jungantur: vid fig. 7. c, quo fit, ut aeger ipse fasciam commode solvere & rursus conjungere queat. Verum pars amplior b, per inguen descendit inter femora, circa natem reflectitur, atque in latere lumborum cum parte transversa nodo conjungitur. Nos in hac tabula XXXVIII. non nisi eam fasciae formam vel posituram demonstravimus, quae sinistro inguini apta est. Namque ubi dextro inguini vincturam ejusmodi adhibendi necessitas inciderit, tum converti solummodo haec ipsa fascia debet. Reliqua enim iisdem in dextro, ac in sinistro inguine, modis perficiuntur. Si bubo in utroque latere deligandus, duo ejusmodi frustra dependentia requiruntur.

XII. SCROTI VINCTURAE.

In scroto equidem frequentissimus quoque vincturarum usus est. Neque enim *Vinctura ad scrotum.* ad scrotum inflammatum & testes tumentes solum adhiberi cataplasmata fasciarum adminiculo solent; sed in quamplurimis etiam *herniarum curationibus* praecipuum sanitatis praesidium ab accurata scroti vinctura repetendum est. Fere triplicis autem generis fasciae a Chirurgis hic adhibentur. Numquam enim 1) commoda imprimis est fascia T, (de qua supra §. V.) dummodo habenae perpendicularis pars superior binas circiter palmas lata atque ad penem transmittendum perforata sit, (vid. Tab. XXXVIII. fig. 9. c) & pars extrema ad binas quasi palmas usque a parte transversa in duo capita b b, fissa. Postquam igitur pars transversa circa ventrem firmata & penis per foramen C transmissus est, decussatis postea binis hisce habenulis, b b, scrotum ab integra fasciae parte sat plerumque accurate comprehenditur, & medicamenta ac splenia imposita apte comprehenduntur, si frondes b b, circum femora utrinque reflectuntur, & in latere partis transversae nodo nectuntur, vid. fig. 8. c. Interdum 2) fascia quaedam frondalis, quatuor ca-

pitibus instructa, ulnam longa, digitos sex lata, utrinque autem sic fissa, ut media pars ad binas circiter palmas integra persistat, commode adhibetur, si super scrotum adflictum eidemque applicata medicamenta & splenia imponitur. Circa vincturam vero rite instituendam sequentes necessariae sunt observationes. Fascia sic injicitur, ut media eademque integra fasciae pars scrotum tegat, capitibus sive habenis duabus sursum, duabus deorsum spectantibus. Inter habenas superiores, ubi partem integram attingunt, penis transmittatur, ac deinceps hae ventrem comprehendant atque in lumbis nodo jungantur; inferiores autem, super perinaeo invicem trajectae, retroque super clunes sursum & antrorsum versus adductae, dextra in sinistro inguine, in dextro sinistra firmentur; vel etiam sicut in fig. 12. d, indicatum est. Si quidem eo facto, & scrotum & supra data medicamenta satis commode comprehenduntur. Denique 3) Chirurgorum aliqui *propriam aliquam vincturam ad similitudinem aliqualem merseprii* exaratam, *la Bourse* Gallis dicta, de qua jam §. V. proposui, ex linteo satis valido confectam, debitisque eam habenis, tum funiculis etiam & foraminulis, ad excipiendos funiculos aptis, instructam, ad scroti vincturas proposuerunt. (vid. Tab. XXXVIII. fig. 13.) A A. Merseprium quod scrotum suscipit. Fasciae B B circum corpus injicitur & extremum a funiculis b conjungitur. Foramen C penem transmittit. Denique fasciae frondes sive habenae inferiores D D. inter crura sic ducuntur, ut per clunes ad summas coxas sive inguina redeant, & funiculis E E, prope coxas pendentibus, per foraminula d d, trajectis, parti fasciae superiori B B, rite jungantur. Medici vulgo *suspensorium scroti*, Gallice *Suspensoire*, appellare id ipsum vincturae genus consueverunt.

XIII. *Vincturae & vincula ad hernias*, vid. pag. 805 & 826. atque Tab. XXV.

XIV. FASCIOLA PROPENE.

*Fasciola
pro pene.*

Fasciola, quae ad *penis* vulnera, abscessus, venae sectionem, phimosis noxasque alias adhiberi suevit, *fasciam*, *ulnae circiter dimidae longitudine*, unius vero digiti aut pollicis latitudine praeditam, eandemque alterutra parte ad pollicis fere longitudinem perforatam, altera autem parte ad binas circiter palmas fissam, postulat. (vid. Tab. II. fig. e) Vinciendi modus sequens est. Pars in duas frondes fissa per alterius partis foramen oblongum sic transmittitur, ut penis una cum adhibitis medicamentis & spleniis a fascia illa, quasi habena sive funda quadam suscipiatur. Eo facto, fasciola circum partem aegram penis aliquoties ducitur, ac leniter constringitur, riteque contactis, quae superimposita sunt, omnibus capitula fissa, alterutro eorum reflexo diligentissime invicem nodo connectuntur. *Sicubi vel glans vel praeputium* ab abscessu, vel ulcere, vel vulnere aliquo infestatur, commodissimum utique erit, *emplastrum*, item & *splenium Melitenfis crucis figuram habentia*, foraminuloque, pro emittenda urina, instructa, eam denique amplitudinem habentia, ut satis comprehendere glandem valeant, super medicamenta prius imponere, quam vinctura modo descripta instituitur. Denique

que si vel *rigor* quidam praeter naturam, vel & *inflammatio* graviter *colens* adfligunt, qualiter quidem fieri in *priapismo*, *paraphimosi*, & *gonorrhoea* quandoque solet, haud prorsus alienum esse illorum consilium videtur, qui propriam ex linteo ad figuram penis exaratam quasi vaginam sive sacculum aliquem oblongum coli sic induunt, ut per adjunctos duos satis longos funiculos, eundem vel super ventrem, vel & super inguina deligare, pro arbitrio valeant.

C A P V T VI.

De vincturis brachio aptis.

I. VINCTURA PRO OSSE HUMERI FRACTO.

HActenus de *capitis*, *colli* atque *trunci* vincturis tractavimus. Reliquum *Vinctura* est ut, qualiter vinciri partes corporis extremae, *brachia* nimirum at- *ossis humeri* que *pedes*, debeant, ostendamus. *Atque humeri quidem os ubi fractum est*, sequentia, *si deligandum est, facere conveniet*. Osse, quemadmodum decet, & supra pag. 201. expositum est, reposito, primum est, ut *pannus lineus*, *pal-* *ri fracti.* *mam* *latus* *spithamamque longus*, atque is quidem in quatuor capita utrinque fissus, (*vid. Tab. II. fig. 18.*) ex spiritu vini, vel vino calido, vel & oxycrato expressus, circum fracturam diligenter injiciatur, ut quatuor capita se invicem probe comprehendant. Eo facto, *fascia quaedam*, *sex ulna-* *rum longitudinem, circiter autem trium digitorum latitudinem habens, atque unum* modo *glomerem comprehendens*, in ipso loco fracto circum linteum adhibitum ter, & quam exactissime quidem, circumducitur. Deinde sensim ipsa per ductus spirales obtusos (*Dolores* Gallis) ad humerum ascendit, factoque sub ala lateris fani & circum praecordia ductu quodam (quem quidam etiam tamen omittunt,) ad os humeri laesum redit, & per similem lineam spiralem in brachio sensim rursus descendit, donec ad fractum locum redeat. Tum triplex rursus ductus circularis circa locum fractum instituitur; fascia vero subinde spiritu vini calido vel & oxycrato humectatur; quo nempe firmitus atque exactius, quidquid fractum fuit, contineatur. Dehinc fascia eadem ad cubitum per lineam spiralem sic progreditur, ut ductus tandem aliquis spiralis infra flexuram cubiti fiat; sed cubitus tamen inflexus sit ejusdemque caput, quod olecranon vulgo appellatur, liberum a fascia maneat: quo nempe firmitus vinctura haerescat, & cubitus facilius flecti queat. Mox, *quatuor spleniis*, sex vel octo digitos longis, binos autem in pueris, sed in adultis tres latis, secundum longitudinem ossis humeri ita, ut aequaliter a se invicem distent, super partem fractam impositis, sed ante tamen in vino calido, spiritu vini vel oxycrato tinctis, fascia denuo per ductus spirales a cubito ad usque partem fractam sursum procedit, factoque rursus circum illam ductu circulari triplici, ad humerum saepius memorata ratione ascendit. Si splenia haec decenter tecta sunt, & fasciae tamen aliqua pars super-

est,

est, ductus spirales descendentes, sed rariores tamen, sive insigniter ab invicem remoti, circum brachium fiunt ad praecedentia melius firmanda, *fasciae-que pars extrema implicata* per adhibitam aciculam firmatur. Tandem tres quatuorve *ferulae* sive laminae, eaedemque vel ex ligno leviori, ferrove albo aut orichalco tenuiori, vel quod usitatissimum hodie est, ex charta crassiori & compacta, confectae spithamaeque longitudinem, binorum autem vel trium vel quatuor digitorum latitudinem habentes, brachio fracto secundum longitudinem, fere ut praedicta splenia injiciuntur, (vid. Tab. XXXVIII. fig. 17. a a a) adhibitisque *tribus funiculis*, duos pedes vel ulnam circiter dimidiam longis, ita constringuntur, ut vinculum primum circa partem mediam, bina autem reliqua prope oram extremam utramque instituantur (a); ipsi denique *vinculorum nodi singuli super externo brachii latere existant*, ut tanto commodius & constringi, & si opus est, solvi rursus queant. Conf. Tab. XXXVIII. fig. 17. b b b.

Post deli-
gationem
quid fiat.

Deligatione hunc in modum absoluta, brachium, involutum *mitella*, quam *suspensorium* vulgo vocant, Gallis *Echarpe*, commodissime excipitur (b), atque sic inflectitur, ut manus scrobiculo fere cordis immineat. Si *obliqua est fractura*, paullo magis demittere brachium convenit; ut ipsum humeri pondus impediat, ne fragmentum inferius juxta superius altius, quam par est, assurgat; sed si fractura transversa, praestat mitella brevior. Debet autem mitella ista sive *habena suscipiendo brachio commoda*, sic parari. Mantile quoddam satis amplum atque molle, singulari modo complicatum quoad partem mediam cubito humeri fracti submittitur, brachioque inflexo atque a mantili comprehenso, cccc, utraeque partes extremae, circum collum injectae, super integri brachii humero in nodum constringuntur d. Si nobilioribus atque lautioribus personis curatio adhibenda est, tum ex panno serico nigro haec mitella sive habena conficitur. Chirurgorum aliqui humero fracto vinciendo loco unius longioris tres breviores fascias adhibent: quarum vel quaelibet duas ulnas habeat, aut, ut alii volunt, quarum prima unam cum dimidia; altera binas, tertia denique binas cum dimidia ulnas adaequant. Prima ductibus ascendentibus; altera descendentibus, tertia denique ductibus circum splenia atque ipsam humeri partem fractam faciendis, impenduntur; id quod satis commode quoque fieri potest. Nonnulli *ferulas ossi comprehendendo firmandoque destinatas statim super splenia imponunt ipsaque fascia tertia*, vel parte ultima longioris fasciae simul comprehendunt; id quod a scopo haud alienum est, at tamen perinde mihi videtur. Denique obiter hic monendum est, *vincituram primam*, siquidem decenter illa facta est, nisi casus aliquis improvisus contrarium facere postulat, *haud facile ante quartum vel quintum diem resolvi debet; altera*

(a) Sunt qui ferularum usum in fracturis rejiciunt, & splenia satis earum vicem praestare posse existimant, ut PETIT. Lib. de Morb. Oss. Tom. II. p. 34. quod saepe etiam sufficere posse intelligo. Attamen majoris roboris & securitatis causa plerique haecenus ferulas quoque adhibuerunt.

(b) Ita CELSUS jam docuit, Lib. VIII. Cap. 10. Usurpatur pro hoc scopo mantile in habenae sive fundae modum complicatum, & circa collum firmatum, cui brachium immittitur, sicut ex fig. 17. videre licet.

altera post octo demum dies innovatur ; tertia denique & quarta , nisi forte malum quoddam inopinatum acciderit , per duodecim vel & quatuordecim dies integros in brachio relinquitur , usque dum ossis fragmenta satis firmiter rursus invicem cohaerescant. Quod ipsum equidem fieri ut plurimum in hoc osse post quadraginta circiter ab incepta curatione dies , experientia teste , consuevit.

Vinctura tertium innovata , cubiti juncturam leniter identidem flectere expediet ; ne qua forte *anchylosis* , seu juncturae cubiti rigor aliquis , brachium sensim occupet. Si jam tum ejus vitii aliquid cubitus contraxit , longe optimum fuerit , ad restituendam movendi facultatem pristinam , unguentis , balneis , fomentisque emollientibus brachium subinde fovere , sed frequenter tamen simul idem distentare rursusque inflectere , quin & , si fractura jam glutinata est , pondus quoddam manu suscipiendum atque agitando per dies singulos aegro committere. Ita & egregie prodest , si partes ejusmodi in ventrem animalium recens mactatorum immittuntur ; quia hic vapor calidus , blandus , emolliens & resolvens ad hoc malum minuendum valde idoneus est. Quos enim Medicorum aliqui hunc in usum adhibere solent spiritus roborantes ii fere semper , quia adstringunt , alieni hic sunt , imo vero perniciosi.

Si prope humerum sive in collo hoc os fractum est , longe gravius aegri periclitantur , modoque proposita vinctura parum plerumque aut nihil proficit. Igitur tunc *spica simplex* adhiberi eo modo debet , quem ad claviculae fracturam supra commendavimus (Cap. IV. sect. I. §. 2.) , nisi quod pars humeri superior ductibus fasciae annularibus simul aliquot curatius sit circumdanda atque involvenda. Ita & fasciam octodecim capitum (vid. Tab. IX. fig. 4.) haud inepte ad hanc fracturam adhiberi posse PETITUS autor est , Lib. de Morb. Oss. Sed difficulter haec has partes fractas satis in situ continebit.

II. FASCIA PRO CUBITO FRACTO.

Si brachii pars inferior , sive cubitus est diffractus , tum ossibus , quemadmodum supra diximus (pag. 202 & 203.) , decenter repositis , sequens institui vinctura debebit. Ante omnia *linamentum* aliquod spithamam longum palmamque latum , utrinque fissum , sicut de humero fracto docuimus , & Tab. II. fig. 18. delineavimus , inque oxycrato vel spiritu vini tinctum , circa partem fractam capitibus diligenter circumductis imponitur. Eo facto , bina splenia crassa ulnaeque sive cubito ipsi quoad longitudinem fere aequalia , alterum interiori , exteriori lateri alterum , applicantur , supra datis ferulis vel ex ligno vel ex charta crassissima , eandem fere magnitudinem habentibus (a). Deinde fascia quaedam , ulnam unam cum dimidia quoad longitudinem , tres digitos quoad latitudinem adaequans , unumque glomerem comprehendens , circum splenia ferulasque ; aut si ferulas omittere consultum videtur , circa sola splenia sic injicitur , ut , binis ternisve ductibus circularibus circum locum fractum factis , sicut in humero fracto , sensim linea quadam spirali (*doloires*) ultra

(a) Nonnulli , ut PETITUS , ferulas has omittunt , easque haud necessarias esse judicant.

ultra cubitum ascendat: ubi denuo ductus quidam circulares ante fiunt, quam fasciae pars extrema firmetur. Tum alia fascia eodem, quo prima, loco circum brachium fractum volvitur, factisque rursus uno alterove ductu circulari, ductibus spiraliibus paullatim versus manum adducitur, exceptoque per quandam velut habenam pollice, ad carpum retrahitur, ibidemque, post unum alterumve ductum circulem denuo institutum fibula firmatur. Porro binae ferulae chartaceae crassiores, ipsi ulnae quoad longitudinem fere aequales, quoad latitudinem vero ita comparatae, ut universam prope vincturam comprehendant, & quo commodius adaptari brachio deligato queant, spiritu vini vel & oxycrato madefactae, altera supra exterius, altera super interius brachii inferioris latus adhibentur, injectaque fascia, binas ulnas longa fereque tres digitos lata sic vinciuntur, ut, ductibus aliquot circularibus circum partem mediam factis, fascia per ductus spirales primo ad cubiti flexuram ascendat, deinde vero rursus descendat, tandemque, ubi desinit, fibulam aut inde rursus futuram accipiat. Quanquam nihil magnopere obstat, quo minus adhiberi *pro fascia hac tres quatuorve funiculi breviores*, pro continendis ferulis queant, sicut in osse humeri fracto Tab. XXXVIII. fig. 17. b b b indicavimus. Similiter in Chirurgis haud desunt, qui brachio sic deligato adhuc una *ferula magna chartacea utuntur*; qua, velut canali quodam, brachium excipiunt, ut sic tanto melius in eo quiescat & glutinatio hoc ipso promoveatur (vid. hic canalis Tab. VIII. fig. 14. & applicatio ejus Tab. XXXVIII. e e.). Quibus ita jam confectis singulis, *mitella sive habena* collo adhibenda est, in qua brachium, ut antea diximus, continuo gestetur, donec sanescat, vid. eadem figura c c c c. *Cetera facienda sunt eadem*, quae de humeri osse fracto ejusdemque curatione proposuimus (§. 2. sq.). Sic enim *intra triginta plerumque dies cubitus* sive brachium inferius confractum *glutinatur*. Potest haec vinctura etiam fieri *una fascia uno capite convoluta*, quae quinque ulnas longa, & digitos tres lata. Si nihil mutare urget, prima deligatio per octo relinquatur dies, & postea ceterae simili fere temporis spatio iterentur.

III. PRO CARPO FRACTO.

*Vinctura
carpi fracti.*

Quoties in *carpo* aliquid confractum est, ossium fragmentis decenter, quantum fieri potest, in sedem suam repositis, (vid. pag. 203.) sequens vincturae modus adhibendus est. Fasciae, *quinque vel sex ulnas longae, binos vero digitos latae*, unoque glomere comprehensae principium, tribus ductibus circularibus factis, circum carpum vitiatum injicitur. Mox ipsa, pollicem inter atque indicem digitum transmissa, totidem ductibus denuo circum carpum & manum trahitur, ut in dorso manus, ad similitudinem litt. x, se invicem interfecent. Tum ductibus spiraliibus a carpo versus cubiti & tandem supra cubiti juncturam eadem ascendit; positisque tunc super internum externumque carpum binis spleniis, carpi latitudini respondentibus, ad usque manum rursus descendit, quo nempe accuratius splenia contineantur. Denique binae *ferulae chartaceae spleniis* injiciuntur fasciaeque parte reliqua exactissime involvuntur ac deligantur: brachium autem ab habena sive mitella &

ca-

canali susceptum, sicut fig. 17. indicat, gestatur. Possunt etiam ferulae mox spleniis superimponi, vel, si placet, omitti.

IV. PRO METACARPO.

Ubi vero *metacarpi ossibus confractis curatio adhibetur*, vincturam sic institui oportebit. Ossibus quantum fieri potest repositis (*vid. supra pag. 203.*) fascia similis ei, quam carpo mox destinavimus, tribus ductibus circularibus circum partem adflictam sive metacarpum ducitur. Mox pollicem inter atque indicem digitum trajecta carpum comprehendit, eoque facto per viam pristinam, sed ductibus tamen in formam litterae x positis, ad metacarpum redit. Id ipsum negotium fere ternis vicibus iteratur: deinde vero fascia circum metacarpum aliquoties ducta, per ductus spirales sensim ultra cubitum, ut §. III. diximus, ascendit, & inde rursus versus carpum descendit. *Tandem bina splenia*, alterum palmae, dorso manus alterum, una cum duabus ferulis chartaceis, manus figura conformatis, adhibentur (*vid. Tab. XXXVI. fig. 5.*) sollertissimeque per fasciae partem reliquam deligantur.

V. PRO LUXATO CUBITO.

Ad *cubitum luxatum* pristino vigori suo restituendum sequens utilis & com-
moda esse deligatio solet. Cubito, quemadmodum supra praescripsimus, (*pag. 252. §. IV.*) reposito, *linamentum aliquod utrinque fissum*, cubitoque involvendo accommodatum, vino denique, vel spiritu vini, vel & oxycrato madidum (*vid. Tab. II. fig. 18.*) cubiti flexurae accurate circumponitur. Tum fascia, quinque circiter ulnas longa, binos digitos lata unoque capite comprehensa, binis ductibus in orbem factis, supra flexuram cubiti injicitur, dehinc oblique intra cubiti juncturam descendit, simili prorsus ratione, ac fieri in venae sectionibus solet. Infra cubiti articulum similiter bini ductus circulares fiunt: deinceps autem fascia rursus per flexuram interiorem cubiti ascendit, ita ut cum priori ductu decussatio in litterae x figuram fiat; partemque brachii super cubito proximam semel atque iterum cingit, itaque vinculum aliquod, signo numeri octonarii (8) haud absimile constituit. His confectis brachium universum linamento quodam satis amplo inque spiritu vini calido vel oxycrato prius tincto, involvitur atque per fasciam ductibus spiralibus aut repentibus injectam rite firmatur. Quanquam Chirurgorum aliqui existiment linamentum istud amplum non usque adeo necessarium hic existere, sed feliciter satis cubitum luxatum sanescere, dummodo vinctura per fasciam, modo laudatis liquoribus humectatam lineisque spiralibus circum brachium tractam, instituatur; interea tamen ad tumores & inflammationes, ubi metuuntur, avertendas prodesse potest. Denique brachium ita deligatum mittellae sive mantili de collo suspensum per aliquot dies immittitur; sed identidem tamen cubitus, ne, prout evenire facile potest, indecenter rigescat, quam lenissime quamque providentissime fieri potest, flectitur ac dimovetur.

VI. PRO MANU VEL CARPO LUXATO.

Vinctura carpi luxati. Carpo luxato, facienda sunt sequentia. Ante omnia quidquid violenter dimotum est, facta prius conveniente extensione, ut supra p. 253. dictum est, reponitur. Eo facto, fascia quinque ulnas longa & binos digitos lata, tripliciter circum partem adfectam ducitur. Mox pollicem inter atque indicem digitum transmissa retroque, ad carpum inflexa denuo supra manum sic adducitur, ut pone pollicem lineas in crucem positas, sive figuram litterae x efficiat denuoque carpum cingat. Quibus equidem ductibus aliquoties iteratis, pila, manu exacte comprehendenda, ut nimirum aequaliter digiti singuli extendantur, aegro committitur, exactissimeque a fascia involvitur. Denique fasciae pars reliqua ductibus spiralibus ultra cubitum, ne facile tumor aut inflammatio incidat, promovetur ibidemque decenter firmatur.

VII. VINCTURA AD VENAM BRACHII SECTAM.

Vinctura ad venam in brachio incisam.

De vincturis brachii dum haecenus explicavimus, id quodque nobis datum existimamus esse, ut, qualem *post incisam venam, quod tam saepe fit, brachio adhiberi vincturam deceat, breviter ostendamus.* Fascia, huic fini commoda, in macilentis *ulnam minimum Parisinam*, vel, ut perfectior fiat, praesertim in obesioribus, *ulnam unam cum dimidia quoad longitudinem*, circiter binos autem vel tres digitos *quoad latitudinem comprehendat.* Vinciendi modus variis varius est, sed primarius, ut mihi saltem videtur, hic est. Spleniis quadratis, ut moris est, super plagam inflectam depressis, fascia supra cubitum sic injicitur, ut ejusdem pars prima circiter ad spithamae longitudinem supra & extra cubiti flexuram dependeat. Tum oblique ipsa introrsum super splenia flexurae imposita descendit, factoque infra cubiti flexuram circuitu, oblique rursus super eundem locum in formam litt. x. sic ascendit, ut integer circuitus vinculi cubito injecti figuram numeri 8, ductus vero fasciae super flexura positi, litteram x sive crucem aliquam repraesentent. Atque isti quidem circuitus, qui figuram numeri 8. efficiunt, brachio paululum inflexo, toties, minimum ter iterantur, quoties fere illud facere fasciae longitudo permittit. Finita autem fere fascia, partes extremae sive capita ejus nodo facto, supra cubitum in externo latere nodo constringuntur. vid. Tab. III. fig. 1. D. *Si funiculis spithamae longitudine instructae sunt partes extremae hujus fasciae, ut apud nonnullos in Germania haud inepte solent, tum & perquam commoda deligatio est, dum funiculi hi non nisi exiguum nodum relinquunt, & fascia non nisi unius ulnae Parisinae longitudinem postulat; modus vero eam injiciendi prorsus idem est.* 2. Multi primum extremum super cubito applicant, & ductibus aliquot circularibus firmant; inde oblique per flexuram cubiti descendunt, iisdemque ductibus splenia vulneri imposita comprehendunt, & finem tandem acicula figunt, vel acu, vel filo assuunt. 3. Alii initium fasciae mox spleniolis imponunt, & postea similes circuitus circa cubitum quatuor vel quinque faciunt, finemque tandem, ubi desinit, simili ratione firmant.

VIII. AD ARTERIAM BRACHII INCISAM.

Si qua autem forte Chirurgus, venam brachii incisurus, ex imprudentia *Vinctura aut casu arteriam ibidem laeserit*, sequentia opus erunt deligandi artificia. Postquam nimirum sanguis *ad usque animi defectionem profluxit*, (vid. pag. 425. §. II.) primo bina vel terna splenia, eaque satis crassa, quorum uni, ad majorem deligationis firmitatem *nummus insertus sit*, super vulnus arteriae inflic-
tum imponatur. Deinde fascia, quinque vel sex ulnas longa, binos autem digitos lata, unoque glomere vel capite comprehensa, bis vel ter primo supra cubitum circumducitur, eoque facto, perinde ac ad venae deligationem proposuimus (§. 10.) promovetur, sed ita tamen ut paullo fortius, quam ubi vena tantum incisa est, adstringatur. Institutis ad figuram 8 quinque vel sex ductibus, *splenium aliquod angustum atque oblongum a cubiti flexura fere ad alam usque, interiori brachii lateri sic applicatur*, ut arteriae brachiali primariae quam exactissime superincumbat. Tum *fascia per ductus spirales* eosdemque satis *adstrictos paullatim ad supremum usque humerum* promoveatur, quo nempe facilius sanguinis per istam arteriam fluxus vehemens cohibeatur. Dehinc ductus aliquis ab humero per alam brachii oppositi circum praecordia in modum quasi circuli obliqui instituitur, eoque absoluto, & fascia ad humerum brachii laesi rursus promota, ductibus spiralibus iisdemque prioribus contrariis deorsum versus circum brachium deducitur, sollertissimeque tandem, ubi desinit, firmatur. *Sin justae longitudinis fascia non statim ad manus fuerit, fascia brevior*, quae forte praesto est, opportune brachio injicere ministroque plagam & arteriam brachialem *digito comprimendam committere* praestat, quam per adhibitam in paranda fascia longiori moram justo diuturniorem, gravissimis aegrum ob profusionem sanguinis graviorem periculis exponere. Namque nihil omnino impedit, quo minus, post adhibitam fasciam hanc brevior, longior quoque fascia & iisdem quidem modis, quos jamjam descripsimus, una cum spleniis necessariis adhiberi brachio valeat. Deligationis negotio diligenter jam confecto, reliquum est, ut in habenam, de collo suspensam, eum fere in modum, qui Tab. XXXVIII. fig. 17. exhibetur, omisso *tamen canali* e e, brachium adflictum conjiciatur; aeger autem, ut quam diligentissime a commotionibus itemque a cibo & potu calefaciente sese abstineat, moneatur. Cetera enim eadem prorsus fiunt, quae superius suo loco sunt praescripta, pag. 425. Cap. XII.

IX. VINCTURA AD ANEURYSMA.

Neque vero ad ea tantum, quae per imprudentiam Chirurgi fiunt, sed ad quaecunque alia etiam arteriae brachialis in flexura cubiti vulnera, quin etiam ad aneurysmata, eademque cum graviora atque operationem Chirurgicam experta, tum minora etiam atque sanationem per vincturam recipientia, modo descriptum vincendi modum cum profectu adhibueris. Atque ad aneurysmata quidem minora, sine scalpello & machinis curanda, sequentes necessariae hic sunt observationes. Ante omnia tuberculum per admotum digitum sic de-

primitur, ut sanguis, in eodem comprehensus, in arteriam revertatur. Eo facto, emplastrum aliquod adstringens, super emplastrum autem splenium aliquod, aneurysmatis amplitudini accommodatum, cum nummulo aliove corpusculo duro intus comprehenso; huic denique splenio alia quaedam splenia majora minoribus imponuntur, eaque ratione, quam modo explicavimus, supra deligantur, & fasciae ita circumductae diu satis & continuo ita gestentur. Exemplum hujus sanationis HILDANUS proposuit *Centur. III. Obs. 43, 44.* Quodsi forte haec vinctura non sufficiat, *curatio eis machinis tentari potest*, quae P. II. Cap. XIII. describuntur, & Tab. XI. fig. 8. & 9. delineantur.

X. VINCTURA AD VENAM SECTAM IN MANU.

*Vinctura
ad venae
sect. in ma-
nu.*

Si qua forte in alterutra manu facta est sanguinis per venam detractio, vario modo deligari potest, & primo non idem solum, quem ad cubitum proposuimus (N. VII.), sed plane singularis quoque & is quidem commodior aut elegantior adhiberi vincturae modus poterit, si praesertim vena, quae salvatella vulgo vocatur, fuerit incisa. Nimirum, uno aut binis spleniolis decenter adhibitis, fascia, ulnam & quod excurrit, longa, sed nullis tamen funiculis instructa, binis ductibus circularibus circum carpum injicitur, indeque super dorsum manus promota digitum auricularem inter & annularem trajicitur; mox autem inter hunc & medium retro reflexa transversim ad litterae x similitudinem super splenium ad carpum adducitur, atque hic ductus circa digitum annularem & carpum ter repetitur, tandemque factis totidem ductibus circularibus circa carpum, quot eorum fieri per fasciae longitudinem possunt, gnaviter ibidem firmatur.

XI. VINCTURA AD MANVM ADVSTAM.

Postquam remedia idonea adhibita sunt, fascia sumi potest, quae quinque ulnas sit longa & pollicem vel digitos duos lata. Haec duobus ductibus circularibus circa carpum injicitur, hinc per volam manus ad digitum auricularem ducitur, qui primo per spirales ductus ascendentes totus involvitur, deinde vero per spirales descendentes ad radicem ejus & inde ad digitum auricularem progressus fit, quo eadem ratione involuto, ad digitum medium ac postea ad indicem (vid. fig. 18. a, b, c, d) itur, postea quidem circuitus fiunt circa metacarpum, inter pollicem & indicem, e e e, atque metacarpo ita involuto, procedendum ad pollicem, ut eodem, ut ceteri digiti, modo comprehendatur f; denique & inferior metacarpi pars spiralibus ductibus obducitur, g g g, & tandem fascia circa carpum h, ubi incepit, per circulares finitur; & quoniam manum ad instar chirothecae cingit, *chirotheca*, Gallis *le Gantelet*, appellari solet. Impedit haec fascia simul, ne digiti indecore & p. n. aut inter se, aut cum manu ipsa concrecant, quemadmodum factum esse ex imprudentia Chirurgorum aliquoties observavi. Si linteolum cuivis digitorum interstitio interjicitur, unguento vel oleo contra ambusta madido, etiam alia ampliori fascia digiti & manus involvi apte possunt.

XII.

XII. VINCTURA AD POLLICIS FRACTURAM.

Pollicis manus fractura sequentem postulat vincturam. Decenter reposito, quemadmodum supra praescriptum est, (vid. pag. 204. §. XI.) osse diffracto, *fascia pollicem lata, ulnam autem cum dimidia, vel & binas ulnas longa eademque in unicum glomerem convoluta, factis binis in carpo ductibus circularibus*, ad partem fractam promovetur; qua equidem triplici ductu circulari comprehensa, cum vel sine interjectis duobus spleniolis binae lamellae sive ferulae chartae crassioris digitique circiter latitudinem habentes, altera super interius, altera super exterius pollicis latus injiciuntur binisque vel ternis etiam fasciae circuitibus deligantur. Denique fascia ad carpum reducitur, ibidemque, post aliquot fasciae ductus denuo institutos, diligenter firmatur.

Vinctura ad pollicis fracturam.

Si pollicis articulus uterque fractus est, tum simili prorsus, ut antea, modo vinctura instituitur; sed ita tamen, ut super utraque fractura seorsim vinctura repetatur, atque lamellae chartaceae super utrumque articulum extendantur, fasciaeque postea includantur.

Si pollicis articulus uterque fractus est.

XIII. VINCTURA AD DIGITVM FRACTVM.

Porro si *digitus aliquis fractus est*, tum itidem vinctura modo praescripta circa locum fractum adhibetur; nisi quod, ad firmitus continendum digitum vitiatum, digitus postea integer propinquus simul cum eodem a fascia comprehendatur, atque sic simul colligantur, qui sanus digitus fracto pro fulcro quasi servit, ut facilius conservescere possit, donec rursus glutinatus sit.

Vinctura digiti fracti.

XIV. AD PLVRES DIGITOS FRACTOS.

Quod si autem *uno plures digiti simul diffracti sunt*, ossibus fractis in ordinem redactis, fascia, tres ulnas longa binosque digitos lata, primo circum carpum, gemino ductu circulari facto, injicitur. Dehinc, super manus dorsum ad digitos vitiatos promota, sic circum eos omnes involvitur, ut nihil neque inaequale, neque nudum reliquum sit. Tum lamina quaedam conveniens e charta crassa, qualis Tab. XXXVI. fig. 5. indicatur, perinde scilicet, ac de metacarpo praecepimus, (N. IV.) palmae subjicitur, exactissimeque per injectam fasciam intra manum firmatur. Quanquam loco hujus aliis fatius videatur, ut paullulum inflexos continere digitos liceat, pilam aut glomerem aliquem aegrae manui committere, eoque facto, vincula praedicta ratione ad eum continendum superinducere. Sed quoque tandem modo digiti comprehensi sint, fascia reduci tandem semper a digitis ad carpum debebit, ibidemque firmari; ipsa denique manus in habena sive mitella a collo suspensa continuo gestari, donec ossa glutinata sint.

Si digiti plures fracti sunt.

XV. VINCTURA AD DIGITOS LUXATOS, CHIRO- THECA DIMIDIA DICTA.

*Vinctura
ad digitos
luxatos.*

Digitos equidem *luxatos* per se ut plurimum sanescere, dummodo ipsi vel leviter solum extendantur, quotidianus rerum usus loquitur, ita ut fascia vix indigeant. Interim ubi vel mali vetustas, vel singularis debilitas juncturae, vel & quaecunque alia ratio vincturam aliquam digitis luxatis adhibendam suaserit, sequentia fieri oportebit. Fascia, ulnam unam & dimidiam longa, digitumque vel pollicem lata, similiter, ut ad digitos fractos commendavimus, binis ductibus circularibus circum carpum injicitur: inde super dorsum manus versus digitum luxatum attrahitur; circa juncturam luxatam circumducitur, eaque ductu in crucem posito accurate comprehensa, ad carpum rursus fascia adducitur, eodemque negotio tertia vice repetito, circum carpum illa tandem, ubi finis ejus est, firmatur. Si *digiti complures una luxati sunt*, ductibus circa unum factis, singuli similiter deligandi sunt. Sed fascia tunc duplo fere longior requiritur, atque sic dimidiam quasi chirothecam repraesentat, atque Gallis vincturae genus hoc *le demi Gantelet*, *dimidia chirotheca*, communiter appellatur; quia solum manus fascia hac contegitur sive involvitur, sed non digiti, qui nudi manent.

XVI. VINCTURA AD DIGITOS MVTILATOS.

*Vinctura
ad digitos
mutilatos.*

Porro quoties *digiti portio* aliqua vel forte fortuna *rescissa est*, vel & *rescindi* propter gangraenam, *sphacelum*, aut *cariem similemque noxam* aliam debuit, post adhibita vulneri medicamenta convenientia sic fere deligari plagam oportet, quemadmodum supra de pene praecepimus. Namque primo post linamenta carpta emplastrum & splenium crucis Melitensis figuram habentia (*vid. Tab. II. fig. e*) rite applicantur: deinde *fascia quartam ulnae partem*, uniusque digiti aut pollicis latitudinem continens, cujus figura *Tab. II. litt. e*, videri potest, quam diligentissime circum digitum injicitur, eaque medicamenta firmanentur.

XVII. VINCTURA AD MANVM VEL CVBITVM ABSCISSVM.

*Vinctura
ad manum
vel cubi-
tum abscis-
sum.*

Manu vel & *cubito rescisso*, medicamentis, linamentis, emplastris, spleniis atque ceteris rebus vulneri rite accommodatis (*vid supra pag. 498. §. VIII.*) hanc superinjicere vincturam decebit. *Fascia, quinque vel sex ulnas longa, tres autem digitos lata inque duplicem glomerem convoluta, ad palmae circiter amplitudinem supra partem mutilatam posito loco*, *vid. Tab. XXXVIII. fig. 19. c*, sic adhibetur, ut tribus vel quatuor ductibus circularibus ibidem institutis, quam exactissime id, quod supra vulnus datum est a, firmetur. *Dehinc glomerum alteruter super truncatam partem a loco c per d sic inducitur, ut ejusdem habena in adverso membri latere ab alterius glomeris habena circa truncum in loco c, circumducta satis comprehendi valeat.* *Eo facto, glo-*
mer

mer primus, retro & oblique quidem reflexus, truncum extremum C, de-
nuo comprehendit atque ad eum locum redit, unde venerat, sicut hoc jam
supra in capitali capitis & claviculae docuimus. *Id ipsum vinciendi negotium
saepius & tam diu repetitur*, donec membrum truncatum una cum spleniis su-
perimpositis satis accurate tectum & firmatum esse deprehendatur. Namque
tum capitis alterius & quidem brevioris pars extrema ab alterius & longioris
capitis ductibus spirabilibus sursum deorsumque eundo firmiter comprehendi-
tur; capitis autem posterioris pars extrema per defixas aciculas vel futuram
rite firmatur. *Oportet autem quam exactissime semper fasciam hic adstringere*,
quo & *firmius medicamenta circum partem truncatam haerescant*, & *facilius san-*
guis, propter compressas venas, *conquiescat*. Singulis rite jam confectis,
super lectulo aeger deponitur, parte truncata submisso pulvillo sursum elevata, &
deinde per admotam administri manum, ut promptius ac certius sanguis cohi-
beatur, *gnaviter aliquamdiu compressa*, donec metus profusionis sanguinis
praeteriit. Fascia ante tertiam diem, si nihil urget, non resolvitur, & si
resolvitur, blande hoc fiat, & nihil, nisi quod sponte aut facile recedit,
avellatur. Denique ubi surgendi facultatem aeger recipit, habenae de collo
suspensae, (vid. fig. 17. cc,) id quod truncatum est, immittitur, donec
vulnus omnino glutinatum sit.

XVIII. VINCTURA AD BRACHIVM SIVE HVMERV M AMPVTATVM.

Si supra cubitum rescissum brachium est, tum, probe a filo comprehensis ar- *Vinctura*
teriis, deligatio iisdem prorsus, quos jamjam explicavimus, modis perfici- *ad bra-*
tur; nisi quod longior, eademque sex circiter ulnas comprehendens, fascia hic *chium su-*
requiratur, & in latere interno brachii arteriae majori splenium longum, an- *perius.*
gustum, sed tamen crassum, imponatur, illudque fascia simul probe invol-
vatur. Si qua autem forte, quemadmodum saepissime accidit, prope ipsum hu-
merum truncatum brachium est, fereque non nisi binos, ternos, vel quaternos digi-
tos latos longa pars ejusdem reliqua est, tum, vasis sanguiferis filis probe deli-
gatis ac constrictis, necessarium utique est, octo ulnarum fasciam, ternosque
vel quaternos digitos latam, sic applicare, ut iste glomer, qui reflecti alias
super truncatam partem solet, circum praecordia, subter ala integra transeat,
subindeque ad truncatum membrum redeat, illudque probe comprehendat.
Namque alias vinctura non satis firmiter haerescit, sed facile ab humero decideret.
Ceterum si nimis exigua brachii portio superstes est, commodissimum utique
videtur, eandem deligandi rationem adhibuisse, quam ad abscissum humerum in
ipso cum scapula articulo jamjam proponere instituimus.

XIX. VINCTURA AD HVMERV M IN ARTICVLO EXCISVM.

Nimirum si ipsa humeri commissura perrupta, atque ita brachium a scapula *Vinctura*
resectum est, tum, diligenter confectis iis, quae ad fovendam plagam supra *ad hume-*
Pars II. Hhhhhhh *rum exci-*
com- *sum.*

commendavimus, (vid. pag. 513. §. VIII.) sequentem in modum deligare membrum truncatum oportebit. *Fascia decem vel duodecim ulnas Parisinas longa, quatuor digitos lata, inque unicum glomerem involuta, subter alam integram applicatur, diligenterque a ministro quodam digitis admotis continetur. Hinc super pectus transversum ad humerum excisum promovetur. Quo equidem superato super dorsum ad axillam sanam reducitur. Tum idem ductus iterum instituitur: eoque absoluto, fascia, subter axillam integram a tergo producta, statim retro super humerum ita reflectitur, ut, dorso humeroque truncato superatis, circum praecordia sub axillam sanam denuo trahatur. Mox, comprehenso humero resecto, super praecordia ad humerum adflictum ipsa sic reducitur, ut lineis in crucem sive litterae x figuram positis fasciae ductus invicem trajecti compareant.* Quibus ductibus aliquoties repetitis, fasciae pars reliqua ductibus circularibus circa pectus & locum mutilatum ad firmiter comprehendenda ea omnia, quae vulneri superimposita sunt, impenditur gnaviterque per adhibitae aciculas aut futuras variis in locis firmatur. Haec vinctura *spica descendens* a GARENGEOT. Operat. Tom. II. p. 380. vocatur.

C A P V T VII.

De vincturis, quae fieri in pedibus solent.

I. V I N C T V R A A D F E M V R F R A C T V M.

*Vinctura
ad femur
fractum.*

DE vincturis, pedi adhiberi solitis, exposituri primo loco de femoris, deinceps autem de reliquarum pedis partium vincturis exponere suscipimus. Atque ad *femoris* quidem fracti *vincturas* quod attinet, eae pro vario fracturae loco, itemque pro varia ejusdem conditione, utique solent esse variae. *Interdum enim ossis femoris collum; interdum autem collo inferior quaedam ejus pars, vel in superiori, vel media, vel inferiori parte diffringitur. Si qua forte infra collum femur fractum est, vel transversa fractura est, vel obliqua.* Casibus singulis singularia adhibenda sunt deligationis artificia atque observationes. Enim vero si qua forte pars infra collum, eaque vel *media vel inferior etiam genuque propinqua fracta est*, diligenter confectis iis, quae superius ad os hoc fractum restituendum praescripta sunt, (vid. pag. 205.) ternas adhibere fascias oportebit: quarum binis quatuor, tertiae vero trium ulnarum longitudo; singulis autem trium, vel &, pro re nata, quatuor digitorum latitudo tribuenda est. Similiter singulae unico tantum glomere comprehenduntur. Sed ante tamen quam fasciae applicentur, primo linamentum simplex in quatuor capita fissum, ut in Tab. II. fig. 18. idemque vel vino calido, spiritu vini, vel & oxycrato madidum, circum partem fractam sic involvitur, ut capita decussatim sibi invicem superimponantur: tum splenium aliquod crassum, & exceptis extremis, femori quoad longitudinem propemodum aequale, ipsiusque ossis nativae cavitati posteriori explendae aptum secundum longitudinem femori subjicitur; ne scilicet sine hoc iusto magis directum

rectum atque longum per adhibitam vincturam illud efficiatur. His confectis, femur ab administris duobus tam circa superiorem, quam inferiorem partem gnauiter elevatur; vinctura autem a Chirurgo sequentem in modum perficitur. Fractus & rursus restitutus locus primo per *admotam trium ulnarum fasciam*, tribus ductibus circularibus hisdemque paullo strictioribus institutis, comprehenditur, sicut de fracto brachio supra dictum est. (*vid. Cap. VI. §. I.*) Dehinc fascia per ductus spirales paullatim versus inguina promouetur, ibidemque post aliquot ductus circulares firmatur. Tum altera, eademque quatuor ulnas longa, fascia eodem, quo prima, loco applicatur, absolutisque denuo tribus ductibus circularibus, sed prioribus tamen contrariis, inde autem, *splenio satis crasso per certos gradus rite complicatum (a)*, circum inferiorem eandemque tenuiorem femoris partem, ut eandem ipsa cum superiore crassitiem nanciscatur, injecto, per ductus spirales descendentes deorsum ad genu ducitur, factisque infra idem ductibus aliquot circularibus firmatur. Ad quod equidem negotium feliciter instituendum haec utique necessaria est observatio, ut nimirum *longe strictiores fasciae ductus* fiant, *si obliqua est fractura*, quam si plane fuerit transversa. Porro quatuor splenia, spithamam vel pedem longa, circiterque tres digitos lata, secundum longitudinem in anteriori, posteriori & lateralibus partibus femori, sicut in brachii fractura dictum est, adaptantur. Circum haec fascia tertia, eaque itidem quatuor ulnas longa, sic injicitur, ut primo, ductibus aliquot circularibus factis, circum fracturam ducatur; deinde per lineam spiralem, circum circa factam, sursum adducatur; denique vero simili ratione deorsum trahatur, donec splenia probe ab ea comprehensa & involuta sint, diligentissimeque eo loco, quo desinit, firmetur (*b*). Tandem universum femur vel quatuor angustioribus vel *binis ferulis majoribus*, ex ligno aut charta crassissima paratis, vinoque calido vel oxycrato prius madefactis, quantum quidem fieri potest, ab interiori & exteriori parte exactissime comprehenditur; ipsum autem involucrem hoc *tribus vel quatuor funiculis* idoneis circuminjectis deligatur: perinde scilicet ac de brachio supra scripsimus. *Cap. VI. §. I. (conf. Tab. XXXVIII. fig. 17. aaa, bbb.)*

Confecto his rationibus vincturae negotio proximum est, ut de conveniente *femoris positura* Chirurgus prospiciat. Commodissimum huic fini videtur *capsula sive involucrem aliquod lineum, binisque bacillis cylindricis, stramine obductis, instructum*, quod nonnulli *lectulum stramineum*, Galli *Fanons*, Germani *Strolade* nuncupant. (*vid. Tab. IX. fig. 5.*) Circa quod tamen ea necessaria cautio videtur, ne baculis A A A A. utrisque eadem *in femoris fractura longitudo* tribuatur, qualis in *tibia vel crure fracto ipsi datur*, cui haec figura 5. accommodata & propria est. Debet enim is, qui ad *latus cruris interius applicatur*, ejus *esse magnitudinis*, ut a *malleolo interno ad inguen* pertingat. Contra vero exterior ita longus, ut *coxam sive os ileum paullo superet*, vel etiam, si-
cut

(a) Vid. Tab. IX. fig. 1. Galli hoc splenium appellant *compresse graduée*.

(b) Fractum femur loco trium illarum fasciarum, sive cum aut sine vulnere sit, aptissime fascia octodecim capitibus praedita deligari potest, quo fit ut in nova deligatione femur elevare non sit opus.

cut nonnulli volunt, ita existat, ut super universum corporis latus illud, quod pedis malleolum externum *inter & axillam comprehensum est*, sese extendat atque ita quam exactissime femur adflictum contineat distentetque. Si qua enim forte justo breviores baculi existunt, si praesertim oblique fractum femur est, utique periculum esse solet, ne justo brevior idem pes evadat claudicandique necessitatem aliquam aegro conciliet (a). *Pede his rationibus atque ita diligenter extenso, ut pollex pedis vel eandem cum patella lineam rectam teneat, vel & aliquantisper extrorsum versus positus sit*, quidquid spatii infra furas juxta malleolos, sub poplite atque alibi reliquum est, linamentis inordinate convolutis, vel & stuppae manipulis sollertissime adimpletur. Chirurgorum aliqui *tibiam nunc splenis amplissimis contegunt*, quo nempe accuratius involucrum haerescat, neque pes molestiae quidquam ab injiciendis funiculis sive vinculis sentiat. Contra vero alii frustra id ipsum fieri existimant. Solent autem septeni ut plurimum pro lectulo hoc sive capsula straminea circum pedem integrum una cum femore deligando, funiculi, trium circiter pedum longitudine, adhiberi: terni scilicet in tibia; vid. Tab. XXXVIII. fig. 20. a b c. terni in femore, septimus denique isque longissimus in ipso ventre. Quamquam satius utique nonnullis videtur, pro funiculo septimo sive superiori mantile quoddam pro eo firmando circum ventrem injicere. Similiter circa horum funiculorum applicationem haec adhuc necessaria esse observatio, ut non tantummodo ante semper lectulo sive capsula ipsi submittantur, quam pes in eodem deponatur; ne scilicet hic cum periculo dimoveri subinde debeat; sed etiam ut medius funiculus ex tribus semper prius, quam bini extremi constringatur; & denique ut nodi semper in externo capsulae hujus stramineae latere, quia commodius hic accedere possumus, instituantur. Plantae pedis solea quaedam ex asserculo vel & lamina quaedam chartacea crassa, ad pedis similitudinem fabricata, (vid. Tab. IX. fig. 6. 7.) subjicitur, connexisque tribus funiculis a a a sic deligatur, ut bini illi, qui utrinque adjuncti sunt, in formam litterae x, invicem trajecti circa genu vel furas (vid. Tab. XXXVIII. fig. 20. e, f) ad involucrum per aciculas infixas firmentur, tertius vero idemque superior g, quo loco aptissimum videtur itidem capsulae stramineae funiculis ejus jungatur. Sic enim quam commodissime contineri pes in situ suo naturali poterit, nec prout accidere nonnunquam solet, homo adflictus, curatione absoluta, calcaneo insistendi facultatem naturalem perdet. Neque vero alienum hic fuerit, ne duriter a solea pedis planta prematur, splenio quodam convenienti solcam hanc induere. (vid. Tab. IX. fig. 7.) Similiter habena sive annulus, e molliori linteo confectus (vid. fig. 8. litt. a) calcaneo submittitur, funiculisque b b circa tarsum injectis firmatur; ne, sicut fieri communiter solet, inflammatio quaedam a diuturna extremi calcanei in lectum subjectum depressione suboriatur. Quandoquidem vero ne sic quidem calcaneum a molestia ac periculo omni tutum praestatur, dum inferior tendinis Achillis pars plerumque tandem ab annulo isto premitur, commodius

(a) PETITUS contra vult, ut haec pars hujus machinae sive lectuli straminei non supra supramam ossis ilei oram ascendat, hancque longitudinem, si cetera rite fiant, sufficere: quae de re ipse conferri uberius potest, Lib. de Ossib. pag. 163. & 165.

dus subinde videtur, *fasciam aliquam praelongam atque amplam, binis glomeribus ita comprehensam, ut circiter pollicem ampla inter utrumque glomerem, diligenter utrinque firmatum vel consutum, habena evoluta sit, (vid. fig. 21. Tab. XXXVIII.) ita calcaneo substernere, ut, malleolis super glomeres utrinque positos a a, sustentatis, calcaneum una cum Achillis tendine factum atque integrum persistat, sicuti supra jam Cap. de femore fracto dictum est. Denique ubi hic quoque situs tandem molestus esse incipit, ut haud raro contingit, haud alienum fuerit, identidem linteum aliquod satis magnum, idque mollissimum, leviterque in globum convolutum calcaneo submittere. Quibus singulis quam diligentissime ita confectis reliquum est, ut & femori & pedi pulvillus mollissimus substernatur; sed ita tamen, ut depressior femoris, quam pedis situs sit, ne facile tumor in extremo pede oriatur. Quidam ex Chirurgis afferculum aequalem ubique & laevigatum praeterea subter pulvillos deponunt, quo pes universus a calcaneo ad coxas usque in situ suo naturali atque recto tanto melius servetur. Denique ut in neutrum latus recedere aut declinare pes valeat, necessarium utique videtur, funiculis vineulo tibiae medio utrinque injectis, atque clavorum, in utroque lecti sive cubilis latere defixorum, subsidio firmatis, quam exactissime pedem continere, insimul vero pannos lineos maximos & cylindrorum forma convolutos, qualibus in lectis uti vulgo solemus ad utrumque pedis latus deponere. Quod ipsum equidem ut in femoris vel & tibiae fracturis omnibus rite observetur, ipsa noxae conditio postulat. Tandem quaedam quasi fornix vel ex aliquot annulis ligneis dimidiis, qualibus ad dolia continenda utimur, prout SCULTEUS Tab. LVI. designavit (a), vel & ex tympani, modiove lignei lamina curva dimidia super pede fracto construatur, pro sustinendo lecti tegumento superimposito; ne graviter id partem aegram comprimatur, aut pedem e situ naturali expellat. Ceteras, quae ad commodam aegri hominis posituram pertinent, observationes supra jam tum explicatas dedimus, Cap. de femore fracto, pag. 204. & seqq.*

II. VINCTURA AD FEMUR OBLIQUE FRACTVM.

Si oblique diffractum femur est, tum & magis adstrictam deligationem adhibere, *Vinctura* & sollicitiorem continendo femori operam impendere & aeger & Chirurgus ^{ad femur oblique fractum.} debet. Igitur vel ea, quae supra jam tum hunc in finem praecepimus, (vid. pag. 208. §. VIII.) vel & sequentia fieri oportebit. *Inter femora* pannus lineus *amplissimus* sive mantile praelongum sic injicitur, ut altera pars super inguen, altera subter clunem lateris integri sursum versus procedat, utraque autem firmiter clavis, in cubili defixis, inhaerescat; & altera quidem in dextro latere, altera in sinistro: ne facile descendere paulatim corpus aegrum valeat. Similiter supra genu vinculum aliquod validum injicitur, clavoque in ima cubilis parte defixo firmatur, ne scilicet sursum versus adduci pes vitatus queat. Ne qua autem forte molestia ab adhibitis vinculis proveniat, consultum utique videtur, subinde locum ipsorum commutare. Atque ad vinculum quidem superius quod attinet, habenam, quae in dextro latere ali-

(a) In Armamentar. Chirurg. Edit. in 4. anni 1666.

aliquamdiu haesit, sinistro lateri applicasse convenit; & contra. Loco vinculi autem supra genu injecti, aliud supra malleolos adhiberi, & illud deinde tolli debet. *Utrumque denuo variari*, si necessarium videtur, decebit; donec scilicet satis jam confirmatum esse femur fractum deprehendatur. Postremo haud abs re Chirurgus fecerit, *si truncum ligneum minutum, linteoque splenio involutum*, in imo cubili *subter pede sano firmaverit*, quo *nixus aeger*, gnaviter extenso pede isto sano, non firmiter modo sustinere, sed sursum quoque, si forte paullulum descenderit, reducere corpus suum valeat. Quanquam haec regula non ad obliquas tantum, sed ad transversas quoque femoris fracturas feliciter sanandas insigniter proficiat.

*Vinctura
quomodo in-
novari de-
beat.*

Sicubi decenter facta esse vinctura intelligitur; *si item nihil mali supervenit*, quod aliter facere Chirurghum cogit, ante octavum vel & decimum quartum diem neutiquam resolvi ea debebit. Si qua autem forte iusto vel adstrictior, vel laxior eadem deprehendatur, si item casus aliquis improvisus vincturae resolutionem aliquam postulaverit; necessarium utique est, fasciis superinjectis, sed quam providissime tamen, resolutis, vincturam decenter innovare. Similiter vincturam alteram itemque tertiam ante decimum quartum diem resolvere minus consultum est. Atque tertiam vel quartam relinquere in femore ad plenam usque glutinationem decebit: siquidem ante sextam a fractura septimanam raro coalescere amplissimi ossis hujus fragmenta consueverunt. Quin &, ubi vel aetate grandior, vel & mali habitus aeger est, post octavam, nonam vel decimam demum septimanam glutinatio perficitur. Quantumvis autem feliciter absoluta esse glutinatio persentiscitur, quam maxime tamen necessaria cautio est, ne proximo post confectam curationem tempore absque scipionibus, imo fulcimentis subalaribus aeger ingrediatur; siquidem alias periculum est, ne recens glutinatum os denuo confringatur.

III. VINCTURA AD COLLUM FEMORIS FRACTVM.

*Vinctura
ad collum
femoris
fractum.*

Quoties ipsum femoris collum fractum est, eam vincturae speciem adhibuisse decebit, quam sub spicae inguinalis simplicis titulo supra descripsimus; (vid. Cap. V. §. 8. & Tab. XXXVIII. fig. 16.) sed ea tamen lege, ut fascia quatuor vel quinque ulnarum longitudinem, trium autem vel quatuor digitorum latitudinem habeat; deinde ut partem fractam, quantum fieri potest, firmissime comprehendat fortissimeque deorsum versus contineat, quia alias musculi hic robustissimi hoc os facillime sursum trahunt, atque sic glutinationem cum capite femoris impediunt; quo ipso pes brevior & claudus fit. Denique aliquot ductibus circularibus circum femur institutis, fibula vel futura firmetur, pesque praedicto modo (N. I.) in lectulum stramineum supra descriptum immittatur. Inprimis autem admonendus aeger est, ut strenue semper conquiescat. Reliqua eodem fieri modo debent, quem supra pag. 208. & mox supra §. I & II. commendavimus.

IV. AD FEMVR LVXATVM LIGATVRA.

*Vinctura
ad femur
luxatum.*

Femoris equidem luxationem contra, quam vulgo creditum huc usque est, ra-

raro admodum esse *ab externa violentia*; nonnunquam autem & frequentius *ab interno vitio quodam*, humore scilicet abundante ac vitioso circa femoris & coxae juncturam collecto, nasci, supra jam tum indicavimus, (vid. pag. 255. Cap. de femore luxato) ubi saepius fracturam colli femoris pro luxatione habitam esse docuimus. Quandoquidem autem ut plurimum *difficiliter admodum dispelli humor iste noxius*, qui & femoris caput ex acetabulo sive naturali sede sua, sensim expulit, & insigniter ligamenta debilitavit, solet; mirum non est, homines, eo vitio laborantes, raro admodum sine claudicatione convalescere. Interim ut ne dubium curationis negotium profus intentatum relinquamus, nihil abs re fecerimus, ubi, si luxatio revera a causa externa adest, restituto, quantum quidem fieri potuit, osse, sequentem homini adfecto curationem adhibuerimus. Ante omnia Chirurgus femoris juncturam vitiatam splenium aliquod, vino calido vel & oxycrato diligenter humectatum involvat. Tum ea femoris deligatio fiat, quae supra sub *spicae inguinalis* nomine proposita est. (Cap. V. §. 8. & Tab. XXVIII. fig. 16.) Denique aeger strenue minimum per mensem integrum conquiescere in lectulo suo jubetur, donec nimirum satis firmiter rursus in acetabulo haerescere femoris caput deprehendatur. Si forte ab indecenter atque minus naturaliter laxatis ligamentis natum vitium est, oportebit aliquoties per dies singulos fomentis, ex spiritu vini valentissimo, spiritu matricali, rosmarini, lavendulae aliove simili spiritu roborante paratis, aegram partem excipere, vel identidem infellibus sive balneis ac vaporibus confortantibus fovere, vel & continuo emplastris roborantibus idoneis eandem contegere.

V. VINCTURA AD PATELLAE FRACTURAM DIRECTAM.

Patellas nunc directas, nunc transversas frangi, supra jam declaravimus. (vid. pag. 211.) Si directa vel ad lineam facta est, deligationis modus aptissimus hic mihi videtur. Fragmentis per utrinque admotas manus gnaviter compulsi, splenioque satis crasso sub poplite, ne graviter a fasciis tendines ibi siti afficiantur, applicato, fascia quaedam uniens, (vid. Tab. II. fig. f.) tres ulnas longa, binos autem vel ternos digitos lata, mediaque parte circiter ad tres digitos, secundum longitudinem, perforata, & binis glomeribus comprehensa, simili fere modo applicatur, ac de frontis vulneribus oblongis supra diximus. (Cap. II. §. V. & Tab. XXVII. fig. 3.) Scilicet fasciae pars media eademque perforata super patella deponitur. Deinde glomus alteruter, circum poplitem ductus, per foramen illud trajicitur, eoque facto glomus uterque gnaviter utraque manu adducitur, riteque comprehensis patellae fragmentis circum genu atque poplitem injicitur. Hinc modo infra, modo supra genu fasciae pars utraque promovetur, tandemque factis, quot fieri per ejusdem longitudinem possunt, ejusmodi ductibus, diligentissime firmatur. Interim quam curiosissime semper num satis etiam patellae fragmenta invicem juncta sint, circumspicitur atque per admotos digitos exploratur. Quibus rite jam confectis singulis super patellam splenium, sub poplite vero ferula chartacea valida, sed ante tamen vino calido gnaviter humefacta, per injectam.

*Vinctura
ad patellae
fracturam
directam.*

jectam binarum ternarumve *ulnarum fasciam ductibus spiralibus deligantur*; ut nimirum & directum semper extensumque donec glutinata sit, genu sit, & aequalem calum acquirat. Denique *lectulus stramineus*, praecedenti longe minor, qualis scilicet Tab. IX. fig. 5. exhibetur, debita ratione, sicut Tab. XXXVIII. fig. 20. ostenditur, tribus vel quatuor funiculis circum crus deligatur.

VI. VINCTURA AD PATELLAE FRACTURAM TRANSVERSAM.

Vinctura ad fracturam patellae transversam.

1. Modus.

Ubi vero, quemadmodum accidere frequentius solet, *transversim confRACTa patella est*; tum, extenso prius pede, diligenter cum a superiori, tum ab inferiori parte rursus compulsis atque restitutis ejusdem fragmentis *emplastrisque probe munitis*, (vid. supra pag. 212. §. IV. splenioque crasso sub poplite posito, ut antea per adhibitam fasciam, *tres quatuorve ulnas longam totidemque digitos latam*, duplicis generis vinctura in genu institui poterit. Vel enim (1) *glomerare duplici fasciâ comprehenditur*: atque tum ipsa, proxime supra genu deposita, vid. Tab. XXXVIII. fig. 22. a, primo *circum femur ductu circulari* d, mox sub poplite transversim, *mutatis ibi duobus fasciae capitibus*, sic ducitur, ut *glomeres utrique ad anteriorem tibiae partem c c*, sub patella & genu e rursus perveniant. Namque tum proxime infra patellam habenae, invicem permutatae, circum tibiam ad poplitum retrahuntur, atque hoc ipso inferiorem patellae partem ad superiorem egregie compellunt. Inibi denuo sic trajiciuntur, ut, proximo supra genu loco d, super imo femore, iterum permutatae, ad poplitum redeant, eoque ipso superiorem patellae partem ad inferiorem adigant. Ipsi ductus illi, tam a superiori, quam inferiori patellae parte instituti, ad usque fasciae finem quam diligentissime iterantur; sed maxima tamen simul adhibita cura, ut patellae fragmenta exacte sic iterum & compellantur & retineantur.

2. Modus.

Vel 2) in unicum glomerem fasciâ convolvitur, fereque sequentem in modum applicatur. Principium ejus, compulsis prius fragmentis, proxime supra genu, sive patella a, applicatur, factisque circum femur b, ductibus aliquot circularibus d, pro principio fasciae probe firmando, oblique sub poplite fasciâ ad supremam cruris sive tibiae partem transmittitur. Ductu circulari circum supremam patellaeque proximam tibiae partem instituto e, fasciâ denuo sub poplite oblique ad femoris partem patellae propinquam d, promovetur. Id ipsum deligandi negotium, qua diximus ratione, tamdiu bac fasciâ continuatur, quamdiu illud fieri per ejus longitudinem potest. Interim diligentissime semper hic providetur, ut patellae fragmenta, in sedem naturalem decenter restituta, quam exactissime hac vincendi ratione comprehendantur firmenturque. Fasciâ hunc in modum applicata, proximum est, ut in poplite ferula chartacea crassa, ut §. V. dictum est, vel etiam lignea, super ipsum autem genu splenium aliquod spiritu vini calido, vel & oxycrato madidum, per adhibitam fasciam aliam, ductibus spiralibus institutis, sic deligantur, ut nullo modo flecti genu, id quod perniciosissimum esset, valeat. Chirurgorum aliquos ad patellam firmiter compellendam atque continendam proprium instru-

instrumentum aliquod adhibere, ex supra positis, (vid. pag. 213.) est manifestum, id quod etiam saepe non est sine successu. Denique, ut quam exactissime semper genu cum patella contineatur, haud alienum fuerit lectulum stramineum, modo commendatum, vid. Tab. XXXVIII. fig. 20. sollertissime circum pedem deligare. At enim vero quandoquidem per novem, vel & decem septimanas, extensum deligatumque contineri neque ante absolutam glutinationem flecti genu oportet, abesse vix potest, quin quam facillime rigor aliquis, (anchylosin Graece vulgo vocant) juncturam ejus infestet atque ita hominem claudum efficiat. Quod ipsum equidem ubi forte accidit, opera danda est, ut, medicamentis emollientibus, fotibus, unguentis & balneis convenientibus frequenter adhibitis, ut supra jam docuimus, pristina flectendi facultas, quantum quidem fieri potest, genu sive juncturae femoris ac tibiae restituatur. Ceterum neque id silentio hic praetermittendum est, homines, quibus semel fracta est patella, usque adeo insigniter, quoad istam quidem corporis partem, ob debilitatem inde relictam, periclitari, ut vel levissimus etiam casus non modo patellam denuo frangat, sed certissimam quoque fere postea claudicationem inducat.

VII. VINCTURA TERTIA PRO PATELLA FRACTA.

Quoniam vero tam difficulter patella fracta denuo firmiter satis coalescit, *Tertius modus.* Medici inde commoti sunt, ut adhuc alios modos excogitaverint, quibus eam fortius glutinari posse crediderunt. Adeoque nonnulli sumunt frustum lintei duplicati, unum quali pedem longi, & octo digitos lati. Hoc in altero extremo A, (vid. Tab. XXXVIII. fig. 23.) manet integrum, in altero autem BB ex medio CD frustum excindunt latitudine duorum pollicum, ita ut hoc duobus capitibus BB deinde instructum sit, pars vero suprema excisa lunata sit C, ut patellam accuratius comprehendere valeat. Linteum hoc ita injicitur, ut integra pars anteriori femoris parti fig. 22. db sic imponatur, ut pars suprema, excisa & lunata C patellam comprehendat. Deinde fascia, quatuor ulnarum, uno capite convoluta, ter mox supra patella fig. 22. d, circa femur & hoc linteum firmiter circumducitur, super hos ductus circulares deinde linteo hujus pars integra reflectitur, atque fascia illa iterum ter circumducta in loco d probe involvitur ac firmatur. Postea ambo capita illius lintei fig. 23. BB a ministro diligenter deorsum trahenda, ut sic una pars patellae sursum mota ad inferiorem rite attrahatur, tum fascia sub poplite infra genu trahenda, ibique ter quoque circularibus ductibus mox infra patellam e, fig. 22. circumducenda; hoc facto, duo capita super hos circulares ductus quoque sursum reflectuntur, ac deinde novis ejusmodi ductibus circularibus firmantur. Quod reliquum est in fascia in ductus circulares supra & infra patellam impenditur, & finis tandem aciculis aut sutura figitur. Reliqua ad tranquillum situm pertinentia eadem sunt, quae antea modo commendavimus. Poterit etiam haec vinclura aeque commode fieri fascia in duo capita convoluta, iisdemque iidem ductus perfici.

VIII. VINCTURA AD GENU ET PATELLAM LUXATAM.

*Vinctura
ad genu
luxatum.*

Qualis ad *patellae* atque *genu luxationem*, adhiberi vinctura debeat, seorsim explicare neutiquam opus est. *Siquidem hic eadem plane optime* adhibetur, quam ad *patellam transversim fractam* initio N. VII proposuimus (§. VI.) Debet autem in ejusmodi casu *octiduum circiter aeger* conquiescere; donec scilicet *satis rursus confirmata esse* genu ligamenta sentiantur, ut denuo ambulare aeger valeat.

IX. VINCTURA AD TIBIAM FRACTAM.

*Vinctura
ad tibiā
fractam.*

Ad *tibiā fractam*, debitisque modis restitutam, rite vinciendam *binæ* opus sunt *fasciae*, altera *quinque*, altera *tres ulnas* longae, digitosque tres latae; porro *quatuor splenia*, duas *palmas* longa, *quatuor item ferulae*; denique cetera ea, quae ad *femur fractum* supra hoc Capite proposuimus (§. I.): Vincturae modus hic est. *Primo linamentum simplex utrinque fissum* (vid. Tab. II. fig. 18.) atque oxycrato vel vini spiritu madidum circum partem fractam *decenter involvitur*, ita ut capita decussatim circumponantur. Eo facto, *fascia prima*, *tribus ductibus circularibus institutis*, circum partem fractam linamentumque, ut in *femoris fractura* praecepimus, *involutam*, injicitur. Tum ductus quidam *spirales* sensim *ascendentes* circum *tibiā* fiunt, donec fascia supra *genu*, sed hoc tamen fascia neutiquam tecto, promota sit. Inde similiter fascia *deorsum* reducitur, factisque denuo circum partem aegram *tribus circuitibus*, ad *calcaneum* usque ductibus *spiralibus* *descendentibus* promovetur; qui vero subinde ob *inaequalem tibiae crassitudinem* reflectendi, ut fascia *firmius & elegantius tibiae inhaereat*. Denique ipsa, pede velut a *stapede* suscepto, per *similes ductus spirales* sursum retrahitur, debitaque ratione, ubi desinit, firmatur. *Alii binas in vincturam modo descriptam fascias*, alteram *binis*, alteram *ternis ulnis*, *aequales impendunt*. Sed quidquid tandem harum rerum sit, sive hoc sive priori modo fascia injiciatur, vinctura prima absoluta, *quatuor splenia vel sine vel cum totidem ferulis*, ex omni latere *tibiae* applicantur fasciaeque alterius trium *ulnarum* longitudine beneficio iis modis, quos ad *brachii femorisque fracturas* supra descripsimus, sursum *deorsumque* per *spirales ductus* firmantur. Sed *complicari tamen hic splenia quoad partes imas debent*, ut propter *tibiae ob suras inaequalitatem*, aequalem ubivis *tibia crassitiem* prae se ferat. (vid. Tab. IX. fig. 13.) Tandem in *binas ferulas chartaceas*, oxycrato vel vino calido humefactas, *tribusque vel quatuor funiculis circum deligatas*; necnon in *lectulum stramineum*, qualis Tab. IX. fig. 5. exhibetur, (*Fanons*) *tibia* immittitur, (vid. Tab. XXXVIII. fig. 20.) qui ita comparatus hic sit, ut non multum infra *malleolos*, neque in *femore* ultra *palmae amplitudinem*, supra *genu* sese extendat; qui *tribus quoque vel quatuor funiculis a b c d* firmatur; *cava ejus sive vacua spatia* *mollibus linamentis vel stuppa* implentur, ac denique *solea cum circulo suo* Tab. IX. fig. 6, 7, 8. *plantæ pedis* admovetur, sicut Tab. XXXVIII. fig. 20. C. id representatur. Vel 3. optime etiam haec fractura, licet simplex, aut sine

vulnere fili fascia octodecim capitum deligari potest, quemadmodum eam quoque ad femur fractum sine vulnere deligandum hoc Capite N. 1. commendavimus.

X. VINCTURA PRO TARSO ET METATARSO FRACTO.

Tarso vel metatarso fracto, restitutis in naturalem sedem fragmentis, duplici ratione deligatio fieri potest, *fascia scilicet tres ulnas longa & binos vel ternos digitos lata*, eaque *vel duplici vel simplici capite instructa*. Si fascia eligitur duplici capite, sequentem adhibere convenit deligationem. 1) Fascia ^{Vinctura ad tarsum & metatarsum fractum.} in duo capita convoluta in manus sumitur, parteque adflicta linamento simplici, utrinque fisso (vid. Tab. II. fig. 18.) atque oxycrato madente, ut facpius jam monuimus, gnaviter involuta, super malleolis deponitur, (vid. Tab. XXXVIII. fig. 24. A) factoque ductu ibidem circulari, super pedis juncturam cum tibia & tarsum in forma litterae X postea deorsum versus progrediendo circum tarsum atque metatarsum B sic ducitur, ut infra soleam capita fasciae rursus commutentur, super tarso autem subinde indicem trajiciantur propeque ad instar litt. X figurentur, usque dum probe tectus esse atque comprehensus pes deprehendatur. Namque tum super malleolos fascia retrahitur, diligentissimeque post unum alterumve circuitum firmatur.

2) Sicubi autem in unicum modo caput fascia convoluta est, sequentia facere ad deligandum pedem fractum conveniet. Factis supra malleolos aliquot circuitibus pro capite fasciae probe firmando fascia oblique deorsum a malleolis super tarsum ad plantam trahitur. Dehinc, planta superata, sursum rursus adducitur, formataque super tarsum cruce X transversim ad malleolos retrahitur. Quibus rite comprehensis oblique denuo circum tarsum & plantam ipsa sic injicitur, ut vinculum injectum numeri octonarii characterem (8) referat. Tandem pars adflicta, sive tarsus sive metatarsus sit, ductibus aliquot spiralibus institutis, fig. 24. B, exacte comprehenditur, & totus fere involvitur; fascia autem semel atque iterum supra malleolos circa infimam tibiae partem ducta ubi incepit, tandem quoque firmatur. Denique si paullo gravior haec fractura est, lectulum stramineum circum pedem una cum sua solea deligare oportebit, sicut in fig. 20, ut commodius requiescat. Similis deligandi ratio adhiberi commode poterit, si digiti pedis fracti sunt; dummodo ipsi ductibus pluribus spiralibus, qui ipsos simul digitos comprehendunt, quam exactissime simul involvantur: atque haec fascia Sandalina a veteribus dicta est, sive Sandalium, calceamenti genus, apud veteres.

XI. VINCTURA PRO PEDE LVXATO.

Si quam forte luxationem tarsus vel imus pes sensit, tum rite confectis iis, quae ad restituenda pedis ossa violenter dimota superius praescripsimus, ^{Vinctura ad pedem luxatum.} eisdem deligandi artificiis opus est, quae, pro vinciendo tarso diffracto, jam §. X. explicavimus. Debet autem strenue per aliquot dies continuos super lectulo aeger conquiescere, & spiritu roborante partem fovere, usque-

dum pristinum vigorem suum ligamenta recepisse aeger sentiat, atque *dolores maximam partem recesserint.*

XII. PRO VENA E SECTIONE IN PEDE.

*Vinctura
ad venae
sectionem
in pede.*

Sed ne qua tamen forsitan ignoretur, qualis institui, post incisam in pede ac speciatim in tarso venam, deligatio debeat, sequens necessaria observatio est. *Unius & dimidiae ulnae binorumque digitorum latorum fascia, in unum caput convoluta, externo pedi sic adhibetur, ut ad spithamae quasi longitudinem, sicut supra, ubi de brachii vena deliganda praecepi, principium ejus propendeat.* Mox eadem, super splenium injecta, per adhibitum sinistrae manus pollicem continetur; pars autem proxima, superato oblique tarso, susceptaque in modum quasi stapedis planta, duos vel tres circa locum vulneratum ductus instituit circulares ad splenium rite comprehendendum, & postea oblique denuo super tarsum ad malleolos adducitur. His ita comprehentis oblique rursus deorsum super splenium atque tarsum transversum sic trahitur, ut denuo & plantam excipiat, & splenio oblique comprehenso, sursum ad malleolos redeat. *Quibus ductibus prope ad fasciae partem extremam usque repetitis, nodus aliquis, ad firmandam fasciam, in externo tibiae latere conficitur.* (conf. Tab. III. fig. 1. E. 2.) *In hoc etiam negotio ejusmodi fasciae principium aliquoties supra malleolos circumducitur; deinde vero oblique super tarsum ad pedis plantam promovetur, atque inde in forma stapedis rursus super tarsum, circa quem plures postea fiunt ductus circulares sive spirales, quibus splenia plagae venae imposita probe involvuntur, eadem fere ratione, ut in fig. 24. Tab. XXXVIII. indicatur litt. AB.* Denique *fasciae pars extrema per defixam aciculam, vel quod hic praestat, acu & filo per suturam firmatur.* Vel 3., praefertim si vena supra metatarsum aut juxta pollicem vel digitos pedis secta fuit, super splenio tunc vulneri imposito aliquot ductibus annularibus fascia inchoari apte potest: postea spiralibus ascendendum ad tarsum, inde oblique supra malleolos, ubi tibia uno ductu cincta rursus oblique ad tarsum descendendum, factisque aliquot spiralibus descendentibus praedicta ratione, ubi desinit, firmatur. Quanquam autem ab aliis alia adhuc deligationis venarum pedis artificia frequentantur, tamen quoniam in eis singulis hoc fit, ut pes velut ab habena quadam, subter plantam posita, *quasi a stapede contineatur*, facile apparet ratio, quare Chirurgis vinctura, post incisam venam pedi applicata, *stapes, Gallis l'étrier*, communiter appelletur.

XIII. VINCTURA PRO VENA SVRAE INCISA.

*Vinctura
pro vena
surae in-
cisa.*

Ad venam in fura incisam, quam ego *ob securitatem* prae ceteris in pede saepe incidi curo, fascia requiritur duas ulnas longa, duos digitos lata, unicoque capite convoluta. Initium hujus ad summam suram & tibiae latus externum, ad spithamae quasi longitudinem dependeat; hinc fascia super splenia vulneri imposita (quae pollice sinistro continenda) oblique deorsum ad suram infimam & internam ducatur, quae deinceps, tibia ibi cincta, a latere

latere hujus externo oblique rursus super splenia ad internum latus & ad poplitem rursus ascendat, sub qua tibiā ambiat & ad principium fasciae redeat: unde postea secundum primum eundemque primarium circuitum, ad formam numeri 8, surae adhuc aliquoties circumducatur, & finis sub poplite ad supremam & posteriorem surae partem, cum initio fasciae nodo jungatur ac firmetur. Vel 2. potest etiam initium ejusdem duobus tribusve ductibus annularibus supra suram figi; inde in forma numeri 8 iidem circuitus, quos modo descripsi, fieri, finisque circa initium, ut de praecedentibus dictum est, firmari.

XIV. VINCTURA AD CRVS AVT FEMVR RESECTVM.

In explicandis *vincturis*, quas, *femore tibiaque rescissis*, adhibere pedibus convenit, brevioribus esse nobis licebit: propterea quod, sanguine ope ligaturae arteriae decenter, ut supra, ubi de amputationibus artuum actum est, Part. II. Cap. 35. & 36. docui, suppresso, plane eadem hic facienda sunt, quae de *vinctura capitali reflexa*, brachio rescisso (vid. Tab. XXXVIII. fig. 19.) adhiberi solita, superius prolixè satis explicavimus (Cap. VI. §. 17. seqq.) *Nisi quod pedes paullo latiores & longiores*, quam brachia, fascias exigant.

*Vinctura
ad pedem
rescissum.*

C A P V T VIII.

De vinctura fracti cruris aut femoris cum vulnere.

I.

Praemissis iis, quae in ejusmodi casibus, cum ad ossa reponenda, tum etiam ad vulnus a sordibus purgandum illudque linamentis carptis implendum & contegendum necessaria & supra exposita sunt, proxima est deligationis cura. Ad quam quidem feliciter atque salutariter instituendam, plane singularem eandemque propriam fasciam quandam octodecim capitibus, aut foliis, ad libri fere similitudinem instructam, ideoque ad instar libri alicujus explicabilem (vid. Tab. IX. fig. 4. BB) Chirurghi sollertiores excogitarunt, quam Germani propterea *Buch-band*, hoc est fasciam *libriformem* aut *librariam* appellant (a). Quae cum resolvi rursusque applicari ac constringi, nihil fere dimoto vel agitato pede, valet, dici non potest, quam insigniter ad promovendam ossis fracti glutinationem proficiat, & quantum longis illis fasciis, quae in aliis, simplicibus scilicet fracturis adhibentur, hic praeferenda sit. Fasciae enim communes illae, longae & angustae, quum frequentissimam pedis elevationem atque agitationem, quando fracta crura aut femora deligare volumus, postulant, prorsus alienae

*Vinctura
ad tibiam
fractam
cum exter-
no vulnere.*

(a) Veteres in fracturis cum vulnere vulgaribus tantum fasciis, quae in fracturis sine vulnere adhibentur, usos esse, patet ex CELSI Lib. 8. Cap. 10. n. 7; quae vero ob rationes mox dicendas noxiae sunt.

alienae hic sunt, imo vero perniciosae. Ut ne quis autem ignoret, *qualiter adhibere fasciam hanc libriformem seu volumen Chirurgicum deceat*, haud abs re fuerit singula deligationis hujus negotia figillatim exponere.

I I

*Fasciae
quomodo
sint ponenda.*

Scilicet ubi forte *fracta tibia est*, & cum externo quidem cutis vulnere, qualis noxa Tab. IX. fig. 4. A ostenditur, tum, *osse decenter reposito*, vulnere purgato, supraque datis linamentis carptis cum medicamentis convenientibus, primo *lectulus stramineus*, qui Gallis *fanons* dicitur, (vid. fig. 5. AA, BB,) cum *subjectis tribus quatuorve funiculis* planis tres circiter pedes longis, subter illo transversim deponitur. Super hoc denuo tres *ejusmodi funiculi transversi*, ejusdem fere longitudinis, super hos ipsa fascia libriformis octodecim suis capitibus explicatur, sicut fig. 4. BB, itemque Tab. XXXVIII. fig. 25. CC, DD, EE indicant, *splenioque*, palmae circiter latitudinem habente, quoad longitudinem autem ipsi fasciae huic aequali, *secundum situm cruris contegitur*, atque *deinde cruri sive tibiae submittitur*, ne tam facile innovare ipsam octodecim capitum fasciam propter acceptas a sanguine atque sanie fordes, oporteat.

I I I

*Fascia libriformis
quomodo
applicetur.*

Eo facto, dum pes fractus (vid. Tab. XXXVIII. fig. 25. AB) in convenienti situ a ministris sustinetur, bina media fasciae primi ordinis capita, sed vini tamen spiritu calido, vel oxycrato, ut firmiter inhaerescant, prius madefacta, circum tibiam fractam & linamenta vulnere imposita decussatim applicantur. Mox bina infima, denique bina suprema primi ordinis capita similiter injiciuntur; magna cura adhibita, ut non tam exactum circulum aliquem in applicatione efficiant, sed oblique potius & decussatim, ut ex modo nominata fig. 25. CCC, DDD, intelligi potest, pro majori vincturae firmitate, sibi invicem superincumbant. Porro sequentis ordinis folia sive capita sex eadem prorsus ratione, quam modo praescripsimus, *ab intermediis semper ad extrema facto progressu*, circum tibiam adducuntur, prout eadem figura 25. indicat.

I V.

*Splenia &
ferulae
quomodo
ponantur.*

Duodecim fasciae capitibus ita jam comprehensis, bina splenia, pedis longitudinem, binorum autem vel ternorum digitorum, pro aegrorum diverso habitu ac statura, latitudinem habentia, & quoad partem imam, perinde, ac supra diximus, (Cap. VII. §. 10.) complicata; (vid. Tab. IX. fig. 13.) sed *tamen spiritu vini calido prius humefacta*, utrinque ad tibiam secundum longitudinem, alterum ad latus externum sive locum CCC, fig. 25. Tab. XXVIII. alterum ad latus oppositum applicantur, atque superinjectis sex fasciae ordinis ultimi capitibus amplissimis EE, FF, GG, decenter comprehenduntur. Spleniis postea duobus *ab utraque parte ferulae e charta* satis crassa & lata, spirituque vini calido vel oxycrato prius madefactae, vel etiam ex ligno apto superinjecitur, *adhibitisque tribus illis funiculis*, eum in finem subter antea depositis ita in latere cruris externo deligantur, ut quam exactissime tibiam universam comprehendant.

V.

Vinctura hunc in modum confecta , sequitur , ut de conveniente , atque *Pedis post*
ad perpetuam quietem commoda pedis positura , sicut in simplici fractura, *vincturam*
prospiciatur. *Veteres* equidem hunc in finem pulvinaria sive pulvillos , circum *positura.*
pedem deligandos , hic proponunt , ceu manifestum est ex iis , quae SO-
LINGIUS , PURMANNUS atque alii hanc in rem scripserunt ac deline-
runt. At enimvero quia non satis firmiter pedem continere pulvilli possunt , satius
utique videtur , involucrum saepius laudatum , capsulam sive lectulum scilicet
stramineum , ea ratione applicare , quam ad tibiam fractam supra descripsi-
mus. Cap. VII. §. XI.) Cetera , quae ad situm tranquillum pertinent , &
quae plantae pedis atque calcaneo submittenda , similiter facienda sunt , ac univer-
se supra proposuimus , (Cap. VII. §. 2.) ubi de fracto femore deligando
praecepimus , atque Tab. XXXVIII. fig. 20. delineavimus.

V I.

Circa vincturae innovationem sequentia observasse juvabit. Primo vinctu- *Vincturae*
ram vel quotidie vel & subinde post alterum diem , prout ex puris copia *innovatio.*
commodum aut necessarium Chirurgo visum fuerit , innovari , & , dum hoc
fit , pedem extremum sollertissime ab administro quodam contineri debere , dum
vincturae innovatio perficitur , ne vacillet aut e situ naturali divergat. Por-
ro , medicamenta cum rebus ceteris ad deligationem necessariis , post vulne-
ris expurgationem , iisdem plane modis rursus adhiberi oportere , ac paullo
ante indicavimus. (§. 3. seqq.) Denique idem negotium quam sollertissime
iterari , usquedum penitus vulnus glutinatum esse deprehendatur. Tandem
autem , si qua forte , post confectam vulneris externi glutinationem , nondum satis
confirmatum esse tibiae os , quod fractum fuit , videtur , longe optimum fuerit ,
aliquamdiu adhuc per adhibitam fasciam aliquam communem eamque satis
longam , tibiam , ut in fractura sine vulnere , deligare. Postremo si qua forte
splenium , fasciae libriformi superinjectum , a sanguine vel sanie conspurcatum est ,
eodem leniter protracto , dum pes a ministris blande elevatur , novum subji-
ciendum est. Ubi fascia haec ipsa vitium aliquod ab istis sordibus traxit , tum
ipsa similiter commutari cum alia debet ; sed ista tamen cum moderatione ,
ut ministri duo pedem , quam providissime fieri potest , susceptum , contineant ,
fascia vero recens ab alterutro latere juxta fasciam maculatam suturis prius , ante-
quam pes elevetur , nexa sic accumbat , ut , dum leniter haec subducitur ,
ista simul cum eadem ac novo splenio subter tibiam attrahatur. Ceterum
quod canales isti lignei excavati , quos firmiter deponendis cruribus antiquio-
res Medici , teste SCULTETO (Tab. LVI.) adhibuerunt , paullatim in desue-
tudinem abierint , duplex potissimum ratio videtur. Namque partim mirifice
ut plurimum molesti iidem aegris existunt ; partim etiam non aequè promte fabrica-
ri , & haberi ubique , praesertim etiam in castris , ubi hae fracturae admodum
frequentes sunt , possunt , quam machinae illae stramineae , licet alias non
prorsus sint contemnendae.

V I I.

*Pro tibia
graviter
contrita pe-
culiaries
machinae.*

Quandoquidem autem in *tibiis fractis & graviter simul contritis*, propter difficillimam tardissimamque partium laceratarum glutinationem, diuturna ut plurimum *exactissimaque pedis quies summe necessaria est*, operae pretium fecisse Chirurghi videntur, dum eum in finem, ut adhuc in majori quiete, quam in lectulo stramineo pedem contineant, peculiarem machinam aliquam, ex tribus laminis *orichalceis* oblongis, per adhibitas commissuras mutuas & cardines confecerunt, (vid. Tab. IX. fig. 9.) eandemque una cum solea, fig. 6. 7. & 8. superius descripta sollerter pedi applicandam commendarunt. Interea tamen lectulus stramineus ob rationes modo dictas plerumque praefertur. Sed aliam tamen, eandemque *peregregram machinam*, non solum hunc in usum, sed etiam in universum pro *quacunque tibiae fractura* PETITUS excogitavit, quam non solum in ejusdem de *ossium morbis Libro*, sed etiam in *Historia Acad. Reg. Scient. Paris. an. 1718.* sollerter descriptam invenimus, nosque inde in Tab. IX. nostra, fig. 11. & 12. quoque *repraesentavimus*, atque in Cap. X. Lib. de fracturis §. 2. satis ample descripsimus, in qua crus fractum perquam commode deligari & quiescere potest (a).

V I I I,

*Quid in
fracturis
complicatis
reliquis
fiat.*

Postremo si *femoris fractura cum externo vulnere conjuncta est*, tum vinctura quidem eodem prorsus, quem ad tibia commendavimus, modo perficitur; sed ea tamen simul necessaria est observatio, ut & *longe ampliolem fasciam libriformem* sive octodecim capitibus, quam pro tibia, & longiorem lectulum stramineum, prout supra Cap. VII. §. 2. exposuimus, adhibere hic oporteat (b). Ceterum tametsi ad *fracturas humeri aut cubiti cum externo vulnere*, quas *complicatas vulgo fracturas appellant*, utiliter adhiberi *fascia libriformis* quoque possit, tamen nihil obstat, quo minus, praesertim in humero fracto, fasciis communibus, ut in simplici fractura, deligatio institui queat; cum hoc os pendulum sit, atque fasciae longae, vulgares, satis apte hic & applicentur & resolvantur; cum e contrario fascia octodecim capitibus tam commode adhiberi saepe nequeat. Atque sic etiam *fasciarum praecipuarum & maxime necessariorum doctrinam*, totamque nostram Chirurgiam, Deo benedicente, his ipsis ad finem perduximus, certe persuasi, quod ii, qui has fascias conficere norunt, etiam alias, quae forte aliquando occurrere poterunt, haud adeo difficulter perficient.

Explicatio Tabulae trigesimae octavae.

Fig. 1. ostenditur, quomodo *mamma cancroso resecta* sit deliganda, ubi AB CD primarios fasciae ductus indicant, EF vero splenia mammae superimposita.

Fig.

(a) Memorabile fracturae tibiae cum vulnere exemplum VERDUCIUS exhibet in *Libro de Vincturis Chirurgicis* Cap. 44. item SCULTETUS Obs. 82. necnon Obs. 84.

(b) Observationes huc facientes SCULTETUS proponit Obs. 77. 78.

Fig. 2. demonstratur quomodo *fascia Heliodori* mammae vitiatæ sit injicienda: aa est cingulum sive fascia sub mammis corpori circumposita; bb fasciæ capita sive frondes, quæ super humeros reflectuntur: c pars fasciæ mamma contegens; d collum, quod frondes comprehendunt.

Fig. 3. quomodo *mamma vitiatæ per fundam quatuor capitibus* commode deligari queat, exhibetur. a est pars ejus integra, mamma obtegens; bb capita duo superiora; cc capita inferiora; d humerus sanus, juxta quem in dorso capita nodis connectuntur.

Fig. 4. Fascia, quam *Quadrigam* sive *Cataphractam* appellant, repræsentatur: ubi litteræ abcdefg primarios ductus indicant, qui supra prolixè descripti sunt. Sect. IV. §. XIV.

Fig. 5. *Vinculum pro umbilici hernia* ob oculos ponitur. A scutum denotat, umbilico adhibitum, ad prolapsum intestinorum & omenti impediendum; BB fasciam sive lorum ventrem ambiens. C fasciam scapularem, quæ prædicta sustinet, ne deorsum ruant; dd duas fasciæ frondes, quæ inter femora transeunt, & ad lorum BB funiculis alligantur, ne scutum fursum ab umbilico recedat.

Fig. 6. Denotatur *fascia inguinibus, bubone quodam infestatis, deligandis apta*; aa pars ejus transversa cum habenis suis utrinque ventrem cingens; bb, pars perpendicularis inter crura transiens; c pars superior ejus & amplior, inguen contegens.

Fig. 7. Quomodo hæc fascia fig. 6. ventri injecta sit, pro inguine probe involvendo indigitatur.

Fig. 8. Sistitur quomodo *fascia fig. 9. in scroti vitiis* corpori sit rite applicanda.

Fig. 9. autem fasciam hanc seorsim indicat, & aa partem transversam; bb, pendentem in duas frondes divisam; c foramen, per quod colis transmittitur.

Fig. 10. *Fasciam T*, duplici dependente eoque prorsus distincto capite offert pro variis usibus.

Fig. 11. Fere similem repræsentat fasciam; in qua vero pars dependens non ex duobus peculiaribus fructis constat, nec in totum fissa, sed pars c integra relicta est.

Fig. 12. Repræsentat quomodo hæc fascia figurae 11. corpori circumducta est pro scroto comprehendendo.

Fig. 13. Fascia quaedam composita pro scroto sustinendo, sive suspendendo, quod propterea vulgo *Suspensorium scroti*, Galli *la Bourse* appellant, exhibetur. AA pars instar marsupii pro scroto amplectendo; BBB pars transversa corpori circumducenda, cujus extremum a, alteri extremo ope funiculi b necitur; C foramen quod colem transmittit. DD duo capita, quæ inter femora transmittuntur, & circum femora reflectuntur, quorum extrema perforata dd innectuntur funiculis EE.

Fig. 14. Demonstrat quomodo *fascia T*. fig. 11, ani vitia deliganda. aa pars transversa ventri injecta; b partis dependentis pars suprema & integra, pro spleniis ano superimpositis complectendis; cc locus ubi pars depen-

Pars III.

Kkkkkkk

dens

dens transversae juncta est ; dd duo capita inferiora per femora traducta & vel circa inguina transversa, vel in pubis regione, sicut in fig. 12. inter se per nodum connexa.

Fig. 15. Ostendit *fasciam*, *inguinalem duplicem* dictam, pro variis usibus, & imprimis etiam sub peculiari per certos nodos applicatione ad largiores sanguinis post fistulas ani aut calculos e vesica sectos profusiones compescendas, sicut prolixè satis supra Cap. V. §. VII. descriptum est : ab c d e f g praecipuos ductus docent ; sed puncta ab a ad h & a g ad i, duos ductus, qui decussatim super ventrem & praecordia per humerum utrumque usque ad perinaeum reflectuntur, ut tanto vehementius res huic impositae comprimi queant, ad fluxus sanguinis in hac parte cohibendos : quem vincendi modum *nodosam perinaei vincturam* supra appellavi.

Fig. 16. Fasciam, quae *inguinalis simplex* vocatur, denotat ; quae in a incipit, per b ad c continuatur, inde per d & e ad c, atque inde ad principium a rursus reflectitur.

Fig. 17. Qua ratione *brachium fractum* A, spleniis & ferulis a a a, post circumductas fascias consuetas contegatur, & deinde per funiculos b b b, in latere brachii externo hae nodis firmentur, repraesentat ; c c c c *mitellam* sive habenam indicat, quae cubito flexo, & deinde etiam, ut hic demonstratur, collo circumducitur, atque ejus extrema in humero lateris sani nodo d connectuntur ; e e canalem, cui cubitus immittitur, quando hic ipse fracturam passus est, qui mitella tunc quoque comprehenditur ; sed in brachii sive humeri fractura, itemque in aliis humerorum & claviculorum noxis eo canali opus non est, sed omittitur.

Fig. 18. *Manus ambusta*, quomodo deligari queat, visui exponit, conf. quae supra Cap. VI. §. XI. hac de re dicta sunt.

Fig. 19. Ob oculos ponit, qua arte *truncus manus amputatae deligari soleat*. A A est brachium cum parte cubiti ; a est truncus, cui linamenta & splenia sunt superinjecta ; b b sunt duo capita fasciae, quae primo circularibus ductibus C circa cubitum & splenia injiciuntur, & deinde alterutrum horum capitum saepe circa extremum trunci d reflectitur, altero ductibus circularibus continuante ; unde *fascia capitulis reflexa* audire solet.

Fig. 20. *Lectulus stramineus* exhibetur, & quo modo is circa tibiam applicetur. A A denotant cylindros duos stramineos, virgula simul sive bacillo instructos ; B B, pulvillum ei submissum ; C soleam quae plantam pedis sustinet ; a b c d quatuor funiculos planos, quibus hic lectulus circa crus & partem inferiorem femoris alligatur ac firmatur ; e f, duos funiculos, qui soleam circa funiculum b cum lectulo stramineo conjungunt ; g tertium soleae funiculum eumque superiorem, qui circa eandem fere regionem soleam cum hoc lectulo firmat.

Fig. 21. *Fascia duobus capitibus* indicatur, cujus capita a a filis connexa sunt, ita ut cohaereant, & non nisi ultra pollicis transversum spatium b, a se invicem recedere queant, quibus calcaneum post fracturas pedum commode imponitur.

Fig. 22. *Modum deligandi fracturam patellae transversam* proponit. a est patella, b femo-



b femoris, c tibiae pars; d, ductus circulares supra patellam; e similes infra patellam, quibus frustra ejus compelluntur & continentur.

Fig. 23. peculiare splenium exhibetur, quo in hac patellae fractura commode utimur.

A denotat partem ejus superiorem & integram; BB ejus duo capita inferiora; CD locum ubi pars linteae excisa est, & locus C illa est, quae partem superiorem patellae amplectitur; reliquum vid. supra Cap. VII. §. VII.

Fig. 24. monstrat qua ratione pedem extremum vel fractum, vel luxatum, itemque venam in pede incisam deligare conveniat. A sunt ductus circulares supra malleolos facti, B ductus spirales & circulares circa tarsum & metatarsum.

Fig. 25. Docet quibus artificiis fractura tibiae composita per fasciam octodecim capitum sive libriformem sit deliganda. A est femur; B tibiae pars inferior; CCC, DDD demonstrant, qua ratione capita hujus fasciae oblique & decussatim circa tibiam circumducenda sint; EFG sex capita ultima adhuc expansa ostendunt; quae vero sic adhuc injicienda, ut primo E cum E, F cum F, & denique G cum G, ut modo dictum est, sibi invicem oblique & decussatim sint superimponenda.

Explicatio Tabulae trigesimae nonae.

Exhibetur hic primo novi elevatorii genus PETITI, Chirurgi Paris. pro Offibus cranii fractis ac depressis commodius elevandis, quod in Memor. Acad. Chirurg. Paris. Tom. I. 1743. p. 302. delineavit ac descripsit, ex duabus principalibus partibus constans, vecte scilicet sive elevatorio ipso, & fulcimento, sive fulcro, quod hypomochlium Mechanici appellare solent.

Fig. 1. indicatur vectis, cujus longitudo sit octo circiter pollicum, latitudo, quatuor vel quinque linearum, & crassitudo duarum. Totus rectus est, si excipias levem curvationem, quae est ad apicem ABC, quam partem ramum breviorum appellat, quae etiam reliquo vecte paullo angustior & tenuior est, ut commodius ossi fracto elevando subjici possit. Praeterea haec pars inflexa in parte superiori, vid. Fig. 3. A C. aliquot incisuras habet transversas, quae impediunt ne forte vectis hic profundius, quam par est, dum ossi subjicitur, sub os elevandum irruat, & laesionem forte ibidem durae matris aut cerebri ipsius inducat. E contrario pars apicis opposita Fig. 1. C. subrotunda est & laevissima, orisque obtusis, ne, dum submittitur, duram matrem facile laedat.

Altera hujus vectis pars, quam longiorem ramum vocat, in superficie DE, quae inferior sive posterior est, circa medium aliquot foraminulis secundum longitudinem perforata est, ad duas vel tres lineas a se invicem distantibus, quae factae sunt, ut recipiant trochleam fulcimenti Fig. 2. A. prout haec ex judicio Chirurgi vel propius ad ramum breviorum sive curvam partem AB.

Fig. 1. vel remotius ab eo inferenda est. Hoc ipso haec aptitudo ipsi conciliatur, ut vel propius vel remotius a loco fracto, prout res id exigit, fulcimentum poni figique possit, eique sic major vel minor vis, prout opus esse a Chirurgo judicatur, dari queat. F. Manubrium est ligneum.

Kkkkkkk 2

Fig. 2.

Fig. 2. est altera hujus ferramenti pars, quam praecipuam esse censet, & *fulcrum* sive *fulcimentum* est, sive id, quod Mechanici, dum vecte pondera elevare volunt, ei submittunt, atque *hypomochlium* appellant, pro hoc vecte in usu sustinendo. Pars ejus A. trochlea est, quae uni ex foraminulis vectis Fig. 1. D. E; quod aptissimum esse Chirurgus existimat, infigitur, quo fit, ut vectis ab hypomochlio suo recedere nequeat, quod alias his in casibus gravia mala facile ac saepius concitare posset. Ea vero pars, quae cranium respicere debet, formam quasi arcus habet, Fig. 2. BCB, ut sic non nisi duobus extremis DD cranio innitatur, quae varias ob rationes satis ampla & corio molli obducta esse debent.

Fig. 3. ostendit has duas partes conjunctas. AB est pars inflexa, C fulci sive rimae, D. locus ubi fulcimentum junctum est vecti, BDE longior ramus vectis, F manubrium ligneum; GG duo crura, quibus fulcrum nititur.

Fig. 4. est aliud fulcrum, idque longe amplius sive majus, quo uti suadet, ubi ob laesionis gravitatem fulcrum minus Fig. 2. sive Fig. 3. GG nimis angustum est, ut in laesionibus amplioribus locum commode invenire nequeat. A est trochlea, & BCB arcus, ut in minore Fig. 2. DD, utraque hujus extrema foraminulis sunt perforata, ut pulvilli utrinque acu & filo subtus commode affigi queant. Notandum hic est, PETITUM loco citato p. 302 omnis generis elevatoria pro ossibus calvariae fractis elevandis, ab antecessoribus suis proposita nominare & carpere, suumque ceteris omnibus praeferre, atque ne verbum dicere de egregio illo *Hildani elevatorio*, quod hic jam ante ducentos annos pro hoc scopo delineavit & commendavit in Obs. 4. Centur. II. quodque & ego in Institut. his nostris Chirurg. jam ante triginta annos correctius delineavi & laudavi, quasi nunquam vel *Hildani*, vel mea scripta evolvisset; cum tamen eo idem profecto, vel plus adhuc praestari queat. Praeterea etiam carpit elevatorium tripes, quod eo uti non possimus, ubi vel nullum vel non satis magnum adest foramen in calvaria pro unco submittendo, & propterea suum huic praeferre vult. Verum etiam in *Petiti* hoc elevatorio non indicavit, neque video quomodo eo uti queat, ubi nullum vel saltem non satis magnum adest foramen pro vecte ejus satis crasso A Fig. 1. & 3 submittendo; saltem nullum modum, quo hoc fieri possit, aut debeat, descripsit. *Hildani* vero & nostro uti quoque possumus, ubi nullum foramen adest dum terebra etiam sunt instructa: adeoque praestantia ei haud cedit. Hinc miror, quod haec duo egregia elevatoria silentio praetermiserit, & utrum studio hoc fecerit an ea ignoraverit, affirmare non possum.

Fig. 5. est figura, quae illustrat modum, quomodo in muliere, cui brachium totum ad pectus & ad ossa usque igne combustum, atque ex meo consilio apta & peculiari ratione amputandum erat. AB indicat brachium dextrum combustum, idque ad collum & pectoris partem superiorem atque extremam, CC, ut eousque omnis cutis & in brachio toto maxima quoque pars musculorum igne ad ossa usque EFG. destructa, sic ut proxime sub articulo amputandum fuerit, & quidem in loco, ubi alias torcular ad sanguinem

guinem cohibendum brachio amputando injici solet, quod vero ob graves rationes hic injici ei non poterat. Sed initum curationis erat faciendum acus magnae curvae, filo robusto duplici armatae D, traiectione per musculos, cute per ignem orbatos, proxime infra capitulum ossis humeri, & proxime etiam juxta collum humeri, sicut litt. D. id indicat, quod filum postea ad locum hunc constringi debebat, ut vasa brachialia, una cum adhuc relicta carne, probe ligentur, atque sic profusio largior sanguinis in resectione ossis prohibebatur. Ita postea paullo infra locum B & D carnes scalpello ad os usque sine notabili sanguinis effusione dissecebantur, iisque dissectis, ferra etiam os more consueto auferebatur, ita ob constrictionem sive ligaturam arteriae antea jam factam, postea in ressecando brachio nihil fere sanguinis effluebat. Vulnus postea eo fere more, quo deligatio fieri solet, quando amputatio brachii in articulo fit, deligatum & postea etiam eadem ratione feliciter glutinatum est, quemadmodum defunctus filius meus *Elias Fridericus*, qui huic amputationi interfuit & praefuit, quondam in peculiari Dissertatione hic Helmstadii 1739. edita uberius descripsit, atque alias adhuc utilitates, quae ex hoc novo amputandi modo in Chirurgia capi possunt, ibidem indicavit, quamque Cl. *Vasquezius*, Regis Hispaniarum Chirurgus, qui has meas Institutiones Chirurgicas Hispanice versas, Madriti edidit, dignam judicavit, ut eam suae versionis adjecerit.

Fig. 6 & 7. MACHINA NOVA ALIA CL. PETITI pro sanguine sistendo post femoris amputationem, sine remediis acribus, ambustione aut ligatura vasorum, quae ex duabus quasi minoribus constat, quarum altera est pro comprimendo trunco arteriae cruralis, juxta inguen in femore, praesertim in ipso actu amputationis, & altera hanc eandem arteriam supra genu resectam post amputationem. Prima eaque superior pars corpori applicatur ante amputationem (in locum quasi torcularis) pro avertendo sanguinis fluxu in ipsa amputatione. AAA, *fascia circularis* ab ipso appellatur (*un Bandage circulaire*) quae ventri, sicuti vinculum ad hernias circumducitur, & ope duorum lororum & fibularum EE juxta latus, ut Fig. 7. ostendit, firmatur. (Hoc in descriptione hac Auctor non dicit, attamen ita faciendum esse mihi videtur: neque ex qua materia sit conficienda innuit, quae vero aut corium, aut pannus xylinus esse poterit).

BB altera fascia circularis femori in parte suprema, mox infra inguen, circumducitur, & eodem fere, ut prior, loris BB & uncinulis (quae quoque non indicat) firmatur, ubi in principio hujus fasciae duae laminae ferreae CD corio molli obductae, affixae sunt. Inferior lamina plana est, ubi contingit superiorem sive exteriorem; verum ubi plicam inguinis tangit, pulvillo duriusculo ac probe infarcto instructa est. Medium hujus pulvilli c. Fig. 6. arteriae cruralis trunco, ubi e ventre in femur ingreditur, accurate imponitur, lamina exterior cingulo utrique jungitur, quae huic pro puncto fixo inservit, dum funiculis vel ligamentis quibusdam inter se, ut dicit, vid. Fig. 7. K: colligantur. Cingulum lumbos cingens, (ibid. Fig. 7. A) impedit, ne deorsum; illud, quod femoris partem superiorem

comprehendit, ne sursum cedere queat, sed stabile firmumque maneat, sic ut lamina & pulvillus C eodem semper in loco fixi haereant. E indicat trochleam Fig. 7. quae transit per foramen cochleatum laminae superioris ad inferioris laminae medium, ita ut si dextrorsum contorqueatur, ambae laminae a se invicem recedant; sed si sinistrorsum vertatur, laminae ad se invicem rursus accedant. Verum sive a se invicem recedant, sive sibi invicem adducantur, ut in linea recta maneat, utrimque ad trochleam E duo cylindri parvi ferrei sub num 1. & 2. adsunt, qui inferiori laminae infixi sunt, ad perpendiculum elevantur, & duo foramina in lamina exteriori cum illis respondentia transeunt, alter in latere dextro, alter in latere sinistro trochleae E, quo fit, ut sive a se invicem abducantur sive adducantur, laminae semper maneat paralellae.

Quando itaque haec machina, ut dictum, applicata est, & trochlea dextrorsum movetur, laminae illae a se invicem recedunt. Verum quia duo cingula firmant laminam superiorem ejusque elevationi renituntur, necessarium est ut lamina inferior cum suo pulvillo duro introrsum & in pliam inguinalem deprimatur, atque sic arteriam cruralem (sive rectius *femoralem*) pro ratione, qua plus minusve circumvolvitur, hanc arteriam etiam plus minusve comprimat, ita ut tandem nullus amplius sanguis per eam ad genu descendere queat.

Fascia haec hucusque tantum usus suos praestitit in ipsa amputatione; verum pro cohibendo sanguinis fluxu ex arteria femorali resecta, alterum fasciae genus sive machinam, necessariam esse Auctor judicavit, quae ex duplici quoque lamina ferrea, sicut prior fere composita est. Nam a loro sive cingulo majori & superiori descendunt quatuor lora angustiora F F F F quae firmiter sustentantur a duobus cingulis machinae prioris. Antequam vero lora haecce altero extremo firmentur, nodulus ex linteo carpto satis magnus pro comprimenda hac arteria aperta ei imponitur, & quidem non directe contra arteriae vulnus, sed a latere ejus eoque interno femoris, quam remotissime ab hujus osse, ut sic quando premitur, contra hoc os femoris, parietes arteriae apertae ad se invicem probe comprimantur; supra primum hunc nodulum alter, isque priore paulo amplior, & super hunc tertius, imo quartus, si opus esse judicatur, praecedentibus rursus ampliores pressi semper secundum eandem praedictam directionem versus os femoris. Tandem ultimo nodulo centrum laminae, pulvillo duro instructae, Fig. 6. G. admovetur, & firmatur quatuor loris descendentibus F F F F, quae omnia affiguntur & firmantur cum exterioris laminae H uncinulis (a). Postea si trochlea H Fig. 6 & 7 dextrorsum volvitur, laminae hae a se invicem recedent. Verum quia quatuor illa lora, ne lamina exterior H. Fig. 7. deorsum cedat, vetant, interior sive vulneri proxima versus vulnus & pulvillos illos e linamentis paratos impellitur, quae
sic

(a) Autor hic non dicit, qua ratione lora haec in lamina hac firmentur sive figantur; sed existimo hoc uncinulorum beneficio in lamina H. fig. 7. fieri debere; plures enim res quasi obiter & non satis perspicue descripsit.

sic conjunctis viribus arteriae vulnus ita comprimunt, ut nullum sanguinem emittere queat.

Postquam haec inferior machina rite, ut dictum, admota est, tunc *trochlea* E Fig. 7. quae truncum arteriae femoris comprimit, paululum & eousque *relaxatur*, donec *pulsus arteriae aliquantulum rursus percipi queat*; sed si hic pulsus validus observatur, indicat sanguinem nimia copia arteriam irruere, hinc *trochlea* E Fig. 7. rursus uno alterove circuitu, plus aut minus, adigenda est, donec ex pulsu, (ut dicit) moderato non nisi moderatum sanguinis influxum in hanc arteriam fieri cognoscamus (a). Itaque prior machina impedit maxime effusionem sanguinis in ipsa amputatione, atque ea peracta, moderabit etiam sanguinis versus arteriam resectam influxum; posterior vero resectam arteriam comprimit & effluxum sanguinis per vulnus cohibet, ejusque simul glutinationem promovet.

Postquam suppuratio orta est in hac curatione totum mox apparatus hunc in deligatione singula sine sanguinis profusionis metu tolli posse asseverat; quod alias tam cito in ceteris sanguinem compescendi modis fieri nequit. Hac etiam adhibita machina in prima deligatione sanguinis fluxum non esse pertimescendum, si modo *trochlea superior* E paululum adstringatur. Atque sic sensim *trochleas* paulo magis, post singulam novam deligationem relaxari posse scribit, mutatis, si opus est, nodulis illis ex linamentis paratis, & consolidationem sic optime promoveri affirmat. De pluribus hujus machinae virtutibus, quas ipsi tribuit, videri potest Auctor p. 138. & seq. edit Amstelod. Sed variis in locis, quorum nonnulla tantum hucusque indicavimus, ob brevitatem admodum obscurus est, & res suas non satis perspicue describit Autor alias ingeniosissimus.

Fig. 8. litt. A A A A exhibetur peculiaris machinae aut fasciae seu *vittae* genus, quod in *labris leporinis difficilioribus* curandis, qualia quamplurima curavi, saepe optimo cum fructu usus sum: quae capiti infantis, antequam sectio hujus vitii perficiatur, jam injicitur, & ope funiculorum C C capiti circumduktorum, qui nodo D constringuntur, circa frontem probe firmatur. Postea sectio eorum & futura instituitur, ut supra Cap. LXXV. proposui.

Verum ut labra leporina, quae valde magnum hiatum habuerunt, commodius juncta servantur, donec firma glutinatio sequatur, vittis his utrinque juxta labrum superius processum unum justae magnitudinis A A, B B, adjunxi, uncinulis utrinque duobus instructos, B B B B: quorum uni ex superioribus uncinulis (postquam vulnere externe mel rosarum vel balsamum vulnerarium aliud linamentis carptis imposui) filum robustum sericeum sive lineum injicio, inde ad oppositum ipsum duco latus & labia uberius hoc contraho: inde ad priorem redeo, atque hoc adhuc bis vel ter repeto; inde

(a) Sed ubi hic pulsus arteriae femoralis explorandus sit, Autor non indicat, neque hoc divinare facile est, praesertim cum femur machinis his sit cinctum, & arteria haec partim laminis ferreis, partim loro obtecta sit, quae in sanis & nudis femoribus vix percipi potest, hinc tanto difficilius in hoc statu. Unde rursus patet hanc descriptionem valde imperfectam & intellectu perquam difficilem esse.

inde ad uncinulos inferiores descendo, atque ibidem idem facio, probe observando, ut labra his bene & intime contrahantur: atque postquam haec fila per quatuor vel quinque dies ita reliqui, ea forfice refeco, relictis adhuc acubus cum suis filis, quarum altero die superiorem, & perindie aut post duos dies alteram, aut si tres fuerunt, tertio die & tertiam caute extraho, emplastrumque glutinans ipsi adhuc per aliquot dies impono, donec vulnus omnino glutinatum esse perspiciatur.

In eadem figura etiam ostenditur *Petiti modus curandi fistulas lacrymales*, quem in Aët. Gallic. Acad. Reg. Par. 1734. ut novum descripsit, & ceteris omnibus praetulit. Caussam cum ANELLIO & me (nominibus vero suppressis) statuit esse *obstructionem canalis nasalis*. Hinc ubi de curatione agit, scribit, *nihil igitur hic agendum, quam ut hic canalis obstructus rursus aperiat, ita lacrymae rursus in nares influant, & sic postea nulla amplius lacrymatio, nulla fistula (a)*. Postea pergit, & curationem ipsam adscribens dicit: *pro aperiendo hoc ductu obstructo incisionem facio sacci lacrymalis, (quam ita delineavit, ut Fig. hac 8. EF a me hic indicatur) ei immitto specillum canaliculatum, quod in narem propello (quem ut lit. G. ostendo, repraesentavit), atque sic canalem aperio. Canalis hujus specilli mihi servit, inquit, ut cereum sive candelam ceream flexilem (une Bougie) beneficio hujus per viam quam feci, apertam servandam immitto. Hunc cereum quotidie muto, & ab usu ejus desisto, quando canalis novi superficiem internam sanatam esse credo, sic lacrymae tunc per canalem hunc naturalem suum cursum ex oculo in nasum recuperant, & vulnus externum intra biduum aut triduum glutinatur.*

Verum sicut jam antea aliquoties monui, quod in aliis descriptionibus Autor hic sit saepe valde obscurus & imperfectus, ita & hic quam maxime. Nam 1. *specillum*, quo canalem nasalem obstructum perforat, non seorsim totum delineavit, neque accurate satis descripsit: dum nihil nisi pars ejus superior in hac sua figura conspicitur, & cetera pars in canali & nare abscondita latet, ut quomodo ibi sit conformatus intelligi nequeat. Interest etiam rite scire 2. *quomodo se ejus apex, & quam conformationem ac crassitudinem ipsum specilli corpus habeat*, constet, si quis eum rite imitari & ex doctrina ipsius proficere velit; quod si enim quis ipsum imitaturus specillum nimis tenue confici curaret, canalus firmiter concretus eo perforari non posset; si nimis crassum, non commode cum transiret & perforare valeret. 3. *Neque sulci conformatio & amplitudo pro candela cerea continenda aut immittenda in parte canalus latente ex hac figura disci aut intelligi potest*: nam si intus non est amplior, quam in loco prope saccum lacrymalem in ejus figura, non capio, quomodo candelam ceream recipere aut continere queat, qui vix setam porcinam vel specillum Anellianum recipit. 4. *Neque candelae cereae crassitudinem & magnitudinem* ullo verbo indicat; quae tamen hic profecto inter res indifferentes referri nequit, dum harum accurata scientia in hac curatione, quam saepissime perfeci, valde est necessaria.

(a) Quasi haec curatio tam facile ac prompte semper obtineri queat, quae profecto saepe valde difficilis ac diuturna, imo quandoque ob varias causas impossibilis est.

cessaria; multo minus eam delineavit, id quod tamen in accurata descriptione delicatae hujus curationis valde necessarium fuisset. 5. *Nec materiam nominavit, unde ejus specillum constet vel constare debeat, sive ea argentum, sive ferrum, sive alia forte materia fuerit; nam si ex argento, tam tenue, ut prope fulvus sacci lacrymalis conspicitur & simul in eo sulcus sive cavum pro cereo continendo, tam debile fiet, ut par non sit fortiter concreto canali perrumpendo, sed plicabitur.* 6. *Dum sic haec omnia tam oscitanter & imperfecte descripta sunt, non perspicio, quomodo ope hujus fulci candelam ceream in nares immittere potuerit, vel adhuc possit; id quod tamen necessario hic perficiendum esse scribit.* 7. *In curatione denique etiam haud meminit, quamdiu circiter hoc vulnus apertum & cereus in canali novo sit servandus, & quibus forte remediis sanatio canalis recens perrupti sit perficienda aut promovenda; dum profecto non nisi rarissime brevi tempore restituitur, ut saepius expertus sum. Ego enim a triginta & quod excedit annis curationem certarum fistularum lacrymalium haud adeo mali moris ad eandem fere rationem, sed specillo solido Tab. nostrae I. litt. K vel alio simili, perfeci & candela cerea calami straminei mediocris crassitudine, vel & stylo plumbeo ejusdem crassitudinis per plures dies, imo hebdomades saepe apertum servavi, sed plerumque non nisi longo tempore canalem antea obstructum ac denuo perforatum apertum servare potui. Imo quandoque nulla arte neque candelis cereis, neque turundis, neque specillis plumbeis, eum in finem adhibitis, eum apertum servare potui; verum licet per aliquot menses his adminiculis apertus servatus sit, tamen vulnere externo tandem glutinatio etiam canalis ille brevi post & saepe intra aliquot dies rursus concretus erat, sicut adeo generaliter vera non sint PETITI verba, adeo audacter pronunciata, quae supra jam proposui, quod scilicet hic nihil agendum esset, quam ut canalis hic obstructus specillo rursus aperiatur, & quod sic lacrymae (quasi sponte & facillime) per hanc naturalem viam in nares rursus sint fluxurae, quod effatum profecto saepissime curantium & aegrotantium spem, ut saepe expertus loquor, fallit.*

Fig. 9. Manifestat modum hernias intestinales sine castratione sive testiculi amputatione per scalpellum curandi, quem quidem jam diu in Chirurgia mea descripsi; sed quia VOGELIUS, Chirurgus Lubecensis celebr. in Lib. de Herniis Germanice edito hanc curandi rationem apta figura illustravit, hanc ex eo mutuari & hic proponere volui.

- a. Indicat locum, ubi est annulus musculorum abdominis, per quem intestina cum sacco hernioso in herniis ad scrotum usque procident.
- b b. tegumenta communia incisa & aperta, ut sacci herniosi & cumprimis ejus pars superior, qui ligandus, hic in conspectum prodeat.
- c c. scrotum apertum, quo sacci herniosi etiam pars inferior & testiculus infra ipsum videri queant.
- d. saccum herniosum in scrotum usque hic valde protensum, in quo continentur intestina vel omentum, vel utraque simul prolapsa, qui ab interiori lamella peritonaei per annulum abdominis protrusi & prolongati ortum suum trahit.

- e. testiculum, & paulo supra
- f. vasa ejus spermatica dicta.
- gg. funiculum, quo & ubi ligatura hujus facci, repulsis prius intestinis & omento, in hac curatione adhibetur.

Fig. 10. Forcipem ita dictum Anglicanum, pro foetu capite inclavato ex utero educendo, cui inveniendi *unci Palfini* Tab. XXXIII. Fig. 16. a me primum delineati & descripti, occasionem praeberunt. A A indicant manubria, B B rostra sive maxillae, C. utriusque junctura, ubi illa usus tempore disjungi, & una post alteram in latere utroque capitis infantis immitti, postea rursus conjungi & foetus, capite his rite prehenso educi debeat. Una etiam hujus forcipis parte, capite ad latus inclinato, jam foetum, qui per biduum in partu difficili si haeserat, capite in rectam viam redacto, vivum ex utero produxi, & si una earum pars inversa ratione usurpatur, A pro *unco* in foetu mortuo vel capite relicto, B. vero pro manubrio unci inservire quoque potest.

Explicatio Tabulae quadragesimae.

Haec tabula desumpta est ex cel. D. Joh. Dan. SCHLICHTINGII, Medici Amstelodamensis *Embryulcia nova* detecta, quam à 1747. Amstel. in 8. Belgico Sermone edidit, in qua ferramentum descripsit, quo ROONHUYSIUS, celeb. olim Amstelodamensium Chirurgus obstetricans, felicissime multas gravidas in partu difficili a foetu liberasse dicitur; quod vero hucusque semper occultatum fuit; sed nunc ab illo in usus publicos manifestatum: quo longe commodiori, ut dicit, modo, breviori tempore & minori cum dolore, quam aliis hactenus usitatis ferramentis os uteri & uterum ipsum dilatari, foetumque citius ac felicius ex eo protrahi posse perhibet.

Fig. 1. Exhibet celebre hoc ferramentum, quod ex amicitia erga me mihi dono misit, magnitudine naturali. A A A A A A indicantur *duae ejus laminae* chalybeae elasticae, duas mediocres spithamas longae, digitum latae, crassitudine dimidiae lineae paullo majori, quarum dimidia, eaque inferior & maxima pars D D, recta est, reliquaque paullo crassior; verum altera lit. B B. & F F. notatae, paullo tenuior curvatae & lunatae, ut se sic cavo uteri gravidi lateribus internis, convexa vero earum facies foetui commodius se accommodare possit, prout circulus ille magis minusve vel comprimitur, vel diducitur.

B B. Duo *hemicycli* vel arcus ovati, elastici, sibi invicem oppositi, pro foetu inclavato in utero gravido commodius extrahendo.

C *Ginglymus*, quo harum laminarum partes infimae ope styli cylindrici in foetus extractione junguntur.

D D D D Crassitudo laminarum illarum, tam in partibus superioribus incurvatis E, quam inferioribus rectis.

E. Stylus sive clavus, quo in cavum cylindri C immisso, duae illae laminae elas-

Fig. 1.




Fig. 2.




Fig. 3.




Fig. 4.




Fig. 8.




Fig. 7.




Fig. 6.




Fig. 5.



Fig. 9.



Fig. 10.




Figura I.




Figura II.





Fig. III



C. de Putter del. et Sculpsit 1747.

C. de Putter Sculpsit 1747.

elasticae in modum ginglymi junctae servantur, qui vel ex ferro vel ligno, ut scribit, constare potest.

FF. latera earum externa.

GG. latera interna.

HH. Locus, ubi unus vel plures digiti inter utramque laminam interponi, pro iis in casu necessitatis plus minusve diducendis, possunt, sicut hic jam aliquo modo diductae exhibentur; quae tamen etiam, si nihil interjectum est, ad se invicem facile comprimi possunt.

II. Spatium, in quo caput foetus vel alia ejus pars rotunda inter laminas illas diductas comprehendi servarique potest.

Fig. 2. Idem ferramentum, sed laminis ex situ praecedenti disjunctis, ginglymo AA soluto, atque lamina altera super alteram BC, ad ductum digiti indicis manus sinistrae D. per os uteri E in uterum ipsum immissa (a).

F. Digitus medius manus sinistrae.

G. Condylus pollicis ejusdem manus.

HHH. Foraminula ostendunt, quorum beneficio tegumentum aut involucrium sive ex corio sive ex panno Xylino (Fluweel) laminis bene jungi affigique possit, ne illud in extractione ferramenti inde dissolvatur ac decedat.

Fig. 3. Exhibet foetus duos in utero oblique posito, qui profusis aquis circa duos gemellos male sitos valde constrictus est. Hanc figuram hucusque a nullo recte vel exacte repraesentatam esse dicit, atque sic ut singulare quid ac notatu dignum est, ubi SCHLICHTINGIUS simul monet, hunc casum in Arte Obstetricia unum ex difficillimis omnium esse. Conspicitur enim hic

aaaaa Uterus gravidus obliquus & male figuratus, in quo perversè siti gemelli in arctissime constricto utero, ubi non figuram ovatam retinet, verum, ut in natura est, gibbosas prominentias habet, atque sic figuram valde inaequalem obtinet.

bb. Os uteri internum, paullulum a ferramento Roombusiano diductum.

cc Extrema curva ferramenta hujus circa gemellos incuneatos in utero valde constricto, ubi inter uterum & foetus interjectae sunt.

dd. Partes rectae ejusdem ferramenti extra uterum conspicuae: quae tamen quodammodo diductae sunt.

ee Gemelli perversè siti & in unum inaequalem quasi cumulum compressi, quorum alter paullo major altero hic exhibetur.

ff. Duae placentae uterinae g. manus altera alterius foetus per vaginam exserta. h. alter funiculus umbilicalis ex utero propendens.

(a) Quomodo hic per E os uteri indicari possit, ego haecenus percipere non possum.

I N D E X

RERVM IN HIS INSTITVTIONIBVS CHIRVRGICIS CONTENTARVM.

A.

A Bdominis ex abscessu foetus mortui saepe feliciter educti sunt.	716	Acus Denysii pro perinaei punctura emendata.	950 & Tab. 32
— fasciae.	1212	— in calculis repertae.	971
— laesiones.	95	Acoustica instrumenta ad auditum difficilem	
— paracentesis.	702	juvandum haud magni sunt usus.	606
— vitia quae manu curantur.	701	Acutenaculum quid.	100. 670
— vulnera.	95	Acupunctura Indorum quid.	443
— — angustiora quomodo amplianda.	99	Adparatus ante operationem plerumque praeparandus.	22
Abrotani decoctum cum aqua salsa gangraenae remedium egregium.	316	Adparatus altus quid.	877
Abscessus quid.	273	— — a Franco primum institutus.	878
— quomodo aperiendi.	276	— — a quibus postea adhibitus vel laudatus.	878. 879
— — curandi.	278	— — a Douglassio in Anglia instauratus.	880
— abdominis foetus mortuos saepe transmiserunt.	716	— — ab Autore extra Angliam primum institutus.	881
— ani.	1071	— — ubi minus conveniat.	902
Absynthi decoctum cum aqua marina vel salsa gangraenae remedium praestans.	316	— — quid Dranius de eo sentiat.	902
Achillis tendinis sutura.	1095	— — alti commoda.	895
— tendo sine noxa dissectus, ibidem.	114	— — difficultates.	882
Achores quomodo curandi.	386	— — objectiones Denysii atque ad has responsiones.	898
Acida in sanguinis profusionibus abhibita fiunt adstringentia.	73	— — lateralis quae operatio.	904
— in peste conducunt.	300	— — a Fratre Jacobo primum institutus.	ibid.
Acus ad futuras vulnerum.	62	— — a Ravio maxime post hunc exercitatus & correctus.	912
— ad futuras curvae praestant rectis.	62	— — lateralis Ravianus ab Autore primum post hunc institutus.	914. 915
— pro gastroraphia.	101	— — a Cheseldeno emendatus.	918
— — pro cataracta quales.	560	— — & seqq.	
— — — Albini.	580	— — a Dranio adparatui magno postpositus est.	924
— — — Brissaei nova.	575	— — a Garengéoto valde extollitur, ejusque perfectio solis Gallis, sed injuria, adscribitur.	925
— — — duplex.	579	— — a Senffio quoque exercitatus.	930
— — — Smalsii.	579	— — a Morando excultus.	931
— — — ex oculo extrahenda non dantur.	571	— — — incommoda.	935
— — in dextro oculo, dextra manu suppressenda.	572	— — magnus sive Marianus quis.	861
— — fetaceo consueto excitando.	682	— — a Romano inventus, sed a Mariano primum descriptus.	862
— — — longitudinali Autoris.	683		Ad.
Acus triangularis pro paracentesi	704		
Acus Cheseldeni pro pupilla perforanda.	580		
— Cheseldeni pro arteriis post lithotomiam ligandis.	940 & Tab. 31.		

Adparatus quare inventus.	862	Aer, si vulnera deligantur, fit temperatus	66. 78
— ob instrumentorum copiam ita dictus.	ibid.	Aesculapius Medicus & Chirurgus inter antiquissimos valde celebris.	8
— quomodo instituitur.	866	— in Deorum numerum receptus.	8
— a Toletio bene descriptus est.	862. 864. & alibi.	— ex utero matris excisus fertur.	756
— a Dranio egregie emendatus.	868	Aetius celebris inter antiquos Chirurgiae Scriptor.	9
— parvus sive minor.	848	— hypopyi curationem novit.	590
— antiquissimus.	848	Afri futuras tendinum varias perfecerunt.	1096
— a Celso primum bene descriptus est, eumque ceteri secuti.	848	Agyrtarum celotomia.	823
— quomodo instituitur.	852	Albinus, pater, acum peculiarem pro cataracta primus descripsit.	579
— a Dranio prorsus rejicitur; sed ab Autore & multis aliis defenditur, atque retinendus censetur.	857	— foetum vidit, qui pedibus uterum perforavit.	777
— vix nisi instrumentis differt a laterali, atque hoc facilius est.	ibid.	— vitam & fata Rauii bene descripsit.	926
Adstringentia medicamenta in sanguinis profusionibus.	77	— Rauio emendationis & perfectionis sectionis lateralis gloriam vindicat.	ibid.
— caustica vitanda.	78	— Rauium & vesicam & cervicem ejus incidisse refert.	913
Adurentia medicamenta eadem sunt, quae caustica.	473	— filius, Rauii lithotomiae methodum & instrumenta ejus descripsit.	912
— profunt in callis exedendis.	373	— Rauium solam vesicam incidisse hic perhibet, non cervicem.	929
Aduersiones sive utiones.	329	— aliud scalpellum delineat, quam quo Rauius meo tempore usus est.	912. 1004
Aegylops, oculi morbus, quid.	535	— catheterem Rauii sulcatum recte aliis crassiorum delineavit.	913
— quomodo curetur.	572	Albucasis, inter Arabes Chirurgus celeberrimus.	9
Aegineta Graecus unus ex primariis Chirurgis antiquis.	9	— calculi sectionem in mulieribus singularem descripsit.	964
— artificium liquores in vesicam injiciendi jam novit.	885	— calculi secandi ratio cum sectione laterali multum convenit.	ibid.
— aegros in sectione fistulae ani supinos collocavit.	1057	— de lithotomia bene scripsit.	898
— foetum mortuum educere docet.	1049	— parvum scalpellum primum pro lithotomia commendavit.	939. 984
— fistulas ani jam bene curavit.	1062	— ferramenta candentia bene descripsit.	470
— palpebras relaxatas quomodo curaverit.	539	— polypi narium peculiarem curandi modum tradidit.	613
— peculiarem polypum nasi curandi modum tradidit.	613	Albugo oculorum quid.	584
— scarificationem oculorum jam sciavit.	556. 557	Album seu albumen ovi prodest in oculorum vulneribus.	132. in ambustis. 332
— testiculum in herniae sectione peculiari modo ligandum docuit.	829	Alcohol vini in vulnerum haemorrhagiis egregium adstringens sive stypticum.	77
Aegri ante operationes graviores prius praeparandi.	920. 1124	Aliena ex aspera arteria extrahenda.	719. 720
Aegyptii futuras tendinum perfecerunt.	1096	— ex aure eximenda.	605
Aegyptiorum calculum ope flatus educendi ratio e vesica.	843	— ex oculo educenda.	534
— peculiaris scarificationes in aurbus, gingivis, naso & furis instituendi ratio.	440	— e vulneribus protrahenda.	57. 58. 484.
Aer vulneribus inimicus.	66	Aloes essentia cum aqua ophthalmica parata	in

I N D E X.

in oculo lacrymante prodest.	565	Anellus sanguinem e thorace ope siphonis extrahendi modum descripsit.	118
Alpinus scarificationes Aegyptiorum docet.	440	Anelli specilla aeger quidam ipse quam facillime sibi applicavit.	551
Altus adparatus. vid. Adparatus.		Aneurysma ejusque differentiae.	414
Alumen adstringens est in haemorrhagiis.	77	———— quomodo curandum.	420
———— ustum, medicamentum carnem luxuriantem aut impuram exedens 77. & multis aliis in locis.		Aneurysmatis cura non requirit arteriae ustionem, quam superiori seculo adhuc adhibuerunt.	421
Amandus, Gallus, de arte obstetricandi bene scripsit.	14	———— vinctura.	1227
———— machinam pro capite infantis in utero relicto extrahendo invenit.	1002	Angliae & Galliae Reges strumas tactu sanare dicuntur.	679
Amaurosis quid.	566	Ani abscessus.	1071
———— an operatione curanda.	ibid.	———— ficus.	1046
Ambe Hippocratis.	245	———— fistula.	1054
Ambusta five ambustiones.	323	———— fungus.	1046
———— faciei & oculorum.	330	———— procidentia.	1044
Ammonius Alexandrinus celebris inter veteres Chirurgus.	9	———— speculum quid.	1053
Amputatio digitorum.	466	———— sphincter sine noxa discindi potest	1125
———— brachii vel manus.	471	———— tubercula.	1046
———— brachii in humeri junctura.	486	———— vitia.	1034
———— humeri.	471	Ankyloblepharum.	514
———— an propter abscessum fieri debeat, dubitatur.	490	Ankylosis.	187. 1153
———— femoris.	483	Annuli ad uteri prolapsum curandum.	1028
———— pedis.	479	Annulus musculorum abdominis an in herniae operatione scarificandus.	810
———— tibiae.	ibid.	Anthrax five carbunculus.	301
———— nova tibiae Verduini.	481	Antimonii butyrum unum ex valentissimis causticis.	437
———— mammae.	733	———— callos exedit.	373
———— penis cancrofi.	866	———— in carbunculis sanandis laudatur.	310
Amstelodamensis Senatus Jacobum aureo instrumento donavit.	592. 994	———— in verrucis & excrescentiis extirpandis commendatur.	475. 477
Anatomia Chirurgis summe necessaria.	20. 48. 562. 894. 942. 977	Antiqua ulcera. vid. ulcera antiqua	
Anceps experiri remedium saepius praestat quam nullum.	110. 764. 769.	Antiqui calculi sectionem bene noverunt.	898
Anchylops quid.	535	———— cataractae operationem sciverunt.	602
Ancylosis quid & quomodo curanda.	187	Antitrangi ustio in dentium dolore.	605
Ancyloblepharum.	514	Anus clausus quomodo curandus.	1040
Andreas a Cruce celebris Medicus & Chirurgus.	10	Apertura auditorii meatus clausi.	603
———— Chirurgiam scripsit.	14	———— narium coalitarum.	623
———— cauteria aliaque instrumenta descripsit.	14. 470	———— palpebrarum conjunctarum.	514
Anellus aneurysma curandi modum peculiarem dedit.	427	———— penis clausi.	88
———— fistularum lacrymalium novam curandi rationem invenit, quae describitur.	544	———— vaginae clausae.	954. 958
———— quam Autor primus feliciter imitatus est & perfecit saepius.	537. 544	———— urethrae occlusae.	951.
		Aphaeresis.	15
		Apollo Medicus & Chirurgus antiquissimus & celeberrimus in Deorum numerum relatus.	8
		———— sectionem caesaream perfecit.	756
		Apo-	

- Apoplexiae remedium arteriotomia. 520.
 item scarificatio in occipite. 457
 Apoplexiae remedium ustio plantarum pedis. 471
 Apollonii duo, antiqui Chirurgi celebres. 9
 Apostema idem quod abscessus. 276
 Apostolorum unguentum in fistulae ani callo tollendo laudatur. 1054
 Apparatus. vid. Adparatus.
 Apum ictus qua ratione curandi. 166
 Aqua quomodo hydropicis evacuanda. 747
 — calcis vivae prodest in ulceribus exciccandis. 367. item in gangraena & inflammationibus curandis. 275. 322. 378
 — cinamomi egregium cardiacum in plerisque virium defectibus. 279
 — fervida paronychiam saepe solvit. 1079
 — frigida in pernionibus prodest. 316
 — marina in gangraena. 323
 — muriatica in inflammationibus. 275
 — in gangraena. 323. 1095
 — in ambustis. 331
 — phagedaenica quid. 71. 92. 369
 — falsa in inflammationibus. 275 & gangraena prodest. 323. 1095
 — vulneraria Gallorum, vulgo *l'eau d'arquebuse*, ubi profit. 68. 92. 220. 347
 Aquae medicatae in vias lacrymales injectae contra oculum lacrymantem. 565. & fistulam lacrymalem profunt. 574
 Aquapendens. vid. Fabricius.
 Aquisgranum Jacobus vocatus fuit ad aegrum calculo laborantem secandum. 989
 Aquisgrani an sexaginta a calculo liberaverit, ut Morandus perhibet, dubitatur. 988
 Aroantius Medicus Chirurgus egregius. 11
 — scripsit de capitis vulneribus & tumoribus. 11
 Arcaeus de vulnerum curatione egregie scripsit. 10. 11
 Arcaeus balsamum egregium invenit ad vulnera curanda, qui laudatur. 57. 59. & alias saepissime.
 Aretaeus narium scarificationem commendavit. 459
 Aristoteles vulvae clausae curationem jam novit. 952
 Arnoldus, celebris Chirurgus Gallus ex recentioribus, fasciam peculiarem pro fistula ani invenit. 1070
 — peculiari modo procedit in hernia incarcerata curanda. 760
 Arnoldus carunculam urethrae negat. 835
 Aristoteles machinam pro pedibus curvis excogitavit. 1175
 Arteria aspera laesa saepe non lethalis. 48
 — — quomodo curanda. 127
 — — majori quadam laesa quid fiat. 86
 — — aorta laesa lethifera. 48.
 — — brachialis laesa, quomodo curanda. 90. 425
 — — ob hanc laesam non brachium mox amputandum sed ea liganda. 427. 434. 446. 494
 — — carotis vulnerata plerumque lethalis. 48. quid in laesione ejus faciendum. 124
 — — cruralis laesa ut plurimum mortifera. 48. quomodo curanda. 90
 — — cruralis aneurysma periculofum. 433
 — — coeliaca laesa lethalis. 48
 — — cubitaea laesa quomodo curanda. 78
 — — iliaca laesa lethifera. 48
 — — incisa pejor quam dissecta. 44. 74
 — — renales laesae plerumque lethales. 48
 — — venaesectione laesa qua ratione tractanda. 410. 1226
 — — vulnere laesa quo pacto glutinanda. 78
 Arteriotomia quid. 493
 Arteriotomiae temporum fascia. 1190
 Articulorum rigor seu ankylosis quomodo tractandus. 186
 Artuum corruptorum amputatio. 742 & seqq.
 Aspera arteria laesa, quale periculum. 48
 — — quomodo curanda. 125. 720
 Asperae arteriae vulnera non absolute lethalia. 48. 125. 720
 — — incisio & in angina & in rebus peregrinis eximendis tuto fieri potest. 720
 Atheroma quid & quomodo curandum. 457
 Atretae, five eae, quibus vagina uteri aut urethra clausa. 952
 Atreti, quibus urethra non aperta. 468
 — — quibus anus clausus. 1040
 Auditorii meatus corpora peregrina educenda. 605
 — — excrescentiae seu tubercula quomodo tollenda. 606
 Auditus difficilis auxilia per machinas. 606
 Avi-

Avicenna Medicus & Chirurgus Arabs celeberrimus. 9
 ——— futuras tendinum novit. 1155
 Auris meatus clausus. 603
 ——— excreſcentiae. 606
 ——— lobuli perforatio. 607
 ——— quomodo in dentium dolore adurenda. 605
 ——— vulnera. 135
 Autor acum ad ancuryſina vel arteriam brachialem ligandam peculiarem exhibuit. 422. vid. Tab. 8. F. 4.
 ——— acum pro cataracta in dextro oculo manu dextra curanda primus delineavit. 572
 ——— acum pro ſetaceo recto ac tranſverſo excitando excogitavit. 683. vid. Tab. 22. & 23.
 ——— triangularem pro urethra clauſa perforanda adhibuit. 819. vid. Tab. 26. F. 6.
 ——— triangularem curvam, cannula incluſam, pro fiſtulis peculiaribus per- tundendis invenit. 108. & Tab. 4. Fig. 2. delineavit.
 ——— adparatum altum primus in Germania exercuit, eumque defendit. 881. 882
 ——— quaedam in eo emendavit. 890
 ——— adparatum lateralem primus poſt Rauium inſtituit. 914
 ——— adparatum parvum quoque exercuit, & contra diſſentientes defendit. 856
 ——— adparatum altum ſine repletionem veſicae perfecit. 881
 ——— Anelli modum fiſtulas lacrymales curandi primus feliciter imitatus eſt. 537
 ——— ani fiſtulas curavit. 1118
 ——— ani fungos extirpavit. 1047
 ——— anum clauſum inſanabilem vidit. 1042
 ——— arteriam brachialem ſaepe duplicem eſſe oſtendit, adeoque alteram laeſam ſine noxa ligari poſſe. 429. 471. 476
 ——— arteriotomiam ſine fructu in apoplecticis inſtituit. 495
 ——— artus corruptos amputavit. 466 & alibi.
 ——— caeſaream ſectionem defendit. 711
 ——— & ſq. eamque aliquoties inſtituit. 724
 ——— caneros ſive carcinomata laborum aliquoties excidit. 637
 ——— mammarum varios extirpavit. 690
 vid. Tab. 18.
 ——— caneros & fungos oculi praegrandes

ſcalpello curavit, 595. vid. Tab. 18.
 Autor caneroſam mammam ingentem amputavit. 690. vid. Tab. 22. Fig. 3.
 ——— caſtra Chirurgiae cauſa per triennium ſecutus eſt. vid. praefat.
 ——— cataractae ſedem ut plurimum in lente cryſtallina eſſe in Germania primus docuit. 558. eam tamen etiam quandoque membranulam in aqueo eſſe concedit. 559
 ——— cataracta ſuppreſſa vomitum ſaepe ſequi notavit. 573
 ——— Chirurgiam ſuam ubi didicerit. vid. praefat.
 ——— clyſteribus ex fumo tabaci multos hernia incarcerata & ileo laborantes curavit. 1033
 ——— digitos corruptos & ſupervacaneos reſecuit. 466. vid. Tab. 12.
 ——— epiplocelen ſectione curavit. 786
 ——— errores circa Fratrem Jacobum commiſſos multos notavit. 933. 988. 991. & ſeqq.
 ——— errores circa Rauium commiſſos multos correxit. 916. & ſeqq.
 ——— faſciam novam pro exciſis glandulis parotidibus deligandis invenit. 1191
 ——— faſciam quoque pro ſanguine poſt fiſtulae ani & calculi ſectionem cohibendo deſcripſit. 1215
 ——— pro mammis 4. capitibus invenit. 1210
 ——— ferramentum pro collo & ſpina erectis ſervandis. Fig. 5. Tab. 24. primus delineavit.
 ——— ferramentum pro urinae incontinencia peculiare primus publicavit. 823. vid. Tab. 26. Fig. 6.
 ——— fiſtulas ani varias ſanavit. vid. cap. de fiſtula ani. 1054
 ——— fiſtulas lacrymales Anelli & aliis modis ſuſtulit. vid. cap. de fiſtula lacrymali. 534
 ——— fiſtulas lacrymales quomodo reſtituat. 552
 ——— fiſtulam perinaei notabilem curavit. 949
 ——— fiſtulas ſ. tubulos pro naribus inciſis apertis ſervandis excogitavit. 625. vid. Tab. 19. Fig. 15. & 16.
 ——— foetum pro matre ſervanda in partu ſubinde occidendum eſſe ſtatuit. 725
 1005
 Autor

- | | |
|---|--|
| <p>Autor fungos ani curavit. 1047</p> <p>— fungos oculorum extirpavit maximos. 594</p> <p>— glandulas maxillares & parotides primus forte & saepius feliciter excidit. 665 & seqq.</p> <p>— glaucoma in vitreo humore opaco consistere existimat. 577</p> <p>— herniae sectionem cum testiculi extirpatione peculiari dissertatione impugnavit. 777</p> <p>— herniam umbilicalem penis figura vidit. 735</p> <p>— herniam umbilicalem aliam peculiarem descripsit 744. & delineavit tab. 24. fig. 12.</p> <p>— hernias incarceratas fumo tabaci injecto restituit. 757</p> <p>— hernias post celotomiam vulgarem redire observavit. 776</p> <p>— instrumentum pro abscessibus tonsillarum aperiendis primus delineavit. 662. tab. 21.</p> <p>— instrumentum pro uvula resecanda primus exhibuit. 706. tab. 21.</p> <p>— labra leporina multa curavit. 626. & delineavit tab. 20. fig. 1.</p> <p>— laryngotomiam seu rectius tracheotomiam feliciter perfecit. 675</p> <p>— lithotomiae modos omnes exercuit. 849</p> <p>— nares concretas curavit aliquoties. 624</p> <p>— nasi polypum peculiari artificio extirpavit. 615</p> <p>— os vaginae nimis angustum quomodo curaverit. 957</p> <p>— palpebrarum tubercula varia extirpavit. 508. Vid. tab. 15.</p> <p>— paracentesin abdominis peculiarem observavit. 706</p> <p>— polypum nasi. Vid. nasi polypum.</p> <p>— puncturam quandam vesicae cum multis aliis ante Garengéotum descripsit. 943</p> <p>— Rauii calculum secandi rationem jam 1718. brevissime, sed tamen perspicue descripsit. 915</p> <p>— Rauii modum secandi calculum primus feliciter imitatus est. 914</p> <p>— Radium methodum Jacobi & magnum apparatus combinasse judicat. 581</p> <p>— renum vulnus grave sanavit. 859</p> <p>— scalpello parvo tab. 12. fig. 14. can-</p> | <p>— cros & tumores excindit. 691</p> <p>Autor scalpello parvo tab. 13. fig. 1. carnem in artuum amputationibus discindit. 472</p> <p>— scalpellum pro vulneribus abdominis dilatandis commodum invenit. 99. Vid. tab. 5. fig. 3.</p> <p>— icipulae peculiarem fracturam vidit. 195</p> <p>— siphunculum & stylos pro curanda fistula lacrymali ab Anellianis diversos invenit. 537. Vid. tab. 16. fig. 11. 14.</p> <p>— tendines dissectos sine futura glutinari observavit. 1089</p> <p>— testiculo in sarcocoele resecto periculosam haemorrhagiam vidit. 792.</p> <p>— torcularia, vulgo <i>tourniquet</i>, vario modo emendavit. 81. 82. Vid. tab. 5. 6. & 14.</p> <p>— tracheotomiam instituit. 675</p> <p>— tunicatos tumores extirpavit. 458</p> <p>— turundas in vulneribus abdominis non semper esse rejiciendas contra Garengéot evincit. 97</p> <p>— vaginae os nimis angustum quomodo curaverit. 957</p> <p>— vaginam clausam insanabilem vidit. 961.</p> <p>— vesicae peculiaria diverticula notavit & delineavit tab. 32.</p> <p>— puncturam quandam ante Garengéotum descripsit. 943</p> <p>— uncus pro foetu extrahendo emendavit. 1000</p> <p>— urinam suppressam quomodo optime educendam esse statuatur. 10. 11</p> <p>— uterum in partu ruptum vidit. 1003 & alibi.</p> |
|---|--|
- B.
- B**alsamica medicamenta vulnera & ulcera sanant. 12. 57. 62. 63. 362
- Balsamus Arcaei. 19. 57. 59. & postea saepissime. 63
- commendatoris. 19 57
- copaivae in vulneribus laudatur. 362
- in ulceribus. 115. 122
- Locatelli commendatur. 57. & alibi.
- de mecha. 115
- Meibomii laudatur. 115
- Peruvianus in vulneribus commendatur. 115
- Mmmmmmm

- datur. 19. 57. & in ulceribus. 362
 Balsamus sulphuris in pernionibus. 317
 Bamberus in Anglia lithotomiam Rauli
 imitatus est feliciter. 918
 Bartischius antiquus Chirurgus & Ocularius
 Germanus egregie de morbis oculorum
 scripsit. 12
 — oculi prolapsum curavit. 594
 — palpebrarum relaxationem live
 ptosin primus bene delineavit. 510
 — instrumentum ad palpebras rela-
 xatas auferendas invenit. 511
 Bassius de fistula ani scripsit, & novum scal-
 pellum pro ea delineavit. 1061
 Bauhinus de caesarea sectione scripsit. 755
 eam cum embryulcia confundit. 778
 Beaulieu Fratris Jacobi cognomen erat. 904
 Beckerus foetum pro matre servanda in
 partu subinde occidendum esse probat.
 725. 733. 1005
 — foetus per anum extracti exem-
 plum refert. 716
 — vaginas clausas curatas notavit.
 957
 — de vagina clausa puellae lascivae
 lepidum exemplum refert. 956
 Bellostius de vulneribus bene scripsit. 11
 — turundas damnat. 11. 53
 — vulnera rarius deliganda esse prae-
 cipit. 11. 60
 Bellostii remedium ad sphacelum. 328
 Benevoli de caruncula in urethra scripsit
 ejusque de hac sententia. 835. 836
 — sententia de cataracta in lente cry-
 stallina. 595
 Berengarius celebris Medicus & Chirurgus
 de fractura cranii bene scripsit. 10. 11
 — vias lacrymales scivit. 563
 Bidlous mammas multas cancras amputa-
 vit. 689
 — in hoc negotio magna furca &
 scalpello magno usus est. 691
 Bienaisius tendinum suturas invenisse aut
 restituisse dicitur. 1088
 Biliferi ductus laesi mortiferi. 49
 Blepharoxyston Celsi & Aeginetae. 557. 589
 Boerhavius verum locum pro paracentesi
 pectoris non indicavit. 696
 Bonetus, Chirurgus Parisi altam operatio-
 nem olim Parisiis exercuit. 884
 Borichio calculus nimis magnus educi non
 potuit, unde mortuus est. 846
 Borallus peculiarem modum artus uno ictu
 amputandi excogitavit. 485
 Bovista in sanguine sistendo utilis. 77. 496
 Brachialis arteria laesa quomodo curanda.
 90. 429
 — non semper requirit ampu-
 tationem brachii, ut multi suaserunt &
 fecerunt, sed arteriae ligaturam. 429
 — Brachieria sunt vincula contra her-
 nias. 787. 826
 Brachii amputatio. 471
 — in humeri junctura. 486
 Brachium fractum. 201
 — luxatum. 251
 — ob arteriae laesionem non mox
 est amputandum. 427. 429
 Brassicae muriaticae liquor conducit in am-
 bustionibus. 331
 — in inflammationibus. 275. & in
 gangraena. 323
 Brissaeus cataractam in lente crystallina con-
 stituit. 558
 — novam pro cataracta curanda a-
 cum invenit. 612
 Bronchiocoele. 678
 Bronchotomia quid. 674
 — ubi & a quibus commendetur. 675
 — res peregrinae e trachea eximi
 possunt. 676
 Bronchotomia ab Autore in hoc casu felici-
 ter instituta est. 676
 Brunus Chirurgus antiquus celebris. 10
 Brunnerus carunculas urethrae negat. 835
 — liquore mercuriali fistulam lacry-
 malem curavit. 581
 Brunsvigius Chirurgus Germanus celebris. 10
 Bubones benigni. 291
 — pestilenciales. 293
 — venerei. 305
 Bubonocoele quid & quomodo curanda. 750
 — incarcerata. 756
 — intestinis corruptis qua ratione
 tractanda. 766
 Bubulus oculus est oculi morbus. 593
 Burrhus visus restitutionem post effusos o-
 culi humores promisit. 133
 — quod a veritate haud prorsus alie-
 num esse demonstratur. 133
 Butyrum antimonii valentissimum causti-
 cum. 437
 — in carbunculis sanandis laudatur. 304
 — in verrucis & excrescentiis tollen-
 dis commendatur. 475. 476
 C.

C.

- C**abrieri vanum arcanum ad hernias magno pretio redemptum. 775
- Cabrolus singulare exemplum urethrae in femina clausae describit. 955
- Caesarea sectio quid. 707
- a quibus improbetur. 714
- a multis defenditur & commendatur. 715
- Caesareae sectionis utilitas & necessitas evincitur. ibid. & seqq.
- Calcanei ob fracturam Chirurgus tendinem Achillis resevit: quaeritur an recte. 1095
- luxatio. 262
- Calcis vivae aqua ubi prodest. Vid. aqua calcis vivae.
- Calculi vesicae a Rauio e puella exsecti, vix nisi unicum exemplum prodest. 936
- linguae exsectio. 653
- ex urethraeductio. 839
- vesicae signa. 844
- diversae excidendi rationes. 848
- Calculi magni in mulieribus saepe sponte excernuntur. 1061
- minores majoribus haud raro difficiliter educuntur. 897
- in mulieribus saepe sine sectione educi possunt. 962
- laterali methodo in feminis extracti rara sunt exempla. 936
- Calculus vesicae quomodo in viris extrahitur, & diversi adparatus. 893. Vid. adparatus.
- ab expertissimis quandoque educi non potuit. 857. 884
- qua ratione in mulieribus excutitur. 962
- quatuor quoque diversis modis ut in viris protrahitur. 962
- alto adparatu digitis saepe educi potest. 950
- in feminis aliquoties a fibula vel acu in vesica pronatus est. 970
- in Germania rarus est morbus. 943
- in viro ab arista seu spica frumenti ortus. 971
- cum vesica quandoque concrevit. 897
- in mulieribus sectione a Rauio non extractus est, docente Falconeto. 968
- an in mulieribus semper sine sectione educi debeat aut possit. 964
- Callus quid in fracturis. 185
- aequalis quomodo producendus. ibid.
- an rursus emolliri queat. 188
- ad fistulam lacrymalem non necessario requiritur. 569
- Calvariae fractura. 146
- impressio. 145
- laesiones. 141
- vulnus. 139
- Camphora & spiritus vini camphoratus prodest in inflammationibus. 275. in gangraena. 322
- Canales pro pedibus fractis immittendis. 179
- Cancer veteribus praesertim Celso idem, quod nobis gangraena. 271. 734
- vulgo hodie pro carcinomate sumitur. 334
- labiorum. 635
- linguae. 655
- mammae. 688
- Cancer mammae maximus quomodo ab Autore resectus. 690
- oculi. 593
- penis. 816
- Cancer generalis curatio. 337
- sectio & ustio a Celso inutilis est proclamata. 336
- combusti in rabie profunt. 165
- Cancrorum lapides citrati in aestu febrium & inflammationum profunt. 274
- Cancrofa mamma quomodo amputanda. 688
- Candentis ferri usus. 470
- Canis rabiosus unde cognoscatur. 164
- rabiosi morsus quomodo curandus. 165
- quae mala inde proveniant. 164
- Cannula in tracheotomia. 776
- paracentesi abdominis. 751. thoracis. 743
- thoracis vulneribus. 119
- vesicae vulnere post lithotomiam inutilis. 917
- rejecta etiam est a Rauio. ibid.
- Cantharides externe adhibentur pro vesicis excitandis in varium usum. 466
- callum vulneris perinaei post lithotomiam tollunt. 977
- fonticulorum fluxum suppressum revocant. 466
- ulcerum antiquorum fluxum cessantem revocant. 379
- M m m m m m m 2 Ca.

<i>Capelline Gallorum.</i>	1123. 1130	tuerint.	558
<i>Capistrum simplex, fascia est.</i>	1125	Catherwood arteriotomiam in apoplexia	520
— duplex.	1126	valde extollit.	877
<i>Capitis obstipi curatio.</i>	717	Catheter quid.	830. 831. 1004
— fracturae.	143	Catheteris differentiae.	829
— vulnera.	129	— in feminis applicatio.	831
<i>Capitalis reflexa fascia pro capite.</i>	1123.	— in viris adhibendi modus.	883
pro clavicula. 1130. pro manu amputata.	1160	— flexilis usus.	820. 880
<i>Capitium magnum.</i>	33. 1119	Catheterismus quid.	450. 453
— triangulare.	32. 1118	Caustica medicamenta eadem quae aduren-	77. 78
<i>Carbunculus pestilens.</i>	307	tia.	1052. 1069
<i>Carcinoma.</i> 333. Vid. Cancer.		— quoque sunt styptica, sed fortio-	1134
<i>Caries ossium.</i>	369. 372	ra nocent plerumque in vulneribus.	833
— venerea.	371	Cautelae circa calculi eductionem.	774
<i>Caro luxurians rodentibus medicamentis</i>		— circa lithotomiae electionem.	451
tollitur.	76. 362	— in foetus extractione.	1001
<i>Carpi fractura.</i>	203	— in ani fistula curanda.	1052. 1069
— luxatio.	253	— in hernia incarcerata.	1134
<i>Caruncula urethrae.</i> 834. variae de eadem		— in sectione caesarea.	833
sententiae.	ibid.	Cauteria quinam rejecerint.	774
<i>Caryophyllorum oleum in carie prodest.</i>	382	— quinam bene de iis scripserint.	451
<i>Casseri laryngotomiam valde commen-</i>		Cauteriorum actualium & potentialium u-	ibid.
<i>dat, figuris illustrat & contra dissentien-</i>		fus.	ibid.
<i>tes defendit.</i>	674	Celotomia quid.	776
<i>Castratio in simplici hernia intestini, vel</i>		— vulgaris, cum testiculi exsectio-	776
<i>omenti, rejicienda & a Magistratu prohi-</i>		ne peragitur adeoque rejicienda.	ibid.
<i>benda.</i>	776	quomodo fiat.	778
— in farcocele admittenda.	791	— recentiorum fit sine testiculi ex-	780. & seq.
itemque in cancro testiculi.	859	tirpatione.	776.
<i>Castrati qui dicantur.</i>	839	— vulgaris Agyrtarum a Magistratu	776.
<i>Cataphracta, vincturae species.</i>	1142	est prohibenda.	776.
<i>Cataplasmata in abscessibus emolliendis</i>		— in hernia incarcerata subinde in-	776.
<i>profunt.</i> 277. 286. itemque in carbun-		stituenda, sed sine testiculi laesione &	808
<i>culis separandis.</i> 308. atque in sphacelo.	324	quomodo.	808
<i>Cataracta quid.</i>	557	Celsus veterum Chirurgorum princeps.	8
— quotuplex.	ibid. 561. 562	— abscessus ante maturationem ape-	280
— consistit plerumque in opaca len-		riendos esse vult.	280
<i>te crystallina.</i> 558. 559. quandoque in		— anceps experiri remedium mavult	110. 526. 764
<i>membranula.</i>	559. 596	quam nullum.	110. 526. 764
— an per corneam educi queat.	578	— calculi sectionem egregie descripsit	852
— an uncinulis extrahi possit.	607	— calculi in mulieribus extractionem	962
— differentiae.	613	bene docuit.	962
— signa.	561	— carcinomatis remedium dari negat.	341. 344
— prognosis.	598	— adeoque nec ustio illud sanat.	341
— curatio succedit quandoque per	564	— cataractae curationem egregie tradi-	602
medicamenta.	566	dit.	602
— curatio per acum.	570	— Chirurgiae historiam brevem exhi-	4. 7
— veteribus probe cognita.	ibid.	buit.	19
<i>Cataractam quinam in crystallino primi sta-</i>		— Chirurgum eleganter depinxit.	19
		— de capitis laesionibus bene scripsit.	150
			Cel-

Celsus de carie bona praecepta dedit.	386	Chefeldenus caries ossium, exostoses & spi- nas ventosas pulchre delineavit.	397	
— elegantissime Latine scripsit & hinc Medicorum Cicero appellatur.	6	— — — — — ferramenta varia pro calculi o- peratione correxit.	971. Vid. tab. 31.	
— de foetu mortuo educendo jamegre- gie egit.	978. 1003. 1004	— — — — — herniam incarceratam peculiari modo curavit.	813	
— foetum mortuum pedibus educi do- cet.	1001	— — — — — pupillam oculi clausam singula- ri ratione aperit & discindit.	578	
— foetus caput educi docuit.	ibid.	Chinae Chinae usus. Vid. Cort. Peruv.		
— herniae umbilici curam dedit.	739	Chinensium acupunctura.	462	
— post herniae sectionem futuram com- mendat.	813	Chiron, Chirurgus antiquissimus.	8	
— mulierum calculum quomodo emol- liatur.	1030	Chirotheca, fasciae species.	1160	
— narium scarificationem docet.	459	Chirurgia quid.	4	
— oculorum scarificationem novit.	525	— — — — — antiquissima & certissima est Me- dicinae pars.	7. 36	
— — — — —	557	— — — — — est maxime necessaria.	36	
— palpebras relaxatas quomodo cura- verit.	539	— — — — — ejus progressus & incrementa.	7	
— partum ex utero educendi artem in- ter res difficillimas merito reputavit.	1005	— — — — — infusoria quid. 430. ejus invento- res & patroni.	432	
— polypi nasi curationem dedit.	612	— — — — — medica, medicamentis sanat.	5	
— puellas naturalibus clausis interdum nasci notavit.	1018. atque etiam hujus mali curationem jam docuit. 1019. 1020	— — — — — practica quid.	ibid.	
— secundas extrahere bene docuit.	1012. 1013	— — — — — transfusoria.	430	
— — — — —	524. 528	— — — — — veteribus jam bene erat perspecta	6. 9. quod ipsum uberius calculi. 839. ca- taractae. 693. trepanationis. 523. &c. ope- rationes, foetus mortui extractio &c. e- vincunt.	1061
— terebrationem cranii jam tradidit.	49	— — — — — divisio.	15	
— de vulnerum praesagio agit.	49	— — — — — natura & necessitas.	3. 38	
Cepae assatae in urina suppressa profunt.	878	— — — — — progressus.	9	
Cerebri laesiones.	48	— — — — — finis.	6	
Cervix curva quomodo curanda.	672	— — — — — ingens nexus cum Medicina	4. 7	
— — — — — vesicae tuto in Celsiara & laterali sectione inciditur.	957	— — — — — studium arduum est.	35	
— — — — — in magno adparatu semper dilace- ratur s. finditur iter urinae.	913	Chirurgi antiqui praestantiores.	8. 9. 10	
— — — — — etiam in magno adparatu a quibus- dam inciditur.	914	— — — — — recentiores optimi.	10	
Chabertus quomodo sanguinem amputata manu vel cubito sistat.	475	Chirurgicae operationes.	401	
Chefeldenus altum adparatum feliciter exercuit.	934	Chirurgici libri praestantiores qui.	11	
— — — — — quare altum adparatum inter- miserit.	987	— — — — — Scriptores generatim. Vid. in Biblio- theca Chir. post. praefat.		
— — — — — eum magno praefert.	948	Chirurgus quid. 4. 19. ejus officium & vir- tutes.	19. 20. & seq.	
— — — — — lateralem deinde sectionem valde emendavit.	918	— — — — — anatomen probe calleat.	19. 48	
— — — — — quomodo prima experimenta lateralis adparatus instituerit.	987	— — — — —	562. 894. 942. 977	
— — — — — calculum, qui magno adparatu ab alio educi non potuit, laterali edu- xit.	ibid.	Chirurgorum prudentia in praefagiendo.	24	
		— — — — — antiquissimorum scientia jam in multis curationibus magna fuit cata- ractae. 692. & calculi operatio. 893. foe- tus mortui extractio. 1061. perforatio cranii. 523. vaginae clausae evincunt.	1015	
		Cicatrix quid & quomodo obtinenda in vul- neribus. 53. in ulceribus.	366	
		Cicero Medicis & Chirurgis quam utilissi- ma		

ma praecepta dedit.	21	Corporis praeservatio a peste.	303
Cicero evulsionis dentium inventionem		Corrodentia, caustica, sive rodentia medi-	
Aesculapio adscribit.	686	camenta.	437
Cinamomi aqua cum vino parata egregium		Cortex Peruvianus in gangraenae curatione	
cardiacum ubi vires instaurandae.	279	valde laudatur.	315. 319
———— oleum in carie prodest.	382	———— quid Autor circa hujus usum obser-	
Circularis fascia quid.	1114	vaverit.	325
Cirfocele quid.	808	Costae fractae.	196
Clavata futura quid.	102	———— luxatae.	224. 241
Clavi pedum.	1104	———— fascia pro ipsis.	1121
Clavicula fracta.	192	Cowperus, Chirurgus Anglus, futuram ten-	
———— luxata.	243	dinis Achillis optime descripsit.	1097
Claviculae fractae vinctura.	1201	quae uberius tamen illustratur.	1098
Clitoris nimis magna quomodo auferenda.	959	———— in hac futura differt ab aliis.	1099
Clysteres quid & quomodo adhibendi.	1034	Cranii laesiones.	141
———— eorum usus multiplex.	1036	———— nudi terebratio.	140
———— nutrire possunt.	1037	Crepitus lupi in sanguinis fluxu vulnorum	
———— ex tabaci fumo in hernia incarce-		cohibendo saepe utilis.	77 496
rata efficacissimi.	ibid.	Cristae ani.	1046
Cohaesus secundinas non naturae esse re-		Cruor in oculum effusus, quare ratione emit-	
linquendas contra Ruyschium evincit.	1074	tendus & discutiendus.	631
Colli incurvati curatio.	717	Crusta lactea infantum.	385
———— venae quomodo secandae.	419	Cubitus fractus. 201. fascia pro ipso.	1223
———— vulnera.	124	———— luxatus.	224. 251
Collisa vulnera quid & quomodo curanda.	150	Cucurbitulae quomodo adhibendae.	436
Colotus, celebris Lithotomus Parisinus li-		———— cruentae idem, imo saepe plus	
brum reliquit de Lithotomia. Vid. Biblio-		praestant quam venae sectio.	437
theca Chirurgica.		———— male a quibusdam rejiciuntur.	439
———— perinaei puncturam ad modum ma-		Cyprianus celebris inter recentiores Chi-	
gni apparatus instituit.	944. 1012	rurgos.	10
———— de urina suppressa bene scripsit. ibid.		———— foetum ex abdomine excidit, ma-	
———— urinam suppressam a prostaticis scir-		tre superstite.	714
rhosis vidit.	941	———— hernias post celotomiam vulgarem	
———— urinae suppressae curationes non		peractam saepe redire observavit.	776
nimis diu differendas esse evincit.	947	———— quomodo herniam incarceratam	
Combustio quomodo curanda.	329	curaverit.	812
Concreti digiti, nares, palpebrae, &c. Vid.		———— vulnus musculorum abdominis in	
digiti, nares, palpebrae, &c.		incarceratae herniae curatione amplum	
Condylomata ani.	1046	fecit & deinde futura conjunxit.	813
Contraissura quid.	141	Cystotomiae vocabulum a nonnullis pro li-	
Contra-apertura, <i>contreouverture</i> , quid.	60	thotomia sumitur.	842
Contusa vulnera.	153	———— hypogastrica, idem quod li-	
Contusiones quid & quomodo curandae.	ibid.	thotomia per apparatus altum.	878
———— capitis & cranii.	138		
Convulsiones vulnorum qua ratione curan-			
dae.	81		
Corneae tunicae maculae.	623		
Coronalis futurae fonticulus.	515		
Corporis praeparatio ante graviores opera-			
tiones chirurgicas maxime est necessaria.	603. 900		

D.

DEcocta lignorum magni sunt usus ubi
 scirrhus resolvendus. 336. & in san-
 guine impuro. 367. 368. 371
 ————— vulneraria qualia esse debeant.
 75
 Dekkeri instrumenta ad tracheotomiam.
 677
 Dek-

Dekkeri machina ad auditum difficilem non praestat quod promittit.	606	Deventerus quid faciendum praecipiat si uteri situs obliquus.	1058
Deligatio apta utilissima est & Chirurgum valde ornat.	1181	Diaeresis quid.	15
_____ rara sit in vulneribus.	59	Diaeta graviter vulneratorum.	71
_____ fortior in fracturis & vulneribus haud raro gangraenam induxit. 180.	1184	_____ in Chirurgia est utilissima.	24
_____ fortior in haemorrhagiis gravioribus vulnerum necessaria saepe est.	76	_____ in ulcerum curatione summe necessaria est.	362. 366
_____ nimis laxa in fracturis noxia.	180	Diaeta eorum, qui vehementem operationem chirurgicam sustinuerunt, eadem est ac graviter vulneratorum.	71. 920
Deligationis bonae requisita.	27	Digestivum unguentum ex terebinthina & vitello ovi paratum, prodest in abscessibus, ulceribus & vulneribus recentibus.	19. 59. 70. 91. 361. 364
_____ signa in fracturis.	179. 1154	Digitus cohaerentes seu concreti quomodo dividendi.	465
Dentes artificiales.	646	_____ corrupti & p. n. qua ratione auferendi.	466
_____ carie exesi.	642	_____ fracti curatio.	204
_____ clausi aperiendi.	638	_____ luxati curatio.	254
_____ dolentes quomodo curandi.	685	Dionysius recens Scriptor Chirurgicus Galus.	10
_____ impuri qua ratione mundandi.	640	_____ altam operationem calculi commendavit.	928
Dentium dolor.	643	_____ carunculas urethrae negat.	835
_____ evulsio quomodo fiat.	ibid.	_____ Jacobi Fratris Lithotomi celebris fata describit.	958
_____ evulsionis inventio Aesculapio a Cicerone adscribitur.	ibid.	_____ Jacobum pro temerario habet.	989
Dentitionis difficilis remedium quandoque est gingivarum incisio.	648	_____ omentum corruptum auferre dissuadet.	113
Denysius, Lithotomus Leidensis, discipulus & successor Rauii, observationes de calculo & lithotomia scripsit. 898.	973	_____ pectore vulneratum tota nocte vulneri imposuit.	119
_____ Rauii modum omnibus praefert, attamen eum non describit.	898	_____ puncturam vesicae in perinaeo ibi fieri vult, ubi Frater Jacobus calculum excidit.	942
_____ lithotomiae modos veterum non omnino esse rejiciendos vult.	977	_____ negavit male herniam umbilicalem a peritoneo diducto oriri posse.	744
_____ adparatum altum multis objectionibus impugnavit, quibus respondetur.	898	Dividens fascia, in collo ambusto.	1128
_____ adparatum tamen altum magno adparatui praefert.	953	Divinatio e sanguine vena educto in morbis ut plurimum incerta.	413
_____ urinam suppressam eo in perinaei loco educit, ubi calculum excidit.	1009	Dolor ad inflammationis signa pertinet.	270
_____ excogitavit peculiare ferramentum, quo suppressam urinam evocat.	944	_____ calculi vehemens aegros ad operationem impellit.	894
_____ signa calculi bene descripsit.	896	_____ dentium vehemens.	685
Depressio cranii quomodo tractanda.	143	_____ paronychiae saepe vehementissimus.	1076
Dethardingius in aqua submersis laryngotomia succurri posse existimat.	677	_____ vulnerum qua ratione temperandus.	79
Deventerus de arte obstetricandi egregie scripsit.	13. 976	Dolores partus veri & falsi qui.	974
_____ in quovis fere partu difficili, ex situ p. n. foetus, sine mora foetum pedibus educendum esse suadet.	1047	Dorsum incurvatum.	700
_____ uteri situm saepe obliquum esse in partu evincit. 1042. & inde oriri plerumque partum difficilem docet.	1045	Douglas (Jacob.) Medicus, doctissime scripsit de sectione calculi laterali, & speciatim Cheselden emendationibus.	918
	1058		Dou-

Douglas Chefeldeni correctâ aut nova pro hac methodo instrumenta delineavit.	918
—— vesicam solam Rauiana methodo incidi non posse contra Albinum sustinet.	984
—— (Jo.) Chirurgus altam operationem sive adparatum altum instauravit, & feliciter exercuit.	880
—— quomodo altus adparatus in mulieribus sit instituendus docet.	970
—— puncturam vesicae, quae fit in hypogastrio, recte praefert ei quae fit in perinaeo.	1011
Drakius novum modum Ozaenam curandi dedit.	622
Dranius (<i>Gallice le Dran</i>) recens Chirurgus Gallus egregius.	10
—— de ani fistulis observationes dedit.	1136
—— comparisonem diversarum lithotomiae methodorum doctam publicavit.	924
—— adparatum magnum emendavit.	924
—— adparatum magnum prae ceteris extollit.	875
—— iudicium dat de adparatu alto & laterali.	925. 953. 978
—— adparatum parvum prorsus contemnit, sed, meo iudicio, male.	855. 857
—— catheterem & scalpellum peculiarem pro lithotomia excogitavit.	1005
—— Vid. tab. 31.	
—— carpit catheterem Rauianum ab Albino delineatum, & alium substituit.	925
—— hernias incarceratas quomodo curet.	767
—— herniarium scalpellum invenit.	742
—— sanguinem extracto polypo nasi vehementius fluentem peculiari ratione compescit.	617
—— sphincterem vesicae magno adparatu semper lacerari docuit.	913. 914
—— ulcerum callos solvendi bonum modum tradidit.	363
Ductus biliferi laesi lethales.	49
—— stenonianus laesus curandus.	154
Dura mater. Vid. Meninges.	
Dystocia. Vid. partus difficilis.	972

E.

Echymosis post venae sectionem.	408
Ectropium palpebrarum morbus.	517
Elephantinus oculus.	593
Elevatio cranii fracti & impressi.	140
Embryulcia. Vid. foetus extractio.	
Embryulciam & hysterotomiam multumale confundunt, & quomodo differant, indicatur.	728
Emollientia in abscessibus duris emollientis & maturandis profunt.	277
Emphysema quid. 197. ejus curatio.	199
Emplastra quid & quomodo aptentur.	63
—— an in fracturis necessaria.	179
Emplastrum de ammoniaco resolvit.	337
—— Andreae a Cruce glutinat.	502
—— de cicuta, scirrhus resolvit.	337
—— diachylum compositum egregie abscessus emollit & maturat.	279
—— diachylum simplex & diapalmae in vulneribus sanandis commoda.	19. 63
—— cum mercurio dissolvit.	337
—— diaphoret. Myns. resolvit.	ibid.
—— ad hernias in herniis glutinat.	805
—— maturans est diachyl. c. gumm.	279
—— Norimbergense resolvit.	839
—— de pelle ariet. in herniis prodest.	805
—— de ranis Vigonis cum mercurio dissolvit in scirrhis. 337. in ulceribus venereis prodest. 371. & in callis solvendis.	374
—— saponis seu diasaponis resolvit.	725
—— saturninum exsiccat & temperat in ulceribus 366. & cancris.	340
—— spermatis ceti resolvit & praefertim in mammarum tumoribus.	285
—— stypticum Crollii, in vulneribus consolidandis conducit.	19. 63
—— vesicatorium, vesicas excitat, quomodo adhibendum.	447
—— Vigonis cum mercurio. Vid. de ranis Vigonis.	
Empyematis curatio.	741
Enchantis, oculi morbus.	519
Enterocoele inguinis.	801
—— scroti	772
—— umbilici.	784
Entero-epiplocele.	787. 835
Entero hydrocele.	788. 854
Entero-sarcocele.	788. 854
Ente-	

Enteromphalus. Vid. umbilici hernia.
 Entero-raphe. Vid. futura intestinorum. 105
 Epiphora s. oculus lacrymans. 531
 Epiplocele. 786
 Epulis, gingivae tuberculum. 649
 Equi morsus. 166
 Erndelius primus lithotomiam Rauii descripsit, & nonnulla ab aliis praetermissa notavit. 913 926
 Errores variorum circa Fratrem Jacobum. 988. & seq.
 ——— variorum circa Rauii historiam. 965 968
 Erysipelas. 285
 ——— retropulsum periculosum. 292
 ——— ulceratum difficulter curatur. 293
 Essentia balsami Peruviani, vulneraria est. 63. 383
 ——— euphorbii in carie ossium efficax. 382
 ——— mastichis. 63. ubi ossa laesa. 383
 ——— myrrhae traumatica est. 62. ubi ossa laesa. ibid.
 ——— succini, vulneraria & inprimis etiam in ossibus laesis utilis. 62. 383
 Essentiae balsamicae quae. 62. 383
 Euphorbium in carie tollenda prodest. 382
 Exaeresis quid. 15
 Excrecentiae generatim. 456
 ——— ani. 1046
 ——— auditorii meatus. 606
 ——— oculorum. 508
 ——— palpebrarum. ibid.
 ——— tonsillarum. 664
 ——— vaginae uteri. 960
 ——— urethrae sive carunculae. 834
 Excutia ventriculi quid. 671
 Exomphalos, idem quod umbilici hernia. 735
 Exostosis quid. 376
 Exploratio morborum qua ratione instituenda. 24
 Extensio necessaria in fracturis. 176
 ——— ——— luxationibus. 230
 ——— ossium praesente inflammatione magna, non suscipienda. 175. 231
 Extractio rerum peregrinarum ex aspera arteria. 719. ex aure. 604. ex oculo. 534. ex vulneribus. 58
 Extremis malis, extrema esse opponenda remedia ostenditur. 110. 526. 764

F.

Fabricius (Guilielm.). Vid. Hildanus.
 Fabricius (Hieron.) ab Aquapendente, celebris Medicus & Chirurgus superioris seculi. 10, 11
 Fabricii operationes chirurgicas scripsit. 11
 ——— ferramenta pro fonticulo in futura coronali delineavit. 517
 ——— instrumentum pro fistula lacrymali comprimenda. 574
 ——— forcipes pro polypo narium dedit. 613
 Faciei vulnera. 130
 Falconetus, Medicus Paris. de alta & laterali calculi sectione docte scripsit. 880
 ——— Romanum in magno excogitando adparatu non urethram, sed vesicam incidere voluisse existimat. 906
 ——— Rauium mulieres a calculo non fecuisse affirmat. 969
 Fallopius Medicus & Chirurgus celebris. 10
 ——— vias lacrymales novit. 563
 Fascia quid. 30. 1114
 ——— generatim considerata. 1113
 ——— ad aneurysma. 1157
 ——— ad ani fistulam. 1144. 1145
 ——— morbos. 1144. 1145
 ——— ad arteriam brachii incisam. 1157
 ——— ——— brachium amputatum. 1161
 ——— ad bubones. 1149
 ——— capellinae Gallorum. 1123. 1130. 1160
 ——— capistrum simplex. 1125
 ——— duplex. 1126
 ——— capitalis reflexa pro capite. 1123. pro clavicula. 1130
 ——— pro manu amputata. 1160
 ——— capitium magnum dicta. 33. 1119
 ——— ——— triangulare. 32. 1118
 ——— ad brachii vitia. 1226
 ——— ad brachium amputatum. 1161
 ——— cataphracta dicta. 1142
 ——— chirotheca dicta. 1158
 ——— ——— imperfecta seu dimidia dicta. 1160
 ——— circularis quid. 34. 1114
 ——— ad collum femoris fractum. 1166
 ——— composita quid. 1114
 ——— continens quid. ibid.
 ——— ——— colli. 1128
 ——— ad cubitum fractum. 1153
 ——— ——— luxatum. 1155
 Nnnnnnn. Fascia

I N D E X.

Fascia ad cubitum resectum.	1160	Fascia ad luxatum humerum.	1204
— ad digitos fractos & luxatos.	1159	— ——— patellam.	1240
— ad digitos mutilatos sive resectos.	1160	— ——— pedem sive tarsum.	1171
— ——— discrimen dicta.	1121	— ad mammarum vitia.	1139. 1140
— ——— dividens in collo ambusto.	1128	— ad mammas resectas.	1139
— ——— expellens.	1117	— manum adultam.	1158
— ad femur fractum. 1162. luxatum.	1167	— ——— resectam.	1160
— resectum.	1173	— maxillam.	1126
— ad fistulam ani.	1114	— metatarsum fractum.	1171
— ad fonticulos.	464	— monocus dicta.	1123
— ad fractum brachium.	1226	— ad naturalia mulierum.	1144
— ——— carpum.	1154	— nodosa pro temporibus.	1122
— ——— claviculam.	1131	— ——— pro perinaeo post calculi vel	
— ——— cubitum	1153	— fistulae ani sectionem.	1146
— ——— digitos.	1159	— octodecim capitum. 214. 220.	1173
— ——— femur.	1162	— oculus simplex.	1123
— ——— humerum.	1151	— ——— duplex.	ibid.
— ——— metacarpum.	1155	— pro pede luxato.	1171
— ——— metatarsum.	1171	— — pene.	1150
— ——— patellam. 1167 ad	1169	— — pollice fracto.	1159
— ——— scapulam.	1136	— quadriga.	1142
— ——— tarsum.	1171	— quatuor capitum 33. pro capite.	1119
— ——— tibiam.	1170	— pro labris.	1127
— ——— & contritam tibiam.	ibid.	— pro mammis.	1138
— ad femur fractum.	1162	— pro maxilla.	1126
— ——— cum vulnere.	1173	— pro naso.	1125
— frondalis dicta quid.	1119	— reflexa.	36
— frontis.	1120	— ad rotulam fractam.	1167
— funda dicta pro capite.	1119	— ——— luxatam.	1169
— ——— pro labris.	1127	— scapha dicta.	1121
— ——— pro mammis.	1146	— scapularis cum mantili. 33. 35.	1141
— ——— pro maxilla.	1126	— pro scapula fracta.	1136
— ——— pro naso.	1125	— scroti.	1149
— ad glandulas parotides exsectas.	1122	— sex capitum.	1120
— ad genu luxatum.	1170	— simplex quid.	32. 1114
— Heliodori dicta, sive T. 31. 1109.	1144	— solaris pro arteriotomia tempor.	1122
— herniarum.	805. 826	— spica simplex dicta axillaris pro cla-	
— ad humerum amputatum.	1161	— vicula. 1131. pro humero.	1135
— ——— in articulo excisum.	ibid.	— spica duplex.	ibid.
— ——— fractum.	1151	— ——— inguinalis dicta.	1147
— ——— inguinalis simplex.	1147	— ——— duplex.	1148
— ——— duplex.	1148	— stapes dicta.	104. 1171
— labrorum laeforum.	1127	— stellata dicta.	1131
— mantile cum scapulari. 33. 104.	1144	— T. sive Heliodori. 34. 1139.	1144
— larva dicta ad faciem.	1127	— ad tarsum fractum.	1171
— post lithotomiam.	1144. 1145	— ——— tibiam fractam.	1170
— ad luxatum brachium.	1204	— ——— ——— graviter comminu-	
— ——— carpum.	1156	— tam.	1170
— ——— claviculam.	1134	— ad tracheotomiam.	1129
— ——— cubitum.	1155	— triangularis capitis.	1118
— ——— digitos.	1229	— ——— pro oculis.	1123
— ——— femur.	1166	— ad venam sectam in brachio vel cubi-	
		— to. 1156. in fronte. 1121. manu. 1158. pede.	1172.

1172. pene.	34. 1150	Ferri candentis usus.	74
Fascia umbilici.	1144.	Ferulae in fracturis adhibentur.	181
— uniens pro capite & fronte.	1120	— a nonnullis in fracturis rejiciuntur.	177
— uniens.	33. 1118	Fibula a tibia vi quandoque divellitur.	226
— uniens ventris.	1143	Fibulae in calculis repertae.	1038
— ad vaginae & uteri vitia, fascia T. dicta.	1144	Ficus ani.	1046
Fasciae capitis.	1118	— uteri.	1027
— pectoris.	1130	Fissurae cranii.	141
— ventris.	1143	— aliorum ossium. 170. quomodo hac curandae.	181
— ductus annulares.	36. 1114	Fistula generatim quid significet ejusque curatio.	353
— ——— circulares.	ibid.	— quomodo incidenda.	355
— ——— inversi.	ibid.	— ani quomodo curanda.	1054
— ——— obtusi.	ibid.	— lacrymalis. 534. an callum necessario requirat, negatur.	537
— ——— reflexi.	ibid.	— perinaei.	947
— ——— repentes.	ibid.	— thoracis.	365
— ——— spirales.	ibid.	— ventris.	ibid.
Fasciarum ductus simplex.	ibid.	Foetus situs in partu in arte obstetricia sciendus.	976
— ——— firmitas qualis esse debeat.	179. 1116	— partus naturalis quid.	977
Fascias qui descripserunt.	14	— vivi in partu difficili extractio.	973
Fauchard de dentium morbis bene scripsit.	13. 640	— ——— situs quinam praeter naturam.	981
Faucium inflammatio & abscessus.	705	— ——— situs quinam periculosissimus.	979
Favus capitis.	385	— in partu aut situ p. n. pedibus extrahendus.	981
Febris vulneraria.	81	— extractio nimium non differenda.	983
— ——— quomodo curanda.	82	— exsectio e ventre matris sive sectio caesarea.	707
Fehrius methodum Rauianam jam an. 1716. descripsit.	910	— ex utero rupto ventrem ingrediens sectione caesarea educenda.	978
Fel lucii & mustelae piscis in maculis oculorum tollendis profunt.	619	— vivus brachio prodiens pedibus extrahendus.	984
Feminarum mala, quae manum Medici requirunt.	1017	— si natibus veniat quid agendum.	988
— ——— calculi quomodo educendi.	1028	— si pedibus veniat non repellendus.	987
— ——— exempla, quibus calculus methodo laterali est extractus, rarissima sunt.	1035	— si humeris vel capite haereat, quomodo extrahendus.	989
— ——— mammae saepius carcinomate afficiuntur quam virorum.	342	— vivus ob matrem servandam subinde occidendus.	725. 769. 979. 1005
Femur fractum. 204. cum vulnere. 208. fascia pro hoc.	1247	— matre mortua adhuc vivere potest.	707. Autores qui hoc probant.
— luxatum.	255	— ——— matre mortua sine mora excidendus.	711
— fractum cum vulnere.	208	— ex utero saepius feliciter exsecti sunt.	709
— ——— cum haemorrhagia.	209	— mortui ex utero extractio. 997. est una ex difficillimis & periculosissimis operationibus.	Nnnnnn 2
Femoris amputatio. 507. fascia post hanc.	1243		
— ——— colli fractura. 206. fascia pro hac.	1217		
Fere an ferac morsus legendum apud Celsum disputatur ac discutitur.	160		
Ferramenta. Vid. Instrumenta.			
Ferramentis in partu difficili carere quandoque non possumus.	1008		

perationibus.	1005	Fractura tarfi.	215
Foetus & sine ferramentis quandoque educi		— tibiae.	213
non possunt.	769. 1003	— vertebrarum.	199
— mortui signa difficilia & dubia sunt.		— cum ulcere.	182
	997	— cum vulnere.	ibid.
— mortui brachium si propendet quo-		Fracturarum prognos.	172
modo ille extrahendus.	1002	— — repositio.	177
— mortui caput, si in utero remanet,		— — symptomata.	172. 183
qua ratione emolliendum.	1001	— — curatio.	175
— mortui per abscessum ventris exitum		— — callus.	184
molientes excidendi.	720	— — inflammatio & gangraena.	185
— mortui per anum extracti exempla.		Fraenuli linguae incisio.	652
	716. 722	— penis resolutio.	817
— — — sed non vivi, male dispositi		Fragmenta cranii quomodo tractanda.	143
extractionem veteres docuerunt.	1001	— aliorum ossium.	178
Fontanus tracheotomiam commendat &		Francus altam calculi excisionem primus	
observationibus confirmat.	675	perfecit.	877. 926
Fonticuli & eorum usus.	463	Franconica lithotomiae methodus.	877. 925
Fonticulus in sutura coronali.	491	Fratri Jacobi calculum excidendi ratio ejus-	
Foramina palati quomodo curanda.	658	que fata. 909. Vid. Jacobus Frater.	
Foraminula quo pacto in lobulis aurium sint		Frere Jacques. Vid. Jacobus Frater.	
facienda 607. an in morbis quibusdam		Freytagius cataractas ut plurimum membra-	
profint.	608	nas esse temere contendit.	560
Forceps qua ratione in calculi extractione		— cataractas acubus hamatis extra-	
tractanda.	914	hi posse perhibet.	569. 607
Forcipum usus in foetus extractione in par-		— acus pro cataracta ex oculo ex-	
tu difficili.	995. 1004	trahenda dari asseverat.	569. 587
Fracta ossa quomodo reponenda.	174	— hernias sine exsectione testiculi	
Fractura generatim considerata.	169	a parente ipsius saepe curatas esse tradit.	
— simplex est vel composita.	170		781
— nimis arcte deligata gangraenae		Frontis vulnera.	130
saepe caussa.	179. 1184	Funda, fascia. Vid. fascia, funda.	
— brachii.	202	Fundus vesicae in alto adparatu non inci-	
— cariei juncta.	183	dendus, quia laesio ejus lethifera est. 992	
— carpi.	203	docent tamen hoc nonnulli sed male. ibid.	
— claviculae.	192	— vulneris prius quam ore glutinan-	
— complicata cum vulnere. 182. cum		dus.	61
ulcere & carie.	183	— fistulae citius quam orae sanandus.	
— costarum.	196		363
— cranii.	143	Fungus ani.	1046
— cruris seu tibiae.	213	— articularum.	342
— cubiti.	203	— oculi. 593. quinam exempla deli-	
— digiti.	204	neaverint. ibid. ejus curatio.	594
— femoris.	ibid.	— uteri.	961
— humeri.	192. 201	Funes & funiculi Chirurgi.	35
— maxillae.	190	Funiculi umbilicalis ligatura. 701. non est	
— metacarpi.	204	negligenda.	ibid.
— metatarsi.	215	Furunculus ejusque curatio.	289
— nasi.	189		
— ossis sacri.	200		
— patellae sive rotulae.	211		
— pedis.	215		
— sterni.	195		

G.

Galenus antiquus celebris Medicus & Chirurgus. 9
 — de fasciis bene scripsit. 14. 1181
 — de hirudinibus scripsit. 460
 — hypopii curationem bene tradidit. 590
 — lacrymales vias novit. 563
 — luxationem claviculae passus est, & quomodo haec curata sit. 244
 Galliae & Angliae Reges strumas tactu curare dicuntur. 679
 Ganglium. 478. 1085
 Gangraena & sphacelus. 268. 312. fasciis nimis adstrictis saepe inducuntur. 179. 427. 1184
 — & sphacelus ossis quid. 389
 Garengot, Scriptor recens Gallus, saepe in hoc libro & laudatur & vituperatur.
 — adparatum altum extollit. 903
 — eumque magno saepe praefert. 948
 — contra Albinum negat solam vesicam in Rauiana methodo incidi posse sine cervice. 984
 — Anelli instrumenta pro fistula lacrymali male delineavit. 584. ejus methodum male describit. ibid. frustra eam succedere negat, aliosque errores circa hanc committit. ibid. & 578. 585
 — ani fistularum complicatarum curationem non exhibuit. 1139
 — calculum secandi rationes varias in prima Libri sui editione prorsus omisit. 980
 — calculos Jacobi more secare, aliis exprobat, sed & ipse non est ausus. 928. 963
 — calculos in feminis extrahendi modum tantum unicum tradit. 1032
 — cataractae curationem prorsus praetermittit. 603
 — Chirurgos negligentiae accusat, quod morbos oculorum negligant. 557
 — circa Jacobum Fratrem & Rauum saepius erravit. 988
 — crurales hernias ceteris frequentiores esse male perhibet. 819
 — cubum scarificatorium temere rejicit. 456
 — gangraenam horis 24. non nisi semel deligendam esse vult. 317
 — hernias crurales reliquis fre-

quentiores esse vult. 819
 Garengot labri leporini sectionem ubi repraesentare vult, labrum integrum exhibet. 667
 Garengot in lacrymali fistula viam novam conservari posse male negat. 588
 — lithotomiae perfectionem omnem solis Gallis injuste adscribere conatur. 926
 — — nasum morfu ablatum futura restitutum esse perhibet. 663
 — — oculi musculum obliquum in fistula lacrymali curanda sine ratione ad dita refecari vult. 588
 — — oculorum morbos non intellexisse videtur. 557. 591
 — — — operationes fere omnes praetermisit. 591
 — — omentum corruptum non esse auferendum vult. 113
 — — pessime existimat nihil in Chirurgia nisi in Gallia disci posse. 927
 — — de punctura certa vesicae neminem ante se scripsisse falso gloriatur. 943
 — — *raiseau* vocabulo quid intelligat, multi non capiunt. 743
 — — scirrhus non satis bene extirpari docet. 681
 — — de Rauio varia falsa scripsit. 916
 — — scarificatorium instrumentum temere rejicere conatur. 456
 — — futuram conficiendi modum tradit. 104
 — — tendinum futuram quandam pro nova venditat, quae jam diu ab aliis descripta erat. 1090
 — — tendinum extrema sibi invicem male superinjicienda esse vult in futura tendinum. 1092.
 — — tendinum futuram non nisi in manibus describit, sed de Achillis aliorumque nihil docet. 1090
 — — turundas in abdominis vulneribus male rejicit. 97
 — — venae sectionem in labro leporino praeter necessitatem commendat. 627
 — — vesicae fundum in alta operatione incidendum esse pessime docet. 942
 — — vesicam nimis, quam par est, in alto adparatu distendi vult. 889
 Gastroraphe quid. 97. 99
 — — quae futura clavata sit. 103
 Nnnnnnn 3 Geor-

Georgius I. Magnae Britanniae Rex inoculationem variolarum in Europa introduxit. 435
 — hernias caustico curandi artem magno pretio pro publica utilitate redemit & publicari iussit. 831
 Germania paucos habet calculosos. 989
 Genarum vulnera. 134
 Genfeliuſ carunculas urethrae confirmat. 835
 Genu luxatum. 207. fascia pro eo. 1240
 Gibbus. 760
 Gingivarum incisio in dentitione difficili valde commendatur. 648
 — noxae. 690
 Gladbachius Fratris Jacobi res Francofurti gestas Autori perſcripſit. 910
 Gladiorum apices & ſimilia e vulneribus educenda. 57. 484
 Glandes alvum citantes quid & quomodo adhibendae. 1039
 — plumbeae e vulneribus extrahendae jam veteribus notae. 89. 484
 Glandorpiuſ qua ratione polypos narium tollat. 653
 — de fonticulis & ſetaceis ſcripſit. 12. 465. 727
 — de paronychia Librum evulgavit. 14
 Glandularum parotidum & maxillarium ſcirrhoſarum exſectio Autoris. 665
 Glaucoma quid. 577
 — in opaco vitreo humore conſiſtit, ex Autoris ſententia. ibid.
 Globuli plumbei quomodo e corpore extrahendi. 87. 463
 Gorgias antiquuſ celebris Chirurguſ. 9
 Goueſ abſceſſuſ ante maturationem incidendos eſſe vult. 280
 — caeſaream ſectionem probat ac defendit. 715
 — fasciam bonam pro clavicula fracta & luxata deſcripſit. 1133
 — meconii effluxum ex utero male pro certo mortis foetu ſigno venditat. 1062
 — male exiſtimavit aneurysma caſtaneae magnitudinem non excedere. 443
 Grando in palpebris. 535
 Gravidae mortuae omnes mox ſunt aperientae pro foetu ſervando. 711
 Gravidarum nimiuſ ſanguinis fluxuſ qua ratione curandus. 1007
 Greenſild altam calculi operationem ſe per-

feciffe ſcribit, quia calculum alia ratione educere non potuit. 927
 Guido Cauliacuſ celebris olim Chirurguſ. 9
 Guidoniana calculi ſecandi ratio, eadem eſt quae Celſi ſive parvuſ adparatuſ. 898
 Guillemeau celebris Chirurguſ Galluſ. 10
 Gulae vulnera. 51. 125. 127
 Gutta ſerena quid. 566
 — an operatione chirurgica curanda, negatur. ibid.

H.

Hæmatocele quid. 803
 — qua ratione curanda. 852
 Haemorrhagia poſt amputationem artuum quomodo ſiſtenda. 498. 508
 — poſt ani fiſtulae ſectionem ſubinde periculofa. 1122. quam cohibenda. 1132. 1215
 — poſt lithotomiam quomodo curanda. 919. 972
 — vinctura nova pro ea. 1215
 — poſt narium polypum. 656
 — uteri in gravidis quomodo curanda. 1007
 — vulnerum qua ratione cohibenda. 76
 Haemorrhoides coecae. 1050
 — fluentes quomodo tractandae. 1047
 Hamuli quid. 96. 104. 210
 — pro glandibus plumbeis extrahendis. 104
 Hartranſſt ſecundinas retentas non naturae relinquendas, ſed mature extrahendas eſſe recte oſtendit. 1017
 Heiſteruſ, Pater, Vid. Autor.
 — filiuſ (El. Frid.) calculi ſecandi rationem a Senſſio inſtitutam deſcripſit. 930
 — filiuſ, calculum a Senſſio educere vidit, in quo ſpica frumenti erat incluſa. 971
 — cataractae operationem a Taylora infeliciter inſtitutam evulgavit. 577
 — novum brachii amputandi modum in peculiari Diſſertatione deſcripſit. Vid. Bibliotheca Chirurgica Autoris.
 Heliodori fascia. 31. 1109. 1114.
 Helmontiuſ catheteres coriaceoſ loco aeneorum adhibendos eſſe inepte praecepit.

pit.	833	Hildanus catheteres crassiores tenuioribus	
Helmontius cauteria explodit.	451	præfert.	830
—— fonticulos rejecit.	465	—— collum vesicæ in calculo sectione	
Helvetii se ab hernia non rite liberatos esse		educendo incidere non est ausus.	1033
crediderunt, nisi testiculus ipsis fuit ex-		—— elevatoria bona suppeditavit.	145
cisus, teste Hildano.	755	—— fungum oculi insignem curavit &	
—— ferramenta pro cancro maminae		delineavit.	594
amputando quæ.	689. 691	—— ex fraenuli linguae incauta sectio-	
Hernia quid & de ea in universum agitur.		ne gravia mala notavit.	697
—— aquosa.	734	—— gravidas mortuas incidi vult.	760.
—— carnosa.	793		761
—— cruralis.	789	—— Helvetios se ab hernia non bene	
—— flatulenta.	769	curatos esse putasse, nisi testiculus una	
—— incarcerata inguinis.	806	excisus fuisset, refert.	755
—— ——— scroti.	756	—— hernias oleo chemico curatas scri-	
—— inguinalis.	833	bit.	830
—— intestinorum. 772	750	—— lorum invenit pro membris fractis	
vincituris sæpe		& luxatis melius extendendis.	205. 247
curatur.	826	—— machinam ad femur fractum cu-	
—— omenti.	784	randum descripsit.	208
—— scroti.	772	—— de lithotomia bene scripsit.	905
—— spuria quid.	789	—— calculum feminae per vaginam se-	
—— varicosa.	856	ctione eduxit.	969
—— ventosa.	806	—— pro varis & valgis curandis idonea	
—— ventralis.	747	machinamenta suppeditavit.	1106
—— umbilicalis. 734. ejus vincitura.	1213	—— uteri prolapsi exempla vidit.	1030
Herniæ sectio temere non suscipienda.	828	Hippocrates Medicinæ & Chirurgiæ pa-	
—— cum testiculi extirpatione		rens præstantissimus sæpius laudatur.	8
rejecitur, exceptis paucis casibus. ibid.		—— aquam hydropicorum non una	
—— sine testiculo exciso proba-		vice emittendam esse voluit.	751
tur, & commendatur.	780	—— de capitis vulneribus bene scrip-	
—— per caustica curatio, quæ.	830	sit.	11
—— vincula curatio.	826	—— calculi sectionem periculossi-	
—— nomen apud veteres erat indeco-		mam & vitandam esse credidit.	894
rum.	783	—— carcinoma insanabile credidit.	344
Hernias cum testiculi jactura Jacobus Frater		—— fascias eleganter applicandas	
etiam secuit sicut Agyrtæ.	960. 994	Chirurgis commendavit.	1181
Herniosus saccus in herniæ incarceratæ		—— foetus mortui ex utero extrac-	
sectione an integer semper sit relinquen-		tionem docuit.	978. 1063
du, negatur.	811	—— lithotomiam instituere disci-	
Herones Chirurgi antiqui celeberrimi.	9	pulis suis prohibuit.	860
Hieronymi, Medici Wolfenbuttelenensis,		—— nephrotomiam tamen suavit. ibid.	
mirabilis observatio multorum magnor-		—— oculorum scarificationem novit.	556
um calculorum a muliere e vesica reje-	993		
ctorum.		—— morbis extremis extrema re-	
Hildanus (Guil. Fabric.) Medicus & Chi-		media adhibere jussit.	140. 764
rurgus Germanus egregius.	10	—— palpebras relaxatas quomodo	
—— observationes præstantissimas		curaverit.	539
scripsit & sæpius laudatur.	14	—— scamnum ubi delineatum.	175
—— altam calculi operationem com-		Hirudines eorumque usus.	441
mendavit.	927	Hoornius, Suecus, egregie de Arte obstet-	
—— carcinomatis remedium dari ne-		candi scripsit. 976. 1045. 1049. 1053. 1058	
gat.	344		floor.

Hoornius foetus situm quem periculosissimum indicavit. 1046
 — in partu difficili mox pedibus foetum extrahendum esse docet. 1049
 — foetum pedibus educendum, si dorso incumbit, in ventrem convertere dissuadet. 1052
 — foetum pro matre servanda instrumentis esse educendum sustinet. 1060
 — foetum mortuum brachio prolapsum, facillime interdum educi docet collo caute resecto. 1004
 — foetum capite vaginae insistentem, in defectu unci, clavo incurvo magno educere proposuit. 1000. 1060
 — oris uteri scientiam in partu valde commendavit. 1042
 — uteri situm obliquum bene explicavit. 993. 1058
 Hordeolum palpebrarum. 535
 Hovii impudens jactatio de cataractis quibuscunque curandis. 564
 Humerus fractus. 192
 — luxatus. 247. machinae variae pro eo restituendo descriptae. 248
 — quomodo amputandus. 493
 — qua ratione in junctura cum scapula amputandus. 510
 Humor aqueus oculi amissus sponte restituitur. 611
 — aqueus rarissime cataractae sedes est. 557. 558
 — crystallinus frequentissime cataractae sedes. 558
 — vitreus sedes est glaucomatis. 601
 Humoribus oculi effusis visus tamen quandoque restituitur. 133
 Hunoldus Jacobum defendisse dicitur in Libro nondum impresso. 990
 Hydatides palpebrarum. 515
 Hydrocele. 793. ejus curatio varia. 844
 Hydrocephalus. 495
 Hydro-enterocele. 806
 Hydromphalus. 737
 Hydrophthalmia. 594
 Hydrosarcocele. 805
 Hydrops abdominis ejusque paracentesis. 702
 — articularum. 351
 — pectoris. 741
 — scroti. 804
 Hypochyma idem quod suffusio. 592
 Hypogastrica calculi sectio est adparatus al-

tus, sive sectio Franconica. 877
 Hypopium quid. 589. ejus curationem Galenus *Justi* more descripsit. 590
 Hysopi infusum injectum in oculo lacrymante. 565. & fistulae lacrymali prodest. 574
 — pro oculo fovendo post scarificationem conducit. 554
 Hysterotomia s. caesarea sectio. 707
 — quomodo differat ab embryulcia. 787 de ea Rossetus bene scripsit. 755. sed Valleriola differentiam ignoravit. 778

I.

Jacobus Frater quis fuerit. 904. ejus modus secandi calculum. 905. ejus facta & fata. 906. & seq. errores. 908
 — Parisiis quomodo secuerit. 906
 & qualem famam sibi concitaverit. 905
 — Parisiis ab omnibus, qui de eo scripserunt, pro temerario Chirurgo, contra Morandi sententiam habitus est. 909. hocque a nullo negatum est. ibid.
 — Aquisgrani quam plurimos secuisse dicitur. 909. sed merito in dubium multitudo vocatur. ibid.
 — Argentorati feliciter & quomodo secuerit. 909. 910
 — Chirurgiam nunquam didicerat. 908. ubi eam forte didicerit. 909
 — Francofurti qualis fuerit. 910
 — intra sex menses nonnisi duos a calculo ibidem secuit, plures autem hernia laborantes. ibid.
 — hernias quomodo secuerit. 908
 — in Hollandia male secuit. 909. 994. errores circa tempus quando in Hollandiam pervenerit, & verum tempus indicantur. 997. 999
 — in Hollandia qua ratione & quo successu ibidem calculosos curaverit. 992. 993. & seq. ubi variorum errores circa hanc rem emendantur.
 — saepe calculos in operatione invenire non potuit. 995
 — infantem ibidem hernia laborantem utroque testiculo temere & crudeliter privavit, unde altero die mortuus est. 994
 — quare a Verduinio pro crudeli & teme-

temerario Chirurgo habeatur.	595	Injectiones in fauces.	651
Jacobus Frater non numismate aureo, ut		———— in fistulas.	364
Morandus perhibet, sed instrumento		———— in thoracem.	450
aureo, Lapidillo dicto, a Senatu Am-		———— in urethram.	ibid.
stelod. donatus est.	991. 992. 994	———— in uterum.	ibid.
———— ubi & per quem hoc donum acce-		Illapsa in asperam arteriam quomodo extra-	
perit.	994	henda.	675
———— diutius & peregrinatus est & vi-		———— in aurem.	695
xit, quam Morandus existimavit.	597	———— in oculum.	534
———— mulieres ut viros secuit, sed va-		Immisericors quomodo & quando esse de-	
ginam semper perforavit.	907	beat Chirurgus.	19. 772
Jacobi historia adhuc imperfecta est, & ple-		Inoculatio variolarum.	434
na haecenus errorum, quorum multos		Instrumenta quae Chirurgus semper secum	
correxerit Autor.	989. 999	portare debet.	17
———— fata Morandi non satis cognita fuisse		———— ante operationem semper prae-	
ostenditur.	988. 991	paranda.	23
———— fata in Hollandia referuntur. 992. &		———— non adhibenda, nisi necessitas	
seq.		hoc exigat. 21. praesertim in partu.	1045
———— modus secandi calculum malus. 991		1066. observatio circa haec.	1069
ad meliorem tamen inveniendum Rauio		———— pro venae sectione.	407
ansam dedit & postea aliis.	963	———— nova pro hernia incarcerata.	791
———— propria confessio evincit, ipsum in		———— ad aneurysma curandum.	437
Hollandia & initio hujus seculi in Gallia		———— ad lithotomiam minoris appa-	
male adhuc calculosos fecasse.	961. 995	tus. 850. majoris. 863. alti. 929. 938. late-	
Jacobum Hunoldus defendisse dicitur.	990	ralis. 956. Rauii. 912. Cheseldeni. 970.	
Ictus apum & vesparum.	166	Dranii. 925. Senffii.	930
Incisiones chirurgicae ampliores minoribus		———— Fratris Jacobi inepta valde fue-	
plerumque praestant.	281. 365. 813	runt.	956
———— abscessuum.	280	———— ad amputationes artuum neces-	
———— fistularum quomodo instituendae.		saria.	495
	365	———— ad trepanationem.	527
———— panaritii.	1146	———— Palfini ad partum difficilem.	995
———— venarum.	405	Instrumentis in partu non prorsus carere	
———— vulnerum angustiorum. 58. vul-		possumus, quicquid nonnulli dicant aut	
nerum angustiorum abdominis.	97	glorientur.	1003
Inflammatiō sive phlegmone quid & quo-		Instrumentum Marini pro calculo ex ure-	
modo curanda.	269	thra educendo.	891
Inflammatiō cataractae operationi superve-		Intestina vulnerata. 51. 98. an suenda.	106
niens.	612	———— penitus dissecta.	110
———— fracturae superveniens qua ra-		———— corrupta in herniae operatione	
tione tractanda.	177	quomodo tractanda.	816. 835
———— mammarum.	279	Intestinorum vulnera.	51. 106. 150
———— testiculorum.	288	———— prolapsus e ventre.	97
———— vulnere.	85. 154	———— in herniis.	801
———— ulceribus antiquis superveniens		———— repositio in vulneribus abdominis.	
quomodo curanda.	378		98
———— uteri prolapsi.	1026	———— in herniis.	805. 824
Inflammationum signa.	270	———— vulnerat. futurae.	95. 105
———— curatio.	272	———— diverticulum vel paries quando-	
———— suppuratio.	273	que herniae causa.	802
Inguinalis fascia.	1147. 1148	Inventores amputationis novae tibiae qui.	
———— hernia sive raxex.	750		505
Injectiones chirurgicae.	449	———— amputationis humeri in junctura.	
		Oooooo	12.

ra. 481
 Inventores cataractae sedis in crystallino humore. 393
 ——— chirurgiae infusoriae & transfusoriae. 432. 433
 ——— fistulas ani melius curandi. 1125. & seq.
 ——— — lacrymales rectius sanandi. 577. & seq.
 ——— herniariorum instrumentorum pro hernia incarcerata rectius incidenda. 810. & seq.
 ——— hernias intestinorum scrotales sine testiculo excidendo curandi. 831
 ——— hypopii curationis. 629
 ——— lithotomiae apparatus alti. 877
 ——— lateralis. 955. magni. 905
 ——— paracenteseos abdominis. 702
 ——— scarificationis oculorum. 525
 ——— situs uteri obliqui in parturientibus. 1049. 1058
 ——— suturae tendinum. 1155. & seq.
 ——— torcularium novorum pro sanguine cohibendo. 76. & seq.
 ——— variolarum insitionis. 434
 ——— venaesectionis in oculis. 523
 Johannis parvi (Little John) modus curandi hernias per remedia caustica. 780
 Joungius inventor dicitur novae methodi tibiam amputandi. 505
 Ischuriae curatio per remedia & catheterem. 878. per puncturam vesicae. 1005
 Judicium de sanguine e vena detracto. 413
 Juglandis decoctum in ulceribus mundandis laudatur. 362. 366
 Jugulum fractum, idem quod clavicula fracta. 192
 Justus, celebris Ocularius veterum, quomodo hypopyum curaverit. 590

K.

Kaempferi modus curandi morsus serpentum. 166
 Kaempferus de acupunctura scripsit. 462
 Kelotomia. Vid. Celotomia.
 Kerkringius & Burrhus visus restitutionem promittunt, licet humores oculorum effluerint. 133
 Kisneri modus suendi tendinem Achillis. 1100. Tab. XXXVI. Fig. 7. delineatur.
 Kochius dissertationem de hernia crurali bene scripsit. 769

Koenerdingius de gangraena & sphacelo scripsit, & de nova methodo tibiam amputandi. 505
 Koenerdingii cataplasma ad gangraenam. 324
 Kortholti Medicamenta ad cancrum. 336

L.

Labra leporina quid & qua ratione curanda. 626. an in infantibus junioribus secanda. 630. fascia pro his idonea. 1196
 Labrorum carcinoma. 635
 ——— vulnera. 134
 Lac emolliens est, tumores & abscessus duros emollit. 277. praesertim cum mica panis albi coctum. ibid. & 297
 Lactea cataracta quid. 597
 Lacrymalis viae quibus cognitae & descriptae fuerunt. 563
 Lacrymalis fistula quid. 534. ejus species variae. 567. curatio. 573
 Lacrymans oculus. 531
 Lagophthalmus. 517
 Lainorieri modus novus curandi fistulas lacrymales. 548
 Lancisius cataractas membranaceas se vidisse ad me perscripsit. 559
 ——— humorem vitreum induratum invenit. 566
 ——— scarificationem profundam in pleuritide spuria valde praedicat. 955
 Lankischius sectionem caesaream feliciter perfecit in Germania. 763. 767
 Lapides cancrorum citrati in inflammationibus prosunt. 274
 Lapis causticus quid & quomodo paretur. 278. ejus usus. 281.
 ——— infernalis est. valentissimum causticum. 19. 473.
 Langelata Chirurgus quondam celebris. 10
 Larva ad faciem combustam. 1127
 Laryngotomia rectius Tracheotomia quid & a quibus commendetur. 674
 ——— res peregrinae etiam ex aspera arteria eximuntur. 675
 ——— ab Autore & Rauio cum successu instituta in hoc casu. 676
 Lateralis lithotomiae operatio. 904
 ——— inventor. ibid.
 ——— emendatores. 964. & seq.
 Lateris scarificatio profunda in pleuritide spuria a Lancisio valde laudatur. 457
 Lau-

Launaeus, Gallus, Jacobum (male Parisiis calculum secasse testatur. 990	Lithotomia Celsi, quae parvus apparatus dicitur. ibid.
—— a nullo recentiorum citatur. ibid.	—— Franconica. 877
—— male de perinaei punctura disse- rit. 942	—— Jacobi Fratris. 955
<i>L'eau d'arquebuse</i> , sive aqua vulneraria Gallorum. 68. 92	—— lateralis apparatus. ibid.
Lectulus stramineus quid. 220. 347	—— magni apparatus sive Mariana. 861
Lethalitas vulnere. 49	—— parvi apparatus. 852
Leucoma quid. 584	—— Rauiana. 955. 964
Ligamenta sive vincula chirurgica. 37	—— renalis sive nephrotomia. 859.
Ligatura excrescentiae & tubercula tollun- tur. 477	
—— herniae saepe curantur. 787. 805. 825. 826	Lithotomiam qui descripserunt. 13
—— fortiori in fracturis & vulneribus gangraena saepe inducitur. 179. 1184	Little John (Parvi Johannis) modus curandi hernias per caustica. 780
—— nimis laxa fracturis noxia. ibid.	Littrius a diverticulo intestini herniam no- tavit. 751
—— profusiones sanguinis in vulneribus & amputationibus curantur. 75. 1181	Lobuli auris perforatio. 607. in oculorum affectibus imo & in pectoris prodesse prae- dicatur. 608
—— in pedibus oedematosis. 350	Lorum Hildani. 205. 247
Linamenta carpta quid & eorum usus. 25 & seq.	Lotio, idem quod clyster. 1097
—— sanguinem cohibent. 72	Lowdham pro Autore venditur novae methodi tibiam amputandi. 481
Linguae calculus. 653	Lucatelli balsamum vulnerarium laudatur. 115. 122
—— cancer. 655	Ludovicus XIV. Rex Galliae, ab ani fistula sectione curatus est. 1057. 1061
—— frenulum quomodo incidendum. 652	—— remedium ad hernias curandas magno pretio redemit. 775
—— morbi. ibid.	Ludovici XIV. Regis mater mammarum cancro insanabili laboravit. 336
—— ranula. 653	Lupius de turundarum usu scripsit. 29
—— scirrhus aut tumor. 655	Luxatio quid sit, & de ea generatim. 221
—— ulcus. ibid.	—— ejus differentiae & species. 222
—— vulnera. 135	diagnosis. 226. prognosis. 227. curatio ge- neralis. 229. symptomata. 231
Lini oleum in ambustis prodest. 322	—— brachii seu humeri. 248
Linimenta ad ambusta. ibid.	—— capitis. 232. 235
Linimentum ex oleo lini vel olivar. & albo ovorum in ambustis commendatur. 332	—— carpi. 250
—— ad haemorrhoides dolentes. 1114	—— a causa interna. 227. 228
Liquor myrrhae vulnera & ulcera in ore egregie sanat. 135	—— claviculae. 240
Listerus de Jacobi operationibus Parisinis testatur. 906. 912	—— coccygis. ibid.
—— Mareschallum, Chirurgum Paris. secundum Jacobi methodum secasse per- hibet, quod tamen dubium. 912	—— Costarum. ibid.
—— quomodo in mulieribus calculum educi proposuerit. 969	—— cubiti. 251
—— altam operationem instaurari sua- sit. 929	—— digitorum. 250
Lithotomia ejusque differentiae. 842	—— femoris. 225. 255. raro contingit a causa externa. 225. 255. contingit sae- pius ob causam internam. 226. saepe est fractura colli femoris. 206. 252
—— anceps est operatio. 936	—— fibulae. 259
—— alti apparatus. 888	—— genu. 258. fascia pro ipsa. 1240
—— antiqua Celsi. 852	—— humeri. 243
	—— inveterata. 231
	O o o o o o 2 Luxatio

Luxatio manus.	250	educenda.	741
—— maxillae inferioris. 233. ab ipsa		Matris prae foetus vita in partu plerumque	
mortem vidit Hippocrates.	234	conservanda.	774. 782.
—— metacarpi.	250	Maturantia quatenus sint.	274. 297. 300.
—— nasi.	232	Mauchartus, Medicus Tubingensis, de o-	
—— patellae five rotulae.	258	culorum scarificatione bene scripsit.	784.
—— pedis five tali.	260	—— blepharoxystum mecum com-	
—— spinæ dorsæ.	237	municavit.	589
—— tibiæ.	260	—— herniæ incarceratas egregie	
—— vertebrarum.	236	descripsit & delineavit.	833
—— cum fractura concurrens, prius-		—— Petitem refellit ob faccum her-	
quam fractura reponenda.	232	niosum integrum relinquendum.	818.
—— cum inflammatione aut gangrae-		—— venaesectionem five sanguinis	
na.	ibid.	missionem in oculo non esse Woolhusii	
—— cum ligamenti ruptis.	233	inventum ostendit.	523
Lycoperdum stypticum est.	77. 496.	Mauriceau de Arte obstetricandi scripsit.	13.
M.			
M. Aculae corneae five oculi.	584	—— caesaream sectionem semper	
M. Magatus recta vulnera raro deliganda		matri lethiferam esse falso docet.	762.
praecepit.	60. 363	adeoque eam rejicit.	764.
—— nimis cito trepanationem suadet.	524.	—— ferramentum, <i>tiretête</i> , pro ca-	
		pite foetus cum foetu extrahendo exco-	
		gitavit.	1000.
Maidland primus in Anglia de variolarum		—— foetum mortuum semper per vias	
infectione egit.	435	naturales educi vult; id quod tamen sub-	
Malleolorum scarificatio.	456	inde haud fieri posse demonstratur.	764.
Mamma canerosa.	688	—— gravidas mortuas mox incidendas	
Mammae inflammatio.	279	esse recte affirmat.	761
—— canerosae amputatio.	734	—— gravidas saepe certae morti teme-	
Mantile cum scapulari.	33. 104. 1144	re relinquit.	764.
Manus amputatio.	473.	—— secundinas non satis bene extra-	
—— fracta.	201	hendas demonstrat.	1075
—— luxata.	250	—— vaginam claudentem membranam	
—— tenues, graciles in arte obstetrican-		male digito perfrangendam esse vult.	1024
di aptissimae.	1043	Maxilla clausa quomodo aperienda.	638
Mareschallus omentum corruptum abstu-		—— fracta quomodo curanda.	190
lisse negatur a quibusdam, ab aliis af-		—— luxata.	234
firmatur.	112	Maynarto inventio futurae tendinis a qui-	
—— an lateralem sectionem in-		busdam male adscribitur.	1087.
stituerit, dubitatur ab Autore.	212	Meatus auditorius clausus qua ratione ape-	
Marianus Sanctus lithotomiam cum magno		riendus.	603.
apparatu primus descripsit.	862.	—— auditorii tubercula.	606
—— eundem incisionis vesicae locum		—— a corporibus peregrinis	
indicavit, quem ii incidunt, qui sectio-		obstructio.	605
nem lateralem instituunt.	1034	Meconii effluxus ex utero male pro certo	
Mastichis essentia vulneraria est, in ossibus		mortis foetus signo a Goueo & Viarde-	
& membranis laesis prodest. 63. 383. &		lio habetur.	998.
alibi saepius.		Medica-chirurgia quid.	5
Mater dura & pia. Vid. Meninges.		Medicamenta Chirurgo etiam sunt neces-	
Materia purulenta in abscessibus evacuan-		saria.	4. 7. 18. & alibi.
da.	280	—— adurentia five caustica.	473
—— in pectore paracentesi		—— adstringentia in vulnerum hac-	
		morrhagiis.	73
			Medica-

Medicamenta balsamica.	63	Mel antiquorum erat vulnerarium.	70
caustica.	19. 473	suppurationem promovet.	277
corrodentia.	ibid.	cum farina abscessus emollit. 279, &c.	
emollientia.	277	rosatum in cerebri. 141. & oris laesio-	
exsiccantia. 70. 362. & alibi.		nibus prodest.	135
glutinantia. 63. 69. & alibi.		Meliceris quid.	457
ischæma sive sanguinem sisten-		Mellius sectionem caesaream ob foetus	
tia.	77	monstrosos solum institui male existimat.	729
maturantia.	277	figuras ad artem obstetriciam per-	
mercurialia utilia in scirrhis. 336		tinentes bonas suppeditat.	1047
ulceribus venereis. 372. scrophulis. 725.		Melon oculi morbus. Vid. Mylon.	626
rodentia.	19. 473	Membri virilis vitia. Vid. penis vitia.	
farcotica.	69	Menynges laesae quâ ratione curandae. 141.	
septica.	19. 473		531
vulneraria.	63. 69	si sanguis sub iis haeret, tuto	
ubi non sanant, ferrum sanat. 21		incidendae.	504
Medici vetustissimi simul fuerunt Chirurgi.		Mercurialia remedia in schirris & tumori-	
4. 8. difficillimas operationes jam callue-		bus venereis resolvendis egregia sunt.	
runt, ut calculi. 893. cataractae. 602.		289. 336. 338. in scrophulis.	725
cranii perforationem. 523. foetus mortui		in ulceribus variis & cum pri-	
extractionem. 1061. vaginae clausae.	1018	mis in venereis conducunt.	370. 372
prudentes caesaream sectionem non		in spina ventosa commendan-	
suadent, si foetus per consuetas vias		tur.	395
educi potest, contra Mauriacum. 774		Mercurius dulcis in tumoribus & ulceribus	
Chirurgiam callere debent.	5	venereis conducit.	336. 372
Medicina cum Chirurgia in perpetuo est		praecipitatus ruber mundat ulce-	
nexu.	1. 7	ra & vulnera impura. 19. atque carneni	
a Chirurgia olim non fuit separata.	1. 4. 7	luxuriantem exedit.	19
Medicinae pars antiquissima est Chirurgia.	7. 39	sublimatus aquam phagedaenicam	
Medicorum industria Chirurgia emendata		ingreditur & vehemens septicum est. 71.	369
est	6. 8	vivus emplastra resolventia valen-	
Medicus tuto, celeriter & jucunde curet. 23		tiora reddit.	338
Medulla corrupta cariem & spinam vento-		in unguentis ulcera varia	
sam concitare potest.	380. 391	sanat.	372
spinalis laesa quomodo curanda.	126. 200	in unguentis salivationem	
Meekren & Roonhuyssius capitis obstipi cu-		saepe excitat. 338. 725. ad schirrorum	
rationem descripsit.	717	resolutionem facit.	336
hypopii curationem instauravit. 627.		Meryus Jacobi Fratris fata, historiam &	
prolapsum uteri negavit. 1029. 1117		methodum calculum secandi primus des-	
vaginae fungum magnum extirpa-		cripsit.	904
vit.	965	quomodo Jacobi methodus emen-	
vesicae calculum quomodo in mu-		dari queat, proposuit.	917
liere eduxerit.	1031	puncturam hypogastricam in urina	
Meibomii balsamum vulnerarium laudatur.	115. 122	suppressa perinaei puncturae praefert,	
Meibomius (Henr.) de catheterismo scrip-		eamque etiam saepius cum successu per-	
sit.	885	fecisse scribit.	945
Meibomius (Henr.) lacrymales vias bene		pro calculo feminarum educendo	
descripsit.	363	quam methodum proposuerit.	969
		Middletonus de alta operatione & de feli-	
		cibus ejus in Anglia successibus egregio	
		scripsit.	903. 904. 934.
		Oooooo 3.	Mid.

- Middletonus puncturam hypogastricam vesicae praefert perinaei puncturae. 1011
- Misericordia intempestiva aegris saepe noxia. 772
- Mitella, fascia est, qua brachium laesum de collo suspenditur. 193. 1200. 1204. &c.
- Modiolus mas & femina quid sit. 523. 528
- Mola quid. 1019
- utero quandoque cohaeret. ibid.
- quomodo excutitur. 1021
- Molas quinam viderint. 1022
- Monorchis ad generationem aptus est. 826
- Monstrosus foetus an sectionem caesaream semper requirat, negatur. 729
- Morandus de alto apparatu egregie scripsit. 930, 932. eam majori praefert. 948
- de apparatu quoque laterali scripsit. 931
- lateralem operationem etiam cum successu perfecit. 933
- apparatus parvum instituit eumque etiam commendavit. 924
- in Angliam abiit, ut lateralem a Cheseldeno videret & disceret. 927
- cataractam in crystallino statuit. 596
- in Jacobi Fratris historia referenda hallucinatus est, & non satis in ea instructus fuit. 933
- recentioribus exprobrat, quod de Jacobo non nisi secundum Merium judicaverint; quod vero aliter demonstratur. 936
- circa tempus, quo Jacobus in Hollandia fuit, erravit. 997. 999
- Jacobum aureo numismate a Senatu Amstelodamensi donatum esse perhibet. 991. quod lapidillum aureum fuisse demonstratur. 992. 994
- lithotomiae methodos omnes utiles & retinendas esse statuit. 986. eas etiam omnes perfecit. 932
- dubitat, an Ravius ita secuerit, prout Albinus scripsit. 933
- puncturam vesicae in perinaeo commendat. 1009
- scalpellum herniarium invenit. 810
- alta operatione in feminis calculos educi vult. 1037
- vesicam solam sine cervice vesicae incidi posse in laterali operatione negat. 928
- Morgagnius ductus lacrymales in usum Chirurgorum egregie descripsit. 367
- scarificationes quasdam valde commendat. 438
- urinam suppressam a prostata schirrosa vidit. 941
- a pariete intestini protruso herniam notavit. 751
- Morsus canis rabiosi. 165
- equi. 166
- felis, hominis, scorpionum. ibid.
- serpentum & viperarum. 159 & 165
- Mottius de Arte obstetricandi bene scripsit. 721. 1046
- de caesarea sectione praejudicatas fovet opiniones. 721. 1060
- de caesareae sectionis causis nimis jejune differit. 714. 722
- cautelam quandam Obstetricantium immerito ridet & rejicere satagit. 1053
- pro difficillimo partu habet, quando foetus capite in vagina firmiter haeret. 780
- ferramenta in partu temere rejicit; quia iis tamen uti coactus est. 1008
- pectore vulneratum per noctem vulneri cum successu imposuit. 119
- in situ foetus p. n. vult, ut foetus mox pedibus educatur, quamvis in naturalem situm verti possit. 982
- Motus sanguinis tardior quomodo excitandus, & celerior quomodo minuendus. 279
- Moxa quid & quomodo usurpetur. 452
- Mulieres Gallicae in lecto, Germanae in peculiari sella parere plerumque solent. 974
- quomodo a calculo liberandae. 1028
- qua ratione a foetu liberandae. 1039
- Mulierum calculo laterali modo sectarum exempla rarissima sunt. 936
- Muria prodest in ambustis. 331. inflammationibus. 275. gangraena. 316. gangraena vaginae prolapsae. 1095
- Mylon, pomum, oculi morbus. 626
- Myocephalon quid, oculi morbus. ibid.
- Myrmecia quid veteribus. 477
- Myrrha egregium balsamicum in pulvere & unguento. 71
- Myrrhae essentia, est vulneraria. 62. 362. 383
- oleum in oris & linguae vulneribus laudatur. 134
- Myrrhae

Myrrhae oleum in oris aliisque ulceribus.	362. 699	cuerint.	13	
N.		Oculi cancer & fungus.	593	
Naevis materni quid & quomodo tollendi.	456. 477	— humoribus effusis visus quandoque restituitur.	133	
Nares concreatæ quomodo separandæ.	623	— hydrops.	593	
— resectæ ex parte qua ratione glutinandæ.	133	— maculae.	583	
— — in totum restitutæ a quibusdam dicuntur.	ibid.	— prolapsus.	593	
— — an ex aliena carne, Taliacottii arte, refarciri queant dubitatur.	623	— speculum in fistula lacrymali inepte a Garengéot commendatur.	547. 553	
Narium polypus.	608	— venæ quomodo secandæ.	523	
— — farcoma.	619	Oculus artificialis quid.	596	
Nasi artificialis substitutio.	623	— bubulus vel elephantinus quid.	593	
— ablati & rursus restituti exempla.	ibid.	— lacrymans.	531	
Natura robusta curationes chirurgicas in plerisque casibus egregie secundat.	54	— leporinus.	517	
	140. 171. 358. 934	— nimis magnus.	593	
Naturalia feminarum clausa quomodo curanda.	951.	— simplex & duplex fasciæ genus.	1123	
Nebula in cornea.	584.	Oculorum ambustio.	330	
Nephrotomia quid & quando instituenda.	859.	— — concretio.	543	
— — commendatur ab Hippocrate, Fontano, Hildano, & aliis.	860	— — vitiorum exsectio.	594	
Nervi læsio.	47	— — excrementi.	520	
— — incisi tantum, vehementiora mala concitant, quam integre dissecti.	83. 85.	— — scarificatio.	459. 525	
	409	— — suffusio.	557	
— — læsi quandoque dissecandi.	410	— — tubercula.	520	
— — punctura qua ratione curanda.	83.	— — venaesectio.	523	
	409.	— — verrucæ.	537	
Nix & frigida in pernionibus prodest.	316	— — vulnera.	132	
Nodosa fasciæ pro arteriotomia.	1190	Oedemata quid & quomodo curanda.	339	
— — pro perinaeo post calculi aut fistulae an sectionem.	1215	Oesophagi vulnera.	51. 128	
Nubecula in cornea.	584	Oleum caryophyllorum in carie prodest.	382	
Nuckii modus suendi tendines acu duplici.	1093.	— & praesertim palati.	701	
— — torques ad collum curvum.	718	— — ceræ vulnerarium.	731	
— — ferraamenta ad urinae incontinentiam.	823	— — cinamomi in iisdem malis conducit, ubi caryophyllorum.	382. 701	
Numismate aureo an Jacobus a Senatu Amstelod. donatus sit, negatur.	991	— — chartæ in maculis corneae prodest.	622	
Nymphae mulierum nimis magnæ quomodo auferendæ.	960.	— — hyperici, vulnera sanat.	57	
O.		— — laterinum, ulcera mundat.	369	
Ostetricandi ars quid sit.	1039	— — ligni guaiaci in carie conducit.	382	
— — — artem quinam optime docuerint.		— — lini in ambustis.	330	
		— — myrrhae oris vitia sanat.	134. 699	
		— — ovorum traumaticum est.	57	
		— — petrae in pernionibus.	317. 318. scrophulas quandoque resolvit.	726
		— — philosophorum sive laterinum ulcera purgat.	369	
		— — saponis resolvens est.	726	
		— — scorpionum ad ictus scorpionum praestans est. 165. item ad urinam suppressam.	827	
		— — terebinthinae, balsamicum, vulnera sanat. 57. potens est stypticum in haemorrhagiis vulnerum. 77. & in nervis & tendinibus laesis prodest. 84. 423. 1157. pernionibus.		

Paracentesis quinam felices successus viderint.	703. 705	Pedes incurvati qua ratione curandi.	1106
———— pectoris.	695	———— artificiales post eorum amputationem.	510
———— scroti.	845	Pedibus foetus in partu p. n. fere semper est extrahendus.	981. & seq.
Paraeus celebris quondam Chirurgus Gal-lus.	10	Pedis venae quomodo incidendae.	416
———— caesaream sectionem impugnat.	762	———— amputatio.	979
———— quomodo puncturam nervi in venae-sectione curaverit.	409	Pedro del cobra quid & quem effectum edat.	164
Paraphimosis.	813	Pedum clavi.	1104
Paronychia.	1076	Penis cancer.	816
Parotides inflammati.	291	———— fascia.	1220
———— scirrhusi quomodo curandi & excidendi.	665	———— frenulum quomodo solvendum.	817
Parturientes quomodo in partu naturali ju-vandae.	974.	———— scirrhus.	816
———— quomodo in p. n. & difficili.	981	———— sphacelus.	ibid.
———— anxie saepe sectionem caesaream desiderant.	765. 781. quae saepius pessime a multis ipsis denegata est. 716. 781	———— tubercula & verrucae.	817
Parturientes si aliter a foetu liberari non possunt, quam caesarea sectione, haec ex Autoris sententia est instituenda.	716	Penis urethra non perforata.	818
———— si aliter a foetu liberari non possunt, quam ferramentis, haec adhibenda; quamvis interdum foetus adhuc vivat.	716. & seq. 705. 979	Percheti modus sectionem calculi lateralem instituendi.	928
———— prae foetu servandae, si ambo servari non possunt.	705. 979	Peregrina ex aspera arteria educenda.	719.
Partus dolores quid.	974.	———— ex aure protrahenda.	720
———— naturalis quid.	974. 977	———— oculo eximenda.	641
———— tempus verum.	974	———— e vulneribus extrahenda.	534
———— qua ratione promovendus.	974	Pericranii laesiones & vulnera.	58
———— difficilis quid ejusque causae.	972	Perinaei fistula.	139
———— quid in eo faciendum.	981	———— punctura quando instituenda.	947
———— ex utero oblique posito.	972	———— ejus diversi modi.	940
———— rarius instrumenta exigit.	980. 983	———— ruptura in puerperis.	ibid.
———— difficillimus quid.	979. 993. 1059	Peritoneum in herniis saepius relaxatum quam ruptum est.	1034.
———— mortuus quomodo ejiciendus.	997	Perniones.	751
———— caesareus. 707. Vid. sectio caesarea.		Peruvianus cortex in gangraena & sphacelo laudatur.	308
Parulis quid.	650	Pessaria in prolapsu uteri.	315. 319
Patella fracta. 211. ejus fasciae.	1237	———— ferrea.	1028
———— luxata.	260	———— in urinae incontinentia mulierum.	1029
Pectoris vitia quae manu curantur.	730		1033
———— emphysema.	197. 199	Pestilenciales bubones.	203
———— hydrops.	741	———— carbunculi.	301
———— paracentesis.	ibid.	Pestilentiam avertendi & curandi ratio.	297
———— vulnera.	117	Petitus, Chirurgus Paris. de ossium morbis bene scripsit.	11. 177
Pedes foetus in partu difficili semper quae-rendi eisque extrahendus.	981	———— acum pro contraapertura, ut vocant, facienda habet.	61
		———— acum triangulari apice peculiarem ad paracentesin excogitavit.	752
		———— ad canalem nasalem in fistula lacry-mali apertum servandum filum ceratum immisit.	552
		———— carunculas urethrae negat	835
		———— catheteres peculiares laudat.	834
		Ppppppp	Petitus

Petitus ferulas in fracturis rejicit.	177	Pollex pedis corruptus quomodo auferen-	
— hernias incarcerationas quomodo sa-		— dus.	490
net.	743. 750	Pollicis pedis unguis praeter naturam carni	
— machinam invenit pro tibia fracta.		infixus.	1193
	214	Polypus narium.	608
— machinam pro humero luxato.	246	— — quandoque cancrusus.	619
— quomodo luxatum caput restituat.		— — evulsus subinde gravem san-	
	236	guinis profusionem concitat.	610
— quomodo ossa per tela acuta fracta		Polyspastus quid.	205. 247
curanda doceat.	217	Portaiguille Gallorum.	100. 670
— quomodo ossa carie & spina ventosa		Praecordiorum vitia quae manu curantur.	
affecta terebranda proponat.	385. 395.		730
	397	Praeparatio aegri ante operationes gravio-	
— torcular quale invenerit.	81	res valde necessaria est.	900. 1124
— machinam pro femore amputato des-		Probyus, Chirurgus Anglus, operatione al-	
cripsit.		ta, jam initio hujus seculi calculum edu-	
— Medicus Paris. cataractam in lente		xit.	928
crystallina statuit.	596	Probyum ancilla fefellit, dum credidit,	
— cameram humoris aquei posteriorem		acum magnam, quam ex vesica ipsi ex-	
minorem quam anteriorem cum Autore		traxit, per os illuc devenisse.	971
statuit.	ibid.	Procidentia ani.	1044
— — — — — de loco puncturae oculi		— — — oculi.	593
in cataracta optimo docte differit.	607	— — — vaginae.	1030
Phalangosis.	738	— — — uteri. 1029. quinam de ea scrip-	
Philoxenus antiquus nobilis Chirurgus.	9	serint.	1029
Phimosis.	811	— — — vaginae prorsus singularis a Wi-	
Phlegmone s. inflammatio.	265	demanno descripta.	1023
Pietreus pro alta calculi operatione jam		Proebischius Chirurgus Prussus post Auto-	
dudum scripsit.	898	rem alta operatione calculum feliciter	
Pili palpebrarum oculum laedentes.	512	excidit.	891. 901
Pinguia nocent in capitis vulneribus.	141	Prolapsus. Vid. Procidentia.	
& ossium laesionibus.	380	Proptosis oculi.	593
Pistor de utero rupto scripsit.	713. 761	— — — palpebrarum.	516
— foetum extra uterum invenit.	761.	Prosthesis quid.	15
	767	Pruritus molestus in fracturis quomodo mi-	
Platerus venaesectionem in oculo scivit.		tigandus & tollendus.	186. 1185
	523	Psylli olim quid fuerint.	165
Platnerus, Medicus Lipsiensis, de fistula		— — — suctu oris venena e vulneribus ex-	
lacrymali ex Woolhusii sententia bene		traxerunt.	ibid.
scripsit ejusque ferramenta delineavit.		Pterygium oculi.	581
	556. 576. 582	Ptoxis oculi.	593
— oculorum scarificationem Wool-		— — — palpebrae.	510
husianam ejusque instrumentum primus		Puerperae regimen in partu naturali.	977
propalavit.	528	in partu praeter naturam & difficili.	981
— Woolhusii ferramentum pro hy-		— — — situs in partu praeternaturam.	
popo delineavit.	591		984
Pleuritis spuria scarificatione profunda la-		— — — exemplum cui septies foetus ex	
teris afflicti saepe curatur.	457	ventre feliciter excisus est.	780
Plumaceoli vulgo <i>plumaceaux</i> .	27	— — — exemplum cui septies per frustra	
Pneumatocele. 806. de ipsius existentia du-		evulsus est foetus.	1094
bitatur.	807	Pulmones per vulnus prolapsi quomodo cu-	
Podalirius celeberrimus Graecorum Medi-		randi.	121
cus.	8	Pulmonum vulnera.	48. 121
		Punc-	

Punctum influcta vulnera.	57	Radix ononidis in sarcocoele a variis valde commendatur.	790
Punctum aureum quid.	779	— symphyti turundas intumescences praebet.	29
Punctura perinaei. 940. vario modo instituitur.	943	— valerianae in rabie prodest.	165
— vesicae hypogastrica quid & a quibus commendetur.	945	Ramdohrii observatio de hernia incarcerata peculiari suppurata.	768
— vesicae in perinaeo a quibus laudetur.	943	Ramex inguinis.	750
— a Garengoto primum, ut perhibet, non est descripta.	ibid.	— varicosus.	808
— perinaei & vesicae in tempore instituenda, alias frustranea est.	947	Ramicis vocabulum an recte pro hernia usurpetur.	750
Pupilla oculi nimie contracta aut coalita quomodo dilatanda.	578	Raninae venae quando & quomodo incidenda.	407
Purmannus, Chirurgus egregius Germanus. 10. multa scripsit. Vid. Biblioth. Chirurg.		Ranula sub lingua.	653
— encanthidem ingentem cancrofam curavit	548	Rapae siccatae turundas intumescences constitutuere possunt.	29
— femoris fracti observationes dat.	209	Ravius, magnus Medicus & Chirurgus Germanus, ob lithotomiam celeberrimus.	912
— foetum vivum e matre mortua extraxit.	757	— aegros quomodo ligaverit.	913
— fungos articulorum bene descripsit.	343	— Jacobi Fratris modum imitatus est, emendavit & perfecit.	ibid.
— infusoriam chirurgiam feliciter quondam tentavit.	431	— Jacobum Parisiis nec vidit nec secutus est, ut quidam perhibet.	913
— de patella fracta utiles observationes praebet.	213	— calculos quandoque educere non potuit.	884
— umbilici herniam aquosam delineavit.	785	— cathetere quali usus sit.	913
— aneurysma maximum brachii descripsit.	416 & 433	— Celsum de lithotomia legendum rectissime praecepit.	917
Purulenta cataracta quid.	597	— Celsi methodum cum Mariana, & Marianam cum Jacobi combinavit.	927
Purulenta materia in abscessibus tactu percipi potest.	179	— fabam tracheotomia ex aspera arteria incisa eduxit.	675
Pus quid.	280	— in herniae incarceratae operatione, ubi intestinum corruptum invenit, aegrum deseruit.	766
— in fistula lacrymali per quodnam punctum lacrymale effluat, varii errarunt.	570	— incisionem obliquam fecit in lithotomia.	928
Pylarinus primus de variolarum insitione scripsit.	453	— instrumentis quibus in lithotomia usus sit.	912. 913
Pyosis idem quod hypopyum.	589	— instrumentum Verduinii pro phalangosi emendavit, & ob hoc lites cum Ruyschio acerbis incepit.	739
		— lithotomiam neminem docuit.	917
		— mulieres a calculo non secavit.	963
		— puellam unicam se secasse a calculo scribit.	936
		— scalpello quo usus sit in lithotomia.	912
		— situm qualem secandis dederit.	913
		— vesicam solam an inciderit.	ibid.
		Rauii catheter an magis curvus sit, quam is qui	
		Ppppppp 2	

Q.

QUadriga fascia quid. 1142

R.

Rabies canina quid. 164
 Rabiosi canis morsus. 165
 Radix gentianae turundas intumescences constituit. 29

- qui in magno apparatu adhiberi suevit ,
negatur. 912. 1004
- Rauii discipulus fuit Autor. 914
- fata quaedam a Garengooto male de-
scripta emendantur. 916. & seq.
- methodus a Fehrio jam 1716. satis
bene descripta. 910. ab Albinis postea u-
berius exposita. 912. 981
- methodum Autor brevissime, satis ta-
men perspicue jam 1718. descripsit. 915
- modus ligandi differt ab aliis. 913
- modum secandi Autor prae omnibus
aliis exercuit, & adhuc exercet. 914
- Rauio perfectionis lithotomiae gloria etiam
a Gallo quodam contra Garengootum ad-
scribitur. 927
- Refrigerantia externa nocent in erysipelate.
291. in inflammationibus. 274. in vulne-
ribus. 71
- Renum vulnera quae sanari possunt. 859
- Repositio fracturarum. 177
- luxationum. 230
- Res peregrinae in asperam arteriam illapsae.
702. in aurem. 604. in faucibus haeren-
tes. 715. in oculo. 534. in vulneribus quo-
modo ejiciendae. 58. 88. 463
- Resonitus seu contrasissura quid & an detur.
193
- Reverhorstius de successu operationum Ja-
cobi in Hollandia male sentit. 995
- Reusnerus ad auditus vitia tubulum com-
mendat, sed non satis describit. 607
- Rigor articularum. 186
- oris. 679
- Rima seu fissura cranii. 193
- Riolanus altam calculi operationem jam
commendavit. 926
- puncturam vesicae & in hypogast-
rio & in perinaeo descripsit. 943
- hypogastricam tamen puncturam
in urina suppressa ceteris modis praetulit.
945
- foetum occidendum quandoque ef-
se, ut mater servetur, recte docet. 732
- Riverii modus paronychiam curandi per au-
rem felis. 1076
- hypopyi curationem tradidit & in-
stauravit. 590
- lobi auris perforationem ad varios
morbos commendavit. 607
- Rodentia medicamenta eadem quae eroden-
tia & caustica. 453
- Rolfincius vulnus post operationem herniae
incarceratae futura conjunxit. 813
- Romanus f. de Romanis magnum pro calcu-
lo excidendo apparatus invenit. 862
- verisimiliter non urethram, sed
ipsam vesicam incidi voluit. 906
- Roonhusius, Chirurgus Belga, observatio-
nem notabilem de capite obstipo dedit.
717
- de labris leporinis bene egit.
671
- de partu caesareo & difficili uti-
les observationes dedit. 756
- vaginas uteri clausas observavit
& curavit. 1017. 1018. 1025
- uteri os internum clausum a-
periri etiam posse existimavit. 1025
- ejus ferramentum pro foetus
ex utero extractione diu occultatum
Schlibtingius nuper publicavit. Vid. ex-
plic. Tab. XL.
- Rosa, Medicus, peculiaria quaedam de ma-
gno apparatu docuit. 868. 869
- Rossetus de partu caesareo doctum librum
scripsit. 708
- dissentientes mascule & docte im-
pugnavit. 761. & seq.
- altam calculi sectionem gravibus
rationibus commendavit prae aliis. 880
881
- quomodo vesica aqua sit implen-
da primus docuit. 891. 941
- in urina suppressa ceteris vesicae
puncturis hypogastricam praefert. 1011
- Rotula fracta. 211. luxata. 260
- Rulovius de sectione caesarea scripsit. 713
- Rungius caesaream sectionem instituit. 728
- modum curandi fistulas ani pecu-
liarem dedit, ut & nova instrumenta.
1063. quae vid. Tab. XXXV.
- Ruyfchius a diverticulo intestini hernias no-
tavit. 751
- quomodo hydrocelen curaverit.
801
- luxationes femoris raras easque
plerumque fracturas esse colli femoris
evicit. 206
- procidentias uteri contra dissen-
tientes asseruit. 1029
- secundinas evellere prohibet. 1012
- vaginas uteri clausas aperuit. 960
- vitriolica in sanguine sistendo
rejecit. 499
- Ryf antiquus fuit Chirurgus Germanus. 10
S. Sa-

abdomine.	1143	Scultetus caesaream sectionem illustrat figura.	767
Scarificatio quid. 436. ejus usus.	438	_____ canales pro pedibus fractis deli-	179
_____ Aegyptiaca quid.	440	_____ neat.	179
_____ chirurgica quid & ubi instituatur.	209. 440	_____ femoris fracti exempla praebet cum vulnere.	209
_____ in carbunculis.	308	_____ fonticulus quomodo in futura co-	516
_____ in gangraena.	323	_____ ronali excitandus figuris ostendit.	516
_____ malleolorum.	438	_____ haemorrhoides quomodo Veteres adusserunt, docet.	1048
_____ in morfu canis rabiosi.	161	_____ herniae umbilicali qualis vinctura injicienda.	738
_____ oculorum.	441. 525	_____ herniotomiae vulgaris actum re-	828
_____ occipitalium venarum a Morgagni multum laudatur.	457	_____ praesentat.	846
_____ in pleuricide spuria a Lancisio valde commendatur.	457	_____ hydroceles curationes varias visui offert.	846
_____ unico ictu fieri potest.	456	_____ mammam amputandi rationes exhibet antiquas.	737
Schilhans, Chirurgus antiquus Germanus.	10	_____ manum quomodo scalpro amputaverint.	494
Schlichtingius ferramentum Roonhusii ad partum difficilem, diu occultatum, nuper propalavit & descripsit. Vid. explicat. Tab. XXXX.		_____ ononidis radicem contra sarcocolem valde commendat.	838
Schobingerus Yvesii fistulas lacrymales curandi modum descripsit. 549. sed circa Anelli modum erravit.	550	_____ Rustici Norwegici ferramentum pro uvula resecanda designavit.	660
Schukmannus de modo hernias sine castratione secandi scripsit.	832	_____ scalpro quomodo manum olim resecerint, docet.	494
Scipio Africanus ex utero matris exsectus.	556	_____ scamnum Hippocratis demonstravit.	175
Scirrhus, quid & quomodo tractandus.	327.	_____ fetaceum in cervice quomodo excitaverint.	729
_____ qua ratione excidendus.	460	_____ testiculum qua ratione in herniis extirpaverint, indicavit.	828
_____ glandularum salivalium.	665	_____ umbilici herniam designavit.	784.
_____ linguae.	655	_____ itemque vincturam pro ea.	787
_____ mammae.	288. 335.	Sectio caesarea quid. 707. Vid. caesarea sectio.	
_____ penis.	816	_____ a multis damnatur, a multis & etiam ab Autore commendatur. ibid.	708
Sclopetorum vulnera.	86	_____ & _____ in triplici casu necessaria est.	708
Scordii decoctum in gangraena externe prodest.	323	_____ monstri causa solum, ut nonnulli volunt, raro instituenda.	779
_____ essentia & infusum in pestilentia interne laudantur.	305	_____ quando & quomodo instituenda Autor prolixè exponit.	756. & seq.
Scorpio contritus ejusve oleum in scorpiionum puncturis commendatur.	168	_____ ob caput in vagina haerens aliquando est instituenda.	994
Scorpionis oleum etiam laudatur in urina suppressa.	878	Secundae sive secundinae quid.	1011
Scriptores Chirurgici. Vid. post praefat. itemque pag. 10. & seq.		_____ retentae naturae non semper sunt relinquendae.	1012
Scrophulae.	335. 678	_____ retentae sunt mature potius extrahendae.	1012
Scroti hydrops.	804	Secundas retentas naturae relinquendas esse Ruy-	
_____ inflammatio.	283. 290		
_____ paracentesis.	845		
_____ suspensorium aliaeque pro eodem fasciae.	1214. 1219		
Scultetus Armamentarium Chirurgicum scripsit.	10		

- Ruyfchius ultimis vitae annis docuit. 1012. 1015
- Secundas retentas non relinquendas esse propugnarunt, Leporinus, Cohusius, Hartranffius, Stuartus alique. 1012
- Sedes, laesionis species in cranio. 139
- Segerus, effusis humoribus oculi, visus restitutionem vidit. 133
- Senatus Amstelodamensis Jacobum aureo lapidillo donavit, non nummo. 992. 994
- Senffius, Chirurgus Regius Berolinensis, quomodo calculum laterali sectione secuerit, ex filii Autoris relatione. 930
- Rauium maxime secutus est. 930. 931
- catheteribus fulcatis, argenteis, tenuibus & valde incurvatis usus est. ibid.
- calculum eduxit, in quo spica fragmenti deprehendebatur. 971
- Sennertus faustam sectionem caesaream vidit. 761
- Septica medicamenta eadam sunt quae rodentia & caustica. 19. 281. 475
- Sermesius, Medicus Amstelodamensis, altam operationem descripsit Belgice. 931
- Autorem altam operationem perfecisse iudicavit. ibid.
- Jacobum male in Hollandia calculos secasse testatur. 995
- Rauium mulieres a calculo Amstelodami non secasse refert. 969
- egregios nonnullos Chirurgos in operatione calculos educere non potuisse notavit. 933. 1000
- lateralem methodum in mulieribus sine vaginae laesione non succedere experimentis deprehendit. 1000
- hiatum in cathetere, sicut Draninus, commendavit. 925
- modum secandi hernias sine testiculi amputatione descripsit. 780
- Serpentum morsus. 166
- Serra, ferramentum pro ossibus refecandis. 495
- quomodo rite adhibendum. 498
- Setaceum quomodo excitandum & ubi proficit. 682
- varios excitandi habet modos. ibid.
- a quibusdam rejicitur, ab aliis valde laudatur. 684
- in vulneribus quid. 61. 92
- Severinus, Medicus & Chirurgus Italus praestantissimus, de abscessibus sive tumoribus docte scripsit. 11
- Severinus ferri candentis usus aliaque heroica auxilia valde commendavit. 369. 470. 475
- sanguinis ex oculo missionem cognovit. 523
- Sigemundia, prudens Obstetrix Germana, sua in arte multa utilissima docuit. 984. 1047. 1049
- foetum capite in vagina haerentem pro difficillimo partu casu putat. 730
- molam utero adhaerentem feliciter eduxit. 1052
- foetum subinde interficiendum esse ut mater fervetur, egregiis argumentis demonstrat. 732
- uteri situm obliquum partus difficultis causam esse cognovit inter primos. 972
- Situs naturalis partium Chirurgo exactissime sit cognitus. 20. 48. 562. 942. 977
- Situs foetus in utero partus tempore scitu est summe necessarius. 1040 ad 1042
- uteri in partu plerumque est rectus, saepe autem quoque obliquus. ibid.
- uteri obliquus partum difficilem indicat. 968. quid in hoc situ faciendum. 985
- uteri rectus partum facilem indicat. 968
- uteri obliquus & rectus non nisi tactu per digitum cognoscitur. ibid.
- Situm secandorum a Rauio optime descripsit Erndelius. 913
- uteri obliquum optime exposuit Deventerus. 1045
- Smalsii acus pro cataracta duplex. 579
- Solaris fascia quae. 1122
- Solingius Medicus & Chirurgus egregius. 10. 11. 14.
- caesaream tamen sectionem impugnavit. 755
- tendines extensorum digitorum dissectos sine sutura coalescere docet. 1157
- Sonnus septies feliciter foetum ex uxore sua excidisse scribitur. 780
- Sostratus inter veteres Chirurgos celebrissimus. 9
- Spatha Celsi quid sit, incertum est. 651
- Specillum quid. 18. Anellianum. 578
- Speculum ani. 1053
- oculi. 604
- Specu-

Speculum oculi in fistulae lacrymalis injectione inepte a Garengéoto commendatur.	547. 553	Stapes , fascia pro pede.	104. 1171	
—— oris.	639	Steatoma quid.	457	
—— uteri in partu inutile.	1006	Stellata fascia qualis.	1131	
Sphacelus quid & quomodo curandus.	318	Steno vias lacrymales novit.	563	
—— ossis quid.	389	Stenonianus ductus vulneratus.	134	
Sphincter ani sine noxa in fistulae ani curatione plerumque discinditur.	1125	Sterni perforatio s. trepanatio.	699	
—— vesicae in laterali apparatu sine damno inciditur.	976	Sternum fractum. 195. vinctura pro eo.	1211	
—— vesicae in magno apparatu semper dilaceratur.	913. 977	Strabismus & machinae ei idoneae.	597	
Spica axillaris, fascia.	1131	Stramineus lectulus quid.	220	
—— inguinalis.	1147	Strumae quid & quomodo curandae. 479. 678		
Spigelius Medicus & Chirurgus nobilissimus.	10	—— a Regibus Angliae & Galliae tactu sanari dicuntur.	679	
Spina ventosa quid & qua ratione curanda.	376	Stuart de secundis rite tractandis & extrahendis bene scripsit.	1012	
—— ventosa interdum causa est amputationis membrorum.	387. 494	Styli argentei pro cura fistulae ani.	1131	
Spinae ventosae vocabulum in Petiti libro de morbis ossium non occurrit.	389	—— ——— fistula lacrymali.	578	
Spinalis medulla laesa plerumque mortem infert.	50	Styptica medicamenta quae.	77	
—— ——— laesa quomodo tractanda.	128	—— vitriolica ob vim erodentem suspecta, imo saepe noxia.	77. 78	
Spiritus salis interne laudatur in ambustis.	325. & in herniis curandis.	775	Styptici liquores.	77
Spiritus theriacalis, imprimis camphoratus, egregius in gangraena. 322. in morfu canis rabiosi. 162. in paronychia. 1146. in pernionibus.	317	Subligacula hernias saepe sanant.	777	
—— vini laudatur in ambustis. 331. inflammationibus. 275. vulneribus, praefertim levioribus.	57	Subluxatio quid.	223. 228	
—— vini camphoratus in ambustis. 323 inflammationibus & gangraena prodest. 275. 322. itemque vulnera sanat. 57. paronychiam saepe resolvit.	1146	Submersis in aqua laryngotomia a Dehardingio commendatur.	677. 681	
—— vini rectificatissimus sive alcohol in profluviis sanguinis vulnerum praestantissimus est.	77	Suctu oris Psylli venena e vulneribus educerunt.	165.	
Splenia quid, quomodo paranda & eorum usus.	29	—— urina suppressa saepe evocatur.	878	
Spongia praeparata ulcera & vulnera angustiora dilatat.	29	Suffimenta in vaginae & uteri prolapsu profunt.	1090. 1095	
Stahlius scarificationem narium Aegyptiacam commendavit.	459	—— ——— in scirrhis commendantur.	338	
—— fetas primas in fistula lacrymali per puncta lacrymalia in saccum lacrymal. immittere docuit.	545	Suffusio oculorum. 557. plura de ea vid. titulo cataractae.		
Staphyloma.	587	Sugillatio, sive Ecchymosis.	408	
		Superciliorum vulnera.	131	
		Suppositoria quid & ubi adhibenda.	1039	
		Suppuratio quid & quomodo promovenda.	267	
		Suspensorium brachii, idem quod mitella.	193. 1200. 1204	
		—— ——— scroti.	1214. 1219	
		Sutorius, primo Chirurgus Norimberg. & postea Ducis Brunsvicens. ob felicem causticorum in tumoribus auferendis usum quondam in Germania valde celebris fuit.	454	
		—— Chirurgus Francofurt. res ibidem gestas a Fratre Jacobo Autori perscripsit.	961	
		Sutura vulnerum.	59. 464	
		—— ——— Garengéoti.	67	
		—— abdominis.	95	
		—— ——— clavata.	66. 102	
		—— composita.	63	
		Sutura		

Sutura cruenta.	61	quadam operatione curare pollicitus est.	566
— intestinorum.	1106	Taylor cataractam semper in crystallino existere statuit.	558
— labri leporini.	669	— cataractae operationem peculiari ratione instituit.	576
— ligamentorum.	1168	Teichmeierus sectionem caesaream feliciter successisse notavit.	715
— nodosa quomodo fiat	62	Temporum arteriotomia.	493
— pellionum.	105	Tendines dissecti sui possunt. 1084. sed etiam saepe sine futura coalescent.	1087
— sicca.	59	— — — ex parte dissecti vel puncti, si gravia mala concitant, tuto discindi & rursus deinde jungi possunt.	1089
— tendinis Achillis.	1095	Tendinis Achillis laesio & futura.	1095
— tendinum manus.	1087	— — — laesiones.	45. 83. 423
— — — pedum.	1095	Tendinum futura fabulis non annumeranda.	1094
Suturas tendinum, quinam ex Veteribus novaverint.	1088	— — — quando instituenda.	1088
— — — quinam instauraverint.	1089	Tendinum futura in manibus.	1086
Sydenham incisionem gingivarum in epilepsia a dentitione difficili valde commendat.	618.	— — — in pedibus.	1095
Sympatheticae curationes raro profunt	475. 726	— — — futuras quinam ex Veteribus cognoverint.	1087
Symphysis ani.	1040	Terebinthina cum vitello ovi optimum praebet unguentum vulnerarium, vulgo <i>digestivum</i> dictum.	19. 70. 91. 361. 364
— auditorii meatus.	604	Terebinthinae oleum praestantissimum vulnerarium. 77. & in primis etiam in nervo vel tendine puncto.	83. 423. 1089
— nasi five narium.	623	— — — egregium stypticum.	77
— oculorum.	514	— — — in gangraena & sphacelo utilissimum.	317. 319
— vaginae.	954. 958	Terebra pro globulis plumbeis extrahendis.	104
— urethrae in viro.	818	Terebratio five trepanatio cranii quid & quomodo instituenda.	150 523
— — — in femina.	955	— — — sterni.	699
Symptomata fracturarum.	182	— — — cranii nudi.	140
— — — luxationum.	232	— — — ossis spina ventosa correpti.	395
— — — vulnerum & vulneratorum.	76	Teredo, idem quod spina ventosa.	380.
— — — venaesectionis.	422	Testiculi excrescentia quomodo auferenda.	792
Synthesis quid.	15	— — — scirrhus & cancer.	810
Syringotomi quid.	1060	— — — tumor inflammatorius.	288
— — — Recentiorum.	1061	— — — suppuratorius.	289
— — — Bassii.	1062	Testiculo alterutro privati ad generationem haud inepti sunt.	777
— — — Garengéoti.	ibid.	Testiculum in hernia simplici excindere ineptum & crudele est.	776
— — — Rungii.	1063	Testudo, tumor capitis.	457
T.		Qqqqqqq	The.
TAbacalis clyster quid.	1037		
— — — quis de eo scripsit.	1038		
— — — efficacissimus ab Autore deprehensus est in ileo ab hernia incarcerata.	1037		
Tabor novum modum & ferramentum mammamas amputandi descripsit.	692		
Tagaultius, Chirurgus quondam celebris.	10		
Tagliacotius nasum amissum carne aliena restitui posse docuit.	623		
Talpa capitis quid.	457		
Taylor, Ocularius Anglicus, amaurosin certa			

- Theriaca in vulneribus venenatis interne & externe laudatur. 162. 163
 Theriacalis spiritus in gangraena. 322. morfu canis rabiosi. 162. pernionibus. 317. & paronychia commendatur. 1146
 Thevenin puncturam vesicae in perinaeo jam commendavit. 942. 943
 Thibautus, celebris Lithotom. Paris. calculum peculiari modo ex urethra excidit. 841
 ——— non ausus est, Autore Garengeoto, altam calculi operationem instituere. 924
 Thoracis paracentesis. 695
 ——— vulnera. 116
 ——— fasciae. 1199
 Tibia fracta. 213
 ——— cum vulnere. 214. machina Petiti pro hac fractura. 214
 ——— luxata. 260
 Tibiae amputatio vulgaris. 479
 ——— Verduinii. 481
 ——— fractae fascia. 1240
 ——— incurvatae. 1174
 Tinea capitis. 385
 Tivetête Gallorum quid. 1061
 Toletus de Lithotomia egregie quondam scripsit. 908
 ——— altam operationem quoque laudavit. 926. eam a Boneto Parisiis institutam esse scribit. 972
 ——— modum ligandi aegros in magno apparatu carpit. 965
 ——— puncturam vesicae in perinaeo commendavit. 942. 943
 ——— puncturam hypogastricam vesicae in urina suppressa ceteris praefert. 945
 Tonfillarum abscéssus. 662
 ——— excrecentia. 664
 ——— inflammatio. 661
 ——— scirrhus. 663
 Tonfillis suppuratis aperiendis peculiaria instrumenta. 662
 Torcular Chirurgorum, vulgo *Tourniquet*, quid & quomodo adhibendum. 76. 104
 ——— pro varia fabrica vario modo adaptatur. 76
 ——— Petiti. 77
 ——— Morandi. ibid.
 ——— Autoris. ibid. & seq.
Tourniquet Gallorum. Vid. Torcular.
 Tracheotomia quid & quando instituenda. 674
 Tracheotomia ab Autore instituta. 676
 ——— res peregrinae e trachea eximi possunt. 674
 ——— submersis proficere dicitur. ibid.
 Transfusio sanguinis quid & quem scopum habuerit. 430
 Trepanatio cranii quid, quando & quomodo instituenda. 150. 497
 ——— remedium anceps est, multis difficultatibus obnoxium. 498
 ——— sterni. 745
 ——— ossis carie aut spina ventosa correpti. 385. 395
 Trepanationis apparatus. 501
 ——— difficultates Bohnius peculiari Dissertatione exposuit. 524
 Trepanum quale instrumentum. 497
 ——— Antiquorum sive Celsi. 527. 528
 ——— Recentiorum. 527
 Trewius instrumentum ad phimosis curandam invenit. 813
 ——— ductoris & forcipis, quibus Jacobus Argentorati usus est, figuras mecum communicavit. 996
 Triangularis cuspidis acus pro paracentesi. 753
 Trichiasis, palpebrae vitium. 512
 Trochisci de minio caustici sunt, & in fistula lacrymali ac perinaei a quibusdam commendantur. 576. 1014
 Troicar Gallorum. Vid. triangularis acus cannulata. 753
 Tubae acousticae quales in auditu difficili prosint. 606
 Tubercula praeter naturam quomodo curanda. 456
 ——— auditorii meatus. 604
 ——— oculos inter & palpebras. 450
 ——— palpebrarum. 508
 ——— vaginae uteri. 960
 Tulpius caput obstipum curatum observavit. 717
 ——— fungum uteri extirpatum opus inauditum & insolens immerito vocavit. 961
 Tumores generatim considerati. 264
 ——— inflammatorii. ibid.
 ——— oedematosi. 339
 ——— scirrhosi. 327. 665. 724
 ——— carnosii. Vid. Sarcomata.
 ——— mammarum. 279
 Tumores

Tumores parotidum.	665	Variolarum inoculatio.	434
—— testiculorum.	288	—— orta apud Turcas. ibid. dein in Anglia jussu Regis Georgii I. probe exercitata.	435
—— tunicati seu cystici eorumque curatio.	457	—— in Germania etiam & quidem semper feliciter cessit.	ibid.
Tumoris absentia vel praesentia in vulneribus quid denotet.	49	—— qui de ea scripserint.	435
Turbierus, Chirurg. Paris. punctura hypogastrica vesicae urinam suppressam feliciter eduxit.	945	—— inoculationem Autor probat eamque continuandam esse suadet.	ibid.
Turundae quid & eorum usus.	27	Vasorum sanguiferorum in haemorrhagiis ligatura & ustio quomodo fiant.	78
—— a quibusdam rejiciuntur.	29. 363	Vaterus partum caesareum descripsit.	708.
—— a Bellostio & Mottio in pectoris vulneribus damnantur.	53	—— partum foetus post mortem matris notavit.	711
—— omnes a Garengéoto in ventris vulneribus male rejiciuntur.	97. 101	—— sarcoma magnum uteri resectum & feliciter sanatum observavit.	706
—— an in bubonocèles curatione locum habeant.	810. 815	—— de variolis inferendis scripsit.	961
—— an in gastroraphia profint.	97	Vena jugularis laesa quomodo tractanda.	435
—— an post lithotomiam adhibendae.	917	Venae jugularis sectio magnae est efficaciae in multis capitis noxis.	127
Turundae intumescences unde fiant.	28	Venae sectio quid.	405
Turundarum abusus primum a Magato & Bellostio maxime impugnatus est.	29. 363	—— antiquissima & utilissima est operatio & curatio.	393
Tycho-Brahe ex suppressa urina ob defectum boni Chirurgi mortuus est.	828	—— qua ratione instituitur.	ibid.
		—— difficillime saepe instituitur.	396
V.		—— quibus in partibus fiat.	394
Vagina uteri clausa quomodo aperienda.	954. 958	—— ejus usus.	395
—— a quibus observata & curata.	955. 960	—— in brachio.	395
Vaginae fungi & excrecentiae.	960	—— in cantho oculi.	405
—— prolapsus.	1030	—— colli venis, jugularibus dictis.	ibid.
—— prolapsae inflammatio.	1031. 1032	—— fronte.	404
—— eam sanat.	1032	—— sub lingua.	407
—— sarcomata & tubercula.	960	—— in manu.	401
—— os nimis angustum qua ratione ampliandum.	957	—— oculi cantho.	405
Valgi & vari, pedum vitia.	1106	—— oculo ipso.	539
Valleriola differentiam inter embryulciam & hysterotomiam ignoravit.	729	—— pede.	402
Vari faciei sunt parvi furunculi.	295	—— pene.	407
—— pedum.	1106	—— raninis venis.	ibid.
Varices quid, & speciatim pedum.	1101	—— furis.	402
—— qua ratione praecavendi.	1103	—— plethoricis prodest, in inflammationibus curandis & praecavendis, aliisque multis malis.	427
—— quomodo curandi.	1101	—— non semper in convulsionibus & spasmodis prodest.	85
—— vehementibus olim curationibus exercebantur.	ibid.	—— in labri leporini operatione non necessaria contra Garengéot.	627
—— scroti.	856	Venae sectionis instrumenta.	395
Varicocele.	ibid.	—— symptomata.	408
		Qqqqqqq 2	Vene-

Venenata vulnera	162	Vesicae calculus ejusque diversae incidendi rationes.	848
Venerica ulcera.	371	———— calculus quomodo in mulieribus educatur.	962
Venerici bubones & tumores.	310	———— cervix etiam in magno apparatu a quibusdam incidi docetur.	869
Venetici Senatus legem dedit quomodo gravidae mortuae sint incidendae.	710	———— cervix & corpus tuto vulnerari posse, probat operatio alta. 942. & lateralis. 957. itemque punctura ejus.	941
Ventositas spinarum quid & quomodo curanda.	387	———— fundus sine vulnere mortifero vulnerari nequit. 992. adeoque in alta operatione non incidendus contra Garengcot aliosque.	992
Ventriculi excutia.	671	———— impletio in alto apparatu quomodo fiat.	ibid.
Ventris fascia circularis.	1212	———— impletio in eo non absolute est necessaria.	881. 941. 951
———— ——— mantile.	35. 104. 1210	———— situs & habitus ratione alti & lateralis sectionis exhibetur.	887
Verduc de fasciis & fracturis bene scripsit.	14	———— punctura in urina suppressa quid.	940
———— erysipelas faciei ingens describit.	290	———— vulnera, quae non mortifera.	928.
———— tendinis futuram vulnere jam consolidato institui adhuc posse docet.	1156	———— in ambustis non sunt aperiendae.	942
Verduinius, pater, novum modum crura amputandi descripsit.	481	Vesicatoria quid.	332
———— instrumentum Bartischii pro phalangosi correxit.	511	———— a quibus recentibus Scriptoribus valde commendentur.	418
———— filius, Jacobi Eremitae fata in Hollandia mecum communicavit, unde multi aliorum defectus & errores corriguntur.	911. & seq.	———— quando & quomodo applicanda.	447
———— refert Jacobum saepius calculos facta sectione invenire non potuisse.	914	———— ubi prosint.	ibid.
———— pro temerario Chirurgo eum describit.	ibid.	Veslingius futuras tendinis Achillis & extensorum tibiae primus descripsit.	1097
Vermes in ulceribus quomodo expurgandi.	370	Veteres foetus mortui, sed non vivi extractionem docuerunt.	1001
Veronicae infusum injectum in oculo lacrymante. 533. & fistula lacrymali prodest.	542	Vetustissimi Medici jam sciverant calculi, cataractae, trepanationis, vaginae clausae &c. operationes. Vid. calculus, cataracta, trepanatio, vagina clausa	
Verrucae quid.	454	———— foetus mortui extractionem jam satis bene docuerunt.	1003. & seq.
———— quomodo auferendae.	455	Vexata Celsi quid sint.	150
———— in palpebris.	510	Viardel meconii effluxum ex utero male pro certo mortis foetus signo venditat.	1001
———— pene.	817	———— male omnem instrumentorum usum in foetu etiam mortuo educendo rejicit.	1003
———— coerulescentes, praesertim in facie, labiis & palpebris plerumque cancerosi quid alunt.	456	Victus ratio necessaria in vulnerum curatione aliisque gravioribus curationibus.	86
Vertebrae fractae.	199	———— ratio in ulcerum curatione maxime quoque necessaria.	353
———— luxatae.	239	Vigo, celebris Chirurgus, emplastrum de ranis	
Vesalius Chirurgiam scripsit.	10		
———— gingivarum incisionem in dentitione difficili commendavit.	648		
Vesica sola an apparatu laterali incidi possit, dubitatur.	913		
———— vitulina in amputationibus adhiberi solet.	474		
———— an extra ventrem sita sit negatur.	886		
———— in hernia quandoque procidit.	788		

ranis cum mercurio invenit, quod magno in usu. 337. 372. 374	Ulcera cutanea. 358
Villeroi, Marefchallus, ex hernia prolapsa fere mortuus est. 752	— dysepulotica. 356
Vinctura idonea saepe hernias curat. 787. 826	— ex erysipelate. 293
— pro hernia umbilici. 1213	— fascino inducta. 375
— nimis arcta in fracturis inflammatio- ne & gangraenam inducit. 179	— fistulosa. 353
Vincturarum & fasciarum doctrina. 1113	— magica quid sint. 365
— divisiones. 1114	— maligna. 356
— firmitas qualis esse debeat. 179 180. 1186	— putrida. 360
— nimia gangraenae caus- sa. 179	— scorbutica. 356
— materia. 1115	— serpigiosa. 358
— usus. 1145	— sinuosa. 353
Vincula hernias saepe sanant. 787. 805. 825. 826	— superficialia. 358
— Chirurgica quid. 37	— venerea. 361
Vini spiritus in ambustionibus est egregius. 331	— verminosa. 360
— in inflammationibus externae calide conducit. 275	Umbilici hernia. 734. vinctura pro ipsa. 738. 1213. operatio quando incarcerata. 740
— rectificatissimus in sanguine li- stendo valentissimus est. 77	— in infantibus ligaturae. 701
Viperarum morsus. 168	— punctura in hydrope. 706
Virus luscus. 637	— tumor in hydrope. ibid.
— vitia in amaurosi, cataracta & glau- comate. 566	Uncorum usus in partu difficili non prorsus est rejiciendus. 1003
Vitellum ovi cum terebinthina constituit consuetum & egregium unguentum dige- rens in vulneribus, abscessibus & ulceri- bus. 19. 59. 70. 91. 361. & alibi.	— pro hoc usu praestantia. ibid.
Vitrioli oleum in herniis curandis commen- datur ab Anglo. 830	Uncinuli pro cataracta educenda jam dudum rejeti sunt. 587
Vitriolica medicamenta scopo adstringendi applicata erodunt & quandoque noxia fiunt. 77	Unguentum Aegyptiacum mundat. 19. 309. callos consumit. 373
Vitriolum coeruleum in amputationis & aneurysmatis curatione usurpatur. 437 496. 499	— ad ambusta. 332
— coeruleum carnem luxuriantem & impuram tollit, si pars eo inungitur. 19	— Apostolorum in fistula ani a quibus- dam laudatur. 1064
Ulcera generatim considerata. 347	— digerens ex terebinthina & vitello. ovi in vulner. 19. 59. 70. 91. & ulcer. 361. & alibi.
— antiqua crurum saepe non glutinan- da. 360. quando & quomodo curanda. 366	— fuscum Wurzii mundat. 19. 70. callos exedit. 373
— cacoëthica. 356	Unguentum de linaria in haemorrhoidum dolore celebre. 1049
— callosa. 363	— mercuriale in scirrhis & venereis malis egregium. 336. 338. 725
— cancrosa. 359	— nutritum in ambustionibus. 332
— capitis. 385	— cancro. 340. & haemorrhoidum dolore. 1049
	— fuscum Wurzii mundat. 19. 70. 309
	Unguis oculi. 581
	— pollicis pedis dolens quomodo cu- randus. 1103
	Ungula oculi. 581
	Unum in partu difficili servare praestat, quam duos certae neci relinquere. 724. 979
	Voelterus ob sectionem caesaream citatus. 713. 717
	Q999999 3. Voge.

Vogelius de herniis sine castratione nuperime secandis scripsit. Vid. Bibliotheca Chirurgica.		Uteri prolapsus a multis aliquando in Gallia pro hermaphrodito inepte habitus est.	1024
Vulsella five vulsella quid.	18	— prolapsi inflammatio quomodo curanda.	1026
Urethra in masculis clausa quomodo aperienda.	818	— sarcomata.	964
— caruncula, cicatrice vel ulcusculo clausa.	834	— situs in partu utrum rectus sit an obliquus probe explorandum.	965
— a calculo obstructa.	836	— situs obliquus a Deventero & Hoornio optime illustratus.	972. 985
— clausa in puellis & mulieribus.	951	— vaginae os clausum qua ratione curandum.	954. 958
Urethrae calculos qua ratione, si haeret, ejiciendus.	838	— vaginae os nimis angustum quomodo ampliandum.	957
— clausae in femina peculiare exemplum, quae urinam per umbilicum evacuabat.	955	— — prolapsae inflammatio quomodo curanda.	1026
Urina suppressa quomodo promovenda.		— vulnera periculosa.	49. 764. 769
826. de hac re Colotus. 940. & Denysius 939. bene praeceperunt.		Uterus quandoque in partu dirumpitur.	726
— — qua ratione optime emolliatur.	945	— oblique situs in partu difficilis partus causa est, & contra.	965. 968. 1003
— — quomodo aliis rationibus educatur.	937	Vulnera universim considerata.	41
Urinae incontinentia in mulieribus.	1033	— abdominis.	95
— — in viris.	823	— — futura ejusque varii modi.	97. 101
Ustio five ambustio.	322	— absolute lethalia.	47
— antitrangi in dentium dolore.	605	— per accidens lethalia.	50
— apoplexiae saepe remedium.	471	— angustiora quomodo dilatanda.	57
— auris in dolore dentium.	605		99
— canceri seu carcinomatis inutilis.	341	— animalium rabiosorum.	164
— in carbunculo.	309	— — venenatorum.	162
— in carie.	384	— asperae arteriae.	48
— dentis dolentis carioli.	642	— arteriarum majorum.	ibid.
— in fonticulis excitandis.	404	— biliariorum ductuum lethalia.	49
— in fonticulo futurae coronalis.	493	— caesim inflicta.	59
— in setaceo faciendo.	683	— canis rabiosi.	164
— in sphacelo non instituenda.	321	— capitis.	129
— vasorum in vulneribus.	76	— chyli ferorum ductuum.	49
— — post artuum amputationem.	477	— cerebri.	48
— vulnerum post morsum canis rabiosi.	166	— colli.	124
Uteri descensus & procidentia an dentur.	1022	— collisa seu contusa.	150
— haemorrhagia in gravidis. 1006. oritur plerumque a placenta ab utero soluta, vel a placenta ori uteri adhaerente. ibid. curanda provida foetus extractione.	1008	— cordis.	47
— mola quomodo excutienda.	1047	— cranii & pericranii.	139. & seq.
— oris scientia in Arte obstetricandi summe necessaria est.	976	— ductus thoracici.	49
— procidentia est cum vel sine inversione. 1023. quomodo curetur.	1025	— ductuum biliferorum.	ibid.
		— — chyli ferorum.	ibid.
		— — urinariorum.	ibid.
		— equi ejusque symptomata.	170
		— faciei.	130
		— ferarum rabiosarum.	109
		— frontis.	130
		— genarum.	134
		Vulnera	

Woolhusius oculorum scarificationem Hippocraticam restituit. 441. 525. sed saepe sine successu eam instituit. 530
 ——— oculi venas secuit. 523
 ——— ophthalmoxystrum sive scopulam oculariam invenit ex spicis secalis. 528
 ——— sanguinis missionis in oculo interventionem injuria sibi adscribit. 523
 ——— scarificationem oculorum Hippocratis instauravit. 459. 525
 ——— setaceum in cervice juxta longitudinem fieri vult. 683
 Wurtzcius egregius Chirurgus Germanus fistulas ossium adstruit. 170. 181
 ——— unguentum fuscum excogitavit, quod egregie vulnera sordida purgat, & quod postea saepissime commendatur. 19

Y.

Y Vesii, Ocularii celebris quondam Parisini, modus fistulas lacrymales curandi. 549
 ——— modus curandi hypopyum. 589.
 staphyloma. 588
 Yvesius bene de morbis & curationibus oculorum scripsit. 534
 ——— cataractae sedem & causam mecum in lente crystallina opaca ponit, contra Woolhusium ejusque assecclas. 561
 ——— signum praebet, quo cataracta membranacea a crystallino opaco distingui possit, planitie corporis opaci. 564

Z.

Z Wingerus qua ratione callum ossium facile rursus resolvi posse putat. 188



A D B I B L I O P E G V M.

Tabulae ad marginem paginarum hic indicatarum ita agglutinentur, ut integrae e libro evolvi queant, ut

Tab. I. ad oram.	pag. 19	Tab. XXI. ———	pag. 687
Tab. II. ———	33	Tab. XXII. ———	693
Tab. III. ———	105	Tab. XXIII. ———	695
Tab. IV. ———	109	Tab. XXIV. ———	747
Tab. V. ———	117	Tab. XXV. ———	803
Tab. VI. ———	123	Tab. XXVI. ———	827
Tab. VII. ———	149	Tab. XXVII. ———	868
Tab. VIII. ———	211	Tab. XXVIII. ———	873
Tab. IX. ———	221	Tab. XXIX. ———	877
Tab. X. ———	263	Tab. XXX. ———	903
Tab. XI. ———	435	Tab. XXXI. ———	441
Tab. XII. ———	471	Tab. XXXII. ———	951
Tab. XIII. ———	479	Tab. XXXIII. ———	1019
Tab. XIV. ———	491	Tab. XXXIV. ———	1055
Tab. XV. ———	523	Tab. XXXV. ———	1075
Tab. XVI. ———	557	Tab. XXXVI. ———	1111
Tab. XVII. ———	581	Tab. XXXVII. ———	1139
Tab. XVIII. ———	599	Tab. XXXVIII. ———	1179
Tab. XIX. ———	627	Tab. XXXIX. ———	1187
Tab. XX. ———	649	Tab. XL. ———	ad finem post Indicem.

CORRIGENDA

quae sensum turbant, &

A D D E N D A.

- pag. 10. lin. 21. *post* Bellostius, *adde*: Villar-
larius.
- p. 11. lin. 32. *post* Hoffmannus, *adde*: Vate-
rus.
- p. 12. lin. 2. *adde de tumoribus cysticis pe-
culiaribus*, autor in peculiari
dissertatione.
- lin. ultima *post* idem, *adde*: & ego
in dissert. peculiari de Sarcocoele.
- p. 13. lin. 7. *post* Callotus, *adde*: le Dran,
in libro, cui titulus, *Parallèle
des différentes manières.*
- lin. ead. *post* Celso, *adde*: Aegineta.
- lin. 9. quod & ego nuper feci in
Diff. de Lithotomiae Celsianae
praestantia.
- lin. 23. *post* Widemannia, *lege*: Man-
ningham, Bose aliique de Ob-
stetricum erroribus.
- p. 14. lin. 6. *post* Lambswerdus, *adde*:
Mauriceau.
- p. 16. lin. 7. *dele* ut.
- p. 18. in nota (a) lin. 3. *post* significare,
adde: *specillum pro ore*, nostrati-
bus *Mundspatel.*
- ibid. nota (c) *lege*: ex. gratia.
- p. 25. lin. 2. *lege*: qui, *pro* quae.
- p. 26. lin. 11. *lege*: sicubi.
- p. 30. lin. 17. *lege*: apti.
- p. 47. lin. 23. *post* natura, *lege*: & sibi relicta.
- lin. 33. *lege*: quibus grandiora vasa
laesa sunt.
- p. 53. lin. 13. *dele*: fere.
- p. 55. lin. 4. notae marginalis ultimae,
lege: non extrahenda sint.
- p. 56. lin. 10. *lege*: alius *pro* alii.
- p. 77. lin. 24. *pro* vulneris, *lege*: arteriae.
- p. 91. lin. 38. *lege*: sanie *pro* sanie.
- p. 96. lin. 31. *lege*: abfuerint.
- p. 98. lin. 10. *lege*: leniter.
- p. 103. lin. 7. *post* herniis, *lege*: ventralibus.
- p. 105. lin. 6. *post* cingendus, *lege*: ut
hernia ventralis avertatur.
- p. 115. lin. 6. *pro* nulla, *lege*: multa.
- pag. 118. lin. 15. *lege*: quae.
- lin. 36. *post* pulmones, *lege*: vel costas.
- p. 124. lin. 12. *lege*: jugulares internae.
- p. 133. lin. 2. *lege*: primo.
- p. 135. lin. 16. *lege*: frequentius.
- p. 136. lin. 5. *lege*: aliquam.
- p. 144. lin. 3. *post* fiunt, *lege*: sic enim.
- p. 146. lin. 33. *lege*: sine noxa restituta.
- p. 160. lin. 10. *pro* at, *lege*: ut.
- p. 164. lin. 1. *dele*: ut.
- lin. 16. *pro* tumidus, *lege*: timidus.
- lin. 35. *pro* nullus, *lege*: ullus.
- p. 176. lin. 37. *pro* propter, *lege*: praeter.
- p. 196. lin. 23. *pro* videtur, *lege*: est.
- p. 202. lin. 36. *lege*: ratione.
- p. 204. lin. 25. *dele*: sane protinus.
- p. 205. lin. 22. *add.* vel cingulum Petiti
Tab. X. fig. 8.
- p. 211. lin. 30. *dele* verba: interim aegri
&c. usque ad finem paragraphi.
- p. 216. lin. 1. *pro* an, *pone* quod.
- p. 224. lin. 21. *pro* si, *lege*: sic.
- p. 226. lin. 8. *lege*: quodam Altorsino.
- p. 228. lin. 33. *post* compressione, *adde*
partes vexant.
- p. 233. lin. ultim. *lege*: Monro.
- p. 234. lin. 36. *lege*: maxillas.
- p. 239. lin. 5. *lege*: aptissima.
- p. 247. lin. 13. *post* suis, *adde*: vel solis,
vel ope habenae E. fig. 3.
- p. 252. lin. 28. *pro* nunc, *lege*: olim Ser.
Ducis.
- p. 259. lin. 20. *pro* mensam, *lege*: fellam.
- p. 263. lin. 26. *pro* fig. 10. *lege*: fig. 6.
- p. 265. lin. 13. *post* aliisve, *adde* partibus.
- lin. 32. *lege*: oedematibus.
- p. 296. lin. 19. *post* scripserunt, *lege*: con-
firmant.
- p. 304. lin. 27. *dele*: carnem.
- p. 330. lin. 5. *post* solet, *lege*: si.
- lin. 34. *pro* qui, *lege*: quod.
- p. 334. lin. 25. *lege*: ipsimet mihi obser-
vare licuit.
- p. 339. lin. 1. *post* purgantia, *adde* prae-
sertim mercurialia. pag.

pag. 341. lin. 39. *lege*: piperitiden.
 p. 348. lin. 37. *dele*: notam integram sub littera (a).
 p. 365. lin. 20. *lege*: ab imperita.
 p. 378. lin. 42. *lege*: in maioribus.
 p. 397. lin. 22. *lege*: quoad.
 p. 398. lin. 25. *post* laqueum, *lege*: vel.
 p. 400. lin. 16. *pro* si mentis, *lege*: sive mentis.
 p. 416. in nota (b) lin. 6. *post* curiosa *lege*: p. 812.
 p. 418. lin. penult. *lege*: huc usque.
 p. 421. lin. 34. *lege*: binos aut tres digitos transversos.
 p. 422. lin. 3. *lege*: facta.
 — lin. 14. *lege*: hoc *pro* hanc.
 p. 423. lin. 6. *pro* specilli, *lege*: spatula Tab. I. Q.
 — lin. 18. *lege*: imbutum.
 — lin. 19. *lege*: expreßum.
 — lin. 33. *dele*: ut.
 — lin. 34. *lege*: compresso.
 p. 425. lin. 1. *lege*: Ligatura.
 p. 431. lin. penult. *lege*: clysmaticam.
 p. 432. lin. 36. *lege*: eod. argumento.
 p. 440. lin. 32. *post* videtur, *lege*: dum Ægyptii.
 p. 453. lin. 3. *lege*: deprehensum.
 p. 485. lin. 8. *post*. arteriae, *dele*: sine ligatura.
 p. 491. lin. 13. *lege*: experientiae.
 p. 493. lin. 7. *lege*: Claudini.
 p. 498. lin. 32. *lege*: eximi.
 p. 499. lin. 28. *lege*: educi possunt.
 p. 502. lin. 18. *lege*: glomer.
 — lin. 21. *lege*: orbiculata.
 p. 540. lin. 7. *lege*: permixto.
 p. 545. lin. penult. *post* aperiret. *adde* eis.
 p. 547. lin. 35. *post* paulatim, *adde* robori.
 p. 548. lin. 21. *lege*: atque ad id.
 p. 567. lin. 1. *lege*: liberati.
 p. 574. lin. penultim. *lege*: Scarificationes.
 p. 575. lin. 9. *lege*: scarificationes.
 p. 582. lin. 29. *pro* Δ , *lege*: aquae.
 p. 587. lin. ultim. *pro* supradare, *lege*: superaddere.
 p. 609. lin. 4. *lege*: nonnullas quae &c. auctae.
 — lin. 6. *lege*: lividae.
 p. 617. lin. ultim. *lege*: hic.
 p. 618. lin. 17. *lege*: quia.
 p. 621. lin. 15. *lege*: iniectae.
 p. 666. lin. 21. *lege*: eximi debeat.

pag. 667. lin. 18. *lege*: quaedam.
 p. 697. lin. 23. *lege*: deligatus emplastris.
 p. 700. lin. 22. *lege*: posse.
 p. 701. lin. penult. *lege*: existimantes ita.
 p. 702. lin. 24. *lege*: & quarum infantes.
 p. 713. lin. 11. *lege*: quae, *pro* qui.
 p. 721. lin. 46. *lege*: iique.
 p. 732. lin. 46. *lege*: Catholicae.
 p. 734. lin. 16. *lege*: oriuntur. ibid. *lege*: nuncupantur.
 — lin. 21. *lege*: ex latere.
 — lin. 27. *lege*: ortum.
 — lin. 28. *lege*: ventriculus.
 p. 736. lin. 1. *lege*: inveterati.
 — lin. 2. *lege*: includunt.
 p. 737. lin. 12. *lege*: molestum. ibid. *lege*: perniciosum.
 p. 738. lin. 15. *lege*: paucas.
 — lin. 24. *lege*: factas.
 — lin. 33. *lege*: sed si.
 p. 740. lin. 12. *pro* verum *lege*: rerum.
 p. 741. lin. 12. *lege*: incidere conducit.
 — lin. 16. *lege*: exhibet.
 p. 764. lin. 21. *pro* hunc, *lege*: hic. ibid. *lege*: modus.
 p. 772. lin. 31. *lege*: hydro-enterocele.
 p. 781. lin. 21. *lege*: quandam.
 — lin. 22. *post* 1721. *adde*: habuit.
 p. 788. lin. 5. *lege*: vesica.
 p. 791. lin. 3. protestatur, *lege*: asseverat.
 p. 793. lin. 7. *lege*: superaddentur.
 — lin. 23. *lege*: pernicioso.
 p. 807. lin. 34. *pro* nullo, *lege*: multo.
 p. 845. lin. 26. *lege*: non tantummodo.
 p. 856. lin. 44. *lege*: magno qui utitur.
 p. 860. lin. 6. *lege*: spatium.
 p. 862. lin. 36. *lege*: has difficultates.
 p. 863. lin. 9. *lege*: MARIANO.
 p. 882. lin. 84. *lege*: instauratum.
 p. 904. lin. 18. *dele*: suam.
 p. 907. lin. 2. *lege*: toleret.
 — lin. 17. *lege* scriptis (b) refert.
 p. 909. lin. 29. *pro* cum *lege*: cum.
 p. 917. lin. 40. *pro* hic, *lege*: hunc.
 p. 926. lin. 10. *lege*: publicis traditae.
 p. 933. lin. 27. *pro* ut, *lege*: quod.
 p. 935. lin. 3. *lege*: inventam constat.
 — lin. 8. *lege* revocavit & falsa proclamavit.
 — lin. 24. *lege*: educi queat.
 p. 953. lin. 30. *lege*: Paedioctonia.
 p. 958. lin. 34. *pro* speculo oculi, *lege*: speculo uteri.

C O R R I G E N D A.

- | | |
|--|---|
| <p>pag. 961. lin. 41. <i>post</i> praeciderit <i>adde</i>:
hunc morbum curarunt.</p> <p>p. 967. lin. 24. <i>dele</i> potius.</p> <p>p. 968. lin. 6. <i>lege</i>: ea <i>pro</i> eam. <i>ibid.</i> <i>lege</i>:
possit, <i>pro</i> posse.</p> <p>—— lin. 16. <i>lege</i>: proferat.</p> <p>p. 970. lin. 36. <i>lege</i>: urinae.</p> <p>p. 973. lin. 38. <i>pro</i>: obliqua <i>lege</i>: obli-
quum.</p> <p>p. 977. lin. 1. <i>lege</i>: intestino recto, oc-
ciput vesicae.</p> <p>p. 982. lin. 41. <i>post</i> p. 397. <i>adde</i> publici
juris feci.</p> <p>p. 998. lin. 21. <i>lege</i>: deprehendantur.</p> <p>—— lin. 22. <i>lege</i>: exhibeat.</p> <p>p. 1000. lin. 9. <i>lege</i>: protrahendus.</p> <p>p. 1004. lin. 24. <i>post</i> haerente, <i>lege</i>: ex-
trahendi.</p> <p>p. 1010. lin. 21. <i>lege</i>: foetum eas feliciter.</p> <p>p. 1028. lin. 15. <i>lege</i>: superest auxilium.</p> <p>p. 1028. lin. 28. <i>lege</i>: aegre.</p> <p>—— lin. 29. <i>lege</i>: maneant.</p> <p>—— ead. lin. <i>lege</i>: reprimant.</p> | <p>pag. 1028. 29. lin. <i>lege</i>: maiores..</p> <p>p. 1033. lin. 27. <i>lege</i>: positum.</p> <p>p. 1035. lin. 23. <i>dele</i>: eadem.</p> <p>p. 1037. lin. 37. <i>lege</i>: abhorrens omni.</p> <p>p. 1043. <i>lege</i>: tubulum plumbeum.</p> <p>p. 1048. lin. 12. <i>pro</i> ita, <i>lege</i>: hinc.</p> <p>p. 1049. lin. 9. <i>lege</i>: a Chirurgo.</p> <p>—— lin. 13. <i>lege</i>: ligetur vel rescin-
datur.</p> <p>—— lin. 14. <i>lege</i>: repetatur.</p> <p>—— lin. penult. <i>pro</i> est, <i>lege</i>: sit.</p> <p>p. 1062. lin. 31. <i>lege</i>: quocunque.</p> <p>p. 1083. lin. 6. <i>lege</i>: lympham quandam.</p> <p>p. 1088. lin. 10. <i>lege</i>: fuisse.</p> <p>p. 1145. lin. 18. <i>lege</i>: vincturae.</p> <p>p. 1148. lin. 9. <i>lege</i>: potest.</p> <p>p. 1150. lin. 14. <i>lege</i>: marsupii.</p> <p>p. 1159. lin. 33. <i>lege</i>: quoquo.</p> <p>p. 1170. lin. 10. <i>pro</i> opus sunt, <i>lege</i>: re-
quirentur.</p> <p>—— lin. 16. <i>lege</i>: linamentoque.</p> <p>p. 1184. lin. 14. <i>pro</i> adscribens, <i>lege</i>: de-
scribens.</p> |
|--|---|

Atque haec sunt errata typographica potiora, quae in perfectione hujus operis deprehensa sunt, & quae sensum turbare posse existimavi; leviora omnia hic notare vix operae pretium esse putavi, quia a quovis facile deprehenduntur. Hoc solum adhuc moneo, quod correctores hujus editionis minus in hodierna scribendi ratione versati, innumeris in locis vulgaria nomina substantiva, imo etiam saepe adjectiva, imo adverbia, quae, ut par est, vulgaribus parvis literis in editione priori recta impressa erant, in hac contra meam mentem & consuetudinem litteris majusculis imprimi curaverint, atque sic librum hunc hoc ipso valde deturpaverint: ut: Adulti, Aegroti, Fractura, Humerus, Infantes, Juniores, Luxatio, Ministri Chirurgorum (quasi Ministri Principum essent), Pueri, Recentiores, Veteres, & innumera alia ejusmodi. Ita meam scirrhi antiquam scriptionem mutarunt saepe in schirrhum & sphacelum etiam saepe alia ratione scripserunt, atque vel ex sola praefatione mea ad Lectorem ultra quinquaginta ejusmodi errorum specimina, & in reliquo libro aliquot millia deprehendi pos-
sunt, quae ne mihi lectores vitio vertant, amice rogo.

A D D E N D A.

P. 490. in explicatione fig. 3. in fine addatur, C. est fascia convoluta, quae interiori lateri femoris pro arteria ejus comprimenda imponitur, & D splenium circulare cum laqueo torcularis, quae femur hic ambiunt, pro arteria hac, ante amputationem tibiae vel femoris probe comprimenda, ut nimia sanguinis profusio in hac operatione prohibeatur.

Ibidem

Ibidem in explicatione fig. 5. in fine addatur: E ostendit locum ubi torcular in femore sinistro bacillo contorquendum.

Pag. 826. post explicationem Fig. 10. add. Fig. 11. Calamus anserinus repraesentatur, ita adaptatus, ut in mulieribus urina suppressa, deficiente cathetere, urina evocari e vesica possit.

A. apex, qui aliquo modo apertus esse debet, & qui ad dimidiam quasi partem per urethram in vesicam, oleo prius inunctus dimittendus est, B. foramen, per quod urina effluere debet. C. ea calami pars, quae in hac curatione pro manubrio inservit.

A P E N D I X

Librorum quorundam chirurgicorum, quibus meam interea Bibliothecam chirurgicam auxi, cum ob morbum & mortem bibliopolae aliasve ob causas absolutio huius libri per longum tempus protraheretur.

Estatutos del Real Colegio de Profesores Cirujanos de Madrid, aprobados por S. M. en Madrid, en la imprenta de Juan de Zuniga 1747. in 4.

Acuerdos del Real Colegio de Profesores Cirujanos de Madrid, aprobados por S. M. en Madrid. En la imprenta de Antonio Marin 1748. 4.

Chirac Observations de chirurgie sur la nature & le traitement des Playes, 12. Paris, 1742.

Daran Observations chirurgicales sur les maladies de l'urèthre traitées suivant une nouvelle méthode, 12. Paris, 1749.

Fonteyn (Jean) Lessen betreffende de konst der chirurgie, belgice. Amsterdam, 1651.

Genga (Bernhardino), *cirugia di Hippocrates*, y comentarios sobre sus aphorismos pertenecientes a la cirugia: escritos en italiano por el Doctor *Bernhardino Genga*, cirujano primario del Hospital de santi Espiritus de la Ciudad de Roma, Y los traduce en Castellano Don *Andres Garcia Vasquez*, cirujano de Familia del Rey nuestro Senor, con exercicio. Y la dedica al muy illtre Senor DD. *Josepb Cervi* Medico primario de sus Magestades &c. Con aprobacion del Real Tribunal del proto Medicato y las licencias necessarias, Madrid, 4. 1744.

Genga (Bernhardino) *Anathomia chirurgica reformada*, que contiene la Historia anathomica de los Hueffos, y musculos del Cuerpo humano, con la descripcion de los vasos, que corren en las partes interiores, y exteriores, ilustrada con las estampas precisas, para su Mayor inteligencia, y un breve tratado de la circulacion de la sangre, adornada de muchas, y muy utiles reflexiones patologicas, y singulares observaciones chirurgicas, con las Notas suficientes, para la inteligencia de la mejor practica. Escrita en italiano por *Bernhardino Genga*, Doctor en Medicina, y Cirugia, Cirujano primario, y Professor de Anathomia en el Venerable Archi Hospital de Santi Spiritus de Roma, y traduce en Castellano Don *Andres Garcia Vasquez*, Cirujano del Fa-

milia del Rey nuestro Señor, con exercicio. Y la dedica al muy illustre Señor DD. *Joseph Cervi*, Medico primario de sus Magestades. Con Aprobacion del Real Tribunal del Proto Medicato, y las licencias necessarias, Madrid, 1744. 4.

Guifard l'art de guérir les Playes, Paris 1742. 12. edit. II.

Heister (Lorenzo) *Instituciones chirurgicas*, O Cirugia completa universal, don se de tratan, con la major claridad, todas las cosas pertenecientes a esta Ciencia, tanto de las Doctrinas antiguas, como de las modernas, ilustrada con gran numero de laminas finas, y muy puntuales, que demuestran al natural todos los mas precisos Instrumentos, y Operaciones chirurgicas, Trabajo, y Estudio, en que por espacio de quarenta Annos se empleo & des velo del Doctor D. Lorenzo Heister, primier Medico, Cirujano, y Consejero Aulico del Duque de Brunsvich, y Luneburg, &c. Cathedratico de Medicina, Cirugia, Anathomia, y Botanica, en la Universidad Juliacense de Helmsted. Traducida de la Lengua latina, y Anadida, segun la ultima impressiion del Autor, por D. Andres Garcia Vasquez, Cirujano de Familia de su Magestad. Quien por mano del Exmo Señor Don *Joseph de Carvaial* y Laneaster, Decano del Consejo de Estados, &c. la dedica al Rey nuestro Señor. Tomo I. Madrid. 1747. 4 Royal cum fig.

Ejusdem Tomo segundo, five Tomus II. ibidem 1748. cum figuris.

Levret Observations sur la cure radicale de plusieurs Polypes de la matrice, de la gorge & du nez, par Mr. *Levret*, 8. Paris 1749 avec figures.

Louis observations & remarques sur les effects du cancereux, Paris. 1749. 8.

Martinez (Martin) *Medicina sceptica y Cirugia moderna*, con un tratado de operaciones chirurgicas Tomo I. Quellaman tentativa medica compuesto por el Doct. D. *Martin Martinez*, Medico honorario de Familia del Rey N. Señor, Professor de Anatomia, Examinador del Real Proto Medicato, Socio, y segunda vez-Presidente de la Regia Sociedad Medico-Chimico de Sevilla, Medico del Exellentissimo Señor Archobispo de Valencia, Presidente de Castilla. Segunda impressiion. An adida con una Apologia del Rmo P. M. Fr. *Benito Feyoo*. Dedicado al Exmo Señor. D. *Andreas de Orbe* y Larrealegui, meritissimo Obispo de Barcellona, al presente Arcobispo de Valencia, y Presidente del Supremo Consejo de Castilla, &c. Madrid. 1722. 4. cum effigie autoris.

Martinez (Martin) *Anathomia completa del hombre* contodos los hallazgos, nuevas doctrinas, y observaciones raras hasta el Tiempo presente, y muchas advertencias necessarias para la Cirugia: segun & methodo con que se explica en nuestro Theatro de Madrid por el Doct. D. *Martin Martinez*, Medico de Camara de su Magestad, Socio, y Ex-Presidente de la Regia Saciedad de Sevilla. Profess. publ. de Anatomia, y Examinador que fue de su Real Proto-Medicato. Madrid. 1745. 4.

Menard (Jaque) *Wegweiser der gebürts Helfer*, five Hodegus obstetricantium, Hassniae. 8. 1748.

Nanoni (Angelo) trattato chirurgico delle Malattie delle Mannuelle 4. sive de morbis mammarum, Florentiae 1726.

Pasta (Andreas) discorso medico chirurgico intorno al flusso di sangue d'all' utero delle donne gravide, 8 in Bergamo 1748. sive de fluxu sanguinis ex utero.

Quesnay Traité de la suppuration, 12. Paris. 1749.

— Traité de la gangrène, 12. Paris. 1749.

Storchii (Jo.) Instructio pro Obstetricibus. 8. Gothae sine anno, Germanice.

Traité des Hernies ou descentes, 8. à Paris. 1749.

Villars Cours de Chirurgie par Mr. de Villars, Tom. IV. à Paris 1738, 12.



THE UNIVERSITY OF CHICAGO

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
U.S.A.
TEL. 773-936-5000
FAX 773-936-5000
WWW.CHICAGO.EDU

